



New Testament

Bassari Language

Bassari - Bible - New Testament

Old Testament	
Añanar	3
New Testament	
Maco	103
Marëk	172
Luk	215
Ŝaŋ	288
Bandixa	340
Bërom	408
1 Bëkoreŋët	438
2 Bëkoreŋët	467
Bëgalat	486
Bëhefes	496
Bëfilip	506
Bëkolos	514
1 Bëtesalonik	521
2 Bëtesalonik	528
1 Timote	532
2 Timote	541
Tit	547
Filemoŋ	551
Bëšëwif	553
Ŝak	575
1 pleyer	583
2 Piyer	591
1 Ŝaŋ	596
2 Ŝaŋ	604
3 Ŝaŋ	605
Yud	607
Andofakel	610

Bassari - Bible - New Testament

Añanar

Añanar 1

End eñana eñ

- ¹Gër ÿanar, Kaxanu necëtëguk orën ol do gë ebar el.
- ²Ebar el er hi bax sode-sode, do wafërëluñ. Ecamëdan fo xëñ bax gër ambëxw atiŵax año, do onjën ond Kaxanu oñ bax xerëkerarand yañ gër amen.
- ³Kaxanu re ko: «Gil ex angoben añ!» Ata hik angoben añ.
- ⁴Kaxanu wat ko mēne angoben añ eyekax ex. Şapëreli ko angoben añ do gë ecamëdan el.
- ⁵Kaxanu ŵac ko angoben añ «Goyat», do ecamëdan el «Gëmëd». Ata ga ŵëdëk do xeyëk, hik akey añanar añ.
- ⁶Kaxanu re ko: «Gil ex anguxar mërëxand ir amen do ex capëreli amen añ ja mërëxand!»
- ⁷Ata Kaxanu ri ko yañ anguxar añ. Şapëreli ko amen and hik dila gër anguxar añ gë amen and hik yañ gër anguxar añ. Ata hik mondako.
- ⁸Kaxanu ŵac ko anguxar añ «Orën». Ata ga ŵëdëk do xeyëk, hik akey akinëm añ.
- ⁹Kaxanu re ko: «Amen and hik dila gër anguxar añ barërëlex bebët ibat, do canayal ex eperëk el.» Ata hik mondako.
- ¹⁰Kaxanu ŵac ko eperëk el «Ebar», do amara and amen añ ŵac ko «Angwëngw». Ata Kaxanu wat ko mēne aye yek.
- ¹¹Kaxanu re ko: «Ebar el dëwëlex bebëlëg, ondës ond gë enëda, gë batëx bañamb yamb, band gë enëng gë enëng, do gë benëda bendebën ak.» Ata hik mondako.
- ¹²Ebar el rëwëk bebëlëg, ondës ond gë benëda, batëx bañamb yamb band gë enëng gë enëng, do gë benëda bendebën ak. Kaxanu wat ko mēne aye yek.
- ¹³Ata ga ŵëdëk do xeyëk, hik akey atasën añ.
- ¹⁴Kaxanu re ko: «Gil ex bangoben gër anguxar and orën, ex pitëndëraxënënd goyat in, do gë gëmëd in. Bangoben baño kë hi bananganëme band opëna, gë bakey, do gë bëniy.
- ¹⁵Elod yañ gër anguxar and orën ñobayindëlex ebar el!» Ata hik mondako.

- 16**Kaxanu ri ko bangoben batëm baki: atëmënak aŋ ex ɲobaxënënd goyat, do atil aŋ do gë oŵal oŋ ex ɲobaxënënd gëmëd.
- 17**Kaxanu xaŵ ko bangoben baŋo gër anguxar and orën ex ɲobaxënënd ebar el,
- 18**ex ɲobaxënënd, aŋo goyat do baŋo gëmëd, do ex pitëndëraxënënd angoben aŋ do gë ecamëdan el. Kaxanu wat ko mène aye yek.
- 19**Ata ga wëdëk do xeyëk, hik akey anaxën aŋ.
- 20**Kaxanu re ko: «Bëmacar bëŋ ñëmbërëlexëni gër amen, do ošël ol cëgërayindëlexëni y'aŋ gër ebar, gër anguxar and orën!»
- 21**Kaxanu nəcëtëgu këbi boñey bond gër angwëngw boŋ, gë dek bebëbëngw do këni šangënarand bën. Nəcëtëgu këbi bëte bebër yëmbër bax gër amen bën, gë benëng bendebën ak, do gë ošël ol, gë benëng bendebën ak. Ata Kaxanu wat ko mène aye yek.
- 22**Kaxanu yël këbi obetak ol and re ko: «Cënarin, ñëmbërin do pëxwin gër amen, polo gër angwëngw. Do ošël ol ñëmbërëlexëni gër ebar!»
- 23**Ata ga wëdëk do xeyëk, hik akey anjoxën aŋ.
- 24**Kaxanu re ko: «Ebar el dëwëlebi bebëbëngw, gë benëng bendebën ak: oyel ol, gë banjën baŋ, gë oŵacar obapuỹ ol, er ex yo gë enëng endexëm ak!» Ata hik mondako.
- 25**Kaxanu ri këbi oŵacar obapuỹ ol, gë benëng bendebën ak; oyel ol gë benëng bendebën ak; do gë dek banjën band gër ebar baŋ, gë benëng bendebën ak. Ata Kaxanu wat ko mène aye yek.
- 26**Kaxanu re ko: «Dinëbëne tan bela bën gër eñaŵ endebi, eni mëndër gë biyi, enëbi bëñaxënënd oxan or gër angwëngw ol, ošël or kë šëgërand gër orën ol, gë oyel ol; eni bëñaxënënd ebar el dek, do gë dek banjën band kë šangënarand gër ebar baŋ.»
- 27**Kaxanu nəcëtëgu këbi bela bër ex eñaŵ endexëm bën. Nəcëtëgu këbi gër eñaŵ end Kaxanu: asošan do gë asoxari.
- 28**Kaxanu yël këbi obetak ol and re ko: «Dëwërin mbaŋ, ñëmbërin, dëgërayin në er ex yo, do bëñayin ebar el. Bëñayinëbi oxan or gër angwëngw ol, ošël or kë šëgërand gër orën ol, do gë dek oŵacar or kë šangënarand gër ebar ol.»
- 29**Ata re ko Kaxanu: «Anëka yël këmun dek ondës ond gër ebar oŋ, gë benëda bendebën ak, dek batëx bañamb y'amb baŋ, gë benëda bendebën ak, ex gi ey'amb edewën el.
- 30**Emacar end ex yo gër ebar, acël and kë šëgërand yo y'aŋ gër orën, er kë šangënarand gër ebar do hik gë onjën yo, dek ondës ocëkët oŋ ex ey'amb y'amb edewën el.» Ata hik mondako.

³¹Kaxanu wat ko dek er ri ko in mēne mbaŋ ye bax. Ata ga wēdfēk do xeyēk, hik akey anjongamatēn aŋ.

Añanar 2

¹Mondako faŋ ko Kaxanu edi ed orēn, gē ebar el, do gē dek bebēr ex polo gēr ndebēn bēn.

²Yatir akey anjongakinēm, Kaxanu anēka faŋ baxo dek andiyen and ri baxo aŋ. Gē akey anjongakinēm aŋ faŋ baxo Kaxanu andiyen and ri ko aŋ. Ata gē akey anjongakinēm aŋ seyēta ko dek andiyen and ri ko aŋ.

³Kaxanu ri ko akey anjongakinēm aŋ akey acēbax, akey and xwēn ko. Gayikwa yatijo seyēta ko dek andiyen and enēcētēgu ed beŷ aŋ.

End andēda and Eden eŋ

⁴Mondako bax endey end orēn do gē ebar eŋ and nēcētēgu ko Kaxanu aŋ. Yatir ri ko Axwēn Kaxanu orēn ol do gē ebar el,

⁵ado acēc aŋ dēŋ ax gi bana pere gēr ebar. Bēte endēs gematak ax dēg bana pere. Gayikwa Axwēn Kaxanu axo mēlaw bana pere tēb iŋ gēr ebar, do ala ax gi bana ar kē ŷandēra.

⁶Barikan añēsa and men bax lejēnd gēr ebar, do bax xoŝand dek añangēŷang and ebar aŋ.

⁷Axwēn Kaxanu bay kēŋo asoŝan gē obar ok. Fif kēŋo gēr ocēn onjēn ond kē yēlēnd aniyān oŋ. Ata hi ko ala abēngw.

⁸Axwēn Kaxanu ri ko andēda gēr ebar ed Eden, gand apēn-eñan, do xwēt kēŋo asoŝan ar bay baŋo an.

⁹Axwēn Kaxanu nēcētēgu ko gēr ebar dek batēx baŋ, gē benēng bendebēn ak, batēx band ye bax owat, do nēnga bax eyamb. Ata ŝit gēr batēx baŋo, lēg bax mērēxand ir andēda atēx and kē yēlēnd aniyān aŋ, gē atēx and kē yēlēnd enang ed enjekax do gē eñēŋenax aŋ.

¹⁰Yeb ebax na gēr ebar ed Eden ir bax ŷēmēnd yabēt obēŋa ok, do bax xoŝand andēda aŋ. Ata na gēr andēda ŝapēr bax yeb ijo bambana banax.

¹¹Ambana añanar aŋ bani wācēnd Piŝoŋ. Mēŋ bētak dek ebar ed Afila el, gēr ed ex kaŋe,

¹²kaŋe iwēnēk in. Na gēr ebar elo fo ex bēte angiri ir kēni wācēnd bēdeliyom in do gē ekaŷ ekēbēnaxik ed kēni wācēnd onikēs.

¹³Ambana akinēm aŋ bani wācēnd Gixoŋ. Aŋo bētak ebar ed Kuŝ el.

¹⁴Ambana atasēn aŋ bani wācēnd Tigēr, aŋo bax fesēnd apēn-eñan and gēr ebar ed Asiri. Ambana anaxēn aŋ bani wācēnd Ēfērat.

- ¹⁵Axwën Kaxanu wëd kënjo asoŝan an, do xwët kënjo gër andëda and Eden exo ñanënd do exo nëkonand.
- ¹⁶Ata Axwën Kaxanu fel kënjo asoŝan an: «Axor këy xor ey yambënd dek batëx band gër andëda bañ.
- ¹⁷Bari atëx and kë nangënënd enjekax do gë eñjënax añ, ax gi ex na moñamb. Gayikwa ašes këy šes yatir këy yamb.»
- ¹⁸Ga xucak eñjo, Axwën Kaxanu re ko: «Ax ye ex na wa asoŝan an exo gi gabat. Dinëlemo arëcara ar këni yana eni pabërënd.»
- ¹⁹Axwën Kaxanu bay këbi gë obar dek oŵacar or gër apuỹ ol, do gë dek bacël band kë šëgërand gër orën bañ. Šëñëta këbi end asoŝan eñjo exo wat ba mondake këbi wacëra. Do er gë onjën yo, exo gi gë oŵac or kënjo yël asoŝan an.
- ²⁰Asoŝan an yëlëra këbi omac dek oyel ol, dek bacël bañ, do gë dek oŵacar ol. Bari emacar gematak añjo wat bana end kë hi arëcara ar këni yana eni pabërënd.
- ²¹Axwën Kaxanu lapan kënjo asoŝan an akwëd atëm, asoŝan an raš kënjo lëb. Šosëta ko anjaŵ amat gër ambëb and asoŝan, do wäš ko oyas ok.
- ²²Gë anjaŵ and šosët ko gër asoŝan añ, Axwën Kaxanu ri kënjo asoxari, do wëla kënjo gër asoŝan.
- ²³Ata asoŝan an ga wat kënjo, re ko: «Dodo nëkodoŋ ngwa ar ex šapar ir šapar iram an, ar ex eman end eman endam an. Asoxari këno yana eno macënd gayikwa gër asoŝan šosëtagu këno.»
- ²⁴Mëñ ex, asoŝan an ñawëtalebi nëm gë sëm eni baraxën gë asoxari arexëm an, do eni gi eman emat.
- ²⁵Ata asoŝan an do gë asoxari arexëm an hi këni bën tak bëxi tëb gë beman beñ, bari ababi šëfënanänder na.

Añanar 3

End eñjënax gër ngwën eñjo

- ¹Andën añ ebax emacar end siti bax nëmëc gër dek oŵacar obapuỹ or bay këbi Axwën Kaxanu ol. Akey amat, ga sëka kënjo asoxari an, wëka kënjo: «Kaxanu dëñ nde rek: “Wën këren yambënd na dek batëx band gër andëda bañ?”»
- ²Asoxari an yaka kënjo andën añ: «Biyi axor xor këmi mi yambënd batëx band gër andëda bañ.
- ³Barikan atëx and hik mërëxand gër andëda añ, Kaxanu ga re ko: “Wën këren yambënd na, këren kwixwëtaď na. Ga yamb yamb kën, and kën šes ex de!”»
- ⁴Ata andën añ fel kënjo asoxari an: «Adokiñ an cës na!

- ⁵Barikan Kaxanu ga nang ko mēne yatir kēn yamb, bangēs bandewēn baŋ kē watēra. Ata en gi ang Kaxanu fo, en nang enjekax eŋ do gē eñēñenax eŋ.»
- ⁶Asoxari an wat ko mēne atēx aŋ anēnga kē nēnga eyamb el ga yek ako owati ol. Ga yāndi kēŋo onangēran or kē yēlēnd ol, xwēca ko do yamb ko. Yēl kēŋo icēn indexēm ind xetēna baŋo iŋ; mēŋ bēte yamb ko.
- ⁷Ata bangēs bandebēn baŋ watērak ga fodēt kēbi, ata nang kēni mēne tēb gē beman beŋ hi kēni. Ban kēni opat od andan do xura kēni.
- ⁸Ata wēlēgu kēno Axwēn Kaxanu ga ko bētara andēda aŋ gē ingoc ind genēka iŋ. Asošan an do gē asoxari arexēm an ye kēni, yafēx kēni šit gēr batēx band gēr andēda, kēdi kēbi wat Axwēn Kaxanu.
- ⁹Axwēn Kaxanu ga kēŋo wāc asošan an, wēka kēŋo: «Feye wa hi kēy?»
- ¹⁰Mēŋ yakaw ko: «Ga wēlēgu kēmi gēr andēda, ata yēdara kēme gayik tēb gē eman eŋ hi kēme, awa mēŋ yafaxēn kēme.»
- ¹¹Axwēn Kaxanu re ko: «Noŋo wa nangēn ki mēne tēb gē eman eŋ hi kēy? Ba yamb kēy nde atēx and šēban bami eyamb aŋ?»
- ¹²Yakaw ko asošan an: «Asoxari ar wēlanēgu kēye an, yēl ke atēx aŋ, do yamb kēme.»
- ¹³Axwēn Kaxanu wēka kēŋo asoxari an: «Ineŋa rixēn kēy eŋo?» Yakaw ko asoxari an: «Andēn aŋ yifa ke, do yamb kēme.»
- ¹⁴Axwēn Kaxanu re kēŋo andēn aŋ: «Awa wēj gayikako eŋo ri kēy, anēka wē ki gēr oyel dek, do gēr oŋacar or gēr apuŋ dek. Gē acēl andey aŋ kēy yāna ey nēxērānd, do ey bēlēnd ebēkwērēbēkw el ang kē nēka bakey bandey ak.
- ¹⁵Wēno kē ri angoŋēra and wēj do gē asoxari aŋ, angoŋēra and andēwēra andey aŋ, do gē andēwēra andexēm aŋ. Ar andēwēra andexēm an ki sēkan bēlēbēl gaf in, do wēj eyo ŋat gēr etak.»
- ¹⁶Axwēn Kaxanu re kēŋo bēte asoxari an: «Abaš kēme baš toro ind bacēl bandey iŋ, gē ayambēn kēyēbi yāna eyēbi dēwēnd obaš ol. Oñandi odey ok gēr icēn indey kē hi, do mēŋ ki wēña.»
- ¹⁷Axwēn Kaxanu re kēŋo bēte asošan an: «Gayikako asoxari arey an baxēt kēyo, do yamb kēy atēx and šēban bami eyamb aŋ, ebar el aŋe kē wē nē endey; gē ayambēn kēy yāna ey nēcētēnd eyamb yamb irey in dek bakey band aniyān andey baŋ.
- ¹⁸Odēmbēn do gē ondēs kē yāna exi dēgēnd, do bebēlēg bēr gēr apuŋ kēy yāna ey yambēnd.
- ¹⁹Gē asēwētēwa ir dēxas irey in kēy yāna ey cotēnd eyamb yamb in, xali ey baka gēr ebar ed gēr ed nēcētēgu kēmi; gayikwa obar hi kēy, do gēr ebar kēy baka.»

²⁰Ga xucak eņo, asoŝan an yël kēņo asoxari arexēm an oŵac or «Xawa», mēne ngēņ «Abēngw», gayikwa mēņ ex nēm ir dēk bēr kē liyand bēn.

²¹Axwēn Kaxanu rin kēbi bacuđ band banar, do asoŝan an gē asoxari an ŝudara kēni.

²²Axwēn Kaxanu re ko: «Ala an anēka hi ko ang biyi ak gēr enang ed enjekax do gē eñēņenax. Gērēgako, kērexo kwēca na bēte atēx and kē yēlēnd aniyān aņ, exo yamb, do exo dīya din ir din!»

²³Axwēn Kaxanu ŵaỹ kēbi asoŝan an do gē asoxari an eni can andēda and Eden aņ, do asoŝan an exo ñanēnd ebar ed gēr ed nēcētēgu kēņo el.

²⁴And ŵaỹ kēbi bela aņ, Axwēn Kaxanu xwēt kēbi gand apēn-eñan and andēda and Eden Ocerubeņ do gē duxuma ir gē okoduđ ir kē ŝenarand. Mondako ŝēng ko fēña ir gēr atēx and kē yēlēnd aniyān in.

Añanar 4

Endey end Kaỹe do gē Abel eņ

¹Ga xucak eņo, Adam, asoŝan an, nangēr kēni gē alindaŵ Xawa. Alindaŵ hi ko gē acēl, rēŵ kēņo itoŝan, do ŵac kēno Kaỹe. Gayikwa are re baxo: «Ala rēŵ kēmo, gē edēca ed Axwēn Kaxanu el.»

²Rēŵ kēņo bēte itoŝan, abinēm ar Kaỹe, do ŵac kēņo Abel. Abel hi ko axwēl ar obeci do gē opeỹ, do Kaỹe hi ko aỹan.

³Ga niyitarak, Kaỹe ŵēlan kēņo Axwēn Kaxanu ŝadaxa ir er xana baxo gēr ebar in.

⁴Abel mēņ bēte, ŵēlan kēņo ŝadaxa ir bēñanar bēnd oyel orexēm, gē onil ondebēn ak. Axwēn Kaxanu nēngan kēņo end Abel eņ, do xana ko ŝadaxa irexēm in.

⁵Bari aņo nēngan bana end Kaỹe eņ, do axo kana bana ŝadaxa irexēm in. Ata Kaỹe xoỹ ko mbaņ, yēņēnin ko dēxas irexēm in.

⁶Axwēn Kaxanu ŵēka kēņo Kaỹe: «Ineŵa xoỹaxēn kēy? Ineŵa yēņēninaxēn kēy dēxas irey in?»

⁷Kido ŝenene ri bay, arēnēta rēnēta doy. Bari gayikako ay di ex na ŝenene, eñēņenax eņ mokaŝ xaŝ ki gēr ebēt edey ga yāndi kēņo exi bēña. Barikan wēj wa yāpēk eyo bēña!»

⁸Kaỹe yeyaneli kēņo Abel abinēm, ga hi bani gēr apuỹ, Kaỹe ŵēlēn kēņo Abel abinēm, do laŵ kēņo.

⁹Ata Axwēn Kaxanu ŵēka kēņo Kaỹe: «Feye exo abinēx Abel?» Kaỹe yaka ko: «Ame nang ex na. Ba wēno nde ex anēkona ar abaỹe an?»

¹⁰Re ko bēte Axwēn Kaxanu: «Ine ri kēy? Nē ewēleme oŝat or abinēx oņ ga kē xeỹēgund elod gēr ebar xali gēr ndam ro.

- 11**Gërëgako wěj anëka wë ki, caw këy ħawëta ebar ed hëlëk ošat or abinëx el.
- 12**And këy ýan ebar aŋ, ýoweý ay ñana na ey kanand. Ar edëg këm këy hi, asëk ay/exërand fo këy ýana ey y/exërand gër ebar.»
- 13**Ata Kaýe yaka këŋo Axwën Kaxanu: «Amena andam aŋ mbaŋ sibëk, ame kor na me buŋa.
- 14**Anëka këye wăyënd doro, me ŋawëta ebar ed bame ýanënd el. Aýafëra këmi ýana mi ñafërand, do din ame wat na dëxas irey in. Ar edëg këm këme hi, asëk ay/exëra fo këme ýana me y/exërand gër ebar. Do angëmëne mi ped gë ala, exe đaw̃.»
- 15**Axwën Kaxanu yaka këŋo: «Angëmëne ala eŋo đaw̃ Kaýe, bakëlëbëd banjongëbaki këno wăšan.» Axwën Kaxanu laram ko nanganëme gër Kaýe eni watënd bër këni fedënd bën, këdi këno law̃.
- 16**Ata Kaýe ga xani ko eŋo ŋawëta Axwën Kaxanu, ye ko lëgëx ko gër ebar ed Nod, gand apën-eňan ed andëda and Eden.

End bërändëwëra bër Kaýe eŋ

- 17**Kaýe nangër këni gë alindaw̃. Ata alindaw̃ hi ko gë acël, rëw këŋo Enok. Kaýe bay ko angol, do wăcan këŋo asëniw̃ Enok.
- 18**Enok hi ko sëm ir Irad, do Irad, sëm ir Mexuyahel. Mexuyahel hi ko sëm ir Metušahel, do Metušahel, sëm ir Lemek.
- 19**Lemek ýër këbi bësoxari bëxi: aýanar an Ada, do axinëm an, Tëсила.
- 20**Ada, asoxari aýanar an, rëw këbi bëtošan bëki: Yabal do gë Yubal. Yabal hi ko axarëk ar bëxwël bër oyel do këni rëfarand laŋ.
- 21**Do Yubal mënŋ, hi ko axarëk ar bësëmb bër bemangi do gë bëfarix bër bacëroti an.
- 22**Tëсила, asoxari axinëm aŋ, rëw këbi bëte bëtox bëki: itošan iŋ Tubal-Kaýe, do itoxari iŋ, Nahama. Tubal-Kaýe hi ko asap ar đek bebër ex y/awale do gë dun.
- 23**Akey amat, Lemek fel këbi bësoxari bërexëm bën: «Ada do gë Tëсила, baxëtin oniw̃ oram ol! Wën bësoxari bër Lemek bën, banëf bandewën baŋ wëlëlex eyey'an edam el! Asošan këmo law̃ angëmëne ala exe këm, Itox këmo law̃ angëmëne ala exe tembaýën.
- 24**Bakëlëbëd banjongëbaki këno wăšan Kaýe, barikan wëno Lemek, bakëlëbëd ofëxw ocongoxi gë banjongëbaki këne wăšan!»
- 25**Adam, asošan an, nangër këni gë alindaw̃ Xawa. Ata Xawa rëw këŋo itošan, do wăc këŋo Set. Gayikwa are re baxo: «Kaxanu yël ke itošan, exo bët gër ed ebaxo Abel, ir law̃ këŋo Kaýe.»

²⁶Set rēw kēno itošan do w̄ac kēno Enoš. Ata bela bēn amēd aṇo yāna kēni ecale do gē emac ed Kaxanu Axwēn el.

Añanar 5

End bēxarēk eṇ: elod Adam xali gēr Nowe

¹Mondako ex akayēta and andēwēra and Adam aṇ. Kaxanu, yatir nēcētēgu kēbi bela, ari ri kēbi do wēndēr kēni gē mēṇ.

²Kaxanu nēcētēgu kēbi asošan an do gē asoxari an. Yēl kēbi obetak ol, yatir nēcētēgu kēbi dēṇ re ko enēbi macēnd bela.

³Adam ga sēk kēno bēniy kēme gē ofēxw osas, rēw kēno itošan ind wēndēr kēni gē mēṇ, gēr eñaw̄ endexēm, do w̄ac kēno Set.

⁴Adam liya ko bēniy okeme ocongotas and rēw kēno Set aṇ. Rēw kēbi bēte bētošan do gē bētoxari.

⁵Ata ga sēk kēno bēniy okeme ocongonaṇ gē ofēxw osas, Adam šēs ko.

⁶Set ga sēk kēno bēniy kēme gē bēnjo, rēw kēno Enoš.

⁷Set liya ko bēniy okeme ocongotas gē bēnjongēbēki and rēw kēno Enoš aṇ. Rēw kēbi bēte bētošan do gē bētoxari.

⁸Ata ga sēk kēno bēniy okeme ocongonaṇ gē epēxw gē bēki, Set šēs ko.

⁹Enoš ga sēk kēno bēniy ofēxw ocongonaṇ, rēw kēno Kenaṇ.

¹⁰Enoš liya ko bēniy okeme ocongotas gē epēxw gē bēnjo and rēw kēno Kenaṇ aṇ. Rēw kēbi bēte bētošan do gē bētoxari.

¹¹Ata ga sēk kēno bēniy okeme ocongonaṇ gē bēnjo, Enoš šēs ko.

¹²Kenaṇ ga sēk kēno bēniy ofēxw ocongoxi, rēw kēno Maxalalel.

¹³Kenaṇ liya ko bēniy okeme ocongotas gē ofēxw onax, and rēw kēno Maxalalel aṇ. Rēw kēbi bēte bētošan do gē bētoxari.

¹⁴Ata ga sēk kēno bēniy okeme ocongonaṇ gē epēxw, Kenaṇ šēs ko.

¹⁵Maxalalel ga sēk kēno bēniy ofēxw ocongebat gē bēnjo, rēw kēno Yered.

¹⁶Maxalalel liya ko bēniy okeme ocongotas gē ofēxw osas and rēw kēno Yered aṇ. Rēw kēbi bēte bētošan do gē bētoxari.

¹⁷Ata ga sēk kēno bēniy okeme ocongotas gē ofēxw ocongonaṇ gē bēnjo, Maxalalel šēs ko.

¹⁸Yered ga sēk kēno bēniy kēme gē ofēxw ocongebat gē bēki, rēw kēno Enok.

¹⁹Yered liya ko bēniy okeme ocongotas and rēw kēno Enok aṇ. Rēw kēbi bēte bētošan do gē bētoxari.

- ²⁰Ata ga sêk këno bëniy okeme ocongonax gë ofëwx ocongebat gë bëki, Yered šës ko.
- ²¹Enok ga sêk këno bëniy ofëwx ocongebat gë bënjo, rëw këno Matusalem.
- ²²Enok liya ko ang këno nënganënd Kaxanu ak, bëniy okeme otas, and rëw këno Matusalem aŋ. Rëw këbi bëte bëtošan do gë bëtoxari.
- ²³Ata Enok sêk këno bëniy okeme otas gë ofëwx ocongebat gë bënjo.
- ²⁴Enok liya ko ang këno nënganënd Kaxanu ak, ata bela bën nema këno anema fo ga xana këno Kaxanu.
- ²⁵Matusalem ga sêk këno bëniy këme gë ofëwx ocongosas gë bënjongëbëki, rëw këno Lemek.
- ²⁶Matusalem liya ko bëniy okeme ocongoki gë ofëwx ocongosas gë bëki, and rëw këno Lemek aŋ. Rëw këbi bëte bëtošan do gë bëtoxari.
- ²⁷Ata ga sêk këno bëniy okeme ocongonax gë ofëwx ocongebat gë bënjongëbënax, Matusalem šës ko.
- ²⁸Lemek ga sêk këno bëniy këme gë ofëwx ocongosas gë bëki, rëw këno itošan.
- ²⁹Wac këno Nowe, ga baxo rend cëŋ: «Ajo këbo racët gër andiyen añëkaxik and këne rinde ene diyaxëne gër ebar ed xare ko Axwën Kaxanu aŋ.»
- ³⁰Lemek liya ko bëniy okeme oco gë ofëwx ocongonax gë bënjo, and rëw këno Nowe aŋ. Rëw këbi bëte bëtošan do gë bëtoxari.
- ³¹Ga sêk këno bëniy okeme ocongoki gë ofëwx ocongoxi gë bënjongëbëki, Lemek šës ko.
- ³²Nowe liya ko bëniy okeme oco, and rëw këbi Šem, gë Xam, do gë Yafet aŋ.

Añanar 6

End bela bësëmbak eŋ

- ¹And ýana këni bela eñëmbër ed gër ebar aŋ, rëwëra kënebi odënaŋ.
- ²Bela bër ekun ed Kaxanu bën wat këni mëne odënaŋ od bela bër gër ebar ok mbaŋ ye këni. Sana kënebi do ýërëra kënebi dek.
- ³Ata Axwën Kaxanu re ko: «Ala an oñas fo hi ko. Wëno ame teb na din ir din onjën ondám oŋ gër ndexëm. Bëniy këme gë alapem fo ko ýana exo diyand.»
- ⁴Amëd aŋo hi bani bela bësakax bën gër ebar. Bëte amëd aŋo fo bar bani bela bër ekun ed Kaxanu bën gë odënaŋ od bela bër gër ebar ok. Bësoxari bëjo rëwëra kënebi obaş or hi bax bela bësëm, bangwëlik band akarëk baŋ.
- ⁵Axwën Kaxanu wat ko mëne eñëjënax end bani rind bela gër ebar eŋ axuri xurik. Er xëñ bax gër oŋëkw orebën wayët banjëlan bañëjënax fo.

⁶Axwën Kaxanu şena këno er bayaxën babi bela in gër ebar. Gër emëkw edexëm şena baño endebën eņ.

⁷Ata re ko Axwën Kaxanu: «Ebar el këme fat eni dëxëtaxën bela bër bay' këmeni bën. Afat këme fat gë bela ak, gë oyel ak, gë banjën ak, do gë oşel ak. Gayikwa dek şena ke er bayaxën bamëni in.»

⁸Barikan Nowe şot ko oyekax or Axwën Kaxanu ol.

End apexa and Nowe eņ

⁹Mondako ex andëwëra and Nowe aņ. Nowe mëņ cëņ, ala ar şenene do ar däl ebaxo. Ang këno nënganënd Kaxanu ak baxo liyand, mërëxand ir bandëwëra band bela bër angwën aņo bën.

¹⁰Nowe mëņ, ocambenjar otas rëw babi: Şem, gë Xam do gë Yafet.

¹¹Ebar el anëka sëmba bax gër owat or Kaxanu. Bela bën mbaņ wër bani.

¹²Ebar etëmbak fo baxo watënd Kaxanu, gayikwa bela bën edi ed betëmbak fo wata bani gër ebar.

¹³Ata Kaxanu fel këno Nowe: «Ekwët ed beŷ dek el hatëguk, ang faŷ këme gër emëkw edam ak. Gayikwa owër fo ex gër ebar në end bela bësëmbak eņ. Anemin këmeni nemin dek gë ebar ak.

¹⁴Barikan wëj Nowe, pikanayal akuluņ and otëx od ax bërënd na. Cetëndërid' akuluņ aņo baciw baciw do notayid' gë otesesan amëlëf do gë amëfac.

¹⁵Mondako këy' fika akuluņ aņo: acakëşak in, ometër keme gë ofëxw oco, aňangëŷang in, ometër alapem gë oco, do ŷaņ-ŷaņ in, ometër epëxw gë oco.

¹⁶Pikayid' ŷaņ ang aciw şëxw këy' fo. Do tebayid' amëd and gwër në enëxar fo, në bebët ibat. Tebayid' bëte ebët në bebët ibat. Tëndëndërid' gër kuluņ isëm ijo baciw batas.

¹⁷Wëno cëņ, ata këme wëlaw ampumbuluŷët or këbi nemin dek bebër ex gë onjën bën. Dek er ex gë onjën yo gër ebar kë nemi.

¹⁸Barikan eter këmi yata. Do d'ilidën gër akuluņ aņo wëj, gë bosëñix, gë alindax, do gë bolindaw bor bosëñix.

¹⁹Dënidëbi gër akuluņ aņo dek oŷacar obëngw ol, enëm gë ecan, eni bayixën bëbëngw ang wëj ak.

²⁰Enëng end oşel end ex yo, gë enëng end oŷacar or gë osapar onax end ex yo, gë enëng end oŷacar or xada-xada end ex yo, do gë banjën baņ, aŷow këni ŷow gër akuluņ andey', enëm gë ecan, eni bayixën bëbëngw.

²¹Barid' dek bebër kën ŷana en ŷambënd bën, gë bebër këni ŷana eni ŷambënd bën. Do mëxwëtayid', en ŷambëraxënënd wëj gë ekun edey' el, do gë oŷacar ol.»

²²Ata Nowe ri ko dek er fel baño Kaxanu in, ang fel baño ak dëŋ.

Añanar 7

End Nowe polo gër akuluŋ eŋ

¹Axwën Kaxanu fel këŋo Nowe: «Dilin gër akuluŋ wëj do gë ekun edey el dek. Gayikwa mërëxand ir bandëwëra band bela bër gë okey oko baño, wëj gabat wat këmi ar ŝenene an.

²Medëlëbi oŋacar ocongoxi, enëm gë ecan, gër enëŋ kala end oŋacar oŋënëk, bëte gër dek oŋacar obuyaraxik, enëm gë ecan.

³Medëlëbi bëte bacël banjongëbaki, anëm gë acan, ex bayixën benëŋ bendebën beŋ dek ebar el.

⁴Gayikwa ro gë bakey banjongëbaki, tëb in këme wëlaw do ex tëb gëmëd gë goyat, bakey ofëxw onax. Mondako këmëni fat gër aňangëyŋang ir ebar, dek bebër gë onjën do bay këmëni bën.»

⁵Ata Nowe ri ko dek er fel baño Axwën Kaxanu in.

End ampumbuluŋët eŋ

⁶Amëd aŋo, Nowe anëka sëk baño bëniy okeme ocongibat ga yowëk ampumbuluŋët aŋ gër ebar.

⁷Ata Nowe, gë bosëñiŋ, gë alindaŋ, do gë bolindaŋ bor bosëñiŋ lil këni gër akuluŋ këdi këbi laŋ ampumbuluŋët aŋ.

⁸Dek oŋacar ol, hik oŋënëk ol, hik obuyaraxik ol, gë oŝel ol, do gë dek bebër kë yexërand xađa-xađa gër ebar bën,

⁹yow këni gër akuluŋ and Nowe, beki beki, gë enëm gë ecan, eni dilaxën gër akuluŋ, ang fel baño Kaxanu Nowe ak.

¹⁰Ga xucak bakey banjongëbaki, amen aŋ yëpëtak xali xwëcarak ebar el.

¹¹Ata yatir sëk këŋo Nowe bëniy okeme ocongibat, gë opacaŋ oki, gë bakey epëxw gë banjongëbaki, fëti bax dek bañësa band men band ex gër ebar baŋ. Men ond y aŋ oŋ yanak kë yëpëtand ga fërëtayak bamëd band gër orën baŋ.

¹²Tëb in kë yëpëtand gër ebar, gëmëd gë goyat, xali bakey ofëxw onax.

¹³Kwël yatijo fo lil bani gër akuluŋ Nowe, gë bosëñiŋ, Ŝem, gë Xam, gë Yafet, gë alindaŋ arexëm, do gë bësoxari bësas bër bosëñiŋ bën.

¹⁴Alil lil bani bëte dek benëŋ bend oŋacar or gër apuŋ beŋ, gë bend oyel beŋ, gë bend banjën band kë ŝangënarand gër ebar beŋ; gë benëŋ bend oŝel beŋ, do gë dek bend banjën band kë ŝëgërand beŋ.

¹⁵Dek bebër gë onjën bën, yow këni gër Nowe, enëm gë ecan, eni dilaxën gër akuluŋ.

¹⁶Dek bebijo yow këni, enëm gë ecan, enëng end ex yo, ang re baxo Kaxanu ak. Ata Axwën Kaxanu fëra ko ebët ed akuluŋ el, gër epoy ed Nowe.

¹⁷Ebar el dek yëmëk xali nëkak bakey ofëxw onax. Key yo key bax yëmbërënd amen aŋ xali lëbinak akuluŋ aŋ. Ata kuluŋ aŋ xangëk y'aŋ gër amen and hi bax gër ebar.

¹⁸Amen aŋ ga bašërëk y'aŋ gër ebar do ampumbuluŷët aŋ kë wëlarand akuluŋ aŋ.

¹⁹Bëte kwël dëŋ bax bašërënd amen aŋ, ata šiliparak kwëc dek osënd ošakax or ex gër ebar oŋ.

²⁰Osënd oŋ šiliparak polo gër amen në ometër ocongoki ba ocongotas.

²¹Dek bebër bay babi Kaxanu do bani šangënarand gër ebar bën, nemira këni: ošël ol, gë oyel ol, gë oŵacar obapuŷ ol, gë dek banjën band bax y'exërand gër ebar baŋ, do gë dek bela bën.

²²Dek bebër ebar gë onjën gër ebar bën šësëra këni.

²³Mondako fat këbi Kaxanu dek bebër gë onjën bër bax liyand gër ebar bën. Ga yana këbi bela bën, felata këbi oŵacar osëm ol, gë osil ol, gë ošël ol, do gë banjën baŋ. Fat këbi dek ebar el. Ata bayi këni Nowe, do gë bër hi bax gë mëŋ gër akuluŋ bën.

²⁴Amen and oŷëm aŋ xwëndak gër ebar xali sëkëk opacaŵ oco.

Añanar 8

End ocane ond gër akuluŋ eŋ

¹Barikan Kaxanu xwita këŋo Nowe gë dek oŵacar obapuŷ ol, do gë oyel or hi bani gë mëŋ polo gër akuluŋ ol. Kaxanu wëlaw ko ekoc gër ebar, ata amen aŋ yanak ebëxw el.

²Bañësa band men band gër ebar baŋ lëmayak, do men ond y'aŋ oŋ sebëk eyëpëtan el ga fërëtayak bamëd band gër orën baŋ. Tëb ij xanik.

³Ata amen aŋ kë wëxënd təkër təkër gër ebar. Ga xucak opacaŵ oco, amen aŋ yanak kë bašëtand.

⁴Yatir sëkëk bakey epëxw gë banjongëbaki, gë facañ icongixinëm in, akuluŋ aŋ rëdäyak gër atënd and Ararat.

⁵Amen aŋ kwël dëŋ bax wëxënd. Ata gë akey añanar and facañ ir epëxwën aŋ, oyur or osënd oŋ šanayak.

⁶Ga xucak bakey ofëxw onax, Nowe fërët ko fonetër ir seba baxo gër akuluŋ in.

⁷Sebët këŋo aŋërak aŋ. And ko šëgëraraw aŋ abakaw baxo bakawënd bakëlëbëd bandanjëm, xali nand wëxëk amen gër ebar na.

⁸Sebët këño edëxwëte epeşax el exo nëkonëragu angëmëne amen aņ abaşëta başëtak gër ebar.

⁹Bari edëxwëte epeşax el axo cot bana në er ko lapax. Ata kwël bakaw ko gër Nowe, polo gër akuluņ, gayikwa amen aņ kwël bayi bax gër ebar. Ga yën ko ataxan aņ, Nowe sëraxwëte epeşax el, do lën këño gër ed hi baxo, lëf gër akuluņ.

¹⁰Şëni ko bëte bakey banjongëbaki bacëxe, do sebët këño gaşëxe edëxwëte epeşax el exo can akuluņ.

¹¹Edëxwëte epeşax el wāyigu ko genëka ga yapëgu ko apat acëkët and añarëka! Mondako nang baxo Nowe mëne amen aņ abaşëta başëta bax gër ebar.

¹²Şëni ko bëte bakey banjongëbaki bacëxe, do sebët këño edëxwëte epeşax el. Barikan aņo, axo bakaw ex na gër ndexëm.

¹³Yatir sëk këño Nowe bënij okeme ocongibat gë imat, gë akey añanar and facawñ iyanar aņ, men oņ wëxëk do ebar el ferëk. Nowe labët ko ejur ed akuluņ el, wat ko mëne ebar el anëka ferëk bax.

¹⁴Ebar el dek fer bax yatir sëkëk facawñ ixinëm in, bakey alapem gë banjongëbaki.

¹⁵Ata Kaxanu fel këño Nowe:

¹⁶«Canin gër akuluņ, wëj, gë asoxari arey an, gë bosëñix, do gë bësoxari bërebën bën.

¹⁷Nëcëtëlëbi bëte dek oñacar ol, gë oşël ol, gë oyel ol, gë banjën band kë şangënarand gër ebar baņ. Canëlexëni eni beñëta ebar el dek, do eni cënarëx!»

¹⁸Nowe, gë bosëñiw, gë asoxari arexëm an, do gë bësoxari bër bosëñiw bën, şan këni gër akuluņ.

¹⁹Dek oñacar ol, gë banjën band kë şangënarand gër ebar baņ, do gë oşël ol şan këni bëte, gë enëng gë enëng.

²⁰Ata Nowe ri ko angëb and eņo calexënënd Axwën Kaxanu. Wëd këño emacar emat gër benëng bend oñacar oñwënëk, do acël amat gër benëng bend oşël oñwënëk, do rin këño Axwën Kaxanu şadaxa ir momëlën, yaņ gër angëb.

²¹Axwën Kaxanu ga wëran këño otëner onëngax oņ, re ko: «Ang nemin këme ebar në end bela ak, din ame nemin na. Gayikwa oñëkw or bela oņ eñëñëxax fo nangëk elod amëd and oşambenjar aņ. Ang nemin këme er ex gë onjën yo, bëte din ame nemin na.

²²Ang kë nëka yo ebar el, onedëran ok do gë ekanaran el, ayem in do gë ayëka in ecaşa el do gë ekol el, goyat in do gëmëd in din ir din kë bayi.»

Añanar 9

End eter ed Kaxanu gë Nowe eņ

- ¹Kaxanu ga këbi yël obetak ol Nowe do gë bosëñiŵ, re ko: «Dëwërin mbaŋ, ñëmbërin, dëgërayin në er ex yo gër ebar.
- ²Emacar end ex yo gër ebar, gë acël and kë šëgërand yo gër orën, gë er kë šangënarand yo gër ebar, do gë ekan ed ex yo gër angwëngw, ayëda kënun ŷana enun yëdand, do ahër kënun ŷana enun gërend: wën xwën këbi.
- ³Er kë šangënarand do hik gë onjën yo, do gë dek bebëlëg bën ex eyamb ed yël këmun el.
- ⁴Barikan, këren yambënd na ŷas er emacar eŋ gë enjëw endexëm ak, mëne ngëŋ gë ošat orexëm ak.
- ⁵Ošat orewën oŋ, aniyandewën aŋ ex. Mëŋ ex emacar end këŋo laŵ yo ala, aŵëka këmo wëkad. Bëte ala ar këŋo laŵ yo ala ašandaŵ, aŵëka këmo wëkad. Ala kala aŵëka këmo wëkad end aniyandewën ašandaŵ eŋ.
- ⁶Ar këŋo laŵ ala an, ala fo këŋo laŵ mëŋ bëte. Gayikwa Kaxanu ri këŋo ala an gër eñaŵ endexëm.
- ⁷Do wën, dëwërin mbaŋ do ñëmbërin, dëgërayin në er ex yo, do ñëmbërin gër ebar.»
- ⁸Kaxanu fel këbi bëte Nowe do gë bosëñiŵ:
- ⁹«Wëno cëŋ, eter sana këmun wën, do gë bërändëwëra andewën bën, ang këni bëtëraw gër ebar ak.
- ¹⁰Eter edam elo ahi hik bëte ed gë dek bebër gë onjën, gë dek ošël, gë dek oyel, do gë dek oŵacar obapuŷ el. Wën dek bër šanëguk gër kuluŋ isëmbën sana këmun gë eter elo, gë oŵacar obapuŷ ak.
- ¹¹Paß gë eter elo këme rend: “Bëte din amëni nemin na gë ampumbuluŷët dek bebër gë onjën bën, do din ampumbuluŷët ax pat na ebar el”.
- ¹²Re ko bëte Kaxanu: «Watin nanganëme ir eter ed sana këmun wën do gë dek bebër gë onjën bër hik gë wën el, ang këni bëtëraw bandëwëra bandëwëra, din ir din ak.
- ¹³Aŵasin këmun ŷana mun masinënd šandiŵ in, ang atumb fo gër baŋar. Ata šandiŵ in ex nanganëme ir eter ed wëno do gë ebar el.
- ¹⁴And këme bar baŋar do ex bedi orën aŋ, šandiŵ in ašanaya kë ŷana ex canayand yañ.
- ¹⁵Ata mondako këme ŷana me pëbënd eter ed wëno gë wën do gë dek bebër gë onjën el. Men oŋ ax ñana na ex ñëmbërend xali ex gi ampumbuluŷët and këbi fat dek bebër gë onjën bën.

¹⁶Ŝandiŵ in aŝanaya kē ŷana ex canayand and kē beđi orēn aŋ. Do awat kēme ŷana me watēnd me pēbaxēnēnd eter ed din ir din ed wēno Kaxanu do gē đek beber gē onjēn gēr ebar el.»

¹⁷Ata Kaxanu fel kēŋo Nowe: «Ŝandiŵ in ex nanganēme ir eter ed ri kēme wēno gē đek ber ex gēr ebar in.»

End bosēñiŵ bor Nowe eŋ

¹⁸Bosēñiŵ bor Nowe, Ŝem, gē Xam do gē Yafet, ŝanēgu bax gēr kuluŋ isēm. Xam hi ko sēm ir Kanahaŋ.

¹⁹Ata ocambenjar otas od Nowe oko rēwērēk đek ebar el.

²⁰Nowe hi ko aŷan. Ata ri ko andēđa and reseŋ.

²¹Akey amat, ga ŝeb ko ngoŷ in, ŷaw kēŋo. Laki ko tēb gē eman eŋ lēf gēr aner andexēm.

²²Xam, sēm ir Kanahaŋ, sēk kēŋo Nowe tēb gē eman eŋ. And ŝan ko an, ko reyaxēnd fac gēr bobinēm Ŝem do gē Yafet.

²³Ŝem do gē Yafet ga wēl kēni ang ri baxo sēm irebēn ak, lapara kēni acuđ atēm, sēka kēno gē epoy el, do lađ kēno. Ga wāŝan bano epoy el, ano wat ex na tēb gē eman eŋ.

²⁴And xoc kēŋo Nowe ngoŷ ind ŷaw baŋo aŋ, nang ko er ri kēŋo ŝambenjar ibeja irexēm in.

²⁵Ata re ko: «Aŵe kēŋo ŵe Kanahaŋ! Xadēp ir okadēp od bobinēm ko hi!»

²⁶Re ko bēte: «Cēkwayino Axwēn Kaxanu, mēŋ ar xwēn kēŋo Ŝem an, barikan Kanahaŋ hik xadēp irexēm in!»

²⁷Wēno Kaxanu kē ŷangēn ebar ed xwēn ko Yafet el! Alēg ko lēg ŋēŝ gēr baner band Ŝem, do Kanahaŋ kē hi xadēp irexēm in!»

²⁸Ga xucak ampumbuluŷēt aŋ, Nowe baŝa ko bēte bēniy okeme otas gē ofēxw oco.

²⁹Ata and sēk kēŋo bēniy okeme ocongonax gē ofēxw oco aŋ, Nowe ŝēs ko.

Añanar 10

End bandēwēra band bosēñiŵ bor Nowe eŋ

¹Mondako bax bandēwēra band ocambenjar od Nowe Ŝem, gē Xam do gē Yafet baŋ. Bētoŝan rēwēra banēbi and xucak ampumbuluŷēt aŋ.

²Bosēñiŵ bor Yafet ebani: Gomer, gē Magog, gē Medi, gē Yafan, gē Tubal, gē Mešek do gē Tiras.

³Bosēñiŵ bor Gomer ebani: Aŝēkenas, gē Rifat do gē Togarēma.

⁴Bosēñiŵ bor Yafan ebani: Eliŝa do gē Tarēsis, gē Ŝipēr do gē Rod.

⁵Obaş orebën ol rëwërëk gër oşir or benëng bend owar orebën, do ed bamëña band bangwëngw el. Ala kala gë eyey'an edexëm el, do gë ebaca edexëm el, lëgëra këni gër ebar.

⁶Bosëñiŵ bor Xam ebani: Kuş, gë Mitësërayim, gë Put, do gë Kanahañ.

⁷Bosëñiŵ bor Kuş ebani: Seba, gë Afila, gë Sabëta, gë Rama do gë Sabëteka. Bosëñiŵ bor Rama ebani: Saba do gë Dedan.

⁸Ata Kuş hi ko sëm ir Nimërod. Nimërod ijo ebax angwëlik añanar añ gër ebar.

⁹Kamara isëm hi baxo ogës od Kaxanu. Mëñ bani rexënënd bela bën: «Kamara isëm, ogës od Axwën Kaxanu, ang Nimërod fo.»

¹⁰Ata Nimërod wun ko gër bangol band ebar ed Şinehar baño: Babilon, gë Erek, gë Akad, do gë Kalëne.

¹¹Akey amat, Nimërod ga xani ko gër ebar elo, ye ko gër ed Asiri. Bay'ëx ko bangol band Ninif, gë Rexobot, do gë Kalax bañ,

¹²do gë angol and Resen añ, and ebax fëco Ninif, fëco Kalax, angol atëm añ.

¹³Bosëñiŵ bor Mitësërayim ebani: bandëwëra band Lud, gë bandëwëra band Anem, gë bandëwëra band Lehab, gë bandëwëra band Nafëtu;

¹⁴gë bandëwëra band Patëros, gë bandëwëra band Kasëlu, do gë bandëwëra band Kafëtor bañ. Ofilisëteñ ok bërändëwëra and Kasëlu exëni bën bëte.

¹⁵Kanahañ hi ko sëm ir Sidoñ, itoşan iñanar indexëm iñ, do sëm ir Het.

¹⁶Mëñ fo bax axarëk ar bandëwëra band Yebus, gë band Amor, do gë band Girëgaş an.

¹⁷Mëñ fo bax bëte, axarëk ar bërändëwëra and Het, gë band Arëki, gë band Sini,

¹⁸gë bërändëwëra and Arëfad, gë band Tësëmar, do gë band Amat an. Ata obaş or Kanahañ ol, mondako şapërëra këni bandëwëra bañ.

¹⁹Ebar ed obaş or Kanahañ el ýanak elod gër ebar ed Sidoñ, gand bebët ir Gerar, yeke xali gër Gasa. Do gand bebët ir Sodom, yeke bëte xali gër Gomor, gër Adëma, gër Tësoboyim, do xali gër Leşa.

²⁰Mondako hi bani bosëñiŵ bor Xam gër owar orebën, ebaca gë ebaca, eyey'an gë eyey'an, nëng gë nëng.

²¹Şem bëte gë obaş ebaxo. Mëñ ebax itoşan ikarënak ind Nowe iñ, do abinëm ar Yafet, sëm ir Eber do gë bosëñiŵ.

²²Bosëñiŵ bor Şem ebani: Elam, gë Asiri, gë Arëpakëşad, gë Lud do gë Aram.

²³Bosëñiŵ bor Aram ebani: Utës, gë Hul, gë Geter, do gë Maş.

²⁴Arëpakëşad rëw këño Şela, do Şela rëw këño Eber

²⁵Eber rēw kēbi bētošan bēki: oŵac or iñanar ol ebax Peleg, gayik gē bakey band rēw kēno baŋ ūetērēk ebar el. Do oŵac or abinēm ol ebax Yokētaŋ.

²⁶Yokētaŋ rēw kēbi Alēmodad, gē ūelef, gē Atēsarēmafet, gē Yerax,

²⁷gē Adoram, gē Usal, gē Dikēla,

²⁸gē Obal, gē Abimayel, gē Saba,

²⁹gē Ofir, gē Afila, do gē Yobab. Bējo đek ebax bosēñiŵ bor Yokētaŋ.

³⁰Bēn lēg bax elod gēr ebar ed Meša, bebēt ir Sefar, xali gēr osēnd or apēn-eñan.

³¹Bēn ebax bosēñiŵ bor ūem, ebaca gē ebaca, eyey'an gē eyey'an, nēng gē nēng, gēr owar orebēn.

³²Ata mondako rēwēr bani bosēñiŵ bor Nowe, ang sēfērera kēni gēr bandēwēra bandebēn ak, gē benēng bendebēn beŋ. Bandēwēra bandebēn baŋ ūapērēk enēng gē enēng, do beñēta kēni ebar el and xucak ampumbuluŷēt aŋ.

Añanar 11

End acapēra and bela benēng benēng eŋ

¹Amēd aŋo, eyey'an ebat fo ebax ngwēn iŋ đek, do elo fo bani yey'anēnd bela bēn.

²Ga xaniw kēni apēn-eñan, sēk kēni angēni añangax gēr ebar ed ūinehar. Ata lēgēra kēni na.

³Ata ŷana kēni kēni rend: «Bay'ene tan osingiri do ene bēkaye mo mbēka ex kemaxēn!» Gēr ed ebax eni bay' gē oxaŷ, nēmb kēni osingiri. Ata kēni bay'ēnd gē edaka ed petērol el, gēr ed ebax eni bay' gē simaŋ.

⁴Akey amat, re kēni: «Angol and kēne xwēne kēne bay'e, do gē aciŵ atēndēndēr and gē ejur ed kē hat ŋēš gēr orēn. Mondako kēne hiye ūangwēlik, do ane capērēraye ex na đek ebar el!»

⁵Axwēn Kaxanu feda ko exo nēkon angol aŋ, do gē aciŵ atēndēndēr and bani bay'ēnd bela bējo aŋ.

⁶Re ko Axwēn Kaxanu: «Watinēbi bela bējo ga hi kēni bulunda ibat, do kēni yey'anēnd eyey'an ebat. Angēmēne mondako ŷana kēni, er kēni wēlēr eni di yo, axor kēni xor!»

⁷Awa pedane tan ene bēle eyey'an edebēn elo, eni tēkwanaxēn ewēlēr ed andebēn rebēn el!»

⁸Ata Axwēn Kaxanu, mondako ūapērēli babi bela bējo, ebar el đek, do kwēl seb kēni ebay' ed angol el.

⁹Mēŋ ŵacaxēn kēni angol aŋo «Babel», mēne ngēŋ «Ambēle». Gayikwa Axwēn Kaxanu na wēl ko eyey'an ebat ed ebax đek ebar el. Yatijo ūapērēli kēbi bela bēn do yēcar kēni ebar el đek.

End bërandëwëra and Êem en

- 10** Mondako bax bandëwëra band Êem baŋ. Êem ga sêk këno bëniy këme, rëw këno Arëpakëşad ga xucak bëniy bëki elod ga hi bax ampumbuluŷëtaŋ.
- 11** And rëw këno Arëpakëşad aŋ, Êem liya ko bëniy okeme oco. Rëw këbi bëte bëtoşan do gë bëtoxari.
- 12** Arëpakëşad ga sêk këno bëniy ofëxw osas gë bënjo, rëw këno Êela.
- 13** And rëw këno Êela aŋ, Arëpakëşad liya ko bëniy okeme onax gë bëtas. Rëw këbi bëte bëtoşan do gë bëtoxari.
- 14** Êela ga sêk këno bëniy ofëxw osas, rëw këno Eber.
- 15** And rëw këno Eber aŋ, Êela liya ko bëniy okeme onax gë bëtas. Rëw këbi bëte bëtoşan do gë bëtoxari.
- 16** Eber ga sêk këno bëniy ofëxw osas gë bënax, rëw këno Peleg.
- 17** And rëw këno Peleg aŋ, Eber liya ko bëniy okeme onax gë ofëxw osas. Rëw këbi bëte bëtoşan do gë bëtoxari.
- 18** Peleg ga sêk këno bëniy ofëxw osas, rëw këno Rehu.
- 19** And rëw këno Rehu aŋ, Peleg liya ko bëte bëniy okeme oki gë bënjongëbënax. Rëw këbi bëte bëtoşan do gë bëtoxari.
- 20** Rehu ga sêk këno bëniy ofëxw osas gë bëki, rëw këno Serug.
- 21** And rëw këno Serug aŋ, Rehu liya ko bëniy okeme oki gë bënjongëbëki. Rëw këbi bëte bëtoşan do gë bëtoxari.
- 22** Serug ga sêk këno bëniy ofëxw osas, rëw këno Naxor.
- 23** And rëw këno Naxor aŋ, Serug liya ko bëniy okeme oki. Rëw këbi bëte bëtoşan do gë bëtoxari.
- 24** Naxor ga sêk këno bëniy alapem gë bënjongëbënax, rëw këno Terax.
- 25** And rëw këno Terax aŋ, Naxor liya ko bëniy këme gë epëxw gë bënjongëbënax. Rëw këbi bëte bëtoşan do gë bëtoxari.
- 26** Terax ga sêk këno bëniy ofëxw ocongoxi, rëw këbi bëtoşan bëtas: Abëram, gë Naxor, do gë Xaraŋ.
- 27** Mondako bax bandëwëra band Terax baŋ. Terax, rëw këbi bëtoşan bëtas: Abëram, gë Naxor do gë Xaraŋ, ar rëw këno Lot an.
- 28** Ata Xaraŋ şësët ko gë sëm Terax, fën gër Ur, gër ebar ed Bëkalëde, gër ed rëw këno.

²⁹Abëram do gë Naxor ÿër këni. Asoxari ar Abëram an këno w̄acënd Sarayi, do ar Naxor an, Milëka, abiw̄ ar Xaraŋ, sëm ir Milëka do gë Yisëka.

³⁰Sarayi axo gi bana gë obaŝ. Asoxari aBOROXOK ebaxo.

³¹Akey amat, Terax faÿ ko gër emëkw edexëm exo dëfa. W̄ëlali këbi: asëniw̄ Abëram, gë Lot, asëniw̄ ar Xaraŋ an, do gë abiw̄ ar eñër Sarayi, alindaw̄ ar Abëram an. Bën dek xani bax na gër ebar ed Ur ir Bëkalëde, do y'e këni ond gër ebar ed Kanahaŋ oŋ. Ata ga hat këni gër Xaraŋ, lëg këni na.

³²Terax ga sëk këno bëniy okeme oki gë bënjo gër angol and Xaraŋ, ŝës ko.

Añanar 12

End Abëram eŋ

¹Akey amat, Axwën Kaxanu fel këno Abëram: «Canël ebar edey' el, ebar ed gër ed rëw̄ këni el. Tebëlëbi bër ekun ed sorix bën, do y'el gër ebar ed këmi w̄asin.

²Wëno ki ri ar gë obaŝ or kë rëw̄ër bulunda isëm. Wëno ki yël obetak ol, wëno ki ri ey' gi angwëlik. Do paß gë wëj këni beta bëranjëm.

³Ayël këmëni ÿana mëni yëlënd obetak ol, bër ki yël obetak bën. Do axare këmëni ÿana mëni karend bër ki xare bën. Oxun or gër ebar oŋ dek kë beta paß gë wëj.»

⁴Mondako rëfa baxo Abëram, ang fel baŋo Axwën Kaxanu ak, do Lot sëfa këno. Amëd aŋo, Abëram anëka sëk baŋo bëniy ofëxw ocongoxi gë bënjo, and ŝan ko angol and Xaraŋ aŋ.

⁵Abëram w̄ëlali këbi alindaw̄ Sarayi, gë Lot, asëniw̄ ar abinëm, gë bela bër ekun edexëm bër yëc babi na gër Xaraŋ bën, do gë dek bebër ŝotëra baxo na bën. Ata hat këni gër ebar ed Kanahaŋ.

⁶And hat këni gër ebar ed Kanahaŋ, Abëram y'e ko cangët ebar elo, xali gër Sišem, gër bananga band More. Amëd aŋo, bërandëw̄ëra and Kanahaŋ bën lëgëra bax gër ebar elo.

⁷Axwën Kaxanu ga ŝanayaxën këno Abëram, re ko: «Awël nde, ebar elo ro këmëni yël bërandëw̄ëra andey' bën.» Ata Abëram ri ko angëb and eŋo calexënënd Axwën Kaxanu, na gër ed ŝanayaxën baŋo.

⁸Ga xucak eŋo, Abëram ga xani ko na, rëfa ko gër etënd ed apën-eñan ed angol and Bet-El . Ata rix ko baner bandexëm baŋ mërëxand: angol and Bet-el aŋ, acëla-eñan, do gë and Ayi aŋ, apën-eñan. Ga ri ko bëte na angëb and eŋo calexënënd Axwën Kaxanu aŋ, ŝalera këno.

⁹Ga nëkanak, Abëram fakët ko oñe oŋ, akwëndaya gë akwëndaya, gand ladawe ir Negeb.

End Abëram gër ebar ed Misëra eŋ

¹⁰Ata ĥatëguk enjo na gër ebar ed Kanahañ. Abëram rëfa ko gëd gër ebar ed Misëra, exo ñëpax ang aliyer fo, gayik enjo eñ mokuma xuma bax gër ebar ed Kanahañ.

¹¹Dam eni ñat gër ebar ed Misëra, Abëram fel këño alindañ Sarayi: «Wëj asoxari ayekax hi këy'.

¹²And këni wat Bëmisëra añ, ata këni nang mëne asoxari aram hi këy'. Ata ene ðañ, do wëj eni teb.

¹³Këla deyid mëne abaÿe fo hi këy', ene mëlayaxën ŝenene, do me pexaxën në endey'»

¹⁴And ĥat këni gër Misëra añ, Bëmisëra bën wat këni mëne asoxari an mbañ dëñ ye ko.

¹⁵Bëlëngw bër ex ler gër Farawoñ bën ga wat këno bën bête asoxari an, këno ŝëkwëxënd gër Farawoñ. Ata wëla këno asoxari an gër Farawoñ.

¹⁶Emun end Misëra eñ likinaxën këño mbañ Abëram në end asoxari eñ. Yëlëra këño: opeÿ, gë obeci, gë oxey', gë opali onëm do gë ocan, gë ogelemba, gë okadëp otoŝan do gë okadëp otoxari.

¹⁷Barikan Axwën Kaxanu lapan këbi oŝëxwëra osëm Farawoñ do gë bër ekun edexëm bën në end Sarayi, asoxari ar Abëram an.

¹⁸Ata Farawoñ ga wãc këño Abëram, re ko: «Ineña rixën këy'e endey' eño? Ineña bayik ay'e pel ex na mëne asoxari arey' exo?»

¹⁹Ineña felaxën këy'e: "Abaÿe ex!" Nëkođ gako ga ÿandi baxe mo ñër! Awa gërëgako, nëkodo asoxari arey' an, kanalo en y'e!»

²⁰Farawoñ ga felëra këbi bela bërexëm bën, lañëta kënebi Abëram, gë asoxari arexëm an, do gë ðek bebër yëlëra baño bën.

Añanar 13

¹Ga xucak eño, Abëram gë alindañ xani këni gëd gër ebar ed Misëra, bën do gë ðek bebër xwën bani bën, baka këni gër ladawe ir Negeb. Lot babi sëferand.

End acapëra and Abëraxam gë Lot eñ

²Abëram, ar gë napul hi baxo. Mbañ ŝotëra baxo: oyel oranjëm, gë kodi, do gë kañe.

³Ata Abëram ko bakand ed hi bax bakwëndaya bandexëm el, elod gër ladawe ir Negeb, xali gër Bet-El, gër ed ri baxo baner, fëco Bet-El, fëco Ayi.

⁴Ga sëkëx ko angëb and ri baxo añ, Abëram ŝale këño Axwën Kaxanu.

⁵Lot, mëñ ar baño sëfarand Abëram an, aŝotëra ŝotëra baxo bête: opeÿ, gë obeci, do gë oxey'. Gë baner bandexëm pit ebaxo.

⁶Na gër ed lëg bani Abëram gë Lot, mërey' ebax gayik mbañ ÿëmb bani oyel orebën ol. Ax mënd bana eni bayi në erebat.

⁷Bëte bërandëwëra and Kanahañ do gë and Perisi bën ebax bëraketa andebën bën. Ata akey amat, bëxadac bër oyel or Abëram bën sakër këbi gë bër oyel or Lot bën.

⁸Ata Abëram fel këño Lot: «Axara xara këmi, wëno gë wëj, kërebo takër na. Bëte bëxadac bër oyel oram bën, gë bër oyel orey' bën, kërebi takër na! Gayik biyi bër ekun ebat hi ke!

⁹Nëkod' ebar el, calal gand ed këy' y'e, këla capëre. Angëmëne gand şame y'e këy', wëno me y'e gand liw. Angëmëne gand liw' y'e këy', wëno me y'e gand şame.»

¹⁰Lot ga nëkonara ko, wat ko dek ebar ed ler gër yeb ir Yurëdeñ el, ang ed këni xoşand fo. Mondako bax ebar elo, xali yatir bëlën ko Axwën Kaxanu bangol band Sodom do gë Gomor bañ. Ang andëda and Axwën Kaxanu fo, ang ebar ed Misëra fo bax, xali gër ingol ind Tësowar.

¹¹Ata Lot sana ko dek ebar ed ler gër yeb ir Yurëdeñ el, rëfa ko kwël apën-eñan. Mondako şapër bani Abëram gë Lot.

¹²Abëram bayi ko gër ed hi bani, na gër ebar ed Kanahañ. Lot lëgëx ko gër bangol band ler gër yeb ir Yurëdeñ. Rix ko baner bandexëm bañ ñëş gër Sodom.

¹³Xarak, Bësodom bën, mbañ sëmbe bani, do mbañ bano wënanënd Axwën Kaxanu.

¹⁴Akey amat, Axwën Kaxanu fel këño Abëram, and şapër këni gë Lot añ: «Këla, nëkonaral elod na gër ed hi këy', gand ambëng, gand ambëtëb, gand apën-eñan do gand acëla-eñan.

¹⁵Dek ebar ed këy' watënd elo, wëno yël këñun en kwën din ir din, wëj do gë obaş orey' ol.

¹⁶Aşënan këmëni şënanëd obaş orey' ol xali eni ñëmb ang oşëni fo. Angëmëne afën këni fënënd oşëni oñ, afën kënebi yana enëbi pënënd bëte obaş orey' ol.

¹⁷Bëtarayind ebar elo ang şakëk ak, do ang y'angëk ak, ayël këmi yël.»

¹⁸Abëram ga rëfali ko baner bandexëm bañ, y'e ko lëgëx ko gër bananga band Mamëre, ler gër Ebëroñ. Ata rix ko angëb eño calexënënd Axwën Kaxanu.

Añanar 14

End Abëram do gë Melëkisedek eñ

¹Baniy baño, wun bani: Amërafel gër Şinehar, Arëyok gër Elasar, Këdorëlawomer gër Elam, do Tidal gër Goyim.

²Bemun beño bar bax enëbi mereli Bera, emun end gër Sodom eñ, gë Birëşa, emun end gër Gomor eñ, gë Şinehab, emun end gër Adëma eñ, gë Şemeber, emun end gër Tësoboyim eñ, do gë emun end gër Bela, ir bani wacënd bëte, Tësowar eñ.

- ³Bemun beŋo dek bar babi ocoroŋa odebën ok gër eden ed Sidim, gër ed bêtëk doro anjer and gë ongal aŋ.
- ⁴Këdorëlawomer wëña babi bemun beŋo elod bënuy epëxw gë bëki. Barikan gë iniy epëxw gë itasën iŋ, hëp këni mbëña iŋo.
- ⁵Ata gë iniy epëxw gë inaxën iŋ, Këdorëlawomer do gë bemun bend bar babi eno ðaŋëta gër emer beŋ, xor kënebi bërandëwëra and Rafa bën gër Ašëtarot-Karënayim, gë bërandëwëra and Susi bër gër Xam bën, gë bërandëwëra and Emi bën, do gë bër gër angëni and gër Kiriyatayim bën.
- ⁶Xor kënebi bëte bërandëwëra and Hor bën, gër etënd edebën, gër Seyir. Sëf kënebi xali gër etënd ed gër Paraŋ, ler gër ladawe.
- ⁷Ata këni bakand ond gër Eyin-Mišëpat oŋ, gër ed këni wacënd bëte Kadeš. Fën xorëx banëbi bërandëwëra and Amalek bën, dek ebar edebën el, do gë bërandëwëra and Amor bër lëg bax gër Xatësatoŋ-Tamar bën.
- ⁸Ata bemun bend gër Sodom, gër Gomor, gër Adëma, gër Tësoboyim beŋ, do gë emun end gër Bela eŋ, mëne ngëŋ Tësowar, barër këni eni meraxën gë bën gër eden ed Sidim.
- ⁹Gë Këdorëlawomer, emun end Elam eŋ, gë Tidal, emun end Goyim eŋ, gë Amërafel, emun end Šinehar eŋ, do gë Ariyok, emun end Elasar eŋ bani wërënd. Bemun beŋo bax wërënd gë bemun benax.
- ¹⁰Na gër eden ed Sidim elo, mbaŋ yëmb bax bambëxw band gë edaka ed petërol baŋ. And bani hërënd aŋ, emun end Sodom, do gë end Gomor eŋ wëc këni polo. Ata bemun becëxe beŋ hër këni end etënd eŋ.
- ¹¹Bër xor babi bën wëd këni dek napul ir hi bax gër Sodom do gër Gomor in. Ga lëbinara këni gë dek šëlafana irebën ak, kwël ye këni.
- ¹²Asërali sërali bano bëte Lot, asëñiŋ ar abinëm ar Abëram an, ga lëg baxo cëŋ gër Sodom. Ga boki këno gë bacota bandexëm ak, kwël ye këni.
- ¹³Ata ala abat ga šana këbi, hër ko felëx këŋo Abëram, ar enëŋ end Eber an. Amëd aŋo lëg baxo Abëram ler gër bananga band Mamëre, arandëwëra and Amor an. Bobinëm borexëm ebani Ešëkol do gë Aner, odawo od Abëram ok.
- ¹⁴Abëram sam ga wël ko mëne Lot, asëñiŋ ar abinëm arexëm an, asëra sëra këno, sana këbi gër okadëp odexëm ocambenjar okeme otas gë epëxw gë ocongotas, od rëw kënebi gër ekun edexëm. Ga yëlëra këbi oÿënga or emer oŋ, sëf kënebi bemun bend wëlali baŋo Lot beŋ, xali gër ebar ed Dan.
- ¹⁵Ata Abëram šetëndër këbi bër laŋëta baŋo gër emer bën, benga benga, enëbi ŋwëlënaxën gëmëd bemun bend banëbi sëfënd beŋ. Ata ga xor kënebi bemun beŋo, wwayëra kënebi xali gër Xoba, angol and ex ambëŋ and Damas aŋ.

¹⁶Ata Abëram bakaliw ko dek napul ir xanaw baxo in. Bakaliw këno bëte Lot, asëniw ar abinëm arexëm an, gë bacota bandexëm ak, gë bësoxari bën do gë bela bëšëxe bër sërara banëbi bën.

¹⁷Ata emun end Sodom eñ xaca këno Abëram, and baxo bakawënd ga xorëgu këbi Këdorëlawomer do gë bemun bend bar babi gër emer, gër eden ed Šafe beñ. Eden elo bani wacënd bëte, eden ed emun.

¹⁸Melëkisedek, emun end Salem eñ, xacali këno Abëram, bamburu do gë ngoy. Melëkisedek ijo, ašadaxan ar Kaxanu, mëñ Ar ex Yañ an, hi baxo.

¹⁹Ata Melëkisedek ga këno šalen Abëram ko rend: «Kaxanu, mëñ ar ex yañ an, mëñ ar rik orën do gë ebar an, yëlëleño Abëram obetak ol.

²⁰Aye ri ko Kaxanu, mëñ ar ex Yañ an, mëñ ar xorën ki bërangoÿëra andey an!» Ata Abëram yëlëra këno Melëkisedek, epëxw kala ed dek er xanagu baxo el.

²¹Emun end Sodom eñ fel këno Abëram: «Mašëguye bela bën, do bayilexi bebër xanaragu këy bën.»

²²Abëram yaka këno emun end Sodom eñ: «Ataxan andam añ yën këme exo wat Axwën Kaxanu, mëñ ar ex yañ an, mëñ ar rik orën do gë ebar an.

²³Wëno ÿoweÿ axe bayi na de. Ado ingux ind aped dëñ axe bayi na këdi këy ÿana ey dend: “Wëno yëlëra këno Abëram hixën ko ar gë napul!”

²⁴Wëno ÿoweÿ axe bayi na. Er ke bayi wayët er këni yamb ocambenjar odam in, do gë er këbi bayi odawo odam in: Aner, gë Ešëkol do gë Mamëre. Bën cëñ bayilebi ma indebën in.»

Añanar 15

End eter ed Kaxanu do gë Abëram eñ

¹Ga xucak eño, Axwën Kaxanu ga këno felëra Abëram në lakeli re ko: «Kërey yëdara na Abëram! Wëno ex angwak andey añ, epupa ed këmi fupa el mbañ rafëk.»

²Yaka këno Abëram: «Axwën Kaxanu, ine ngwa këy'e yël? Itox amo dëw ex na gër aniyän andam. Do Eliyeser ib Damas kë bëteli ekun edam el.»

³Re ko bëte Abëram: «Andëwëra ay'e yël ex na. Ar rëw këno bëšëxe gër iciw indam fo kë bëteli ekun edam el.»

⁴Ata re ko gašëxe Axwën Kaxanu: «Ax gi ex na mëñ kë bëteli ekun edey el. Barikan ar ex ošat orey dëñ kë bëteli.»

⁵Ata Axwën Kaxanu ga wëla këno Abëram fac, re ko: «Këla, keñal orën ol ey pëanaxën owal oñ, angëmëne axor xor këy.» Re ko bëte: «Mondako këni yëmb bërändëwëra andey bën.»

⁶Abëram xwëta ko eyeyan ed Axwën Kaxanu el. Ata Axwën Kaxanu xwët këno Abëram ar šenene.

- ⁷Re ko bëte: «Wëno ex Axwën Kaxanu, ar nëcëtëgu ki gër Ur, ebar ed Bëkalëde an, mi yëlxënëti oxwën or ebar elo ro ol.»
- ⁸Ata wëka ko Abëram: «Axwën Kaxanu, gë ine këme nangaxën mëne axwën këme xwën ebar elo?»
- ⁹Yaka këno: «Nasënële şadaxa şambana ir ixey ir bëniy bëtas, gë emeci end bëniy bëtas, gë xondo ir bëniy bëtas, do gë olëxwëte oxi: ebat ebapuŷ, elo ekwëlëxwël.»
- ¹⁰Ata Abëram hãş këbi đek oŵacar olo. Şaxëra këbi end ex kala mërëxand, do xwët ko obebët oki ok ler ler. Barikan abi cax bana olëxwëte ol.
- ¹¹Ata oyafe ol kënëbi lapaxënënd oŵacar or hãş babi ol. Barikan Abëram këbi wãŷërand.
- ¹²Ga kë şëla eñan eŷ, Abëram raş këno lëb. Anjiŷ atëm do gë acamëđan xul këno.
- ¹³Axwën Kaxanu, fel këno Abëram: «Nangël mëne bërandëwëra andey bën aŷe këni ŷe eni nëpax ang bëliyer fo në ebar ed kënëbi wëñax. Bër lëgëk gër ebar elo bën enëbi di okadëp odebën do enëbi torolira xali ex nëka bëniy okeme onax.
- ¹⁴Barikan anëp këmëni nëpëđ enëng end bër këbi wëñad eŷ, and këmëni nëcët aŷ, do bën eni mëlali napul isëm.
- ¹⁵Do wëj anëka këŷ şës ecës ejekax do eni mëxwëta, xarak gë onënga fo xar këŷ.
- ¹⁶Awa ejiw ekënu kënu bën kë bakawëđ ro gër ebar elo. Gayikwa amëđ aŷo, bërandëwëra and Amor bën anëka këbi bëro edi ed betëmbak el.»
- ¹⁷And şëlak eñan aŷ, wur in şamëđanëk xali xurik. Hãtëguk angodux and gë okwëcën, do ang enjeb fo, xucak mërëxand ir oŵacar or şaxëra babi Abëram ol.
- ¹⁸Ata Axwën Kaxanu, yatijo yata baŷo eter el Abëram. Fel këno: «Ebar elo ro, wëno yël këbi bërandëwëra andey bën. Aňangëŷang irexëm in ŷanak elod gër yeb ir gër ebar ed Misëra, do ŷek xali gër yeb isëm ir këni wãcënd Ęfërat in.
- ¹⁹Aŷe ŷek bëte xali gër ebar ed bërandëwëra and Kayëni, xali gër ed bërandëwëra band Keni, do gë Kadëmoni.
- ²⁰Aŷe ŷek bëte xali gër ebar ed bërandëwëra and Het, xali gër ed bërandëwëra and Perisi, xali gër ed bërandëwëra and Rafa.
- ²¹Aŷe ŷek bëte xali gër ebar ed bërandëwëra and Amor, xali gër ed bërandëwëra and Kanahaŷ, xali gër ed bërandëwëra band Girëgaş do gë Yëbus.»

Aňanar 16

End andëwã and Isëmayël eŷ

- ¹Sarayi, alindaŷ ar Abëram an, itox aŷo dëwën bana. Barikan xadëp isoxari iđ Misëra şot baŷo na, do bano wãcënd Agar.

- ²Ata Sarayi fel këno icën indexëm iñ Abëram: «Gayikako Axwën Kaxanu ri ke ar gë bëtox këm, nëkodo xadëp isoxari iram in. Axara xara këmi barindën angaw̃ amat gë xadëp isoxari iram in. Bamat paḅ gë mëñ këmo šot itošan.» Ata Abëram w̃a ko end fel baño Sarayi eñ.
- ³Abëram anëka lëg baxo bëniy epëxw na gër ebar ed Kanahañ and w̃ed këno Sarayi Agar, xadëp isoxari iḅ Misëra irexëm in, do yërëndër këbi gë Abëram, icën indexëm iñ.
- ⁴Ata Abëram bar këni angaw̃ amat gë Agar. Agar hi ko gë acël. And wat ko mëne gë acël hi ko añ, këno yafënd Sarayi, axwën arexëm an.
- ⁵Ata Sarayi fel këno Abëram: «Eño amena andey ex! Wëno dëñ yërëndër kënun wëj gë xadëp isoxari iram in. Barikan anëka ke yafënd elod ga nang ko mëne gë acël hi ko. Awa Axwën Kaxanu këbo xiti wëno gë wëj!»
- ⁶Abëram yaka këno Sarayi: «Xadëp isoxari irey ga hi ko wa, gër otaxan oday exo. Dilo ang ki yandi ak.» Ata Sarayi yana ko këno rixërand xali Agar hër ko eño canaxën.
- ⁷Meleka ir Axwën Kaxanu in sək këno Agar gër ladawe, ler gër andu and hik gër fëña ir Šur.
- ⁸Wëka këno: «Agar, xadëp isoxari ir Sarayi in, feye wa xaniw këy, do feye wa këy yend?» Yaka ko Agar: «Ahërëgu hërëgu këmo mo canaxën Sarayi, axwën aram an.»
- ⁹Meleka ir Axwën Kaxanu in re ko: «Bakal gër axwën isoxari arey, do buñal ang ki rixëra yo.»
- ¹⁰Meleka ir Axwën Kaxanu in re ko bëte: «Bërandëwëra andey bën mbañ këmëni šënan. Ala ax ñana na exo korënd ebi pën, gayik mocëna këni šëna.»
- ¹¹Baş ko bëte meleka ir Axwën Kaxanu in: «Nëkoḑ ga šot këy acël añ, itošan këyo rëw̃ do yëlidō oḡac or Isëmayel, (Kaxanu awël ko wëlënd). Gayikwa Axwën Kaxanu awël wël ko oniḡ orey ol gër ocëmu oday.
- ¹²Ar këyo rëw̃ ajo er ko hi ang fali ibapuỹ fo, bela ḑek këbi yana ebi merelind, bëte bela ḑek këno yana eño merelind; gabat ko yana exo ḑiyand, ed timëriñ el.»
- ¹³Ata Agar w̃ac këno Axwën Kaxanu, mëñ ar yeyaneli baño an: «Wëj ex El Royi», mëne ngëñ, «Kaxanu, mëñ ar ke watënd an.» Gayikwa are baxo rend: «Awat nde ngwa wat këmo ar wat ke an?»
- ¹⁴Ata mëñ këni w̃acaxënënd andu año: «Andu and Laxahi Royi», mëne ngëñ «Abëngw ar ke watënd an». Andu año hik fëco Kadeš, fëco Bered.
- ¹⁵Agar ga baka ko gër iciḡ ind Abëram, rëwën këno itošan. Abëram w̃ac këno Isëmayel, itošan ind rëwën këno Agar iñ.

¹⁶Abëram anëka sək baŋo bënij ofëxw ocongosas gë bënjongimat, and rëw këŋo Agar Isëmayel aŋ.

Añanar 17

End enëngwët ed omac eŋ

¹Amëd aŋo, Abëram anëka sək baŋo bënij ofëxw ocongonax gë bënjongëbënax. Axwën Kaxanu šanaxën këŋo, do re ko: «Wëno ex Kaxanu, ar fangak an. Diyayind ogës odam ang ke nënganënd ak, do gil ar đal.

²Wëno yata ki eter el. Wëno ki yël obaš oranjëm.»

³Ata Abëram lapaya ko mopoxi, ey'iŷ el ñëš gër ebar. Re ko bëte Kaxanu:

⁴«Endam eŋ cëŋ, eter ed yata këmi el ex: wëj ey' gi sëm ir benëng bend bela bëranjëm.

⁵Owac orey' ol ax bo na Abëram. Abëraxam këni ŷana eni macënd, gayikwa wëno yata ki ey' gi sëm ir benëng bendanjëm.

⁶Obaš or këy'ëbi rëw ol mbaŋ këni ŷëmb. Wëno ki šënan benëng benëng, do bemun kë šanaya na gër andëwëra andey'.

⁷Wëno yata këŋun eter el, wëj do gë đek banjex band bërandëwëra andey' baŋ. Eter elo ed din ir din kë hi. Mondako këme hi wëno Kaxanu, ar xwën këŋun wëj do gë bërandëwëra andey' an.

⁸Ayël këmun yël wëj do gë bërandëwëra andey' bën oxwën or ebar ed gër ed ŷëpa kën ang bëliyer fo ol. Oxwën or din ir din yël këmun đek ebar ed Kanahaŋel, ene nangaxën mëne wëno ex Kaxanu, wëno ar xwën këŋun an.»

⁹Kaxanu fel këŋo bëte Abëraxam: «Wëj đëkayal aye eter ed yata këmun wëj do gë đek bërandëwëra andey' el, ang këni bëtëraw banjex banjex ak.

¹⁰Mondako kë hi eter ed yata këmun wëj do gë bërandëwëra andey' el: itošan ind ex yo eno kacënd axac.

¹¹Oxac ol kë hi nanganëme ir eter ed yata këmun in.

¹²Lëmëta ir këno rëw yo, kacino and këŋo sək bakey banjogëbatas aŋ. Mondako kën ŷana en dind gë bërandëwëra andewën bën. Kacindënëbi bëte okadëp ok: hi këni od rëw kënëbi gër iciw' nde, hi këni od yëc këy'ëbi gë kodî në bëliyer, gër bër ax gi ex na bër ekun edey' nde.

¹³Kacindëleno ar rëw këno yo gër iciw' indey', do gë ar yëc këy'o yo gë kodî irey' an. Oxac ol kë hi gër beman bendewën, nanganëme ir eter ed din ir din ed yata këmun el.

¹⁴Asošan axacërëx an, ar ano kac na an, kërexo bayi na gër bulunda irewën gayik axo pëb ex na eter ed yata këmun el.»

¹⁵Kaxanu fel këno bëte Abëraxam: «End Sarayi, alindax eņ cëņ, tebël emac ed Sarayi el, macindo Sara.

¹⁶Wëno ayël këmo yël obetak ol: mëņ ki rëwën itoșan. Ayël këmo yël obetak ol, benëņg benëņg këbi rëw. Bemun bend benëņg bendanjëm kë șanaya na gër obaș orexëm.»

¹⁷Ata Abëraxam lapaya ko mopoxi, eyiŷ el ņëș gër ebar. Ga këno lëșëgën, ko rend: «Wëno ar sëk ke bëniy keme an nde mo dëw itox? Bëte Sara arëw nde ko rëw, ga sëk këno ako bëniy ofëxw ocongonax?»

¹⁸Ata Abëraxam fel këno Kaxanu: «Wëno dek er xara këmi in ex, exo daf Isëmayel, do eyo mëlaya!»

¹⁹Barikan Kaxanu yaka këno: «Ax gi na mondako, Sara, alindax, ki rëwën itoșan, do macido Isak. Wëno këno yata eter el, eter ed din ir din ed mëņ do gë bërändëwëra andexëm el.

²⁰End Isëmayel eņ cëņ, awël wël këmi. Ayël këmo yël obetak ol, așënan këmo șënan. Obaș or këbi rëw ol mbaņ këni yëmb. Arëw këbi rëw bemun epëxw gë bëki, end ex kala, gë bulunda irexëm in. Axarëk ar enëņg etëm këmo ri.

²¹Barikan eter ed yata këmi el, abayi kë bayi gë Isak, ar këno rëw Sara aniy and kë yowënd an, gë amëd and hi këne aņo dëņ.»

²²And ģata ko er baņo felënd Abëraxam aņ, Kaxanu șëg ko kwël yaņ yaņ.

²³Ga xucak eņo, Abëraxam bar këbi asëniw Isëmayel, gë dek bësoșan bër ekun edexëm bën, gë dek okađëp od rëw kënebi gër iciw indexëm ok, do gë dek od yëc këbi gë kodı irexëm ok. Yatijo fo xac banëbi ang fel baņo Kaxanu ak.

²⁴Abëraxam anëka sëk baņo bëniy ofëxw ocongonax gë bënjongëbënax and xac këno aņ.

²⁵Asëniw Isëmayel, anëka sëk baņo bëniy epëxw gë bëtas and xac këno aņ.

²⁶Ata kwël yatijo fo xac banëbi Abëraxam do gë asëniw Isëmayel.

²⁷Bëte kwël yatijo fo xac banëbi andamat gë mëņ, dek bësoșan bër ekun edexëm bën: hi këni bër rëw kënebi na, hi këni bër yëc këbi gë kodı në bëliyer.

Añanar 18

End itox ind Sara eņ

¹Akey amat, Axwën Kaxanu șanaxën këno Abëraxam gër bananga band Mamëre. Abëraxam aŷëpa yëpa baxo gër ebët ed aner andexëm, ga kë yëka goyat.

²Ga rënëta ko, wat këbi bësoșan bësas ga xwëșa këni nacët ako gër lëņgw irexëm. And wat këbi aņ, xaca këbi gë ongër fo elod gër ebët ed aner andexëm. Ga fed këni, Abëraxam foxi ko eyiŷ el ņëș gër ebar,

³do re ko: «Axara xara këmi Axwën, angëmene ar êenene xwët këye, këla kërey kuca na wa caparëxe gër iciw̃ ind xadëp irey!

⁴Cëniyine tan mun dëmbënegu təkër men oŋ, en nebaraxën osapar oŋ, do en teyëtaxën dila gër amol and atëx!

⁵Cëniyine mun mëlanëgu ey'amb y'amb en kemaxën. Do gwëre ngwa en kuca fëña irewën in. Gayikwa așapagu șapagu kën, gër iciw̃ ind wëno ar ex xadëp irewën in.» Ata yaka këni: «Awa wa këmi, dil ang re këy' ak.»

⁶Ata Abëraxam w̃ara ko gër aner, fel këno Sara: «Awa maral tan ey' nega pix ind bële in, bacariya batas, ey' gëji bambeñe.»

⁷Abëraxam mëŋ w̃ara ko bëte gër oyel. Yebëgu këno engaș, end bëtək aye, do fëxwën këno xadëp ibat eno ŋașaxën. Xadëp ijo w̃ela këno engaș eno ŋașëx do ebi bëkanëgu y'as en bëliyer bën.

⁸Abëraxam w̃ed ko bëte omër oñënək, do gë ond xaŋëgu këni eced, w̃elara ko dek gë y'as er engaș end hãș bano en, do rëdën këbi. Ata bayi ko mokwëša ler gër ed hi bani, dila gër amol and atëx and gër ed bani y'ambërand bëliyer.

⁹Ata w̃ëka këni: «Feye wa exo alindax Sara?» Yaka ko Abëraxam: «Lëf fën gër aner hi ko.»

¹⁰Ata re ko bëte abat: «Abaka këme bakaw șana gër ndewën ro șana, ata gë dorogo dëŋ. Ata alindax Sara eno dëw̃ itoșan.» Xarak, Sara abaxët babi baxëtënd gër ebët ed aner and hi bax gër epoy' ed Abëraxam.

¹¹Amëd aŋo, Abëraxam do gë Sara mokaŋ xar bani. Sara axo bo bana ga ko wat apacaŋ andexëm aŋ.

¹²Ata Sara këno lëșëgënënd do ko rend gër emëkw edexëm fo: «Gërëgako anëka xar këme, oñandi nde ngwa bayi ke na? Ado axwën ar iciw̃ indam an dëŋ, anëka xar ko.»

¹³Ata Axwën Kaxanu w̃ëka këno Abëraxam: «Ineŋa ko lëșaxënënd Sara, do ko rend: "Axor nde ngwa këme xor mo cot itox, wëno axarëk ajo?"

¹⁴Yeŋ nde ex na er sëkwan ko Axwën Kaxanu? Gë aniy and kë y'owënd aŋ, gë amëd and fënëta këme aŋ, abaka këme bakaw gër ndewën ro, do Sara așot këno șot itoșan.»

¹⁵Ata Sara ga ko y'ax, ko rend: «Ame dëș ex na», gayikwa ayëdara yëdara baxo. Barikan Axwën Kaxanu re ko: «Dal ex, alëș lëș këy'!»

End ecalen ed angol and Sodom en

¹⁶Bësoșan bësas bën ga xani këni oñe oŋ, fab këni end angol and Sodom en. Sëfër këni gë Abëraxam, ga këbi laŋëta.

¹⁷Xarak, Axwën Kaxanu are re baxo: «Er këme ri in, amo con na Abëraxam.

- 18** Abëraxam axarëk ar enëng etëm, end gë ojaŵ otëm, ko hi. Pab gë mëŋ këni beta ðek bënëng bend gër ebar beŋ.
- 19** Gayikwa wëno yata këŋo ebi pelaxënënd obaŝ orexëm ol, do gë ðek bër ekun edexëm bën, eni ðiyand ed ang rek bapela bandam ak, and kë xuca bakey bandexëm baŋ. Asëy'ali këbi ŷana ebi tëy'alind edi ed end ŝenene el, do gë er ke ŷandind in. Mondako këmo yëlxën Abëraxam er bey'a këmo in.»
- 20** Ata re ko Axwën Kaxanu: «Abëraxam, awël wël këme mëne Bësodom bën do gë Bëgomor bën beñëñenax betëm këni rind.
- 21** Wëno mëŋ këme ŝëlxënënd me wat ba ang wël këme ak dëŋ nde ex. Hik ðal nde, ax gi ex na ðal nde, anang këme nang.»
- 22** Ata xuca këni bësoŝan bëxi bën ond gër Sodom oŋ, barikan Axwën Kaxanu bayi ko na. Abëraxam xwëŝa ko gër lëngw irexëm.
- 23** Abëraxam sëka këŋo, do re ko: «Enimin, abar nde këy'ëbi bar ey'ëbi nemin ar ŝenene an do gë aŵëndëran an?
- 24** Bamat na fo exëni gër angol aŋo bela ofëxw oco bër ŝenene. Enimin, anemin nde këy' nemin angol aŋo? Ay'ëbi teban na nde në end bela bër ŝenene ofëxw oco bëjo?
- 25** Ax mënd ex na ey' di mondako: ey'ëbi bar enemy el, ar ŝenene an do gë aŵëndëran an. Ax mënd ex na ey' di mondako! Wëj wa ga këbi xitind ŝenene ðek ebar el, ay' di na nde kiti ind ŝenene?»
- 26** Yaka ko Axwën Kaxanu: «Angëmëne, asëk sëk këmëni gër Sodom bër ŝenene ofëxw oco, në end endebën këmëni sebanaxën ðek angol aŋ.»
- 27** Abëraxam re ko bëte: «Axwën, ayëxw yëxw këme mi yey'aneli wëno ar ex omak do gë ey'ëwën fo an.
- 28** Bamat gër bër ŝenene ofëxw oco, bëco bayik ani gi ex na, anemin nde këy' nemin ðek angol aŋ?» Yaka ko Axwën Kaxanu: «Ame nemin na angol aŋ, angëmëne asëk sëk këmëni bër ŝenene ofëxw onax gë bëco.»
- 29** Barikan Abëraxam, kwël dëŋ bayi baxo ga këŋo yey'aneli Axwën Kaxanu. Ata re ko bëte: «Bamat bër ŝenene ofëxw onax fo exëni.» Yaka këŋo: «Në end bër ŝenene ofëxw onax bëjo, ŷoweŷ ame di na.»
- 30** Re ko bëte Abëraxam: «Këla Axwën, kërey' koŷ na, angëmëne ayey'an yey'an këme. Bamat bër ŝenene ofëxw osas fo exëni.» Yaka ko Axwën Kaxanu: «ŷoweŷ ame di na angëmëne asëk sëk këmëni bër ŝenene ofëxw osas.»
- 31** Abëraxam re ko bëte: «Axwën, kwël dëŋ bayik ga këme yëxw mi yey'aneli... bamat bër ŝenene alapem këy'ëbi sëk.» Yaka ko: «Në end bër ŝenene alapem bëjo, ame nemin na angol aŋ.»

³²Abëraxam re ko bëte: «Këla Axwën, kërey koỹ na, angëmëne akëlëbëd aņo fo yey'an këme bëte: bamat bër ŝenene epëxw fo exëni.» Yaka ko: «Në end bër ŝenene epëxw bëjo, ame nemin na angol aņ.»

³³Ga ĥata ko eyakar ed gë Abëraxam el, Axwën Kaxanu y'e ko kwël. Ata Abëraxam baka ko gër ndebën.

Añanar 19

End enemın ed angol and Sodom eņ

¹Omeleka oki ok ĥat këni genëka gër Sodom. Xarak Lot, gër ebët ed angol and Sodom yëpa baxo. And wat këbi aņ, xani ko, xaca këbi, do foxi ko eyiỹ el ñëš gër ebar.

²Ata re ko: «Faba bën axara xara këmun, capayın wa gër iciw ind wëno xadëp irewën iņ, eņun keyëx. Nebarayın osapar oņ, gwëre en kuca ecan mopëd gëbër.» Yaka këni bën: «Ali, biyi fac këbo xey gër yangana ir angol.»

³Barikan Lot ga nëyalira këbi xali, xor këbi, ata šapa këni gër iciw indexëm. Rin këbi ñambëran, wëkan këbi bamburu band gë lewir këm, do yambëra këni.

⁴Ani dakira bana pere ga yëlëtaw këni bër gër angol and Sodom bën. Bësošan bën xeta këni jey iciw ind Lot iņ, ga yānaw këni ocambenjar ok, bëtëgu këni bëxarëk bën. Fëxwëšërëgu këni dek bulunda in, gë ar kë bayi këm ak.

⁵Ga wac këno Lot, wëka këno: «Feye wa exëni bela bër ĥatëguk genëka go gër iciw indey ro bën? Nëcëtëguyëbi mi daki gë bën!»

⁶Ata Lot šan ko, fëraw ko ebët el gand epoy edexëm.

⁷Re ko: «Bëmaỹe axara xara këmun, këren di na eñëņenax etëm eņo!»

⁸Nëkodëbi odënaw oki odam ok, bësošan anëbi nang ex na. Bën këmun nëcëtënëli, do enëbi di ang këņun nëngan ak. Bela bëjo cëņ, yoweỹ kërenëbi di na, gayikako gër amol and iciw indam ro yow këni.»

⁹Barikan bën yaka këni: «Wëj pacanal!» Re këni bëte: «Watino aliyer ar yowëk ocalaran gër ndëbi ro, ga yāndi këņo ebo nëp! Gërëgako, biyi wëj këmi nëmba mi di eñëņenax eņ nëmëc bën!» Ga fim këno Lot, wël këni eni gëbëra epëra el.

¹⁰Ata omeleka ok sëraw këno Lot, lasëx këno lëf gër iciw, do kwël fëra këni ebët el.

¹¹Bësošan bër ebax gër ebët ed iciw bën cëņ, lapan kënëbi ošiw. Ga yāna kënëbi ocambenjar ok, šiwën kënëbi xali gë bëxarëk ak. Añëmbarëra fo bani ĥëmbarërand, bari abani wat na ebët el.

¹²Omeleka ok fel këno Lot: «Bela bër ekun edey nde exëna gër angol? Hi këni bër yër këbi odënaw oday nde, hi këni bosëñix nde, hi këni bošix nde, hi këni bërey nde, nëcëtëlëbi, eyëbi ñawëtali angol aņ.

- 13 Biyi mi nemin angol aŋo ro yowaxënëgu këmi. Gayikwa Axwën Kaxanu awël wël ko mēne bela bër lëgëk ro bën beññenax betēm këni rind. Mēñ lawēnaxënëgu këbo mi nemin angol aŋo ro.»
- 14 Ata Lot ŝan ko ebi pelëra bër yër babi odënaŵ odexēm bën, gë bër nēm babi odënaŵ odexēm od bayi bax ok: «Marayin en can angol aŋo ro, gayikwa Axwën Kaxanu anemin ko nemin.» Barikan boŷaraw yëla këni anëxi këbi nëxind.
- 15 And ĥatëguk oxeya aŋ, omeleka ok ga këno nēyali Lot, këni rend: «Wëj kanil ey y'e, međëlo alindax do gë odënaŵ oki od ex ro ok, këdi këñun wëlali amena and angol aŋ.»
- 16 Barikan Lot ko fërërand. Ata sëra kënëbi dëp gër bataxan, mēñ, gë alindaŵ, do gë odënaŵ oki odexēm ok, las kënëbi xali ŝan këni angol aŋ. Gayikwa Axwën Kaxanu aŷandi yandi baŋo ebi pexën.
- 17 And nēcët kënëbi angol aŋ, omeleka ok re këni: «Awa ala kala gërëlexo exo pexënaxën gaf irexēm in. Ax gi ex na monëkona, do ax gi ex na mokwëša đek anen aŋ. Gërin xali gër etënd, en pexaxën këdi këñun buša.»
- 18 Ata re ko Lot: «E Axwën, axara xara këmi!
- 19 Axara xara këmi Axwën, wëno xadëp irey in, ga xaŷënan ki ako biyi xali yël këyëbo oyekax or mi pexaxën ol, ami kor na mi ŋat xali gër etënd elo, tëb këbo fënga etēm eŋ do mi cës.
- 20 Këla nëkoda angol aŋo đam ro fo ex, bëte atil fo ex. Axor këmi xor mi ŋat, mi pexaxën. Ax bax na nde angol aŋo?»
- 21 Ata yaka ko meleka in: «Awa aŵa ŵa këme mun yël bëte oyekax olo. Angol and xara këy'e aŋo, ame nemin na.
- 22 Awa marayin, gërin xali fën. Gayikwa yoweŷ ame kor na me di xali en ŋat.» Mēñ ŵacaxën këni angol aŋo «Tësowar», mēne ngëñ «Atil».
- 23 Ga kë fën eñan eŋ, bani ĥatënd Lot bën gër Tësowar.
- 24 Ata Axwën Kaxanu wëlraw ko mungu ind fëtëk xodux do sëbandëra këbi elod gër orën bangol band Sodom do gë Gomor baŋ.
- 25 Bëlën ko bangol baŋo gë đek ebar elo ak, gë đek bela bër lëg bax gër bangol baŋo ak, do gë bebër lëgëra bax gër ebar elo ak.
- 26 Asoxari ar Lot an, ga nëkona ko, nëngwëta ko atox and ongal.
- 27 Abëraxam ga xani ko mopëđ gëbër, y'e ko gër ed xwëša bani gë Axwën Kaxanu.
- 28 Nëkona ko gand Sodom do gë Gomor, gand ed ex đek ebar elo. Wat ko gand angëni bokwëcën boŋ ang bond apuŷ and kë yegënd fo.

²⁹And baxo neminënd bangol band ebar elo baŋ, Axwën Kaxanu xwita ko er xara baŋo Abëraxam in: racët këŋo Lot gër etëm end lapan babi bër gër bangol band gër ed lëg baxo Lot bën.

End Lot do gë odënaŵ odexëm eŋ

³⁰Lot ga yëda ko exo dëg gër angol and Tësowar, y'e ko yafëx këni gë odënaŵ odexëm ok gër etënd, lëf në akel.

³¹Ata endënaŵ ekarëk eŋ fel këŋo emeja eŋ: «Faba irebi anëka xar ko, do asoŝan ar këbo yër ang rëpëk ak, axo gi ex na ro gër ebar ed hi këne.

³²Yow eŋo yële ngoy in faba irebi, xali eŋo ŋaŵ. Do d'akinde gë mënŋ ebo cotënaŝen bëtox, ex bayixën andëwëra andexëm aŋ.»

³³Ata genëka, yël këno ngoy in sëm irebën xali y'aw këŋo. Endënaŵ ekarëk eŋ laki këni gë sëm irexëm. Bari mënŋ y'oweŷ axo wata bana: axo nang bana nand laki këni gë endënaŵ ekarëk na, bëte axo nang bana nand xani ko endënaŵ na.

³⁴Në ecan ijo, endënaŵ ekarëk eŋ fel këŋo emeja eŋ: «Ganëka gëmëd gë wëno laki këmi gë faba. Yëlëŋoye bëte ngoy in exo ceb xali eŋo ŋaŵ doro bëte. Do gë wëj kën laki eŋo cotënaŝene andëwëra.»

³⁵Ata genëka ijo bëte, yël këno ngoy in sëm irebën, xali y'aw këŋo. Endënaŵ emeja eŋ y'e ko laki këni gë mënŋ. Bari mënŋ y'oweŷ axo wata bana: axo nang bana nand laki këni na, bëte axo nang bana nand xani ko endënaŵ na.

³⁶Odënaŵ oki od Lot ok, mondako ŝot bani bacël gë sëm irebën.

³⁷Endënaŵ ekarëk eŋ rëw këŋo itoŝan wac këŋo Mohab: mënŋ ex axarëk ar bërändëwëra and Mohab an xali doro.

³⁸Endënaŵ emeja eŋ rëw këŋo bëte itoŝan. Wac këŋo Ben-Ami, mënŋ ngëŋ «Asëniŵ ar bulunda iram»: mënŋ ex, axarëk ar bërändëwëra and Amoŋ an xali doro.

Añanar 20

End Abëraxam do gë Abimelek eŋ

¹Ata Abëraxam ga xani ko na, rëfa ko gand ladawe ir Negeb. Lëgëx këni fëco Kadeŝ, fëco Ŝur. Ga nëkanak, y'e ko bëte oliyer gër ebar ed Gerar.

²End Sara, asoxari arexëm eŋ, Abëraxam mondako felëx babi: «Abaŷe ex.» Ata Abimelek, emun end gër Gerar eŋ, re ko eno mëlan Sara.

³Barikan Kaxanu ga y'ow ko gëmëd në lakeli gër Abimelek, re ko: «Awa wëj aŝës këy ŝës në end asoxari ar wëlaw këy'o ajo, gayikwa gë icën exo.»

⁴Ani tëkar bana pere Abimelek do gë asoxari ajo. Abimelek re ko: «Axwën, wëno gë bulunda iram in, ami mendëra ex na. Alaŵ nde këy'o laŵ mondako dëŋ ar ŝenene an?

- ⁵Mëñ Abëraxam dëñ ga fel ke wa: “Abaÿe ex.” Asoxari an re ko mëñ bëte: “Abaÿe ex.” Gë emëkw epeşax wëlaw këmo, do eñëñenax ame di ex na.»
- ⁶Ata Kaxanu yaka këño gër lakeli: «Wëno bëte anang nang këme mëne gë emëkw epeşax wëlaw këyo. Wëno wa sëra ki mëñ bayik ay'e menan ex na. Ami teb ex na ey'o tëka asoxari ajo.
- ⁷Mëñ ex gërëgako, medëlo asoxari ajo ey'o maş icën indexëm in. Mëñ alaŵënel aram hi ko. Aşalen ki şalen ey' bayixën ga këy' liyand. And kën şës ex de wëj do gë dek ekun edey' el, angëmëne ay'o maş ex na asoxari an, icën indexëm in.»
- ⁸Abimelek xani na mopëd gëbër. Wac këbi dek bëlëngw bër gër owun orexëm bën, do sëfëtan këbi dek endey' eño. Ata yëdara këni mbañ.
- ⁹Abimelek wac këño Abëraxam do wëka këño: «Ineŵa rixën këy'ëbo eño? Ba wëno ÿey' nde wënan këmi na mëñ lënanaxën këy'ëbo eñëñenax etëm eño, wëno gë bulunda iram in? Bëbër rinan këy'e bëjo, ax ñap ex na.»
- ¹⁰Abimelek fel këño bëte Abëraxam: «Ga ri këy' ako eño, ine bay' şaland?»
- ¹¹Ata yaka këño Abëraxam: «Wëno ako yëla bame mëne wën bela bër gër ebar elo ro bën ano yëdand na Kaxanu, do mëne alaŵ këne laŵ në end asoxari aram.
- ¹²Bëte dal dëñ ex mëne abaÿe ex gayikako, faba ibat hi këmi. Barikan asoxari aram hi ko gayik ami gi ex na nëma ibat.
- ¹³And fel ke Kaxanu me canëgu gër ekun ed faba iram añ, fel këmo Sara: “Awël nde oyekax olo këy'e ÿana ey'e dinënd gër ed ke yeye yo. Deyind mëne abinëx hi këme”.»
- ¹⁴Ga xucak eño, Abimelek wëd këbi obeci, gë opeÿ, do gë oxey' do yël këño Abëraxam. Yël këño bëte okadëp otoşan do gë okadëp otoxari. Waş këño bëte Sara, alindaŵ.
- ¹⁵Re ko Abimelek: «Awël nde, nëkod ebar edam el, dëgël gër ed këy' ñan.»
- ¹⁶Fel këño bëte Sara: «Anëka yël këmo abinëx batama wëli band kodı. Mondako lab këme dëxas irey' in eni nangaxën bër ekun edey' bën mëne ay' mendëra ex na.»
- ¹⁷Ata Abëraxam xara këño Kaxanu. Kaxanu fakën këbi Abimelek, gë alindaŵ, do gë dek okadëp otoxari odexëm ok, eni koraxën edëw ed obaş el.
- ¹⁸Gayikwa Axwën Kaxanu ri bax hi këni bësoxari bëboroxok dek ekun ed Abimelek el, në end Sara, asoxari ar Abëraxam eñ.

Añanar 21

End Isak eñ

- ¹Ga xucak eño, Axwën Kaxanu yël këño oyekax orexëm ol Sara, ang re baxo ak. Axwën Kaxanu ri ko ang bey'a baxo ak.

²Ata Sara hi ko gë acël do rëwën këño Abëraxam itoşan gër oxar orexëm dëñ, nand fënëta baxo Kaxanu na.

³Abëraxam w̃ac këño asëñiŵ ar rëw bano mëñ gë Sara an, Isak, mëne ngëñ «Olëş».

⁴Abëraxam xac këño asëñiŵ Isak yatir sëk këño bakey banjongëbatas, ang fel baño Kaxanu ak.

⁵Abëraxam anëka sëk baño bëniy këme and rëw këno asëñiŵ Isak añ.

⁶Ata re ko Sara: «Kaxanu ri ke alëşëradëşëra. Ar kë wël yo endey' eño, alëş ke lëş.»

⁷Re ko bëte: «Noŷo wa fel doño Abëraxam mëne akey amat, wëno Sara ayerin këmëni yerin obaş? Barikan itoşan rëwën këmo gër oxar orexëm dëñ!»

⁸Mondako raf ko lëmëta in xali yapët këño. Abëraxam ri ko ofëna osëm yatir yapët këno Isak.

End Agar do gë Isëmayel eñ

⁹Akey amat, Sara wat këño asëñiŵ ar Abëraxam an, ar rëw këño Agar, xadëp isoxari ib Misëra an, ga këño lëş Isak.

¹⁰Sara fel këño Abëraxam: «Nŵayëlëbi xadëp isoxari in, do gë itox indexëm in. Gayikwa itox ind xadëp isoxari ijo in do gë Isak, itox indam in, ani bëteli na andamat napul irey' in!»

¹¹Ata Abëraxam şus ko mbañ eyey'an elo gayikwa itox ino asëñiŵ ebaxo!

¹²Barikan Kaxanu fel këño Abëraxam: «Kërey' koŷ na end lëmëta eñ do gë end xadëp isoxari irey' eñ. Dil dek er ko re Sara in. Gayikwa paş gë Isak ko y'ow ar këno w̃ac andëwëra andey' an.

¹³End asëñix ar şot këno gë xadëp isoxari irey' eñ cëñ, ari këmo ri exo gi mëñ bëte bulunda, gayikwa arandëwëra andey' hi ko.»

¹⁴Ata Abëraxam xani ko mopëd gëbër, wëd ko şëlafana in, gë amote and men añ fëxwën këño Agar do fela këño. Agar ga rënda këño itox in y'e ko kwël ko nambëraraxënd gër ladawe ir Berëşeba.

¹⁵And xwëtëk men ond gër amote añ, Agar ŷañëta këño itox indexëm in dila në acëc,

¹⁶y'e ko ŷëpax ko nacët, gwër në edapan ed ekaŷ. Gayikwa er baxo rend: «Axe ñandi ex na mo wat itox indam in ga ko şës.» Ata ŷëpax ko, nacët ako do ko sesënd.

¹⁷Kaxanu wël ko otes od lëmëta ok. Ata elod gër orën, meleka ir Kaxanu in, w̃ac këño Agar, re ko: «Agar in ex wa? Kërey' yëdara na gayikwa Kaxanu awël wël këño lëmëta in fën gër ed exo.

¹⁸Kanil ey'o medëgu lëmëta in, do dasëguyo aye, gayikwa wëno këño ri exo gi bulunda isëm.»

¹⁹Ata Kaxanu ga fodët ko bangës band Agar baŋ, Agar wat ko andu. Ye ko rëmbëgu ko cëm amote aŋ, do yël këŋo itox iŋ ŝeḅ ko.

²⁰Mondako hi bani Kaxanu gë lëmëta in, do mën kwël ko rafënd. Lëg ko na gër ladawe, do hi ko kamara ir bax nëxand gë atumb.

²¹Na gër ladawe ir Paraŋ lëg baxo, do nëm ŝalanëgu këŋo asoxari Amisëra.

End eter ed Abëraxam do gë Abimelek eŋ

²²Amëd aŋo, Abimelek do gë Pikol, alëngw ar ocoroḁa odexëm an, yow këni gër Abëraxam. Re ko Abimelek: «Kaxanu ki nëkonand gër dek bebër këy rind.

²³Gërëgako yaŝarël ro dëŋ, gër oŵac or Kaxanu mäne din ayëbo mereli na wëno, gë obaŝ oram ol, gë bërandëwëra andam bën. Yaŝarël mäne alëkaya këy lëkaya eter edebi el ang lëkayaw këme wëno gër ebar ed liyerali bay.»

²⁴Ata re ko Abëraxam: «Awa anëka yaŝar këme.»

²⁵Barikan Abëraxam rexëra këŋo Abimelek në end andu and xan bano bela bërexëm eŋ.

²⁶Yaka ko Abimelek: «Amo nang ex na ar rik eŋo an. Doro fo këme wëlënd endey eŋo, wëj elod ay'e pel ex na.»

²⁷Abëraxam yebëgu këbi obeci, gë opey do gë oxey, yël këŋo Abimelek. Mondako yatar bani eter el bën bëxi.

²⁸Abëraxam fit këbi opey ocongoki.

²⁹Ata Abimelek wëka këŋo: «Oko inewã fitaxën këyëbi opey ocongoki oko?»

³⁰Yaka ko Abëraxam: «Kanalëbi opey ocongoki oko, ex gixën sede ir mäne wëno nacëk andu aŋo.»

³¹Mën këni wacaxënënd na gër ed hi bani Berëŝeba, mäne ngëŋ «Andu and gë eyaŝar», gayik na yaŝar bani bën tak bëxi.

³²Mondako ri bani eter el gër Berëŝeba. Ga xucak eŋo, Abimelek do gë Pikol emun end ocoroḁa odexëm eŋ xani këni eni bakaxën ond gër ebar ed Ofilisëteŋ.

³³Ata Abëraxam rëḁ ko angwalam na gër Berëŝeba, do ga këŋo ŝale Kaxanu, këŋo wacënd Axwën.

³⁴Ata Abëraxam yëpa ko na gër ebar ed Ofilisëteŋ xali nëkak.

Añanar 22

End atëy and Abëraxam eŋ

¹Ga xucak eŋo, Kaxanu ri këŋo atëy Abëraxam. Re ko: «Abëraxam!» Yaka ko Abëraxam: «Woy!»

- ²Re ko bête Kaxanu: «Axara xara këmi, medëlo asëñix ar tañ arey an, ar ñan këyo an, Isak. Mëlalo gër ebar ed Moriya, eyo dix şadaxa ir momëlën yañ gër etënd ed këmi fënëtan.»
- ³Ata Abëraxam xani ko mopëd gëbër, xap këno fali in, fel këbi okadëp oki, do gë asëñiw Isak eno dfañeta. Otëx od şadaxa ir momëlën od şapën bano ok, libën këno fali in, do kwël ye këni ond gër ed fënëtan baño Kaxanu oñ.
- ⁴Yatir akey atasën, Abëraxam ga rënëta ko, wat ko caw ako gër ed fënëtan këno Kaxanu.
- ⁵Abëraxam fel këbi okadëp odexëm ok: «Wën cëniyinëbo ro gë fali in. Wëno do gë lëmëta in, mi ye xali yañ mi caleraw, gwëre mun təkati.»
- ⁶Abëraxam wëd ko otëx od şadaxa ir momëlën ok, do lëbin këno asëñiw Isak. Lëkaya ko mëñ dëñ xodux ol do gë icas iñ. Ata kwël këni yend bën tak bëxi yañ gër etënd.
- ⁷Ata Isak wac këno sëm: «Faba» Yaka ko Abëraxam: «Woy, asëñiwën!» Re ko bête Isak: «Nëkod xodux ol do gë otëx ok, do feye wa exo ifey ir şadaxa ir momëlën in?»
- ⁸Yaka ko Abëraxam: «Asëñiwën, Kaxanu aşotën këbo şotën ifey ir këno riye şadaxa ir momëlën in!» Do kwël këni yend bën tak bëxi.
- ⁹And ñat këni gër ed wësin baño Kaxanu añ, Abëraxam ri ko angëb, do xëbena ko otëx ok yañ. Xap këno, asëñiw Isak, do ren këno gër otëx od yañ gër angëb.
- ¹⁰Abëraxam wëd ko icas iñ eño ñaşaxën asëñiw.
- ¹¹Ata meleka ir Axwën in ga wacëgu këno elod gër orën ko rend: «Abëraxam! Abëraxam!» Yaka ko mëñ: «Woy!»
- ¹²Re ko bête meleka ir Axwën in: «Këreyëño kwixwëta na lëmëta in, do yowey këreyëño dinan na. Anëka nang këme gërëgako mëne ayëda këyo yëdand Kaxanu, do ado ayö dëc ex na asëñix ar tañ an.»
- ¹³Ga rënëta ko Abëraxam, wat këno xondo gand epoy edexëm ga hënjar ko gë ofarix orexëm oñ gër acëc. Ata yen këno do ñaş këno şadaxa ir momëlën in, gër ed ebax eño cadaxa asëñiw.
- ¹⁴Abëraxam wac ko na gër ed ebani: «Adonayi-Yire», mëne ngëñ «Axwën Kaxanu aşotën ko şotënënd». Mëñ bayixënëk eyeyan elo xali dorö: «Gër etënd ed Axwën Kaxanu, mocot ex.»
- ¹⁵Meleka ir Axwën Kaxanu in wac këno akinëm Abëraxam elod gër orën.
- ¹⁶Re ko: «Në eyaşar eme gër oñac oram dëñ (eyeyan ed wëno Axwën Kaxanu el), gayik ari ri këy eño, bête gayik ayë dëc ex na asëñix, asëñix ar tañ an,

¹⁷ayël këmi yël obetak ol. Bërandëwëra andey bën aÿëmb këni ÿëmb ang oÿal or gër orën fo, do ang edini ed gër bëña ir angwëngw fo. Bërandëwëra andey bën kë ÿana ex kwënënd bangol band bërangoyëra andebën bañ.

¹⁸Dek benëng bend gër ebar beñ kë ÿana ex dëwarëndërend obetak ol pab gë arandëwëra andey añ gayik abaxët baxët këye.»

¹⁹Ga xucak eño, Abëraxam do gë lëmëta in šëla këni gër ed sebëgu banëbi okadëp odexëm. Ata bën dek sëfër këni do kwël wäÿi këni gër Berëšëba, gayikwa fën lëg baxo Abëraxam.

End bërandëwëra band Naxor beñ

²⁰Ga xucak eño, fel këno Abëraxam: «Milëka mëñ bëte, arëwën rëwën këño bëtošan abinëx Naxor:

²¹Utës, itošan iñanar iñ, gë Bus abinëm, gë Kemuhel, sëm ir Aram,

²²gë Kesed, gë Aso, gë Pilëdaš, gë Yidëlaf, do gë Betuwel».

²³Betuwel rëw këño itoxari, Rebeka. Bën ex bosëniw bor Naxor, abinëm ar Abëraxam, bëtošan bënjongëbëtas bënd rëw këbi Milëka bëñ.

²⁴Rewuma, asoxari ar ÿëpa bani aÿëpa fo gë Naxor an, arëw rëw këbi bëte obaš: Teba, gë Gaxam, gë Taxaš, do gë Mahaka.

Añanar 23

End ecës ed Sara eñ

¹Ga xucak eño, Sara sëk këño bëniy këme gë alapem gë bënjongëbëki. Bëniy go liya ko Sara.

²Sara šës ko and lëg bani gër Kiriya-Arëba, angol and wër bax oÿac or Ebëron, gër ebar ed Kanahañ añ. Ata Abëraxam këño ÿawënd, do ko fëÿëpëÿënd eman end Sara eñ, ang rëp bax ak.

³Abëraxam ga xani ko na gër ed ebax eman end alindaÿ, ÿe ko gër bërandëwëra and Het.

⁴Re ko: «Wëno aliyer fo hi këme, do aÿëpa fo ÿëpa këme gër ndewën ro. Panine ebar ed këme xwën, me dixën banapëra gër ndewën ro, mo mëxwëtaxën asoxari aram ar sebëta ke an.»

⁵Ata bërandëwëra and Het bën yaka këno Abëraxam:

⁶«Awël nde faba, wëj emun end sana këño Kaxanu ga hi këy wa mërëxand irebi ro. Mëxwëtalö alindax gër ÿeg ir yexënan ki nëmëc, gër banapëra bandëbi ro. Gabatak axi dëc na añeg and xwën ko añ eyo mëxwëtaxën alindax.»

⁷Ata xwiriš Abëraxam, foxi ko gër lëngw ir bër ÿëpaxën bax endey eño, gër lëngw ir bërandëwëra and Het bër lëg bax na gër ebar elo bën.

⁸Re ko: «Angëmëne aŵa ŵa kën mo mëxwëta asoxari aram ar sebëta ke an, awël nde natelin okar odam ok gër Efëron, asëñiŵ ar Tësohar an.

⁹Panëlexe oxel or Makëpela or xwën ko ol, or hik gër wura ir ošënga orexëm ol. Panëlexe ang ko fënëta akanji ak, me cotaxën ebar ed këme ri banapëra bandam, gër ndewën ro.»

¹⁰Xarak, Efëron mëñ dëñ na yëpa bani gë bërändëwëra and Het bën. Efëron yaka këño Abëraxam, wël këno bërändëwëra and Het bën, do gë dek bër bax lilënd gër ebët ed angol andexëm bën.

¹¹Re ko: «Ali faba! Awël nde, wëno ayël fo yël këmi ošënga ol. Bëte ayël fo yël këmi oxel or ex gër wura ol. Anëka yël këmi ogës od bër ex bulunda iram ok: mëxwëtalëño alindax.»

¹²Ata Abëraxam foxi ko na gër lëngw ir bela bër gër ebar elo.

¹³Fel këño Efëron, na gër ed barër bani bulunda ir ebar elo: «Angëmëne aŵa ŵa këy, eyë baxët, wëno ayël këmi yël akanji and ošënga añ. Kanal axana kodî in mo mëxwëtaxën asoxari aram an.»

¹⁴Barikan Efëron yaka këño Abëraxam:

¹⁵«Faba awël nde, ine ngwa ex ebar ed batama okeme onax band kodî elo? Mëxwëtalëño alindax!»

¹⁶Ata Abëraxam ga wël ko er re baxo Efëron in, fënën këño kodî in ang fënëta baxo ak, ogës od bërändëwëra and Het: batama okeme onax band kodî, ang bani nëmbënd gër bëfandëran ak.

¹⁷Ata Abëraxam yëc ko ošënga or Efëron ol, or gër Makëpela ol, or mopabër gë Mamëre ol, gë oxel ak, do gë dek batëx band ex gër ed sëlëk ošënga ak.

¹⁸Ata xwën ko dek ogës od bërändëwëra and Het, do ogës od dek bër bax lilënd gër ebët ed angol andebën.

¹⁹Ga xucak eño, Abëraxam wëxëta këño alindaŵ Sara, lëf gër oxel or gër ošënga or gër Makëpela, or mopabër gë Mamëre ol, mëne ngëñ gër Ebëron, gër ebar ed Kanahañ.

²⁰Awa Abëraxam mondako ri baxo banapëra bandexëm bañ gër oxel or hik gër ošënga or yëc ko gër otaxan od bërändëwëra and Het ol.

Añanar 24

End asoxari ar Isak eñ

¹Ga niyitarak, Abëraxam kwël dëñ ko xarënd. Axwën Kaxanu yël baño obetak ol gër beÿ dek.

²Akey amat, Abëraxam w̃ac këño axarëk ar okadëp od gër ekun edexëm an, ar bax nëkonand dëk napul irexëm an, do fel këño: «Këla, dilaliw tan ataxan andey' aŋ gër emef endam .

³Awa gërëgako yaşarël gër õwac or Axwën Kaxanu, mëŋ ar rik orën do gë ebar an, mëne din ay'ëño cala na asoxari ar asëñiwën an gër odënaw̃ od gër ebar ed Kanahaŋ, ro gër ed lëg këme.

⁴Yeyid' xali gër ebar edebi, gër ed rëw̃ këne fën, ey'o calaw asoxari ar asëñiwën Isak an.»

⁵Yaka këño xadëp in: «Bamat asoxari an, aŋo ñandid na exe tëfëgu xali gër ebar elo ro. Mo bakalid' nde fën asëñix?»

⁶Yaka ko Abëraxam: «Adokiŋ, din kërey'ëño bakalid' na dë!

⁷Axwën Kaxanu, mëŋ ar ex gër orën an, nëcëtëgu ke gër ekun ed faba, gër ed rëw̃ këne. Mëŋ w̃acëgu ke do yaşar ko mëne ayël këbi yël oxwën or ebar elo ro ol, bërandëw̃ëra andam bën. Mëŋ dëŋ këño law̃ënëgu meleka irexëm in exi dëngweli. Awa fën këyo şotëguđ asoxari ar asëñiwën an.

⁸Eyaşar ed nëyali këmi elo, ax bo na ga sëra ki, angëmëne asoxari an aŋo ñandi ex na exi tëfëgu. Bari din kërey'ëño bakalid' na fën asëñiwën.»

⁹Ata xadëp in lilali ko ataxan aŋ gër emef end Abëraxam, axwën arexëm eŋ. Mondako yaşar baxo mëne ari ko ri er fel këño in.

End ebar ed Abëraxam eŋ

¹⁰Ga xucak eŋo, xadëp in w̃ed këbi ogelemba epëxw gër kece ir ogelemba od axwën arexëm, do kwël y'e ko, gë dëk bëbëxëbëanaxik bër fëxwëndëra baŋo axwën arexëm bën. Ye ko kwël ond gër ebar ed Mesopotami oŋ, xali gër angol and Naxor.

¹¹Mondako y'e bani bakey bakey, ĥataxën këni d'am gër angol, ler në andu. Ata xadëp in foxin këbi ogelemba ok eni pedaraxën bër enga endexëm bën. Amëd aŋo bani y'owërawënd genëka, bësoxari bën gër edëmb ed men.

End cale ind xadëp ir Abëraxam eŋ

¹²Ata xadëp in şale ko mondako: «Axwën, wëj ex Kaxanu, ar yata këño Abëraxam, axwën aram an. Axara xara këmi, yelex doro fëña iram in, do masinële mondako mëne alëkaya lëkaya këy' eter ed yata këyo axwën aram el!

¹³Wëno ro këme xwëşa, gër ed këni y'owënd odënaw̃ od bela bër gër angol aŋo ok, eni dëmb men oŋ.

¹⁴Endënaw̃ end këmo fel: “Axara xara këmi, ñëw̃ël eput edey' el me cebaxën men ond lapara këy' oŋ”, do mëŋ exe yaka: “Awa cebël, arëmbën rëmbënëgu bëte ogelemba oday' ok eni ceb!” Gilexo asoxari ar sanan këyo Isak, xadëp irey' an! Angëmëne mondako ri këy', anang këme nang mëne alëkaya dëŋ lëkaya këy' eter ed yata këyo Abëraxam, axwën aram el.»

End Rebeka eŋ

- 15**Xadëp in axo ŋata bana pere cale iŋo ga ħatëgu ko gë eput el monapara, Rebeka abiw̄ ar Betuwel asëniw̄ ar Milëka, asoxari ar Naxor, abaŷe ar Abëraxam an.
- 16**Endënaw̄ end yek mbaŋ ebaxo, emeja fo bayi baxo, do gë asoŝan ani nangër bana. Mëŋ šëla bax gër andu rëmbëgu ko men oŋ.
- 17**Xadëp in hër ko, fed këni, do re ko: «Axara xara këmi, ñëw̄ël eput edey' el, me cebaxën men ond lapara këy' oŋ.»
- 18**Yaka ko endënaw̄ eŋ: «Cebël faba, cebël!» Ýëw̄ ko aŷand eput el, exo cebaxën xadëp in.
- 19**And fed këŋo aŋ, endënaw̄ eŋ re ko: «Arëmbën këmëni rëmbënëgu bëte ogelemba oday' ok eni ceb xali ebi ped.»
- 20**Ata xat ko aŷand gër aceba men ond bayita bax gër eput oŋ. Baka ko aŷand exo dëmbëgu bëte polo gër andu. Rëmbëndëra këbi mondako dek ogelemba ok.
- 21**Ata asoŝan an ko yëlarand ba Axwën Kaxanu dëŋ nde rik eŋo ex yexën fëña irexëm in.
- 22**And šëb këni ogelemba xali fed këbi aŋ, asoŝan an yëpëtën këŋo anëna atibax and kaŋe, gë bëŋwën bëtibax bënd kaŋe, do bakëra këŋo endënaw̄ eŋ gër onëxar.
- 23**Xadëp in w̄ëka ko: «Wëj endënaw̄ end noŷo wa hi këy? Axara xara këmi, pelële. Aŝot nde këmi ŝot gër ndewën në er këbo xey?»
- 24**Yaka ko endënaw̄ eŋ: «Wëno itox ind Betuwel hi këme. Faba iram, asëniw̄ ar Milëka, alindaw̄ ar Naxor, hi ko.»
- 25**Re ko bëte: «Er këni yamb ogelemba in ax gi ex na mopaŷ gër ndëbi. Bëte aŝot kën ŝot gër ed këŋun xey.»
- 26**Ata asoŝan an ga rëngw ko, foxi ko gër lëngw ir Axwën Kaxanu.
- 27**Re ko: «Aye ri ko Axwën Kaxanu, mëŋ ar yata këŋo Abëraxam, axwën aram an. Gayikwa alëkaya lëkaya ko eter ed yata këŋo axwën aram el. Axwën Kaxanu w̄ëlaw ke šëw̄ gër bëmaŷe bënd axwën aram.»
- 28**Ata endënaw̄ eŋ hër ko eŋo tëfëtanëx nëm dek endey' eŋo.
- 29**Rebeka, imaŷe itoŝan ebaŋo na ind bano w̄acënd Labaŋ. Labaŋ hërëgu ko gër ed ebaxo asoŝan ajo, ler gër andu.
- 30**Ga wateli baŋo abinëm Rebeka anëna aŋ, gë bëŋwën bëŋ, do wël baŋo ga ko rey'a bënd felëgu baŋo asoŝan ajo bëŋ, yowaxënëgu baxo Labaŋ gër asoŝan ar ħatëgu bax gë ogelemba ok, ler gër andu.

31Ata re ko Labaŋ: «Yow wěj ar gë obetak or Axwën Kaxanu an! Ineŵa bayixën këy gër ed ĥatëgu këy ro? Yene gër ndebi, ašotën këmëni šotën ogelemba ok gër ed këni hi.»

32Asošan an ĥat ko gër iciŵ. Labaŋ fel këbi odexëm enëbi pëtëra ogelemba ok, do enëbi kwëtindëra olëb oŋ. Xobëndëran këbi ondës do gë enenar. Yël këbi bëte asošan ajo do gë bela bër laŋëtagu baŋo bën men ond eni nebaraxën osapar orebën oŋ.

33Ata rëdën kënëbi ecemar el. Barikan asošan ajo re ko: «Wëno pere fo këme rey'a olaŵën ol đamana mi y'ambëraxën.» Yaka këŋo Labaŋ: «Awa dey'al!»

34Ata re ko: «Wëno xadëp ir Abëraxam hi këme.

35Axwën Kaxanu mbaŋ yël këŋo obetak ol axwën aram an, do ala ar gapak hi ko. Ayël yël këŋo obeci, gë opey, gë oxey, gë kodî, gë kaŋe, gë ogelemba, gë opali, gë okadëp otošan, do gë okadëp otoxari.

36Sara, alindaŵ ar axwën aram an, gand oxar go dëŋ rëwën këŋo itošan. Do axwën aram an, asëñiŵ ijo yël këŋo dek er xwën ko in.

37Wëno ayašar yašar këme gër axwën aram mëne ari këme ri ang fel ke ak: “Kërey'o calad na asoxari ar asëñiŵën an gër odënaŵ od gër ebar ed Kanahaŋ, gër ed lëg këme ro.

38Barikan y'eyid gër bër hi këmi ekun ebat, gër bër bar këmi andëwëra. Fën këy'o šalagu asoxari ar asëñiŵën an.”

39Wëno yaka këmo axwën aram an: “Bamat asoxari an axo mad na exe tëfëgu.”

40Yaka ke: “Wëno din këme rind er re ko Axwën Kaxanu in, mëŋ dëŋ këŋo laŵëneliwëgu meleka irexëm in exi dëca ex ye fëña irey' in. Calagud'o asoxari ar asëñiŵën an gër bër bar këmi andëwëra, gër bër hi këmi ekun ebat.

41Angëmëne aĥat ĥat këy gër bër ekun edam, ax bo na ga sëra ki eyašar ed yašar këy' elo. Bëte angëmëne bën eni nöp eni yëlëgu endënaŵ eŋ, ošëba ax bo na ga sëra ki gë eyašar ed yašar këy' elo.”

42Doro ga ĥatëgu këme gër andu, šale këme: Kaxanu, wěj ar yata këŋo Abëraxam, axwën aram an, dëcale ex ye fëña iram in. Axara xara këmi, masinële asoxari ar asëñiŵ ar axwën aram an.

43Nëkod' ga xwëša këme ler gër andu ro, endënaŵ end kë šanëgu edëmb ed men do wëno mo mëka: Këla ñëwël eput edey' el me cebaxën men ond lapara këy' oŋ,

44do mëŋ exe yaka: “Awa cebël, arëmbën këmëni rëmbënëgu ogelemba odey' ok eni cebaxën bën bëte!” Gilexo asoxari ar sanan këy'o asëñiŵ ar axwën aram an!

⁴⁵Damana me ɲata cale indam in, ħatëgu ko Rebeka, eput el monapara. Šëla ko gër andu do rëmbëgu ko men oŋ. Ata wëno re këme: “Axara xara këmi, ñëwël eput edey el me cebaxën men ond lapara këy oŋ.”

⁴⁶ÿëw ko aŋand eput ed lapara baxo el, do re ko: “Cebël, arëmbën këmeni rëmbënëgu bëte ogelemba oday ok eni ceb!” Wëno šëb këme, do bëte rëmbënëgu këbi ogelemba ok šëb këni.

⁴⁷Wëka këmo: “Endënaw end noŋo wa hi këy?” Yaka ko: “Abiŋ ar Betuwel hi këme! Faba iram, asëniŋ ar Naxor hi ko, itošan ind rëw këno Milëka in.” Wëno ataŋ bakëra gë amocën aŋ, do gë bëŋwën bëŋ gër onëxar.

⁴⁸Axwën Kaxanu, mëŋ ar yata këno Abëraxam, axwën aram an, wëlaw ke sëw wëno ar ocal od asoxari ar asëniŋ ar axwën aram an. Mëŋ šëxwëndër këbo gë endënaŋ end abinëm ar axwën aram eŋ. Ata ga rëngw këme, foxi këme gër lëngw ir Axwën Kaxanu, šëkwa këmo.

⁴⁹Awa gërëgako angëmëne kwël lëkaya kën do abayeli bayeli këŋun aminëmëra and gë axwën aram aŋ, peline. Angëmëne ax gi ex na mondako, bëte peline me gi gë enang nang.»

⁵⁰Ata Labaŋ do gë Betuwel yaka këni: «Endey eŋo gër Axwën Kaxanu xaniwëk, biyi ami kor na mi de aŋa ŋa këmi ba ami ma ex na.

⁵¹Nëkodo Rebeka, medëlo en y'e. Gilexo alindaŋ ar asëniŋ ar axwën arey an, ang re ko Axwën Kaxanu ak.»

⁵²Xadëp ir Abëraxam in ga wël ko eŋo, foxi ko, gër lëngw ir Axwën Kaxanu, eyiŋ el ɲëš gër ebar.

⁵³Yëpëtëgu ko oŋënga or eñaŋënan or kodî, gë or kaŋe, do gë banjëm, yëlëra këno Rebeka. Yëlëra këbi bëte bëbëxëbëanaxik abinëm ar Rebeka do gë nëm irexëm.

End eñër ed Rebeka eŋ

⁵⁴Ga xucak eŋo, xadëp ir Abëraxam in do gë bër laŋëtagu baŋo bën yambëra këni, šëbëra këni, ata lakira këni. Ga xeyëk, and nëngëtarä këni aŋ, xadëp in re ko: «Tebine ngwa me baka gër axwën aram.»

⁵⁵Yaka këno abaŋe ar endënaŋ do gë nëm: «Bayilebo wa pere endënaŋ eŋ bakey epëxw, do gwëre ngwa en y'ed.»

⁵⁶Yaka këbi: «Kërene cac na de gayikako Axwën Kaxanu rik ye ke fëña iram in. Tebine me maŋi gër axwën aram.»

⁵⁷Yaka këno: «Macënëŋone endënaŋ eŋ enëŋo mëkaye er yëla ko in.»

⁵⁸Awa ga ŋac këno Rebeka, wëka këno: «ÿandi ki nde en y'e gë ala ajo?» Yaka ko: «Iyo aŋandi ŋandi ke.»

⁵⁹Ata w̄a kēni enēbi teb̄ eni ȳe gē Rebeka, ar ekun edeb̄en an, mēñ do gē xad̄ep isoxari irexēm in. Kw̄el sēfēr kēni gē xad̄ep ir Abēraxam in do gē b̄er lañētaw̄ baño b̄en.

⁶⁰Damana eni ȳexēn, šalen kēno Rebeka mondako: «W̄ej abaŷe arebi an, obaš oreŷ ol gilexēni ow̄eli ow̄eli! B̄erandēw̄era andeȳ b̄en kw̄enindēlexēni bangol band b̄erangoŷera andeb̄en bañ!»

⁶¹Rebeka do gē okad̄ep otoxari odexēm ok ga ŷēpara kēni ȳañ gēr ogelemba, kw̄el sēfa kēno asošan an. Xad̄ep ijo, mondako w̄ēla baño Rebeka.

⁶²Amēd año, rēfa baxo Isak ga hiw̄ ko gēr andu and bani w̄acēnd Laxahi Rohi gayik gand ladawe ir Negeb lēg baxo.

⁶³Genēka, Isak šan ko exo nēkonaraw gēr apuŷ. Ga rēnēta ko, wat kēbi ogelemba ga kēni ȳow̄ endexēm eñ.

⁶⁴Ata Rebeka ga rēnēta ko, wat kēño Isak. Ga rad̄ ko, feda ko gēr gelemba,

⁶⁵do w̄ēka kēño xad̄ep ir Abēraxam in: «Noŷo ex wa asošan ar gēr apuŷ ar kēbo xacagund ajo?» Yaka ko xad̄ep in: «Axw̄en aram Isak ex.» Ata Rebeka labaya ko anjēm and baxo labayarand añ.

⁶⁶And fed kēni añ, xad̄ep in sēfētandēra kēño Isak đek er riw̄ baxo in.

⁶⁷Na ex Isak h̄ateli kēño Rebeka gēr aner and Sara, nēm irexēm. Mondako xana baño Rebeka, do mēñ hi ko alindaŷ ar h̄an kēño. Mondako fuñara baño end nēm ir sebēta baño eñ.

Añanar 25

End ecēs ed Abēraxam eñ

¹Ga xucak eño, Abēraxam ŷēr kēño bēte asoxari ar bano w̄acēnd Ketura.

²Rēw̄en kēño bētošan bēño: Simērañ, gē Yokēšañ, gē Medan, gē Majañ, gē Yišēbak do gē Šuwa.

³Yokēšañ rēw̄ kēbi Saba do gē Dedan. Bosēñiŷ bor Dedañ exēni: andēw̄era and Ašur añ, gē and Letuš añ, do gē and Lewum añ.

⁴Bosēñiŷ bor Majañ exēni: Efa, gē Efer, gē Anok, gē Abida, do gē Elēdaha. B̄en đek ex andēw̄era and Ketura añ.

⁵Abēraxam yēlēra kēño asēñiŷ Isak đek beb̄er xw̄en baxo b̄en.

⁶End bosēñiŷ bor rēw̄en bano bēsoxari b̄er ŷēpa bani aŷēpa fo b̄en cēñ, Abēraxam yēlēra kēbi beb̄erēmar do fel kēbi eni eno ŋaw̄ēta asēñiŷ Isak. Ata b̄en ȳe kēni apēn-eñan.

⁷Abēraxam er sēk baño, bēniy kēme gē ofēxw̄ ocongoxi gē bēnjo.

⁸And šês ko aŋ, moped fed baŋo oxar or gë onënga ol, đamana baraxën këni gë bëxarëk bërexëm bër šêsëk elod anëka fo bën.

⁹Bosëñiŵ, Isak do gë Isëmayel, wëxëta këno gër oxel or Makëpela, mopabër gë Mamëre, gër ošënga or Efëron, asëñiŵ ar Tësohar, arandëwëra and Het an.

¹⁰Ošënga olo yëc baxo Abëraxam gër bërändëwëra and Het. Fën wëxëta kënebi mëj do gë alindaŵ Sara.

¹¹Kaxanu yël këŋo mbaŋ obetak ol Isak, asëñiŵ ar Abëraxam, and šês ko sëm aŋ. Amëd aŋo lëg baxo Isak ler gër andu and Laxahi Rohi.

End andëwëra and Isëmayel eŋ

¹²Mondako ex andëwëra and Isëmayel aŋ, asëñiŵ ar Abëraxam an, itošan ind rëw këno gë Agar, xadëp isoxari ið Misëra ir Sara iŋ.

¹³Mondako ex omac od bosëñiŵ bor Isëmayel ok, ang sëfër këni gër acël andebën ak: Nebayot itošan iňanar ind Isëmayel iŋ, gë Kedar, gë Adëbehel, gë Mibësam,

¹⁴gë Mišëma, gë Duma, gë Masa,

¹⁵gë Xadad, gë Tema, gë Yetur, gë Nafiš, do gë Kedëma.

¹⁶Bën ex bosëñiŵ bor Isëmayel, gë omac odebën ok, gë bëngol bëndebën bëŋ, do gë bakwëndaya bandebën baŋ: bemun epëxw gë bëki, enëng gë enëng.

¹⁷Isëmayel ga liya ko bëniy keme gë ofëxw osas gë bënjongëbëki, šês ko. Ata bar këni gë bëxarëk bërexëm bër šêsëk elo anëka fo bën.

¹⁸Bërändëwëra and Isëmayel bën lëgëra këni, elod gër ebar ed Afila, xali gër ed Šur. Ebar elo fabërëk gë ed Misëra el, gand ed Asiri. Mondako lëgëra bani bërändëwëra and Isëmayel bën mopabër gë đek bër aminëmëra andebën bën.

End Esawu gë Yakob eŋ

¹⁹Mondako ex andëwëra and Isak, asëñiŵ ar Abëraxam aŋ. Abëraxam rëw këŋo Isak.

²⁰And sëk këŋo Isak bëniy ofëxw onax aŋ, yër këŋo Rebeka, abiŵ ar Betuwel, abaÿe ar Labaŋ. Sëm irebën ebax Betuwel, arandëwëra and Aram an, do lëg baxo gër ebar ed Padaŋ-Aram.

²¹Isak ašalendëra baŋo šalendërand alindaŵ gër Axwën Kaxanu gayik abaxo rëw na. Ata Axwën Kaxanu yakali këŋo cale indexëm iŋ. Rebeka, alindaŵ, hi ko gë acël.

²²Bëtox bëŋ këni hëy'ërënd gër acël and nëm irebën. Ata nëm irebën ko yëlarand ba në end ine këŋo hixënënd mondako. Ye ko eŋo mëka Axwën Kaxanu.

²³Axwën Kaxanu yaka këŋo: «Benëng bëki hi këni gër acël andey', bandëwëra baki kë šapër and këni šanëgu gër acël andey' aŋ. Andëwëra akinëm këŋo xuca ojaŵ ok aňanar aŋ, do andëwëra and abëjanak aŋ kë wëña and axarënak aŋ.»

- ²⁴And ĥatëk orëw̃ aŋ, watik mëne bëša dëŋ ex gër acël and Rebeka.
- ²⁵Yatir orëw̃, iñanar iŋ ŝanëgu ko eman eŋ yer omban fo, ang acud and anar fo. W̃ac këno Esawu, mëne ngëŋ «Yer Omban».
- ²⁶Ŝanëgu ko abinëm, ga sërâw ko etak ed Esawu el. W̃ac këno Yakob, mëne ngëŋ «Afërëcët». Isak anëka sëk baŋo bëniy ofëxw ocongebat and rëw̃ kënebi aŋ.
- ²⁷Odëmëta ok raf këni. Esawu hi ko kamara isëm, ar gër apuỹ. Yakob mëŋ cëŋ hi ko, anambik, ar kë bayirand gër baner.
- ²⁸Isak xwël këŋo Esawu gayik anëŋan baŋo nëŋanënd end oŵacar or babi laŵëgund eŋ. Rebeka mëŋ, xwël këŋo Yakob.
- ²⁹Akey amat, Yakob ko ŝemërand. Ata ĥatëgu ko Esawu ga hiw ko gër apuỹ, aloxo dek.
- ³⁰Esawu re ko: «Yakob, këla dëtënële wa me yamb ecemar ed warëgey'an ed këy ŝemand elo, (Iyo ecemar ed warëgey'an elo) gayikwa dek loxo këme.» Mëŋ nëngwëtaxën këno Esawu «Edom», mëne ngëŋ «Warëgey'an».
- ³¹Yaka këŋo Yakob: «Nëmbëre pere gë oxarënak oreŷ ol .»
- ³²Yaka ko Esawu: «Wëno ar kërex cës ajo nde, ineŵa ke fecâ oxarënak olo?»
- ³³Ata re ko Yakob: «Yaŝarël pere.» Esawu yaŝar ko. Esawu, mondako nëmb baŋo Yakob, oxarënak orexëm ol.
- ³⁴Ata Yakob rëtën këŋo Esawu ecemar ed gë oŝod el, do gë mburu iŋ. Esawu yambëra ko, ŝebëra ko, do kwël xani ko ye ko. Ata Esawu mondako yepën baxo oxarënak orexëm ol.

Añanar 26

End Isak do gë Abimelek eŋ

- ¹Ga niyitarak, ĥatëguk enjo gër ebar ed Kanahaŋ, nëmëc enjo end hi bax amëd and hi baxo Abëraxam eŋ. Ata Isak ye ko exo ñëpax gër Gerar, ebar ed Abimelek, emun end Ofilisëteŋ el.
- ²Axwën Kaxanu ga ŝanaxën këŋo, re ko: «Ñëpal gër ebar ed këmi fënëtan, kërey cëlad na gër Misëra.
- ³Dëgid gër ebar elo ang aliyer fo. Wëno gë wëj këme hi, do ayël këmi yël obetak oram ol. Gayikwa wëj do gë bërandëwëra andey bën yël këmun dek owar oŋo. Mondako këme ĥata er yaŝar këme arin këmo rin sorix Abëraxam in.
- ⁴Aŝënan këmëni ŝanën bërandëwëra andey bën ang oŵal or gër orën fo. Do dek owar oŋo këmëni yël. Do dek benëŋ bend gër ebar beŋ kë beta paŋ gë andëwëra andey aŋ.

⁵Gayikwa Abëraxam abaxët baxe baxëtënd, do asëf baxo sëfënd bapela baᅇ do gë bacariya bandam baᅇ.»

⁶Ata Isak rëfa ko gër ebar ed Gerar.

⁷Bësošan bër lëg bax gër ebar elo bën këno wëkarand end alindaᅇ eᅇ. Er babi yakand: «Abaᅇ iram ex». Ayëda baxo yëdand exo de: «Asoxari aram ex», këdi këno laᅇ bësošan bër ebar elo bën në end Rebeka, gayik mbaᅇ ye baxo.

⁸Ata Isak nëka ko mbaᅇ na gër ebar elo. Akey amat Abimelek, emun end Ofilisëteᅇ eᅇ, ko ᅇëkwand gër fonetër, wat këbi Isak gë Rebeka, alindaᅇ, ga këni nëxira.

⁹Abimelek ᅇac këᅇo Isak do re ko: «Awa ajo asoxari areᅇ nde ex! Mondake cëᅇ rexën këy: “Abaᅇ iram exo!”» Yaka ko Isak: «Wëno mondako yeyan bame, ga bame yëland mëne alaᅇ këne laᅇ në endexëm.»

¹⁰Ata re ko bëte Abimelek: «Ine ex end ri këyëbo eᅇo? Tëkër fo baᅇi bax asošan ar gër bulunda iram eni daki gë asoxari areᅇ an. Wëᅇ lënanëdobo eᅇᅇᅇᅇnax eᅇo!»

¹¹Ata Abimelek yël këbi acariya aᅇo dëk bulunda in: «Ar këᅇo sëka asošan ajo, ba alindaᅇ, ar eᅇaᅇ ex.»

¹²Ga xucak eᅇo, Isak ᅇandëra ko na gër ebar elo, šotëra ko dëm aniy aᅇo. Axwën Kaxanu yël baᅇo obetak ol.

¹³Ata Isak šotëra ko. Napul irexëm in kwël dëᅇ bax ᅇëmbërënd xali hi ko ar gë napul isëm.

¹⁴Ašot šot baxo okece od obeci do gë opeᅇ, gë okece od oxey, do gë okadëp odanjëm. Ata Ofilisëteᅇ ok ᅇana këni këbi ᅇakëraxind endexëm eᅇ.

End eter ed Isak do gë Abimelek eᅇ

¹⁵Dek bandu band nac bani angwën and hi baxo Abëraxam, sëm ir Isak baᅇ, lëmëra gë obar bani Ofilisëteᅇ ok.

¹⁶Ata Abimelek fel këᅇo Isak: «Canël ebar edebi el, gayikwa mbaᅇ xuca këyëbo ojaᅇ ok.»

¹⁷Isak ᅇe ko šëxwayax ko gër epesa ed Gerar, do lëgëx ko fën.

¹⁸Ata Isak lëmëtëra ko bandu band nac baxo Sëm Abëraxam baᅇ, and baᅇi baxo mopër aᅇ. Ofilisëteᅇ ok lëmëra bax, and šës ko Abëraxam aᅇ. Ang ᅇacëra baxo sëm bandu baᅇo ak ᅇacëra baxo mëᅇ bëte.

¹⁹Akey amat, okadëp od Isak ok bax nacënd bëte andu gër epesa. Sëkën këni añësa and gë men ond mbaᅇ.

²⁰Barikan bëxadac bër gër ebar ed Gerar bën sakëreli kënëbi bëxadac bër Isak bën. Er bani rend: «Biyi xwënëk men oᅇo!» Ata Isak ᅇac ko andu aᅇo «Esek», mëne ngëᅇ «Atakëra» gayik asakëreli sakëreli bano në end andu aᅇo.

²¹Okadëp od Isak ok nac këni bëte andu acëxe, sakërelî kënebi gaşëxe. Isak wac ko andu aņo «Sitëna», mëne ngëņ «Ekandër».

²²Ata Isak ga xani ko na, rëfa ko, do nacëx ko andu acëxe, and ala aņo takërelî bana. Wac ko andu aņo «Rexobot», mëne ngëņ «Wur iyangax». Gayikwa are re baxo: «Gërëgako Axwën Kaxanu anëka xwët këbo gër ed këne xëne. Axor këne xore ene cotëraye gër ebar elo.»

²³Isak ga xani ko na, rëfa ko kwël y'añ y'añ, end Berëşeba eņ.

²⁴Ata Axwën Kaxanu şanayaxën këņo gëmed ijo, do re ko: «Wëno ex Kaxanu, ar yata këņo sorix Abëraxam an. Gë wëj hik këme, kërey yëdarand na. Wëno ki yël obetak ol, do me cënan andëwëra andey aņ në end Abëraxam, ariyenin aram eņ».

²⁵Ata Isak ri ko na angëb, do şale këņo Axwën Kaxanu. Na ri baxo baner bandexëm baņ, do okadëp odexëm ok nac këni bëte andu.

²⁶Abimelek do gë Ahusat, alaņëtaran arexëm an, do gë Pikol, alëngw ar ocoroda odexëm an, nëngaw këno Isak, ga xaniw këni gër ebar ed Gerar.

²⁷Ata wëka këbi Isak: «Inëwa nëngaxënëgu këne xarak aşus şus këne, do awayëgu wayëgu këne gër ndewën?»

²⁸Yaka këni: «Biyi aye wat këmi mëne Axwën Kaxanu gë wëj hi ko. Mëņ yowaxënëgu këmi mi pel: Axara xara këmi, yatarëne eter wëj gë biyi, eter ed këne yaşare mëne afëb këne fëbe.

²⁹Yaşarël mëne wëj ayëbo mereli na, gayikwa biyi eñëņënax gematak ami dinanëgu ex na. Wayët enjekax fo rinëgu këmi, do sebëgu këmi rëfaw këy gë aketëxeta fo. Gërëgako Axwën Kaxanu yël ki obetak ol.»

³⁰Ata Isak rin këbi ñambëran, yambëra këni do şëbëra këni.

³¹Ga xeyëk, mopëd, yatar këni eter el, do yaşar këni ala kala. Isak seb këbi, kwël y'e këni gë aketëxeta fo.

³²Kwël yatijo fo yow bani okadëp od Isak ok, fel këno end andu and bani nacënd eņ: «Anëka sëkën këmi men oņ!»

³³Isak wac ko andu aņo «Şiba», mëne ngëņ «Eyaşar». Mëņ wacaxën këni doro doro angol aņ «Berëşeba», mëne ngëņ «Andu and gë Eyaşar».

End eñër ed Esawu eņ

³⁴Esawu ga sëk këņo bëniy ofëxw onax, yër këbi odënaw oki od bërandëwëra and Het: Yudit, abiw ar Beri, do gë Basëmat, abiw Eloņ.

³⁵Barikan Isak do gë Rebeka mokoỹ bani xoỹënd end bësoxari bëjo eņ.

Añanar 27

End Yakob do gë Esawu eņ

- ¹Amëd aņo, Isak mbaņ xar baxo, ßangës ßandexëm ßaņ abašëta ßašëta bax: ax bo bana ga ko watëra. Akey amat, ga wac këņo Esawu, itox ikarëk indexëm iņ, re ko: «Asëñiwën!» Mëņ yaka ko: «Woy!»
- ²Re ko bëte Isak: «Wëno anëka xar këme, do ame nang ex na yatir këme šës.
- ³Gërëgako, axara xara këmi medël oýënga or onëxa oņ, amote andey aņ, gë atumb andey aņ, do el gër apuý eyë ðawënëgu emacar.
- ⁴Cëðnëguye ýas eņ ex nënga, ang ðan këme ak. Do mëlanëguye me ýak, mi karanaxën obetak ol ðamana me cës.»
- ⁵Xarak, and baņo felërand Isak mondako asëñiwë Esawu aņ, Rebeka awël wël baņo. Esawu ýe ko ngwa gër apuý exo nëxaraw, do eņo ðawëgu emacar end këņo wëlagu eņ.
- ⁶Ata Rebeka fel këņo asëñiwë Jakob: «Awël wël këmo sorix ga këņo fel abinëx Esawu:
- ⁷“Mëlanëguye emacar, cëðnëguye ýas eņ ex nënga ang ðan këme ak, me ýak, do mi karanaxën obetak ol gër Axwën Kaxanu ðamana me cës.”
- ⁸Gërëgako asëñiwën, baxëtële mi pel er këy ri in.
- ⁹Këla ýel gër eciýi eyë yebënëgu bëpërac bënd šenene bëki. Wëno këņo šëðën sorix ýas eņ ex nënga ang ðan ko ak.
- ¹⁰Wëj këņo wëlan sorix exo ýak, exi karanaxën obetak ol ðamana exo cës.»
- ¹¹Ata Jakob yaka këņo nëm Rebeka: «Abaýe Esawu yer omban fo ga hi ko wa, xarak eman endam eņ garëgar ex.
- ¹²Bamat faba alëkëra ke lëkëra, do exo wata mëne në eyifa emo. Eñëñëxax wa ke xaran, ax gi ex na obetak.»
- ¹³Re ko nëm Rebeka: «Eñëñëxax eņo wëcanidëlexe wëno, asëñiwën! Awël nde, ýel eyë yebënëgu bëpërac bëņ.»
- ¹⁴Ata Jakob ýe ko yebëgu këbi bëpërac bëņ, do wëlaw këbi gër nëm. Nëm šëð ko ýas erebën eņ, nëngak ang ðan ko Isak ak.
- ¹⁵Ata Rebeka wëð ko ßacud ßand Esawu, šambenjar ixarëk irexëm ßaņ, ßand xurik ex ye gër iciwë ßaņ, do šudëra këņo Jakob, šambenjar iþeja irexëm in.
- ¹⁶Wëð ko ßanar ßand bëpërac ßaņ, šerira këņo ed onëxar el, do gër egëla ed garëgar ed asëñiwë Jakob.
- ¹⁷Fëxwën këņo asëñiwë Jakob ýas er šëð baxo xali nëngak eņ, do gë amburu aņ, eņo mëlan Isak.
- ¹⁸Ata Jakob ga ðat ko gër sëm, wac këņo: «Faba!» Yaka ko mëņ: «Woy! Wëj noýo ex wa asëñiwën?»

- 19**Yaka ko Jakob: «Wëno Esawu, itox iñanar indey' iñ ex. Er fel bay'e in ri këme. Axara xara këmi, kanil ey' ñëpa. Yakëral ÿas er emacar end lawënëgu këmi eñ, ey'e karanaxën obetak ol.»
- 20**Isak fel këño asëñiw: «Ata aÿand aÿand šotëgu këyo de asëñiwën!» Yaka ko Jakob: «Axwën Kaxanu, ar yata ki an, fangacëgu këño gër lëngw iram.»
- 21**Isak fel këño bëte Jakob: «Axara xara këmi, təkawëye tan mi dëkëra asëñiwën, me nangaxën aye mëne wëj asëñiwën Esawu dëñ ex!»
- 22**Yakob sëka këño sëm Isak, do mëñ ga lëkëra këño, re ko: «Oniw ol or Jakob ol ex, barikan onëxar oñ, or Esawu ex.»
- 23**Ata año kwita ex na gayik onëxar oñ yer omban fo bax ang or abinëm Esawu fo. Ata xarandëra këño na obetak ol.
- 24**Isak re ko: «Wëj dëñ nde ex asëñiwën Esawu?» Yaka ko Jakob: «Iyo wëno dëñ ex.»
- 25**Re ko bëte Isak: «Dinëguye tan, me yamb ÿas er emacar end lawënëgu këye wëj asëñiwën eñ, mi karanaxën obetak ol.» Ata Jakob rin këño, do yambëra ko. Wëlanëgu këño ngoy' iñ, šëbëra ko.
- 26**Ata sëm Isak re ko: «Təkawëye, axara xara këmi, megale, asëñiwën!»
- 27**Yakob sëka këño sëm do wëga këño. Isak wëran këño otëñer ond banjëm bandexëm oñ. Ata xaran këño obetak ol mondako: «Oko otëñer ond asëñiwën oñ, er ex ang otëñer ond ošënga or gë obetak or Axwën Kaxanu fo.
- 28**Kaxanu yëlëlexi, ašëber ir kë fedawënd gër orën in, do gë napul ir gër ebar in, bële ir mbañ, do gë ngoy' ind mbañ!
- 29**Benëng bend bela këyëbi ÿana eyëbi bëñand, do bën eni diyeninënd, benëng kë ÿana ex poxind gër lëngw irey! Gil alëngw ar bobinëx an, obaš or norix ol poxindëlexëni gër lëngw irey! Katalëño ar ki xarend an, betalexo ar ki xaranënd obetak an!»
- 30**Isak anëka hata baxo ekaran ed obetak Jakob el, do Jakob eced-eced šapër bani gë sëm. Hatëgu ko ngwa abinëm Esawu, ga hiw ko gër onëxa.
- 31**Mëñ bëte šëdëra ko ÿas eñ xali nëngak, do wëlanëgu këño sëm. Fel këño sëm: «Faba kanil ey' yak ÿas er emacar end lawënëgu këmi eñ, ey'e karanaxën obetak ol, wëno asëñix!»
- 32**Yaka ko sëm Isak: «Wëj noÿo ex wa?» Yaka ko Esawu: «Wëno Esawu ex, itošan ikarënak indey' iñ!»
- 33**Ata Isak këño rëgënënd mbañ. Re ko: «Noÿo cëñ nëxaw këño emacar eñ do wëlanëgu ke ÿas eñ? Wëno anëka yambëra këme, damana ey' ntaxënëgu. Anëka xaran këmo obetak ol, do mëñ betak!»

³⁴And wël ko Esawu eyey'an ed sëm aŋ, songët ko ga y'ambën këŋo mbaŋ gër emëkw. Fel këŋo sëm: «Wëno bëte karanële wa axaran obetak ol, faba!»

³⁵Yaka ko sëm: «Abinëx wa y'owëk gë njifa, do wëd ko obetak orey ol.»

³⁶Esawu re ko: «Ba gayik Yakob këno wëcënd nde naŋëtaxën ke bakëlëbëd baki? Mëŋ xan ke oxarënak oram ol, do doro xan ke bëte obetak oram ol!» Baš ko Esawu: «Obetak ay'e penan ex na nde?»

³⁷Isak yaka këŋo Esawu: «Wëno anëka ri këmo alëngw arey, do anëka yël këmo ðek bobinëm eni gi okadëp odexëm. Bëte anëka ri këmo ar kë y'ana ex cotërand mbaŋ bële do gë ngoy: awa ine këme xor mi din asëñiwën?»

³⁸Esawu wëka këŋo sëm: «Obetak olo fo nde šot bay, faba? Wëno bëte karanële wa axaran obetak ol, faba!» Ata Esawu ko sesënd.

³⁹Sëm Isak yaka këŋo: «Wëj caw kën hawëtar gë napul ir gër ebar in, do gë ašëber ir kë fedawënd gër orën in, ašëber ir y'aŋ in, caw kën hawëtar.

⁴⁰Wëj gë ojaŋ od duxuma irey ok këy y'ana ey cotënd er këy liyaxën in, do abinëx këy y'ana ey'o diyeninënd. Barikan ga këy y'ana ey y'exërand y'ay'a fo gër ed yo, ašana këy šana mbëña indexëm iŋ.»

End Yakob do gë Labaŋ eŋ

⁴¹Ga xucak eŋo, Esawu xoŷën këŋo mbaŋ Yakob në end obetak or xaran baŋo sëm irebën eŋ. Esawu are baxo rend: «Bakey band oŷaŋ or faba baŋ ðam ex. And kë xuca aŋ këmo laŋ abaŷe Yakob.»

⁴²Fel këno Rebeka eyey'an ed Esawu, šambenjar ixarënak irexëm el. Ata Rebeka wëc këŋo Yakob, šambenjar ibeja irexëm in, do fel këŋo: «Abinëx Esawu cëŋ aŷandi ŷandi këŋo exi ðaŋ, exi mašaxën.

⁴³Gërëgako asëñiwën, baxëtële: Yel ey ñafëx gër abaŷe Labaŋ, gër ebar ed Xaraŋ.

⁴⁴Ñëpax gër iciŋ indexëm bëniy, xali abinëx eŋo koc oxoŷ orexëm ol.

⁴⁵And këŋo xoc oxoŷ or xoŷën ki aŋ, do exo kwëya end ri këy'ëŋo eŋ, ata këmi wäŷiliwëd. Ineŋa ke nemëranaxën wën tak bëxi akey amat?»

⁴⁶Ga xucak eŋo, Rebeka fel këŋo Isak: «Wëno ax bo ex na ga ke ŷandind me ðiya në end odënaŋ od andëwëra and Het oko! Angëmëne Yakob eŋo ñërëgu bëte endënaŋ end gër ebar elo ro, ineŋa këme bayixën gër aniyan?»

Añanar 28

¹Ata Isak wëc këŋo Yakob, šalen këŋo do fel këŋo mondako: «Kërey'ëŋo ñërëd na ðe asoxari Abëkanahaŋ.

²Yel gër ebar ed Padaŋ-Aram, gër ekun ed Betuwel, sëm ir norix. Fën këy'o ŷërëgu asoxari gër odënaŋ od Labaŋ, abinëx ar norix.

³Kaxanu, mën ar xorëk beŷ dek an, yëlëlexi obetak ol, cënanëlexi, ñëmbënëlebi obaš orey ol, do gil amara and benëng bëndanjëm!

⁴Kaxanu yëlëleŷun obetak or Abëraxam ol, wëj do gë bërändëwëra andey bën, ey kanaxën oxwën or ebar elo ro ol, gër ed lëg këy ang aliyer fo elo, ebar ed wëd ko Kaxanu do yël këŷo Abëraxam elo.»

⁵Ata Isak mondako felëra baŷo Yakob exo yë gër ebar ed Padaŷ-Aram, gër Labaŷ, asëñiŷ ar Betuwel, arandëwëra and Aram, abinëm ar Rebeka, nëm ir Yakob do gë Esawu an.

End asoxari asasën ar Esawu eŷ

⁶Esawu wat ko mëne Isak, and baŷo xaranënd obetak Yakob aŷ, afel fel baŷo exo yë gër ebar ed Padaŷ-Aram, eŷo calaw asoxari. Ga këŷo xaran obetak ol mondako yey'an baxo: «Kërey'ëŷo ñërëd na asoxari Abëkanahaŷ.»

⁷Esawu wat ko mëne Yakob aŷa ŷa baxo end nëm do gë sëm eŷ, mën y'exën baxo kwël gër ebar ed Padaŷ-Aram.

⁸Mondako wata baxo Esawu mëne sëm Isak axoŷën xoŷën baŷo në end bësoxari bërexëm, bër ebar ed Kanahaŷ eŷ.

⁹Ata yë ko gër Isëmayel, asëñiŷ ar Abëraxam. Yërëgu këŷo Mahalat, abiŷ ar Isëmayel, imaŷe itoxari ind Nebayot iŷ. Esawu wëlaw këŷo, do bar këbi gë bësoxari bërexëm bën.

End lakeli ir Yakob eŷ

¹⁰Yakob xani ko na gër Berëšëba, ond gër ebar ed Xaraŷ oŷ.

¹¹Ĥat ko gër ed këŷo xey gayikwa eñan eŷ anëka šëla bax. Wëd ko ekaŷ, xwëtaxën ko gaf irexëm in, do kwël raš këŷo.

¹²Ata ga ko lakeli, wat ko: angwaŷ-gwaŷ ga xaŷ këni elod gër ebar xali gër orën. Wat këbi omeleka od Kaxanu ok ga këni nëmëcër oko y'aŷ-y'aŷ, oko gëd-gëd.

¹³Wat këŷo bëte Axwën Kaxanu ga xwëša ko y'aŷ do këŷo felënd: «Wëno ex Axwën Kaxanu, ar yata këbi ejix Abëraxam, do gë Isak an. Ebar ed gër ed laki këy elo ayël këmun yël oxwën ol wëj do gë bërändëwëra andey bën.

¹⁴Bërändëwëra andey bën aŷëmb këni yëmb ang ošëni fo. Edëg edewën el aŷang kë y'ang gand apën-eñan, gand acëla-eñan, gand ambëng, do gand ambëtëb. Dek benëng bënd gër ngwëŷ beŷ kë šot obetak ol paš gë wëj do gë andëwëra andey aŷ.

¹⁵Wëno gë wëj këme hi, gër ed këy yë yo, wëno anëkona këmi y'ana mi nëkonand. Do abakaliw këmi bakaliw gër ebar elo ro. Gayikwa aŷata këme ĥata end këme rend eŷo, din ami teb na.»

¹⁶Yakob ga nëngëta ko, re ko: «Enimin Axwën Kaxanu, ro wa hi ko, do wëno ame nang bana!»

¹⁷Ga yëdara ko, re ko: «Awa gër ed hi këme ro mbañ ÿigënëk! Ro ex iciw̃ ind Kaxanu iñ, ro ex ebët ed orën el!»

¹⁸Yakob ga xani ko mopëd gëbër, wëd ko ekaÿ ed xwëtaxën baxo gaf el, rëd ko, do xoş ko ogu.

¹⁹W̃ac ko na gër ed xey baño: «Bet-El», xarak angol and ex ler na añ, Lus bani w̃acënd.

²⁰Ata Yakob beya ko mondako: «Angëmëne Kaxanu gë wëno hi ko, angëmëne axaxa xaxa ke gër fëña iram, angëmëne ayël ke yëlënd eyamb yamb in, do gë banjëm band këme şudfa bañ,

²¹do angëmëne aye fo bakaw këme gër faba, ata Axwën an kë hi Kaxanu, ar yata ke an.»

²²«Ekaÿ ed rëd këme elo kë hid aciw̃ and Kaxanu añ. Do gër bebër ke yël yo, a wëdën këmo ÿana me medënënd dim in.»

Añanar 29

End Yakob gër Harañ eñ

¹Yakob ga fakët ko oñe oñ, fab ko gand ebar ed apën-eñan.

²Sëk ko andu gër apuÿ. Wat këbi bëmëxwër bëtas bënd obeci, do gë opeÿ ga seyëtara këni jey gër andu gayik na banëbi şebënënd. Gë angaÿ atëm bani sëndënd andu año.

³Bëxadac bën, and kënebi bar dek benga bend oyel añ fo bani sëndëtënd andu añ enëbi dëmbëanaxën men oñ. Bëte and këni şeb dek oyel añ fo bani sëndënd gaşëxe.

⁴Ata Yakob wëka këbi bëxadac bën: «Bëmaÿe wën bër feye wa hi kën?» Yaka këni: «Biyi bër gër Harañ hi këmi.»

⁵Wëka këbi bëte: «Anang nde nang këno Labañ, ejiw̃ ed Naxor?» Yaka këni: «Iyo anang nang këmo.»

⁶Re ko: «Mocan nde bayi ko wa?» Yaka këni: «Mocan bayi ko! Nëkodo wa ado abiw̃ Raşel ga ko hatëgund gë obeci orexëm ol.»

⁷Re ko bëte Yakob: «Yañ bayik eñan eñ, ax ñat ex na ebar ed oyel el. Cebëninëbi obeci ol do gë opeÿ ok, do enëbi bakalixën gër ondës eni başaraw.»

⁸Yaka këni: «Ami kor na mi di eño. And këmëni bar dek benga bend obeci do gë opeÿ añ fo këmi sëndëtënd andu añ, amëd año fo këmëni şebënënd.»

⁹Ata ga këni yeyan mondako fo bayi bani, ga hatëgu ko Raşel gë obeci or sëm ol, mëñ axadac isoxari ebaxo.

¹⁰Yakob watër këni gë Rašel, endënaŵ end aŷiŵ Labaŋ, and ħatëgu ko na gë oyel or Labaŋ aŋ. Yakob sëka ko andu aŋ do sëndët ko angaŷ aŋ. Rëmbën këbi oyel or aŷiŵ Labaŋ ol.

¹¹Yakob, ga ŵega këno Rašel, fulët këno otes.

¹²Fel këno mëne ar nëng ir sëm exo, do asëniŵ ar Rebeka. Ata Rašel hër ko felëgu këno sëm.

¹³Sam ga wël ko Labaŋ mëne Yakob, asëniŵ ar imaŷe itoxari indexëm in ħatëguk, hërëgu ko eŋo kaca, ata ŵega këno bëxió. Ĥateli këno gër iciŵ, do Yakob sëfëtandëra këno dek.

¹⁴Ata Labaŋ fel këno: «Wëj ata enimin ŷapar iram dëŋ ey.» Yakob ŷëpa ko facaŵ na gër iciŵ ind Labaŋ.

End eñër ed Yakob eŋ

¹⁵Akey amat, Labaŋ fel këno Yakob: «Ax ñap ex na ey'e diyeninënd ariyenin fo gayik aŷu ey. Pelële ba ine kë hi acosa andey' aŋ.»

¹⁶Xarak, Labaŋ odënaŵ oki ŷot babi: ekarënak eŋ Leya, do emeja eŋ Rašel.

¹⁷Bangës band Leya baŋ anambi nambi bax, barikan Rašel, monje ye baxo.

¹⁸Awa Yakob ga ħan baŋo anëka Rašel, yaka këno Labaŋ: «Bëniy bënjongëbëki këmi riyeŋin në end napul ir Rašel, endënaŵ emejanak endey' eŋ.»

¹⁹Ata re ko Labaŋ: «Dek yek, wëj fecan ke mi yël gë mo yël ašëxen, bayil gër ndam ro!»

²⁰Mondako riyeŋi baxo Yakob bënny bënjongëbëki eŋo ñëraxën Rašel. Bëniy bënjongëbëki bëŋo er hi bax ang bakey bapëñëfëne fo gayik axuri xuri bax ang ħan këno Rašel ak.

²¹Ga xucak bënny bëŋo, Yakob fel këno Labaŋ: «Mašële ngwa asoxari aram an, ga ħata këme ako bënny bënd wëlër baxe mi diyenin bëŋ, anëka ŷandi ke mi bar angaŵ amat!»

²²Ata Labaŋ felëra këbi dek bëraketa bën, do ri ko ofëna or ekana ol.

²³Apenëka aŋ wëd këno Leya, endënaŵ ekarënak endexëm eŋ, do wëlan këno Yakob. Ga xana këno, bar këni angaŵ amat.

²⁴Labaŋ wëlali këno gër eñër, Silëpa, xadëp isoxari irexëm in hi ko xadëp ir abiŵ Leya.

²⁵Ga xeyëk, Yakob wat ko mëne Leya ŷër këno. Ata wëka këno Labaŋ: «Ineŵa rixën këy'e eŋo? Ax gi ex na nde në end Rašel riyeŋin këmi? Inecëŋ yifaxën këy'e?»

²⁶Yaka ko Labaŋ: «Ax ŷap ex na gër ndëbi ro eno ñërët endënaŵ emejanak eŋ.

²⁷Ŋatayin gë Leya loxo ir ekana in, ey'o kanaxën bête Rašel. Barikan afo ey' di bête gër ndam ro bēniy bēnjongēbēki bēcēxe.»

²⁸Ata Yakob ri ko mondako, ĥata kēni loxo ir ekana in gë Leya. Labaŋ w̃aš kējo abiw̃ Rašel.

²⁹Labaŋ w̃lali kējo gër eñer, Bila, xadēp isoxari irexēm in, hi ko xadēp ir Rašel.

³⁰Yakob bar kēni bête angaw̃ amat gë Rašel gayik mēŋ ex asoxari ar ĥan baŋo nēmēc Leya an. Riyeni ko bête na gër Labaŋ bēniy bēnjongēbēki bēcēxe.

End obaš or Yakob eŋ

³¹Axwën Kaxanu wat ko mēne Yakob aŋo ŋan ex na Leya ang ĥan kējo Rašel ak. Ri kējo Leya asoxari ar kē rēw̃ënd, do Rašel, asoxari aboroxok.

³²Leya hi ko gë acël. Rēw̃ kējo itošan, w̃ac kējo Ruben, mēne ngēŋ «Nēkoyino asēñiw̃ën». Gayikwa mondako baxo rend: «Axwën Kaxanu awat wat ko ošēfēn oram ol. Gērēgako aħan ke ĥan icēn indam iŋ.»

³³Leya hi ko bête gë acël, rēw̃ kējo itošan. Re ko: «Axwën Kaxanu awël awël ko mēne icēn indam iŋ axe ŋan ex na, barikan yël ke bête itošan iŋo ro.» Ata w̃ac kējo Simewoŋ, mēne ngēŋ «Awël».

³⁴Hi ko bête gë acël, rēw̃ kējo bête itošan. Re ko: «Dodo gērēgako, icēn indam iŋ monēka ke lēka, gayikako bētošan bētas rēw̃ën kēmo.» Mēŋ w̃acaxēn kējo Lewi, mēne ngēŋ «Alēka».

³⁵Hi ko bête gë acël, rēw̃ kējo itošan. Ata šēkwa kējo Kaxanu mondako: «Aŋo cēŋ Axwën Kaxanu kēmo šēkwa.» Mēŋ w̃acaxēn kējo Yuda, mēne ngēŋ «Ašēkwa». Ata Leya seḅ ko orēw̃ ol.

Añanar 30

¹Rašel wat ko mēne itox aŋo dēw̃ën ex na Yakob, yākēraxi kējo end abinēm Leya eŋ. Ata Rašel fel kējo Yakob: «Cotēnēle fa obaš, angēmēne ax gi ex na mondako ašēs kēme šēs!»

²Ata Yakob ga xoŷēn kējo Rašel, re ko: «Ba wēno nde ex Kaxanu, mēŋ ar lēc ki obaš an?»

³Yaka ko Rašel: «Awa nēkodo Bila, xadēp isoxari iram in, barin angaw̃ amat exo dēw̃axēn gër olēkēna oram. Paḅ gë mēŋ kēme hi wēno bête ar gë obaš!»

⁴Ata Rašel mondako ŷērēndēr babi Yakob do gë Bila, xadēp isoxari irexēm in. Yakob do gë Bila, ata bar kēni angaw̃ amat.

⁵Bila hi ko gë acël, do rēw̃ën kējo itošan Yakob.

⁶Ata re ko Rašel: «Kaxanu w̃ašan ke. Abaxēt baxēt ke do yël ke itošan.» Mēŋ w̃acaxēn baŋo asēñiw̃ Dan, mēne ngēŋ «Kiti».

- ⁷Bila, xadêp isoxari ir Rašel in, hi ko bête gê acël, do rëwën këno Yakob itošan ikinëm.
- ⁸Re ko bête Rašel: «Mbañ xaxër këmi gê abaÿe Leya, do anëka xor këmo.» Rašel wac këno itošan iño Nefëtali, mëne ngëñ «Okaxër».
- ⁹Leya ga wata ko mëne anëka seb ko orëw ol, wëd këno Silëpa, xadêp isoxari irexëm in, do ÿërëndër këbi gê Yakob.
- ¹⁰Silëpa, xadêp isoxari ir Leya in, rëwën këno mëñ bête itošan Yakob.
- ¹¹Ata re ko Leya: «Oko oyekax olo!» Ata wac këno Gad, mëne ngëñ «Oyekax».
- ¹²Silëpa, xadêp isoxari ir Leya in, rëwën këno bête Yakob itošan ikinëm.
- ¹³Re ko bête Leya: «Oko onënga oram olo! Odënaw ok kë ÿana exe macënd asoxari ar gê onënga!» Wac këno itošan iño Aser, mëne ngëñ «Onënga».
- ¹⁴Amëd and bani xanarand bële añ, Ruben ÿe ko gër ošënga. Ga šanan ko andës and bani rind bëšan bër bësoxari do këni wacënd mandëragor añ, wëlanëgu këno nëm Leya. Ata Rašel fel këno Leya: «Cetële wa mandëragor ir wëlanëgu ki asëñix in.»
- ¹⁵Yaka këno: «Axi gi ex na nde gwac ga xan këye icën indam iñ, do ÿandi ki bête mandëragor ir wëlanëgu ke itox indam in.» Ata yaka ko Rašel: «Awa doro gê wëj këñun xey, end mandëragor ir asëñix eñ.»
- ¹⁶Apenëka añ, Yakob ga xaniw ko gër apuÿ ko waiwënd. Leya ga xaca këno, re ko: «Awa doro gê wëno këbo xey de. Ayëc yëc këmi gê mandëragor ir asëñiwën in.» Ata gëmëd ijo, Yakob do gê Leya bar këni angaw amat.
- ¹⁷Kaxanu ga yakali këno Leya, hi ko gê acël, do rëwën këno Yakob itošan injoxën iñ.
- ¹⁸Ata re ko Leya: «Kaxanu šos ke, wëno ar ÿërëndër këbi icën indam iñ gê xadêp isoxari iram an.» Wac këno itošan iño Isakar, mëne ngëñ «Acosa».
- ¹⁹Leya hi ko bête gê acël, rëwën këno Yakob itošan injongimatën iñ.
- ²⁰Ata re ko Leya: «Kaxanu fupa ke. Dodo año cëñ, icën indam iñ afëb ke fëb, gayik bëtošan bënjongimat rëwën këmo.» Wac këno itošan iño Sabuloñ, mëne ngëñ «Afëb».
- ²¹Ga xucak eño, Leya rëw këno bête itoxari do wac këno Dina.
- ²²Kaxanu xwita këno Rašel, do yakali këno cale iñ. Ata Rašel hi ko ar kë xor exo dëw.
- ²³Hi ko gê acël, do rëw këno itošan. Ata re ko: «Kaxanu anëka rëxët ko ošëfën oram ol.»

²⁴Wac këŋo itoŋan iŋo Yosef mēne ngēŋ «Abaŋa», ga baxo rend: «Axwēn Kaxanu baŋŋelexe wa itox icēxe!»

End napul ir Yakob eŋ

²⁵And rēw këŋo Raŋel Yosef aŋ, Yakob fel këŋo Labaŋ: «Tebēle ngwa me y'e, me maŋi gēr ndebi, gēr ebar edam.

²⁶Maŋŋele bēsoxari bēram bēn, do gē obaŋŋ oram ol me y'exēn gayik nē endebēn riyenin këmi: wēj dēŋ anang nang këy' ang riyenin këmi ak.»

²⁷Ata re ko Labaŋ: «Axara xara këmi bayil ro, wēj ex oyekax oram ol. Bangoc bandam baŋ fel ke mēne Axwēn Kaxanu nē endey' yēlaxēn ke obetak ol.»

²⁸Baŋŋ ko bēte: «Dey'al ba ine kē hi acosa andey' aŋ, mi yēlaxēnēnd.»

²⁹Yaka ko Yakob: «Wēj dēŋ anang nang këy' ang riyenin këmi ak, do ang ŋēna këni oyel orey' gēr otaxan odam ak.

³⁰Gayikwa oyel ofēnēpēne or ŋot bay'ēbi and ŋatēgu këme ol, mbaŋ ŋēna këni. Axwēn Kaxanu yēl ki obetak ol elod yatir wēŋ këme gēr yangana irey' ro. Gērēgako nand fe këme ri andiyen andam dēŋ?»

³¹Wēka ko Labaŋ: «Ine y'apēk mi yēl?» Yaka ko Yakob: «Yoweŋ y'e yēl na. Angēmēne aŋa w'a këy' er këmi fel in, abakan këme bakan oxadac or obeci orey' do gē opeŋ oday' ol, axadac këmēni xadac.

³²Doro këme y'e gēr ed exēni dēk obeci orey' ol do gē opeŋ oday' ok. Pitēlēbi obeci or yēr-yēr ol do gē opeŋ od gē bambaren ok. Bēn kē hi acosa andam aŋ.

³³Or ŋenene oram ol ecan kē ŋanaya, and këy' y'eli ey' wat acosa andam aŋ. Emeci end këy'o sēk axo gi ex na yēr-yēr yo, areka reka këmo. Bēte ifeŋ ir këy'o sēk axo gi ex na gē bambaren yo, areka reka këmo.»

³⁴Labaŋ re ko: «Awa aŋa w'a këme er re këy' in!»

³⁵Ata kwēl yatijo fo, fit babi Yakob dēk bapēlang band yēr-yēr baŋ, gē obeci onēm or yēr-yēr ol, gē dēk obeci or gē bapeŋen ol, do gē dēk opeŋ od gē bambaren ok. Seb këbi gēr otaxan od bosēŋiŋw enēbi kadacērand pit.

³⁶ŋawētali kēnēbi gē mēŋ Yakob nē oŋe ond bamēdēna batas. Yakob mēŋ këbi xadacērand obeci ol do gē opeŋ od bayi baŋo Labaŋ ok.

³⁷Ata Yakob saŋwēgu ko bēnini bēcēkēt bēnd aces, gē bēnd angērēŋa, do gē bēnd anjang. Xopētēra ko dadēt dadēt xali kē watind bēpeŋen bēpeŋen.

³⁸Ata ga xoy' ko oy'and ok gēr ed këni ŋebēnd obeci, mar bayik wat-wat gēr ogēs od obeci or bax xerarēnd gēr eceb ed men.

³⁹Mondako bani xerarēnd ler gēr bēnini bēŋo. Ata rēw kēnēbi bēmeci bēnd yēr-yēr, bēnd gē bambaren, do gē bēnd gē bapeŋen.

⁴⁰Opeŷ ok cëŋ, Jakob aŝapëreli ŝapëreli babi gë obeci ol. Do and këbi ŷandi opeŷ onëm enëbi kera aŋ fo babi sëkalind Jakob okondo od ŷër-ŷër ok, do gë od gë bambaren ok. Ata onëm ok rëw kënebi bënobo bënd ŷër-ŷër do gë bënd gë bambaren. Mondako baŝa babi Jakob benga bënd oyel or xwën këbi ol, do ababi bar na gë oyel or Labaŋ ol.

⁴¹Ata Jakob, and këni xerarënd oyel obëtëk aŋ fo baxo xoyënd bënini bënd xopëtëra baxo dadët dadët bën, eni wataxënënd.

⁴²Barikan and këni xerarënd oyel ofiŝëk aŋ, abaxo xoy na. Oyel ofiŝëk ol bayi këno Labaŋ, do obëtëk ol xwën këbi Jakob.

End enaŵa ed Jakob eŋ

⁴³Mondako ŝotëra baxo Jakob napul isëm xali hi ko ar gë opeŷ odanjëm, gë obeci oranjëm, gë ogelemba do gë opali odanjëm. Hi ko bëte axwën ar okadëp otoxari do gë otoŝan odanjëm.

Añanar 31

¹Akey amat, Jakob wël këbi obaŝ or Labaŋ ol ga këni re: «Jakob wëdek dek bebër xwën baxo faba irebi bën. Gë bebër xwën baxo faba irebi bën ŝotëraxën ko dek napul ijo.»

²Jakob wata ko mëne Labaŋ ax bo ex na ga këŋo nëkon gë dëxas iyekax, ang gër ŷanar ak.

³Ata Axwën Kaxanu fel këŋo Jakob: «Maŷil ngëŋ gër ebar ed bëxarëk bërey, gër ed rëw këni. Wëno gë wëj këme hi.»

⁴Jakob wac këbi Raŝel do gë Leya sëkëx këno gër apuŷ, gër ed babi xadacërand obeci do gë opeŷ odexëm.

⁵Fel këbi: «Wëno anëka wata këme mëne sorix irewën ax bo ex na ga ke nëkon gë dëxas iyekax, ang gër ŷanar ak. Barikan Kaxanu, mëŋ ar yata këŋo faba iram an, gë wëno hi ko.

⁶Anang nang kën wën dëŋ mëne mbaŋ riyenin këmo sorix irewën, gë oxor oram ol dek.

⁷Barikan sorix axacërara xacërara këŋo exe ŷamba. Bakëlëbëd epëxw nëngwët ko acosa andam aŋ, bari Kaxanu aŋo teb ex na exe ŷambara.

⁸And re ko: “Oyel or gë bapeŝen do gë bambaren ol kë hi acosa andey aŋ”, onëm ol dek kënebi rëwënd bënobo bënd gë bapeŝen do gë bambaren. Bëte and re ko: “Oyel or ŷër-ŷër ol kë hi acosa andey aŋ”, onëm ol dek kënebi rëwënd bënobo bënd ŷër-ŷër.

⁹Kaxanu xan këŋo sorix irewën oyel orexëm ol, do yël ke wëno.

¹⁰«Awat wat bamëni gëmëd në lakeli oyel onëm ol, amëd and babi ŷandind enëbi kera aŋ. Okondo ok kënëbi xerand opeŷ onëm ok: oko od gë bapeŷen do gë bambaren, oko od ŷër-ŷër. Opëlang ok kënëbi xerand obeci onëm ol: oko od gë bapeŷen do gë bambaren, oko od ŷër-ŷër.

¹¹Ata kwël gër lakeli fo w̄ac ke meleka ir Kaxanu in: “Yakob!” Yaka këmo: “Woy!”

¹²Re ko: “Këla, dënëtal eyëbi nëkon dek okondo od këbi xerand opeŷ onëm ok, do gë opëlang od këbi xerand obeci onëm ok. Er exëni oko od gë bapeŷen do gë bambaren, oko od ŷër-ŷër. Gayikwa awat wat këme ang ŷambara ki Labaŋ ak.

¹³Wëno ex Kaxanu, ar ŷalew këŷo gë ebeȳa gër Bet-El, gër ed rëd këŷ ekaŷ do xoŷ këŷ ogu an. Gërëgako, canël ebar elo ro, eȳ maŷixën gër ebar ed gër ed rëw̄ këni.”»

¹⁴Raŷel do gë Leya yaka këno: «Biyi cëŋ gër iciw̄ ind faba irebi, er këmi bëteli abo bo ex na.

¹⁵Ang bëliyer fo hi këmi gayikako anëka fan këbo xali ŷamb ko napul ir ŷotaxën këbo in.

¹⁶Dek napul ir xana ko Kaxanu gër faba irebi in, biyi do gë obaŷ orebi ol xwënëk. Gërëgako, dil dek er fel ki Kaxanu in.»

¹⁷Ata Yakob fërëŷëtali këbi bolindaŵ do gë obaŷ orexëm ol ŷaŋ gër ogelemba.

¹⁸Bar këbi dek oyel orexëm or ŷot babi na gër ebar ed Padaŋ-Aram ol, do gë dek bacota bandexëm baŋ, do kwël ko bakand ond gër sëm Isak oŋ, gër ebar ed Kanahaŋ.

¹⁹Yatijo ŷe baxo Labaŋ gër ekaca ed omban ond opeŷ odexëm. Raŷel reka këŋo atox and ebax eðaŷ ed sëm aŋ.

²⁰Ata Yakob mondako sitinaxën baŋo Labaŋ, arandëwëra and Aram an, ga ko w̄aŷi pelarëxe.

²¹Monaŵa naŵa baŋo, do kwël ŷe ko gë dek bëbër xwën baxo bën. Ga xegëta ko yeb in, fab ko gand osënd or ebar ed Galahad.

End etëf ed Yakob eŋ

²²Ga xucak bakey batas, fel këno Labaŋ mëne Yakob anëka naŵa këŋo.

²³Labaŋ ga bar këbi bër ekun edexëm bën, sëf këno Yakob. Ye këni bakey banjongëbaki dãmama sëkaxën këno gër osënd or ebar ed Galahad.

²⁴Barikan Kaxanu ŷanayaxën këŋo gëmëd në lakeli Labaŋ arandëwëra and Aram an, dãmama eni pabëraxën gë Yakob. Fel këŋo: «Këreyëŋo dexërad na de Yakob.»

²⁵And h̄at ko Labaŋ gër ebar ed Galahad aŋ, sëkëx këŋo Yakob kap gër etënd, gër ed ri baxo akwëndaya andexëm. Labaŋ do gë bër laŋëtaw baŋo bën ri këni bën bëte ler na fo akwëndaya andebën aŋ, gër osënd or gër ebar ed Galahad.

- ²⁶Ata Labaŋ w̃eŋka k̃eŋo Jakob: «Ineŋa ri k̃eŋ? Asitinax̃en sitinax̃en k̃eŋe do w̃elaw k̃eŋeŋbi od̃enaŋ odam ok ang b̃esoxari b̃er s̃eraw k̃eŋeŋbi ñe emer fo!
- ²⁷Ineŋa naŋax̃eñegu k̃eŋe do h̃er̃egu k̃eŋ, pelar̃exe? Kido afela felaw baỹe, w̃eno ata ri dome of̃ena or mi pelarax̃en g̃e od̃enaŋ odam ok, do bela b̃en eni ñeŋera oj̃ekan od oñenga, g̃e bat̃emb baŋ, do g̃e ofarix ol.
- ²⁸Barikan, w̃ej aỹe teb ex na mi pelar momegar g̃e ŋaca b̃en do g̃e od̃enaŋ odam ok! Ata ang aŋeñek fo ri k̃eŋ de.
- ²⁹Axor xor k̃eme mun denan eñ̃eñax, barikan Kaxanu, m̃eŋ ar yata k̃eŋo sorix an, fel ke gañeka g̃em̃ed: “K̃ereŋeŋo dex̃eraŋ na de Jakob!”
- ³⁰G̃er̃egako, ga ŋow k̃eŋ or laŋ gayik mbaŋ xofi baxi ekun ed sorix el, ine c̃eŋ rekax̃eñegu k̃eŋ eŋaŋ edam el?»
- ³¹Jakob yaka k̃eŋo Labaŋ: «Aỹedara ỹedara bame ga bame ỹeland m̃ene axan k̃eŋe xan od̃enaŋ odeŋ ok.
- ³²Barikan end eŋaŋ edeŋ eŋ c̃eŋ, g̃er ar k̃eŋ s̃ek yo, ar ec̃es ex! Bela b̃erebi b̃ejo ex ng̃eŋ otede ok, calal er xw̃en k̃eŋ in g̃er akw̃endaya andam. Ga wat wat k̃eŋ, kanal!» Jakob axo nang bana m̃ene Raŋel rekaw̃ek eŋaŋ elo.
- ³³Labaŋ lil ko g̃er aner and Jakob, b̃ete g̃er and Leya, do g̃er and okaŋep ottoxari oki, ŋoweŋ axo wat ex na. Ga ŋañegu ko g̃er aner and Leya, lil ko g̃er and Raŋel.
- ³⁴Raŋel w̃ed ko eŋaŋ el, lilali ko g̃er añ̃em̃ena and gelemba, do ŋepax̃en ko. Labaŋ x̃eb̃et̃era ko deŋ aner aŋ, bari ŋoweŋ axo wat ex na.
- ³⁵Ata Raŋel fel k̃eŋo s̃em: «Faba ga wat k̃eŋ ame kani ex na mi p̃ebax̃en, k̃ereŋ koŋ na, g̃e apacaŋ aŋ hi k̃eme.» Aŋalara yo aŋalara, Labaŋ axo wat ex na eŋaŋ edex̃em el.
- ³⁶Ata Jakob log̃en k̃eŋo. Ga k̃eŋo xeŋan Labaŋ, re ko: «Ine ex amena andam aŋ? Eñ̃eñax end fe wa ri k̃eme, s̃efax̃eñegu k̃eŋe g̃e oxoŋ or go olo?
- ³⁷And ỹel̃ex̃eỹet̃era k̃eŋ deŋ oŋ̃enga oram aŋ, er xw̃en k̃eŋ nde wat k̃eŋ na? Masiñel̃ebi b̃eram b̃en do g̃e b̃ereŋ b̃en eñebo deŋax̃en biyi b̃exi!
- ³⁸B̃eniŋ alapem ri k̃eme g̃er iciŋ indeŋ. Elod ami pel ex na m̃ene emeci eñem endeŋ, ba ifeŋ iñem ireŋ nac̃ek. B̃ete elod amo ŋamb ex na xondo ireŋ.
- ³⁹Ejel ed laŋ k̃eno oŋacar obapuŋ el, elod amo maŋelil ex na. W̃eno baŋo ñemb̃end g̃e ejel eb̃engw edam. W̃ej añeŋali baỹe ñeŋalind mi maŋen ejel ed reka k̃ene hik g̃em̃ed, hik goyat el.
- ⁴⁰Aŋor baxe ŋor̃end oyat ok, mbaŋ bame sorond g̃e aỹem in g̃em̃ed, do akw̃ed abame ŋot na.

⁴¹Bëniy alapem ri këme gër iciw̃ indeỹ. Riyenin këmi bëniy epëxw̃ gë bënax në end napul ir odënaw̃ oki odeỹ eñ. Bëniy bënjongimat mëni cotaxën obeci oram ol do gë opeỹ odam ok. Barikan wěj nëmbët këỹ bakëlëbëd epëxw̃ acosa andam añ.

⁴²Kido Kaxanu, mëñ ar yata këño şaca iram Abëraxam an, mëñ ar baño rëgënd faba iram Isak an, axe dëca bana, taxan şanëgu dome iciw̃ indeỹ iñ. Kaxanu awat wat ko toro indam iñ, do gë asëkwëra iram in, do ganëka gëmëd mëñ rëc këbo.»

End eter Yakob do gë Labaņ eñ

⁴³Labaņ yaka këño Yakob: «Bolindax, odënaw̃ odam ex, obaş olo, obaş oram ex, oyel olo, oyel oram ex, do dek er këỹ watënd in, wëno xwënëk. Wëno ine këme xor mëni din doru odënaw̃ odam ok, ba obaş or rëw̃ kënebi ol?

⁴⁴Gërëgako awël nde, yatare eter wëno gë wěj, do eter elo gilex sede irebi in!»

⁴⁵Ata Yakob wëd ko ekaỹ do rëd ko.

⁴⁶Ga xucak eño, Yakob fel këbi bër ekun edexëm bën: «Medanëgune oxaỹ.» Ata wëdaraw këni oxaỹ do bun këni. Mëñ gë Labaņ yambëra këni na gër angëb and oxaỹ.

⁴⁷Labaņ w̃ac ko angëb año «Yegar Saxaduta», do Yakob mëñ w̃ac ko «Galehed».

⁴⁸Ata re ko Labaņ: «Angëb and oxaỹ año ex doru sede ir wěj gë wëno in!» Mëñ bayixënëk omac od «Galehed», mëne ngëñ «Angëb and ex sede añ»,

⁴⁹do «Mitësëpa», mëne ngëñ «Angëb and enëkona», gayik Labaņ are re baxo: «Axwën Kaxanu nëkonalebo and ke şapëre ro añ!

⁵⁰Angëmëne arixëra këyëbi rixërand odënaw̃ odam ok, angëmëne bësoxari bëşëxe başa këyëbi na, ax gi ex na gë ala kën fabër. Titinal, Kaxanu ex sede ir biyi bëxi in.»

⁵¹Ata Labaņ fel këño Yakob: «Ebun ed oxaỹ elo, ekaỹ ed xwëşak elo, wëno rëdëk mërëxand ir biyi bëxi.

⁵²Ebun ed oxaỹ elo do gë ekaỹ ed xwëşan këme elo, ex otede odebi ok: ame kucali na oxaỹ oño, me yeli gand ed hi këỹ mi dinanaxën eñëñëx. Do wěj bëte ay kucagu na oxaỹ oño, eỹ yeli gand ed hi këme eỹe dinanaxën eñëñëx.

⁵³Kaxanu, mëñ ar yata këbi Abëraxam do gë Naxor an, gilexo arëc arebi an (mëñ ex Kaxanu, ar yata këño axarëk arebën an).» Ata Yakob yaşar ko gër oşac or Ar ko rëgaxënënd sëm Isak ol.

⁵⁴Ga xucak eño, Yakob ri ko şadaxa na gër etënd elo. W̃ac këbi bërexëm bën gër eyambëran. Yambëra këni do xey këbi na gër etënd elo.

Añanar 32

¹Ga xeyëk, Labaņ xani ko mopëd, felarëra këni momëgar gë ejiw̃ bën do gë bobiw̃. Ga şalendëra këbi, xani ko do kwël w̃aỹi ko gër ndëbën.

²Yakob fakët ko fëña irexëm in. Ata şanayaxën këno omeleka od Kaxanu.

³Ga wat këbi, Yakob re ko: «Bëjo bër engä end Kaxanu exëni!» Wac ko na gër ed ebani «Mahanayim», mëne ngëñ «Benga bëki bëñ».

End ekofëtar ed gë Esawu eñ

⁴Yakob lëngwali këbi bërolawën gër abinëm Esawu, gër Seyir, gër ebar ed Edom.

⁵Er re baxo: «Mondako këno felëx, Esawu, axwën aram an: “Yakob, xadëp irey in, ga re ko: aniyitara niyitaraw ke gër Labañ bën, ang aliyer fo, do alembeliw lembeliw ke oliyer oram ol xali gërëgako.

⁶Aşotëgu şotëgu këmëni de oxey, gë opali, gë opey, gë obeci, gë okadëp otoşan do gë otoxari. Awa axwën, bër yelik bëjo, bërolawën bëram exëni. Wëno lawënëli këbi ga këme yarënd oyekax orey ol, exe kofëtaraxëne.”»

⁷Bërolawën bën ga bakaw këni fel këno Yakob: «Aye ye këmi xali gër abinëx Esawu. Në ekacaw exi mëñ bëte gë ocambenjar okeme onax.»

⁸Ata Yakob yëdara ko mbañ, anjiy añ xap këño mokap dëñ. Şapëreli këbi bela bërexëm bën bengä bëki. Mondako fo şapëreli bañi bëte oyel ol: opey ok do gë obeci ol bebët ibat, oxey ol do ogelemba ok bebët ijo.

⁹Er baxo rend: «Angëmëne Esawu ebi ñwëlën engä emat do ebi kor, engä ekinëm eñ aşana këno şana.»

¹⁰Ata Yakob ko şalend mondako: «Axwën Kaxanu, wëj ex ar yata këño şaca Abëraxam an, bëte wëj fo yata këño Isak, faba iram. Wëj ex ar fel ke: “Bakal gër ebar edey, gër ed rëw këni, do wëno arin këmi rin enjekax eñ!”

¹¹Emëlaya ed wëlaya këye wëno xadëp irey el axuri xurik. Bëte benjekax bend rin këye bëñ, axe ñap ex na. And xegëta bame Yurëdeñ ijo añ, oşët fo lëkaya bame. Barikan doro bëram bën bengä bëki exëni.

¹²Axara xara këmi dacëtele gër otaxan od abaşe Esawu! Gayikwa ayëda këme yëdand ba ayow ko yow exe mereli, ebi dawëra bësoxari bën, do gë obaş ol.

¹³Wëj ga fel ke wa: “Arin këmi rin enjekax eñ, do aşënan këme şënan andëwëra andey añ ang edini ed gër angwëngw fo, ed ala ax kor na exo pën el!”»

¹⁴Ata yatijo, na xey baño Yakob. Sana këbi gër napul ir şot baxo, oyel or këño fupaxën abinëm Esawu ol.

¹⁵Sana këbi obeci onëm okeme oki, do gë bapëlang alapem; opey onëm okeme oki, do gë okondo alapem.

¹⁶Sana këbi bëte ogelemba onëm ofëxw osas, gë batox band banëbi yerinënd ak; oxey onëm ofëxw onax, do gë okwëlëkwël epëxw; opali onëm alapem, do ocan ok epëxw.

¹⁷Mondako fitëra babi oyel olo benga benga, do enga kala gë axadac arexëm. Fel këbi bëxadac bën: «Dëngwayin tan, do en tebëtar motebëtar.»

¹⁸Fel këno axadac ayanar an: «And kën fed gë abaÿe Esawu aŋ do exi mëka: “Noÿo xwën ki? Feye këÿ y’end? Noÿo wa xwën këbi dek oyel or lëngwëna këÿëbi olo?”

¹⁹Yakayido: “Yakob, xadëp ireÿ in, xwën këbi. Axwën Esawu, er fupaxën ki lëngwaliw ko. Mëŋ dëŋ në etëfëgu ebo.”»

²⁰Ata fel këbi eŋo fo axadac axinëm an, gë اساسën an, do gë dek bër babi sëfënd benga bend oyel bën: «Mondako këno felëd Esawu, axwën aram an, and kën fed aŋ.

²¹Deyidën: “Yakob, xadëp ireÿ in, gand emban bayiw ko”.» Gayikwa er baxo yëland: «Axoc këno xoc oxoÿ orexëm ol gë er fupaxën këmo do lëngwali këme in. Bamat aŋa ko ŵa exe kaca, do mi kofëtar gë onënga fo!»

²²Ata Yakob mondako lëngwali babi oyel or fupaxën baŋo ol, do mëŋ xey këno na gër akwëndaya.

End okaxër ond Yakob eŋ

²³Ata yatijo gëmëd, Yakob gë bësoxari bëxi bërexëm bën, gë okadëp otoxari oki od bësoxari bërexëm ok, do gë bëtox epëxw gë imat bëndexëm bën, xegëta këni lar ir këni ŵacënd Yabok in.

²⁴Abar bar babi, xegëta këni lar in gë dek bebër xwën ko bën.

²⁵Yakob bayi ko gabat ekeg elo. Ata şanayaw ko ala do xaxër këni gë mëŋ xali kë wecand.

²⁶Ala ajo ga wat ko mëne anëka dëŋ sëkwan këno eŋo dap in, xëm këno gër epem. Ata Yakob lonëta ko nand bani xaxërënd na.

²⁷Ata re ko ala ajo: «Tebële me y’e, gayikwa anëka kë wecand.» Yaka ko Yakob: «Ami teb na ey y’e, xarak aye yël ex na obetak ol.»

²⁸Ala ajo ŵëka këno: «Ake këni ŵacënd?» Yaka ko: «Yakob.»

²⁹Re ko: «Macindëleni gërëgako Isërayel, kërex bo na ga këni ŵacënd Yakob. Gayikwa axaxër xaxër kën gë Kaxanu do gë bela bën, barikan wëj xor këbi.»

³⁰Yakob ŵëka këno: «Këla pelële wa oŵac oreÿ ol.» Yaka ko: «Ine këÿe ŵëkaxënënd oŵac oram ol?» Ata yël këno obetak ol.

³¹Yakob ŵac ko na gër ed xaxër bani «Peniyel», mëne ngëŋ «Dëxas ir Kaxanu in». Gayikwa are re baxo: «Afabër fabër këmi gë Kaxanu, do bayi këme abëngw.»

³²Eñan eŋ anëka bax fënëgund and baxo xucand Yakob Penuwel aŋ. Ata këno racëtënd oñe oŋ, ga lonëta ko gër epem.

33Mëñ ex xali doro, bërandëwëra and Isërayel bën ani y'akënd na angën and gër emef añ, gayik gër angën año sembañ baxo Yakob.

Añanar 33

End ekofëtar ed Yakob do gë Esawu eñ

1Yakob ga rënëta ko, watëgu këbi Esawu do gë ocambenjar okeme onax ok ga këni ñatëgu. Şapëreli këbi obaş ol, mar hi këni mërëxand ir Leya do gë Raşel, mar mërëxand ir okadëp otoxari od bësoxari bërexëm ok.

2Lëngwën këbi okadëp otoxari ok do gë obaş orebën ol. Bëtëgu këni Leya do gë obaş orexëm ol, do felata këni Raşel do gë Yosef.

3Yakob mëñ dëñ, lëngw ko gër eng'a eño, do foxi ko banjongëbaki eyiñ el njęş gër ebar, xali sëkar këni gë abinëm.

4Ata Esawu hër ko fed këni. Wëga këño Yakob bëxiß gër egëla, do ses këni bën tak bëxi.

5Esawu ga rënëta ko, wat këbi bësoxari bën do gë obaş ol. Ata wëka ko: «Nobën ex wa bëjo?» Yaka ko Yakob: «Bëjo ex obaş or yël ke Kaxanu ol gë oyekax orexëm ol, wëno xadëp irey in.»

6Okadëp otoxari ok do gë obaş orebën ol sëka këno Esawu, do foxira këni.

7Leya do gë obaş orexëm ol sëka këno bëte, do foxira këni. Bëte Yosef do gë Raşel sëka këno, do foxira këni.

8Ata re ko Esawu: «Do ine ex wa ðek oyel or fedëgu këmi olo?» Yaka ko Yakob: «Exe kofëtaraxëne gë onënga fo şet këmi, faba!»

9Re ko bëte Esawu: «Abañe, aşotëra şotëra këme wëno bëte! Er xwën këy in, bayilexi.»

10Yaka ko Yakob: «Ali, axara xara këmi, kanal axana er fupa këmi in gayikako gë onënga fo xofëtar ke. Enimin, wëno ga şanaya këme gër lëngw irey nangëde gër lëngw ir Kaxanu fo, do xofëtar ke gë onënga fo.

11Këla kanal axana er fupa këmi in, oyel orey ex, gayikako gë oyekax orexëm ol yëlëra ke Kaxanu xali şotëra këme ðek er ebax me cot in.» Yakob nējali këño Esawu xali w'a ko.

12Esawu re ko: «Awa medërane ðek oñënga oñ ene y'exëne, wëno kë lëngwa.»

13Ata yaka ko Yakob: «Faba, anang nang këy mëne obaş ol ani kem ex na. Bëte nëkodëbi opey onëm ok, gë obeci onëm ol, do gë oxey or gë batox band kë yerind ol. Angëmëne akey amat fo nējali kënebëne oñe oñ, ðek këni şësëra oyel obeja ol.

14Axara xara këmi faba, dëngwal wëj. Endëmane endëmane këmi sëfëli wëno xadëp irey in, gë obaş ol do gë oyel ol, xali mi ñatëli gër ndewën, gër ebar ed Seyir.»

¹⁵Ata re ko Esawu: «Awa baxëtël mi tebën ndakaŋ mar ocambenjar odam ok.» Yaka ko Jakob: «Oko në end ine ngwa? Faba, axara xara këmi, tebanële din!»

¹⁶Ata kwël yatijo fo, baka baxo Esawu ond gër ebar ed Seyir oŋ.

¹⁷Ga xucak eŋo, Jakob y'e ko kwël ond gër Sukot oŋ. Bay'ënyax ko baciw̃, do rindëranëx këbi baner oyel orexëm ol. Mëŋ w̃acaxën këni fën gër ed hi bani «Sukot», mëne ngëŋ «Baner baŋ».

End gër Sišem eŋ

¹⁸Ata Jakob mondako ĥat baxo abëngw ga xaniw ko gër ebar ed Padaŋ-Aram. Ĥat ko gër angol and Sišem, gër ebar ed Kanahaŋ. Ri ko akwëndaya andexëm aŋ ler gër angol aŋo.

¹⁹Jakob w̃ed ko batama këme band kodî do yęc ko ebar gër otaxan od bosëniw̃ bor Amor, sëm ir Sišem. Gër ebar elo ri baxo akwëndaya andexëm, ler gër angol and Sišem.

²⁰Jakob ri ko na angëb and eŋo caleraxënënd Kaxanu, do w̃ac ko «El-Eloxe-Isërayel», mëne ngëŋ «Kaxanu, Kaxanu, mëŋ ar yata këŋo Isërayel an.»

Añanar 34

End Simewoŋ do gë Lewi eŋ

¹Akey amat, Dina endënaw̃ end rëw̃ën këno Leya Jakob eŋ, y'e ko ebi nangëgu odënaw̃ od gër ebar elo ok.

²Ata Sišem, asëniw̃ ar Amor, emun end ebar ed bërändëw̃ëra and Het eŋ, wat këŋo Dina. Ga sëra këŋo, w̃ëla këŋo, do lakix këni, xarak ax ñap ex na.

³Ata Sišem lëka këŋo monëka dëŋ Dina, endënaw̃ end Jakob eŋ. Sišem ĥan këŋo mbaŋ endënaw̃ emeja eŋo. Bend ko xwëtaya gër emëkw edexëm fo baŋo felënd endënaw̃ emeja eŋo.

⁴Sišem fel këŋo sëm Amor: «Karanële endënaw̃ eŋo, wëno mo ñër yandi ke.»

⁵Ata ga nang ko Jakob mëne Sišem abuyarën buyarën këŋo abiw̃ Dina, sësina ko y'em xali ĥatëgu këni bosëniw̃ ga hiw këni gër apuỹ, gër oxadac or oyel.

⁶Ata Amor, sëm ir Sišem, y'ow ko gër ed ebaxo Jakob eni ñëpaxën end Dina eŋ.

⁷And bani ĥatëgund bosëniw̃ bor Jakob aŋ, ga hiw këni gër apuỹ, nang këni ecëfëanaxik eŋo. Hi këbi nangëde aširëra širëra kënebi fo, do xoỹ këni xali xurik, gayik Sišem amena atëm ri baxo paß gër bërändëw̃ëra and Isërayel, ga laki bani ako gë endënaw̃ end Jakob eŋ, xarak eŋo ax ñap ex na.

⁸Amor fel këbi: «Asëniw̃ën Sišem wa ĥan këŋo endënaw̃ endewën eŋ, yëline eŋo ñër, axara xara këmun.

- ⁹Wën gë biyi axor këne xore ene dëkëre pab gë oÿër oŋ. Wën enëbo yëlënd odënaŵ odewën ok, do enëbi ñërënd odebi ok.
- ¹⁰Andamat këne lëge do ebar el edewën kë hi. Cëxwayayin ro, en pandërand, do en yëcënd owar or kën xwën.»
- ¹¹Sišem yow ko fel këbi sëm ir endënaŵ do gë bobinëm: «Tebanine! Wëno ayël këmun yël er këne wëka yo.
- ¹²Pënëtayin mbaŋ napul ir këmun wëdën in, do gë exëbënaxik er këmun yël in. Ayël këmun yël er këne wëka yo. Barikan fo, yëline endënaŵ eŋ mo ñër!»
- ¹³Bosëñiŵ bor Yakob yaka kënebi gë osit Sišem do gë Amor, sëm irexëm, gayik Sišem abuyarën buyarën baŋo Dina, imaÿe itoxari indebën in.
- ¹⁴Fel kënebi: «Ax mënd ex na mo yël imaÿe itoxari indebi in asoŝan axacërëx: oŝëfën osëm ex eŋo gër enëng endebi!
- ¹⁵Damana mi maxën end re kën eŋo, afo en ma pere en gi ang biyi ak: asoŝan ar ex yo eno kac axac.
- ¹⁶Aŋo fo këmun yël odënaŵ odebi ok, do biyi bëte mëni ñërënd odewën ok. Ata këne lëge në erebat, do ene giye bulunda ibat.
- ¹⁷Biyi ata këmo wëd endënaŵ endebi eŋ, do kwël mi dëfa angëmëne anëbo baxët ex na, angëmëne an ma ex na enun kacënd axac.»
- ¹⁸Amor do gë asëñiŵ Sišem wã këni eyeyan elo.
- ¹⁹Ataŋ ŝambenjar in wã ko exo di mondako gayik mbaŋ ñan baŋo endënaŵ end Yakob eŋ. Xarak Sišem, ar gapak ebaxo gër dek ekun ed sëm.
- ²⁰Ata Amor do gë asëñiŵ Sišem y'e këni gër ebët ed angol andebën. Fel kënebi bela bër lëg bax gër angol andebën bën:
- ²¹«Bela bëjo, bër aketëxeta ex ro gër ndebi. Dëgëlexëni gër ebar edebi ro, do eni pandërand. Ebar edebi el aÿang ÿangëk, axëñ këni xëñ! Biyi aÿër kënebe ÿana enëbe ñërënde odënaŵ odebën ok, do bën enëbi ñërënd odebi ok.
- ²²Barikan eni maxën edëg ed andamat gë biyi el, emat wëka këni, ene gixëne bulunda ibat. Asoŝan ar ex yo gër ndebi ro eno kac axac, ang xac kënebi bën ak.
- ²³Oyel orebën ol, gë napul irebën in, do gë oŵacar orebën ol, ax gi ex na nde ata kënebe xwëne? Mane wa aŵa emat end wëka kënebo eŋo, ene dëgaxëne andamat.»
- ²⁴Dek bër bax ŝanënd gër ebët ed angol bën wël kënebi Amor do gë asëñiŵ Sišem. Ata dek bësoŝan bër bax ŝanënd gër ebët ed angol bën wã këni enëbi kac.
- ²⁵Yatir akey atasën, xarak anëka këni sorond, Simewoŋ do gë Lewi, bosëñiŵ bor Yakob, bër acël amat gë Dina bën, wëd këni ala kala duxuma irexëm in. Ñat këni gër angol endëmane fo, ala abi wata ex na. Laŵëra kënebi dek bësoŝan bën.

²⁶Ĥaš kënëbi bête gë oduxuma ok, Amor do gë asëñiŵ Sišem. Xanaw këno Dina gër iciŵ ind Sišem, do kwël šan këni.

²⁷Bosëñiŵ bor Yakob bëjo xoba këni gër bësësëk do xwëcara kënëbi. Xandëra kënëbi bacota baŋ dek angol aŋ, gayik imaŷe itoxari indebën iŋ buyarën bano.

²⁸Xandëra kënëbi oyel orebën ol: opeŷ, gë obeci, gë oxey, gë opali, gë dek er ebax gër angol in, do gë er ocënga in.

²⁹Xandëra kënëbi bacota bandebën baŋ. Sërara kënëbi bësoxari bërebën bën, gë dek bër gër oxun orebën bën, do gë dek bebër ebax gër bëciŵ bën.

³⁰Ga xucak eŋo, Yakob fel këbi Simewoŋ do gë Lewi: «Wën ata etëm eŋ wëlanëgu këne. Awërax këne xwët bër lëgëk gër ebar elo ro bën, gë bërändëwëra and Kanahaŋ bën, do gë bër and Përisi bën. Wëno bela bëfëñëpëne fo šot këmëni. Bën ata këne barënan ene mereli, do enëbo đawëra wëno gë bër iciŵ indam bën.»

³¹Simewoŋ do gë Lewi yaka këni: «Aŷap nde ŷapëk eno dixëra imaŷe itoxari indebi iŋ ang asoxari aŷacaxik fo?»

Añanar 35

End orëfa or Yakob eŋ

¹Akey amat, Kaxanu fel këŋo Yakob: «Kanil ey đëfa ŷaŋ gër Bet-El, ey đëgëx fën. Dinëxëde angëb wëno Kaxanu, ar šanayaxën baxi and bay herënd ey'o cana abinëx Esawu an.»

²Ata Yakob fel këbi bër iciŵ indexëm bën, do gë dek bër ebax gë mëŋ bën: «Dapin olaš or ex mërëxand irewën do xwëta kën ang Kaxanu fo oŋ. Wunëtarayin, do nëmbarayin banjëm baŋ.

³Yaŋ gër Bet-El këne rëfaye. Fën këmo rinëx angëb Kaxanu, mëŋ ar yakali baxe cale yatir šëmura baxe an, do mëŋ ar xaxa ke gër fëña iram an.»

⁴Ata fëxwëndëra këno Yakob dek olaš orebën or ebax gër otaxan odebën oŋ, do gë dek baŋepe band bakara bani gër banëf bandebën baŋ. Yakob wëg ko dek bebijo, dila gër edëp ed ananga and ex ler gër Sišem.

⁵Ga ri këni mondako, kwël ŷe këni. Kaxanu lapan këbi anjiŷ atëm bër lëgërak gër bangol band ler ler na gër ed ebani bën. Ata anëbi tëf ex na bosëñiŵ bor Yakob.

⁶Yakob do gë dek bërexëm bën ĥat këni gër Lus, mëne ngëŋ gër Bet-El, gër ebar ed Kanahaŋ.

⁷Rix ko angëb do wac ko na gër ed ebani «El-Bet-El», mëne ngëŋ «Kaxanu, ar gër Bet-El an». Gayikwa Kaxanu na šanayaxën baŋo Yakob, and baxo herënd eŋo cana abinëm aŋ.

⁸Ata Debora, asoxari ar rafën baŋo Rebeka an, šës ko. Wëxëta këno ler gër Bet-El, dila gër aces and nëngwët bani oŵac «Atëx and otes».

⁹Ata Kaxanu şanayaxën këno bëte Yakob, ga hiw ko gër ebar ed Padañ-Aram. Yël këno obetak ol.

¹⁰Ata re ko Kaxanu: «Owac oreŷ ol Yakob ex, bari ax bo na ga këni wacënd Yakob. Isërayel këni ŷana eni macënd.» Mondako nëngwët baxo owac orexëm ol: Isërayel.

¹¹Re ko bëte Kaxanu: «Wëno ex Kaxanu, ar xorëk beŷ dek an. Dëwëlëbi obaş oranjëm, do nëmbërëlexëni mbañ. Enëng do gë amara and benëng kë şanëgu gër ndey. Bemun kë şanaya na gër bër këŷëbi rëw.

¹²Ebar ed yël këmëni Abëraxam do gë Isak el, ayël këmun yël, wëj do bërändëwëra andey bën, and këŷ xuca añ.»

¹³Ata Kaxanu ga xani ko, ko şëgënd ŷañ ŷañ na gër ed bani yeyandërand gë Yakob.

¹⁴Yakob rëd ko ekaŷ na gër ed yeyaneli baño Kaxanu. Xoş ko gër ekaŷ ed rëd baxo elo ogu do gë ngoŷ ex gixën ekaŷ ecëbax.

¹⁵Yakob wac ko na gër ed ebani Bet-El, na gër ed yeyaneli baño Kaxanu.

End ecës ed Raşel eñ

¹⁶Yakob gë bër ekun edexëm bën xani këni na gër Bet-El. Anëka bani saxand gër Efërata, ga rëwëra ko Raşel. Barikan orëw olo mbañ yëka baño.

¹⁷And baño rëwënd itox añ, asoxari ar baño rëcand gër orëw an, re ko: «Kërey yëdara na, lëmëta şot këŷo bëte.»

¹⁸Damana exo kotixën, wac këno lëmëta in «Ben-Oni», mène ngëñ «Asëniwën ir ayambën iram». Barikan sëm nëngwët këno «Beñëşame», mène ngëñ «Asëniwën ir liw iram».

¹⁹Ga xoti ko Raşel, wëxëta këno gër fëña ir gër Efërata, mène ngëñ ir gër Betëlexem.

²⁰Yakob rëd ko ekaŷ gër ŷeg ir Raşel. Ata ekaŷ elo na bayik xali doro.

²¹Isërayel gë bër ekun edexëm bën rëfa këni do rix këni akwëndaya andebën añ yabët ebar ed Migëdal-Eder el.

²²Amëd and lëg baxo Isërayel na gër ebar elo añ, Ruben ŷe ko laki këni gë Bila, asoxari ar ŷëpa bani aŷëpa fo gë sëm an. Ata nang ko Yakob. Bosëniw bor Yakob er hi bani epëxw gë bëxi.

²³Bëtoşan bënd rëw këbi Leya bëñ: Ruben, iñanar ind Yakob iñ, gë Simewoñ, gë Lewi, gë Yuda, gë Isakar do gë Sabuloñ.

²⁴Raşel mëñ cëñ, rëw këbi Yosef do gë Beñëşame.

²⁵Bila, xadëp isoxari ir Raşel in, rëw këbi: Dan do gë Nefëtali.

²⁶Silëpa, xadëp isoxari ir Leya in, rëw këbi Gad do gë Aser. Bën ex bosëniw bor Yakob, bër rëwëgu këbi gër ebar ed Padañ-Aram bën.

²⁷Ata Yakob gë bër ekun edexëm bën ĥat këni xali gër sëm Isak, gër Mamëre, ler gër Kiriyat-Arëba, gër ed këni wacënd bëte Ebëronj. Fën lëg bani ang bëliyer fo Abëraxam do gë Isak.

²⁸Isak ga liya ko bëniy këme gë ofëxw ocongosas,

²⁹šës ko. Ata Isak moped fed baņo oxar ol, đamana baraxën këni gë bëxarëk bërexëm bër šësëk elod anëka fo bën. Esawu do gë Yakob wëxëta këno.

Añanar 36

End orëfa or Esawu eņ

¹Mondako ex andëwëra and Esawu aņ, mëņ ar bano wacënd bëte Edom an.

²Esawu yër babi odënaw od gër ebar ed Kanahaņ: Ada abiw ar Eloņ, arandëwëra and Het an, do gë Oxolibama, abiw ar Ana, ejiw ed Tëсібewoņ, arandëwëra and Hor an.

³Baša këņo bëte Basëmat, abiw ar Isëmayel, abinëm ar Nebayot.

⁴Ata Ada rëwën këņo Esawu, Elifas. Basëmat mëņ, rëwën këņo Rehuwel.

⁵Oxolibama rëwën këņo: Yewuș, gë Yalam, do gë Kore. Bën ex bosëniw bor Esawu, bër rëw kënebi na gër ebar ed Kanahaņ bën.

⁶Akey amat, Esawu bar këbi bësoxari bërexëm bën, gë bosëniw, gë bobiw, do gë đek bela bër iciw indexëm bën. Bar këbi bëte đek oyel orexëm ol, do gë bebër šotëra baxo na gër ebar ed Kanahaņ bën. Ye ko kwël orëfa në ebar ecëxe, eni ñawëtaraxën gë abinëm Yakob.

⁷Gayikwa napul ir šot baxo ala kala in axuri xuri bax ga yëmbëk. Ax mënd bana eni đëg në erebat. Bëte na gër ebar ed yëpa bani ang bëliyer fo el, oyel orebën ol abani xëñ na.

⁸Esawu ye ko yëpax ko gër ebar ed kap gër etënd ed Seyir. Esawu ex wa Edom.

End bërändëwëra and Esawu eņ

⁹Mondako ex andëwëra and Esawu aņ, sëm ir Edom, gër ebar ed kap gër etënd ed Seyir.

¹⁰Omac od bosëniw bor Esawu ok ebax: Elifas, ar rëwën këņo alindaw Ada an, gë Rehuwel, ar rëwën këņo alindaw Basëmat an.

¹¹Ata bosëniw bor Elifas hi këni: Teman, gë Omar, gë Tësefo, gë Gatam, do gë Kenas.

¹²Timëna, ebax asoxari ar yëpa bani a yëpa fo gë Elifas, asëniw ar Esawu an. Timëna ijo rëwën këņo Amalek. Ata bën ex bosëniw bor Ada, asoxari ar Esawu an.

¹³Bosëniw bor Rehuwel exëni: Nahat, gë Sera, gë Šama, do gë Misa. Bën ex bosëniw bor Basëmat, asoxari ar Esawu an.

- 14**Mondako bax omac od bosëñiŵ bor Oxolibama ok, abiŵ ar Ana, asoxari ar Esawu an. Ana ijo ex mënĵ bête abiŵ ar Tësebewoŋ an. Mënĵ rëwën baŋo Esawu: Yewuŝ, gë Yalam, do gë Kore.
- 15**Mondako hi bani bemun bend bosëñiŵ bor Esawu beŋ. Gër andëwëra and Elifas, iñanar ind Esawu iŋ: Teman, gë Omar, gë Tësefo, gë Kenas,
- 16**gë Kore, gë Gatam, do gë Amalek. Bën ebax bemun bend andëwëra and Elifas beŋ, gër ebar ed Edom. Bën ex bosëñiŵ bor Ada.
- 17**Mondako hi bani bemun beŋ gër bosëñiŵ bor Rehuwel, asëñiŵ ar Esawu: Nahat, gë Sera, gë Šama, do gë Misa. Bën ebax bemun bend andëwëra and Rehuwel beŋ, gër ebar ed Edom. Basëmat, asoxari ar Esawu an, ebax ejiŵ edebën.
- 18**Mondako hi bani bërändëwëra and Oxolibama bën, asoxari ar Esawu an. Gër bërändëwëra and Oxolibama, abiŵ ar Ana, asoxari ar Esawu an, bemun beŋ er hi bani: Yewuŝ, gë Yalam, do gë Kore.
- 19**Bën ebax bosëñiŵ bor Esawu, do bën ebax bemun bende bën beŋ. Esawu ex wa Edom.
- 20**Mondako hi bani bosëñiŵ bor Seyir, arandëwëra and Hor an. Bër lëg bax gër ebar elo na bën, er hi bani: Lotañ, gë Šobal, gë Tësibewoŋ, gë Ana,
- 21**gë Dišoŋ, gë Etëser, do gë Dišaŋ. Bën ebax bemun bend bërändëwëra and Hor, do gë dek obaŝ or Seyir gër ebar ed Edom beŋ.
- 22**Obaŝ or Lotañ ol er hi bani: Ori do gë Emam. Imaĵe itoxari ind Lotañ iŋ ebaxo Timëna.
- 23**Mondako hi bani bosëñiŵ bor Šobal: Alëfaŋ, gë Manahat, gë Ebal, gë Šefo, do gë Onam.
- 24**Mondako hi bani bête bosëñiŵ bor Tësibewoŋ: Afa do gë Ana. Ana isoŝan ijo ŝanan bax aňësa and men gër ladawe, and babi xadacërand opali od sëm Tësibewoŋ aŋ.
- 25**Mondako hi bani bête obaŝ or Ana ol: itoŝan iŋ, Dišoŋ, do gë itoxari iŋ, Oxolibama.
- 26**Mondako hi bani bête bosëñiŵ bor Dišoŋ: Emëdaŋ, gë Ešëbaŋ, gë Yitëran, do gë Keran.
- 27**Mondako hi bani bosëñiŵ bor Etëser: Bilëxaŋ, Sahafaŋ, Safaŋ, do gë Akan.
- 28**Mondako hi bani bosëñiŵ bor Dišaŋ: Utës do gë Aran.
- 29**Mondako hi bani bemun bend bërändëwëra and Hor beŋ: Lotañ, gë Šobal, gë Tësibewoŋ, gë Ana isoŝan,
- 30**gë Dišoŋ, gë Etëser, gë Dišaŋ. Bën ebax bemun bend bërändëwëra and Hor beŋ, gër ebar ed Seyir.

- ³¹Mondako hi bani bëte bemun bend bëtëraw bax gër ebar ed Edom beŋ, đamana eni gixën gë bemun bërandëwëra and Isërayel bën.
- ³²Bela, asëñiŋ ar Bewor wun ko gër ebar ed Edom, do oŋac or angol andexëm ol ebax Dinaba.
- ³³And šës ko Bela aŋ, Yobab, asëñiŋ ar Sera, bëteli ko owun ol. Do angol andexëm aŋ ebax Botësëra.
- ³⁴And šës ko Yobab aŋ, Hušam, ar gër ebar ed bërandëwëra and Teman an, bëteli ko owun ol.
- ³⁵And šës ko Hušam aŋ, Xadad, asëñiŋ ar Bedad, bëteli ko owun ol. Mëŋ wëreli baŋo Majaŋ xali xor këŋo gër ebar ed Mohab. Angol andexëm aŋ ebax Awit.
- ³⁶And šës ko Xadad aŋ, Salëma ir gër Masëreka, bëteli ko owun ol.
- ³⁷And šës ko Salëma aŋ, Sawul ir gër Rexobot Nahar, bëteli ko owun ol.
- ³⁸And šës ko Sawul aŋ, Bahal-Hanaŋ, asëñiŋ ar Akëbor bëteli ko owun ol.
- ³⁹And šës ko Bahal-Hanaŋ, asëñiŋ ar Akëbor aŋ, Hadar bëteli ko owun ol. Angol andexëm aŋ ebax Pawu, do oŋac or alindaŋ ol, Mehetabel, abiŋ ar Matëred, ejiŋ ed Mesahab.
- ⁴⁰Mondako ebax omac od bemun bend bërandëwëra and Esawu beŋ, nëng gë nëng, eđëg gë eđëg: Timëna, gë Alëfa, gë Yetet,
- ⁴¹gë Oxolibama, gë Ela, gë Pinoŋ,
- ⁴²gë Kenas, gë Teman, gë Mibëtësar,
- ⁴³gë Magëdiyel, do gë Iram. Bën ebax bemun bend gër Edom beŋ, ang lëgëra bani ak, gër ebar ed xwën këni. Esawu ex axarëk arebën an, axarëk ar bërandëwëra and Edom an.

Añanar 37

End ođakeli od Yosef eŋ

- ¹Ata Yakob lëg ko na gër ebar ed Kanahaŋ, gër ebar ed yëpa baxo sëm ang aliyer fo el.
- ²Mondako bax andëwëra and Yakob aŋ. Yosef, lëmëta fo bayi baxo, do anëka sëk baŋo bëniy epëxw gë bënjongëbëki. Oyel ol banëbi xadacërand gë bobinëm, gë obaš or Bila ol, gë or Silëpa ol, bësoxari bër sëm bën. Xarak Yosef, đek baxo hatelind gër sëm irebën ang banëbi renarand ak.
- ³Isërayel moŋan ħan baŋo Yosef, nëmëc đek obaš orexëm ol, gayik gand oxar rëw baŋo. Ašalan šalan baŋo acud anjekax and yër-yër.
- ⁴Bobinëm wat këni mëne đek ang ebani ak Yosef ex itox ind xwël këŋo sëm irebën iŋ. Ata yana këno ecus el. Laŋ gë xoŋ fo bano yeyanelind.

⁵Akey amat, Yosef lakeli ko, do sêfêtan kêbi bobinêm lakeli in. Ata êus këno kaê-kaê.

⁶Yosef re ko: «Baxêtin lakeli ir ri këme in, Axara xara këmun!

⁷Biyi dek gër oênga bane xapêrande olañ. Atañ eñañ edam el xwêêak ceg. Olañ orewên oñ, ga xetak jey edam el, foxik gër lêngw ir eñañ edam.»

⁸Ata re këni bobinêm: «Do ba wêj nde kë hi emun endebi eñ? Wêj nde këbo xwên?» Ata êus këno bête kaê-kaê në end ofakeli odexêm eñ, do në end oyeyandêran orexêm eñ.

⁹Yosef lakeli ko bête gaêexe. Ga kêbi sêfêtan bobinêm, re ko: «Alakeli lakeli këme bête, eñan eñ, gë facaw in, do gë owal epêxw gë ebat oñ, ga foxirak gër lêngw iram.»

¹⁰Sêfêtan këno bête sêm lakeli ijo, ang sêfêtan babi bobinêm ak. Ata sêm rexêra këno mondako: «Ineŵa wacayak lakeli irey ijo? Ba wêno, gë norix, do gë bobinêx nde kë yeli mi poxi gër lêngw irey?»

¹¹Ata bobinêm yakêraxi kêbi. Barikan sêm bayeli këno lañ gër onden ofakeli oko.

End oyakêraxi od bobinêm bor Yosef eñ

¹²Akey amat, bobinêm bor Yosef ye këni enêbi kadacêrax opey ok do gë obeci or sêm irebên ol ler gër ebar ed Siêm.

¹³Isêrayel fel këno Yosef: «Ax gi ex na nde, bobinêx ler gër Siêm kênêbi xadacêraxênd oyel ol? Yow mi dawên gër ed exêni.» Yaka ko Yosef: «Awa!»

¹⁴Re ko bête Isêrayel: «Kêla, yel gër bobinêx, ey nangegu ba bêbêngw bayi këni, bën do gë oyel ol. Maŵiwêd eye pelati.» Mondako lawên baño elod na gër amora and Ebêroñ. Yosef ga ye ko, hat ko xali gër Siêm.

¹⁵Ata ga ko yexêra gër ocênga, fed këni gë ala. Ala ajo wêka këno: «Ineŵa këy êaland?»

¹⁶Yaka ko: «Bêmaŵe bêndam bêñ këmêni êaland. Kêla pelêle, feye kênêbi xadacêrand oyel orebên ol.»

¹⁷Re ko ala ajo: «Ani bo ex na ro, gayik awêl wêl këmêni ga këni re: “Yene gër Dotañ.”» Ata Yosef xuca ko gër ocal od bobinêm. Sêkêx kêbi gër Dotañ.

¹⁸Ata bën watêgu këno caw. Damana exo nat gër ed hi bani, wêlêr këni eno daw.

¹⁹Mondako bani rend: «Yo nêkodo wa, axwên ofakeli an ga ko hatêgund.

²⁰Gêrêgako, yowên enêno dawê, do enêno dape polo në andu. Gwêre ene dede mêne emacar ekeŵax yak këno. Ata këne nange ba mondake kë hi ofakeli odexêm oko.»

²¹Ruben ga wêl ko endey eño, racêt këno Yosef gër otaxan odebên, re ko: «Kêrenêno daw ex na de!»

22 Baš ko: «Ošat kërex car na. Někětino gër andu and ex gër ladawe aŋ, bari ŷoweŷ këreno dinan na.» Eŋo dacët gër otaxan odebën, do eŋo bakali gër sëm ŷandi baŋo mënŷ yey'anaxën baxo mondako.

23 And ĥat ko Yosef gër bobinëm aŋ, bën wëlën këno, do šudët këno acud andexëm, acud and ŷër-ŷër aŋ.

24 Ga sëra këno, ŷëkët këno gër andu: andu aŋo ax gi bana gë men.

25 Ga rixëra këno mondako, ŷëpa këni eni ŷambëra. Ga rënëta këni watëgu kënëbi enga end Oyula od ebax bërändëwëra and Isëmayel, ga hiw këni gër ebar ed Galahad. Ogelemba odebën ok lëbindëragu kënëbi ugu onëngax, ond bani wëland gër ebar ed Misëra.

26 Ata Yuda fel këbi bobinëm: «Ineŷa këbo feca ga alaŷ laŷ kënëŋone imaŷe indebi iŋ do ene condërande ecës edexëm el?

27 Yowën enëŋo pane gër bërändëwëra and Isëmayel. Kërenëŋo đaw ex na, gayikwa imaŷe indebi ex, šapar irebi exo!» Ata bobinëm ŷa këni endexëm eŋ.

28 Oyula od bërändëwëra and Majaŋ bax xucand. Ata šëpëtëgu këno Yosef gër andu. Na fan këno gër otaxan od bërändëwëra and Isëmayel, batama alapem band kodı, do bën wëla këno kwël gër ebar ed Misëra.

29 And bakaw ko Ruben na gër andu aŋ, nema këŋo Yosef. Ĥesëra ko banjëm bandexëm baŋ .

30 Ga baka ko gër bobinëm, re ko: «Itox iŋ axo bo ex na! Do wëno feye wa këme ŷe gërëgako?»

31 Ata wëd këni acud and Yosef aŋ, nëngëra këni gë ošat or apëlang and ĥaš bano oŋ.

32 Laŷwëneli këni acud aŋ gër sëm irebën gë eyey'an elo: «Nëkod wa er wëda këmi in. Këla, nëkonël ba acud and asëñix aŋ ex.»

33 Yakob ga wat ko acud aŋ, re ko: «Acud and asëñiwën aŋ ex! Emacar ekeŷax wa wënanngëtëra këŋo, emacar ekeŷax ŷak këŋo Yosef!»

34 Ata ga ŷambën këŋo gër yomb, Yakob ĥesëra ko banjëm band šudä baxo baŋ. Xapa ko jabote gër edum, do ko renitarand end asëñiwë eŋ xali bakey bandanjëm.

35 Dek bosëñiwë do gë bobiwë këno yifarand. Barikan ayifara yo ayifara, ĥëp ko exo cësina. Er baxo rend: «Arenita këme renita end asëñiwën eŋ xali mo tëkëx gër wur ir bëšësëk!» Mondako sesëra baxo xali.

36 Xarak, bërändëwëra and Majaŋ bën kwël wëla bano Yosef gër ebar ed Misëra. Fanëx këno gër Potifar, alëngw ar bënëkona bër Farawoŋ an.

Añanar 38

End Yuda do gë Tamar eŋ

- ¹Amëd aņo, Yuda anacëta nacëta babi bobinëm, do rëfa ko ler gër iciw̃ ar bano ind ar bano w̃acënd Hira, gër angol and Adulam.
- ²Ata Yuda wat këņo endënaw̃ end Ŝuwa eņ, Abëkanahaņ. Ga ỹer këņo, bar këni angaw̃ amat.
- ³Asoxari an hi ko gë acël do rëw̃ këņo itoșan. Yuda w̃ac këņo Er.
- ⁴Hi ko bëte gë acël, do rëw̃ këņo itoșan. W̃ac këņo mëņ dëņ Onan.
- ⁵Rëw̃ këņo bëte itoșan, do w̃ac këņo Ŝela. And rëwëra ko alindaw̃ aņ, Yuda gër Kesib hi baxo.
- ⁶Ata Yuda ŝalan këņo Er, itoșan iňanar indexëm iņ, asoxari ar këno w̃acënd Tamar.
- ⁷Ang baxo liyand Er, itoșan iňanar ind Yuda ak, Axwën Kaxanu așus șus baxo, ata law̃ këņo.
- ⁸Ga șes ko Er, Yuda fel këņo Onan: «Bëtelilo asoxari ar abinëx an, ang rëpëk ak, exo gixën ar gë obaș.»
- ⁹Ata Onan ỹer këņo asoxari an. Barikan nang ko mëne obaș or këbi rëw̃ ol, or abinëm kë hi, ani gi na orexëm. And këni bar angaw̃ aņ, Onan exo dex gër ebar eneda endexëm eņ, abaxo seb na gër asoxari, ga xey këņo eņo cotën andëwëra abinëm.
- ¹⁰Er baxo rind ijo Axwën Kaxanu așus șus baxo, ata law̃ këņo mëņ bëte.
- ¹¹Ata Yuda fel këņo Tamar, abiw̃ ir eňër: «Gayikako asoxari asebëta-sebëta hi këy, maỹil gër sorix xali exo daf asëniw̃ën Ŝela.» Gayikwa Yuda are baxo rend: «Kërexo cës na fa Ŝela bëte, ang bobinëm ak.» Tamar w̃aỹi ko, do yëpax ko gër iciw̃ ind sëm.
- ¹²Ga niyitak, abiw̃ ar Ŝuwa, alindaw̃ ar Yuda, șes ko. And xucak oỹaw̃ aņ, Yuda y'e ko y'aņ gër Timëna, gër bër babi xacanënd omban opeỹ odexëm ok. Sëfër këni gë Hira, lawo irexëm, Abëkanahaņ ar gër Adulam an.
- ¹³Ata bela bën fel këno Tamar: «Ayarax isoșan cëņ doru ko y'end de y'aņ gër Timëna, gër ekaca ed omban ond opeỹ odexëm.»
- ¹⁴Tamar șudëtara ko banjëm band bësoxari bësebëta-sebëta baņ. Nëmbara ko bacëxe, labaya ko kwëc dëxas in gë anjëm, do yëpa ko ler gër ingol ind Eynayim, gër fëña ir gër Timëna. Gayikwa awat wat baxo mëne Ŝela anëka dëņ raf ko, bari aņo bëteli bana.
- ¹⁵Yuda, sam ga wat këņo, yëla ko asoxari aỹacaxik ex, gayik kwëc lab baxo dëxas in.
- ¹⁶Nangërëxe mëne abiw̃ ir eňër ex, re ko: «Awël nde, mëkëňaye ga w̃a w̃a këy!» Yaka ko Tamar: «Ine këy'e yël angëmëne aw̃a w̃a këme?»

- 17** Re ko Yuda: «Ipërac këmi yebënëgu.» Yaka ko Tamar: «Awa! Barikan pere këy'e sebën j̄eȳ d̄amana exo ŋataxënëgu.»
- 18** Wëka ko Yuda: «Ineŵa këmi yël?» Yaka ko: «Edëxër ed gë oŵac oreŷ ed rëx këy' elo, do gë acët and lëkaya këy' aŋo.» Ata ga fëxwën këŋo oŷënga oŋo, laki këni. Mandëk Tamar, yatijo ŝot ko acël aŋ.
- 19** Ga w̄aŷi ko gër ndebën, labët ko dëxas irexëm in, do bakan ko banjëm band bësoxari bësebëta-sebëta baŋ.
- 20** Ata Yuda laŵën këŋo lawo irexëm in, Abadulam aŋ, eŋo yëlëx ipërac iŋ asoxari ajo, do exo kanaw bebër sebënëgu baŋo bën. Bari mëŋ ga ŷe ko, aŋo wat ex na.
- 21** Wëka këbi bela bër lëgëk ler gër Eyinayim na bën: «Feye wa exo asoxari aŷacaxik ar bax j̄ëpand ler gër fëña an?» Yaka këno: «Biyi elod amo wat ex na ro asoxari aŷacaxik!»
- 22** Ga baka ko gër Yuda, re ko: «Wëno amo watëgu ex na dë, do bër lëgëk ler na bën ga re këni mëne elod ano wat ex na na asoxari aŷacaxik!»
- 23** Ata re ko Yuda: «Kwëtayaxëlexo oŷënga or sebënëgu këmo oŋ! Kërexe calaye na fa mocala dëŋ oŝëfën ol. Ayebën yebën këmo ipërac iŋ, bari wëj aŷo watëgu ex na.»
- 24** Ga xucak opacaŵ otas, ŷow ko ala fel këŋo Yuda: «Awa Tamar, abix ar eñër, eñac xwënda ko dë. Ado anëka hi ko gë acël gë eñac endexëm eŋ!» Ata re ko Yuda: «Nëcëtëguno enëŋo core!»
- 25** Ga këno nëcët, Tamar laŵën ko gër sëm ir eñër eyey'an elo: «Gë asoŝan ar xwënëk oŷënga oŋo an ŝot këmi acël aŋ. Këla, nëkonël ba anang këy'o nang ar xwënëk edëxër ed kë oŵac elo, do gë acët aŋo an.»
- 26** Yuda ga wat ko oŷënga oŋ, re ko: «Awa mëŋ ex dë ar ŝenene an, ax gi ex na wëno, gayikako wëno hëpëk eŋo bëteli asëñiŵën Ŝëla.» Ata mondako sebët bano Tamar, bari abani laki na gë Yuda.
- 27** And h̄atëk orëŵ aŋ, Tamar nang ko mëne bëŝa ex gër acël andexëm.
- 28** Gër orëŵ, itox imat lëngwaliw ko ataxan aŋ. Asoxari ar baŋo rëcand gër orëŵ an, sëra ko do xap këŋo ingux imbarax. Re ko: «Itox iŋo ex ind ŝanëguk iñanar iŋ.»
- 29** Barikan mëŋ bakalix ko ataxan aŋ, ata ŝanëgu ko abinëm. Asoxari ar baŋo rëcand gër orëŵ an, re ko: «Añacan fo h̄acănëgu këŋo abinëm!» Ata Yuda yël këŋo oŵac ol: Peres, mëne ngëŋ «Amëd.»
- 30** Ata ŝanëgu ko abinëm gë ingux imbarax iŋ gër ataxan. Yuda yël këŋo oŵac ol: Sera, mëne ngëŋ «Awarax».

Añanar 39

End Yosef gër iciŵ ind Potifar eŋ

- ¹Wëla këno Yosef gër ebar ed Misëra. Do Amisëra abat, Potifar, alëngw ar bënëkona bër Farawoŋ, yëc këŋo gër otaxan od bërändëwëra and Isëmayel bër wëlaw baŋo na.
- ²Axwën Kaxanu hi këni gë Yosef. Ata er ko ri yo exo kamën. Hi ko gër iciw ind axwën arexëm, Amisëra an.
- ³Axwën arexëm an wat ko mëne Axwën Kaxanu gë Yosef hi këni: er ko ri yo, exo kamën në end Axwën Kaxanu.
- ⁴Ata Potifar, axwën arexëm an, ga baŋo nënganënd mbaŋ end Yosef eŋ, yata këŋo eŋo diyenindërand. Yata këŋo exo gi alëngw ar gër iciw indexëm, do sebënan këŋo dek er xwën ko in.
- ⁵Sam ga hi ko Yosef alëngw ar iciw do gë dek er xwën ko Potifar an, Axwën Kaxanu yël këŋo obetak ol Amisëra an në end Yosef. Obetak or Axwën Kaxanu ol hik gër dek bebër xwën ko Amisëra bën gër iciw do gër ocënga.
- ⁶Er xwën ko yo sebënan baŋo Yosef, yoweÿ ax bo bana ga ko ri, ang ax gi ex na eyambëran el.

End Yosef do gë asoxari ar axwën arexëm eŋ

Xarak Yosef šambenjar iyekax ebaxo.

- ⁷Ga xucak eŋo, asoxari ar axwën arexëm an yana ko këŋo nëkonënd Yosef gë aŋana. Akey amat, re ko: «Yow exe dakiye!»
- ⁸Yosef hëp ko, do re ko: «Ali, axwën aram an sebënan ke er xwën ko yo, yoweÿ axo dind na gër iciw ro.
- ⁹Wëno ala axe kuca ex na or gapak ol gër iciw ro, do yoweÿ axe cëban ex na, ang ax gi ex na wëj gayik alindaŋ hi këy. Mondake wa këme xor me di amena atëm aŋo? Mondake këmo wënan Kaxanu?»
- ¹⁰Asoxari an key yo key baŋo wacërand Yosef. Bari mëŋ abaŋo yaka na, gayik aŋo ñandi bana eni tëkar do eni daki.
- ¹¹Akey amat, Yosef lil ko gër iciw exo diyeni, xarak ang exëni dek na gër iciw ak, gabatak ax bayi bana.
- ¹²Ata asoxari an sëra këŋo Yosef gër acud, do re ko: «Yow exe dakiye!» Yosef busëta ko acud aŋ gër otaxan odexëm, do hër ko fac.
- ¹³And wat ko mëne anëka busëtan këŋo acud aŋ do hër ko fac aŋ,
- ¹⁴asoxari an xeÿ ko ebi macaxën bër gër iciw bën. Ga hatëragu këni, re ko: «Watin icën indam iŋ ga wëlanëgu këbo arandëwëra and Eber ebo mëkëñaxënat. Asëka sëkaw baxe mëne mi daki, barikan wëno xeÿ këme mbaŋ.
- ¹⁵And wël ke ga këme xeÿ aŋ, busëta ko acud andexëm aŋ do kwël hër ko fac.»

- ¹⁶Ata asoxari an xwëtaya ko acud and Yosef an xali wãÿigu ko icën indexëm in.
- ¹⁷Fel këño bëte mondako: «Xadëp ir arandëwëra and Eber ir wëlanëgu këyëbo in, sëka baxe exe mëkëñaxën.
- ¹⁸Ga xeÿ këme, busëtan ke acud an gër otaxan odam do kwël hër ko fac.»
- ¹⁹Potifar baxët këño alindaw ga këño fel: «Mondako rirëli këmi de gë xadëp irey in.» Ata Potifar xoÿ ko.
- ²⁰Re ko eno tëra Yosef, do eno mëla gër epëra, gër ed ebani bandepëra band emun. Ata Yosef mondako hixën baxo gër epëra.

End Yosef gër epëra en

- ²¹Axwën Kaxanu hi këni gë Yosef, do yël këño oyekax ol. Ata alëngw ar bënëkona bër epëra an xwëta këño.
- ²²Alëngw ar bënëkona bër epëra an sebënan këño Yosef dek bandepëra band hi bax na gër epëra bañ. Mëñ babi nëkonand gër er këni rind yo.
- ²³Alëngw ar bënëkona bër epëra an, abaxo şala na exo nang er ko rind Yosef in, gayik Axwën Kaxanu gë mëñ hi bani do arëca baño rëcand exo kamën er ko ri yo.

Añanar 40

- ¹Ga xucak eno, alëngw ar bëxatën bër ngoÿ bër emun end ebar ed Misëra an, do gë alëngw ar bëwëka bër mburu an, wënan këno axwën arebën an, emun end ebar ed Misëra en.
- ²Farawoñ xoÿën këbi bela bër gapak bëxi bëjo: alëngw ar bëxatën bër ngoÿ an, do gë alëngw ar bëwëka bër mburu an.
- ³Re ko enëbi tëra tak bëxi do enëbi mëla gër epëra ed baxo nëkonand alëngw ar bënëkona an, gër ed fërax bano Yosef.
- ⁴Alëngw ar bënëkona bër epëra an fel këño Yosef ebi dëband. Ata bëlëngw bëxi bëjo mondako xeyëra babi na gër epëra.

End odakeli od bëlëngw Bëmisëra en

- ⁵Gëmëd ibat, alëngw ar bëxatën bër ngoÿ an do gë alëngw ar bëwëka bër mburu ind emun end Misëra an, lakeli këni ala kala, lakeli ir gë end ÿap bax eni nang.
- ⁶Ga xeyëk gëbër, sëkar këni gë Yosef, wata ko mëne aşamina şamina këni.
- ⁷Ata wëka këbi bëlëngw bësëm bër Farawoñ bëjo: «Inëwa şaminaxën kën doro?»
- ⁸Yaka këno: «Biyi tak bëxi, ala kala, alakeli lakeli këmi do ala ax gi ex na ar këbo fel er wacayak in.» Re ko Yosef: «Ax gi ex na nde Kaxanu xwënëk enangën ed er kë wacayand lakeli in? Awël nde, tëfëtanine odakeli odewën ok!»

- ⁹Alëngw ar bëxatën bër ngoy an ga këno sëfëtan Yosef lakeli irexëm in, re ko: «Gër lakeli iram, awat wat këme atëx and reseñ gër lëngw iram.
- ¹⁰Wat këme bëte gër atëx aņo bënini bëtas ga nëtëk, fëtëfëtik, rëwëk, do reseñ in sëgëk.
- ¹¹Do wataya këme ga lëkaya këme andëmba and Farawoņ aņ gër ataxan. Ga xwëc këme reseñ in, nas këme gër andëmba, do say këmo Farawoņ gër ataxan.»
- ¹²Ata re ko Yosef: «Awa baxëtël er wacayak in: bënini bëtas bënd reseñ bëņo, bakey batas ex.
- ¹³Ro gë bakey batas, Farawoņ asebet ki sebet do exi bakali gër andiyen andey. Wëj këno yana eņo katënënd gašëxe ngoy iņ, ang bay rind and hi bay alëngw ar bëxatën bër ngoy indexëm ak.
- ¹⁴Barikan and ki yera aņ, kwitayide wa axwita, pëbid wa afëb anangëra andebi aņ. Këla, nangënidö endam eņ Farawoņ. Do decayide me can gër epëra elo ro.
- ¹⁵Gayikwa bela fo nëyaliw ke yowaxënëgu këme elod gër ed exëni bërändëwëra and Eber. Do bëte end këne wëlxënëgu ro gër epëra, ame di ex na.»
- ¹⁶Alëngw ar bëwëka bër mburu an, ga wat ko mëne Yosef šenene nangën baņo alëngw ar bëxatën bër ngoy an, er wacayak lakeli irexëm in, re ko: «Gër lakeli iram, bakange batas band gë mburu sëndëndër bame gër gaf iram.
- ¹⁷Polo gër akange and yaņ ebax bamburu band ex yo, band han ko Farawoņ. Bacël baņ këni xolënd mburu iņo yaņ gër ed lëbina këme.»
- ¹⁸Ata re ko Yosef: «Awa baxëtël er wacayak in: bakange batas baņo, bakey batas ex.
- ¹⁹Ro gë bakey batas, Farawoņ asebet ki sebet. Barikan are ko re eni kañ yaņ në osëx, do bacël baņ eni kolëra eman endey eņ.»
- ²⁰Ata akey atasën aņ, fedëk gë akey and ekwita ed andëwä and Farawoņ aņ. Farawoņ rin këbi nambëran dek bër eyang edexëm bën. Lañën ko enëbi tebëtëgu alëngw ar bëxatën bër ngoy an do gë alëngw ar bëwëka bër mburu an, ogës od bela dek.
- ²¹Farawoņ bakali këno alëngw ar bëxatën bër ngoy an, gër andiyen andexëm. Bakan këno xatënënd Farawoņ ngoy iņ.
- ²²Alëngw ar bëwëka bër mburu an cëņ, re ko eno kañ, ang reyä baxo Yosef wacayak lakeli ir wat baxo ak.
- ²³Barikan, alëngw ar bëxatën bër ngoy an xwëya këno mokwëya dëņ Yosef.

Añanar 41

End odakeli od Farawoņ eņ

- ¹Ga xucak bëniy bëki, Farawoŋ lakeli ko. Wataya ko ga xwêša ko ler gër yeb ir Nil.
- ²Wat këbi oxey onëm ocongoxi, oyekax, obëtëk, ga šëpëtagu këni gër Nil, do këni yambërand ondës oŋ na gër bëŋa.
- ³Sëfagu kënebi bëte oxey onëm ošëxe ocongoxi oÿëŋënax, ofișëk, ga šëpëtagu këni bën bëte gër Nil, do xetëna kënebi oxey onëm oÿanar ol, ler gër bëŋa.
- ⁴Oxey onëm oÿëŋënax ol, ofișëk ol, yamb kënebi oxey onëm ocongoxi oyekax ol, obëtëk ol. Ata nëngëta ko Farawoŋ.
- ⁵Ga raș këŋo gašëxe, lakeli ko bëte akinëm. Wat ko në añamb amat banjëra banjongëbaki banjekax, band rëwëk mbaŋ.
- ⁶Ata nëtëguk bëte gër añamb aŋo fo banjëra banjongëbaki bañëŋënax, baŋaÿëk, band šorëk ekoc eyëkax ed kë xaniwënd apën-eñan el.
- ⁷Banjëra bañëŋënax baŋ hëlëk banjëra banjekax baŋ. Aŋo nëngëta ko bëte Farawoŋ: lakeli ibat ebax mondako.
- ⁸Ata gëbër, Farawoŋ wëlandëra këŋo gër onden ondëxëm. Wac këbi dek bëšaki bën, gë dek bërenik bër ebar ed Misëra bën do sëfëtan këbi ođakeli odëxëm ok. Barikan gabatak ax kor bana eŋo pel er wacayak lakeli ijo in.
- ⁹Ata alëngw ar bëxatën bër ngoÿ an fel këŋo Farawoŋ: «Awël nde, doro afo mi kwitan amena andam aŋ.
- ¹⁰Akey amat, wëj Farawoŋ xoÿën babo biyi bëriyenin bërey bën. Fëra këyëbo wëno do gë alëngw ar bëwëka bër mburu an gër epëra ed alëngw ar bënëkona.
- ¹¹Ata gëmëđ ibat, lakeli bami wëno do gë mëŋ, ala kala gë lakeli irexëm, do gë er wacayak in.
- ¹²Icambenjar ind andëwëra and Eber ind ex xadëp ir alëngw ar bënëkona hik na lëf gër epëra. Biyi ga sëfëtan këmo ođakeli odebi ok, fel këbo ala kaka er wacayak in.
- ¹³Ata enimin ħatak dek ang faÿën babo ak: wëno bakaliw këy'e gër andiyen andam ro, do alëngw ar bëwëka bër mburu an, šës ko mokaŵ.»

End epaÿën ed lakeli ir Farawoŋ eŋ

- ¹⁴Ata Farawoŋ re ko eno macëgu Yosef. Nęcëtëgu këno aÿand gër epëra. Ga šëk këno lir-lir, nëmbara ko banjëm baŋ ħataxën ko gër Farawoŋ.
- ¹⁵Farawoŋ fel këŋo Yosef: «Wëno alakeli lakeli këme, do ala ax kor ex na exe pel er wacayak in. Barikan awël wël këme mëne wëj ewël ed lakeli el fo këy šënind ey deÿaxën er wacayak in.»
- ¹⁶Yaka ko Yosef: «Kaxanu wa këŋo faÿën Farawoŋ lakeli irexëm in xali eŋo nëngan, ax gi ex na wëno!»

- 17**Ata Farawoŋ fel këŋo Yosef: «Gër lakeli iram, wëno er xwëša bame gër bëŋa ir Nil.
- 18**Ŝëpëtaŋ këni gër Nil oxey onëm ocongoxi oyekax, obëtëk, do këni yambërand ondës oŋ gër bëŋa.
- 19**Ŝëpëtaŋ këni bëte oxey onëm ocongoxi ošëxe, ofișëk, oÿëŋënaŋ, or bayi bax ošapar fo: oxey or yëŋënek mondako, elod amëni wat ex na dek ebar ed Misëra el.
- 20**Oxey onëm or bayi bax ošapar fo olo, oÿëŋënaŋ olo, yamb kënebi oxey onëm ocongoxi oÿanaŋ or bët bax ol.
- 21**Ga hël kënebi, bacël bandebën baŋ bayik nangëde yoweÿ ani yamb ex na fo. Bayi këni ang yëŋën bani gër yanaŋ ak. Aŋo nëngëta këme.
- 22**Ga raș ke gașëxe, lakeli këme bëte. Wat këme në aňamb amat banjëra banjongëbaki banjekax, band rëwëk mbaŋ.
- 23**Ata nëtëguk bëte gër aňamb aŋo fo banjëra banjongëbaki, baŋaÿëk gayik ekoc eyëkax ed kë xaniwënd apën-eňan el șor bax.
- 24**Banjëra baŋaÿëk baŋo hëlëk banjekax baŋ. Lakeli ijo fel këmëni bëshaki bën, bari gabatak ax kor ex na exe pel er wacayak in.»
- 25**Ata Yosef yaka këŋo Farawoŋ: «Lakeli ibat wat këy, Farawoŋ. Kaxanu nangën ki wëj Farawoŋ er ko ri in.
- 26**Oxey onëm ocongoxi obëtëk ol ex bëniy bënjongëbëki. Banjëra banjongëbaki banjekax baŋ ex bëte bëniy bënjongëbëki. Lakeli ibat fo ex.
- 27**Oxey onëm ocongoxi or bayi bax ošapar fo ol, oÿëŋënaŋ ol, or ŝëpëtagu bax gër ofoy or oxey onëm oÿanaŋ ol, ex bëniy bënjongëbëki bënd gë enjo. Banjëra banjongëbaki band gë benjëlir këm baŋ, band șorëk ekoc eyëkax ed apën-eňan baŋ ex bëte bëniy bënjongëbëki bënd gë enjo.
- 28**Ata ang fel këmi wëj Farawoŋ ak, Kaxanu nangën ki er ko ri in.
- 29**Bëniy bënjongëbëki bënd gë eyamb ed mbaŋ kë hatëgu na dek ebar ed Misëra el.
- 30**Ata ex bëtëgu bëniy bënjongëbëki bënd gë enjo. Mokwëya këni xwëya gër ebar ed Misëra bëniy bënd gë eyamb ed mbaŋ bën. Enjo eŋo moňepën kë yepën ebar ed Misëra el.
- 31**Bëniy bënd gë eyamb ed mbaŋ bën, ala ax ñana na exo kwitand ro gër Misëra gayik enjo eŋ mokuma kë xuma.
- 32**Awa Farawoŋ, gayikako bakëlëbëd baki wat këy lakeli ijo, nangël mënë Kaxanu, end faÿ ko mopaÿ dëŋ ex, gogo ko ri eŋo.

33Awa gërëgako Farawoŋ, tanalo ar gë onden, arenik, eyo di alëngw gër ðek ebar ed Misëra.

34Wëj Farawoŋ, calalëbi bëte gër ebar edey bësëf bër eyamb eni kanaxënënd mar gër eyamb ed këni šotëra Bëmisëra el gë bëniy bënjongëbëki bënd gë eyamb ed mbaŋ bëŋ.

35Barindëlexëni eyamb ed ex yo gë bëniy bënd gë eyamb bënd kë hatëgu bëŋ. Dilexëni gër ðangol, gë or gapak or këyëbi yël wëj Farawoŋ ol, baciw band gër ed këni yana eni cacënd bële in, gë eyamb ed këni bar do eni nëkonand el.

36Eyamb ed këni bar elo kënebi šacën Bëmisëra bën. Do and kë hatëgu bëniy bënjongëbëki bënd gë enjo aŋ fo kënebi nëcëtën, mondako bayik enjo eŋ abi nemindëra na.»

End olëngw or Yosef eŋ

37Ata Farawoŋ do gë bër eyang edexëm bën nëngan këbi end eyey'an elo eŋ.

38Farawoŋ wëka këbi bër eyang edexëm bën: «Ašot nde këneŋo šote ala ašëxe, ar ang ajo ak, ar gë angoc and Kaxanu?»

39Farawoŋ fel këŋo Yosef: «Awa gayikako Kaxanu, wëj nangën ki eŋo ðek, ar gë onden, ar renik ang wëj ak, axo gi ex na.

40Wëj kë hi alëngw ar eyang edam an do ar ðek bulunda iram an, ðapela bandey këni yana eni baxëtënd. Gë añëpara and owun aŋ fo këmi yëmbëta or gapak ol.»

41Ata Farawoŋ fel këŋo bëte Yosef: «Awël nde, wëj sana këmi ey gi alëngw ar ðek ebar ed Misëra an.»

42Farawoŋ rëxët ko gër ebaŋa edexëm anëna and owun aŋ, do lën ko gër ebaŋa ed Yosef. Šudëra këno banjëm banjekax, band xemëk akanji, do rëxën këŋo edëxër ed kaŋe gër egëla.

43Re ko eno nëpan Yosef yaŋ gër wotir ir ar bëtëk gër owun orexëm, do eno mëlara. Bela bër bax lëngwënd bën këni xejënd: «Pacanayin, pacanayin!» Ata Farawoŋ mondako yata baŋo Yosef hi ko alëngw ar ðek ebar ed Misëra an.

44Farawoŋ fel këŋo bëte Yosef: «Wëno ex Farawoŋ! Angëmëne ax gi ex na wëj rek, gabatak ax ñana na ex cangënënd imasa indexëm, ba itapar indexëm in, ðek ebar ed Misëra el.»

45Farawoŋ nëngwët ko oŋac or Yosef ol: «Tësafënat-Panehax». Šalan këŋo asoxari ar këno wacënd Asenet, abiw ar Poti-Fera, ašadaxan ar eðaš ed bani wacënd On el. Aŋo fo xor ko Yosef exo yëxërand ðek ebar ed Misëra el.

46And wëla këno Yosef gër Farawoŋ, emun end ebar ed Misëra aŋ, anëka sëk baŋo bëniy ofëxw osas. Yosef xani ko na gër eyang ed Farawoŋ, yëxëra ko ðek ebar ed Misëra el.

- ⁴⁷Gë bëniy bënjongëbëki bënd gë ey'amb ed mbañ bën, ebar el këbi wãšënd aye beneda bënd bani nedënd beñ, do këni xanarand dëm.
- ⁴⁸Ata Yosef ko barënd dek ey'amb el gë bëniy bënjongëbëki bënd ey'amb ed dëm bën, na gër ebar ed Misëra. Ašac baxo šacënd ey'amb el në angol kala, ler gër ocënga od xanaraw këni.
- ⁴⁹Yosef bar ko bële in ang edini ed gër angwëngw fo. Ang yëmb bax ak, axuri xuri bax, xali seb këni epën el gayik ax mënd bana eni pën.
- ⁵⁰Damana ex ŋatëgu iniy iñanar ind gë enjo in, Asenet, alindaŵ ar Yosef, abiŵ ar Poti-Fera ašadaxan ar edaš ed On an, anëka rëw babi odëmëta oki.
- ⁵¹Yosef wac këño lëmëta iñanar in Manase, mëne ngëñ «Ekwëya», gayik are baxo rend: «Kaxanu rëca ke xwëya këme dek toro indam in, do gë dek ekun ed faba ed sebëgu këme el.»
- ⁵²Wac këño lëmëta ixinëm in Efërayim, mëne ngëñ «Ecënar», gayikwa are baxo rend: «Kaxanu wa rëca ke këme šënanand ro gër ebar ed šëmura baxe.»
- ⁵³Bëniy bënjongëbëki bënd gë ey'amb ed mbañ na gër ebar ed Misëra bën xucak.
- ⁵⁴Ata yanak ngwa bëniy bënjongëbëki bënd gë enjo bën, ang rey'a baxo Yosef ak. Ata enjo eñ beñetak dek owar oñ. Barikan gër ebar ed Misëra, ey'amb y'amb hi bax na.
- ⁵⁵And yana këbi enjo dek ebar ed Misëra añ, bulunda in sesan këno Farawoñ, eni cotaxën ey'amb y'amb in. Farawoñ fel këbi dek ebar ed Misëra el: «Yeyin eno wat Yosef, do diyindën ang këñun fel ak.»
- ⁵⁶Enjo eñ mokuma dëñ xuma bax dek ebar ed Misëra el. Yosef fel këbi bër bax riyeinind gë mëñ bën eni përetëra dek baciŵ band gë ey'amb ed šacëra bani bañ, do enëbi panënd ey'amb el Bëmisëra bën. Enjo eñ kwël dëñ bax yëkand gër ebar ed Misëra.
- ⁵⁷Ngwën in dek bani yowërawënd gër ebar ed Misëra, gër Yosef, eni yëcëra ey'amb y'amb in. Gayikwa enjo eñ mbañ yëka bax dek ngwën in.

Añanar 42

End bosëñiŵ bor Yakob gër Misëra eñ

- ¹Yakob wël ko mëne ey'amb y'amb ex na gër ebar ed Misëra. Ata fel këbi obaš orexëm ol: «Ineŵa bayi kën ro kën nekondërend?»
- ²Re ko: «Awël wël këme mëne ey'amb y'amb ex na gër Misëra. Cëlayin enëbo yëcënegu, ene bayixëne bëbëngw, cësërëxe enjo eñ.»
- ³Bëmaÿe epëxw bënd Yosef šëla bax gër ebar ed Misëra eni yëcëgu bële in.
- ⁴Beñëšame, ar acël amat gë Yosef an cëñ, Yakob año teb bana exo y'e. Are baxo rend: «Ayëda yëda këme enjo gix etëm.»

⁵Ata bosëniw̃ bor Isërayel yow këni gër ebar ed Misëra, eni yëcëra ey'amb y'amb in. Fedër këni gë dek bela bër bax y'end gë obal oko fo bën. Gayikwa enjo eno ari babi rind bëte gër ebar ed Kanahaṅ.

End Yosef do gë bobinëm eṅ

⁶Amëd aṅo ebaxo Yosef gofërëne ir ebar ed Misëra in. Mëṅ ebax alëngw ar bër babi fanënd ey'amb y'amb bulunda in, dek ebar ed Misëra an. Ata ga hātëgu këni bobinëm, foxi këni gër lëngw irexëm, eyiṽ el ṅëš gër ebar.

⁷Yosef ga wat këbi, xwita këbi. Barikan ko rind ang ar abi nang ex na fo. Ga wërëna ko, wëka këbi: «Feye wa xaniw kën?» Yaka këni: «Gër ebar ed Kanahaṅ xaniw këmi. Eyëc ed ey'amb ey'amb yow këmi.»

⁸Yosef aye xwita babi bobinëm, bari bën ano kwita bana.

⁹Yosef xwita ko odakeli od lakeli baxo endebën ok. Re këbi bëte: «Wën bëwër bësitik wa hi kën! Enang ed ed sitarak ebar edebi el yow kën!»

¹⁰Yaka këno: «Adokiṅ axwën! Eyëc ed ey'amb y'amb yow këmi.

¹¹Biyi dek, arabat rëw̃ këbo, däl këmi rey'and! Okadëp oday hi këmi, ami gi ex na bëwër bësitik!»

¹²Yosef re ko: «Anëgwëš kën rind! Enang ed ed sitarak ebar edebi el yow kën!»

¹³Yaka këni: «Biyi bela epëxw gë bëxi hi këmi gër ebaṽër edebi, dek sëm ibat, fën gër ebar ed Kanahaṅ. Imejanak iṅ bayiw këni gë faba, bari abat axo bo ex na.»

¹⁴Re ko bëte Yosef: «Ga fel këmun wa, bëwër bësitik hi kën!

¹⁵Me nangaxën däl kën rey'and, eno kën ri. Gër oṽac or Farawoṅ, amun tebët na xarak axo yow ex na pere imejanak indewën iṅ.

¹⁶Daṽënino ngëṅ abat eno y'en. Wën bër kë bayi bën, eno cëni gër epëra. Mondako këmun ri me nangaxën ba däl rey'a kën. Gër oṽac or Farawoṅ, bëwër bësitik hi kën, angëmëne an di ex na mondako!»

¹⁷Ata mondako fëra babi bakey batas.

¹⁸Yatir akey atasën, Yosef fel këbi: «Awël nde, mondako kën ri en bayiṅën bëbëngw. Wëno ayëda wa këmo yëdand Kaxanu!

¹⁹Angëmëne däl dëṅ kën rey'and, bayiṅexo abat gër epëra. Wën bëjo yeyin enëbi mëlan ey'amb y'amb in bër gër oxun orewën bën, në edi ebi eno eṅ.

²⁰Do mëlanëgudëne imaṽe imejanak indewën iṅ me nangaxën mëne däl ex eyey'an edewën el, do ata fo bayik an cës na.» Ata ri këni mondako.

²¹Bën këni rexërënd: «Enimin, biyi mbaṅ wënan banëṅone ar ebaṽër edebi an. Gayikwa awat dëṅ bane watënde ang šëmu baṅo ak, and baxo rend ebo kaṽënan endexëm aṅ, bari biyi anëṅo baxët baxe na. Mëṅ wa šëmuraxën këbo mondako.»

²²Re ko Ruben: «Amun pel bana nde: “Këreno dinan na eñëjënax itox iño!” Bari wën ane baxët bana. Gërëgako ecës edexëm el këbo bakaxënënd.»

²³Ani nang bana mëne ðek babi wëlënd Yosef, gayik and babi yey’anelind aņ, ala babi hatelindërend.

²⁴Ata Yosef nacëta këbi exo tesëgu. Bakaw ko ebi pelëra. Sana këno Simewoņ do re ko eno mëla gër epëra ogës odebën.

End omaïi ond bobinëm bor Yosef eņ

²⁵Yosef fel këbi bëriyenin bërexëm bën eni cël bële in gër ojabote od bobinëm. Fel këbi bëte eni maș kodî ir ala kala in gër ojabote, do enëbi yël šëlafana. Bëriyenin bën ri këni mondako.

²⁶Bobinëm bor Yosef xapëra këni ojabote od bële ok, lëbindëra kënebi opali odebën ok do kwël wãyi këni.

²⁷Gër akwëndaya, abat fët ko jabote irexëm in eņo yëlxën ondës fali irexëm in. Ga fët ko jabote in, sëk ko kodî in y’añ.

²⁸Ata fel këbi bobinëm: «Awaș wãș këne kodî iram in, nekoda ro gër jabote!» Ata ga šaran këbi, këbi rëgënënd anjiỹ aņ, do këni wëkarënd: «Ine rixëra këbo mondako Kaxanu?»

²⁹And hat këni gër sëm irebën Yakob aņ, gër ebar ed Kanahaņ, sëfëtan këno ðek end sëkëgu këbi eņ. Re këni:

³⁰«Asoșan ar hik alëngw ar ebar an rexëraw këbo gë oxeỹ. Nagașan këbo mëne bëwër bësitik hi këmi, gër ebar edexëm.

³¹Yaka këmo: “Dal këmi rey’and, ami gi ex na bëwër bësitik!

³²Epëxw gë bëxi hi këmi ðek sëm imat fo, bari abat axo bo ex na. Imejanak iņ bayiwëk doro gë faba gër ebar ed Kanahaņ.”

³³Mëņ yaka këbo: “Mondako këne riye me nangaxën ðal kën rey’and. Abat këno seb ro gër ndam, enëbi mëlanaxën ey’amb y’amb in bër gër oxun orewën bën gayikwa anëka këbi rind enjo eņ.

³⁴Do mëlanëgudëne imaỹe imejanak indewën iņ me maxën mëne ðal kën rey’and, an gi ex na bëwër bësitik. Aņo fo këmun wãș imaỹe indewën iņ, do en korënd en pandëra gër ebar edam ro.”»

³⁵Ata fëtëra këni ojabote aņ, ala kala sëk ko imboto ind kodî irexëm iņ. Ga wat këni kodî ijo, yëdara këni bën ðek gë sëm irebën ak.

³⁶Ata sëm irebën Yakob re ko: «Në endewën ke nemëranaxën ðek obaș oram ol! Yosef axo bo ex na, bëte Simewoņ axo bo ex na, do yandi këņun bëte ene kan Beņëșame! Wëno ke wëcanënd beņo ðek!»

³⁷Ruben yaka ko: «Daŵidēbi bētoſan bēki bēndam bēŋ, angēmēne ami bakalinēgu ex na! Kwētēnanēle wēno, aye kēmo bakaliw.»

³⁸Yaka ko sēm: «Asēñiwēn axo y'e na gē wēn gayik abinēm ašēs šēs ko, do gabat bayi ko. Eŋo gixēnd yēy gēr fēña, okoŷ od kēmun xoŷēn ok ke laŵ ga xor kēne ako!»

Añanar 43

End Beñēšame gēr ebar ed Misēra eŋ

¹Barikan enjo eŋ mokuma xuma bax gēr ebar ed Kanahaŋ.

²And faŷ kēni ey'amb y'amb ed yēcēgu bani gēr Misēra aŋ, sēm irebēn re ko: «Bakayin enēbo yēcēnēgu tēkēr ey'amb y'amb in.»

³Yaka ko Yuda: «Alēngw ar ebar ed Misēra an, aye fel babo: “Angēmēne an tēfērēgu ex na gē abaŷe arewēn, ala aŋun tebēd na ene watēre.”

⁴Awa angēmēne aŵa ŵa kēy' ey'o teb mi tēfēr gē abaŷe arebi, ašēla kēmi šēla mi yēcēnēgu ey'amb y'amb in.

⁵Bari angēmēne ay' ma ex na ey'o teb mi y'e gē mēŋ, ami y'e na ngēŋ, gayik ala ajo are re ko: “Ala aŋun teb na ene watēre angēmēne abaŷe arewēn axo gi ex na gē wēn”.»

⁶Ata re ko Isērayel: «Ineŵa felaxēn bano ala ajo mēne abaŷe arewēn bayiŵēk na? Wēn ŵenan ke dē!»

⁷Yaka kēni: «Yama mēŋ ga ŵēkara kēbo endebi eŋ, do gē end gēr ed xaniw kēmi eŋ nde. Aŵēka ŵēka kēbo: “Ga ko liya nde bayi ko sorix irewēn? Imaŷe icēxe nde šot kēno na?” Biyi ayaka fo yaka kēmi omēka odexēm ok. Axor nde xorēdomi mi nang mēne ata ko re: “Mēlanēgune abaŷe arewēn!”»

⁸Ata Yuda fel kēŋo Isērayel: «Faba, tebēlo Beñēšame mi tēfēr gē wēno. Yelemi gē mēŋ ga ŷandi ŷandi kēbo ene bayiye bēbēngw, wēj, gē biyi, do gē oxun orebi oŋ.

⁹Wēno ex anēkona arexēm an, wēno kēy'e ŵēkad' endexēm eŋ. Din ir din kēmi ŵenan angēmēne ami maŷilinēgu ex na, angēmēne ami maŷati ex na Beñēšame.

¹⁰Nēkoda biyi anēka bakar domi baki, kido abay'o hēpeli na.»

¹¹Ata Isērayel, sēm irebēn, re ko: «Gayikako mondako ex, eŋo kēn ri: cēlin gēr bamote bandewēn bebēr gēr ebar edebi elo ro bēn, bebēr kēno fupaxēnēx ala ajo: ogu onēngax, gē dingēn, gē bebēlamb, do gē ongērēša.

¹²Medīn nēmēc kodī in: ir kēno ŵašēx in, do gē ir kēn yēcēraxēnēgu in. Bakaliyin kodī ir šēl bani gēr ojabote odewēn in. Bamat axaša xaša kēni.

¹³Awa tēfērīn gē abaŷe arewēn an, bakayin gēr ala ajo.

14Kaxanu, mēj ar xorək beŷ đek an, dilexo gër emėkw ed ala ajo axaŷėnan irewėn in. Do tebetudėleŋun en maŷiw gė abaŷe arewėn ak, do gė Beŋėŝame ak! Wėno cėŋ, angėmėne anemėran kėme nemėran wėn obaŝ oram ol, nemėralexe.»

End ņambėran ind gër iciw ind Yosef eŋ

15Bosėniw bor Yakob wėlali kėni bebėr kėno fupaxėnėx ala ajo bėn, bakali kėni kodı in nė bakanji baki, ang ŷap bax ak, do sėfėr kėni gė Beŋėŝame. Ŝėla kėni gěr ebar ed Misėra, do ĥat kėni gěr Yosef.

16And wat ko Yosef mėne gė Beŋėŝame ak ŷow kėni aŋ, fel kėŋo alėngw ar iciw indexėm an: «Mėlalėbi bela bėjo gěr iciw. ņaŝėlėbi oyel do cemėranėxėyėbi. Gayikwa bela bėjo gė wėno kėmi ŷambėra goyat.»

17Asoŝan ajo ri ko end fel baŋo Yosef eŋ, wėla kėbi gěr Yosef bėn.

18And wėla kėnėbi gěr Yosef bėn aŋ, yėdara kėni do kėni rend: «Ga wėlaw kėnėbo ako ro, end kodı ir wıaŝ bani gěr ojabote odebi and ŷow bane aŋanar eŋ ex đe. Awėlėn kėnėbo wėlėn, enėbo tėrara gė opali ak, do enėbo di okadėp!»

19Ata yeyaneli kėno anėkona ar iciw ind Yosef an gěr ebėt ed iciw.

20Re kėni: «Axwėn, tebanėlėbo. Biyi aŷow ŷow bami amat gěr eyėc ed eyamb ŷamb.

21Ga kėmi wıaŷi, ĥat kėmi gěr ed kėmi seyėtand. Ga fėtėra kėmi olėb orebi oŋ, sėk kėmi ala kala ang wėlaw baxo ak kodı ir yėcėraxėn ko in polo gěr jabote irexėm. Nėkodđ ga bakaliw kėmi kodı ijo.

22Awėlaw wėlaw kėmi kodı ir kėmi yėcaxėn eyamb in, gė ir wıaŝ bani gěr olėb orebi in, biyi ami nang ex na ba noŷo wıaŝ kėbo.»

23Yaka ko alėngw an: «ņėmin, kėren yėdara na! Kaxanu, ar xwėn kėŋun an, Kaxanu ar yata kėŋo sorix irewėn an, wıaŝėk kodı ijo polo gěr ojabote odewėn. Kodı irewėn in, wėno axana xana kėme.» Ata ga fėrėtėgu kėŋo Simewoŋ, sėk kėbi na gěr iciw.

24Ala ajo wėla kėbi lėf gěr iciw ind Yosef. Yėl kėbi men oŋ do nebara kėni osapar oŋ. Yėl kėbi bėte opali ok er kėni ŷamb in.

25Yėpėtėra kėni bebėr kėno fupaxėn Yosef bėn, ŝėnixėn kėno exo maŷiw goyat. Gayikwa afel fel banėbi mėne na gěr iciw ind Yosef kėni ŷambėra.

26And ĥatėgu ko Yosef aŋ, fupa kėno gė bebėr wėlanėgu bano bėn, do foxi kėni ŋėŝ gěr ebar gěr lėngw irexėm.

27Ata ga ŝėma kėbi, wėka kėbi: «Sorix irewėn, axarėk ar felėra bane an, aye fo nde sebėgu kėno? Ga ko liyand nde bayi ko?»

28Yaka kėno: «Xadėp irey in, faba irebi, aye fo sebėgu kėmo. Ga ko liya bayi ko!» Ga rėngw kėni, foxi kėni.

²⁹Ata ga rënëta ko Yosef, wat këŋo Beŋëšame, ar acël amat gë mën an. Re ko: «Ajo nde ex imejanak indewën ind fel bane in?» Baš ko: «Kaxanu yëlëlexi obetak ol, Asëniwën!»

³⁰Yosef anëngan nëngan baŋo gër yomb irexëm ga wat këŋo ar acël amat gë mën an. Ata ŷandi këŋo exo tes. Lil ko boxay në aciw, do ko sesëxënd.

³¹And rëxasaw ko aŋ, šanëgu ko, do ko xemënarand këdi ko ses. Re ko: «Dëtin ecemar el.»

³²Rëtën këno mën pit. Rëtën kënebi pit bobinëm, pit Bëmisëra bër bani ŷambërand bën, gayikwa Bëmisëra bën abani w̄a na eni ŷambëra andamat gë bërändëwëra and Eber bën, ašëba šëba babi.

³³Bobinëm bor Yosef ŷëpara këni gër lëngw irexëm. ŷëpa ko pere ar ebox itošan ikarënak an ang ŷapëk oxarënak orexëm ak, felata ko imejanak in, ang ŷapëk ak. Ata këni nëkondërend ga šaran këbi.

³⁴Yosef re ko enëbi yëlëra er rëdën bano mën in. Edët ed Beŋëšame el xuca bax banjo ed ala kala el, dek ang ebani ak. Mondako šëbëra bani xali ŷawëra këbi.

Añanar 44

End akalama and Yosef eŋ

¹Ga xucak eŋo, Yosef fel këŋo alëngw ar iciw indexëm an: «Cëlëral eyamb ŷamb in gër ojabote od bela bëjo, ang këni xor eni dëbi ak. Bëte mašid kodî ir ala kala in gër jabote irexëm.

²Cëlid bëte gër jabote ir amëjanak arebën an akalama and kodî andam aŋ, do gë kodî ir yëcaxën ko eyamb ŷamb in.» Ata alëngw an ri ko ang fel baŋo Yosef ak.

³Në ecan ijo, seb kënebi mopëd gëbër bosëniw bor Yakob do kwël këni w̄aŷind gë opali odebën ok.

⁴Ga këni këni šan angol aŋ, ani ŋaw bana pere, Yosef fel këŋo alëngw ar iciw indexëm an: «Tëfëlëbi bela bëjo eyëbi tëraw. Mëkayidëbi: “Ineŷa w̄ašëanaxën këno eñëŋëanax ar rin këŋun enjekax an?”

⁵Ax gi ex na nde akalama and ko šëbëraxënënd axwën aram aŋ rekaw kën? Ax gi ex na nde gë aŋo ko šakixënënd? End ri kën eŋo, ax ye ex na!”»

⁶Alëngw an ga sëkëx këbi bobinëm bor Yosef, felëx këbi dek beŋo.

⁷Yaka këno: «E faba, ineŷa këy yeyanaxënënd mondako? Biyi ax mënd ex na mi di endako rako eŋ, biyi okadëp oday ok!»

⁸Elod gër ebar ed Kanahaŋ ga bakaliw këmi wa kodî ir sëk këmi gër ojabote odebi in. Mondake cëŋ këmi xor mi deka kodî, ba kaŋe, gër iciw ind axwën arey?

⁹Faba, angëmëne akalama aŋo në ala sëk këy na, awa mën ar edaw hi ko, do biyi kwënayayidëbo oxadëp!»

¹⁰Yaka këbi alëngw an: «Awa gilex gërëgako dëŋ, ang re kën ak! Gër ar këme sək yo, mëŋ kë hi xadëp iram in, do wën kwël këmun sebëd en y'e.»

¹¹Ala kala w̄ara ko fedali ko gër ebar edëbi edexëm el, do fët ko jabote in.

¹²Alëngw an ȳana ko ocal ok gër axarënak, felata ko gër abejanak. Sək ko akalama aŋ gër jabote ir Beŋëšame.

¹³Ata ga wat këni eŋo, h̄esëra këni banjëm bandebën baŋ. Ala kala lëbindëra këŋo gašëxe fali irexëm in, do baka këni gër angol.

End eyaka ed Yuda eŋ

¹⁴Yuda do gë bobinëm h̄at këni gër iciw̄ ind Yosef. Ga sək këno na, foxi këni gër lëngw irexëm dëxas in gër ebar.

¹⁵Ata w̄ëka këbi Yosef: «Ineŋa rixën kën eŋo? An nang ex na nde mëne ala ar ang wëno ako awat këme watënd?»

¹⁶Yaka ko Yuda: «Axwën, biyi ine këmi xor mi de? Mondake këmi yey'an? Mondake këmi y'ax? Kaxanu šonëtëk amena andëbi aŋ. Awa okadëp odey' hi këmi, andamat gë ar xana këy' akalama andey' an!»

¹⁷Re ko Yosef: «Bëtëdëŋ, ame di na eŋo! Gër ar xana këme akalama fo kë hi xadëp iram in. Wën cëŋ, maŋiyin aye fo gër sorix irewën.»

¹⁸Yuda sëka këŋo Yosef, do re ko: «Tëbanële Axwën aram! Axara xara këmi baxëtële mi pel emat. Kërey'e koŷën na wëno xadëp irey' in, gayikwa wëj ang Farawoŋ fo hi këy'!

¹⁹Wëj w̄ëka babo biyi okadëp odey' ok ba abëngw bayi ko faba irebi, ba imaŷe šot këmo na icëxe.»

²⁰Yaka këmi: «Na bayi ko faba, mokaŋ xar ko, do bëte imaŷe imejanak šot këmo na, itošan ind rëw̄ këŋo gër oxar orexëm in. Ar acël amat gë mëŋ an anemi nemi ko, do mëŋ gabat bayik gër nëm, sëm moŋan h̄an këŋo.

²¹Wëj fel babo: “Mëlanëgune, aŋandi ȳandi ke mo wat.”

²²Yaka bami: “Awël nde axwën, lëmëta ijo ani ŋaw̄ëtarënd na gë sëm. Angëmëne ašapër šapër këni, sëm ata ko šës!”

²³Fel bay'ëbo bëte: “Angëmëne imaŷe imejanak indewën in axo y'ow ex na gë wën, ala aŋun tebëd na ene watëre gë wëno.”

²⁴And baka këmi gër faba irebi, xadëp irey' aŋ, sëfëtanëx këmo dëk bënd fel bay'ëbo beŋ.

²⁵Faba irebi re ko: “Bakayin enëbo yëcënëgu təkër ey'amb y'amb in.”

²⁶Yaka këmo: “Angëmëne ami tēfër ex na gë imaŷe imejanak indebi in, ami kor na mi baka. Abaka këmi baka, angëmëne gë imaŷe imejanak indebi in sëfër këmi.

Barikan ami korëd na mi watër gë ala ajo angëmëne imaÿe imejanak indebi inÿ axo gi ex na gë biyi.”

²⁷Re ko faba: “Anang nang kën mëne alindaŵën bëtox bëki fo şotën ke.

²⁸Iñanar inÿ anem nem këmo, do wëndan ke mëne emacar ŵanagëtëra këno, xali doro amo wat ex na!

²⁹Angëmëne ene kwëcët bëte inÿo ro, do enÿo giw etëm gër fëña, oxoÿ or këmun xoÿën ol ke laŵ ga xar këme ako.”

³⁰Gërëgako, mondake wa këme baka wëno gër faba, xarak ami tëfër ex na gë lëmëta ir lëka këno mbaſ inÿ?

³¹Ata ko şës sam exo wat mëne lëmëta in axo bo ex na. Biyi mbaſ këmi ŵëndëra angëmëne faba irebi në end oxoÿ or xoÿën këbo şës ko ga xar ko ako!

³²Gayikwa wëno xadëp irey in şanayak anëkona ar lëmëta an. Afel fel bamo: “Faba amena and din ir din këmi ŵenan angëmëne ami bakalinëgu ex na!”

³³Gërëgako, axwën këla tebële me nëmba wëno oxadëp ol gër ed ebax exo gi lëmëta ijo. Tebëlo lëmëta in eni maÿi gë bobinëm!

³⁴Wëno mondake këme xor me baka gër faba angëmëne lëmëta in axo gi ex na? Këreme wat na wa kata ind këno wëcan faba inÿ!»

Añanar 45

End ekwitar ed Yosef eſ

¹And ĥata ko Yuda aſ, Yosef dek ÿëm baſo ongwën oſ gër bangës, ogës od dek bëriyenin bërexëm. Ata xeÿ ko: «Wën dek canin!» Ariyenin gabatak ax bayi bana na gë Yosef and xwitar këni gë bobinëm aſ.

²Ga ko ses këno wëlënd Bëmisëra bën xali gër eyang ed Farawoſ.

³Yosef fel këbi bobinëm: «Wëno ex Yosef! Faba ga ko liya nde bayi ko?» Barikan, bobinëm ga yeſbura këbi, sëkwan këni eno yaka in ga fabër bani gë mëſ.

⁴Re ko bëte Yosef: «Axara xara këmun təkawëne tan.» And sëka këno aſ, re ko gaşëxe: «Wëno ex Yosef, abaÿe arewën an, ar fan bano do wëlaw këno bër yeç bano bën ro gër ebar ed Misëra an.

⁵Gërëgako, këren yëdara na, do këreſun cena na ba ine fanaxën bane. Gayikwa eni pexaxën bela lëngwalixënëgu ke Kaxanu.»

⁶Yosef fel këbi bëte: «Bëniy bëki xucak elod ga ÿanak enÿo eſ gër ebar ed Misëra. Bëte bëniy bënjo bënd kë ſowënd bëſ, ala ax ñandëra na, ala ax kanara na.

⁷Kaxanu wa lëngwaligu ke ex bayixën enëſg endëbi eſ gër ebar elo ro, do ene bayixëne bëbëngw. Mëſ wa racët këbo gë panga itëm.

⁸Enimin, Kaxanu laŵnëgu ke ro, ax gi ex na wën. Mëñ ri ke hi këme sëm ir Farawoñ, alëngw ar gër iciŵ indexëm, gofërëner ir ðek ebar ed Misëra in.

⁹Marayin en baka ʔañ gër faba. And kën ĥat añ, deydën ga re ko asëñix Yosef: Kaxanu ri ke alëngw ar ðek ebar ed Misëra el. Cëlaw gër ndam ro, këreyʔ përeraw na.

¹⁰Gër ebar ed Gošen këy ʔëpati, do mondako këne səkare wëj gë wëno, gë bosëñix, gë ejix bën, gë obeci ol, gë opey ok, gë oxey ol, gë ogelemba ok, do gë ðek bebër xwën këy bën.

¹¹Ro wëno kë ʔana exi yëlënd er kën liyaxën wëj, gë bër iciŵ indey in, do er xwën këy in, gebatak ax nemi na. Gayikwa bëniy bënjo bayik bënd gë enjo bën.»

¹²Yosef re ko bête: «Awat kën watënd gë bangës bandewën bañ. Do Beñësame, ar acël amat gë wëno an, awat ko watënd gë bangës bandexëm bañ, mène wëno dëñ këñun felërand.

¹³Tëfëtanëxëdëno faba ðek enjaran end šot këme ro gër ebar ed Misëra eñ, do gë ðek bebër wateli kën bën. Awa marayin eno mëlaw ro faba.»

¹⁴Ata ʔega këño gër egëla Beñësame, ar acël amat gë mëñ an, këni sesënd mëñ do gë Beñësame.

¹⁵Gë otes fo ʔegara këbi ðek bobinëm. And xofëtar këni mondako añ fo, xor bani bobinëm eno yeyʔaneli.

End orëfa or Yakob gër ebar Misëra eñ

¹⁶Ata wëlik gër eyang ed Farawoñ mène bobinëm bor Yosef ĥatëguk. Farawoñ do gë bër eyang edexëm bën nëngan këbi.

¹⁷Farawoñ fel këño Yosef: «Pelëläbi bobinëx mondako kën ri: dëbindërayinëbi opali odewën ok, en bakaxën gër ebar ed Kanahañ.

¹⁸Medëgunëbi sorix, do gë ðek bër oxun orewën bën, do mëlawënëbi ler gër ndam ro. Ayël këmun yël gër ed yek nëmëc ro gër ebar ed Misëra. Wën kë ʔana ex ʔambënd bebër nëngak nëmëc gër ebar elo ro bën.

¹⁹Wëj fana këmi eyëbi pel: Medëyin ocaret ro gër Misëra, enëbi mëlaxënëgu bolindaŵ borewën, gë oxun orewën oñ. Mëlawëno bête sorix irewën, dëfawën ro!

²⁰End bebër kën sebëraw eñ, këren yëlarand na gayik er yek nëmëc ro gër Misëra in wën kë xwën.»

²¹Bosëñiŵ bor Isërayel ri këni mondako. Yosef yël këbi ocaret ang fel baño Farawoñ ak. Yël këbi bête ocëlafana eni ʔambëx gër fëña.

²²Yël këbi ala kala acudʔ angašax. Yël këño Beñësame batama okeme otas band kodî, do gë bacudʔ bangašax banjo.

²³Ata Yosef laŵēneli kēbi gēr sēm, opali epēxw od lēbindēra banēbi bebēr nēngak nēmēc gēr ebar ed Misēra bēn, do gē opali onēm epēxw od lēbindēra banēbi bēle, gē mburu, do gē bebēyamb yamb. Bebijo bax šēlafana ir ko rixēnēgu Yakob dāmana irexēm in.

²⁴Ga xani kēni oñe oñ, Yosef fel kēbi bobinēm: «Kēreñun takērēx na de gēr fēña!»

²⁵Mondako xani bani na gēr ebar ed Misēra do ĥat kēni gēr ed Kanahañ, gēr Yakob, sēm irebēn.

²⁶Fel kēno Yakob: «Yosef ga ko liya bayi ko, axo cēs ex na. Mēñ ex alēngw ar ebar ed Misēra an!» Barikan Yakob yoweỹ año gi bana gayik axo ma bana end bano felēnd eñ.

²⁷Sēfētandēra kēno dek bend felēgu babi Yosef beñ. Wat ko ocaret od laŵēneliw baxo Yosef eno mēlaxēn ok. Ata sēm irebēn Yakob fuñara kēno gēr onden ondexēm.

²⁸Isērayel re ko: «Gwac ex go! Asēñiŵēn Yosef ga ko liya bayi ko! Yeleme mo watēgu dāmana me cēsaxēn!»

Añanar 46

End ekofētar ed Yakob do gē Yosef eñ

¹Awa Isērayel barēra ko ngwa dek bebēr xwēn ko bēn, do xani ko ond gēr Misēra oñ. Ĥat ko gēr Berēšēba do rix ko ocađaxa eño calexēn Kaxanu, ar yata kēño sēm Isak an.

²Ata Kaxanu felēra kēño Isērayel gēmēd nē lakeli. Wac kēño: «Yakob! Yakob!» Yaka ko mēñ: «Woy!»

³Re ko Kaxanu: «Wēno ex Kaxanu, Kaxanu, ar yata kēño sorix an. Kērey yēdara na ga kēy šēland ako gēr ebar ed Misēra, gayikwa fēn kēmēni šēnanēgu bērandēwēra andey bēn, xali eni gi bulunda isēm.

⁴Wēno alañēta kēmi lañētand gēr ebar ed Misēra. Bēte wēno fo kēbi nēcētēgud bērandēwēra andey bēn. Yosef kē bakali bangēs bandey bañ gē ataxan andexēm añ, yatir kēy šēs.»

⁵Yakob xani ko na gēr Berēšēba. Bosēñiŵ bor Isērayel wēla kēno sēm irebēn, gē bēsoxari bērebēn ak, do gē oxun orebēn ak dek, gēr ocaret od ylēgu babi Farawoñ enēbi mēlaxēn ok.

⁶Fac kēnēbi bēte oyel ol, do gē bebēr šotēra bani gēr ebar ed Kanahañ bēn. Yakob do gē bērandēwēra andexēm bēn mondako rēfa bani gēr ebar ed Misēra.

⁷Awēla wēla baxo gēr ebar ed Misēra dek andēwēra andexēm añ: bosēñiŵ, gē bobiŵ, do gē bēr ebax ejiŵ edexēm bēn, bētošan bēñ do gē bētoxari bēñ.

End ekun ed Yakob eñ

- ⁸Mondako bax omac od bosëniw̃ bor Isërayel bor ye bax gër ebar ed Misëra bën: Yakob do gë bosëniw̃. Itoşan iñanar ind Yakob iñ: Ruben.
- ⁹Bosëniw̃ bor Ruben: Enok, gë Palu, gë Hesëronj do gë Karëmi.
- ¹⁰Bosëniw̃ bor Simewonj: Yemuwel, gë Yamin, gë Oxad, gë Yakin, gë Tësowar, do gë Sawul, asëniw̃ ar asoxari abëkanahañ an.
- ¹¹Bosëniw̃ bor Lewi: Gerëşonj, gë Kehat, do gë Merari.
- ¹²Bosëniw̃ bor Yuda: Er, gë Onan, gë Şela, gë Peres, do gë Sera. Barikan, Er do gë Onan anëka şës bani amëd año gër ebar ed Kanahañ. Bosëniw̃ bor Peres: Hesëronj do gë Hamul.
- ¹³Bosëniw̃ bor Isakar: Tola, gë Pufa, gë Yob, do gë Şimëronj.
- ¹⁴Bosëniw̃ bor Sabuloñ: Sered, gë Eloñ, do gë Yahëlel.
- ¹⁵Bën ex obaş or Leya ol, bëtoşan bën, do gë Dina, itoxari iñ. Bën ex bër rëwën këño Leya Yakob gër ebar ed Padañ-Aram bën. Bën ex bosëniw̃ do gë bobiw̃, dek ang ebani ak: bën dek, bela ofëxw osas gë bësas.
- ¹⁶Bosëniw̃ bor Gad: Tësifiwonj, gë Hagi, gë Şuni, gë Etësëbonj, gë Eri, gë Arodi, do gë Areli.
- ¹⁷Bosëniw̃ bor Aser: Yimëna, gë Yişëfa, gë Yişëfi, gë Beriya, do gë Sera, imaÿe itoxari indebën iñ. Bosëniw̃ bor Beriya: Eber do gë Malëkiyel.
- ¹⁸Mondako hi bani obaş or rëw̃ banëbi Yakob do gë Silëpa ol, xadëp isoxari ir yël baño Labañ abiw̃ Leya in. Bën ex bër rëwën këño Silëpa Yakob bën: bën dek, bela epëxw gë bëcongabat.
- ¹⁹Bosëniw̃ bor Raşel, alindaw̃ ar Yakob: Yosef do gë Beñëşame.
- ²⁰Bosëniw̃ bor Yosef, bër rëw̃ kënëbi gër ebar ed Misëra gë alindaw̃ Asenet, abiw̃ ar Poti-Fera, aşadaxan ar edaş ed On bën: Manase do gë Efërayim.
- ²¹Bosëniw̃ bor Beñëşame: Bela, gë Beker, gë Aşëbel, gë Gera, gë Nahamañ, gë Ehi, gë Roş, gë Mupim, gë Hupim, do gë Arëd.
- ²²Bën ex bër rëwën këño Raşel Yakob bën: bën dek, bela epëxw gë bënax.
- ²³Asëniw̃ ar Dan: Huşim.
- ²⁴Bosëniw̃ bor Nefëtali: Yatësel, gë Guni, gë Yetëser, do gë Şilem.
- ²⁵Bën ex obaş or rëw̃ kënëbi Yakob do gë Bila, xadëp isoxari ir yël baño Labañ Raşel ol: bën dek, bela bëcongëbëxi.
- ²⁶Bër sëfër bani gë Yakob gër ebar ed Misëra do hi bani bërändëwëra andexëm bën er hi bani bën dek bela ofëxw ocongebat gë bëcongabat. Xarak, bolindaw̃ bor bosëniw̃ ala abi pën bana.

²⁷Gë bosëniw̃ bor Yosef bër rëw̃ kënëbi gër ebar ed Misëra bën: bela bëxi. Er hi bani ekun ed Yakob el dek, bela ofëxw ocongoxi bër yow bax gër ebar ed Misëra.

End Yakob gër ebar ed Misëra eñ

²⁸Yakob lawën këno Yuda gër Yosef, eño pelëx exo dëngwa gër Gošen, eño kacax fën. Ata Yakob do gë odexëm ñat këni gër ebar ed Gošen.

²⁹Yosef wëd ko şaret irexëm in, do y'e ko yañ gër Gošen, gër ekaca ed sëm Isërayel. Sam ga şanayaw ko, Yosef wëlën këno sëm, wëga këno bëxib̃ gër egëla, do ses ko xali gër egëla edexëm.

³⁰Ata Isërayel fel këno Yosef: «Ecës fo bayi ke gërëgako, gayikako awat wat këme mëne ga këy liya dëñ bayi këy!»

³¹Ga xucak eño, Yosef ga këni felar gë bobinëm do gë bër ekun ed sëm bën, re ko: «Aye këme y'e mo tëfëtandërax Farawoñ. Afel këmo fel: “Bëmaÿe bëndam bën, do gë dek ekun ed faba el, anëka ñatëgu këni gër ndam ro, ga xaniw këni gër ebar ed Kanahañ.

³²Bëxadac bër obeci, gë opeÿ, gë oxey, do gë ogelemba exëni. Bëxwël bër oyel exëni, do awwëlaliw wëlaliw kënebi oyel orebën ol, do gë dek bebër xwën këni bën.”

³³And këñun wac Farawoñ, do eñun mëka ba ine ex andiyen andewën añ,

³⁴yakayidëno: “Biyi okadëp odey ok, bëxwël bër oyel hi këmi. Aniyen andebi añ ex ekwël ed oyel, ang ebani bëxarëk bërebi ak.” And kën yeyan mondako añ, ata këñun fel en dëg gër ebar ed Gošen. Gayikwa Bëmisëra bën mbañ şus këni ekwël ed oyel el hi këni opeÿ nde, hi këni obeci nde.»

Añanar 47

¹Yosef y'e ko kwël eño tëfëtandërax Farawoñ. Ga ñat ko, re ko: «Faba do gë bëmaÿe bëndam bën anëka ñatëgu këni ga xaniw këni gër ebar ed Kanahañ. Awwëlali wëlaliw kënebi opeÿ ok, gë obeci ol, gë oxey ol, do gë dek bebër xwën këni bën. Gër ebar ed Gošen ñatëgu këni.»

²Bëmaÿe bënjo bëndexëm fel babi eno dañëta, ebi watëgu Farawoñ.

³Ata Farawoñ wëka këbi bobinëm bor Yosef: «Ine ex wa andiyen andewën añ? Yaka këno: «Biyi okadëp odey ok, bëxwël bër obeci do gë opeÿ hi këmi, ang ebani bëxarëk bërebi ak.»

⁴Fel këno bëte Farawoñ: «Oliyer yow këmi ro gër ebar edewën. Ondës ax bo ex na ond këni yamb obeci ol do gë opeÿ odebi ok, gayikwa enjo eñ mbañ yëkak gër ebar ed Kanahañ. Gërëgako, axara xara këmi, tebëlëbo mi ñëpa gër ebar ed Gošen.»

⁵Farawoñ fel këno Yosef: «Sorix gë bobinëx, gër ndey ro ñatëgu këni.

- ⁶Misëra in dek, gër otaxan odey' ex. Kwëtëlëbi sorix gë bobinëx gër ed xurik ex ye. Dëgëlexëni gër ebar ed Gošen. Angëmëne gër enga endebën na fo exëni bër gapak, dilëbi bëlëngw bër bëxadac bër oyel oram.»
- ⁷Yosef wëla këno bëte sëm Yakob gër Farawoŋ eni nangër. Ga këni šëmar, Yakob, šalen këno Farawoŋ.
- ⁸Ata Farawoŋ wëka këno Yakob: «Bëniy bënjégwe wa šot këy'?»
- ⁹Yakob yaka këno Farawoŋ: «Ang nëkak aniyand and wëno ar kë yëparand ang aliyer fo gand ed këme y'e yo, asëk sëk ke de bëniy këme gë ofëxw osas. Bëniy bënd aniyandam bëno ax nëmbe ex na do ax ye ex na ang bënd bëxarëk bëram ak ado ga bani y'exërand bën bëte ang bëliyer fo.»
- ¹⁰Yakob šalen këno gašëxe Farawoŋ, do kwël šapër këni gë Farawoŋ.
- ¹¹Yosef xwët këbi sëm gë bobinëm gër ed xurik ex ye, gër ebar ed Misëra, gër ebar ed Ramëses, ang fel baŋo Farawoŋ ak.
- ¹²Yosef babi yëlënd ey'amb y'amb in sëm, gë bobinëm, do gë dek oxun orebën oŋ, ang yëmb bani ak.

End andiyen and Yosef eŋ

- ¹³Ey'amb y'amb dëŋ ax bayi bana gër ed ex yo gër ebar ed Misëra, gayik enjo eŋ mokuri xuri bax. Hik gër Misëra, hik gër ebar ed Kanahaŋ, bela bën afišëra fišëra bani enjo eŋ.
- ¹⁴Ata Yosef xana ko dek kodî ir gër ebar ed Misëra in, do ir gër ebar ed Kanahaŋ in, ir bani yëcaxënënd ey'amb y'amb in. Wëxëta ko gër eyang ed Farawoŋ.
- ¹⁵And faÿ këni kodî Bëmisëra do gë Bëkanahaŋ aŋ, Bëmisëra bën y'e këni gër Yosef, do re këni: «Yëlëlebo ey'amb y'amb in! Ba mi cës ogës odey' nde yandi ki, gayikako kodî abo bo ex na?»
- ¹⁶Yaka këbi Yosef: «Mëlawënëbi oyel orewën ol enëbi nëmb gë ey'amb y'amb, gayikako kodî ax gi ex na.»
- ¹⁷Ata wëlaraw kënëbi oyel orebën ol gër Yosef, do mëŋ yël këbi ey'amb y'amb in. Oyel olo nëmb banëbi: opanac, gë obeci, gë opeÿ, gë oxey' do gë opali. Yosef yëlëra këbi ey'amb y'amb in aniy aŋo gayik anëmb banëbi nëmbënd oyel orebën ol xali faÿ kënëbi dek.
- ¹⁸And xucak aniy aŋo aŋ, bakaw këni gër ndexëm. Re këni: «Axwën, biyi ami con na mëne anëka faÿ këmi kodî in. Bëte oyel orebi ol, wëj xwën këbi. Er bayi këbo wayët mi yëlaya biyi dëŋ, do gë owar orebi oŋ.
- ¹⁹Ogës odey' nde këmi šësëra do mi tebëta owar orebi oŋ? Yëcëlëbo gë owar orebi ak, mi cotaxën er këmi y'amb in. Kwënëlebo Farawoŋ biyi gë owar orebi ak. Yëlëlebo benëda bënd këmi yandëraxën, mi bayixën bëbëngw, ata fo bayik ami cësëra na, do owar orebi oŋ ax cenëkëra na.»

²⁰Ata Yosef mondako yęcën baŋo Farawoŋ deŋ owar or gër Misëra oŋ. Bëmisëra bën fan baŋo ocënga odebën ok, gayik enjo eŋ mokuri xuri bax. Farawoŋ, elod amëd aŋo xwën ko ebar ed Misëra el.

²¹Ata rëfalira këbi bulunda in gër bangol, ga yāna ko bebët ibat ħata ko bebët ijo deŋ ebar ed Misëra el.

²²Barikan Yosef axo yęc bana owar or bëšadaxan oŋ gayik apela yëgw baxo na Farawoŋ mēne kërexo yęc na. Gë er re baxo enëbi yëlënd in fo bani liyand, mēŋ bayik ani panaxën bana owar orebën oŋ.

²³Yosef fel këbi bulunda in: «Anëka yęc këmun gë owar orewën ak, doro doro Farawoŋ xwën këŋun. Kanayin eneda eŋ en nedëx gër ocënga.

²⁴And kën xanara eyamb aŋ, tēyiyindën, do acariya anjoxën kala, Farawoŋ xwënëk. Mëxwëtayindën mar er xana kën in en di beneda, do mar enëbi dëbaxënënd bër gër bëciw bëndewën, do gë oxun orewën bën.»

²⁵Yaka këni Bëmisëra bën: «Axwën, anëka fexën këy'ëbo. Gayikako oyekax orey' ol wāsin këy'ëbo, aŋa wā këbi mi gi okadëp od Farawoŋ.»

²⁶Ata acariya and ri baxo Yosef aŋo bayik xali doro gër ebar ed Misëra: ecoxën ed er ex yo, Farawoŋ xwënëk. Owar or bëšadaxan oŋ fo bayik axo kwën bana Farawoŋ.

End bapela bapelatar band Yakob eŋ

²⁷Isërayel do gë bërändewëra andexëm bën yëpa këni na gër ebar ed Misëra, gër Gošen. Yęcëra këni owar, rëw kënëbi obaš oranjëm, do kwël dëŋ këni šënarënd xali yëmb këni mbaŋ.

²⁸Yakob liya ko bëniy epëxw gë bënjongëbëki gër ebar ed Misëra. Mondako sëk baŋo bëniy këme gë ofëxw onax gë bënjongëbëki.

²⁹Ga nang ko mēne anëka kë saxëgund ecës edexëm el, Isërayel wāc këŋo asëñiw Yosef, do re ko: «Angëmēne aħan ħan këy'e, dīlaliw ataxan andey' aŋ gër emef endam. Axara xara këmi, dëkayayid šenene end këmi felënd eŋo: kërey'e mëxwëtaď na ro gër ebar ed Misëra!

³⁰And këmi bar gër ecës gë bëxarëk bëram aŋ, nęcëtidëne ebar ed Misëra el, do mëlayidëne ey'e mëxwëtax gër yeg irebën.» Ata yaka ko Yosef: «Ari këme ri end fel këy'e eŋo.»

³¹Re ko bëte Yakob: «Awa yašarël.» Yosef yašar ko. Ata Isërayel foxi ko gand ogaf od angaw andexëm.

Añanar 48

End obaš or Yosef eŋ

- ¹Ga xucak eņo, fel këno Yosef mēne sēm ašëxwëra ex. Ata wëla këbi bosëñiw, Manase do gë Efërayim, gër ed laki baxo.
- ²Fel këno Yakob: «Asëñix Yosef anëka yow ko de exi nëkon.» Isërayel xemënara ko xali xani ko, do yëpa ko gër angaw andexëm.
- ³Yakob fel këno Yosef: «Kaxanu, mēj ar Fangak an, šanayaxën baxe gër Lus, gër ebar ed Kanahaņ, do yël ke obetak ol.
- ⁴Er fel baxe: “Ar gë obaš oranjëm ri këmi, wëno këbi šenandëra xali. Bëte wëno ki ri axarëk ar amara and obulunda odanjëm. Ayël këmëni yël bërändëwëra andey bën, and këy xuca wěj aņ, oxwën or din ir din or ebar elo ro ol.”
- ⁵Gërëgako bëtošan bëki bënd šotëli këyëbi ro gër ebar ed Misëra đamana me đëfaxënëgu gër ndey ro bëno, wëno xwën këbi. Efërayim, do gë Manase, wëno xwën këbi, ang xwën këmëni Ruben do gë Simewoņ ak.
- ⁶Angëmëne obaš ošëxe rëw këyëbi na bëte, ani gi na oram. Bën pađ gë Efërayim do gë Manase këni bëteliđ eram in.
- ⁷And hatëgu këme gër ebar ed Kanahaņ, ga xaniw këme gër ed Padaņ aņ, lap këmo norix Rašel gër fëña, đamana me ŋataxën gër Efërata, gër Betëlexem.»
- ⁸And wat këbi odëmëta od Yosef aņ, Isërayel wëka ko: «Nobën ex wa bëjo?»
- ⁹Yaka ko Yosef: «Obaš or yël ke Kaxanu ro gër ebar ed Misëra ol ex.» Re ko bëte Yakob: «Këla təkaliwëyëbi gër ndam ro, mëni karanaxën obetak ol.»
- ¹⁰Oxar ol anëka dëņ baņo šotand Isërayel, axo bo bana ga ko watëra šenene. Yosef səkali këbi bosëñiw gër Yakob. Ga lëk këbi, nëyaya këbi ŋëš gër emëkw edexëm, do wëga këbi.
- ¹¹Ata Isërayel fel këno Yosef: «Wëno abame yëla na awat këme wat gašëxe dëxas irey in, barikan Kaxanu anëka wësin ke bëte andëwëra andey aņ!»
- ¹²Yosef fedali këbi odëmëta odexëm od ebax gër olëkëna or sëm ok, do foxi ko eyiŷ el ŋëš gër ebar.
- ¹³Ga xani ko, las këbi tak oki, Efërayim gë ataxan and liw aņ, do gand šame ir Isërayel, Manase gë ataxan and šame aņ do gand liw ir Isërayel. Yosef səkali këbi mondako gër sëm.
- ¹⁴Barikan Isërayel nëmbëndër ko otaxan ok: xwët ko ataxan and liw aņ gër gaf ir Efërayim, xarak mēj ebax lëmëta ibeja in. Ataxan and šame aņ, xwët ko gër gaf ir Manase, lëmëta iŷanar ir Yosef in.
- ¹⁵Ata Yakob këno xaran obetak ol Yosef ko rend: «Kaxanu, mēj ar babi laņëtarand bëxarëk bëram an, Abëraxam do gë Isak, Kaxanu, mēj ar ebax nand ex yo axadac aram xali doro an,

¹⁶Mëñ ar ex Meleka ir racët ke gër eññenax end ex yo an, yëlëlebi obetak ol odëmëta oko! Bën macindëlenëbi gë oŵac oram ol, gë omac od bëxarëk bëram Abëraxam do gë Isak ok. Bërandëwëra bandebën bën, ñëmbërelexëni xali eni beñëta dek ebar edebën el!»

¹⁷Yosef ga wat ko mëne sëm ataxan and liw̄ an xwët ko gër gaf ir Efërayim, şus ko eño. Rëxët ko ataxan and liw̄ and sëm an gër gaf ir Efërayim exo kwëtaxën gër gaf ir Manase.

¹⁸Yosef fel këño sëm: «Ali faba, ax gi ex na mondako! Ajo ro wa ex lëmëta iyanar in. Kwëtël ataxan and liw̄ andey an gër gaf irexëm.»

¹⁹Barikan sëm hëp ko, do re ko: «Anang nang këme asëñiw̄ën, anang nang këme. Mëñ bëte bulunda isëm ko hi, mëñ bëte angwëlik ko hi. Barikan lëmëta ibeja in kë xuri ex gi angwëlik, do andëwëra andexëm an amara and benëng bendanjëm kë hi.»

²⁰Ata Yakob mondako şalendëra babi yatijo ga ko re: «Bërandëwëra and Isërayel bën mondako këni yana eni calendërend: “Kaxanu yëlëlexi obetak or Efërayim do gë Manase ol.”» Ata Yakob mondako lëngwën baño Efërayim gër Manase.

²¹Isërayel fel këño Yosef: «Wëno gogo këme şës, barikan Kaxanu gë wën ko bayi. Abakali këñun bakali gër ebar ed bëxarëk bërewën.

²²Wëno cëñ, anëka şetëgu këmi ebar nëmëc ed bobinëx gër Sišem. Bërandëwëra and Amor bën xan këmëni gë duxuma iram in, do gë atumb andam an.»

Añanar 49

End ofelar or Yakob do gë bosëñiw̄ en

¹Akey amat, Yakob ga w̄ac këbi bosëñiw̄, re ko: «Macërëgun mun nangënxën ala kala er këño hi ecan-ecan in.»

²«Barërëgun ene baxët wën bosëñiw̄ bor Yakob! Baxëtino Isërayel, baxëtino sorix irewën!

³Ruben, wëj ex itoşan iñanar indam in, wëj ex odëwërewën oñanar od ojaw̄ odam ok, wëj nëmëca këbi bobinëx gaf in, ojaw̄ ok do gë or gapak ol,

⁴Ola orey ol ang oÿëm fo ex, bari ami yël ex na olëngw ol, gayikwa y an gër angaw̄ and sorix bët bay, angaw̄ andam an buyarën këy ga bët bay gër asoxari aram.»

⁵Simewon do gë Lewi, bër acël amat exëni, angwëlëra andebën an, ang oÿënga or emer fo ex.

⁶Wëno ami bar angwëlëra and edi ed eññenax elo an, ame dil na gër amara andebën! Gayikwa në end oxoÿ orebën lawëra kënebi bela, do në end owër orebën sawëra kënebi oxey or bela.

- ⁷Kata fo ex oxoŷ orebën ol, gayik or gë axaŷënan këm ex! do kata fo ex owër orebën ol, gayikwa xodux fo ex! Bërandëwëra bandewën bën aŷapëreli këmëni ŷapëreli ŷit gër bulunda ir Isërayel, ayic këmëni yic eni dëgëra dek ebar ed Isërayel el.
- ⁸Wëj cëŋ Yuda, ayas këni ŷana eni yasënd bobinëx, ataxan andey aŋ gër eporëfor ed bërangoyëra andey kë hi, obaŷ or sorix ol afoxi këni ŷana eni poxind gër lëngw irey.
- ⁹Yuda yëraŋ ibeja hi këy! Gër emaŷi edey këy bakawënd and yambëgu këyo emacar aŋ, abaf këy bafënd, alaki këy lakind, ang yëraŋ inëm fo: noŷo këŋo xanin?
- ¹⁰Acët and owun aŋ, laŋ kë bayi gër ekun ed Yuda, Acët and olëngw aŋ, laŋ kë bayi gër bërandëwëra andexëm, xali exo ŋatëgu ŷilo, ar xwënëk an, do eno kwëtaxën benëng bend bela beŋ.
- ¹¹Axap këŋo ŷana eŋo kapënd fali irexëm in lëf gër andëda and reseŋ, axap këŋo ŷana eŋo kapënd atox and fali inëm aŋ në atëx and reseŋ. Acud andexëm aŋ ko ŷana exo nebënd gë ngoy in, anjëm andexëm aŋ ko ŷana exo nebënd gë omen od reseŋ ok.
- ¹²Ngoy in kë ŷana ex barënënd bangës bandexëm baŋ, omër kë ŷana ex peŷënënd oŷënga orexëm oŋ.
- ¹³Sabuloŋ kë lëg ler gër obëŋa od bangwëngw, gër ed kë ŷana ex kwëŷand okuluŋ, do ebar ed ko xwën el, aŋat kë ŷat xali gër ed Sidoŋ.
- ¹⁴Isakar mëŋ cëŋ, fali ir gë ojaŷ hi ko, alaki ko lakind mërëxand ir bakece.
- ¹⁵Awat wat ko mëne gër ed ko seyëtand anënga nëngak, do ebar enëngax ex. Aŷa ŷa ko eno kap exo dëbixën esibax, aŷa ŷa ko exo diyenind ang xadëp fo.
- ¹⁶Dan këbi ŷana ebi kitind bulunda irexëm in, ang enëng emat end Isërayel fo.
- ¹⁷Dan er hi ko ang andën and në fëŋa fo, ang ekifoxifo ed në lec fo, gër osak këŋo ŷatënd fanac in exo datixën gë eyiŷ el ar ŷëpaxën këŋo an.
- ¹⁸(Axwën, ayar këme yarënd apexa andey aŋ!)
- ¹⁹Gad mëŋ cëŋ, enga end bërek bëxeŷax këŋo wëreli, barikan aŷer ko wëre xali ebi kor, do ebi ŋŷay!
- ²⁰Gër ebar ed ko xwën Aser, eyamb el ax gi na mopaŷ, mëŋ kë ŷana ebi dëband bemun beŋ.
- ²¹Nefëtali ang ebëjare ed kë radërand fo hi ko, oyeŷan oyekax ko ŷana exo yeŷanënd.
- ²²Yosef mëŋ cëŋ, ang atëx and kë rëwënd fo hi ko, ang atëx and lëgëk ler në aŷësa and men fo hi ko, benini bendexëm beŋ yabët kece in kë lefënd.

²³Añanaxën ÿanaxën këno, do añan wñan këno gë opës odebën ok, gë opës odebën ok wñan këno bërangoyëra andexëm bën.

²⁴Barikan atumb andexëm añ ax yëlora ex na, onëxar orexëm oñ bayik ñwac-ñwac. Pab gë otaxan od ar fangak ok, ar këno yëlënd panga Yakob an (ar ex Axadac, do Angaÿ and Isërayel an).

²⁵«Pab gë Kaxanu, ar yata këno sorix an (gilexo angwak andey añ)! Ar Fangak an, yëlëlexi obetak ol, obetak or yañ gër orën ol, obetak or gëd ebar ol, obetak or gër obër, do gër acël and asoxari ol!»

²⁶«Obetak or xaran ki sorix ol, nëmëcak obetak or gër osënd or angwën ol, or gër bëtënd bënd akarëk ol. Obetak olo, gilex gër gaf ir Yosef, gil ex gër egor ed ar hik emun end bobinëm an!»

²⁷«Beñëême mëñ cëñ, yëlemu ixeyax hi ko, gëbër këno yambënd emacar end lañ këno eñ; genëka, ebi cetëra er şotëgu ko in.»

²⁸Bosëniw bor Yakob ex bëxarëk bër benëng epëxw gë beki bënd Isërayel beñ. Bendeÿ beño felëra babi sëm irebën and babi xaran obetak añ, ala kala gë obetak orexëm pit.

End ecës ed Yakob eñ

²⁹Ga xucak eño, Yakob fel këbi bosëniw: «Wëno gogo këme şës. Mëlayidëne ene mëxwëtax gër ÿeg ir wëxëta kënebi bëxarëk bëram, gër oxel or gër oşënga or Efëron, arandëwëra and Het an,

³⁰gër oxel or gër oşënga or Makëpela, ler gër Mamëre, gër ebar ed Kanahañ, oşënga or yëc ko Abëraxam gër Efëron, arandëwëra and Het an, gër oşënga or xwën ko.

³¹Fën wëxëta kënebi Abëraxam do gë alindañ Sara, gë Isak do gë alindañ Rebeka. Fën wëxëta këmo wëno bëte Leya.

³²Oşënga olo do gë oxel ol, Abëraxam yëcëk gër otaxan od bërandëwëra and Het.»

³³And hata ko epelëra ed bosëniw añ, Yakob baka ko laki ko gër angañ, kwël xoti ko do barëx këni gë bëxarëk bërexëm bër şësëk elod anëka fo bën.

Añanar 50

End oyañ or Yakob eñ

¹Yosef ga lapaya ko gër sëm, wëga këno, do ko sesënd. Ongwën oñ kë şarënd gër dëxas ir Yakob.

²Ga xani ko na, Yosef fel këbi bëxora bën eni nëmëra eman end sëm eñ xali eño dilër ogu oñ. Ata bëxora bën nëmëra këno Isërayel xali lilër këno ogu oñ.

³Bakey ofëxw onax nëmëra bano mondako ang rëp bax ak, xali lilër këno ogu oñ. Bëmisëra bën yaw këno Yakob bakey ofëxw ocongoxi.

⁴Ga xucak bakey band ŷaŷëra bano Yakob baŷ, Yosef fel këbi bër eyang ed Farawoŷ bën: «Angëmëne aňan ħan këne, ŋateliyin eyey'an edam elo gër Farawoŷ, axara xara këmun.»

⁵«Ga re ko Yosef: Faba re bax me yaŷar yatir baxe felërand mëne mëŋ gogo ko ŷës, mëne mo mëlad mo mëxwëtax gër ŷeg ir nacën këno gër ebar ed Kanahaŷ. Gërëgako pelino Farawoŷ mëne axara xara këmo exe teb me ŷe ŷaŷ gër ebar ed Kanahaŷ moxwëtax faba. And këmo wëxëtax aŷ me bakaw.»

⁶Yaka ko Farawoŷ: «Oko ŷel ey'o mëxwëtax sorix, ang re baxo ey' yaŷar ari këy' ri ak.»

⁷Yosef ŷe ko ŷaŷ gër ebar ed Kanahaŷ eŋo mëxwëtax sëm. Laŷëta këno dek eyang ed Farawoŷ el do gë bëxarëk bër iciw indexëm bën, gë bëxarëk bër ebar ed Misëra bën dek.

⁸Aŷe ŷe bani bëte dek ekun ed Yosef el, gë bobinëm do gë dek ekun ed sëm el. Er seb banëbi na gër ebar ed Goŷen wayët bësoxari bën, gë obaŷ ol, gë obeci ol, gë opey ok, gë oxey ol, do gë ogelemba ok.

⁹Yosef aŷëla wëla babi bër gë opanac od bax lasënd ocaret od emer ok: gër enga eŋo aŷëmb ŷëmb bani.

¹⁰Ga ħat këni gër angëni and këni wacënd Atad, kegët Yurëdeŷ in, ses këni ŷor xali wëlik angoŷ atëm. Yosef mondako ri baxo na oŷaŷ or sëm ol bakey banjongëbaki.

¹¹Bër lëg bax na gër ebar ed Kanahaŷ bën, ga wël këni angoŷ aŷ gër angëni and Atad, re këni: «Awa oŷaŷ osëm hi këbi Bëmisëra bën!» Mëŋ wacaxën këni na gër ed ebani, ekeg Yurëdeŷ in, «Abel-Mitësërayim», mëne ngëŷ «Oŷaŷ or Bëmisëra».

¹²Ata bosëniw bor Yakob mondako ri bani er fel babi sëm irebën in.

¹³Bosëniw wäyeli baŷo Yakob gër ebar ed Kanahaŷ, do wëxëta këno gër oxel or gër oŷënga or Makëpela, gër oŷënga or yëc ko Abëraxam gër Efëroŷ, arandëwëra and Het ol, ler gër Mamëre. Gër osënga olo ri baxo Abëraxam banapëra band bër ekun edexëm baŷ.

¹⁴And wëxëta këno sëm aŷ, Yosef, gë bobinëm, do gë dek bër laŷëtax babi gër emëxwëta ed sëm irebën ŷaŷ na gër ebar ed Kanahaŷ bën, baka këni gër ebar ed Misëra.

End eŷata ed aniyän and Yosef eŷ

¹⁵And wat këni bobinëm bor Yosef mëne anëka ŷës ko sëm irebën aŷ, re këni: «Bamat Yosef aŷenaxën këbo ŷëanaxën ebo maŷa dek eňëŷanax end ri banëŷone eŷ.»

¹⁶Ata lawën këni mondako gër Yosef: «Damana exo cësaxën, sorix aseben sebën këbo eyey'an elo:

17“Axara xara këmi, tebanëlëbi bobinëx eñëñenax eñ, do gë amena andebën añ, gayikwa aŵenan ŵenan këni! Axara xara këmi, tebanëlëbi gërëgako dëñ okadëp od Kaxanu ok, ar yata këño sorix an, eñëñenax end ri këni eñ”.» Ata Yosef ses ko and fel këno mondako añ.

18Ata bobinëm bor Yosef ga sëka këno, lapaya këni gër osapar orexëm, do re këni: «Biyi okadëp oday hi këmi.»

19Yaka këbi Yosef: «Këren yëdara na: ba wëno nde ex Kaxanu?

20Eñëñenax end şala ban ene di eñ, Kaxanu nëngwëtëk enjekax, ex gixën er hik doro ijo in, eni pexaxën bela bëranjëm.

21Gërëgako, këren yëdara na. Arëcara këmun ŷana mun dëcarand, wën do gë oxun orewën oñ.» Yosef mondako yifara babi bobinëm, xali fuñara këbi.

22Mondako lëg bani na gër ebar ed Misëra Yosef do gë bër ekun ed sëm bën. Yosef liya ko bëniy keme gë epëxw.

23Yosef awat wat babi obaş or Efërayim ol, xali gë ejiw ekë nukënu bën ak. Obaş or Makir ol, asëniw ar Manase, gër olëkëna orexëm rëw banëbi.

24Yosef afel fel babi bobinëm: «Awa wëno gogo këme şës. Barikan Kaxanu aŷowënëgu këñun ŷowënëgu. Anëcët këñun nëcët gër ebar elo ro, eñun bakali gër ebar ed beya ko gë eyaşar mène ayël yël këbi oxwën ol Abëraxam, gë Isak, do gë Yakob el.»

25Ata Yosef fel këbi eni yaşar bërandëwëra and Isërayel bën mène ari këni ri end re ko eñ. Mondako yeyan baxo: «And këñun ŷowënëgu Kaxanu añ, mëlalidën oşapar oram oñ.»

26Ata Yosef şës ko and sëk këño bëniy keme gë epëxw añ. Nëmëra këno ogu oñ xali lilër këño, do xwët këno polo në kes na gër ebar ed Misëra.

Bassari - Bible - New Testament

Maco

Maco 1

End bëxarëk bër Yesu Kërisët eŋ

- ¹Mondako ex andëwëra and bëxarëk bër Yesu Kërisët aŋ, mëŋ ar ex rëwïs ir Abëraxam, rëwïs ir Dafid in.
- ²Abëraxam ex sëm ir Isak, Isak sëm ir Yakob, do Yakob sëm ir Yuda do gë bobinëm.
- ³Yuda ex sëm ir Peres do gë Sera, do nëm irebën ex Tamar. Peres ex sëm ir Esërom, do Esërom sëm ir Aram.
- ⁴Aram ex sëm ir Aminadab, Aminadab sëm ir Nahason, do Nahason sëm ir Salëma.
- ⁵Salëma ex sëm ir Bohes, do nëm ir Salëma ex Raxab. Bohes ex sëm ir Yobed, do nëm ir Yobed ex Rut.
- ⁶Obed ex sëm ir Isayi, do Isayi sëm ir Dafid, emun eŋ. Dafid ex sëm ir Salomoŋ, do nëm ir Salomoŋ ex asoxari ar Uri an.
- ⁷Salomoŋ ex sëm ir Roboham, Roboham sëm ir Abiya, do Abiya sëm ir Asa.
- ⁸Asa ex sëm ir Yosafat, Yosafat sëm ir Yoram, do Yoram sëm ir Osiyas.
- ⁹Osiyas ex sëm ir Yohatam, Yohatam sëm ir Akas, do Akas sëm ir Esekiyas.
- ¹⁰Esekiyas ex sëm ir Manase, Manase sëm ir Amos, do Amos sëm ir Yosiyas.
- ¹¹Yosiyas ex sëm ir Yekoniyas do gë bobinëm. Ata angwën aŋo wëla banëbi Bëyisërayel bën oxadëp ol gër ebar ed Babilon.
- ¹²And sebëtëgu kënëbi gër oxadëp aŋ, Yekoniyas hi ko sëm ir Salacel, do Salacel sëm ir Sorobabel.
- ¹³Sorobabel ex sëm ir Abihud, Abihud sëm ir Eliyakim, do Eliyakim sëm ir Asor.
- ¹⁴Asor ex sëm ir Sadok, Sadok sëm ir Akim, do Akim sëm ir Elihud.
- ¹⁵Elihud ex sëm ir Elasar, Elasar sëm ir Mataŋ, do Mataŋ sëm ir Yakob.
- ¹⁶Yakob ex sëm ir Yosef, aŋan ar Mari an. Mari ijo rëw kënjo Yesu, ir këno wacënd Kërisët.
- ¹⁷Awa er ex bandëwëra epëxw gë banax elod Abëraxam xali gër Dafid. Bëtëraguk bandëwëra epëxw gë banax, elod Dafid xali angwën and oxadëp or Bëyisërayel gër ebar Babilon aŋ. Bëtëraguk bëte bandëwëra epëxw gë banax, elod gë oxadëp or gër ebar Babilon ol xali gër Yesu Kërisët.

End andëwëra and Yesu eŋ

¹⁸Ata mondako bax andëw̃a and Yesu Kërisët aṅ. Mari nēm irexēm, enēm ed Yosef ebaxo. Do d̃amana eni nangër, Mari šot ko acël gë panga ind Angoc Amënëk iṅ.

¹⁹Yosef, ašan arexēm, ga hi baxo cëṅ ar šenene, xeỹ këṅo eṅo cëfënin. Ata ko yëlarand ang ko ri eni capëraxën yir fo.

²⁰Nand baxo yëlarand mondako na, meleka ir Axwën in šanayaxën këṅo në lakeli, do re ko: «Yosef, wëj ar andëw̃ëra and Dafid an, këreỹ yëda na eỹo ṅateli Mari, alindax. Ar gër acël andexëm aṅ, Angoc Amënëk aṅ w̃ëlaw këṅo.

²¹Lëmëta ex, do and këṅo rëw̃ aṅ, yëlid̃o õwac or Yesu gayik mëṅ këbi racët bulunda ir Isërayel in gër beñëṅënaṅ.»

²²Ata dek bendeỹ beṅo mondako ex ṅata ang re baxo Axwën ak paḅ gë alaṅwëñel Esayi ak:

²³«Endënaṅw̃ emeja kë hi gë acël, do eṅo dëw̃ lëmëta ir këno w̃acëd̃ Emanuwel, mëne ngëṅ “Kaxanu nëngaw këbo ”.»

²⁴And nëngëta ko aṅ, Yosef ri ko dek er fel baṅo meleka ir Axwën in. Ata y'en këṅo alindaṅw̃ Mari.

²⁵Bari ani nangër bana xali rëw̃ këṅo lëmëta in. Ata Yosef yël këṅo õwac or Yesu ol.

Maco 2

End bëšaki eṅ

¹And rëw̃ këno Yesu gër Betëlexem aṅ, Erod wun bax gër ebar ed Yude. Ata bëšaki bër xaniw bax gand Apën-eñan, ḥatëgu këni gër Yerusalem, gër eyang ed Erod.

²Wëka këni: «Ro nde exo emun end Bëšëwif end rëw̃ këno ecede eṅ? Gayikwa biyi emal edexëm el watëgu këmi elod gand Apën-eñan mëṅ ỹowaxënëgu këmi mi poxi gër lëngw irexëm, mo calexën.»

³Ga wël këni eṅo, Erod emun eṅ, gë Bëyerusalem bën, wëlandëra këbi xali xurik.

⁴Ata Erod w̃ac këbi dek bëšadaxan bëlëngw bën do gë bëšalen bën ebi mëka ba feye bax eno dëw̃ Afexën an.

⁵Yaka këno: «Gër ebar ed Yude ro dëṅ, gër angol and Betëlexem. Ga ỹëgw ko wa alaṅwëñel an:

⁶“Wëj angol and Betëlexem aṅo, gër ebar ed Yude, Šëf gër b̃angol b̃angwëlik band gër ebar ed Yuda hi këỹ, aỹ gi ex na wa angol and toc. Gër ndeỹ na këno rëw̃ ar kë wun gër enëṅ end Isërayel, bulunda iram an .”»

⁷Ata Erod w̃ac këbi yir fo bëšaki bëjo do wëka këbi eno pënëtan aye amëd and šanayak emal elo aṅ.

⁸Ata ga laŵën këbi gër Betëlexem, re ko: «Awa ɲatin tan en mëkaraw aye end lëmëta ijo eɲ. And këno watëgu aɲ, bakawëdën ijo ro ene nangënati mëɲ këme yed wëno bëte me poxi gër lëngw irexëm mo calew.»

⁹Ga wëlër këni mondako gë emun eɲ, bëšaki bën xuca këni ond gër Betëlexem oɲ. Ata emal ed watëgu bani elod apën-eñan el lëngweli këbi. And hatak gër ed hi baxo lëmëta aɲ, xwëšak.

¹⁰Bëšaki bën ga wat këni emal el, nëngandëra këbi mbaɲ.

¹¹Lil këni gër iciw ind bax hōband emal, sək kënëbi lëmëta in gë Mari, nëm irexëm. Na foxira këni do šale këno. Fëtëra këni bëkwëtaya bënd kodı bën do šëmaxën këno gë oyël or wëlagu bani oɲ: kaɲe, gë ašururu ir xwëšëna bani gë angiri, do gë ogu ond këni wacënd mir.

¹²Ata sitin këbi Kaxanu në lakeli eno beš Erod amaɲi wāɲi aɲ. Mondako wāɲi këni kwël fëña išëxe ond gër ebar edebën oɲ.

End egërelı ed Yesu gër ebar ed Misëra eɲ

¹³And wāɲi këni bëšaki aɲ, meleka ir Axwën in šanayaxën këɲo Yosef në lakeli do re ko: «Yosef, kanil eyëbi gërelı lëmëta in gë nëm gër ebar ed Misëra. Nëpaxëdën fën xali yatir këmi fel en maɲiw. Gayikwa Erod ašala ko šala eɲo daw lëmëta in.»

¹⁴Ga nëngëta ko Yosef, xanin këbi kwël gëmëd fo lëmëta in gë nëm do wëla këbi gër ebar ed Misëra.

¹⁵Fën yëpax bani xali šës ko Erod. Ata mondako hata bax er re baxo Axwën Kaxanu paɲ gë alaŵënel in: «Asëñiwën wacëgu këmo exo canëgu gër ebar ed Misëra .»

End enemi ed bëndoyer gër Betëlexem eɲ

¹⁶And wata ko Erod mëne anëka yifa këno bëšaki aɲ, xoɲ ko xali xurik. Šëñëta këbi ocoroda odexëm ok eni y'e gër Betëlexem enëbi dawërax dek bëtox bëtošan bën elod bënd bëniy bëki bën xali gër bënd bayik gër oyer. Mondako yëla baxo Erod kë fed gë amëd and fënëtan bano bëšaki aɲ.

¹⁷Ata hatak er rey'a baxo Yeremi, alaŵënel ar Kaxanu in:

¹⁸«Otes kë wëlınd gër angol and Rama, Otes do gë edenitaran kë wëlınd, Rašel këbi yaŵënd obaš orexëm ol, Ayifara yo ayifara, axo ma ex na exo cësina, gayik ani bo ex na, dek šës këni .»

End omaɲi ond gër ebar ed Isërayel eɲ

¹⁹And šës ko Erod aɲ, meleka ir Axwën in šanayaxën këɲo Yosef në lakeli gër ebar ed Misëra.

²⁰Fel këɲo: «Yosef, gërëgako kanil eyëbi maɲeli lëmëta in gë nëm gër ebar ed Isërayel. Bër yandi babi anıyan andexëm bën anëka nemira këni.»

²¹Ata Yosef xani ko, wëd këbi lëmëta in gë nëm do wāɲeli këbi gër ebar ed Isërayel.

²²Barikan and wël ko mène Arêkelawos bêtelik owun or sëm Erod ol gër ebar ed Yude aŋ, yêda ko eni baka fën. Ata Kaxanu ga sitin kënjo në lakeli, hâteli këbi gër ebar ed Galile.

²³Ye ko yëpax këni gër angol and këni w̄acënd Nasaret. Ata h̄atak er re bani bëlaw̄ênel in: «Abënasaret këno ȳana eno macënd .»

Maco 3

End epemëra ed Şaŋ Batis eŋ

¹Amëd aŋo, şanayaw baxo Şaŋ Batis gër ladawe ir gër ebar ed Yude, do ko femërand end Kaxanu eŋ.

²Er baxo rend: «Nëngwëtin ola orewën ol gayik owun or gër orën d̄am ex!»

³Ata Şaŋ Batis ex ar baŋo rend ala w̄ênel Esayi an: «Ala exëna ar kë xe ȳerand gër ladawe, oni w̄ orexëm ol kë rend: “Ñanin fëña ir Axwën in! Debëtin bëpëña bënd ko xucaxën bëŋ. ”»

⁴Şaŋ Batis, acud and omban ond gelemba baxo şudand do baxo xapand enar gër edum. Eȳamb ȳamb irexëm in ebax owure do gë dingën ibapu ȳ.

⁵Bëyerusalem bën, do gë ebar ed Yude el dek, gë dek ebar ed Yurëdeŋ el, aȳe bani ȳend bura-bura gër ed hi baxo Şaŋ Batis.

⁶Do mëŋ abuyi babi buyind polo gër Yurëdeŋ bër bax futënd poyoma beñëŋenax bend ri këni bën.

⁷Ata Şaŋ Batis wat këbi Ofariseŋ do gë Osaduseŋ odanjëm ga ȳow këni gër xobuyi. Re ko: «Wën ang bandën fo siti kën. No ȳo wa fel këŋun mène axor ex en kwë ȳëta kiti ind Kaxanu ind kë ȳowënd iŋ?»

⁸Diyindën d̄e ari bandixa band kë w̄asinënd mène anëngwëta d̄eŋ nëngwëtak ola orewën ol.

⁹Bari këren yëland na gayikako Abëraxam ex axarëk arewën an kën fexaxën. Kaxanu axor ko xor exo nëngwët oxa ȳ oŋo d̄eŋ ex gi oba ş or Abëraxam.

¹⁰Ado anëka w̄ed ko ecëngwa el exo ta w̄axën batëx baŋ n̄ë ş gër odëmbët: atëx and ax d̄ë w̄ënd na odë w̄erë w̄en ojekax yo, asa w̄ ko sa w̄ do exo d̄ap gër xodux.

¹¹Wëno abuyi këmun buyind gër men ex watixën mène anëngwët nëngwët kën ola orewën ol. Barikan ar ke s̄efëgund an këŋun ȳana eŋun buyind gë panga ind Angoc Amënek iŋ do gë xodux ol. Mëŋ fangak n̄ëmëc wëno: ado wëno axe ñap ex na mo pedët baped bandexëm baŋ.

¹²Ekë d̄a lëkaya ko gër ataxan andexëm exo pelëraxën gër ebar edexëm. A w̄ëla ko w̄ëla bële in exo cacëx gër akërükëru andexëm. Barikan enenar eŋ alap ko lap gër xodux or ax d̄omind na gë edomi.»

End xobuyi or Yesu eŋ

¹³Ata Yesu ga xaniw ko gër ebar ed Galile, yow ko Yurëdeŋ, gër Şaŋ Batis, eŋo buyixën.

¹⁴Barikan Şaŋ Batis aħëp baxo ħëpënd do ko rend: «Wëno wa ex ar yăpëk ey'e buyi an, ecëñëxët yow këy gër ndam!»

¹⁵Na re ko Yesu: «Buyile mondako dëŋ gayikwa aŋap yăpëk exe ŋataye dek er ex ŧenene in.» Aŋo fo wă ko Şaŋ Batis do buyi këŋo.

¹⁶Ga ko şëpëta Yesu, hik fol orën ol. Wat këŋo Angoc and Kaxanu aŋ ga ko fedaw gër ndexëm ang edëxwëte epeşax fo.

¹⁷Wëlik oniw gër orën: «Ajo ex Asëñiwwën ar pëlot gër yomb iram an. Ata wëno mbaŋ ke nënganënd endexëm eŋ.»

Maco 4

End Yesu do gë şabucara eŋ

¹Ata Angoc Amënëk aŋ wëla këŋo Yesu gër ladawe eŋo dix atëy gë şabucara in.

²And siwi ko Yesu, gëmëd gë goyat xali bakey ofëxw onax aŋ, xor këŋo enjo eŋ.

³Amëd aŋo, sëkaw këŋo Ayifa an, re ko: «Angëmëne Asëñiww ar Kaxanu ey, nëngwëtël oxaŋ oŋo ex gi ey'amb y'amb.»

⁴Yaka ko Yesu: «Ga yëgw këni gër akayëta and Kaxanu: “Ala an aliya ko liyand gë dek eyey'an ed Kaxanu el, ax gi ex na gë ey'amb y'amb in fo .”»

⁵Şabucara in wëla këŋo Yesu gër angol amënëk . Ga xwët këŋo y'aŋ gër ejur ed Aciww and Kaxanu,

⁶re ko: «Angëmëne Asëñiww ar Kaxanu ey, dăpayal. Ax gi ex na nde aŋëgw yëgw këni: “Afel këbi fel omeleka odexëm ok endey' eŋ do bën eni kaka gë otaxan odebën ok këdi këy lapa në ekaŋ”.»

⁷Yaka ko Yesu: «Bëte aŋëgw yëgw këni: “Ax gi ex na monëyali Kaxanu, Axwën arey'an? ”»

⁸Şabucara in wëla këŋo bëte Yesu y'aŋ në atënd acakax, wăşindëra këŋo dek owar or gër ngwën oŋ gë enjaran endebën eŋ.

⁹Re ko: «Ayël këmi yël owar oŋo dek angëmëne afoxi foxi këy gër lëngw iram ey'e cale.»

¹⁰Yaka ko Yesu: «Wëj Sindan, nacëtale fa, gayikwa aŋëgw yëgw këni: “Poxiyind wayët gër lëngw ir Kaxanu, Axwën arey'an, do caleyingo mëŋ fo .”»

¹¹Ata şabucara in sebët këŋo Yesu. Sëkaw këno omeleka eno dëba.

End Yesu gër ebar ed Galile eŋ

¹²And wël ko Yesu mëne anëka sëra këno Şaŋ Batis aŋ, nacëta ko gër ebar ed Galile.

¹³Ŝan ko Nasaret in do rêfa ko gër Kafarênawum, ler gër bêña ir anjer and Galile aŋ, gër ebar ed xwën bani bandêwëra band Sabuloŋ do gë Nefëtali.

¹⁴Mondako ĥata bax er re baxo alaŵënel Esayi in:

¹⁵«Bër gër ebar ed Sabuloŋ bën do bër gër ebar ed Nefëtali bën, Bër lëgëk gër fëña ir ler gër anjer bën, Bër lëgëk ekeg ed Yurëdeŋ bën, gër ebar ed Galile ir benëng becëxe,

¹⁶bulunda ir yëpak gër ecamëdan in, watëk angoben atëm, gër bër yëpak gër ebar ed ecamëdan bën, gër ed yãñëk ecës, ŝanayak angoben atëm.»

¹⁷Ata Yesu, amëd aŋo dëŋ yãna baxo ko femënd mondako: «Nëngwëtin ola orewën ol gayik owun or gër orën ol dam ex!»

End bësëfan bëyanar eŋ

¹⁸Akey amat, Yesu ko sëfand bêña ir anjer and Galile in. Wat këbi Simoŋ, ar nëngwët baŋo Piyer an, do gë Andëre abinëm, ga këni lapëra owën gër anjer, bësëpët bër oxan ebani.

¹⁹Yesu ga sëka këbi re ko: «Wën tefëgune tan mun di bëbar bër bela.»

²⁰Ataŋ seb këni na owën oŋ do kwël sëf këno.

²¹Ga yë këni imbad, wat kënebi bër aminëmëra bësëxe, bosëñiŵ bor Sebede, Ŝak do gë abinëm Ŝaŋ. Aŵëxëtëra bani wëxëtërand owën orebën oŋ gë sëm irebën polo në ikuluŋ. Yesu wëac këbi:

²²ataŋ seb këni kuluŋ in, gë sëm irebën ak, do kwël sëf këno.

End Yesu gër ebar ed Galile eŋ

²³Ebar ed Galile el dek baxo sëfërand Yesu, do babi sëyalirand Bësëwif bën gër baciŵ bacaleya bandebën. Atëfëtan and owun or Kaxanu aŋ baxo femërand do afakën babi fakënënd bela bën ošëxwëra or ex yo do gë oseyi or ex yo.

²⁴Ata mondako wëli bax oŵac orexëm ol dek ebar ed Siri el. Aŵëlanëgu bano wëlanëgund dek bër bax sorond bën, bër lëk babi ocëxwëra od ex yo bën, gë bër babi soronënd bëyël bën, gë bër gë šënan bën, do gë bëseyi bën. Dek babi fakënënd.

²⁵Ata moñëmb bani yëmbënd bela bër baŋo sëfarand Yesu bën, gër ed ko yë yo: hik gër ebar ed Galile, hik gër ed Bangolepëxw, hik gër ed Yude, hik gër angol and Yerusalem, hik gër ebar ed ekeg ed Yurëdeŋ el.

Maco 5

End osëyali or gër etënd eŋ

¹Akey amat, Yesu wat këbi bela bën bamëxwër bamëxwër, ga barërëgu këni kap gër etënd. Ga yëpa ko, xeta këno bësëfan bërexëm bën.

²Ata hebëta ko, këbi sëyalind mondako:

³«Nëngandërayindëlebi bër sitarak gër onden bën, gayikwa bën xwënëk owun or gër orën ol!

⁴Nëngandërayindëlebi bër kë sesërand gërëgako bën, gayikwa Kaxanu ayifara këbi yifara!

⁵Nëngandërayindëlebi bër nënga këbi onden bën, gayikwa bën kë bëteli ebar el!

⁶Nëngandërayindëlebi bër ýandi këbi ola or šenene ang eyamb-yamb fo bën, bër sel këbi ang men fo bën, gayikwa Kaxanu ayël yël këbi eni ýamb or šenene ol xali eni med! ayël këbi yël eni ceb xali ebi ped.

⁷Nëngandërayindëlebi bër gë axayënan bën, gayikwa Kaxanu axayënan këjo xayënan bën bête!

⁸Nëngandërayindëlebi bër gë oŵëkw oŵënëk bën gayikwa bën ex bër këjo wat Kaxanu bën!

⁹Nëngandërayindëlebi šaland aketëxeta bën gayikwa bën kë hi obaš or Kaxanu ol!

¹⁰Nëngandërayindëlebi bër kënëbi rixërand në end epëb ed fëb këni end šenene bën, gayikwa bën xwënëk owun or gër orën ol!

¹¹Nëngandërayindëleḡun ado enun cirërand, ado enun dixërand, ado enun nagašandërand end ex yo në end oŵac oram.

¹²Nëngandërayindëleḡun, mandërayindën onënga ol gayik amašën atëm kën sëkëx ýaḡ gër orën. Enimin mondako banëbi rixërand bëlaŵënel bër Kaxanu bër lëngwatëgu këḡun gër ngwën bën.»

End ongal do gë angoben eḡ

¹³«Wën ex ongal ond ebar oḡ. Bari angëmëne ongal oḡ axac xacëk, gë ine kë ýëw gašëxe? Alexëx fo ex fac eni bëñërax bëla bën?

¹⁴Wën ex angoben and ngwën aḡ. Angol and ýaḡ në etënd aḡ ax gind na monem.

¹⁵Ani pëtënënd na lambo in do eni ḡob gë enëp, barikan ýaḡ këni xaŵënd ebi ḡobaxënënd dek bër gër iciŵ bën.

¹⁶Awa ola orewën ol ḡobayindëlebi bëla bën, eni wataxënënd benjekax bend kën rind beḡ do eno cëkwaxën Sorix irewën Kaxanu, mëḡ ar ex ýaḡ gër orën an.»

End acariya do gë bëlaŵënel eḡ

¹⁷«Këren yëland na mëne anëka ýow këme me ýepën Acariya aḡ do gë er reyfa këni bëlaŵënel in. Ame ýow ex na me ýepën, barikan me ḡata.

¹⁸Dal in këmun felënd, enimin, xali ex dëxëta orën ol do gë ebar el, inger gimatak ax dëxëta na gër acariya, xali ex ḡata dek.

¹⁹Awa ar kë lif apela and xurik ex ba gër acariya do ebi tÿ'alind bela bën eno tÿfÿteli an, ajo kë xuri ex ba gër owun or y'aŋ gër orÿn. Barikan, ar kë rind er rek acariya in do ebi tÿ'alind bela bën eno tÿfÿteli an, ajo ar gapak ko hi gër owun or y'aŋ gër orÿn.

²⁰Mÿn këmun felaxÿnÿnd, angÿmÿne or ſenene orewÿn ol ax nÿmÿca ex na or bÿſalen do gÿ or Ofariſeŋ ol, din an dÿl na gër owun or gÿr orÿn.»

End oxoÿ eŋ

²¹«Ax gi ex na nde awÿl wÿl kÿn er fel banÿbi bÿxarÿk bÿrewÿn in: “Ax gi ex na monaŵ ala. Ar kÿŋo laŵ yo ala, ar kiti exo.”

²²Barikan, wÿno ga re kÿme, ar kÿŋo xoÿÿn yo abaÿe arexÿm, ar kiti exo. Bÿte ar kÿŋo re yo abinÿm: “Wÿj aſoÿik ey!” Bÿxarÿk bÿr Bÿſÿwif bÿn y'aŋpÿk eŋo kiti. Bÿte ar kÿŋo re abinÿm: “Wÿj afÿnirÿx ey!” ar gÿr xoſux exo.

²³Awa angÿmÿne ſadaxa y'e kÿy ey di gÿr angÿb do fÿn ey kwitaw mÿne abaÿe arey yÿÿ xoÿÿn ki na,

²⁴tebÿl ſadaxa ijo na gÿr angÿb ey mara en ketÿnÿgu pere. Do and kÿn xetÿnÿgu aŋ, bakaw ey ŋata ſadaxa irey in.

²⁵Angÿmÿne eŋun kucar gÿ ala do en y'end ond gÿr kiti oŋ, wÿlÿr in ngÿŋ gÿr fÿſa kÿdi kÿn h'at exi dÿxwÿx gÿr axiti do axiti an exo cena eŋo pel anÿkona an exi mÿla gÿr pÿra.

²⁶Dal in kÿmi felÿnd damana ey canaxÿn gÿr epÿra elo, kodÿ irey in dek kÿy nÿcÿt.»

End orekar eŋ

²⁷«Ax gi ex na nde awÿl wÿl kÿn er rek acariya in: “Ax gi ex na mondi orekar ol.”

²⁸Barikan wÿno ga re kÿme, ar kÿŋo nÿkon yo asoxari do eŋo y'andi eni d'akido, anÿka ri kÿni orekar ol gÿr emÿkw edexÿm.

²⁹Angÿmÿne angÿs and liŵ aŋ ki lÿnanÿnd eſſÿſÿnax eŋ, nongoloy'ÿtÿl ey d'ap caw! Gayikwa pecanÿlexi ey bayi gÿ angÿs amat, gÿ exi dÿxw Kaxanu dek eman eŋ gÿr xoſux or ax d'omind na gÿ edomi.

³⁰Angÿmÿne ataxan andey and liŵ aŋ ki lÿnanÿnd eſſÿſÿnax eŋ, kacal ey d'ap caw! Pecanÿlexi ey bayi gÿ ataxan amat gÿ exi dÿxw Kaxanu dek eman eŋ gÿr xoſux or ax d'omind na gÿ edomi.

End ecapÿr ed eſſÿr eŋ

³¹«Acariya aŋ rek: “Ar kÿŋo feland asoxari arexÿm an, pÿxwÿnÿleŋo kayÿta ir ex sede ir acapÿra .”

³²Barikan, wÿno ga re kÿme, ar kÿŋo fela yo asoxari arexÿm xarak ax gi ex na nÿ end orekar, nÿ ecÿſÿta eŋo gÿr orekar. Do ar kÿŋo yÿr yo asoxari ar fela kÿŋo icÿn indexÿm, nÿ edi exÿni orekar ol gÿ asoxari ajo.»

End eyaşar eņ

- 33 «Awël wël kën bête mēne afel fel banēbi bēxarēk bērewēn: “Ax gi ex na monjaşar, barikan and këy yaşar gēr oŵac or Axwēn, dil ari er re këy in.”
- 34 Barikan wēno, ga re kēme, ax gi ex na dēņ monjaşar. Ax gi ex na monjaşar an: hik orēn ol gayik añēpara and owun or Kaxanu aņ ex.
- 35 Ax gi ex na monjaşaran ebar el gayik ambēñaxēn andexēm ex. Ax gi ex na monjaşaran bête Yerusalem in gayik angol and emun etēm aņ ex.
- 36 Ado gaf irey in dēņ ax gi ex na monjaşaran gayik emban gematak ay kor na ey peşēn, bête ay kor na ey banēngēnin end feşēk eņ.
- 37 Gēr ed ebax ey yaşar, ga ŵa ŵa këy del “Awa”, bari ga hēp hēp këy del “Ali”. Gē yeŷ baş këy na, awa er şabucara ex.»

End emaşar eņ

- 38 «Ax gi ex na nde awël wël kën er rek acariya in: “Ar këņo fētīnēn yo ala angēs, pētīnēnēleno mēņ bête andexēm aņ! Bête ar këņo foyētēn yo ala añēnga, poyētēnēleno mēņ bête andexēm aņ!”
- 39 Barikan wēno ga re kēme mēne axo gi ex na monjaka axeŷax ar ki rixērand an. Angēmēne ala exi cēn gēr añam and liŵ, bexēnēlo and şame aņ.
- 40 Bête angēmēne ala exi kwēñexēnēnd gayik aŷandi ŷandi këņo exi kan acud atēm aņ, tebēnēlo gē anēngwēn ak.
- 41 Angēmēne ala nēŷali ki na eyo dēbin edēb etībax nē apakan amat dēbinēlo nē bapakan baki.
- 42 Ar ki xarand an, yēlēlo do ar ŷandi këņo eyo ñomēx an, këreyēņo dēc na.»

End eņan ed bērangoyēra eņ

- 43 «Ax gi ex na nde awël wël kën er rek acariya in: “Balindēlexi end aşandax eņ, do cusēlo arangoŷera andey an.”
- 44 Barikan, wēno ga re kēme: űanindēnēbi bēr xoŷēr këņun bēn, calenindēnēbi bēr këņun rixērand bēn.
- 45 Mondako kēni nangēraxēn bela bēn mēne wēn obaş or Faba Kaxanu hi kēn, mēņ ar ex ŷaņ gēr orēn an. Enimin mēņ key yo key këbi hōband gē eñan endexēm eņ bela bēn, hi kēni bēxeŷax, hi kēni bēr şenene. Bête abi dēcēnd na tēb iņ, hi kēni bēr şenene hi kēni bēsēmbak.
- 46 Angēmēne eņun balēnd end bēr këbi balēnd endewēn bēn fo, amaşēn and fe wa kēn şotēx gēr Kaxanu? Ax gi ex na nde bēsēf bēr şagale bēn dēņ mondako wata kēni?
- 47 Do angēmēne gē bēmaŷe bēndewēn bēņ fo kēn şēmarēnd, ecarax end fe wa kēn rind? Ax gi ex na nde bēsēmbak bēn dēņ mondako wata kēni?

⁴⁸Ang hi ko ŝenene Kaxanu, Sorix irewën ak, mën̄ ar ex yʼaŋ gër orën an, wën bëte giyin ŝenene mondako fo.»

Maco 6

End edëcara ed bëxaÿënaxik eŋ

¹«Angëmëne benjekax kën rind, këren caland na enun wat bela bën. Angëmëne mama dën̄ kën rind enun wataxën, amaŝën an cotëx na gër Sorix irewën Kaxanu, mën̄ ar ex yʼaŋ gër orën an.

²And këy'ëbi rëcarand bëxaÿënaxik aŋ, kërey' dey'arand na poyoma eni cëkwaxën bela. Ax gi ex na nde mondako këni rind bëÿëŋënax bër kë labayand bën gër baciw̄ bacaleya do gër opëña ond gër angol enëbi cëkwaxënënd bela bën? Dal in këmun felënd, mondako kë ŝanënd amaŝën andebën aŋ.

³Barikan, wëj and këy'ëbi rëcarand bëxaÿënaxik aŋ, ataxan and ŝame aŋ kërex nangënd na er kë rind and liw̄ in.

⁴Dëcarayindëbi bëxaÿënaxik bën xarak bela bën ani watënd na, do Faba Kaxanu mën̄ ar kë watënd er këy' ŝonënd an, aŵaŝën ki w̄aŝën.»

End cale eŋ

⁵«And kën ŝalend aŋ, kërenëbi tëfëtëlin̄ na bëÿëŋënax bër kë labayand bën. Moŋan űan cale ind mokwëŝa lëf gër baciw̄ bacaleya iŋ, do gë ind gër ocanditëra od opëña od gër angol iŋ enëbi wataxënënd bela bën. Wëno dal in këmun felënd, mondako kë ŝanënd amaŝën andebën aŋ.

⁶Barikan, wëj and ki ŷandi ey' cale aŋ, përal ebët ed aciw̄ anakaya andey' el, ey' calexën. Faba Kaxanu, mën̄ ar ki watënd an, ayakali ki yakali er këy'o xarand gër ed beŋ in.

⁷Bëte and kën ŝalend aŋ, këreŋun kurelin̄ na eyey'an el, bësëmbak bën kë yëland mëne monjey'an mbaŋ fo ko yakalind Kaxanu.

⁸Kërenëbi tëfëtëlin̄ na! Gayikwa Faba Kaxanu dek ko nangënd er ŷandi këŋun in d̄amana eno karaxën.

⁹Baxët̄in ang ŷapëk eno calend ak: "Faba irebi, wëj ar ex gër orën an, Mënëlex oŵac oreŷ ol,

¹⁰Yowëlex owun oreŷ ol. Dil gër ebar er ŷandi ki in ang këy' rind gër orën ak.

¹¹Yëlindëbo key yo key er këmi y'amb in,

¹²Tëbanëlëbo bebër këmëni wënanënd bela bën ang këmëni sebanënd ak biyi bëte bër këbo wënanënd bën.

¹³Kërey'ëbo teb na ebo naŋëtarand do mi mendërand. Dacëtëlëbo gër Aÿëŋënax!"

¹⁴Angëmëne wën aseban kënëbi sebanënd bela bën bamena band kënun wënanënd baṅ, Faba Kaxanu, mëṅ ar ex yʼaṅ gër orën an, aseban këṅun seban wën bëte.

¹⁵Bari angëmëne anëbi tebanënd na, aṅun teban na de wën bëte bamena bandewën baṅ.»

End etiwi eṅ

¹⁶«And kën siwînd aṅ këren kaṅëninand na ang bëṅëṅëṅax bër kë labayand ak. Bën ata dëxas in dëṅ këni ṽëṅëṅinënd eni nangëraxën bela bën mëne asiwi siwi këni. Dal in këmun felënd mondako kë şanënd amaşën andebën aṅ.

¹⁷Barikan wëṅ and këy siwînd aṅ, dëxasal aye do eyʼceyʼaya angiri in gë gaf ak.

¹⁸Bela bën këreni nang na mëne asiwi siwi këy. Barikan, Faba mëṅ ar ki watënd gër ed beṅ an, aṽaşën ki ṽaşën.»

End napul eṅ

¹⁹«Këren kwëjënälind na napul ir şot kën gër ebar ro in gayik axor ex ex yʼaner, axor ex eni ñama oyame ol, bëte axor ex eni meṽ bërëk gër ed wëxëta kën.

²⁰Barikan, taṽindën napul in gër orën gayik fën ax yʼaner na, oyame ani ñama na, bërëk ani nëxen na ofëra eni dekaxën lëf gër ed xwët kën.

²¹Awa gër ed xwët këy napul ireyʼ in, fën ex anjëlan andeyʼ aṅ.

²²«Bangës baṅ ang lambo fo ex gër eman. Do angëmëne bandeyʼ baṅ bamëngw ex dek eman endeyʼ eṅ xërikërak.

²³Barikan angëmëne baciwëk ex, dek eman endeyʼ eṅ şamëdanëk. Awa, angëmëne er këy yëland angoben ex in ax gi ex na angoben, wëṅ anëka xul ki ecamëdan el!»

End odendëran eṅ

²⁴«Ala ax kor na exo gi xadëp ir bëxwën bëxi ba ebi diyeninënd bela bëxi. Enimin afo eṅo cus aṽanar an do eṅo ṅan axinëm an, eṅo pëb aṽanar an do eṅo yaf axinëm an. Mëṅ ex, wën an kor na eṅun balënd gwër fo end Kaxanu eṅ do gë end kodî eṅ.

²⁵Mëṅ këmun felaxënënd këren dendërand na gër anıyan andewën end er kën yʼamb eṅ, end kën er şëb eṅ, ba end banjëm band kën şudfa eṅ. Anıyan andewën aṅ xëbënëk nëmëc eyʼamb-yʼamb in, bëte eman eṅ xëbënëk nëmëc banjëm baṅ.

²⁶Ax gi ex na nde aye kënëbi watënd oşël ol: ani nedërand na, ani kanarand na, bëte ṽoweṽ ani cacënd na. Barikan Faba Kaxanu, mëṅ ar ex yʼaṅ gër orën an, këbi lëband. Ako nde yëla kën mëne endebën eṅ këṅo balënd nëmëc gë endewën eṅ?

²⁷Wën ang hi kën ako, noṽo wa kë xor exo başa bakey gër anıyan andexëm gë odendëran ok?»

²⁸«Do ine cëj wata kën edendëran ed në end banjëm el? Ax gi ex na nde aye kën watënd opëtëfët od ondës ond gër apuÿ ok: ax diyenind na, bëte ax banënd na banjëm.

²⁹Barikan, ado Salomonj dëj gë dek enjaran endexëm eñ, mëj ar hi bax gë napul isëm an, ondës oño këjo xucand oye ol.

³⁰Gayikako Kaxanu kë ÿañënënd mondako ondës ond gër olen oñ, ond ex ro doro do ecan gër xodux oñ, añun din na nde nëmëc enjekax wën? Ata wën bër gë ekwëta etil hi kën de.

³¹Këren dendërand na end er kën yamb eñ, end er kën šeb eñ, ba end banjëm band kën šuda eñ.

³²Bejo dek bër año kwëta ex na Kaxanu fo bën kë šaland wayët bejo. Barikan Faba, mëj ar ex yañ gër orën an, anang nang ko mène aÿap ÿapëk en cotëra bebijo dek.

³³Calayindën pere owun ol do gë ola or šenene orexëm ol gër aniyan andewën. Ata fo këñun sënd dek bebër këñun ÿandi en cot bën.

³⁴Akey and ecan añ gë andexëm kë rendëra, wën këren dendërand na. Akey and ex yo, er kën šot in, pedindëleñun.»

Maco 7

End enëp ed bela eñ

¹«Ax gi ex na mokiti bela bën këdi këñun xiti Kaxanu wën bëte.

²Enimin, ang kënebi xitind bela ak këñun xiti wën bëte. Gë acariya and kënebi sëy'inënd bela añ fo këñun wäšën wën bëte.

³Ineŵa këy nëkonaxënënd atëxësëx and lëña këjo abinëx añ do këy nemënd mène wëj yer xëcar in lëña ki?

⁴Ba mondake wa këy xor eyo pel abinëx: “Nëmël mi dëxëtën atëxësëx and gër angës añ”, xarak wëj yer xëcar in lëña ki?

⁵Wëj aÿëñenax ar kë labayand hi këy. Dëxëtël wa pere xëcar ir gër angës andey in ey wataxën aye atëxësëx and lëña këjo abinëx añ.

⁶Këdi kënun šenaxën enun ñatëra, kërenëbi yëlënd na eŵënëk in oñañët ok. Bëte këdi këni wëñëra oÿeri ok, kërenëbi ðapënënd na bambëxwëbëxw bañ.»

End ekara ed Kaxanu eñ

⁷«Karayindëno Kaxanu eñun yëlëraxën, calayindën en cotaxën, tëmbindën enun përetëanaxën ebët el.

⁸Enimin ar kë xarand an, ayël këno yëlënd. Ar kë šaland an, ašot këno šotënd. Do ar kë sëmënd epëra an afërëtën këno fërëtënënd.

⁹Ala nde exëna ang hi kën ro ako, ar këño yël itox indexëm ekaÿ and këño xara ey'amb-y'amb aŋ?

¹⁰Bëte ala nde exëna ar këño yël andën and këño xara ekan aŋ?

¹¹Ax gi ex na nde ang xwëj kën yo anang nang kën eyël ed obaš orewën bebër yek el? Awa Sorix irewën, mëj ar gër orën an, abal këño balënd nëmëc endewën eŋ do ayël këbi yël bebër yek bën bër këño xarand bën!»

¹²«Ang këñun ÿandind enun dinënd bela ak, wën bëte dinindënëbi mondako fo. Mondako rek acariya aŋ, gë okayëta od bëlaŵënel ok.

¹³Dilin gër ebët ed mërey', gayikwa ebët ed fëña ir kë wëland gër enemy el aÿang ÿangëk, do bëranjëm kë lilënd.

¹⁴Mërey' hik ðe ebët el do gë fëña ir kë hatelind gër aniyan in, ani nñemb ex na bër kë watënd bën.»

End bëlaŵënel bënëgwëš eŋ

¹⁵«Titinayin, bëlaŵënel bënëgwëš kë ÿow na. Er këni hi fac-fac in ang opeÿ onambik fo xarak lëf-lëf in ang ojëlemu okeyax fo hi këni.

¹⁶Gë odëwëreŵen odebën ok, mëne ngëj gë bebër këni rind bën kënebi ÿana enëbi pëlëtënd. Ax gi ex na nde ala ax kwëcand na resej në andëmbën? Bëte ala ax kwëcand na ondan në apeb?

¹⁷Atëx anjekax aŋ, odëwëreŵen ojekax fo kë rëwënd. Atëx aňëjënax aŋ, odëwëreŵen oňëjënax fo kë rëwënd.

¹⁸Atëx anjekax aŋ, ax gind na gë odëwëreŵen oňëjënax, atëx aňëjënax aŋ ax dëwënd na odëwëreŵen ojekax.

¹⁹Ax gi ex na nde atëx and ax dëwënd na odëwëreŵen ojekax aŋ, asaŵ këni saŵënd do eni ðap gër xoðux?

²⁰Awa bëlaŵënel bënëgwëš bën, gë bebër këni rind bën kënebi ÿana enëbi pëlëtënd.»

²¹«Ax gi ex na ðek bër ke wacërand: “Axwën, Axwën” bën kë lil gër owun or gër orën, barikan afo ar kë rind oňandi od Faba ir ÿaŋ gër orën an.

²²Yatir këme bakaw gër ngwën ro mëni kiti bela bën, bëranjëm kë ÿana exe denitaxënënd. Ata bërëmar eni dend: “Axwën, Axwën ax gi ex na nde paß gë oŵac oreÿ ol bami yeyanënd ang bëlaŵënel, bëte paß gë oŵac oreÿ ol bamëni wäyënd bëyël bën gër bela?” Bëjo bëte: “Axwën, ax gi ex na nde biyi gë oŵac oreÿ ol bami rind becarax bendanjëm?”

²³Barikan er këme ÿana mëni yakand: “Wëno amun nang ex na ðe! Pacanaxëne wën bëwendëran bëjo!”»

End amatinali and baciŵ baki eŋ

²⁴«Awa ar kë baxëtënd eyey'an edam do exo dind ang re këme ak, ang asoşan arenik ar bay'ëk aciw̃ andexëm në aparëfac fo hi ko.

²⁵Ga yowëk tēb iŋ, ofesa oŋ yēmëk, ekoc el šëñëk aciw̃ aŋo: bari ax wēc ex na gayikwa edëda edexëm el gër aparëfac hi bax.

²⁶Barikan ar kë baxëtënd yo eyey'an edam do axo dind na er re këme in, er këni wëndër gë afënirëx ar bay'ëk aciw̃ andexëm në edini fo.

²⁷Ata and yowëk tēb aŋ, oŷëm ol šëñëk aciw̃ aŋo. Ataŋ węcëk do yëcarëk dëk.»

²⁸And ħata ko Yesu aŋ, bela bën dëk šaran këbi ang babi sëyalind ak.

²⁹Enimin gë or gapak babi sëyalind, ax gi ex na ang bëşalen bërebën ak.

Maco 8

End ar gë ameỹ eŋ

¹Yesu ga ħata ko ang babi sëyalind kap gër etënd ak, šëla ko. Ata amëxwër and bela aŋ këno sëfand bura-bura.

²Na xacëraw këŋo ar gë ameỹ, foxi ko gër lëngw irexëm do ko rend: «Axwën, ga yāndi yāndi ki, axor këy' xor ey'e mënën me pak.»

³Yesu ga ħëmba këŋo, re ko: «Awa aŷandi wa yāndi ke, mënël!» Ataŋ ala ajo wën ko ga šanëk ameỹ aŋ.

⁴Ata Yesu fel këŋo: «Awa ala kërey'ëŋo pel na dë! Barikan, yel exi nëkon aşadaxan an ey' dixën şadaxa ir eŷunëtan in, ang yëgw ko Moyis ak eni nangëraxën bela bën osede oreŷ ol.»

End emun end ocoroda eŋ

⁵Ga xucak eŋo, Yesu ko wāyind gër Kafarënewum. Ga ko ħat, emun end ocoroda xacëra këŋo do këŋo xarand:

⁶«Axwën, ariyenin aram an šëxwërak gër iciw̃, ata mbaŋ exo.»

⁷Yaka ko Yesu: «Wëno ay'eli këme yeli mo pakën.»

⁸Ata re ko emun end ocoroda eŋ: «Axwën, adokiŋ wëj nde ey' ŋat gër yangana iram? Axe ñap ex na! Barikan, yey'anël tuŋ emat ata ko fak ariyenin aram an.

⁹Gayikwa wëno dëŋ ariyenin ar bëlëngw bëram hi këme do ari këme rind ang këne felënd ak. Wëno bëte gë ocoroda od këmëni lëngwën hi këme. And këmo lawën ibat aŋ, ay'e ko y'end, and këmo wāc işëxe aŋ, exe təkaw. Bëte and këmo fel ariyenin aram exe din yëỹ aŋ, ari ko rind.»

¹⁰Yesu, ga baxët këŋo emun eŋo, nëngan këŋo endexëm eŋ. Ata fel këbi bër baŋo sëfërand bën: «Dal in këmun felënd, ado gër wën Bëyisërayel ro dëŋ, elod amo wat ex na ar gë ekwëta edako rako an.

11 Ga re këme, akey amat, bebët yo bebët këni xaniraw bela bëranjëm enëbi ketëna Abëraxam, gë Isak do gë Yakob gër ñambëran ind gër owun or gër orën.

12 Barikan obaș or gër owun ol, aŵaŷ kënebi ŵaŷ gër ecamëdan ed fac. Mondako këni ŷana eni denitand do eni ñatënd ebasa el.»

13 Ata ga ħata ko eņo, fel këņo emun end ocorođa eņ: «Maŷil! Ga xwëta këy'e ako, afak ko fak ariyenin arey' an!» Ata ga yey'an ko mondako fakëx ko ariyenin an.

14 Ga xucak eņo, Yesu y'e ko gër iciŵ ind Simoņ Piyer. Sëk këņo ayaraŵën isoxari ir Simoņ Piyer ga šëxw këņo.

15 Yesu ga ħëmba këņo na, ayaraŵën ar Simoņ Piyer xoc këņo ataņ acëxwël aņ. Ata xani ko xwiriș ebi dëba.

16 Genëka, ŵëlanëgu këno bër gë bëyël bëranjëm. Ga xeŷan këbi na, bëyël bën šan këni gër bela do fakën këbi bëte đek bësëxwëra bër ŵëlaraw banëbi bën.

17 Mondako ħata bax er re baxo alaŵënel Esayi in end Yesu eņ: «Mëņ lëbinak toro indebi iņ, Mëņ nëmbak ocëxwëra odebi ok.»

End etëf ed Yesu eņ

18 And wata ko Yesu mëne në eñëmbërëgu exëni bela bër xeta baņo bën, fel këbi bësëfan bërëxëm bën eni kegëta anjer aņ!

19 Ata ga këni y'e ond gër anjer oņ, așalen abat xacëra këbi do ko rend: «Asëy'ali, asëy'ali, wëno gër ed këy y'e yo, asëf këmi sëf.»

20 Yaka këņo Yesu: «Ax gi ex na nde anang nang këy' mëne ojakëra ok gë oŵaŷi exëni, do oșël or gër orën ol, gë oyël exëni? Bari wëno Asëñiŵ ar ala an, ado gë aņombe ak dëņ axe gi ex na.»

21 Ata gër amëxwër and bësëfan rëŵ ko bëte ala: «Axwën, wëno cëņ faba nemik! Tebanële tan me y'e mo mëxwëtar pere.»

22 Ata Yesu yaka këņo: «Tebëlëbi bësësëk bën eni mëxwëtar do wëj tëtëguye wëno!»

End ekoc ed gër anjer eņ

23 Yesu gë bësëfan bën fëra këni gër ikuluņ do këni xegëtand.

24 And hi këni mërëxand gër anjer aņ, ħatëguk tëb ind gë ekoc etëm. Ata men oņ kë xanind bomeņ bomeņ xali kë rëmbayand ikuluņ iņ. Yesu mëņ, këņo rașënd y'em.

25 Ata bësëfan bën ga bu këbi, sëka këno do këno nëngëtënd: «Axwën, Axwën ecëselebo đe! Pexënëlëbo!»

26 Ga nëngëta ko, ŵëka këbi: «Ineŵa yëdaraxën kën go? Ineŵa ex ekwëta etil ed šot kën elo?» Ga xani ko na, xeŷan ko anjer aņ gë ekoc el. Ata yeriri!

²⁷Ga šaran këbi bësëfan bën këni wëkarënd: «E ala ajo? Ado anjer aŋ gë ekoc el dëŋ abaxëtën këno baxëtënënd!»

End bër gë bëyël eŋ

²⁸Yesu gë bësëfan bën ga xegëta këni, ĥat këni gër ebar ed Bëgadara. Ata xacëra kënebi bësöšan bëxi bër gë bëyël. Gër oñeg šanëgu bani do yigën bani xali. Ado ala abax yëxw na exo kuca fëña ir oñeg in.

²⁹Ga ĥat këni gër ed hi baxo këni xeÿënd: «Xey wëj Asëñiŵ ar Kaxanu, ineŵa yowaxënëgu këy ro? Ba eyëbo narën nde yow këy xarak ax ŋat ex na amëd aŋ?»

³⁰Nacët ako, bambëxwëbëxw banëbi xadacërand na.

³¹Ata bëyël bën këno xarand Yesu: «Këla ga ŵa ŵa këy, cëñëtalëbo mëni dıl bambëxwëbëxw baŋo fën!»

³²Ata re ko Yesu: «Yeyin!» Ga šan këni gër bësöšan bëxi bëjo, bëyël bën lil kënebi bambëxwëbëxw baŋ. Bambëxwëbëxw baŋ hër këni gand engeŵ ler gër bëŋa ir anjer, latira këni polo gër men do noÿeli këbi dek kece in.

³³Bëxadac bën šapër këni bër, hërerä këni xali gër angol rey'arax këni dek end bër gë bëyël eŋ.

³⁴Ata dek angol aŋ xacëra këno Yesu. Sam ga wat këno, xara këno exo ŋawëta ebar edebën el.

Maco 9

End aseÿik eŋ

¹Ata Yesu baka ko polo gër ikuluŋ, xegëta këni gë bësëfan bën anjer aŋ do kwël ŵaÿi këni gër angol andebën.

²Na gër ed ĥat bani, lëbiw këno aseÿik në angaw. Gogo nde ga nang ko Yesu mëne bëjo axwëta xwëta këno. Fel këŋo aseÿik an: «Asëñiŵën kapinal, wëno anëka seban këmi bamena bandey' baŋ.»

³Ata bëšalen bër ebax na bën këni rend: «Në ecir eŋo Kaxanu.»

⁴Ga nang ko Yesu ang bani yëland ak, wëka këbi: «Wën ineŵa ojëlan oñëŋëxax oko gër oŵëkw orewën?»

⁵Ineŵa saxëk me de: “Anëka seban këmi bamena bandey' baŋ nde”, ba: “Kanil, ey dëkw ebën edey' el ey y'exëra nde?”

⁶Barikan en nangaxën mëne wëno Asëñiŵ ar ala an, ašot šot këme or gapak or mëni tebanënd bela bën gër ebar ro bamena baŋ, në epelemo aseÿik an: “Kanil, ey meŋ angaw andey' aŋ do ey maÿi!”»

⁷Ata na dëŋ aseÿik an xani ko xwiriš do kwël ŵaÿi ko.

⁸Ga wat këni ecarax eņo, amëxwër aņ yëdara këni, ata këno šëkwand Kaxanu mëņ ar yël këbi bela panga itëm ind mondako an.

End Maco eņ

⁹And xani ko Yesu okucan aņ, wat këņo asošan ar këno wãcënd Maco ga yëpa ko lëf gër aciw̃ and bësëf bër šagale. Fel këņo: «Wëj tëfëguye!» Ata xwiriš Maco do kwël sëf këņo.

¹⁰Ga yëpara këni gër iciw̃ ind Maco, yowëraw këni bësëf bër šagale do gë bëwendëran bëranjëm eni yambëra gë Yesu do gë bësëfan bërexëm bën.

¹¹Ga wat këni eņo, ofariseņ ok kënebi hëbandërand bësëfan bën: «Ineŵa këni yambëraxënënd asëy'ali arewën an gë bësëf bër šagale bën do gë bëwendëran bën?»

¹²Ga wël këbi Yesu, yaka ko: «Bëšëxwëra bën kë yend gër axora, ax gi ex na bëbëngw bën.

¹³Ata yeyin en tëy'ax er wãcayak eyey'an elo in: "Er wëka këmun wën bulunda iram in, en gi gë axayënan do eņun balërënd, ax gi ex na en dind ocađaxa." Wëno bëwendëran yow këme mëni pel eni nëngwët ola orebën ol, ax gi ex na bër šenene .»

End etiwi eņ

¹⁴Ata řatëgu këni bësëfan bër Šaņ Batis bën, wëka këno Yesu: «Ineŵa bayik ani tiw̃ind na bësëfan bërey' bën ang këmi siw̃ind laņ biyi gë ofariseņak?»

¹⁵Yesu yaka këbi: «Odawo od šambenjar ir kë yërënd ok axor nde këni xor eni caminarand xarak gër ekana bayi këni? Ayow kë yow bakey band këni šapër baņ, amëd aņo këni siwi.

¹⁶«Ala ax kađënd na anjëm akarëk gë angašax gayikwa angašax aņ ata kë reg akarëk aņ do ex ņesi kaš-kaš.

¹⁷Bëte andamat fo ex, ala ax cëlënd na ngoy' ingaf në bamote bakarëk. Angëmëne ala exo di mondako, bamote baņ kë fëtira ex nexënara do ngoy' iņ ex dexira. Në bamote bangašax yapëk mocël ngoy' ingaf iņ ex gixën momëxwëta.»

¹⁸Ga këbi felëra mondako, řatëgu ko alëngw ar aciw̃ acaleya. Foxi ko gër lëngw irexëm ko rend: «Asëy'ali endënaŵ endam eņ ecede-ecede xoti ko, yeye eyo ņëmba ata ko liya gašëxe.»

¹⁹Ata Yesu gë bësëfan bërexëm bën sëfër këni gë ala ajo.

²⁰Ata fed këni gër fëña gë asoxari ar baņo yexayaxënënd ošat elod bëniy epëxw gë bëki. Ga nëfënëfa ko gër enga, sëkën këņo Yesu do xwixwëta ko ambana and acud andexëm aņ gand epoy'.

²¹Rixën baxo mondako asoxari ajo, axwëta xwëta baxo: «Exe kaÿënd yo me kwixwëta banjëm band Yesu baŋ afak këme fak.»

²²Sam ga xwixwëta ko tuŋ, Yesu šena ko. Ga wat këŋo asoxari an, re ko: «Abiŵën kapinal! Ga xwëta kë'e pakël!» Ataŋ kwël na fo fak ko.

²³Ata ĥat ko Yesu gër iciŵ ind alëngw ar aciŵ acaleya. Sëk këbi bëfarix bër bacëroti do gë amëxwër and bela ga këni bara ofarix ol gë otes ok.

²⁴Ata re ko Yesu: «Pacanayin, endënaŵ eŋ araš fo këŋo rašënd, axo cës ex na.» Barikan, ga wël këno këni y'epënënd er re ko in.

²⁵And nęcëtëra këbi amëxwër aŋ, Yesu lil ko gër ed ren bano. Ga lëk këŋo gër ataxan, endënaŵ eŋ xani ko kwengweremët.

²⁶Ata wëlik endey' eŋo đek ebar ed Galile el.

End bëšiwëk bëxi eŋ

²⁷And fakët ko Yesu oñe aŋ, bëšiwëk bëxi këno sëfand do këni xeÿënd: «Asëniŵ ar Dafid, Asëniŵ ar Dafid, kaÿënanëlexi wa biyi!»

²⁸Ga ĥat ko gër iciŵ, sëka këno. Ata ŵëka këbi: «Axwëta nde xwëta këne mène axor këme xor mun pakën?» Yaka këni: «Axwën, axwëta xwëta këmi.»

²⁹Ga këbi ĥëmba gër bangës ko rend: «Awa ga xwëta këne ako, pakiyin!»

³⁰Ga šiŵëta këni, Yesu xëŋa këbi eni cësinali eŋo.

³¹Barikan bën ga šan këni na, gër ed këni y'e yo bani rey'arand end Yesu eŋ.

End amuma eŋ

³²And y'e këni bëšiwëk aŋ, ŵëlaw këno bëte amuma and lil baŋo ayël.

³³Yesu, ga nęcët këŋo ayël ajo, amuma ko yey'andërand aye. Ata amëxwër aŋ ga šaran këbi, këni rend: «Awa elod ane wat exe na end ako rako eŋ ro gër ebar ed Isërayel!»

³⁴Barikan, ofariseŋ ok këni rend: «Gë panga ind emun end bëyël in këbi nęcëtënd bëyël bën gër bela!»

³⁵Ga xucak eŋo, Yesu ko sëfërand bangol baŋ: batëm baŋ, do gë batil baŋ, do ko femërand Atëfëtan and owun or Kaxanu aŋ gër baciŵ bacaleya. Bëte afakën babi fakënënd bela bën ošëxwëra or ex yo.

³⁶Ga wat këbi bela bën bamëxwër, bamëxwër, xaÿënan këŋo gayik er hi bani ang opeÿ od gë axadac këm fo.

³⁷Ata fel këbi bësëfan bërexëm bën: «Ekanara ed ey'amb el đek yëmbëk, bari bëxana bën ani ñëmb ex na.

³⁸Awa caleyno axwën ey'amb ebi bašaw.»

Maco 10

End oparëxanda epëxw gë oki enj

- ¹Akey amat, Yesu w̄ac këbi bësëfan epëxw gë bëxi bërexëm bën do yël këbi panga ind enëbi nęcëtaxënënd bangoc bañëjënax bañ gër bela do bëte enëbi pakëntaxënënd ošëxwëra or ex yo do oseÿi or ex yo.
- ²Mondako ebax omac od oparëxanda epëxw gë oki ok: Simoñ ar nëngwët baño Piyer an, do gë Andëre abinëm; Šak gë Šaň bosëñiŵ bor Sebede.
- ³Filip gë Barëtelemi, gë Toma, gë Maco, asëf ar šagale an. Šak, asëñiŵ ar Alëfe an, do gë Tade.
- ⁴Simoñ aŵëran an do gë Yuda Isëkariyot, ar lëxw baño Yesu an.

End andiyen and oparëxanda enj

- ⁵Bën ebax epëxw gë bëxi bër laŵën babi Yesu bën. Damana eni y'exën, bapela baño yël babi: «Këren y'end na gër bër ax gi ex na Bëšëwif bën, bëte këren dëlënd na gër bangol band Bësamari bañ.
- ⁶Yeyindën gër Bëyisërayel bër nambërak ang oyel fo bën.
- ⁷Pemërayindën tar fëña in mëne owun or gër orën ol đam ex.
- ⁸Pakëninindënëbi bësëxwëra bën, kaninindënëbi bësësëk bën gër ecës, mënëninindënëbi bër gë amey bën. Nęcëtinindënëbi bëyël bën gër bela. Ang xaÿënan këño Kaxanu wën ak, wën bëte kaÿënanindëleñun mondako fo bela bën.
- ⁹Yoweÿ këren penand na: ax gi ex na kañe, ax gi ex na kodî, ax gi ex na y'awale, ax gi ex na wešeni gër enar end gë bëmboto.
- ¹⁰Bëte yoweÿ këren penand na: ax gi ex na ambaß, ax gi ex na bacud baki, ax gi ex na baped band enëmba, ax gi ex na ošët. Ax gi ex na nde arandiyen an alëba këno lëband gër ed ko riyenind?»
- ¹¹Ata re ko bëte Yesu: «Gër ed kën ĥat yo hik angol atëm, hik ingol itil, mëkayindën ba ala exëna ar y'apëk enun kwëtaya. Angëmëne ala exëna ar xwëtaya këñun bayiyin gër iciŵ indexëm xali yatir kën xuca.
- ¹²Gër iciŵ ind bër kën ĥat, cëmayindënëbi.
- ¹³Angëmëne bër gër iciŵ iño bën gë emëkw ed šenene xwëtaya kënun, ašot këni šot obetak orewën ol. Bari angëmëne añun kwëtaya ex na gë emëkw ed šenene, obetak ol wën këñun bayi.
- ¹⁴Angëmëne en ñat në iciŵ ba në angol do bela bën eni ñep enun kwëtaya in, canin gër iciŵ iño ba gër angol año, pëxwëcayindën obar od lëkak gër osapar orewën ok.
- ¹⁵Dal in këmun felënd, yatir kiti ind Kaxanu bela bëjo ay'ëka këbi y'ëka nëmëc Bësodom do gë Bëgomor bën.»

End toro ind në end Yesu eṅ

- 16**«Awa ga kēmun laŵēnēnd ako en pemērand end owun or gēr orēn eṅ, anēka hi kēn ang oyel or ſit në ojēlemu fo. Awa perēnayindēn ang bandēn fo, do bēngwin ang olēxwēte oxwēl kwēl fo.
- 17**Titinalindēnēbi Bēšēwif bēn gayik alēxw kēnun ŷana enun dēxwēnd gēr kiti. Bēte mbaṅ kēnun ŷana enun kēmērand gēr baciŵ bacaleya bandebēn.
- 18**Aŵēlara kēnun ŷana enun mēlarand gēr kiti. Aŵēlara kēnun ŷana enun mēlarand në end oŵac oram gēr bēlēngw do gēr bēmun en deyʼaraxēn endam eṅ: gēr Bēšēwif, do gēr bēr ani gi ex na Bēšēwif.
- 19**Barikan and kēnun lēxw gēr bēxiti aṅ, kēreṅun bēlanēnd na ang kēn yeyʼan ak ba ang kēn yaka ak. Ata amēd aṅo dēṅ kēn ŷana en nangēnd ang kēn yaka ak.
- 20**Angoc Amēnēk and Sorix irewēn and ex gēr oŵēkw aṅ kē ŷana eṅun pelēnd ang kēn yeyʼan ak.
- 21**Bēr hik ekun ebat bēn alēxwēr kēni ŷana eni dēxwēr gēr ecēs në end oŵac oram: obaš ol eni dēxwēr, bēxarēk bēn enēbi dēxwēnd obaš orebēn ol do obaš ol enēbi dēxwēnd bēxarēk bērebēn bēn.
- 22**Ata në end oŵac oram bela bēn dēk kēnun ſusēra. Barikan, ar kē xemēna an, ar kē lēkaya endam xali gēr ecēs an, afex ko fex.
- 23**And kēnun narēn në angol aṅ, gērin në acēxen. Dal in kēmun felēnd, an paṅ na bangol band gēr ebar ed Isērayel baṅ me bakaw wēno Asēñiŵ ar ala an.
- 24**Asēfan an aṅo kucand na onēngēran asēyʼali arexēm an. Bēte xadēp in aṅo kucand na or gapak axwēn arexēm an.
- 25**Gilexo tuṅ asēfan an ang asēyʼali arexēm ak, do xadēp in ang axwēn arexēm ak. Angēmēne wēno axwēn an, ašus ſus kēne xali ŵac kēne Ÿēngētir, kaš kēnun ſus wēn bēram bēn.
- 26**Bari wēn kērenēbi yēdand na bela bēn gayik er ſonayak ax bo na, dēk kē futar.
- 27**Bēte er kēni ſēsinalind bela ax bo na nangērarēxe. Mēṅ ex, er kēmun felēnd gēmēd in, deyʼarayindēn goyat. Do er kēmun nēkēnēkand in, kwēšayindēn yʼaṅ gēr oyur or baciŵ en pemaxēn.
- 28**Kērenēbi camēnd na bēr kē laŵēnd eman fo bēn xarak ŷoŵēyʼ ani koranēnd na enjēŵ eṅ. Camindēno ar kē lapēnd enjēŵ eṅ do gē eman gēr xodux an.
- 29**Ax gi ex na nde gē atama and kodī amat kēnēbi yēcēnd bēnder bēki? Barikan, inder gimatak ax wēcēnd na gēr ebar xarak ax gi ex na Sorix irewēn ŵak.
- 30**Yama mēṅ emat emat ko fēnēnd omban ond ex gēr ogaf odewēn eṅ.
- 31**Kēren yēdarand na, endewēn kēṅo xwēbēnanēnd nēmēc gē end bēnder bēndanjēm eṅ.

³²Mëñ ex, ar kë reyʿarand yo gër bela mène aram hi ko, wëno bëte mondako fo këmo ýana mo pelënd endexëm eñ Faba, ýaň gër orën.

³³Barikan ar ke ýaxëta yo gër bela wëno bëte mondako fo këmo ýaxëta gër Faba ýaň gër orën.

³⁴«Këren yëland na mène angwëlëra wëlaw këme gër ebar ro. Barikan në end oñac oram këbi ýana ebi kucarërand bela bën.

³⁵Sëm in ebi kucarënd gë asëñiŵ, nëm in gë abiŵ, nëm ir eñër in gë alindaŵ ar asëñiŵ.

³⁶Ala ar ex yo, gë bër ekun edexëm bën dëñ këbi ýana ebi kucarënd në end oñac oram.

³⁷Awa ar këño bal end nëm ba end sëm nëmëc gë endam an, aňo ñap na exo gi asëfan aram. Bëte ar këño bal end abiŵ ba end asëñiŵ nëmëc gë endam an, aňo ñap na exo gi asëfan aram.

³⁸Ar këño xeyʿ exo toro ba exo cës në end oñac oram an, aňo ñap na exo gi asëfan aram.

³⁹Ar këño ýandi exo kwël aniyandexëm an, anemin ko nemin. Barikan, ar kë nemin aniyandexëm në end oñac oram an, afexën ko fexën.

⁴⁰«Ar këñun xwëtaya yo në end oñac oram, wëno dëñ xwëtaya ke. Bëte ar ke xwëtaya an, ar laŵënëgu ke an xwëtaya këño.

⁴¹Ar këño xwëtaya yo alaŵënel në end oñac oram, amaşën and alaŵënel ko şot. Bëte ar këño xwëtaya yo ala gayik ar şenene exo, amaşën and ar şenene ko şot.

⁴²Ar këño yël yo në end oñac oram, men ond exo ceb, ado exo gido ar bak gër bësëfan, dal in këmun felënd, aşot ko şot amaşën andexëm aň.»

Maco 11

End bësëfan bër Şaň Batis eñ

¹And ĥata ko Yesu bapela band babi yëlënd bësëfan epëxw gë bëxi aň, xani ko do kwël ýe ko. Ebi tēyalirax do exo pemërax end Kaxanu eñ gë angol, gë angol ebar ed Galile el ýandi baňo.

²Xarak amëd aňo Şaň Batisgër epëra hi baxo. Ga wël ko becarax bend baxo rind Kërisët beñ, laŵën këbi bësëfan bërexëm bën.

³And ĥat këni aň, ŵëka këno Yesu: «Wëj nde ex Afexën ar këmo şëninnd an? Angëmëne ax gi ex na wëj, ba mo cëni nde aşëxen?»

⁴Yesu yaka këbi: «Yeyin eno tēfëtanëx Şaň Batis er kën wëlënd do kën watënd in:

⁵në eciwëta exëni bëšiwëk bën, në epak exëni bëseŷik bën, në emën exëni bër gë ameŷ bën. Bëte në ewëlëra exëni bër abax wëlëra na bën. Bëte në ekani exëni gër ecës bëšësëk bën do Atëfëtan aŷ në enangën exëni bëxaŷëanaxik bën.

⁶Awa, nëngandëraleŷo ar aŷo ŷepëgënanand na endam an.»

⁷Ata ga baka këni bërolawën bën, Yesu këbi wëkand bela bën end Ŝaŷ Batis eŷ: «Ineŷa watëgu kën gër ladawe? Andës and kë lëfërirand ekoc nde?

⁸Mondake hi ko ar ŷe ban eno watëgu an? Ar ŷudak banjëm banjekax nde ex? Ax gi ex na nde bër gë banjëm banjekax bën gër eyang ed emun hi këni?

⁹Do ineŷa ŷe ban gër ladawe? Eno watëgu alawënel ar Kaxanu nde? Ga re këme, ar watëgu këno an nëmëc alawënel exo.

¹⁰End Ŝaŷ ijo eŷ ŷëgw këni mëne Kaxanu rek: “Awa në edëngwalilemo arolawën an exi ŷacan fëña in.”

¹¹«Dal in këmun felënd, ala ax gi ex na ar rëw këno mondëw do xuca këŷo Ŝaŷ Batis or gapak ol. Barikan, ar xurik ex ba gër owun or gër orën an xuca këŷo.

¹²Elod ga ŷow ko Ŝaŷ Batis xali doro, bela bën në enëŷëtëra exëni eni dël gër owun or gër orën.

¹³Gayikwa dek okayëta od bëlawënel ok do gë acariya aŷ areŷa reyak end owun or gër orën eŷ xali gër Ŝaŷ Batis.

¹⁴Do angëmëne aŷa ŷa kën er këmun felënd in, Ŝaŷ ijo ex wa alawënel Eli ir ebax exo bakaw in.

¹⁵Ax gi ex na nde dek fo wël kën? Awa!

¹⁶«Gë nobën këmëni wätinali bela bër gë okey oko bën? Ata ang obaŷ or kë wëkënarand në yangana ir angol fo hi këni. Mondako kënebi rend bëcandaŷ bëŷ:

¹⁷“Farixën këmun acëroti aŷ, an man ex na. Bëte ŷëwën këmun oŷëkan od oŷaŷ, an tes ex na.”

¹⁸Ga ŷow ko Ŝaŷ Batis, abaxo ŷamb na ecemar, abaxo ŷëb na ngoy, wën re kën mëne gë bëŷël exo.

¹⁹Ga ŷow këme wëno Asëniŷ ar ala an, këme ŷambërand do këme ŷëbërand, do këne rend: “Ajo ñambëran gë oŷëb fo xwënda ko. Bëte lawo ir bëŷëf bër ŷagale do gë bëwendëran fo hi ko!” Barikan, orenik or Kaxanu ol gë er ko rind ala arexëm in kë ŷanayand er ŷenene.»

End eŷep ed end Yesu eŷ

²⁰Ga xucak eŷo, Yesu këbi rexërand bela bër gër bangol band gër ed ri baxo becarax bëndanjëm bën gayik ano kwëta bana, bëte ani nëngwët bana ola orebën ol.

²¹Er baxo rend: «Wën bër gër bangol band Koraseŋ do gë Betësayida bën, mbaŋ wë këŋun! Kido becarax bend wateli këne wën beŋ bër gër angol and Tir do gand Sidoŋ bën wat bax, aŵa ŵa doni endam eŋ, bëte anëngwët nëngwët doni ola orebën ol. Ado gë ojabote doni labayand, eni kaŷëninand do eni panayand eyëwën el.

²²Ga re këme, yatir kiti, bër lëgëk gër Tir do gë Sidoŋ bën këbi sax gë wën.

²³Do wën bër gër angol and Kafarënewum bën cëŋ, yëla kën Kaxanu xali y'aŋ gër orën nde këŋun fela? Bëtëdëŋ, gëd gër wur ir bësësëk këŋun lat. Kido becarax bend wateli këne wën beŋ bër gër angol and Sodom bën wat bax, xali doro bayi doni.

²⁴Ga re këme, yatir kiti, bër lëgëk gër ebar ed Sodom bën këbi sax gë wën.»

²⁵Ga hata ko eŋo, Yesu re ko: «Faba, wëj Axwën ar orën gë ebar an, aye ri këy. Aye ri këy ga sana këyëbi obaŝ eni nang bend ŝon këyëbi bëxarëk do bër gë orenik beŋ.

²⁶Eyo Faba aye ri këy gayik mondako ŷandi ki ex gi.

²⁷«Beŷ bën dek sebënan ke Faba, bari ala axe nang ex na wëno Asëñiŵ, Faba fo nang ke. Bëte ala aŋo nang ex na Faba ang ax gi ex na wëno Asëñiŵ do gë ar ŷandi ke mo nangën an.»

²⁸Ata Yesu fel këbi bela bër hi bax na bën: «Tëkawëne wën dek bër sëkwërak do ŝëmura këŋun bën, ata këmun rëca en teyëta.

²⁹Mayin oxadac oram ol, mayin mun tëy'ali, gayikwa mbaŋ liki këme, bëte mbaŋ nëngak emëkw edam el, ata fo kën seyëтали benjëw bendewën beŋ.

³⁰Oxadac oram ol onëngax ex, bëte er këmun lëbin in ax tib ex na.»

Maco 12

End akey and eteyëta eŋ

¹Yesu gë bësëfan bërëxëm bën bax xucand në ocënga od bële, yatir akey and eteyëta. Ata Bësëfan bën ga xor këbi enjo eŋ, këni wïŝand banjëra baŋ do këni y'akënd.

²Ofariseŋ ok ga wat kënebi na, re këni: «Er këni rind bësëfan bërey in, ax ñap ex na de yatir akey and eteyëta ang rek acariya ak.»

³Barikan Yesu yaka këbi: «Wën an pën ex na nde er ri baxo Dafid in and bot babi enjo aŋ mën gë bër enga endexëm bën?

⁴Ax gi ex na nde alilën lilën baxo gër Aciŵ and Kaxanu mburu icëbax iŋ? Do ax gi ex na nde ay'amb y'amb bani xarak abi ñap ex na mën gë bër enga endexëm bën gayik ani gi bana bëŝadaxan?

⁵Bëte an pën ex na nde gër acariya and Moyismëne gë bakey band eteyëta baŋ bëŝadaxan bën ay'epën këni y'epënënd oŝëba or akey and eteyëta ol, lëf gër Aciŵ and Kaxanu, xarak ani menënd na?

⁶Ga re këme, wëno nëmëca këbi or gapak ol bëşadaxan bën, bëte wëno nëmëcak oxwëbën ol Aciw̃ and Kaxanu aŋ.

⁷Er wëka këŋun Kaxanu: en gi gë axaŷënan do eŋun balërënd andewën rewën aŋ, ax gi ex na en dind ocađaxa fo . Kido afëni fëni baŋun eyey'an elo, adonëbi nëp na bësëfan bëram bën.

⁸Enimin wëno Asëniw̃ ar ala an ex axwën ar akey and eteyëta an.»

End ar gë ataxan ateŷik eŋ

⁹Yesu ga xani ko na, ŷe ko gër aciw̃ acaleya and Bëşëwif.

¹⁰Yatijo ar gë ataxan ateŷik ŷow baxëna gër cale. Ata bëşalen bën do gë Ofariseŋ ok ga këni şala end këno nagaşanaxën Yesu eŋ, wëka këno mama dëŋ: «Aŷap nde ŷapëk pab gë acariya aŋ epakën ed aşëxwëra gë akey and eteyëta el?»

¹¹Yesu yaka këbi: «Wën bëte mun mëka đamana mun yakaxën. Ar şot këŋo ifeŷ ibat fo an, aseb nde këŋo seb and lati ko polo në ambëxw gë akey and eteyëta aŋ? Aŋo cëpët na nde mondako dëŋ?

¹²Xarak ala an wa xëbënëk nëmëc ejel ed ex yo, mëŋ ex aŷap ŷapëk edi ed enjekax el gë akey and eteyëta aŋ.»

¹³And ħata ko aŋ, Yesu fel këŋo aseŷik an: «Yënël ataxan aŋ!» Ga yën ko, ataŋ bëngwëk ataxan aŋ.

¹⁴Ataŋ şan këni ofariseŋ ok eni wëlërëx ang këni ri eno đaw̃axën Yesu ak.

¹⁵Ga wata ko Yesu, facana ko na, ata sëfa këno bëranjëm. Fakëndëra këbi đek bër şëxwëra bax bën.

¹⁶Barikan axëŋa babi xëŋand eni cësinali endexëm eŋ

¹⁷ex ŋataxën er ŷëgw ko ala wënël Esayi endexëm in mëne Kaxanu rek:

¹⁸«Nëkodó ariyenin aram an, mëŋ ex ar sana këmo gë onënga aŋ, mëŋ ex ar pëlot gër yomb iram an. Bëte mëŋ këmo yël Angoc andam aŋ, ebi nangëanaxën or şenene ol đek benëŋ bend bela beŋ.

¹⁹Ani campëre na gë ala, oni w̃ orexëm ax wëli na xali fac gër opëña od gër angol, ala aŋo keyëanaxën na.

²⁰Axo bac na eñamb engëbik eŋ, Enjeb end ri w̃ak eŋ axo đomin na, xali ebi kor bela bën gë or şenene ol.

²¹Do benëŋ becëxe beŋ endexëm këni ŷana eni yarënd.»

End aşiw̃ëk eŋ

²²Ga xucak eŋo, wëlagu këno gër Yesu ala ar şiw̃ bax, ar gë oni w̃ këm. Ga hi bax ar gë bëyël şëxwëraxën baxo mondako. Yesu ga fakën këŋo, ala ajo ko yey'andërand aye bëte ko watërand këri-këri.

23Ata dek amëxwër aŋ šaran këbi xali do këni wëkarënd end Yesu eŋ ba mën ex Asëñiw ar Dafidan.

24Barikan ofariseŋ ok ga wël këni eŋo këni rend: «Yama gë panga ind Yëngëtir iŋ, emun end bëyël eŋ, ga këbi nəcëtënd nde bëyël bën gër bela.»

25Yesu ga nang ko ang bani yëland ak, re ko: «Angëmëne bela bër owun obat eni merënd, owun olo ala ti kë lati. Bëte, angëmëne bela bër ekun ebat eni merënd, ekun elo ašapër kë šapër. Do bëte bër angol amat eni merënd, angol aŋo ašapër kë šapër.

26Angëmëne Sindan eŋo ŋwayënd Sindan, në emer exo gabat, ax bayi na owun orexëm ol.

27Do angëmëne wëno gë panga ind Yëngëtir iŋ këmëni nəcëtënd bëyël bën gër bela, obaš orewën ol cëŋ, gë panga ind noŋo këñëbi nəcëtënd? Mën ex, bën dëŋ kë hi bëxiti bërewën bën.

28Barikan angëmëne gë panga ind Angoc and Kaxanu iŋ këmëni nəcëtënd bëyël bën, awa owun or Kaxanu ol anëka ħatënëgu këŋun.

29Ax gi ex na nde ala ax kor na exo dël në iciw ind ar gë ojaŋ eŋo kandëra dek xarak aŋo bon ex na? Ax gi ex na nde afo eŋo bon pere do eŋo kap aye exo medëraxën?

30Ar ax ma ex na endam an, arangoÿëra andam hi ko. Bëte, ar axe dëcand na ebar an, në eyëc exo.

31Mën këmün felaxënënd amena and ex yo ado ex gido ocir od Kaxanu, gë eteban ex. Bari emëšen ed Angoc Amënëk el, ax gi ex na gë eteban.

32Ar ke yey'an an eñëŋëxax wëno Asëñiw ar ala an, Kaxanu aseban këŋo seban. Bari ar këŋo yey'an an eñëŋëxax Angoc Amënëk an, Kaxanu aŋo teban na gër ngwën ind doro bëte aŋo teban na gër ind ecan.

33«Ax gi ex na nde atëx anjekax aŋ kë rëwënd odëwëreŋwen ojekax ok do aňëŋëxax aŋ odëwëreŋwen oňëŋëxax ok? Ax gi ex na nde paŋ gë odëwëreŋwen ok kë hind monang atëx aŋ?

34Wën bandën baŋo, mondake këñ xor en yey'an benjekax, wën bëÿëŋëxax bëjo? Gayikwa er lëbëk gër oŋëkw orewën in kë šanënd gër osëÿ orewën.

35Ala ar gë emëkw ejekax an, benjekax kë šanënd gër etëÿ edexëm. Barikan ar gë emëkw eñëŋëxax an, beñëŋëxax kë šanënd gër etëÿ edexëm.

36Ga re këme, yatir kiti, bela bën ayëka këbi yëka në end bonjey'an bond gë ofëcak këñ bond bani yey'andërand eŋ.

37Gayikwa gë eyey'an edey' el këÿ hi ar šenene, do eyey'an edey' el ki nöp.»

38Ata bëšalen do gë ofariseŋ wëka këno bëte Yesu: «Asëÿ'ali, biyi ecarax ÿandi këbo ey' di mi wat.»

³⁹Yesu yaka këbi: «Wën anjex añëñenax do and kë rind orekar aņo nde ke wëkand mun masin ecarax? Ecarax an wat na, ang ax gi ex na end ala wënel Yonas eņ.

⁴⁰Ang ri baxo Yonas bakey batas gër acël and angan and hël baņo ak, mondako fo këme ri wëno Asëñi w ar ala an bakey batas lëf gër emëkw ed ebar.

⁴¹Bëninif bën axani këni xanid, yatir kiti do enëbi nëp bela bër gë okey oko bën gayik anëngwët nëngwët bani ola orebën ol and baxët këni epemëra ed Yonas aņ.

⁴²Emun etoxari end hi bax gër ebar ed Saba eņ, caw xaniw baxo eņo baxët Salomon, emun end gë orenik osëm eņ. Barikan wëno xuca këņo or gapak ol Salomon. Awa yatir kiti, emun etoxari eņo kë xani eņun nëp.»

⁴³Re ko bëte Yesu: «And ko šan angoc añëñenax në ala ar lil baņo aņ, gër apu y ko yend, gër ed timëriņ, exo calarax në er ko seyëta, bari axo cot na.

⁴⁴Ata exo de: “Bakaleme tan gër ed šanëgu këme, gër aci w andam.” And ko hāt aņ exo tək wafërëluņ, ga fat këni aye do gë yañën aye.

⁴⁵Ata ebi y'en bangoc bañëñenax banjongëbaki, band xuca këņo oxe y do eni dıl bën dek gër ala ajo. Awa ala ajo amëd aņo ko soro nëmëc gand lil baņo angoc amat fo aņ. Eņo këņun bët wën bësëmbak bër gë okey oko bën.»

End bobinëm bor Yesu do gë nëm eņ

⁴⁶Yesu, ga këbi felëra mondako amëxwër aņ, hātëgu këni nëm gë bobinëm. Ga šëni këno fac, yandi këbi eni kanar gë mëņ.

⁴⁷Ata re ko ala gër amëxwër: «Axwën, yakalëbi fac norix gë bobinëx.»

⁴⁸Yesu yaka këņo: «No y o ex nëma do nobën ex bëma yë bëndam?»

⁴⁹Ga wəsi këbi bësëfan bërëxëm bën, re ko: «Bëjo ex nëma do gë bëma yë bëndam bëņ.

⁵⁰Enimin, ar kë rind yo oñandi od Faba ok, mëņ ar yañ gër orën an, ajo ex aba yë, do nëma.»

Maco 13

End apënëtal and ar oned eņ

¹Kwël yatijo fo, Yesu šan ko gër ici w do y'e ko yëpax ko gër bëņa ir anjer and Galile.

²Ga barërëgu këni bela bën amëxwër atëm, xeta këno. Ata mëņ rëfa ko në ikuluņ ind hi bax polo gër anjer do yëpax ko, xwëšara këni dek gër bëņa.

³Yesu yana ko këbi sëyalind gë bapënëtal bandanjëm ko rend:

⁴«Mondako ri baxo ar oned ga nëca ko gër ošënga. Ga fan ko eneda aņ, mar lapak tar fëņa in, ata ošël ol lapara këni, wëdara këni dek.

- ⁵Mar lapak gër ebar ed gë aparëfac. Ata gogo nde ga lëgëk gayik obar ok ax ñëmb bana.
- ⁶Ga fëtëk eñan eñ, şorëk do haỹëk ðek gayik odëmbët ok ax tiw̃ bana.
- ⁷Mar lapak bëte şit në acëc and gë odëmbën ata lëgëk. Ga kë raf enedã añ, odëmbën ok xëşak tēc.
- ⁸Mar lapak bëte gër ebar ejekax. Ga lëgëk, rafëk aye do rëwëk mbañ: anjëra amat keme, año ofëxw ocongebat do año ofëxw osas.
- ⁹Ax gi ex na nde ðek fo wël kën apënëtal año? Awa baxëtin angëmëne gë banëf en!»
- ¹⁰Ata bësëfan bën xeta këno Yesu ga hata ko apënëtal año. Wëka këno: «Inecëñ këyëbi sëyalixënënd bela bën gë bapënëtal?»
- ¹¹Yesu yaka këbi: «Bend owun or gër orën beñ, wën bësëfan bëram bën fo yãpëk en nang, eño abi yël ex na bën.
- ¹²Kaxanu abaş këño baş ar şotërak an exo cotëra nëmëc. Bari ar ax cot ex na an, axan këno xan er xaỹ këño in dëñ.
- ¹³Mëñ këmëni sëyalixënënd gë bapënëtal gayik bën ado eni nëkonënd ani watënd na, ado eni baxëtënd gë təkërak abi pënind na.
- ¹⁴Mondako kë hatand er yëgw ko alawënel Esayi in: “Ado en wëlënd awël dëñ, din añun pëni na, ado en nëkonënd anëkon dëñ, din an wat na.
- ¹⁵Gayikwa owëkw or bulunda ijo oñ, mbañ farëdãdik, banëf bañ şoya këni, do afëd fëd këni bangës bañ, këdi këni wat gë bangës bandebën bañ, këdi këni wël gë banëf bandebën bañ këdi këbi fëni gë owëkw orebën oñ do eni nëngwët ola orebën ol do wëno mëni teban.”
- ¹⁶«Barikan, wën nëngandëraleñun gayik në ewat en gë bangës bandewën bañ do në ewël en gë banëf bandewën bañ.
- ¹⁷Dal in këmuni felënd, bëlawënel bëranjëm do gë bër şenene bëranjëm yandi babi eni wat er kën watënd in, bari ani wat ex na. Aỹandi yandi babi bëte eni wël er kën wëlënd in, bari ani wël ex na.
- ¹⁸Awa baxëtin mun payën apënëtal and ar oned añ:
- ¹⁹Bër kë wëlënd eyey'an ed owun or Kaxanu do abi pënind na bën er hi këni ang enedã end lapak tar fëña eñ. Şabucara in kë yowënd exo dëxët er ned këni gër owëkw orebën in.
- ²⁰Bëjo bëte er hi këni ang ebar ed gë aparëfac ed gër ed lapak enedã fo. Bën and këni wël eyey'an añ, eni kwëta gë onënga fo.

21 Bari ani tebënd na ex gi gë odëmbët gër oŵëkw orebën, ani dëkayand na eyey'an elo. And këni sorond ba ani cënd në end eyey'an elo aŋ, gogo nde ebi cena do eni d̄ap caw ekwëta ed Kaxanu el.

22 Bëjo bëte er hi këni ang ened̄a end lapak ŝit në acëc and gë odëmbën. Awël wël këni eyey'an el barikan ocëmu od ro gër aniyan ok, gë aŋana and napul aŋ kë xëŝand eyey'an el xali ex tēkwān ecēnar el.

23 Bëjo bëte er hi këni ang ened̄a end lapak gër ebar ejekax. Ga wël këni eyey'an ed Kaxanu el, fëni këbi, ata ŝënarëk gër oŵëkw orebën: keme, ofëxw ocongebat, ofëxw osas.»

End apënëtal and w̄alu-w̄alu eŋ

24 Yesu ga ĥata ko eŋo, fel këbi bëte apënëtal acëxe: «Ako ex end owun or gër orën eŋ. Ar oned̄ nëca baxëna gër eden gë ened̄a emënëk.

25 Ga fandëra ko ciŝ malu bëtëgu ko gëmëd̄ arangoŷëra, fan ko wec w̄alu-w̄alu, do kwël ŷe ko.

26 And lëgëk malu aŋ lëgëk bëte w̄alu-w̄alu in, rafëk andamat xali ŝanëk do rëwëk.

27 Ata okadëp ok w̄ëka këno axwën eden: “Faba, ax gi ex na nde ened̄a emënëk dëŋ fan këy gër eden? Do feye wa ŝanëguk w̄alu-w̄alu ijo?”

28 Yaka këbi: “Arangoŷëra fanëk.” W̄ëka këno bëte okadëp ok: “Ŷandi ki nde mi bic w̄alu-w̄alu in?”

29 Yaka këbi: “Ali, këren bic na këdi kën wiceli bële in.

30 Tebëxën ako xali gë ekol, xali ex ŋat eŋaŝ el. Bër eŋaŝ bën afel këmëni felëd̄ eni ñana w̄alu-w̄alu in do eni kap olaŋ olaŋ me coraxën. Barikan malu in, afel këmëni felëd̄ ene mëlan gër acac andam.”»

End amatinali and ened̄a etil eŋ

31 Yesu fel këbi bëte apënëtal acëxe: «Mondako ex end owun or gër orën eŋ. Ang enjëlir end mutarëd̄ end ned̄ ko ala gër andëd̄a andexëm fo ex.

32 Ened̄a eŋo xurik ex ba dëk bened̄a beŋ. Barikan and kë lëg aŋ, ata kë nëmëcand dëk bebëlëg bër gër andëd̄a bën xali oŝël or gër orën ol eni yëlëra gër benini bendexëm.»

End amatinali and lewir eŋ

33 Yesu fel këbi bëte apënëtal acëxe: «Ako ex end owun or gër orën eŋ. Ang lewir ir negali ko asoxari gë pix në bëndëb̄ bët̄as fo hik, ata fufëk dëk pix in.»

34 Beŋo dëk sëy'alira babi Yesu gë bapënëtal.

³⁵Ŷoweŷ ababi sēyali na bela bēn gē apēnētal kēm, ex ŋataxēn er ŷēgw baxo alaŵēnel in: «Gē bapēnētal kēmēni ŷana mēni tēy'alind. Afut kēme ŷana me putēnd bēnd ŝonayak elod ga ŷanak ngwēn beŋ.»

End epayēn ed apēnētal and ŵalu-ŵalu eŋ

³⁶Yesu ga ĥata ko end babi sēy'alind eŋ, seḃ kēbi amēxwēr aŋ baka ko gēr iciŵ. Ata ga xeta kēno bēsēfan bēn re kēni: «Paŷēnēlēbo biyi apēnētal and ŵalu-ŵalu aŋ, aḃo pēni ex na.»

³⁷Yesu yaka kēbi: «Ar kē fanēnd eneda emēnek an, wēno Asēñiŵ ar ala an ex.

³⁸Eḃen el, ngwēn iŋ ex. Eneḃa emēnek eŋ ex obaḥ or Owun or Kaxanu ol. Ŵalu-ŵalu in ex bēr kēŋo baxētēnd ŝabucara bēn.

³⁹Arangoŷēra ar fanēk ŵalu-ŵalu an, exo ŝabucara in. Eŋaḥ el ex ekwēt ed ngwēn el, do bēḥaḥ bēn exēni omeleka ok.

⁴⁰Awa, ang kē hi moŋaḥ pere ŵalu-ŵalu ak eni coraxēn, yatir ekwēt ed ngwēn,

⁴¹wēno Asēñiŵ ar ala an kēbi laŵēnēgu omeleka odam ok eni dēxēt gēr owun oram bebēr kē lēnanēnd eñēŋenax bēn, do enēbi bar ḃek bēwēndēran bēn.

⁴²And kēnēbi barēra ḃek aŋ, enēbi ḃap bēngēnj gēr angodux do bēn fēn kēni ŷana eni denitarand do eni ŋatēnd ebasa el.

⁴³Xarak amēd aŋo, bērēwāk end Kaxanu bēn, ang eñan fo kēni ŷana eni watind jing-jing gēr owun or Sēm irebēn Kaxanu. Ax gi ex na nde ḃek fo wēl kēn? Awa!»

End bamatinali band oŷeri do gē napul eŋ

⁴⁴Yesu ŝom ko bēte: «Owun or gēr orēn ol er wēndērēk gē endey end napul ir wēg kēni nē oḥēnga fo. Ar ŝananēk an wēg ko gaḥēxe. Ye ko gē onēnga fo fan ko ḃek acota andexēm aŋ do yēc ko oḥēnga olo.

⁴⁵Bēte owun or gēr orēn ol er ex ang ŷula ir kē ŝaland oŷeri od xemēk akanji fo.

⁴⁶Ga sēk ko, ŷe ko fan ko ḃek acota andexēm aŋ do yēc ko oŷeri oko.»

End amatinali and ebēn ed oxan eŋ

⁴⁷«Owun or gēr orēn ol er hik ang ebēn ed lap kēni nē anjer fo, ebēn ed sēra kēbi oxan or ex yo.

⁴⁸Ata ga fēxw kēni, ŝēpēt kēnēbi gēr bēŋa. Ga sana kēnēbi oyekax ol, xwēt kēnēbi nē bakange do lap kēnēbi oŷēŋenax ol.

⁴⁹Mondako kē hi yatir ekwēt ed ngwēn. Omeleka ok kē ŷow enēbi cēfēyēt bēwēndēran bēn gēr bamara band bērēwāk end Kaxanu,

⁵⁰ata enēbi ḃapēx bēngēnj gēr angodux do bēn fēn kēni ŷana eni denitarand do eni ŋatēnd ebasa el.»

51 Ga ĥata ko Yesu, wēka kēbi bēsēfan bēn: «Dodo dek nde fēni kējun?» Yaka kēno: «Iyo.»

52 Ata re ko: «Mēn ex, ašalen ar fēni kēno aye end owun or gēr orēn an, ang ar šotērak bon napul fo hi ko. Er kēbi sēyalind bela in ko wēdēgund gēr emēkw edexēm: bengašax do gē bekarēk.»

End Yesu gē Bēnasaret eŋ

53 And ĥata ko bapēnētal baŋo aŋ, Yesu xani ko na do y'e ko.

54 Wāyi ko gēr ndebēn gēr Nasaret, ata yatir akey and eteyēta kēbi sēyaliraxēnd bela bēn gēr aciw acaleya. Dek babi šaranēnd osēyali orexēm ol, ata kēni wēkarēnd: «Feye wa sēyaw ko nangēraxēn ko go? Mondake ko xamēnēnd exo di becarax beŋo?»

55 Ax gi ex na nde mēn dēn ex asēniw ar Yosef, afēs ar otēx an? Ax gi ex na Mari ex nde wa nēm irexēm? Bobinēm bētošan bēn ga ex wa Šak, gē Yosef, gē Simoŋ do gē Yud.

56 Bēmaŋe bētoxari bēn dek ro ga hi kēni wa. Do fe wa sēyaw ko dek beŋo?»

57 Bēnasaret bēn, ga wēr bano babi ĥēpēgēnanaxēnēnd endexēm eŋ. Ata re ko Yesu: «Alawēnel an gēr ebar edexēm fo kēno yafēnd, dek dek in gēr bēr ekun ebat gē mēn.»

58 Ata axo di bana becarax bēdanjēm nē end oŋēpēgēnan odebēn eŋ. Bēngol bēnd ler ler gēr Nasaret bēn baxo sēfērānd ebi tēyalirax.

Maco 14

End ecēs ed Šaŋ Batis eŋ

1 Amēd aŋo, Erod emun end gēr ebar ed Galile eŋ awēl babi wēlēnd bela bēn ga kēni yeyāndērānd end Yesu eŋ.

2 Ata fel kēbi bēr gēr eyang edexēm bēn: «Yama Šaŋ Batis ga xaniwēk nde gēr ecēs, mēn šotaxēn ko ojaw od ko xoraxēnēnd exo di becarax ok.»

3 Enimin mēn dēn sēra baŋo Šaŋ Batis, fēra kēno do fokēra kēno gē ogwey/ele-gwey/ele, ga baŋo nēpēnd nē end Erojad, alindaw ar abinēm Filip eŋ.

4 Enimin, Šaŋ Batis afel baŋo felēnd: «Ax űap ex na ey'o űēr asoxari ar abinēx Filip an.»

5 Ata mēn yāndixēn baŋo Erod eŋo daw Šaŋ. Barikan, ayēda babi yēdānd bela bēn gayik alawēnel ar Kaxanu xwēt bano.

6 Xarak, ga ĥatēguk akey and rēw kēno aŋ, Erod ri ko ofēna. Ata abiw ar Erojad ko wandērānd mērēxānd ir bēliyer, ata nēngan kēno Erod.

⁷Mokamën xamën baxo anjar aŋ xali Erod yaşar ko mēne er kēŋo xara yo ayēl kēŋo yēl.

⁸Ata endēnaŵ eŋ ga wēlērēgu kēni gē nēm, re ko: «Awa yēluye gaf ir Ŝaŋ Batis in nē inēp.»

⁹Ata emun eŋ ŝēnd ko, ŝena kēŋo ba ine yaşaraxēn baxo xali wēl kēno bēliyer bēn. Barikan ako dēŋ re ko eno yēl endēnaŵ eŋ er ŵēka kēŋo in.

¹⁰Na laŵēn kēŋo ŝoroda fodētēgu ko gaf ir Ŝaŋ Batis in lēf gēr epēra.

¹¹Ga ŵēlaw ko gaf in nē inēp, fēxwēn kēŋo endēnaŵ eŋ. Ata mēŋ ŵara ko yēlēx kēŋo nēm.

¹²Bēsēfan bēr Ŝaŋ bēn y'en kēni eman eŋ do ŵēxēta kēno. Ata y'e kēni eno pelēx Yesu.

End ecemar ed bela owēli oco eŋ

¹³Ga wēl ko endey' eŋo, Yesu xani ko na gēr ed ebaxo do ko xegētand gē ikuluŋ in anjer and Galile aŋ exo nacētaxēn nē er tēb. And nangēra kēni amēxwēr aŋ, xanira kēni gēr bēngol do sēf kēno gē osapar.

¹⁴And baxo ŝēpētand gēr ikuluŋ aŋ, wat kēbi amēxwēr aŋ. Ata ga kēŋo xaŷēnan, fakēndēra kēbi bēšēxwēra bērebēn bēn.

¹⁵Apenēka aŋ, sēka kēno bēsēfan bēn do re kēni: «Asēy'ali, ro nē er tēb hi kēne do nē emēd' ex. Pelalēbi bela bēn eni capēr gēr bēngol eni yēcērax er kēni y'amb.»

¹⁶Yesu yaka kēbi: «Eyo, bari ax ñap na eni y'e mondako fo. Yēlinēbi wēn dēŋ er kēni y'amb.»

¹⁷Ata yaka kēno: «Bamburu banjo do gē oxan oxi fo lēkaya kēmi.»

¹⁸Aŋo re ko Yesu: «Mēlawēn tan ro», ata ŵēlanēgu kēno.

¹⁹Ga fel kēbi amēxwēr aŋ eni ñēpara gēr ondēs, ŵed' ko bamburu banjo baŋ do gē oxan oxi ol, xeŋa ko orēn ol do ŝēkwa kēŋo Kaxanu. Ata hēbēndēr ko, yēl kēbi bēsēfan bēn eni cet.

²⁰Na y'ambēra kēni, ŵed kēni bēn dēk xali ŵēlali kēni bakange epēxw gē baki gē bacaxaken band bayitara babi baŋ.

²¹Bēr lēba babi Yesu bēn, er hi bani nē owēli oco bēsoşan bēn fo, ala abi pēn bana bēsoxari bēn gē obaş ol.

End Yesu gēr anjer and Galile eŋ

²²Ga xucak eŋo, Yesu nēy'ali kēbi bēsēfan bēn eni dēngwa ekeg elo gē ikuluŋ in, eni pelaraxēn mēŋ gē amēxwēr aŋ.

²³And fela kēbi amēxwēr aŋ, y'e ko y'aŋ gēr etēnd exo calex nē er nacēt. Ga kē xwēyar, bayi ko na gabat.

- ²⁴Amëd aņo ĥat këni bësëfan bën gër ngu, ga ĥawëta këni ebar el, ata men oņ ga kë xani bomeņ bomeņ kë lëfërirand ikuluņ iņ ga fed këni gë ekoc etëm.
- ²⁵Ata gand oxeya, Yesu sëf këbi do ko y'end y'aņ gër men ang gër ebar fo.
- ²⁶Wat këno bësëfan bën ga ko wëñët gër men. Wëlandëra këbi do ga šëg këbi benjëw beņ këni xeýënd šor: «Oñeý ex, oñeý ex!»
- ²⁷Ata re ko Yesu: «Wëno ex, wëno ex! Kapinayin, këren yëdara na!»
- ²⁸Piyer yaka këņo: «Axwën, angëmëne enimin wëj ex, pelële me eýeli y'aņ gër men!»
- ²⁹Re ko Yesu: «Yow!» Ata Piyer cëpëšëpët gër ikuluņ, ko y'end y'aņ gër men end Yesu eņ.
- ³⁰Barikan, ga nëkon ko ekoc el, yëdara ko. Ata ga këņo noýeli, xeý ko: «Axwën, Axwën, pexënele!»
- ³¹Ataņ Yesu yënën këņo ataxan aņ, sëra këņo do re ko: «Oko Piyer, ineŵa ekwëta etil elo! Ineŵa ĥëpëgëanaxën ki?»
- ³²And fëra këni gër ikuluņ aņ, xucak ekoc el.
- ³³Bësëfan bër ebax polo gër ikuluņ bën foxi këni, gër osapar or Yesu do këni rend: «Wëj ex enimin Asëñiŵ ar Kaxanu an!»

End Yesu gër Genesaret eņ

- ³⁴Ga xegëta këni anjer aņ, ĥat këni gër ebar ed bani ŵacënd Genesaret.
- ³⁵Bër sëk banëbi na gër ed ĥat bani bën, ga xwita këno Yesu, sëfëtëra këni eņo đek Genesaret in. Ata ŵëlaraw kënebi đek bësëxwëra bën.
- ³⁶Axara bano xarand Yesu ebi tebënd eni kwixwëta ndakaņ ambana and acud andexëm aņ. Do đek bër bax xwixwëtand bën bax fakënd.

Maco 15

End bapela band ofariseņ eņ

- ¹Ata akey amat, ofariseņ do gë bësälën xaniw këni gër Yerusalem y'ow këni xali gër ed ebaxo Yesu. Ŵëka këno:
- ²«Bësëfan bërey bën, ine cëņ këni y'epëanaxënënd bapela band bëxarëk baņ? Ine këni y'ambëraxënënd nebarëxe otaxan ok?»
- ³Yesu yaka këbi: «Do wën cëņ, ine kën y'epëanaxënënd apela and Kaxanu aņ do kën sëfënd and bëxarëk bërewën aņ?»
- ⁴Kaxanu ga re ko: “Pëbindëbi norix gë sorix. Do ar këbi xare yo nëm gë sëm, ar eđaw ex.”

- ⁵Bari wën kën rend: “Ar këbi fel nëm gë sëm mène er hi bax ebi dëcaxën in, Kaxanu yël këno, axor xor ko ebi dëc.”
- ⁶Awa mondako kën yepënënd er re ko Kaxanu in në end apela and bëxarëk bërewën.
- ⁷Wën bëyënjënax bër kë labayand hi kën! Dal in yëgw ko ala wënel Esayi mène Kaxanu rek:
- ⁸“Bela bëjo gë etëy el fo këne şalend. O wëkw orebën oŋ caw hawëta ke.
- ⁹Ado këne şalend, asoro fo këni sorond gayikako bend këni yerëtënd beŋ kënebi sëyalind bela bën.”»
- ¹⁰Ata Yesu wac këbi bër gër amëxwër bën do re ko:
- ¹¹«Baxët in aye eŋun pënixën eŋo: er kë şanënd gër etëy ed ala in këno buyarënënd, ax gi ex na er ko nënand in.»
- ¹²Bësëfan bën, and xeta këno aŋ re këni: «Anang nde nang këy mène ofariseŋ ok axoÿën xoÿën këni gë eyeyan elo?»
- ¹³Yesu yaka ko: «Atëx and axo dëd ex na yo Faba, mëŋ ar ex y aŋ gër orën an, and edët ex.
- ¹⁴Tëbëxënëbi, bëşiwëk bër kë laserënd exëni. Aşiwëk eŋo däsënd aşiwëk aşanda w, bën tak kë lati në ambëxw.»
- ¹⁵Ata Piyer re ko: «Asëyal, paŋanëlëbo tan apënëtal aŋo.»
- ¹⁶Yaka këno: «Oko wën, ba an yëlarand na nde?
- ¹⁷Ax gi ex na nde er ko nënand ala in gër acël kë hatënd do ex paÿërax gër apuÿ?
- ¹⁸Barikan, er kë şanënd gër etëy in, gër emëkw kë xaniwënd. Ejo këno buyarënënd ala an.
- ¹⁹Gër emëkw kë xaniwënd banjëlan bañënjënax baŋ: ola wër, orekar, eñac, orek, enëgwëş, ocir.
- ²⁰Beñënjënax beŋo këno buyarënënd ala an. Bari ey ambëra ed nebarëxe otaxan el ax buyarënënd na.»

End Yesu do gë asoxari aliyer eŋ

- ²¹Ga xucak eŋo, Yesu ye ko gër ebar ed Tir gë Sidon.
- ²²Ata asoxari abëkanahaŋ, ar lëg bax na gër ebar elo, yow ko gër ed hi ko Yesu do këno xarand: «Axwën, wëj Asëni w ar Dafid, kaÿënanëlexi wëno! A bi wën gë bëyël exo, do mbaŋ këno narëndërand.»

²³Bari Yesu xor ko, ado gë təkər ak aŋo yaka ex na. Ga xeta këno bësëfan bërëxëm bën, wëka këni: «Ayo ŋway na nde ajo? Biyi dek šëšësan këbo ang ko xejërand gër ofoy orebi ak!»

²⁴Ata Yesu yaka këŋo asoxari an: «Wëno, Bëyisërayel bër nambërak ang opey bën fo yow këme mëni cala.»

²⁵Barikan, asoxari an ga sëka këŋo, foxi ko gër lëngw irexëm do re ko: «Axwën, dëcale ako dëŋ.»

²⁶Yesu yaka këŋo: «Ax ye ex na enaÿët ed er këni yambënd obaš el eyëbi dapën bëkwërekwër.»

²⁷Ata re ko asoxari an: «Eyo dal ex Axwën, barikan bëkwërekwër bëŋ awedara këni wëdarand bebër kë wëcënd gër ed këni yambërand bër xwën këbi bën.»

²⁸Aŋo re ko Yesu: «Awa abiwën, wëj mbaŋ xwëta këye. Gilex ang yandi ki ak.» Ata në amëd aŋo dëŋ fak ko abiw.

End Yesu do gë bësëxwëra bëranjëm eŋ

²⁹Yesu ga xani ko na gër ebar ed Tir gë Sidoŋ, sëfa ko anjer and gër Galile aŋ, hat ko yaŋ në etënd do yëpax ko.

³⁰Na barëreŋu këni bela bën bamëxwër bamëxwër. Wëlanëgu këno na: bëseÿik, bëšiwëk, bamuma, bër gobo do gë bësëxwëra bëranjëm. Xwëtëra kënebi gër lëngw irexëm, ata mëŋ fakën këbi.

³¹Ata bamuma baŋ këni yeyandërand pot-pot; bër gobo bën do gë bëseÿik bën këni yexërand aye, bëšiwëk bën këni watërand šenene. Ga wat kënebi, bela bën šaran këbi xali xurik do këno šëkwënd Kaxanu, mëŋ ar xwënëk bulunda ir Isërayel an.

End eceмар ed bela owëli onax el

³²Ata Yesu wac këbi bësëfan bën do re ko: «Dek ke xaÿënanënd bela bëjo. Elod bakey batas këne sëfarand do ani yambëra ex na. Axe ñandi ex na mëni pela, eni maÿira gë enjo eŋ, bon këni sorox gër fëña.»

³³Na re këni bësëfan bën: «Mondake kënebe lëbaye dek bela bëjo tëb ro gër apuy?»

³⁴Yesu yaka këbi: «Bamburu banjëgwe wa lëkaya kën?» Re këni: «Banjongëbaki do gë bëngan bëpënefëne.»

³⁵Na fel këbi bela bën eni nëpara gër ebar.

³⁶Ata wëd ko bamburu banjongëbaki baŋ do gë bëngan bëŋ. Ga šëkwa këŋo Kaxanu, hëbëndër ko do yël këbi bësëfan bën enëbi cetëra bela bën.

³⁷Ang ebani ak, yambëra këni dek xali wëd këni. Er bayitara babi in, fëxwëk bakange banjongëbaki. Ata bësëfan bën wëlali këni kwël.

³⁸Bër yambëra bax bën er ebani, bësošan bën fo owëli onax.

³⁹Ata Yesu ga fela këbi bela bën eni maŷira, mënŷ w̄ara ko polo gër ikuluŷ do ŷe ko gër ebar ed Magadaŷ.

Maco 16

End amatinali and gër orën eŷ

¹Akey amat, ofariseŷ do gë Osaduseŷ ŷow bax gër Yesu eno di atëŷ. W̄eka këno ebi din ecarax eni nangaxën mēne gër orën xaniw ko.

²Ata Yesu yaka këbi: «And kë war orën apenēka aŷ, ax gi ex na nde anang kën nangënd mēne wur in xërikërak?»

³Bēte gëbër and kë hi orën dëmbëndëruŷ aŷ, ax gi ex na nde anang kën nangënd mēne asëb kë sëb? Aye kën fitëndërend er kë hi in and kën wat ang ex orën aŷ do kën sëkwanënd en pitëndër bënd gë okey oko beŷ.

⁴Ata wën anjex añëŷenax do and kë rind orekar aŷo nde ke w̄ekand mun masin ecarax. Ecarax end rin baŷo Kaxanu Yonas eŷ fo kēmun w̄asin.» Yesu, ga yaka këbi na mondako, kwël ŷe ko.

End lewir ir Ofariseŷ do gë Osaduseŷ eŷ

⁵Ga xegëta këni anjer aŷ, bësëfan bën xwita këni mēne eyamb ŷamb ani penaw ex na.

⁶Ata re ko Yesu: «Kwëŷëtayindën lewir ir ofariseŷ in do gë ir Osaduseŷ in.»

⁷Na bësëfan bën yëla këni mēne ga xwëyaw këni bamburu baŷ ko yeyanaxënënd mondako.

⁸Gogo nde ga nang ko Yesu, ata w̄eka këbi: «Wën bela bër gë ekwëta etil bëjo, ineŷa kën yëlxënënd mēne end eyamb ŷamb ed bayik an mēlaw ex na kēme yeyanënd? Awa wën mbaŷ bak dë ang xwëta këne ak!»

⁹Ata wën xali gërëgako aŷun pëni ex na endam eŷ. An kwitand na nde ang lëba bamëni bela owëli oco gë bamburu baŷo ak? Bakange banjëgwe wa w̄ëlali ban gë er bayitara babi in?

¹⁰Bēte and lëba bamëni bela owëli onax gë bamburu banjongëbaki aŷ, bakange banjëgwe w̄ëlali ban?

¹¹Mondake wa bayik aŷun pëni ex na mēne ax gi ex na end eyamb-ŷamb kēme yeyanënd? Ga re kēme, kwëŷëtayindën lewir ir ofariseŷ in do gë ir Osaduseŷ in.»

¹²Aŷo fëni këbi bësëfan bën mēne ababi fel na end eyamb-ŷamb, barikan eni titinalind osëŷali or ofariseŷ do gë Osaduseŷ ol baxo rend.

End ola or Yesu eŷ

¹³Akey amat, Yesu ŷe ko gër ebar ed Sesare ir Filip. Ata ga h̄at ko, w̄eka këbi bësëfan bërëxëm bën: «Gër onang or bela, noŷo këni rend hi kēme wëno Asëñiŷ ar ala an?»

¹⁴Yaka këno: «Na fo exëni bër kë rend mëne wěj ex Šaŋ Batis. Bëjo, wěj ex alaŵënel Eli, bëjo, wěj ex alaŵënel Yeremi. Na fo exëni bëte bër kë rend mëne wěj alaŵënel ašëxe ar Kaxanu hi këy.»

¹⁵«Do wën cëŋ, noŷo kën yëland hi këme?»

¹⁶Ata yaka këno Simoŋ Piyer: «Wěj ex Afexën an, Asëñiŵ ar Kaxanu, mëŋ ar gë aniyän an!»

¹⁷Ata re ko bëte Yesu: «Awa nëngandëralexi, Simoŋ, wěj asëñiŵ ar Yonas an. Faba Kaxanu, mëŋ ar ex ŷaŋ gër orën an, nangën ki eŋo, ax gi ex na ala.

¹⁸Ga re këme, Piyer, wěj ang aparëfac fo hi këy. Do wëno gër aparëfac aŋo këme rëf Amara andam aŋ, do owët or wur ir bëšësëk oŋ ŷoweŷ aŋo koran na.

¹⁹Wěj këmi fëxwën bacoketaya band owun or gër orën baŋ. Ar këy'o seban yo gër ebar ro, Kaxanu aseban këno seban gër orën. Bëte er ki ŷapan yo gër ebar ro, Kaxanu aŷapan këno ŷapan gër orën.»

²⁰Ga ħata eŋo, Yesu xëŋa këbi xali bëšëfan bën eni cësinali mëne mëŋ ex Afexën an.

End ecës ed Yesu eŋ

²¹Ata amëd aŋo ŷana baxo Yesu këbi nangënënd bëšëfan bën mëne afo exo ŷe gër Yerusalem exo torox. Gër otaxan od bëšadaxan bëlëngw, gër od bëšalen do gër od bëxarëk bër Bëšëwif ebax exo toro. Bën ebax eno tëra, eno narën xali eno đaw. Barikan, yatir akey atasën exo kani gër ecës.

²²Ata Piyer nacët këno Yesu do këno rexërand: «Ali Axwën, Kaxanu axo ma na eŋo! Endako rako eŋ axi gi na!»

²³Ata ga ri ko wërëšët Yesu, yaka këno Piyer: «Beditale fa Sindan! Wěj ang ar ke lënanënd eñëŋënaŷ fo hi këy! Banjëlan bandey' baŋ, band bela fo ex, ax gi ex na band Kaxanu.»

²⁴Ata ga ħata ko, fel këbi bëte bëšëfan bën: «Ar ŷandi këno exe tëf an, tebëlexo ebal ed gaf irexëm fo el. Yëxwëlexo toro iŋ ado ex gi alaŵ këno laŵ, exe tëfaxën.

²⁵Ar këno balënd end gaf irexëm fo an, anemi ko nemi. Barikan, ar kë nemin aniyän andexëm aŋ në end oŵac oram an, afex ko fex.

²⁶Ineŵa këno fecä ar kë šotëra beŷ dek gër ngwën ro an, angëmëne anemin nemin ko enjëŵ endexëm eŋ? Er xëbënek ang enjëŵ ak ax gi ex na. Do gë ine ko nëmb ala an?

²⁷Wëno Asëñiŵ ar ala an and këme ŷe aŋ, abaka këme bakaw gër ngwën gë enjaran end Faba eŋ, do gë omeleka odexëm ok. Yatijo, këmo ŵaš ala kala er ŷapëk exo cot in ang ko wëlaya aniyän andexëm ak.

²⁸Dal in këmun felënd, ang xwëšara kën ro mondako, bërëmar ani cësëra na xarak ane wat ex na wëno Asëñiŵ ar ala an, ga këme ŷow gë owun oram ol.»

Maco 17

End enjaran end Yesu en

¹Ga xucak bakey banjongamat elod ga felëra këbi end ecës edexëm en, Yesu wãc këbi Piyer, gë Šak do gë Šaŋ, abinëm ar Šak. Nacët këbi y'aŋ në etënd etëm.

²Yaŋ gër etënd elo na, ogës odebën dën nëngwët baxo Yesu ang baxo watind ak. Ata dëxas irexëm in kë yëgënd ang eñan fo do banjëm baŋ kë watind jing-jing ang bëmal fo.

³Ata na bërëxadët, šanayaw këni Moyis do gë Eli ga këni xanar gë Yesu.

⁴Piyer fel këŋo Yesu: «Axwën, bon yedox de ene bayiye ro. Ga yãndi yãndi ki, wëno ata këme ri baner batas: amat andey, aŋo and Moyis, aŋo and Eli.»

⁵Ga ko yey'an Piyer mondako, fedawëk aŋar and gë okodux, laŋ këbi kwëc. Ata wëliwëk oniŋ ga re: «Awa ajo ex Asëñiŋwën ar pëlot gër yomb iram an. Wëno bon ke balënd endexëm en, baxëtindëno aye.»

⁶Ga wël këni oniŋ olo, anjiŋ aŋ foxin këbi bësëfan bësas bën oy'iŋ on nêš gër ebar.

⁷Barikan, and sëka këbi Yesu aŋ, hëmba këbi do re ko: «Këren yëdara na, kaniyin!»

⁸Ga rënëta këni, wat këno Yesu gabat.

⁹And bani šëland etënd aŋ, Yesu fel këbi: «Ala këreno pel na de er wat kën in xali wëno Asëñiŋwë ar ala an me kani gër ecës.»

¹⁰Ata bësëfan bën wëka këno: «Inecëŋ këni rexënënd bësälän bën mëne afo exo yow pere Eli?»

¹¹Yaka këbi: «Dal ex mëne afo exo yow pere Eli, do exo mëxwëtëra beŋ dek gër bandëwëra band Yakob.

¹²Barikan ga re këme, Eli anëka yow ko, bela bën fo bayik ano kwita ex na mëŋ lëkayaxën këno ang yãndi këbi ak. Bëte mondako fo këne soron wëno Asëñiŋwë ar ala an.»

¹³Ata bësëfan bën fëni këbi mëne Šaŋ Batis, baŋo rend.

End Yesu do gë lëmëta ir gë bëyël en

¹⁴And hãt këni gëd gër etënd aŋ, gër ed barëregu bani bela bëranjëm, šanayaw ko pëlët asošan, foxi ko gër lëngw ir Yesu do ko rend:

¹⁵«E Axwën, kaŋënanëlexi lëmëta iram, šënan lëk këŋo do mbaŋ ko sorond. Laŋ këŋo rebërand: bandëmar gër xodux, baŋo gër men.

¹⁶Ga wëlaw këmo ro gër bësëfan bërey, bën ani kor ex na eno pakën.»

¹⁷Ata yaka këŋo Yesu: «Ata wën anjex and bela bër gë oŋëpëgënan, do bësëmbak hi kën! Xali niŋe wa këme bayi gë wën? Xali niŋe këmun buŋan? Mëlanëgune ro itox iŋ.»

¹⁸Yesu ga xeŋan këbi na bëyël bën, ŝan këni ataŋ gër lëmëta, ata fak ko kwël na fo.

¹⁹And bayi këni bën fo aŋ, bësëfan bën ga xeta këno Yesu, wëka këno: «Ineŋa sëkwanaxën këmi mëni nəcët bëyël bën gër itox iŋo?»

²⁰Yesu yaka këbi: «Ga bak ekwëta ed xwëta këno Kaxanu el sëkwanaxën kënebi. Dal in këmun felënd, ekwëta edewën el ado ex ba gwër gë enjëlir end mutarëd, axor xorëdon en de etënd elo: “Wëj etënd nacëtal fa ro!” Ata nacëtadox. Bëte ŋoŋweŋ adon sëkwan na en di.

²¹Bëyël bërako rako bën, cale ind gë etiŋi fo këbi nəcëtënd.»

²²And bani ŋexërand Yesu gë bësëfan bërëxëm aŋ gë angol gë angol, dek ebar ed Galile el, afel babi felënd mëne mëŋ Asëñiŋ ar ala an, alëxw këno lëxw gër otaxan od bela bëxeŋax.

²³Afel babi felënd bëte mëne alaŋ këno laŋ, bari yatir akey atasën axani ko xani gër ecës. Ata ga wël këni beŋo dek bësëfan bën ŝamina këni.

End amarënen and Aciŋ and Kaxanu eŋ

²⁴And ŋat këni gër Kafarënanawum aŋ, Yesu gë bësëfan bërëxëm bën fed këni gë bësëf bër ŝagale bën. Ata wëka këno Piyer: «Asëŋali arewën an, aŋwed nde ko wëdënd ŝagale ir Aciŋ and Kaxanu in?»

²⁵Yaka ko: «Iyo, aŋwed ko wëdënd de!» And lil ko Piyer gër iciŋ aŋ, damana exo yeŋan, Yesu wëka këŋo: «Simon, bemun bënd gër ngwën ro beŋ gër nobën këni xanand ŝagale in? Gër bër lëgëk gër ebar edebën nde, ba gër bëliyer nde?»

²⁶Yaka këŋo: «Gër bëliyer.» Ata re ko bëte Yesu: «Bër lëgëk gër ebar edebën bën ani medënd na ŝagale in.

²⁷Barikan, këdi kënebo xoŋën, maral gër anjer ey dap engërëxato eŋ. Ekan eŋanar ed kë lëk el, cëpëtëlo, do polo gër etëŋ edexëm këŋ sëk atama and kodî. Mëlaw eyëbi pëxwën bësëf bër ŝagale bën. Atama aŋo gwac kë hi ŝagale ir biyi bëxi in.»

Maco 18

End alëngw eŋ

¹Ata amëd aŋo, bësëfan bën ga xeta këno Yesu, wëka këno: «Pelëlëbo noŋo hik alëngw an gër owun or gër orën?»

²Yesu wëcëgu këŋo itox, fela këno, xwët këŋo mërëxand, re ko:

³«Dal in këmun felënd ar ax nëngwët ex na ola orexëm do exo gi ang itox iŋo an, din axo dil na gër owun or gër orën.

⁴Mëñ ex ar kë bana yo gër ola orexëm ang itox iño ak, alëngw ko hi gër owun or gër orën.

⁵Bëte ar këño xwëtaya yo itox ind ako në end oŵac oram, wëno dëñ xwëtaya ke.»

End ambesa atibax eñ

⁶«Barikan ar këño lënan eñëñenax ar ñak endam an, kiti ind sax doño iñ ex eno dëxën angaȳ añoxixën and ey'amb, do eno ðap gër anjer eño noñilexën.

⁷Kata fo hik gër ngwën ro gayik bon ex bebër kë lënanënd eñëñenax bën. Ekwëyëta ed eñëñenax el ax mënd ex na. Barikan, bon ñe këño ar këbi lënanënd eñëñenax bela an.

⁸Angëmëne ataxan andey' añ ba sapar irey' in ki lënanënd eñëñenax eñ, kacal ey' ðap caw. Pecanëlexi ey' ðil gër aniyān and din ir din gë wal ibat gë exi bayi osapar oxi, ba otaxan oki do exi dëxw Kaxanu gër xodux or din ir din.

⁹Angëmëne angës andey' añ ki lënanënd eñëñenax eñ, nongoloy'ëtël ey' ðap caw. Pecanëlexi ey' ðil gë angës amat gër aniyān and din in din gë exi bayi tak baki, do Kaxanu exi ðap gër anjer and xodux.»

End amatinali and ifey' eñ

¹⁰«Kërenëbi yafënd na bërëñak endam bën. Omeleka od këbi nëkonand ok din këno sëkand Faba y'añ gër orën.

¹¹Wëno Asëñiñ ar ala an, bër nambërak y'ow këme mëni pexën.

¹²Baxët in amatinali año, en yëlaraxën: Ax gi ex na nde ala ar šot këbi opey' keme an, eño nemënd ibat, aseñ këbi seb ofëxw ocongonax gë ocongonax ok gër kece exo y'exën gër ocal od ir nem këño?

¹³Dal in këmun felënd, angëmëne awat wat këño ifey' ir nem baño in, año fo këño nëngandëra nëmëc, bari ax gi ex na në end ofëxw ocongonax gë ocongonax od gër kece eñ.

¹⁴Mondako fo ex end bërëñak endam eñ, gër Faba mëñ ar gër orën an. Ala gabatak año ñandi ex na exo nambëra.

¹⁵«Angëmëne abinëx ñenan ki, macëlo ey'o pelëra wën bëxi fo. Angëmëne abaxët baxët ki anëka xana këy'o abañe irey'.

¹⁶Bari angëmëne axi baxët ex na, calalëbi otede oki ba otas eno pelëraxën.

¹⁷Angëmëne añëp hëp ko eñun baxët in, mëlal endey' eñ gër bëlëngw bër Amara andewën. Bëte ga hëp hëp ko ebi baxët in, nangël mëne ala ar año nang ex na Kaxanu hi ko. Ata ado bešindo, asëmbak ex!

¹⁸Dal in këmun felënd, er kën šëban yo gër ebar ro, Kaxanu ašëban ko šëban y'añ gër orën. Bëte er këñun y'apan yo gër ebar ro, Kaxanu a'yapan këño y'apan y'añ gër orën.

¹⁹Dal in këmun felënd, angëmëne bela bëxi ebi ket gër ebar eno kara ÿeÿ gër cale, Faba, mëñ ar ex y'añ gër orën an, ayël këbi yël.

²⁰Mëñ ex, gër ed këni barër yo bela bëxi ba bësas në end o'wac oram, wëno mërëxand irebën këme hi.»

End apënëtal and ar okadëp okeÿax eñ

²¹Ata Piyer ga sëka këño Yesu, wëka këño: «Axwën, banjëgwe wa ÿapëk mo tebanënd abaÿe and ke wënan añ? Ba banjongëbaki nde?»

²²Yesu yaka këño: «Ame de ex na de banjongëbaki, barikan ofëxw ocongoxi bakëlëbëd banjongëbaki.

²³Mëñ ex, owun or gër orën ol er wëndërek gë endey' end emun end bar babi okadëp odexëm ebi mëkëra ba mondake lëkaya këni napul irexëm in.

²⁴Ga ko fën kodî in, wëlanëgu këno xadëp ir bayir bani aňomëx atëm.

²⁵Xarak xadëp ijo axo gi bana gë er këño wãshën. Ata axwën arexëm an re ko enëbi pan mëñ, gë alinda'w, gë oba'ê ol do gë dek er êot baxo gër ekun edexëm in, exo kanaxën aňomëx añ.

²⁶Ata xadëp ijo lapaya ko mopoxi gër osapar or axwën arexëm ko renitand: "Këla buñanële pere, dek këmi wãshën."

²⁷Ga xaÿënan këño, axwën ar xadëp an, sebën këño aňomëx añ do kwël sebët këño exo maÿi.

²⁸And êan ko xadëp ijo añ, fed këni gë a'şanda'w ar ÿomëxa baño tëkër kodî. Ga wëlën këño, xër këño lëy, do ko rend: "Doro afo ey'e ma'ş kodî iram in! Ma'şële kodî iram in!"

²⁹A'şanda'w ga êana këño na, lapaya ko gër osapar orexëm do këño xarand: "Këla buñanële pere, a'wãshën këmi wãshën!"

³⁰Bari mëñ hëp ko kweñ, wëla këño gër epëra xali yatir këño wãshën er ÿomëxa ko in.

³¹Bo'şanda'w ga wat këni ang ri baxo ak, y'ambën këbi xali gër o'wëkw. Wëra këni rey'ax këni dek gër axwën arebën.

³²Ata axwën an w'ac këño xadëp ijo, re këño: "Wëj ata mbañ xeÿ këy' de! Ax gi ex na nde wëno ro seban këmi aňomëx andey' añ ga xara këy'e?"

³³Wëj bëte ine bayik axi kaÿënan ex na a'şandax ang wëno ak?"

³⁴Na ga logën këño axwën an, fel këbi eno pëxwën andiyen atibax exo ma'şaxën er ÿomëxa ko in.

³⁵Ata Faba, mëñ ar ex y'añ gër orën an, mondako këñun ri angëmëne ang hi kën ak, ala kala año tebanënd na abaÿe irexëm gë emëkw el dek.»

Maco 19

End ecapër ed eñer eñ

- ¹Ga ĥata ko Yesu er babi sëy'alind in na gër ebar ed Galile, xani ko xwiriş do kwël y'e ko gër ed Yude, ekeg Yurëdeñ in.
- ²Ata bela bën sëfa këno bengä, bengä. Fën fakëndërax babi bër şëxwëra bax bën.
- ³Ata ĥatëgu këni ofariseñ eno di atëy'. Wëka këno: «Aÿap nde ÿapëk asoşan an eño pela alindaŵ nand këno ÿandi yo?»
- ⁴Yesu yaka këbi: «Wën an pën ex na nde gër Akayëta and Kaxanu mëne nand ÿanak aniyan na asoşan gë asoxari bay' këbi Kaxanu.
- ⁵Mëñ ex, asoşan an afo ebi ñawëta nëm gë sëm, eni baraxën gë alindaŵ do eni gi eman emat .
- ⁶Awa ani bayi na gë nëng gë nëng, şapar ibat këni hi. Mëñ ex, ala an kërebi capëreli na bër bar këbi Kaxanu bën.»
- ⁷Ata re këni ofariseñ ok: «Do ine cëñ felaxën këbo Moyis mëne asoşan an eño pelaxën alindaŵ ñëgwënëleño kayëta ir acapëra?»
- ⁸Yesu yaka këbi: «Në end emëş endewën rexën baxo Moyis enëbi peland bolindaŵ borewën. Bari ax gi bana mondako nand ÿanak aniyan na.
- ⁹Wëno ga re këme, ar këño fela yo alindaŵ, xarak ax gi ex na në end orekar do eño ñër aşëxe, në emenan eño asoxari aÿanar an. Ado orekar këni rind gë axinëm an.»
- ¹⁰Ata re këni bësëfan bërëxëm bën: «Angëmëne mondako ex emëlayan ed asoxari el, ofëcak ax gi ex na gër eñer.»
- ¹¹Yesu yaka këbi: «Afo bër yël këbi Kaxanu bën kë xor eño, ax gi ex na bela dëk.
- ¹²Gër aniyan año, bësöşan exëna bër ani kor na eni daki gë asoxari. Bërëmar mondëwëli kënebi rëwëwind, bëjo bela bën dëñ këbi rind eni gi mondako. Bëjo bëte në end owun or gër orën këni bayixënënd ñërërëxe. Ar kë xor eño an, tëfëlexo.»

End Yesu do gë obaş eñ

- ¹³Ata ĥatëgu këni bela na gër ed baxo yey'anënd Yesu ga wëlanëgu këno obaş orebën ol ebi calen mokwëtan otaxan ok. Bari bësëfan bën xeÿënaxën kënebi.
- ¹⁴Ata re ko Yesu: «Tëbinëbi obaş ol ene tëka, bër ang obaş bën xwënëk owun or gër orën ol, kërenëbi ñwäÿënd na!»
- ¹⁵And şalen këbi mokwëtan otaxan añ, y'e ko kwël.

Endey end ar gë napul eñ

- ¹⁶Ga xucak eño, ĥatëgu ko şambenjar, wëka këño Yesu: «Asëy'ali, enjekax end fe wa ÿapëk me di me cotaxën aniyan and din añ?»

¹⁷Yesu yaka këno: «Ine këye wëkaxënënd end enjekax? Abat fo ex ayekax an. Angëmëne aŷandi ŷandi ki ey dil gër aniyan and din, tëfël bapela baŷ.» Ata wëka ko ala ajo: «Band fe wa?»

¹⁸Yesu yaka këno: «Ax gi ex na monaŵ ala, ax gi ex na mondi orekar, ax gi ex na monëgwëšan ala, ax gi ex na mondeka.

¹⁹Pëbëlëbi norix gë sorix, balindëlexi end ašandax eŷ ang ki balënd end gaf irey ak.»

²⁰Ata šambenjar in re ko: «Aye sëf këme đek bapela baŷo, bëte and fe bayik?»

²¹Yaka ko Yesu: «Angëmëne aŷandi ŷandi ki ey gi ar šenene, ŷel ey panëx acota andey aŷ do kodı ey yëlëra bëxaŷëanaxik bën. Ata këy šot napul isëm ŷaŷ gër orën. And këy ri mondako aŷ, ŷow ey'e tëf wëno.»

²²Ga wël ko eyey'an elo, šambenjar in bedı ko, ŷe ko kwël gayikwa ar gë napul isëm hi baxo.

²³Ata Yesu fel këbi bësëfan bërexëm bën: «Dal in këmun felënd, bon këno ŷëka ar gë napul an exo dilaxën gër owun or gër orën.

²⁴Ga re këme, gelemba saxëk exo kuca në imëd ind icëkwër gë exo dil ar gë napul an gër owun or gër orën.»

²⁵Bësëfan bën, ga wël këni eŷo, šaran këbi xali. Ata re këni: «Do noŷo ngwa kë fex?»

²⁶Ga nëkon këbi Yesu ang xeta bano ak, re ko: «Gër bëla eŷo ax mënd ex na. Barikan gër Kaxanu beŷ đek wëndëk.»

²⁷Aŷo re ko Piyer: «Biyi cëŷ beŷ đek sebëraw këmi, do sëf këmi wëj. Ine këbo hi?»

²⁸Yesu yaka këbi: «Dal in këmun felënd, and kë hat enëngwët ed beŷ đek aŷ, wëno Asëniŵ ar ala an aŷëpa këme ŷëpa gër aŷëpara and owun gë enjaran endam eŷ. Ata wën bësëfan bëram bën ke xetëna në baŷëpara band owun epëxw gë baki enëbi kitixën Bëyisërayel bën ang exëni bandëwëra epëxw gë baki ak.

²⁹Angëmëne në end oŷac oram seb këbi ala: bobinëm, nëm gë sëm, alindaŵ gë obaš orexëm, bëciŵ, ošënga, nëmëc ko šotëra, bëte ecan ecan exo tëndä aniyan and din aŷ.

³⁰Bëŷanar bëranjëm kë hi bemban do bemban bëranjëm bëŷanar.»

Maco 20

End apënëtal and bëxwëc eŷ

¹«Nëkod owun or gër orën ol gë er wëndërek in. Ala ŷe bax mopëd ebi calaraw bërandiyen eno kwëcën reseŷ in gër andëdä andexëm.

²Bërandiyen bëŷanar bër sëk këbi bën wëlër këni ebi cos atama and kodı amat, ang rëp bax gër amëdëna ak. Ata re ko eni ŷe gër andëdä and reseŷ andexëm.

³Ye ko gër angol ebi calaw bërândiyen bêsêxe and yatênak aŋ. Sêk kêbi ga yêpara keni aÿêpa fo.

⁴Ata re ko: “Yeyin wên bête gër andêda andam, ang yâpêk ak kêmun șos.”

⁵Bela bêjo ga wâ keni y'e keni. Ye ko bête gër angol and hâtek eñan keŋ gër gaf aŋ. Baka ko and hik eñan poxoș gaf aŋ, wêlaw kêbi bête bêsêxe.

⁶Baka ko bête gër angol dam ex cêla eñan eŋ. Sêk kêbi bela bêsêxe ga yêpara keni. Ata fel kêbi: “Wên ine bayixên kên ro ciș aÿêparand fo?”

⁷Yaka keno: “Ala abo med ex na andiyen.” Ata fel kêbi eni y'e bën bête gër andêda and reseŋ andexêm.

⁸Ga xwëyarêk, axwên andêda and reseŋ an fel kêno aŵêxêta ar kodî irexêm an: “Macêlêbi bërândiyen bën eyêbi cosêra, do ñanalêbi bemban bën.”

⁹Ga sêka keno bër wêlaw babi dam ex cêla eñan bën, șot keni ala kala atama amat and kodî ang rêp bax gër amêdêna ak.

¹⁰Felata keni bër wêlaw babi elod mopêd gëbër bën ga keni yêla mène nêmec kêbi șos. Barikan, șos kêbi ala kala atama amat ang rêpêk gër amêdêna ak.

¹¹Ala kala, and ko xana aŋ, exo ñunêŋuna end axwên andêda eŋ.

¹²Ata abat re ko: “Okò ine cêŋ șosaxên kÿ'êbo biyi gwër fo gë bër riyenik apêxêd amat fo bën, xarak biyi buŋak oyat ok dek amêdêna aŋ?”

¹³Yaka kêno: “Lawo, wêno yoweÿ ami menan ex na de! Ax gi ex na nde atama amat wêlêr baxe, ang rêpêk gër amêdêna ak?”

¹⁴Kanal kodî irey in ey maÿi! Wêno wa yandi ke mo cos arândiyen afelatar an gwër fo gë wêj.

¹⁵Ba ame kor na nde me di ang yandi ke ak gë napul iram in? Bête ba ga nênga kême nde ki y'akêraxind wêj?»

¹⁶Ata Yesu hata ko: «Mêŋ ex bemban bën kê hi bÿanar do bÿanar bën bemban.»

End ecês ed Yesu eŋ

¹⁷And hi keni dam gër Yerusalem aŋ, Yesu nacêt kêbi bêsêfan epêxw gë bÿxi bën, re ko:

¹⁸«Ga kêne yende ako y'aŋ gër Yerusalem, nangin mène bela ke lëxw na wêno Asêniw ar ala an gër bêsadaxan bëlêngw do gër bêsâlen. Do bën and kêne xiti aŋ ebi ketan ene dâw.

¹⁹Bën fo ke lëxw gër bela bër benêng becêxe. Ata and kêne lêsêra do ene kêmera aŋ, ene dâw mo pika nê osêx. Bari, wêno yatir akey atasên axani kême xani gër ecês.»

End Șak do gë Șaŋ eŋ

²⁰Ga xucak eņo, alindaŵ ar Sebede, gē bosēñiŵ sēka kēno Yesu. Ata foxi ko eņo kara ŷeŷ.

²¹Yesu ŵēka kēņo: «Ineŵa ŷandi ki.» Yaka ko: «Kēla tanalēbi wa bosēñiŵēn boram bējo eni ketēna gēr owun oreŷ: abat gand liŵ, ajo gand ŷame.»

²²Na, re ko Yesu: «Wēn, an nang ex na er kēne xarand in. Axor nde kēn xor en toro ang wēno ak?» Yaka kēni: «Iyo, axor kēmi xor.»

²³Ata re ko bēte Yesu: «Dal ex, axor kēn xor en toro ang wēno ak. Barikan, end ene ketēna abat gand liŵ, ajo gand ŷame eņ, ax gi ex na wēno kē sanand. Bēr xēñēnan kēbi Faba bēn xwēnēk bañēpara baņo.»

²⁴Ga wēl kēni eņo bēsēfan epēxw bēn xoŷēn kēnēbi bēr gē abinēm.

²⁵Ata Yesu ŵac kēbi, re ko: «Anang nang kēn mēne bēlēngw bēr benēng becēxe bēn awun kēni wunēnd gē mbēña gēr bela bēr gēr owar orebēn, do bēsēm bēn aŵasin kēnēbi ŵasinēnd or gapak orebēn ol.

²⁶Bari gēr engā endewēn, kērex gi na mondako. Ar ŷandi kēņo yo exo gi alēngw an, gilexo ariyenin ar bela đek.

²⁷Do ar ŷandi kēņo yo exo gi aŷanar gēr engā endewēn an, gilexo xadēp irewēn.

²⁸Wēno Asēñiŵ ar ala an mondako ŷow kēme mun diyenin, ax gi ex na ene diyenin. Ado aniyān andam aņ ŵed kēme ang acosa fo eni pexaxēn bela bēranjēm.»

End bēŷiŵēk bēxi eņ

²⁹Yesu gē bēsēfan bēn ga kēni ŷan angol and Yeriko aņ, engā end bela babi sēfand na bura-bura.

³⁰Xarak, bēŷiŵēk bēxi ŷēpa baxēna ler gēr fēña do kēni xararand. And wēl kēni mēne Yesu kē ŷowēnd aņ, kēni xeŷēnd: «Axwēn, kaŷēnanēlexi biyi! Kaŷēnanēlexi wa biyi Asēñiŵ ar Dafid!»

³¹Ata bēranjēm kēnēbi xexēnd eni cēsina. Barikan bēn aņo xeŷ kēni kaŷ-kaŷ: «Axwēn, kaŷēnanēlexi biyi! Kaŷēnanēlexi wa biyi Asēñiŵ ar Dafid!»

³²Ata xwēŷa ko Yesu, ŵac kēbi. Ga ĥat kēni, ŵēka kēbi: «Ineŵa ŷandi kēņun mun din?»

³³Yaka kēno: «Axwēn, mi ciŵēta ŷandi kēbo.»

³⁴Ga xaŷēnan kēņo, Yesu fēđ kēbi ala kala. And fēđēt kēbi aņ, watēra kēni ataņ do kwēl sēfa kēno.

Maco 21

¹And hi kēni Yesu gē bēsēfan bērexēm đam gēr Yerusalem aņ, ĥat kēni gēr ingol ind Betēfage, ler gēr etēnd ed gē bañarēka. Aņo laŵēn kēbi bēsēfan bēxi:

²«Yeyin gër ingol ind gër lëngw. And kën ĥat aŋ, ata kënëbi sək fali inëm mokap do gë ipali ler gër ndexëm. Pëtëgunëbi ene mëlänëgu.

³Angëmëne ala wëka kënun na, yakayidën mëne Axwën an rek mëni mëla. Ata kënun sebën enëbi mëlaw.»

⁴Ata mondako bax ex ɲata er yëgw ko ala wënel in:

⁵«Pelinëbi bër gër angol and Siyoŋ bën, Nëkoyino wa emun endewën eŋ ga ko yelind. Gë onënga fo ko yelind yaŋ në fali inëm, Yaŋ në ipali ind rëw kënjo emacar end andiyen yëpa ko .»

⁶Ata bësëfan bën y'e këni, rix këni ang fel babi Yesu ak.

⁷Ga wëlaw kënëbi fali inëm in do gë ipali in, labëra kënëbi gë banjëm. Yesu yëpaxën kënjo ibat.

⁸Do ang barërëgu bani bela bën moñëmb: mar rendëra këni banjëm bandebën baŋ gër fëña; bëjo fongëtëraw këni opat gër batëx do lab këni fëña in tar.

⁹Ata ga këno sëfa Yesu, bëjo gand lëngw, bëjo gand epoy', këno šëkwënd do këni xeÿënd: «Hosana, dafëlexo Asëñi w ar Dafid, Betalexo ga ko yowënd ako gë o wac or Axwën ol, Wëlilexo xali yaŋ gër orën!»

¹⁰And ĥat ko Yesu gër Yerusalem aŋ, angol aŋ dek fuli këni. Er bani wëkarënd: «Noÿo ngwa hi ko ala ajo?»

¹¹Eni yaka bërëmar: «Yama ala wënel ar këno wacënd Yesu an ga ex nde! Gër Nasaret xaniw ko, fëco gër ebar ed Galile.»

End Aciw and Kaxanu eŋ

¹²And ĥat ko gër Yerusalem aŋ, Yesu lil ko gër yangana ir Aciw and Kaxanu. Wwayëra këbi dek bër bax fandërand do gë bër bax yëcërand na bën. Yamëra ko bakwëtaya band bënëmb bër kodï baŋ do gë bañëpara band bëfan bër olëxwëte baŋ.

¹³Ata fel këbi mëne Kaxanu rek: «Aciw andam aŋ and cale ex barikan wën nëngwët kën emaÿi ed bërek .»

¹⁴Na dëŋ gër yangana ir Aciw and Kaxanu, ĥatëraw këni bëšiwëk do gë bëseÿik, ata fakën këbi dek.

¹⁵Bëšadaxan bëlëngw bën do gë bëšalen bën wat këni dek becarax bend ri baxo na beŋ. Wël kënëbi bëte obaš ol ga këni xeÿ gër yangana ir Aciw and Kaxanu: «Hosana, dafëlexo Asëñi w ar Dafid!»

¹⁶Ata wëka këno Yesu: «Këy wëlënd nde er këni rend obaš in?» Yaka këbi: «Iyo aye këme wëlënd! Do wën, ba elod an pën ex na nde gër ed yëgw këni endam mëne obaš ol dek gë bënd gër oyer ak ayas këne yasëf .»

¹⁷Ga yaka ko mondako, seb kēbi na, kwēl šan ko angol and Yerusalem aŋ, y'e ko gēr ingol ind Betani, gēr ed hi bax exo dākix.

End andan eŋ

¹⁸Ga xeyēk, Yesu fēdar kēni enjo. Ata mopēd gēbēr, ga ko baka gēr Yerusalem,

¹⁹wat ko andan ler gēr fēña. Ga šapan ko, sēk ko tudēŋ opat fo. Ata re ko: «Wēj atēx aŋo bēte din ay dēw na!» Andan aŋ hāyēk ataŋ!

²⁰And wat kēni bēsēfan bēn enjo aŋ, šarandēra kēbi xali do kēni wēkarēnd: «Mondake wa hāyēk andan aŋo ataŋ ataŋ?»

²¹Ata re ko Yesu: «Dal in kēmun felēnd, angēmēne axwēta xwēta kēno Kaxanu gē oŋpēgēnan kēm, ado etēnd elo dēŋ ata kēn fel: “Pacanal ro, ey dāpayax gēr anjer” ata facanadox etēnd el, ax gi ex na eŋaŋyēn ed andan fo xorēdon.

²²Nangin mēne dek er kēn xara yo gē ekwēta gēr cale, ayakali kēŋun yakali Kaxanu.»

End or gapak or Yesu eŋ

²³And hāt ko gēr Yerusalem aŋ, Yesu lil ko gašēxe gēr yangana ir Aciw and Kaxanu. Ga kēbi sēyalira na bela bēn, hātēgu kēni bēšadaxan bēlēngwbēn do gē bēxarēk bēr Bēšewif bēn. Wēka kēno: «Kērēš wēj gē or gapak or fe kēyēbi sēyalixēnēnd bela bēn? Noŋo wa yēl ki or gapak olo?»

²⁴Yesu yaka kēbi: «Wēno bēte, emat fo kēmun wēka wēn. Angēmēne ayaka yaka kēne, afel kēmun fel gē or gapak or fe kēme rixēnēnd beŋ bēn.

²⁵Xobuyi or babi buyind bela Šaŋ Batis ol, feye wa xaniw bax? Ba gēr orēn nde, ba gēr bela nde?» Ata na bēn kēni nēkēnēkērand: «And kēne yakaye “Gēr orēn”, ata kēbo wēka: “Ineŋa bayik wēn ano kwēta ex na?”

²⁶Bēte angēmēne ene yakaye: “Bela bēn lawēnēgu baŋo”, awa yēdanēbene de amēxwēr and bela aŋ gayik bēn dek Šaŋ Batis, alaŋwēnel ar Kaxanu xwēt kēno.»

²⁷Ata yaka kēno Yesu: «Biyi ami nang ex na ba noŋo lawēnēgu baŋo.» Yaka kēbi mēŋ: «Wēno bēte amun pel na ba gē or gapak or fe kēme rixēnēnd beŋo.»

End apēnētal and ocambenjar oki eŋ

²⁸Ata Yesu fel kēbi bēte: «Baxētīn mun pel end ar gē odēmēta oki eŋ. Ga wāc kēŋo iŋanar in fel ko: “Doro asēñiwēn y'el ey diyenix gēr andēda and reseŋ.”

²⁹Yaka ko: “Wēno axe ŋandi ex na.” Barikan, šena kēŋo y'e ko ay'e dēŋ.

³⁰Fel kēŋo bēte mondako fo lēmēta ixinēm in. Mēŋ yaka ko: “Oko ado aye kēme y'e Faba!” Bari axo y'e ex na.

³¹Gērēgako, lēmēta ir fe wa ri bax er ŋandi baŋo sēm irebēn in?» Yaka kēni: «Iŋanar in!» Ata re ko Yesu: «Dal in kēmun felēnd bēsēf bēr šagale bēn do gē bēsoxari bēŋacaxik bēn kē hātēt gēr owun or Kaxanu, wēn en bayi emban eŋ.

³²And yow ko Ŝaŋ Batis eŋun masin fëña ir ŝenene aŋ, bësëf bër ŝagale bën do gë bësoxari bëŷacaxik bën fo xwëta këŋo. Barikan wën ado ga nang kën aye fëña ijo, aŋun cena ex na end ola orewën eŋ gayik ano kwëta ex na.»

End apënëtal and bëŷan bëxeŷax eŋ

³³«Baxëtin mun pel apënëtal acëxe. Mondako ri baxo ala. Ga ri ko andëda and reseŋ, xece ko jey. Nac ko ambëxw akaraxën and omen od reseŋ do bay ko bëte aciŵ atëndëndër. Na sebënan këbi bëŷan eni cetërend gë mëŋ er këni xana in. Do ye ko kwël dãmana.

³⁴And sëgëk reseŋ aŋ, axwën andëda an laŵënëgu këbi bëriyenin bërexëm bën eno mëlan ošet orexëm ol.

³⁵Barikan bëŷan bën sëra kënebi bëriyenin bëjo, ŝeŵëra këno abat, laŵ këno ajo do fëtëra këno ašëxen an.

³⁶Laŵënëgu këbi bëte bëriyenin bëšëxe, nëmëc ang ebani bëŷanar ak, bëŷan bën narëndëra kënebi bëte xali.

³⁷Mondake ko ri axwën andëda an, afo ga felata këŋo olaŵën ol asëñiŵ ga baxo yëland mëne afëb këno fëb.

³⁸Barikan, bën and watëgu këno ga ko yow aŋ, këni rend: “Mëŋ ex de ar kë bëteli andëda an, marawën enëŋo daŵe ebo bayixën.”

³⁹Ga ĥatëgu ko lëf gër andëda and reseŋ, bëŷan bën ŝonjorëra këno fac-fac do laŵëx këno.

⁴⁰Awa gërëgako, and ko yow axwën andëda and reseŋ aŋ, mondake yëla kën këbi ri bëŷan bëjo?»

⁴¹Yaka këni: «E gë oxoŷ osëm ko ĥatëgu ebi daŵëra bela bëxeŷax bëjo do ebi tebënan andëda and reseŋ aŋ bëŷan bëšëxe, bër këŋo yana eŋo cetënd ašet reseŋ in and kë sëg aŋ.»

⁴²Na rew ko Yesu: «Awa do wën elod an pën ex na nde Oñëgw Omënëk od rek: “Ekaŷ ed ŝus bani bëbay bër aciŵ el, Bakan ko Kaxanu xali hik ekël ed aciŵ el. Gër Axwën xaniwëk eŋo, Do biyi bon këbo ŝaranënd.”

⁴³Mëŋ këmun felaxënënd mëne Kaxanu axan këŋun xan owun or gër orën ol wën Bëšëwif bën do ebi tebënan enëŋ end bër ax gi ex na Bëšëwif eni dëkaya ang yandi këŋo ak.

⁴⁴Ekaŷ ed këme rend elo, ar këŋo wëcan an bënd-bënd ko hi, Ar kë wëcan an, exo gi rongo-rongo Bëte ar këŋo wëcan an, momot këŋo bot.»

⁴⁵Ga wël këni bapënëtal baŋo, bëšadaxan bëlëngw bën do gë ofariŋ ok fëni këbi mëne Yesu bën dëŋ babi rend.

⁴⁶Dek ÿandi babi eno tëra. Barikan amëxwër aŋ banëbi yëdand gayik bëranjëm alaŵënel ar Kaxanu xwët bano Yesu.

Maco 22

End apënëtal and eñer eŋ

¹Ga xucak eŋo, Yesu këbi felërand bëte gë ßapënëtal, ko rend:

²«Owun or gër orën ol er wëndërëk gë endey end emun end rin baŋo ekana asëñiŵ fo.

³Laŵën këbi bëriyenin bën enëbi y'en bër fel babi eni yowëraw gër ofëna bën. Bari bën hëp këni eni yow.

⁴Laŵën këbi bëte bëriyenin bëšëxe, enëbi pelëx: “Ogaš odam ok do gë opërac odam ok haš këmëni anëka yënëk yas eŋ, wën fo šëni këmün.”

⁵Bari bër fel babi eni yowëraw bën abi bal bana eŋo. Fecan këbi eni tëf bendebën, kwël šapër këni: ajo gër ošënga, ajo gër opane odexëm.

⁶Bër ßayi bax na bën sëra kënëbi bëriyenin bën, xëmëra kënëbi xali laŵ kënëbi.

⁷Ga xoŷ ko emun eŋ, laŵën këbi ocoroda odexëm ok enëbi daŵëra bela bëjo do eni cor angol andebën aŋ.

⁸Ata emun eŋ fel këbi bëriyenin bën: “Ecemar ed ofëna ol, anëka feyëtëra këni, bari bër fel bamëni eni yow bën abi ñap bana.

⁹Gërëgako yeyin gër angol, gër opëña od këni yëmbënd bela. Gë ar kën fed yo macëgudëno.”

¹⁰Bëriyenin bën šapër këni gër angol, ed opëña el. Do gë ar fed këni yo, hi ko asëmbak, hi ko ar šenene, ŵac kënëbi gër ofëna. Ata mondako fëxw bani gër aciŵ and ofëna.

¹¹Ga lilëgu ko emun eŋ ebi nëkon bër ŵacëgu kënëbi bën, wat këŋo ar ßayik ax cudä bana anjëm and ofëna.

¹²Ŵëka këŋo: “Lawo, mondake wa lilëgu këy ro gë acud and ofëna këm.” Ata ala ajo šësinan këŋo yem.

¹³Emun eŋ fel këbi bëriyenin bërexëm bën: “Kapin osapar oŋ do gë otaxan ok eno yayaxën fac gër ecamëdan. Tesëxëlexo, ŋatayaxëlexo ebasa el.”»

¹⁴Ga hata ko Yesu apënëtal aŋo, re ko bëte: «Enimin, bëranjëm exëni bër ŵac këbi Kaxanu bën. Barikan təkër fo exëni bër sana këbi bën.»

End šagale eŋ

¹⁵Ata ofariseŋ ok ŵacër këni eni cala endey end këno ŵëka Yesu eno bonaxën.

¹⁶Ga šot këni, laŵën kënebi bësëfan bërebën bën do gë od Erod gër Yesu. Ga ĥat këni re këni: «Asëy'ali, anang nang këmi mëne wëj end däl fo këy' rey'and. Enimin, fëña ir Kaxanu in këy'ëbi ŵasinënd bela bën. Ala ay'o yëdand na, bëte ay'o nëkonënd na ala an ba noy'o hi ko ey'o pelëraxën.

¹⁷Gërëgako, pelëlëbo er yëla këy' gër endey' eņo in: Aņap nde yāpëk šagale ir ko ŵëkand Sesar in? Mi medënd nde, ba mi teb emed' el nde?»

¹⁸Ga wata ko Yesu osit orebën ol, yaka këbi: «Wën bëy'ëņenax bër kë labayand hi kën, ineŵa yāndixën këņun ene bon?

¹⁹Masinine kodī ir kën ŵedaxënënd šagale in.» Ata fëxwën këno atama amat.

²⁰Ga nëkon ko, ŵëka këbi bër xeta baņo bën: «Dëxas in ir noy'o wa ex?» Yaka këno: «Ir Sesar.» «Do oŵac ol cëņ?»

²¹Yaka këno bëte: «Orexëm fo ex.» Ata re ko: «Mašino Sesar erexëm in, do Kaxanu er xwën ko in.»

²²Ata ga šaran këbi ang yaka ko ak, kwël šapër këni abat abat.

End Yesu do gë Osaduseņ eņ

²³Kwël yatijo fo, Osaduseņ y'ow këni bëte gër Yesu. Bën ex bër bax yëland mëne ekani ed gër ecës ax gi ex na. Ata re këni:

²⁴«Asëy'ali, baxëtël er fel këbo Moyis in. Angëmëne asošan exo cës tebëtarëxe obaš, abinëm këņo bëteli asoxari an, eņo dëŵënaxën obaš ar nemik an.

²⁵Xarak, gër ndebi ro ocambenjar ocongoki hi baxëna aminëmëra. Iyānar in yër ko, bari šës ko obaš këm. Abinëm bëteli këņo asoxari ar sebëta këņo an.

²⁶Nemi ko mëņ bëte obaš këm. Ako fo hi babi bën bëcongëbëxi bën dek.

²⁷Ga faņëra këni bën dek, šës ko bëte asoxari an.

²⁸Do yatir ekani ed bësësëk cëņ, alindaŵ ar noy'o ŵa ko hi gayikako bën dek bëcongëbëxi bën aņër yër bano?»

²⁹Yaka këbi Yesu: «Wën ata and kën lifënd dëņ ex de. Aņun pëni ex na Oņëgw Omënëk ok, bëte an nang ex na panga ind Kaxanu iņ.

³⁰An nang ex na nde mëne yatir ekani ed bësësëk, eņër ax gi na? Bësošan bën do gë bësoxari bën ang omeleka fo këni hi y'aņ gër orën.

³¹End ekani ed gër ecës eņ, elod an pën ex na nde er fel këņun Kaxanu in? Ga re ko:

³²“Wëno ex Kaxanu, ar yata këņo Abëraxam an, wëno ex Kaxanu, ar yata këņo Isak an, bëte wëno ex Kaxanu, ar yata këņo Jakob an.”» Ata re ko bëte Yesu: «Awa eņo ŵasinëdoņun mëne Kaxanu, Kaxanu ir bëbëngw exo, axo gi ex na ir bësësëk.»

³³Ata dek bër baņo baxët bën, šaran këbi end osëy'ali orexëm eņ.

End apela anëngw eŋ

- ³⁴And wël këni ofariseŋ ok mëne Yesu abon bon këbi bëte Osaduseŋ ok, fedër këni.
- ³⁵Ata ga ŷandi këbi eno bon Yesu sana këno asëŷali ar acariya and Moyis eŋo mëkara. Ga sëka këŋo wëka këŋo:
- ³⁶«Asëŷali, apela and fe ex anëngw aŋ gër acariya and Moyis?»
- ³⁷Yaka ko Yesu: «Nanëlo Kaxanu, Axwën arey an, gë yomb irey ak ðek, gë enjëw endey ak ðek, gë anjëlan andey ak ðek.»
- ³⁸Apela aŋo ex and xucak ðek aŋ, mëŋ ex anëngw aŋ.
- ³⁹Baxëtël and bëtëk aŋ: “Balindëlexi end ašandax eŋ ang ki balënd end gaf irey ak.”
- ⁴⁰Acariya and Moyis aŋ ðek do gë osëŷali or bëlawënel bër Kaxanu ol ðek, gër bapela baki baŋo ex.»
- ⁴¹Gër ed barër bani ofariseŋ, Yesu wëka këbi endey eŋo:
- ⁴²«Ake yëla kën end Afexën eŋ? Ar andëwëra and noŷo hi ko?» Yaka këno: «Oko, ar andëwëra and Dafid!»
- ⁴³Ata re ko bëte Yesu: «Ga ŷëm ko gë panga ind Angoc Amënëk iŋ, Dafid baŋo wëacënd Afexën an, Axwën arexëm and baxo rend:
- ⁴⁴“Axwën an fel këŋo Axwën aram an. Njëpal gand liw iram ro, xali mi korën bërangoŷëra and gë wëj bën xali eyëbi bëña.”
- ⁴⁵Gayikako Dafid mëŋ dëŋ këŋo wëacënd Afexën an, Axwën arexëm, mondake cëŋ hi ko Asëñiŷ arexëm?»
- ⁴⁶Bari gabatak ax kor bana eŋo yaka. Ata elod yatijo ala bax yëxw na eŋo mëka ŷey.

Mac 23

End bëšalen do gë Ofariseŋ eŋ

- ¹Akey amat, Yesu babi felërand amëxwër aŋ gë bësëfan bërëxëm bën.
- ²Ata ko rend: «Bëšalen bën gë ofariseŋ ok bëtëk gër añëpara and Moyis do kënebi sëŷalind bela bën.
- ³Mëŋ ex, mayindën ang kënun sëŷalind ak. Bëte tëfindën er kënun felënd in. Bari kërenëbi tëfëtëlinde na ang këni rind ak. Bën ani dind na er këni sëŷalind in.
- ⁴Ang bër këbi libënënd bonëb botibax bela fo hi këni xarak bën gë təkërak anëbi dëcand na.
- ⁵Enëbi kwitaxënënd bela bën, imboto këni fugand gër eyiŷ, do këni šufand bocud bond gë oŋaŋën .

⁶Mbaŋ ĥan këni ey'e ed në er hik ñambëran el do gë eketëna ed axwën ofëna el. Mbaŋ ĥan këni bañëpara band gër lëngw baŋ gër baciw̃ bacaleya. Bëte gër ed këni yëpara mbaŋ këbi nënganënd enëbi cëmarand bela bën.

⁷Bëte mbaŋ këbi nënganënd enëbi macënd “asëy'ali.”

⁸Barikan wën këren mand na enun mac “asëy'ali.” Asëy'ali arewën an abat fo ex, do wën dek aminëmëra hi kën.

⁹Do ala këreno macënd na “Faba” gër ebar, gayikwa abat fo ex Sorix irewën, Faba ir y'aŋ gër orën in.

¹⁰Këren mand na enun mac alëngw. Wëno Afexën an gabat fo hik alëngw arewën an.

¹¹Alëngw arewën an gilexo ariyenin arewën.

¹²Ar kë rafëna an, Kaxanu alat këŋo lat, do ar w̃ak eno bëña an, Kaxanu arafën këŋo rafën.»

¹³Yesu ŝom ko: «Wën bëŝalen bën gë ofariseŋ ok, bëyëŋëx bër kë labayand hi kën, ata mbaŋ wë këŋun. Ebët ed owun or gër orën el kën wefind. Wën dëŋ an dëlënd na, bëte anëbi tebënd na eni dël bër y'andi këbi bën.

¹⁴Wën bëŝalen bën gë Ofariseŋ ok, bëyëŋëx bër kë labayand hi kën, mbaŋ wë këŋun! Wën këbi y'ambarand bësoxari bësebëta sebëta bën. Bëte wën fo watak aŝale, aŝale, aŝale, mëŋ ex kiti indewën in gë pit fo kë y'ëka.

¹⁵Awë wë këŋun wën bëŝalen bën do gë ofariseŋ ok, wën bër ex bëyëŋëx bër kë labayand bën! Angwëngw and ex yo kën xegëtand, gër ed ex yo gër ebar kën hërënd eno dëxaxën ala gër cale indewën. Do ala ajo and ko hi aŝalek aŋ, eno di bakëlëbëd baki ar gër xodux, ar wënak nëmëc wën.

¹⁶«Ata mbaŋ wë këŋun wën bër këbi lëngwelind bela bën, xarak bëŝiwëk en, bëyëŋëx bër kë labayand hi kën! Wën këbi felënd bela bën mëne ala exo yaŝaranënd Aciw̃ and Kaxanu aŋ, xarak axo di ex na er re ko in, oŝëba aŋo dëk na. Bari angëmëne exo yaŝaranënd kaŋe ir lëf in, xarak axo di ex na er re ko in, alëk këŋo lëk oŝëba ol.

¹⁷Ata and an yëlarand na ex dë! Inew̃a xurik ex këbën: kaŋe in nde, ba Aciw̃ and Kaxanu aŋ nde, mëŋ ar kë wënënënd kaŋe an?

¹⁸Wën këbi felënd bëte bela bën mëne ala exo yaŝaranënd angëb aŋ xarak axo di ex na er re ko in, y'owëy aŋo gi na. Bari exo yaŝaranënd ŝadaxa ir ex y'aŋ gër angëb in, xarak axo di ex na er re ko in, alëk këŋo lëk oŝëba ol.

¹⁹Ata and an yëlarand na ex dë! Inew̃a xucak ex këbën: ba ŝadaxa in nde? Ba angëb aŋ nde mëŋ ar kë wënënënd ŝadaxa an?

²⁰Ar kë yaŝaran angëb an, anëka yaŝaran ko dek gë er ex y'aŋ gër angëb in.

- 21**Ar kë yaşaran Aciw̃ and Kaxanu an, anëka yaşaran këŋo Kaxanu mëŋ ar lëgëk na an.
- 22**Ar kë yaşaran orën an, anëka yaşaran ko añëpara and owun or gër orën aŋ do gë Kaxanu mëŋ ar yëpaxënëk an.
- 23**Wën bëşalen bën, gë ofariseŋ ok, bëyëŋëx bër kë labayand hi kën, ata mbaŋ wë këŋun! Emed ed dim el aye yek: hik ir esëngëng, hik ir eymën, hik ir ongën. Barikan, ola or şenene ol, gë axaŷënan in, do gë egi ed ala axwëta xwëta el lëngwëk gër acariya and Moyis. Beŋo doŋun bal nëmëc xarak an teb ex na emed ed dim el.
- 24**Wën bëlëngweli bëşiwëk hi kën! Mondake këno hëlënd yer gelemba in, do këno sëpënd eŋoŋën eŋ?
- 25**Wën bëşalen bën gë Ofariseŋ ok, bëyëŋëx bër kë labayand hi kën, ata mbaŋ wë këŋun! Odëyamb odewën ok kën wënënënd fac fac in, xarak ed lëf lëf el dëk buyarëk. Gër owëkw orewën er xëñëk: orek do gë oñandi oñëŋëx.
- 26**Wëj fariseŋ ijo, ang aşiwëk fo hi këy! Nebël pere odëyamb ok ed lëf lëf el dãmana ey mënëxaxën ed fac fac el!
- 27**Wën bëşalen bën, gë ofariseŋ ok, bëyëŋëx bër kë labayand hi kën, ata mbaŋ wë këŋun! Ang oñeg od feşën këni fo fac fac in hi kën. Barikan, polo oşapar owërëk do dëk obuyaraxik fo fëxwëk.
- 28**Ata wën, mondako hi kën: gër ogës od bela ang bër şenene fo xarak bëyëŋëx bër kë labayand hi kën. Yer betëmbak fo hi kën.
- 29**Wën bëşalen bën, gë ofariseŋ ok, bëyëŋëx bër kë labayand hi kën, ata mbaŋ wë këŋun. Wën dëŋ kë bayënd bañeg band bëlawënel bër Kaxanu baŋ. Wën kë yañënënd bëte bañeg band bër şenene baŋ.
- 30**Bëte wën fo kë rafënannd mëne kido angwën and bëxarëk bërewën aŋ hi ban, an bar dona gë bën gër edaŷ ed bëlawënel bër Kaxanu bëjo.
- 31**Wën dëŋ kë reyand osede or këŋun lëxwënd ol ga kën rend ako mëne wën ex obaş or bër laŷ këbi bëlawënel bër Kaxanu ol.
- 32**Ata kemënayin de en mendëra, başin xali ex dëmbuca eñëŋëx end bëxarëk bërewën eŋ!
- 33**Ata wën ang bandën fo hi kën, ang otaŷ-orang fo hi kën! Mondake kën xwëyëta kiti ind gë xodux iŋ?
- 34**Mëŋ ex, wëno alawëneli laŷëneliw këmun: bëlawënel, gë bërenik, do gë bëşalen. Barikan wën, mar alaŷ kënebi laŷ, mar fika kënebi, mar xëmëra kënebi xali gër baciŷ bacaleya bandewën, do mar narëndëra kënebi xali. Gë angol gë angol kënebi yana enëbi tëfërand.

³⁵Ata wën awëcan kënjun wëcan kiti inj në end oșat or lexik gër ebar eņ. Anëp kënjun nëp në end oșat oņo. Ga ŷana ŷana ko gër oșat or Abel, ar ŷenene an, Kaxanu đek ko sëf xali gër or Sakari, asëñiŷ ar Berekiya an, ar laŷ këno fëco angëb fëco ebët, lëf gër yangana ir Aciŷ and Kaxanu an.

³⁶Dal in këmun felënd, wën bela bër gë okey oko bëjo dëņ kënjun wëcan đek beņo.»

End Yesu do gë Bëyerusalem eņ

³⁷«E Bëyerusalem, wën këbi laŷënd bëlaŷënel bër Kaxanu bën. Wën fo këbi fëtërand gë oxaŷ xali eni cës đek bër kënjun laŷëneliwënd bën. Wëno bandanjëm xacëra ke mun bar ang këbi barënd ecare obaș orexëm đila gër obafe odexëm ak. Bari wën an ma ex na.

³⁸Ata në eņo ko ŷaņętaxën Kaxanu Aciŷ andexëm aņ.

³⁹Ga re këme, doro fela këne ewat el xali yatir kën re: “Betalexo ar kë ŷowënd gë oŷac or Axwën an!”»

Maco 24

End eyëcar ed Aciŷ and Kaxanu eņ

¹Ata Yesu ga ko ŷan gër Aciŷ and Kaxanu, bësëfan bërëxëm bën re këni: «Asëŷali, nëkonël bameņ band bongaŷ baņ ang yëlëra këni ak, monje yek đe.»

²Yesu yaka këbi: «Dal in këmun felënd, bameņ band kën watënd baņo, đek kë yëcar; ekaŷ gebatak ax bayi na eyëlëtërëx!»

³Ga ĥat këni gër etënd ed gë bañarëka, Yesu ŷëpa ko. Ata ga xeta këno bësëfan bën, ŷëka këno: «Asëŷali, pelëlëbo ba nand fe kë yëcar Aciŷ and Kaxanu aņ? Ine këbo ŷasin mëne anëka kë saxëgund ebakaw edeŷ el do gë ekwët ed ngwën el?»

⁴Ata Yesu yaka këbi: «Diyindën gë onden oņ, ala këreņun yifađ na xali en ma endexëm eņ.

⁵Bela bëranejëm kë ŷowëraw gë oŷac oram ol do eni dend: “Wëno ex Afexën an.” Ata mondako kënebi yifa bëranejëm.

⁶Ado awël kën ŷana en wëlënd oŷer or kë fët gër owar oņ. Mongwël dëņ kën ŷana en wëlënd edandër el. Bari këreņun dëgëneđ na! Afo ex kuca pere beņo, xarak ax gi ex na pere ekwët ed ngwën el.

⁷Er këbi ŷana ebi takërërand bela bën gë enëng gë enëng, do gë ebar gë ebar. Në ed mar enjo etëm këbi ŷana ebi wëcanënd. Bëte në ed mar, ebar el kë ŷana ex dëgënd.

⁸And kë xuca đek beņo aņ, nangin mëne aŷana fo ŷanak toro inj.

⁹Ata alëxw kënun ŷana enun đëxwënd në er kën soro, bëte alaŷ kënun ŷana đawënd. Đek benëng bend bela beņ kënun ŷusëra në end oŷac oram.

10Bërëmar gër engä endewën, and këni ŷana eni watënd beŷo dek aŷ aŷpëgënan këbi ŷana ebi ƚpëgënanënd endam eŷ. Do bëränjëm kë ŷana ex yifarënd, bëränjëm kë ŷana ex cusërënd në end oŷac oram.

11Bëlaŷwënel bënëgwëŷ bëränjëm kë ŷanayaw na do enëbi yifand bela bëränjëm.

12Mbaŷ kë ŷëmb eŷëŷenax eŷ gër ngwën ro, ata gër oŷëkw or bela bëränjëm aŷana aŷ abaŷëta kë baŷëta.

13Barikan, ar kë xemëna xali yatir kë xwët endexëm an, afex ko fex.

14Atëfëtan and owun or Kaxanu aŷ afem kë hi mopem dek ebar el do gër ed ex yo. Mondako kë hixën osede gër benëŷ bend bela. Ata amëd aŷo fo kë xwët ngwën iŷ.»

End amena acaraxik eŷ

15«Mëŷ ex and këno watënd aŷwendëran aŷaraxik ar rey'a baxo alaŷwënel Daniyel mëne aŷow ko ŷow aŷ, lëf gër ed ŷëbak, awa pënileŷo aye ar kë fënënd akayëta aŷo an .

16Mëŷ ex, bër lëgëk gër ebar ed Yude bën gërëxëdëlexëni gand osënd.

17Bëte ar kë hi ŷaŷ në ejur ed këbe an, gërëlexo. Kërëxo pedan na ŷeŷ lëf.

18Ar kë hi gër oŷënga an, gërëxëlexo. Kërëxo bakan na banjëm bandexëm gër iciŷ.

19Awa amëd aŷo, mbaŷ këni soro bësoxari bër gë bacël bën do gë bër këbi yerinënd obaŷ bën.

20Mëŷ ex caleyindën kërëx ƚatëgu na ongër ondewën oŷ amëd and gë aŷem, ba gë akey and eteyëta.

21Ata bakey band toro itëm kë hi. Elod ga ri ko Kaxanu ngwën iŷ ala ax wat ex na toro indako rako iŷ, bëte din ala ax wat na.

22Kaxanu abaŷëta ko baŷëta bakey band toro baŷo, në end bela bër sana këbi eŷ. Angëmëne axo baŷëta ex na, ala ax pex na.

23Angëmëne ala eŷun pelënd: “Nëkodo ro Afexën an!” ba “Fën exo Afexën an”, kërëno kwëta na.

24Bëlaŷwënel bënëgwëŷ kë ŷanayaw na do eni dend mëne bëfexën hi këni. Ari këni ŷana eni dind becarax enëbi yifaxënënd bela bën. Kido mokam, ado bër sana këmëni wëno bën dëŷ ayifa yifa donëbi.

25Awa damana ex ƚatëgu toro iŷo këmun nangënënd beŷo.

26And kënun fel mëne Afexën an gër ladawe watëgu këno aŷ, kërëno ŷed na. Ba enun pel mëne lëf gër baciŷ banakaya exo, kërëno kwëta na.

27Enimin ga re këme, ang kën watënd ebingara el cangët orën ak, mondako këne watëd wëno Aŷëŷiŷ ar ala an yatir këme bakaw.

28Ax gi ex na nde gër ed ex embër këni barërënd oyafe ol? Mëñ ex yatir këme bakaw, ala ax nem na.»

29Ata re ko bëte Yesu: «And kë xuca bakey band toro baño: eñan eñ aŵëdëwëda kë wëdëwëda, facaw in alob kë lob, oŵal oñ axwëcëta kë ýana ex kwëcëtand do dek bebër gë panga gër orën bën kë sëngërebëtara.

30Ata amatinali and wëno asëñiŵ ar ala añ ašanaya kë šanaya ýañ gër orën. Do benëng bend bela beñ dek gër ebar ro kë ýana ex denitand në end wëno asëñiŵ ar ala eñ. Awat këne watëgu gër orën ga këme šëlaw gë banar bañ, gë panga iñ do gë enjaran etëm.

31Meleka kë farix na kereloñ, and këni wël ocandaŵ añ enëbi bar bër yata këmëni bën bebët yo bebët ir orën, ebar el dek.

32Mayin eñun tëy'ali apënëtal and andan añ. Ax gi ex na nde and kë nëtënd odini añ kën nangënd mëne dam ex ecaša el?

33Bëte wën and kën wat dek beño añ, nangin mëne wëno Asëñiŵ ar ala an gogo këme bakaw, ado gër ebët hi këme.

34Dal in këmun felënd, an cësëra na dek ex ñana toro ind këmun felënd aýow kë ýow iño.

35Orën ol gë ebar el axuca kë xuca, barikan eyey'an edam el lañ kë bayi.»

End ekwët ed ngwën eñ

36Ata Yesu re ko bëte: «End akey eñ do gë end apëxëd and këme bakaw eñ, ala gabatak ax nang ex na: ax gi ex na omeleka od gër orën ok, ax gi ex na wëno Asëñiŵ ar ala an. Faba Kaxanu gabat nangëk.

37Ang fënga babi ampumbuluýt añ bela bën angwën and ebaxo Nowe ak, mondako fo këmëni fënga bëte wëno Asëñiŵ ar ala an, yatir këme bakaw.

38Damana ex ýow ampumbuluýt año, bela bën er xwënda bani: ñambëran, gë ošëb, gë oýtër, do gë eñërëndër ed obaš orebën, xali yatir lil ko Nowe gër akuluñ.

39Ýoweý abani yëla na xali hátëguk ampumbuluýt ga sëbëk tëb itëm, ýemeli këbi kwëc ebar el dek. Ata nemira këni dek ang ebani ak. Ako fo këbi bët yatir këme bakaw wëno Asëñiŵ ar ala an.

40Bela bëxi eni ñandërand në ošënga, abat këmo wëla, mo teb ajo.

41Në er këni sëñërand bësoxari bëxi, abat mo wëla, ajo mo teb.

42Mëñ ex, titinayin gayik an nang ex na yatir këme bakaw wëno Axwën arewën an.

43Aye fëni këñun mëne axwën iciŵ an, exo nangënd nand ko ýow arek na, afer na ko ferëna. Año teb na exo tënga iciŵ indexëm iñ.

44 Ga re këme, wën bëte giyindën bëwëlëk key yo key gayik wëno Asëñiŵ ar ala an, and bayik an yëland na abaka këme bakaw aŋ këme šanayaw.»

End apënëtal and bëriyenin bëxi eŋ

45 Ata Yesu baš ko eyeyan el re ko: «Xadëp ir fe wa hik irenik ir xwëta këŋo axwën arexëm xali sebënan këŋo andiyen and ebi dëband bër ekun endexëm bën nand ŷapëk na?

46 Awa xadëp ijo nëngandëraleŋo angëmëne axwën arexëm an asëk sëk këŋo ga ko ri er fel baŋo exo dind in.

47 Dal in këmun felënd, axwën ar xadëp ijo an asebënan këŋo sebënan dëk acota andexëm aŋ.

48 Barikan angëmëne xadëp ir gë emëkw etëmbak exo, ata ko re: “Axwën aram an dëk nëkaw ko.”

49 Ata ko xwënda ekëm ed bošandaŵ, ñambëran do gë ošëf.

50 Axwën an aŵaŷiw ko ŵaŷiw eŋo pënga xadëp ijo gë akey and axo yëla bana abaka ko bakaw aŋ.

51 Ata damana eŋo dápaxën fac, mbaŋ këŋo šëndën ang këbi šëndën Kaxanu dëk bëyëŋënax bër kë labayand ak. Fac ko ŷana exo tesëxënd do exo ŋatayaxënd ebaſa el.»

Maco 25

End apënëtal and odënaŵ epëxw eŋ

1 «Ata owun or gër orën ol er wëndërek gë endey end odënaŵ obeja epëxw od ŵed bax odambo odebën ok eno kacaxën šambenjar ir bax ŷërënd fo.

2 Odënaŵ oko er hi bani oco opënirex do oco od šëdëta babi.

3 And bani ŷend gër ekaca aŋ, odënaŵ opënirex ok ŵed këni odambo odebën ok penarëxe ogu ond këni bašëd oŋ.

4 Barikan odënaŵ odenik ok fena këni ogu oŋ në ocëlakuŋ.

5 Ga ŵëdeliw këŋo icën iŋ, rašëra këbi abat abat bën dëk.

6 «Emëd ekarëk el, xeŷ ko ala: “Icën iŋ në eŋatëgu exo! Icën iŋ, në eŋatëgu exo! Marayin eno kaca!”

7 Aŋo nëngëtara këni dëk odënaŵ obeja ok. Xanira këni ala kala exo nëkon lambo irexëm in.

8 Ata odënaŵ opënirex ok xara kënebi od šëdëta babi ok: “Cetinëbo wa təkër ogu ondewën oŋ, në edomi ex odambo odebi ok.”

9 Yaka kënebi: “Ali abo gi na gwac! Yeyin en yëcëgu gër bëfan.”

¹⁰And y'e këni aŋ, ĥatëgu ko icën in, odënaŋ od wël bax ok lilëx këni gë mën gër aciŋ and ofëna do kwël šoke këni ebët el.

¹¹«Ga nëkanak, odënaŋ obeja od y'e bax eni yëcëgu ogu ok, ĥatëgu këni do këni ŵacënd gër ebët: “Axwën, Axwën, përetënëlëbo!”

¹²Bari šambenjar ir bax yërënd in yakaw këbi lëf: “Dal in këmun felënd, wëno amun nang ex na.”»

¹³Ata ga ĥata ko Yesu apënëtal aŋo, re ko bëte: «Mën ex, wën bëte titinayin gayikako an nang ex na akey aŋ do gë apëxëd and këme bakaw aŋ.»

End apënëtal and bëriyenin bësas eŋ

¹⁴«Bëte ata kë hi ang endey end ala ar y'e bax dãmama fo. Dãmama exo y'exën ŵac këbi bëriyenin bërexëm bën do sebënan këbi napul irexëm in eni cënan.

¹⁵Er yëlëra babi: aŋanar an, okilo oco od kaŋe; axinëm an, okilo oki do asasën an, kilo ibat. Er hi bax ala kala exo cënan er fëxwën këno in gë oxor orexëm ol. And ri ko mondako aŋ, ala ajo y'e ko kwël.

¹⁶Ataŋ ar fëxwën baŋo okilo oco an, y'e ko gër andiyen. Šënan ko kaŋe ir fëxwën baŋo axwën arexëm in, šot ko okilo oco ocëxe.

¹⁷Bëte ar fëxwën baŋo okilo oki an, šot ko okilo oki ocëxe.

¹⁸Barikan ar fëxwën baŋo kilo ibat an, y'e ko nac ko ambëxw gër ebar, do wëg ko kaŋe ir axwën arexëm in.

¹⁹«Ga nëkak, axwën ar bëriyenin an, ŵaŷiw ko. Ata ŵac këbi bëriyenin bërexëm bën eno pelëra ala kala ba mondake šënan ko kaŋe ir sebënan baŋo in.

²⁰Ar fëxwën baŋo okilo oco an ĥatëgu ko gë okilo oco ocëxe, re ko: “Axwën, okilo oco sebënan bay'e. Nëkođa ga šotëli këme okilo oco ocëxe.”

²¹Axwën arexëm an yaka ko: “Yo wëj ariyenin ayekax hi këy, ar mokwëta mbaŋ hi këy. Bëbër sebënan bami bën ax nëmb bana do lëkayali këy šenene. Gërëgako bëbëranjëm këmi sebënan. Ga nëngandëra ke ako, wëj bëte anëngandëra ki nëngandëra!”

²²Ar fëxwën baŋo okilo oki an, ĥatëgu ko bëte gë okilo oki ocëxe, re ko: “Axwën, okilo oki sebënan bay'e. Nëkođa ga šotëli këme okilo oki ocëxe.”

²³Ata yaka ko axwën an: “Yo wëj ariyenin ayekax hi këy, ar mokwëta mbaŋ hi këy. Bëbër sebënan bami bën ax nëmb bana do lëkayali këy šenene. Gërëgako, bëbëranjëm këmi sebënan. Ga nëngandëra ke ako, wëj bëte anëngandëra ki nëngandëra!”

²⁴Ĥatëgu ko ngwa ar fëxwën baŋo kilo ibat an. Ata re ko: “Axwën, anang nang këme mëne wëj mbaŋ xem ki ataxan: asaŷ këy sayënd ey'amb el gër ed bayik ay nedëra bana. Bëte axana këy xanand gër ed bayik ay hiš bana.

²⁵Ga yëdara bame šonaxën bame kaŋe irey in mongwëg gër ebar. Nëkoda, kanal er xwën këy in.”

²⁶Ata yaka ko axwën aŋ: “Ata wëj ay ye ex na de! Ar ariyenin axwëlaraxik ey! Anang nang këy mène asaŋ këme sayënd gër ed bayik ame ned bana, axana këme xanand gër ed bayik ame hiš bana.

²⁷Barikan ey kwëtëdo kaŋe iram in gër otaxan od bëwëxëta bër kodî. Ga bakaw këme ako ata xana dome gë er šënak.”

²⁸Ata na dëŋ fel këbi bërandiyen bošandaw: “Kanino tan kaŋe ir lëkaya ko in eno yël ar gë okilo epëxw an.”

²⁹Ar kë šënan yo er šot ko in, Kaxanu asënd këŋo sënd xali exo cotëra nëmëc. Bari ar bayik ax cënan ex na an, ado er xaŋ këŋo in dëŋ këŋo xan.

³⁰Gërëgako ariyenin axwëlaraxik ajo, pimëxëno fac gër ecamëdan, gër ed këni sesënd bela, gër ed këni ĥatayand ebasa.»

En kiti ifelatar eŋ

³¹«And këme bakaw wëno Asëniw ar ala aŋ, gë enjaran endam eŋ, gë dek omeleka odam ok, në añëpara and owun këme yëpa.

³²Ata yatijo, benëng bend bela beŋ dek eni barërëgu gër ed këmi hi. Ata mëni pitëndër ang këbi fitëtërend axadac opey ok gë obeci ak.

³³Mëni bar opey ok gand liw iram do obeci ol gand šame.

³⁴«Wëno emun eŋ dëŋ këbi felëd bër gand liw iram bën: “Tëkawëne wën bër betak gër Faba bën. Kanayin owun or xëñënan baŋun elod ga yanak ngwën ol.

³⁵And xor baxe enjo aŋ, wën yël baxe er këme yamb in. Sel baxe men, yël këne me eceb; hi bame aliyer, xwëtaya këne.

³⁶Tëb gë eman ebame, šudëra këne. Šëxwëra bame, yeli kën šëma këne; hi bame gër epëra, yëkwali këne.”

³⁷Ata bër šenene bën ene mëka: “Axwën, niye xor baxi enjo do biyi yël këmi er këy yamb? Niye sel baxi men do yël këmi ey ceb?

³⁸Bëte niye hi bay aliyer do biyi xwëtaya këmi? Niye bayi bay tëb gë eman eŋ do šudëra këmi?

³⁹Niye šëxwëra bay do biyi yeli këmi mi cëma? Niye hi bay gër epëra do yëkwali këmi?”

⁴⁰Ata mëni yaka wëno emun eŋ: “Dal in këmun felënd, nand rin këno yo enjekax gër ga bak yo, abat gër bëmaŋe bëndam, wëno rin këne.”

⁴¹«Bëte afel këmëni felëf bër gand same bën: “Nacëtaxëne fa, wën bër xoÿën këjun Kaxanu bëjo! Yeyin gër xodux or din ir din ol, or fëtën ko ebi dāpaxën şabucara in do gë omeleka odexëm ok.

⁴²And xor baxe enjo aŋ, wën ane yël bana er këme yamb in. Sel baxe men, ane yël bana me eceb.

⁴³Hi bame aliyer, ane kwëtaya bana. Hi bame tēb gë eman eŋ, ane cudëra bana. Şëxwëra bame, wën an yeli bana ene cëma. Bëte hi bame gër epëra, ane yëkwali bana.”

⁴⁴Ata eni yaka bën bëte: “Axwën, niÿe wa xor baxi enjo eŋ, niÿe wa sel baxi men, niÿe wa hi bay aliyer; niÿe wa hi bay tēb gë eman eŋ, niÿe wa hi bay gër epëra do biyi ami dëba bana?”

⁴⁵Ata këmëni yakad: “Dal in këmün felënd, nand bayik ano din ex na enjekax gër ga bak yo, ar wāk endam an, wëno bayik ane dine na.”

⁴⁶Ata bër gand same bën kē yē gër toro ind din. Barikan, bër şenene bën eni dīl gër aniyān and din.»

Maco 26

End edaŵ ed Yesu eŋ

¹And ĥata ko Yesu dek bend babi sëyalind aŋ, fel këbi bësëfan bërëxëm bën:

²«Ax gi ex na nde anang nang kën mëne bakey baki fo bayik ex ŋat Ofëna or Apexa ol. Awa gë ofëna olo këne lëxw wëno Asëniŵ ar ala an do ene daŵ mopika nē kërëwa.»

³Ata amëd aŋo, barërëgu bani bëşadaxan bëlëngw bën gë bëxarëk bër Bëşëwif bën gër yangana ir Kayif, aşadaxan alëngw ar niy ijo an.

⁴Ga xanar këni, xetan këbi eno tëra yir fo Yesu eno daŵaxën.

⁵Er bani rend mëne këreno tëra na wat-wat gë amëxwër aŋ këdi kē wonjo ofëna ol.

⁶Amëd aŋo, yē ko Yesu gër ingol ind Betani, gër iciŵ ind Simoŋ, ar gë amey an.

⁷Ata gër ed yëpara bani, lilëgu ko asoxari do sëka këŋo Yesu gë şëlakuŋ ir gë angiri ir xem bax mbaŋ akanji. Ata nand bani yambërand na, asoxari an xoş këŋo Yesu gë angiri ijo gër gaf.

⁸Ga wat këni eŋo, bësëfan bën xoÿën këno ba ine neminaxën baxo angiri ijo mondako.

⁹Akanji and şenene hi dox mopan do kodī enëbi mocetërado bëxaÿënaxik bën.

¹⁰Ga wata këbi Yesu, wëka këbi: «Ineŵa këno hëbandëraxënënd asoxari ajo? Enjekax rin ke wëno.

11Wën laŋ gë bëxaŷënaŷik bën ga hi kën wa. Bari wëno ane bayiye na din.

12Ga xoŷ ke ako gë angiri ijo, eman endam eŋ nëm ko gana-gana fo ond gër ŷeg oŋ.

13Dal in këmum felënd, gër ed këni fem yo Atëfëtan aŋo gër ngwën ro, areŷa këni ŷana eni deyand bëte end er rin ke asoxari aŋo eŋ. Ata mondako këno ŷana eno kwitaxënënd.»

End Yuda do gë bëxadaxan bëlëngw eŋ

14Bësëfan bër Yesu bën er hi bani epëxw gë bëxi. Ata abat, ar bano wacënd Yuda Isëkariyot an, ŷe ko gër bëŷadaxan bëlëngw.

15Ga ħat ko wëka këbi ba ine këno yël angëmëne arëca rëca këbi eno tëra Yesu. Ata yël këno kodi batama ofëxw osas.

16Ata elod amëd aŋo, baxo ŷaland Yuda ang ko ri eŋo dëxwaxën Yesu ak.

End ecemar ed ofëna or Apexa eŋ

17Yatir akey añanar and loxo and bani ŷambënd Bëŷëwif bën mburu ind gë lewir këm iŋ. Bësëfan bën ga sëka këno Yesu, wëka këno: «Fe wa ŷandi ki mi cemëra ed Ofëna or Apexa el?»

18Yesu yaka këbi: «Yeyin gër angol, ata kën fed gë ala ar ano nang ex na. Pelidëno mëne wëno Asëŷali an rek apëxëd andam aŋ anëka ħatëguk. Bëte pelidëno mëne gër iciw indexëm këme ri Ofëna or Apexa ol gë bësëfan bëram bën.»

19Ye këni bësëfan bën rix këni ang fel këbi Yesu ak do ŷëmërax këni ed Ofëna or Apexa el.

20Ata genëka, bësëfan epëxw gë bëxi bën xetëna këno Yesu gër eyambëran.

21Nand bani ŷambërand na, Yesu re ko: «Dal in këmum felënd, gër enga endewën ro abat ex ar ke lëxw an.»

22Na wëlandëra këbi xali, asëfan kala eŋo mëka: «Wëno nde ex, Axwën?»

23Yesu yaka këbi: «Ar ke lëxw an, ar kë xacand gër edëŷamb edebat gë wëno hi ko.

24Dal ex, aŷës këme ŷës wëno Asëñiŷ ar ala an, ang ŷëgw këni endam ak. Bari aŋo ye ex na ar ke lëxw an! Er fecadox din këreno dëw dona.»

25Ado Yuda, ar hi bax eŋo dëxw an dëŋ, wëka këŋo: «Wëno nde ex Asëŷali?» Yesu yaka këŋo: «Ata go dëŋ ex!»

End ecemar ed Axwën eŋ

26Ga këni ŷambëra, Yesu wëd ko mburu iŋ, ŷëkwa këŋo Kaxanu do hëbëndër ko. And yël këbi bësëfan aŋ, re ko: «Kanayin en ŷamb, eman endam eŋ ex.»

27Wëd ko bëte akalama and gë ngoy aŋ. Ga ŷëkwa këŋo Kaxanu yël këbi, re ko bëte: «Yëlarin wën dëk,

²⁸oŝat oram oŋ ex, oŝat or eter ed gë Kaxanu oŋ. Oŝat oŋo kë ŝar ebi tebanaxën Kaxanu bamena baŋ bela bëranjëm.

²⁹Dal in këmun felënd, doro fela këme ngoy' iŋ xali yatir këne barëxëye gër owun or Faba. Fën këne ŝebëxëde ingaŝax iŋ.»

³⁰Ata and yëwëra këni na ojëkan od cale aŋ, Yesu gë bësëfan bën y'e këni kwël ond gër etënd ed gë bañarëka oŋ.

³¹Ga ĥat këni, Yesu fel këbi: «Wën doro gëmëd mbaŋ kën yëdara në end oŵac oram, wën dek ke ŝapëran. Ata mondako kë ĥata er yëgw ko alaŵënel ar Kaxanu in mëne: "Axadac an këmo fëm y'em na fo, ata eni capër bër oyel ol ."

³²Barikan and këme xani gër ecës aŋ, gër ebar ed Galile këme lëngwa ene təkëx.»

³³Na re ko Piyer: «Ado eni gër bëjo dek eni teb gabat, ax gi ex na gë wëno ak.»

³⁴Ata yaka këŋo Yesu: «Dal in këmi felënd, doro gëmëd, damana exo yata ecare el wëj anëka këy'e y'axëta batas.»

³⁵Re ko bëte Piyer: «Ado gido ecës el dëŋ fabër këmi, wëno din ami y'axëta na.» Ata bësëfan bën dek soŝanara këni mondako.

End cale ind gër Getësemani eŋ

³⁶Ga xucak eŋo, Yesu gë bësëfan bën y'e këni gër ed këni ŵacënd Getësemani. Ga ĥat këni, fel këbi: «Nëparayin ro do wëno me nacëta me calew.»

³⁷Ŵac këbi Piyer, gë bosëñiŵ bor Sebede Ŝak do gë Ŝaŋ, eno dafëta. Ga ĥat këni, Yesu y'ana ko këŋo wëlandërand xali ŝamina ko.

³⁸Ata fel këbi bër laŋëta baŋo bën: «Awa enjëw endam eŋ anëka ŝaminak, ecës el fo bayi ke. Cëniyine ro, këreŋun daŝ na de!»

³⁹Ga nacëta ko təkër, foxi ko ey'iŷ el ŋëŝ gër ebar. Ata ko ŝalend mondako: «E Faba, ey' dëxëtëdo, kido awënd wëndëk, akalama and toro and këme ŝeb aŋo! Barikan dil ang y'andi ki ak, ax gi ex na ang y'andi ke wëno ak.»

⁴⁰Ata baka ko gër ed seb babi bësëfan bësas bën, sək këbi ga këbi raŝ. Na re ko: «Okoko Piyer, wën an kore na nde en bayi daŝërëxe apëxëd amat and riw këme aŋo?

⁴¹«Ga re këme perënayin en calexënënd këdi këŋun naŋëta. Ala an gër onden ondexëm këŋo y'andind exo di enjekax eŋ, barikan në end oŋandi od eman ko səkwanaxënënd exo di in.»

⁴²Nacëta ko Yesu gaŝëxe do ko ŝalend ang aŋanar ak: «E Faba, angëmëne ax mënd ex na ey' dëxët akalama and toro and këre me ŝeb aŋo, dil ang y'andi ki ak!»

⁴³Ga baka ko akinëm, sək këbi bëte ga këbi raŝ. Ata ado motëkwan bani səkwanënd eni kwëwëta in.

⁴⁴Ga seb këbi na, nacëta ko bëte gaŝëxe do ko ŝalend atasën ang banëngw ak.

⁴⁵Aŋo ga bakaw ko gër bësëfan bërëxëm, fel këbi: «Wën xali gërëgako nde xwënda kën okwëd? Nangin mëne anëka ĥatëguk apëxëd and këne sëra wëno Asëñiŵ ar ala aŋ do ene dëxw gër otaxan od bëwëndëran aŋ!

⁴⁶Ado kaniwën ene y'eye, dam exo ar ke lëxw an!»

End etëra ed Yesu eŋ

⁴⁷Damana ko ĥatand eŋo, ŝanayaw ko pëlët Yuda, asëfan abat ang ebani epëxw gë bëxi ak. Mëŋ lëngwënegu babi amëxwër and bela aŋ eno tëra Yesu. Bëšadaxan bëlëngw bën do gë bëxarëk bër Bëšëwif bën laŵënegu babi. Ata wëlaraw këni bëjo oduxuma, bëjo okwëlekwële.

⁴⁸Ar baŋo lëxwënd an, fel babi amatinali aŋo: «Ar këmo wëga an, mëŋ ex, tërayino.»

⁴⁹Ataŋ ga sëka këŋo Yesu, re ko: «Mondake bayi këy Asëy'ali!» Ata wëga këŋo.

⁵⁰Ata re ko Yesu: «Xey lawo, er y'ow këy ey' di in dil aŋand!» Na ga wëlën këno, sëra këno.

⁵¹Ata abat ar enga gë Yesu, regëgu ko duxuma irexëm in gër acëmar, saŵ ko bađ anëf and xadëp ir ašadaxan alëngw in.

⁵²Ata re ko Yesu: «Wëj mašël duxuma in gër acëmar gayik dek bër kë wërënd gë duxuma bën, duxuma fo këbi laŵ bëte.

⁵³Ba yëla këy asëkwan sëkwan këme mo kara Faba mëŋ ar xor dox exe dāwëneliw ataŋ ataŋ, omeleka owëli owëli an?

⁵⁴Mondake cëŋ kë ĥata er rek Oñëgw Omënëk in mëne afo me toro mondako?»

⁵⁵Ata Yesu yey'aneli këbi bëte bër gër amëxwër bën: «Wën y'owëraw kën ene tëra gë oduxuma do gë okwëlekwële, ba arek axeŷax nde hi këme? Ax gi ex na nde key yo key bamëni sëy'alirand bela bën gër yangana ir Aciŵ and Kaxanu? Bari gabatak axe tëra bana.

⁵⁶Barikan dek beŋo mondako bax ex gi ex ŋataxën er yëgw këni bëlaŵënel bër Kaxanu in.» Aŋo ŝapëran këno bësëfan bën, hërëra këni bën dek.

End Yesu gër iciŵ ind Kayif eŋ

⁵⁷Bër sëra baŋo Yesu bën, wëla këno gër ed barër bani bëšalen do gë bëxarëk bër Bëšëwif, gër iciŵ ind Kayif, ašadaxan alëngw an.

⁵⁸Ata Piyer këbi sëfa nacët ako bër sëra baŋo Yesu bën, xali gër eyang ed ašadaxan alëngw. Lil ko gër yangana do xetëna këbi bënëkona bën gër ed yëpa këni exo wataxën ba mondake kë ĥata endey' eŋo.

⁵⁹Ata bëšadaxan bëlëngwbën, gë dek Amara and bëxarëk bër Bëšëwif aŋ këni ŝaland er këno nagaŝan Yesu eno dāwaxën.

⁶⁰Bari ado ga nagaşandëra bano bëranjëm, abani şot na etibax. Ata şanayaw këni bela bëxi këni rend:

⁶¹«Ajo bax rend mëne axor ko xor exo ñam Aciw̃ and Kaxanu aŋ do exo kanin në bakey batas.»

⁶²Ata aşadaxan alëngw an xani ko, w̃ëka këŋo: «Wëj bendanjëm këni nagaşanënd, ba ay yaka na nde?»

⁶³Barikan Yesu xor ko yem. Aŋo re ko aşadaxan alëngw an: «Gër oŵac or Kaxanu, mëŋ ar gë aniyân an, këme yaşarënd, pelëlëbo angëmëne wëj ex Afexën an, Asëñiŵ ar Kaxanu an!»

⁶⁴Yesu yaka këŋo: «Iyo go dëŋ ex. Bëte baxëtël me baş mëne awat këne wat wëno Asëñiŵ ar ala an ga yëpa këme gand liŵ ir Kaxanu, mëŋ Ar xorëk beŷ dek an. Awat këne wat y'aŋ gër orën ga këme şëlaw gë baŋar baŋ.»

⁶⁵Ga logën këŋo aşadaxan alëngw an, hësëra ko acud andexëm aŋ do ko rend: «Anëka şir këŋo Kaxanu! Anëka şir këŋo Kaxanu! Sede nde bayik na exo baş yey? Ine yëla kën?»

⁶⁶Ata yaka këni: «Ajo ar eđaw̃ ex.»

⁶⁷Kwël na fo yana këni këno soronënd: bëjo asëpan, bëjo aŵëŋ, bëjo bëte aşën do eno mëka:

⁶⁸«Gayikako wëj rek mëne alaŵënel ar Kaxanu ey, pelëlëbo ba noŷo şën ki.»

End eyaxëta ed Piyer eŋ

⁶⁹Xarak amëd aŋo, Piyer fac bayi baxo, gër ed yëpa ko gër yangana. Ata sëka këŋo endënaŵ, re ko: «Wëj bëte ar enga end Yesu, Agalile an hi këy!»

⁷⁰Ata ga ko y'ax Piyer yaka ko poyoma: «Wëno ado ame nang ex na er këy rend in.»

⁷¹Ga xani ko, ko y'end gand ebët ed iciŵ, endënaŵ ecëxe bëte ga wat këŋo këbi felënd bër hi bax na bën: «Ajo ar enga end Yesu Ibënasaret hi ko de.»

⁷²Ata yaşar ko ga ko y'ax gaşëxe: «Wëno amo nang ex na de ala ajo.»

⁷³Ga başanak, bër xet bani gë Piyer bën re këni: «Dal ga ex nde, wëj ar enga end ala ajo hi këy. Ang këy yey'anënd ak nangaxën këmi mëne Abëgalile ey.»

⁷⁴Na yaka ko: «Corëlexe Kaxanu angëmëne anang nang këmo ala ajo!» Ata amëd aŋo yata ecare el.

⁷⁵Piyer xwita ko er fel baŋo Yesu in mëne damana exo yata ecare el anëka këŋo y'axëta batas! Ata xwiriş, şan ko fac ko sesëxënd ga şena këŋo mbaŋ er ri ko in.

Macos 27

End Yesu gër eyang ed Pilat eŋ

- ¹Ga wecak gëbër, bëshadaxan bëlëngw bën gë bëxarëk bër Bëšëwif bën yëpaxën këni end Yesu eñ. Ata xetan këbi eno daŵ.
- ²Ga xap këno, wëla këno y'añ gër eyang ed Pilat eño kitix mën bête.
- ³Ata Yuda, asëfan ar lëxw baño Yesu an, šena këno ga wat ko mène anëp dën nëp këno. Bakali ko batama ofëxw osas band kodî ir yël bano bañ gër Amara and bëshadaxan bëlëngw do gë and bëxarëk bër Bëšëwif.
- ⁴Fel këbi mène mbañ lif ko ga fan këno ala ar yowëy axo men ex na an. Yaka këno: «Wëj nangëk de eño, biyi abo bal ex na!»
- ⁵Sam ga yaka këno mondako, Yuda šeni ko bišaw kodî in lëf gër Aciw and Kaxanu, do ye ko kwël xaŵayax ko.
- ⁶Ga wëdara këni kodî in, bëshadaxan bëlëngw bën re këni mène ax ñap ex na ani maš kodî ijo gër akwëtaya and oyël or Kaxanu, gayikako akanji and enjêw end ala ex.
- ⁷Ata xetan këbi eni yëc ošënga or abay ar ofey'a an eni dixën oñeg od bëliyer.
- ⁸Mën këni wacaxënënd xali doro ošënga olo «Ebar ed ošat.»
- ⁹Mondako ĥata bax er re baxo Kaxanu paš gë Yeremi, alaŵenel an: «Bëxarëk bër Bëšëwif bën aŵed wëd këni batama ofëxw osas band kodî bañ, akanji and Bëyisërayel añ ang fënëta bano ak.
- ¹⁰Bête gë kodî ijo këni yëcaxën ošënga or abay ar ofey'a ol ang fel ke Axwën ak.»

End Yesu gër kiti ind Pilat eñ

- ¹¹And ĥateli këno Yesu gër eyang añ, Pilat wëka këno: «Wëj nde ex emun end Bëšëwif eñ?» Yaka ko: «Iyo go dën ex!»
- ¹²Ako nagašandëra bano xali bëshadaxan bëlëngw bën do gë bëxarëk bër Bëšëwif bën, barikan mën abi yaka ex na.
- ¹³Ata re ko Pilat: «Ay wëlënd na nde dek bend këni nagašandërand beñ?»
- ¹⁴Bari mën año yaka ex na. Año šaran këno Pilat xali xurik.
- ¹⁵Ofëna or Apexa kala, Pilat asebet baño sebetënd andepëra amat, and këno yata Bëšëwif añ.
- ¹⁶Xarak, andepëra angwëlik hi bax na and bano wacënd Yesu Barabas.
- ¹⁷Ang barëregu bani gër aciw and kiti ak, Pilat wëka këbi: «Noño wa yandi kënun mo tebët doyijo, Barabas nde ba Yesu, ar këno wacënd Kërisët an nde?»
- ¹⁸Aye nang baxo Pilat mène në end oy'akërax lëxwaxën bano Yesu.

¹⁹Ata and yēpa ko Pilat gēr aciw̃ and kiti aŋ, alindaw̃ law̃enēgu ko eŋo pel ako: «Wěj kērey dīl na de gēr end ar ūenene ajo! Wēno cēŋ wec soro kēme nē endexēm nē lakeli!»

²⁰Ata bēšadaxan bēlēngw bēn do bēxarēk bēr Bēšewif bēn ūoñ kēnēbi bela eno nēyali Pilat eŋo tebēt Barabas do eŋo daw̃ Yesu.

²¹Na re ko Pilat: «Bela bēxi bējo, yatayino abat!» Yaka kēni ūor: «Barabas yata kēmo! Barabas yata kēmo!»

²²Re ko bēte Pilat: «Do mondake kēmo ri Yesu, ar kēno w̃acēnd Kērisēt an?» Yaka kēni ūor: «Pikalo, pikalo gēr kērēwa!»

²³Wēka kēbi bēte: «Inew̃a w̃en ko?» Aŋo xeỹ kēni kaš-kaš: «Pikalo, pikalo gēr kērēwa!»

²⁴Ata Pilat wata ko mēne ax mēnd ex na eŋo tebēt Yesu kēdi kē wonjo kaš-kaš angol aŋ. Wēd ko inēp ind gē men do neba ko na dēŋ otaxan ok xali wat kēno bēn dek. Ga faŋ ko, re ko: «Awa end ošat or ar ūenene ajo eŋ, wēn nangēk de, wēno ame nang ex na!»

²⁵Yaka kēni bēn dek: «Eyo, mēkayidēlebo Kaxanu end enjēw̃ end ala ajo eŋ biyi gē obaš orebi ol!»

²⁶Pilat sebēt kēŋo Barabas do fel kēbi ocoroda odexēm ok eno cew̃era Yesu damana eno pikaxēn.

End Yesu gēr otaxan od ocoroda eŋ

²⁷Ata ocoroda od Pilat ok nēcēt kēno Yesu gēr yangana ir eyang. Ga barerēgu kēni bēn dek, xeta kēno.

²⁸Ga ūudētēra kēno banjēm bandexēm baŋ, nēmb kēno ocud ombarax.

²⁹Sawēgu kēni bēte inini ind atēx and gē odēmbēn, bor kēni ang ekamote fo do ūēxw kēno. Fēxwēn kēno ošēt exo dēkaya gēr ataxan and liw̃. And kēno sēka aŋ, eni poxi gēr lēngw irexēm do eno dēšēnd: «Emun end Bēšewif, ašēma kēmi ūemand!»

³⁰Ocoroda odēmar eno tēpan gēr dēxas, oko eno dang gē ošēt ol or fēxwēn bano ol.

³¹And lēšēra kēno mondako aŋ, ūudēt kēno ocud ombarax oŋ do w̃aš kēno banjēm bandexēm baŋ eno mēlaxēn gēr ed kēno fikax.

End Yesu gēr kērēwa eŋ

³²Ata enga end ocoroda eŋ kēno nēcētēnd Yesu angol and Yerusalem aŋ eno pikax fac. Ga fed kēni gē ar bano w̃acēnd Simoŋ ib Siren, nēyali kēno exo dapara osēx or kēno fikaxēnēx Yesu ol.

³³Na lapara ko osēx ol xali h̃at kēni gēr itēnd bani w̃acēnd Golēgota, mēne ngēŋ «Ind ang egor.»

- ³⁴Ata yël këno Yesu ngoy ind bar bani gë bëšan. And sëyi ko aņ, hëp ko exo ceb.
- ³⁵And fika këno aņ, ocoroda ok šetërend këni banjëm bandexëm baņ. Bëňak ri bani eni nangaxën ar kë wëd an.
- ³⁶Ata yëpara këni gër enëkona.
- ³⁷Yabët gaf in fika bani ingomb-gomb ind yëgwaxën bani mëne «Yesu, emun end Bëšëwif eņ.» Ejo bax amena and lawaxën bano aņ.
- ³⁸Afika fika banëbi bëte gë mëņ bërek bëxeŷax bëxi: abat gand liw ajo gand šame.
- ³⁹Ata bela bër bax xucarand ler gër ed fika banëbi bën, këno širënd Yesu. Sam eni këmëyëta eni de:
- ⁴⁰«Yo wëj bax rend mëne axor këy xor ey ñam Aciw and Kaxanu do ey kanin në bakey batas. Awa pexënayal doru! Enimin, angëmëne wëj ex Asëňiw ar Kaxanu an, pedaw gër kërëwa mi wat!»
- ⁴¹Alëš bano lëšënd bëte bëšadaxan bëlëngw bën, gë bëšalen bën do gë bëxarëk bër Bëšëwif bën.
- ⁴²Er bani rend: «Oko, mëņ ar babi racëtënd bela gër toro an nde kë sëkwanënd exo pedaw gër kërëwa! Gayikako mëņ ex emun end, biyi Bëyisërayel eņ, pedawëlexo enëņo kwëtaxëne!
- ⁴³Ax gi ex na nde mëņ ar xwëta këņo Kaxanu hi ko? Ax gi ex na nde bëte Kaxanu aňan hãn këņo? Bëte ax gi ex na nde mëņ dëņ kë rend mëne Asëňiw ar Kaxanu exo? Awa gërëgako dacëtëleņo ngwa!»
- ⁴⁴Ašir bano širënd bëte bërek bëxeŷax bër fika banëbi gë mëņ bën.

End ecës ed Yesu eņ

- ⁴⁵Ata ebar el dek šamëdanëk elod eňan keņ gër gaf xali hik poxoš gaf in.
- ⁴⁶Ga xucak šapëxëd batas, Yesu xeŷ ko acakax: «Eli, Eli lama sabatani! Mëne ngëņ Kaxanu, Kaxanu, inewa sebaxën këy'e?»
- ⁴⁷Bër hi bax ler na bën ga wël këno, këni rend: «Wëlıno, alawënel Eli këņo wacënd!»
- ⁴⁸Na wëran ko ala er ñalu-ñalu, yëmbëgu ko në ngoy iņerëk, fiš ko në ošet do yënën këņo Yesu exo yuš.
- ⁴⁹Ata xeŷëanaxën këno bër hi bax ler na bën: «Xey wëj, tebëlo ene wate ba ayow ko yow Eli eņo pexën!»
- ⁵⁰Yesu xeŷ ko bëte acakax do kwël xoti ko.
- ⁵¹Ata lëf gër Aciw and Kaxanu, anjëm amëgax and bax šetërend në baciw baki aņ hësik cidët. Rëgëk bëte ebar el xali šapirak bangaŷ baņ.

- 52**Oñeg ok fëñëtayarak do bëwënëk bëranjëm xanira këni gër ecës gë beman beñ.
- 53**Bër şanëragu bax gër oñeg bëjo, lil këni gër Yerusalem, angol amënëk añ, do şanaxëndëra kënëbi bëranjëm.
- 54**Ata ocorođa od baño nëkonand Yesu ok, gë alëngw arebën an, ga wat këni ang rëgëk ebar ak do dek bebër xuca bax na bën, yëdara këni, do re këni: «Enimin ajo, Asëñiŵ ar Kaxanu an ebaxo de!»
- 55**Bëte bësoxari bëranjëm barërëgu bax na. Ga xwëşaraw këni nacët ako këno nëkonënd Yesu. Bën elod nand ebaxo gër ebar ed Galile sëfaw bano do bano rëcarand.
- 56**Şëf gër bësoxari bëjo hi bani: Mari Madëlen, gë Mari, nëm ir bër gë abinëm Şak gë Yosef do gë nëm ir bosëñiŵ bor Sebede.

End emëxwëta ed Yesu eñ

- 57**Ata apenëka añ, ala ar gë napul ar xaniw bax gër Arimate do bano wëacënd Yosef, ĥatëgu ko. Mëñ ala ar gë napul ebaxo do hi baxo bëte asëfan ar Yesu.
- 58**Ata y'e ko gër Pilat, xaraw këño eño maş eman end Yesu eñ eno mëxwëta. Ata Pilat fel këbi ocorođa ok eno maş.
- 59**Yosef fedali këño, fëlëra këño gë këpas iwënëk.
- 60**Do kwël wëla këño, wëxëtax këño në yëg ixaşax, ir fësën bano mëñ Yosef dëñ gër aparëfac. Ga xwët këno lëf gër xatëx, fëñ ko lilaya in gë angay atëm do kwël wayi ko.
- 61**Nand baño wëxëta Yesu na, ler na yëpara bani Mari Madëlen gë Mari işandaŵ mopabër gë yëg in.

End yëg ir Yesu eñ

- 62**Yatir akey and eteyëta, bëşadaxan bëlëngw bën do gë ofariseñ ok sëfër këni bura-bura gër eyang ed Pilat.
- 63**Ga ĥat këni, fel këno Pilat: «Wëj axwën arebi an y'ow këmi mi nangën mëne anëgwëş ajo, and bayi baxo abëngw añ, are baxo rend mëne and kë xuca bakey batas añ, axani ko xani gër ecës.
- 64**Awa këdi këni y'ow bësëfan bërexëm bën eni deka eman eñ do eni dey'arand gër bulunda mëne axani xani ko gër ecës, pelëlëbi ocorođa oday ok eni nëkona yëg in xali ex kuca bakey batas baño. Angëmëne ane di ex na mondako, enëgwëş eño kë xuca eñanar eñ!»
- 65**Ata yaka këbi Pilat: «Ax gi ex na nde bënëkona şot kënëbi na, awa mëlayinëbi gër yëg eni nëkonax ang nang kën ak.»

⁶⁶Ata bēšadaxan bēlēngw bēn do gē ofariseŋ ok sēfēr kēni gē ocoroḏa ok xali gēr ŷeg. Ga xēr kēni ošēba gēr angaŷ and fēŋaxēn bani ŷeg aŋ, ocoroḏa od seḑ banēbi na ok kēni nēkonand.

Maco 28

End ekani ed gēr ecēs eŋ

¹Ga xucak akey and eteyēta aŋ, yatir oganjar, mopēḏ gēbēr, Mari Madēlen gē Mari išandaŵ ŷe kēni gēr ŷeg ir Yesu.

²Ga kēni ḥat, ebar el kē rēgēnd. Ata fedaw ko elod gēr orēn meleka ir Axwēn, xēn ko angaŷ and wedīxēn bani lilaya ir ŷeg aŋ, do ŷēpaxēn ko.

³Ola orexēm ol kē watind ang ebingara fo do banjēm bandexēm baŋ fešēk xali xurik.

⁴Ocoroḏa ok kēbi rēgēndērand. Ga xap kēbi anjiŷ aŋ, kēni wēcērand rebe rebe ang bēšēsēk fo.

⁵Meleka in fel kēbi bēsoxari bēn: «Wēn cēŋ kēren yēdara na! Aye nang kēme mēne Yesu, ar fika bano an, kēno šaland.

⁶Axo bo ex na ro, anēka xani ko gēr ecēs ang reyʼa baxo ak. Yowēn tan en nēkon gēr ed xwēt bano.

⁷Gērēgako, marayin enēbi pelēx bēsēfan bērexēm bēn mēne axani xani ko gēr ecēs. Anēka lēngwa ko gēr ebar ed Galile. Fēn kēno watēx. Wēno eŋo bax mun nangēn!»

⁸Ga wēl kēni eŋo, Mari Madēlen, gē Mari išandaŵ ŵara kēni gē anjiŷ fo eni ŋawēta ŷeg in. Er bar bax gēr oŵēkw orebēn anjiŷ gē onēnga osēm. Hēr kēni eni tēfētērax gēr bēsēfan.

⁹Ata ga fed kēni gē Yesu, šēma kēbi. Bēn ga sēka kēno, foxi kēni. Ga kēno lēkēra gēr osapar, šale kēno.

¹⁰Ata re ko Yesu: «Kēren yēdara na! Yeyin enēbi pelēx bēmaŷe bēŋ eni mara gēr ebar ed Galile. Fēn kēne watēx.»

¹¹Nē fēña fo bayi bani Mari Madēlen gē Mari išandaŵ ga ḥat kēni gēr angol and Yerusalem ocoroḏa od bax nēkonand ŷeg ok. Reyʼax kēni ḏek gēr bēšadaxan bēlēngw ang xucak beŷ ak.

¹²Ata bēn ŵacēr kēni gē bēxarēk bēr Bēšēwif bēn eni nēpaxēn endeyʼ eŋ. Ga wēlēr kēni na, yēl kēnēbi ocoroḏa ok koḏi ir bon.

¹³Afel fel banēbi bēte mondako: «Deyʼayindēn mēne bēsēfan bēr Yesu bēn ŷowēk gēmēḏ do reka kēni eman eŋ nand baŋun rašēnd na.

¹⁴Do angēmēne exo wēl eŋo Pilat, biyi axor kēmo xor mo pel eŋun teban, ŷowēŷ aŋun gi na.»

15Ocoroda ok xana këni kodî in do ri këni dek ang fel banëbi ak. Ata wëlik endey ejo mondako gër Bëšëwif xali doro.

End epemëra ed Atëfëtan eŋ

16Bësëfan epëxw gabat bën, ye këni gër ebar ed Galile, yaŋ gër etënd ed fënëtan babi Yesu.

17And wat këno aŋ, foxi këni do këno šalend. Barikan bërëmar aŋpëgënan babi ħëpëgënanënd mëne Yesu dëŋ ex.

18Yesu ga sëka këbi, fel këbi: «Wëno xwënëk owun or gër orën ol, bëte wëno xwënëk owun or gër ebar ol!

19Yeyin gër bela gë enëŋ gë enëŋ ebar el dek, enëbi di bësëfan bëram. Buyindënëbi gër oŋac or Faba, gë or Asëñiŵ do gë or Angoc Amënëk ol.

20Tëyalindënëbi etëf ed dek er fel këmun el. Ata wëno, key yo key, këme hi gë wën xali yatir kë xwët ngwën.»

Marëk

Marëk 1

End epemëra ed Şaŋ Batis eŋ

- ¹Mondako ŷanak Atëfëtan and Yesu Kërisët, Asëñiŵ ar Kaxanu an.
- ²Ang ŷëgw ko alaŵënel Esayi ak: «Nëkod arolaŵën aram an këmo lëngwalilind gër ngwën exi ŋacan fëña in.
- ³Mëŋ kë xeŷënd gër ladawe: “Mëxwëtin fëña ir Axwën in! Debëtin opëña odexëm ok.”»
- ⁴Ata Şanayaw ko gër ladawe Şaŋ Batis, ar babi buyind bela an. Afem baxo femënd gër bela eni nëngwët ola orebën ol, ebi buyixën do eni cotaxën eteban ed beñëŋënax bendebën el.
- ⁵Bela bën dek ebar ed Yude el do gë dek Bëyerusalem bën aŷe bani ŷend gër ndexëm ebi buyi polo gër yeŷ ir Yurëdeŋ and këni fut poyoma beñëŋënax bendexëm aŋ.
- ⁶Şaŋ Batis, acud and omban ond gelemba baxo şudand do baxo xapand enar gër edum. Owure babi ŷambënd do gë dingën ibapuŷ.
- ⁷Mondako baxo femërand: «Ar xuca ke panga kë ŷowënd na. Ado wëno axe ŋap ex na me dëngw do me pët ogux od baped bandexëm ok.
- ⁸Wëno gë men këmun buyind, barikan mëŋ këŋun ŷana eŋun buyind gë Angoc Amënëk aŋ.»

End xobuyi or Yesu eŋ

- ⁹Angwën aŋo, xaniw baxo Yesu gër Nasaret, gër ebar ed Galile, do ŷow ko na eŋo buyi Şaŋ Batis polo gër Yurëdeŋ.
- ¹⁰And baxo şëpëtand aŋ, Yesu wat ko fol orën ol do Angoc Amënëk aŋ ga ko fedaw ang edëxwëte epeşax fo xali lapaxën këŋo.
- ¹¹Wëlik oniŵ gër orën: «Wëj ex Asëñiŵ aram an! Wëj ex pëlot gër yomb iram do wëno mbaŋ ke balënd endey eŋ.»
- ¹²Ataŋ Angoc Amënëk aŋ wëla këŋo Yesu gër ladawe.
- ¹³Fën rix baxo bakey ofëxw onax do Sindan in axacëra baŋo xacërand eŋo naŋët Yesu. Yesu şit gër oŵacar hi baxo do omeleka baŋo rëcarand.

End bësëfan bënax bëŷanar bër Yesu eŋ

- ¹⁴Yesu baka ko gër ebar ed Galile and fëra këno Şaŋ Batis aŋ do ko femëraxënd Atëfëtan and Kaxanu aŋ.
- ¹⁵Er baxo rend: «Anëka ħatëguk owun or Kaxanu ol, nëngwëtin ola orewën ol, kwëtayin Atëfëtan aŋ.»

¹⁶Akey amat, Yesu ga ko sêfa bêña ir anjer and gër Galile in, wat kêbi bër gë abinëm, Simon gë Andëre ga këni lapëra gë owën orebën oñ. Bêšëpët bër oxan ebani.

¹⁷Ata re ko Yesu: «Wën tefëgune tan mun di bëbar bër bela.»

¹⁸Ataņ seb këni owën orebën oñ do kwël sêf këno.

¹⁹Yesu y'e ko bëte imbad, wat kêbi bëte polo në ikuluņ, Šak asëniw ar Sebede, do gë abinëm Šaņ, ga këni wëxëtëra owën orebën oñ.

²⁰Ataņ wac kêbi kwël sêf këno. Seb kënebi na Sebede, sëm irebën do gë bëriyenin bën polo gër ikuluņ.

End ar gë bëyël eņ

²¹Yesu gë bësëfan bërexëm bën ĥat këni gër Kafarënowum. Ata yatir akey and eteyëta, Yesu y'e ko gër aciw acaleya and Bëšëwif, do kêbi sëyalirand end Kaxanu eņ.

²²Mbaņ babi šaranënd bër baņo baxëtënd ang ko sëyalind ak bën gayik gë or gapak baxo yeyanënd. Osëyalis orexëm ol ax mëndër bana gë or bëšalen bërebën ol.

²³Ata fedëk yatijo, Ašëwif ar gë angoc añëņenax yow bax na gër aciw acaleya aņo. And wat këņo Yesu aņ, ala ajo yana ko ko xeỹënd:

²⁴«Inewa këy šaland Yesu Ibënasaret? Ba eyëbo nemin nde yow këy? Anang wa nang këme mëne wëj ex Awënëk ar xaniwëk gër Kaxanu an!»

²⁵Ata Yesu xeỹenaxën këņo angoc añëņenax aņ: «Xey wëj cësin! Canël gër ala ajo!»

²⁶Angoc añëņenax aņ yëngëndëra këno ala ajo, ĥerën këno xali do kwël šan ko.

²⁷Dek bër yowëraw bax gër cale yatijo bën šarandëra kêbi xali xurik. Ata këni wëkarënd: «Inewa ex eņo? Osëyalis oxašax, or gapak nde ĥatënëgu këbo? Yama bangoc bañëņenax baņ ga kêbi xeỹanënd nde gë panga do këni rind er re ko in!»

²⁸Ata wëlik oñac or Yesu ol dëk ebar ed Galile el.

End Yesu do gë bëšëxwëra bëranjëm eņ

²⁹Ga šan këni gër aciw acaleya, Yesu gë Šak do gë Šaņ sëfër këni gër iciw ind Simon do gë Andëre.

³⁰Sëk këno aỹaraw isoxari ar Simon ga šëxw këņo. Fel këno ataņ Yesu.

³¹Yesu ga sëka këņo, lëk këņo gër ataxan. Ata xoc këņo ataņ acëxwël aņ do xani ko ebi dëba.

³²Genëka ga šëlak eñan eņ, wëlaraw kënebi gër Yesu dëk bëšëxwëra bën do bër gë bëyël bën.

³³Angol aŋ dek barërëgu këni gër ebët ed iciw̃ ind Simon̄ bën.

³⁴Yesu fakëndëra këbi bëranjëm. Ata ošëxwëra or ex yo bani fakënd. Anəcët necët babi bëte bëyël bëranjëm gër bela, ababi seb na eni yey'an gayik aye nang bano.

End Yesu gër ebar ed Galile eŋ

³⁵Në ecan ijo, mëd-mëd fo bayi bax ga xani ko Yesu do nacëta ko exo calex.

³⁶Ata Simon̄, gë bošandaw̃ këno šalarand.

³⁷And wat këno aŋ, re këni: «Bela bën dek wëj fo këni šaland!»

³⁸Barikan Yesu yaka këbi: «Yene gër bëngol bënd ler ro, me pemërax end Kaxanu eŋ gayik në eŋo y'owaxënëgu këme.»

³⁹Mondako baxo sëfërand ebar ed Galile el, gër ed ex yo, do baxo femërand end Kaxanu eŋ gër faciw̃ bacaleya. Bëte anəcët babi necëtënd bëyël bën gër bela.

End ala ar gë ameỹ eŋ

⁴⁰Akey amat, ar gë ameỹ sëka baŋo na Yesu. Ga foxi ko, xara këŋo: «Angëmëne aŋandi ŷandi ki, axor këy' xor ey'e mënën me pak!»

⁴¹Ga xaŷënan këŋo Yesu, hëmba këŋo do re ko: «Aŷandi ŷandi ke, mënël!»

⁴²Ameỹ aŋ šan këŋo ataŋ do kwël w̃ën ko.

⁴³Ata Yesu ga këŋo xëŋa, re ko:

⁴⁴«Cësinalil de endey' eŋo. Yel exi nëkonëx ašadaxan an. Do diyid šadaxa ir angunëtan in ang re ko Moyis ak, mëŋ këni nangëraxën bela bën osede orey' ol.»

⁴⁵Barikan ala ajo, sam ga šapër këni na, ŷana ko ko rey'arand gër ed ko ye yo mënë Yesu fakën këŋo. Në eŋo bayi Yesu abaxo xam na exo ŋat në angol wat-wat ir bela. Në er tëb fo baxo sëlënd do bela bën bebët yo bebët bani xanirawënd, bura-bura eno kacëra.

Marëk 2

End Yesu do gë aseŷik eŋ

¹Ga rik bakey, Yesu baka ko gër Kafarënowum. Ata nangëra këni bela bën mënë anëka bakaw ko gër iciw̃.

²Barërëgu këni bëranjëm nješ gër ebët xali këni nëñërend. Do Yesu këbi felërand end Kaxanu eŋ.

³Ata hatëgu këni bela bënax ga lëbiw këno aseŷik.

⁴Ga šënd këni gër ebët, sëkwan këni eno ŋateli nješ gër Yesu. Sënga këni y'aŋ ejur ed aciw̃ and gër ed ebaxo Yesu el, do yëla këno gë ebën el aseŷik an.

⁵Ga wat ko Yesu mënë bela bëjo axwëta xwëta këno, fel këŋo aseŷik an: «Asëñiw̃ën, wëno anëka seban këmi beñëŋenax bendey' beŋ.»

⁶Ga wël këno bëshalen bër yëpara bax lëf na bën, këni yëlarand:

⁷«Wëni ala ajo ineŵa ko yeyanaxënd mondako? Në ecir eŋo de Kaxanu! Noŋo wa xorëk eteban ed beñëñenax el angëmëne ax gi ex na Kaxanu gabat?»

⁸Ataŋ ga nang ko Yesu gë onden ondexëm oŋ, ang bani yëlarand ak, wëka këbi: «Ineŵa kën yëlaraxënënd mondako gër oŵëkw orewën?»

⁹Ineŵa saxëk? Mo pel aseŷik an mëne anëka seban këmo beñëñenax bendexëm beŋ nde gë mo pel: “Wëj kanil, ey dëkw ebën edey el do ey maŷi?”

¹⁰Barikan en nangaxën mëne wëno Asëñiŵ ar ala an aŝot ŝot këme or gapak or mëni tebanënd bela bën bamena bandebën baŋ gër ebar ro,

¹¹ga re këme wëj aseŷik an, kanil, ey dëkw ebën edey el do ey maŷi!»

¹²Ataŋ xani ko xwiriŝ aseŷik an, lëkw ko ebën el do kwël ŝan ko, bela bën dëk wat këno do ŝarandëra këbi xali. Ga këno ŝëkwa Kaxanu, këni rend: «Awa endey endako rako eŋ, elod ala ax wat na.»

End Yesu do gë Lewi eŋ

¹³And baka ko Yesu gaŝëxe gër bëña ir anjer and gër ebar ed Galile aŋ, xetax këno amëxwër atëm and bela. Ata këbi sëyalirand end Kaxanu eŋ.

¹⁴Ga ĥata ko osëyalil ol, xani ko na do kwël ko yend. Wat këŋo Lewi, asëñiŵ ar Alëfe, ga yëpa ko gër aciŵ and bësëf bër ŝagale. Fel këŋo: «Wëj, tefëguye wëno!» Ata xwiriŝ Lewi, sëf këŋo kwël.

¹⁵Ga xucak eŋo, Yesu gë bësëfan bërëxëm bën këni yambërand gër iciŵ ind Lewi gë bësëf bër ŝagale bën do gë bëwendëran bëranjëm. Gër enga end bela bëjo mbaŋ ebani bër baŋo sëfënd Yesu bën.

¹⁶Ga wat këno bëshalen bër ebax Ofariŝeŋ bën ga këni yambëra gë bësëf bër ŝagale do gë bëwendëran bën, wëka kënebi bësëfan bën: «Asëyalil arewën an, ineŵa këni yambëraxënënd gë bësëf bër ŝagale do gë bëwendëran bën?»

¹⁷Ga wël ko Yesu, yaka këbi: «Bëŝëxwëra bën kë yend gër ed exo axora, ax gi ex na bëbëngw bën. Mëŋ ex wëno, bela bër kë wëndërand yow këme mëni mac, ax gi ex na bër ŝenene.»

End etiŵi eŋ

¹⁸Bësëfan bër Ŝaŋ Batis bën do gë bër Ofariŝeŋ bën asiŵi bani siŵind. Ata akey amat, yow këni gër Yesu do wëka këno: «Bësëfan bër Ŝaŋ Batis bën do gë bër Ofariŝeŋ bën asiŵi këni siŵind. Ineŵa bayik ani tiŵixënënd na bërey bën?»

¹⁹Ata Yesu yaka këbi: «Asiŵi nde këni siŵind bër këŋo laŋëtënd ŝambenjar ir kë yërënd bën gër ekana? Ax gi ex na nde gër ga nëka këni yo gë mëŋ ani kor na eni tiŵi?»

²⁰Barikan yatir këni ŝapër gë icën iŋo, asiŵi këni siŵi.

²¹Këdi kë ħesi kaŝ anjëm akarëk aŋ, ala ax kadënd na gë anjëm angaŝax.

²²Bëte gër bamote bakarëk ala cëlënd na ngoy ingaf gayik and ýana eñen aŋ ata kë fëtin, do ngoy in gë bamote baŋ ex nemi. Ax gi ex na nde në bamote bangaŝax këni ŝëlënd ngoy ingaf in?»

End akey and eteyëta eŋ

²³Yatir akey and eteyëta baxo xucand Yesu në ocënga od gër ed sëg bax bële. Ata bësëfan bërexëm bën këni wïŝand banjëra baŋ do këni ýakënd.

²⁴Ata Ofariseŋ ok wëka këno Yesu: «Ineŵa këni rixënënd bësëfan bërey bën er bayik ax ñap ex na yatir akey and eteyëta in?»

²⁵Yaka këbi: «Er ri baxo Dafid ga bot këbi enjo eŋ mën gë bër enga endexëm bën, amëd and ebaxo Abiyatar, aŝadaxan alëngw aŋ, wën elod an pën ex na nde?»

²⁶Amëd and ebaxo Abiyatar, aŝadaxan alëngw aŋ, ax gi ex na nde Dafid alil lil baxo lëf gër Aciŵ and Kaxanu ýambëgu ko mburu ind ýap këbi eyamb bësadaxan fo in xali ŝet këbi bër enga endexëm bën?»

²⁷Ga ħata ko eŋo, baŝ ko bëte: «Në end ala rixën ko Kaxanu akey and eteyëta aŋ, bari aŋo di ex na ala an në end akey and eteyëta.

²⁸Mën ex wëno Asëniŵ ar ala an ex axwën ar akey and eteyëta an.»

Marëk 3

End Yesu do gë ar gë ataxan ateyik eŋ

¹Ata ħatëguk akey and eteyëta acëxe, Yesu ye ko gër aciŵ acaleya, sëk këŋo ar gë ataxan ateyik.

²Ata bësälën bën do gë ofariseŋ ok këno sitinalind Yesu ba afakën këŋo fakën gë akey and eteyëta aŋ eni cotaxën end këno nagaŝanaxën.

³Ata Yesu fel këŋo ar gë ataxan ateyik an: «Kaniw ey kwëŝa mërëxand ro!»

⁴Aŋo re ko Yesu: «Ineŵa ýapëk gë akey and eteyëta aŋ? Edi ed enjekax nde ba edi ed eñëŋënax nde? Epexën and ala nde ba eðaŵ ed ala nde?» Barikan bën đek ŝësinara këni ýem.

⁵Ata Yesu nëkon këbi gë oxoý fo, aŋo nëngan bana end oŵëkw or farëdadik orebën eŋ. Fel këŋo ar gë ataxan ateyik an: «Yënël ataxan aŋ!» Ga yën ko, ataŋ bëngwëk ataxan aŋ.

⁶Ofariseŋ ok ŝan këni eni wëlërëx gë od Erod ang këni ri eno đawaxën Yesu ak.

End etana ed oparëxanda epëxw gë oki eŋ

⁷Ata Yesu gë bësëfan bërexëm bën ye këni ler gër bëŋa ir anjer. Na barërëgu këni bela bëranjëm ga xaniraw këni elod gër ebar ed Galile, gër ed Yude

⁸do xali gër angol and Yerusalem. Na fo bani bête bër xaniraw bax gër ebar ed Idume, ekeg ed yeb ir Yurëdeŋ el, xali gër owar or Tir do gë Sidoŋ. Amëxwër aŋo er yow bani gër Yesu ga bani wëlëxënd bebër baxo rind bën.

⁹Ata Yesu fel këbi bësëfan bërëxëm bën eni təkaliw ikuluŋ exo ñëpaxën polo këdi këno fimelira bela bën.

¹⁰Enimin, ga babi fakënënd bela bërănjem bano radënaxënënd bësëxwëra bërëmar eno kwixwëtaxën.

¹¹Bangoc bañëŋënax baŋ, areb banëbi rebënd bela bër lil banëbi bën gër osapar or Yesu eni keŋaxën: «Yama wëj ga ex nde Asëñiŵ ar Kaxanu an.»

¹²Barikan Yesu mbaŋ babi xeŋëxaxënënd eni teb edey'a ed noŋo hi ko el.

¹³Ata Yesu ye ko yaŋ në etënd. Wac këbi bër yandi baŋo bën do bën yaka këno.

¹⁴Yata këbi epëxw gë bëxi eni gi oparëxanda odexëm eno ðaŋëtarand do ebi ðawëndërand

¹⁵eni pemërand endexëm eŋ do enëbi necëtënd bëyël bën gër bela gë panga ind yël këbi iŋ.

¹⁶Bër yata babi bën ebani: Simoŋ ir nëngwët baŋo Piyer,

¹⁷Ŝak gë Ŝaŋ, asëñiŵ ar Sebede, do gë abinëm Ŝaŋ. Bën nëngwët babi oŵac ol: «Bëwanerëges» mëne ngëŋ Bër ang ekëman.

¹⁸Na fo bani bête: Andëre gë Filip, gë Barëtelemi, gë Maco, gë Toma, gë Ŝak asëñiŵ ar Alëfe, gë Tade, gë Simoŋ, aŵer an,

¹⁹do gë Yuda Isëkariyot, ar lëxw baŋo Yesu an.

End emenan ed Angoc Amënëk eŋ

²⁰And wãyi këni gër iciŵ aŋ, bela bën barërëgu këni gašëxe xali hi këni amëxwër atëm. Yesu gë odexëm ani cot bana amëd and këni yëpa eni yambëraxën.

²¹Ga wël këni endey' eŋo bërëxëm bën, yow këni eno tëra gayikako bani yëland mëne: oŝen yãnar këni.

²²Ata bësälën bër xaniw bax gër Yerusalem bën re këni: «Yama Yëngëtir, emun end bëyël eŋ ga lil këŋo nde. Gë panga indexëm iŋ këbi necëtënd bëyël bën gër bela.»

²³Ata Yesu wac këbi ebi pelëra gë bapënëtal baŋo do ko rend: «Mondake hik endey' eŋo? Sindan nde këŋo wãyënd Sindan?»

²⁴Angëmëne bër ebar ebat eni merënd, ax gi ex na nde ebar edebën el aŝapër kë ŝapër?

²⁵Bête angëmëne bër ekun ebat eni merënd, ax gi ex na nde ekun elo ayëcar kë yëcar?

²⁶Awa angëmëne Sindan ebi merelind bër ex gër owun orexëm bën, alati ko lati. Owun orexëm ol ašapër kë šapër do ex kwët endexëm eŋ!

²⁷Ala ax kor na exo dîl në iciw̃ ind ar gë ojaw̃ do eŋo kandëra napul irexëm in. Afo eŋo bon pere, do eŋo kap aye exo yëcaxën iciw̃ indexëm iŋ!

²⁸Dal in këmun felënd, Kaxanu aseban ko sebanënd beñëñenax beŋ do gë ocir od šir këno yo!

²⁹Barikan ar këŋo šir Angoc Amënëk an, eteban axo cot na: Gayik anëka ri ko amena and din ir din aŋ.»

³⁰Ga bani rend mëne gë angoc añëñenax hi ko yey'anaxën baxo mondako Yesu.

End bobinëm bor Yesu do gë nëm eŋ

³¹Ata na gër ed bani yey'andëra mondako, ĥatëgu këni bobinëm bor Yesu do gë nëm. Ga xwëšaw këni fac, law̃en këno ala eŋo macëgu.

³²Bon yëmb bani bër xeta bano lëf gër aciw̃ bën. Ga yëpara këni jey', lilëgu ko ar law̃enëgu bano an, re ko: «Yakalëbi fac norix gë bobinëx, ga këni šaland!»

³³Yaka këŋo: «Noŋo ngwa ex nëma do nobën ex bëmaÿe bëndam bëŋ?»

³⁴Ga nëkon këbi bër xeta baŋo bën, re ko: «Nëkodëbi nëma do gë bëmaÿe bëndam bëŋ.

³⁵Ar kë rind er yandi këŋo Kaxanu an, ajo ex abaÿe do gë nëma.»

Marëk 4

End apënëtal and ar oned eŋ

¹Ata Yesu këbi sëy'alirand gašëxe end Kaxanu eŋ gër bëña ir anjer and Galile. Ga xeta këno amëxwër atëm, Yesu fëra ko polo në ikuluŋ do yëpa ko. Bela bën đek xwëšara këni gër ebar, gër bëña.

²Ata ga këbi sëy'alira gë bapënëtal, nëka ko mbaŋ. Er baxo rend:

³«Baxëtin end ala ar nëca bax oned gër ošënga orexëm eŋ.

⁴Ga ko yiš enedä eŋ, mar lapak gër fëña. Ata yow këni ošël ol, hël këni đek.

⁵Mar lapak bëte gër aparëfac, gër ed ax ñëmb bana obar, lëgëk ataŋ gayik ax tiw̃ bana.

⁶And fëtëk oyat aŋ, ĥayëk đek gayik gë odëmbët këm hi bax.

⁷Mar lapak bëte šit në acëc and gë odëmbën. And lëgëk aŋ odëmbën ok xëšak, ata sëkwanëk ex dëw̃.

⁸Barikan mar lapak bëte gër ebar ejekax. Ga lëgëk, rafëk, do rëw̃ëk bon: enjëlir emat ofëxw osas, eŋo ofëxw ocongebat do eŋo keme.»

- ⁹Ga ĥata ko Yesu apënëtal aŋo, re ko: «Awa ar gë anëf an, wëlël exo eŋo.»
- ¹⁰And ŝapër këni bela aŋ, bayi këni Yesu gë oparëxanda epëxw gë oki odexëm ok. Ata wëka këno: «Inecëŋ këy sëyalixënënd gë bapënëtal?»
- ¹¹Yesu yaka këbi: «Wën fo yël këŋun Kaxanu, en nang end däl end ŝonayak end owun orexëm eŋ. Bër fac bën gë bapënëtal fo këni yana eni wëlënd.
- ¹²Mëŋ ex ado eni nëkonënd aye, ani wat na. Ado eni wëlënd, abi pëni na, këdi këni nëngwët ola orebën ol do ebi teban Kaxanu .»
- ¹³Ata re ko bëte Yesu: «Angëmëne wën aŋun pëni ex na apënëtal aŋo, mondake këŋun fëni dek bacëxe baŋ?
- ¹⁴«Aned an kë nedënd eyey'an ed Kaxanu el.
- ¹⁵Fëña ir gër ed lapak enedä in ex bela bër sam eni wël eyey'an elo, ataŋ Sindan exo yow exo dëxët dek gër owëkw orebën.
- ¹⁶Bëte aparëfac aŋ ex bela bër sam eni wël eyey'an ed Kaxanu el, gë onënga fo eni ma.
- ¹⁷Bari ani gi ex na gë odëmbët, gogo nde ebi yëpan. And këbi ŝopara aŋ, ba enëbi cëndën në end eyey'an elo eŋ, ebi cena xali eni dap caw.
- ¹⁸Bëte odëmbën ok ex bër sam eni wël eyey'an ed Kaxanu el,
- ¹⁹eni teb ocëmu od aniyan ok, gë oñandi od napul ok, do gë oñandi od eman ok ex këša xali ex tëkwan ebi nëngwët in.
- ²⁰Do ebar ejekax el ex bela bër sam eni wël eyey'an ed Kaxanu bën, eni ma ebi nëngwët do ex cënar gër owëkw orebën: emat ex dëw ofëxw osas, eŋo ofëxw ocongebat, do eŋo keme.»

End apënëtal and lambo eŋ

- ²¹Yesu ga ĥata ko apënëtal aŋo, wëka këbi bër baŋo baxët bën: «Lambo ir fëtën këni in, aňob nde këni ĥobënd gë enëp? Axwët nde këni xwëtënd dila në angaw? Ax gi ex na nde në er y'aŋ këni xawend?
- ²²Mëŋ ex, er hi bax yo watërëxe in, awati kë wati. Er hi bax yo eŝon-con in, aŝana kë ŝanaya goyat gër angoben!
- ²³Awa ar gë anëf an wëlël exo eŋo!»
- ²⁴Baŝ ko bëte: «Balëkënalijindën end kën wëlënd eŋ. Gë acariya and kënëbi sëyinënd bela aŋ fo këŋun wäŝën wën bëte, ado sëf eŋun tënd motënd.
- ²⁵Ar wäk eyey'an elo an, Kaxanu abaŝën këŋo baŝën owël ol. Bari ar ĥëpëk an, yowëy aŋo pëni na.»

End apënëtal and enedä end kë lëgënd gë andexëm eŋ

- 26**Yesu şom ko bête: «Owun or Kaxanu ol er wëndërek gë end ala ar kē yişënd enedā gër oşënga orexëm fo.
- 27**Këno raşënd nde ba këno ferënd nde, hik gëmëd hik goyat, enedā eñ alëg kē lëg ex daf xarak mën axwën an axo nang na ba mondake.
- 28**Ebar el dën këno rëca ex dëg ang ondës fo, ex daf bële in xali ex neg do ex can, banjëra bañ ex dëw aye.
- 29**Do and kē sëg añ, eni ŋaş gë xorom in and kē ĥat ekanara ed benedā añ.»
- 30**Wëka këbi bête Yesu: «Gë ine këne wātinaliye owun or Kaxanu ol, gë apënëtal and fe?»
- 31**Yaka ko mën fo: «Ang enjëlir end atëx and mutarëd fo hik. Dek benedā bend ex gër ebar ro beñ, enjëlir eño xurik ex ba.
- 32**Barikan and këni ned do ex dëg añ, ata kē rafënd nëmëc dek bëbëlëg bëbër ex gër andëdā bën. Benini beñ ex derëra xali oşël or gër orën ol eni yëlëra yañ.»
- 33**Ata Yesu gë bapënëtal baño sëfëtan babi end Kaxanu eñ bela bën ang këni xor ebi pëni ak.
- 34**Ababi sëy'ali na gë bapënëtal këm. Barikan and këni hi gë bësëfan bërexëm fo añ babi faÿënënd dek.

End Yesu do gë ekoc etëm eñ

- 35**Ata kwël yatijo fo, and genëka añ, Yesu fel këbi odexëm: «Kegëtane anjer añ.»
- 36**Ga fela këbi amëxwër añ, bësëfan bën wëla këno Yesu gë ikuluñ ind gër ed yëpa baxo iñ. Na fo bax bëte bëkuluñ bëcëxe bëndanjëm.
- 37**And hi këni Yesu gë bësëfan bën gër ngu añ, ĥatëguk angoc etëm. Men oñ kē xaninënd bomeñ bomeñ xali kē rëmbayand ikuluñ iñ.
- 38**Barikan Yesu mën y'em këno raşënd gër epoy' ed kuluñ gër akwëtaya and gaf. Ata exo nëngëtaxën in, bësëfan bën xeÿ këni şor: «Asëy'ali, doro këne nemiye. Wëj axi bal ex na nde?»
- 39**Ga nëngëta ko na, xeÿan ko ekoc el gë anjer añ: «Xey wën, cësinayin!» Atañ sebëk ekoc el do anjer añ bëte yëmëk atañ.
- 40**Wëka këbi Yesu bësëfan bën: «Oko inewā yëdaraxën kën go? Ba wën xali gërëgako ane kwëta ex na nde?»
- 41**Año yëdara këni kaş-kaş xali do këni wëkarënd: «Noÿo ngwa ex ala ajo? Ekoc el do gë anjer añ aŋa kē wënd er ko re in?»

Marëk 5

End ar gë bangoc bañëñëx eñ

- ¹Yesu gë bësëfan bërëxëm bën, ga xegëta këni anjer aŋ, ĥat këni gër ebar ed Bëšerasa.
- ²Ataŋ ga šëpëta ko Yesu gër ikuluŋ, šanëgu ko pëlët gër oŋeg, ala ar gë bangoc bañëŋëx do ko y'end aped-fed.
- ³Gër oŋeg lëg baxo do ala baŋo xor na eno pokëra gë gwey'ele-gwey'ele.
- ⁴Band mar abon bano bonënd eno pokëra gër otaxan do gër osapar gë gwey'ele-gwey'ele. Barikan mëŋ dek baxo xotënd exo nëtëra dëng-dëng odun ok. Ala ax cot bana ojaŋ od eŋo bonaxën ok.
- ⁵Er baxo xeÿërand cis wec gër banapëra band gër osënd. Asembaÿënaya baxo sembaÿënyand eman eŋ gë oxaÿ.
- ⁶Sam ga watëgu këŋo Yesu caw, hër ko aped-fed do foxi ko gër lëngw irexëm.
- ⁷Xeÿ ko: «Ineŵa ÿandi ki gër ndam Yesu, wëj Asëñiŵ ar Ar-hik-y'aŋ gër orën an? Këla gër oŵac or Kaxanu, kërey'e narën na!»
- ⁸Baxo xeÿaxënënd mondako, awël baŋo wëlënd Yesu ga ko re: «Wën bangoc bañëŋëx, canin gër ala ajo!»
- ⁹Ata Yesu ñëka këŋo: «Mondake këni ñacënd?» Yaka ko: Wëno «Benga sir-sir» këne ñacënd gayik bangoc bandanjëm hi këmi.
- ¹⁰Ata bangoc bañëŋëx baŋo këno xarand Yesu kërebi ŋŵaÿ na caw, ga xey' këbi eni ŋaŵëta ebar ed Šërasa el.
- ¹¹Xarak ler gër etënd gër ed hi bani na, bambëxwëbëxw banëbi xadacërand na.
- ¹²Ata ga wat kënebi, bangoc bañëŋëx baŋ xara këno Yesu: «Cëñëtalëbo mëni d'il bambëxwëbëxw baŋo!»
- ¹³Ata ŵa ko Yesu. Na bangoc bañëŋëx baŋ ga šan këni gër ala, lil kënebi bambëxwëbëxw baŋ. Do ang hi bani gër ed kwëre kwëre ak, ÿëkëta këni gë ongër fo, lapayax këni gër anjer dek kece in, noÿelira këbi dek. Er hi bani në bambëxwëbëxw owëli oki.
- ¹⁴Ga šapër këni bëxadac bën, hërëra këni bëjo gër angol, bëjo gër ocënga. Rey'arax këni end wat bani eŋ. Ata ŵararaw këni bela bën, bura-bura gër onang.
- ¹⁵Ga ĥat këni gër ed ebaxo Yesu, wat këno ar gë bëyël ar benga benga an, ga ÿëpa ko gë banjëm baŋ. Nang këni mëne aye dëŋ bakar këŋo onden oŋ. Yëdara këni xali xurik.
- ¹⁶Bër wat bax dek er ri baxo Yesu bën rey'a këni end ar gë bëyël eŋ, do gë end bambëxwëbëxw eŋ.
- ¹⁷Ata ÿana këni këno xarand Yesu exo dëxëta na gër ebar edebën.

18 Ga ko baka Yesu polo gër ikuluŋ, ar ebax gë bëyël an wëka këŋo: «Aŋa nde këy wã me gi ar eng a endey?»

19 Ga hëp ko Yesu, yaka këŋo: «Maŋil gër ndewën, gër iciw indey. Tëfëtanëxëyëbi dek er rin ki Axwën Kaxanu in, do ang xaŋënan këŋo wëj ak.»

20 Ata ala ajo wãyi ko do ko femëraxënd end Yesu eŋ gër Bangolepëxw. Areyara baxo rey arand dek er rin baŋo Yesu in. Do bela bën dek bafi ŋarandërand endey eŋo.

End endënaŋ ecësëk do gë end asoxari ašëxwëra eŋ

21 Yesu xegëtaŋ ko amaka baka gë ikuluŋ in. Barërëgu këni gašëxe bela bën gër bëŋa ir anjer.

22 Hätëgu ko na ar bano wãcënd Yayëros, alëngw ar aciŋ acaley a an, lapaya ko gër osapar or Yesu

23 do ko rend: «Asëy ali, dam ex exo koti endënaŋ endam eŋ, axara xara këmi, yeye eyo kwëtan otaxan ok exo pakaxën do exo di yaxën.»

24 Yesu sëfër këni kwël gë Yayëros. Eng a end bela eŋ kënebi sëfand do këno fimelirand Yesu.

25 Xarak asoxari ar baŋo y exayaxënënd ošat elod bëniy epëxw gë bëki ebaxëna gër eng a eŋo.

26 Mbaŋ soro baxo gër otaxan od bëxora bëranjëm, do faŋ baxo dek napul irexëm in gër oxora, bari axo pak bana. Ado aŋo hi baŋo kaš-kaš ošëxwëra ol.

27 Ga wël ko mëne Yesu kë xucand, nëfënëfa ko xali sëkën këŋo, do xwixwëta ko acud andexëm aŋ.

28 Er yëla baxo mëne ga xaŋ xaŋ këŋo exo kwixwëta banjëm bandexëm baŋ ata ko fak.

29 Sam ga xwixwëta këŋo, ošat oŋ sebëk ataŋ ecan el. Nang ko gër eman endexëm mëne afak dëŋ fak ko.

30 Yesu nang ko mëne panga indexëm ŋanëk na. Ata xwëša ko mërëxand gër amëxwër. Nëkona ko gand epoy do wëka ko: «Noŋo xwixwëtak banjëm bandam baŋ?»

31 Yaka këni bësefan bën: «Oko, këyëbi watënd bela bën ga këni fimelirand nde këy wëkand noŋo xwixwëta ki?»

32 Barikan mëŋ kwël këŋo ŋaland ar ri bax eŋo an.

33 Ata asoxari an këŋo rëgënënd anjiŋ aŋ, ga nang ko er hi baŋo in. Wãra ko lapaya ko gër osapar or Yesu do rey a ko dek dal in.

- ³⁴Barikan Yesu re ko: «Awël nde abiwën, ga xwëta këye fakaxën këy. Mañil gë emëkw eyemax do pakël ošëxwëra orey ol.»
- ³⁵Ga ko yey'an mondako bayi baxo Yesu ga ñatëgu këni bela bër hiw bax gër iciw ind alëngw ar aciw acaleya an. Re këni: «Awa anëka xor këño endënañ endey eñ! Ine këyo soroli mama Asëyalı an?»
- ³⁶Barikan ado ga wël baxo eyey'an elo, Yesu fel këño alëngw ar aciw acaleya an: «Kërey yëdara na ngëñ, kwëtale mondako dëñ.»
- ³⁷Gabatak axo ma bana eño ñañëta gër iciw ind Yayëros angëmëne ax gi ex na Piyer, gë Şak do gë Şañ, abinëm ar Şak.
- ³⁸Ga ñat këni gër iciw ind alëngw ar aciw acaleya, Yesu wat këbi bela bën ga këni renitara axeyënd mbañ.
- ³⁹And lil ko añ, wëka këbi: «Ine kën şëşësinënd go? Ineña otes od go ok? Itox in araş fo raş këño, axo cës ex na.»
- ⁴⁰Ata ga wël këno, ñana këni këno wërëy'and. Yesu nęcët këbi dek ang ebani ak. Ga wac këbi nëm gë sëm ir endënañ do gë bësëfan bër lañëta baño bën, lil këni gër ed xwët bano itox.
- ⁴¹Ata Yesu lëk këño itox in gër ataxan, re ko: «Talita kumi», mënë ngëñ: Endënañ kanil, ga re këme!
- ⁴²Atañ kwengweremët endënañ eñ, xwëşa ko ceg do ko yëtënd, anëka sëk baño bëniy epëxw gë bëki. Bër wat bax eño bën şëg këbi benjëw beñ ga xurik aşaran in.
- ⁴³Yesu xëñara këbi aye bëxwën endënañ eni cësinali endey eño. Fel këbi eno yël er ko yamb in.

Marëk 6

End Yesu gër Nasaret eñ

- ¹Ata Yesu xani ko na, wãyi ko kwël gër Nasaret, gër ed raf ko. Sëfër këni gë bësëfan bërexëm bën.
- ²And ñatëguk akey and eteyëta añ, ye ko këbi sëyalirand gër aciw acaleya. Dek yëmb bani bër obaxët bën, do ga këbi şarandëra këni wëkarënd: «Feye wa şotëgu ko eño? Orenik or mondake wa şot ko? Do mondake ko rind becarax bëndako rako beñ gë otaxan odexëm ok?»
- ³Ax gi ex na nde mëñ ex afika ar otëx an, asëñiñ ar Mari an? Ax gi ex na nde bobinëm ex Şak gë Yose, gë Yud do gë Simoñ? Do bëbinëm bëtoxari bëñ cëñ, ax gi ex na nde gër ndëbi ro dëñ exëni?» Ata në eño babi ñëpëgënanaxënënd endexëm eñ.
- ⁴Ata yaka këbi Yesu: «Alañënel ar Kaxanu an, gër angol andexëm fo këno yafënd, ado dek dek in gër bërexëm do gë bër ekun ebat gë mëñ bën.»

⁵Ata ecarax gematak aŋo mëndan bana exo di na. Bêšëxwëra bëfënpëne fo fakën babi ga hëmbara këbi.

⁶Mondako šaran baŋo Yesu end oŋëpëgënan odebën eŋ.

End olaŵën or bësëfan epëxw gë bëxi eŋ

Ata Yesu ko sëfërand bëngol bënd ler gër Nasaret bëŋ ebi tÿ'alirax.

⁷Ŵac këbi bësëfan epëxw gë bëxi bën, laŵën këbi eni yë bëxi bëxi sam ga yël këbi panga ind enëbi nęcëtaxënënd bangoc bañëŋëxax iŋ.

⁸Fel këbi bëte eni mëlayand ošët fo do këreni mëland na: ax gi ex na ey'amb-y'amb, ax gi ex na ambaŋ, ax gi ex na kodï gër bëmboto.

⁹Barikan eni peŋand bapeŋ band xalanj, bëte këreni cuŋand na bacud baki.

¹⁰Afel fel babi bëte: «Gër iciŵ ind kën hāt, bayiyindën na xali yatir kën xuca.

¹¹Bëte angëmëne en ŋat në angol, do bela bën eni ŋëp enun kwëtaya in ba eni ŋëp enun baxët in, pëxwëcayin obar od lëkak gër osapar orewën ok en kucaxën. Obar oko ex osede or këbi šëndën bela bëjo.»

¹²Ga yë këni bësëfan bën, femërax këni gër bela end eni nëngwët aniyän andebën eŋ.

¹³Nęcët kënebi bëyël bëranjëm gër bela. Bëte bëšëxwëra bëranjëm banëbi nëmërand ogu, do bani fakënd.

End ecës ed Šaŋ Batis eŋ

¹⁴Erod, emun eŋ, wël bax er baxo rind Yesu in gayik oŵac or Yesu ol mongwëli wëli bax. Bërëmar are bani rend mëne Šaŋ Batis, ar babi buyind bela an xaniwëk gër ecës, mëŋ šotaxën ko panga ind ko rixënënd becarax iŋ.

¹⁵Na fo bani bër bax rend mëne alaŵënel Eli xaniwëk gër ecës. Na fo bani bëte bër bax rend mëne alaŵënel ar Kaxanu abat, ang ebani akarëk ak, xaniwëk.

¹⁶Barikan, Erod ga wël ko beŋo ðek, re ko: «Yama Šaŋ Batis ir fodëtën bamo gaf ga xaniwëk nde gër ecës.»

¹⁷Erod mëŋ dëŋ re bax eno tëra Šaŋ Batis do eno pokëra gë gwey'ele-gwey'ele lëf gër epëra gayik anëp nëp baŋo ga watar bani gë Erojad, alindaŵ ar abinëm Filip an.

¹⁸Enimin, Šaŋ Batis mondako baŋo fëlend Erod: «Ax ñap ex na ey'o kan abinëx asoxari arexëm an.»

¹⁹Ata Erojad mbaŋ šus baŋo Šaŋ Batis do yandi baŋo eno ðaŵ, bari abaxo xor na.

²⁰Ado Erod ayëda baŋo yëdand Šaŋ Batis ga nang baxo mëne ala ar šenene ex, aŵënek ex. Mëŋ bayik abaŋo seŋ na eno dixëra. Dek baxo šëndënd and këŋo wël aŋ xarak anëngan dëŋ baŋo nënganënd obaxët ol.

²¹Ata Erod ri ko ofëna or ekwitaxën ed akey and rëw këno. W̃ac këbi gër ñambëran bëlëngw bën do gë bemun bend ocoroda beñ, ebar ed Galileel dek.

²²Ga lilëgu ko abiw̃ ar Erojad gër ed yëpara bani, w̃an ko xali nëngan këbi Erod gë bër w̃acëraw babi gër ofëna bën. Ata Erod, emun eñ, fel këño endënaw̃ eñ: «Mëkale er ỹandi ki yo, wëno ayël këmi yël.»

²³Ga yaşar ko baş ko: «Er këye xara yo ayël këmi yël, ado ex gido mi cet ja mërëxand ebar ed gër ed wun ko ro el.»

²⁴Ata şan ko endënaw̃ eñ, w̃ëkaw këño nëm Erojad: «Inewa këmo xara emun eñ?» Yaka këño: «Karalo gaf ir Şaņ Batis in, ar këbi buyind bela an.»

²⁵Ga wërëşëtaw ko aỹand lëf gër ed exo emun, xara këño: «Er ỹandi ke eyë yëlëgu gërëgako gaf ir Şaņ Batis in polo në inëp.»

²⁶Ata emun eñ hi këño këñ gër emëkw, şena këño. Barikan ga yaşar baxo xali wël këno bër ofëna bën, ax mënd bana eño dëc endënaw̃ eñ er xara ko in.

²⁷Emun eñ lawën këño ataņ anëkona arexëm abat exo mëlaw gaf ir Şaņ Batis in.

²⁸Ye ko, fodëtëgu ko gaf ir Şaņ Batis in gër ed fëra bano do wëlëw ko në inëp. Fëxwën këño endënaw̃ eñ. Endënaw̃ eñ şena ko yëlëx këño nëm.

²⁹Bësëfan bër Şaņ Batis bën ga wël këni endey eño, y'en këni eman endexëm eñ gër epëra do wëxëta këno në yëg.

End eñëmbën ed eyamb yamb eñ

³⁰Oparëxanda ok ga bakaraw këni gër Yesu, rey'a këni dek bebër riw bani bën do gë dek end sëyaliraw banëbi bela eñ.

³¹Ata yaka këbi Yesu: «Awa yowën ene nacëtaye në er tëb en teyëtax təkër!» Mbaņ ebani bela bër xeta babi bën: bëjo këni y'end bëjo këni hatëgund, ax mënd bana ang këni yambëra ak.

³²Yesu gë bësëfan bën fëra këni polo në ikuluņ eni nacëtaxën.

³³Ata bela bëranjëm wat kënëbi ga këni ye, xwita kënëbi. Do angol and ex yo bani xanirawënd eni ye olëngët, gogo nde ga hatët këni.

³⁴And bani şëpëtand gër ikuluņ aņ, Yesu wat këbi bela ga barëregu këni xali hi këni amëxwër atëm. Aņo xayënan këño xali gayik er hi bani ang opey od gë axadac këm fo. Na sëyalira babi bebëranjëm xali nekak.

³⁵Ga kë xwëyar bësëfan bërexëm bën sëka këno Yesu do re këni: «Asëyalı, ro gër ed hi këne apuy ex do anëka wëdëk eñan eñ.

³⁶Pelalëbi bela bën eni capërëra gër ocënga, ed bëñëpa el, do gër bëngol bënd ler ro eni yëcërax er këni yamb in.»

³⁷Barikan mēŋ yaka kēbi: «Yēlinēbi wēn dēŋ er kēni yamb in!» Yaka kēno: «Ba mi ye mi yēcēgu mburu nē batama okeme oki band kodī nde, mēni dēbaxēn dēk ako?»

³⁸Ata wēka ko Yesu: «Bamburu banjēgwe wa lēkaya kēn? Yeyin en nangēgu!» And wēkaraw kēni aŋ, yaka kēno: «Bamburu banjo do gē oxan oxi.»

³⁹Aŋo re ko enēbi pel bela bēn dēk eni nēpara bēmēxwēr bēmēxwēr gēr ondēs ocēkēt.

⁴⁰Ata yēpara kēni bēmēxwēr bēnd mar bela keme, bēŋo ofēxw oco.

⁴¹Yesu ga wēd ko bamburu banjo baŋ do gē oxan oxi ol, xeŋa ko orēn ol do šēkwa kēŋo Kaxanu. Ga xwēt ko, hēbēndēr ko bamburu baŋ do yēl kēbi bēsēfan bēn eni cet. Bēte mondako fo šet babi oxan ol xali šot kēni bēn dēk ang yēmb bani ak.

⁴²Na yambēra kēni xali wēd kēni bēn dēk.

⁴³Ata bar kēni bēsēfan bēn bakange epēxw gē baki bacaxaken band mburu ind bayēta bax baŋ do gē oxan ol.

⁴⁴Bēr lēba babi Yesu bēn er ebani, bēsošan bēn fo, owēli oco.

End Yesu gēr men eŋ

⁴⁵Ataŋ ga xucak eŋo, Yesu nēyali kēbi bēsēfan bērexēm bēn eni dēngwa gē ikuluŋ iŋ ekeg ed anjer, gēr Betēsayida do mēŋ bayi ko na ebi pela bela bēn.

⁴⁶And fela kēbi aŋ, ye ko yaŋ nē etēnd exo calex.

⁴⁷Ga šēlak eŋan eŋ, bēsēfan bēn hāt kēni gē ikuluŋ iŋ mērēxand ir anjer xarak ekeg elo bayiw baxo Yesu gēr ebar.

⁴⁸Wat kēbi bēsēfan bēn ga šopa kēbi ewac el gayik aped-fed gē ekoc etēm bani xasēnd gē ikuluŋ iŋ. Emēd ekarēk el, Yesu kēbi sēfand do ko wēñēnd yaŋ gēr men ang gēr ebar fo. Ga sēk kēbi, yāndi kēŋo ebi cand.

⁴⁹And wat kēno ga ko wēñēta yaŋ gēr men aŋ, bēsēfan bēn yēla kēni mēne oñēy ex, ax gi ex na mēŋ. Ata ses kēni šor.

⁵⁰Ga kēno nēkon, bēn dēk šēg kēbi benjēw beŋ. Ataŋ yeyaneli kēbi Yesu: «Kapinayin! Wēno ex, kēren yēdara na.»

⁵¹And hi ko polo gēr ikuluŋ aŋ, xucak ekoc el. Ata bēsēfan bēn dēk šaran babi endexēm eŋ.

⁵²Gayikwa yoweŷ abi pēni bana ecarax end mburu eŋ: ga fod babi.

End epakēn ed bēsēxwēra gēr ebar ed Genesaret eŋ

⁵³Ga xegēta kēni anjer aŋ, hāt kēni gēr ebar ed Genesaret.

⁵⁴And šēpēta kēni gēr ikuluŋ aŋ, bela bēn xwita kēno ataŋ Yesu.

⁵⁵Ata w̄ara kēni enēbi mēlaraw bēšēxwēra bēn monēbi gēr banakaya bandebēn. Motēfelira bano sēfelirand Yesu gand ed ko y'e yo.

⁵⁶Gēr ed ko lil yo, hik ingol, hik angol atēm, hik ošēnga, tar fēña in banēbi xwētēnd bēšēxwēra bēn do bano xarand ebi teb eni kwixwēta ndakaŋ ambana and acud andexēm aŋ. Do dek bēr baŋo xwixwētand bēn afak bani fakēnd.

Marēk 7

End bapela band bēxarēk eŋ

¹Akey amat, Ofariseŋ do gē bēšalen yow bax gēr Yesu ga xaniw kēni gēr Yerusalem.

²Ata wat kēnēbi bēsēfan bērexēm bērēmar ga xoba kēni gēr ey'ambēran gē otaxan obuyaraxik, mēne ngēŋ nebarēxe.

³Xarak Ofariseŋ ok do gē Bēšēwif bēn dek abani y'ambēra na nebarēxe šenene otaxan ok, ang rēp bax gēr bapela band bēxarēk bērebēn ak.

⁴Angēmēne nē akwēndaya and gēr angol y'e bani, and kēni w̄ayī gēr iciw̄ aŋ din bani nebarand aye eni y'ambēraxēn. Bēte mbaŋ e ebax bend akarēk bend bani fēbēnd beŋ: eneb ed onēp, eneb ed ofey'a el do gē ed bandun band y'awale el.

⁵Ofariseŋ ok gē bēšalen bēn w̄ēka kēno Yesu: «Bēsēfan bērey' bēn inew̄a kēni liyaxēnēnd mondako, ga kēni y'ambērand gē otaxan obuyaraxik, do ani tēfēnd na bapela band bēxarēk bērebi baŋ?»

⁶Ata Yesu yaka kēbi: «Ata alaw̄ēnel Esayidal re baxo mēne wēn bēyēŋēnax bēr kē labayand hi kēn. Ga yēgw ko wa: “Bela bējo gē etēy' el fo kēne fēbēnd, Anjēlan andebēn aŋ caw h̄awēta ke;

⁷Asoro fo kēni sorond cale indebēn iŋ, Osēy'ali orebēn ol bapela band bela fo ex ”.»

⁸Ata re ko bēte Yesu: «Wēn, kē yepēnēnd er re ko Kaxanu in do kēn fēbēnd bapela band bela.

⁹Kēn yepēnēnd apela and Kaxanu aŋ do kēn fēbēnd amērēw̄ēra andewēn.

¹⁰Ga re ko Moyis: “Wēj ala an pēbēlēbi norix gē sorix, Ar kēŋo xare yo nēm ba sēm ar edaw̄ ex .”

¹¹«Barikan wēn kēbi sēy'alind bela bēn: And ki xara yēy' norix ba sorix aŋ, axor kēy' xor ey'o pel mēne gē er ebax ey'o dēcaxēn in “Korēbaŋ” ex, mēne ngēŋ Kaxanu yēl kēy'o.

¹²Ax gi ex na nde nē end apela andewēn aŋo, bela bēranjēm anēbi dēcand na bēxarēk bērebēn bēn?

¹³Ata mondako kēn yepēnēnd eyey'an ed Kaxanu el gē apela and yerēt kēn gē andewēn dēŋ. Bēte awata wata kēn bemenak bend ang eŋo ak.»

¹⁴Yesu wac këbi gašëxe bela bën. Ga sëka këno amëxwër atëm, re ko: «Wën dek baxëtine de aye enun pënixën.

¹⁵Yoweÿ ax gi ex na er kë lil gër ala do eño buyarën. Barikan er kë şanënd in këño buyarënënd.

¹⁶Awa ar gë anëf kala, baxëtëlexo eño.»

¹⁷And lil ko Yesu lëf gër iciw̃ aŋ, ga sebëgu këbi fac amëxwër aŋ, bësëfan bërëxëm bën wëka këno ebi paÿën apënëtal aŋo.

¹⁸Ata re ko: «Oko, wën bëte an gi ex na nde gë orenik? Aŋun pëni ex na nde mëne yoweÿ ax gi ex na er kë lilënd gër ala do eño buyarën?

¹⁹Er kë lilënd gër ala in gër acël kë ħatënd, ax gi ex na gër emëkw. Do and kë hi gër acël aŋ, ex paÿërax gër apuÿ.» Ata gë eyey'an elo wësin babi Yesu mëne ey'amb y'amb ed ex yo awën wënëk.

²⁰Er re baxo mëne er kë şanënd gër ala in këño buyarënënd.

²¹Gër emëkw ed ala kë ŷanand xali ex can: banjëlan bañëñenax baŋ, gë eñac eŋ, gë orek ol, gë edaŵër el;

²²gë orekar ol, gë aŋana and kodî aŋ, gë oxeÿ ol, gë njifa ind bela in, gë asëk alakirand fo in, gë oy'akërax ol, gë ocir od Kaxanu ok, gë ndafënan in, do gë ofëñirëx ol.

²³Eyo gër emëkw kë ŷanand beño dek, do and kë şan aŋ eño buyarën ala an.

End asoxari aliyer eŋ

²⁴Ga xucak eño, Yesu y'e ko gër ebar ed këni wacënd Tir. Ĥat ko yir fo në iciw̃ ga xey' këño eni nangëra bela bën mëne mëñ y'owëk, barikan gogo nde ga nangëraw këni.

²⁵Ga wël ko nëm ir endënaŵ end hi bax gë angoc añëñenax, y'ow ko lapaya ko gër osapar or Yesu.

²⁶Asoxari ajo Agërek ebaxo do xaniw baxo gër Fenisi gand ebar ed Siri. Axara xara baŋo Yesu eño necët angoc añëñenax aŋ gër abiŵ.

²⁷Yesu yaka këño: «Cënil pere eni med obaş ol. Ecemar ed këni y'ambënd obaş el ax ye ex na ey'ëbi dápën bëkwërëkwër. »

²⁸Re ko asoxari an: «Eyo däl ex Axwën, barikan bëkwërëkwër bëñ dila gër ed këni y'ambërand obaş këni wëdarand bëngacan bënd këni lapëtarand bëñ.»

²⁹Ata re ko bëte Yesu: «Awa në end eyey'an elo ayakali këmi yakali. Maÿil, angoc añëñenax aŋ anëka şan ko gër abix.»

³⁰And wäÿi ko asoxari aŋ, sëkëx ko mëne angoc añëñenax aŋ anëka şan ko gër abiŵ, alaki fo alaki baxo gër angaŵ.

End apaxo eŋ

- ³¹Yesu ga xani ko na gër ebar ed Tir, ko w̄aŷind ond gër ebar ed Galile oŋ na do ko xucand gër ed Sidoŋ el. Bëŋa ir anjer in baxo sëfand gand bebët ir «Bangolepëxw.»
- ³²Fed këni gë bela ga këno w̄ëlanëgu apaxo, ar bax yey'anënd gë ojaŵ fo. Na xara këno eŋo ŋëmba exo pakaxën.
- ³³And nacët këŋo caw gër ed hi bani bela aŋ, Yesu ŝo ko banëf band apaxo baŋ, gë obasa odexëm ok, do wiŝ këŋo gë bato baŋ gër aniŵ.
- ³⁴And xeŋa ko orën aŋ, yën ko atëm, re ko: «Efata», mène ngëŋ Dëmëtayayin.
- ³⁵Ataŋ lëmëtayak banëf baŋ do lëkwëtarëk aniŵ aŋ, apaxo aŋ ŷana ko ko yey'andërand ŝenene.
- ³⁶Yesu xëŋa këbi eni cësinali endey' eŋo. Barikan axëŋa yo axëŋa bela bëjo aŋo bani rey'arand kaŝ-kaŝ.
- ³⁷Mokuri xuri bax ang ŝaran babi xali bani rend mène Yesu becaraxik fo ko rind. Banëf band bër baŋapaxo baŋ ko lëmëtënd, do baniŵ band bamuma baŋ ko lëkwëtënd eni yey'andëraxën.

Marëk 8

End eñëmbën ed mburu eŋ

- ¹Akey amat, bela bën ga barërëgu këni omëxwër otëm, xeta këno gaŝëxe Yesu. Ga wata ko mène bela bëjo er ŷamb in ani cot bana, w̄ac këbi bësëfan bërëxëm bën do re ko:
- ²Nëkoyinëbi bela bëjo, dek ke xaŷënanënd elod bakey batas këne sëfarand, bari ani gi ex na gë ey'amb ŷamb.
- ³And këmëni fela ŷambërarëxe aŋ, bon këni sorox gër fëŋa gayik bërëmar caw xaniw këni.
- ⁴Yaka këno bësëfan bën: «Mondake wa kënëbe lëbaye tëb ro?»
- ⁵Aŋo w̄ëka këbi Yesu: «Bamburu banjëgwe wa lëkaya kën?» Yaka këni: «Banjongëbaki.»
- ⁶Fel këbi bela bën eni ñëpara gër ebar. Ga xana ko ko bamburu banjongëbaki baŋ, ŝëkwa këŋo Kaxanu, hëbëndër ko do yël këbi bësëfan bën enëbi cetëra amëxwër aŋ. Ata ŝet këno ala kala aton dek ang ebani ak.
- ⁷Bëte bëngan ebaxëna, ga xana këbi Yesu, ŝëkwa këŋo Kaxanu do re ko bëte enëbi cetëra bela bën.
- ⁸Na ŷambëra këni xali w̄ed këni. Bayitarak mburu in në bakange banjongëbaki.
- ⁹Bela bër lëba babi na yatijo bën er hi bani në owëli onax. Ata ga ŷambëra këni, Yesu fel këbi eni maŷira.

10Ataŋ mēŋ gē bēsēfan bērexēm bēn fēra kēni gēr ikuluŋ do kwēl yē kēni gēr ebar ed Dalēmanuta.

End amatinali and gēr orēn eŋ

11Akey amat, Ofariseŋ yow baxēna na eno mēkara Yesu. Ga yāndi kēbi eno bon, wēka kēno ebi masin ecarax emat eni nangaxēn mēne gēr orēn xaniw ko.

12Ata yēpandēra kēŋo Yesu gēr onden ondexēm endebēn eŋ, yēn ko atēm do re ko: «Wēn bela bējo, ineŋa kēne wēkaxēnēnd mun masin ecarax en nangaxēn mēne gēr orēn xaniw kēme? Dal in kēmun felēnd, ecarax an wat na.»

13And hāta ko eŋo aŋ, Yesu baka ko polo gēr ikuluŋ eni kegētaxēn anjer aŋ gē bēsēfan bērexēm bēn.

End lewir ir Ofariseŋ eŋ

14Bēsēfan bēn axwēya xwēya bani eni pena mburu iŋ. Amat fo wēlali bani gēr ikuluŋ.

15Ata re ko Yesu: «Kwēyētayin lewir ir Ofariseŋ in do gē lewir ir od Erod in .»

16Ata ga wēl kēni eŋo, bēsēfan bēn kēni yēland mēne ga bani gē mburu kēm yeyānaxēn baxo mondako Yesu.

17Ga wata ko Yesu mēne mondako kēni yēland, wēka kēbi: «Ineŋa kēn yēlaxēnēnd mēne ga hi kēne mburu kēm yeyānaxēn kēme mondako? Xali gērēgako aŋun pēni ex na nde er re kēme in? Wēn yōwēy an kaman ex na nde pere?»

18Ata wēn and mokem xem kēŋun dē ogaf ok. Gē bangēs hi kēn bari an watērand na, gē banēf hi kēn, bari an wēlērand na.

19An kwita ex na nde gē bamburu banjo lēba bamēni bela owēli oco? Do bacaxaken band bayētara babi baŋ, bakange banjēgwe bar ban?» Yaka kēno: «Bakange epēxw gē baki.»

20Bēte an kwita ex na nde and lēba bamēni gē bamburu banjongēbaki bela owēli onax aŋ? Bakange banjēgwe fēxw baŋun bacaxaken band bayētara babi baŋ? Yaka kēno: «Bakange banjongēbaki.»

21Ata re ko bēte Yesu: «Do wēn xali gērēgako, yōwēy an kaman ex na nde?»

End Yesu do gē ašiwēk ar gēr Betēsayida eŋ

22Yesu gē bēsēfan bēn hāt kēni gēr Betēsayida. Wēlanēgu kēno na ašiwēk do xara kēno eŋo pakēn.

23Ata Yesu lēk kēŋo ašiwēk an gēr ataxan do las kēŋo xali šan kēni ingol iŋ. Ga xwēša kēni, wiš kēŋo gēr bangēs do fēd kēŋo. And fēdēt kēŋo aŋ, wēka kēŋo: «Yēy nde kēy watēnd na?»

²⁴Ga xëwëta ko ašiwëk an, re ko: «Në ewat mëni bela bën ang batëx fo, bari ay'exëra këni y'exërand de.»

²⁵Yesu fëd këno gašëxe. And fedët këno aŋ, ašiwëk an fak ko ataŋ, do ko watërand šenene.

²⁶Yesu fel këno exo maŋi gër ndebën, kërexo baka na gër ingol.

End Piyer do gë Yesu eŋ

²⁷Yesu gë bësëfan bërëxëm bën y'e bax gër bëngol bënd ler gër Sesare ir Filip. Gër fëña, wëka këbi: «Gër onang or bela, wëno noŋo këni rend hi këme?»

²⁸Yaka këni: «Bela exëna bër kë rend wëj ex Šaŋ Batis; bëjo wëj ex alaŋwënel Eli, do bëjo bëte wëj ex, alaŋwënel ar Kaxanu abat, ang bëtëraw këni ak.»

²⁹«Do wën cëŋ, ine këne rend?» Yaka këno Piyer: «Wëj ex Afexën an.»

³⁰Ata Yesu xëŋa këbi xali mëne eŋo ala këreno pelëd na.

End ecës ed Yesu eŋ

³¹Ata amëd aŋo ŋana baxo Yesu këbi felënd bësëfan bën mëne, mëŋ Asëniw ar ala an, mbaŋ ko soro. Bëxarëk bër Bëšëwif bën, gë bëšadaxan bëlëngw bën do gë bëšalen bën ašus këno šus xali eno dëxw gër ecës. Barikan gë akey atasën aŋ, exo kani gër ecës.

³²Kerët felëra baŋi bësëfan bën beŋo. Ata Piyer ga nacët këno këno rexërand.

³³Barikan Yesu ga nëkona ko gand bësëfan bërëxëm, xeŋan këno Piyer: «Nacëtaxële fa Sindan, anjëlän andey aŋo and bela fo ex, ax gi ex na and Kaxanu!»

³⁴Ata and wac këbi amëxwër do gë bësëfan bërëxëm aŋ, re ko: «Ar ŋandi këno exe tef an tebëlexo ebal ed gaf irexëm fo el. Gilexo aŋwëlëk ar exo toro mbaŋ në end oŋac oram exe tëfaxën.

³⁵Ar kë xwël aniyan andexëm an, anemin ko nemin. Barikan, ar kë nemin aniyan andexëm në end oŋac oram do në end Atëfëtan an, afexën ko fexën.

³⁶Ineŋa këno feca ar kë šotëra dek bebër hik gër ngwën ro bën xarak axo pexën ex na enjëw endexëm eŋ?

³⁷Do gë ineŋa ko nëmb ala an enjëw endexëm eŋ?

³⁸Ar këno šëfënan yo endam, do gë end eyey'an edam eŋ, mërëxand ir anjex and kë rind orekar do and bëwendëran aŋo, wëno Asëniw ar ala an bëte ašëfënan ke šëfënan endexëm eŋ yatir këme bakaw gë enjaran end Faba eŋ do gë omeleka omënek ok.»

Marëk 9

¹Ata re ko bëte Yesu: «Dal in këmun felënd, ang xwëšara këni ro ako, bërëmar ani cës na watërexë owun or Kaxanu ol ga y'owëk gë panga itëm.»

End enjaran end Yesu enj

²Ga xucak bakey banjongamat, Yesu w̄ac kēbi Piyer gē Ŝak do gē Ŝaŋ eno đañëta yañ nē etënd ecakax. Ga ĥat kēni, owati or eman end Yesu ol nēngwētak gē ogēs odebēn.

³Wēđëk banjēm bandexēm baŋ kē yēgënd jing-jing do fešëk nēmëc ang ko xorëdoxo ala exo pešën anjēm gēr ebar ro ak.⁴Ata bēsëfan bēsas bēn wat kēnēbi pëlët Eli gē Moyis ga kēni xanar gē Yesu.

⁵Piyer ga fab kēŋo Yesu, re ko: «Asëy'ali, bon yedox ene bayiye ro! Dine baner batas: amat andey, amat and Moyis do aŋo and Eli.»

⁶Piyer abaxo nangënd na er ko rend in, gayikwa anjiy aŋ lëk babi xali xurik mēŋ do gē bošandaŵ.

⁷Aŋo fedawëk aŋar do lab kēbi kwëc. Wëlik oniŵ ga kē re: «Awa ajo ex đe Asëñiŵën, ar pëlöt gēr yomb iram an, baxëtindëno.»

⁸Ataŋ bēsëfan bēsas bēn nēkonara kēni jey, wat kēno Yesu gabat.

⁹Ga kēni šëla etënd el, Yesu xēŋa kēbi mēne ala kēreno pelëđ na er watëgu kēni in xali mēŋ Asëñiŵ ar ala an exo kani gēr ecës.

¹⁰Ga xwëtaya kēni gēr oŵëkw eyey'an elo, kēni wëkarënd bēn bēsas er w̄acayak ekani ed gēr ecës in.

¹¹Ga xucak eŋo, bēsëfan bēn wëka kēno Yesu: «Inecëŋ kēni rend bēšalen bēn mēne afo exo yow pere Eli đamana exo yowaxënëgu afexën an?»

¹²Yesu yaka kēbi: «Eyo Eli ayow ko yow exo kanindëra beŷ đek. Ax gi ex na nde aŷëgw yëgw kēni bēte mēne wëno Asëñiŵ ar ala an, ašus kēne šus bela bēn do ene torondëra mbaŋ? Ine yëla kën wën?»

¹³Gërëgako, nangin mēne Eli anëka yow ko, barikan ang yëgw kēni endexëm ak, wëlaya kēno ang yandi kēbi ak.»

End lëmëta ind gē angoc añëŋënaŋ enj

¹⁴And baka kēni Yesu, gē Piyer, gē Ŝak do gē Ŝaŋ gēr ed ebani bēsëfan bēšëxe aŋ, sëk kēnēbi amëxwër atëm and bela ga xeta kēnēbi do wat kēnēbi bēte bēšalen ga kēni šampëre gē bēn.

¹⁵Bela bēn ga wat kēno Yesu, šaran kēbi bēn đek do kēni xašërënd endexëm eŋ eno cëma.

¹⁶Ata Yesu wëka kēbi bēsëfan bër šëni baŋo bēn: «End ineŵa kën šampërend gē bëjo?»

¹⁷Yakaw ko gēr amëxwër asošan abat: «E Asëy'ali, lëmëta iram in wëlanëgu kēmi. Gē angoc añëŋënaŋ and kē xanënd oniŵ lapar kēni.

18Gër ed ex yo këno rebënd do exo ĥatëndërënd oÿënga oŋ, gë ocupërêsup ok gër etëÿ xali, exo ŋaÿ cemen. Axara xara këmëni bësëfan bërey bën eno nęcët angoc añëŋëanax aŋ, bari ano kor ex na.»

19Ata re ko Yesu: «Ata wën anjex and bela bër gë oŋëpëgënan hi kën de. Xali niÿe fa këme bayi gë wën? Xali niÿe fa këmun buŋan? Mëlanëgune tan lëmëta iŋ!» Ata wëlanëgu këno.

20And fabër këni gë Yesu aŋ, angoc añëŋëanax aŋ ÿëngëndëra këno lëmëta ijo. Węc ko gër ebar do ko xënęcëtarand gë ocupërêsup ok gër etëÿ.

21Na ex Yesu wëka këno sëm ir lëmëta: «Elod niÿe ko hind mondako?» Yaka ko: «Elod imeja.

22Eŋo daŵaxën, angoc añëŋëanax aŋ alap këno lapënd: baŋo gër xodux, baŋo gër men. Barikan wëj angëmëne ÿeÿ xor këÿ na, këla kaÿënanëlexi wa, këla dëcalëbo! Kaÿënanëlexi biyi!»

23Yaka këno Yesu: «Re këÿ angëmëne ÿeÿ xor këÿ... Gër ar xwëta ke wëno an, beÿ dek wëndëk.»

24Ataŋ xaka ko sëm ir itox: «Wëno axwëta xwëta këmi. Maraw ey'e dëca wëno ar gë oŋëpëgënan ajo!»

25Yesu wat këbi bela bën ga këni wëraraw bura-bura endexëm eŋ. Xeÿan këno angoc aŋ: «Wëj angoc añëŋëanax and kë xanënd oniŵ, canël gër lëmëta ijo ga re këme! Bët din kërey bakaw na.»

26Angoc añëŋëanax ĥerëndëra këno, ÿëngëndëra këno xali lëmëta iŋ do kwël ŝan ko. Ata lëmëta iŋ, ŝet gër ebar, laki ko ang aŝësëk fo. Bëranjëm bax rend mëne anëka xoti ko.

27Barikan Yesu lëk këno gër ataxan. Ga xanin këno kwengweremët, itox iŋ xwëŝa ko ceg.

28And wäÿi këni Yesu gë bësëfan bën gër iciŵ aŋ, wëkax këno: «Inecëŋ sëkwanaxën këmi monęcët angoc añëŋëanax aŋo?»

29Yesu yaka këbi: «Angoc añëŋëanax andako rako aŋ gë cale fo ko ŝanënd!»

30Ga xani këni na gër hi ebani, Yesu gë bësëfan bën ÿ'e këni cangët ebar ed Galile el. Axey xey baŋo eni nang bela bën gër ed hi ko.

31Bësëfan bërexëm bën babi sëÿalirand do babi felënd mëne mëŋ Asëniŵ ar ala an asëra këno sëra do eno daŵ. Barikan yatir akey atasën axani ko xani gër ecës.

32Ayëda bani yëdand Bësëfan bën eno mëka ba ine ex ekani ed gër ecës. Ababi fëni na ine ex eyey'an elo.

End asëfan alëngw eŋ

33 Yesu gë bësëfan bën ĥat këni gër Kafarënowum. And hi këni lëf gër iciw̃ an, w̃ëka këbi: «End ineŵa ban šampërewënd gër fëña?»

34 Šësina këni yem gayik gër fëña end ba noŷo hik asëfan alëngw an bani xanarëgund.

35 And yëpa ko an, Yesu re ko: «Angëmëne ala eŷo yandi exo gi alëngw gër enga endam, gilexo abemban ar dëk. Gilexo bëte ariyenin ar bela dëk!»

36 Ata Yesu felaw këŷo itox, xwët këŷo mërëxand, re ko:

37 «Ar këŷo lëkaya yo itox indako rako në end oŵac oram, wëno dëŷ lëkaya ke. Ar ke lëkaya an, anëka lëkaya këŷo bëte ar laŵënëgu ke an, ax gi ex na wëno fo lëkaye ke.»

38 Ga xucak eŷo, asëfan ar bano w̃acënd Šaŷ an fel këŷo Yesu: «Asëy'ali, biyi ar këbi nęcëtënd bëyël gër bela watëgu këmo, xarak axo gi ex na ar enga endebi.»

39 Yaka këŷo Yesu: «Ar kë rind ecarax gë oŵac oram an, wën këreno cëban na gayik ala ax kor na exo di mondako bëte exo cena exe yey'anan eñëŷenax.

40 Ar abo koŷër ex na an, arebi ex.

41 Ar këŷun rëmbën yo men gayik bër Kërisët hi kën an, däl in këmun felënd, ašot ko šot amašën andexëm an.»

End beñëŷenax eŷ

42 «Barikan ar këŷo lënan eñëŷenax abat gër bër w̃ak endam ado ex gi itox, er feca doŷo eno dëxën angaŷ aŷoxixën and ey'amb, do eno dáp gër anjer eŷo noŷilexën.

43 Angëmëne ataxan andey' an ki lënanënd eñëŷenax eŷ, kacal ñot ey' dáp! Pecanëlexi ey' däl gër aniyän and din gë ataxan amat gë exi bayi tak baki do ey' ŷat gër xodux or ax dōmind na.

44 [Fën oŷën ol ani cësënd na, bëte xodux ol ax dōmind na.]

45 Angëmëne sapor irey' in ki lënanënd eñëŷenax eŷ, kacal ñot ey' dáp! Pecanëlexi ey' däl gër aniyän and din gë sapor ibat, gë exi bayi tak oxi do Kaxanu exi dáp gër xodux or ax dōmind na.

46 [Fën oŷën ol ani cësënd na, bëte xodux ol ax dōmind na].

47 Angëmëne angës andey' an ki lënanënd eñëŷenax eŷ, nongoloy'ëtël ey' dáp! Pecanëlexi ey' däl gër owun or Kaxanu gë angës amat, gë exi bayi tak baki do Kaxanu exi dáp gër xodux ax dōmind na

48 [Fën oŷën ol ani cësënd na, bëte xodux ol ax dōmind na].

49 Gayikwa ala ar ex yo ang ongal fo ko sëk gë xodux ol.

50 Ongal oŷ er šenene ex, barikan and kë xac an, mondake kë yëw̃ gašëxe? Ñëwël ex ola orewën ol ang ongal fo en cotaxën aketëxeta an gë bela bëšëxe bën.

Marëk 10

End ecapër ed eñer eñ

- ¹Yesu ga xani ko na, ko yend ond gër ebar ed Yude oñ, ekeg Yurëdeñ in. Ata barërëgu këni gašëxe bela bën, bamëxwër bamëxwër, do xeta këno. Do mën ang wër baño ak, këbi sëyalirand end Kaxanu eñ.
- ²Ata Ofariseñ ok yandi këbi eno di atëy. Ga sëka këno, wëka këno: «Aÿap nde yapëk asošan eño pela alindañ?»
- ³Yesu yaka këbi: «Ineña fel këñun Moyis?»
- ⁴Re këni: «Moyis ga re ko mène icën in ñëgwënëleño alindañ kayëta ir acapëra eño pelaxën.»
- ⁵Año re ko Yesu: «Në end emëš endewën eñ, yëgwëxaxën këñun apela año.
- ⁶Barikan and yanak ngwën añ, and bay këbi Kaxanu bela añ, er ri babi asošan an gë asoxari an.
- ⁷Mën ex asošan an afo ebi ñawëta nëm gë sëm, do eni bar gë alindañ.
- ⁸Bën bëxi bër yërërëk bën eni gi eman emat, ani bo na gaf gë gaf.
- ⁹Mën ex, Kaxanu and këbi bar eñer asošan gë asoxari añ, ax ñap ex na ala ebi capëreli.»
- ¹⁰And baka këni gër iciñ añ, bësëfan bën wëka këno Yesu ebi paÿën endey eño.
- ¹¹Ata re ko: «Asošan ar këño fela yo alindañ do eño ñër asoxari ašëxe, në emenan eño asoxari ayanar an gayik orekar këni rind gë axinëm an.
- ¹²Bëte angëmëne asoxari eni capër gë icën indexëm in do exo y'e eño ñërëx asošan ašëxe, në emenan eño asošan ayanar an gayik orekar këni rind gë axinëm an.»

End Yesu do gë obaš eñ

- ¹³Bela wëlaw babi na obaš gër Yesu ebi calen mokwëtan otaxan ok. Barikan bësëfan bën xeÿëxaxën kënebi.
- ¹⁴Ata xoÿ ko Yesu ga wat eño. Wac këbi bësëfan bën, re ko: «Tëbinëbi obaš ol eni yow gër ndam, kërenëbi pëng na gayik bër hik ang obaš ak bën xwënëk owun or Kaxanu ol.
- ¹⁵Dal in këmun felënd, ar ax ma ex na owun or Kaxanu ol ang itox fo an, axo dël na gër owun olo.»
- ¹⁶Ata Yesu ga wëgara këbi na obaš olo, šalendëra këbi mokwëtan otaxan ok.

End ar gë napul eñ

- ¹⁷Ata ga ko y'e Yesu, asoŝan abat sêf këŋo gë ongër fo, lapaya ko mopoxi gër osapar orexëm do wëka këŋo: «Asëy'ali ar ŝenene, pelële ine y'apëk me dind me cotaxën aniyän and din aŋ?»
- ¹⁸Yesu yaka këŋo: «Ineŵa këy'e wacaxënënd ar ŝenene? Kaxanu gabat ex ar ŝenene an, ala ar ŝenene ax gi ex na.
- ¹⁹Ax gi ex na nde anang nang këy' bapela baŋ: "Kërey'o daŵ na ala, kërey' dina orekar ol, kërey' deka na, kërey'o nëgwëŝan na ala, bëte kërey'o menan na ala, pëbëlëbi norix gë sorix?"»
- ²⁰Yaka ko ala ajo: «Asëy'ali, elod icambenjar sêf këme bapela baŋo dek.»
- ²¹Ata ga nëkon këŋo, Yesu xëbënan këŋo end ala ajo eŋ. Fel këŋo: «Emat bayi ki. Yel ey' pan dek acota andey' aŋ ey'ëbi yëlëra kodî in bëxaŷëanaxik, ata këy' ŝot napul isëm y'aŋ gër orën. And këy' ri ko mondako aŋ, y'owëd ey' gi asëfan aram.»
- ²²Barikan ala ajo ga wël ko eyey'an elo, yëŋënin ko dëxas in do kwël y'e ko gë oxoŷ fo gayik ar gë napul isëm ebaxo.
- ²³Yesu ga nëkon këbi jey' bela bën, fel këbi bësëfan bërexëm bën: «Awa bër gë napul bën bon këbi y'ëka eni dîlaxën gër owun or Kaxanu.»
- ²⁴Ata bësëfan bën wëlandëra këbi ga wël këni eyey'an elo. Baŝ ko bëte Yesu: «Obaŝ oram, ata bër gë napul bën bon këbi y'ëka eni dîlaxën gër owun or Kaxanu.
- ²⁵Gelemba saxëk exo kuca gër imëd ind icëkwër gë exo dîl ar gë napul an gër owun or Kaxanu.»
- ²⁶Ga wël këni bëte eŋo, bësëfan bën wëlandëra bëte këbi kaŝ kaŝ do këni wëkarënd: «Do noŷo ngwa kë xor exo pex?»
- ²⁷Yesu ga nëkon këbi gaŝëxe, yaka ko: «Gër Kaxanu dek wëndëk, bari gër wën bela ax mënd ex na.»
- ²⁸Aŋo re ko Piyer: «Nëkod' biyi ga sebëraw këmi ako dek sëfaxën këmi wëj.»
- ²⁹Yesu yaka këŋo: «Dal in këmun felënd, ar këbi sebëgu gër iciŵ, nëm gë sëm, gë bobinëm gë obaŝ orexëm do gë ocënga odexëm në end oŵac oram, do në end Atëfëtan andam eŋ, gë tëkër ak axo kaŷën na.
- ³⁰Ata gërëgako dëŋ ko ŝot bakëlëbëd keme: Bëciŵ, gë bëmaŷe bëtoŝan, gë bëmaŷe bëtoxari, gë onëma odanjëm, gë obaŝ, gë ocënga, do gë toro, bëte ecan ecan, ex tëndaw aniyän and din aŋ.
- ³¹Bëlëngw bëranjëm kë hi bembän do bembän bëranjëm kë hi bëlëngw.»

End ecës ed Yesu eŋ

- ³²Ond y'aŋ gër Yerusalem oŋ bani y'end do Yesu lëngw bax fëña in. Bësëfan bën dek yëbu babi. Bela bër babi sëfand bën bëte ayëdara yëdara bani. Ata Yesu wac

këbi eno tëka gašëxe bësëfan epëxw gë bëxi bën ebi nangën er këno ĥatënëgund in.

33Re ko: «Awa nëkod ga këne y'ende y'aŋ gër Yerusalem. Ala ke lëxwëx na wëno Asëñiŵ ar ala an gër otaxan od bësadaxan bëlëngw do gër od bësalen. And këne xiti do ebi ketan ene dāw aŋ, ene dëxw gër otaxan od bër benëng becëxe.»

34Bër benëng becëxe bëjo, ke lëšëra, ke sëpandëra, ke šëwëra dāmana ene dāwaxën. Barikan, and kë xuca bakey batas aŋ axani këme xani gër ecës.»

End okar od Šak do gë Šaŋ eŋ

35Šak gë Šaŋ, bosëñiŵ bor Sebede, ga sëka këno Yesu, re këni: «Asëy'ali, aŋandi ŷandi këbo biyi eyëbo yël er këmi xara in.»

36Re ko: «Ineŵa ŷandi këjun?»

37Yaka këno: «Yëlëläbo mi ketëna: abat gand liŵ, ajo gand šame and këy ŷëpa gë enjaran eŋ gër owun oreŷ aŋ.»

38Ata re ko Yesu: «Wën an nang ex na er kën xarand in. Axor nde kën xor en ceb akalama and toro and këme šëb aŋ? Bëte ayëxw nde kën yëxw enun buyi ang këne buyi ak?» Yaka këno: «Axor këmi xor.»

39Re ko bëte Yesu: «Dal ex ašëb kën šëb akalama and këme šëb aŋ, bëte abuyi kënun buyi ang këne buyi ak.»

40Barikan end ene ketëna abat gand liŵ ajo gand šame eŋ, ax gi ex na wëno këjun yël. Kaxanu, bër ŷap këbi bën wëxëtan këbi bañëpara baŋo.»

41Ga wël këni eŋo bësëfan epëxw bën, xoŷën kënebi Šak gë Šaŋ.

42Yesu, ŵac këbi bën dek re ko: «Anang nang kën mëne bëlëngw bër benëng becëxe bën awun këni wunënd gë mbëña gër bela bër gër owar orebën, do bësëm bën aŵasin kënebi ŵasinënd or gapak orebën ol.»

43Bari wën këren dind na mondako gër enga endewën. Ar ŷandi këno exo gi ar gapak gër enga endewën an, malexo exo gi ariyenin arewën.

44Bëte ar ŷandi këno exo gi alëngw an, gilexo xadëp ir bela dek.

45Gayikwa wëno Asëñiŵ ar ala an er y'ow këme mun diyenin do me meď aniyen andam aŋ ang acosa and këni fëxaxën bela bëranjëm fo, ame y'ow ex na ene diyenin.»

End Yesu do gë ašiwëk eŋ

46Yesu gë bësëfan bën ĥat këni gër Yeriko. Ga këni xuca angol aŋ, bela bëranjëm kënebi sëfand bura-bura. Ašiwëk ar këno ŵacënd Barëtime, asëñiŵ ar Time, ŷëpa baxëna ler gër fëña do ko xararand.

- ⁴⁷Ata wël ko mène Yesu Ibënasaret ĥatëguk. Na ŷana ko ko xeŷënd: «Yesu, Yesu, Asëñiŵ ar Dafid, kaŷënanëlexi wa wëno!»
- ⁴⁸Ata bela bëranjëm këno xeŷënoxënënd: «Wëji, cësinal fa!» Barikan aŷo baŷ ko okeŷ oŷ: «Asëñiŵ ar Dafid, Asëñiŵ ar Dafid, kaŷënanëlexi wëno!»
- ⁴⁹Ata xwëŷa ko Yesu, re ko: «Macëguno tan!» Ga këno ŵac, këni rend: «Kapinal ey kani, në emac exi.»
- ⁵⁰Ata xani ko xwiriŷ, lap ko gër ebar acud atëm aŷ do wël ko gand Yesu.
- ⁵¹Ata re ko Yesu: «Ineŵa ŷandi ki mi din?» Yaka këŷo: «Asëŷali, me ciŵëta ŷandi ke!»
- ⁵²Ata re ko Yesu: «Awa ga xwëta këŷe ako, ciŵëtal!» Ataŷ watëra ko ŷenene do sëf këŷo kwël Yesu gër fëña.

Marëk 11

End Yesu gër Yerusalem eŷ

- ¹Yesu gë bëŷëfan bërexëm bën ĥat këni gër Betëfage do gër Betani, bëngol bënd ler gër Yerusalem bëŷ, ler gër etënd ed gë bañarëka. Ata Yesu ga këbi laŵën bëŷëfan bëxi, ko rend:
- ²«Yeyin gër ingol ind gër lëngw, ata këno sëk mokap ipali ind elod ala aŷo ñëpaxën ex na. Pëtëguno ene mëlanëgu.
- ³Angëmëne ala wëka këŷun ba ine këno fëtaxënënd, yakayidën mène Axwën an ŷandi këŷo. Ataŷ këŷo sëbëtëgu.»
- ⁴Ga ŷe këni bëŷëfan bëxi bën, sëk këno ipali iŷ ga xap këno beŷ gër fëña, ler në ebët ed iciŵ. Ata fët këno.
- ⁵Bër hi bax na bën re këni: «Xey wën, ine kën rind? Ineŵa fëtaxën këno ipali iŷ?»
- ⁶Ata yaka këni ang re baxo Yesu ak, sëbën kënëbi wëla këno.
- ⁷And ĥateli këno gër Yesu aŷ, labëra këni engoŷ end ipali eŷ gë banjëm bandebën baŷ exo ñëpaxën Yesu.
- ⁸Bëte bëranjëm rendëra këni tar fëña in: banjëm, do gë opat od fongëtëraw bani gër apuŷ.
- ⁹Ata xeta këno Yesu: bëjo gand lëngw, bëjo gand emban. Ga këni ŷe, këni xeŷënd ŷor: «Hosana! Betalexo gë oŵac or Axwën ol! Betalexo ar kë ŷowënd an.
- ¹⁰Betalex owun or kë ŷowënd ol, owun or axarëk arebi Dafid ol. Hosana! Awa wëlilex de eŷo xali ŷaŷ gër orën!»
- ¹¹Ga ĥat ko Yesu gër Yerusalem, lil ko gër yangana ir Aciŵ and Kaxanu. And nëkondëra ko dek na aŷ, sëfër këni gë bëŷëfan epëxw gë bëxi bën ond gër Betani oŷ. Anëka xwëŷar bax amëd aŷo.

End andan eņ

12Ga xeyëk, Yesu fëdar këni enjo eņ. Ga xani këni na gër Betani eni baka gër Yerusalem.

13Wat ko caw andan ga nëtëk aye. Šapa ko ngwa exo nang ba arëw rëwëk. Ga ĥat ko, sëk ko tudëņ opat fo gayik ax ņat bana nand kë rëwënd ondan na.

14Ata re ko: «Bëtëdin ala ax kwëca na exo yamb odëwëwëwen oday.» Wël këno bësëfan bën.

15Yesu gë bësëfan bën ĥat këni gër Yerusalem, lëf gër yangana ir Aciw and Kaxanu. Ata yana ko këbi wäyënd bër bax fandërand bën do gë bër bax yëcërand na bën. Yamëra ko bëkwëtaya bënd bënëmb bër kodı bëņ do gë bañëpara band bëfan bër olëxwëte baņ.

16Ala abaņo seb na exo mëläränd yey na gër yangana ir Aciw and Kaxanu.

17And babi sëyalind aņ ko rend: «Wën an pën ex na nde er re ko Kaxanu in mëne Aciw and cale and benëng bënd bela dek ex? Do wën nëngwët kën emaıi ed bërek.»

18Ga wël këno, bëšadaxan bëlëngw bën do gë bëšalen bën, këni šaland osit or eno dañaxën. Barikan amëxwër aņ bani yëdand gayik bela bën dek gër oñëkw babi lëkënd osëyali or Yesu ol.

19And xwëyarëk aņ, Yesu gë bësëfan bërëxëm bën šan këni angol and Yerusalem aņ.

20Ga këni bakaw gëbër, bësëfan bën wat këni andan aņ ga ĥayëk dek gë odëmbët ak.

21Ata ga xwita ko Piyer er xuca bax në ganëka in, re ko: «Asëyali, nëkoda andan and xare këy ganëka aņ, dek ĥayëk.»

22Yaka ko Yesu: «Kwëtayino Kaxanu!

23Dal in këmun felënd, ar xwëta këņo Kaxanu an axor ko xor eņo pel etënd elo: “Bedital ro ey dāpayax gër anjer.” Er re ko in ahi kë hi angëmëne aņo ñëpëgënan ex na gër emëkw edexëm.

24Mëņ këmun felaxënënd mëne dek er kën xara yo gër cale, kwëtayin mëne anëka šot kën. Ata ko ri Kaxanu ang xara këno ak.

25Barikan and kën xani cale aņ do en kwita ala fenan këno na oxoıy, tebanino eņun tebanaxën Sorix irewën ir ex yañ gër orën wën bëte bamena bandewën baņ.

26[Sorix irewën ir ex gër yañ orën aņun teban na de bamena bandewën baņ, angëmëne wën anëbi tebanënd na bela bën.]

End or gapak or Yesu eņ

²⁷Yesu gë bësëfan bën bakaw këni gašëxe gër Yerusalem, gër yangana ir Aciw̃ and Kaxanu. Yesu ga ko nekondëra lëf, hãtëgu këni na bësãdaxan bëlëngw bën, gë bësãlen bën do gë bëxarëk bër Bësëwif bën.

²⁸Ata wëka këno: «Kërëš wëj gë or gapak or fe këyëbi wããaxënd bela bën ro? Nojo wa yël ki or gapak or ey dixënënd mondako olo?»

²⁹Yesu yaka këbi: «Emat fo këmun wëka wën bëte. Yakayine ata këmun fel gë or gapak or fe rixën këme ejo.

³⁰Xobuyi or babi buyind bela Šaŋ Batis ol, nojo wa lawënëgu baŋo? Orën ol nde ba bela bën nde? Yakayine de!»

³¹Ata bën këni nekënekärënd: «And këne yakaye mëne orën ol lawënëgu baŋo, ata exo de ine bayik biyi ane kwëta exe na end Šaŋ Batis eŋ?

³²Bëte and këne yakaye mëne bela bën lawënëgu baŋo, amëxwër aŋ...» Ga banëbi yëdand bela bën rexën bani mondako gayik bën dek wã bax mëne Šaŋ Batis alawënel ar Kaxanu ebaxo.

³³Ata yaka këno: «Biyi ami nang ex na.» Aŋo re ko Yesu: «Wëno bëte amun pel na ba gë or gapak or fe këme rixënënd bejo.»

Marëk 12

End apënëtal and bëyan bëxeãax eŋ

¹Ga xucak ejo, Yesu ga këbi sëy'ali gë bapënëtal bëlëngw bër Bësëwif bën, ko rend: «Mondako ri baxo ala ar gë andëda and reseŋ. Ga xece in jey' andëda and reseŋ aŋ, nac ko gër aparëfac ambëxw and eni karaxënënd omen od reseŋ ok do ri ko bëte egaw̃ ed ošën. And sebënan këbi bëyan eni cetërend gë mëŋ reseŋ in and kë sëg aŋ, ye ko kwël damana angol and caw.

²Amëd and kë sëgëderand reseŋ aŋ, lawënëgu këno ariyenin abat gër bëyan bëjo eno yël ošet orexëm ol gër er rëw̃ bax gër andëda and reseŋ.

³Barikan ga sëra këno bëyan bën, šewëra këno xali do šëñëta këno taxan.

⁴Lawënëgu këno ariyenin axinëm. Sam ga hãtëgu ko, fëmëra këno, širëra këno gë otebën sebën këm. Ga wãã këno, baka ko bëte taxan.

⁵Lawënëgu këno bëte اساسën, law̃ këno. Mondako bëtëraw bani bëriyenin bëranjëm. Barikan, bëyan bën rixëra kënebi: bëjo axëm xali exo tëkwaya; bëjo bëte alaw̃ momonaw̃.

⁶Asëniw̃ arexëm ar pëlot gër yomb irexëm an fo bayi baŋo Axwën andëda an. Ata lawën këno ngwa ga yëla ko mëne bëyan bën afëb këno fëb.

⁷Barikan, caw fo bayiw̃ baxo ga watëgu këno. Ga wãcër këni, re ko abat: "Yo ajo ex ngëŋ ar kë bëteli andëda an. Dawënëŋone ebo bayixën andëng aŋ."

⁸Bëyan bën ga sëra këno na, laŵ këno, do lap këni eman eŋ wëgërëxe yabët kece ir andëda and reseŋ in.

⁹«Awa mondake yëla kën ko ri axwën andëda and reseŋ an? Ax gi ex na nde ata ko yow ebi daŵëra bëyan bëjo do andëda and reseŋ aŋ ebi tebënan bëšëxen?»

¹⁰Wën elod an pën ex na nde Oñëgw Omënëk od rek: “Ekaŷ ed ŝus bani bëbay el bakan këni xali ri këni ekëla ed aciŵ el .”

¹¹Gër Axwën xaniwëk eŋo do gër bangës bandebi ešaraxik ex.»

¹²Ata ga wël këni eŋo, bëlëngw bër Bëšëwif bën këni šaland eno tëra Yesu ga fëni këbi mëne bën babi rend gë apënëtal aŋo. Barikan ga yëda kënebi amëxwër aŋ seb këno na, do kwël šapër këni.

End šagale eŋ

¹³Ga xucak eŋo, bëlëngw bër Bëšëwif bën laŵën kënebi Ofariŋeŋ do gë od Erod eni tëy'i eno yifa Yesu exo yey'an er këno cëndënaŋen.

¹⁴Ga ĥat këni, re këni: «Asëy'ali, anang nang këmi mëne wëj ar dal hi këy. Šenene fo këy'ëbi sëy'alind bela bën end Kaxanu eŋ. Wëj ala ay'o yëdand na, ay' nëkonënd na noy'o ki baxëtënd. Awa gërëgako, pelëlēbo ngwa ba aŷap nde y'apëk šagale ir Sesar in. Mi međënd nde ba mi teb emeđ el nde?»

¹⁵Ga wata ko Yesu mëne bëy'ëŋenax bër kë labayand hi këni, yaka këbi: «Ineŵa kën šaland ene cëndën? Mëlanëgune tan atama and kod'i me nëkon.»

¹⁶Fëxwën këno atama amat. Ga xana ko, Yesu wëka këbi amëxwër aŋ: «Dëxas ir noy'o wa ex gër atama aŋo?» Yaka këni: «Ir Sesar.» «Do oŵac ol cëŋ?» Yaka këni bëte: «Orexëm ex!»

¹⁷Aŋo re ko: «Mašino Sesar er xwën ko in do Kaxanu erexëm in.» Ata ang yaka baxo ak, Ofariŋeŋ ok do gë od Erod šarandëra këbi xali.

End ekani ed gër ecës eŋ

¹⁸Ata ĥatëgu këni Bëšëwif bër kënebi ŵacënd Osaduseŋ. Bën bax rend mëne ekani ed gër ecës ax gi ex na. Ga sëka këno Yesu, re këni:

¹⁹«Asëy'ali, baxëtël apela and yëgwën këbo Moyis aŋ: “Asošan ar këŋo sebëta alindaŵ gë itox këm an, abinëm dëngileŋo asoxari an eno cotënaŋen obaš ar šësëk an .”

²⁰Xarak, ocambenjar ocongoki ebaxëna aminëmëra. Iŷanar in yër ko, šës ko. Sebëta këŋo alindaŵ obaš këm.

²¹Ata šambenjar ixinëm in bëteli këŋo asoxari an. Mëŋ bëte šës ko. Sebëta këŋo obaš këm. Mondako fo bax end šambenjar isasën eŋ.

²²Šësëra këni bën bëcongëbëxi bën đek xali gabatak aŋo cotën ex na obaš asoxari ajo. Ata asoxari an šës ko mëŋ bëte.

²³Awa yatir ekani ed bēšēsēk cēŋ, alindaŵ ar noŷo ŵa ko hi asoxari ajo gayikako ocambenjar ocongoki oko aŷēr ŷēr bano?»

²⁴Ata yaka kēbi Yesu: «Ado wēn, edif ed lif kēn el nde. Aŋun pēn ex na nde er rek Oñēgw Omēnēk in. Bēte an nang ex na panga ind Kaxanu iŋ?»

²⁵Enimin, amēd and kēni xanira bela gēr ecēs aŋ, eñēr ax bo na. Asošan aŋo cala na asoxari, bēte asoxari aŋo ñandi na asošan. Er kēni hi bela bēn ang omeleka od ŷaŋ gēr orēn fo.

²⁶End mēne bēšēsēk bēn axani kēni xanind gēr ecēs eŋ, wēn an pēn ex na nde gēr akayēta and ŷēgw ko Moyis er fel baŋo Kaxanu yatir ŷanayaxēn baŋo gēr acēc and gē xodux in? Ax gi ex na nde mondako re baxo: “Wēno ex Kaxanu ar yata kēbi Abēraxam, Isak do gē Yakob an.”

²⁷Kaxanu, Kaxanu ir bēbēngw exo, mēŋ ani terēnd na gē bēšēsēk. Ata wēn Osaduseŋ ok mbaŋ lif kēn gēr eŋo.»

End bapela banēngw eŋ

²⁸Ašalen ar Bēšēwif wēleli baxēna ecampēre elo. Ga wat ko mēne Yesu ŷenene yaka kēbi Osaduseŋ ok, sēka kēŋo, ŵēka ko: «Pelēle ngwa gēr bapela band Moyis, and fe ex anēngw aŋ?»

²⁹Yesu yaka kēŋo: «And rek: “Baxētēl wēj ar enēng end Isērayel an, Kaxanu, Axwēn arebi an, gaŋat fo hi ko Axwēn.

³⁰Ŋanēlo Kaxanu, Axwēn areŷ an, Dek gē yomb ireŷ ak, gē enjēŵ endey ak, Dek gē panga indeŷ ak, gē aniyān andey ak.”

³¹«Baxētēl and bētēguk aŋ: “Balindēlexi end ala ašandax eŋ, ang ki balēnd end gaf ireŷ ak.” Ata apela akuca ex na baki baŋo.»

³²Ata re ko ašalen an: «Asēŷali, dāl rey a kēŷ mēne Kaxanu ifat fo ex, išēxe ax gi ex na.

³³Ala kala ŋanēlo Kaxanu gē dek yomb irexēm ak, gē anjēlan andexēm ak, gē ojaŵ odexēm ak. Bēte balindēlexi end ašandaŵ eŋ ang ki balēnd end gaf irexēm ak. Edi ed mondako el xucak dek ocaŋaxa od momēlēn ok do gē ocēxen ok.»

³⁴Yesu ga wat ko mēne ŷenene yaka baŋo ašalen an fel kēŋo: «Wēj ata dām gēr owun or Kaxanu hi kēŷ.» Barikan elod yatijo, gabatak abax yēxw na eŋo mēka ŷēŷ.

End Afexēn eŋ

³⁵Akey amat, Yesu ga kēbi sēŷalira gēr Aciŵ and Kaxanu, ŵēka kēbi bēr baŋo baxētēnd bēn: «Mondake kēni rexēnēnd bēšalen bēn mēne Afexēn an, ejiŵ ed emun Dafid exo?»

³⁶Xarak, Dafid mënj dën are baxo rend, ga yëm ko gë Angoc Amënëk aņ: “Axwën an fel këņo Axwën aram an, yow ey ñëpa ro gand liw̄ iram, xali mi korën bër şus ki bën eyëbi bëñaxën.”

³⁷«Nëkoyin mēne Dafid mënj dën Axwën këņo w̄acënd. Mondake cēņ hi ko ejiw̄?»
Ata amëxwër aņ këno baxëtënd gë onënga fo.

End bëşalen eņ

³⁸Yesu ga këbi sëy'ali bëte ko rend: «Titinaliyindënëbi bëşalen bën. Monëngan këbi nënganënd eni y'exërand gë bocud bond gëşec boņ, do bela bën enëbi cëmarand gër bapedëraya.

³⁹Moņan ħan këni bañëpara band gër lëngw baņ lëf gër baciw̄ bacaleya do band gër ed kë hi ñambëran baņ.

⁴⁰Bën xali gër bëciw̄ bëndebën kënebi lexëxënd bësoxari bësebëta sebëtabën. Xarak, bën watak cale ind aşak aşak iņ enëbi cëkwaxënënd bela bën. Mënj ex kiti indebën iņ gë pit fo kë yëka.»

End oyël or Kaxanu eņ

⁴¹Ga yëpa ko Yesu ler gër akwëtaya and oyël or Kaxanu, këbi nëkonënd bela bën ga këni xwët kodî in. Wat këbi bër gë napul bëranjëm ga këni xwët kodî ir bon.

⁴²Ĥatëgu ko na asoxari axayëñaxik, asebëta-sebëta. Ata xwët ko bëtama bëki bënd ax tək bana ado biye ibat.

⁴³Ata Yesu w̄ac këbi bësëfan bërexëm bën do re ko: «Dal in këmun felënd, er xwët ko asoxari axayëñaxik asebëta sebëta ajo gër akwëtaya and oyël in nëmëcak er w̄ëlaraw këni dek bela bëjo in.

⁴⁴Gayikwa bela bëşëxe bën ga yëmb këbi acota w̄ëlxënëgu këni er xwët këni in, barikan asoxari ajo dek acota andexëm aņ, do gë er ko y'ambënd exo diyaxënënd in w̄ëlagu ko.»

Marëk 13

End eyëcar ed Aciw̄ and Kaxanu eņ

¹Ata Yesu gë bësëfan bërexëm bën këni şanënd yangana ir Aciw̄ and Kaxanu in. Aņo re ko asëfan abat: «Asëy'ali nëkonël bameņ band bongaỹ baņ ang yëlëra këni ak, monje yek de!»

²Yaka këņo: «Wat këy' nde bameņ band bongaỹ baņo, ado gë ekaỹ gebatak ax bayi na eyëlëtërëxe, dek kë yëcar!»

³And ħat këni gër etënd ed gë bañarëka aņ, Yesu yëpa ko paş gë Aciw̄ and Kaxanu aņ. Ata Piyer, gë Şak, gë Şaņ do gë Andëre, bën bësëfan bër bayi bax na gë mënj bën w̄ëka këno:

- ⁴«Pelëlëbo wa nand fe kë yëcar Aciw̃ and Kaxanu aŋ? Bëte amatinali and fe kë ĥatëgu mi nangaxën mëne ekwët ed bëy ðek el ĥatëguk?»
- ⁵Yesu yaka këbi: «Wën titinayin, ala këreŋun yifað na.
- ⁶Bëranjëm kë ỹana ex y'owërawënd gë õwac oram ol, do eni dend: “Wëno ex Afexën an!” do enëbi nambeli bela bëranjëm.
- ⁷Angëmëne në ewëlëran end olandër gër owar or caw do en wëlënd bongëbër bond olandër gër ed lëg kën, këreŋun yëburad na gayik betëm bëndako rako bëŋ afo ex ŋatëgu. Bari ax gi na pere ekwët ed ngwën el.
- ⁸Asakërëra këbi ỹana ebi takërërand bela bën, gë enëŋ gë enëŋ, gë ebar gë ebar. Bëte obebët odëmar arëg kë ỹana ex dëgënd ebar el do bela bën ašësëra këni ỹana eni cësërand enjo eŋ. A ỹana fo kë ỹana mondako toro iŋ ang toro ind asoxari ar ỹanar këni orëw̃ ak.
- ⁹«Wën kapinayin gayik alëxw kënun ỹana enun dëxwënd gër kiti në end õwac oram. Axëmëra kënun ỹana enun këmërand gër baciw̃ bacaleya në end õwac oram. Awëlara kënun ỹana enun mëlarand gër bëlëngw do gër bëmun betëm en dey'araxënënd endam eŋ.
- ¹⁰Atëfëtan aŋ afo ex gi pere mopemëra gër bela ðek, gë enëŋ gë enëŋ.
- ¹¹Nand kënun w̃ëland enun dëxwëx gër kiti na, këren dendërand na ang kën yakad ak. Yey'anindën er kën yëland amëd aŋo in gayik Angoc Amënëk aŋ këŋun ỹana eŋun yëlënd.
- ¹²Bëte alëxwër këni ỹana eni dëxwërënd bela bën gër ecës në end õwac oram: abat eŋo dëxw imaÿe ind acël amat gë mëŋ iŋ, ajo eŋo dëxw itox indexëm iŋ. Bëte obaš ol awëreli kënebi ỹana enëbi merelind bëxarëk bërebën bën xali enëbi ðaw̃ në end õwac oram.
- ¹³Ašus kënun šus ðek bela bën në end õwac oram. Barikan ar kë xemëna xali yatir kë xwët endexëm an, afex ko fex.
- ¹⁴And kën wat ga šanayaw ko Awëndëran ašaraxik aŋ gër ed bayik ax ñap ex na, ar kë fënënd an pënileŋo aye er re këme in. Ata ar këŋo sëk eŋo gër ebar ed Yude an, gërëxëlexo end osënd eŋ.
- ¹⁵Ar këŋo sëk eŋo y'aŋ në ejur ed këbe an, gërëlexo. Kërëxo pedanëð na yëỹ lëf.
- ¹⁶Bëte ar këŋo sëk eŋo gër ošënga an, gërëxëlexo. Kërëxo bakanëð na gër iciw̃ acud atëm andexëm aŋ.
- ¹⁷Mbaŋ këni soro bësoxari bër gë bacël bën do gë bër gë bëtox bënd në oyer bëŋ.
- ¹⁸Karayino Kaxanu kërëx ŋatëgu na toro iŋo amëd and gë ay'em aŋ.
- ¹⁹Bakey baŋo, bakey band toro itëm ex. Elod ga ri ko Kaxanu ngwën iŋ ala ax wat na toro indako rako iŋ, bëte toro indako rako din ax gi na.

- 20**Kido Axwën an axo bašëta bana bakey band toro baño, ala gabatak ax pex dona. Barikan abašëta bašëta ko në end bela bër yata këbi, në end bër fit këbi gër ebar ro.
- 21**Awa angëmëne ala exo canayaw do exo dend mëne mëñ ex afexën an, wën këren mađ na! Bëte ala exo canayaw exo dend fën exo afexën an, wën këreno kwëtađ na!
- 22**Moñëmb këni yëmb bëfexën bënëgwëš bën. Bëte moñëmb këni yëmb bëlawënel bënëgwëš bër kë šanayaw bën. Ari këni yana eni dind becarax, gë bërëcaxik enëbi nambelixën bela bën. Ata xali gë bër yata këbi Kaxanu ak, nambelidonëbi kido awënd wënd bax.
- 23**Awa wën titinayin ga nangën këmum ako gana-gana fo đek beño.
- 24**Gë bakey band toro baño, wur in đek kë šamëđan. Eñan eñ ax yat na, bëte facaw in ax peš na.
- 25**Ował oñ axwëcëtarara kë yana ex kwëcëtarawënd, đek bebër gë panga gër orën bën kë sëngërebëtaraw.
- 26**Amëd año këne watëgu wëno Asëñiŵ ar ala an ga këme šëlaw gë bañar bañ, gë panga itëm do gë đek enjaran endam eñ.
- 27**Ata mëni đawën omeleka odam ok eni y'e: oko apën-eñan, oko acëla-eñan, oko ambataš, oko ambëtëb. Mondako këne barënëgu đek bela bër yata këmëni bën elod gër ed sëlëk ebar, do gër ed sëlëk orën.
- 28**«Er këmum sëyalind ijo, pënileñun gë apënëtal and andan añ. And kë šosënd ofini añ do and kë nëtënd opat añ, wën anang kë nangënd mëne ecaša el đam ex.
- 29**Awa andamat fo ex, sam en watënd betëm bend fel këmum beño ga kë ĥatëgu, nangin mëne đam ex me bakaw wëno Asëñiŵ ar ala an. Anëka sëkaw këme xali gër ebët.
- 30**Dal in këmum felënd, wën an nemira na pere ex ñataxënëgu đek beño.
- 31**Orën ol ašapër kë šapër do ebar el ayëcar kë yëcar. Barikan eyeyan edam el din ir din kë bayi.
- 32**«Akey añ do gë apëxëd and kë ĥatëgu beño añ, Faba gabat nangëk. Omeleka od yañ gër orën ok ani nang ex na, bëte wëno Asëñiŵ ar ala an ame nang ex na.
- 33**Mëñ ex wën titinayin, perënayin do en calend gayikako an nang ex na niye kë hi beño.
- 34**Er kë hi ang endey end ala seš këbi bëriyenin bën gër iciŵ indexëm fo. Ga y'e ko kwël đamana angol and caw. Ala kala sešënan këño or gapak or ko yana exo diyenixënënd, do fel këño anëkona ar ebët an kërexo nambinand na.

³⁵Këren nambinand na gayikako an nang ex na nand ko bakaw axwën iciw̃ na: bamat exo ñatëgu genëka, bamat emëd' ekarëk el, bamat and këni yatand ošare aŋ, bamat gëbër.

³⁶Mëñ ex kemënayin këdi këmun fënga ga rašëra këñun and këme ñatëgu amëd and bayik an yëla bana aŋ.

³⁷Er fel këmun ijo, bela dek këmëni felënd: Perënayin!»

Marëk 14

End edaŵ ed Yesu eñ

¹Bakey baki fo bayi bax ebi ñat Bëšëwif bën Ofëna or Apexa ol, do gë or mburu ind gë lewir këm ol. Ata bëšadaxan bëlëngw bën, gë bëšalen bën, këni šaland osit or eno tëraxën Yesu ol do eno daŵaxën.

²Are bani rend: «Kërenëño tëraye na de yatir ofëna këdi kë wonjo do enëbo mereli bela bën.»

End šëlakuñ ir angiri eñ

³Amëd año hi baxo Yesu gër ingol ind Betani, gër iciw̃ ind Simoñ, ar gë ameỹ an. Ayambëra baxo yambërand lëf ga lilëgu ko asoxari. Šëlakuñ ir ekañ ed alëbatër ir gë angiri lëkayaw baxo. Angiri ijo gë opëtëfët od atëx and këni wacënd nar bar bani do xem bax mbañ akanji aŋ. Asoxari ajo, ga fodët ko na šëlakuñ in, xoš këño Yesu gë angiri in gër gaf.

⁴Ata xoñën këno bërëmar do këni nëkënëkarënd: «Ineŵa nëxenaxën ko angiri ijo?

⁵Axor xor doxo exo pan angiri ijo batama okeme otas ašand do kodï in ebi yëlëra bëxañëxaxik bën.» Mondako bano renarand asoxari an.

⁶Barikan Yesu re ko: «Wën tebino de. Ineŵa këno hëbandëraxënënd? An nang ex na nde enjekax rin ke?

⁷Gayikako din gë bëxañëxaxik bën hi kën axor kën xor enëbi din enjekax nand këñun yandi yo, bari wëno ame bayi na din gë wën.

⁸Er xor ko exe din in ri ko. Gana gana fo xoš ko angiri in gër eman endam damana ene mëxwëtaxën gër yëg.

⁹Dal in këmun felënd, gër ed këni femëra yo bela Atëfëtan andam aŋ gër ngwën ro, arey'a këni yana eni dey'and bëte er rin ke asoxari ajo in. Mondako këno yana eno kwitaxënënd.»

End njifa ind Yuda eñ

¹⁰Yuda Isëkariyot, asëfan ar Yesu hi baxo, ang hi bani bëšëfan epëxw gë bëxi ak. Mëñ y'e bax gër bëšadaxan bëlëngw wëlërëgu këni ang këbi rëca eno tëraxën Yesu ak.

11 Ado gë onënga fo baxët bano do fëna bani mëne kofi këno yël. Elod amëd aņo baxo ŝaland Yuda nand kë ŷap ebi tëran Yesu na.

End ecemar emënëk eņ

12 Yatijo bax akey añanar and bani ŷambënd Bëšëwif mburu ind gë lewir këm aņ. Bëte yatijo fo banëbi ĥašënd opeŷ od ŝadaxa ir Apexa ok. Bësëfan bën wëka këno Yesu: «Feye wa ŷandi ki ey ŷambëra ecemar ed Ofëna or apexa el? Pelëlëbo mën këmi ŷe mi cemërax?»

13 Na lawën këbi bësëfan bëxi, re ko: «Yeyin gër angol. Ata këno sëk asošan ar lëbinak epeŷa ed gë men, tëfayino.

14 Gër ed ko lil, wën bëte dïlidën eno pel axwën iciw an mëne wëno Asëŷali arewën an wëkak: “Feye ex wa aciw and gër ed këmi ŷambëra ecemar ed Ofëna or apexa el wëno gë bësëfan bëram aņ?”

15 Ata këņun wësin aciw and ŷaņ gër ed xwëtëra ko beŷ dek. Fën kën ŝemërax ecemar ed Ofëna or apexa el.»

16 Ga ŷe këni bësëfan bëxi bëjo ĥat këni gër angol. Sëkëx këni beŷ bën ang fel babi ak do ŝemërax këni ed Ofëna or apexa el.

17 Apenëka aņ, Yesu gë bësëfan epëxw gë bëxi bën ĥatëgu këni na.

18 Ga ŷëpara këni eni ŷambëra, Yesu re ko: «Dal in këmun felënd, gër ed këne ŷambërande ro dëņ hi ko ar enga endewën ar ke lëxw an.»

19 Ga ŝaminara këni bësëfan bën, këno wëkand abat abat: «Wëno nde ex?»

20 Yaka këbi: «Ang hi kën epëxw gë bëxi ak, ar kë xacand në edëŷamb edebat gë wëno hi ko.

21 Dal ex wëno Asëñiŷ ar ala an ašës këme šës ang ŷëgw këni endam ak. Barikan, eñëņenax etëm këņo hi ar ke lëxw an. Er saxëdoņo mën këreno dëw dona.»

22 And bani ŷambërand aņ, Yesu wëd ko aton and mburu, šëkwa këņo Kaxanu do ĥëbëndër ko. Ga yël këbi bësëfan bën, re ko: «Cetërin mburu iņo, eman endam eņ ex!»

23 Wëd ko bëte andëmba and gë ngoŷ aņ, ga šëkwa këņo Kaxanu yël këbi do yëlar këni bën dek.

24 Aņo re ko: «Ngoy ind šëb kën iņo ex, ošat oram oņ! Ošat oņo kë šar eni cotaxën bela bëranjëm eter ed din gë Kaxanu el.

25 Dal in këmun felënd, doro këme feland ngoŷ iņ xali yatir këme šëb ingašax iņ gër owun or Kaxanu.»

26 Yesu gë bësëfan bën, ga ŷëwëra këni na od Calemoñëw ok, ŷe këni kwël gër etënd ed gë bañarëka.

²⁷Ata re ko Yesu: «Wën dek kë şapër ene teb gabat, ang ŷëgw ko alaŷënel ak: “And këno laŷ axadac aŷ, oyel ol eni capër .”

²⁸Barikan and këme xani gër ecës aŷ, gër ebar ed Galile këme ŷed mun cënix.»

²⁹Ata re ko Piyer: «Ado eni capër bëjo dek wëno ami teb na!»

³⁰Yesu yaka këno: «Dal in këmi felënd doro gëmëd damana exo yata baki ecare el, wëj anëka këye ŷaxëta batas.»

³¹Barikan Piyer re ko bëte: «Ado ex gido alaŷ këni laŷ gë wëno ak kënebo laŷ, din ami ŷaxëta na.» Ata soşanara këni bësefan bën dek mondako.

End gër Getësemani eŷ

³²Ga ĥat këni gër ed bani wacënd Getësemani, Yesu fel këbi bësefan bërexëm bën: «Cëniyine ro me nacëta me calew!»

³³Wac këbi Piyer, gë Şak do gë Şaŷ eno daŷëta. Ga hi këno ñar eman eŷ, lëbëk anjiŷ atëm gër emëkw edexëm.

³⁴Felkëbi bësefan bën: «Yomb iram in şaminak, ecës fo bayi ke. Cëniyine ro, barikan këreŷun daş na de!»

³⁵And nacëta ko aŷ, foxi ko. Rën ko eyiŷ el ŷëş gër ebar do ko şalend. Ga këno xara Kaxanu, eŷo pangacën apëxëd and toro aŷo kido awënd wëndëk.

³⁶Ga ko şale, ko rend: «Faba, wëj xorëk ey di beŷ dek, pangacënële toro ind kërexe wëcan iŷo. Barikan dil de ang ŷandi ki wëj ak, ax gi ex na ang ŷandi ke wëno ak.»

³⁷Ga baka ko gër ed sebëgu babi Piyer, gë Şak do gë Şaŷ, sëk këbi ga këbi raş. Re këno Piyer: «Oko Simoŷ, në edaş exi de. Apëxëd amat and riw këme aŷo nde wëj aŷ kor ex na exi per?»

³⁸Perënayin en calexën këdi këŷun naŷëta. Ala an gër onden këno ŷandind exo di er ŷapan këno Kaxanu in. Bari në end oñandi od eman na ko sëkwanaxënëd.»

³⁹Ga nacëta ko gacëxe Yesu ko şalexënd ang şale baxo añanar ak.

⁴⁰Bakaw ko akinëm, sëk këbi gaşëxe Piyer gë boşandaŷ ga këni xond, eni këwëtayin dëŷ bani sëkwanënëd. Ga nëngëtara këni, ani nang bana mondake këno yaka Yesu.

⁴¹And bakaw ko atasën aŷ, re ko: «Wën daşëraraleŷun, do teyëtayin. Dek ex! Anëka ĥatëguk apëxëd and këne sëra wëno Asëniŷ ar ala aŷ do ene dëxw gër otaxan od bëwendëran.

⁴²Kaniyin ene ŷeye! Asoşan ar ke lëxw an në etëkaw exe!»

End etëra ed Yesu eŷ

⁴³Në yeyan bayi baxo Yesu ga ĥatëgu ko Yuda, asëfan arexëm abat ang ebani epëxw gë bëxi ak. Mëŷ lëngweliw babi amëxwër and bër wëlaraw bax: bëjo

oduxuma, bëjo okwëlekwële. Bêşadaxan bëlëngw bën, gë bëşalen bën, do gë bëxarëk bër Bêşewif bën lawënëgu babi eno tëra Yesu.

44Ar baŋo lëxwënd an nanganëme ijo fel babi: «Ar këmo wëga an, mëŋ ex, tërayino eno mëla do eno dëkayax aye.»

45Ataŋ ga hãtëgu ko gër Yesu, Yuda re ko: «Asëy'ali, ata wëga këŋo.»

46Bër lëngwënëgu babi bën wëlën këno Yesu, sëra bën.

47Ata asëfan abat regëgu ko duxuma, saw ko bad anëf and xadëp ir aşadaxan alëngw aŋ.

48Ata re ko Yesu: «Wëno arek nde hi këme er yow kën ene tëra gë oduxuma do gë okwëlekwële?»

49Key yo key ga bane xetand wa do bamun sëyalirand gër yangana ir Aciw and Kaxanu, bari ane tëra bana. Barikan gërëgako anëka kën hãtand er rek Oñëgw Omënëk in.»

50Ata bësëfan bën dek şapëran këno Yesu do hërëra këni.

51Şambenjar baŋo sëfand Yesu, ga şeraya ko gë anjëm fo. Ga sëra këno,

52nëyëtëra ko, sebën këbi anjëm aŋ and şeraya baxo aŋ, hër ko tëb gë eman eŋ.

End Yesu do gë bëxiti eŋ

53Bër sëra baŋo Yesu bën wëla këno gër iciw ind aşadaxan alëngw, gër ed barëreŋu bani dek bêşadaxan bëlëngw bën, gë bëxarëk bër Bêşewif bën do gë bëşalen bën.

54Ata Piyer këbi sëfand nacët ako xali hãt ko lëf gër yangana ir aşadaxan alëngw. Ga yëpa këni gë bënëkona bën, ko yesand xodux ol.

55Bêşadaxan bëlëngw bën, gë Amara and bëxarëk bër Bêşewif aŋ dek bani şaland amëd aŋo osede or këno nagaşanaxën Yesu exo gixën ar eđaw; bari yoweŋ abani şot na.

56Gayikwa bëranjëm bax rey and osede or ebax enëgwëş or këno nëpaxën Yesu. Barikan anëgwëşëtënder bani nëgwëşëtërend.

57Bërëmar and këni xani aŋ eni dend:

58«Biyi awël wël këmo ga ko re: “Wëno ayam këme yam Aciw and Kaxanu aŋ, do and kë ri bakey batas aŋ me kanin acëxen, and ani bay na bela”.»

59Bëte gër endey eŋo dëŋ, anëgwëşëtënder bani nëgwëşëtërend osede orebën ol.

60Ata xani ko aşadaxan alëngw an, xwëşa ko mërëxand gër Amara do wëka këŋo Yesu: «Ba yoweŋ ay yaka na nde? Ay wëlënd na nde ang këni nagaşandërand ak?»

61Yesu xor ko yem. Aşadaxan alëngw an wëka këŋo gaşëxe: «Ba wëj nde ex Afexën an, Asëniw ar Kaxanu ir këmo şalend biyi an?»

⁶²Año yaka ko Yesu: «Iyo, ata go dëñ ex. Wën awat këne wat wëno Asëñiŵ ar ala an ga ÿëpa këme gand liŵ ir Ar gë panga ðek an. Bëte awat këne wat ga këme šëlaw gë bañar band gër orën bañ.»

⁶³Ga logën këño na, ašadaxan alëngwan hësëra ko banjëm bandexëm bañ do ko rend: «Otede nde bayik na enëbe wële?»

⁶⁴Awël wël kën ang šir këño Kaxanu ak. End fe wëndan këñun?» Ata bën ðek nöp këno do këni rend mëne Yesu ar eðaŵ ex.

⁶⁵Ata bërëmar kwël na fo ŷana këni motëpan Yesu. Bëjo eno kap gë anjëm gër dëxas eno bënaxën. And këno wëñ añ, eno mëka: «Cakil ba noŷo wëñ ki!» And fim këno gand bënëkona bër Aciŵ and Kaxanu añ xanax këno gë bacënen.

End eŷaxëta ed Piyer eñ

⁶⁶Amëd año Piyer, gër ed ÿëpa baxo bayi baxo gëd gër yangana ir ašadaxan alëngw. Yow ko endënaŵ end bax riyenind na.

⁶⁷Wat këño Piyer ga ko yesa, nëkon këño aye gër dëxas, re ko: «Wëj bëte enga emat hi kën gë Yesu Ibënasaret.»

⁶⁸Ata Piyer ga ko ŷax ko rend: «Wëno ado ame nang ex na, axe pëni ex na dëñ er këŷ rend in.» Ga yaka ko mondako kwël šan ko, do ŷe ko gër yangana ir lëf. Ata amëd año yata ko ecare el.

⁶⁹Endënaŵ eñ ga wat këño gašëxe këbi felënd bër hi bax na bën: «Ajo ar enga emat gë Yesu exo.» Piyer ŷax ko gašëxe.

⁷⁰Ga nëkak təkër, bër wël baño endënaŵ bën re këno bëte Piyer: «Dal ex, wëj ar enga eño hi këŷ gayikako Abëgalile hi këŷ!»

⁷¹Año yašar ko mo njašar Piyer: «Angëmëne anang nang këmo ala ajo, corëlexe Kaxanu.»

⁷²Atañ ecare el yata ko akinëm, Piyer xwita ko ang fel baño Yesu ak: «Damana exo yata baki ecare el, wëj anëka këŷe ŷaxëta batas!» Ata ga šan ko na, ko sesëxënd.

Marëk 15

End Yesu do gë Pilat eñ

¹Mopëd gëbër, bëšadaxan bëlëngw bën, gë bëxarëk bën do gë bëšalen bën ÿëpaxën këni end Yesu eñ. Amara añ ðek barërëgu bani. Ga xap këno na Yesu, wëla këno eno ðëxwëx gër Pilat.

²Ga həteli këno, Pilat wëka këño Yesu: «Wëj nde ex emun end Bëšëwif eñ?» Yaka ko: «Iyo go dëñ ex!»

³Ata na këno nëgwëšandërand bëdanjëm bëšadaxan bëlëngw bën.

⁴Pilat wêka kënjo gašëxe: «Ba ýoweý ay yaka na nde? Ay wëlënd na nde dek bend këni nagašanënd bej?»

⁵Barikan Yesu gematak axo yaka bana. Eño šaran baño Pilat.

End edaŵ ed Yesu eñ

⁶Ofëna or Apexa kala, Pilat asebët baño sebëtënd andepëra amat, ar këno yata Bëšëwif an.

⁷Andepëra hi baxëna and bano wacënd Barabas. Gë bošandaŵ wëreli banëbi bëlëngw bëliyer bën xali laŵ këno ala, ga wonjok angol añ.

⁸Ga ye këni amëxwër and Bëšëwif añ yañ gër eyang ed Pilat, wêka këno eño tebët ar epëra abat ang wërën babi ak.

⁹Ata wêka këbi Pilat: «Ýandi kënun nde motebët emun end Bëšëwif eñ?»

¹⁰Mama wêka babi mondako ga nang baxo mène bëšadaxan bëlëngw bën në end oýakëraxi lëxwaxën bano Yesu.

¹¹Barikan bëšadaxan bëlëngw bën fel kënebi amëxwër añ eno nëýali Pilat eño tebët Barabas.

¹²Ata Pilat wêka këbi gašëxe: «Mondake ýandi kënun mo di ar këno rend wën emun end Bëšëwif exo an?»

¹³Yaka këni šor: «Pikalo! Pikalo!»

¹⁴Pilat wêka këbi bëte: «Ineŵa wën ko?» Año xeý këni kaš-kaš: «Pikalo, Pikalo ma bënë osëx!»

¹⁵Ga ýandi kënjo eni ñan endexëm eñ, Pilat sebët kënjo Barabas. Seb këbi ocorođa ok eno cewëra xali Yesu đamana eno mëlaxën gër ed këno fikax.

¹⁶Ocorođa ok šonjorëra këno Yesu xali lëf gër yangana ir aciŵ and kiti, do wacërëgu këni dek enga eñ.

¹⁷Ga šud këno ocud ombarax, fug këno odëmbën gër gaf ang ekamote ed emun fo.

¹⁸Ata ýana këni këno šëmand: Ake wa bayi këy wëj emun end Bëšëwif eñ?

¹⁹And këno rang gë ošët añ, eno tëpan do eni poxi gër lëngw irexëm eyiý el ñëš gër ebar.

²⁰And fed këbi enarëndëra ed Yesu añ, šudët këno ocud ombarax oñ. Wáš këno banjëm bandexëm bañ do wëla këno eno pikax gër kërëwa.

End Yesu mopika gër kërëwa eñ

²¹Ocorođa ok ga këno wëla Yesu, fed këni gë Simoñ Ibësiren, sëm ir Alekësandër do gë Rufos, ga hiw ko gër ošënga. Ata nëýali këno exo đëbina kërëwa ir Yesu in.

- 22 Na w̃ela këno ỹañ gër itënd ind bani w̃acënd Golëgota mëne ngëñ «Itënd ind ang egor».
- 23 Yël këno exo ceb ngoỹ ind bar bani gë bēšan bër këni w̃acënd mir bën. Barikan Yesu h̃ëp ko exo ceb.
- 24 Ga fika këno gër kërëwa, šetër këni banjëm bandexëm bañ. W̃ed ko šoroda ibat and ri këni bēñak añ.
- 25 Apëxëd anaxën and gëbër añ h̃at bax and fika këno Yesu añ.
- 26 End laŵaxën bano eñ ỹëgw bani në ingomb gomb do fikali bani ỹañ gër kërëwa: «Emun end Bēšëwif exo.»
- 27 Bërek bëxeŷax bëxi fika banëbi gë Yesu: abat gand liw̃, ajo gand šame.
- 28 [Mondako h̃ata bax er rek Oñëgw Omënëk in: Mërëxand ir bëwëndëran xwët bano.]
- 29 Ata këno širënd Yesu bela bër bax xucarand ler na bën. Sam eni këmëỹëtara eni de: «Xey ax gi ex na nde wëj bax rend ayam këỹ yam Aciw̃ and Kaxanu añ do eỹ kanin and ri bakey batas añ?
- 30 Awa doro pexënyal gë andeỹ do pedaw gër kërëwa!»
- 31 Alëš bano lëšënd bën bëte bëšadaxan bëlëngw bën do gë bëšalen bën do bani rend: «Okò, mëñ ga babi fexën wa bela bën do ko sëkwanënd exo pexënaya.
- 32 Awa Kërisët, emun end Isërayel eñ, pedawëlexo gërëgako gër kërëwa, enëño wataxëne do enëño kwëtaxëne!» Ašir bano širënd bëte bërek bër fika banëbi gë mëñ bën.

End ecës ed Yesu eñ

- 33 Ga h̃atëk eñan eñ keñ gër gaf, šamëđanëk đek ebar el xali bapëxëd batas gë apenëka añ.
- 34 Amëd año xeŷ ko Yesu: «Eloyi, Eloyi, lama sabatani?» Mëne ngëñ: Kaxanu Axwën aram, Kaxanu Axwën aram, ineŵa ỹañëtaxën këỹe?
- 35 Ga wël këno bër hi bax na bën këni rend: «Baxëtino ga këño w̃acënd alaŵënel Eli.»
- 36 Ata hërën ko abat er ñalu-ñalu, ỹëmb ko gër ngoỹ iñerëk, ga fiš ko në ošët, yën ko xali gër etëỹ ed Yesu exo ỹušaxën, do ko rend: «Tebino đe ene wate ba Eli aỹow ko ỹow eño pedaliw.»
- 37 Barikan, año xeŷ ko gašëxe, kwël Yesu xoti ko.
- 38 Ata anjëm amëgax and bax wedind lëngwe ir Aciw̃ and Kaxanu in, h̃esik cangët elod ỹañ xali gëđ.

³⁹Alëngw ar ocoroða an, ar xwêša baxo ler gër ed fika këno Yesu an, ga wat ko ang xoti ko ak, re ko: «Enimin, ala ajo Asëñiŵ ar Kaxanu ebaxo!»

⁴⁰Enga end bësoxari xwêšara bax na nacët ako do këno nëkonënd Yesu. Er ebani: Mari Madëlen, gë Mari nëm ir Šak ibeja do gë Yose, do gë Salome.

⁴¹Bën ex bësoxari bër sëfaw baño Yesu elod gër ebar ed Galile do bano rëcarand. Na fo bani bëte bësoxari bëšêxe bër xaniw bax gër Yerusalem.

End Yesu gër yëg eñ

⁴²Yatir arajëma, and genëka añ, bani xëñnand akey and eteyëta añ.

⁴³Ata ĥatëgu ko na, Yosef Ibarimate. Mëñ ar gapak ebaxo gër Amara and bëlëngw bër Bëšëwif. Ašëni baxo šënind bëte owun or Kaxanu ol. Ga xapina ko, yë ko gër Pilat exo mëkaw eño maš eman end Yesu eñ.

⁴⁴Pilat šaran këño xali ga wël ko mëne anëka xor këño Yesu. Ga ŵac këño alëngw ar ocoroða an, ŵëka këño ba elod anëka fo xoti ko.

⁴⁵Alëngw ar ocoroða an felëra këño na ðek. Ata Pilat ŵaš këño Yosef eman end Yesu eñ.

⁴⁶Yosef yëcëgu ko këpas. Fedali ko eman end Yesu eñ gër ed fika bano. Ga fëlëra këño gë këpas in, ŵëxëta këño lëf në yëg ir fës bani gër aparëfac ang oxel fo do fëñ ko lilaya in gë angaỹ atëm.

⁴⁷Ata Mari Madëlen do gë Mari, nëm ir Šak ibeja do gë Yose këni nëkonënd gër ed ŵëxwëta këno.

Marëk 16

End ekani ed gër ecës eñ

¹And xucak akey and eteyëta añ, Mari Madëlen, gë Mari nëm ir Šak ibeja do gë Salome yëcëgu këni ogu onëngax ond eni košaxën eman end Yesu eñ.

²Yatir oganjar, akey ayanar and loxo añ, mopëd gëbër, ĥat këni gër yëg ga kë fënëgu eñan eñ.

³Ata këni ŵëkarënd: «Noỹo këbo rëxëtën angaỹ and gër lilaya ir yëg añ.»

⁴Ga rënëta këni, wat këni angaỹ añ ga wedítak.

⁵Lil këni gër yëg, sëk këno moñëpa gand liw šambenjar ir gë acud apešax. Ata šëg këbi benjëw beñ ga xurik anjiỹ añ.

⁶Ata re ko šambenjar in: «Wën këren yëdara na! Ax gi ex na nde Yesu Ibënasaret, ar fika bano an këno šaland? Anëka xani ko gër ecës, axo bo ex na ro. Nëkoyin wa gër ed xwët bano.

⁷Barikan yeyin enëbi pelëx bëšëfan bërexëm bën do gë Piyer mëne anëka lëngwa ko gër ebar ed Galile. Fën këno watëx ang fel bañun ak.»

- ⁸Ata şan këni, nacëta këni caw ýeg in gë ongër fo, do këbi rëgëneraxënd anjiý aň. Ga xap këbi anjiý aň, ala ano pel bana ýoweý.
- ⁹[Yesu ga xani ko gër ecës mopëd gëbër yatir oganjar, akey aýanar and loxo aň, şanayaxën këno pere Mari Madëlen, asoxari ar nęcëtën baňo bangoc bañëñënax banjongëbaki an.
- ¹⁰Mari Madëlen ye ko ebi pelëx bër engä endexëm bën, gër ed bani renitarand, gër ed bani sesërand.
- ¹¹And wël këno ga ko rey'a mëne Yesu abëngw exo do mëne awat wat këno aň, ani ma bana.
- ¹²Ga xucak eňo, Yesu şanayaxën këbi mëň dëň gë ola oşëxe bësëfan bëxi ga këni nëca.
- ¹³Ata wërëşëta këni enëbi tëfëtanëx boşandaŵ, bari bën bëte anëbi kwëta bana.
- ¹⁴Ata Yesu şanayaxën këbi bësëfan epëxw gabat bën gër ed bani ýambërand. Arexëra rexëra babi mbaň në end oňëpëgënan odebën eň, do gë në end emëş endebën eň, gayik anëbi kwëta bana bër wat baňo ang nëngëta ko bën.
- ¹⁵Ata na re ko Yesu: «Yeyin ngwën iň dek en pemërand Atëfëtan aň gër bela dek.
- ¹⁶Ar kë ŵa yo do eno buyi, afex ko fex, bari ar kë hëp an, axiti këno xiti.
- ¹⁷Awa becarax beňo këni ýana eni dind bër kë ŵa endam bën: Gë oŵac oram ol kënëbi ýana enëbi nęcëtënd bangoc bañëñënax baň, oyey'an oxaşax këni ýana eni yey'anënd.
- ¹⁸Asëra kënëbi ýana enëbi tëränd bandën. Ado eni ceb er ebax ebi daŵ in, ýoweý abi gi na. Añëmba kënëbi ýana enëbi hëmband bësëxwëra bën eni pakaxën.»
- ¹⁹Axwën Yesu, ga felëra këbi na mondako, şëg ko kwël ýaň gër orën do ýëpax ko gand liŵ ir Kaxanu.
- ²⁰Bësëfan bën ýexëra këni eni pemëra gër ed ex yo. Axwën Yesu ko riyenind gë bën, ata gë becarax bend bani rind beň babi ŵasinënd bela bën mëne dal këni rey'and].

Luk

Luk 1

Lilaya in

¹Bëranjëm sëʼik eni ñëgw bend Yesu Kërisët beŋ do gë bend xucak gër ndebi ro beŋ ex gixën Atëfëtan amat.

²Bër watelik gë ogës odebën elod gër ʼyanar do hi këni bëriyenin bër Eyeyʼan ed Kaxanu bën nangën këbo beŋo. Bën sebën këbo bend Yesu Kërisët beŋ do gë dek bebër ri ko gër aniyān andexëm bën ene deyʼaraxënënde gër bela ang bani reyʼarand bën ak.

³Awa wëno bëte, gë obal osëm wëkara këmëni bër nangëk beŋo elod gër ʼyanar bën. Ata bebër fel këne bën ʼyapan ke mi ñëgwënëli Tewofil, wëj ar gapak an, eyʼ nangaxën mëne

⁴bebër sëʼali këni bën mokwëta dëŋ ex.

End meleka do gë Sakari eŋ

⁵Angwën and ebaxo Erod emun end gër ebar ed Yude aŋ, ašadaxan ebax na ar bano wăcënd Sakari. Gër enga end Abiya ebaxo do alindaŵ Elisabet ebaxo bëte ar andëwëra and Aharoŋ, ašadaxan alëngw aʼyanar an.

⁶Sakari gë Elisabet bër ŝenene ebax gër ogës od Kaxanu. Ŝenene bani sëfënd acariya and Axwën Kaxanu aŋ do gë dek bapela band re ko aʼyap ʼyapëk motëf gër aniyān baŋ.

⁷Barikan gë obaš këm xar bani gayik Elisabet asoxari aboroxok ebaxo.

⁸Bëšadaxan bën arëcar bani rëcarënd, gë enga gë enga, edi ed ocaɖaxa el gër Aciŵ and Kaxanu. Ata akey amat, enga end Sakari bën eŋ bët bani.

⁹Ang rëp bax gër andiyen and ocaɖaxa ak, ašadaxan abat ebax eno tana gër enga endebën exo dīlaxën lëf gër Aciŵ and Axwën Kaxanu exo corëgu ašururu ir xwëšëna bani gë angiri in. Ata sana këno Sakari.

¹⁰And lil ko aŋ, ŝëni këno fac amëxwër and Bëšëwif aŋ do këni ŝalend ga ĥatëk apëxëd and ecor ed ašururu ir xwëšëna bani gë angiri aŋ.

¹¹Ata lëf, meleka ir Axwën ŝanaʼyaxën këŋo Sakari. Xwëša ko gand liŵ ir angëb and bani ŝoraxënënd ašururu.

¹²Ga fabër këni gë meleka in, Sakari yëdara ko xali xurik, do wëlandëra këŋo mbaŋ.

¹³Ata re ko meleka in: «Sakari, këreyʼ yëdara na! Cale indeyʼ in yakali ki Kaxanu. Alindax Elisabet gë acël ko hi do eŋo dëw lëmëta ir këyo wăcëd Ŝaŋ.

¹⁴Ata lëmëta ijo kë y'emën emëkw edeyʼ el do exi nëngandëra mbaŋ. Bëte bëranjëm këbi nëngandëra and këno rëw aŋ.

¹⁵Lēmëta ijo, ala asëm ko hi gër ogës od Axwën Kaxanu. Mën ex, ašëba këño šëba ngoy in do gë ešëbëceb ir kë ŷawënd yo. Ado kwël gër acël and nëm fo ko ŷëm gë Angoc Amënëk aņ.

¹⁶Do and ko raf aņ, mën këbi bakali Bëyisërayel bëranjëm eno kwëta Kaxanu, Axwën arebën an.

¹⁷Mën ex ar kë lëngwaw an đamana exo ŋataxënëgu Axwën an. Kaxanu këño yël angoc aņ do gë panga ind yël baņo alaŷënel Eli in exo bakalixënëgu gër Isërayel angwëlëra and obaš gë bëxarëk bërebën aņ. Bëte bër gë oŷëkw oŷëšik bëranjëm këbi wërëšët eni gi bër šenene . Ata mondako këbi rëca bulunda ir Isërayel in eni këñënara šenene eno kacaxën Axwën arebën ar kë ŷowënd an.»

¹⁸Sakari ŷëka këño meleka in: «Mondake këme nang mën ahi dën kë hi bebër këye felënd bëjo gayikako wëno gë alindaŷën anëka xar këmi?»

¹⁹Yaka ko meleka in: «Ay nang ex na nde mën wëno ex Gabëriyel, ar gër enga end omeleka od hik ler gër Kaxanu an? Do mën ga laŷënëgu ke mi pel enjekax eņo, wëj ki ħëpëgënanënd.

²⁰Awa ay bayi na gë oniŷ xali yatir kë ħata bebër fel këmi bëjo gayikako aye kwëta ex na.»

²¹Xarak amëd aņo fac, Bëšëwif bën đek ŷëka babi ošën or Sakari ol. Dek nemëran babi ba në end ine ko nëkaxënëgund go lëf gër Aciŷ and Kaxanu.

²²And šanëgu ko aņ, sëkwaw ko ebi yeyaneli, ata nang këni mën yëŷ watëgu ko lëf gër Aciŷ and Kaxanu. Alambacara fo babi lambacarand ga šanëgu ko gë oniŷ këm.

²³And faŷ ko bakey band ebax exo diyeni gër Aciŷ and Kaxanu aņ, Sakari ŷaŷi ko kwël gër ndebën.

²⁴Ga nëkanak, alindaŷ Elisabet hi ko gë acël. Ata ŷaf ko opacaŷ oco.

²⁵Er baxo rend: «Dodo anëka ŷëkwaw ke Axwën Kaxanu. And ħatan këño aņ, faŷ ko gër emëkw edexëm exo dëxët ašëfën iram in gër bela.»

End meleka in do gë Mari eņ

²⁶Anëka bax opacaŷ ocongibat elod ga hi ko Elisabet gë acël. Kaxanu laŷën këño meleka ir këno ŷacënd Gabëriyel in gër ebar ed Galile, gër ingol ind Nasaret.

²⁷Meleka in ħat ko në endënaŷ emeja end nëm baņo Yosef, šambenjar ir andëwëra and Dafid, ar ebax emun etëm end gër ebar ed Isërayel an. Endënaŷ emeja eņo, Mari bano ŷacënd.

²⁸Ga lil ko meleka in gër ed hi baxo, re ko: «Ašëma šëma këmi wëj ar rin ki oyekax Kaxanu an! Axwën an gë wëj hi ko, wëj ye ki!»

²⁹And wël ko Mari eyeyan elo aņ, wëlandëra këño do ko yëlarand ba ine ŷacayak ecëmar elo.

³⁰Ata re ko meleka in: «Kërey yëdara na Mari gayikwa Kaxanu yël ki oyekax orexëm ol.

³¹Gë acël këy hi do ey'o dëw lëmëta. Yëlidô oŵac or Yesu ol.

³²Lëmëta ijo, Asëñiŵ ar Kaxanu exo, mëñ ar hik y'añ gër orën an. Mondako këno y'ana eno macënd gayik ala asëm ko hi. Ata Axwën Kaxanu, mëñ këño w'aš añëpara and owun or Dafid, axarëk arexëm añ.

³³Din ir din ko wun gër enëng end Yakob do owun orexëm ol ax kwët na gë ekwët.»

³⁴Ata Mari yaka këño meleka in: «Mondake wa kë hi eño gayikako wëno asošan amo nang ex na?»

³⁵Año re ko meleka in: «Angoc Amënëk añ kë y'ow gër ndey' do panga ind Kaxanu mëñ ar hik y'añ gër orën in ki laβ. Mëñ ex, ar këy'o rëw an, Asëñiŵ ar Kaxanu këno y'ana eno macënd gayik aŵënëk exo.

³⁶Nëkoda Elisabet ar nëng irey' an, mëñ bëte ga hi ko gë acël gë oxar go dëñ. Anëka sëk këño opacaŵ ocongibat mëñ ar bano rend asoxari aboroxok exo an,

³⁷gayik gër Kaxanu beŷ dek wëndëk.»

³⁸Ata re ko Mari: «Awa gayikako ex, wëno ariyenin ar Axwën Kaxanu hi këme, dilexo ang fel këy'e ak.» Ata kwël y'e ko meleka in.

End Mari gër iciŵ ind Elisabet eñ

³⁹Ata kwël gë bakey baño fo, Mari y'e ko aŷand xali gër ebar ed Yude, në angol and ler në osënd.

⁴⁰And ĥat ko gër iciŵ ind Sakari bën añ, šëma këño Elisabet.

⁴¹Elisabet, sam ga wël ko ecëmar ed Mari el, itox ind gër acël andexëm in welëtëra ko onënga ol. Ata Elisabet yëm ko gë Angoc Amënëk añ.

⁴²Na bacan këño Mari, ko rend: «Gër bësoxari dek, wëj ye ki! Asoxari abetak hi këy, wëj ye ki! Do ar ex gër acël andey' an abetak exo, wëj ye ki!

⁴³Yakayin, nëm ir Axwën aram nëngaw ke, wëno ye ke!

⁴⁴And wël këme ecëmar edey' añ, itox indam in awelëtëra welëtëra ko onënga ol gër acël.

⁴⁵Nëngandëralexi wëj ar ŵak mëne er fel ki Axwën in aĥata kë ĥata.»

⁴⁶Ata yaka ko Mari: «Gër yomb iram nëngandëra ke mëñ këmo yasaxënënd Axwën an!

⁴⁷Iyo gër yomb iram nëngandëra ke end Kaxanu eñ, mëñ Afexën aram an!

⁴⁸Gayikwa ay'ëkwa y'ëkwaw ke wëno ariyenin arexëm an. Ang këni bëtëraw yo bela bën gër ngwën ro, Din këne y'ana ene macënd asoxari abetak.

- ⁴⁹Kaxanu, mën̄ ar xorëk beŷ dek an, rin ke ecaraxik eŋo. Oŵac orexëm ol oŵënëk ex.
- ⁵⁰Do axaŷënan irexëm in din ir din ex gër bër kën̄o fëbënd.
- ⁵¹Panga indexëm in̄ necët ko; gë panga in̄o ŷapëreli këbi bër gë banjëlan band gë ndafënan bën,
- ⁵²Alat lat këbi bër gapak bën gër bañëpara band owun, Eni bëtaxën gër owun bërëtoc bën,
- ⁵³Bër babi ŷambën en̄o bën lëba këbi gë benjekax beŋ xali wëd këni, do aŵaŷ wäŷ këbi taxan bër gë napul bën.
- ⁵⁴Biyi Bëyisërayel bën rëca këbo, Biyi bëriyenin bërexëm bën. Axwita xwita ko ang kën̄o xaŷënanënd biyi ak,
- ⁵⁵Axwita xwita ko ebo din enjekax eŋ, Ang fel babi bëxarëk bërebi ak, Ang beŷa babi enjekax end din Abëraxam gë obaŷ orexëm ak.»
- ⁵⁶Ata ga xucak eŋo, Mari xeyëra kën̄o në opacaŷ otas gër iciŷ ind Elisabet bën đamana ŷayixën ko gër ndebën.

End andëŵa and Ŝaŋ Batis eŋ

- ⁵⁷Ga ĥatëk amëd and orëŷ aŋ, Elisabet rëŷ kën̄o lëmëta.
- ⁵⁸Bëraketa bën do gë bërexëm bën ga wël këni mëne Axwën an axaŷënan dën̄ xaŷënan kën̄o Elisabet, barërëgu këni gër iciŷ ebi nëngandëra andamat gë mën̄.
- ⁵⁹Yatir sëk kën̄o loxo, bakaraw këni bëte eno kac lëmëta in. Ata yël këno oŵac or sëm ol mëne ngën̄ Sakari.
- ⁶⁰Barikan ga wël ko nëm oŵac olo, re ko: «Ali ax gi ex na đe mondako? Ŝaŋ ex oŵac orexëm ol!»
- ⁶¹Yaka këno: «Ine? Gër nëng irewën ala ano macënd na mondako!»
- ⁶²Ata lambaca këno sëm ir lëmëta eni nang ba mondake ŷandi baŋo eŋo mac.
- ⁶³Ŵasi ko eno mëdënëgu ingomb gomb. Ga xana ko, ŷëgw ko: «Ŝaŋ ex oŵac orexëm ol.» Ata na ŷarandëra këbi đek ang ebani ak.
- ⁶⁴Ataŋ lëkwëtak iniŷ ind Sakari in̄ do wëli kën̄o oniŷ ol. ŷana ko kën̄o ŷëkwand Kaxanu.
- ⁶⁵Ata bëraketa bën đek wëlandëra këbi. Bëte đek bër bax wël endey eŋo bën wëlandëra këbi ebar ed Yude el đek xali gër osënd. Ata beŋo fo bani yeyandërand bela bën.
- ⁶⁶Đek bër bax wël beŋo bën, gë emëkw el bani baxëtënd do bani wëkarënd ba ine ko hi itox in̄o. Enimin panga ind Axwën Kaxanu in̄ gër ola or itox in̄o ebax.

End oyëkan or Sakari eņ

- ⁶⁷Sakari, sëm ir lëmëta, ga yëm ko gë Angoc Amënëk aņ, yana ko ko yey'anënd ang alaŵënel fo do ko rend:
- ⁶⁸«Cëkwänëņone Axwën an, mëņ ar ex Kaxanu, Axwën ar bulunda ir Isërayel an, Ga laŵëneliw këbo enimin apexa aņ.
- ⁶⁹Aŵëlan ŵëlanëgu këbo apexa aņ gër ekun ed Dafid, ariyenin arexëm an.
- ⁷⁰Eņo fëna baxo exo di elod bëniy okeme okeme ang rey'a këni bëlaŵënel bëŵënek bërexëm ak.
- ⁷¹Apexa aņo këbo racët gër otaxan od bër şus këbo. Bëte abey'a bey'a baxo mëne aracët këbo racët gër otaxan od bër şus këbo.
- ⁷²Në emasin ebo ang baņo xaŷënanënd bëxarëk bërebi ak, Bëte në emasin ebo axo kwëya ex na mëne mëņ dëņ yata këbo eter emënëk el.
- ⁷³Ayaşar yaşar baxo gër axarëk arebi Abëraxam mëne,
- ⁷⁴Aracët këbo racët gër toro ind lëxw banëbo bër xoŷër këbo bën do gë anjiŷ këm enëņo calende
- ⁷⁵gë ola oŵënek do gë or şenene, ang kë nëka yo bakey bandebi baņ.
- ⁷⁶Do wëj itox iņo, alaŵënel ar Kaxanu këni yana eni macënd, Alaŵënel ar Kaxanu, mëņ ar hik y'aņ gër orën an, Gayik wëj lëngwaliw ki ey'o mëxwëtën fëna in Axwën an.
- ⁷⁷Wëj këbo ŵasin biyi bër ex bulunda irexëm bën mi nangaxën apexa and gë eteban ed beñëņax aņ.
- ⁷⁸Kaxanu, mëņ ar xwën këbo an, axaŷënan këņo xaŷënanënd endebi eņ. Pab gë axaŷënan ijo këbi ħobaxënënd eñan eņ, dek bela bën.
- ⁷⁹Në ey'ow exo ebi ŋoba bela bër kë liyand gër ecamëdan bën, Bela bër yëpak gër ed yañëk ecës bën. Në ey'ow exo ebo dëngweli gër obetak.»
- ⁸⁰Ga xucak beņo dek, lëmëta in kwël ko rafënd do ko firind gë panga ind Angoc Amënëk iņ. Do në er timëriņ fo baņo yandind exo gi Xali ex ŋatëgu akey and ko şanaya exo pemërand gër bulunda ir Isërayel aņ.

Luk 2

End andëŵa and Yesu eņ

- ¹Ga xucak bakey baņo Sesar Ogisët, emun etëm end gër Rom eņ, re ko enëbi ñëgw bela bën gaf gë gaf dek ebar ed xwën baxo el.
- ²Oñëgw oko, oñanar ok ebax amëd and hi baxo Kurenu, gofërener in, gër ebar ed Siri.

³Bela bën dek bani y'exërand enëbi ñëgw ala kala gër angol and rëw këno.

⁴Ata Yosef, ar andëwëra and Dafid an, xani ko gër Nasaret, gër ebar ed Galile do wãyi ko gër ed Yude, gër Betëlexem.

⁵Gë Mari, enëm edexëm el sëfër bani enëbi ñëgwëx, xarak amëd aŋo Mari gë acël akarëk hi baxo.

⁶Nand ebani gër Betëlexem na, Mari ýanar këni orëw ol.

⁷Ata rëw këno lëmëta iýanar irexëm in, lëf në eciyi. Ga labëra këno, ren këno në apede gayik anëbi cotën bana në er këni hi lëf gër aciw and bëliyer.

End meleka do gë bëxadac eŋ

⁸Yatir rëw këno Yesu, bëxadac babi nëkonand na gëmëd oyel orebën ol gër ocënga od gër Betëlexem.

⁹Ata şanayaxën këbi bërëxadët meleka ir Axwën in, do enjaran end Kaxanu eŋ hõbaw këbi. Na yëdara këni xali xurik.

¹⁰Ata re ko meleka in: «Wën këren yëdara na, Atëfëtan këmun nangënënd! Atëfëtan aŋo, onënga osëm or bela dek ex.

¹¹Nangin mëne doru rëw këno, Kërisët, Axwën an. Marayin en y'e gër Betëlexem, gër angol and Dafid.

¹²Nanganëme ijo yël këmun: ata këno sëk itox imbarax ga labëra këno do ren këno në apede.»

¹³Ata omeleka ocëxe şoma këno işandaw in, benga benga, elod y'aŋ gër orën. Do ga këno yas Kaxanu këni rend:

¹⁴«Cëkwanëŋone Kaxanu, mëŋ ar ex y'aŋ gër orën an! Ga wãsin këbi gër ebar bela bën enjaran endexëm eŋ, dodo ecede këbi fuɟara wa bela bën, do eni cotaxën aketëxeta aŋ gër ngwën ro! Awa betalexëni bër hãn këno Kaxanu bën!»

End bëxadac eŋ

¹⁵And baka këni omeleka y'aŋ gër orën aŋ, bëxadac bën felër këni eni y'e xali gër Betëlexem, eni watëgu er sëfëtan këbi Axwën in.

¹⁶Na wãra këni xali gër bëciw. Ga hãt këni, sëk kënebi Mari gë Yosef lëf gër eciyi ga ren këno lëmëta in polo gër apede.

¹⁷Sam ga wat këno, sëfëtan kënebi dek bënd felëgu babi meleka beŋ end lëmëta ijo eŋ.

¹⁸Do dek bër babi baxëtënd bëxadac bëjo bën mbaŋ babi şaranënd end bani reyand eŋ.

¹⁹Mari mëŋ, dek beŋo baxo wëxëtand gër anëf andexëm do baxo yixëtënd gër onden.

²⁰Ata ga këni baka gër ocënga, bëxadac bën këno şëkwand Axwën Kaxanu do këno yasëxënd tar fëña in.

End lëmëta ir gër Aciw̃ and Kaxanu eŋ

²¹Yatir sëk këŋo loxo, xac këno lëmëta in. Yël këno oŵac or Yesu ol, ang fel babi meleka in eno macëd ak damana exo gixën nëm gë acël.

²²And faÿ ko Mari bakey band ebax exo w̃unëtara baŋ, ang rëp bax gër acariya and Moyis ak, mëŋ gë Yosef w̃ëla këno lëmëta in gër Yerusalem, eno maşëx oxwën ol Axwën Kaxanu.

²³Ata mondako sëf bani er yëgw këni gër acariya and Axwën in: «Itox itoşan iñanar yo, Kaxanu yata këŋo .»

²⁴Şadaxa ebax eni di ang re ko Axwën Kaxanu gër acariya ak: olëxwëte oxi, hi këni oxwëlëkwël, hi këni obapuÿ.

²⁵Awa gër angol and Yerusalem, axarëk ebaxëna ar bano w̃acënd Simewoŋ. Ala ar şenene ebaxo do fëb baxo mbaŋ end Kaxanu eŋ. Aşëni baxo şëninind bëte apexa and enëng end Isërayel aŋ, do yëm baxo gë Angoc Amënëk aŋ.

²⁶Angoc Amënëk aŋ nangën baŋo mëne axo cës na watërëxe Afexën an, ar sana këŋo Axwën Kaxanu an.

²⁷Yatijo Angoc Amënëk aŋ fangacëgu baŋo gër Aciw̃ and Kaxanu. Na fed këni gë Mari do gë Yosef ga xwënaw këno lëmëta in, eni di er rek acariya in.

²⁸Simewoŋ xana këŋo, xwëna këŋo imëd. Ga këŋo şëkwa Kaxanu ko rend:

²⁹«Dodo Axwën, kanale wëno xadëp irey in, me yeli gë emëkw eyemax ang re bay ak,

³⁰gayikako gë bangës bandam baŋo dëŋ këmo watënd ar w̃ëlanëgu këbo apexa an.

³¹Apexa aŋo xëñë naw këy eni wat benëng bend bela dek,

³²Apexa aŋo ex angoben and këni nangëraxën benëng bend bela aŋ, Apexa aŋo ex enjaran end Isërayel eŋ, bulunda irey in.»

³³Nëm gë sëm ir lëmëta dek babi şaranënd ga këni wël ang baxo yeyan Simewoŋ end lëmëta irebën ak.

³⁴Ata Simewoŋ ga şalen këbi na, fel këŋo Mari: «Në end lëmëta irey ijo, bela bëranjëm kë lati. Bëte bëranjëm kë xani gër bulunda ir Isërayel. Lëmëta irey ijo këbi yana ebi nangënënd er yandi këŋo exo di Kaxanu in. Awa në eŋo këno şusaxën.

³⁵Ado wëj dëŋ Mari, ang sënga këni gë duxuma fo ki yambën gër emëkw endexëm eŋ. Do mondako kë futaya ojëlan od bela bëranjëm.»

End Ana do gë bëxarëk bër Yesu eŋ

³⁶Bëte alawënel asoxari hi baxëna ar bano wãcënd Ana. Mëñ abiw ar Fanuwel ebaxo, gër andëwëra and Aser, do mbañ xar baxo. Endënaw emeja fo bayi baxo ga yër këno, do liya bani gë icën indexëm in bëniy bënjongëbëki damana sebëtaxën këno.

³⁷Ga lap këno icën in, bayi ko asošan këm xali sək këno bëniy ofëxw ocongosas gë bënax. Abaxo hawëta na Aciw and Kaxanu añ. Er baño şalend Kaxanu: baño gemëd, baño goyat. Ado bakey bandëmar motiwi baxo siwind.

³⁸Gë mëñ fed bani bëte gë Mari do gë Yosef ga xwëna këno lëmëta in. And wat këbi añ, yana ko këno şëkwand Kaxanu end lëmëta eñ. Ata kwël na fo yana baxo këbi felërand end lëmëta eñ bër bax şëninid apexa and Yerusalem bën.

³⁹And faÿ këni dek er ebax eni di añ, ang rek acariya and Axwën ak, Yosef gë Mari wãyi këni gë lëmëta in gër ebar ed Galile, gër Nasaret angol andebën añ.

⁴⁰Ata lëmëta in kwël ko firind do ko yëmënd gë orenik ol, do oyekax or Kaxanu ol hik gër ola orexëm.

End Yesu gër Aciw and Kaxanu eñ

⁴¹Bëxarëk bër Yesu bën aÿe bani yend aniy kala yañ gër Yerusalem, gër ofëna or apexa.

⁴²And sək këno Yesu bëniy epëxw gë bëki añ, sëfër këni gër ofëna gë bëxarëk bërexëm bën ang rëp bax ak.

⁴³Awa ga xucak bakey band ofëna bañ, bëxarëk bër Yesu bën këni wãyind gër Nasaret nangërexe mëne anëka sebëgu këno gër Yerusalem.

⁴⁴Er yëla bani ba gë bëcandaw bën lëngwa këni. Ye këni ciş damana şalaraxën këno gër bërebën do gër bër hi bani enga.

⁴⁵Aşalara yo aşalara, ano wat ex na. Ata wërëşëta këni xali gër Yerusalem.

⁴⁶And hat këni añ, şalarax këno bëte okey otas damana şananaxën këno lëf gër Aciw and Kaxanu ga yëpa ko mërëxand ir bëşalenbër Bëşëwif. Na babi baxëtërand do babi wëkarand.

⁴⁷Dek bër baño wëlënd bën babi şaranënd ang baxo yakand gë orenik osëm er këno wëka yo.

⁴⁸And wat këno añ, nëm gë sëm şaran këbi xali. Na wëka këno nëm: «Oko asëniwën, inëwa rixën këyëbo endako rako eñ? Nëkoða wëno gë sorix dek bu baño gër ocal odey?»

⁴⁹Ata Yesu yaka ko: «Inëwa këne şalaxënënd? Wën an nang ex na nde mëne aÿap yapëk me gi gër Aciw and Faba?»

⁵⁰Barikan ga wël këni ang yaka baxo ak, abi pëni bana er baxo rend in.

⁵¹Ata kwël wãyi këni gë mën ak gër Nasaret. Yesu mbañ fëb babi bëxarëk bërexëm bën. Do Mari mën, ðek beño baxo wëxëtand gër emëkw edexëm.

⁵²Ata Yesu kwël ko firind gë orenik ol, gë oyekax or Kaxanu ol do bela bën mbañ babi nënganënd endexëm eñ.

Luk 3

End Şaņ Batis eñ

¹Amëd aņo bët baxo owun ol gër Rom Tiber Sesar, do sëk baņo bëniy epëxw gë bënjo elod ga yëpa ko. Ata Poņës Pilat ebax gofërëner in gër ebar ed Yude do bër ebax aminëmëra bën wun bani: Erod Antipas, gër ebar ed Galile, Filip, gër ed Iture xali gër ed Tërakoni, do Lisaņas, gër ed Abilen.

²Amëd aņo, An gë Kayif ebax bëşadafaxan bëlëngw bën gër Yerusalem. Amëd aņo fo bëte yana baxo Şaņ Batis, asëniw ar Sakari an, epemëra ed eyeyan ed Kaxanu el gër ladawe.

³Ata Şaņ Batis motëfëra baxo sëfërand ðek bëngol bënd ler ler gër yeb ir Yurëdeņ bën do baxo femërand gër bela end xobuyi or enëngwët ed ola ol, ebi tebanaxën Kaxanu bamena bandebën baņ.

⁴Ata mën ebax ar yëgw baxo elod anëka fo ala wënel Esayi mënë ala kë yow na exo keyerand gër ladawe: «Ñanin fëña ir Axwën in, Debëtin opëña od ko xucaxën ok.

⁵Amora and ex yo ðek kë wëgaya, Etënd ed ex yo, do apan and ex yo ðek kë yëcar, Fëña ir sëmbak alebëta kë lebëta, Fëña ir şëngayak yo ańaca këni ħaca,

⁶Eni nangëraxën ðek bela bën apexa and la wëneliw këbo Kaxanu aņ.»

⁷Ata Şaņ Batis mondako babi felënd bër bax yowënd ebi buyi bën: «Wën ata ang bandën fo siti kën ðe, noyo wa fel këņun en kwëyëta kiti ind Kaxanu ind kë yowënd in?

⁸Diyindën ðe benjekax ex watixën mënë anëngwët dëņ nëngwët kën ola orewën ol. Bari këren yëland na mënë gayik Abëraxam ex axarëk arewën an kën fëxaxën. Kaxanu axor ko xor exo nëngwët oxa y oņo dëņ ex gi obaş or Abëraxam.

⁹Ado gogo nde wëd ko ecëngwa el exo ta w gë odëmbët ak batëx band ax dëwënd na odëwëre wën ojekax baņ. Ata mondako këbi wëdit bër bayik ax nëngwëtënd na ola orebën bën do ebi ðap gër xodux.»

¹⁰Ata amëxwër aņ wëka këno Şaņ Batis: «Ine wã yapan këno Kaxanu mi dind biyi?»

¹¹Yaka këbi: «Ar gë bacuð baki an, cetëleņo amat ar ax cot ex na an, do ar gë eyamb yamb an, dilexo mondako fo.»

¹²Yow këni bëte bëşëf bër şagale ebi buyi, wëka këno: «Asëyali, ine wã yapan këno Kaxanu mi dind biyi?»

¹³Yaka këbi: «Kanayindën şagale in ce y ang yapëk ak, këren mëkand na nëmëc.»

14Yow këni bëte ocoroða, wëka këno: «Do biyi cëŋ, ine ŷapan këŋo Kaxanu mi dind?» Yaka këbi: «Ala këreno nëgwëšanënd na mama eno kandëraxën. Bayindëleŋun acosa andewën aŋ fo.»

15Ata angwën aŋo dëŋ bano šëninđ de bulunda ir Isërayel in ar këbi fexën an aŋwëkar bani wëkarënd ba ax gi ex na Šaŋ Batis ex Afexën an.

16Šaŋ Batis yaka këbi bën dek: «Wëno gë men këmun buyind, barikan në eyow exo ar xuca ke panga an. Ado wëno dëŋ axe ñap ex na mo tëka do me pëtëra ogux od baped bandexëm ok. Mëŋ ex ar këŋun buyi gë Angoc Amënëk do gë xodux an.

17Apalaša lëkaya ko exo mënëanaxën ebar edexëm el, eyamb el exo mëla gër acac andexëm, do enenar eŋ exo đap gër xodux or ax đomind na gë edomi.»

18Ata Šaŋ Batis mondako babi felërand Atëfëtan aŋ Bëyisërayel bën. Bëte bendanjëm babi sëndënd do baxo rend eni këñënara.

19Erod ir wun bax gër ebar ed Galile watar bani na gë Erojad, asoxari ar abinëm an. Ata Šaŋ Batis këŋo nëpënd në end eŋo do gë dek beñëŋëanax bend wata baxo beŋ.

20Barikan Erod ijo wëndëra ko kaš-kaš ga sëra baŋo Šaŋ Batis do wëla këŋo gër epëra.

End xobuyi or Yesu eŋ

21Amëd aŋo, dek Bëyisërayel bën bax yend gër Šaŋ Batis ebi buyi. Ata ga yow ko bëte Yesu, buyi këŋo mëŋ bëte. Yesu ga šëpëta ko, ko šalend, ata watik fol orën ol.

22Angoc Amënëk aŋ fedaw ko gër ndexëm ang edëxwëte epešax fo. Ata wëliwëk oniŋ yaf gër orën: «Wëj ex Asëñiŋwën ar pëlot gër yomb iram an. Wëno bon ke balënd endey eŋ!»

End andëwëra and bëxarëk bër Yesu eŋ

23Yesu bëniy ofëxw osas ebaŋo nand ŷana ko andiyen andexëm na. Er bani yëland bela bën mëne Yosef, asëñiŋw ar Eli an, ebax sëm.

24Eli ijo ebax asëñiŋw ar Matat, do Matat asëñiŋw ar Lewi. Lewi ebax asëñiŋw ar Melëki, do Melëki asëñiŋw ar Yanay. Yanay ebax asëñiŋw ar Yosef.

25Yosef ebax asëñiŋw ar Matacas, do Matacas asëñiŋw ar Amos. Amos ebax asëñiŋw ar Nahum, do Nahum asëñiŋw ar Esëli, do Esëli asëñiŋw ar Nagahi.

26Nagahi ebax asëñiŋw ar Mahat, do Mahat asëñiŋw ar Matacas. Matacas ebax asëñiŋw ar Semehin, do Semehin asëñiŋw ar Yose. Yose ebax asëñiŋw ar Yoda.

27Yoda ebax asëñiŋw ar Yohanan, do Yohanan asëñiŋw ar Resa. Resa ebax asëñiŋw ar Sorobabel, do Sorobabel asëñiŋw ar Šehalëcel. Šehalëcel ebax asëñiŋw ar Neri.

28Neri ebax asëñiŋw ar Melëki, do Melëki asëñiŋw ar Adi. Adi ebax asëñiŋw ar Kosam, do Kosam asëñiŋw ar Elëmadam. Elëmadam ebax asëñiŋw ar Er.

- ²⁹Er ebax asëñiŵ ar Yesu do Yesu ebax asëñiŵ ar Eliyaser. Eliyaser ebax asëñiŵ ar Yorim, do Yorim asëñiŵ ar Matat. Matat ebax asëñiŵ ar Lewi.
- ³⁰Lewi ebax asëñiŵ ar Simewoŋ do Simewoŋ asëñiŵ ar Yuda. Yuda ebax asëñiŵ ar Yosef, do Yosef ebax asëñiŵ ar Yonam. Yonam ebax asëñiŵ Eliyakim.
- ³¹Eliyakim ebax asëñiŵ ar Meleya, do Meleya asëñiŵ ar Menan. Menan ebax asëñiŵ Matata, do Matata asëñiŵ ar Nataŋ. Nataŋ ebax asëñiŵ ar Dafid,
- ³²do Dafid asëñiŵ Esayi. Esayi ebax asëñiŵ ar Yobed, do Yobed asëñiŵ ar Bohes. Bohes ebax asëñiŵ ar Sala, do Sala asëñiŵ ar Nahason.
- ³³Nahason ebax asëñiŵ ar Aminadab, do Aminadab asëñiŵ ar Adëmin. Adëmin ebax asëñiŵ ar Arëni, do Arëni asëñiŵ ar Esëroŋ. Esëroŋ ebax asëñiŵ ar Peres, do Peres asëñiŵ ar Yuda.
- ³⁴Yuda ebax asëñiŵ ar Yakob, do Yakob asëñiŵ Isak. Isak ebax asëñiŵ ar Abëraxam, do Abëraxam asëñiŵ ar Tera. Tera ebax asëñiŵ ar Naxor.
- ³⁵Naxor ebax asëñiŵ ar Serug, do Serug asëñiŵ ar Rehu. Rehu ebax asëñiŵ ar Peleg, do Peleg asëñiŵ ar Eber. Eber ebax asëñiŵ ar Şela.
- ³⁶Şela ebax asëñiŵ ar Kayënam, do Kayënam asëñiŵ ar Arëfaxad. Arëfaxad ebax asëñiŵ ar Şem, do Şem asëñiŵ ar Nowe. Nowe ebax asëñiŵ ar Lemek.
- ³⁷Lemek ebax asëñiŵ ar Matusalem, do Matusalem asëñiŵ ar Enok. Enok ebax asëñiŵ ar Yered, do Yered asëñiŵ ar Malelel. Malelel ebax asëñiŵ ar Kenam.
- ³⁸Kenam ebax asëñiŵ Enoş, do Enoş asëñiŵ ar Set. Set ebax asëñiŵ ar Adam, do Adam asëñiŵ ar Kaxanu.

Luk 4

End Şabucara do gë Yesu eŋ

- ¹Yesu, ga ŷëmëgu ko gë Angoc Amënëk aŋ gër yeŋ ir Yurëdeŋ, ko ŷend gër ladawe gër ed baŋo ŵëland Angoc Amënëk aŋ.
- ²Ata şabucara in xacërara këŋo eŋo yifa në bakey ofëxw onax. ŷoweŷ axo ŷamb bana Yesu bakey baŋo đek. And xucak aŋ, xor këŋo enjo eŋ.
- ³Aŋo sëka këŋo şabucara in, re ko: «Angëmëne Asëñiŵ ar Kaxanu ey, nëngwëtël ekaŷ elo ex gi eceŋar.»
- ⁴Yaka ko Yesu: «Ga ŷëgw këni: “Ala an axo điyand na gë eyamb ŷamb fo .”»
- ⁵Şabucara in ŵëla këŋo në er ŷaŋ, do ŵasin këŋo aŷand đek owun or gër ebar oŋ,
- ⁶do fel këŋo: «Ayël këmi yël owun or owar oŋo ol, gë enjaran endebën ak đek, gayik wëno fëxwën këne do ar ŷandi ke yo këmo yël.
- ⁷Awa angëmëne aŵa ŵa këŷ ey poxi gër lëngw iram, wëj kë xwën đek ako.»

⁸Yaka këno bëte Yesu: «Ga yëgw këni: “Axwën Kaxanu gabat ex mopëb do gër lëngw irexëm fo yäpëk epxi ed cale el!”»

⁹Şabucara in wëla këno bëte Yesu gër Yerusalem. Ga xwët këno yañ gër ejur ed Aciw and Kaxanu, re ko: «Angëmëne Asëniw ar Kaxanu ey, dāpayal. Ax gi ex na nde aëgw yëgw këni:

¹⁰“Kaxanu afel këbi fel omeleka odexëm ok eni nëkōna do eni kaka,

¹¹gë otaxan odebën ok këdi këy lapa në ekaỹ.”»

¹²Yaka këno bëte Yesu: «Ga yëgw këni bëte: “Axo gi ex na mondi atëy Kaxanu, Axwën arey an .”»

¹³Ata na şabucara in ga xacërara këno mondako ejo yifa Yesu, nacëta këno do ko şenind amëd acëxe.

End Yesu gër ebar ed Galile eñ

¹⁴Ga xucak ejo, Yesu wāyi ko gë panga ind Angoc Amënek in, ata wëlik oñac orexëm ol ðek ebar ed Galile el.

¹⁵Año yāna ko këbi sëy'alirand gër baciw bacaleya bandebën do bela bën ðek baño şëkwënd.

¹⁶Ata akey amat, Yesu baka ko gër ingol ind Nasaret, gër ed raf ko. Do ang wër baño ak, ye ko gër aciw acaleya, yatir akey and eteyëta; ata fel këno exo kani ebi pënën.

¹⁷Fëxwën këno akayëta and ala wënel Esayi añ, and lëkwët ko añ ko fënënd gër ed rek:

¹⁸«Gë Angoc and Axwën añ yëm këme gayik mëñ sana ke mëni nangën Atëfëtan añ bëxa yëanaxik bën. Mëñ la wënegu ke mëni pelëra mëne: bër ex okadëp bën asebet kënebi sebet; bëşi wëk bën awatëra këni watëra; bër kënebi wënarand bën aracët këbi racët.

¹⁹Mëñ la wënegu ke me pemëra mëne dohijo yanak oyekax or Axwën olo .»

²⁰Ga hata ko opën ok, lëkw ko akayëta añ, wāş këno a wëxëta an, do yëpa ko. Ata aciw acaleya añ ðek faß këno mëñ fo.

²¹Año re ko: «Oñëgw Omënek od fënën këmun oko, dorō dëñ hatak.»

²²Bën ðek bax rey and end osede orexëm eñ ga këni wël benjekax bend baxo yey anënd beñ. A wëkar bani wëkarënd: «Ax gi ex na nde asëniw ar Yosef an ex?»

²³Barikan Yesu re ko: «Dal ex mëne wën axwitan këne xwitan eyey an ed orenik ed rek: “Wëj axora an pakënayayind gë andey” Bëte afel këne fel me di becarax gër angol and raf këme ro ang wël kën këme rind gër Kafarë nawum ak.»

²⁴Ata re ko bëte: «Dal in këmun felënd, ala wënel ar Kaxanu an, gër ed rëw këno fo bayik ano pëbënd na.

²⁵Dal in këmün felënd, amëd and ebaxo Eli alaŵënel ar Kaxanu gër ebar ed Isërayel aŋ, bon ŷëmb bani bësoxari bësebëta sebëta bën. Ga rik bëniy bëtas gë opacaŵ ocongibat tëb ax tëb ex na, ata wëcan këbi enjo eŋ.

²⁶Barikan, Kaxanu seb këbi dek bësoxari bëjo, laŵën këŋo Eli në asoxari ar lëg bax gër Sarepëta, gër ebar ed Sidoŋ.

²⁷Bëte angwën and ebaxo Elise alaŵënel ar Kaxanu gër ebar ed Isërayel aŋ, mbaŋ ebani bëla bër gë amey bën. Barikan Namaŋ gaŋat fakën baŋo, xarak gër ebar ed Siri xaniw baxo.»

²⁸Ga wël këni eyeyan elo, dek aciŵ acaleya aŋ logën këbi.

²⁹Xani këni gwaŋ, do ŝonjorëra këno Yesu fac-fac. Nëcët këno angol and Nasaret aŋ xali gër engeŵ eno pimëx.

³⁰Barikan, and ťateli këno aŋ, Yesu xwëŝa ko. Ata ang fur bano ak, borëta këni, xuca ko mërëxand do kwël ŷe ko.

End ar gë bëyël eŋ

³¹Yesu ŝëla ko gër Kafarënowum, angol acëxe and gër ebar ed Galile. Ata yatir akey and eteyëta këbi sëyalirand bëte bëla bën.

³²Gër oŵëkw babi lëkënd osëyali orexëm ol gayik gë panga baxo yeyanënd.

³³Yatijo ar gë bangoc bañëŋëxax ŷow bax na gër aciŵ acaleya. Sam ga wat këŋo Yesu, bangoc bañëŋëxax baŋ xeŷ këni:

³⁴«Xey Yesu Ibënasaret, ineŵa yir këbo? Ba eyëbo nemin nde ŷow këy? Aye nang këmi mëne wëj ex Aŵënek ar Kaxanu an!»

³⁵Ata Yesu xeŷëxaxën këbi bangoc baŋ: «Cësinayin, ado canin gër ala ajo!» Ata bangoc bañëŋëxax baŋ reba këno ala ajo mërëxand ir amëxwër do kwël ŝan këni, bari ano tembaŷën bana.

³⁶Ata aciŵ acaleya aŋ dek ŝarandëra këbi xali xurik, do këni wëkarënd: «Endey end fex ngwa ex eŋo? Gë or gapak, do gë panga këbi felënd bangoc bañëŋëxax baŋ eni di er ko re in, do kwël këni ŝanënd.»

³⁷Ata bëla bën dek këni xanarërand end Yesu eŋ dek ebar ed Galile el.

End epakën ed bëŝëxwëra eŋ

³⁸Ga ŝan ko na gër aciŵ acaleya, Yesu ŷe ko gër Simoŋ Piyer bën. Sëk këŋo aŷaraw isoxari ar Simoŋ Piyer ga ŝëxw këŋo. Wëka këno ataŋ Yesu eŋo pakën.

³⁹Ga rëngw ko Yesu gër ed laki baxo, xeŷëxaxën ko acëxwël aŋ. Ataŋ fak ko do kwël xani ko ebi dëba.

⁴⁰Ga ŝëlak eñan eŋ, wëlaraw kënebi na gër Yesu dek bëŝëxwëra bën, do oŝëxwëra or ex yo afak bani fakënd and këbi hëmba aŋ.

⁴¹Bëte bëyël bax şanënd na gër bela do bani xeÿënd: «Wëj ex Asëniw̄ ar Kaxanu an.» Barikan Yesu axeÿënaxën babi xeÿënaxënënd do ababi seb na eni yey'an gayik anang nang bani mène mëj ex Afexën an.

⁴²And wecak aŋ, Yesu şan ko do nacëta ko në er tēb. Ata ga barërëgu këni bela bën bamëxwër, bamëxwër, këno şalarand xali şanan këno. Er ÿandi babi eno dëkaya na këdi ko y'e ebi teb.

⁴³Barikan mëj yaka këbi: «Aÿap ÿapëk me y'end bëte mëni nangëndërax Atëfëtan and owun or Kaxanu aŋ gër bangol bacëxe gayik eŋo lawënaxënegu ke Faba.»

⁴⁴Mondako baxo femërand Atëfëtan aŋ gër baciw̄ bacaleya band Bëyude.

Luk 5

End bësëfan bënax bëyanar eŋ

¹Akey amat, Yesu babi sëyalirand amëxwër aŋ ler gër anjer and Genesaret. Bela bën ga xeta këno gër obaxët or eyey'an ed Kaxanu, këni fimërërand.

²Ata Yesu wat ko bökuluŋ bëki gër bëña. Ecede feda bani bësëpët bër oxan bën do bani wësëtërand owën orebën oŋ.

³Ga fëra ko polo gër ikuluŋ ind xwën baxo Simoŋ, xara këŋo exo nacëta tēkër ebar el, gand etiw̄ax. Ata ÿëpa ko, do këbi sëyalind amëxwër aŋ.

⁴And ĥata ko aŋ, fel këŋo Simoŋ: «Mëlal ikuluŋ iŋ gër etiw̄ax en đap owën oŋ ata kënëbi sëra oxan ol.»

⁵Yaka ko Simoŋ: «Asëy'ali, biyi wec lapëra këmi, ÿowëy' amo cëpët ex na. Barikan gayik wëj rek alap këmi lap owën oŋ.»

⁶Ata ga lap këni, sëra kënëbi oxan ol xali kë ĥesind owën orebën oŋ.

⁷Lambaca kënëbi bęcandaw̄ bëndebën bën eni y'ow enëbi dëca gë ikuluŋ icëxe iŋ. Oxan ol fëxw këni gër bökuluŋ bëki xali kë rëmbënd men oŋ.

⁸Ata Simoŋ Piyer ga wat ko eŋo, şëpëta ko. Ga foxi ko gër lëngw ir Yesu, re ko: «Axwën, inew̄a sëkaxënëgu këy'e wëno awendëran ajo?»

⁹Anjiÿ aŋ lëk babi Simoŋ gë boşandaw̄ ga wat këni ang ÿëmb bani oxan or sëra kënëbi ak.

¹⁰Mondako fo bax end Şak do gë Şaŋ eŋ, bosëniw̄ bor Sebede bën, bër bar bani andiyen amat gë Simoŋ Piyer bën. Ata Yesu fel këŋo Simoŋ Piyer: «Kërey' yëdara na, gërëgako abar ar bela këy' hi!»

¹¹Ata ga şëpët këni bökuluŋ bën gër ebar, sebëra këni na đek gër bëña, do kwël sëf këno Yesu.

End ar gë amey' eŋ

¹²Akey amat, Yesu bax y'end në angol. Ata fed këni gë ala ar gë ameỹ. Ala ajo foxi ko gër lëngw irexëm, šale ko mondako: «Axwën, ga ỹandi ỹandi ki axor këỹ xor eỹe mënën me pak.»

¹³Ata Yesu ga yën ko ataxan aŋ, hëmba këŋo, re ko: «Awa aŋandi wa ỹandi ke, mënël!» Ataŋ šan këŋo ameỹ aŋ.

¹⁴Yesu xëŋa këŋo mondako: «Ala këreỹeŋo pel na de eŋo. Barikan y'el exi nëkon ašadaxan an. Bëte diyid' šadaxa ir ewunëtan in ang rek acariya and Moyis ak, eni nangëraxën bela bën osede oreỹ ol.»

¹⁵Ata oŋac or Yesu ol wëlik kaš-kaš, do bela bën bamëxwër bamëxwër bani barërend: bëjo bër obaxët, bëjo bëšëxwëra bër kë šaland eni pak.

¹⁶Barikan Yesu mëŋ ed timëriŋ el baxo nacëtand exo calex.

End aseŋik eŋ

¹⁷Akey amat, Yesu babi sëyalirand bela. Gër bër baŋo faxëtënd, ofariseŋdo gë bëšalen yëpara bax na. Bër obaxët bën dek, er xaniraw bani: bëjo gër bëngol bënd gër ebar ed Galile, bëjo gër bënd Yude, xali gër Yerusalem. Gë panga ind Axwën Kaxanu iŋ babi fakëndërand.

¹⁸Ata hatëgu këni na bela bër wëlaw këŋo aseŋik në angaw̃. Er bani šaland eno dën lëf gër aciŋ and hi baxo Yesu, do eno kwëtina gër lëngw irexëm.

¹⁹Ga šënd këni bela bën gër ebët, wëlan këbi ang këno lën ak gër ed hi ko Yesu. Ata sënga këni yaŋ gër ejur ed aciŋ, do yëla këno gë angaw̃ ak aseŋik an, mërëxand ir amëxwër, gër lëngw ir Yesu.

²⁰Ga wat ko Yesu ang xwëta këno bela bëjo ak, fel këŋo aseŋik an: «Wëno anëka seban këmi bamena bandeỹ baŋ.»

²¹Bëšalen bën do gë ofariseŋ ok ga wël këno, këni nëkënëkarënd: «Noŋo ngwa hi ko ar këŋo širënd Kaxanu ajo? Noŋo xorëk eteban ed beñëŋëxax el ang ax gi ex na Kaxanu gabat?»

²²Ga nang ko Yesu ang bani yëland bëšalen do gë ofariseŋ ak, wëka këbi: «Ineŋa kën yëlaraxënënd mondako gër oŋëkw orewën?»

²³Ineŋa saxëk, me de: “Anëka seban këmi bamena bandeỹ baŋ nde”, ba me de: “Kanil eỹ y'exëra nde?”

²⁴Awa, en nangaxën mëne wëno Asëniŋ ar ala an ašot šot këme or gapak or eteban ed beñëŋëxax ol gër ebar ro, këmo felaxënënd aseŋik ajo: “Kanil eỹ međ angaw̃ andeỹ aŋ, eỹ maŋi!”»

²⁵Ata na dëŋ aseŋik an xani ko xwiriš, lëkw ko ebën ed lakixën baxo el. Ga ko ŋaŋi, këŋo šëkwaxënd Kaxanu tar fëña in.

26 Bela bër ebax na bën dek, ga xap këbi anjiŷ aŷ, këno šëkwand Kaxanu këni rend: «Awa biyi ecede këne watënde becaraxik bendako rako beŷ dorol!»

End Yesu do gë Lewi eŷ

27 Ga xucak eŷo, Yesu šan ko na gër ed ebaxo, ata wat këŷo asëf ar šagale, ar bano wacënd Lewi, ga ŷëpa ko lëf gër aciw and bësëf bër šagale. Ata fel këŷo: «Wëj, tëfëguye!»

28 Lewi xani ko, seb ko dek na, do kwël sëf këŷo.

29 Lewi rin këŷo Yesu ofëna osëm gër iciw indexëm. Bësëf bër šagale bëranjëm do gë bela bësëxe ŷowëraw këni do ŷëpara këni gë Yesu gër eyambëran.

30 Ata ofariseŷ ok do gë bësälën bërebën bën ga ŷow këni gë oxoŷ fo na, kënebi hëbandërand bësëfan bër Yesu bën: «Wën ineŷa kën ŷambëraxënënd do kën šëbëraxënënd gë bësëf bër šagale bën do gë bëwendëran bën?»

31 Yakaw këbi Yesu: «Bësëxwëra bën kë ŷend gër axora, ax gi ex na bëbëngw bën.

32 Wëno bëwendëran ŷow këme mëni pel eni nëngwët ola orebën ol, ax gi ex na bër šenene.»

End etiwi eŷ

33 Ofariseŷ ok do gë bësälën bën re këni: «Bësëfan bër Šaŷ Batis bën do gë bërebi bën laŷ këni siwïnd bëte ašale këni šalend. Barikan bësëfan bërey bën nambëran do gë ošëb fo xwënda këni.»

34 Yesu yaka këbi: «Wën axor nde kën xor enëbi tiwïn ofawo od šambenjar ir kë ŷërënd ok yatir ekana?

35 Aŷow kë ŷow bakey band këni šapër baŷ, amëd aŷo këni siwï.»

36 Ata re ko bëte Yesu gë apënëtal: «Ala ax ŷesand na anjëm angašax exo kađaxën na akarëk këdi kë hësi kaš-kaš aŷ. Ado anjëm angašax aŷ ax nãpënd na ekađ ed në akarëk el.

37 Bëte ala ax cëlënd na ngoy ingaf në bamote bakarëk. Angëmëne ala exo di mondako, ngoy ingaf iŷ afëtin kë fëtin bamote baŷ and kë ŷënënd aŷ, ata ex đexira, do bamote baŷ ex nëxenara.

38 Në bamote bangašax ŷapëk mocël ngoy ingaf iŷ.

39 Ala aŷo nëwãna na ngoy ingaf iŷ and ko sëyï iñënëk aŷ. Ata ko re: “Iñënëk iŷ nëngak”.»

Luk 6

End akey and eteyëta eŷ

1 Yesu gë bësëfan bërexëm bën bax xucand në ocënga yatir akey and eteyëta. Ata bësëfan bën këni wišand banjëra baŷ, këni boxoxind do këni ŷakënd.

²Ofariseŋ odëmar wêka kënëbi: «Ineŵa kën rixënënd er bayik ax ñap ex na yatir akey and eteyëta in?»

³Yakaw këbi Yesu: «Wën an pën ex na nde er ri baxo Dafid in and šopar babi enjo mënŋ gë bër enga endexëm aŋ?»

⁴Ax gi ex na nde alilën lilën baxo lëf gër Aciw̄ and Kaxanu, wëdëgu ko mburu ind aŋi ñap bana eni yamb in, šet këbi do yamb këni bën dek xarak bëšadaxan bën fo yap babi eyamb el?»

⁵Re ko bëte Yesu: «Awa nangin mëne wëno Asëniw̄ ar ala an ex axwën ar akey and eteyëta an.»

End ar gë ataxan ateyik eŋ

⁶Ĥatëguk bëte akey and eteyëta acëxe, Yesu ye ko gër aciw̄ acaleya, këbi sëyalirand end Kaxanu eŋ. Ar gë ataxan and liw̄ ateyik yow bax na.

⁷Ata bëšalen bën do gë ofariseŋ ok këno sitinalind Yesu ba afakën këŋo fakën ala ajo gë akey and eteyëta aŋ eni cotaxën end këno nagašanaxën.

⁸Gogo nde ga wata ko Yesu ang bani yëland ak. Fel këŋo ar gë ataxan ateyik an: «Wëj kaniw ey kwëša mërëxand ro!» Ata xwiriš ala ajo, xwëša ko.

⁹Ata re ko Yesu: «Baxëtin mun mëka. Ineŵa yapëk yatir akey and eteyëta? Edi ed enjekax nde, ba edi ed eñëŋënax nde? Epexën ed ala nde, ba eŋaw̄ ed ala nde?»

¹⁰And nëkon këbi jey aŋ, fel këŋo ar gë ataxan ateyik an: «Yënël ataxan aŋ!» Ga yën ko, fakëk ataxan aŋ ataŋ.

¹¹Ga xoŷ këni na bëšalen bën do gë ofariseŋ ok, këni xanarënd ang këno ri Yesu ak.

End bësëfan epëxw gë bëxi eŋ

¹²Bakey baŋo, Yesu ye ko yaŋ në etënd eŋo calex Kaxanu, ata šale ko wec.

¹³Gëbër, wac këbi bësëfan bërexëm bën, do yata këbi epëxw gë bëxi eni gi oparëxanda odexëm.

¹⁴Bër yata babi bën ebani: Simoŋ ir nëngwët baŋo Piyer, do gë abinëm Andëre. Šak do gë Šaŋ, Filip do gë Barëtelemi.

¹⁵Maco do gë Toma. Šak, asëniw̄ ar Alëfe, do gë Simoŋ, aŋer an.

¹⁶Yud asëniw̄ ar Šak, do gë Yuda Isëkariyot ar lëxw baŋo Yesu an.

¹⁷Ata Yesu sëfër këni acëla-šëla gë bën xali në eŋar, gër ed barërëgu bani amëxwër atëm and bësëfan bërexëm do gë amëxwër and bër xaniraw bax gër ebar ed Yude, gër angol and Yerusalem, xali gër bëŋa ir angwëngw, ler gër owar or Tir do gë Sidoŋ. Er yowëraw bani gër Yesu: bëjo bër obaxët, do bëjo bëšëxwëra bër bax šaland eni pak.

- 18** Afak bani fakënd bëte bër bax sorond në end bangoc bañëñenax band lil babi bën.
- 19** Amëxwër aŋ dek bani şaland eno kwixwëta Yesu gayik panga bax şanënd gër ndexëm do babi fakënënd.
- 20** Yesu ga fab këbi bësëfan bërëxëm bën, re ko: «Nëngandërayindëleŋun wën bër sitarak gër onden bën, gayikwa wën xwënëk owun or Kaxanu ol.
- 21** Nëngandërayindëleŋun wën bër këŋun y'ambënënd gërëgako enjo bën, gayikwa aŋwed kën wëd. Nëngandërayindëleŋun wën bër kë sesërand gërëgako bën, gayikwa gër onënga kën hi.
- 22** Nëngandërayindëleŋun ado enun şus bela bën, ado enun ŋwayërand aŋ, ado enun cirërand aŋ, ado enun beşërand në end oŋac orewën or këni yëland oŋëñenax ex, në end ga xwëta këne wëno Asëñiŋ ar ala an.
- 23** «Nëngandërayindëleŋun and kënun rixërand Bëşëwif aŋ, mandërayindën onënga ol gayik amaşën atëm kën sëkëx y'aŋ gër orën. Enimin bëxarëk bërebën bën mondako banëbi rixërand bëlaŋwënel bër Kaxanu bën.
- 24** Wën bër gë napul bën, aŋun ye ex na! Gayik anëka şot kën apexa andewën aŋ, do and gër ebar ro fo ex!
- 25** Wën bër wëdek gërëgako bën, aŋun ye ex na gayik axor këŋun xor enjo eŋ! Wën bër kë lepërand gërëgako bën, aŋun ye ex na, gayik ang bër oŋaŋ fo kën yana en denitarand!
- 26** Angëmëne bër şus ke bën kënun şëkwënd, aŋun ye ex na! Gayik bëxarëk bërebën bën mondako banëbi şëkwënd bëlaŋwënel bënëgwëş bën!»

End bërangoŷëra eŋ

- 27** «Barikan baxëtın mun pel wën bër ke sëfënd bën: ŋanindënëbi bër xoŷër këŋun bën, dinindënëbi enjekax bër şus këŋun bën.
- 28** Calenindënëbi bër këŋun xarend bën, calenindënëbi bër këŋun şirërand bën.
- 29** Angëmëne ala exi cën gër aŋam and liŋ, bexënëlo and şame aŋ. Angëmëne ala exi kan acud anëngwën aŋ, tebënëlo gë atëm ak.
- 30** Ar ki xarand yo, yëlëlo, do and ko wëd ala er xwën këy aŋ, kërey kana na.
- 31** Ang këŋun yandind enun dinënd bela ak, wën bëte dinindëbi mondako fo.
- 32** Angëmëne eŋun balënd end bër këbi balënd endewën bën fo, enjekax end fe kënun wateli bela bën? Ax gi ex na nde bëwëndëran bën dëŋ mondako wata këni?
- 33** Angëmëne enëbi dinënd enjekax bër këŋun rinënd enjekax bën fo, enjekax end fe wa kënun wateli bela bën? Ax gi ex na nde bëwëndëran bën dëŋ mondako wata këni?

³⁴Do angëmene enëbi ñomëxënd bër kën yëland aŵaşën kënun ŵaşën bën fo, enjekax or fe kënun wateli bela bën? Ax gi ex na nde bëwendëran bën aŷomëxër këni ŷomëxërend bën bëte do këni ŵaşërend cey' gë cey'?

³⁵Barikan balindëleŷun end bërangoŷëra andewën eŷ, dinindënëbi enjekax. Ñomëxindënëbi bër an yëland na aŵaşën kënun ŵaşën bën. Angëmene mondako kën rind, bela bën ata këni nang mène wën obaŷ or Kaxanu, hi kën, mën ar hik y'aŷ aŷ. Bon kë xëbën amaŷën andewën aŷ, gayikako ata kën wëndër gë Ar-hik-y'aŷ an. Mën këbi rinënd enjekax eŷ bela dek, ado eni gi bër ano cëkwa na, ado eni gi bëxeŷax.

³⁶Ang nënga ko Faba Kaxanu ak, giyin wën bëte mondako fo.»

End kiti eŷ

³⁷«Ax gi ex na mokiti bela bën këdi këŷun xiti Kaxanu wën bëte. Ax gi ex na monëp bela bën këdi këŷun nëp wën bëte. Tebanindënëbi eŷun tebanaxën.

³⁸Yëlërayindënëbi bela bën enun yëlëraxënënd wën bëte. Gër amote and kën baxarand kënun ŷëlën: dëb, mocëŷi, do monexira. Gayikwa gë acariya and kënëbi sëy'inënd bela aŷ fo këŷun ŵaşën wën bëte.»

³⁹Ata Yesu fel këbi bëte apënëtal aŷo: «Aŷiŵëk axor nde ko xor eŷo das aŷiŵëk aŷandaŵ? Ax gi ex na nde bën tak kë lati polo në ambëxw?

⁴⁰Asëfan an aŷo kucand na onangëran ol sëy'ali arexëm an, barikan ar faŷëk etëy'a an gwër fo hi këni gë asëy'ali arexëm an.

⁴¹Ineŵa këy' nëkonënd atëxësëx and lëŷa këŷo abinëx aŷ, do këy' nemënd mène wëj yer xëcar in lëŷa ki?

⁴²Mondake wa këy' xorënd ey'o pel abinëx: “Ñëmël mi dëxëtën atëxësëx aŷ gër angës”, xarak wëj yer yëcar in lëŷa ki? Wëj aŷëŷënax ar kë laŷayand hi këy', dëxëtël wa pere yëcar ir lëŷa ki in ey' wataxën aye atëxësëx and gër angës and abinëx aŷ.

⁴³«Atëx anjekax ax gind na gë odëwëreŵen oŷëŷënax. Do atëx aŷëŷënax ax gind na gë odëwëreŵen ojekax.

⁴⁴Atëx and ex yo, gër odëwëreŵen odexëm kë hind monang. Ax gi ex na nde ondan oŷ ani kwëcand na në apeb? Bëte reseŷ in ani kwëcand na në atëx and gë odëmbën?

⁴⁵Ala ar ye këŷo onden an, emëkw edexëm el yek. Do ar ŷëŷën këŷo onden an, emëkw edexëm el ŷëŷënek. Gër etëy' ko nëcëtënd ala an er lëbëk gër emëkw in.»

End amatinali and baciŵ baki eŷ

⁴⁶«Ineŵa këne ŵacëraxënënd “Axwën”, “Axwën”, xarak an dind na er këmun felënd in?

⁴⁷Ar kë yow yo exo baxët eyeyan edam do exo dind ang re këme ak, afel këmun fel gë ar wëndër këni an.

⁴⁸Gë ar bayëk aciw wëndër këni: ga nac ko pere gër aparëfac xali siwëk, xwët ko oxaÿ orëda oñ. Ata and yowëk tëb añ, oÿëm ol yowëk, men oñ šëñëk aciw año, bari ax kor ex na ex ñam, gayik šenene bay ko.

⁴⁹Barikan ar kë baxët yo eyeyan edam do axo dind na ang re këme ak, er këni wëndër gë ala ar bayëk aciw andexëm gër ebar nacërëxe pere gër ed ko xwët oxaÿ orëda fo. Ata and yowëk tëb añ, oÿëm ol šëñëk aciw año: atañ wëcëk do yëcarëk dek.»

Luk 7

End xadëp ir emun end ocoroda eñ

¹Yesu ga ñata ko bend babi sëyalirand bulunda ir baño baxët beñ, wãÿi ko gër Kafarë nawum.

²Emun end ocoroda šot baño na xadëp ir šëxwëra bax mbañ, exo koti fo bayi bax, xarak mëñ momal baño balënd endexëm eñ.

³Emun eño ga wël ko mëne Yesu ñatëguk, lawën këbi bëxarëk bër Bëšëwif bën eno karaw exo yow eño pakën xadëp irexëm in.

⁴Bëxarëk bër Bëšëwif bën ga ñat këni këno xarand Yesu mondako: «Ajo aÿap ÿapëk eÿo din er wëka ko in!

⁵Ar ñanëk enëng endebi exo, mëñ bayën këbo aciw acaleya añ.»

⁶Ata Yesu sëfër këni kwël gë bën. Dam eni ñat gër iciw, emun end ocoroda eñ lawën këbi odawo odexëm eno kaca Yesu do eno pel: «Axwën, ine ngwa këÿ yowaxënëgund gë andey, axuri kë xuri ang këÿe fëb ak, ga lil lilëgu këÿ gër yangana iram ro.

⁷Mëñ bayik axe mëndan ex na me yeli gë andam gër ed hi këÿ. Barikan, yeyanël tuñ emat ata ko fak ariyenin aram an!

⁸Gayikwa wëno dëñ aña wa këme or gapak or bëlëngw bëram ol. Wëno bëte alëngw ar ocoroda hi këme do bën ari këni rind er këmëni felënd in. And këmo fel šoroda ibat: “Yel!” ata exo ye, bëte and këmo wac išëxe añ: “Yow!” Exo yow. And këmo fel ariyenin aram añ: “Dil ejo!” Exo di.»

⁹And wël ko Yesu eyeyan elo añ, nëngan këño end emun end ocoroda eñ. Ga šena ko gand amëxwër, re ko: «Ga re këme gër wën Bëÿisërayel elod amo wat ex na ar xwëta ke mondako!»

¹⁰Bër lawënëgu babi emun end ocoroda bën ga baka këni gër iciw, sëkëx këno ariyenin an ga fak ko šenene.

End ekanin ed ašësëk eñ

11 Ga xeyëk, Yesu ko y'end në angol and bani wãcënd Nayin. Sëfër këni gë bësëfan bërexëm bën, do gë amëxwër atëm.

12 And bani lil gër angol aŋ, fed këni gë enga end bela ga lëbi këno ašësëk ond gër edap oŋ. Ašësëk ajo, itox imat ind asoxari asebeta sebëta ebaxo. Ata bër lëg bax gër angol aŋo bën mbaŋ yëmb bani ga këno laŋëta.

13 Axwën Yesu and wat këno asoxari ajo aŋ, xaŷënan këno xali. Ata re ko: «Cësinal!»

14 And sëka ko aŋ, lëk ko epël el, ata xwëša këni bëlëbi bën. Aŋo re ko Yesu: «Ŝambenjar, ga re këme, kanil!»

15 Xani ko kwengweremët ašësëk an, do ko yey'andërand. Yesu wãš këno nëm.

16 Ata bela bën dëk lëk këbi anjiŷ atëm. Ga këno šëkw Kaxanu këni rend: «Alaŷënel asëm ŝanayaxëngu këbo. Kaxanu nëngaw këbo biyi bulunda irexëm in.»

17 Ata wëlik endey' eŋo, gë angol gë angol, dëk ebar ed Yude el xali yabët.

End bësëfan bër Ŝaŋ Batis eŋ

18 Ata Ŝaŋ Batis wël ko beŋo dëk ga sëfëtandëra këno bësëfan bërexëm bën.

19 Wãc këbi bësëfan bëxi do laŷën këbi gër Axwën Yesu eno mëkaw: «Wëj nde ex afexën ar kë y'owënd an? Angëmëne ax gi ex na wëj, mo cëni nde ašëxen?»

20 Ga ħat këni gër Yesu re këni: «Ŝaŋ Batis laŷënëngu këbo mi mëka ba wëj ex afexën ar kë y'owënd an, do ang ax gi ex na wëj, mo cëni nde ašëxen?»

21 Ata amëd aŋo dëŋ baxo rind Yesu becarax beŋo: afakën bëšëxwëra do gë bëseŷik bëranjëm; anëcët bangoc baŋëŋënaŷ gër bela; ašiwët bëšiwëk bëranjëm.

22 Yesu yaka këbi: «Gërëgako yeyin eno tëfëtaxënëx Ŝaŋ Batis bebër wateli këne bën, do gë bend wëleli këne beŋ. Pelëxëno mëne bëšiwëk bën në ewatëra exëni, bëseŷik bën në eyexëra exëni, bër gë amey bën në emën exëni, bapaxo baŋ në ewëlëra exëni. Pelëxëno bëte mëne bëšësëk bën në ekani exëni gër ecës do bëxaŷënaŷik bën në nang exëni Atëfëtan aŋ.

23 Awa nëngandëraleŋo ar bayik aŋo nöpëgënanand na endam an.»

24 Ga baka këni bërolaŷën or Ŝaŋ Batis bën, Yesu ko yey'anënd en Ŝaŋ Batis eŋ mondako: «Ine y'e ban en nëkonëgu gër ladawe? Andës and kë lëfërërirand ekoc nde?

25 Noŷo wa y'e ban eno nëkonëgu? Ar ŝudarak mokëbën gë banjëm banjekax nde? Ax gi ex na nde bër gë banjëm banjekax bën, bër betak bën, gër eyang ed emun hi këni?

26 Do noŷo wa y'e ban eno nëkonëgu? Ax gi ex na nde alaŷënel ar Kaxanu? Eyo ar watëgu këno an, nëmëc alaŷënel ar Kaxanu exo.

- ²⁷Endexëm eŋ yëgw këni gër akayëta and Kaxanu: “Nëkof në edëngwalilemo arolawën an Exi ŋacan fëña in .”
- ²⁸«Dal in këmun felënd, šëf gër bër rëw kënebi mondëw bësoxari, gabatak aŋo ñëmbëta ex na or gapak ol Šaŋ Batis. Barikan ar xurik ex ba gër owun or Kaxanu an xuca këŋo.»
- ²⁹Ata gër bulunda ir baxët baŋo, do gër bësëf bër šagale šanaya bax end šenene end Kaxanu eŋ, mëŋ bani y'exënënd gër ed exo Šaŋ Batis ebi buyix.
- ³⁰Barikan ofariseŋ ok do gë bësëy'ali bër acariya and Moyis bën, ga bani ħëpënd ebi buyi Šaŋ, y'epën këni mondako ang y'andi baŋo Kaxanu ebi pexën ak.
- ³¹«Gë noŋo këmëni wätinali bela bër gë okey oko bën? Gë noŋo ngwa wëndër këni?
- ³²Gë obaš or yëpak në yangana fo wëndër këni. Ga barëregu këni, imëxwër imat kënebi rend imëxwër icandaw in: “Farixën këmun acëroti aŋ, an mane na! Yëwën këmun ojëkan od oyaŋ, an tes ex na.”
- ³³Šaŋ Batis ga yow ko, abaxo y'amb na ecemar, abaxo šëb na ngoy, barikan wën re këno: “Gë bëyël exo.”
- ³⁴And yow këme wëno Asëniw ar ala an, këme y'ambërand, këme šëbërand. Barikan këne rend: “Ala aŋo ñambëran gë ošëb fo xwënda ko, lawo ir bësëf bër šagale do gë bëwendëran hi ko.”
- ³⁵Barikan gër bela bëŋo kën nangaxën mëne er y'andi këŋo Kaxanu in šenene ex gayik bën aŋa wä këni endam eŋ.»

End Yesu gër iciw ind fariseŋ eŋ

- ³⁶Fariseŋ ir bano wacënd Simoŋ in wac baŋo Yesu exo ye eni y'ambëra gër ndebën. Ata Yesu ħat ko, do yëpa këni gër ey'ambëran.
- ³⁷Asoxari awendëran ebax na gër angol. Ga wël ko mëne Yesu yowëk na gër iciw ind fariseŋ, wëlanëgu këŋo angiri në šëlakuŋ ir ekaŋ ed alëbatër.
- ³⁸Ga buka ko gand epoy' ed Yesu, ler gër osapar, ko sesënd. Ongwën oŋ kë šarënd gër osapar or Yesu or baxo wëgarand oŋ, do ko fëxwëcërand gë omban ondexëm oŋ. Axoš baxo xošënd bëte gë angiri in.
- ³⁹Ga wat ko eŋo, fariseŋ ir wac baŋo Yesu in, ko yëlarand: «Kido ala aŋo, alaŋwënel ebaxo, anang nang doxo mëne asoxari ar këŋo lëkërand an awendëran hi ko.»
- ⁴⁰Yesu re ko: «Simoŋ, yey' y'andi ke na mi mëka.» Yaka ko: «Oko asëy'ali, mëkale!»
- ⁴¹Re ko bëte Yesu: «Mondako ri bani bela bëxi ga yomëxa këni kodî. Aŋanar an wëd ko batama keme band kodî, axinëm an batama ofëxw oco.
- ⁴²Ga sëkwan këni bën tak bëxi eni maš in, ar yomëx babi an seban këbi. Awa gër bela bëxi bëŋo, noŋo wa këŋo ħan nëmëc ar ebax eno maš kodî an?»

⁴³Yaka ko Simoŋ: «Yëla këme ar seban këŋo batama keme an.» Re ko bëte Yesu: «Ata ŝenene xiti këy!»

⁴⁴And ŝena ko gand asoxari aŋ, re ko: «Simoŋ, wat këy'o nde asoxari ajo? Gë ongwën ondexëm oŋ neŋ ko osapar oram oŋ, do fëxwëc ko gë omban oŋ. Bari wëj ay'e yële na men me nebara osapar oŋ and lilëgu këme ro gër iciw̃ indey' aŋ.

⁴⁵Bëte and ĥatëgu këme aŋ, ay'e kaca ex na ey'e mega. Barikan asoxari ajo, elod ga lilëgu këme axo teŋ ex na emegara ed osapar oram el.

⁴⁶Ogu ay' koŝ ex na gër gaf, barikan mëŋ angiri xoŝ ke gër osapar oram.

⁴⁷Ga re këme bamena bandanjëm seban këmo mëŋ këŋo balaxënënd mondako endam eŋ. Barikan ar seban këmo bamena ßapëñëfëne an, təkër fo këŋo bal endam eŋ.»

⁴⁸Yesu fel këŋo bëte asoxari an: «Anëka seban këmi bamena bandey' ßaŋ.»

⁴⁹Bër bani y'ambërand gë Yesu bën wël këni eyey'an elo do këni yëlarand: «Noŋo ngwa hi ko ar kë sebanënd beñëŋëñax ajo?»

⁵⁰Barikan Yesu fel këŋo asoxari an: «Ga xwëta këy'e, fexaxën këy! Maŋil gë emëkw ey'emax!»

Luk 8

End bësoxari bër enga end Yesu eŋ

¹Ga xucak eŋo, Yesu ko sëfërand gë angol gë angol, hik atëm, hik atil ko femërand do ko rey'arand end Atëfëtan and owun or Kaxanu eŋ. Enga emat hi bani gë bësefan epëxw gë bëxi bën,

²gë bësoxari bër fakën babi ga nęcët këbi bëyël bën do gë ocëxwëra ok. Asoxari aŋanar aŋ ebaxo: Mari ir bano w̃acënd bëte Madëlen ata gër ndexëm nęcët babi Yesu bëyël bëcongëbëxi.

³Asoxari axinëm an bano w̃acënd Yowana, alindaŵ ar Cusa, aŵëxëta ar kodı ir Erod an. Asasën an, bano w̃acënd Sisan do gë bësoxari bëranjëm bër bax w̃ëlagund bacota bandebën eno dëcaraxënënd Yesu.

End apënëtal and ar oned eŋ

⁴Ata amëxwër atëm ßarëreŋu këni gër ed hi baxo Yesu, ga xaniraw këni gër ßangol bandanjëm. Ata Yesu fel këbi apënëtal aŋo:

⁵«Mondako ri baxo ar oned ga nëca ko gër oŝënga. Ga ko fan enedä eŋ, mar lapak gër fëña, bela bën wëñëra këni, do oŝël or gër orën ol hël këni dek.

⁶Bëte mar lapak gër ebar ed gë aparëfac. And lëgëk aŋ ĥayëk gayik obar ok ax ñëmb bana.

⁷Bëte mar lapak gër odëmbën. And lëgëk aŋ, odëmbën ok xëŝak tęc.

⁸Bëte mar lapak gër ebar ejekax. And lëgëk aņ, rafëk do rëwëk: anjëra amat keme.» Ga ĥata ko Yesu apënëtal aņo, re ko bëte: «Ax gi ex na nde đek fo wël kën, awa!»

⁹Ata wëka këno bësëfan bërexëm bën ebi paÿën apënëtal aņo.

¹⁰Yaka këbi: «Wën yël këņun Kaxanu en nang beconëson bend owun orexëm beņ. Barikan bësëxe bën gë bapënëtal këni wëlënd do ado eni nëkonënd, ani watënd na, ado eni baxëtënd abi pënind na gë tēkër ak.

¹¹Awa baxëtın er wacayak apënëtal aņo in: enedā eņ, eyey'an ed Kaxanu el ex.

¹²Fëña ir gër ed lapak enedā in ex bela bër kē wëlënd awël dëņ eyey'an ed Kaxanu el, barikan šabucara in exo yow exo dëxët gër owëkw orebën đek er wël kën in këdi këni wā do eni pex.

¹³Ebar ed gë aparëfac el ex bela bër sam eni wël eyey'an ed Kaxanu el eni kwëtaya gë onënga fo. Bari ani gi ex na gë odëmbët, er këni wānd amëd fo, do and kē ĥatëgu ocëmu aņ ataņ këbi šenand eni teb wap.

¹⁴Enedā end lapak šit gër odëmbën eņ exëni bela bër kē wëlënd awël dëņ eyey'an ed Kaxanu bën, barikan eni teb ocëmu ok, ocal od napul ok, do gë benëngax bend gër anıyan beņ ex kēša eyey'an elo. Ata er wël kën in ex tēkwān enëngwët ed ola orebën el.

¹⁵Enedā end lapak gër ebar ejekax eņ exëni bela bër kē wëlënd eyey'an ed Kaxanu, gë onden, do gë emëkw ejekax bën, eni kwëtaya aye do eni balëkënali šenene, eni đekaya xali ebi nëngwëtën ola orebën ol. Do and kē ĥatëgu ocëmu aņ, kemënali.»

End amatinali and lambo eņ

¹⁶«Ala ax pëtënënd na lambo do exo ŋob, ba exo đılali në angaw. Barikan y'aņ gër akaŋaya ko xaŋ ebi ŋobaxënënd bër kē lilënd bën.

¹⁷Mëņ ex, er šonayak ax bo na, er beņ ax bo na; đek kē xerët angoben aņ.

¹⁸Awa wën titınayındën ang kën baxëtënd ak, gayikwa Kaxanu ayël këņo yël ar šotëk an, bari ar ax cot ex na an, axan këno xan er xaÿ këņo in dëņ.»

End bobinëm bor Yesu do gë nëm eņ

¹⁹Nëm gë bobinëm bor Yesu ĥatëgu këni gër ed hi baxo. Bari ani kor bana eno tēka në end amëxwër and xeta baņo eņ.

²⁰Ata fel këno: «Nëkodëbi fac norix gë bobinëx, aÿandi yāndi këbi đe en watër.»

²¹Yaka ko Yesu: «Bër kē baxëtënd eyey'an ed Kaxanu do këni rind ang rek ak bën ex nëma iram do gë bëmaÿe bëndam beņ.»

End gër anjer eņ

²²Akey amat, Yesu gë bësëfan bërexëm bën fëra këni në ikuluņ, ata re ko Yesu: «Kegëtane anjer aņ!» Ata këni xegëtand.

²³Ga këni xas, Yesu këno rašënd. Ĥatëguk ekoc etëm do ikuluŋ in kë rëmbayand xali šerëcerara këbi bësëfan bën.

²⁴Ata këno nëngëtënd Yesu: «Asëy'ali, asëy'ali, enemilene!» Ga nëngëta ko, Yesu xeÿënaxën ko ekoc el do gë men ond bax xanind bomeŋ bomeŋ oŋ, ata yeriri anjer aŋ.

²⁵Ata wëka këbi bësëfan bën: «Ba wën xali gërëgako ane kwëta ex na nde?» Bën ga xap këbi anjiÿ aŋ, këbi šaranënd do këni wëkarënd: «Noÿo ngwa hi ko ala ajo? Ado ekoc el dën gë men oŋ ari kë rind er ko re in.»

End ala ar bëyël bëranjëm eŋ

²⁶And xegëta këni anjer aŋ, Yesu gë bësëfan bërexëm bën ĥat këni gër ebar ed Bëšerasa, ed fabër bax gë ed Galile el.

²⁷And baxo šëpëtand Yesu aŋ, asošan abat ko ŷowënd aped-fed ga xaniw ko gër angol. Ala ajo, bëyël bëranjëm lil baŋo, elod anëka fo hi baxo tëb gë eman eŋ, do gër banapëra rëfa baxo, axo bo bana në iciw.

²⁸And sëkar këni gë Yesu aŋ, ala ajo ĥer ko, lapaya ko gër osapar do ko rend: «Ineŵa yir këbo Yesu, wëj Asëniw ar Kaxanu an, mëŋ Ar-hik-ŷaŋ gër orën an? Axara xara këmi kërey'ëbo narën na!»

²⁹Yesu are babi rend bangoc bañëŋenax baŋ eni can gër ala ajo ado ga xëda bano elod anëka fo. Laŋ mopokëra bano fokërand gë gwey'ele-gwey'ele gër otaxan do gër osapar. Barikan dëng-dëng baxo xotërand do bëyël bën eno cëñëta gër apuÿ.

³⁰Ata Yesu wëka këno: «Ake këni wacënd?» Yaka ko: «Benga sir-sir këne wacënd.» Gayikwa, bëyël bëranjëm lil bax gër ala ajo mëŋ wacayaxën baxo mondako.

³¹Ata bëyël bën këno xarand Yesu kërebi cëñëta na gër ambëxw and siwëk gë etël këm.

³²Ler gër ed ebani na, bambëxwëbëxw bandanjëm banëbi xadacërand na kap gër etënd. Ata bëyël bën këno xarand Yesu: «Këla, cëñëtalëbo mëni d'il bambëxwëbëxw baŋo!» Ata wëa ko Yesu.

³³Bëyël bën ga šan këni na gër ala ajo, lil kënebi bambëxwëbëxw baŋ. Ata ang hi bani gër ed kwëre kwëre ak, lapaya këni gër anjer do noÿeli këbi dek kece in.

³⁴Bëxadac bën ga wat këni eŋo, šapërëra këni bër, do sëfëtërax këni endey' eŋo gër angol do gër ocënga.

³⁵Ata bela bën šandëra këni do ŷe këni gër onang, gër ed hi baxo Yesu. Ga ĥat këni, sëk këno asošan ar lil bano bëyël an moñëpa, ga šudara ko do bakar këno aye onden oŋ. Ata yëdara këni.

³⁶Bër wat bax endey' eŋo bën, fel kënebi mondake fak ko ar gë bëyël an.

³⁷Ata amëxwër and ðek Bêşerasa aŋ, wêka këno Yesu exo can ebar edebën el, gayikwa ðek ebani anjiŋ aŋ. Yesu fëra ko gër ikuluŋ do kwël këni wãŋind gë bësëfan bërëxëm bën.

³⁸Ata asoşan ar lil bano bëyël an xemëna ko këno xarand Yesu exo ma exo gi ar enga endexëm. Barikan Yesu hëp ko do yaka këno:

³⁹«Maŋil gër ekun edey eyëbi tëfëtandërax ðek er rin ki Kaxanu in.» Ga wãŋi ko ala ajo, ko sëfëtëraxënd ðek angol aŋ er rin këno Yesu in.

End endënaŋ do gë end asoxari eŋ

⁴⁰And bakaw ko Yesu ekeg elo aŋ, amëxwër atëm xaca këno gayikwa bën ðek baŋo şëhind.

⁴¹Ata hătëgu ko asoşan ar bano wãcënd Yayëros. Mëŋ alëngw ar aciŋw acaleya hi baxo. Ga lapaya ko gër osapar or Yesu, këno xarand exo ma eni tëfër gër ndebën.

⁴²Endënaŋ emat end şot baŋo eŋ şëxwëra bax mbaŋ xarak ecede baŋo sëkënd bëniy epëxw gë bëki. And bani y'end aŋ, amëxwër aŋ këno fimelirand Yesu xali şëndën këno.

⁴³Do asoxari ebaxëna şit gër amëxwër, ar baŋo y'exayaxënënd oşat elod bëniy epëxw gë bëki. Napul irexëm in faŋ baxo ðek gër bëxora, bari gabatak aŋo pakën bana.

⁴⁴Na nëfënëfa ko xali gër epoy' ed Yesu, do xwixwëta ko ambana and acud' andexëm aŋ. Ata xëdo këno oşat oŋ kwël na fo.

⁴⁵Aŋo re ko Yesu: «Noŋo wa xwixwëta ke?» Ga këni y'ax ðek bela bën, Piyer re ko: «Okò Asëy'ali, amëxwër aŋ ga xeta këni do këni fimelirand!»

⁴⁶Barikan Yesu yaka ko: «Ala xwixwëta ke na mëŋ nangaxën këme mëne panga indam şanëk na.»

⁴⁷Asoxari an wata ko mëne anëka dëŋ fëlët këno Yesu, sëka këno gë anjiŋ fo. Lapaya ko gër osapar orexëm, rey'a ko xali këno wëlënd ðek bulunda in në end ine xwixwëtaxën baŋo Yesu do ang fak ko ataŋ ataŋ ak.

⁴⁸Barikan Yesu fel këno: «Abiŋwën, ga xwëta këy'e fakaxën këy'! Maŋil gë emëkw ey'emax!»

⁴⁹Ga ko yey'an mondako Yesu, hătëgu ko ala ga hiw ko gër iciŋw ind alëngw ar aciŋw acaleya, ata re ko: «Awa anëka xor këno endënaŋ endey' eŋ, ine këy'o soroli mama Asëy'ali an.»

⁵⁰Barikan Yesu ga wël ko eŋo, fel këno alëngw ar aciŋw acaleya an: «Kwëtale afak ko fak, kërey' yëdara na.»

⁵¹And hăt këni gër iciŋw aŋ, Yesu, gabatak axo ma bana eni dıl gë mëŋ lëf gër ed ebaxo endënaŋ ang ax gi ex na Piyer, gë Şaŋ, gë Şak, gë sëm do gë nëm ir endënaŋ.

⁵²Bela bër yow bax na bën dek bax sesërand do bano yãwërand endënaŵ eŋ. Ata re ko Yesu: «Këren tes na, axo cës ex na, araš fo raš këŋo.»

⁵³Ata bër wël bax bën këno yepënënd ga nang këni mène endënaŵ eŋ ašës dëŋ šës ko.

⁵⁴Yesu lëk këŋo gër ataxan do xeŷ ko: «Abiŵën, kanil!»

⁵⁵Ga bakar këŋo onjën oŋ, ataŋ xani ko kwengweremët. Yesu re ko eno yël eyamb yamb.

⁵⁶Bëxarëk bër endënaŵ bën šaran këbi xali. Barikan Yesu fel këbi eni cësinali eŋo do ala këreno pel na.

Luk 9

End epemëra ed bësëfan epëxw gë bëxi eŋ

¹Akey amat, Yesu wac këbi bësëfan epëxw gë bëxi bën do yël këbi panga in do gë or gapak or enëbi ŋwayaxënënd dek bëyël bën do enëbi pakënxënënd bela bën ošëxwëra or ex yo.

²Laŵën këbi eni pemërand end owun or Kaxanu eŋ do enëbi pakënënd bësëxwëra bën.

³Ata re ko: «Gër ed kën y'e yo, yoweŷ këren mëlalind na: ax gi ex na ošët, ax gi ex na ambaš, ax gi ex na šëlafana, ax gi ex na kodî. Bëte këren mëlalind na ala kala bacud baki.

⁴Gër iciŵ ind kën ĥat do enun kwëtaya yo, bayiyindën na xali yatir kën xuca.

⁵Gër ed këni ĥëp enun kwëtaya, pëxwëcayindën obar od lëka këŋun gër osapar ok en kucaxën, ata kë hi osede or këbi šëndënëd bela bëjo.»

⁶Ga y'e këni bësëfan bën, këni femëraxënd Atëfëtan aŋ, gë angol gë angol, do kënebi fakënxënd bësëxwëra bën gër ed këni y'e yo.

End Erod eŋ

⁷Erod ir wun bax gër ebar ed Galile, awël baxo wëlënd dek bebër bani rind Yesu gë bësëfan bërexëm bën. Ata wëlandëra këŋo gayik bela bën are bani rend mène Šaŋ Batis xaniwëk gër ecës,

⁸bëjo mène alaŵën Eli bakawëk. Bëjo bëte mène alaŵënel abat ang ebani akarëk ak, xaniwëk gër ecës.

⁹Barikan Erod re ko: «Wëno ga fodëtën këŋo wa gaf in Šaŋ Batis. Do noŷo cëŋ ex ar kë rind bend këme wëlënd beŋo an?» Ata ko šaland eŋo wat Yesu.

End eñëmbën ed mburu eŋ

¹⁰Oparëxanda od y'e bax ok ga bakaraw këni gër Yesu, sëfëtandëra këno dek bebër riw bani bën. Ata wëla këbi në er këni hix bën fo, ler në ingol ind bani wacënd Betësayida.

¹¹Barikan bela bën ga nangëra këni, sëf kënebi bamëxwër bamëxwër. Yesu ga xaca këbi, këbi felërand end owun or Kaxanu eñ do këbi fakënënd bër bax şaland eni pak bën.

¹²Apenëka añ, bësëfan epëxw gë bëxi bën xeta këno Yesu do re këni: «Pelalëbi tan bela bën eni capërëra gër bëngol do gër ocënga od ler ler ro eni calarax në er këni laki do er këni yamb gayik ro gër ed hi këne apuỹ ex.»

¹³Yesu yaka këbi: «Yëlinëbi wën dëñ er këni yamb in!» Re këni bëte: «Biyi bamburu banjo gë oxan oxi fo şot këmeni! Angëmëne cëñ ay'e këne yeye ene yëcuye er këni yamb dek bulunda ijo in.»

¹⁴Xarak er hi bani bësoşan bën fo në owëli oco. Ata Yesu fel bësëfan bërexëm bën: «Pelinëbi eni nëpara imëxwër kala bela ofëxw oco.»

¹⁵Ga ri këni mondako bësëfan bën, bela bën yëpara këni dek.

¹⁶Yesu wëd ko ñat bamburu banjo bañ do gë oxan oxi ol, ga xeña ko orën ol, şëkwa këño Kaxanu end eyamb yamb eñ. Hëmbëndër ko bamburu bañ do yël këbi bësëfan bën enëbi cetëra amëxwër añ.

¹⁷Na yambëra këni xali wëd këni bën dek. Bësëfan bën wëdara këni bacaxaken band bayitara babi bañ, bakange epëxw gë baki.

End osede or Piyer eñ

¹⁸Akey amat, Yesu ga ko şalera nacët ako, bësëfan bërexëm sëf këno. And ñata ko cale añ, wëka këbi: «Noỹo hi këme wëno? Ine wëleli kënebi bela bën?»

¹⁹Yaka këno: «Bërëmar are këni rend mëne wëj ex Şañ Batis! Bëjo, wëj ex Eli, bëjo bëte ala wënel ar Kaxanu ar yow bax akarëk añ do xaniw ko gër ecës hi këy.»

²⁰Wëka këbi bëte: «Do wën cëñ, noỹo kënd rend hi këme?» Yaka ko Piyer: «Wëj ex Afexën ar la wëneliw këbo Kaxanu an!»

²¹Ata Yesu ga xëña këbi, re ko mëne ala këreno pel na eño.

²²Baş ko mëne mëñ Asëñi w ar ala an, asoro ko soro mbañ, eno cus bëxarëk bër Bëşëwif bën, gë bëşadaxan bëlëngw bën do gë bëşalen bën xali eno daw. Barikan exo kani gër ecës yatir akey atasën.

²³Fel këbi bëte bën dek: «Angëmëne ala eño yandi exe tëf, tebëlexo ebal ed gaf irexëm fo el. Gilexo key yo key a wëlëk ar exo toro në end o wac oram do exe tëf.

²⁴Ar këño bal yo end enjëw endexëm fo, anemin ko nemin. Barikan, ar kë nemin enjëw endexëm në end o wac oram an, afexën ko fexën.

²⁵Do ineŵa këŋo feca ar kë ŝotëra ðek bebër gër ngwën ro an, xarak anambëra nambëra ko, do enjẽw endexëm eŋ ex nemi?

²⁶Enimin, ar këŋo ŝëfënan yo endam, do exo ɲëp er re këme in, wëno Asëniw ar ala an mondako fo ke ŝëfënanëd endexëm eŋ yatir këme bakaw gë enjaran endam eŋ, gë end Faba Kaxanu eŋ, do gë end omeleka omënëk eŋ.

²⁷Dal in këmun felënd, wën bër hik ro bëjo, bërëmar ani cësëra na watërëxe owun or Kaxanu ol.»

End enëngwëtara ed Yesu eŋ

²⁸Ata xucak bakey banjongëbatas ga felëra këbi beŋo, Yesu wac këbi Piyer, gë Ŝak, do gë Ŝaŋ eno ðaŋëta y'aŋ gër etënd exo calex.

²⁹And baxo ŝalend aŋ, dëxas irexëm in nëngwëtak. Banjëm bandexëm baŋ fešëk xali kë yëgënd jing-jing.

³⁰Ata ŝanayaw këni bela bëxi, do këni yey'andërand gë Yesu: Moyis do gë Eli ebax

³¹gër enjaran do këni xanarënd gë Yesu end ecës ed baŋo hatënëgund gër Yerusalem eŋ.

³²Amëd aŋo Piyer gë boŝandaŵ ðek ebani akwëd aŋ. Bari abi daŝ bana ga ŝanayawëk enjaran end Yesu eŋ xali wat kënebi bela bëxi bër bërëxandi baŋo bën.

³³Ga këni felar Yesu gë bela bëxi bëjo, Piyer re ko: «Asëy'ali, bon yek ene bayiye ro! Dine baner batas, amat andey', aŋo and Moyis do aŋo and Eli.» Piyer axo nang bana er baxo rend in.

³⁴Ga ko yey'an mondako, fedawëk aŋar do lab këbi kwëc. Ata bësëfan bësas bën ðek ebani anjiy aŋ ga labeli këbi aŋar aŋ.

³⁵Gër aŋar aŋo wëlik oniŵ: «Ajo ex Asëniwën ar yata këmo an, baxëtindëno!»

³⁶And ŝësinak oniŵ aŋ, Yesu bayi ko gabat. Ata bësëfan bën ŝësinali këni endey' eŋo do gabatak ano pel bana bakey band bëtëraw bax baŋ.

End lëmëta ir gë bëyël eŋ

³⁷Ga xeyëk, Yesu gë Piyer, gë Ŝak, do gë Ŝaŋ këni ŝëland etënd el, ata amëxwër atëm and bela xaca kënebi.

³⁸Gër amëxwër aŋo, xeÿëgu ko ala: «E, Asëy'ali, kaÿënanëlexi lëmëta iram in, mën fo ŝot këmo.

³⁹Angoc añëŋëanax lil këŋo. And ko ŝangëna aŋ, lëmëta in exo ɲer xali, exo wëc, exo ɲatëndërend oÿënga oŋ gë ocupërëšup ok gër etëy. And këŋo narëndëra mondako aŋ, mbaŋ kë nekand eŋo kocaxën.

⁴⁰Axara xara këmëni bësëfan bërey' bën eno ɲway angoc añëŋëanax aŋo, bari ano kor ex na.»

⁴¹Ata re ko Yesu: «Ata wën anjex and bela bër gë oñpëgënan hi kën de. Xali niye fa këme bayi gë wën? Xali niye fa këmun buñan? Mëlawëyo ro asëñix!»

⁴²Lëmëta in ga këño sëka Yesu, ayël an şangën këño. Reba këño şet, do ko xënëcëtarand gër ebar. Barikan Yesu xeñenaxën këño angoc añëñenax añ, fakën këño lëmëta in, do wãş këño sëm.

⁴³Dek bër hi bax na bën şaran këbi ga wat këni mène panga ind Kaxanu iñ itëm ex. Nand babi şarandëra end ri baxo Yesu mondako na, mëñ fel këbi bësëfan bërëxëm bën:

⁴⁴«Wën cëñ baxëtin aye er këmun felënd gërëgako in: Wëno Asëñiĩ ar ala an, alëxw këne lëxw gër otaxan od bela.»

⁴⁵Bari bësëfan bën abi pëni bana eyey'an elo; end şonayak ebox gër orenik orebën mëñ sëkwanaxën bani ebi pëni, do bani yëdand eno mëka ebi payën.

End asëfan alëngw eñ

⁴⁶Ata bësëfan bën këni şampërend end ba noyo yap këño exo gi alëngw gër enga endebën eñ.

⁴⁷Ga nang ko Yesu ang bani yëland gër oñëkw orebën ak, felaw këño itox do xwët këño ler gër ndexëm.

⁴⁸Ata re ko: «Ar këño xwëtaya yo itox ang iño ro ak, në end oñac oram, wëno dëñ xwëtaya ke. Do ar ke xwëtaya yo, anëka xwëtaya këño ar lawënëgu ke an. Enimin, ar wãk exo bana gër enga endewën an, ex alëngw an.»

⁴⁹Ata re ko Şañ: «Asëy'ali, ga watëgu këmo biyi ala ar këbi wwayënd bëyël gër bela gë oñac orey'ol. Afel fel këmo exo teb gayik axi tefënd na ang biyi ak.»

⁵⁰Yaka ko Yesu: «Këreno pel na exo teb gayik ar bayik añun merelind na an, arewën hi ko.»

End gër ingol ind Bësamari eñ

⁵¹Ga kë saxëgu bakey band ebox exo dëxëta gër ngwën ro bañ, Yesu fañ ko gër emëkw exo ye yañ gër Yerusalem.

⁵²Ata lëngwali këbi bërrolawën. Ga ye këni, hat këni në ingol ind gër ebar ed Samari eno këñënanax.

⁵³Bari bër gër ingol bën hëp këni eno kaca Yesu gayik gër Yerusalem baxo y'end.

⁵⁴Ga wat këni eño, bësëfan Şak do gë Şañ re këni: «Axwën, yandi ki nde mi mac xodux or gër orën ol ebi cor bela bëjo?»

⁵⁵Yesu, ga fañ këbi, këbi rexërand.

⁵⁶Ata Yesu gë bësëfan bën xuca këni në ingol icëxe.

End etëf ed Yesu eñ

⁵⁷And hi bani gër fëña aŋ, abat re ko: «Yesu, wëno gër ed këy y'e yo asëf këmi sëf.»

⁵⁸Ata Yesu yaka këŋo: «Ojakëra ok gë oŋaŋi exëni bëte ošël or gër orën ol gë oyël exëni, bari wëno Asëñiŵ ar ala an, ado gë aňombe ak axe gi ex na.»

⁵⁹Fel këŋo bëte ala ašëxe: «Wëj tefëguye wëno.» Yaka ko: «Axwën tebanële me y'e pere mo mëxwëtar faba iram.»

⁶⁰Re ko Yesu: «Tebëlëbi bëshësëk bën eni mëxwëtar. Barikan wëj y'el ey tefëtërax end owun or Kaxanu eŋ.»

⁶¹Re ko ala ašëxe: «Axwën, gër ed këy y'e yo wëno asëf këmi sëf, barikan tebële mëni pelaw pere gër ndëbi.»

⁶²Yaka ko Yesu: «Ar kë ŋanënd gë šariŋ yo do, exo nëkonand gand epoy, axo gi ex na ar šenene gër owun or Kaxanu.»

Luk 10

End bëshëfan ofëxw ocongoxi gë bëxi eŋ

¹Ga xucak eŋo, Axwën an sana këbi bëte bela ofëxw ocongoxi gë bëxi bëshëxe do laŵën këbi eni y'e bëxi bëxi dek bangol baŋ do dek ed ebax exo y'e mëŋ el.

²Eni y'exën fel këbi: «Ekana ed benedä el anëka ħatëk mbaŋ ex andiyen aŋ, bari ani ñëmb ex na bërändiyen bën. Awa karayino Axwën ošënga an ebi panaw bëte bërändiyen bëshëxe.

³Yeyin, në eďawën emun ang opey od šit gër ojälemu fo.

⁴Yoweŋ këren mëlalind na: ax gi ex na kodï gër bëmboto, ax gi ex na ambaď, ax gi ex na baped. Bëte kërenëbi cëmand na bër kën fedënd gër fëña bën.

⁵Gër iciŵ ind kën ħat yo deyindën pere: “Cotin obetak or wëlanëgu këmun ol!”

⁶Angëmëne ala exëna ar gë obetak, mëŋ kë šot obetak olo! Angëmëne ala ax gi ex na, eŋun bayi.

⁷Bayiyindën gër iciŵ iŋo na; y'ambindën do cebindën er kënun yël in. Arandiyen an alëba këno lëband. Këren dëfarand na de gë iciŵ gë iciŵ.

⁸Gër angol and kën ħat yo do bela bën enun kwëtaya, y'ambindën er kënun yël in.

⁹Pakëningënëbi bëshëxwëra bën do pelindënëbi bela bën mëne owun or Kaxanu ol ħatënëgu këbi.

¹⁰Barikan gër angol and kën ħat do bela bën eni nöp enun kwëtaya, y'eyin gër bakwëndaya bandebën, en de:

¹¹“Obar od angol andewën od lëkak gër osapar orebi oŋ këmi fëxwëcand. Nangin mëne owun or Kaxanu ol wëlaw bami nješ gër ndewën ro.”

12Ga re këme yatir kiti, bër lëg bax gër Sodom bën këbi sax gë bela bër angol aŋo bën ».

End bangol band Koraseŋ do gë Betësayida eŋ

13«Eñëñenax etëm këŋun wëcan wën bela bër lëgëk gër bëngol bënd Koraseŋ do gë Betësayida bën! Kido becarax bënd ri këme gër ndewën beŋ wat bani bela bër gër owar or Tir do gë Sidoŋ bën, anëka fo nëngwët doni ola orebën ol do eni denitara në end beñëñenax bendebën mocudá ojabote do moñëpa gër eyëwën.

14Mëŋ ex yatir kiti, bela bër lëg bax gër owar or Tir do gë Sidoŋ bën abi copa na ang këŋun šopa wën ak.

15Do wën bela bër gër angol and Kafarënewum bën, ako nde yëla kën y'aŋ gër orën këŋun fela Kaxanu? Bëtëdëŋ, gëd gër wur ir bëšësëk këŋun lat.

16Ar këŋun baxët an wëno baxët ke do ar këŋun beš an wëno beš ke. Ar ke beš an, në ebeš eŋo ar lawënëgu ke an.»

17Bësëfan ofëxw ocongoxi gë bëxi bër lawën babi Yesu bën bakaraw këni gë onënga fo do këni rend: «Axwën, ado bëyël bën dëŋ ari bani rind er këmëni fel gër oŵac oreŷ in.»

18Yesu yaka këbi: «Awat bamo watënd Sindan ga ko latiw elod gër orën ang ebingara fo.

19Ayël yël këmun panga in enëbi bëñaxënënd bandën baŋ, oxwël ol, do gë dëk panga ind arangoŷëra in, do eñëñenax aŋun gi na.

20Barikan nëngandëraleŋun end ga yëgw ko Kaxanu omac odewën ok y'aŋ gër orën eŋ, bari kërex gi na gayik bëyël kë rind er kën re in.»

21Amëd aŋo, Yesu yëm ko gë onënga or yël baŋo Angoc Amënëk ol, ata ko rend: «Ašëkwa këmi šëkwand Faba, wëj Axwën ar orën gë ebar an gayik ašon šon këyëbi beŋo bërenik bën, bër gë onden bën, do nangën këyëbi bërëtoc bën. Eyo, Faba mondako ebax anjëlan andey aŋ.

22Faba sebën ke dëk beŷ bën, do ang nang ke wëno Asëñiŵ ak, ala axe nang ex na mondako. Bëte ang nang këmo wëno Asëñiŵ ak, ala aŋo nang ex na mondako. Wëno do gë ar yandi ke mo nangën an fo, nang këmo.»

23Ga šena ko gand bësëfan, fel këbi: «Nëngandëraleŋun wën bër kë watënd er kën watënd in!

24Ga re këme, bëlawënel bëranjëm do gë bemun bendanjëm yandi babi eni wat er kën watënd in, bari ani wat ex na. Aŷandi yandi babi eni wël er kën wëlënd in, bari ani wël ex na.»

End apënëtal and Asamari eŋ

²⁵Ata yow ko na ašalen eŋo di atëy. Wëka këŋo: «Asëyali, ineŋa këme ri me cotaxën aniyān and din aŋ?»

²⁶Yesu yaka këŋo: «Ine yëgw këni gër acariya? Wëj ine fën këy?»

²⁷Yaka ko ašalen an: «Ŋanëlo Kaxanu, Axwën arey an, gë yomb irey ak dek, gë anjëlān andey ak dek, gë panga indey ak dek, gë aniyān andey ak dek. Do bëte balindëlexi end ašandax eŋ, ang ki balënd end gaf irey ak.»

²⁸Re ko Yesu: «Ata šenene yaka këy! Diyind mondako ata këy šot aniyān and din aŋ.»

²⁹Barikan ašalen an ga yāndi këŋo exo masinaya mëne ar šenene hi ko, wëka këŋo Yesu: «Do noyo wa ex ašandaŋ an?»

³⁰Ata Yesu yaka këŋo: «Mondako bax end asošan ar xani bax gër Yerusalem do ko yend gër Yeriko. Ĥat ko në er xaš bani bërek bëxeŋax gër fëña. Ga radën këno, sëra këno, xandëra këno dek oŋyënga oŋ. And xëm këno xali bel ko aŋ, seŋ këno bëdëcët gër ebar, në emëkw na fo do kwël ye këni.

³¹Nangërëxe eŋo, ašadaxan abāt ko yend bëte fëña ir ond gër Yeriko in. Ga šanan këŋo ala ajo, beš këŋo kwël gë enëkona këm.

³²Ĥatëgu ko bëte na arandëwëra and Lewi. Ga wat këŋo ala ajo, mëŋ bëte beš këŋo gë enëkona këm.

³³Barikan and Ĥatëgu ko Asamari na gër ed hi baxo ala ajo aŋ, wat këŋo bëdëcët gër ebar. Ata xaŋënan këŋo.

³⁴Ga sëka këŋo, fëxwëcëra këŋo gë ngoy ed sembaŋyëra ko el. Bëte nëmëra këŋo gë ogu, fëlëndëran këŋo. Fela këŋo, xwët këŋo yaŋ gër fali irexëm, do kwël wëla këŋo gër iciw ind bëliyer eŋo korax.

³⁵Ga xeyëk, Asamari an yëpët ko batama baki band kodī yël këŋo axwën iciw ind bëliyer an do re ko: “Koranële ala ajo. Angëmëne kodī ir yël këmi in ax gi ex na gwac, gwëre mi ŋatati yatir këme bakaw.”»

³⁶Yesu ga Ĥata ko apënëtal aŋo, wëka këŋo ašalen an: «Gër bëla bësas bër sëk baŋo ala ajo, ar fe wa hik ašandaŋ arexëm an?»

³⁷Yaka ko ašalen an: «Ar xaŋënan baŋo an.» Ata re ko Yesu: «Awa wëj bëte yel ey dixënd mondako.»

End Marët do gë Mari eŋ

³⁸Ga këni ye Yesu gë bësefan bërexëm bën, Ĥat këni në ingol. Ga xaca këbi asoxari ar bano wacënd Marët, wëla këbi gër ndebën.

³⁹Marët gë iminëm itoxari ebaxo do bano wacënd Mari. Mari yëpa ko gër osapar or Axwën do këŋo baxëtënd.

⁴⁰Ata Marët mën̄ ko xëlënd gabat gër atoxari. And sêka ko gër Yesu aŋ, re ko: «Axwën, aŋapan nde ŷapan ki ga seb ke Mari gabat gër atoxari? Pelëlo wa exe dëca.»

⁴¹Yaka këŋo Axwën an: «Marët, Marët, wëj er këy rendërand do këy xëlënd gër edi ed bebëranjëm.

⁴²Xarak emat ŷapëk exi balënd gër aniyani. Eŋo sana ko Mari do ala ax gi ex na ar këŋo xan.»

Luk 11

End Cale eŋ

¹Akey amat, Yesu bax ŷalerand gër ed ebani gë bësëfan bërëxëm bën. And ħata ko aŋ, asëfan abat wëka këŋo: «Axwën, tëy'alilëbo wa cale iŋ ang sëy'ali këbi ŷaŋ Batis bësëfan bërëxëm ak.»

²Ata re ko Yesu: «And kën ŷalend aŋ, deyindën: “Faba, nangëralexëni dëk mën̄e oŵac orey' ol oŵënëk ex yowëlex owun orey' ol!”

³Yëlindëbo key yo key er këmi y'amb in!

⁴Tebanindëbo bamena bandebi baŋ, Ang këmëni sebanënd ak biyi bëte bela bër këbo wënanënd bën. Kërey'ëbo tebeli na eñëŋëx eŋ”.»

⁵Yesu baŷ ko bëte: «Cale iŋ er wëndërek gë endey' end ala ar y'ek gëmëd gër lawo irexëm eŋo kara: “Lawo, yëluyë wa bamburu batas.

⁶Lawo iram ħatëguk gër ndebi, do amo cotën ex na er ko y'amb in.”

⁷Angëmëne lëf gër ed laki ko yakaw ko lawo irexëm mondako: “Wëj, kërey'ëbo nëngëtëra na dë, ebët el anëka fëra këmi, wëno gë obaŷ oram ol anëka lakira këmi, ame kor na me kani mi yël bamburu.”

⁸Ga re këme, ala ajo axani ko xani eŋo yël er këŋo xarand lawo irexëm in. Ga këŋo lëbëlëba ko xanixën eŋo yël dëk bebër këŋo xarand bën, bari ax gi ex na dë gayik lawo irexëm exo.

⁹Do wëno mën̄ këme rexënënd: “Karayindëno Kaxanu eŋun yëlëraxën, calayindën en cotaxën, tëmbindën enun përetënaxën ebët el.”

¹⁰Gayikwa ar kë xarand an, ayël këno yëlënd; ar kë ŷaland an, aŷot ko ŷotënd, do ar kë sëmënd an, afërëtën këno fërëtënënd ebët el.

¹¹Ang hi kën ro ako, sëm ir itox nde exëna ir këŋo yël andën asëñiŵ, xarak ekan xara këŋo?

¹²Ba eŋo yël ekwël, xarak eñëŋen xara këŋo?

13 Angëmëne ang xwëj kën yo, anang nang kën eyël ed er yek obaš orewën el, kaš ex ngwa Kaxanu, mëj ar hik yañ gër orën an, ayël këbi yël Angoc Amënëk aň bër këno xarand bën.»

14 Ata Yesu këno nęcëtënd angoc añëjënax në amuma. And šan ko angoc añëjënax aň, ala an yāna ko ko yeyandërand šenene. Ata bela bën ang ebani amëxwër ak šarandëra këbi.

15 Barikan bërëmar këni rend: «Wëni ba ax gi ex na nde gë panga ind Yëngëtir iň, emun end bëyël eň këbi nęcëtënd bëyël bën!»

16 Bëte bëšëxen këni šaland eno di atëy. Wëka këno ebi din ecarax eni nanganaxën mëne gër orën xaniw ko.

17 Ga nang ko Yesu ang bani yëland ak, re ko: «Angëmëne bela bër owun obat ebi kucarënd, owun olo alati kë lati, do bëciw bën ex yëcar imat imat.

18 Angëmëne Sindan ebi merelind bër ex gër owun orexëm bën, mondake ke bayi owun orexëm ol gayikako kën rend mëne gë panga ind Yëngëtir iň këmëni nęcëtënd bëyël bën?

19 Angëmëne wëno gë panga ind Yëngëtir iň këmëni nęcëtënd bëyël bën do obaš orewën ol cëj, gë panga ind noyo kënëbi nęcëtënd? Mëj rexën këme obaš orewën ol fo këjun xiti!

20 Barikan angëmëne gë panga ind Kaxanu iň këmëni nęcëtënd bëyël bën, awa wën anëka ĥatëngu këjun owun or Kaxanu ol.

21 And ko nëkonand ala ar gë ojaw aň yangana irexëm gë oÿënga or emer aň, bebër šotëra ko bën abayi këno bayi.

22 Barikan, angëmëne ala ar xuca këno ojaw exo yow do eňo kor, ata këno xwëca đek oÿënga or emer or xwëta ko eň, do ebi yëlëra bela bën bebër xan këno bën.

23 Ar ami bar ex na an, ar angoyëra andam ex. Do ar bayik axe dëcand na ebar an, në eyëc exo.»

End angoc añëjënax eň

24 «And ko šan angoc añëjënax në ala aň, gër ed timëriň ko yend exo calarax ateyëtaya. Angëmëne axo cot ex na, ata exo yëlara: “Bakaleme tan gër iciw indam, gër ed šanëgu këme!”

25 And ko ĥat aň exo tək wacaca, ga fat këni do yañën këni.

26 Ata ebi yen bangoc banjongëbaki bacëxe band xuca këno oxey, eni đil, do eni đëg lëf gër ala ajo. Awa ala ajo exo torond nëmëc ang baxo sorond añanar ak.»

27 Ga ko yeyan mondako Yesu, asoxari abat gër amëxwër, bacan këno: «Nëngandëraleňo asoxari ar rëw ki do yerin ki an!»

²⁸Yaka këŋo Yesu: «Ey' dedo wa, nëngandëralebi bër kë baxëtënd eyey'an ed Kaxanu do këni rind er rek bën!»

End amatinali acaraxik eŋ

²⁹Amëd aŋo bani yëmbërëgund kaš-kaš bela bën do këno xetand Yesu. Ata na yana ko ko rend: «Bela bër gë okey oko bën bëyëŋënax exëni do këne wëkand ecarax. Ecarax end rin baŋo Kaxanu Yonas eŋ fo këni wat, ax gi ex na ecëxen.

³⁰Ang hi baxo Yonas amatinali gër Bëninif ak, mondako fo këme hi wëno Asëñiŋ ar ala an amatinali gër bela bër gë okey oko.

³¹Emun etoxari end gër ebar ed Saba eŋ, axani ko xaniď yatir këbi xiti Kaxanu bela bër gë okey oko bën. Anëp këbi nëpëď gayik mëŋ në ebar ed caw xaniw baxo yow ko gër Yerusalem eŋo mëkara Salomoŋ, emun end gë orenik osëm eŋ. Xarak wëno Asëñiŋ ar ala an wa xuca këŋo Salomoŋ.

³²Bëninif bën axani këni xaniď, yatir kiti, enëbi nëp bër gë okey oko bën gayik bën anëngwët nëngwët bani ola orebën ol ga wël këni epemëra ed Yonas el. Xarak wëno Asëñiŋ ar ala an xuca këŋo Yonas.»

Amatinali and lambo aŋ

³³«Ala ax pëtënënd na lambo do exo kwët në er beŋ ba exo ŋob gë enëp. Barikan y'aŋ gër akaŋaya ko xaŋ ebi ŋobaxënënd bër kë lilënd bën.

³⁴Bangës bandey' baŋ ex lambo ir eman in. Angëmëne bamëngw bayik đek eman kë xërikëra. Bari angëmëne ax bëngw ex na, đek eman kë hi gër ecamëďan.

³⁵Awa titinal këdi kë nëngwëta angoben andey' aŋ ecamëďan.

³⁶Angëmëne đek eman endey' eŋ xërikërak xali gë bebët ibatak ax gi ex na gër ecamëďan, đek kë xërikëra ang kë xërikërand sam exi ŋoband lambo ak.»

End Ofariseŋ do gë bëšalen eŋ

³⁷Nand baxo yey'an Yesu mondako na, fariseŋ ibat xara këŋo exo ma eni y'ambërax gër ndebën. Ga ĥat këni, yëpa këni gër aňambëraya.

³⁸Ata fariseŋ in šaran këŋo mbaŋ ga wat ko mëne Yesu axo nebara bana ang rëp bax ak đamana eni y'ambëraxën.

³⁹Ata Axwën Yesu re ko: «Wën ofariseŋ ok, ed fac-fac el kën wënënyand ang ar kë nebënd odëy'amb ed fac-fac el fo, xarak ed lëf-lëf el đek buyarëk. Lëf gër owëkw orewën ŋamba ind bela, do gë oxeŋ fo xëñëk.

⁴⁰Ata wën ofariseŋ ok and an yëlarand na dëŋ ex đe! Ax gi ex na nde Kaxanu ri këŋo ala an gë eman do gë emëkw?

⁴¹Yëlërayindënëbi bëxaŋëanaxik bën gë emëkw epešax, ata fo kën hi bëwëñëk.

⁴²Bari aŋun ye ex na wën ofariseŋ ok! Aŋaš këno ŋašënd Kaxanu dim ir esëngëng in, ir egwërend in, gë ir đek bebëlëg bebër ex në andëďa bën, do kën langanganënd

or şenene ol do gë aņana and Kaxanu an! Beņo don rind nēmec, kwëyarëxe bebër bayik bën.

⁴³Aņun ye ex na wën ofariseņ ok gayik bon ħan kën eņëpa ed gër ed kënun wat bela dek el, lëf gër baciw bacaleya. Bëte bon ħan kën enun cëmarand gër bapedëraya.

⁴⁴Wën aņun ye ex na gayik ang baņeg band lëmayak, do këni wëñërand bela nangërexe fo hi kën!»

⁴⁵Ata așalen yeyaneli këņo Yesu: «Asëyali, ang këy yeyanënd ako, biyi bëșalen bën këyëbo širënd bëte.»

⁴⁶Ata yaka këņo Yesu: «Wën bëșalen bën bëte, aņun ye ex na gayik ang kënëbi sëyalind bela ak mbaņ sibëk, xarak wën gë təkër ak an tëyind na en tëf er kën rend in.

⁴⁷Wën aņun ye ex na gayik wën kë bayënd baņeg band bëlawënel bër Kaxanu baņ xarak bëxarëk bërewën bën dëņ law këbi!

⁴⁸Awa wën ex otede od bëxarëk bërewën ok. Ga kën bayënd ako baņeg baņ, aņan ħan kën bebër ri këni bën. Bën law kënëbi bëlawënel bën, wën kën bayënd baņeg bandebën baņ!

⁴⁹Mëņ rexën ko Kaxanu gë orenik orexëm ol: “Alawëneli këmëni lawëneli bëlawënel bëram bën do gë oparëxanda odam ok. Barikan mar enëbi daw, mar enëbi dixëra,

⁵⁰mëņ këmëni xitixën bela bër gë okey oko bën, do mëni mëka end oșat or dek bëlawënel bër lawëra kënëbi bëxarëk bërebën eņ, elod ga yanak ngwën iņ.

⁵¹End oșat or Abel eņ këmëni yana emëka el do me ņata end oșat or Sakari eņ, mëņ ar law këno gër yangana ir Aciw and Kaxanu an, fëco angëb fëco ebët. Awëka këmëni wëka beņo bela bër gë okey oko bën.”

⁵²Etëm hi këņun wën bëșalen bën! Acoketaya and onangëran aņ rëxët kën. Wën dëņ an dëlënd na, bëte bër yandi këbi eni dël bën, anëbi tebënd na eni dël.»

⁵³And șan ko Yesu na gër iciw ind fariseņ aņ, bëșalen bën do gë ofariseņ ok ga xoÿën këno xali, yana këni këno wëkarand bendanjëm.

⁵⁴Mama bano wëkarand mondako exo yakaxën gë etëy edexëm el dëņ end këno bonaxën eņ.

Luk 12

End bëconëșon eņ

¹Ga xucak eņo, bela bën barëreģu këni owëli owëli gër Yesu xali hi këni amëxwër atëm, do këni wëñëlirend. Ata këbi felënd pere bësëfan bërexëm bën mondako: «Kwëyëtayin lewir ir ofariseņ in, gayikwa bën bëyëņenax bër kë labayand hi këni.

- ²Asorora fo këni sororand, gayik er këni šonënd in ax bo na, do end beŋ ax bo na.
- ³Mëŋ ex, end kën yey'an gëmëd eŋ, goyat këni wëlëra; end kën nekënekär lëf gër banakaya band lëngwe eŋ, yaŋ gër oyur këni femëra.
- ⁴Wën odawo ok këmun felënd: Kërenëbi camënd na bër kë lawënd eman fo bën.
- ⁵Afel këmun fel ar yaŋpëk eno camënd an. Camino ar sam eŋo daw ala an, exo cot or gapak or exo dap enjëw eŋ gër xodux. Awa ajo ex ar yaŋpëk eno camënd an.
- ⁶Ax gi ex na nde afan kënebi fanënd bëndër bënjo batama baki? Bari Kaxanu inder gimatak aŋo kwëyand na.
- ⁷Ado aye nang ko Kaxanu bemban benjëgwe hik gër ogaf odewën. Mëŋ ex, këren yëdarand na. Asëfan abat aram xurik ex këbën gë bëndër bëndanjëm.»

End eyeyandëran ed sam-sam eŋ

- ⁸«Ga re këme, ar kë rey'and yo poyoma mëne aram hi ko, wëno Asëñiŋw ar ala an mondako fo këme yaŋa me dey'and endexëm eŋ gër omeleka od Kaxanu.
- ⁹Barikan, ar ke yaŋxëta poyoma an, mondako fo këmo yaŋxëta gër omeleka od Kaxanu.
- ¹⁰Do ar ke yey'anan yo aŋëŋën, wëno Asëñiŋw ar ala an, Kaxanu aseban këŋo seban. Barikan, ar këŋo šir Angoc Amënëk an, eteban axo cot na.
- ¹¹And kënun yaŋa enun mëlarand kiti ed baciŋw bacaleya band bëšëwif aŋ, do gër bër gapak, këreŋun yëbund na end mondake kën yakad eŋ.
- ¹²Angoc Amënëk aŋ këŋun felëd amëd aŋo dëŋ ang kën yakad ak.»

End apënëtal and ar gë napul eŋ

- ¹³Gër amëxwër, ala yey'aneli baŋo na Yesu, re ko: «Asëy'ali pelëlo abaŋe exe cet er sebëtan kënebo bëxarëk in.»
- ¹⁴Yesu yaka këŋo: «Noŋo ri ke wëno axiti arewën, ba arëc arewën?»
- ¹⁵Na ex fel këbi dek ang ebani ak: «Eŋan ed kodî el ax ye ex na, gër ga ex yo kwëyëtayin! Ala an, ang këŋo yera yo ax gi ex na napul in kë lëkaya aniyan andexëm aŋ.»
- ¹⁶Ata šom ko gë apënëtal aŋo: «Mondako ri baxo ar gë napul an. Ga yaŋdëra ko, šot ko xali ey'amb el.
- ¹⁷Wëlan këŋo ang ko wëxëta ak. Ga laki ko gëmëd, ko yëlarand: “Mondake këme ri ey'amb elo? Në ine këme wëxëta?”
- ¹⁸Yo! Anëka nang këme ang këme ri ak. Owur oŋ këme yam me bay' or nëmëc oŋo ex këñaxën dek ey'amb edam el do gë napul iram in.

- 19**And këme ri mondako aŋ do mo pel enjẽw̃ endam eŋ: dodo wẽno anẽka yera ke! Napul iram in mbaŋ ex, bẽniy bẽndanjẽm ke nẽka. Gogo oŝeb do gẽ ayamb alaki fo bayi ke!”
- 20**Na rew ko Kaxanu: “Ata wẽj and ay yẽlarand na dẽŋ ex de! Gẽmẽd go dẽŋ këme xana enjẽw̃ endey! Do er wẽxẽta kẽy ijo noyõ wa kẽ xwẽn?”
- 21**Mondako kẽŋo hi ar xwẽndak ebar ed napul fo an xarak aŋo balẽnd na end Kaxanu eŋ.»
- 22**Ata Yesu fel kẽbi bẽte bẽsẽfan bẽn: «Mẽŋ këme rexẽnẽnd, kẽren dendẽrand na end aniyã andewẽn eŋ, end er kẽn yamb eŋ, ba end er kẽn ŝuda eŋ.
- 23**Ax gi ex na nde aniyã and ala aŋ xẽbẽnẽk nẽmẽc gẽ eyamb yamb in, do eman eŋ nẽmẽc banjẽm baŋ?
- 24**Ax gi ex na nde anang nang kẽnẽbi baŋẽrak baŋ: ani ñandẽrand na, ani kanarand na. Ani gi ex na gẽ owur, ani gi ex na gẽ bacac. Barikan, Kaxanu alẽba kẽbi lẽband. Xarak, wẽn xucak ex kẽbẽn gẽ oŝel ol.
- 25**Gako wẽn ang hi kẽn ako, noyõ wa kẽ xor exo baŝa bakey gër aniyã andexẽm gẽ odendẽran?
- 26**Gayikako an kor na en cakẽn bakey bandewẽn baŋ, ine kẽn rendẽraxẽnẽnd end bebër bayik eŋ?
- 27**Kwitayin ang kẽ hind opetẽfõt od ondës ak, ax diyenind na, ax banẽnd na bacole. Barikan mbaŋ kẽ yend owat ol. Ado Salomoŋ dẽŋ, gẽ dek enjaran endexẽm ak, mẽŋ emun end gẽ napul isẽm eŋ, abaxo ye na gwër fo gẽ ondës oŋo.
- 28**Wẽn ata ekwẽta etil ŝot kẽn de! Angẽmẽne Kaxanu mondako ko fẽyẽpẽyẽnd ondës ond lęgẽk dorõ gër apuyõ oŋ, xarak ecan gër xodux kẽn lap, kaŝ fo kẽŋun fẽyẽpẽyẽ wẽn bẽte!
- 29**Do wẽn, kereŋun bund na ocal od er kẽn yamb, ba er kẽn ŝeb. Kẽren torond na mama gër banjẽlan.
- 30**Enimin, bebijo dek, bela bër benẽng becẽxe bẽn kẽbi balẽnd ocal ok. Anang nang ko Sorix irewẽn Kaxanu mẽne aŋap yãpẽk en cot bebijo.
- 31**Kemẽnayindẽn ocal od owun or Kaxanu ok, ata kẽŋun sẽnd bebijo dek.
- 32**Wẽn bër ex imẽxwër ind sẽf ke bẽn, kẽren yẽdarand na. Wẽn yata kẽŋun Faba gër owun orexẽm.
- 33**Panin bacota bandewẽn baŋ do kodĩ in enẽbi yẽlẽra bẽxaỹenaxik. Cẽlayayin nẽ er bayik ax űesi na. Napul irewẽn in gil ex ir yãŋ gër orẽn gër ed ax kwõt na: fẽn gër ed arek ax gi ex na, oyame ani gi ex na.
- 34**Gayikwa gër ed ex napul irewẽn kẽ hind bẽte anjẽlan andewẽn aŋ.

³⁵Giyindën din bêwêlêk, kapayindën enar eņ, do odambo odewën ok bayilex ga kê lëkënd.

³⁶Giyin ang bëriyenin bër şëni kêņo axwën arebi an ga ye baxo ekana. And ko ĥatëgu aņ, eno përetënaxën sam exo tëmbëgu gër ebët.

³⁷Nëngandërayindëlebi bëriyenin bëjo, bër kêbi sêk ga şëni këno moņëpa bën! Dal in këmun felënd, axwën an dëņ kê nëmbara banjëm band andiyen, ebi pel eni ñëpara gër ed këni yambëra, do ebi dëbara.

³⁸Angëmëne exo ñatëgu emëd ekarëk el, ba oxeya ol do ebi tøk daşërëxe, mbaņ kêbi nëngandëra bëriyenin bëjo.

³⁹Aye fëni kêņun, ar nangëk amëd and ko yow arek aņ, aferëna ko ferëna, aņo teb na exo dël gër iciw indexëm.

⁴⁰Wën bëte, këñënarayindën key yo key gayik ata këme ĥatëgu wëno Asëñiw ar ala an amëd and an yëla bana na aņ.»

End apënëtal and bëriyenin eņ

⁴¹Na wëka ko Piyer: «Axwën, biyi nde këyëbo rend gë apënëtal aņo, ba bela dek nde?»

⁴²Yaka ko Axwën an: «Axwën an anëngandëra kêņo nëngandëra end awxëta ar napul ar gë onden eņ. Ga xwëta kêņo kêņo sebënanaxën eyamb yamb in ebi yëlënd bërexëm bën in nand kê yapënd na.

⁴³Aye kêņo nëngandërad ariyenin ar kêņo sêk axwën arexëm an ga ko ri er sebënan baņo in.

⁴⁴Dal in këmun felënd, ata kêņo xwëtënan dek napul irexëm in.

⁴⁵Barikan angëmëne xadëp ijo exo dend: “Axwën aram an cëņ axo bo ex na ngëņ exo ñatëgu”, do exo kwënda ekem ed okadëp ocandaw otoşan ok do gë okadëp otoxari ok, do exo kwënda bëte oşëb, gë ñambëran.

⁴⁶Ata ko waiw axwën ar xadëp an yatir bayik axo yëla bana do në amëd and axo nang ex na. Aşewëra kêņo şewëra do eņo narëndëra xali ang këñëbi narënënd bër gë oņëpëgënan ak.

⁴⁷Xadëp ir kê nang aye er ĥan ko axwën arexëm in do exo dind mama dëņ xali eņo pënga, bacewen bandanjëm ko şot.

⁴⁸Bari xadëp ir bayik ax nang ex na an do exo dind bebër ax ñap ex na bën, axwën aņ tøkër fo kêņo şew. Ar sebënan këno mbaņ an mbaņ këno wëka exo dey a ba mondake ri ko. Do ar xwëta këno mbaņ do fëxwën këno bebëranjëm an gë pit fo këno nëyali.»

End acapëra and në end Yesu eņ

⁴⁹Yesu, ga ĥata ko eņo, re ko bēte: «Angodux yow kēme me pētēn gēr ebar, ako yāndi ke ex dēkēdo anēka.

⁵⁰Xobuyi or kēme buyi ol, toro ind kēme soro iņ ex. Barikan, monēkan nēkan ke ex ņatēgu!

⁵¹Ako nde yēla kēn mēne eni cot bela bēn angwēlēra aņ yowaxēnēgu kēme gēr ebar ro? Bētēdēņ, ga re kēme, axucarēra wa kēbi yāna ebi kucarērand nē end oᵛac oram!

⁵²Mēņ ex, nē ekun ed bela bēco axucar kēbi xucar: bēsas enēbi kel bēxi, do bēxi enēbi mereli bēsas.

⁵³Bēte nē ekun ebat, sēm in ebi kucar gē asēñiᵛ, do nēm in gē abiᵛ. Bēte nēm ir eñēr in ebi kucar gē asoxari ar asēñiᵛ an.»

⁵⁴Yesu fel kēbi bēte amēxwēr aņ: «And kēn wat aņar ga xaniwēk acēla-eñaņ, ataņ kēn rend: “Nē eyow ex tēb iņ.” Ata ex ņat go.

⁵⁵Do and kē xaniw ekoc ambētēb aņ, are kēn rend: “Ayēka kē yēka.” Ata ex ņat go.

⁵⁶Wēn bēyēņax bēr kē labayand hi kēn, mondake kēn xorēnd en nang bebēr kēn watēnd gēr orēn do gēr ebar bēn, do kēn sēkwanēnd eņun pēni bebēr ko rind Kaxanu bakey baņo bēn?

⁵⁷Do ine kēn sēkwanaxēnēnd eņun pēni er yāpēk en dind in?

⁵⁸And kēņun xucar gē ala do en yēnd gēr kiti aņ, kemēnal en ketēn gēr fēña fo. Ketēnin đamana en ņat kēdi kēbi fel axiti an eni mēla gēr alēngw ar bēnēkona exi pērax.

⁵⁹Ga re kēme, ay can na nēcētērēxe dek kodī irey in xali gēr biye ifelatar.»

Luk 13

End enēngwēt ed ola eņ

¹Amēd aņo, bela yow bax na fel kēno Yesu end Bēgalile bēr laᵛ babi Pilateņ. Er fel bano mēne kwēl gēr ed ri kēni šadaxa fo bar ko Pilat ošat orebēn oņ gē or oyel orebēn oņ.

²Ata Yesu yaka kēbi: «Ako nde yēla kēn bēr ĥaš kēnēbi bējo xurik ex gi bēwēndēran gēr dek ebar ed Bēgalile el?

³Bētēdēņ! Angēmēne an nēngwēt ex na ola orewēn ol, wēn dek mondako fo kēn nemi.»

⁴Wēka kēbi bēte: «Ayēla nde yēla kēn mēne bela epēxw gē bēnjongēbēsas bēr nemik ga wēcan kēbi baciᵛ batēndēndēr band gēr Silowe baņ, xurik eni mendēra gē dek Bēyerusalem bēn?»

⁵Yaka ko mēŋ fo: «Bētēdēŋ! Angēmēne an nēngwēt ex na ola orewēn ol, wēn dek mondako fo kēn nemi.»

End apēnētal andan eŋ

⁶Yesu fel kēbi bēte apēnētal aŋo: «Mondako ri baxo ala ga rēd ko andan gēr andēda and reseŋ andexēm. And niyitak aŋ, yow ko exo kwēca ondan oŋ, sēk ko ax dēw ex na. Yow ko bēte iniy ikēnēm sēk ko mondako fo.

⁷Ga bakaw ko iniy itasēn iŋ sēk ko mēne andan aŋ ax dēw ex na. Ata fel kēŋo ašēn ar andēda an: “Elod bēniy bētas kēme yowēnd gēr ekwēca ed fig bari ame tēkēnd na ga rēwēk. Ŋošēl tan, ebar fo kē nexēnēnd.”»

⁸Ata yaka kēŋo: «Axwēn, and dojiyo aŋ, tebēl! Wēno, anac kēme nac jey do me di ndēbur iŋ.

⁹Bamat šana arēw kē rēw. Angēmēne ax dēw ex na, gwēre ey ŋošēd.»

End asoxari aseŋik eŋ

¹⁰Yatir akey and eteyēta ed Bēšēwif, Yesu babi sēyalind nē aciw acaleya.

¹¹Yatijo asoxari ar seŋin bano bēyēl elod bēniy epēxw gē bēnjongēbētas yow baxēna na. Arēngwēn rēngwēn bano, do abaxo xor na gē tēkēr ak exo dēngwēta.

¹²Yesu, ga wat kēŋo asoxari ajo, re ko: «Wēj, dorō kēy fak!»

¹³Na ex hēmba, ataŋ asoxari an rēngwēta ko, do kēŋo šēkwand Kaxanu.

¹⁴Ata xoŋ ko alēngw ar aciw acaleya an gayik Yesu afakēn fakēn kēŋo ašēxwēra an yatir akey and eteyēta. Fel kēbi amēxwēr aŋ: «Bakey banjongamat ex band andiyen baŋ, yowēndēn enun pakēn bakey baŋo, bari ax gi ex na gē akey and eteyēta!»

¹⁵Axwēn Yesu yaka ko: «Wēn bēyēŋēnax bēr kē labayand hi kēn! Ax gi ex na nde ala kala, yatir akey and eteyēta, afēt kēŋo fētēnd engāš endexēm eŋ, ba fali irexēm in eŋo mēla gēr añambēraya, do gēr ed ko šēb men?

¹⁶Asoxari ajo, ar andēwēra and Abēraxam ex do Sindan fok baŋo mondēngw elod bēniy epēxw gē bēnjongēbētas. Mondake wa bayik aŋun ŋapan ex na mopēt yatir akey and eteyēta?»

¹⁷Ga ko yeyan mondako Yesu, šēfēnandēra kēbi dek bēr šus baŋo bēn. Barikan, bēranjēm nēngandēra babi gēr amēxwēr ga kēni wat dek benjekax bend baxo rind beŋ.

End apēnētal and atēx and mutarēd eŋ

¹⁸Yesu re ko bēte: «Gē ine wēndērēk owun or Kaxanu ol? Gē ine kēme wātinali?

¹⁹Watin gēr wēndērēk in: ang enjēlir end mutarēd end ned ko ala nē andēda andexēm fo ex. Ga lēgēk, rafēk, ata ošēl or gēr orēn ol yēlēra kēni gēr bēnini.»

²⁰Ŝom ko bête: «Gë ine këme w̃atinali bête owun or Kaxanu ol?»

²¹Watin gër wëndërek in: ang lewir ir nëgali ko asoxari gë pix ga sëy'i ko okilo otas fo; and wëtëk aŋ fufëk dëm.»

End ebët ed mërey eŋ

²²Yesu, ga ko y'e ond gër Yerusalem oŋ ko xucand bangol baŋ: baŋo batil, baŋo batëm, do këbi sëy'alirand.

²³Ata w̃ëka ko ala: «Axwën, mbaŋ nde exëni bër kë fex bën?» Yaka ko Yesu:

²⁴«Kemënayin en dîl gër ebët ed mërey. Ga re këme, bëranjëm këbi xacërad eni dîl bari ani korëd na.

²⁵And ko xani axwën iciw̃ an do exo përa ebët aŋ xarak wën fac bayi kën, ata kën ỹana en tëmënd do eno macënd: “Axwën! Axwën, përetënëlëbo!” Ata këŋun yakaw mëŋ: “Wën nobën ex wa? Wëno amun nang ex na de?”

²⁶Do wën en dend: “Kwital wa, gë biyi ga bane y'ambërande do bane šebërande andamat, gër opëña od angol andëbi do bay'ëbo sëy'alirand.”

²⁷Ata eŋun yakaw bête: “Ga re këme, ame nang ex na ba feye xaniw kën. Ado pacanaxëne wën dek bëwendëran bëjo.”

²⁸Awa and kënebi ỹana enëbi watënd bëxarëk bërewën aŋ: Abëraxam, gë Isak, gë Yakob do gë dek bëlaw̃ënel bër Kaxanu bën lëf gër orën, xarak wën fac lap kënun, ata kën ỹana en tesënd do en ŋatayand ebas a el.

²⁹Bër kë lil gër orën bën, er këni y'owëraw: bëjo apën-eñan, bëjo acëla-eñan, bëjo ambëŋ, do bëjo ambëtëb. Bën kë hi gër ñambëran.

³⁰Awa mëŋ ex bëmban bën kë hi bëlëngw do bëlëngw bën bëmban.»

End Yerusalem eŋ

³¹Amëd aŋo Ofariŋeŋ sëka baŋo Yesu, do fel këno: «Erod në ecala exi! Angëmëne aŋ gër ex na, alaŋ ki laŋ!»

³²Yesu yaka ko: «Yeyin eno pelëx yakëra ijo, doro gë ecan në enëcët emëni bëyël bën gër bela, do në epakën emëni bëšëxwëra bën, nambik këme ħata dek.

³³Awa doro gë ecan y'apëk me kuca, nambik me ŋat gër Yerusalem gayik ax mënd ex na alaŋwënel ar Kaxanu exo cës në angol acëxe.»

³⁴Ata Yesu ko y'aw̃ënd angol and Yerusalem aŋ: «E Yerusalem, wëj këbi laŋwënd bëlaŋwënel bën do wëj këbi fëtërand gë oxaŋ xali eni cës bër ki laŋwëneligund Kaxanu bën. Wëno aŋandi baxe y'andi mëni bar obaš oreŋ ol ang këbi barënd ecare obaš orexëm dîla gër obafe odexëm ak. Bari wën an aŋun ñandi ex na.

³⁵Awa Kaxanu aŋaŋëta ko y'aŋëta angol andewën aŋ. Ga re këme, ane wat na xali yatir kën red: “Dodo betalexo ar kë y'owënd gë oŋac or Axwën an!”»

Luk 14

End ašëxwëra eŋ

¹Akey and eteyëta ed Bëšëwif ebax, Yesu y'e ko në iciw̃ ind alëngw ar ofariseŋ eni y'ambërax. Bër ebax na bën këno nëkonand aye Yesu.

²Ašëxwëra hi bax na gër iciw̃ iŋo, ata këno sitinalind ba afakën këŋo fakën.

³Ata Yesu w̃ëka këbi bësëy'ali bëšalen bën do gë ofariseŋ ok: «Mondake rek acariya andebi aŋ end akey and eteyëta eŋ? Aŋap nde y'apëk epakën ed ašëxwëra el?»

⁴Ata bën xor këni. Yesu mën, hëmba këŋo ašëxwëra an, fakën këŋo do fel këŋo exo maŋi.

⁵Aŋo w̃ëka këbi bëte: «Ang hi kën ro ako, noŋo këŋo seb cëpëtërëxe ataŋ asëniw̃ ba engaš endexëm and ko lati polo në andu yatir akey and eteyëta aŋ?»

⁶Kaš-kaš wëlan babi ang këni yaka ak.

End ñambëran eŋ

⁷Ata Yesu fel këbi apënëtal bër w̃ac banëbi ñambëran bën ga këni xašër eno ketëna axwën ofëna an. Re ko:

⁸«And ki w̃ac ala ñambëran aŋ, kërey'ëŋo ketëna na këdi ko h̃atëgu ar xuca ki or gapak.

⁹Mbaŋ ki šëfënan and këy' xani ey' ñëpax gër šaŋ aŋ.

¹⁰Barikan, and këni w̃ac në ñambëran aŋ, y'el ey' ñëpa gër šaŋ. And ko h̃atëgu axwën ofëna aŋ, ata ki fel: "E lawo, tëkanaw ro!" Mondako ki rafën ogës od dek bela bër xetëra kën gër ey'ambëran bën.

¹¹Mën ex ar kë w̃asinayand mëne ar gapak hi ko an, mën fo këŋo šëfënan. Ar bayik ax dafënanand na aŋ, Kaxanu këŋo rafën.»

¹²Yesu, ga h̃ata ko eŋo fel këŋo axwën ofëna an: «And këy'ëbi w̃ac bela en y'ambëra ecemar ed goyat ba ed genëka aŋ, kërey'ëbi macënd na odawo oday', ba bobinëx, ba bër nëng irey', ba bër gë napul, ba bëraketa andey' gayik bën axor këni xor eni mašën.

¹³Barikan, macindëbi bëxaŋëanaxik, bëseŋik, bëšiw̃ëk.

¹⁴Aye ki nëngandëra gayik bën ani cot na er këni w̃ašën in. Kaxanu ki w̃ašëned' yatir këni xani gër ecës bër šenene bën.»

End apënëtal and ñambëran itëm eŋ

¹⁵Ga baxët këno Yesu ga ko yey'an mondako, rew ko ala: «Nëngandëralenŋo ar kë hixeli gër ñambëran ind gër owun or Kaxanu an.»

¹⁶Yesu yaka këŋo: «Mondako ri baxo ala ga w̃ac këbi bëranjëm ñambëran.

- ¹⁷And feyëtëra këni aņ, lawën këņo ariyenin abat gër bër wacëgu babi ebi pelëx: “Yowën ngwa, anëka feyëtëra këni.”
- ¹⁸Barikan, abat abat këni rey and okaya ga xey këbi eni yaka. Aņanar an re ko: “Wëno ošënga yëc këme na do afo me ye me nëkonëgu. Axara xara këmi pelëxëyo axwën arey aņ exe teban.”
- ¹⁹Axinëm an re ko: “Oxey epëxw or yaneỹ yëc këmëni do afo mëni tÿyi ekap el. Axara xara këmi pelëxëyo axwën arey aņ exe teban.”
- ²⁰Re ko bëte ašëxen: “Wëno cëņ ecede fo yër këme, mëņ bayik ame kam na me yeli.”
- ²¹Ga baka ko ariyenin an, felëx këņo dek beņo axwën ofëna an. Ata mëņ xoỹ ko xali, do re ko: “Awa kucal ataņ eyëbi macëraw bela bën gër bakwëndaya do gër ocanditëra. Macuyëbi ado eni gi bëxaỹëanaxik, bërëgobo, bëseỹik, bëšiwëk.”
- ²²Ga bakaw ko ariyenin an, re ko: “Axwën anëka wacëraw këmëni ang re bay ak, barikan yer bayik bañëpara baņ.”
- ²³Ata axwën ofëna an fel këņo bëte ariyenin an: “Tëfël opëna ok, do tar okece ok, nëỹaliwëyëbi bela bën eni yow xali eni pëxw gër iciw indam ro.
- ²⁴Ga re këme, bër felawëk bëjo gabatak ax tÿyi na ece mar edam el.”»

End etëf ed Yesu eņ

- ²⁵Amëxwër atëm baņo sëfand Yesu. Ata šena ko fel këbi:
- ²⁶«Ar ke sëf wëno an, balindëleņo endam eņ nëmëc: gë end nëm gë sëm eņ, gë end alindaw eņ, gë obaš orexëm eņ do gë end bobinëm eņ. Balindëleņo bëte endam eņ nëmëc gë end aniyandexëm eņ dëņ. Aņo fo ko hixën enim asëfan aram.
- ²⁷Ar këņo xey yo toro do gë ecës në end owac oram, axo kor na exo gi asëfan aram.
- ²⁸Ang hi kën ro ako, ar këņo yandi exo bay baciw batëndëndër an pere ko yëpa exo pën kodı in, exo nangaxën ba aņataxën ko aņataxën obay ol.
- ²⁹Angëmëne exo ñana obay ol do exo di mondako dëņ orëda oņ, do exo takëndër, alëš këno yana eno dëšënd bela bën.
- ³⁰Are këno yana eno dend: “Ala ajo anëka sëkwan ko ngëņ obay ol, axo kor ex na exo aņata.”»
- ³¹Yesu re ko bëte: «Emun end kë yend eņo mereli ecandaw eņ, anëkon ko nëkon ba awënd wëndëk gë ocoroda owëli epëxw odexëm ok eni cëxwar gë ar gë owëli alapem an.
- ³²Angëmëne aņo mëndan ex na, caw fo ko bayiw arangoỹëra an ebi dawën bela eno mëka mondake këni ri angwëlëra aņ.

³³Mëñ ex, ar ax teb ex na dek er şot ko exe tēfaxēn an, axo kor na exo gi enim asēfan aram.»

End ongal eñ

³⁴«Ongal oñ er şenene ex, barikan and kë xac añ edap fo kë bayind?

³⁵Ongal okacax oñ ofēcak ax gi ex na gēr ebar, bēte ax gi ex na ndēbur, alap fo ex. Awa ar gē anēf an baxētēlexo.»

Luk 15

End apēnētal and ifeỹ eñ

¹Akey amat, dek bēsēf bēr şagale bēn, gē bēwēndēran bēn sēka këno Yesu eno baxēt.

²Ata Ofarisenñ ok do gē bēşalen bēn ga këno rena, këni rend: «Ajo er wata ko ebar ed bēwēndēran eni y'ambēra gē bēn.»

³Ga wata ko Yesu, fel këbi apēnētal año.

⁴«Ang hi kēn ro ako, ala ebi cot opeỹ këme do eño nem ibat. Abi teb na nde ofēxw ocongonax gē ocongonax ok gēr apuỹ eño calaxēn ir nem këño in?

⁵And këño wat añ, ata këño weniw gē onēnga fo.

⁶Do and ko ĥat gēr iciw añ, ebi macērāw bēcandaw bēñ do gē bēraketa bēn, exo de: “Ene mēkēñaraye wac këmun, ifeỹ ir nem bamo in wat këmo!”

⁷Awa ga re këme, mondako fo këbi nēngandērand nēmēc Kaxanu gē bēr hi këni gēr orēn bēn end awendēran abat ar nēngwētēk ola orexēm eñ gē end bela ofēxw ocongonax gē bēcōngēbēnax bēr şenene, bēr bayik abi bal ex na eni nēngwēt ola orebēn bēn.»

End apēnētal and asoxari ar nemēk kodī eñ

⁸«Angēmēne asoxari exo cot batama epēxw band kodī do exo dāpēta amat lēf gēr anakaya, ax gi ex na nde ata ko fētēn lambo exo pat aye iciw iñ gēr ocal?

⁹And ko wat añ, awac këbi wac bēcandaw bēñ do bēsōxari bēraketa bēn, ebi pel: “Ene mēkēñaraye wac këmun, atama and kodī and nem bame añ wat këme.”

¹⁰Awa ga re këme mondako këbi nēngandērand omeleka ok gēr lēngw ir Kaxanu and ko nēngwēt awendēran abat ola orexēm añ, do exo teb beñēñenax bend baxo rind beñ.»

End apēnētal and itox ind nambērak eñ

¹¹Ata re ko bēte Yesu: «Mondako ri baxo ala ar gē ocambenjar oki.

¹²Akey amat, şambenjar ibeja in fel këño sēm: “Faba, yēlēle tan oşet oram ol gēr napul ir këmi bētelid in.” Ata sēm şetēndēr këbi.

- 13** Ga xeyërak, şambenjar ibeja in nëmb ko ðek er şot baxo in gë kodî, do y'e ko kwël në ebar ed caw, gër ed nëxendërax baxo napul irexëm in gë eñac.
- 14** And nexën ko ðek aņ, bayi ko taxan. Ata fëtëk enjo gër ebar elo.
- 15** Enjo eņ ga xumak, lil ko oxadac or bambëxwëbëxw.
- 16** Bandëmar ðek baņo yandind exo y'amb er banëbi xobënënd bambëxwëbëxw in, bari ala abaņo yël na.
- 17** Amëd aņo fëris këņo onden oņ, ata yana ko ko yëlarand: "Aseb fo këni sebënd ecemar el bërandiyen bën gër ndebi. Do wëno këme rind me cës enjo eņ ro.
- 18** Maỹileme saxëk. And këme ĥat aņ me de: E faba, aŵenan ŵenan këmo Kaxanu do aŵenan ŵenan këmi wěj bëte. Ado wëno ame bo ex na itox indey! Kërey'e macënd na asëñiŵën!
- 19** Gileme arandiyen andey' fo."
- 20** Ga yëlara ko na mondako, xani ko do kwël ŵaỹi ko. Caw fo bayiw baxo ga watëgu këņo sëm. Ga xaỹenan këņo, xacëra këņo gë ongër fo, ŵega këņo bëxib gër egëla.
- 21** Ata re ko asëñiŵ: "E faba, aŵenan ŵenan këmo Kaxanu do aŵenan ŵenan këmi wěj bëte. Ado wëno ame bo ex na itox indey! Kërey'e macënd na asëñiŵën!"
- 22** Barikan, sëm fel këbi bëriyenin bën: "Maraliwën acud and gë oñaņen aņ. Dënino anëna aņ gër imasa, do peđino baped baņ gër osapar.
- 23** Yebëguno engaş ekwëlëxwël eņ, enëņo ŋaşe. Doro ofëna osëm këmo rin asëñiŵën.
- 24** Yowën, er yëla bame anemi nemi ko barikan ŵaỹiw ko abëngw. Anem nem bamo barikan anëka wat këmo." Ata yowëraw këni bela bën gër ofëna.
- 25** Xarak şambenjar ixarëk in gër oşënga hi baxo. And baxo ŵaỹi gër iciŵ genëka aņ, wël ko angon aņ; bela ga këni wandëra gër yangana.
- 26** Ata ŵac këņo ariyenin abat eņo mëka ba ine ex gër iciŵ.
- 27** Yaka ko: "Abinëx ŵaỹiwëk do gayik abëngw fo ĥatëgu ko, sorix ĥaşën këņo engaş ekwëlëxwël eņ."
- 28** Mëņ ga xoỹ ko na, ĥisa ko kwël, ĥëp ko exo ðil gër iciŵ. Ata sëm şan ko eņo karaw.
- 29** Ga këņo yifara exo ĥat gër iciŵ, yaka këņo: "Wëno bëniy bëndanjëm këmi riyeninënd ang xadëp fo, elod ame nëp ex na bapela bandey' baņ, bari elod ay'e yël ex na imeci ind këmo y'ak wëno gë bëcandaŵën bëndam bëņ!
- 30** Barikan and ĥatëgu ko asëñix aņ, ĥaşën këy'o yer engaş eņ, xarak mëņ y'ambëk napul irey' in gë bësoxari bëşëxwëpëtaxik."
- 31** Ata re ko sëm: "Okò asëñiŵën, wěj elod ay'e teb ex na do eram in er ey' ex!

³²Natëgu gër ofëna or rin këmo abinëx ir yëla bame anemi nemi ko barikan wãÿiw ko abëngw, anem nem bamo anëka wat këmo!”»

Luk 16

End apënëtal and aŵëxëta ar kodí eŋ

¹Yesu fel këbi bëte bësëfan bën apënëtal aŋo: «Mondako ri baxo ala ar šot baŋo aŵëxëta ar napul irexëm. Ga wata këno mëne aŵëxëta ar napul an në enëxen exo napul in, fut këno gër axwën arexëm.

²Axwën an ga wãc këŋo aŵëxëta ar napul an do wëka këŋo: “Ine këme wëlënd? Dey'al ang wëlaya këŋ napul iram ak? Yeye exe nekone gayik ay' bayi na aŵëxëta ar napul iram!”

³Damana exo tebaxën andiyen, aŵëxëta ar napul an re ko: “Mondake këme ri gayikako axwën aram an në ekan exe andiyen and emëlaya ed napul aŋ? Ýaneŷ in axe yël ex na do okar ok ašëfën ex.”

⁴Ata re ko: “Yo anëka nang këme ang re këme ak ene dëcaxënënd bela bën ecan ecan and këme seb andiyen and emëlaya ed napul aŋ.”

⁵Ata wãc këbi abat abat bër ýomëxara bax bën. Wëka këŋo aŷanar an: “Wëj, yëgwe ýomëxa bay'o axwën aram an?”

⁶Yaka ko: “Bapeŷ'a keme band ogu ond olif.” Aŵëxëta ar napul an re ko: “Awa kanal ikayëta in, gërëgako bapeŷ'a ofëxw oco fo këŋ wãš.”

⁷Wëka këŋo axinëm an: “Wëj cëŋ yëgwe ýomëxa bay'?” Yaka ko: “Ojabote keme od bële.” Fel këŋo: “Kanal ikayëta in, gërëgako ojabote ofëxw ocongosas këŋ wãš.” Hata këbi dëk mondako.

⁸Ata axwën an šëkwa këŋo aŵëxëta ar napul asëmbak ajo.» Ata re ko bëte Yesu: «Mondako këni rind bela bër këbi balënd end aniyen and gë okey oko fo bën. Bën kë xëñënan end ecan ecan eŋ nëmëc gë bër ex gër angoben bën.

⁹Mëŋ këme rexënënd calayindënëbi odawo gë napul isëmbak in, ata kën barëxëd gë bën gër aniyen and din ŷ'aŋ gër orën.

¹⁰Ar hik mokwëta gë beb bebësil an mondako fo këŋo bal bebër xëbënëk. Ar sëmbak gër bebër bayik ax ñëmb ex na an mondako fo ko sëmbe gër beb bëranjëm.

¹¹Awa angëmëne an gi ex na bër mokwëta gë napul isëmbak ir gër ngwën ro in, noŷo këŋun sebënan napul ir d'al in?

¹²Awa angëmëne an gi ex na bër mokwëta gër er xwën ko ala ašëxe in, noŷo këŋun xwëtënan enjekax end d'al eŋ?

¹³Ariyenin gabatak axo kor na exo gi xadëp ir bëxwën bëxi. Enimin, afo eŋo ŋan abat do eŋo cus ajo an. Afo eni wëlër gë abat do ebi koŷër gë ajo. Mëŋ ex, an kor na enëbi bara Kaxanu gë kodí in.»

¹⁴Ata Ofarisenɔ ok, ga hi bani bēñan bër kodi, këno lēšënd Yesu ga wël këni ðek er baxo rend in gayik bën end kodi xurixën babi.

¹⁵Ga wata këbi Yesu, re ko: «Ata wën ðeñ ex ðe bër kë wāsinayand ang bër ſenene fo gër ogēs od bela. Barikan, Kaxanu ðek ko watënd oñkw orewën oñ. Er këbi xēbēnanënd bela in ejo ecusēsūs ex gër Kaxanu.

¹⁶Xali and yow ko ſaŋ Batis añ, er ebax acariya and Moyis añ do gē eyeyan ed bēlañwēnel el, gērēgako, owun or Kaxanu ol këni femērand ang Atēfētan fo, ala kala nē enēyētēra exo exo ðilaxën.

¹⁷Xarak er saxēk ex ðēxēta ebar el gē orēn ol gē ex pēxwēcaya iñēgw imat gēr acariya and Kaxanu.

¹⁸«Asoſan ar këño fela yo alindañ do eño ñēr ašēxen, nē emenan eño ayanar an gayik orekar këni rind gē axinēm an. Do asoſan ar këño yēr yo asoxari ar fela këño icēn indexēm, orekar këni rind gē asoxari ajo.»

End Lasar do gē ar gē napul eñ

¹⁹Ata re ko bēte Yesu: «Mondako ri baxo ar gē napul. Mēñ banjēm banjekax bambarax, gē banjēm band xaf-xaf band xemēnēk acanji fo baxo ſuðarand. Do key yo key ñambēran fo bax gēr iciñ indexēm.

²⁰Axañēnaxik ar bano wācēnd Lasar bax renarand na gēr ebēt ed iciñ ind ar gē napul. Okejēn fo baxo ðek eman eñ.

²¹Ako baño yandind exo meðara gēr ed baxo yambērand ar gē napul an. Ado oðañēt fo baño sēkand eno ðayēndēra okejēn ok.

²²Akey amat, axañēnaxik ajo ſēs ko, wēla këno omeleka ok gēr ed hi ko Abēraxam. Wēla këno omeleka ok. ſēs ko bēte ar gē napul an do wēxēta këno.

²³Ata hix këni bën tak gēr wur ir bēšēsēk: axañēnaxik an gēr ed ko Abēraxam do ar gē napul an gēr ed ex toro. Ga xeña ko, wat këño caw Abēraxam ga bexena këño Lasar.

²⁴Ata wāc ko: “E ſaca Abēraxam, kañēnanēlexi wa wēno! Pelēlo Lasar exo ñēmb ebasa el gēr men do exo yow exe tabinan gēr aniñ. Mbañ këme sorond gēr xodux ro.”

²⁵Yaka ko Abēraxam: “ſaca, kwital wa ang beta bay gēr aniyān andey ak, xarak Lasar mēñ asoro baxo sorond. Gērēgako mēñ anēka yera këño xarak wēj nē toro ey.”

²⁶Adofa ambēxw atiñax fani këbo na wën gē biyi. Biyi ro ar yandi këño exo yeli an axo kor na bēte wën fēn ala ax kor na exo yow ro.”

²⁷Ga wël ko eño, wēka ko bēte ar gē napul an: “Kēla ſaca Abēraxam, gayik mondako ex, ðañēnēlo ngwa Lasar gēr ndebi.

²⁸Bëmaÿe bënjo sebëtagu këmëni. Mëlanëlebi osede orexëm ol, këdi këni yow bën bëte ro gër wur ir toro!”

²⁹Abëraxam yaka ko: “Okò ašot ga šot kënebi wa Moyis do gë bëlaŵënel bën, baxëtindëlenëbi.”

³⁰Ar gë napul an re ko bëte: “Ali ababak eño Šaca Abëraxam! Angëmëne ar nemik sêkëx këbi año fo këni ŵa eni nëngwët ola orebën ol.”

³¹Na re ko Abëraxam: “Angëmëne ani tëf ex na er re këni Moyis do gë bëlaŵënel in, ani gi na ani ma na, ado exo kanido ala gër ecës do ebi tøkëx, ani ma na.”»

Luk 17

End eteban eñ

¹Ga xucak eño, Yesu fel këbi bësëfan bërexëm bën: «Gër aniyân, afo ex gi bebër kë lënanënd eñëñëx. Bari año ye ex na ar këbi lënanënd eñëñëx bela an!

²Er sax doño eno kapeli gë angaÿ and këni hoxixënënd eyamb do eno đap gër ngu, gë eño đënan eñëñëx eñ asëfan aram.

³Diyindën gë onden oñ! Angëmëne abinëx ŵëndërak na, pelëralo. Angëmëne anëngwët nëngwët ko ola orexëm ol, tebanëlo.

⁴Ado exi menan banjongëbaki gër amëđëna do exo yeli banjongëbaki exi mëka eyo teban, tebanido.»

End ekwëta ed Kaxanu eñ

⁵Oparëxanda od Axwën ok xara këno: «Bašënëlēbo wa ekwëta ed Kaxanu el.»

⁶Axwën Yesu yaka ko: «Ado ex bado yo ekwëta edewën el gwër gë enjëlir end mutarëd, axor xor don en de: “Wëj atëx año, bicayal fa ey đëđayax gër ngu.” Ata ridox ang re kën ak.

⁷Angëmëne ang hi kën ro ak, ala eño cot xadëp gër ošënga, ba gër oxadac or oyel, do exo ñatëgu genëka, afel nde këño fel exo ñëpa atañ gër eyambëran?

⁸Pere këño fel xadëp irexëm in: “Nëmbaral fa ey'e cemëranaxën, xali me yambëra do me cebëra. And këme ŵed añ, wëj bëte, axor këy xor ey yambëra do ey' cebëra”.

⁹Xadëp ijo, año cëkwa na gayik er fel baño in fo ri ko.

¹⁰Mondako fo ex endewën eñ. And kën ri đek er fel këñun Axwën in, deyindën: “Er ÿapëk mi di in ri kën ang okadëp fo”.»

End bër gë amey eñ

¹¹Ond gër Yerusalem oñ bayi baxo ga ko ye Yesu. Ata ko xucand fëco ebar ed Samari fëco ed Galile.

¹²Ga ko hat në angol, xacëra këno bela epëxw bër gë amey. Caw fo bayi bani ga këni re:

- 13 «Axwën Yesu, Axwën Yesu, kaŷënanëlexi biyi!»
- 14 Sam ga wat këbi, fel këbi: «Yeyin enun nëkonëx bëşadaxan bën.» Ata ga këni ye, şan këbi ameŷ aŋ do wën këni.
- 15 Ga fak këni na bën dek, abat ko xeŷënd ga këŋo şëkwa Kaxanu do wërëşëta ko gër Yesu.
- 16 Ga ĥat ko, foxi ko, rëngw ko eyiŷ el nęş gër ebar, gër osapar or Yesu do këŋo şëkwand. Asamari ebax.
- 17 Ata re ko Yesu: «Ax gi ex na nde bela epëxw bën dek fakën këmëni? Do feye cëŋ exëni bëcongëbënax bën?»
- 18 Ar gër ebar ed Samari ajo fo nde xwitak exo bakaw eŋo cëkwa Kaxanu?»
- 19 Na fel këŋo ar bakaw bax an: «Poxital ey maŷi, ga xwëta këyo Kaxanu fakaxën këy!»

End Owun or Kaxanu eŋ

- 20 Ofariseŋ ok wëka baŋo Yesu ebi pel ba nand feye kë yow owun or Kaxanu ol. Ata yaka këbi: «Ala ax wata na nand kë yow owun or Kaxanu na.
- 21 Mëŋ ex, ala ax de na: “Ro ex” ba “Fën ex” enimin owun or Kaxanu ol lëf gër oŷëkw orewën ex.»
- 22 Ata fel këbi bëte bëşëfan bën: «Në eyow ex bakey band këŋun ŷandid ene wat wëno Asëniŷ ar ala baŋ, bari ane watëd na.
- 23 Ata kënun ŷana enun pelënd mëne Asëniŷ ar ala an ro exo ba fën exo. Këren kaşëred na gër ed kënun fënëtan.
- 24 Enimin, ang kë wingarand cidët orën ak xali eni watëra bela bën, mondako fo kë hid yatir këme bakaw wëno Asëniŷ ar ala an.
- 25 Barikan pere fo këme soro mbaŋ do ene cus bela bër gë okey oko bën.
- 26 Ang hi babi bela bën angwën and ebaxo Nowe ak këbi hi yatir këme bakaw wëno Asëniŷ ar ala an.
- 27 Er xwënda bani bela bën: ñambëran, oşëb, eñërër, eñërendër, xali lil ko Nowe gër Akuluŋ. Fënga këbi tëb itëm, ŷëmëk ebar el do men oŋ nemindëra këbi bën dek.
- 28 Bëte ang hi babi bela bën angwën and ebaxo ar bano wacënd Lot ak këbi hi. Er xwënda bani ñambëran, oşëb, opane, ŷaneŷ, ebaŷ ed baciŷ.
- 29 Barikan, yatir hër ko Lot angol and Sodom aŋ, mungu fët bax gër orën do sëbandëra këbi xodux, laŷëra këbi bën dek.
- 30 Mondako fo kë hid yatir këme şanayaw wëno Asëniŷ ar ala an.

³¹Yatijo, ar ex yañ në ejur ed këbe an xarak oÿënga orexëm oñ lëf ex, kërexo pedanëf na exo gëraxën. Bëte ar ex gër apuyñ an kërexo mayid na, gërexëdëlexo.

³²Kwitayindën end alindaŵ ar Lot eñ.

³³Ar kë şala exo pexën enjëw endexëm an fo, anemin ko nemin. Do ar kë ŵa exo nemin an, afexën ko fexën.

³⁴Ga re këme, yatir këme ĥatëgu gëmëd ijo fo kë hi mondako: bela bëxi bër kë laki në angaŵ amat, abat mo mëla, ajo mo teb.

³⁵Gër ed këni sënërand bësoxari bëxi: abat mo mëla, ajo mo teb.

³⁶[Gër ed këni ÿandërand bësoşan bëxi: abat mo mëla, ajo mo teb.›]

³⁷Ata bësëfan bën ŵëka këno Yesu: «Do Axwën, feye wa kë ĥatëgu eño?» Yaka këbi: «Gër ed ex eman embërëk, fën këni barërend oyafe ol.»

Luk 18

End cale eñ

¹Axwën Yesu këbi sëyalind mëne ax gi ex na motëkwëra cale in. Ata fel këbi apënëtal año.

²Re ko: «Mondako ri baxo axiti ar hi bax në angol. Mëñ abaño yëda na Kaxanu, bëte end ala abaño bal na.

³Bëte, asoxari asebëta sebëta hi bax na gër angol año, ar bax y'end key yo key eño pel: "Kitilëbo gë arangoÿëra andam an."

⁴Axiti an lañ baxo ĥëpënd eño yakali, bari asoxari an año cena bana. Ata akey amat, axiti an ga lëbëlëba këño, yëlara ko: "Wëno amo yëdand na Kaxanu, bëte end ala axe balënd na.

⁵Barikan, anëka lëbëlëba ke end asoxari ajo eñ. Exe tebaxën afo mëni kiti gë ar xucar këbi an."›

⁶Ga ĥata ko apënëtal añ, Axwën an şom ko: «Wat kën nde mëne axiti asëmbak ajo ayakali yakali baño asoxari an?

⁷Do Kaxanu abi yakali na nde bër yata këbi bën? And këno ÿana eno calend ciş wec añ, abi yakali na nde sam eño natan?

⁸Ga re këme, atañ atañ këbi yakali or şenene or këni ŵëkand ol. Barikan, and këme bakaw wëno Asëniŵ ar ala añ, asëkati nde këme sëkati ekwëta ed Kaxanu el gër ebar ro?›

End apënëtal and bër cale eñ

⁹Bërëmar bax yëland bën bër şenene hi këni do banëbi yafënd boşandaŵ, Yesu fel këbi apënëtal año.

10Re ko: «Mondako ri bani bela bëxi ga ye këni eni calex gër Aciw̃ and Kaxanu: fariseŋ do gë asëf ar šagale.

11Fariseŋ in ŷana ko ko šalend mokwëša: “Kaxanu aye ri këy gayik wëno ame gi ex na asëmbak ang exëni bela bëranjëm. Ame dekanđ na, amëni yifand na bela, ame dind na orekar, ado ame gi ex na ang asëf ar šagale ajo.

12Wëno, baki këme siw̃ind gër loxo do đek er šot këme yo awed këme wëdënd dim in.”

13Amëd aŋo fo bëte baxo šalend nacët ako asëf ar šagale an. Ado abaxo yëxw na exo dënëta do exo keŋa orën ol. Emëkw el baxo xëmënd do ko rend: “E Kaxanu, kaŷënanëlexi wëno awendëran ajo!”»

14Yesu, ga ĥata ko apënëtal aŋ, šom ko: «Ga re këme, asëf ar šagale an wãyik gër ndebën ar šenene, xarak ax gi ex na fariseŋ in. Gayikwa ar kë rafënanđ yo, Kaxanu alat këŋo lat, barikan ar kë banand an arafën këŋo rafën.»

End obaš eŋ

15Bela babi wëlaw obaš gër Yesu gë bëndoyer ak ebi calen mokwëtan otaxan ok. Barikan, bësëfan bën ga wat kënebi bëjo xeŷëanaxën kënebi.

16Ata wãc këbi Yesu do re ko: «Tebëgunëbi obaš ol eni yow gër ndam. Kërenëbi nãwã na gayik bër ex ang bën ak bën kë xwën owun or Kaxanu ol.

17Dal in këmun felënd, afo ar wãk end Kaxanu ang itox an fo kë lil gër owun olo.»

End ar gë napul eŋ

18Ata alëngw ar Bëšëwif wëka këŋo Yesu: «Asëyali, wëj ar šenene an, ine ŷapëk me di me cotaxën aniyand and din aŋ?»

19Yesu yaka këŋo: «Ineŵa këye wãcaxënënd ar šenene? Ar šenene ax gi ex na, ang ax gi ex na Kaxanu.

20Wëj anang nang këy bapela band Moyis baŋo: “kërey dind na orekar, ala këreyo đawëđ na, kërey dekanđ na, kërey nëgwëšënd na, pëbindëbi norix gë sorix.”»

21Ata re ko ala ajo: «Elod itox sëf këme đek bapela baŋo.»

22Ga wël ko eŋo Yesu re ko: «Emat bayik ey di bëte. Panël đek acota andey aŋ, eyëbi yëlëra kofi in bëxaŷëanaxik bën, ata këy šot napul yaŋ gër orën. And këy ri mondako aŋ yowëđ ey'e tëf.»

23And wël ko eyeyan elo an, alëngw ar Bëšëwif an hi ko yëmërot, gayikwa ar gë napul isëm hi baxo.

24Yesu, ga wat këŋo yëmërot, re ko: «Bon këbi yëka bër gë napul bën eni dilaxën gër owun or Kaxanu!

²⁵Gelemba saxëk exo kuca në imëd ind icëkwër gë exo dîl ar gë napul gër owun or Kaxanu.»

²⁶Ata bër baño baxëtënd, re këni: «Do noÿo ngwa kë fex?»

²⁷Yaka ko Yesu: «Er ax mënd ex na gër bela in, gër Kaxanu awënd wëndëk.»

²⁸Na rew ko Piyer: «Do biyi wa ga sebëraw këmi ako dek mi tëfaxën?»

²⁹Yaka këno: «Dal in këmun felënd, ar kë sebëra dek në end owun or Kaxanu eñ: iciw̃, alindaw̃, obaš, bobinëm, nëm gë sëm, afex ko fex.

³⁰Gërëgako dëñ ko šotëra nëmëc bebër sebëraw ko bën, do ecan ecan, aniyan and din añ.»

End ecës ed Yesu eñ

³¹Ga xucak eño, Yesu w̃ac këbi bësëfan epëxw gë bëxi bën do fel këbi: «Awa, në yene de yañ gër Yerusalem. Nangin mëne dek er ebax exe gi wëno Asëñiw̃ ar ala in, aħata kë ħata, ang yëgw këni bëlaw̃enel bër Kaxanu ak.

³²Gayikwa alëxw këne lëxw gër bër ax gi ex na Bëšëwif, ene dëšëra, ene dixëra do ene tëpandëra.

³³And këne xëmër añ ene dāw̃. Barikan, axani këme xani gër ecës yatir akey atasën.»

³⁴Ga baxët këno Yesu, bësëfan bën abi pëni bana gë təkër ak er re ko in, eño abi paÿën bana.

End ašiw̃ëk eñ

³⁵Yesu ga ko ħat gër angol and Yeriko, sëk këno ašiw̃ëk ga yëpa ko okararan ler gër fëña.

³⁶Ašiw̃ëk an wël këbi bela ga këni xuca, ata w̃ëka ko ba ine ex.

³⁷Yaka këno: «Yesu Ibënasaret kë xucand.»

³⁸Na w̃acar ko: «Yesu, Yesu, Asëñiw̃ ar Dafid, kaÿënanëlexi wa wëno!»

³⁹Bër sëfër bani gë Yesu bën këno xeÿëanaxënënd: «Wëj, cësinal fa!» Barikan mëñ año baš ko okeÿ oñ: «Asëñiw̃ ar Dafid, Asëñiw̃ ar Dafid, kaÿënanëlexi wa wëno!»

⁴⁰Ga xwëša ko Yesu, re ko eno mëlanëgu ašiw̃ëk an. And ħateliw këno añ, w̃ëka këno:

⁴¹«Wëj, ineŵa ỹandi ki mi din?» Yaka ko: «Axwën me ciw̃ëta ỹandi ke!»

⁴²Ata re ko bëte Yesu: «Ciw̃ëtal, ga xwëta kë'e ako!»

⁴³Atañ atañ watëra ko, këno šëkwand Kaxanu do kwël sëfa këno Yesu. Bulunda in dek ga wat këni eño, këno šëkwand bëte Kaxanu.

Luk 19

End Saše eŋ

- ¹Ata Yesu ko xucand angol and Yeriko aŋ.
- ²Ala baxëna ar bano wãcënd Saše gër angol aŋo. Mëŋ hi bax alëngw ar bësëf bër šagale an, do hi baxo ar gë napul isëm.
- ³Gayikako mëŋ mbaŋ rom baxo, wata ko mëne ax mënd bana eŋo wat Yesu šit gër engaxarak bon bal baŋo eŋo nang.
- ⁴Ata hër ko eŋo kašëx y'aŋ në anak gayik Yesu fëña ijo sëf baxo.
- ⁵And ħat ko Yesu dila gër atëx aŋ, xeŋa ko do wãc këŋo: «Saše, maral ey' pedaw doro gër ndewën këme ħat.»
- ⁶Ata Saše, joc gër ebar do kwël sëfër këni gë Yesu gë onënga fo.
- ⁷Dek bër ebax na bën këni rendërand: «Yama gër iciw ind awendëran ajo nde ko y'end?»
- ⁸And ħat këni aŋ, Saše xwëša ko, šena ko gand Yesu, do re ko: «Awël nde Axwën, ja mërëxand këmëni yëlëra kodî iram in bëxaŷënaŋik bën. Awa, ar y'amba këmo yo bakëlëbëd banax këmo wãšën.»
- ⁹Yaka ko Yesu: «Awa doro fex kën wëj gë ekun edey el. Wën bëte bërändëwëra and Abëraxam hi kën.
- ¹⁰Ocal od bër nemëk fëña ir Kaxanu ok y'ow këme wëno Asëñiw ar ala an, mëni pexënaŋ.»

End apënëtal and emun eŋ

- ¹¹Ga këno baxët bër hi bax na bën, Yesu rey'a ko apënëtal aŋo, gayik anëka hi bani d'am gër Yerusalem do bela bën bani yëland mëne yatijo dëŋ kë šanaya owun or Kaxanu ol.
- ¹²Ata re ko Yesu: «Mondako bax end ar rëw bano në ekun ed bër gapak ga y'e ko në ebar ed caw eno mašëgu owun ol.
- ¹³Wãc këbi bela epëxw gër bëriyenin bërexëm do yël këbi ala kala kaŋe ir bon eni cënan d'amana exo bakaw.
- ¹⁴Barikan bër angol amat gë mëŋ bën ašus šus bano. Ata lawën kënebi bela eno pelëx abi ñandi ex na exo mun gër ebar edebën.
- ¹⁵And wãšëgu këno owun aŋ, wãŷiw ko. Wãc këbi bëriyenin bër yël babi kaŋe bën eni nëkon ala kala ba yëgwe šënan ko.
- ¹⁶Ata sëka ko aŋanar an re ko: “Axwën, wëno kaŋe ir yël bay'e in bakëlëbëd epëxw šënan këme.”

- 17**Ata yaka këŋo: “Yo ŝenene ex, wěj ariyenin ayekax hi këŋ. Tëkër fo bax er seběnan bami in, do ga lëkayali këŋ ako aye, ar mokwëta hi këŋ. Wěj owun or bangol epëxw këŋ xwën.”
- 18**Sëka ko axinëm an, re ko: “Axwën, wëno kaŋe ir yël baye in bakëlëbëd banjo ŝënan këme.”
- 19**Ata yaka këŋo: “Yo wěj kë xwën owun or bangol banjo.”
- 20**Sëkaw ko ngwa, asasën an, re ko: “Axwën, kanal kaŋe ireŋ in, gë anjëm fel bame me mëxwëtaxën.”
- 21**Ayëda yëda bame oxem oreŋ ol. Wěj er bayik aŋ kwën ex na in ayata këŋ yatand, do gër ed bayik aŋ tëw ex na axana këŋ xanand yëŋ.”
- 22**Yaka këŋo: “Ata gë er re këŋ in fo këmi nëp, wěj xadëp ixwëlaraxik ijo! Ga nang bay ako mëne ala axemax hi këme, mëne er bayik ame kwën ex na in aŋwëd këme wëdënd er bayik ame kwët ex na, axana këme xanand enedä end bayik ame ned bana eŋ?
- 23**Ineŋa bayik aŋ mëla bana kaŋe iram in gër bër ŝënanëdox mëŋ xanati dome gë yëŋ?”
- 24**Ata fel këbi bër hi bax na bën: “Kanino fa kaŋe ir lëkaya ko in, eno yël ar ŝënanëk bakëlëbëd epëxw an.”
- 25**Ata re këni bëjo: “Okò, axwën, mëŋ anëka ga ŝot ko wa mbaŋ kaŋe in!”
- 26**Yaka këbi: “Ga re këme ar ŝot an, abaŝ këno baŝ, bari ar ax cot ex na an, axan këno xan er xaŋ këŋo in dëŋ.
- 27**Gërëgako, tërawënëbi bërangoŋëra andam bën, bër xey babi me mun bën. Naŝinëbi gër ed yëpa këme ro dëŋ!”»
- 28**Ga ħata ko apënëtal aŋ, Yesu lëngw ko ond ŋaŋ gër Yerusalem oŋ.
- 29**Bëngol bënd bani wëcënd Betëfage do gë Betani ebaxëna ler gër Yerusalem, gand etënd ed gë bañarëka. Ga ko ħat Yesu, laŋwën këbi bësëfan bëxi.
- 30**Re ko: «Yeyin gër ingol ind gër lëngw. And kën ħat aŋ, ata këno sëk mokap ipali ind elod ala aŋo nëpaxën ex na. Pëtino eno mëlaw.
- 31**Angëmëne ala wëka këŋun ba ine këno fëtaxënënd, deydën mëne Axwën Yesu rek momëlan.»
- 32**Bër laŋwën babi bën ŋe këni do sëkëx këni ang fel babi Yesu ak.
- 33**Ga këno fët ipali eŋ, bëxwën bën re këni: «Wën, ineŋa këno fëtaxënënd ipali in?»
- 34**Yaka këni: «Axwën Yesu rek momëlan!»
- 35**Na wëlan këno ipali in labëra këno gë banjëm bandebën baŋ. Yesu yëpa ko ŋaŋ.

³⁶Ga ko ye bela bën kēni rendērand banjēm bandebēn baŋ tar fēña in.

³⁷Ga kēni šēla etēnd ed gē bañarēka el, kēni sēkand angol and Yerusalem aŋ. Bēsēfan bën do gē bela bēr hi bax na bën kēno šēkwand Kaxanu šor, gē onēnga fo ga bani xwita dek becarax bend wateli bano Yesu beŋ.

³⁸Ata kēni rend: «Yo anēka ĥatēgu ko emun eŋ, Betalexo ar yowēnd gēr oŵac or Axwēn Kaxanu an! Elod yaŋ gēr orēn wēlanēgu kēbo aketēxeta aŋ. Do gē enjaran end Kaxanu eŋ.»

³⁹Ata ofariseŋ od wateli bax ok kēno rend Yesu: «Asēyali, kexelēbi bēsēfan bērey bën!»

⁴⁰Yesu yaka kēbi: «Ga re kēme, bën eni šēsinand yo, oxaŷ oŋ kē yāna ex keyēnd!»

End Yesu gēr Yerusalem eŋ

⁴¹Yesu ga ko ĥat gēr Yerusalem wat ko angol aŋ; ata yāna ko ko yāwēnd.

⁴²Er baxo rend: «E wēn Bēyerusalem bën, en nangēdo er wēlanēgu kēmun in, en nangēdo wa mēne obetak ex. Bari gērēgako an kor na eŋun pēni.

⁴³Gayikwa nē eyow ex bakey band kēnun xul ang okece fo bērangoyēra andewēn bën, do an korēd na enēbi cana.

⁴⁴Wēn Bēyerusalem bën, dek kēnun laŵēra. Amēŋ and gē oxaŷ anjēlētērēx ax bayi na, dek kēni yēcēra. Beŋo dek kēŋun ĥatēnēgu gayikako an wata ex na amēd and nēngaw kēŋun Kaxanu eŋun dēca aŋ.»

End Yesu gēr Aciw̄ and Kaxanu eŋ

⁴⁵Ga ĥat ko Yesu gēr Yerusalem, lil ko gēr yangana ir Aciw̄ and Kaxanu. Ga sēk kēbi bela bēr bax fanēndērand na bën, wāy kēbi do ko rend:

⁴⁶«Wēn ba an wēlēnd na nde er re ko Kaxanu gēr akayēta andexēm in: “Aciw̄ andam aŋ and cale ex. Do wēn nēngwēt kēn emāyi ed bērek.”»

⁴⁷Mondako babi sēyalirand bela bën key yo key gēr yangana ir Aciw̄ and Kaxanu. Do bēšadaxan bēlēngw bën, gē bēšalen bën, gē bēxarēk bēr Bēšewif bën ašala bani šaland osit or eno dāwaxēn.

⁴⁸Bari ani nang bana mondake kēno ri gayik bulunda in dek babi ĥaxēnēnd gēr obaxēt.

Luk 20

End or gapak or Yesu eŋ

¹Akey amat, Yesu kēbi sēyalind bulunda in do kēbi nangēnēnd Atēfētan aŋ, gēr Aciw̄ and Kaxanu. Ata ĥatēgu kēni bēšadaxan bēlēngw, gē bēšalen do gē bēxarēk bēr Bēšewif.

²Wëka këno: «Pelëlëbo fa ba gë or gapak or fe këyëbi sëyalixënënd bela bën? Dey'al ba nobën yël ki or gapak olo?»

³Yesu yaka këbi: «Wëno bëte emat fo këmun wëka.

⁴Peline ba noÿo yël baŋo Ŝaŋ Batis or gapak or babi buyixënënd bela ol? Ba Kaxanu nde ba bela bën nde?»

⁵Barikan bën, nekënekär këni: «And këne yakaye mëne Kaxanu lawënëgu baŋo aŋ, ata ko re ine cëŋ bayik anëŋo kwëta exe na?

⁶Bëte and këne yakaye mëne bela bën lawënëgu baŋo aŋ, ata bulunda in ðek kënebo fëtëra xali enëbo ðaw gayik aŵa ŵa këni mëne Ŝaŋ Batis alawënel ar Kaxanu exo.»

⁷Awa yaka këno mëne ani nang ex na ba feye xaniw bax or gapak or Ŝaŋ Batis ol.

⁸Ata Yesu re ko: «Wëno bëte amun pel na gë or gapak or fe këme rixënënd beŋo.»

End apënëtal and bëŷan bëxeÿax aŋ

⁹Ata ŷana ko bëte Yesu këbi felënd bulunda in apënëtal aŋo: «Mondako ri baxo ar gë andëða and reseŋ. Ga xani ko ðamana, sebënan këbi bëŷan eno cetërënd reseŋ in and kë sëg aŋ. Ata kwël ŷe ko në er caw do nekaw ko xali.

¹⁰Ga sëgëk reseŋ in, lawën këŋo ariyenin abat gër bëŷan eno yëlëgu ošet orexëm ol gër er rëwëk gër andëða and reseŋ. Barikan bën sëra këno, fëmëra këno do šëñëta këno taxan.

¹¹Axwën andëða an lawën këŋo bëte ariyenin ašëxe. Ga ĥat ko, širëra këno gë otebën sebën këm, fëmëra këno do ŵaÿ këno taxan.

¹²Lawën këŋo bëte اساسën. Sembayëndëra këno do ŵaÿ këno mëŋ bëte.

¹³Ata re ko axwën andëða and reseŋ an: “E, do wëno mondake këme ri? Asëñiwën ir pëlôt gër yomb iram an fo këmo lawën. Bamat bëŷan bën afëb këno fëb mëŋ.” Ata lawën këŋo, ŷe ko.

¹⁴Sam ga watëgu këno, bëŷan bën xetan këbi: “Ajo ex ðe ar kë bëteli andëða an, ðawënëŋone ebo bayixën.”

¹⁵Ga ĥatëgu ko na, wëlën këno, lap këno yabët kece in do lawëx këno.» Ga ĥata ko Yesu apënëtal aŋo, wëka këbi: «Mondake wa yëla kën këbi ri axwën andëða and reseŋ an bëŷan bëjo?

¹⁶Ax gi ex na nde ata ko ŷow ebi ðawëra do ebi tebënan andëða and reseŋ aŋ bëŷan bëšëxe?» Ata bër hi bax na bën ga wël këno, re këni: «Kar kar, kërex gi na mondako ðe!»

¹⁷Yesu fab këbi do wëka këbi: «Gër akayëta and Kaxanu, afëni nde fëni këŋun oñëgw od rek: “Ekaÿ ed šus bani bëbay el, Hik ekëla ed gër ebaŵ ed aciŵ el?

18Ar kë wëc gër ekañ elo an, exo gëbira. Do ar këño wëcan an eño tēka bëlëbël.”»

19Ga ĥata ko Yesu eño, bēšadaxan bëlëngw bën do gë bēšalen bën ÿandi këbi eno tēra kwël na fo, barikan bulunda in banëbi yëdand. Aye fëni babi mēne bën dëñ babi rend gë apënëtal año.

End šagale eñ

20Bēšadaxan bëlëngw bën do gë bēšalen bën ÿana këni ocal od osit or eño bonaxën Yesu ok. Sana kënebi bela eno tēfërand ang bërëwāk endexëm fo, eno wëlelixën er këno lëxwaxën gër alëngw, gër or gapak or gofërëner.

21Ga sēka këno Yesu, re këni: «Asëy’ali, anang nang këmi mēne šenene fo këy’ëbi sëy’alind bela bën. Ado ala ay’o yëdand na, axi kolanënd na ey’o pel däl in ar er yo. Šenene fo këy’ sëy’alind er re ko Kaxanu in.

22Biyi, Sesar, emun etëm end gër Rom eñ këmo yëlënd niy yo niy šagale in. Pelëlëbo tan ba aỹap nde ÿapëk? Ba mi medënd nde ba mi teb nde?»

23Ga wata ko Yesu osit orebën ol, yaka këbi: «Mëlanëgune tan atama and kodī.»

24Ga fëxwën këno, wëka këbi: «Dëxas ir noỹo wa ex gër atama año?» Yaka këni: «Ir Emun etëm end gër Rom ex!» «Do oñac ol cëñ?» Yaka këni: «Or Sesar.»

25Ata re ko Yesu: «Awa mašino Sesar er xwën ko in, do Kaxanu er erexëm in!»

26Ata bën ĥaxën këbi na poyoma. Mo caran dëñ šaran babi ang yaka baxo ak.

End Yesu do gë ekani ed gër ecës eñ

27Osaduseñ ok bax rend mēne ekani ed gër ecës ax gi ex na. Akey amat, yow këni mar gër Yesu. Wëka këno:

28«Asëy’ali, Moyis ga ÿëgwën këbo mēne and ko šës asošan do eño tebëta alindañ gë itox këm, abinëm këño bëteli. Obaš or kënebi rëw ol, ar šësëk an këbi xwën.

29Awa biyi ÿey wëlan këbo na. Ocambenjar ocongoki ebax aminëmëra. Iñanar in ÿër ko, šës ko gë obaš këm.

30Ata bëteli këño ixinëm in asoxari an.

31Mondako šësëra këni bën bëcongëbëxi bën dëk ado gabatak año cotën ex na itox.

32Ata šës ko bëte asoxari an.

33Gërëgako, yatir ekani ed bēšësëk, alindañ ar noỹo wa ko hi gayikako bën dëk bëcongëbëxi bën aỹër ÿër bano?»

34Yesu yaka këbi: «Gër ebar ro fo ex eñer el.

35Barikan, and këni xanira bela gër ecës añ, bër këbi sana Kaxanu gër aniyān and kë yowënd bën, ani ñërër na.

³⁶Bëtëdin ani cës na gayik ata këni hi ang omeleka fo. Obaš or Kaxanu këni hi and këni xani gër ecës aŋ.

³⁷Enimin, ekani ed gër ecës exëna. Mëŋ wacayaxën baxo Axwën an yatir šanayaxën baŋo Moyis gër acëc and gë xodux: Kaxanu ir Abëraxam, gë ir Isak do gë ir Yakob.

³⁸Gër ogës od Kaxanu ado exo cës ala an abëngw exo. Mëŋ abi kwënënd na bëšësëk.»

³⁹Bëšalen bër hi bax na bën, ga wël këno Yesu, re këni: «Asëy'ali, ata šenene dëŋ yaka këy'!»

⁴⁰Ata elod yatijo, ala bax yëxw na eŋo mëka yëy Yesu.

End Yesu do gë Dafid eŋ

⁴¹Yesu wëka këbi bëte bëšalen bëjo: «Mondake wa këni rexënënd bela bën mëne Afexën an, ejiw ed Dafid ko hi?

⁴²Ax gi ex na Dafid dëŋ yëgwëk gër akayëta and Calemoñëw: “Axwën Kaxanu fel këŋo Axwën aram an: Yow ey' ñëpa ro gand liw iram,

⁴³xali mëni nëmbëta bërangoyëra andey' bën eni gi ambëñaxën andey'.”

⁴⁴Dafid mëŋ dëŋ ke wacënd Axwën arexëm do mondake cëŋ hi këme Asëñiw?»

⁴⁵Ga këno baxët dek amëxwër aŋ, fel këbi bësëfan bën:

⁴⁶«Titinaliyëndënëbi bëšalen bën; bën mbaŋ këbi nënganënd eni y'exërand gë bocud bond gëšëc boŋ, do bela bën enëbi cëmarand gër bapedëraya. Mbaŋ ñan këni bañëpara band gër lëngw baŋ gër baciw bacaleya. Gër ed kë hi ñambëran mbaŋ ñan këni eketëna ed axwën ofëna el.

⁴⁷Mondako wata këni ašale ašale xarak bën këbi lëxëlëxënd bësoxari bësëbëta sebëta bën xali gë bëciw ak. Mëŋ ex kiti indebën iŋ gë pit fo kë yëka.»

Luk 21

End asoxari asebëta sebëta eŋ

¹Ata ga rënëta ko Yesu, wat këbi bër gë napul bën ga këni xwët kodî in gër akwëtaya and oyël gër yangana ir Aciw and Kaxanu.

²Ñatëgu ko asoxari asebëta sebëta, axayëñaxik. Xwët ko bëtama bëki bënd kodî.

³Yesu, ga wat këŋo, re ko: «Dal in këmun felënd, asoxari asebëta sebëta, axayëñaxik ajo, xwëtëk nëmëc.

⁴Gayikwa bër gë napul bëjo, ocandën ok fo wëlaw këni oyël ol, bari asoxari ajo, er ko liyaxënënd in wëlaw ko, ado ga xaŋën ko.»

End Aciw and Kaxanu eŋ

⁵Ata bërëmar këni šëkwënd Aciw̃ and Kaxanu aŋ. Gë oxaỹ oyekax bay bani do ŷaŋën bani gë bebër w̃ëlaraw bani bela gër oyël or Kaxanu bën. Ata re ko Yesu:

⁶«Në eyow ex bakey band ax bayi na beỹ bën ang kën watënd ak. Ekaỹ eyëlëtërëx ax bayi na, dek kë yëcar.»

⁷Na w̃ëka këno bësëfan bën: «Asëyali, nand fe wa kë yëcar Aciw̃ and Kaxanu aŋ? Mondake këmi nangëd mëne anëka kë ĥatëgund beŋo? Amatinali nde exëna?»

⁸Yaka këbi Yesu: «Titinayin, ala këreŋun yifad na. Bëranjëm kë yow, abat abat, gë oĩac oram ol eni dend: “Wëno ex Afexën aŋ, do anëka saxëguk ekwët ed ngwën el”, Kërenëbi tëfëd na.

⁹And kën wël anëka wonjok aniyana aŋ do në emerëra exëni bela bën, këreŋun yëbud na gayik afo ex ŋatëgu beŋo. Bari ax gid na pere ekwët ed ngwën el.»

¹⁰Re ko bëte Yesu: «Er këni ŷana eni merërand bela bën, gë enëng gë enëng, do gë ebar gë ebar.

¹¹Bëte bangëm-gëm këbi ŷana ebi dawërand bela bën do në ed mar ocëxwëra otëm do gë enjo. Gër orën, ašanaya kë ŷana ex canayarand beñigënaixik do becarax betëm eni nangaxën bela bën mëne dam ex ekwët ed ngwën el.

¹²Barikan, damana ex ŋatëgu beŋo dek, bela bën axëmëra kënun ŷana enun këmërand do enun narëndërand wën bër w̃ak endam bën. Bëšëwif bën alëxw kënun ŷana enun dëxwënd gër baciw̃ bacaleya bandebën, do enun përand. Aw̃ëla kënun ŷana enun mëland gër bemun betëm do gër bëlëngw në end oĩac oram.

¹³Mondako kën ŷana en deyaraxënënd osede oram ol.

¹⁴Këren yëlarand na gana-gana fo ang kën ŷana en yakand ak.

¹⁵Wëno këŋun ŷana eŋun yëlënd orenik or enëbi bonaxënënd dek bërangoỹëra andewën ol.

¹⁶Bëxarëk bërewën, bëmaỹe bëndewën, bëcandaw̃ bëndewën, do gë odawo odewën dëŋ këŋun ŷana eŋun dëxwënd në end oĩac oram, do ang hi kën ak, bëranjëm enëbi dawëra.

¹⁷Bela dek këŋun šus në end oĩac oram.

¹⁸Bari yowëỹ ani koran na benjëw̃ bendewën beŋ.

¹⁹Ga buŋa buŋa kën, benjëw̃ bendewën beŋ kë fex.»

End Yerusalem eŋ

²⁰«And kën wat ga xul këni ocoroda Yerusalem aŋ, nangin mëne eyëcar ed angol el ĥatëguk.

²¹Ata bër gër ebar ed Yude bën gërëxëdëlexëni gand osënd. Bër gër angol and Yerusalem bën canëxëdëlexëni do bër gër ocënga bën këreni maỹid na gër angol.

²²Bakey band toro band kë ĥatëgu baño, kiti ind këbi xiti Kaxanu bela inĵ kë hid ang ŷëgw këni gër akayëta andexëm ak.

²³Gë bakey baño, mocopara këbi šopara bësoxari bër gë bacël bën do gë bër këbi yerinënd obaš bën. Oxoŷ or Kaxanu ol këbi wëcan Bëyisërayel bën do eni toro mbaŷ gër ebar edebën.

²⁴Bërëmar enëbi đawëra gë duxuma, bëjo enëbi capëreli oxadëp gër đek benëng becëxe. Ata benëng bejo eni bëñëra Yerusalem in xali ex kwët amëd and këbi sebën Kaxanu aŷ.»

End omakaw ond Yesu eŷ

²⁵«Becërëcaxik kë šanaya na gër eňan, gër facaw do gër ował. Do gër ebar, benëng bënd bela bej eni yëdara xali ebi bëlandëra sam eni wëlënd ongëbër ond men ond angwëngw oŷ.

²⁶Ayëdara këni ŷana eni yëdarand bela bën xali eni takëndërand gër ošën or etëm end kë ĥatëgu gër ebar ed lëgëra këni el. Gayikwa bebër gë panga gër orën bën kë sëngërebëtara.

²⁷Ata këne watëgu wëno Asëñiŷ ar ala an ga këme šëlaw gë aŷar aŷ. Do mbaŷ kë šanaya panga inĵ do gë enjaran endam eŷ.

²⁸Awa and kë ŷana eŷatëgu bejo aŷ, dëngwëtayin do dënëtayin gayik apexa andewën aŷ đam ex.»

End apënëtal and andan eŷ

²⁹Yesu fel këbi bëte apënëtal aŷo: «Nëkoyin andan aŷ do gë đek batëx bacëxe baŷ.

³⁰And kën wat ga nëtërak aŷ aye kën nangënd mëne ecaša el đam ex.

³¹Bëte mondako fo ex, and kën wat becarax betëm gër ngwën ro aŷ, nangindën mëne owun or Kaxanu ol đam ex.

³²Dal in këmun felënd, ani cësëra na đek bela bër gë okey oko bën ŷatëgurëxe bejo đek.

³³Orën ol gë ebar el axuca kë xuca. Barikan eyey'an edam el ed din ex.

³⁴Titinayin këren kwënda na ñambëran, gë ošëb, gë odendëran od aniyen, këdi kë sib oŷëkw orewën oŷ do en nambina, do eŷun pënga akey aŷo.

³⁵Titinayin këdi këŷun ĥatënëgu bërëxadët akey aŷo. Gayikwa ang ebën ed oxan fo këbi xul bela bën đek ebar el.

³⁶Caleyindën key yo key do këren nambinand na ado təkër ak, en koraxën en cana đek er këŷun ŷowënegund in. Mondako kën hixën bëwëlëk and këme ĥatëgu wëno Asëñiŷ ar ala an.»

³⁷Goyat babi sēyalirand Yesu bela bēn gēr Aciw̃ and Kaxanu do genēka exo maŷi gēr etēnd ed gē bañarēka.

³⁸Mopēd̄ gēbēr, bulunda in dēk bani ŷend gēr Aciw̃ and Kaxanu eno baxēt.

Luk 22

End etēra ed Yesu enj

¹Ofēna or mburu ind gē lewir kēm, or kēni w̄acēnd Ofēna or Apexa ol, bax hātēgund.

²Ata bēšadaxan bēlēngw bēn do gē bēšalen bēn kēni šaland eno dāw̄ yir fo Yesu gayikwa ayēda banēbi yēdand bulunda in.

³Ang ebani bēsēfan bēr Yesu bēn epēxw gē bēxi ak, abat bano w̄acēnd Yuda Isēkariyot. Ga lil ko Sindan in gēr emēkw ed asēfan ajo

⁴xani ko xwiriš, ŷe ko gēr ed barēr bani bēšadaxan bēlēngw bēn, do gē bemun bend bēnēkona bēr Aciw̃ and Kaxanu, eni wēlērēx ang ko ri ebi tēranaxēn Yesu ak.

⁵Ga kēbi nēngandēra, xet kēbi eno yēl kodi.

⁶Yuda ga xana ko, ko šaland nand kē ŷap eŋo tēra Yesu xarak amēxwēr aŋ ani nang ex na.

End ecemar ed ofēna ar apexa enj

⁷Akey añanar and loxo ir bani ŷamb mburu ind gē lewir kēm aŋ ebax. Yatijo banēbi šadaxand opeŷ od Ofēna or Apexa ok!

⁸Ata Yesu ga law̄en kēbi Piyer gē Šaŋ, re ko: «Doro ex Ofēna or Apexa ol! Yeyin en cemērax ene ŷambēraye.»

⁹Wēka kēno: «Feye wa ŷandi ki mi cemērax?»

¹⁰Yesu yaka kēbi: «And kēn hāt gēr angol aŋ, ata kēn fed gē ala ar lēbinak epeŷa ed gē men. Tēfidēno xali gēr iciw̃ ind ko lil.

¹¹Pelidēno axwēn iciw̃ an: “Axwēn an ga re ko ba feye ex aciw̃ and gēr ed kēmi ŷambēra ecemar ed ofēna or Apexa el wēno gē bēsēfan bēram bēn?”

¹²Aw̄asin kēŋun w̄asinēd aciw̃ and ŷaŋ and gē beŷ dēk. Fēn kēn šemērax ed ofēna el.»

¹³Ata Piyer gē Šaŋ ŷe kēni, sēkēx kēni beŷ bēn ang fel babi ak do šemērax kēni ecemar ed Ofēna or Apexa ol.

End ecemar ed Axwēn enj

¹⁴Ga hātēk apēxēd aŋ, Yesu gē oparēxanda odexēm ok ŷēpara kēni gēr eyambēran.

¹⁵Ata re ko Yesu: «Awēl nde, mbaŋ ŷandi baxe ene ŷambēraye andamat ecemar ed Ofēna or Apexa el, dāmana me toroxēn.

¹⁶Ga re këme, doro këme feland ecemar ed ofëna ar Apexa el xali yatir këne y'ambëraxëye gër owun or Kaxanu.»

¹⁷Ga yey'an ko na mondako, wëd ko andëmba and gë ngoy' aŋ. Şëkwa këŋo Kaxanu do re ko: «Kanayin ngoy' iŋo en yëlar wën dek.

¹⁸Ga re këme, doro fela këme ngoy' iŋ xali yatir kë hătëgu owun or Kaxanu ol.»

¹⁹Bëte wëd ko ŋat amburu amat, ga şëkwa këŋo Kaxanu, hëbëndër ko do şet këbi bësëfan bën. Re ko: «Mburu iŋo ex eman endam end yël këŋun Kaxanu eŋ! Cetërindën ene kwitaxën.»

²⁰And faŷ këni ey'ambëran aŋ, wëd ko bëte ŋat andëmba and gë ngoy' aŋ, ga yël këbi eni yëlar, re ko: «Ngoy' iŋo ex oşat oram or kë şar en cotaxën eter ekaşax ed gë Kaxanu oŋ.

²¹Xarak, ar ke lëxw an gër ed këne y'ambërande ro dëŋ exo!

²²Eyo, wëno Asëñiŵ ar ala an alaŵ këne laŵ ang yëgw këni ak. Barikan kata itëm hi këŋo ar ke lëxw an.»

²³Ata bësëfan bën ŷana këni emëkar el ba noŷo ex ar këŋo lëxw Yesu an.

End asëfan alëngw eŋ

²⁴Ga xucak eŋo, bësëfan bën këni şampërend end ba noŷo ex asëfan alëngw eŋ.

²⁵Ata re ko Yesu: «Bemun bënd bër benëng becëxe beŋ awëña kënebi wëñand bela bër ex gër owar orebën bën, do bër gapak bën are kënebi rend “Bëyekax exëni”.

²⁶Kërex gi na de mondako gër ndewën. Ar gapak an, gilexo ang itox fo. Do alëngw an, diyenindëlexo ang xadëp fo.

²⁷Do noŷo wa ex ar gapak an? Ar yëpak do këno lëband an nde, ba alëba an nde? Ax gi ex na nde ar këno rëtënënd an ex ar gapak an? Do wëno cëŋ, ax gi ex na nde ang xadëp fo hi këme mërëxand irewën?

²⁸Wën xemënak xali doro, ane nacëta ex na gër ocëmu odam.

²⁹Mëŋ ex, ang yël ke Faba

³⁰mëŋ këne y'ambëraxëde do ene cebëraxëde andamat gër owun oram do në bañëpara band owun këne xetënad enëbe kitixëne benëng epëxw gë beki bënd bulunda ir Isërayel beŋ.»

End Piyer eŋ

³¹Ga xucak eŋo, Yesu ŵac këŋo Piyer: «Simon, Simon, anëka ŷandi këŋo de Sindan eŋun kabasa ang bële fo.

³²Barikan wëno aşalen şalen këmi exi bayixën ekwëta ed xwëta këye el, kërex capër na dek dek. Do wëj and këy' bakawëd aŋ, kemënidëbi bobinëx.»

³³Ata re ko Piyer: «Axwën, wëno aŵelëk hi këme mi tēf xali lēf gēr epëra do xali gēr ecës.»

³⁴Yesu yaka këŋo: «Piyer, ga re këme, doro dāmana exo yata ecare el wēj anëka këy yaxëta bakëlëbëd batas.»

End bësëfan eŋ

³⁵Ga xucak eŋo, Yesu wëka këbi bësëfan bën: «And laŵën bamun en pemëra Atëfëtan aŋ, kodī këm, ambaŋ këm, baped këm yēy nde ŝanëx ban na?» Yaka këni: «Bëtëdëŋ.»

³⁶Aŋo re ko: «Gërëgako, ar gë kodī an, cëlayalexo, ar gë ambaŋ an, baxalexo, do ar gë duxuma këm an panëlexo acud andexëm aŋ exo yëcaxën.

³⁷Gayikwa afo ex ŋata endam end yëgw këni eŋ: “Gë bëwëndëran bën bar kënebi enga emat.” Do enimin, er ebax exe gi in në eŋata ex.»

³⁸Ata re këni bësëfan bën: «Axwën, nëkoda oduxuma oki.» Yaka këbi: «Gwac ex go!»

End cale ind Yesu eŋ

³⁹Ga ŝanëgu ko Yesu na gēr ed hi bani, y'e ko ang wër baŋo ak gēr etënd ed gë baŋarëka, ata sēf këno ñët bësëfan bërexëm bën.

⁴⁰Ga ĥat këni, fel këbi: «Caleyin këdi këŋun xor eñëŋëxax eŋ.»

⁴¹Mëŋ ga nacëta këbi, foxi ko do ko ŝalend:

⁴²«Faba, ga yāndi yāndi ki pangacënële kata iŋo. Dil ang yāndi ki wēj ak, kërex gi na ang yāndi ke wëno ak.»

⁴³Ata ŝanayaxënëgu këŋo meleka elod gēr orën do baŝën këŋo ojaŵ ok.

⁴⁴Ga ŝaminak emëkw edexëm el, Yesu xemëna ko nëmëc cale iŋ. Asëwëtëwä irexëm in hik ang oŝat fo do kë ŝarënd gēr ebar.

⁴⁵And foxita ko cale aŋ, baka ko gēr bësëfan. Sëk këbi ga raŝëra këbi ga bon këbi ocëmu ok.

⁴⁶Ata wëka këbi: «Wën ineŵa këŋun raŝëraxënënd? Kanin en cale, en kwëyëtaxën eñëŋëxax eŋ.»

End etëra ed Yesu eŋ

⁴⁷Ga ko yey'an bayi baxo Yesu ga ĥatëgu këni na enga end bela. Ar bano wācënd Yuda an, asëfan abat ang ebani epëxw gë bëxi ak, lëngwënëgu bax. Ga sëkar këni gë Yesu, wëga këŋo bëxiŋ.

⁴⁸Ata re ko Yesu: «Oko Yuda, momega nde këy'e lëxwënd wëno Asëñiŵ ar ala an?»

⁴⁹Ga wat këni er bax ĥatëgund in, bësëfan bën re këni: «Axwën mëni taŵëra nde gë duxuma in?»

- ⁵⁰Ata abat w̃el̃en kēbi, saŵ kēŋo xadēp ir ašadaxan alēngw in bad anēf and liŵ aŋ.
- ⁵¹Barikan Yesu re ko: «Tebin, gwac ex!» Na ga lēk kēŋo asošan ajo gēr anēf, fakēn kēŋo.
- ⁵²Ata Yesu w̃ēka kēbi bēšadaxan bēlēngw bēn, gē bemun bend bēnēkona bēr Aciŵ and Kaxanu beŋ do gē bēxarēk bēr Bēšewif bēn: «Ba arek nde hi kēme mēŋ yowaxēnēgu kēn gē oduxuma do gē okwēlekwēle ene tēraxēn?»
- ⁵³Key yo key ga bane fedērēnde wa gēr Aciŵ and Kaxanu do ane tēra bana? Barikan, anēka hātēguk apēxēd andewēn aŋ do gē and panga ind ecamēdan aŋ.»
- ⁵⁴And sēra kēno Yesu aŋ, w̃ēla kēno monas xali gēr yangana ir iciŵ ind ašadaxan alēngw, ata Piyer kēbi sēfēgund nacēt ako.
- ⁵⁵Ga fētēn kēni xodux mērēxand ir yangana, yēpara kēni jey gēr oyesa do Piyer xetēna kēbi moñēpa.
- ⁵⁶Ata endēnaŵ emat wat kēŋo and hōba kēŋo xodux aŋ. Ga fab kēŋo, re ko: «Ajo gē ar sēra kēno ajo ebani.»
- ⁵⁷Barikan Piyer ga ko yax ko rend: «Abiŵēn, wēno amo nang ex na dē!»
- ⁵⁸Ga nēkanak, ala ašēxe xwita kēŋo Piyer do re ko: «Wēj bēte ar enga end ar sēra kēno ajo hi kēy dē!» Yaka kēŋo: «Wēno ame gi ex na dē gēr enga eŋo!»
- ⁵⁹Bēte ga xucak apēxēd amat, ala ašēxe ko rend: «Enimin, gayikako asošan ajo Agalile ex, gē mēŋ ebani.»
- ⁶⁰Aŋo re ko Piyer: «Wēj er kēy rend ijo, wēno ame nang ex na!» Ata yata ko ecare el.
- ⁶¹Axwēn Yesu nēkona ko gand Piyer, ga fabēr kēni, Piyer xwita ko afel fel baŋo mēne doro dāmana exo yata ecare el, anēka kēŋo yaxēta bakēlēbēd batas.
- ⁶²Piyer ūan ko kwēl do ko sesēxēnd ga fulēt kēŋo otes.
- ⁶³Ata bēr sēra baŋo Yesu bēn kēno lēšērand do kēno xēmērand.
- ⁶⁴Bandēmar eni pēd bangēs baŋ eno kēm do eno mēka: «Wēj alaw̃ēnel ar Kaxanu an, nangēnēlēbo ngwa ba noyō xēm ki!»
- ⁶⁵Mondako bano ūirērand gē otebēn sebēn kēm.
- ⁶⁶Ga wecak, amara and bēxarēk bēr Bēšewif aŋ, gē bēšadaxan bēlēngw bēn do gē bēšalen bēn w̃ēla kēno Yesu gēr akwēndaya andebēn.
- ⁶⁷Ata w̃ēka kēno: «Angēmēne wēj ex Afexēn an, pelēlēbo!» Yesu yaka kēbi: «And kēmūn fel aŋ, ane ma na,
- ⁶⁸bēte and kēmūn w̃ēka aŋ, ane yaka na.

⁶⁹Elod gërëgako, nangin mëne awat këne wat wëno Asëñiŵ ar ala an ga xetëna këmo Kaxanu gand liŵ, gër owun orexëm.»

⁷⁰Ata xeŷ këni ŝor: «Ba wëj nde ex Asëñiŵ ar Kaxanu an?» Yaka këbi: «Go dëj ex!»

⁷¹Ata re këni bëte: «Osede ax bo ex na ene wële. Ax gi ex na nde biyi dëk dëj wël këneŋone?»

Luk 23

End gër eyang ed Pilat eŋ

¹Bëšadaxan bëlëngw bën, gë bëšalen bën do gë bëxarëk bër Bëšëwif bën xani këni bën dëk do wëla këŋo Yesu gër Pilat.

²Ga këno nagašandëra këni rend: «Biyi fënga këŋo ala ajo ga këbi ŝoñ bër enëng endëbi bën eni teb emedën ed ŝagale owun or Sesar el. Bëte gë andexëm ko wacayand Afexën do emun endëbi.»

³Ata Pilat wëka këŋo Yesu: «Wëj nde ex emun end Bëšëwif eŋ?» Yesu yaka ko: «Wëj wac ke dë mondako!»

⁴Pilat fel këbi bëšadaxan bëlëngw bën do gë dëk amëxwër aŋ: «Wëno amena and këmo nëpaxën ala ajo ame wat ex na.»

⁵Barikan bën ga xemëna këni, këni rend: «Aŝoñ këbi ŝoñënd bela bën eni nöp owun orewën ol, dëk ebar ed Yude el këbi sëy'alind mondako ga ŷanaw ko gër ed Galile, xali gër Yerusalem ro.»

⁶And wël ko eŋo aŋ, Pilat wëka këbi ba Yesu Agalile exo. Yaka këno mëne go dëj ex.

⁷Pilat ga wata ko mëne Yesu ar gër owun or Erod, emun end gër ebar ed Galile eŋ, hi ko fel këbi eno mëlan gayik bakey baŋo na gër Yerusalem yow baxo.

End gër yangana ir Erod eŋ

⁸Erod nëngandëra këŋo and wat këŋo Yesu aŋ. Enimin, elod anëka fo ŷandi baŋo eŋo nang gayik awël baxo wëlënd bend ko rind beŋ do ayar baxo yarënd eŋo wat ga ko ri ecarax.

⁹Ata Erod wëkara këŋo xali Yesu, bari gematak aŋo yaka bana.

¹⁰Bëšadaxan bëlëngw bën do gë bëšalen bën xemëna këni këno nagašandërand Yesu.

¹¹Erod gë bënëkona bërexëm bën rixëra këno eŋo yepënaxën. Erod, and lëšëra këŋo xali fed këŋo aŋ, ŝud këŋo ocud ombarax ang emun fo. And fed këŋo aŋ, ŝëñëta këbi eno bakali gër Pilat.

¹²Yatijo hi bani odawo Erod do gë Pilat, xarak bërangoŷëra ebani.

End kiti ind Yesu eŋ

13 Ga ĥateli këno Yesu, Pilat w̄ac këbi b̄êšadaxan b̄elëngw b̄ën, ḡe b̄ëxarëk b̄ën do ḡe b̄ër hi bax na b̄ën.

14 Re ko: «Wën w̄ëlanëgu ke ala ajo do re kën mëne mëñ këbi šoñënd bulunda in. Ax gi ex na nde ogës odewën d̄ëñ w̄ëkara këmo? Wëno c̄ëñ amo kor na monëp ḡe b̄end nagašandëra këno wën b̄eñ.

15 B̄ëte Erod d̄ëñ aņo korëguw ex na eņo n̄ëp mëñ bakalixënëgu këņo ḡër ndam ro. Amena ax gi ex na and këmo law̄axën.

16-17 Ocorođa odam ok këmëni sebën eno cew̄ëra do moteb̄ët.»

18 Ata na xeŷ këni šor: «Teb̄ëtëlo Barabas! Teb̄ëtëlo Barabas do eȳo daw̄ ajo!»

19 Xarak Barabas ijo andepëra hi baxo gayik axoŷën xoŷën banëbi mëñ ḡe bošandaw̄ b̄elëngw b̄ër angol b̄ën do w̄ereli banëbi xali law̄ këno ala.

20 Pilat w̄ëka këbi gašëxe ba noŷo sana këno eņo, xarak mëñ Yesu ŷandi baņo eņo teb̄ët.

21 Ata yaka këni šor: «Ali, pikalo ḡër k̄ërëwa! Pikalo ḡër k̄ërëwa!»

22 W̄ëka këbi b̄ëte atasën aņ: «Ineŷa w̄ën ko? Ga re këme amena amo wateli ex na and këmo law̄axën. Aseb̄ët këmo seb̄ët and këno šew̄ëra ocorođa aņ.»

23 Aņo xeŷ këni kaš-kaš mëne eņo pika.

24 Ata Pilat w̄a ko ex gi ang w̄ëka bani ak.

25 Pilat seb̄ët këņo Barabas, ar f̄ëra bano gayik ala law̄ baņo yatir xanin bani emer ḡër angol an. End Yesu eņ c̄ëñ, seb̄ këbi ocorođa ok eno dixëra ang ŷandi këbi ak.

End ḡër k̄ërëwa eņ

26 Ocorođa ok ga këno w̄ëla Yesu ḡër ed këno fikax, fed këni ḡe Simoņ Ib̄ësiren ga hiw ko ḡër ošënga. Ga n̄ëŷali këno, lapara ko osëx or këno fikaxën Yesu ol do këņo s̄ëfand Yesu ḡe andepoȳ.

27 Ata enga end bela k̄ënëbi s̄ëfand. B̄ësoxari b̄ën ga këno ŷaw̄ Yesu këni renitand.

28 Yesu and n̄ëkona këbi aņ, re ko: «Wën b̄ësoxari B̄ëyerusalem, tesin endewën eņ do ḡe end obaš orewën eņ, k̄ërene ñaw̄ na wëno!»

29 N̄ë eȳow ex bakey band k̄ën ŷana end dend: “N̄ëngandëralebi b̄ësoxari b̄ëboroxok b̄ën, b̄ër elod ani d̄ëw̄ ex na do elod ano yerin ex na itox b̄ën!”

30 Am̄ed aņo, bela b̄ën are këni ŷana eni dend: “Osënd w̄ëcaninëbo! B̄ëtënd w̄ëginëbo!”

31 Ga këne narënënd ako wëno ar ex osëx ošëkët an, kaš k̄ënun narëndëra wën b̄ër ex otëx oņaj̄ëk b̄ën.»

32 Yatijo, b̄ërek b̄ëxi banëbi w̄ëlalind ḡe Yesu enëbi daw̄ëx.

- 33 And ĥat këni gër ed bani w̄acënd «Egor» aŋ, fika këno Yesu mërëxand ir bërek bëxi: abat gand liw̄, ajo gand ŝame.
- 34 Ata Yesu ko rend: «Faba tebanëlëbi, gayikwa ani nang ex na er këni rind in.» Ocoroda ok ri këni bëñak eni cetëraxën banjëm bandexëm baŋ.
- 35 Bulunda ir Bëšëwif in xwëšaraw këni ler na do kënebi nëkonënd. Barikan bëlëngw bën ga këno lëš Yesu këni rend: «Ga babi fexën wa bešëxen bën, pexënayalexo gë andexëm dëŋ angëmëne mëŋ ex ar yata këno Kaxanu an!»
- 36 Alëš bano lëšënd bëte ocoroda ok; and këno sëka aŋ, eno nën ngoy ijerëk
- 37 do eni dend: «Angëmëne wëj ex emun end Bëšëwif eŋ, pexënayal gë andey' dëŋ!»
- 38 Oñëgw fikali bani na në ingomb gomb yabët gaf irexëm in mondako: «Ajo ro ex emun end Bëšëwif eŋ.»
- 39 Ata arek abat gër bër fika banëbi gë Yesu këno ŝirënd: «Ax gi ex na nde wëj ex Afexën an? Pexënayal gë andey' ey'ëbo pexënoxën biyi bëte!»
- 40 Barikan arek axinëm an këno xexënd mondako: «E wëj ba ay'o yëdand na nde Kaxanu? Ax gi ex na nde andamat nëp kënebo?»
- 41 Biyi cëŋ, er hi këbo ijo ŝenene ex, gayikwa oxey' orebi fo bakaxënënd. Barikan mëŋ yowey' axo men ex na.»
- 42 Ata re ko bëte: «Yesu, këla, kwitayi dë axwita wëno yatir këy' bakaw gër ngwën gë owun ore'y ol.»
- 43 Yaka këno: «Awël nde, dal in këmi felënd, doro dëŋ wëj gë wëno aĥat ke ĥate gër aray'en.»
- 44 Anëka bax ĥatënd eñan eŋ keŋ gër gaf ga ŝamëdanëk dëk ebar el xali hik poxoš gaf in:
- 45 Eñan eŋ ašilipa šilipa bax. Ata ĥesik cidët anjëm amëgax and bax wedind lëngwe ir Aciw̄ and Kaxanu aŋ.
- 46 Aŋo xey' ko Yesu: «Faba, anëka këmi w̄ašëlinđ angoc andam aŋ.» Ga yey'an ko na mondako, kwël xoti ko.
- 47 Alëngw ar ocoroda an ga wat ko ang šës ko Yesu ak, šëkwa këno Kaxanu mondako: «Enimin, ala ajo ar ŝenene ebaxo.»
- 48 Amëxwër and bër yow bax onëkon aŋ, këni renitaxënd tar fëña in ga wat këni mëne anëka xor këno Yesu.
- 49 Dek bër nang baŋo Yesu bën, gë bësoxari bër laŋëtaraw baŋo elod gër ebar ed Galile bën xwëšara këni nacët ako do këno nëkonënd.

End gër añeg eŋ

⁵⁰Gër Amara and bëxarëk bër Bëšëwif, asošan ar gë onden, ar šenene ebax na do bano wăcënd Yosef.

⁵¹Gër Arimate, angol and Bëšëwif, xaniw baxo; axo gixeli bana gër bër xiti baŋo do narëndëra baŋo Yesu ga baxo šëmind owun or Kaxanu ol.

⁵²Mëŋ y'e bax gër Pilat xara këŋo eman end Yesu eŋ.

⁵³Pilat ga wă ko, Yosef fedali ko eman eŋ. Fëlëra këŋo gë këpas, do wëxëta këŋo në yeg ir fës bani në aparëfac, gër ir elod ala ano mëxwëtaxën bana.

⁵⁴Yatijo bax yānand akey and eteyëta aŋ do Bëšëwif bën anëka bani xëñënarand.

⁵⁵Bësoxari bër laŋëtaw baŋo Yesu elod gër ebar ed Galile bën, ga sëfa këno Yosef, wat këni yeg in do ang wëxëta këŋo ak.

⁵⁶Ataŋ wăyī këni eni barërax ogu onëngax do gë angiri eni košaxënëd gër eman end Yesu. Ata ang rek acariya and Moyis ak, fëb këni akey and eteyëta aŋ.

Luk 24

End ekani ed gër ecës eŋ

¹Yatir akey ayanar and loxo, bësoxari bër ebax bësëfan bën y'e këni mopëd gëbër gër yeg ir Yesu ga wëla këni ogu onëngax ond šutëra bani oŋ.

²Sëk këni angay and wedi bax lilaya ir yeg aŋ ga xënik gë bebët.

³Ga lil këni gër yeg, nema këni eman end Axwën Yesu eŋ,

⁴ata wëlandëra këbi. Aŋo šanayaxën kënëbi bësošan bëxi gë banjëm band jing-jing.

⁵Ga yëdara këni, bësoxari bën, rën këni do fab këni laŋ ebar el. Ata bësošan bëjo wëka kënëbi: «Ineŋa këno šalaxënënd abëngw an gër bëšësëk ro?

⁶Axo bo ex na ro, anëka xani ko gër ecës. Kwitayin ang baŋun felënd and hi ban gër ebar ed Galile ak.

⁷Ga baŋun felënd mëne afo eno dëxw mëŋ Asëñiŋ ar ala an gër bëwëndëran do eno pika gër kërëwa exo cës. Barikan, axani ebax exo kani gër ecës akey atasën aŋ.»

⁸Ata xwita këni bësoxari bën mëne mondako dëŋ felëra babi Yesu.

⁹Ga šan këni na gër yeg, baka këni eni tëfëtërax dek eŋo gër bësëfan epëxw gë abat do gër dek bësëfan bëšëxe bën.

¹⁰Er hi bani: Mari Madëlen, gë Yowana, gë Mari nëm ir Šak do gë bësoxari bër laŋët babi bën reyax këni gër oparëxanda od Yesu mëne go dëŋ ex.

¹¹Barikan oparëxanda ok ani kwëta bana eyeyan ed bësoxari el. Er bani yëland anëx ex.

¹²Ata xwiriş Piyer hër ko xali gër yeg. Ga yëkwa ko lëf, wat ko gër ebar ebun ed bënjem bënd şeriraxën bano Yesu bën. Ata wāyī ko kwël ga şaran këno endey eņo.

End bësëfan bëxi eņ

¹³Do kwël yatijo fo, bësëfan bëxi bër Yesu xani bax gër Yerusalem këni yend gër ingol ind këni wacënd Emawus, në bapakan epëxw gë amat.

¹⁴Tar fëña in bani xanarënd bend Yesu beņ.

¹⁵Ga këni rendëra, Yesu mën dën şoma këbi do kwël këni sëfërend.

¹⁶Aye dën bano watënd barikan afođ fod babi do bani sëkwanënd eno kwita in.

¹⁷Ata wëka këbi: «Bend ine ngwa kën xanarënd tar fëña in?» Ga logën këbi, xwëşa këni.

¹⁸Yaka ko ar bano wacënd Këlewopas an: «Wëj gabat ex ar yow bax gër Yerusalem an do nem këy er xucak bakey baņo in?»

¹⁹Ata wëka ko bëte: «End ine ngwa?» Yaka këno: «End Yesu Ibënasaret eņ wa. Gër ogës od Kaxanu do gër od bela, ala wënel ar bax rind becarax ebaxo do babi sëyalirand Bëyisërayel bën gë or gapak.

²⁰Bëşadaxan bëlëngw bën do gë bemun bendebi beņ lëxw baņo eno nëpaxën do eno dawaxën mopika gër kërëwa.

²¹Biyi cën ako yëla bami mën mën ex ar la wënegu baņo Kaxanu an ebi dacët bulunda ir Isërayel in gër otaxan od bërangoyëra andebën. Do doro ex akey atasën aņ elod ga xucak beņo dek.

²²Dal ex mbaņ dën şaran këbo er rey'a këni bësoxari bërëmar, bër enga endebi in. Aye ye bani gëbër fo gër yeg ir Yesu.

²³Ga nema këni eman endexëm eņ, bakaw këni, felati kënëbo mën omeleka şanayaxën këbi do re këni mën abëngw exo.

²⁴Aye ye bani bëte bësëfan bërëmar gër yeg do sëk këni bey bën ang rey'a këni bësoxari ak. Bari mën ano watëgu ex na.»

²⁵Ata re ko Yesu: «Wën and fod këjun dën ex de! O wëkw orewën oņ aleg legëk ekwëta ed dek bend rey'a këni bëla wënel bër Kaxanu el!

²⁶Ax gi ex na nde ako bax exo toro Afexën an, damana exo bakanaxën enjaran endexëm eņ?»

²⁷Ga yana ko Yesu gër bakayëta band Moyis do gër dek band bëla wënel, fa yën këbi bendexëm beņ ebi pënixën.

²⁸Ga këni hat gër Emawus, Yesu yandi këno exo kuca.

²⁹Ata bësëfan bëxi bën xara këno eņo key na. Re këni: «Bayine ro, në ecëla ex eñan eņ, anëka wëdëk!» Ata wa ko do kwël hat këni gër ndebën.

- 30 And yēpa kēni gēr eyambëran aŋ, Yesu wēd ko amburu aŋ, šëkwa kēŋo Kaxanu, hëbëndër ko do šet kēbi.
- 31 Amëd aŋo fëdët kēbi onden oŋ, ata xwita këno, barikan na dëŋ nem këno bëd-bëd.
- 32 Ata kēni wëkarënd: «Abaxi hi na nde ñar gēr emëkw and babo felërawënd gēr fëña aŋ, do and babo faÿënënd Oñëgw Omënëk aŋ?»
- 33 Ga xani kēni na, baka kēni kwël gëmëd fo gēr Yerusalem. Sëkëx kënëbi bësëfan epëxw gabat bën gēr ed barër bani, gë bër babi sëfarand bën.
- 34 Ata xacali kënëbi mëne enimin Axwën Yesu axani dëŋ xani ko gēr ecës do mëne Simoŋ šanayaxën kēŋo.
- 35 Bën bëte rey'a kēni mëne gë Yesu sëfërëx bani xali hāt kēni gēr ndebën, do mëne gēr eyambëran fo xwita këno and hëbëndër ko mburu aŋ.
- 36 Ani ŋata bana eŋo, Yesu šanayaw ko mëŋ dëŋ mërëxand, do fel kēbi: «Kaxanu yëlëŋun wa aketëxeta aŋ!»
- 37 Na lëk kēbi anjiÿ atëm do kēbi rëgëndërand gayik er yëla bani angoc andexëm aŋ ex.
- 38 Barikan mëŋ wëka kēbi: «Ineŵa wëlandëraxën këŋun gēr oŵëkw orewën? Ineŵa bayik an kwëta ex na mëne wëno dëŋ ex?»
- 39 Nëkoyin otaxan ok gë osapar oŋ, wëno dëŋ ex. Dëkërayine tan! Aye nang kën mëne angoc axo gi ex na gë eman ang këne watënd ak.»
- 40 And yey'aneli kēbi mondako aŋ, wäsindëra kēbi bambënut baŋ gēr otaxan do gēr osapar.
- 41 Ado ga nëngandëra babi ani ma ba na pere mëne Yesu dëŋ ex. Ata mëŋ wëka kēbi: «Eyamb yamb nde ex na?»
- 42 Yël këno aton and ekan ebëkawëka.
- 43 Ga xana ko, y'ak kēŋo ogës odebën dëŋ.
- 44 Ata re ko: «And hi bane në erebat aŋ, afel bamun felënd mëne aŋata kë hātata dëk bebër yëgw kēni gēr acariya and Moyis gë bëlaŵënel bër Kaxanu bën do er rek gēr Calemoñëw endam in.»
- 45 Ata na dëŋ fërëtën kēbi onden ond ebi pënixën er rek akayëta and Kaxanu in.
- 46 Ata fel kēbi: «Mondako ga yëgw kēni gēr akayëta and Kaxanu mëne wëno Afexën an, anarëndëra ebax ene narëndëra xali, ene dāw. Barikan me kani gēr ecës yatir akey atasën aŋ.

⁴⁷Do end enëngwët ed ola eņ, gë end eteban ed beñëñenax eņ, bësëfan bërëxëm bën afemëra këni ÿana eni pemërand gër oŵac orexëm gër dek benëng bend bela, ga ÿana ÿana këni gër Yerusalem.

⁴⁸Wën bësëfan bën ex bër otede ok.

⁴⁹Er bey'a baņun Faba in alaŵëneli këmun laŵëneliw. Cëniyin gër angol and Yerusalem xali eņun yël Kaxanu panga indexëm ind ŷaņ iņ.»

End Yesu ŷaņ gër orën eņ

⁵⁰Ga xucak eņo, Yesu ŵëla këbi bësëfan bërëxëm bën gand ingol ind Betani. Yën ko otaxan ok do këbi šalenënd.

⁵¹Nand babi šalenënd na, kwël dëņ këni sebëtarënd, ga ko šëg end orën eņ, xali šilipax ko.

⁵²Amëd aņo šale këno do baka këni gër Yerusalem gë onënga osëm.

⁵³Key yo key bani fedërënd cale iņ gër Aciŵ and Kaxanu do bano šëkwand Kaxanu.

Ŝaŋ

Ŝaŋ 1

End eyeyan ed Kaxanu eŋ

- ¹Elod gër ŷanar hik eyeyan el, do Eyeyan el ebax gë Kaxanu, do Eyeyan el hik Kaxanu.
- ²Elod gër ŷanar hi këni, Eyeyan el do gë Kaxanu.
- ³Er ex yo gë mën ri ko Kaxanu, do ŷoweŷ ax gi ex na er bayik axo di ex na gë mën.
- ⁴Gër eyeyan elo ŝanëguk aniyān aŋ, do aniyān aŋ ex angoben and bela aŋ.
- ⁵Angoben aŋ ĥobak ecamēdan el, do ecamēdan el aŋo kwëtaya ex na.
- ⁶Akey amat, ĥatëgu ko ala, ga lawënëgu këŋo Kaxanu, oŵac orexëm ol ex Ŝaŋ.
- ⁷Mën ŷow bax exo gi sede, eni kwëtaxën angoben aŋ dek bela bën.
- ⁸Ŝaŋ aŷow fo ŷow baxo exo gi sede ir angoben in axo gi bana mën dën angoben aŋ.
- ⁹Eyeyan el ex angoben and dal and këŋo ĥoband ala ar ex yo aŋ; aŷow ŷow bax gër ngwën.
- ¹⁰Aŷow ŷow bax gër ngwën, barikan ngwën in elod aŋo nang ex na, xarak Kaxanu, paḅ gë angoben ri ko ngwën in.
- ¹¹Angoben aŋ ŷowëk gër ebar edexëm, do bërexëm bën ĥëp këni eno kwëtaya.
- ¹²Barikan, bër xwëta këŋo bën dek, bër xwëtak oŵac orexëm bën, këbi yëlënd panga ind eni gixën obaŝ or Kaxanu.
- ¹³Kaxanu dën ri këbi obaŝ orexëm gë oñandi odexëm ok, ax gi ex na gë oŝat do gë oñandi od eman, ax gi ex na ang këno rëwënd ala ak, ax gi ex na dën oñandi od ala.
- ¹⁴Eyeyan ed Kaxanu el hik ala, lëg ko gër ebar edebi, wat këmi enjaran endexëm eŋ, enjaran en Asëñiŵ ar tañ, ar xaniwëk gër Faba Kaxanu eŋ, ŷëm ko gë oyekax ol do gë dal in.
- ¹⁵Ata Ŝaŋ Batis ga ko rey'a poyoma endexëm eŋ, xeŷ ko: «Mën ex ar bame rend: “Ar ke sëfëgund an, lëngwatëgu ke gayik mën anëka hi ko damana me gixën.”»
- ¹⁶Ata biyi dek këbo yëlënd dek oyekax orexëm ol do këbo baŝënënd key yo key.
- ¹⁷Gayikwa acariya aŋ paḅ gë Moyis ŷowëk gër ngwën, oyekax ol do gë dal in ŷowëk gë Yesu Kërisët.
- ¹⁸Elod ala aŋo wat ex na Kaxanu, barikan Asëñiŵ ar tañ aŋ, ar pëlot gër yomb irexëm an fo nangën këbo.

End osede or Ŝaŋ Batis eŋ

¹⁹Baxëtin osede or rey'a baxo Şaŋ Batis gër Bêşewif bër xaniw bax elod gër Yerusalem ga lawënegu kënëbi bêşadaxan do gë bërändewëra and Lewi, eno mëkara mondako: «Wëj noŷo wa hi këy?»

²⁰Ata mëŋ axo y'ax ex na, yaka këbi fac: «Wëno, ame gi ex na de Afexën an!»

²¹Wëka këno bëte: «Noŷo cëŋ hi këy? Ba wëj nde ex Eli?» Yaka këbi bëte: «Ali, ame gi ex na Eli.» Re këni bëte: «Do wëj nde ex alawënel ar Kaxanu ar bax yowënd an?» Yaka këbi: «Bëtëdën!»

²²Aŋo re këni: «Noŷo wa hi këy? Mi bakaxën gë eyaka gër bër lawënegu këbo! Wëj dëŋ noŷo këy rend hi këy?»

²³Yaka ko Şaŋ: «Wëno ex oniŵ or kë xeŷënd gër ladawe ol, Wëno kë rend: “Dëbëtin fëña ir Axwën in”, mondako re baxo alawënel Esayi ».

²⁴Ata bërolawën bër wëkara bën Ofariseŋ ebax.

²⁵Wëka këno: «Ine cëŋ këyëbi buyixënënd bela bën gayikako ay gi ex na Afexën an, ay gi ex na Eli, ay gi ex na bëte alawënel ar kë yowënd an?»

²⁶Şaŋ Batis yaka këbi: «Wëno gër men këmëni buyind bela bën. Barikan, ala ex na mërëxand irewën, ar ano nang ex na; mëŋ ke sëfëgund!

²⁷Wëno ado axe ñap ex na me pët ogux od baped bandexëm ok.»

²⁸Mondako xuca bax eŋo gër ingol ind Betani, ekeg Yurëdeŋ in, gër ed babi buyirand Şaŋ Batis bela.

End şadaxa eŋ

²⁹Në ecan ijo, Şaŋ Batis watëgu këŋo Yesu ga ko yow. Ata fel këbi bër xeta baŋo bën: «Nëkodo ar këŋo şadaxa Kaxanu exo dëxëtaxën amena and ngwën an .

³⁰Mëŋ bamo rend: “Ar ke sëfëgund an lëngwatëgu ke gayik mëŋ anëka hi ko damana me gixën.”

³¹Wëno amo nang bana. Eno nangaxën bulunda ir Isërayel in këmëni buyixënënd bela bën gër men.»

³²Şaŋ Batis arey'a rey'a baxo bëte: «Awat wat këmo Angoc Amënëk aŋ ga ko fedaw, elod gër orën, ang edëxwëte epeşax fo, lapa ko gër ndexëm, do bayi ko laŋ gër ola orexëm.

³³Wëno dëŋ amo nang bana. Ar lawënegu ke mëni buyind bela an fel baxe: “Ar këy'o wat ga lapaxën këŋo Angoc Amënëk aŋ, do exo bayi laŋ gër ola orexëm kë buyind gë Angoc Amënëk aŋ.”

³⁴Awa wëno ga wat këmo këme rey'axënënd mëne mëŋ ex Asëñiŵ ar Kaxanu an.»

End bësëfan bëyanar eŋ

³⁵Në ecan ijo, Şaş Batis gë bësëfan bëxi bërexëm baka këni gër ed babi buyirand bela.

³⁶Ata Şaş Batis, ga wat këno Yesu ga ko xuca, re ko: «Nëkoyino wa ar këno şadaxa Kaxanu an!»

³⁷Bësëfan bëxi bëjo ga wël këno, sëf këno kwël Yesu.

³⁸And nëkona ko aş, wat këbi ga këno sëfa. Ata wëka këbi: «Ineşa kën şaland?» Yaka këno: «Rabi» (Asëyalı), mi nang gër ed lëg këy şandi këbo.

³⁹Ata re ko Yesu: «Awa şowën en nang.» Ga sëfa këno eni nangëx gër ed lëg ko, bayix këni gë mëş xali eşan eş poxoş gaf in.

⁴⁰Andëre, abinëm ar Şimonş Piyer, ebax asëfan abat gër bëxi bër wël başo Şaş Batis do sëfa bano Yesu bën.

⁴¹Ga şen këno pere Şimonş, ar acël amat gë mëş an, felëgu këno: «Biyi anëka watëgu këmo wa Afexën an» (Kërisët).

⁴²Ata Andëre wëlaw këno gër Yesu. Ga fabër këni gë Şimonş, Yesu re ko: «Wëş ex Şimonş, asëniş ar Şaş! Gërëgako, Kefas nëngwët këmi.» (Ekaş).

⁴³Në ecan ijo, Yesu xani ko ond gër ebar ed Galile aş, do fed këni gë Filip. Yesu fel këno: «Tëfële wëno.»

⁴⁴Filip, Abetësayida hi baxo, angol amat gë Andëre do gë Piyer.

⁴⁵Filip ga şen këno Natanayel fel këno: «Biyi anëka wat këmo wa ar re këno gër acariya and Moyis do bakayëta band bëlawënel an: Yesu Ibënasaret, asëniş ar Yosef an.»

⁴⁶Ata re ko Natanayel: «Ine? Enjekax end fe ngwa kë xaniw gër Nasaret?» Yaka ko Filip: «Yow eşo wat!»

⁴⁷Yesu wat këno Natanayel ga ko şow gër ndexëm, re ko: «Dodo nëkoyino Ayisërayel ar dal an! Anëx ax gi ex na gër ndexëm.»

⁴⁸Wëka këno Natanayel: «Feye ngwa nang këy'e?» Ata re ko Yesu: «Damana exi şenëli Filip gogo nde wa wat bami moşëpa dila gër andan.»

⁴⁹Aşo re ko Natanayel: «Asëyalı, awa wëş ex Asëniş ar Kaxanu an! Wëş ex emun end bulunda ir Isërayel eş!»

⁵⁰Re ko bëte Yesu: «Ba gayik afel fel këmi dila gër andan wat bami nde xwëtaxën këy'e, awat këy wat bend xucak eşo.»

⁵¹Re ko bëte Yesu: «Dal in këmun felënd, awat kën wat orën ol fol do omeleka od Kaxanu ok ga këne semëra wëno Asëniş ar ala an, oko şaş şaş, oko gëf gëf.»

Şaş 2

End ecarax eşanar eş

- ¹Ga xucak bakey baki, hik ekana gër ingol ind Kana, gër ebar ed Galile. Mari, nëm ir Yesu na baxo.
- ²Ga w̄ac këno Yesu gër ekana elo, yow ko mëñ bête gë bësëfan bërëxëm ak.
- ³Ga xwëtëk ngoy' in, nëm ir Yesu sêka këño, re ko: «Ngoy' abi bo ex na de!»
- ⁴Yaka këño Yesu: «Asoxari, ineŵa bar ke wěj gë wëno gër endey' eño? Apëxëd andam aŋ ax yow ex na pere.»
- ⁵Mari fel këbi bëriyenin bën: «Diyidën er këjun fel yo!»
- ⁶Ata gër iciw̄ ino bapey'a banjongamat band oxaỹ ofësëpës hi bax na. Gër bapey'a baño bani yifënd men ond bani nebaraxënënd Bëšëwif oŋ, ang rëp bax ak. Apey'a kala gwër oditër keme ašand.
- ⁷Ata re ko Yesu: «Yifin tan men oŋ apey'a kala cëm.» Yifëra këni cëm cëm.
- ⁸Re ko bête: «Dëmbënino gërëgako enjar end ofëna eŋ exo tÿy'ix.» Rëmbën këno do yëlëx këno.
- ⁹And sÿyi ko enjar end ofëna aŋ, men oŋ nëngwëtak ngoy', (axo nang bana feye xaniwëk ngoy' ino, xarak bëriyenin bër rëmb bax men bën anang nang bani).
- ¹⁰Enjar end ofëna eŋ w̄ac këño icën in, re ko: «Oko wěj ay' nang ex na nde mëne and këy' necët ngoy' inëngax xali ebi kor bela aŋ, anëbi tëndënd na bête? Do wěj këy' necëtëgund ngoy' inëngax in xali gërëgako.»
- ¹¹Mondako ri baxo Yesu ecarax eñanar eŋ gër ingol ind Kana, gër ebar ed Galile. Mondako w̄asin babi enjaran endexëm eŋ bësëfan bërëxëm bën, ata xwëta këno.
- ¹²Ga xucak ekana el, Yesu baka ko gër angol and Kafarënowum. Sëfër këni gë nëm, gë bobinëm do gë bësëfan bërëxëm bën. Bakey bapënëfëne fo rix bani.

End Yesu gër Aciw̄ and Kaxanu eŋ

- ¹³Ofëna or Apexa or Bëšëwif ol dām hi bax. Ata Yesu ko y'end yaŋ gër angol and Yerusalem.
- ¹⁴Ga ĥat ko, sëk këbi bëfan bër oxey', gë bër opeỹ, gë bër olëxwëte do gë bënëmb bër kodī gër yangana ir Aciw̄ and Kaxanu, dīla nē baner.
- ¹⁵Na ga lëkw ko ongux w̄ayëra këbi dek eni can yangana ir Aciw̄ and Kaxanu in, gë opeỹ ak, do gë oxey' ak. Yamëra ko bakwëtaya band bënëmb bër kodī baŋ, ata yišarëk batama baŋ.
- ¹⁶Fel këbi bëfan bër olëxwëte bën: «Nëcëtin bebijo ro! Ba an nang ex na nde mëne Aciw̄ and Faba aŋ and cale ex, do wën nëngwët kën aciw̄ and apanëraxën?»
- ¹⁷Ata bësëfan bërëxëm bën xwita këni oñëgw od rek: «Ebalëkënali ed Aciw̄ andey' el, ang xodux fo ke šorënd!»

- ¹⁸Ata bëlëngw bër Bëšëwif bën fel këno Yesu: «Afo ey di ecarax mi nangaxën mène wěj aŷap ŷap ki ey'ëbi ŋwãŷënd bela bën gër Aciw̄ and Kaxanu!»
- ¹⁹Yaka këbi: «Ñamin tan Aciw̄ and Kaxanu aŋo do wëno me kanin në bakey batas.»
- ²⁰Re këni bête bëlëngw bër Bëšëwif: «Ba aŷ nang ex na nde mène bëniy ofëxw onax gë bënjongimat bay'axën këni Aciw̄ and Kaxanu aŋo? Do wěj këŷ rend bakey batas fo këŷ ri kaninaxën?»
- ²¹Barikan, Yesu ga yaka këbi mondako end Aciw̄ and Kaxanu and baxo rend eŋ, end eman endexëm eŋ baxo yey'anënd.
- ²²And xaniw ko gër ecës aŋ, bësëfan bërexëm bën xwita këni eyey'an elo, ata xwëta këni Oñëgw Omënëk ok do gë er babi fel Yesu in.
- ²³And hi baxo Yesu gër Yerusalem, gër ofëna or Apexa aŋ, bëranjëm xwëta baŋo ga këni wat becarax bënd baxo rind beŋ.
- ²⁴Bari Yesu abi kwëta bana gayik dek fo nang babi,
- ²⁵ax gi bana eno pel end ala gayikwa gë andexëm dëŋ baxo nangënd er ex gër emëkw ed ala in.

Ŝaŋ 3

End Yesu do gë Nikodem eŋ

- ¹Alëngw ar Bëšëwif ebaxëna gër enga end Ofariseŋ ar bano w̄acënd Nikodem.
- ²Akey amat, ŷe ko gëmëd gër Yesu re ko: «Asëŷali, aye nang këmi mène wěj Kaxanu law̄ënëgu ki ey'ëbo tëŷali endexëm eŋ. Ala ax kor na exo di becarax bënd wateli këmi beŋ angëmëne ani bar ex na gë Kaxanu.»
- ³Yesu yaka këŋo: «Dal in këmi felënd, ar ano dëw̄ ex na gašëxe an axo kor na exo wat owun or Kaxanu ol.»
- ⁴Ata re ko Nikodem: «Mondake ko xor ala eno dëw̄ gašëxe and ko xar aŋ? Axor nde ko xor exo baka gër acël and nëm eŋo dëw̄axën gašëxe?»
- ⁵Yaka këŋo bête Yesu: «Dal in këmi felënd, ar ano dëw̄ ex na gë men do gë Angoc an, axo kor na exo d̄il gër owun or Kaxanu.
- ⁶Ar rëw̄ këŋo ala an, ala fo hi ko do ar rëw̄ këŋo Angoc and Kaxanu an, ar angoc hi ko.
- ⁷Wěj kërexı caran na end re këme afo enun dëw̄ gašëxe eŋ.
- ⁸Ekoc el gand ed këŋo ŷandi kë xocënd do awël fo këŷ wël ga kë rëm. Bari aŷ nang na ba feye xaniwëk do ba feye kë ŷënd. Awa mondako fo ex end ar rëw̄ këŋo Angoc and Kaxanu eŋ.»
- ⁹Ata w̄ëka ko bête Nikodem: «Mondake kë xor ex gi eŋo?»

- 10**Yaka këno Yesu: «Oko, wěj këbi sěj'alind end Kaxanu eņ bulunda ir Isërayel in nde do nem këy' eņo?
- 11**Dal in, këmi felënd biyi end nang këmi këmun sěj'alind, osede orebi ol end wat këmi ex! Bari wën an mand na er këmi rey'and in.
- 12**Angëmëne në edey'a me bend gër ebar ro beņ wën an mand na do mondake kën wã bend y'aņ gër orën beņ?
- 13**Elod ala axo y'e ex na y'aņ gër orën; wëno Asëñiŵ ar ala an fo fedawëk.
- 14**Ang xaŵ baņo Moyis andën and y'awale gër ladawe ak, mondako fo këne xaŵ wëno Asëñiŵ ar ala an
- 15**do ar ke xwëta yo așot ko șot anıyan and din aņ.
- 16**«Gayikwa Kaxanu mbaņ ħan këbi bela bër gër ngwën ro bën, mën yëlxën këbi Asëñiŵ ar tañ arexëm an, do ar këno xwëta yo exo cot anıyan and din aņ.
- 17**Enimin, Kaxanu ebi pexëanaxën bela bën laŵënëgu këno Asëñiŵ arexëm an gër ngwën ro, ax gi ex na ebi nëpaxën.
- 18**Ar këno xwëta Asëñiŵ ar Kaxanu an aņo nëp na. Bari ar aņo kwëta ex na an anëka nëp këno gayik axo kwëta ex na oŵac or Asëñiŵ ar tañ ar Kaxanu ol.
- 19**Awa në eņo këbi nëpaxën Kaxanu: ga y'owëk angoben aņ gër ngwën ro, bela bën șus këni, do ħan këni ecamëdan el gayik bebër këni rind bën ax ye ex na.
- 20**Ata ar kë wëndërand an kë șusënd angoben aņ, do axo tëkand na këdi kë fëlëtar beñëñëx bend ko rind beņ.
- 21**Barikan, ar kë rind end dal an kë sëkand angoben aņ eni wataxën bela bën mënë bebër ko rind bën gë Kaxanu këni rind.»

End or gapak or Yesu eņ

- 22**Ga xucak eņo, Yesu gë bësëfan bërëxëm bën y'e këni gër ebar ed Yude, xeyërax këbi fën bakey do kënebi buyind bela bën.
- 23**Șaņ Batis, gër ed këbi buyind bela bayi baxo gër Enoņ, ler gër ingol ind Salim gayik mbaņ ebax men oņ. Fën bani y'end bela bën ebi buyix.
- 24**Amëd aņo ano përa bana pere Șaņ Batis.
- 25**Ata akey amat, bësëfan bërëxëm bën këni șampërend gë Așëwif abat end mondake këni rind eŵunëtan el.
- 26**Ga sëka këno Șaņ Batis, re këni: «Asěj'ali, ar y'ow bax ekeg ed Yurëdeņ xali rey'a bay' endexëm an, në ebuyi ebi de bela bën do dek mën fo këno sëfënd.»
- 27**Ata Șaņ Batis yaka këbi: «Ala an er șot ko yo, orën ol yël këno.

²⁸Wën dëŋ awël wël këne ga këme rey'a mëne ame gi ex na Afexën an, alëngwa fo lëngwaw exe tēfëraxënëgu.

²⁹Icën ij wa këŋo xanand endënaŵ end eñer eŋ, ax gi ex na lawo ir këŋo laŋët in. Alaŋëta an, alaŋët fo këŋo laŋëtënd, do mbaŋ këŋo nëngandërad ga këŋo wëlënd icën ij. Mëŋ ex, wëno dëk hi këme onënga ol.

³⁰Ado wëlil exo mëŋ do wëno ene kwëya bela bën.

³¹«Ar xaniwëk y'aŋ gër orën an yëmbëta këbi dëk bela bën. Ar gër ebar an, ar gër ebar fo ex do end gër ebar fo ko yey'anënd. Ar xaniwëk y'aŋ gër orën an nëmëca këbi dëk bela bën.

³²Er watëgu ko in do er wëlëgu ko gër orën in ko rey'and. Ala ax ma ex na osede orexëm ol.

³³Barikan ar ŵak osede orexëm an rey'ak mëne Kaxanu d'al exo.

³⁴Kaxanu yël këŋo gë etëy'in këm Angoc andexëm aŋ ar laŵënëgu këŋo an. Mëŋ ex er ko rey'and in gër Kaxanu xaniwëk.

³⁵Sëm in bon ħan këŋo Asëñiŵ do beŷ dëk sebënan këŋo.

³⁶Ar ŵak end Asëñiŵ ar Kaxanu eŋ šotëk aniyand din aŋ. Ar aŋo kwëta ex na an axo cot na aniyand aŋo, do oxoŷ or Kaxanu ol laŋ ex gër ndexëm.»

Ŝaŋ 4

End asoxari Asamari eŋ

¹Ata Axwën Yesu nang ko mëne Ofariseŋ ok wël bax mëne bësëfan bërëxëm bën yëmbëk nëmëc gë bër Ŝaŋ Batis bën, bëte bër këbi buyind bën yëmb nëmëc.

²Enimin, bësëfan bërëxëm bën babi buyind, ax gi ex na Yesu mëŋ dëŋ.

³Ata na ga xani ko gër ebar ed Yude ŵaŷi ko gër ed Galile.

⁴Afo ir ebar ed Samari in ebax exo kuca.

⁵Ga ko y'e, ħat ko gër angol and bani ŵacënd Sikar, ler gër ošënga or Yakob or yël baŋo asëñiŵ Yosef.

⁶Na bax andu and Yakob aŋ. Yesu, ga sëkwëra ko oñe oŋ, yëpa ko ler gër andu, xarak amëd aŋo eñan eŋ keŋ gër gaf hi bax.

⁷Na y'ow ko asoxari Asamari edëmb ed men. Ata re ko Yesu: «Yëludë wa me ceb.»

⁸Xarak, bësëfan bërëxëm bën gër angol y'e bani eni yëcëraw er këni y'amb in.

⁹Ata re ko asoxari an: «Yama wëj Ašëwif nde ke xarand men ond eceb wëno Asamari?» (Rexën baxo mondako asoxari an, Bëšëwif bën abani sëkar na gë Bësamari bën.)

- 10**Ata Yesu yaka këŋo: «Kido anang nang bay' er ko yëlënd Kaxanu in do kido afëni fëni baxi noŋo hi këme wëno ar ki xarand men ajo an, wëj dëŋ xaradoxe. Ata yël domi men ond kë yëlënd aniyän oŋ.»
- 11**Na re ko asoxari an: «Okö axwën, ay' gi ex na gë siwo ir këy' rëmbaxën, do andu aŋ atiŋax ex. Feye wa këy' šotëgu men ond kë yëlënd aniyän oŋo?»
- 12**Yakob, axarëk arebi an sebëtan këbo andu aŋo. Gër aŋo bani šebënd mëŋ gë bosëniŋw do gë oyel orebën ol. Ba wëj nde xuca këŋo?»
- 13**Ata yaka ko Yesu: «Ar kë šeb yo men oŋo ro, asel këŋo sel gašëxe.
- 14**Barikan men ond këme yëlënd oŋ, ar kë šeb an din aŋo tel na. Men oŋo ang epëndin fo kë ŋana ex dëjënd gër ola orexëm xali gër aniyän and din.»
- 15**Ata re ko asoxari an: «Axwën yëlële ngwa men oŋo, mëŋ bayik axe ñana na exe telënd din do me teb ey'ow ed gër andu ro el.»
- 16**Re ko Yesu: «Yel ey'ö macëgu icën indey' iŋ, en tëfërëgu.»
- 17**Yaka ko asoxari an: «Ame gi ex na gë icën.» Na re ko Yesu: «Dal rey'a këy' mëne ay' gi ex na gë icën.
- 18**Bësošan bëco šapër kën do gë ar ŋëpa kën gërëgako an, axo gi ex na icën indey'. Ata däl dëŋ rey'a këy'.»
- 19**Na re ko asoxari an: «Axwën, anëka nang këme mëne wëj alaŋwënel ar Kaxanu hi këy'.
- 20**Bëxarëk bërebi bën gër etënd elo bano šalend Kaxanu, do wën Bëšëwif bën kën rend mëne gër Yerusalem fo hi ko mocale.»
- 21**Ata re ko Yesu: «Abiŋwën, kwëtale ga re këme, ay'ow kë y'ow apëxëd and këno ŋana eno calend Faba në er ex yo, xarak ax gi ex na gër etënd elo fo, bëte ax bo na gër Yerusalem fo.
- 22**Wën Bësamari bën, ano nang ex na ar këno šalend an. Biyi Bëšëwif bën nang këŋo gayik paß gë enëŋ endeßi eŋ këni fexaxën dëk bela bën.
- 23**Barikan, në ey'ow ex (ado gërëgako dëŋ ex) amëd and bër këŋo šalend enim Faba, gë angoc do gë däl bën. Ata bër këŋo šalend mondako bën këbi šaland.
- 24**Kaxanu angoc hi ko, do bër këŋo šalend bën, afo eno calend gë angoc aŋ do gë däl in.»
- 25**Na rew ko asoxari an: «Anang nang këme mëne në ey'ow exo Afexën an, (mëne ngëŋ Kërisët). And ko hatëgu aŋ, mëŋ këbo sëfëtan beŋ bën dëk.»
- 26**Yaka këŋo Yesu: «Wëno ar ki yey'anelind ajo dëŋ ex!»

²⁷Aŋo ĥatëgu këni bësëfan bën. Așaran șaran babi ga sêk këno Yesu ga këŋo felëra asoxari end Kaxanu eŋ. Barikan, gabatak aŋo mëka bana ba ine baŋo wëkand do ba ine baŋo felëraxënënd.

²⁸Ata asoxari an seŋ ko na ipey'a ind men in, wãra ko gër angol felëx këbi bela bën:

²⁹«Yowën eno nang ar felëra ke đek bebër ri këme an. Ba axo gi ex na cëŋ Afexën an?»

³⁰Ata ga șanëgu këni angol aŋ, y'e këni bura-bura gër ed hi baxo Yesu.

³¹Amëd aŋo, bano felënd bësëfan bën: «Awël nde Asëy'ali, y'ambëral.»

³²Re ko: «Ey'amb y'amb exëna ed an nang ex na.»

³³Na bësëfan bën këni wëkarënd ba ala wëlanëgu këŋo na ey'amb y'amb.

³⁴Ata re ko Yesu: «Andiyen and yãndi këŋo ar lawënëgu ke xali me eŋata aŋ ex ey'amb y'amb iram in.

³⁵Ax gi ex na nde are kën rend opacaw onax fo bayik ekana ed benedã el? Awa ga re këme: Dënëtayin en wataxën benedã beŋ ga feșëk gër ocënga. Ekana fo bayik.

³⁶Așos këno șosënd axana ar enedã end aniyen and din an ebi nëngandëraxën andamat aned an do gë axana an.

³⁷Gër endey' eŋo, enimin, dal ex: Abat kë nedënd, așëxen kë xanand ey'amb el.

³⁸Wëno lawën këŋun en kana benedã beŋ gër ed an tëw ex na. Bëșëxen riyenik do wën, alil fo lil kënëbi gër andiyen.»

³⁹Yatijo, gër angol and Bësamari aŋo bëranjëm wã bax end Yesu eŋ ga wël këno asoxari an ga ko rey'a mëne afelëra felëra këŋo đek er ri ko gër aniyen andexëm in.

⁴⁰Bësamari bën ga barëregu këni gër ed hi baxo Yesu, xara këno exo bayi yatijo gër angol andebën. Ga wã ko, xey këŋo bakey baki.

⁴¹Në eŋo yëmbëraxën bani nëmëc bër wã bax eyey'an edexëm bën.

⁴²Afel bano felënd asoxari an: «Abo ex na đe ga wã këmi gayik wëj fel këbo. Gë andebi aŋo dëŋ baxët këmo do nang këmi mëne enimin, mëŋ ex Afexën ar ngwën an.»

End pakën ed itox eŋ

⁴³Ga xucak bakey baki baŋo, Yesu xuca ko ond gër ebar ed Galile oŋ.

⁴⁴Mëŋ dëŋ rey'a bax mëne alawënel ar Kaxanu an, ano pëbënd na gër ed rëw këno.

⁴⁵And ĥat ko gër ebar ed Galile aŋ, Bëgalile bën xaca këno gayik awat wat bani đek bebër ri baxo gër Yerusalem bën, yatir Ofëna or Apexa. Bën bête, ay'e y'e bani gër ofëna olo.

⁴⁶Awa Yesu baka ko gër ingol ind Kana gër ebar ed Galile, gër ed nëngwët baxo men oŋ hik ngoy. Ata gër angol and Kafarënwum, ar bët bax gër emun an šëxwërayili baŋo na asëñiŵ.

⁴⁷Gogo nde ga wël ko mène Yesu bakawëk gër Galile, ga xaniw ko gër ebar ed Yude. Ata ŵara ko eŋo karaw end itox indexëm eŋ gayik në emëkw na fo bayi baxo.

⁴⁸Ata re ko Yesu: «Wën angëmëne ane watëlind na becarax do gë becërëcaxik, din ane kwëta na!»

⁴⁹Yaka këŋo ala ajo: «Axwën, cëlaye gër ndebi këdi ko nemi itox indam iŋ.»

⁵⁰Re ko Yesu: «Maŷil, asëñix anëka bëngw ko.» Ga ŵa ko er re ko Yesu in, ŵaŷi ko.

⁵¹Ga ko šëla, fed këni gë bëriyenin bër gër iciŵ indexëm bën. Fel këno mène itox indexëm iŋ abëngw exo, anëka fak ko.

⁵²Ŵëka këbi ba nand fe fak ko. Yaka këno: «Ganëka and hik eñan poxoš gaf aŋ, xoc këŋo.»

⁵³Ata xwita ko sëm mène amëd aŋo dëŋ fel baŋo Yesu itox indeŷ iŋ abëngw exo. Ata ŵa këni end Yesu eŋ mëŋ gë ekun edexëm el dëk.

⁵⁴Eŋo bax ecarax ekinëm end ri baxo Yesu gër ebar ed Galile eŋ ga xaniw ko gër ed Yude.

Šaŋ 5

¹Ga xucak eŋo, hik bëte ofëna or Bëšëwif. Yesu ŷe ko ŷaŋ gër Yerusalem.

²Xarak gër Yerusalem, ler gër Ebët ed Opeŷ, anjer hi bax na and bani ŵacënd gë eyeyan ed Bëšëwif el Betësada. Mokece xece bani do seba bani odilaya oco.

³⁻⁴Dila gër odilaya oko bani renarand bëšëxwëra bëranjëm: bëšiwëk, gë bëseŷik, gë bërëgobo.

⁵Šëf gër bëšëxwëra bëjo, ala baxëna arëgobo elod bëniŷ ofëxw osas gë bënjongëbëtas.

⁶Ata Yesu wat këŋo gër ed laki ko. Ga wata ko mène elod anëka fo ko lakirand na, ŵëka këŋo: «Wëj, aŷandi nde ŷandi ki ey pak?»

⁷Yaka këŋo: «Asošan, ame gi ex na gë ar ke lap polo gër anjer and kë šangënan men aŋ. Awa nand ke xacërand na, gogo nde exo cëgët ašëxen.»

⁸Ata Yesu re ko: «Kanil ey međ anakaya andey aŋ, ey ŷe!»

⁹Ataŋ ga fak ko ala ajo, ŵed ko anakaya andexëm aŋ do ko ŷexërand šenene. Xarak yatijo akey and eteyëta bax.

¹⁰Bëlëngw bër Bëšëwif bën këno rend ala ar fakëk an: «Xey wëj wa, ba ax gi ex na nde doro ex akey and eteyëta aŋ? Ax ñap ex na ey dëbina anakaya andey aŋ!»

- 11 Na yaka këbi: «Ar fakën ke an fel ke ðe me ðëbina anakaya andam aŋ do me y'e.»
- 12 Wëka këno: «Noŋo wa ex ar fel ki ey' með anakaya andey' do ey' y'exëra an?»
- 13 Ar fakëk an axo nang bana ba noŋo ex do bëte Yesu anëka hi baxo šit gër amëxwër and hi bax na.
- 14 Ga xucak eŋo, Yesu sëk këŋo ala ajo gër yangana ir Aciw̃ and Kaxanu. Fel këŋo: «Awa gayikako anëka fak këy', tebël emendëran el këdi ki wëcan end nëmëc eŋo.»
- 15 Aŋo y'e ko ala ajo felëx këbi bëlëngw bër Bëšëwif bën mëne Yesu fakën këŋo.
- 16 Ata bëlëngw bër Bëšëwif bën mëŋ bano rixëraxënënd Yesu gayik eŋo baxo rind yatir akey and eteyëta.
- 17 Yesu yaka këbi: «Faba key yo key ko riyenind, wëno bëte mondako fo këme riyenind.»
- 18 Ata bëlëngw bër Bëšëwif bën këni šaland eno ðaw̃ Yesu, ga baxo rend cëŋ mëne Kaxanu ex Sëm, er w̃acaya bax mëne gwër fo hi këni gë Kaxanu. Bari ax gi ex na gayik ay'epën baxo y'epënënd fo akey and eteyëta aŋ.

End or gapak eŋ

- 19 Ata yaka këbi Yesu: «Dal in këmun felënd, wëno Asëñiŋ in y'owëy' ame dind na gë oŋandi odam. Barikan, er këmo watelind Faba in këme rind. Do ðek er ko rind Faba in, mondako fo këme rind wëno Asëñiŋ in.
- 20 Faba aňan h̃an ke wëno Asëñiŋ in do aŋasin ke w̃asinënd ðek bebër ko rind bën. Bëte aŋasin ke w̃asin bebër nëmëcak beŋo, ado wën ašaran këŋun šaran.
- 21 Ata Faba ang këbi xaninënd bëšësëk do këbi liyanënd ak, mondako fo këmo liyan wëno Asëñiŋ in ar y'andi ke an.
- 22 Bëte Faba, ala aŋo kitind na, wëno Asëñiŋ in sebën ke ðek kiti iŋ
- 23 ene pëbaxën ðek ang fëb këno mëŋ ak. Ar axe pëb ex na wëno Asëñiŋ an, aŋo pëb ex na Faba, mëŋ ar laŋwënëgu ke an.
- 24 «Dal in këmun felënd, ar ke baxëtënd do eŋo kwëta ar laŋwënëgu ke an, anëka šot ko aniyand and din aŋ do axo y'e na gër kiti. Anëka xuca ko ecës el, do h̃at ko gër aniyand.
- 25 Dal in këmun felënd, amëd aŋ në ey'ow ex, (ado gërëgako dëŋ ex) bëšësëk bën awël këni wël oniŋ or Asëñiŋ ar Kaxanu ol. Bër kë wël bën axani këni xani gër ecës do eni ðiya.
- 26 Enimin, ang exo Faba mëŋ dëŋ aniyand ak, mondako fo yël ke wëno Asëñiŋ me gi wëno bëte aniyand aŋ.
- 27 Wëno yël ke or gapak or mëni kitixën bela ol gayik wëno ex Asëñiŋ ar ala an.

28Këreṅun caran na eṅo: Nē ey'ow ex amēd and këni wël dek bër ex gër bañeg bën oniŵ oram ol.

29Ata eni kanira gër ecës: bër bax rind enjekax bën eni y'e gër aniyan and din do bër bax rind eñëṅenax bën eni y'e gër kiti.

30Faba, mēṅ ar laŵënēgu ke an ke felënd ang këmēni xiti bela ak, ŷoŵeȳ ame dind na gē oñandi odam ok. Do kiti indam iṅ ind ŷenene ex gayik oñandi od ar laŵënēgu ke ok këme ŷaland, ax gi ex na odam ok.»

End osede or bend Yesu eṅ

31«Angēmēne wēno fo kë rey'and osede or gaf iram ol, end këme rey'and eṅ ax gi ex na dāl.

32Ašēxen kë rey'and osede oram ol, do anang nang këme, er ko rey'and endam in dāl ex.

33Wën laŵën babi bela gër ŷaṅ Batis. Ga ħat këni, awël wël bano ga ko rey'a dāl in.

34Wëno cēṅ, end osede oram eṅ, ax gi ex ala kë rey'and, barikan en pexaxën këmun felaxënënd eṅo.

35ŷaṅ, er hi baxo ang lambo ir fētën këni ex ṅoband fo. Do wën anēngandëra nēngandëra këṅun amēd gē angoben andexēm aṅ.

36Wëno, osede or këme rey'and ol nēmëcak or ŷaṅ Batis ol gayik bebër yël ke Faba me dind bën këṅun ŵasinënd mēne mēṅ dēṅ laŵënēgu ke.

37Do Faba mēṅ ar laŵënēgu ke an dēṅ kë rey'and endam eṅ. Wën, elod an wël ex na oniŵ orexēm ol, elod an wat ex na dēxas irexēm in.

38Gayikako an ma ex na end wëno ar laŵënēgu ke eṅ, an kwëtaya ex na eyey'an edexēm el gër oŵëkw orewën.

39Wën kën balëkēnalind Oñëgw Omēnëk ok ga yëla kën mēne aniyan and din aṅ kën ŷot, xarak oñëgw oko dēṅ kë rey'and endam eṅ.

40Wën aṅun ñandi ex na en yëlaya gër ndam en cotaxën aniyan and din aṅ!

41«Wëno ame caland na ene cëkw bela.

42Bari aye nang këme mēne wën ano ṅan ex na Kaxanu.

43Wëno mēṅ laŵënēgu ke gē oŵac orexēm ol, bari wën ane kwëtaya ex na. Barikan angēmēne ašēxen exo y'ow axwëtaya këno xwëtaya xarak Kaxanu aṅo dāŵënēguw ex na!

44Wën bër kë ŷëkwërënd bëjo, wën bër ax caland na en wat enjaraṅ end Kaxanu fo bën, mondake wa kën xor ene kwëta?

45Këren yëla na mēne wëno këṅun lëxw gër Faba. Moyis, mēṅ ar xwëta këno an, këṅun lëxw.

⁴⁶Kido end Moyis eŋ w̃a ban, a w̃a w̃a don bête endam eŋ gayik endam ỹëgw ko.

⁴⁷Bari angëmëne an ma ex na oñëgw odexëm ok, mondake kën w̃a er këme rend in?»

Ŝaŋ 6

End ecarax end mburu eŋ

¹Ga xucak eŋo, Yesu xegëta ko anjer and Galile and bani w̃acënd bête anjer and Tiberiyad aŋ.

²Bela bëranjëm baŋo sëfand gayik awat bani watënd becarax, ga babi fakën bëšëxwëra bën.

³Ata Yesu, ga sëfër këni gë bësëfan bën y'aŋ në etënd, yëparax këni

⁴xarak anëka babi saxëgund Ofëna or Apexa or Bëšëwif ol.

⁵Yesu ga nekona ko, wat këbi amëxwër atëm ga këni y'ow gand ed hi bani. Ata wëka këŋo Filip: «Feye wa këne yëcëguye er këni y'amb bela bëjo in?»

⁶Ga baŋo wëkand mondako, atëy fo baŋo rind gayik anang nang baxo er ko ri in.

⁷Ata yaka ko Filip: «Ado ene yëcëgudoye yo mburu in batama band kodï okeme oki, exo cotaxën ala kala tükër, ax gi dona gwac.»

⁸Asëfan abat, Andëre, abinëm ar Simoŋ Piyer, re ko:

⁹«Ake ro inëmëta exëna de ind gë bamburu baŋo band orëš, gë oxan oxi. Ine ngwa kë feca, bela bër go bën?»

¹⁰Ata re ko Yesu: «Pelinëbi eni ñëpara gër ebar.» Xarak na gër ed ebani mbaŋ lëg bax ondës oŋ. Er hi bani bësošan bën fo gwër në owëli oco.

¹¹Yesu, ga wëd ko bamburu baŋ, šëkwa këŋo Kaxanu do šetëra këbi bër hi bax na bën. Mondako fo ri baxo gë oxan ol do ar ex kala y'amb ko xali wëd ko.

¹²And wëd këni aŋ, fel këbi bësëfan bën: «Barin bacaxaken band bayitarak baŋ, y'owëy kërex nemi na.»

¹³Ata ga barëra këni, fëxw këbi bakange epëxw gë baki gë bacaxaken band mburu ir orëš ir bayitara babi in.

¹⁴Ga wat këni ecarax end ri baxo Yesu eŋ, bela bën këni rend: «Enimin, mëŋ ex ala wën ar bax y'owënd gër ngwën ro an.»

¹⁵Ata Yesu, ga wata ko mëne aŋandi yandi babi eno nëyali exo gi emun endebën, nacëta ko gašëxe gabat y'aŋ gër etënd.

End gër anjer eŋ

¹⁶Apenëka aŋ, bësëfan bërexëm bën šëla këni xali gër bëŋa ir anjer.

17Ata fëra këni polo në ikuluḡ eni y'exën gër Kafarënowum, ekeg elo. Anëka xwëyar bax do Yesu abi tëfëgu bana pere.

18Mbaḡ bax xocënd do men oḡ kë xanind gër anjer bomeḡ bomeḡ.

19Ga xas këni gë ikuluḡ iḡ në bapakan banjo, xali banjongamat, watëgu këno Yesu ga ko y'e yaḡ gër men ang gër ebar eḡaḡëk fo. And hi ko d'am gër ikuluḡ aḡ, bësëfan bën yëdara këni.

20Ata re ko Yesu: «Wëno ex, këren yëdara na!»

21Aḡandi ḡandi babi bësëfan bën eno mëlali gër ikuluḡ iḡ. Barikan anëka ḡat bani gër ebar, gër bëḡa ir gër ed bani y'end.

End ey'amb ed aniyan eḡ

22Në ecan ijo, amëxwër and bër bayi bax ekeg elo aḡ, xaman këni mëne ikuluḡ imat fo bayi bax na gër ed hi bani do mëne Yesu ani y'e bana gë bësëfan bën.

23Ata bëkuluḡ ocëxe ḡatëguk gër Tiberiyad, ler na gër ed y'ambëra bani mburu ind ḡëmbën baxo Axwën an and šëkwa këḡo Kaxanu aḡ.

24Ga wata këni mëne Yesu gë bësëfan bërëxëm bën ani bo bana na, fëra këni gër bëkuluḡ bëḡo do kwël y'e këni gër Kafarënowum eno calax.

25Ga sëkëx këno ekeg elo, wëka këno: «Asëy'ali, nand fe wa y'ow këy' ro?»

26Yesu yaka këbi: «Dal in këmun felënd, ga y'ambëra kën xali wëd kën këne šalaxënënd, ax gi ex na ga fëni këḡun bëcarax bënd këme rind beḡ.

27Diyenindën end ey'amb ed kë bayi xali gër aniyan and din eḡ, bari ax gi ex na end ey'amb ed kë nemi ecan ecan eḡ. Ey'amb ed aniyan and din el, wëno Asëḡiḡ ar ala an kë yëlënd gayik wëno yata ke Faba Kaxanu.»

28Bër gër amëxwër bën wëka këno: «Ineḡa ḡapëk mo din Kaxanu gër andiyen andexëm?»

29Yaka këbi: «Er ex andiyen and Kaxanu in, ene kwëta wëno ar laḡënëḡu ke an.»

30Wëka këno bëte: «Do ecarax end fe këy'ëbo ḡasin mi kwëtaxën? Ine këy' ri?»

31Bëxarëk bërëbi bën ey'amb ed bani ḡacënd manel bani y'ambënd gër ladawe, ang ḡeg këni ak: ey'amb ed xaniwëk gër orën el babi yëlënd Kaxanu.

32Ata re ko Yesu: «Dal in këmun felënd, Faba babi yëlënd ey'amb ed d'al ed xaniwëk gër orën el bëxarëk bërëwën bën, ax gi ex na Moyis. Mëḡ fo këḡun yëlënd bëte doro doro ey'amb ed d'al ed xaniwëk gër orën el.

33Gayikwa ey'amb ed ko yëlënd Kaxanu el ex ar fedawëk gër orën an, do ko yëlënd aniyan gër ngwën ro an.»

34Ata re këni: «Awa Axwën, yëlindëbo ngwa din ey'amb elo.»

- 35 Yesu fel këbi: «Wëno ex ey'amb ed kë yëlënd aniyän el. Ar ke sëf an din aŋo kor na enjo eŋ, ar kë wã endam an din aŋo tel na.
- 36 Ga re këme, wën awat wat këne, bari ane kwëta ex na.
- 37 Dek bër ke yël Faba bën asëf këne sëf do din amëni ŋwãy na.
- 38 Gayikako gër orën fedaw këme, er y'ow këme me dind oñandi od ar lawënëgu ke ok, ax gi ex na me dind oñandi odam.
- 39 Er yandi këŋo ar lawënëgu ke in ex gabatak këremo tak na gër bër yël ke: axanin këmo xaninëf gër ecës yatir akey apelatar.
- 40 Eŋo ex enimin, er yandi këŋo Faba in: ar ke wat yo wëno Asëñiŵ do exe kwëta an ašot ko šot aniyän and din aŋ. Ata këmo xanin gër ecës, yatir akey apelatar.»
- 41 Ata Bëšëwif bën këni wunëwunand endexëm eŋ ga wël këno ga ko re mëne mëŋ ex ey'amb ed fedawëk gër orën el.
- 42 Er bani rend: «Ajo ba axo gi ex na nde ngwa Yesu, asëñiŵ ar Yosef? Ax gi ex na nde anang nang kënebene nëm gë sëm? Mondake cëŋ ko rend mëne gër orën fedaw ko?»
- 43 Yesu ga wata këbi, re ko: «Këren ŋunëŋuna na.
- 44 Ala ax kor na exo yëlaya gër ndam, ang ax gi ex na Faba, mëŋ ar lawënëgu ke an, wëlaw këŋo. Do wëno ata këmo xanin gër ecës, yatir akey apelatar.
- 45 Ga yëgw këni wa bëlawënel bën gër okayëta mëne: Kaxanu këbi yana ebi tÿ'alind dek bela bën. Ar kë baxët osë'yali orexëm an do exo ma, ayëlaya ko yëlaya gër ndam.
- 46 Eŋo ax macaya ex na mëne ala wat këŋo na Faba Kaxanu, ang ax gi ex na ar xaniwëk gër ndexëm an.
- 47 Dal in këmun felënd, ar wãk endam an šotëk aniyän and din aŋ.
- 48 Wëno ex ey'amb ed kë yëlënd aniyän el.
- 49 Bëxarëk bërewën bën y'ambëguk ey'amb ed këni wãcënd man el gër ladawe, barikan ašës šës këni.
- 50 Nangin mëne ar kë y'amb ey'amb ed fedawëk gër orën an, axo nemi na.
- 51 Wëno ex ey'amb ebëngw ed šëlawëk gër orën el. Angëmëne ala exo y'amb ey'amb elo, din ir din ko liya, do ey'amb ed këmo yël el ex eman endam eŋ exo diyaxën gër ngwën ro.»
- 52 Ga wël këno, Bëšëwif bën këni šampërend: «Mondake wa ko xor ebo yël eman endexëm eŋ ene y'ambe?»

⁵³Na re ko Yesu: «Iyo dal in këmün felënd: angëmene an yamb ex na eman end wëno Asëñiŵ ar ala eŋ do an ceb ex na oŝat oram oŋ, anıyan ax gi ex na gër ola orewën.

⁵⁴Ar kë yamb eman endam do exo ceb oŝat oram an kë ŝot anıyan and din aŋ do wëno axanın këmo xanınëd gër ecës, yatir akey apelatar.

⁵⁵Enimin, eman endam eŋ eyamb ex do oŝat oram oŋ eŝeb-ceb ex.

⁵⁶Ar kë yamb eman endam do exo ceb oŝat oram an ke ŝosa do mi gi din arabat.

⁵⁷Faba mëŋ ar laŵënëgu ke an abëngw exo do wëno gë mëŋ liya këme. Ar ke yamb an gë wëno këmi liya.

⁵⁸Nëkoyin ro eyamb ed fedawëk gër orën el, ax gi ex na ang ed yambëgu këni bëxarëk bërewën do nemira këni el. Ar ke yamb an din ir din ko liya».

⁵⁹Mondako sëyali babi Yesu gër aciŵ acaleya and gër Kafarënowum.

End anıyan and din eŋ

⁶⁰Ga baxët këno na, bëŝëfan bëranjëm gër bër baŋo sëfarand re këni: «Eyeyan elo dek sibëk. Ba noŷo kë xor cëŋ exo baxët?»

⁶¹Yesu, ga wata ko mëne bëŝëfan bën në eŋunëwuna exëni, wëka këbi: «Ba end re këme eŋ nde ŝodo këŋun?»

⁶²Do and këne wat, wëno Asëñiŵ ar ala an ga këme baka yañ gër ed hi bame aŋ cëŋ?

⁶³Angoc aŋ kë yëlënd anıyan aŋ, eman eŋ yowëy ax kor na ex di. Bend fel këmün beŋo bend Angoc ex do beŋo kë yëlënd anıyan aŋ.

⁶⁴Bari ang hi kën ro ako, bërëmar ane kwëta ex na.» Gayikwa Yesu aye nang babi, elod gër yanar bër ax ma ex na endexëm bën. Bëte anang nang baxo noŷo bax ar këŋo lëxw an.

⁶⁵Ata ko rend: «Mëŋ këmün felaxënënd mëne ala ax yow na gër ndam ang ax gi ex na Faba wëlaw këŋo.»

⁶⁶Ata elod amëd aŋo, bëŝëfan bërexëm bëranjëm bakana këni gand epoy, seb këni etëfëra edexëm el.

⁶⁷Ata Yesu wëka këbi bëŝëfan epëxw gë bëxi bën: «Do wën cëŋ, aŋun ñandi ex na nde ene teb?»

⁶⁸Yaka ko Simoŋ Pıyer: «Axwën, biyi gër noŷo wa këmi ye? Wëj ga ex wa ar gë eyeyan ed anıyan and din ir din an.

⁶⁹Do biyi wak endey eŋ ga nang këmi mëne wëj ex Aŵënëk ar Kaxanu an.»

⁷⁰Yesu yaka këbi: «Ax gi ex na nde wëno yata këŋun, wën bëŝëfan epëxw gë bëxi bën? Barikan, abat ŝabucara exo!»

⁷¹Yuda, asëñiŵ ar Simon Isëkariyot, baŋo rend gayikwa gër bësëfan epëxw gë bëxi, mëŋ ebax ar këŋo lëxw an.

Ŝaŋ 7

End bobinëm bor Yesu eŋ

¹Ga xucak eŋo, Yesu ko sëfërand ebar ed Galile el. Aŋo ñandi bana exo y'e gër ed Yude gayik bëlëngw bër Bëšëwif bën ašala bani ŝaland eno đaw.

²Xarak, đam ebax Ofëna or Bëšëwif or baner ol.

³Ata bobinëm bor Yesu re këni: «Kanil ey y'e gër ebar ed Yude eni watëx đek bësëfan bërey bën bebër këy rind bën.

⁴Ar kë ŝaland eno nang bela an, axo dind na beŷ gër ed ano watënd na. Angëmëne becarax beŋo këy rind, masiyanal gër ngwën ro.»

⁵Enimin bobinëm dëŋ ano kwëta bana.

⁶Ata Yesu yaka këbi: «Apëxëd andam aŋ ax ŋatëgu ex na pere, barikan andewën aŋ and din ex.

⁷Bela bër gër ngwën ro bën ani kor na enun cus. Barikan ašus šus këne wëno gayik arey'a këme rey'and mëne bandixa bandebën baŋ bañëŋëna ex.

⁸Yeyin ngëŋ wën y'aŋ gër ofëna. Wëno ame y'e na gër ofëna olo gayik apëxëd andam aŋ ax ŋat ex na pere.»

⁹And re ko eŋo aŋ, Yesu bayi ko gër ebar ed Galile.

End Ofëna or baner eŋ

¹⁰And y'e këni bobinëm gër ofëna aŋ, Yesu y'e ko bëte yir fo, aŋo ñandi bana eno wat bela bën.

¹¹Ata bëlëngw bër Bëšëwif bën këno ŝalarand gër ofëna do këni wëkarënd: «Awa feye exo ajo?»

¹²Ata gër bëmëxwër, onëkënëkar od në endexëm ok mbaŋ ebax. Bërëmar are bani rend: «Ala ar ŝenene exo.» Bëšëxen bën: «Ali anambeli këbi nambelind bela bën!»

¹³Bari ala abax yey'an na poyoma endexëm eŋ, ga banëbi yëdand bëlëngw bër Bëšëwif bën.

¹⁴Anëka hi bax loxo ir ofëna in mërëxand and y'e ko Yesu y'aŋ gër Aciŵ and Kaxanu aŋ, gër ed babi sëyalirand bela.

¹⁵Ata bëlëngw bër Bëšëwif bën, ga këbi ŝaran, këni wëkarënd: «Mondake nang ko Oñëgw Omënëk ok mëŋ ar ax tëy'a ex na an.»

¹⁶Ata yaka këbi Yesu: «Osëy'ali oram ol, or ar laŵënëgu ke ex, bari ax gi ex na oram.

17Ar ex aŵelëk ar exo di oñandi od Kaxanu an, anang ko nang osëy'ali oram ol, ba gër Kaxanu nde xaniwëk ba wëno fo nde kë yey'andërand.

18Ar kë yey'andërand er yerëtëk ko gë andexëm an, eno cëkwënd ko şaland. Barikan, ar kë şaland enjaran end ar laŵënëgu këno an, ar dal hi ko do osëmbak ax gi ex na gër ndexëm.

19Ax gi ex na nde Moyis yël këñun acariya and Kaxanu aŋ? Barikan wën, gabatak ax tēfënd na acariya aŋo. Ineŵa kën şalaxënënd ene daŵ?»

20Ata amëxwër aŋ yaka këno: «Wëj ar gë bëyël ey! Noŷo kë şaland exi daŵ?»

21Yesu yaka këbi: «Emat fo ri këme do wën dek şarandëra këñun.

22Moyis sëy'ali këñun oxac or bëtox bëtoşan ol, (xarak ax gi ex na Moyis yerëtëk gayikako gër bëxarëk xaniwëk). Do ax gi ex na nde wën axac këno xacënd ala an yatir akey and eteyëta dëŋ?

23Angëmëne axac këno xacënd ala yatir akey and eteyëta këdi kën yepën acariya and Moyis aŋ, ineŵa xoŷënaxën këne wëno ar fakën këno yer ala an gë akey and eteyëta aŋ?

24Tebin ekiti ed bela el ang këñun wëndanënd wën ak. Kitiyindën şenene!»

25Ata Bëyerusalem bërëmar këni rend: «Ax gi ex na nde ajo këno şaland eno daŵ?»

26Barikan nekodó wa ga ko yey'andërand poyoma, do ala aŋo kexënd na! Anëka nde xwita këno bëlëngw bën mëne mëŋ dëŋ ex Afexën an?

27Barikan, ajo ro anang nang këne gër ed xaniw ko. Xarak Afexën an and ko yow aŋ, ala ax nang na gër ed xaniw ko.»

28Ata Yesu, ga këbi sëy'alira bela bën gër yangana ir Aciŵ and Kaxanu, xeŷ ko: «Wën anang nang këne do anang nang kën gër ed xaniw këme! Barikan wëno ame yow ex na gë oñandi odam. Ar laŵënëgu ke an dal exo, bari ano nang ex na.

29Wëno anang nang këmo, gayikwa gër ndexëm xaniw këme, do mëŋ laŵënëgu ke.»

30Bela bën këni şaland eno tëra, bari gabatak aŋo tëra bana gayik ax ŋat bana pere apëxëd andexëm aŋ.

31Ata gër amëxwër, bëranejëm ŵa këni end Yesu eŋ do këni rend: «And ko yow Afexën aŋ, becarax bend ko ri beŋ anëmëca nde kë nëmëca bend ajo beŋ?»

End etëra ed Yesu eŋ

32Ofariseŋ ok wël kënëbi bëranejëm gër amëxwër ga këni nekënëkar end Yesu eŋ. Ata bëşadaxan bëlëngw bën do gë Ofariseŋ ok laŵën kënëbi bënëkona bën eno tëraw.

33Ata re ko Yesu: «Në erebat bayi këne pere imëd, me bakaxën gër ar laŵënëgu ke.

- ³⁴Aşalara këne şalara bari ane wat na. Do gër ed këme hi, wën an kor na en yeli.»
- ³⁵Ata këni wëkarënd Bëşewif bën: «Feye ngwa ko ye do enëño neme? Aye nde ko ye ed şapërera këni Bëşewif gër bër enëng ecexe, ebi tÿyalirax bër ani gi ex na Bëşewif bën?
- ³⁶Ine ngwa wacayak eyeyan ed wëleli kënëño elo: “Aşalara këne şalara bari ane wat na. Do gër ed këme hi, wën an kor na en yeli.”»

End akey apelatar and Ofëna or baner eñ

- ³⁷Yatir akey apelatar and ofëna ebax akey atëm añ. Ata Yesu, ga xani ko xwiriş, xeÿ ko: «Ar sel këño an, yowëlexo mo yël exo ceß.
- ³⁸Ar ke xwëta an, men ond këmo yël oñ ang oÿëm or men ond aniyan fo kë ÿana ex pesënd gër yomb irexëm, ang rek Oñëgw Omënëk ak.»
- ³⁹End Angoc and Kaxanu and ebax eni cot bër këño xwëta eñ baxo yeyanënd mondako. Amëd año, Angoc añ axo yow bana pere gayik ax ñat bana and kë şanaya enjaran end Yesu eñ.
- ⁴⁰Bërëmar gër amëxwër ga wël këni er baxo yeyanënd in, këni rend: «Enimin, ajo ex Alawënel an.»
- ⁴¹Bëjo këni rend: «Ajo ex Afexën an!» Bëşëxen re këni: «Ba gër ebar ed Galile nde ebax exo kaniw Afexën an?
- ⁴²Ax gi ex na nde Oñëgw Omënëk dëñ rek mëne Afexën an ar andëwëra and Dafid ko hi do ar gër Betëlexem, angol and Dafid añ?»
- ⁴³Ata bër gër amëxwër bën xucarëra këbi në end Yesu.
- ⁴⁴Bërëmar aÿandi ÿandi babi eno tëra, bari gabatak ax yëxw bana eño.

End bëlëngw bër Bëşewif eñ

- ⁴⁵Bënëkona bën, ga baka këni gër bëşadaxan bëlëngw do gër Ofariseñ, wëkax kënebi: «Ine cëñ bayik ano mëlax ex na?»
- ⁴⁶Yaka këni bënëkona bën: «Ar kë yeyanënd mondako, biyi elod amo wël ex na.»
- ⁴⁷Ata yaka kënebi Ofariseñ ok: «Wën bëte, anëka nde seß këno eñun nambeli?
- ⁴⁸Awat nde wat këno alëngw ar Bëşewif ba fariseñ ir wäk endexëm?
- ⁴⁹Bari amëxwër año, bër wë këbi exëni, ani nang ex na acariya and Moyis añ!»
- ⁵⁰Ata Nikodem, ar ye bax gëmëd eni watër gë Yesu an, wëka këbi:
- ⁵¹«Acariya andebi añ, anëp nde këño nëpënd ala xarak bëxiti bën ano baxët ex na pere do ani nang ex na pere er ri ko in?»
- ⁵²Yaka këno: «Agalile nde hi këy wëj bëte? Calal aye ata këy wat mëne alawënel gabatak ax kaniw ex na gër ebar ed Galile.»

End asoxari ar orekar eŋ

⁵³[Ata ga xucak eŋo, ala kala w̃aŋi ko gër iciw̃ indexëm.

Ŝaŋ 8

¹Ga xucak eŋo, Yesu y'e ko y'aŋ gër etënd ed gë bañarëka.

²Barikan mopëd' gëbër, ga baka ko gër Aciw̃ and Kaxanu, barërëgu këni dëk bulunda in. Ga yëpa ko, këbi sëy'alirand.

³Ata bëšalen do gë Ofariseŋ sëraw këno asoxari ar fënga këno në orekar.

⁴Ga xwëšan këno mërëxand, re këni: «Asëy'ali, asoxari ajo në orekar fëngaw këmo.

⁵Acariya and Moyis aŋ ga rek mëne bësoxari bërako bën mopëtëra y'ap këbi xali eni cës. Awa wëj ake re këy'?»

⁶Ga re bani eŋo, atëy' bano rind eno nagašanaxën. Barikan Yesu rëngw ko do ko yëgwënd gë imasa iŋ gër ebar.

⁷Ga këno nëy'ali ebi pel ang këni ri ak, Yesu ga rëngwëta ko, re ko: «Ar gë eñëŋënax këm an, ñanaleŋo epët el.»

⁸Rëngw ko gašëxe do ko yëgwënd bëte gër ebar.

⁹And wël këni eyey'an elo aŋ, šapërëra këni abat abat, ga y'ana këni bëxarëk bën. Bayi këni Yesu gë asoxari an na gër ed xwëšan bano mërëxand.

¹⁰Ata rëngwëta ko Yesu, wëka këŋo asoxari an: «Oko feye exëni bër baxi lëxwënd bën? Ala axi nöp ex na nde?»

¹¹Yaka ko asoxari an: «Axwën, gabatak axe nöp ex na!» Ata re ko Yesu: «Wëno bëte ami nöp na. Maŋil, bëte din kërey' mendëra na mondako.»]

End angoben and ngwën eŋ

¹²Yesu, ga bakan ko osëy'ali ol, ko rend: «Wëno ex angoben and ngwën aŋ, ar ke sëf an angoben and kë wëland gër aniy'an aŋ ko šot, din axo gi na gër ecamëdan.»

¹³Ga wël këni eŋo, Ofariseŋ ok re këni: «Awa wëj gë andey' këy' rey'and osede orey' ol, do osede olo ax gi ex na d'al.»

¹⁴Ata Yesu yaka këbi: «Aŋap y'apëk ene kwëta ado ga këme rey'and gë andam aŋo dëŋ er eme in. Osede oram ol d'al ex gayikwa wëno anang nang këme gër ed xaniw këme do gër ed këme y'end. Bari wën, an nang ex na gër ed xaniw këme, bëte an nang ex na gër ed këme y'end.

¹⁵Wën bela fo hi kën do këne xitind. Wëno ala amo kitind na.

¹⁶Do angëmëne wëno xiti këŋo ala an, kiti iŋo ind d'al kë hi gayik ame gi ex na gabat: gë Faba, mëŋ ar lawënëgu ke an, bar këmi.

17 Aÿëgw ÿëgw këni gër acariya andewën mëne osede or këni rey'a bela bëxi bëjo ðal ex.

18 Wëno dëŋ kë rey'and osede or hi këme ol do bëte Faba, mëŋ ar laŵënëgu ke an, në edey'a exo endam eŋ.»

19 Ata wëka këno: «Feye ngwa hi ko sorix?» Yaka këbi: «Wën ane nang ex na wëno, bëte ano nang ex na Faba. Kido anang nang bane, anang nang dono Faba.»

20 Mondako felëra babi Yesu ga këbi sëy'ali ler gër akwëtaya and oyël, gër yangana ir Aciw̄ and Kaxanu. Bari gabatak aŋo tëra bana gayik ax ŋat bana pere apëxëd andexëm aŋ.

End Ar ŷaŋ gër orën eŋ

21 Yesu fel këbi bëte: «Ga këme ŷ'end ako, wën ašalara këne šalara bari ane wat na. Awa eñëŋenax endewën eŋ këŋun nemin. An kor na ene tëfëli gër ed këme ŷ'end.»

22 Na Bëšëwif bën këni rend: «Ga ko rend ako ane kor ex na enëŋo tëfe gër ed ko ŷ'end, ba alaŵaya nde ko laŵaya?»

23 Ata re ko Yesu: «Wën bër gëd ro hi kën, wëno ar ŷaŋ hi këme, ame gi ex na ar ngwën iŋo ro.

24 Mëŋ felaxën këmun mëne beñëŋenax bendewën beŋ këŋun nemin. Angëmëne an kwëta ex na mëne Wëno ex ar hi këme an, beñëŋenax bendewën beŋ këŋun nemin.»

25 Ata wëka këno: «Do wëj, noŷo ngwa hi këy?» Yaka këbi Yesu: «Ax gi ex na nde elod gër ŷanar felëra këmun? Ado në end ineŵa ngwa këmun yakaxën?»

26 Wëno bebëranjëm rey'adome endewën eŋ mun kitixën. Barikan, ar laŵënëgu ke an kë rey'and ðal in do er wëleli këmo in këme rey'and gër ngwën ro.»

27 Bela bën abi pëni bana mëne end Sëm Kaxanu eŋ babi felërand mondako.

28 Ata re ko Yesu: «And këne xaŵ wëno Asëniw̄ ar ala aŋ, ata kën nang mëne wëno hik do ŷoŵeȳ ame dind na gë or gapak oram. Er këmun felënd in, Faba sëy'aliw ke.

29 Wëno gë ar laŵënëgu ke an bar këmi, axe teb ex na gabat gayik wëno din këme rind er ŧan ko in.»

30 Ga wël këni eyey'an elo, bëranjëm w̄a këni endexëm eŋ.

End edacët ed gër oxadëp eŋ

31 Ata Yesu fel këbi Bëšëwif bër w̄a bax endexëm bën: «Ga xwëtaya xwëtaya kën gër onden ondewën er këme sëy'alind in, ata kën hi enimin bësëfan bëram.

32 Anang kën nang ðal in do ðal ijo këŋun racët gër oxadëp.»

- 33**Ata yaka këno: «Biyi bërandëwëra and Abëraxam bën nde këyëbo rend aracët këyëbo racët gër oxadëp? Biyi elod ami gi ex na okadëp, mondake cëŋ këy xorënd ey de: “Bër y’ay’a kën hi”?»
- 34**Yesu yaka këbi: «Dal in këmun felënd, ar kë wëndërand yo xadëp ir eñëŋenax hi ko.
- 35**Ar hik asëniw̃ an kë bayind laŋ gër ekun ed rëw̃ këno. Bari xadëp in axo bond na din.
- 36**Awa angëmëne wëno Asëniw̃ ar Kaxanu an racët këŋun gër oxadëp, bëtëdin an bo na okadëp.
- 37**Anang wa nang këme mëne wën bërandëwëra and Abëraxam hi kën. Barikan në ecalane ene dāw̃. Eyey’an edam el xey këŋun en kwëtaya.
- 38**Wëno, er watëgu këme gër Faba in këmun felënd. Do wën, kën rind er wël kën gër sorix irewën in.»
- 39**Yaka këno: «Abëraxam ex de, axarëk arebi an.» Ata re ko bëte Yesu: «Angëmëne obaș or Abëraxam hi kën, diyindën bebër baxo rind bën.
- 40**Barikan gërëgako, wën në ecalan ene dāw̃, wëno ar fel këŋun dāl ir wëlëgu këme gër Kaxanu an. Eŋo, Abëraxam elod axo di ex na.
- 41**Wën, bebër wateli këno sorix irewën bën kën rind.» Ata yaka këno: «Biyi ami gi ex na de obaș or rëw̃ kënëbi në asëk alakirand fo; Kaxanu gabat ex Faba irebi.»
- 42**Ata re ko Yesu: «Kido Kaxanu ebax Sorix irewën, ahan h̃an done gayik gër ndexëm șanëgu këme xali y’ow këme. Mëŋ law̃enëgu ke, ame y’ow ex na ay’ow fo.
- 43**Er bayik aŋun penixënënd na eyey’an edam in, an korënd na en baxët.
- 44**Șabucara in ex sorix irewën, mëŋ kën rixënënd oñandi odexëm ok. Mëŋ elod gër ỹanar hi ko anemin ar bela. Axo dey’and na dāl in gayik ado dāl dëŋ ax gi ex na gër ndexëm. Nand ko nëgwëșënd yo ola orexëm ol kë șanayand gayik anëgwëș exo. Gër ndexëm ỹanak enëgwëș eŋ.
- 45**Wëno ar këŋun felënd dāl an, ane kwëta ex na!
- 46**Ang hi kën ro ako, noỹo kë xor ex dey’a mëne wëno na wëndëra këme na? Angëmëne dāl in këmun felënd, ine cëŋ bayik ane kwëtaxënënd na?
- 47**Ar Kaxanu an abaxët ko baxët eyey’an ed Kaxanu el. Wën an baxëtënd na gayik an gi ex na bër Kaxanu.»
- 48**Aŋo yaka këno Bëșewif bën: «Ax gi ex na nde dāl këmi rend mëne wëj Asamari ey, ar gë bëyël ey?»
- 49**Na re ko Yesu: «Ame gi ex na ar gë bëyël. Wëno Faba fëb këmo, bari wën ay’epan këŋun y’epanënd endam eŋ, ane pëb ex na.»

- ⁵⁰«Wëno ame caland na ene cëkw bela. Abat ex ar kë şaland ene cëkw an, do mëñ ex ar kë xitind an.»
- ⁵¹«Dal in këmun felënd, ar kë xwëtaya eyey'an edam an, din axo tÿy'i na ecës el.»
- ⁵²Ata re këni Bëşewif bën: «Gërëgako, anëka dëñ nang këmi mëne enimin wëj ar gë bëyël ey. Abëraxam aşës şës ko, bëlaŵënel bër Kaxanu bën bëte aşës şës këni, do wëj këy' rend mëne ar kë xwëtaya eyey'an ed ey' an din axo tÿy'i na ecës el.
- ⁵³Ba wëj nde xuca këño Abëraxam, axarëk arebi an, gayikako mëñ aşës şës ko? Bëlaŵënel bën aşës şës këni bëte. Wëj noy'o këy' yëland hi këy'?»
- ⁵⁴Ata yaka ko Yesu: «Angëmëne wëno fo kë şëkwayand, enjaran endam eñ xaf-xaf ex. Faba wa ke şëkwënd, mëñ ar këñ rend mëñ ex Kaxanu, ar xwën këñun an!
- ⁵⁵Ado wëno wa nang këño, wën ano nang ex na. Wëno anëgwëş hi dome ang wën ak kido are bame rend mëne amo nang ex na. Barikan, anang wa nang këmo xali xwëtaya këme eyey'an edexëm el.
- ⁵⁶End Abëraxam, axarëk arewën eñ cëñ, gë onënga fo baxo yëlarand end yatir këme yow eñ. Ata and wat ko akey año añ fuñara këño.»
- ⁵⁷Na re këni Bëşewif bën: «Ado wëj axi tək ex na pere bëniy ofëxw oco nde këy' rend awat wat këy'o Abëraxam.»
- ⁵⁸Yesu yaka këbi: «Dal in këmun felënd, đamana exo gi Abëraxam wëno hik.»
- ⁵⁹Ga wël këni eño, wëdëra këni ñat oxaỹ oñ eno pëtëraxën. Na ga yaf ko Yesu kwël şan ko Aciw and Kaxanu añ.

Şaņ 9

End Yesu do gë aşıwëk eñ

- ¹Akey amat, Yesu ga ko xuca në ingol wat këño ala ar rëwëli këno mondewëli oşiw.
- ²Wëka këno bësëfan bërexëm bën: Asëy'ali, noy'o wa wëndërak mëñ rëwaxën këno ala ajo aşıwëk? Ba mëñ nde ba bëxarëk bërexëm nde?
- ³Yaka këbi Yesu: Ax gi ex na mëñ, ax gi ex na bëxarëk bërexëm bën wëndërak. Barikan, gë oşiw orexëm olo këbi wësin Kaxanu bela bën bebër ko rind bën.
- ⁴Diyenindënëñone Kaxanu, mëñ ar lawëñëgu ke an nand yapëk na gayik ayow kë yow amëd and ala ax kor na eño diyenin.
- ⁵Në amëd and hi këme gër ebar ro na, wëno ex angoben and ngwën añ.
- ⁶Ga yey'an ko mondako, sëp ko gër ebar. Nega ko obar ok gë bato bandexëm bañ do nëm këño aşıwëk an gër bangës.
- ⁷Fel këño: «Yel ey' dëxasax gër anjer and Silowe.» (Owac olo er wacayak Arolawën). Awa ga ye ko, rëxasax ko do nand baxo wërëşëtand na şiwëta ko.

⁸Bëraketa andexëm bën do dek bër baño watërand ga ko xararand bën këni wëkarënd: «Ax gi ex na nde ajo bax xararand moñëpa?»

⁹Bërëmar këni rend: «Mëñ ex.» Bëjo: «Ali, awëndër fo wëndër këni.» Barikan, mëñ ko rend: «Wëno dëñ ex de.»

¹⁰Ata na wëka këno: «Mondake wa šiwëta këy?»

¹¹Yaka ko: «Ar këno wacënd Yesu an negak obar, nëm ke gër bangës do fel ke me ye me dëxasax gër anjer and Silowe. Ga ye këme rëxasaw këme, šiwëta këme.»

¹²Wëka këno bëte: «Do feye wa exo ala ajo?» Yaka këbi: «Wëno ame nang ex na.»

¹³Na wëla këno ar šiwëtak an gër Ofariseñ.

¹⁴Xarak yatir nega baxo Yesu obar do šiwëtaxën këño ala ajo akey and eteyëta ebax.

¹⁵Ata Ofariseñ ok wëka këno bëte ba mondake šiwëta ko. Yaka këbi: «Obar nega baxo gë bato bandexëm bañ do nëm ke gër bangës, atañ ga rëxasa këme, watëra këme.»

¹⁶Ofariseñ odëmar are bani rend: «Yesu axo kaniw ex na gër Kaxanu gayikako axo pëbënd na akey and eteyëta añ.» Bëte odëmar are bani rend: «Kido awëndëran ebaxo adoxo xor na exo di becarax bënd këñëño watelinde beñ.» Ata në eño xucarëra babi.

¹⁷Wëka këno bëte ar šiwëtak an: «Do wëj ake yëla këy end ar šiwët ki ajo eñ?» Yaka ko: «Alawënel ar Kaxanu exo.»

¹⁸Bari, bëlëngw bër Bëšëwif bën ani kwëta bana mëne ašiw dëñ šiw baxo ala ajo.

¹⁹Ata wëka këñëbi bëxarëk bërexëm bën: «Ajo nde ex asëñiw arewën ar këñ rend mëne ašiwëk rëw këno an? Do mondake cëñ ko watërand gërëgako?»

²⁰Yaka këni bëxarëk bërexëm bën: «Biyi er nang këmi mëne itox indebi exo, do ašiwëk rëw këmo.

²¹Barikan end mondake ko watërand gërëgako eñ, ami nang ex na. Ami nang ex na bëte ba noño šiwët këño. Mëkayino mëñ dëñ, afirik ga exo wa, afel këñun fel.»

²²Ga banëbi yëdand bëlëngw bër Bëšëwif bën yakaxën bani mondako. Awël wël bani mëne ar kë wä yo mëne Yesu ex Afexën an, aŵaÿ këno ŵaÿ gër aciŵ acaleya andebën.

²³Mëñ rexën bani bëxarëk bërexëm bën mëne afirik exo, eno mëkara mëñ dëñ.

²⁴Ofariseñ ok ga wac këno akinëm ar šiwëtak an, re këni: «Cëkwalo Kaxanu. Ala ajo awëndëran hi ko. Biyi cëñ mondako nang këmi.»

²⁵Yaka këbi: «Angëmëne awëndëran hi ko wëno ame nang ex na. Emat ex end nang këme eñ: ašiwëk hi bame, gërëgako në ewatëra me.»

- ²⁶Ata wêka këno gašêxe: «Ake nde ri ki? Mondake šiwët ki?»
- ²⁷Yaka këbi: «Anëka ga fel këmun wa do wën ane faxët ex na. Ineŵa ŷandixën këjun ene wël gašêxe? Ba en gi wën bëte bësëfan bërexëm nde ŷandi këjun?»
- ²⁸Na širëra këno këni rend: «Wëj wa ex asëfan arexëm an. Biyi cëj bësëfan bër Moyis hi këmi.
- ²⁹Biyi er nang këmi mëne Moyis wëlanëgu këbo eyey'an ed Kaxanu el. Bari ajo, ami nang ex na gër ed xaniw ko.»
- ³⁰Yaka këbi: «Awa wëno në ecaran exe end mëne wën an nang ex na gër ed xaniw ko eŷ. Barikan mëj šiwët ke de!
- ³¹Anang nang këne mëne Kaxanu abi yakalind na cale iŷ bëwendëran bën. Barikan, ar fëb këjo Kaxanu an, ar kë rind oñandi odexëm an, ajo këjo yakalind cale iŷ.
- ³²Elod ane wël exe na end ala ar këbi šiwëtënd bër rëweli kënebi ošiw.
- ³³Kido ala ajo axo kaniw bana gër Kaxanu, ŷowëy adoxo xor na exo di.»
- ³⁴Ata yaka këno: «Yama wëj ar rëw këni aŷëñenax gër beñëñenax an nde këbo sëyalind gërëgako!» Ata wäy këno exo can.

End ošiw or onden eŷ

- ³⁵Ata Yesu wël ko mëne aŵay wäy këno ala ajo. Ga fed këni, wêka këjo: «Wëj axwëta nde xwëta këyo Asëñiw ar ala an?»
- ³⁶Yaka ko: «Asëy'ali, noŷo wa hi ko mëj këmo xwëtaxën?»
- ³⁷Na re ko Yesu: «Në ewat dëj ey'o, wëno ar ki felarënd ajo.»
- ³⁸Ata re ko ar šiwëtak an: «Axwën, axwëta xwëta këmi.» Na foxi ko, do këjo šalend.
- ³⁹Re ko bëte Yesu: «Wëno kiti wëlaw këme gër ngwën ro: bëšiwëk bën eni watërand, do bër kë watërand bën eni ciw.»
- ⁴⁰Ofariseŷ od xeta baŷo ok ga wël këni eyey'an elo, wêka këno: «Ba biyi bëte bëšiwëk nde hi këmi?»
- ⁴¹Yesu yaka këbi: «Kido ašiw šiw ban, an mendëra dona. Barikan, ga kën rend ako awatëra kën watërand amena andewën aŷ monëka lëka këjun.»

Šaŷ 10

End axadac ayekax eŷ

- ¹Ata re ko bëte Yesu: «Dal in këmun felënd, ar bayik ax dëlënd na gër ebët ed kece ir opey, do ko radand mondada an, arek axeŷax exo.
- ²Barikan, ar kë lilënd gër ebët an, mëj ex axadac ar opey an.

- ³Anëkona ar ebët an këjo šëngëntënënd exo dflaxën, do opeÿ ok axwita këni xwitand oniŵ orexëm ol. Ata këbi ŵac fac opeÿ odexëm ok ir ex kala gë oŵac orexëm ol eni can do kwël eno tëfa.
- ⁴And këbi nëcët dek opeÿ odexëm aŋ, exo dëngw do bën eno tëfand ga ŵër këni oniŵ orexëm ol.
- ⁵Ala ar ano nang ex na an, ado ebi macërand, ano tëfa na. Ata këni šapër eno ŋaŵëta gayik ani mër ex na oniŵ or bëliyer ol.»
- ⁶Apënëtal aŋo fel babi Yesu, bari bela bën abi pëni bana er baxo rend in.
- ⁷Yesu fel këbi bëte: «Dal in këmun felënd, wëno ex ebët ed gër ed këni lilënd opeÿ el.
- ⁸Dek bër ŷowëk dãmama me ŋatëgu bën bërek bëxeÿax ex. Bari opeÿ ok anëbi baxët ex na.
- ⁹Wëno ex ebët el! Ar kë xuca gër ndam an afex ko fex. Alil ko lil, ašan ko šan do exo cot er ko ŷamb in.
- ¹⁰Arek an er ko ŷowënd wayët: orek, edaŵ, enëxëndëran. Barikan wëno er ŷow këme eni cot oyel oram ol aniyana aŋ do gë obetak or din ol.
- ¹¹«Wëno ex axadac ayekax an. Axadac ayekax an, ayëlaya ko yëlayand aniyana andexëm aŋ, aŵelëk hi ko exo cës në end oyel orexëm.
- ¹²Barikan, ariyenin an axadac fo këbi xadacënd oyel ol, abi kwën ex na. Sam ebi watëgu ojëlemu ok, oyel ol këbi ŷaŋëtand exo gër. Ata ojëlemu ok, oko enëbi tëra oyel ol, oko enëbi yëc eni capërëra.
- ¹³Ariyenin an ahër ko hërënd gayik në end acosa fo këbi xadaxënënd oyel ol, aŋo balënd na endebën eŋ. Wëno ex axadac ayekax an.
- ¹⁴Anang nang këmëni oyel oram do bën anang nang këne;
- ¹⁵ang nangër këmi wëno gë Faba ak. Aŵelëk hi këme me yëlaya aniyana andam aŋ gër ecës në end oyel oram na.
- ¹⁶Oyel ošëxe šot këmëni na or ax gi ex na gër kece ijo ro, afo mëni mëlaw. Oyel olo, awël këni ŷana eni wëlënd oniŵ oram ol do mëni bar eni gi kece ibat, mëni kaxadaxënënd wëno gabat.
- ¹⁷Faba iram aňan hãan ke gayik aŵelëk hi këme me cës në end oyel oram. Ado me yëlaya gër ecës, axana këme xana aniyana andam aŋ and xani gër ecës aŋ.
- ¹⁸Ax gi ex na ala ke laŵ, barikan gë andam aŋo dëŋ këme yëlaya. Ašot šot këme ojaŵ od me tebaya ene dãŵ, bëte ašot šot këme ojaŵ od me kani gër ecës. Mondako ex apela and yëlëgu ke Faba aŋ.»
- ¹⁹Ata xucarëra këbi gašëxe Bëšëwif bën ga wël këni eyey'an elo.

20Bëranjëm këno rend Yesu: «Ajo ar gë bëyël exo! Ado ašenëk ex, ineŵa këno baxëtaxënënd?»

21Bëjo këni rend: «Eyey'an elo ax gi ex na de ed ar gë bëyël. Bëyël bën anëbi kor na enëbi ciwët bela.»

End emëšen ed Yesu eŋ

22Amëd and gë ay'em isëm aŋ hi bax, ata hik ofëna or Aciw̄ and Kaxanu ol gër Yerusalem .

23Ga yow ko Yesu gër Aciw̄ and Kaxanu, ko yexërand gër yangana, gër lilaya ir w̄acan bano Salomoŋ.

24Ata xeta këno jey' Bëšëwif bën do w̄ëka këno: «Xali niyë wa këy'ëbo seb mi cakirand endey' eŋ? Angëmëne wëj ex Afexën an pelëläbo fac.»

25Yesu yaka këbi: «Ga fel këmun wa, bari ane kwëta ex na. Er kë rey'and osede oram in ex bandixa band këme rind gër oŵac or Faba baŋ.

26Bari wën ane kwëta ex na gayik an gi ex na oyel oram.

27Oyel oram ol aŵër aŵër këni oniw̄ oram ol. Wëno anang nang këmëni do bën asëfa këne sëfand.

28Wëno këbi yëlënd aniyand din aŋ. Din ani nemi na do ala ax kor na ebi kwëcët ga lëkaya këmëni ako.

29Faba, mëŋ ar yëmbëta këbi bela dek an, yël ke oyel olo. Do ala ax kor na ebi kwëcët gër otaxan odexëm.

30Wëno gë Faba, arabat hi këmi.»

31Ata Bëšëwif bën ga wël këni eŋo, ñat oxaŷ oŋ gašëxe eno pëtëra xali eno daŵ.

32Ata re ko Yesu: «Mbaŋ ex benjekax bend gër Faba bend w̄asin këmun beŋ. Do në end fe yandixën këjun ene pëtëra?»

33Ata bëlëngw bër Bëšëwif bën yaka këno: «Wëj ar ex ala fo do këy' rend mëne Kaxanu hi këy', në ecir ey'o Kaxanu. Në eŋo yandixën këbo mi pëtëra, ax gi ex na në end enjekax end ri këy'.»

34Yesu yaka këbi: «Ga yëgw këni wa gër acariya andewën mëne Kaxanu rek: Wën bëte okaxanu hi kën.

35Oñëgw Omënëk mondako w̄ac këbi okaxanu bër w̄ëlanëgu këbi eyey'an ed Kaxanu bën (do gër Oñëgw Omënëk, gabatak ax kor na exo yepën).

36Wëno yata ke Faba Kaxanu do laŵënëgu ke gër ngwën ro. Do wën këne rend mëne në ecir emo gayik ako re këme wëno ex Asëñiŵ.

37Angëmëne ame dind na bandixa band Faba baŋ, kërene kwëta na!

³⁸Barikan, në ediyenin emo Kaxanu ado bayik ane kwëta ex na. En mado wa ndakanj endam eņ nê end bandiyen baņo. Ata aye nangëdon mëne wëno gë Faba arabat emi.»

³⁹Ata na Bëšëwif bën këni šaland bëte eno tëra Yesu, barikan šana këbi na.

⁴⁰Ga xegëta ko na gašëxe Yurëdeņ in, ĥat ko gër ed babi buyirand bela Šaņ Batis and anëka fo aņ, ata bayix ko fën.

⁴¹Bëranjëm sëfa baņo do këni rend mëne Šaņ Batis, ecarax gematak axo di exëna; barikan đek bebër rey'a ko end Yesu bën đal ex.

⁴²Ata fën bëranjëm wãx këni end Yesu eņ.

Šaņ 11

End Lasar eņ

¹Ašëxwëra baxëna ar bano wãcënd Lasar gër ingol ind Betani, gër ed lëg bani mëņ gë bobinëm, Mari do gë Marët.

²Mari ijo ebox asoxari ar xoš baņo Axwën Yesu gë angiri do fëxwëcën baņo osapar oņ gë omban ondexëm oņ. Abinëm Lasar šëxwëra bax.

³Ata bër gë abaýe, Mari do gë Marët, lawën këni gër Axwën Yesu eno pelëx mëne ar ĥan këņo an šëxwërak.

⁴Yesu ga wël ko eņo yaka ko: Ošëxwëra olo ax gi ex na or ecës, or eni wataxën bela bën enjaran end Kaxanu ex. Gë ošëxwëra olo këni wat ola or Kaxanu ol gër Asëñiw arexëm.

⁵Yesu mbaņ baņo balënd end bër amimënëra eņ: Marët, gë Mari do gë Lasar.

⁶Barikan, ga wël ko mëne Lasar šëxwërak bayix ko gër ed hi baxo bakey baki.

⁷Gër akey atasën, fel këbi bësëfan bën: «Bakane gër ebar ed Yude.»

⁸Re këni bësëfan: «E Asëýali, ax nëka ex na bëlëngw bër Bëšëwif ga bani šaland eni pëtëra gë oxaý oņ do këý rend ene bakaye fën.»

⁹Ata Yesu yaka këbi: «Ax gi ex na nde gër amëđëna bapëxëd epëxw gë baki ex? Ar kë ýexërand goyat an axo nawërand na gayik aye ko watërand gë angoben and gër ngwën ro aņ.

¹⁰Barikan ar kë ýexërand gëmëđ an anawëra ko nawërand gayik axo gi ex na gë angoben.»

¹¹Yesu, ga ĥata ko eyey'an elo, fel këbi bëte bësëfan bën: «Lasar, lawo irebi në okwëđ exo. Barikan ýene mo nëngëtëx.»

¹²Ata yaka këno bësëfan: «Axwën, angëmëne araš raš këņo, afak ko fak.»

- 13**Enimin, er ÿandi baño Yesu ebi pëni mëne Lasar ašes dëŋ šës ko. Er yëla bani bësëfan bën mëne end okwëd fo ko yeyanënd.
- 14**Ata Yesu fel këbi fac: «Lasar anëka šës ko.
- 15**Er nëngan ke ga šës ko nand bayik ame y'e bana mëŋ këne xwëtaxën wën. Gërëgako y'ene gër ed exo.»
- 16**Ata fel këbi Toma, ir nëngët bano Didim, bësëfan bëšandaŵ: «Yene, biyi bëte ene cësëxëye gë mëŋ.»
- 17**Yesu, and hat ko gër ingol ind Betani aŋ, sək ko mëne anëka ri baxo Lasar bakey banax gër yëg.
- 18**Ingol ind Betani iŋ ax ŋaŵër bana gë Yerusalem in, në bapakan batas fo bax.
- 19**Bëyude bëranjëm bax y'owënd enëbi cëma Marët gë Mari ga lap këno imaÿe indebën iŋ.
- 20**And wël ko Marët mëne Yesu kë hatëgund aŋ, xacëra këŋo. Mari bayi ko moñëpa gër iciŵ.
- 21**Ga fed këni gë Yesu, Marët re ko: «Axwën, kido ro hi bay' abaÿe axo cës dona.
- 22**Barikan, ado gërëgako dëŋ anang nang këme mëne dek er këyo xara yo Kaxanu aye ki yakali.»
- 23**Ata re ko Yesu: «Abinëx axani ko xani gër ecës.»
- 24**Re ko Marët: «Anang nang këme mëne axani ko xani gër ecës and këni xanira bëšësək aŋ yatir akey apelatar.»
- 25**Ata re ko Yesu: «Wëno kë xaninënd gër ecës, wëno ke yëlënd aniyan aŋ. Ar kë ŵa endam an gë aniyan ak ko bayi ado exo cës.
- 26**Ar kë liyand do exe kwëta wëno an, ecës el din aŋo dëkaya na. Aŵa nde ŵa këy' eŋo?»
- 27**Yaka ko Marët: «Iyo, Axwën aŵa ŵa këme mëne wëj ex Afexën an, Asëñiŵ ar Kaxanu an, ar ebax ex y'ow gër ngwën ro an.»
- 28**Ga hata ko Marët eyeyan elo, baka ko gër iciŵ. Ata ŵac këŋo, Mari abinëm do nekënëka këŋo: «Asëy'ali aŋ anëka y'ow ko, në emac exi.»
- 29**Sam ga wël ko eŋo, Mari xani ko xwiriš, ŵara ko gër ed hi baxo Yesu.
- 30**Yesu axo ŋat bana pere gër ingol, gër ed fed bani gë Marët fo bayi baxo.
- 31**Bëyude bër xetëna baño Mari gër iciŵ do bano yifarand bën wat këno ga xani ko aÿand. Ata ga ko šan sëfa këno ga yëla bani mëne gër yëg ko y'end exo denitarax.
- 32**And hat ko Mari gër ed hi baxo Yesu aŋ, lapaya ko gër osapar orexëm, ko rend: «E Axwën, kido ro hi ba ay' abaÿe axo cës dona.»

33 And wat ko Yesu mēne nē edenita exo Mari aŋ do bēte nē etes exēni Bēyude bēr sēfaw baŋo bēn, hi kēŋo ñar eman eŋ do ŝamina ko gēr onden ondexēm.

34 Wēka kēbi: «Feye wa wēxēta kēno?» Yaka kēni: «Axwēn yow mi masin.»

35 Yesu ses ko.

36 Bēyude bērēmar re kēni: «E, awa mbaŋ baŋo balēnd de end Lasar eŋ!»

37 Bējo kēni rend: «Oko, ax gi ex na nde mēŋ ŝiwēt kēŋo aŝiwēk an? Axo kor dona nde eŋo pakēn Lasar kēdi ko ŝēs?»

38 Yesu, ga hi kēŋo na bēte ñar eman eŋ, sēka ko yeg in. Yeg ijo oxel ebax do fēŋ bani lilaya in gē angaỹ.

39 Ata re ko Yesu: «Dēxētīn tan angaỹ aŋ.» Na rew ko Marēt, imaỹe ind aŝēsēk iŋ: «Axwēn, anēka nēmu ko, akey anaxēn aŋ ex doro!»

40 Yaka ko Yesu: «Ami pel ex na nde ga xwēta xwēta kēy'e awat kēy' wat enjaran end Kaxanu eŋ?»

41 Ata wedīt kēni angaỹ aŋ. Yesu ga xeŋa ko orēn ol, re ko: «Faba, aye ri kēy' ga yakali kēy'e.

42 Wēno, anang nang kēme mēne din kēy'e yakalind. Barikan, nē end amēxwēr and ex ro aŋo kēme yey'anēnd eni maxēn mēne wēj dēŋ lawēnēgu ke.»

43 And ĥata ko aŋ, xeỹ ko: «Lasar, canēgu!»

44 Ata aŝēsēk an ŝanēgu ko, osapar oŋ do gē otaxan ok moceri gē bēcole, do dēxasin mopēl kwēc gē anjēm. Ata re ko Yesu: «Pētērayino tan do tebino exo y'e.»

End osit or etēra ed Yesu eŋ

45 Ata Bēyude bēranjēm, bēr yowērāw bax gēr Mari bēn, ga wat kēni er ri ko Yesu in, wā kēni endexēm eŋ.

46 Barikan mar y'e kēni gēr Ofariseŋ eni dey'ax er ri baxo Yesu in.

47 Ata bēšādaxan bēlēngw bēn do gē Ofariseŋ ok wācēr kēni. Ga yēpaxēn kēni endey' eŋ gēr Amara kēni wēkarēnd: «Mondake wa kēne riye? Ala ajo cēŋ nē eñēmb ex de becarax bend ko rind beŋ.

48 Angēmēne aseb seb kēnēŋone, dek kēni wā endexēm eŋ. Ata Bērombēn eni yow eni ñam Aciw and Kaxanu aŋ do enēbo yēcēra enēng endebi eŋ.»

49 Ata Kayif, mēŋ ar hi bax ašādaxan alēngw niy ijo an, re ko: «Ata wēn yowēy an nang ex na de paŋ gē endey' eŋo.

50 An nang ex na nde mēne abat yāpēk exo cēs nē end bulunda ir Isērayel dek gē ex yēcar enēng endebi eŋ.»

⁵¹Yeyanaxën baxo mondako in, ax gi bana anjêlan andexëm fo. Ga hi baxo ašadaxan alëngw aniy aŋo, yeyanaxën baxo ang alaŵënel fo mëne Yesu kë šës eni pexaxën bulunda ir Isërayel in.

⁵²Enimin, ebi baraxën Kaxanu ekun ebat obaš orexëm ol gër benëng dek ko šësaxën, ax gi ex na në end Bëšëwif fo.

⁵³Ata elod yatijo xetan babi eno daŵ.

⁵⁴Yesu aŋo seb ko eyerëxa ed wat-wat gër Bëšëwif el. Ga xani ko na, ye ko kwël gand ladawe, në angol bani ŵacënd Efërayim. Fën xeyërax babi gë bësëfan bërëxëm bën.

⁵⁵Anëka saxëgu bax Ofëna or Apexa ol, ata Bëšëwif bën këni yend yaŋ gër Yerusalem eni ŵunëtarax damana ex ŋatëgu Ofëna or Apexa ol.

⁵⁶Ga këno šalara Yesu këni ŵëkarënd gër Aciŵ and Kaxanu: «Mondake yëla kën, ayow nde ko yow gër ofëna?»

⁵⁷Bëšadaxan bëlëngw bën do gë Ofariseŋ ok afel fel banëbi bela bën mëne ar kë nang yo gër ed exo Yesu exo deyad eno tëraxën.

Šaŋ 12

End angiri eŋ

¹Bakey banjongamat bayi bax ofëna or Apexa ol. Ata Yesu ye ko gër ingol ind Betani, gër ed lëg baxo Lasar, ar xanin baŋo gër ecës an.

²Fën ašemëran šemëran bano. Ata Marët këbi lëband, do Lasar hi ko šëf gër bër bax yambërand.

³Na ŵedëgu ko Mari icëlakuŋ ir angiri ir këni ŵacënd nar, ir xem bax akanji mbaŋ. Xoš ko osapar or Yesu oŋ, do këŋo fëxwëcënd gë omban ondexëm. Ata otëner onëngax oŋ xëñëk dek iciŵ iŋ.

⁴Aŋo re ko Yuda Isëkariyot, asëfan ar ebax eŋo dëxw Yesu an:

⁵«Ineŵa bayik ane pan exe na angiri ijo batama okeme otas, do kodî ir šot done in enëbe dëcaraxëne bëxaÿënaxik bën.»

⁶Rexën baxo eŋo mëŋ arek ebaxo, ax gi ex na de ga bal baŋo end bëxaÿënaxik eŋ. Yama ga baxo yambënd nde kodî ir bano fëxwënënd exo mëxwëta gër imboto in.

⁷Barikan Yesu re ko: «Tebëlo de, gana-gana fo xoš ko eman endam eŋ ond gër yeg oŋ.

⁸Wën din gë bëxaÿënaxik bën ga hi kën wa, bari wëno ame bo na din gë wën.»

⁹Ga wël këni amëxwër and Bëyude aŋ mëne Yesu yowëk gër Betani barëreŋu këni. Eno wat bëte Lasar, ar xanin baŋo gër ecës an barëraxënëgu bani, ax gi ex na në endexëm fo.

¹⁰Ata bēšadaxan bēlengw bēn xetan kēbi eno daŵ bēte Lasar

¹¹gayik Bēšewif bēranjēm babi ħawētand ga bano xwētand Yesu.

End Yesu gēr Yerusalem eŋ

¹²Ga xeyēk, amēxwēr and bēr yowērāwēk gēr ofēna aŋ wēl kēni mēne Yesu kē yowēnd gēr Yerusalem.

¹³Ata ga saŵēgu kēni benid bēnd baŋeŷ, xaca kēno do kēni sarēnd: Hosana, betalexo ar kē yowēnd gē oŵac or Axwēn an, Betalexo emun end bulunda ir Isērayel eŋ.

¹⁴Ata Yesu ŷēpa ko y'aŋ nē ipali. Mondako ŋata baxo er ŷēgw baxo alaŵēnel ar Kaxanu an endexēm eŋ:

¹⁵Kēren yēdara na, wēn bēr gēr Siyoŋ bēn, Watino emun endewēn eŋ, Nē ey'ow exo, mo ŋēpa y'aŋ nē ipali.

¹⁶Amēd aŋo bēsēfan bērexēm bēn abi pēni bana pere eŋo. Barikan, and wat kēni enjaran end Yesu aŋ xwita kēni mēne end ŷēgw baxo alaŵēnel eŋ ex. Mēŋ xacaxēn bano mondako bela bēn.

¹⁷Amēxwēr and bēr ebax yatir ŵac baŋo Lasar exo canēgu gēr ŷeg aŋ arey'a bani rey'and end wateli bano eŋ.

¹⁸Nē end ecarax end wēl bani ri ko eŋo xacaxēn bano Yesu bura-bura.

¹⁹Ata Ofariseŋ ok kēni rexērēnd: «Awat kēn watēnd mēne yōŵeŷ an kor na: ngwēn iŋ dek mēŋ fo kēno sēfēnd.»

End benēng becēxe eŋ

²⁰Bela bēr benēng becēxe y'ow bax na gēr Ofēna or Apexa gēr Yerusalem, eno cale Kaxanu.

²¹Ata sēka kēno Filip, asēfan ar lēg bax gēr Betēsayida an, ingol ind gēr ebar Galile. Ŵēka kēno: «Asošan, biyi Yesu ŷandi kēbo mo wat.»

²²Ga wēl ko eŋo, Filip fel kēŋo Andēre, ata bēn bēxi ħateli kēni endey' eŋ gēr Yesu.

²³Yesu yaka kēbi: «Dodo anēka ħatēguk apēxēd and kē ŷanaya enjaran endam eŋ, wēno Asēniŵ ar ala an.

²⁴Dal in kēmun felēnd, eneda end bēle end ani wēg ex na gēr ebar eŋ, ax cēnand na, emat fo kē bayind. And kēni lap do eni wēg aŋ kē ŷēnand bon.

²⁵Ar kē ħan nēmēc aniyān andexēm an, anemin ko nemin. Barikan, ar kē ŷus aniyān andexēm and gēr ngwēn ro an kē ŷot aniyān and din aŋ.

²⁶Ar kēŋo ŷandi exe diyeninēnd an, tēfēgulexe. Do gēr ed kēme hi yo na ko hi mēŋ bēte. Ar ŷandi kēŋo exo gi ariyenin aram an, Faba kēŋo ŵašēn.»

En ecēs ed Yesu eŋ

27 «Gërëgako yomb iram in anëka şaminak. Ine këme re? Ba, Faba dacëtële gër toro iño nde? Barikan, me toro mondako yowaxënëgu këme.

28 Faba, dafël ex oŵac orey ol gër bela!» Ata wëliwëk oniŵ yañ gër orën do kë rend: «Anëka rafën këme do arafën këme rafën gaşëxe.»

29 And wël këni bër gër amëxwër bën oniŵ olo aņ, mar këni rend mëne orën ol xëmak, bëjo këni rend: «Meleka yeyaneli këņo.»

30 Ata re ko Yesu: «Në endewën wëlixënëk de oniŵ olo, ax gi ex na në end oŵac oram.

31 Gërëgako wa ex kiti ind ngwën iño iņ, gërëgako këno ŵaŵ emun end gër ngwën ro eņ.

32 Do wëno and këne yën yañ në osëx aņ këmëni bar bela bën dek eni gi bëram.»

33 Ata gë eyeyan elo nangën babi Yesu ang ko şës ak.

34 Yaka këno bër gër amëxwër bën: «Biyi er fënën kënebo gër bakayëta band acariya andëbi mëne Afexën an din ir din ko liya. Mondake cëņ këyëbo felënd mëne Asëniŵ ar ala an afika këno fika? Noŷo ngwa ex Asëniŵ ar ala ajo?»

35 Ata Yesu yaka këbi: «Ga bayik ako təkër angoben and këņun ħoband aņ yexërayindën në amëd and hi kën gë angoben aņ këdi këņun fënga ecamëdan aņ. Ar kë yexërand gër ecamëdan an axo nangënd na gër ed ko yend.

36 Në amëd and hi kën gër angoben aņ, kwëtayin angoben aņ, en gixën obaş or angoben.» Ga yeyan ko mondako Yesu, ħawëta këbi do nem këno.

End oņëpëgënan od Bëşëwif eņ

37 Bëşëwif bën, ado ga bani watënd awat dëņ becarax bëdanjëm bënd baxo rind Yesu beņ, ano kwëta bana.

38 Mondako ħatak er yëgw baxo alaŵënel Esayi in: «Axwën, noŷo ngwa ŵak er rey'a këmi in? Noŷo ngwa watëk panga indey iņ?»

39 Ang sëkwanënd bani eno kwëta Yesu ak, Esayi aŷëgw yëgw ko bëte:

40 «Axwën Kaxanu fëdëk bangës bandebën baņ, Mëņ xemënëk ogaf odebën ok, Këdi këni watëra, këdi këbi fëni gër onden ondebën, Këdi këni nëngwët ola orebën ol do eni pak.»

41 Ejo re baxo Esayi ga wat ko enjaran end Axwën eņ do Yesu baņo rend mondako.

42 Ado şëf gër bëlëngw dëņ, bëranjëm ŵa bax end Yesu eņ. Bari, ga banëbi yëdand Ofariseņ ok, abani rey'ara na poyoma këdi kënebi ŵaŵ gër aciŵ acaleya.

43 Awa bën er këni ħan bela in fecan babi gë enjaran end Kaxanu eņ.

End eyeyan ed Yesu eņ

⁴⁴Ata xeŷ ko Yesu: «Ar ke xwëta an anëka w̄a ko bëte end ar law̄ënëgu ke eŷ, ax gi ex na wëno fo xwëta ke.

⁴⁵Ar këŷo xëbënan endam an, end ar law̄ënëgu ke eŷ xëbënan këŷo bëte.

⁴⁶Wëno ex angoben aŷ, er yow këme gër ngwën ro mëni ŷoba dek bër kë w̄a endam bën, këdi këni bayi gër ecamëdan.

⁴⁷Ar kë baxët er këme rend in do axo kwëtaya ex na an, ax gi ex na wëno këŷo nëp gayik ame yow ex na mëni nëp bela bër gër ngwën ro bën. Barikan, mëni pexën yowaxënëgu këme.

⁴⁸Ar ŷus ke an do exo nêp er re këme in ar enêp ex. Eyey'an edam el fo këŷo nëp yatir akey apelatar.

⁴⁹End këme yey'anënd eŷ ax gi ex na endam, apela and Faba ex, mëŷ ar law̄ënëgu ke an. Mëŷ dëŷ felëgu ke eyey'an elo do gë er yapëk me tÿ'alind in.

⁵⁰Do anang nang këme mëne apela andexëm aŷ kë yëlënd aniyan and din ir din aŷ. Awa er këme rend in, ang felëgu ke Faba ak këme yey'anënd.»

Ŝaŷ 13

End enëbën ed osapar eŷ

¹Në ecan bayi bax Ofëna or Apexa ol, Yesu nang ko mëne anëka hatëguk amëd and ko rëxëta gër ngwën ro aŷ exo baka gër Sëm Kaxanu. Mbaŷ h̄an babi bësëfan bërëxëm bën ado ga babi sebënd gër ebar ro. Ata w̄asin këbi aŷana aŷo xali gër eŷata.

²Ga këni yambëra ed genëka el, ŷabucara in anëka ŷoñ baŷo gër emëkw Yuda, asëñiw̄ ar Simoŷ Isëkariyot, eŷo dëxw Yesu.

³Do Yesu anang nang baxo mëne beŷ dek sebënan këŷo Sëm, gër ndexëm xaniw ko do fën ko baka.

⁴Gër ed bani yambërand na, xani ko xwiriŷ, ŷudëta ko acud atëm aŷ do xapa ko anjëm gër edum.

⁵Ata ga rëmb ko men në inêp, yana ko këbi nebënënd osapar oŷ bësëfan bën do këbi fëxwëcënënd gë anjëm and xapa baxo gër edum aŷ.

⁶Na re ko Simoŷ Piyer and h̄at ko gër ndexëm aŷ: «Axwën, yama wëŷ nde ey'e nebën osapar oŷ!»

⁷Yaka këŷo Yesu: «Er këme rind in, anang këy nang and kë baŷana aŷ, bari ax gi ex na gërëgako.»

⁸Ata re ko bëte Piyer: «Din ame ma na ey'e nebën osapar oŷ.» Aŷo re ko Yesu: «Angëmëne ami nebën ex na yo osapar oŷ, awa yowëŷ axe bar ex na.»

- ⁹Yaka ko Simon Piyer: «Awa angëmëne mondako ex Axwën, kërex gi na osapar oŋ fo. Nebënële bëte otaxan ok gë gaf in.»
- ¹⁰Ata re ko bëte Yesu: «Ar buyirak ecede an, dek eman eŋ wën ko. Osapar oŋ fo ko nebara. Do wën bëwënëk hi kën, bari ax gi ex na wën dek de.»
- ¹¹Yesu aye nang baŋo ar këŋo lëxw an, mëŋ rexën baxo mëne ax gi ex na bën dek wënëk.
- ¹²And faÿ ko enebën ed osapar aŋ, Yesu şuđa ko acud atëm aŋ do baka ko gër ed bani yambërand. Ata wëka këbi: «Afëni nde fëni këŋun er rin këmun in?»
- ¹³Wën ke wacënd Asëy'ali do Axwën, ata dal kën rey'and gayik go dëŋ ex.
- ¹⁴Awa angëmëne anebën nebën këmun osapar oŋ wëno ar ex Axwën do Asëy'ali arewën an, wën bëte aÿap yäpëk en nebëndërend osapar oŋ.
- ¹⁵Amatinali rin këmun, en dixënënd wën bëte ang rin këmun ak.
- ¹⁶Dal in këmun felënd, xadëp in aŋo kucand na or gapak axwën arexëm an, parëxanda in aŋo kucaxënd na ar lawën këŋo an.
- ¹⁷Ga fëni fëni këŋun eŋo, anëngandëra këŋun nëngandëra angëmëne enimin mondako dëŋ kën rind.
- ¹⁸Anang nang këmëni bër yata këmëni bën, amun dend na de wën dek. Barikan afo ex ŋata endam end ex gër Oñëgw Omënëk eŋ: «Ar bar këmi enëp ebat dëŋ ke şenaxën.»
- ¹⁹Kwël gërëgako fo këmun nangënënd eŋo damana ex ŋatëgu. Do and kë hatëgu aŋ, ene kwëtaxën mëne wëno dëŋ ex ar hi këme an.
- ²⁰Dal in këmun felënd, ar këŋo xana arolawën oram an, wëno dëŋ xana ke. Do ar ke xana an, anëka xana këŋo bëte ar lawënëgu ke an.»

End alëxw ar Yesu eŋ

- ²¹Ga yey'an ko mondako, Yesu şamina ko gër onden ondexëm. Rey'a ko bëte: «Dal in këmun felënd, wën bësëfan bëram bën, abat ke lëxw.»
- ²²Ata bësëfan bën këni nëkonëndërend do këni yëlarand ba noÿo këŋo rend.
- ²³Asëfan ar lëka baŋo mbaŋ Yesu an, xetëna baŋo gër ed bani yambërand.
- ²⁴Simon Piyer ga xëwa këŋo, fel këŋo eŋo mëka ba noÿo këŋo rend.
- ²⁵Ata asëfan ajo xay'axën këŋo Yesu gër emëkw do wëka këŋo: «Axwën, noÿo wa këy'o rend?»
- ²⁶Yaka këŋo Yesu: «Ar këmo fëxwën aton and mburu and yësëna këme aŋ, ajo ex ar ke lëxw an.» Ata yësëna ko aton aŋ do fëxwën këŋo Yuda, asëniw ar Simon Isëkariyot.

²⁷Sam ga xana ko Yuda aton aŋ, Sindan lil këŋo. Ata Yesu fel këŋo: «Er këy rind in, dil aŋand.»

²⁸Bër hi bax gër ey'ambëran bën, gabatak aŋo pëni bana ba ine felaxën baŋo Yesu eŋo.

²⁹Enimin, Yuda bax lëkayand imboto ind kodî in, ata bësëfan bërëmar yëla këni mëne exo yëcëraw bebër hi bax eni dixën ofëna bën lawën baŋo Yesu. Bëjo yëla këni ba ebi yël yëy bëxaŷënaxik bën fel baŋo exo y'e.

³⁰Ga y'amb ko na Yuda aton and mburu aŋ, ŝan ko ataŋ. Anëka bax xwëyarënd.

End apela angaŝax eŋ

³¹Ga ŝan ko Yuda, Yesu re ko: «Gërëgako, Kaxanu anëka wăsin këbi bêla bën enjaran endam eŋ, wëno Asëniw ar ala an. Anëka wat këni enjaran endexëm eŋ gër ola oram.

³²Angëmëne aŋwasin wăsin këmëni bêla bën enjaran end Kaxanu eŋ, Kaxanu bëte aŋwasin këbi wăsin enjaran endam eŋ. Do gogo ko ri mondako.

³³Obaŝ oram, anëka saxëguk amëd and këne ŝapëre aŋ. Wën aŝalara këne ŝalarad do ang fel këmëni bêlëngw bër Bëŝëwif ak, gër ed këme y'end an kor na en y'eli. Wën bëte mondako fo këmun felënd gërëgako.

³⁴Apela angaŝax këmun yëlënd: Balëringdëleŋun! Ang ke balënd wëno endewën ak balëringdëleŋun mondako.

³⁵Ata mondako këni nangëra bêla dek mëne wën bësëfan bërëmar hi kën, angëmëne abalër këŋun balërend.»

³⁶Ata Simoŋ Piyer re ko: «Axwën feye ngwa këy y'e?» Yaka këŋo Yesu: «Gër ed këme y'e ay kor na ey'e tëfëli gërëgako. Barikan, ecan ecan asëfeli këy'e sëfëli.»

³⁷Wëka ko bëte Piyer: «Axwën, në end ine këme sëkwanaxën mi tëfëli gërëgako? Wëno aŋwëlëk hi këme me yëlaya aniyän andam aŋ ene daw në endey.»

³⁸Yesu yaka këŋo: «Re këy wëj aŋwëlëk hi këy ey yëlaya xali eni daw në end oŋac oram! Dal in këmi felënd, damana exo yata ecare el wëj anëka këy'e y'axëta batas.»

Ŝaŋ 14

End fëña ir gër orën eŋ

¹Yesu fel këbi bëte: «Këreŋun bêlandërand na gër oŋëkw orewën! Kwëtayino Kaxanu do kwëtayine wëno.

²Mbaŋ ex baciw baŋ gër ekun ed Faba do wëno axëñënan këmun xëñënanëx gër ed kën hi. Afel nde fel domun kido ax gi bana mondako?

³Awa and këme y'e do mun këñënanëx në er kën hi aŋ, abakanëgu këmun bakanëgu mun mëlaxën en gix wën bëte gër ed hi këme.

⁴Wën, anang nang kën fëña in.»

⁵Ata re ko Toma: «Axwën, gayikako gë enang ak dëñ ami nang ex na gër ed këy y'end, mondake këmi nang fëña in?»

⁶Yaka ko Yesu: «Wëno ex fëña in, wëno ex dal in, bëte wëno ex aniyan añ. Ala ax nat na gër Faba xarak axe tëf ex na.

⁷Angëmëne anang nang këne, anang këno nang bëte Faba. Do gërëgako anëka nang këno do në ewat eno dëñ.»

⁸Ata Filip re ko: «Axwën, ga w̃asin w̃asin këy'ëbo Sëm in ata gwac këbo hi.»

⁹Ata re ko Yesu: «Elod anëka fo hi këme gë wën, do wëj Filip ay'e nang ex na! Ar ke watënd an, në ewat eño Faba. Mondake cëñ këy' rexënënd mun masin Faba?

¹⁰Ay'e kwëta ex na nde mëne wëno gë Faba arabat hi këmi? Er këme rend in ax gi ex na de eyey'an ed or gapak oram. Bandiyen band këme rind bañ, Faba mëñ ar hi këmi arabat an kë rind.

¹¹Kwëtayine mëne wëno gë Faba arabat hi këmi. Ndakañ kwëtayine në end bebër kën watënd ga këme rind beñ.

¹²Dal in këmun felënd, ar kë w̃a endam an, ari ko ri bebër këme rind bën. Ado bebër nëmëcak bënd këme rind beñ ko ri gayik në ebaka eme gër Faba.

¹³Dek er këno w̃ëka yo gër õwac oram, arin këmun rin, en wataxën enjaran end Faba eñ gër wëno Asëñiŵ.

¹⁴Angëmëne en mëka yëy' gër õwac oram, ari këme ri.»

End angoc Amënëk eñ

¹⁵«Angëmëne aňan ħan këne, asëf kën sëf bapela bandam bañ.

¹⁶Do wëno ata këmo xara Faba, eñun daŵëneliw Arëca ašëxe, exo gixën din gë wën.

¹⁷Arëca ajo ex Angoc and dal añ. Angoc and dal año, bër gër ngwën ro bën, ani kor na eno cot gayik ani ñana na eno watënd, bëte ano nang na. Barikan wën, anang nang këno gayik, moketënara këñun ỹana eñun ketënarand, ado lëf gër ola orewën ko hi din.

¹⁸Abaka këme bakaw gër ndewën, amun teb na ang bëndëkak fo.

¹⁹Ro bakey fo bayik, bela bër gër ngwën ro bën ani bo na ga këne watënd. Barikan wën, awat këne ỹana ene watënd gayik wëno aliya këme liyand, wën bëte aliya kën liya.

²⁰Ata yatijo, këñun fëni mëne wëno gë Faba arabat hi këmi. Bëte wëno gë wën arabat hi këne.

- ²¹Ar nangëk anang dëŋ bapela bandam do ko sëfënd an, ajo ex ar ñan ke an. Ar ke ñan an, Faba aňan këŋo ñan. Wëno bëte aňan këmo ñan, do aŵasinaya këme ŵasinaya gër ndexëm.»
- ²²Ata Yuda, ax gi ex na dë Yuda Isëkariyot, rew ko: «Axwën, ine cëŋ këy ŵasinaya gër ndebi fo, do eyëbi teb bër gër ngwën bën?»
- ²³Yaka këŋo Yesu: «Ar ñan ke yo, axwëtaya ko xwëtaya eyey'an edam el, do Faba aňan këŋo ñan. Ata biyi mi y'ow mi dëg gër ola orexëm.
- ²⁴Ar bayik axe ñan ex na an, axo kwëtayand na eyey'an edam el. Do eyey'an ed këne wëlëliŋd el ed Faba ex mëŋ ar laŵënëgu ke an, ax gi ex na edam.
- ²⁵Wëno eŋo këmun felënd nand bayi këne në er ebat na.
- ²⁶Barikan, Arëca an exo Angoc Amënëk and këŋun laŵëneliw Faba gër oŵac oram aŋ. Mëŋ këŋun sëy'ali beŋo dëk, mëŋ këŋun xwitan dëk bebër fel këmun bën.
- ²⁷Aketëxeta aŋ këmun sebënënd, aketëxeta andam aŋ ex, wëno, amun yëlënd na ang këni yëlënd bela gër bër ngwën ro ak. Këreŋun bëlandërand na gër oŵëkw orewën, këreŋun yëbund na.
- ²⁸Awël wël këne ga re këme mëne ay'e këme ye, barikan abakaw këme bakaw mërëxand irewën. Angëmëne aňan ñan këne, anëngandëra këŋun nëngandëra ga këme bakand ako gër Faba, gayik mëŋ rafëk nëmëc wëno.
- ²⁹Gërëgako dëŋ këmun felërand, damana ex ŋataxënëgu bend këme yey'anënd beŋ, ene kwëtaxën and kë ñatëgu aŋ.
- ³⁰Wëno ame bo na ga këmun felërand mbaŋ, gayikwa ar ŵëñak ngwën an në ey'ow exo, paß gë wëno cëŋ, ojaŵ aŋo gi ex na.
- ³¹Barikan, afo eni nangëra bër gër ngwën ro bën mëne wëno aňan ñan këmo Faba, do ang ke felënd ak dëŋ këme rind. Ado kaniwën ene y'eye.»

Ŝaŋ 15

End atëx and reseŋ eŋ

- ¹«Enimin, wëno ex atëx and reseŋ aŋ, do Faba ex axwën andëda an.
- ²Aforëta ko forëta enini end ŝosa ke do ax dëwënd na eŋ. Barikan enini end kë rëwënd eŋ, afëyëpëy ko fëyëpëy ex dëwaxënënd nëmëc.
- ³Eyey'an ed sëy'ali këmun el wënën këŋun.
- ⁴Bayiyin ga ŝosa këne, ang këme bayi wëno ga ŝosa këmun ak. Enini end ŝosëtak gër atëx and reseŋ eŋ, ax dëwënd na gabat. Wën bëte mondako fo kën sëkwan edi ed benjekax el angëmëne an bayi ex na ga ŝosa këne.

- ⁵Wëno ex edëp ed atëx and reseṅ el, do wën ex benini beṅ. Ar bayik ga šosa ke an, ang šosa këmun ak, benjekax bendanjëm ko ṽana exo dind. Angëmëne an bayi ex na ga šosa këne, ado gë enjekax gematak an kor na en di.
- ⁶Ar šosëta ke an, fac këno lap exo ṅaṽëx ang enini end saṽ këni fo. Do benini beṅaṽëk beṅ, abar këni barënd eni dap gër xodux ex ñeg.
- ⁷Angëmëne wën en bayi ga šosa këne do bëte en dëkaya gër ojomb odewën eyey'an edam el, karayindën er ṽandi këṅun yo, ašot kën šot.
- ⁸Watin ang kë ṽana ex canayand enjaran end Faba eṅ: and kën rind benjekax bendanjëm do eni watënd bela aṅ; do enëbi masinënd mëne bësëfan bëram hi kën.
- ⁹Ang ḥan ke Faba ak, wëno bëte mondako fo ḥan këmun. Kwëtayayin aṅana andam aṅ.
- ¹⁰Angëmëne asëf sëf kën bapela bandam baṅ ang sëf këme wëno band Faba ak do bayi këme gër aṅana andexëm, mondako fo kën bayi wën bëte gër aṅana andam.
- ¹¹En cotaxën onënga oram ol do en gixën dëk onënga ol felaxën këmun eṅo.
- ¹²Acariya andam aṅ ex: balëringdëleṅun andewën rewën aṅ, ang ke balënd endewën ak.
- ¹³Aṅana and xucak ex daf aṅ ex and ar kë ṽa exo cës në end oḏawo odexëm aṅ.
- ¹⁴Wën oḏawo odam hi kën angëmëne ari kën rind er këmun felënd in.
- ¹⁵Bëtëdin amun mac na okadëp odam gayik xadëp in axo nangënd na er ko rind axwën arexëm in. Gërëgako wën oḏawo këmun ṽana mun macënd gayikako dëk bebër nangëgu këme gër Faba bën, wën fo nangën këmun.
- ¹⁶Wëno wa yata këṅun, ax gi ex na wën. Ata mëṅ sëy'aliraxën këmun pere mun ḏaṽënaxën en ṽe do en dix gër ngwën benjekax bend kë bayi laṅ. Do er këno xara yo Faba gë oṽac oram ol, ayakali këṅun ṽana eṅun yakalind.
- ¹⁷Er këmun felënd in: balëringdëleṅun mbaṅ andewën rewën aṅ.»

End ecus ed Yesu do gë odexëm eṅ

- ¹⁸«Angëmëne bër gër ngwën ro bën ašus šus kënun, nangin mëne wëno šus këne pere.
- ¹⁹Kido bër gër ngwën ro hi ban, bela bën aḥan ḥanëdonun gayik andamat hi don. Bari an gi ex na bër gër ngwën ro. Wëno yata këṅun mëṅ šusaxën kënun.
- ²⁰Kwitayin er fel këmun in: xadëp in aṅo kucand na or gapak ol axwën arexëm an. Angëmëne wëno arixëra rixëra këne, arixëra kënun rixëra wën bëte. Angëmëne abaxët baxët këni eyey'an edam el, abaxët këni baxët edewën el.
- ²¹Barikan beṅo dëk kënun ṽana enun dind në end oṽac oram gayik ano nang ex na ar laṽënëgu ke an.

²²Kido ame yow bana do amëni pelëra bana end Kaxanu eñ, ani gidona gë amena. Gërëgako, eyax abi gi ex na gër amena andebën.

²³Ar ke şus yo anëka şus këno bëte Faba.

²⁴Kido ame di bana ogës odebën bend elod ala ax di ex na beñ, ani gi dona gë amena. Gogo aye wateli këne becarax beñ. Barikan şus kënebo wëno gë Faba.

²⁵Ata mondako hik ex ntaxën eyeyan ed yëgw këni gër acariya andebën el: “Aşus fo dëñ şus këne .”»

²⁶«Alawëneliw këmun lawëneliw Arëca ar kë xaniw gër Faba an, Angoc and dal añ. And ko yow añ mëñ kë yana ex deyarand endam eñ.

²⁷Do wën bëte, areyara kën yana en deyarand endam eñ gayik elod nand yana këme andiyen na bar këne.»

Şaņ 16

¹Yesu re ko bëte: «Eño fel këmun këdi këñun şena en dap ekwëta edam el.

²Awayëra kënun yana enun nwayërand gër baciw bacelaya. Ado në eyow ex amëd and këni yana eni yëland bër këñun lawënd bën mëne në ediyenin eno mondako Kaxanu.

³Mondako këni yana eni dind gayik ano nang ex na Faba, ane nang ex na wëno.

⁴Mëñ felaxën këmun mondako, en kwitaxënënd mëne anangën nangën bamun and kë hatëgu amëd and toro indewën añ. Amun pel bana eño elod gër yanar gayik në er ebat bane hinde.

⁵Gogo në ebaka eme gër ar lawënegu ke do ala axe mëkand na ba feye këme yend.

⁶Ga wël kën er re këme in wëlandëraxën këñun gër owëkw.

⁷Er këmun felënd in dal ex: ga ye ye këme mbañ këñun sax gayik angëmëne ame ye ex na, Arëca an axo yow na. Barikan, ga ye ye këme año këmun lawëneliw.

⁸Do and ko yow añ, mëñ këbi yana ebi nangënënd bela bër gër ngwën ro bën ang wën këni ak, gë end şenene eñ do gë kiti iñ.

⁹Awen wën këni ga hëp këni ene kwëta.

¹⁰End şenene eñ ex ga këme bakand gër Faba do mëne wën an bo na ga këne wat.

¹¹Kiti iñ ex gayik ar wëñak ngwën an anëka nëp këno.»

¹²«Bendanjëm bayi ke mun pelëra, bari an kor na eñun pëni gërëgako.

¹³And ko yow Arëca arewën an, Angoc and dal añ, anangën këñun yana eñun nangën dal in dek. Dek er këñun yana eñun pelënd in, awëlëgu wëlëgu ko, ax gi na er or gapak orexëm. Gana gana fo këñun yana eñun tefëtanënd bebër kë yowënd bën.

¹⁴Enjaran endam eņ kējun ŷana eņun masinēnd gayik endam ko ŷana exo medēnd eņun tēfētan.

¹⁵Dek er xwēn ko Faba in, wēno xwēnēk. Mēņ rexēn kēme mēne Arēca arewēn an endam ko ŷana exo medēnd eņun tēfētandēra.»

End odendēran eņ

¹⁶«Tēkēr fo bayik ene nema do bēte ax nēka na ene wat gašēxe [ga kēme bakand gēr Faba].»

¹⁷Ata bēsēfan bērēmar bērexēm kēni wēkarēnd: «Ine wācayak er kēbo felēnd ijo: “Tēkēr fo bayik ene nema do bēte ax nēka na ene wat. Bēte ga kēme bakand gēr Faba kē hi mondako”.»

¹⁸Er bani rend: «Oko ine ngwa wācayak “tēkēr fo bayik ene nema?” Abo pēni ex na ba ine ko rend.»

¹⁹Ga wata ko Yesu mēne anēka ŷandi kēbi eno mēkara, re ko: «Nē emēkar en end er re kēme mēne tēkēr fo bayik ene nema do bēte ax nēka na ene wat.

²⁰«Dal in kēmum felēnd, bela bēr gēr ngwēn ro bēn gēr onēnga kēni ŷana eni gind xarak wēn nē etes en do nē edenitan. Barikan ecamina edewēn el anēngwēta kē nēngwētaḏ onēnga.

²¹Asoxari ar ŷanar kēni orēw aņ, ašēmura kēņo šēmurand gayik apēxēd and ko soro aņ anēka dēņ ĥatēk. Barikan and kēņo rēw itox aņ, axwēya ko xwēyand aŷambēn irexēm in nand kēņo nēngandērand mēne ala ŷowēk gēr ngwēn.

²²Awa wēn bēte gērēgako, ašamina šamina kēn gēr oŷēkw orewēn. Barikan, and kēne watēre gašēxe aņ, anēngandēra kēņun nēngandēra, ala aņun nēxenēn na onēnga orewēn ol.»

²³«And kē ĥatēgu akey aņo aņ, an űana na ene mēkarand. Iyo, ḏal in kēmum felēnd, er kēno xara yo Faba gēr oŷac oram, ayēl kēņun yēl.

²⁴Xali gērēgako ŷōwēŷ an kara ex na gēr oŷac oram. Karayindēn en cotaxēn. Ata kēn šot onēnga osēm ol.»

End angora and ngwēn eņ

²⁵«Wēno din gē bapēnētal bamun felērand, barikan nē eyow ex amēd and kēmum ŷana mun tēfētanēnd kerēt end Faba eņ xarak ax gi ex na gē bapēnētal.

²⁶Amēd aņo, axara kēn ŷana en karand gēr oŷac oram, ame de ex na mēne wēno kēņun ŷana eņun mēkanēnd beŷ beņ gēr Faba.

²⁷Faba mēņ dēņ aňan ĥan kēņun ang ĥan ke wēno ak, do wēn aŷa ŷa kēn mēne gēr ndexēm xaniw kēme.

²⁸Wēno gēr Faba xaniw kēme do ŷow kēme gēr ebar ro. Gērēgako aseḑ kēmum seḑēnd gēr ebar me baka gēr Faba.»

²⁹Ata bësëfan bërexëm bën yaka këno: «Watël gërëgako, kerët këy yey'anënd do yōwëy ay'ëbo pelënd na gë apënëtal.

³⁰Gërëgako, aye fëni këbo mëne wëj dek nangëra këy do mëne ay' cënind na exo nêbëta ala exi mëkara. Mëj xwëtaxën këmi mëne wëj gër Kaxanu xaniw këy.»

³¹Yaka këbi Yesu: «Kën rend anëka wã kën endam eñ gërëgako?

³²Awa në ey'ow ex amëd añ, ado anëka dëj hãtëguk, and kën şapër ala kala gand ed ko fab do ene teb gabat. Bari, ame gi na gabat gayik gë Faba hi këmi.

³³Mondako këmun felërand en cotaxën obetak ol gër ndam. Mbañ këñun şopali gër ngwën ro. Barikan, kapinayin wëno xorën këñun ngwën iñ.»

Şaņ 17

End cale ind Yesu eñ

¹Yesu ga yey'an ko mondako, xeņa ko orën ol do ko şalend: «Faba, anëka hãtëguk amëd añ. Masinëlëbi bela bën enjaran end wëno Asëñix eñ mëj këmëni wãsinaxën wëno bëte enjaran endey' eñ.

²Wëj yël ke or gapak ol gër ala ar ex yo, mëni yëlxënënd wëno bëte aniyand din añ dek bër yël këy'e bën.

³Xarak, aniyand din añ ex enang mëne enimin, wëj gabat ex Kaxanu do bëte enang ed wëno Yesu Kërisët, ar lawëneliw këy'ëbi an.

⁴Anëka wãsin këmëni enjaran endey' eñ bela bën gër ebar ro, ga hãta këme ako er yëlëgu bay'e me di in.

⁵Awa gërëgako, Faba, wëj dëj, masinëlëbi enjaran endam end lëkaya bame and hi baxe në erebat damana ex gixën ngwën eñ.

⁶Anangën nangën këmëni o'wac ore'y ol bela bër yatan këy'e gër ngwën ro bën. Wëj xwën babi, wëno yël këy'e, do bën xwëta këni eyey'an edey' el gër o'wëkw.

⁷Gërëgako anëka anang nang këni mëne dek bebër yël këy'e bën gër ola ore'y xaniwëk.

⁸Gayikwa afel fel këmëni eyey'an ed xwëtënan bay' el, do enimin axana xana këni ga nang këni mëne gër ndey' xaniw këme, do a'wa wã këni mëne wëj dëj lawënëgu ke.

⁹Bën bër yël këy'e bën këmëni şalenënd gayik wëj xwën këbi. Amëni calenënd na bër gër ngwën bën dek.

¹⁰Er xwën këme yo wëj xwënëk do er xwënëk yo wëno xwënëk. Gër ndebën şanayak enjaran endam eñ.

11Bën kë bayi gër ngwën, wëno ame bayi na ga këme bakalind ako gër ndey. Faba, wëj Awënëk an, kaxalëbi gë oŵac orey ol, oŵac or yël këye olo eni gixën arabat ang hi ke biyi ak.

12And hi bame gë bën gër ngwën aŋ, anëkona bamëni nëkonand gë oŵac orey ol, oŵac or yël këye olo. Axaxa xaxa këmëni, do gabatak amo tak ex na ang ax gi ex na ar ebax ex nemi an, ex ŋataxën er rek Oñëgw Omënëk in.

13Awa gogo Faba në eyeli eme, do mondako këme yeyanëlinde gër ngwën ro eni cotaxën dek onënga ol.

14Wëno afel fel këmëni eyeyan edey, do bër gër ngwën bën ašus šus kënebi gayik ani bo ex na bër gër ngwën, ang wëno ak, ame gi ex na ar gër ngwën.

15Faba, ami karand na eyëbi dëxët gër ngwën ro, barikan kaxalëbi këdi këbi wëña Aÿëŋëanax an.

16Ani bo ex na bër gër ngwën, ang bayik ame gi ex na wëno bëte ar gër ngwën ro.

17Kwënyalëbi gë dal in, gayikwa eyeyan edey el ex dal in.

18Ang lawënëgu këye gër ngwën ak, wëno bëte mondako fo këmëni lawënënd gër ngwën.

19Do wëno, ayëlaya këme yëlayand wëno dëŋ në endebën mëŋ këni yëlayaxën bën bëte gë dal in.

Ekaran ed bërëwãk el

20«Ax gi ex na bër sebënan këye bën fo këmëni šalenënd. Faba, ašalen këmëni šalenënd bëte bër ke xwëta and kënebi sëfëtan endam bën,

21eni gixën bën dek arabat ang hi ke arabat wëno gë wëj ak. Cosalenëbo eni gixën arabat bën bëte, eni maxën bela bën mëne wëj lawënëgu ke gër ngwën ro.

22Do wëno ayël yël këmëni enjaran end yël këye eŋ, eni gixën arabat ang hi ke biyi ak.

23Gilemi arabat wëno gë bën, ang hi ke arabat wëj gë wëno ak, eni gixën enimin arabat, eni nangëraxën ngwën iŋ dek mëne wëj lawënëgu ke, do mëne ahan han këyëbi ang han këye ak.

24Faba er ŷandi ke, bër yël këye bën eni gi bëte gër ed këme hi, eni wataxën ang xëbënek enjaran endam ak, enjaran end yël këye damana ey dëdaxën ngwën eŋ gayik ahan han këye.

25Faba, wëj ar šenene an, bër gër ngwën ro bën ani nang ex na. Barikan, wëno anang nang këmi do bër yël këye bën anang nang këni mëne wëj lawënëgu ke.

26Anangën nangën këmëni oŵac orey ol, do anangën këmëni nangën bëte, eyëbi ŋanaxën ang han këye ak do wëno me gi gër oŵëkw orebën.»

Ŝaŋ 18

End etëra ed Yesu eŋ

- ¹Yesu, ga ĥata ko na cale iŋ, xani këni gë bësëfan bërexëm bën eni y'exën gër epesa ed Kedëron, gër ed hi bax andëda and gër ed bani lilënd mën gë bësëfan bërexëm bën.
- ²Yuda, ar ebax eŋo dëxw an, anang nang baxo andëda aŋo gayik Yesu gë bësëfan bërexëm bën laŋ bani y'end fën.
- ³Ata Yuda lëngweliw këbi enga end ocorođa do gë bënëkona eŋ eno tëraxën Yesu ga lawënëgu kënebi bësadaxan bëlëngw bën do gë Ofariseŋ ok. Bërëmar lëkayaw këni benjeb, bëjo ođambo, do bëjo bëte oÿënga or emer.
- ⁴Ga nang ko Yesu er ebax eŋo gihin, xacëra këbi, do wëka këbi: «Noÿo wa këno ŝaland?»
- ⁵Yaka këno: «Yesu Ibënasaret.» Re ko: «Wëno ex.» Ata Yuda, ar baŋo lëxwënd an, xwëša këni gë bën.
- ⁶And re ko Yesu: «Wëno ex.» anacëta nacëta këni, do wëcëra këni rebe-rebe gër ebar.
- ⁷Wëka këbi gašëxe: «Noÿo këno ŝaland?» Yaka këni: «Yesu Ibënasaret.»
- ⁸Re ko bëte Yesu: «Ga re këme wëno ex. Awa angëmëne wëno këne ŝaland, tebinëbi bëjo eni y'e.»
- ⁹Mondako ĥata bax er fel babi Yesu in: «Gër bër yël këy'e, gabatak amo tak ex na.»
- ¹⁰Simon Piyer, mën ar gë duxuma an, regëgu ko, do saŋ ko bađ anëf and liŋ and xadëp ir ašadaxan alëngw an. Xadëp ijo, Malëkos bano wacënd.
- ¹¹Ata Yesu re këno Piyer: «Mašël fa duxuma in gër acëmar. Akalama and yël ke Faba aŋ, ame ceb na nde?»

End Yesu gër iciw ind An isošan eŋ

- ¹²Ata enga end ocorođa eŋ, gë emun endebën eŋ, do gë bënëkona bër sana banëbi Bëšëwif bën sëra këno Yesu do xap këno gër otaxan.
- ¹³Wëla këno pere gër iciw ind An isošan gayik aÿaraŋën ar Kayif hi baxo, ašadaxan alëngw ar aniy aŋo an.
- ¹⁴Ata Kayif ijo re bax mëne abat feca bax exo ecës gë eni cës dëk enëng end Bëšëwif eŋ.

End eyaxëta ed Yesu eŋ

- ¹⁵Simon Piyer gë asëfan ašëxe an ako dën sëfa banëbi bër sëra baŋo Yesu bën. Asëfan ajo, anangër nangër bani gë ašadaxan alëngw an. Ata sëfa këno Yesu xali gër yangana irexëm.

¹⁶Barikan Piyer mēŋ bayi ko fac, ler gēr ebēt. Asēfan ašēxe an, ar nangēr bani gē ašadaxan alēngw an, šan ko, yey'andēra kēni gē endēnaŵ end hi bax anēkona ar ebēt eŋ, do lēnēgu kēŋo teb Piyer.

¹⁷Ata endēnaŵ end hi bax anēkona ar ebēt eŋ wēka kēŋo Piyer: «Ax gi ex na nde wēj bēte asēfan ar ala ajo hi kēy?» Yaka kēŋo: «Ame gi ex na de asēfan arexēm.»

¹⁸Awa okadēp ok do gē bēnēkona bēn xodux fētēn bani do bani yesand gayik ay'em bax y'emēnd. Ata Piyer šoma kēbi gēr oyesa.

End Yesu gēr iciŵ ind ašadaxan alēngw eŋ

¹⁹Na gēr ed hi bani, An isošan, ašadaxan alēngw an kēŋo wēkarand Yesu end bēsēfan bērexēm do gē end osēy'ali orexēm eŋ.

²⁰Yesu yaka kēŋo: «Wēno cēŋ kerēt kēmēni felērand bela bēn. Din ga kēme sēy'alirand wa gēr baciŵ bacaleya do gēr Aciŵ and Kaxanu, ed kēni barērēnd dek Bēšewif el, do econēšon ame di ex na.»

²¹«Nē end inēŵa kēy'e wēkaraxēnēnd? Mēkaralēbi bēr baxe baxētēnd bēn, anang nang kēni bēnd bame yey'anēnd beŋ.»

²²Ga yey'an ko mondako, anēkona abat, gēr bēr ebax na bēn, šēn kēŋo Yesu, do re ko: «Ba mondako nde kēy'o yakand ašadaxan alēngw an?»

²³Ata re ko Yesu: «Angēmēne ame yey'an ex na šenene, dey'al mondake lif kēme. Barikan, angēmēne šenene yaka kēme, ine kēy'e xēmaxēnēnd?»

²⁴Ga faŷ ko na An isošan emēkara ed Yesu el, fel kēbi eno mēla gēr Kayif, ašadaxan alēngw ar niy ajo an.

²⁵Amēd aŋo, gēr oyesa bayi baxo Simoŋ Piyer, wēka kēno: «Ax gi ex na nde wēj bēte asēfan ar ala ajo hi kēy?» Mēŋ ga ko y'ax, ko rend: «Ali, ame gi ex na de asēfan arexēm.»

²⁶Xadēp ibat ir ašadaxan alēngw, ir hi bax nēng ibat gē ar saŵēn baŋo Piyer anēf an, wēka kēŋo: «Ax gi ex na nde gē wēj watēgu kēmūn gēr andēda?»

²⁷Piyer y'ax ko gašēxe. Ata amēd aŋo dēŋ yata ko ecare el.

End Yesu gēr eyang ed Pilat eŋ

²⁸Ata ga wēd kēno Yesu na gēr iciŵ ind Kayif, wēla kēno gēr eyang ed Pilat, gofērēner in. Gēbēr fo bayi bax ga ūateli kēno. Bari bēn ani ŋat bana ŋēš gēr yangana kēdi kēni buyarēnaya do ebi cēba eعمار ed Ofēna or Apexa el.

²⁹Ata Pilat ga šanēgu ko ebi kaca, wēka kēbi: «Nē end amena and fe wēlaxēnēgu kēno ala ajo?»

³⁰Yaka kēno: «Kido axo gi bana aŵendēran amo mēlawēdona gēr ndey' ro.»

³¹Ata re ko Pilat: «Mêlaxëno eno kitix gë acariya andewën aŋ.» Yaka këno: «Biyi Bêšëwif bën abo ñap ex na enëp ed ala do mo dāw̃ el.»

³²Mondako bax ex ɲata er re baxo Yesu in end ang ko šës eŋ.

³³Ata Pilat lil ko gër aciw̃ and kiti, yëpa ko. Ga w̃ëlanëgu këno Yesu, w̃ëka këno: «Wëj nde ex emun end Bêšëwif eŋ?»

³⁴Yesu yaka këno: «Er këy'e w̃ëkand in, anjëlan andey' dëŋ nde ex ba and bêšëxen nde ex?»

³⁵Ata re ko Pilat: «Ba wëno Ašëwif nde eme? Bër enëng endey' do gë bêšadaxan bëlëngw bën w̃ëlaw ki dë gër ndam ro. Ine wën këy'?»

³⁶Yaka ko Yesu: «Owun oram ol ax gi ex na or gër ebar ro. Kido or gër ebar ro hi bax, bëriyenin bëram bën awer wër doni këdi këne lëxw Bêšëwif bën gër bëlëngw bërebën. Bari, owun oram ol ax gi ex na or gër ebar ro.»

³⁷Ata re ko Pilat: «Awa wëj emun nde ey'?» Yaka ko Yesu: «Go dëŋ ex, emun hi këme. Në eŋo yowaxënëgu këme gër ebar ro, rëw̃ këne me dey'axën däl in. Ar ex ar däl an, abaxët ko faxët er këme rey'and in.»

³⁸Ata w̃ëka këno Pilat: «Ine ex ngwa däl in?» Ga yey'an ko mondako, šan ko gašëxe gër ed hi bani Bêšëwif do fel këbi: «Wëno amena and këmo nëpaxën ala ajo ame wat ex na.»

³⁹Awa gayikako wën rëpënëk mo tebët andepëra amat Ofëna or Apexa kala, aŋandi nde yandi kënun mo tebët emun end Bêšëwif eŋ?»

⁴⁰Ata gašëxe, xey' këni šor: «Ali kërey'ëŋo tebët na mëŋ! Tebëtëlo Barabas.» Xarak, Barabas ijo arek axey'ax ebaxo.

Šaŋ 19

End enëp ed Yesu eŋ

¹Ata Pilat sebën këbi ocorođa ok, w̃ëla këno Yesu eno cew̃ërax.

²Ga xën këni ekamote ed odëmbën, šëxw këno, šud këno bëte ocud ombarax.

³Ata ɲëš bano sëkand eni de: «Ašëma këmi šëmand wëj emun end Bêšëwif eŋ?» Ata eno cën y'ac.

⁴Pilat šan ko gašëxe, fel këbi Bêšëwif bën: «Awa në enëcëtlemo en nangaxën mëne amena and këmo nëpaxën ame wat ex na.»

⁵Ata nëcët këno Yesu, gë ekamote ed odëmbën el, do gë ocud ombarax oŋ. Pilat re ko: «Nëkoyino ngwa ala an.»

⁶And wat këno aŋ, bêšadaxan bëlëngw do gë bënëkona bër Aciw̃ and Kaxanu bën, xey' këni šor: «Pikalo, Pikalo!» Yaka këbi Pilat: «Medino eno pikax gë andewën dëŋ, wëno cëŋ amena and këmo law̃axën amo wateli ex na.»

⁷Yaka këno Bêšewif bën: «Biyi acariya šot këmi na, do acariya aŋo ga rek ar këŋo šir yo Kaxanu, ar eðaŵ exo. Awa ajo, ga ko rend ako mëne Asëniŵ ar Kaxanu hi ko në ecir eŋo Kaxanu.»

⁸And wël ko Pilat eyey'an elo aŋ yëdara ko kaš-kaš.

⁹Ga lil ko gër aciŵ and kiti, wëka këŋo Yesu: «Wëj feye wa xaniw këy?» Barikan, Yesu xor ko.

¹⁰Re ko bëte Pilat: «Ba wëno nde kë'e xoranënd? Ay' nang ex na nde mëne ašot šot këme or gapak or mi tebët, bëte ašot šot këme or gapak mi pika?»

¹¹Yesu yaka këŋo: «Ŷoweŷ ay'e koran dona kido ax gi ex na orën ol yël ki or gapak ol. Mëŋ ex, ar lëxw ke gër ndey' an wëndërak nëmëc.»

¹²Ata elod amëd aŋo baxo šaland Pilat ang ko ri eŋo tebëtaxën ak. Barikan, Bêšewif bën xemëna këni xeŷënd: «Angëmëne asebët sebët këyo yo, ay' gi ex na lawo ir Sesar. Gayikako ar kë re yo emun hi ko, arangoŷëra and Sesar ex.»

¹³Ga wël ko Pilat eyey'an elo, nęcët këŋo Yesu do yëpa ko gër aciŵ and kiti, gër ed bani wăcënd gë eyey'an ed Bêšewif el: «Gabata», mëne ngëŋ «Gër oxaŷ ofësëpës».

¹⁴Yatijo bax ex ñana genëka Ofëna or Apexa ol. Eñan eŋ keŋ gër gaf hi bax. Ata Pilat ga nëkona gand Bêšewif re ko: «Nëkoyino wa emun endewën eŋ!»

¹⁵Ata bën yaka këno šor: «Ar eðaŵ ex! Ar eðaŵ ex! Pikalo!» Re ko Pilat: «Yama emun endewën eŋ nde mo pika?» Yakaw këni bëshadaxan bëlëngw bën: «Biyi cëŋ emun endëbi eŋ, Sesar gabat ex!»

¹⁶Pilat seb këŋo Yesu gër otaxan od ocorođa, bën wëla këno eno pikax.

End epika ed Yesu eŋ

¹⁷Ata ocorođa ok këno wëland Yesu eno pikax. Lëbin këno mëŋ dëŋ kërëwa in, do ko šanënd angol aŋ ond gër ed këni wăcënd «Golëgota», gë eyey'an ed Bêšewif el, mëne ngëŋ «Itënd ind ang egor».

¹⁸Fën fikax bano Yesu gër kërëwa. Andamat fika banëbi mëŋ gë bërek bëxeŷax bëxi: ajo gand liŵ, ajo gand šame.

¹⁹Ata Pilat re ko eni ñëgw në ingomb-gomb: «Yesu Ibënasaret, emun end Bêšewif eŋ».

²⁰Bêšewif bëranjëm bax fënënd oňëgw oko, gayikwa gër ed fika bano Yesu gër kërëwa ler gër angol hi bax. Bëte oňëgw oko gë oyey'an osas yëgw bani: eyey'an ed Bêšewif, gë Lateŋ, do gë Gërek.

²¹Bëshadaxan bëlëngw bën fel këno Pilat mëne kërëxo ñëgw na: «Emun end Bêšewif eŋ». Barikan, exo ñëgw mëne ala ajo rek: «Wëno ex emun end Bêšewif eŋ».

²²Ata Pilat yaka ko: «Er yëgw këme in kë bayi.»

23 And faŷ kēni ocoroḏa ok epika ed Yesu aŋ, wēd kēni banjēm bandexēm baŋ do bar kēni obun onax do ŝetēr kēni ŝoroḏa kala ebun. Ata bayētak acud and gē osēf kēm, and baxo sēndand aŋ.

24 Re kēni: «Kērene ŋes ex na. Dine bēñak, exo meḏaxēn abat.» Mondako ĥata bax Oñēgw Omēnek od rek: «Aŝetēr ŝetēr kēni banjēm bandam baŋ, Bēñak ri kēni exo meḏaxēn abat acud atēm andam aŋ .» Mondako ri bani ocoroḏa oko.

25 Ata ler gēr kērēwa ir fikaxēn bano Yesu, xwēšara bani nēm, do gē abinēm ar nēm. Na fo xwēša bani bēte Mari alindaŵ ar Kēlopas, do gē Mari Madēlen.

26 Yesu ga wat kēŋo nēm ler gēr asēfan ar lēka baŋo, re ko: «Nēma, nekodo asēñix!»

27 Fel kēŋo bēte asēfan an: «Nēkodo norix!» Ata asēfan an kwēl yatijo fo wēla kēŋo nēm ir Yesu gēr ndebēn.

28 Ga xucak eŋo, Yesu ga nang baxo anang mēne gērēgako, anēka xwētēk bebēr ebax exo di gēr ngwēn ro bēn, re ko, ang rey'a bax gana-gana fo Oñēgw Omēnek ak: «Men sel ke.»

29 Ipey'a ind gē ngoy' iŋerēk hi baxēna ler na. Ga yēmb kēni er ñalu-ñalu, fiŝ kēni nē icēt, do yēnēn kēno ŋēŝ gēr etēy' exo yēmbēmba.

30 And yēmbēmba ko ngoy' iŋerēk aŋ, Yesu re ko: «Dodo dek ĥata kēme.» Ata ga bex ko, xoti ko.

31 Yatijo bax ŷanand genēka Ofēna or Apexa ol. Bēšēwif bēn axey' xey' babi enēbi teb bēšēsēk bēn y'aŋ gēr okērēwa gē akey and eteyēta eŋ, ga bani fēbēnd akey aŋo. Ga wēka kēno Pilat exo ma ebi pel ocoroḏa ok, eni gēbēra bēngonēng bēr fika banēbi bēŋ do eni pedali beman bēŋ.

32 Ata ocoroḏa ok hēb kēni bēngonēng bēnd aŷanar ar fikali bano bēŋ, hēb kēni bēte bēnd axinēm bēŋ.

33 And bakan kēno Yesu aŋ, sēk kēni mēne anēka ŝēs ko, ata ani gēb ex na bēngonēng bēŋ.

34 Barikan, ŝoroḏa ibat wēd ko ñat ecori eŋ, xwēŝ kēŋo Yesu gēr ambēb. Ata ŝanēk men gē oŝat.

35 Ar watēk mongwat beŋo rey'ak do osede orexēm ol ḏal ex. Mēŋ anang nang ko mēne ḏal rey'a ko. En maxēn wēn bēte.

36 Mondako ebax eŋo ex ŋataxēn Oñēgw Omēnek od rek: «Acapar andexēm gamatak ax gēbi na.»

37 Nē ešēxe Oñēgw Omēnek ok are rek bēte: «Awat kēno watēd ar sēnga bano gēr ambēb an.»

End emēxwēta ed Yesu eŋ

³⁸Ata Yosef Ibarimate, asëfan ar beŋ hi bax ar Yesu ga babi yëdand bëlëngw bër Bëšëwif bën. Yesu, ga xoti ko, Yosef y'e ko gër Pilat do wëkax këno eŋo tebën eman eŋ exo pedali. Ata Pilat sebën këno. Awa ga bakaw ko gër ed fika bano Yesu, fedali ko eman eŋ.

³⁹Ata Nikodem, ar y'e bax amat gëmed gër Yesu eŋo mëkara an, yow ko bëte do wëlaliw ko në okilo ofëxw osas ogu ond bar bani gë mir do gë alowe.

⁴⁰Bën bëxi fedali bax eman end Yesu eŋ, nëmëra këno ogu onëngax oŋo do šerira këno gë bënjëm, ang rëp bax gër Bëšëwif emëxwëtan ed ašësëk ak.

⁴¹Ata gër ed fika bano Yesu, andëda bax na do gër andëda aŋo, hi bax yëg ir elod ašësëk ano mëxwëtaxën bana.

⁴²Gër yëg ijo wëxëta bano Yesu gayik anëka bax y'anand akey and eteyëta and Bëšëwif aŋ.

Şaŋ 20

End ekani ed gër ecës eŋ

¹Yatir akey aŋanar and loxo, mëd-mëd fo bayi bax ga fëda ko Mari Madëlen gër yëg. Wat ko mëne angay and wedixën bani lilaya ir yëg aŋ awëdita weditak.

²Hër ko gër ed hi bani Simoŋ Piyer gë asëfan ar lëka baŋo Yesu an, fel këbi: «Anëka necët këno Axwën an gër yëg do biyi ane nang exe na ba feye rëfali këno.»

³Ata Piyer, gë asëfan ašëxe an, şan këni eni y'e gër yëg,

⁴bën tak bëxi bax hërend. Ata asëfan ajo, ga şand këno Piyer, ħatët ko gër yëg.

⁵Ga yëkwa ko lëf, wat ko gër ebar ebun ed bënjëm el, bari axo dil ex na.

⁶Ata ħatëgu ko Simoŋ Piyer, mëŋ ar baŋo sëfëgund an. Lil ko boxay gër yëg, wat ko lëf ebun ed bënjëm el.

⁷Wat ko bëte anjëm and fëlxën bani gaf ir Yesu aŋ do gë bënjëm bën. Anjëm aŋo momopa bax bebët išëxe, ax gi bana şode-şode.

⁸Ata asëfan ar ħatët bax gër yëg an, lil ko bëte. Ga wat ko, aŋo fo wã ko.

⁹Xali amëd aŋo abi pëni bana pere Oñëgw Omënëk od rek mëne Yesu axani ebax exo kani gër ecës ok.

¹⁰Ata bësëfan bëxi bëjo wãyi këni.

End Yesu do gë Mari Madëlen eŋ

¹¹Barikan, Mari Madëlen ga bayi ko fac ler gër yëg, ko sesënd. Kwël gë otes ok fo, rëngw ko, do yëkwa ko lëf gër yëg.

¹²Ata wat këbi omeleka oki gë banjëm bapeşax ga yëpa këni gër ed xwët bani eman end Yesu eŋ: ibat gër ed bax gaf, ijo gër ed bax osapar.

¹³Na wêka këno: «Wěj, ineŵa këy sesaxënënd?» Yaka këbi: «Anëka wëgët këno Axwën aram an do ame nang ex na ba feye rëfali këno.»

¹⁴Ga ko yey'an mondako, nëkona ko gand epoy, ata wat këno ala mo kwëša. Bari axo nang bana mëne Yesu ex.

¹⁵Ata re ko Yesu: «Wěj, ineŵa këy sesaxënënd? Noŷo wa këyo ŷaland?» Mari Madëlen, ga yëla ko mëne axwën andëda an ex, re ko: «Awël nde, angëmëne wěj rëfali këno, pelële ba fe xwët këyo mëj këmo xana.»

¹⁶Aŷo re ko Yesu: «Mari!» Ata ga ŷena ko, yaka ko: «Rabuni!» Gë eyey'an ed Bëšëwif el (Asëy'ali aram).

¹⁷Ata re ko Yesu: «Kërey'e dëkëra na de, ame baka ex na pere gër Faba. Barikan, yel eyëbi pelëx bëmaŷe bëndam bëj mëne në ebaka me y'aŷ gër Faba, ar ex Faba irewën bëte. Në ebaka me gër Kaxanu ir xwën ke, ar ex Kaxanu ir xwën këjun.»

¹⁸Ata Mari Madëlen ye ko ebi nangënëx bësëfan bën mëne Axwën an ŷanayaxënëgu këno. Ata hãteli ko dek bend felëgu këno bëj.

End Yesu do gë bësëfan bërexëm eŷ

¹⁹Kwël yatir akey añanar aŷo fo, genëka, bësëfan bën abarër barër bani në aciŵ do fërara këni dek owët oŷ, ga banëbi yëdand bëlëngw bër Bëšëwif bën. Ata na ŷanayaxën këbi Yesu, xwëša ko mërëxand do fel këbi: «Obetak ol gil ex gë wën!»

²⁰And yey'aneli këbi mondako aŷ, wãsindëra këbi bambënut baŷ gër otaxan do gër ambëb. Ata bësëfan bën nëngandëra këbi ga wat këno Axwën an.

²¹Yesu fel këbi gašëxe: «Obetak ol gil ex mërëxand irewën! Ang laŵënëgu ke Faba ak, wëno bëte mondako fo këmun laŵënënd.»

²²Ga hãta ko eyey'an elo, hëm këbi, do re ko: Dilëlexo Angoc Amënëk aŷ gër oŵëkw orewën.

²³Bër kënëbi seban beñëŷenax bën, Kaxanu aseban këbi seban do bër kënëbi fënan bën, Kaxanu afënan këbi fënan.

End Yesu do gë Toma eŷ

²⁴Ang ebani bësëfan bën epëxw gë bëxi ak, Toma, ar nëngwët baŷo Didim an, axo gi bana yatir ŷanaŷaxën babi Yesu.

²⁵Bësëfan bëšandaŵ fel këno mëne Axwën an ašanaŷaxën ŷanayaxën këbi yatir bayik axo gi bana. Ata yaka këbi: «Wëno angëmëne ame wat ex na gër otaxan odexëm bambënut band sembaŷën baŷo opëwët baŷ, angëmëne ame ŷëmba ex na bëte ambëb and sënga bani aŷ, din ame ma na.»

²⁶Ga xucak bakey banjongëbatas, fedër këni gašëxe bësëfan bën gër iciŵ, yatijo Toma na baxo. Owët oŷ dek fërara bani; ata ga ŷanaŷaxën këbi Yesu, xwëša ko mërëxand, do re ko: «Gil ex obetak ol mërëxand irewën!»

²⁷Ata fel këjo Toma: «Tëkalıw tan ebasa edey el ro, do nëkof otaxan odam ok. Tëkalıw ataxan andey an, nembal bête ambëb andam an. Ande këni gil ar gë ekwëta, kërey gi na ar gë oñepëgënan!»

²⁸Ata Toma yaka këjo: «Wëj ex Axwën aram an! Wëj ex Kaxanu ir xwën ke in.»

²⁹Na re ko Yesu: «Ga wat këye nde xwëtaxën këye? Nëngandërayındëlebi bër xwëta ke watërëxe bën.»

³⁰Yesu ari ri ko bête ogës od bësëfan bërëxëm becarax becëxe bendanjëm, bend ani nëgw ex na gër akayëta aņo ro.

³¹Bebër yëgw këni bën, a yëgw yëgw këni en maxën mëne Yesu ex Afexën an, Asëniw ar Kaxanu an. Do gë ekwëta elo, en cotaxën anıyan aņ gër o wac orexëm.

Şaņ 21

End gër anjer and Tiberiyad eņ

¹Ga xucak eņo, Yesu şanaxën këbi bête bësëfan bën. Gër bëņa ir anjer and Tiberiyad şanaxën babi mondako.

²Er barër bani: Simoņ Pıyer, gë Toma, ar nëngwët bano Didim an, gë Natanayel Ibëkana ir gër ebar ed Galile, gë bosëniw bor Sebede do gë bësëfan bëxi bësëxe.

³Ata na, re ko Simoņ Pıyer: «Wëno gër edapëran këme ye doru.» Yaka këno boşandaw: «Asëf këmi sëf, biyi bête.» Ga hat këni gër anjer, fëra këni polo në ikuluņ do lapëra këni wec. Bari yowëy ano tëra ex na.

⁴Gëbër, Yesu hatëgu ko gër bëņa na gër ed hi bani, bari bësëfan bën ani nang bana mëne Yesu ex.

⁵Ata Yesu wëka këbi: «Obaş oram, oxan nde sëra kënëbi na?» Yaka këno: «Ali.»

⁶Ata fel këbi: «Awa dapin ebën el gand liw ir ikuluņ ata kën wat.» And lap këni aņ sëkwan këni ecëpët el ga fëxw këni oxan ol.

⁷Ata asëfan ar baņo Yesu mbaņ aņ fel këjo Pıyer: «Xey Axwën an ex de!» Sam ga wël ko na Simoņ Pıyer mëne Axwën an ex, şuda ko acud andexëm aņ gayik tëb gë eman eņ fo bayi baxo, do lapaya ko na gër anjer.

⁸Bësëfan bësandaw xasëgu këni gë ikuluņ iņ ga lasëgu këni ebën el pëxw gë oxan ol, ani na wëta bana bon ebar el.

⁹Ga şëpëta këni ekeg gër ebar, sëk këni angwara and oxan do gë bamburu.

¹⁰Ata re ko Yesu: «Mëlawënëbi ro mar oxan or sëraw kënëbi ol.»

¹¹Simoņ Pıyer şëpëtëgu ko ebën el gë bongan keme gë ofëxw oco gë osas. Ado ga sëra banëbi oxan ol go, ebën el ax nesi bana.

¹²Ata Yesu wac këbi: «Yowën en yambëra.» Asëfan gabatak ax yëxw bana eņo mëka: «No ywa hi këy?» Gayikwa anang nang bano mëne Axwën an ex.

13 Ga sēka ko Yesu gēr angwara, wēd ko mburu in do šetēra kēbi. Mondako fo šetēra babi oxan ol.

14 Yesu, atasēn babi šanayaxēnēnd bēsēfan bērexēm bēn elod ga xani ko gēr ecēs.

End ofelar or Yesu gē Piyer eŋ

15 Ga faŷ kēni eyʼambēran el, Yesu wēka kēŋo Simon Piyer: «Simon, asēñiŷ ar Šaŋ, aħan nde ħan kēy'e nēmēc ang ħan kēne bošandax ak?» Yaka ko: «Iyo Axwēn, aye nang kēy mēne aħan aħan kēmi.» Ata re ko: «Awa kadacindēbi opeŷ odam ok.»

16 Wēka kēŋo akinēm: «Simon, asēñiŷ ar Šaŋ, aħan nde ħan kēy'e?» Yaka ko: «Iyo Axwēn, aye nang kēy mēne aħan nde ħan kēmi.» Fel kēŋo: «Awa dēkayayindēbi opeŷ odam ok.»

17 Wēka kēŋo atasēn: «Simon, asēñiŷ ar Šaŋ, aħan nde ħan kēy'e?» Ata aŋo, šamina ko Piyer nē end ine wēkaxēn kēŋo atasēn. Yaka ko: «Axwēn, wēj beŷ dēk nang kēy. Anang nang kēy mēne aħan ħan kēmi.» Yesu re bēte ko: «Awa kadacindēbi opeŷ odam ok.»

18 «Dal in kēmi felēnd, and bayi bay šambenjar aŋ, gē andey bay šufarand, gē andey bay xapand enar eŋ gēr edum, do gē andey bay yend gēr ed ŷandi ki yo. Barikan, and kēy xar aŋ, onēxar oŋ kēy ŷana ey yēnēnd exi kapaxēn ašēxe enar eŋ, do exi mēla gēr ed bayik axi ŋandi na.»

19 Ata Yesu mondako nangēn baŋo Piyer ang ko šēs ak ex canaxēn enjaran end Kaxanu eŋ. Ata ga ħata ko fel kēŋo bēte: «Wēj tēfēguye!»

20 Piyer ga nēkona ko, wat kēŋo asēfan ar lēka baŋo Yesu an ga kēbi sēfa. Asēfan ajo xay'a bax gēr emēkw ed Yesu and bani yambērand, do wēka baŋo ba noŷo ex ar kēŋo lēxw an?

21 Piyer ga wat kēŋo ga kēbi sēfa, wēka kēŋo Yesu: «Do ajo cēŋ Axwēn, ine kēŋo hi?»

22 Yaka kēŋo Yesu: «Angēmēne aŷandi ŷandi ke exo bayi abēngw xali me bakaw, wēj ine bal ki?»

23 Wēj cēŋ, tēfēguye.» Ata elod yatijo wēli bax gēr bēmaŷe mēne asēfan ajo din axo cēs na. Enimin, Yesu aŋo pel bana dē mēne axo cēs na. Er re baxo: «Ga ŷandi ŷandi ke exo bayi abēngw xali me bakaw wēj ine bal ki?»

24 Asēfan ajo rey'ak osede olo, do mēŋ fo ŷēgwēk beŋo dēk. Do biyi anang nang kēmi mēne er rey'a ko in dāl ex.

25 Yesu ari ri ko bēte bebēranjēm. Kido eni nēgwēdo dēk gē betil ak, ame yēla ex na axēñ xēñ dox gēr ngwēn ro okayēta od ŷēgw doni ok.

Bandixa

Bandixa 1

Lilaya in

¹Tewofil, gër akayëta añanar andam sëfëtan këmi ðek bebër ýana baxo ko rind Yesu bën, do ang babi sëyalirand bela ak,

²xali yatir baka ko gër Kaxanu, ýaŋ gër orën. Barikan ðamana exo ý'exën afelëra felëra babi gë panga ind Angoc Amënëk in, oparëxanda od yata këbi ok.

³And soro ko do šës ko aŋ, gër ogës odebën šanaya baxo bakëlëbëd bandanjëm. Eno wat abëngw šanaya baxo mondako ebi pënixën mëne mëŋ dëŋ ex. Do në bakey ofëxw onax felëra babi bënd owun or Kaxanu beŋ.

⁴Ata na gër ed xeta bano, fel këbi këreni ŋawëta na angol and Yerusalem aŋ, barikan eni cëni er bey'a baxo Faba Kaxanu ayël këbi yël in.

⁵Ax gi ex na nde Šaŋ Batis, gër men babi buyind bela bën? Barikan Kaxanu, gë bakey band kë ýowënd baŋo abuyi këŋun buyi gë Angoc Amënëk aŋ.

End omakan ond gër orën eŋ

⁶Gër ed xeta bano na, wëka këno: «Axwën, gëregako nde këy xanin owun or gër ebar ed Isërayel ol?»

⁷Yaka këbi: «Faba gabat kë sanand gë gapak orexëm ol bamëd baŋ do nand këŋo ħatan exo di er ýandi këŋo in, ax gi ex na wën kë nang.

⁸Barikan wën, panga kën šot na, and ko fedaw Angoc Amënëk gër ola orewën aŋ. Ata en gi otede odam ok gër Yerusalem, gër ðek ebar ed Yude el, gër ebar ed Samari, do xali gër ed sëlëk ngwën.»

⁹And ħata ko eyey'an elo aŋ, ýana ko ko šëgënd end orën eŋ xali šiliparax ko gër baŋar.

¹⁰Bën ga xeŋan këbi end orën eŋ, wat kënëbi bërëxadët bela bëxi gë banjëm bapešax ga xwëša këni ler gër ndebën. Ata re ko abat:

¹¹«Wën Bëgalile bëjo, ineŋa xeŋa kën laŋ ako orën ol? Yesu ir wat këno ga këŋo wëla Kaxanu end orën eŋ, ang wat këno ga ko šëg ak ko bakaw.»

End abëтели ar Yuda eŋ

¹²Ga xucak eŋo, oparëxanda ok xani këni na gër etënd ed gë bañarëka, këni bakand gër Yerusalem. Në apakan amat fo bax gër ed hi bani, ani ŋawëta bana angol aŋ.

¹³Ga lil këni gër angol, barër këni gër aciŋ and ýaŋ, gër ed wër babi epedër. Er ebani: Piyer, gë Šaŋ, gë Šak, gë Andëre; gë Filip, gë Toma, gë Barëtelemi, gë Maco, gë Šak, asëniŋ ar Alëfe, gë Simoŋ, aŋer an, do gë Yud, asëniŋ ar Šak.

¹⁴Bën dek xet babi eni kemëna cale in̄ gë bëmaÿe bëtoxari bën, gë Mari, nëm ir Yesu, do gë bobinëm bor Yesu.

¹⁵Ang bani barërend bakey baño ak, er hi bani në bela keme gë alapem. Ata Piyer ga xani ko mërëxand ir bëmaÿe, re ko:

¹⁶«Bëmaÿe, ax gi ex na nde ańata bax ex ńata Ońëgw Omënëk od rek mēne gë Angoc Amënëk ań rey'a baxo Dafid, emun eń, mēne Yuda ebax ebi dëngweli bër kēno sēra Yesu bën.

¹⁷Yuda, ar enga endebi hi baxo do andiyen amat bar bane.

¹⁸Axana xana baxo kodı ir fanaxën baño Yesu gër ecēs in. Gë akanji and osëmbak ańo yëcaxën ko ošënga or gër ed wëc ko acëloÿ-šëloÿ do wëlëfëtak dek oxul orexëm ol.»

¹⁹Ga wëlik endey' eńo dek Yerusalem in wăcaxën kēni ošënga olo gë eyey'an ed Bëšëwif el: «Xakelëdama» mēne ngëń ošënga or gë ošat.

²⁰Barikan aÿëgw ÿëgw kēni gër akayëta and Calemońëw: «Cenëkëlex iciw̄ indexëm in, Ala kërëx dëg na! Do: Bëtelilexo ašëxen andiyen andexëm ań!»

²¹Awa ar kē bëteli andiyen andexëm an, tananëńone gër bër lańëtara kēbo nand bane y'exërande gë Axwën Yesu na,

²²elod ga buyi kēno Šań Batis xali yatir šëg ko end orën eń. Gilexo bëte sede ir watëk ang biyi ak ang xani ko Yesu gër ecēs ak.

²³Ata sana kēnëbi bëxi: Yosef ir bano wăcënd Barësabas do nëngwët bano Yusëtos do gë Macas.

²⁴Ata ga xeta kēnëbi, šale kēni mondako: «Axwën, wěj ar nangëk er ex gër owëkw or bela dek an, masinëlëbo ar yata kēyo an gër bëmaÿe bëki bēno.

²⁵Comalebo gër andiyen and lawën kēy'ëbo mi din ańo do gër ofarëxanda. Bëtëlexo gër amëd and seb ko Yuda do y'e ko gër ed sana ko.»

²⁶Na ga ri kēni bëńak, ind fit bani in̄ wëd ko Macas. Ata oparëxanda ok, ang bayi bani epëxw gabat ak, baša kēno Macas gër enga endebën.

Bandixa 2

End Angoc Amënëk eń

¹Yatir Ofëna or Peńjetekot, bësëfan bër Yesu bën barër kēni dek në er ebat.

²Ata na bërëxadët, wëliwëk angëbër gër orën do kē rëmëgund ang ekoc etëm fo xali lilëk dëń gër aciw̄, gër ed yëpara bani.

³Šanařarak bebër ang okodux, šapërërak, do lapandëra kēbi ala kala ang ebani ak.

⁴Yëmëra kēni bën dek gë Angoc Amënëk ań do kēni yey'anënd oyey'an ošëxe ang babi ħëbëtënd Angoc ak.

- ⁵Xarak, na gër Yerusalem yowëraw bani Bêšëwif bër šenene ga xaniraw bani gër dek benëng becëxe bend ex dila gër orën, lëgëra këni gër Yerusalem.
- ⁶And wël këni angëbër aņo aņ, w̃ara këni bura-bura gër ed hi bani od Yesu. Ga ĥat këni, wëlandëra këbi ga kënëbi wël ala kala eyey'an ed yeri ko el.
- ⁷Ga šarandëra këbi na xali xurik, këni w̃ëkarënd: «Oko ax gi ex na nde bën dek Bëgalile fo exëni?»
- ⁸Mondake cëņ kënëbe wël nde ala kala eyey'an ed yeri ko el?
- ⁹Ax gi ex na nde biyi er hi këne: Bëparët, Bëmedi, Bëhelamit, bër lëgëk gër ebar ed Mesopotami, bër gër ed Yude, Bëkapados, Bëpoņ, bër gër ebar ed Asi?
- ¹⁰Ax gi ex na nde ro fo exëni bëte bër gër: Fëriši, Paņëfili, Misëra, bër gër ebar ed Libi gand Siren fëco? Ax gi ex na nde ro exëni bëte: Bêšëwif, Bërom,
- ¹¹Bêšëwif, bëšalek, Bëkëret do gë Bënare në ewëlen bene de ala kala gër eyey'an ed yeri ko el ga këni sëfët becaraxik bend Kaxanu beņ.»
- ¹²Mbaņ wëlandëra babi ga kënëbi nëkon do bani w̃ëkarënd: «Ine ex ngwa endey eņo?»
- ¹³Barikan bërëmar, ga kënëbi lëš këni rend: «Wëni, bëjo bër w̃edëk ngoy' ex!»

End epemëra ed Piyer eņ

- ¹⁴Ata Piyer gë bošandaw̃, epëxw gë abat bën, xani këni do xwëša këni. Re ko Piyer: «Wën Bëyude bën do gë wën dek bër yowërawëk gër Yerusalem ro bën, wëno këņun nangën er ex in. Awa baxëtine de aye!»
- ¹⁵Ang kën yëland ak, bela bëjo ani med ex na de ngoy', gëbër fo ga bayik wa.
- ¹⁶Barikan doro ĥatak er rey'a baxo gana-gana fo ala w̃ënel Yowel in mëne
- ¹⁷Kaxanu rek: "Gër bakey bapelatar, a yëmën këmëni yëmën gë Angoc andam aņ bosëniw̃ do gë bobiw̃ borewën eni yey'anaxënënd ang bëla w̃ënel fo, ocambenjar odewën ok eni watënd bebër yapëk eni dind bën, do bëxarëk bërewën bën eni watënd odakeli. Ocambenjar ok do gë odëna w̃ odewën ok kë yana ex watënd gë odakeli bendam beņ. Bëxarëk bërewën bën gë odakeli këni yana eni watënd bëte.
- ¹⁸Iyo gër bëriyenin bëram, bësošan bën, bakey baņo, këmëni yëmën gë Angoc andam aņ, do bën eni yey'andërand ang bëla w̃ënel fo.
- ¹⁹Becaraxik këme ri y'aņ gër orën Do gëd gër ebar, bananganëme, gë oșat, gë xodux do gë okwëcën.
- ²⁰Ata eņan eņ ex do b xali ex camëdan wur in, Do facaw̃ in, ex bar ang oșat fo, dãmama ex ŋataxënëgu akey and Axwën Kaxanu aņ Akey akëbëanaxik an, akey atëm an.
- ²¹Ata ar këņo šalend yo Kaxanu gër o w̃ac or Axwën, afex ko fex."

- 22 «Wën Bëysisërayel, baxëtin end këme rey'and eñ, end Yesu Ibënasaret eñ. Kaxanu lawënegu baño do paß gë mëñ baxo rind bananganëme, becarax do gë bërëcaxik. Wën dëñ anang nang kën eño.
- 23 Kaxanu, mëñ ar kë nangënd beÿ dek damana ex gixën an, faÿ ko gër emëkw ex kuca end Yesu eñ mondako. Mëñ sebën këñun do wën lëxw këno gër otaxan od bëwendëran bësëm xali law këno mopika në osëx.
- 24 Bari axani xani ko gër ecës, Kaxanu racët këño gayik amënd bana eño dëkaya panga ind ecës iñ.
- 25 Ax gi ex na nde Dafid bax rend: “Lañ bamo watënd Axwën Kaxanu an gër lëngw iram, Gand liw iram hi ko këdi këme yëdara.
- 26 Mëñ fuñaraxën ke gër emëkw edam, Do këme yey'andërand gë onënga fo. Gër eman endam dëñ aseyëta këme seyëta, gër eyar ed këme yarënd.
- 27 Gayikwa gër wur ir bësësëk, ay' tebëx na enjëw endam eñ, Ay'e tebëx na wëno Awënek arey an me bër.
- 28 Wëj wësin ke opëña od ke wëla gër aniyän ok, Wëj ke yël onënga osëm ol and ke bare añ.”
- 29 «Wën bëmaÿe, aÿap ÿapëk mun pel kerët end Dafid, axarëk arebi eñ. And sës ko añ, wëxëta këno, do ÿeg irexëm in gër ndebi ro dëñ bayik xali doro.
- 30 Barikan ga hi baxo alaawënel nangaxën baxo mëne Kaxanu yaşarëk: “Arandëwëra andexëm këño yata na exo bëteli owun orexëm ol.”
- 31 End Afexën eñ baxo rey'and gana-gana fo mëne axani ko xani gër ecës, Kaxanu axo teb na eman endexëm eñ ex bër gër wur ir bësësëk.
- 32 Yesu ijo, Kaxanu axanin xanin këño gër ecës do biyi dek ex otede od wat këño abëngw ok.
- 33 Kaxanu bakali këño gër liw irexëm y'añ orën eño ketënax gër owun orexëm, do yël këño Angoc Amënek añ. Ata Yesu ga xana këño Angoc Amënek añ yëlëgu këbo and bey'a babo Sëm ak, ang kën watënd do kën wëlënd ak.
- 34 Ax gi ex na nde Dafid elod axo cëg ex na end orën eñ? Barikan mëñ bax rend: “Axwën Kaxanu fel këño Axwën aram an, Nëpal gand liw iram,
- 35 Xali mëni dat bërangoÿëra andey bën ey'ëbi bëñaxën .”
- 36 «Awa wën dek Bëysisërayel bën nanging aye mëne Yesu ijo, Kaxanu yata këño do yël këño or gapak or exo gixën Axwën do Afexën, xarak wën fika baño gër kërëwa.»
- 37 Bër gër amëxwër bën ga wël këni eño, lëk këbi gër owëkw. Ata wëka kënebi Piyer do gë oparëxanda ocandaw ok: «Bëmaÿe, ine këmi ri biyi?»

³⁸Yaka këbi Piyer: «Nëngwëtin ola orewën ol do enun buyi, gaf gë gaf, gër oŵac or Yesu Kërisët enun tebanaxën Kaxanu bamena bandewën baŋ ata këno ŝot Angoc Amënëk aŋ.

³⁹End ayël kënjun yël Angoc Amënëk eŋ, Kaxanu abey'a bey'a baŋun wën bëte, gë obaŝ orewën ak, gë bela bër ex caw ak do gë dek bër këbi wăcëraw Axwën Kaxanu ang këni yëmb yo.»

⁴⁰Ata Piyer, bendanjëm becëxe sënd babi ga ko rey'a end Yesu eŋ. Afel babi felënd gë obal osëm: «Tanayin en pex do en can gër enga end bësëmbak bër gë okey oko.»

⁴¹Bër ŵa bax eyey'an ed Piyer bën buyi kënebi. Er hi bani and yatijo aŋ fo në bela owëli otas.

End Amara añanar eŋ

⁴²Bën dek xemëna bax ebaxët ed osëy'ali or oparëxanda ol, gër ebaÿër ed gë angwëlëra, gër ecetër ed ey'amb y'amb, do gër cale.

⁴³Bër fac bën mbaŋ bani fëbënd Amara andebën aŋ, ga banëbi watënd oparëxanda ok ga këni ri becarax do gë bërëcaxik bendanjëm.

⁴⁴Dek bërëwăk end Axwën bën hi bax andamat do gër angwëlëra.

⁴⁵Afan bani fanënd napul irebën in, gë bacota baŋ do bani ŝetërend kodî in dek ang hi bani ak, ala kala eno yël ang ex oñandi odexëm ak.

⁴⁶Key yo key bani xemënanđ eni pedër gër Aciw and Kaxanu. Mbaŋ bani wëlërend do bani y'ambërand gë onënga fo, do gë emëkw ey'emax.

⁴⁷Aŝale bano ŝalend Kaxanu do Bëyisërayel bën dek babi nënganënd endebën eŋ. Ata Axwën an, key yo key babi baŝëgund bela bër babi fexënënd bën, gër Amara andebën.

Bandixa 3

End epakën ed aseÿik eŋ

¹Akey amat, Piyer gë Ŝaŋ këni y'end cale gër Aciw and Kaxanu, apenëka aŋ, eñan eŋ poxoŝ gaf in.

²Gër Aciw and Kaxanu bano wëlawënd key yo key ar rëw këno aseÿik eno kwët gër ebët ed bani wăcënd Ebët Ejekax, ebi kararaxënënd bër kë lilënd bën.

³Aseÿik an ga wat këbi Piyer gë Ŝaŋ ga këni lil gër Aciw and Kaxanu, xara këbi eno yël kodî.

⁴Ata Piyer do gë Ŝaŋ ga xwëŝa këni, fab këno laŋ. Aŋo re ko Piyer: «Wëj, nëkonëlëbo tan aye.»

⁵Ga këbi nëkon, ko yëland yey këno yël na.

⁶Ata re ko Piyer: «Wëno kodî axe gi ex na, kaŋe axe gi ex na, bari er ŝot këme in ayël ayël këmi yël, gër oŵac or Yesu Kërisët Ibënasaret, kanil eȳ ȳexëra!»

⁷Piyer sëra këŋo dëp gër ataxan and liŵ, xanin këŋo. Ataŋ ocom od osapar orexëm ok bëngwëk.

⁸Aseÿik an xani ko kwengweremët do ko ȳexërand. Piyer gë Ŝaŋ lilëx këni gë mëŋ ak lëf gër Aciŵ and Kaxanu. Ga ko yët ŝenene, ko radërand do këŋo ŝëkwand Kaxanu.

⁹Bulunda in ðek wat baŋo ga ko ȳexëra do ga këŋo ŝëkwa Kaxanu.

¹⁰Bër baŋo xwitand bën këni rend: «Ajo bax ȳëpand gër Ebët Ejekax ed Aciŵ and Kaxanu exo karara.» Ata na ga ŝarandëra këbi xali xurik, sëkwan këni eni nang ba ine hi këŋo ala ajo.

¹¹Ababi ħawëta na Piyer gë Ŝaŋ do bër oŝaran bën ðek këni hërërarawënd do këni liland gër lilaya ir ŵacan bano Salomoŋ, gër yangana ir Aciŵ and Kaxanu.

¹²Ga wat këbi Piyer ang barërëgu këni ak, re ko: «Wën Bëÿisërayel, ineŵa këŋun ŝaranënd eŋo? Bëte ineŵa kënebo fabaxënënd biyi? Yëla kën gë panga indebi, ba në end oŵënëk orebi nde ko ȳexëraxënënd ala ajo?

¹³Nangin mëne Kaxanu, mëŋ ar yata këbi bëxarëk bërebi Abëraxam, gë Isakdo gë Yakob an, aŝëkw ŝëkw këŋo Yesu ariyenin arexëm ar laŵënëgu këŋo an. Barikan wën ȳaxëta këno do lëxw këno eŋo ðaŵ Pilat, xarak mëŋ asebet̄ ȳapan baŋo eŋo tebët.

¹⁴Wën ȳaxëta baŋo aŵënëk an, ar ŝenene an do xara bano Pilat eŋo tebët alaŵ ar bela.

¹⁵Wën laŵ baŋo ar xwënëk aniyan an, barikan Kaxanu xanin këŋo gër ecës do biyi ex otede od watëk eŋo ok.

¹⁶Ga xwëta këmo Yesu mëŋ fakënoxën këŋo ala ajo xali ŵacëŵacaxën ko mondako. Iyo ga xwëta këŋo Yesu fakaxën ko aye ar nang këno do këno watënd ajo.

¹⁷«Gërëgako bëmaÿe anang nang këme mëne wën gë bëlëngw bërewën bën an nang bana, mëŋ rixën kën eŋo.

¹⁸Gë etëÿ ed bëlaŵënel el reȳa baxo Kaxanu mëne mbaŋ hi bax exo toro Afexën an. Ata gë er ri kën in ħata ko Kaxanu er fëna baxo in.

¹⁹Nëngwëtin ola orewën ol do en bakana end Kaxanu eŋ, eŋun tebanaxën bamena bandewën baŋ.

²⁰Ayow kë yow bakey band këŋun racët Axwën Kaxanu gër ocëmu odewën. Gë bakey baŋo fo këŋun laŵëneliw Yesu, Afexën ar yatan këŋun an.

²¹Barikan, yaŋ gër orën ko bayi xali Kaxanu exo kanindëra beÿ bën ðek, ang fel babi elod akarëk aŋ eni deȳara bëlaŵënel bëwënëk bërexëm ak.

²²Ax gi ex na nde Moyis re bax mēne Kaxanu, Axwēn arewēn an, alaŵēnel ar ang mēŋ ak kēŋo yata gēr enēng endeŋi do bēte ene faxētēde dek er kēbo fel in.

²³Barikan ar enēng endeŋi ar kē ĥēp eŋo faxēt alaŵēnel ajo an, cēfēy'ētiyidēno gēr bulunda eno daŵēx.

²⁴Dek bēlaŵēnel bēr Kaxanu bēn, ga ŷana ko Samiyel xali gē bēr bētēraw, ganagana fo rey'a bani end bakey band hi kēne baŋo.

²⁵Wēn ex obaŝ or bēlaŵēnel bēr Kaxanu ol do Kaxanu, gē bēxarēk bērewēn bēn ser bani paḅ gē Abēraxam yatir fel baŋo mēne bēnēng bēnd gēr ebar ro beŋ dek kē ŝot obetak ol nē end arandēwēra arexēm.

²⁶Wēn ex bēŷanar bēr laŵēneliw kēŋun Kaxanu ariyenin arexēm ar yata kēŋo an. Gēr ndewēn laŵēnēgu baŋo eŋun yēl obetak ol do eŋun bakali gēr enjekax, eŋun wērēŝēt en teb betēmbak bēnd kēn rind beŋ.»

Bandixa 4

End Piyer do gē Ŝaŋ eŋ

¹Ata Piyer gē Ŝaŋ, gēr ed banēbi felēra bulunda bayi bani and ĥatēgu kēni na gēr yangana ir Aciŵ and Kaxanu bēŝadaxan bēn, gē alēngw ar bēnēkona an do gē Osaduseŋ ok.

²Mbaŋ xoŷēn banēbi Piyer gē Ŝaŋ ga sēk kēnēbi ga kēnēbi sēy'alind bulunda in mēne ekani ed gēr ecēs exēna gayikako Yesu axani xani ko gēr ecēs.

³Ata ga sēra kēnēbi, fel kēnēbi bēnēkona bēn enēbi pēra na aye xali ex weca gayik anēka xwēyar bax.

⁴Barikan, bēranjēm ŵa kēni end baxo rey'and Piyer eŋ. Ata dek bēsēfan bēr Yesu bēn baŝarēgu kēni bēsoŝan bēn fo nē owēli oco.

⁵Ga xeyēk, bēlēngw bēr Bēŝēwif bēn, gē bēxarēk bēn do gē bēŝalen bēn fedēr kēni gēr Yerusalem.

⁶Na fo bani bēte Xanas, alēngw ar bēŝadaxan ar niy ijo an, gē Kayif, gē Ŝaŋ, gē Alekēsandēr, do dek bēr hi bax nēng ir bēŝadaxan bēlēngw in.

⁷Gēr ed ŷēpara bani na, ŵēlaw kēnēbi mērēxand Piyer do gē Ŝaŋ. Ŵēka kēnēbi: «Wēn pelinēbo fa gē panga ind fe do gēr oŵac or noŷo fakēnaxēn kēno ala ajo?»

⁸Ata Piyer ga ŷēm ko gē Angoc Amēnēk aŋ, yaka kēbi: «Wēn bēlēngw bēr bulunda bēn,

⁹wēn bēxarēk bēn, wēn nde kēbo ŵēkarand doro mun pel end enjekax end ŝot ko aseŷik do mondake fak ko?

¹⁰Awa nangiŋ wēn dek ang barērēgu kēn ro ak, nangēlexēni bēte Bēyisērayel bēn dek mēne gē panga ind oŵac or Yesu Kērisēt Ibēnasaret, ir fika bano wēn do xaniŋ kēŋo Kaxanu gēr ecēs iŋ, xwēŝaxēn ko abēngw ala ajo ang kēno watēnd ak.

- ¹¹Ang rek Oñëgw Omënëk ak, Yesu Kërisët ex: “Ekaÿ ed şus kën wën bëbaw’ el, Xarak ekaÿ elo ex ed ekëla el, ed gër ebaŵ el .”
- ¹²Apexa aŋ gër Yesu Kërisët gabat ex gayikwa dila gër orën ro, oŵac oşëxe ax gi ex na or këne şotaxëne apexa aŋ.»
- ¹³And wat këni mëne Piyer gë Şaŋ gë anjiÿ këm banëbi yakand aŋ, şaran këbi gayikwa bela bëretoc, bër ax tÿ’a ex na fo hi bani. Bëte axwita xwita banëbi mëne bën hi bax gë Yesu.
- ¹⁴Ga këno nëkon aseÿik ar fakën bano an, wëlan këbi ang kënebi yaka ak.
- ¹⁵Ata fel kënebi eni can na gër Amara and bëxarëk eni wëlëraxën bën fo. And şan këni Piyer gë Şaŋ aŋ, bëxarëk bën këni ŵëkarënd: «Mondake kënebe riye bela bëjo?»
- ¹⁶Gayikako ecarax end ri këni eŋo Yerusalem in dek nangëra këni, biyi ane kor ex na ene wëlëbële.
- ¹⁷Barikan, këdi kë wëli kaş-kaş endey’ eŋo gër Bëyisërayel, besanëbene mbaŋ do cëbanëbene din ala këreno pelënd na end oŵac olo eŋ.»
- ¹⁸Ga ŵacëgu kënebi Piyer gë Şaŋ eni bakaw lëf, wesara kënebi xali, şëban kënebi edey’ara el do gë etÿ’ali ed bela end oŵac or Yesu el.
- ¹⁹Yaka këni Piyer gë Şaŋ: «Şenene nde ex gër ogës od Kaxanu mi baxët endewën eŋ do mi teb end re ko mëŋ eŋ? Ata wën kë xiti de!
- ²⁰Biyi cëŋ, er wat këmi mongwat in do gë end wël këmi mongwël eŋ, ami kor na mi cësinali.»
- ²¹Ata ga wesara kënebi gaşëxe sebët kënebi eni y’e, ani yëxw bana enëbi nëp ga banëbi yëdand bulunda in. Enimin, bër hi bax na bën dek baŋo şëkwënd Kaxanu end er wat bani eŋ.
- ²²Aseÿik ar fak bax gë ecarax eŋo an, bëniy ofëxw onax aşand hi baŋo.

Ed cale ind bësefan bër Yesu eŋ

- ²³And sebët kënebi aŋ, Piyer gë Şaŋ baka këni gër ed barër bani boşandaŵ do sëfëtandërax kënebi dek ang wesara banëbi bëşadaxan bëlëngw bën do gë bëxarëk bër Bëşëwif ak.
- ²⁴Ga baxët kënebi, xetan këbi bën dek eni cale. Ata këni şalend: «Axwën Kaxanu, wëj rik orën ol, gë ebar el. Wëj rik angwëgw aŋ do gë dek bebër hik polo bën.
- ²⁵Wëj fel baŋo gë Angoc Amënëk aŋ Dafid, axarëk arebi an, ariyenin arey’ an, exo de: “Ineŵa wonjoxënëk banjëlan band bër benëŋ becëxe baŋ? Do ineŵa şotaxën këni banjëlan band gë ofëcak këm? Ineŵa këni yëlaraxënënd ang bëşenëk fo?”
- ²⁶Bemun bend gër ebar ro beŋ xanixën këŋo Axwën an, Do gë bëlëngw bën xel këŋo Ar yata këy’o an .”

²⁷«Ata dal ex Axwën Kaxanu, gër angol and Yerusalem ro, Erod gë Poņës Pilat axel xel këno Yesu, ariyenin aŵënëk arey an, ar yata këyo an. Bër ax gi ex na Bëšëwif bën do gë bamëxwër band Bëyisërayel baņ xanixën këno.

²⁸Dek er fëna bay elod gër ŷanar ari këy ri gë panga indey in, ĥata këni.

²⁹Do gërëgako Axwën Kaxanu, ax gi ex na nde aye wat këy ang kënebo wesarand ak? Mëņ ex dëcalëbo biyi bëriyenin bërey bën mi kapina mbaņ gër epemëra ed eyeyan edey.

³⁰Masinëlëbo panga indey in eni pakaxënënd bësëxwëra bën. Bëte diyind becarax do gë bërëcaxik gër oŵac oŵënëk or Yesu ol, ariyenin aŵënëk arey an.»

³¹And šale këni mondako aņ, ebar el rëgëk na gër ed hi bani. Ÿëm këni bën dek gë Angoc Amënëk aņ. Ata ga šapër këni na këni sëfëtërand eyeyan ed Kaxanu el gë anjiŷ këm.

End aminëmëra and bërëŵak eņ

³²Amëxwër and bërëŵak end Yesu bën hi këni onden omat, anjëlan amat. Er šot ko ala kala in, oxwën or bela dek ebox, ala abax xwënaya na napul irexëm in.

³³Oparëxanda ok arey ara bani rey arand gë panga itëm osede or mënë Axwën Yesu axani xani ko gër ecës ol, do oyekax osëm šot bani bën dek.

³⁴Ar xaŷënëk ax gi bana gër bësëfan. Dek bër hi bax gë ocënga bën, gë bër gë bëciŵ bën, afan bani fanënd eni mëlau kodı in.

³⁵Dek bani ŵëlawënd eni kwët gër osapar or oparëxanda. Ata bën bax šetënd ala kala ang hik obal orexëm ak.

³⁶Arandëwëra and Lewi ar bano ŵacënd Yosef an, do nëngwët bano oparëxanda ok Barënbabas mënë ngëņ «Axemën ar bëmaŷe an» xaniw bax gër ebar ed Šipër.

³⁷Ga fan ko ošënga orexëm ol, ŵëlaw ko kodı in do xwët ko gër osapar or oparëxanda.

Bandixa 5

End Ananias do gë Safira eņ

¹Barikan bër gë ašan, Ananias do gë Safira hi baxëna. Ananias ga fan ko ošënga orexëm ol,

²šona ko mar kodı in ga xet këbi ga alindaŵ exo di mondako. Ŵëlaw ko kodı ir bayi bax in xwët ko gër osapar or oparëxanda.

³Ata re ko Piyer: «Ananias, ine seboxën këyo Sindan xëñ ko gër emëkw edey xali këy nëgwëšënd gër Angoc Amënëk, xarak ašona šona këy mar kodı ir fanaxën këy ošënga in.

⁴Ošënga olo, orey hi bax, and fan këy aŋ akanji and yël këni aŋ, andey hi bax. Ine yëlaraxën këy endey eŋo? Awa Kaxanu wa ŷandi baxi eyo yifa, ax gi ex na bela.»

⁵Sam ga wël ko na eyeyan elo, Ananiyas wëc ko kërud, xoti ko kwël na fo. Ata dek bër wël bax endey eŋo bën lëk këbi anjiŷ atëm.

⁶Ocambenjar ok xani këni, fëlëra këno, wëla këno, do wëxëtax këno.

⁷And xucak në bapëxëd batas aŋ, lilëgu ko alindaŵ ar Ananiyas nangërëxe er xucak in.

⁸Ata wëka këno Piyer: «Pelële ba gë akanji aŋo dëŋ fanaxën kën ošënga orewën ol?» Yaka ko: «Iyo go dëŋ fan këmi.»

⁹Aŋo re ko Piyer: «Mondake wa xet baŋun en tÿyi eno yifa Angoc and Axwën aŋ? Awa nëkodëbi gër ebët bër wëxëtagu këno icën indey bën, bëte bën fo ki wëla.»

¹⁰Ataŋ Safira wëc ko kërud gër osapar or Piyer, xoti ko. Ga lilëgu këni ocambenjar ok, sëk këno ašësëk. Na wëla këno do wëxëtax këno ler gër icën indexëm.

¹¹Dek bër gër Amara and Yesu bën do gë bër bax wëlënd endey eŋo bën babi lëkënd anjiŷ atëm.

End becarax bend oparëxanda eŋ

¹²Becarax do gë bërëcaxik bendanjëm bani rind oparëxanda ok gër ogës od Bëyisërayel. Bërëŵak bën dek abarër bani barërënd gë anjëlan amat, dila gër lilaya ir aner and wëcan bano Salomoŋ, gër yangana ir Aciŵ and Kaxanu.

¹³Ala ašëxe abax yëxw na ebi tëka. Barikan bulunda in mbaŋ banëbi šëkwënd.

¹⁴Ata kaš-kaš bani ŷëmbërënd bela bër ŵak end Axwën bën xali hi këni amëxwër atëm and bësošan do gë bësoxari.

¹⁵Awëlara banëbi wëlarawënd bëšëxwëra bën gër opëña oňangax od gër angol and Yerusalem do enëbi kwëtëra tar fëña in: bëjo në bëngaŵ, bëjo në bandago ebi kwixëtaxën ndakaŋ abat abat eñaŵ end Piyer eŋ.

¹⁶Bela bërënjëm bax xanirawënd bangol band ler gër Yerusalem baŋ do banëbi wëlawënd bëšëxwëra do gë bër babi soronënd bangoc baňëŋëxax, do bën dek bani fakërand.

End toro ind oparëxanda eŋ

¹⁷Ata ašadaxan alëngw an do dek gë bër hi bani Amara amat bën, mène ngëŋ amara and Osaduseŋ eŋ, këbi ŷakëraxind mbaŋ end oparëxanda eŋ xali yen kënebi.

¹⁸Ga sëra kënebi, fëra kënebi gër epëra ed gër angol.

¹⁹Barikan ŷow gëmëd meleka ir Axwën in, fërëtëra ko owët or epëra oŋ, necët këbi oparëxanda ok, do fel këbi:

- 20 «Yeyin gër yangana ir Aciw̃ and Kaxanu, enëbi pelëra bulunda in dek bend Aniyān and din beŋ.»
- 21 Ga wël këni eŋo, y'e këni mopëd gëbër kënebi sëyaliraxënd bela bën gër yangana ir Aciw̃ and Kaxanu. Ata ašadaxan alëngw an gë bër hi bani Amara amat bën, w̃acër këni gë bëxarëk bër Bëyisërayel bën. Ga yëpara këni gër ed bani fedërënd, law̃en këni enëbi y'en oparëxanda ok gër epëra.
- 22 Bënëkona bën ga h̃at këni, nema kënebi. Ata ga wërëšëta këni, reyax këni:
- 23 «Ga h̃at këmi sëk epëra el mopëra aye, do gë bënëkona bën mokwëšara ala kala gër ebët ed fel këno, bari and fërët këmi owët aŋ, ala gabatak amo tøk ex na lëf.»
- 24 Ga wël këni eŋo, alëngw ar bënëkona bër Aciw̃ and Kaxanu an do gë bëšadaxan bëlëngw bën wëlandëra këbi, do këni wëkarënd ba mondake kë h̃ata endey eŋo.
- 25 Ata h̃atëgu ko na ala ko sëfëtënd: «Bër fëra banëbi bën, gër yangana ir Aciw̃ and Kaxanu kënebi sëyalirand de bela bën.»
- 26 Alëngw ar bënëkona an do gë bošandaw̃ y'en kënebi. Ga sëraw kënebi wëlaw kënebi endëmane fo gayikwa ayëda banëbi yëdand bër gër amëxwër bën ba afëtëra kënebi fëtëra gë oxaỹ.
- 27 Ga h̃ateli kënebi, xwëšan kënebi gër lëngw ir Amara and bëxarëk. Ata re ko ašadaxan alëngw an:
- 28 «Ax gi ex na nde wën šëban bamun etëyalı ed end oŋac olo eŋ? Nëkod gër angol and Yerusalem ro, osëyalı orewën olo fo xëñëk. Bëte biyi kënebo nöpënd end ecës ed ala ajo eŋ!»
- 29 Ata Piyer gë oparëxanda ocandaw̃ ok yaka këni: «Biyi edi ed ed er re ko Kaxanu in yapan këbo, ax gi ex na er re këni bela.
- 30 Kaxanu, mëŋ ar xwënëk këbi bëxarëk bërebi an xanin këŋo Yesu ga law̃ bano wën mopika në osëx.
- 31 Kaxanu wa fela këŋo gë ataxan and liw̃ andexëm aŋ, do hi ko Emun do Afexën ebi yëlxën Bëyisërayel bën enëngwëta ed dek ola orebën el do gë eteban ed beñëŋëx bendebën el.
- 32 Biyi do gë Angoc Amënëk and këbi yëlënd Kaxanu bërëw̃ak endexëm aŋ, biyi ex otede od watëk beŋo ok.»
- 33 Ga kënebi baxët, bër yëpara bax bën xoỹ këni xali xurik. Ata yandi këbi enëbi daw̃ monaw̃.
- 34 Ata Fariseŋ ir bano w̃acënd Gamaliyel in, ašalen ar h̃an bano mbaŋ bulunda ir Isërayel an dek, xani ko gër Amara and bëxarëk bër Bëšëwif, re ko enëbi nęcët oparëxanda ok imëd.

- ³⁵Ata re ko: «Wën Bëyisërayel, yëlarayin aye ang ÿandi kënjun enëbi di bela bëjo ak.
- ³⁶Ax nëka ex na ga wat banëjone ala ar bano w̄acënd Tëdas, ga baxo rend mëne mëj ar gapak hi ko. Sëfa këno bela okeme onax. And law̄ këno aŋ, dek bër xwëta baŋo xali këno sëfarand bën şapërëra këni, gabatak ax bayi ex na.
- ³⁷Ga xucak end Tëdas eŋ, bëtëgu ko Yuda, Agalile an, angwën and Oñëgw od bela aŋ. Mëj bête gë bësëfan hi baxo. Law̄ këno do dek bër w̄a bax endexëm bën şapërëra këni .
- ³⁸Mëj ex gërëgako ga re këme, kërex bayi na ga kënjun balënd end bela bëjo eŋ; tebëtinebi eni y'e. Angëmëne er këni şaland eni di in end bela fo ex, ayëcar këni yëcar.
- ³⁹Barikan angëmëne gër Kaxanu xaniwëk, an kor na enëbi yëc. Mëj ex, yëlarayin aye këdi këno sakëreli Kaxanu.» Ata bër gër Amara and bëxarëk bër Bëşëwif bën w̄a këni eyey'an ed Gamaliyel el.
- ⁴⁰W̄ac kënebi oparëxanda ok, şewëra kënebi xali, şëban kënebi eyey'andëra ed end oŋac or Yesu el, do kwël sebët kënebi.
- ⁴¹Ata oparëxanda ok şan këni gër Amara and bëxarëk bër Bëşëwif, gë onënga fo gayik Kaxanu yata babi eni toro në end oŋac or Axwën Yesu.
- ⁴²Ata key yo key banëbi sëyalirand bela bën gër yangana ir Aciw̄ and Kaxanu do gër bëciw̄. Ani teb bana etëyalı ed Atëfëtan and Afexën Yesu Kërisët el.

Bandixa 6

End eyata ed ojakër eŋ

- ¹Ata gë bakey baŋo, bësëfan bër Yesu bën kwël dëj bani başërëgund. Ata bësëfan bër kë yey'anënd Gërek bën anëp banëbi nëpënd bër kë yey'anënd ed Bëşëwif bën gayik bësoxari bësebëta sebëta bër enga endebën bën alangangan banëbi langanganënd gër acetëra and key yo key.
- ²Ga nang këni eŋo, oparëxanda epëxw gë oki ok bar kënebi amëxwër and bësëfan aŋ, do re këni: «Ax ñap na mi teb andiyen and eyey'an ed Kaxanu aŋ do mi kwënda ecet ed ey'amb-y'amb.
- ³Fëcak enëbi yata wën dëj ro gër Amara bësoşan bëcongëbëxi, bër gë osede or şenene, bër yëmëk gë Angoc Amënëk do gë orenik, do biyi mëni kwëtënan andiyen aŋo.
- ⁴Biye cëj yëlayalemi gër cale do gër andiyen and eyey'an ed Kaxanu.»
- ⁵Ga wël këni eŋo, ang ebani ak dek nëngan këbi. Ata yata kënebi: Ecen, ar xwëta baŋo mbaŋ Kaxanu do yëm baxo gë Angoc Amënëk an, gë Filip, gë Përokor, gë Nikanor, gë Timoŋ, gë Parëmenas, do gë Nikola İbaŋëcoş, aşalek an .

⁶Ga w̄elaw kënëbi gër oparëxanda, bën şalen kënëbi and mokwëtan otaxan ok.

⁷Eyey'an ed Kaxanu el kwël dëŋ bax ŷañënd do këni ŷëmbërend kaş-kaş bësëfan bën gër Yerusalem. Ata amëxwër atëm and bëşadaxan xwëta baŋo Yesu.

End etëra ed Ecen eŋ

⁸Ecen, ga ŷëm ko gë oyekax do gë panga, ko rind bërëcaxik do gë becarax mërëxand bulunda ir Isërayel.

⁹Bëşëwif bër hi bax gër aciw̄ acaleya and bani w̄acënd and Okadëp otebësebët aŋ, gë Bëşëwif Bësiren, gë Bëhalekësandëri, do gë bër xaniraw bax gër owar or Silisi do gë Asi bën këni şampërend gë Ecen.

¹⁰Bari abani xorënd na eni cembët orenik or baŋo yëlënd Angoc and Kaxanu ol and baxo yey'anënd aŋ.

¹¹Ata şoñëra kënëbi gë kodî bësoşan bërëmar, ata bën këni rend: «Biyi awël wël këmo ga ko rey'a bend şëban këni Moyis do gë Kaxanu.»

¹²And yëlëtaw kënëbi bulunda in, gë bëxarëk bën, do gë bëşalen aŋ, ŷow këni gër ed hi baxo Ecen. Ga sëra këno na, w̄ëla këno dimb-dimb gër Amara and bëxarëk bër Bëşëwif.

¹³Şalaw kënëbi otede onëgwëş, do bën këno nëgwëşandërand mondako: «Ala ajo kë rey'arand bend ŷepënënd Aciw̄ amënëk aŋo do acariya and Moyis aŋ.

¹⁴Gayikwa biyi awël wël këmo ga ko re mëne Yesu Ibënasaret ayam ko yam aciw̄ aŋo do anëngwët ko nëngwët bapela band yël këbo Moyis baŋ.»

¹⁵Ata dek bër gër Amara and bëxarëk bën fab këno laŋ Ecen. Wat këni dëxas irexëm in ga nëngwëtak jing-jing ang ir meleka fo.

Bandixa 7

End epemëra ed Ecen eŋ

¹Ata aşadaxan alëngw an w̄ëka këŋo Ecen: «Dal dëŋ nde ex end këni rend eŋo?»

²Yaka këŋo Ecen: «Wën bëmaŷe, gë faba bën, baxëtine! Kaxanu, mëŋ ar gë enjaran an, şanaŷaxën baŋo Abëraxam, axarëk arebi an and hi baxo gër ebar ed Mesopotami aŋ, damana rëfaxënëgu ko gër ed Xaraŋ.

³Mondako fel baŋo: “Canël ebar edey' el do gë ekun edey' el, do ŷel gër ebar ed këmi w̄asin .”

⁴Amëd aŋo şan ko Abëraxam ebar ed Bëkalëde el do ŷe ko lëgëx ko gër Xaraŋ. And şës ko sëm aŋ, Kaxanu xucaliw këŋo ro gër ebar ed lëgëra kën gërëgako.

⁵Bebët gibatak aŋo yël bana oxwën ol gër ebar elo ro, ado gër ko xwët sapar dëŋ. Barikan bey'a këŋo mëne ayël këbi yël oxwën ol, mëŋ do gë andëwëra andexëm aŋ and ko xuca aŋ, xarak angwën aŋo Abëraxam axo gi bana gë obaş.

⁶Kaxanu afel baño: “Bërandëwëra andey bën ro këni xanid eni ye në ebar ediyer. Fën kënebi rixëd okadëp do enëbi dixëra xali në bëniy okeme onax.

⁷Barikan wëno këbi xitid enëng end bër kë rix okadëp odebën eñ. And kë xuca eño añ, ašan këni šanëguđ eni yow ro ene caleratind .”

⁸Ata Kaxanu yata këño eter el Abëraxam gë oxac ol. Abëraxam ga rëw këño Isak, xac këño yatir sëk këño bakey banjongëbatas. Mondako fo ri baxo Isak ga rëw këño Yakob. Bëte Yakob mondako fo xacëra babi odëmëta epëxw gë oki, od hik bëxarëk bërebi ok.

⁹«Bëxarëk bërebi bëjo, fan baño Yosef gayik ayakëraxi babi yakëraxind endexëm eñ. Do bër yëc baño bën wëla këno gër ebar ed Misëra. Barikan Kaxanu gë mëñ hi bani.

¹⁰Aracët racët baño gër đek ocëmu odexëm, yël këño oyekax orexëm ol do gë orenik ol gër lëngw ir Farawoñ, emun end gër ebar ed Misëra eñ. Emun eño yata baño Yosef hi ko alëngw ar ebar ed Misëra do gë đek ekun edexëm an.

¹¹Angwën año lil babi eño gër ebar ed Misëra xali gër ed Kanahañ. Ata bëxarëk bërebi bën mbañ šëmura babi, abani šot na er këni yamb in.

¹²Ga wël ko Yakob mëne eyamb exëna gër ebar ed Misëra, lawën këbi añanar bëxarëk bërebi bën.

¹³And lawën këbi akinëm añ, xwita këno Yosef and fel këbi mëne mëñ ex imaýe indebën iñ. Año fo nang ko Farawoñ enëng end fe hi ko Yosef.

¹⁴Ata Yosef lawën ko enëbi yen sëm Yakob do gë ekun edexëm el đek, ang hi bani bela ofëxw ocongoxi gë bëco.

¹⁵Mondako šëla baxo Yakob gër ebar ed Misëra, gër ed šësërax këni mëñ gë bëxarëk bërebi bën.

¹⁶Awãýeli wãýeliraw kënebi gër Sišem do wëxëtara kënebi gër ýeg ir yëc baxo Abëraxam, gë kodí, gër otaxan od bosëñiñ bor Amor, gër Sišem.

¹⁷«Ga kë saxëgu amëd ebax exo ñata Kaxanu er beya baño Abëraxam añ, bërandëwëra and Yakob bën šënar këni mbañ gër ebar ed Misëra,

¹⁸xali bëtëgu ko emun ecëxe, end año nang bana Yosef.

¹⁹Ata emun eño ýana ko këbi sitinaxënënd enëng endebi eñ do këbi rixërand bëxarëk bërebi bën. Anëýali babi nëýalind bësoxari bër enëng endebi bën enëbi ñañëtand bëtošan bëndoyer bëñ, këreni bayi na ga këni liya.

²⁰Angwën año rëw këno Moyis, ata bëxarëk bërexëm bën wat këno mëne itox ikëbënaxik exo gër ogës od Kaxanu. Nëm yerin këño opacañ otas gër iciñ ind sëm.

²¹And ýañëta këño añ, abiñ ar Farawoñ, wëda këño do rafën këño ang asëñiñ ar rëw këño mëñ dëñ.

22And raf ko aŋ, Moyis sēya ko đek onangëran ol or Bëmisëra ol, ata hi ko ar gapak, ar xamëk eyeyan do gë edi ed beÿ đek.

23And šot ko bëniy ofëxw onax aŋ, Moyis yëlara ko ebi tēka bër enëng endexëm bën, Bëyisërayel bën.

24Watëx këŋo Amisëra ga këŋo xëm Ayisërayel abat, ata yakan këŋo ar enëng endexëm an. Ga këŋo wãšan, ang ŷap bax acariya ak, ar bano xëmënd an, laŵ monaŵ Amisëra an.

25(Er yëla baxo mēne bër enëng endexëm bën afëni kēbi fëni mēne Kaxanu wëlanëgu babi apexa aŋ paŋ gë mēŋ, bari abi pëni bana.)

26Në ecan ijo, Moyis sëk kēbi Bëyisërayel bëxi ga kēni xëmër. Ga këŋo xacëra ebi bakali gër angwëlëra ko rend: “Oko wën bër aminëmëra hi kën. Ineŵa kën xëmëraxënënd?”

27Barikan ar baŋo xëmënd ašandaŵ an, fim këŋo Moyis, re ko: “Wëj noÿo wa yata ki ey gi alëngw do axiti arebi?”

28Ba ŷandi ki nde ey'e đaw wëno bēte ang laŵ këyo ganëka Amisëra ak?”

29Ga wël ko eŋo, Moyis hër ko yeŋa gër ebar ed Majaŋ, gër ed rëwëx kēbi bëtošan bëki.

30«Ga xucak bëniy ofëxw onax, meleka šanayaxën këŋo gër ladawe, ler gër etënd ed Sinayi, në acëc and gë xodux or bax ŷegënd xafa-xafa.

31Ga wat ko, Moyis šaran këŋo xali, and baxo sëkand exo kamanaxën, wël ko oniŵ or Axwën Kaxanu ol:

32“Wëno ex Kaxanu, ar yata kēbi bëxarëk bërey an Abëraxam, gë Isak do gë Yakob.” Moyis ga këŋo rëgën, seŋ ko onëkon ol.

33Ata re ko Axwën Kaxanu: “Peđetal baped band gër osapar oreÿ baŋ, gayikwa gër ed hi këy ro ebar ecëbax ex.

34Awat këme watënd etëm end hi kēbi Bëyisërayel, bulunda iram eŋ, gër ebar ed Misëra. Awël këme wëlënd ang kēni wëcarënd ak: anëka fedaw këme mēni dacëtaxën. Gërëgako ŷow mi đawën gër ebar ed Misëra.”

35«Moyis, ar ŷaxëta bano do bano rend: “Wëj noÿo yata ki ey gi alëngw do axiti arebi an”, Kaxanu laŵën baŋo gër ebar ed Misëra ang alëngw do afexën gë panga ind meleka ir šanaÿaxën baŋo gër acëc and gë xodux iŋ.

36Mëŋ necëtëgu kēbi Bëyisërayel bën ga ko ri becërëcaxik do gë becarax fën gër ebar ed Misëra, gër angwëngw ambarax, do gër ladawe, xali nekak bëniy ofëxw onax.

37Moyis ijo fel babi Bëyisërayel bën: “Kaxanu këŋo yatađ, ar enëng endewën exo gi alaŵënel ar ang wëno ak.”

38 Bëte and hi bani gër ladawe aŋ, Moyis ijo hi bani gë meleka ir baŋo felërand gër etënd Sinayi in, and hi bani bëxarëk bërebi gër ladawe aŋ. Awël wël baxo eyey'an ed aniyan ed babi hátelinënd el.

39 Bari bëxarëk bërebi bën abi ñandi bana eno baxët, are bano rend exo pacana; banjêlan bandebën baŋ bakali bani gër ebar ed Misëra.

40 Ata fel këno Aharoŋ: "Wëj, dinëlëbo tan bebër kë hi Kaxanu irebi, enëbo dëngwelixënënd fëña in. Moyis, ar necëtëgu këbo gër ebar ed Misëra cëŋ, biyi ami nang ex na ba ine rix këŋo."

41 Gë bakey baŋo ri bani Bëyisërayel bën atox and ang atombo fo. Ata gër edaâ elo ri bani şadaxa, gër er ri bani gë otaxan odebën in, ri bani ofëna .

42 Ata Kaxanu hawëta këbi do seb këbi këni xëland bebër bani watënd y'aŋ gër orën. Eŋo yëgw këni gër akayëta and bëlawënel: "Wën ekun ed Isërayel ba wëno nde bane hâşënënd oyel, arin nde bane rinënd ocađaxa bëniy ofëxw onax bënd ri kën gër ladawe bëŋ?"

43 Awëlara ban wëlarand aner and Molok aŋ do gë emal ed kën wacënd Refaŋ el, batox baŋo rinaya kën en poxixënënd gër lëngw irebën! Awa wëno bëte aŋaŋ këmun wãŋ yabët ebar ed Babilon el!"

44 «Kaxanu yël babi aner and Osede aŋ bëxarëk bërebi bën, gër ladawe. Aner aŋo, Moyis ri bax ga wâtinali baxo gë and wâsin baŋo Kaxanu aŋ.

45 And xana këni aner aŋo aŋ, bëxarëk bërebi bën do gë Yosuwe, ar babi lëngwëlind an, háteliw këni gër ebar ed xwën bani benëŋ bend wãŋ babi Kaxanu gër lëngw irebi eni bëtaxën beŋ. Mondako hi bax aner aŋo xali angwën and Dafid aŋ,

46 mëŋ ar şot bax oyekax gër lëngw Kaxanu an, mëŋ ar wëka baŋo Kaxanu exo ma eŋo din edëg ed din gër ekun ed Yakob.

47 Barikan asëñiŋ Salomoŋ bay bax aciŋ aŋo.

48 Xarak, Ar-hik-y'aŋ an axo dëgënd në er rik otaxan od bela, ang yëgw ko alaŋwënel mëne Axwën Kaxanu rek:

49 "Orën ol ex añëpara and owun oram aŋ, do ebar el, ambëñaxën andam. Aciŋ and fe këne bayën? Feye nde kë hi ateyëtaya andam aŋ?"

50 Ax gi ex na nde ataxan andam aŋ rik er ex yo?"

51 «Ata wën bela bër kë wëşind mbaŋ hi kën de. Oŋkw orewën oŋ afarëđadi farëđadi, do banëf bandewën baŋ axem xemëk. Wën din këno wëşënënd Angoc Amënek aŋ, ang bani rind bëxarëk bërewën ak.

52 Alaŋwënel ar fe bayik ano dixëra ex na bëxarëk bërewën bën? Ax gi ex na nde alaŋwëra laŋwëra kënebi bër babi nangënënd gana-gana fo mëne Ar şenene an në eyow exo? Ar şenene ajo, wën lëxw këŋo, wën laŋ këŋo.

⁵³Ax gi ex na nde omeleka ok w̃ëlanëgu kënun acariya and Kaxanu aŋ wën bulunda ir Isërayel in? Bari an ma ex na en tēf!»

End ecës ed Ecen eŋ

⁵⁴Er wël bani in axurixën xurixën babi, ata ala kala ko ĥatënd ebasal, ga logëndëra këbi.

⁵⁵Barikan Ecen, ga ỹëm ko gë Angoc Amënëk aŋ, xeŋa ko orën ol. Wat ko enjaran end Kaxanu eŋ, wat këŋo bëte Yesu mokwëša gër liw̃ ir Kaxanu.

⁵⁶Ata re ko: «Orën ol wafërëluŋ këme watënd, bëte në ewat emo Asëñiw̃ ar ala an ga xwëša ko gër liw̃ ir Kaxanu.»

⁵⁷Ata bër baŋo wëlënd bën šoya këni banëf baŋ, ga yobali këno na, w̃ëlën këno andamat bën đek.

⁵⁸Šonjorëra këno xali nęcët këno angol and Yerusalem aŋ, do fëtërax këno gë oxaŋ xali law̃ këno. Otede ok axwët xwët bani banjëm bandebën band bani gër osapar or šambenjar ir bano w̃acënd Sol.

⁵⁹And bano fëtërand aŋ, Ecen ko šalend mondako: «Axwën Yesu, kanal angoc andam aŋ!»

⁶⁰And foxi ko aŋ, xeŋ ko acakax: «Axwën, kërey'ëbi nëp na eñëjënax eŋo!» And ĥata ko aŋ eŋo aŋ, Ecen raš këŋo gër ecës.

Bandixa 8

¹Ata Sol, moñapan ỹapan baŋo ga law̃ bano këno Ecen.

End edixëra ed Amara eŋ

Yatijo fo ỹana bax edixëra eyëkaxik ed bër gër Amara and gër Yerusalem el. Bësëfan bën đek hër këni angol aŋ, (bayi këni wayët oparëxanda ok). Mondako šapërëra bani bëjo gër ebar ed Yude, do bëjo gër ed Samari.

²Bela bër šenene w̃ëxëta këno Ecen sam ga ỹaw̃ëra këno.

³Xarak amëd aŋo ỹana baxo Sol yęc bër Amara and Yerusalem bën. Gë ebët gë ebët baxo sëfërand bëciw̃ bën ebi đëbëtëraw: hik asošan, hik asoxari, ebi đapëx gër epëra.

End Filip gër ebar ed Samari eŋ

⁴Bër šapër bax bën hërëra këni do këni rey'araxënd Atëfëtan aŋ.

⁵Ata Filip šëla ko në angol and gër ebar ed Samari do ko femëraxënd end Afexën eŋ.

⁶Bela bën, bamëxwër bamëxwër, gë anjëlan amat, bani xwëtand er babi felënd Filip in, ga këni wël do ga këni wat becarax bend baxo rind beŋ.

- ⁷Gayikwa bangoc bañëñenax bax şandërand gër bela bëranjëm, and kënëbi ñerëndëra aņ. Bëte bëseŷik do gë bërëgobo bëranjëm bax fakënd.
- ⁸Ata onënga osëm hi bax gër angol aņo.
- ⁹Xarak ala ar bano wacënd Simon hi baxëna gër angol aņo, aşarinara baxo şarinarand gë mbej indexëm iņ. Gër bulunda ir ebar ed Samari baxo rind mondako do baxo rend mëne ar gapak hi ko.
- ¹⁰Ata Bësamari bën dek, hik itox, hik axarëk, axwëta xwëta bano, do bani rend: «Ala ajo dëņ ex ar gë panga ind Kaxanu, ind ex Panga itëm an.»
- ¹¹Axwëta xwëta bano gayik elod anëka fo baxo şarinarand gë mbej indexëm iņ.
- ¹²Barikan and xwëta këno Filip aņ, mëņ ar babi felërand Atëfëtan and owun or Kaxanu do gë oŵac or Yesu Kërisët aņ, ŵa këni enëbi buyi, hik asoşan, hik asoxari.
- ¹³Simon mëņ dëņ ŵa ko buyi këno, ata abaņo nacëta na Filip ga baņo şaranënd becarax do gë bërëcaxik bend baņo watelind beņ.
- ¹⁴Oparëxanda od gër Yerusalem ok, ga wëlëx këni mëne Bësamari bën axana xana këni eyey'an ed Kaxanu el, laŵënegu kënebi Piyer do gë Şaņ.
- ¹⁵Ga şëla këni gër angol aņo, şalendëra kënebi eno cotaxën Angoc Amënëk aņ.
- ¹⁶(Gayikwa Angoc Amënëk aņ axo pedaw bana pere gër ola orebën. Xobuyi or gër oŵac or Axwën Yesu ol fo buyi banëbi.)
- ¹⁷Ata Piyer gë Şaņ şalendëra kënebi mokwëtan otaxan ok, ataņ şot këno Angoc Amënëk aņ.
- ¹⁸And wat ko Simon mëne bela bën aşot këno şotënd Angoc Amënëk aņ gë ekwëtan ed otaxan ed oparëxanda el, wëlanëgu këbi kodî Piyer gë Şaņ
- ¹⁹do re ko: «Yëline wëno bëte or gapak olo, mëņ këņo ŷana eņo cotënd Angoc Amënëk aņ ar këmo xwëtan otaxan an.»
- ²⁰Ata re ko Piyer: «Kodî irey' in nemilex do exi mëlali gayikako wëj ako yëla këy anjëla and ko yëlënd Kaxanu aņ ayic këni yicënd gë kodî.
- ²¹Wëj eņo ax mënd ex na ang këy şot gayikako axi ñap ex na dëņ. Gayikwa emëkw edey' el asëmba sëmbak gër ogës od Kaxanu.
- ²²Awa tebël anjëlan añëñenax aņo, do karalo Axwën an exi teban oñandi od emëkw edey' ok, angëmëne eņo awënd wëndëk.
- ²³Gayikwa në ewat eme mëne wëj mokëda xëda ki oy'akëraxi ol do gë osëmbak ol.»
- ²⁴Yaka këņo Simon: «Awa karanine wën dëņ gër Axwën, kërexe gi na er re kën ijo.»

²⁵Ata Piyer gë Şaş baş këni osede ol do epemëra ed eyey'an ed Axwën Yesu el. Ga këni wāyi ond gër Yerusalem oñ, këni femëraxënd Atëfëtan añ tar fëña in gër bëngol bënd Bësamari.

End Filip do gë Abecopi eñ

²⁶Ga xucak beño, meleka ir Axwën Kaxanu in fel këño Filip: «Yel gand ambëtëb, tëfël fëña ir xaniwëk gër Yerusalem do şëlak gër Gasa, ir ladawe in.»

²⁷Ata Filip xani ko do y'e ko. Xarak, şambenjar İbecopi ijo, ar gapak ar gër eyang ed Kañëdas, emun etoxari end gër ebar ed Ecopi eñ, anëkona ar ðek napul ir emun etoxari elo an, y'ow bax cale gër Yerusalem.

²⁸Ga ko wāyi, yëpa y'añ gër şaret irexëm, ko fënërand mongwëli oniw ol, akayëta and alawënel Esayi añ.

²⁹Ata Angoc Amënek añ fel këño Filip: «Maral ey' tëka şaret ijo.»

³⁰Filip ga hër ko, sëka ko, wël këño Abecopi an ga ko fën akayëta and alawënel Esayi añ, wëka këño: «Afëni nde ki fëning er këy' fënënd in?»

³¹Yaka këño: «Mondake këme xor ex pëni, angëmëne ala axe paÿën ex na?» Ata wac këño Filip eño ketëna y'añ gër şaret.

³²Gër ed labët baxo akayëta, er yëgw baxo ala wënel an: «Alas las këno ang ifey' ir eñaş fo. Ang xondo ir ax tesënd na gër lëngw ar kë hãşënd omban ondexëm fo hi ko, axo yeband na etey' el.

³³Gë ebana ed bana ko el xanaxën këno er xwën ko in. Gër bër anjex andexëm, noÿo kë rey'a? Gayikwa aniyand andexëm añ rëxët këni gër ebar.»

³⁴Ata Abecopi an wëka këño Filip: «Këla pelële, noÿo këño rend ala wënel an? Mëñ dëñ nde ba ala aşëxe nde?»

³⁵Ata hëbëta ko Filip, y'ana ko gër Oñëgw oko dëñ nangëanaxën këño Atëfëtan and Yesu añ.

³⁶Ga këni y'e kwël, hãt këni ler në anjer. Abecopi an re ko: «Nëkodã men oñ, ine bayik, ay'e buyi na nde exe capëraxëne?»

³⁷[Yaka këño Filip: «Angëmëne awa wa këy' gë emëkw edey' el, awënd wëndëk mi buyi.» Añ re ko Abecopi an: «Wëno awa wa këme mëne Yesu Kërisët ex Asëniw ar Kaxanu an.»]

³⁸Fel këbi bëhëreli bër şaret bën eni kwëşa. Ata mëñ gë Filip fëra këni polo gër anjer. Filip buyi këño.

³⁹And şëpëta këni añ, Angoc and Axwën añ wëd këño ñat Filip, Abecopi an anema fo nema këño. Mondako fakët baxo ðamana irexëm in gë onënga fo.

⁴⁰Filip mëñ cëñ, watayax ko gër angol and Asot, do ko femëraxënd Atëfëtan and Yesu añ gër angol gë angol, tar fëña in, xali hãt ko gër Sesare.

Bandixa 9

End Sol gër fëña ir Damas enj

- ¹Barikan amëd aņo, anjëlan and Sol aņ er hi bax wayët ebi narëndërand bësëfan bër Axwën Yesu bën xali ebi dawërand. Ga y'e ko gër ašadaxan alëngw,
- ²xara këņo enj yël okayëta od ebi tëraraw bër kë sëfënd end Yesu bën gër baciw̄ bacaleya band gër angol and Damas, do ebi mëlraw mokap gër Yerusalem: hik asoxari, hik asošan.
- ³Ata gër fëña, and hi ko đam gër Damas aņ, xul këņo bërëxadët angoben and xaniw bax gër orën.
- ⁴Wëc ko bëdëcët gër ebar do ko wëlënd oniw̄: «Sol, Sol, inew̄a këy'e rixëraxënënd?»
- ⁵Yaka ko Sol: «Axwën, wěj nojō w̄a hi këy?» Wël ko bëte: «Wëno ex Yesu, ar këy'o rixërand an. Ata wěj mo ñëka ki y'ëka.» Sol ga wëlandëra këņo, këņo rëgënënd. Aņo w̄ëka ko: «Axwën ine ȳandi ki me di?» Ata re ko Axwën an:
- ⁶«Kanil eȳ ñat gër angol, fën këni felëx er ȳandi ke eȳ di in.»
- ⁷Bër hi bani enga emat bën ĥaxën këbi laņ ako gër ed xwëšara këni. Dek dëņ bani wëlënd oniw̄ ol, bari ala abano wat na.
- ⁸Ata ga xani ko na gër ebar Sol, aĥeda yo aĥeda, abaxo watëra na. Monas fo las bano xali ĥat këni gër Damas.
- ⁹Okey otas ri baxo watërarëxe, ȳambërarëxe do cebërexe men.
- ¹⁰Xarak na gër angol and Damas asëfan ar Yesu hi baxëna do bano w̄acënd Ananiyas. Axwën Yesu ga šanayaxën këņo në lakeli w̄ac këņo: «Ananiyas, Ananiyas!» Yaka ko: «Ayaka, Axwën!»
- ¹¹Re ko bëte Axwën an: «Kanil eȳ tëf fëña ir këni w̄acënd “Ir gwer-gwer in” xali gër iciw̄ ind Yuda eȳëbi mëka ar këno w̄acënd Sol, Ibëtarës. Gër ed ko šalerand
- ¹²wat këņo në lakeli ar këno w̄acënd Ananiyas ga lilëgu ko do xwëtan këņo otaxan ok exo watëraxën gašëxe.»
- ¹³Yaka ko Ananiyas: «Axwën, wëno bëranjëm wël këmëni mëne ala ajo mbaņ këbi rixërand gër Yerusalem bër yata këy'ëbi bën.
- ¹⁴Bëšadaxan bëlëngw bën yëlëgu këņo or gapak or ebi tëraxën dek bër kë šalend ōwac oreȳ bën.»
- ¹⁵Barikan Axwën Yesu fel këņo bëte Ananiyas: «Yel mondako dëņ, wëno yata këņo ala ajo. Wëno yata këņo ebi nangëndërand end ōwac oram enj bela bër benëng becëxe bën, gë bemun beņ, do gë Bëyisërayel bën.
- ¹⁶Aw̄asin këmo w̄asin ang ko soro në end ōwac oram ak.»

¹⁷Ata w̃a ko Ananiyas do kw̃el ỹe ko. And h̃at ko g̃er iciw̃ aŋ, wat k̃eŋo Sol. Ata re ko: «Abaŷe Sol, Axw̃en Yesu ir ŝanayax̃eñegu ki g̃er f̃eña, law̃eñegu ke eỹ wat̃erax̃en gaŝ̃exe do eỹ ñem g̃e Angoc Am̃eñek aŋ.» Ga xw̃etan k̃eŋo otaxan ok ŝalen k̃eŋo.

¹⁸Ataŋ xob̃etak g̃er bang̃es beb̃er ang okop, ata Sol wat̃era ko gaŝ̃exe. Na ga xani ko, buyi k̃eno.

¹⁹And ỹamb̃era ko aŋ, w̃ac̃ew̃aca ko gaŝ̃exe. Mondako ŝoma babi b̃es̃efan b̃er Yesu b̃en g̃er Damas xali xeỹera k̃ebi bakey bandanj̃em.

²⁰Ataŋ kw̃el na g̃er Damas fo ỹana baxo Sol ko fem̃erand g̃er b̃aciw̃ bacaleya m̃ene Yesu ex As̃eniw̃ ar Kaxanu an.

²¹Ata dek b̃er baŋo w̃el̃end b̃en, ga k̃ebi ŝaran k̃eni rend: «Ax gi ex na nde ajo k̃ebi rix̃erand b̃er k̃eŋo ŝalend Yesu b̃en g̃er Yerusalem? Ax gi ex na nde b̃ete ebi t̃erara do ebi m̃elan mokap b̃eŝadaxan b̃el̃engw̃ b̃en ỹow ko g̃er Damas ro?»

²²Barikan Sol kw̃el d̃eŋ baxo xapinand do babi w̃asiñend ker̃et B̃eŝew̃if b̃er l̃eg bax g̃er Damas b̃en m̃ene Yesu ex Afex̃en an.

²³Ga xeỹerak bakey bandanj̃em, B̃eŝew̃if b̃ejo w̃el̃er k̃eni eno daw̃ Sol,

²⁴ata Sol nang ko. G̃em̃ed, g̃e goyat bano xaŝ̃end g̃er ow̃et or angol ga ỹandi k̃ebi eno daw̃.

²⁵Barikan akey amat g̃em̃ed, b̃es̃efan boŝandaw̃ ỹela k̃eno g̃e engux yab̃et ameñ and angol aŋ, polo ñe akange. Ata and hix ko fac aŋ, kw̃el ỹe ko.

End Sol g̃er Yerusalem eŋ

²⁶Ga h̃at ko g̃er Yerusalem, xac̃era k̃eŋo ebi coma g̃er Amara and b̃es̃efan. Bari aỹeda bano ỹedand b̃en dek gayik ano kw̃eta bana m̃ene ar̃ew̃ak end Yesu d̃eŋ hi ko.

²⁷Ata Bar̃enabas w̃ela k̃eŋo Sol g̃er opar̃exanda, s̃ef̃etan k̃ebi m̃ene Axw̃en Yesu ŝanayax̃en k̃eŋo g̃er f̃eña ir Damas xali fel̃era k̃eŋo. S̃ef̃etan k̃ebi b̃ete ang baxo fem̃erand ker̃et end õwac or Yesu eŋ poyoma g̃er angol and Damas.

²⁸Am̃ed aŋo fo ŝoma k̃ebi Sol. Ata m̃eŋ kw̃el ko ỹex̃erand do ko fem̃erand poyoma end õwac or Axw̃en eŋ g̃er Yerusalem.

²⁹Afel̃era babi fel̃erand b̃ete B̃eŝew̃if b̃er k̃e w̃el̃end eyeỹan ed G̃erek b̃en. Barikan b̃en mbaŋ bani ŝamp̃erend g̃e m̃eŋ xali k̃eni ŝaland eno daw̃.

³⁰B̃emaŷe b̃eŋ ga nang k̃eni eŋo, w̃ela k̃eno Sol g̃er angol and Sesare, do r̃ecax k̃eno exo kucax g̃er Tar̃es.

³¹Ata Amara and g̃er dek ebar ed Yude aŋ, g̃e and g̃e b̃er g̃er ebar ed Galile aŋ, do g̃e and g̃er ebar ed Samari aŋ añeka ŝot bax am̃ed aŋo eteỹeta el. B̃er g̃er amara

bën kwël dëŋ bani xemëndërënd gër ekwëta, gër epëb ed Axwën Yesu, do bani ÿëmbërënd gë ekapina ed babi yëlënd Angoc Amënëk el.

End Ene eŋ

³²Ata amëd aŋo Piyer anëgara babi nëngarand bëwënëk bën gër owar oŋo. Ata akey amat, šëla ko gër angol and Lida.

³³Ga ĥat ko, sëk këŋo asošan ar bano wăcënd Ene ga laki ko në andago. Aseÿi seÿi baxo elod bëniy bënjongëbëtas.

³⁴Ata Piyer fel këŋo: «Ene, Yesu Kërisët dorö dëŋ fakën ki. Kanil ey dëkw andago aŋ.» Ataŋ Ene xani ko xwiriš.

³⁵Ata dek bër gër Lida bën do gë bër ebar ed Saronŋ bën ga nangëra këni eŋo, wă këni end Axwën Yesu eŋ.

End ekanin ed gër ecës Tabita eŋ

³⁶Bëte gër angol and Yope, asëfan asoxari ebaxëna do bano wăcënd Tabita, mène ngëŋ Dorëkas gë eyey'an ed Gërek el. Benjekax bendantjëm baxo rind do babi rëcarand bëxaÿëanaxik bën.

³⁷Ata bakey band hi baxo Piyer gër ebar edebën baŋ, Dorëkas šëxwëra ko xali xor këŋo. Ga buyi këno xwët këno në aciw and ŷaŋ.

³⁸Angol and Yope aŋ do gand Lida aŋ ax ŋawër bana bon. Ga wël këni bësëfan bër Yesu bër gër Šafa bën mène Piyer gër Lida hi ko lawën kënebi bësošan bëxi eno karaw exo maraw aÿand gër ndebën.

³⁹Ata xwiriš Piyer, sëfër këni gë bën. And ĥat këni aŋ, wëla këno gër aciw and ŷaŋ, gër ed xwët bano ašësëk. Ata dek bësoxari bësebëta sebëta bën sëka këno gë otes fo do këno wăsinërand bacud band sëfëndëra babi Dorëkas baŋ, and bayi baxo abëngw aŋ.

⁴⁰Ata re ko Piyer eni can dek bela bën. Ga foxi ko, ko šalend. And rënëta ko aŋ nëkon këŋo ašësëk an, re ko: «Tabita, kanil!» Ataŋ xëwëta ko. Ga wat këŋo Piyer, xani ko kwengweremët do ÿëpa ko.

⁴¹Piyer lëk këŋo gër ataxan, xanin këŋo, Tabita xwëša ko ceg. Piyer wăc këbi bëwënëk bën do gë bësoxari bësebëta sebëta bën. Ga lilëgu këni sëk këno Tabita abëngw.

⁴²Ata endey eŋo nangëra këni dek angol and Yope aŋ do bëranjëm wă këni end Axwën eŋ.

⁴³Piyer xeyëra këŋo na gër Yope bakey bandanjëm gër iciw ind ar bano wăcënd Simonŋ, abox ar banar an.

Bandixa 10

End Piyer gër iciw ind Korëney eŋ

- ¹Asoŝan hi baxëna ar bano w̃acënd Korëney gër angol and Sesare. Alëngw ar ocoroda od xaniw bax gër ebar ed Rom hi baxo.
- ²Gë ekun edexëm el dëk bano ŝalend Kaxanu gë obal osëm. Bëte mëñ mbañ babi rëcarand Bëŝëwif bëxaÿëanaxik bën, do baxo ŝalerand key yo key.
- ³Ata akey amat, and hik eñan poxoŝ gaf añ, meleka ir Kaxanu ŝanayaxën këño në lakeli lëf gër ed hi baxo. Ga fabër këni, meleka in w̃ac këño: «Korëney, Korëney!»
- ⁴Ga ĥaxën këño Korëney, yëdara ko xali ata w̃ëka ko: «Ineŵa Axwën?» Yaka ko meleka in: «Kaxanu laŵënëgu ke mi pel mëne ayakali yakali ki cale indey' iñ, bëte awat wat ko benjekax bend këÿëbi rinënd bëxaÿëanaxik beñ, do mbañ këño nënganënd endey' eñ.
- ⁵Awa gërëgako, daŵënëlëbi bëla gër angol and Yope eno macëgu Simoñ, ar nëngwët këno Piyer an.
- ⁶Gër tokora irexëm Simoñ, abox ar banar an, këno sëk, në iciw̃ ind ler gër bëña ir angwëngw.»
- ⁷Sam ga ÿ'e ko meleka ir felëra baño mondako in, Korëney w̃ac këbi bëriyenin bëxi eni tëfër gë ŝoroda ibat, ir lëka baño do sana këño ŝëf gër od fëb bax aye end Kaxanu.
- ⁸Ga sëfëtan këbi dëk, laŵën këbi eni ÿ'e gër Yope.
- ⁹Në ecan ijo, në fëña fo bayi bani bërolaŵën bën. Tëkër fo bayi bax eni ñat gër angol. Piyer ÿ'e ko ÿ'añ gër ejur ed aciw̃ and ĥatëk eñan keñ gër gaf añ exo calerax.
- ¹⁰Na ga xor këño enjo eñ, ÿandi këño exo ÿ'ambëra. Nand bano ŝemërand na ÿ'elix këño ikwëd do ko lakelind.
- ¹¹Wat ko fol orën ol do er ang andago gë ogux gër oŵaŵ onax ga kë fedaw endëmane gër ebar.
- ¹²Wat këbi bëte gër er ang andago año dëk oŵacar ol: or gë sapar onax, gë or kë ÿ'exërand xada-xada ol, do gë oŝël or gër orën ol.
- ¹³Wël ko oniŵ: «Piyer kanil, daŵëlëbi oŵacar olo ey'ëbi ÿ'akëra!»
- ¹⁴Barikan Piyer yaka ko: «Ali Axwën, elod ame ÿ'amb ex na er ŝëbak, elod ame ÿ'amb ex na ebuyaraxik.»
- ¹⁵Wël ko akinëm: «Er re ko Kaxanu aŵën w̃ënëk in, wëj kërey yëland na abuyar buyarëk.»
- ¹⁶Piyer wël ko eño bakëlëbëd batas, ata bakak er ang andago in ÿ'añ gër orën.
- ¹⁷Ga nëngëta ko, wëlandëra këño do ko yëlarand ba ine w̃acayak lakeli ir wat baxo ijo. Ata amëd año ĥatëgu këni bër laŵënëgu babi Korëney bën, ga w̃ëkaraw këni tar angol añ gër ed ex iciw̃ ind Simoñ. Sëmb këni gër ebët ed iciw̃,

- 18**do w̄eka kēni: «Ro nde exo Simon, ar nēngwēt kēno Piyer an?»
- 19**Nē eyēlara bayi baxo Piyer end er wat baxo gēr lakeli eṅ. Ata Angoc and Kaxanu aṅ fel kēṅo: «Bela bēsas ki ŝaland,
- 20**maral ey' peda en tēfēr gē bēn. Kērexi ṅepēgēnan na gē tēkēr ak, wēno law̄enēgu kēbi.»
- 21**Ga feda ko Piyer, yaka kēbi: «Wēno ex ar kēno ŝaland an. Ineŵa law̄enēgu kēnun ro?»
- 22**Yaka kēno: «Korēney, emun end ocoroda eṅ, ala ar ŝenene, ar fēbēk end Kaxanu an, law̄enēgu kēbo. Enēng end Bēšēwif eṅ dek, enjekax fo kēni rey'and endexēm eṅ. Meleka ir Kaxanu rek mi yowēnēgu ey'ēbi pelēra mēṅ gē ekun edexēm el.»
- 23**Ga ḥata kēni, Piyer fel kēbi eni dīl gēr iciw̄ do ebi key na. Ga xeyēk, sēfēr kēni kwēl. Bēmaṅe bēnd lēg bax gēr Yope bēndēmar laṅēta kēno.
- 24**Nē ecan ijo ḥat kēni gēr Sesare. Piyer sēk kēbi Korēney gē bērexēm bēn, do gē odawo odexēm ok ga ŝēni kēno.
- 25**And lil ko Piyer aṅ, Korēney xaca kēṅo, foxi ko gēr lēngw irexēm ey'iṅ el ṅēš gēr ebar.
- 26**Ata Piyer ga lēk kēṅo gēr ataxan, xanin kēṅo, re ko: «Kanil, wēno ala fo hi kēme ang wēj ak.»
- 27**Ga fulira kēni Piyer gē Korēney, sēfēr kēni lēf gēr ed barērēgu bani bela bēranjēm.
- 28**Ata re ko Piyer: «Ax gi ex na nde anang nang kēn mēne ašēba šēba kēṅo Ašēwif an edēkēr el do gē edil ed gēr iciw̄ ind ar enēng ecēxe an? Bari wēno Kaxanu w̄asin ke mēne ala gabatak ax gi ex na abuyaraxik, bēte gabatak ax gi ex na ar mo kwēyēta.
- 29**Mēṅ ex and law̄enēli kēn ene macēgu aṅ, ame ṅep ex na me y'ow. Awa dey'ayin nē end ine w̄acaxēnēgu kēne.»
- 30**Ata re ko Korēney: «Doro anēka sēkēk bakey banax ga ŝanaṅaxēn ke asošan ar gē banjēm band jing-jing nand bame ŝalerand eṅan eṅ keṅ gēr gaf na. Ga sēka ke, re ko:
- 31**“Korēney, Kaxanu anēka yakali ki cale indey' iṅ. Bēte awat wat ko benjekax bēnd kēy'ēbi rinēnd bēxaṅēnaxik beṅ.
- 32**Daŵenēlēbi bela gēr Yope eno macēgu Simon, ar nēngwēt kēno Piyer an. Gēr iciw̄ ind ar kēno w̄acēnd Simon, abox ar banar an kēno sēk, ler gēr bēṅa ir angwēngw.”
- 33**Ga wēl kēme eṅo, ataṅ law̄enēli kēme eni macēgu, dek yek ga y'ow kēy' ako. Awa gērēgako, biyi dek nēkodēbo ro gēr ogēs od Kaxanu wēj fo baxēt kēmi. Pelēlēbo dek er re ko Axwēn in.»

³⁴Ata ga ħebëta ko Piyer, re ko: «Enimin, ecede fëni ke mène gër ogës od Kaxanu bela bën dek andamat hi këni, ar fit këno ax gi ex na.

³⁵Barikan ar fëb këno an, ar sëfëk end ŝenene an, enëng end exo yo, Kaxanu aħan këno ħan.

³⁶Eyey'an ed këmun felënd elo, Bëyisërayel bën lawëneliw babi ga nangën këbi Atëfëtan and angwëlëra and gë Kaxanu paḃ gë Yesu Kërisët aṅ, mëṅ ar ex Axwën ar bela dek an.

³⁷Anang nang kën endey' end xucak gër ebar ed Yude eṅ, ga ŷanawëk gër ed Galile amëd and baxo rey'and Ŝaṅ Batisend xobuyi eṅ.

³⁸Anang nang kën mène Kaxanu ŷëmën baṅo Yesu Ibënasaret gë Angoc Amënëk aṅ do gë panga iṅ. Mëṅ baxo rixënënd enjekax eṅ gër ed ko ŷe yo. Gë Kaxanu bar bani mëṅ babi fakënaḡënënd bëte bëšëxwëra bën do babi racëtënd bër babi narënëndërand ŝabucara bën.

³⁹Biyi ex otede od dek bebër ri ko gër ebar ed Bëšëwif do gër angol and Yerusalem ok. Barikan law këno mopika në osëx.

⁴⁰Kaxanu xanin këno gër ecës yatir akey atasën do yël këno panga ind exo canaya wat-wat

⁴¹gë ogës od biyi bër ex otede od sanan baṅo gana-gana fo Kaxanu ok. Biyi bër bax ŷambërand do bax ŝebërand gë mëṅ bën fo wat këno and xani ko gër ecës aṅ, ax gi ex na bela dek.

⁴²Biyi lawën këbo mi pemërand Atëfëtan andexëm aṅ gër Bëyisërayel do mi dey'arand mène Kaxanu dëṅ yata këno exo gi axiti ar bëbëngw do gë bëšësëk an.

⁴³Dek bëlawënel bër ŷowërawëk gër ngwën ro bën areŷ'a rey'a këni osede olo: ar këno xwëta yo Yesu Kërisët, ašot ko šot eteban ed beñëṅënaḡ bendexëm el paḃ gë oŷac orexëm ol.»

⁴⁴And baxo yey'an mondako Piyer aṅ, Angoc Amënëk aṅ fedaw ko gër dek bër baṅo baxëtënd.

⁴⁵Ata Bëšëwif bërëw'ak end Yesu bën, bër laṅëtaw baṅo Piyer bën, ŝaran këbi ga wat këni mène Kaxanu ayël yël këbi Angoc Amënëk aṅ bër ax gi ex na Bëšëwif bën.

⁴⁶Awël banëbi wëlënd ga këno šëkwa Kaxanu gë oyeŷ'an ošëxe. Aṅo re ko Piyer:

⁴⁷«Bër ŷëmëk gë Angoc Amënëk ang biyi ak bën, anëbe teb ex na buyirëxe gër men.»

⁴⁸Ata re ko enëbi buyi gë oŷac or Yesu Kërisët ol. Bër buyi kënëbi bën xara këno exo baša baḡey na gër ed hi bani.

Bandixa 11

End Piyer gër Yerusalem eṅ

- ¹Oparëxanda ok gë bëmaÿe bënd lëg bax gër ebar ed Yude bëñ wël këni mëne bër ax gi ex na Bëšëwif bën në ema exëni bën bëte eyey'an ed Kaxanu el.
- ²Do and baka ko Piyer gër Yerusalem aŋ, Bëšëwif bër w̄a bax end Yesu bën ga këno hëbandëra këni rend:
- ³«Wëj gër bër ax gi ex na Bëšëwif y'e bay' do bëte y'ambëraraw kën andamat!»
- ⁴Ata Piyer sëfëtan këbi endey' eŋo elod ang ŷanak ak xali gër eŋata. Re ko:
- ⁵«Wëno gër Yope hi bame. Akey amat ga këme šalera, ata y'elix ke ikwëd do Kaxanu w̄asin ke er ang andago ga xap këni gër oŷaw̄ onax. Ga xaniwëk y'aŋ gër orën, fedawëk xali gër ed hi bame.
- ⁶Wëno nëkon këme aye me nang ba ine ex, wat këmëni oŷacar: olo oyel, olo obapuÿ, olo or kë y'exërand xadfa-xadfa gër ebar, do gë ošël or gër orën ol.
- ⁷Wël këme bëte oniŵ ga ke fel: "Piyer kanil! Daŵëlëbi oŷacar olo eyëbi y'akëra!"
- ⁸Yaka këme: "Ali Axwën, wëno elod ame y'amb ex na er šëbak ba ebuyaraxik."
- ⁹Rek akinëm oniŵ ol elod gër orën: "Er re ko Kaxanu aŵën w̄enëk in, wëj kërey yëland na mëne abuyar buyarëk."
- ¹⁰Mondako w̄asin baxe Kaxanu er ang andago in bakëlëbëd batas, d̄amana bakaxënëk dëk y'aŋ gër orën.
- ¹¹Fedëk ceŷ ga ħatëgu këni gër iciŵ bësošan bësas ga xaniw këni gër Sesare.
- ¹²Ata fel ke Angoc Amënëk aŋ mi tëfër gë bën, kërexe ñepëgënan na. Laŋëta këne bëmaÿe bënjongimat bëño xali ħat këmi biyi dëk gër iciŵ ind Korëney.
- ¹³Korëney sëfëtan këbo ang šanayaxën këño meleka lëf gër iciŵ indexëm do fel këño: "Daŵënëläbi bela gër Yope eno macëgu Simon, ar nëngwët këno Piyer an.
- ¹⁴Mëñ ki fel eyey'an ed ki nangën ang këy' ri ey' pexaxën ak, wëj gë ekun edey' el dëk."
- ¹⁵Do and bamëni felërand aŋ, Angoc Amënëk aŋ fedaw ko gër ndebën ang fedaw baxo gër ndebi ak gër ŷanar.
- ¹⁶Ata wëno xwita këme eyey'an ed fel bašo Axwën el: "Šaŋ Batis babi buyind bela bën gër men, barikan wëno këñun ŷana eŋun buyind wën gë Angoc Amënëk aŋ."
- ¹⁷Gayikako Kaxanu ayël ayël këbi bën Angoc Amënëk aŋ bëte ga w̄a këni end Axwën Yesu Kërisët eŋ ang biyi ak, mondake cëñ ħëpën domo Kaxanu?»
- ¹⁸And baxët këni endey' eŋo aŋ, bër baño hëbandërand Piyer bën šësina këni imëd. Ata ga këno šëkwa Kaxanu, këni rend bën dëk: «Awa Kaxanu ayël nde yël këbi bëte enëngwët ed ola el bër ax gi ex na Bëšëwif bën, eni cotaxën aniyän and däl aŋ.»

End Amara and gër Aŋëcoš eŋ

¹⁹And laŵ këno Ecen aŋ, arixëra banëbi rixërand mbaŋ bësëfan bën xali ŝapërëra këni: bëjo gër ebar ed Fenisi, bëjo gër Ŝipër, bëjo bëte xali gër angol and Aŋëcoŝ, do kënebi sëfëtandëraxënd end Kaxanu eŋ Bëŝëwif bën fo.

²⁰Barikan gër bër ŝapër bax bëjo, Bëŝipër do bër xaniw bax gër angol Siren hi bax na, ga ĥat këni gër Aŋëcoŝ, felëra kënebi end Axwën Yesu eŋ Bëŝëwif bër kë wëlënd eyey'an ed Gërek bën, do nangën kënebi Atëfëtan andexëm aŋ.

²¹Ga banëbi felërand gë panga ind Axwën in xwëtaxën banëbi bëranjëm do yëlayara këni gër Axwën.

²²Bër gër Amara and gër Yerusalem bën wëlëx këni endey' eŋo. Ata laŵën këno Barë nabas exo y'e gër Aŋëcoŝ.

²³And ĥat ko aŋ, wat ko oyekax or Kaxanu ol gër bërëwāk. Ga nëngandëra këno na mbaŋ, yāna ko këbi felërand eni dëkaya gë emëkw el dëk end Axwën eŋ.

²⁴Enimin Barë nabas mbaŋ nënga baxo, moñëm yëm baxo gë Angoc Amënëk aŋ do xwëta baŋo bëte mbaŋ Kaxanu. Ata bësëfan bër Axwën bën këni yëmbërëgund gër Amara xali hi këni amëxwër atëm.

²⁵Ata Barë nabas y'e ko gër angol and Tarës eŋo calaraw Sol.

²⁶Ga sëk këno, wëlaw këno gër Aŋëcoŝ. Na ri këni yer iniy in gë kënebi sëy'alira end Axwën eŋ bela bëranjëm gër Amara aŋo. Ata na gër angol and Aŋëcoŝ yāna këni bela bën emac ed bësëfan el okëreceŋ.

²⁷Bakey baŋo xaniraw bani gër Yerusalem bëlaŵënel do y'ow këni gër angol and Aŋëcoŝ.

²⁸Gër enga endebën hi baxo ar këno wăcënd Agabus an. Ga xani ko akey amat, Angoc and Kaxanu aŋ fel këno exo dey'a mēne enjo etëm kë ĥatëgu dëk ebar el. Enimin, ata ĥatak mondako dëŋ and wun ko Këlod gër Rom aŋ.

²⁹Ata bësëfan bën xetan këbi, ala kala gë er ŝot ko gë andiyen andexëm in, enëbi dëcara bëmaŷe bënd gër ebar ed Yude bëŋ.

³⁰Mondako ri bani. Ata er bar bani in y'eli këni Barë nabas gë Sol enëbi pëxwënëx bëlëngw bën.

Bandixa 12

End toro ind Ŝak do gë Piyer eŋ

¹Ata angwën aŋo, Erod ir wun bax gër ebar ed Yude sëra këbi bërëmar gër Amara and gër Yerusalem ebi narëndëra.

²Fel këbi ocorođa ok eno ŋaŝ Ŝak, abinëm ar Ŝaŋ.

³Ga wat ko mēne anëngan nëngan këbi Bëŝëwif bën eŋo, laŵën ko eno tëraw bëte Piyer. Bakey band ofëna or bani y'ambënd mburu ind gë lewir këm baŋ hi bax.

- ⁴Ga sëra këno, wëla këno gër epëra. Eno nëkonaxën Piyer gër epëra, sana këbi ocoroda epëxw gë ocongibat, şetëndër këbi bëmëxwër bënax, imëxwër kala ocoroda onax. Er yandi baño eño kiti gër ogës od Bëşewif and kë xuca Ofëna or Apexa aņ.
- ⁵Awa mondako lëkaya bano Piyer gër epëra. Barikan, bër gër Amara bën gë eteyëta këm bano şalenënd.
- ⁶Në ecan bayi bax Erod eño kiti Piyer. Ata mënj këno raşënd gëmëd gër ed fokëra këno gë ogweyele-gweyele oki, do ocoroda od baño nëkonand ok: ibat gand liw, ijo gand şame, oko xaş këni gër ebët.
- ⁷Ata şanayaw ko bërëxadët meleka ir Axwën do angoben aņ hōbak lëf gër ed fëra bano Piyer. Meleka in xëm këmo pa pa pa gër ambëb exo nëngëtaxën, re ko: «Kanil aỹand!» Ata wëcëk ogweyele-gweyele od fokaxën bano gër otaxan ok.
- ⁸Re ko meleka in: «Kapal enar endey eņ do pedal baped baņ.» Piyer ri ko ang fel këno ak. Re ko bëtë: «Dabayal gë acud atëm andey aņ do tëfawëye.»
- ⁹Piyer şan ko do kwël sëfa këno. Bari er yëla baxo mëne alakeli ko lakelind, axo nang bana mëne ang nęcët baño meleka ak dal dëņ ex.
- ¹⁰Xuca kënëbi ocoroda ok, imëxwër iņanar iņ do gë ikinëm iņ, hat këni gër epëra ed dun. Epëra elo hi bax eni pelata damana eni canaxën. Ata ga fërëtayak gë andexëm, şan këni do sëf këni fëna ir gër angol. Ata Piyer nem këno bëd-bëd meleka in.
- ¹¹Piyer ga bakar këno na onden oņ, re ko: «Gërëgako anëka fëni ke dal ex Axwën an lawënëgu këno meleka irexëm in exe dacët gër otaxan od Erod do gër dek er bani şëninđ ene di bulunda ir Bëşewif in.»
- ¹²Ga fëni këno na eño, ye ko gër iciw ind Mari, nëm ir Şaņ, ar nëngwët bano Marëk an. Fën barër bani okëreceņ odanjëm do bano şalenënd.
- ¹³And sëmb ko Piyer gër ebët aņ, sëka ko endënaw end bano wacënd Roda exo baxët.
- ¹⁴Ga xwita ko oniw or Piyer ol, hër ko gë onënga fo reyax ko mëne Piyer kë sëmbëgund gër ebët.
- ¹⁵Yaka këno: «Wëj ba aşen nde şen ki!» Barikan mënj xemëna ko ko rend mëne Piyer ex. Bën re këni: «Awa angoc andexëm aņ ex.»
- ¹⁶Amëd aņo Piyer ko sëmbënd tuņ gër ebët. Ga fërëtën këno, şaran këbi xali ga wat këno.
- ¹⁷Ata gë ataxan aņ fo Piyer fel këbi eni cësinara, rey/a ko dek ang nęcëtëgu këno Axwën gër epëra ak. Fel këbi bëtë enëbi tëfëtan eño Şak do gë bëmaşe bën. Ata ga şan ko na, ye ko kwël në eşëxe.

¹⁸Ga xeyëk, wonjok xali gër epëra. Ocorođa ok këni wëkarënd ba feye exo Piyer.

¹⁹Erod re ko eno calara, bari ano wat ex na. Ata re ko enëbi mëkara ocorođa od baŋo nëkonand Piyer ok do re ko enëbi daw. Ata Erod ga xani ko na gër ebar ed Yude, ye ko kwël gër angol and Sesare. Fën xeyërax baŋo bakey bandanjëm.

End enemi ed Erod eŋ

²⁰Amëd aŋo, Erod axoÿën xoÿën babi bela bër lëg bax gër owar or Tir gë Sidoŋ bën. Barikan bën xetanëgu këbi eno nëngaw. Ata ga xor këno Bëlasëtus, anëkona ar aciÿ and emun an, wã ko ebi dafëta gër Erod eni wëlëreġu, gayik er bani yamb in gër ebar edexëm bax xaniwënd.

²¹Yatir akey and sana bani, Erod ga yaŋënaraw ko gë banjëm band owun baŋ, yëpa ko gër añëpara andexëm do ko yeyanënd.

²²Ata xey këni şor bulunda in: «Oniÿ olo or Kaxanu ex, ax gi ex na or ala! Oniÿ olo or Kaxanu ex, ax gi ex na or ala!»

²³Ata na dëŋ meleka ir Axwën fëm këŋo Erod gayik ga wã baxo eno cëkw ang Kaxanu fo. Ata ga fur këno oÿen, yamb këno kwël na fo, xali xoti ko.

²⁴Barikan amëd aŋo kaş-kaş bax yañënd eyeyan ed Axwën Kaxanu el.

²⁵Barënabas gë Sol ga faÿ këni andiyen and eŋateli ed olaÿën gër Yerusalem aŋ, baka këni gër Aŋëcoş. Ata wëlali këno Şaŋ, ar nëngwët bano Marëk an.

Bandixa 13

End damana iŋanar ir Pol eŋ

¹Gër Amara and gër Aŋëcoş, bëlaÿënel do gë bësëyali hi bax na: Barënabas, gë Simoŋ ir nëngwët bano Niger, gë Lusiyoş Ibësiren, gë Manayeŋ ar raf bani në er ebat gë Erod ir wun bax gër ebar ed Galile an, do gë Sol.

²Akey amat ga barër këni eno cale Axwën an, siÿi këni. Ata Angoc Amënëk aŋ fel këbi: «Pitinëbi Barënabas gë Sol eni ye gër andiyen and fana këmeni.»

³Ga këni ħata etiÿi el, şalen kënebi mokwëtan otaxan ok do seb kënebi ye këni.

End Barënabas do gë Sol eŋ

⁴Ata Barënabas gë Sol, ga lëngweli këbi Angoc Amënëk aŋ, şëla këni gër angol and Selësi do wëdëx këni kuluŋ in ond gër ebar ed Şipër oŋ.

⁵Ga ħat këni gër angol and Salamin, yanax këni këni femërand eyeyan ed Kaxanu el gër baciÿ bacaleya band Bëşëwif. Şaŋ Marëk ebax ariyenin arebën an.

⁶Ata ga ye këni cangët oşir ol, ħat këni gër angol and Pafoş. Sëkëx këno aşaki ar bano wacënd Bar Yesu. Aşëwif ebaxo do babi yifand bela bën mēne alaÿënel ar Kaxanu hi ko.

⁷Do ala ajo na gër eyang ed gofërëner Serëşus Polus hi baxo. Serëşus Polus, ala ar nangëra bax mbañ, hi baxo. Ga ýandi këño gë obal osëm exo wël eyey'an ed Kaxanu el, wac këbi Barënabas do gë Sol.

⁸Barikan Elimas, awejax an (mondako bani hátelind o'wac orexëm ol) ahëp baxo hëpënd end bani rey'and Barënabas do gë Sol eñ, do baxo şaland ang këño ri gofërëner in exo ñëp ekwëta ed Axwën el.

⁹Ata Sol, mëñ ar bano wacënd bëte Pol an, ga ýëm ko gë Angoc Amënëk añ fab këño teliñ awejax an, re ko:

¹⁰«Wëj emëkw edey' el er ýëmëk wayët gë osit do gë owër. Asëñi'w ar şabucara hi këy', arangoýëra and ðek end şenene end ex yo. Ay' teb na nde etëb ed bapela band gwer-gwer band Axwën el?

¹¹Gërëgako, awël nde: panga ind Axwën in ki xëm, aşı'w këy' şiw do bakey këy' ri watërëxe eñan eñ.» Atañ Elimas ýana ko ko nemërand do kwël faýan këño oşiw ol. Ga ko şenara këño şaland ala ar këño las.

¹²And wat ko eño gofërëner añ, wa ko end Axwën eñ. End sëy'ali bano eñ lëk baño gër emëkw.

End Pol do gë Barënabas gër Añëcoş ir Pisidi eñ

¹³Pol gë bër enga endexëm bën ga xani këni na gër Pafos, wëd këni kuluñ in eni y'exën gër Perëş, gër ebar ed Pañëfili. Barikan Şañ Marëk seb këbi do kwël wërëşëta ko gër Yerusalem.

¹⁴Gër Perëş na, xucax këni xali hát këni gër Añëcoş ir gër ebar ed Pisidi. Yatir akey and eteyëta, lil këni gër aci'w acaleya and Bëşëwif, do ýëpa këni.

¹⁵Ga fën këni gër akayëta and acariya do gër band bëla'wënel, bëlëngw bër aci'w acaleya bën re këni: «Bëmaýë, angëmëne gë eyey'an ed kë xemënënd gër ekwëta hi kën, dey'ayin.»

¹⁶Ata xwiriş Pol, ga xwëşa ko re ko: «Wën Bëyisërayel do wën bër ax gi ex na Bëşëwif bër këño fëbënd Kaxanu bën, baxëtine!

¹⁷Kaxanu, mëñ ar xwënëk bulunda ir Isërayel an, yata këbi bëxarëk bërebi bën. Ga şënanën këbi angwën and hi bani gër ebar ed Misëra añ, nęcëtëgu këbi gë panga indexëm in.

¹⁸Wëlaya këbi në bëniy ofëxw onax gër ladawe.

¹⁹Nemin këbi bela bën benëng benjongëbeki gër ebar ed Kanahañ do yël këbo oxwën or ebar ed edebën ol biyi bulunda irexëm in,

²⁰xali nëkak në bëniy okeme onax gë ofëxw oco. Ata Kaxanu yël këbi bëlëngw bëxiti xali angwën and bëtëgu ko Samiyel, ala'wënel an.

- 21** Bëxarëk bërebi bën xara këno Kaxanu ebi yël emun. Ata yël këbi Sawul, asëniw ar Kiş, ar andëwëra and Beñêsame. Sawul wun ko bëniy ofëxw onax.
- 22** And lat këno gër owun Sawul aŋ, Kaxanu yata këno Dafid, ar rey'a baxo osede olo an: "Wëno şala baŋo Dafid, asëniw ar Isayi an, ala ar ex ang emëkw edam an, ar kë ri dek oñandi odam an."
- 23** Ata gër andëwëra and Dafid rëw këno Yesu, ga bey'a baxo Kaxanu ala wëneli këbi la wëneliw Afexën bulunda ir Isërayel in.
- 24** Damana exo y'owaxënëgu Yesu, Şaŋ Batis bax femërand gër dek bulunda ir Isërayel end xobuyi or enëngwët ed ola eŋ.
- 25** And baxo ħatand andiyen andexëm aŋ, Şaŋ Batis are baxo rend: "Wëno ame gi ex na Afexën an, ang kën yeland ak. Barikan në y'ow exo gand epoxy edam, ar axe ñap ex na me pët ogux od baped bandexëm ok."
- 26** «Awa bëmaÿe, wën bosëniw bor Abëraxam do gë wën bër ax gi ex na Bëşëwif bër këno fëbënd Kaxanu bën, Kaxanu biyi dek la wëneliw këbo eyey'an ed apexa elo.
- 27** Barikan Bëşëwif bër gër Yerusalem bën do gë bëlëngw bërebën bën abi pëni ex na noÿo hi ko Yesu, bëte abi pëni ex na bend yëgw këni bëla wënel eŋ, xarak akey and eteyëta kala këni fënënd gër cale beŋo. Bend yëgw këni bëla wënel beŋ ħata këni and xiti këno Yesu aŋ.
- 28** Fel këno Pilat gofërëner in, eŋo da w xarak mëŋ amena and këno la waxën ano wateli bana.
- 29** Mondako ħata këni dek er yëgw këni end Yesu in xali la w këno gër kërëwa. Ga fedali këni eman eŋ, wëxëta këno në yeg.
- 30** Barikan Kaxanu xanin këno gër ecës.
- 31** Şanaxëndëra këbi ba key bandanjëm bër hi bax enga endexëm bën elod gër ebar ed Galile, xali ħatëgu ko gër Yerusalem. Gërëgako bëjo ex otede odexëm ok gër bulunda ir Isërayel.
- 32** Do biyi kënun nangënënd Atëfëtan aŋo: Kaxanu, er bey'a babi bëxarëk bërebi in,
- 33** këbo rinënd gërëgako biyi oba ş orebën ol ga xanin këno Yesu gër ecës. Eŋo yëgw këni gër Calemoñëw gër atëngët akinëm: "Wëj ex Asëniwën doru, wëno ex Sorix ."
- 34** Kaxanu are re baxo mëne axanin këno xanin Yesu gër ecës do eman endexëm eŋ ax bayi na gër embër. Eŋo yëgw këni mëne Kaxanu re bax: Ayël këmun yël er bey'a bamo Dafid in, Ewënëk ex, er kën xwëta ex .
- 35** Are re ko bëte Kaxanu gër ed yëgw këni: "Ar yata këyo an a wënëk exo, ayo teb na exo bër ."

³⁶«Amëd and bayi baxo abëngw aŋ, Dafid ari baxo rind oñandi od Kaxanu ok. Barikan and šës ko aŋ, wëxëta këno gër ed wëxëta kënebi bëxarëk bërexëm, do wër ko gër yëg.

³⁷Bari ar xanin këno Kaxanu gër ecës an, axo bër ex na.

³⁸Bëmaÿe, awa nanging mène: paß gë Yesu Kërisët kën šot eteban ed beñëjënax el, gayikwa gë etëf ed dek bebër rek acariya and Moyis el an kor ex na en gi bër šenene.

³⁹Do ar xwëta këno Yesu an kë hind ar šenene. Ax gi ex na nde egi ed bër šenene paß gë acariya and Moyis el bayi an kor bana?

⁴⁰Mëñ ex titinayin këdi këñun hi er yëgw këni bëlawënel bër Kaxanu in:

⁴¹“Wën bër kë yepënënd end Kaxanu bën, baxëtine. Caranëleñun do capërin. Ecarax end këme ri eñ, Ado enun tëfëtan yo, an kwëta na”.»

⁴²Pol gë bër enga endexëm bën šan këni na gër aciw acaleya. Bër baxët babi bën xara kënebi eni bakaw enëbi pelëra gašëxe, gë akey and eteyëta and kë bëtëgund aŋ.

⁴³Ga këni šapër gër aciw acaleya, and faÿ këni cale aŋ, Bëšëwif bëranjëm do gë bëšalek kënebi lañëtand Pol gë Barënabas. Ata Pol gë Barënabas ga këni xanarëra gë bën, xor kënebi eni ma eni dëkaya end Kaxanu eñ, mëñ ar yël këbi oyekax orexëm an.

⁴⁴Ga bëtëguk akey and eteyëta aŋ, dek angol aŋ barërëgu këni eni baxët eyey'an ed Axwën el.

⁴⁵Bëšëwif bën ga wat kënebi amëxwër aŋ, y'akëraxi këbi xali. Ata y'ana këni na këni šembëtënd end baxo rey and Pol eñ do këni širënd.

⁴⁶Pol gë Barënabas fel kënebi kerët: «Wën Bëšëwif bën yata bañun pere Kaxanu eñun nangën eyey'an edexëm el. Barikan ga xey' këñun ako en baxët, gë andewën dëñ lëcaya kën aniyand din aŋ. Gërëgako biyi bela bër ax gi ex na Bëšëwif këmëni y'ana mëni pelërand.

⁴⁷Er këmi rind biyi ijo, Axwën an fel babi eni dind bulunda ir Isërayel in and re baxo: “Wëj yata këmi ey' gi angoben and benëng becëxe aŋ Ey' pemërand apexa aŋ xali gër ed sëlëk ebar .”»

⁴⁸Ata bër ax gi ex na Bëšëwif bën këbi nëngandërand ga këni wël eño, do këni šëkwënd eyey'an ed Axwën el. Dek bër yata këbi Kaxanu eni cot aniyand din bën w'a këni end Yesu eñ.

⁴⁹Ata bela bën mondako wëlëra këni eyey'an ed Axwën el dek ebar ed Pisidi el.

⁵⁰Barikan Bëšëwif bën šoñ kënebi bësoxari bër gapak bëšalek bën, gë bëlëngw bër angol bën, enëbi dixëra Pol gë Barënabas do enëbi ñw'aÿ eni can ebar edebën el.

⁵¹Enëbi cëndëanaxën bëjo, Pol gë Barënabas fepe këni obar od lëka bax gër osapar ok eni canaxën ebar elo, do yë këni kwël gër Ikoñom .

⁵²Ata bësëfan bën dek ebani onënga ol do yëmëra bani gë Angoc Amënëk aņ.

Bandixa 14

End Pol do gë Barënabas gër Ikoñom eņ

¹Pol gë Barënabas ga ĥat këni gër Ikoñom, yë këni bëte gër aciw̃ acaleya and Bëšëwif yatir akey and eteyëta. Ga xamën këni eyey'an el, bëranjëm gër amëxwër and Bëšëwif do gë bër ani gi ex na Bëšëwif w̃a këni end Yesu eņ.

²Ata Bëšëwif bër xey' babi eni ma end Yesu bën šoñ kënebi bër ax gi ex na Bëšëwif bën enëbi yëlan eñëjënax bëmaÿe bën, Pol do gë Barënabas.

³Barikan mbaņ nëka bani na gër Ikoñom. Axwën an xay'axën bano mëņ xemëanaxën bani epemëran ed end Kaxanu el gë anjiÿ këm. Yama Axwën an ga babi yëlënd nde oyekax orexëm ol mëņ bani rixënënd becarax do gë becërecaxik eni nangëraxën bela bën mëne end këni rey'and eņ dal dën ex.

⁴Ata angol aņ dek xucarëra këbi: bëjo bar këni gë Bëšëwif bën, bëjo gë Pol do gë Barënabas, oparëxanda ok.

⁵Bëšëwif bën, gë bër ax gi ex na Bëšëwif bër bar bani bën, do gë bëlëngw bërebën bën xetan këbi enëbi mereli Pol gë Barënabas do enëbi pëtëra gë oxaÿ xali eni cës.

⁶Barikan bën ga wata këni eņo, hër këni gër bangol band ebar ed Likawoni: gër Lisëtër, gër Derëb, do gër band ler ler.

⁷Fën femërax bani bëte Atëfëtan and Yesu aņ.

End Pol do gë Barënabas gër Lisëtër eņ

⁸Gër angol and Lisëtër, ala hi baxëna arëgofo, mondako rëw̃ bano do elod axo y'exëra bana.

⁹Ata akey amat këņo baxëtënd Pol ga këbi felëra end Kaxanu eņ. Pol ga faß këņo ala ajo, wat ko mëne axor ko xor exo pak gayik axwëta xwëta këņo Kaxanu.

¹⁰Ata xeÿ ko: «Wëj kanil!» Ataņ xani ko xwiriš ala ajo do ko y'exërand.

¹¹Ga wat këni er ri baxo Pol in, amëxwër aņ xeÿ këni gë eyey'an edebën: «Bangoc wa nëngwëtawëk bela do fedaw këni gër ndebi ro.»

¹²Ata nëngwët kënebi omac ok: Barënabas këno w̃acënd Sës do Pol Erëmes gayik mëņ bax yey'anënd.

¹³Ata ga bax edaš ed Sës el ler angol, alaš an yañëndëraw këbi gë opëtëfët ogaš do lasëgu këbi na gër ebët ga yandi këbi mëņ gë amëxwër aņ enëbi ŋašën šadaxa Barënabas gë Pol.

14Oparëxanda ok and wël këni ejo aŋ, hës këni banjëm bandebën baŋ, w̄ara këni mërëxand ir amëxwër do kënebi rend bela bën:

15Lawo bën ineŵa kën rixënënd ejo? Biyi bëte bela fo hi këmi ang wën ak, ami gi ex na de bangoc. Er yow këmi mun nangën Atëfëtan aŋ, en dapaxën bebër gë ofëcak këm bëjo, do eno calexënënd Kaxanu, mëŋ ar gë anıyan an, mëŋ ar rik orën gë ebar an, mëŋ ar rik angwëngw aŋ do gë dek bebër ex polo an.

16Akarëk aŋ, Kaxanu aseb seb babi dek bela bën eni dind enëng kala ang këni yëland ak.

17Barikan axo teb bana, emasinayan el paŋ gë benjekax bend këbi rinënd bela beŋ. Gako wën ayël këŋun yëlënd tēb in, gë eyamb ed kën xanand gë ekol el, do gë onënga ol gër oŵëkw orewën.

18Gë ojaŵ fo xor banëbi bela bëjo gë end bani yey'anënd eŋ, xali seb këni eŋaşën şadaxa el.

19Ata ga h̄atëgu këni Bëşewif bër gër bangol band Aŋëcoş do gë lkoŋom bën, şoñ kënebi bër gër Lisëtër bën enëbi pëtëra. Ga fëtëra këno xali Pol, xëx këno do nęcët këno angol aŋ, ga bani yëland anëka şës ko.

20Barikan ga xeta këno bësëfan bën, xani ko, do baka ko gër angol. Ga xeyëk, Pol gë Barënbabas sëfër këni ond gër angol and Derëb oŋ.

End Pol gë Barënbabas gër Aŋëcoş ir gër Siri eŋ

21Ga faÿ këni epemëra ed Atëfëtan el na gër angol aŋo, do ga ri kënebi bëranjëm bësëfan bër Yesu, Pol do gë Barënbabas baka këni end bangol band Lisëtër gë lkoŋom eŋ, do kwël w̄ayix këni gër Aŋëcoş.

22Ata xemëndërax kënebi tar fëña in bësëfan bën do xara kënebi eni kemënali ekwëta ed Axwën el. Fel kënebi mēne ar w̄ak end Yesu an, ax mënd ex na exo d̄il gër owun or Kaxanu toro këm.

23Pol gë Barënbabas sanan kënebi bëlëngw gër bamara bandebën do ga h̄ata këni etiwi el, şalen kënebi. Do d̄amana eni yexën seb kënebi gër otaxan Axwën ar xwëta këno an.

24Ga xucak ejo, y'e këni cangët ebar Pisidi el do h̄at këni gër ed Paŋëfili.

25And femëra këni eyey'an ed Kaxanu el gër angol and Perëş aŋ, şëlx këni gër Atali, ler gër bëŋa ir angwëngw.

26Fën w̄edëx bani kuluŋ in, do baka këni kwël gër Aŋëcoş, gër ed xaran banëbi oyekax or Kaxanu ol d̄amana eni yexën gër andiyen and riw bani.

27Ga h̄at këni, bar kënebi Amara aŋ, do sëfëtandëra kënebi dek er ri ko Kaxanu paŋ gë bën in do ang fërëtën këbi ebët el bër ax gi ex na Bëşewif bën eno kwëta Axwën Yesu.

²⁸Ata mbaŋ nēka bani na gē bēsēfan bër hi bax na bën.

Bandixa 15

End apeda and gër Yerusalem eŋ

¹Bela xaniw baxēna gër ebar ed Yude do yow kēni gër Amara and gër Aŋëcoš. Ata ga kēnēbi sēyalira bēmaŷe bēŋ kēni rend: «Angēmēne wēn anun kac ex na, ang rēpēk gër acariya and Moyis ak, an kor na en pex.»

²Ga hēp kēni eŋo Pol gē Barēnabas, šampēre kēni xali gē bējo. Xetan kēbi dek Amara aŋ enēbi dāwēn Pol gē Barēnabas gē bēmaŷe bēndēmar eni y'e eni wēlērēgu gē oparēxanda ok do gē bēlēngw bēn y'aŋ gër Yerusalem.

³Ata bër gër Amara bēn yēlēra kēnēbi bērolaŷēn bēn er bax eni y'ambēxēnd gër dāmana in. Ga y'e kēni xuca end ebar ed Fenisi do gē ed Samari eŋ, kēni rey'araxēnd end bela bër ax gi ex na Bēšēwif bër xwēta baŋo Axwēn eŋ. Do dek bēmaŷe bēnd bax wēl eŋo bēŋ mbaŋ babi nēngandērand.

⁴Ga hāt kēni gër Yerusalem xaca kēnēbi Amara aŋ, gē oparēxanda ok, do gē bēlēngw bēn. Ata bērolaŷēn bēn sēfētandēra kēnēbi dek er ri ko Kaxanu paŋ gē bēn in.

⁵Barikan ga xani kēni na bër enga end Ofariseŋ od ŵa bax end Yesu bēn, kēni rend: «Kacēlenēbi de bēsošan bër ax gi ex na Bēšēwif bër ex bēsēfan bēn do pelinēbi eni tēfēnd acariya and Moyis aŋ.»

⁶Ata oparēxanda ok gē bēlēngw bēn barēr kēni eni ketēn endey' eŋo.

⁷Ga fētēk ongeŷēr, xani ko xwiriš Piyer ko rend: «Bēmaŷe anang nang kēn mēne wēno Ašēwif yata ke Kaxanu elod gër ŷanar eni wēlaxēn gër etēŷ edam Atēfētan and Yesu aŋ bër benēng becēxe bēn. Abaxēt kēni baxētēnd Atēfētan aŋ do kēni ŵand.

⁸Do Kaxanu, mēŋ ar kē nangēnd er ex gër emēkw ed ala in, arey'a rey'a ko mēne bër ax gi ex na Bēšēwif bēn aŷa ŵa kēni, ga yēl kēbi Angoc Amēnek aŋ ang yēl kēbo biyi ak ebo masinaxēn mēne abi cus ex na.

⁹Epitēndēr axo di ex na ed gē biyi do gē bēn, gayikako aŷēnēn wēnēn ko oŷēkw orebēn oŋ ga xwēta kēno, epitēndērēnd ed gē biyi gē bēn ax bo ex na.

¹⁰Awa gērēgako, ineŷa kēno ŷanaxēnēnd Kaxanu ga kēnēbi nēyalind ako bēsēfan bēn oxadac or sēkwan kēne biyi gē bēxarēk bērebi ol?

¹¹Ecēñēxēt kēren di de gayikako biyi gē bēn paŋ gē oyekax or Axwēn Yesu ol ŵa kēne mēne afex fex kēne.»

¹²Ata šēsinarā kēni dek ang barērēgu bani ak. Baxēt kēnēbi Barēnabas gē Pol ga kēni rey'a becarax gē bērcaxik bend ri ko Kaxanu beŋ paŋ gē bēn gër owar or bër ax gi ex na Bēšēwif.

- 13 And şesina këni aŋ, Şak re ko: «Bëmaÿe, baxëtine!
- 14 Simoŋ areÿa rey'a ko mëne aňanar sana këbi Kaxanu bër kë hi bulunda ir oÿac orexëm bën.
- 15 Ata end rey'a ko eŋo moped fedëk gë end re këni bëlaÿwënel eŋ. Ga ÿëgw këni mëne Kaxanu rek:
- 16 “And kë nëkana aŋ, abakaw këme bakaw. Axanin këme xanin aner and Dafid and wëcëk aŋ. Axanin këme xanin bameŋ band wëcëk baŋ
- 17 Mëŋ këne şalaxën wëno Axwën an bela bër bayik bën, Iyo dek benëŋ bend bela bend kë şalend gër oÿac oram. Mondako re ko Axwën an,
- 18 mëŋ ar rik beÿ bër hik monang elod din ir din beŋ .”
- 19 «Wëno cëŋ er ÿapan ke mëne kërenëbe cëndën ex na bër ax gi ex na Bëşëwif bër këŋo şalend Kaxanu bën.
- 20 Barikan ñëgwën bene kayëta eni nangaxën mëne afo eni kwëÿëtand bemuyaraxik bend olaş beŋ, gë asëk alakirand fo in, gë ey'amb ed oÿacar or şësëk ŋaşërëxe ol, do gë ey'amb ed oşat el.
- 21 Bela bën wa elod akarëk aŋ awël këni wëlënd acariya and Moyisaŋ ga këni femërand angol kala yatir akey and eteyëta gër baciÿ bacaleya bandëbi.»

End kayëta ir benëŋ becëxe eŋ

- 22 Ata oparëxanda ok gë bëlëngw bën do dek Amara aŋ xetan këbi enëbi tana na gër ndebën bër kënebi laÿën gër Aŋëcoş eni tëfër gë Pol do gë Barënas. Ata sana kënebi bëmaÿe bënd fëb kënebi: Yud, ar nëngwët bano Barënas an do gë Silas.
- 23 Fëxwën kënebi kayëta ir ÿëgw bani mondako: «Biyi bëmaÿe bëndewën bën, gë oparëxanda ok, do gë bëlëngw bën, këŋun şëmand wën bëmaÿe bënd ax gi ex na Bëşëwif, wën bër ex gër Aŋëcoş do gër owar Siri gë Silisi bën.
- 24 Awëlati wëlati këmi mëne në end osëÿali or bela bër gër ndëbi ro wëlandëraxën këŋun gër oÿëkw orewën, xarak biyi amëni daÿwënëli ex na.
- 25 Mëŋ ex, biyi ÿapanëli këbo mëne aye yek mëni tana bela bër këmëni laÿwënëli eni tëfërëli gë Barënas do gë Pol, bën bër ex bëmaÿe bënd pëlöt gër ojomb odebi bën.
- 26 Bën lëxwayak në end oÿac or Axwën arebi Yesu Kërisët.
- 27 Awa Yud do gë Silas laÿwënëli këmëni, gër etëÿ edebën kën wël end ÿëgw këmi gër kayëta eŋ.
- 28 Enimin Angoc Amënek aŋ do gë biyi ÿapanëli këbo mëne bayil ex er ÿapëk in fo, këremun dëbin na edëb ecëxe.

²⁹Mën ex, kwëÿëtayindën ÿas er oŵacar or kënëbi ĥašënd gër olaš en, gë eyamb ed ošat el, gë ÿas er oŵacar or šësëk ŋašërëxe en, do gë asëk alakirand fo in. Beŋo kën seb. Bon šëma këmün.»

³⁰Bërolaŵën bën y'e këni ond gër Aŋëcoš oŋ. Ga ĥat këni, ŵac kënëbi bërëŵak bën do fëxwënëx kënëbi kayëta in.

³¹And fën këni kayëta aŋ, nëngandëra këbi xali gayik er yëgw këni in axem xemën babi gër ekwëta.

³²Yud gë Silas bër ebax bën dëŋ bëlaŵënel, xemëndëra kënëbi bëmaÿe bën gër ekwëta gë eyey'an ed mbaŋ.

³³Ga xeyëra këbi na gër Aŋëcoš, felar këni gë onënga fo gë bëmaÿe bën eni bakaxën gë emëkw ey'emax gër bër laŵënëgu babi.

³⁴[Barikan, Silas sana ko exo bayi na gër Aŋëcoš.]

³⁵Mondako xeyëra babi Pol gë Barënabas na gër Aŋëcoš. Ata bën gë bëlëngw bëšëxe bëranjëm asëyalira banëbi asëyalirand Amara aŋ eyey'an ed Axwën el do afemëra bani femërand bëte Atëfëtan andexëm aŋ.

End dāmana ixinēm ir Pol en

³⁶And xucak bakey aŋ, Pol fel këŋo Barënabas: «Nënga beye tan bëmaÿe bën dek gër bangol band sëfëtaraw ke end Axwën en, ata ke nange ba mondake hi këni.»

³⁷Ata Barënabas yandi këŋo eŋo mëlali Šaŋ ir nëngwët bano Marëk.

³⁸Eno mëlali ar šapaya bax elod gër ebar ed Paŋëfili an, ar yañëta babi gër andiyen andebën an, Pol aŋo ñapan bana.

³⁹Gë endey' eŋo mbaŋ xucar babi, ata šapër këni. Barënabas y'e këni gë Marëk ond gër ebar ed Šipër oŋ.

⁴⁰Pol sana këŋo Silas, bëmaÿe bën ga xarandëra kënëbi oyekax or Axwën ol, kwël y'e këni.

⁴¹Ye këni cangët ebar ed Siri el do gë ed Silisi el. Bër gër bamara bën banëbi xemëndërand gër ekwëta.

Bandixa 16

End Pol do gë Timote en

¹Ata Pol ĥat ko gër angol and Derëb do xucax ko gër and Lisëtër. Fën sëkëx këno asëfan ar Yesu ar bano ŵacënd Timote. Nëm Ašëwif ebaxo, do sëm Agërek.

²Bëmaÿe bënd gër Amara and gër Lisëtër bën, do gë bënd gër and Ikoŋom bën, arey'a bani rey'and mëne Timote ar šenene ex.

³Ata Pol yandi këŋo exo gi ar enga endexëm. Xac këŋo në end Bëšëwif bër lëg bax gër ebar elo en gayik bën anang nang bani mëne sëm ir Timote Agërek ebax.

⁴Pol gë bër enga endexëm bën këni y'exërand gë angol gë angol. Bend re këni oparëxanda do gë bëlëngw bër gër Yerusalem beŋ banëbi sëfëtandërand bësëfan bën eni tëfaxën.

⁵Do bela bër gër bamara bën kwël bani xemënannd gër ekwëta do bani yëmbërend gë akey gë akey.

End lakeli ir Pol eŋ

⁶Angoc Amënëk aŋ aŋo teb bana Pol exo pemëra eyey'an ed Kaxanu el gër ebar ed Asi. Ata mënŋ gë bër enga endexëm bën y'e këni cangët ebar ed Fëriŝi el do gë ed Galasi el.

⁷Ga ĥat këni ler gër ebar ed Misi, xacërax këbi eni y'e gër ed Bitini, bari Angoc and Yesu aŋ aŋi teb bana eni y'e.

⁸Xucax këni gër ebar ed Misi, do ŝëlax këni gër Tërowas, gër bëŋa ir angwëngw.

⁹Ata gëmëd, Pol wat këŋo në lakeli ala ar lëg bax gër ebar ed Masedëwan ga këŋo xara: «Këla, y'ow ir ebar ed Masedëwan in, ey'ëbo dëca!»

¹⁰Gë lakeli ir Pol ijo fëni këbo mënë Kaxanu anëka y'andi këŋo mënë nangën Atëfëtan and Yesu aŋ bela bër gër ebar ed Masedëwan bën. Ataŋ ŝala këmi ang këmi ri mi y'exën fën ak.

End Pol do gë Lidi eŋ

¹¹And xani këmi na gër Tërowas aŋ xuca këmi gë kulun in ŝëw, ond gër Samotëras oŋ do ĥat këmi në ecan ijo gër Neyapolis.

¹²Na xani këmi do xuca këmi ond gër Filip oŋ. Angol and Filip aŋ hi bax atëm and gër ebar ed Masedëwan aŋ do xwën bani Bërom bën. Fën xeyërax baŋo.

¹³Ata yatir akey and eteyëta, ŝan këmi angol aŋ, do y'e këmi ler në lar, gër ed yëla bami fën këni ŝalend Bëŝëwif bën. Ga y'ëpa këmi, felëra këmëni end Kaxanu eŋ bësoxari bër fedër bax bën.

¹⁴Do asoxari hi bax na na do bano w'acënd Lidi, aŋan ar banjëm bambarax, ar baŋo ŝalend Kaxanu, do ar xaniw bax gër angol and Catir. Gë obal osëm baxo baxëtënd gayik Axwën an fëdëtën baŋo onden oŋ. Ata w'a ko er baxo sëfëtënd Pol in.

¹⁵And w'a këni do buyi kënebi mënŋ gë bër ekun edexëm aŋ, w'ac këbo do re ko: «Angëmëne ayëla yëla kën mënë enim xwëta këmo Axwën an, ŋatëne gër ndëbi xali yatir kën xuca.» Mondako nëyali baŋo xali w'a këmi.

End Pol do gë Silas gër epëra eŋ

¹⁶Akey amat ga këmi y'e gër ed këmi ŝalerand, fed këmi gë endënaw end lil baŋo angoc and oŝaki. Aŝakin baŋi ŝakinënd bela bën do bano ŝotëraxënënd kodë ir mbaŋ bëxwën bërexëm bën.

- 17Ata ga këbo sëfa, biyi do gë Pol, ko xeÿënd: «Bela bëjo bëriyenin bër Kaxanu, mëŋ ar hik ŷaŋ gër orën exëni, fëña ir Apexa in kënun nangënd.»
- 18Mondako ri baxo bakey bandanjëm. Ata ga xeñ këŋo Pol fel këŋo angoc aŋ: «Ga re këme gër oŵac or Yesu Kërisët, canël gër endënaŵ eŋo.» Ataŋ ŷan ko angoc aŋ.
- 19Ga wat këni bëxwën bër endënaŵ eŋo bën mëne ax bo na ga këno ŷotëraxën, sëra kënebi Pol gë Silas, do ðëla kënebi gër yangana ir angol enëbi kitix bëlëngw bën.
- 20Ga ħateli kënebi gër bëxiti re këni: «Bela bëjo kë wonjonënd angol andëbi aŋ, Bëŷëwif exëni
- 21do kënebi sëŷalirand bela bën bacariya band ax ñap ex na ene wële do ene tëfe biyi bër hi këne gër owun or Rom bën.»
- 22Ata amëxwër aŋ wërinaw këni bëte, bëxiti bën fel kënebi enëbi cudëtëra Pol gë Silas do enëbi ceŵëra.
- 23Ga ŷëwëra kënebi xali xurik, ðëla kënebi gër epëra do fel këno anëkona an ebi titinalind aye.
- 24Ata ga wël ko eŋo, anëkona an ðëla këbi lengwe lëf gër epëra do fokeli ko osapar orebën gë osëx osibax.
- 25Emëd ekarëk el, Pol gë Silas këni ŷalend do këno yasënd Kaxanu, bandepëra baŋ kënebi baxëtënd.
- 26Ata ħatëguk bërëxadët andëgël and ebar: edëda ed aciŵ and epëra el, ŷangënak, ataŋ na dëŋ, dëk owët oŋ fërëtararak, do ogweŷele-gweŷele od fokëraxën banëbi bandepëra ok xotirak.
- 27Anëkona an nëngëta ko, and wat ko owët wafërëluŋ aŋ, reg ko duxuma in gër acëmar. Exo dāŵaya ŷandi baŋo ga baxo yëland anëka hër këni bandepëra baŋ.
- 28Nand exo kwëŷaya na xeÿëgu ko Pol: «Ali, kërey kwëŷaya na, biyi dëk ro bayi këmi.»
- 29Ata anëkona ar bandepëra an xaraw ko lambo. Hërëgu ko lapaya ko mo poxi gër osapar or Pol gë Silas do ko rëgënd anjiŷ aŋ.
- 30Nëcët këbi fac ðëkax këbi: «Bësoŷan, inëŵa këme ri me pëxaxën?»
- 31Pol bën yaka këŋo: «Kwëtalo Axwën Yesu, ata kën fex wëj do gë ekun edey el.»
- 32Felëra kënebi end Axwën eŋ mëŋ gë bër ekun edexëm bën.
- 33Kwël gëmëd fo ðëla këbi anëkona ar bandepëra an do xorax këbi ed sembaŷëra bani el. Ata Pol gë Silas buyi kënebi mëŋ gë bër ekun edexëm bën.
- 34Űëla këbi ŷaŋ gër iciŵ indexëm do lëbax këbi. Anëngandëra nëngandëra babi end ga ŵa këni end Kaxanu eŋ mëŋ gë bër ekun edexëm bën.

³⁵Ga xeyək, bēxiti bēn lawēn kēnēbi ocoroda eno pel anēkona an ebi tebēt bela bējo.

³⁶Anēkona an ĥateli ko endey eŋ gēr Pol, re ko: «Bēxiti bēn ga re kēni mun tebēt. Awa gērēgako canin en y'e gē emēkw eŷemax.»

³⁷Barikan Pol yaka kēbi ocoroda ok: «Yama ga ūwēra kēnēbo wat-wat gē bela nde damana enēbo pēraxēn kitirēxe biyi bēr xwēn kēbo owun or Rom bēn do ŷandi kēbi enēbo tebēt yir. Yowēlexēni bēn dēŋ enēbo tebēt.»

³⁸Ocoroda ok ĥateli kēni eyaka elo gēr bēxiti. Ata yēdara kēni ga nang kēni Bērom exēni.

³⁹Yow kēni, wēka kēni mēne Pol gē Silas enēbi teban. Ata kwēl sebēt kēnēbi do xara kēnēbi eni can angol aŋ.

⁴⁰And ūan kēni gēr epēra aŋ, wāŷi kēni gēr iciw ind Lidi. And wat kēnēbi bēmaŷe aŋ, xemēndēra kēnēbi do kwēl y'e kēni.

Bandixa 17

End Pol do gē Silas gēr Tesalonik eŋ

¹Pol gē Silas ga kēni y'e, xuca kēni ir owar or Amēfipolis do gē Apolini in ĥataxēn kēni gēr Tesalonik, gēr ed hi bani Bēšēwif bēn gē aciw acaleya.

²Ata ang wēr baŋo ak, Pol y'e ko gēr cale. Akey and eteyēta kala xali sēkēk odoxo otas, bani xanarērand bend rek Oñēgw Omēnēk beŋ gē bela bēr bax barērēgund na bēn.

³Afelēra babi felērand ebi pēni mēne Afexēn an asoro bax exo toro xali eno daw, barikan exo kani gēr ecēs. Are re baxo bēte: «Do Yesu ir kēmūn sēfētand ijo, mēŋ ex Afexēn an.»

⁴Ata Bēšēwif bēreŋmar do gē bēšalek bēr ani gi ex na Bēšēwif bēranjēm xor kēnēbi wā kēni end Yesu eŋ, do sēf kēnēbi Pol gē Silas. Awa wā bani bēte bēsoxari bēr gapak bēranjēm.

⁵Barikan ga ŷakēraxi kēbi na Bēšēwif bēreŋmar, bar kēnēbi bēšēxwēpētaxik, bēmēxwēr bēmēxwēr gēr opēña xali wonjok angol aŋ. Bela bējo y'e kēni gēr iciw ind Yasoŋ gēr ocal od Pol gē Silas enēbi mēla gēr ed barērēgu kēni do enēbi kitix.

⁶Ga nema kēnēbi, sēra kēnēbi Yasoŋ do gē bēmaŷe bēndēmar, wēla kēnēbi gēr bēmun bend gēr angol do ga kēnēbi lēxw kēni rend: «Bēr wēlēk dek ebar bēn ŷowēk gēr angol andēbi ro,

⁷do Yasoŋ xwētaya kēbi. Bela bējo dek kē rend mēne ar kēno wācēnd Yesu an ex emun endebēn eŋ mēŋ bayik ani pēbēnd na bacariya band Sesar baŋ.»

⁸Eyeyan elo, wēlēk onden ond bela bēr barērēgu bax na bēn do gē ond bēmun oŋ, nang kēni mēne endey eŋo ecēmuk dēŋ ex.

⁹Enëbi tebëtaxën Yasonḡ gë bër sëra banëbi gë mëḡ bën, afo ga necët këni kodî.

End Pol gë Silas gër Bere eḡ

¹⁰Bëmaḡe bënḡ fel kënebi Pol gë Silas eni naḡa gëmed do kwël eni ḡe gër Bere. Sam ga ḡat këni, lil këni gër aciḡ acaleya and Bëšëwif.

¹¹Bëšëwif bër gër Bere na bën nënga babi onden oḡ nëmëc gë bër gër Tesalonik bën. Bën ataḡ gë obal osëm bani baxëtënd eyey'an ed Kaxanu el. Key yo key bani ḡëkarënd end Oḡëgw Omënëk od bani fënënd eḡ eni kamanaxën ba er kënebi felënd in go dënḡ ex.

¹²Ata mbaḡ hi bani bela bër ḡa bax end Yesu bën. Na fo bani bësoxari bëgërek bër gapak do gë bësošan bëranjëm.

¹³Barikan and nangëgu këni Bëšëwif bër gër Tesalonik aḡ mëne Pol në pelërabî end Kaxanu eḡ gër Bere, ḡow këni enëbi coḡ bela bën eno takëreli.

¹⁴Ata bëmaḡe bënḡ naḡali këno ataḡ Pol exo ḡe gand bëḡa ir angwëḡw, barikan Silas do gë Timote bayi këni na.

¹⁵Bër laḡëta baḡo Pol bën ḡëla këno xali gër angol and Aten. Ata ga këni wërëšëta, Pol laḡën këbi enëbi pelëx Silas gë Timote eno tëtëḡu ataḡ ataḡ.

End Pol gër angol and Aten eḡ

¹⁶And babi šëninḡ Silas gë Timote gër Aten aḡ, Pol wëlandëra këḡo gër onden ondëxëm ga ko wat angol aḡ yer olaš fo.

¹⁷End Kaxanu eḡ bani xanarërand gë bela bën: gë Bëšëwif bën do gë bëšalek bën, gër aciḡ acaleya andebën, do key yo key gë bër bani fedëra gër yangana ir angol bën.

¹⁸Fed këni akey amat Pol gë bësey'ali bër bend Epikur bën, do gë bër bend Sëtoyibën, këni xanarërand. Ata bërëmar aḡëkar bani ḡëkarënd: «Ine ko rend ar xorëk eyey'an ajo?» Bëḡo yaka këni: «Ajo er këbo wëndanënd mëne bend cale ind bangoc banangërëx ko femërand.» Enimin Pol end Atëtëfëtan and Yesu eḡ do gë end ekani ed gër ecës eḡ babi sëtëfëtanḡand.

¹⁹Ata ḡëla këno Pol gër bëlëḡw bër bax fedërënd gër Ayeropaš. Ga ḡateli këno ḡëka këno: «Axor nde këmi xor biyi mi nang osëy'ali oxašax or këy'ëbi sëy'alirand bela olo?»

²⁰Bend këmi wëlelind bëḡo mocaraxi šaraxik. Awa biyi aḡandi ḡandi këbo ðe mi nang er ex in.»

²¹Er bani xwëndand Bëhaten bën do gë bëliyer bën eyey'andëran do gë ebaxët ed bend kë ḡatëḡund na gër angol fo.

²²And xwëša ko Pol mërëxand gër Ayeropaš aḡ, re ko: «Wëno er wat këme mëne wën Bëhaten bën, mbaḡ këḡun balënd end cale eḡ.

- ²³Ga këme y'exëra gër opëña od angol andewën, awat wat këme angëb gë oñëgw od rek: "Kaxanu inangërëx xwënëk!" Awa wëno end Kaxanu inangërëx ir këno şalend ijo eñ y'ow këme mun tëfëtan.
- ²⁴Kaxanu ir rik ngwën do gë dek bebër ex gër ngwën bën hik Axwën ar orën gë ebar an. Mëñ axo dëgënd na në baciw bacaleya band bay këni bela.
- ²⁵Mëñ ala aņo dëband na, ala aņo dinënd na yey. Mëñ kë yëlënd aniyan aņ, gë onjën oņ, do gë beỹ bën dek.
- ²⁶Mëñ ri këbi paß gë ala abat dek benëng bend bela beņ. Mëñ fitëndërëk bapaxëd baņ, yël këbi bela bën eni dëgëra ebar el dek do xer ko ed kë sël olëg orebën el.
- ²⁷Mondako ri ko Kaxanu ebi kacëraxënënd bela bën ocal odexëm ok, do angëmëne awënd wëndëk eno nambanënd, xarak abo ñawëtax na biyi bela bën.
- ²⁸Paß gë Kaxanu këne liyande, këne şangënarande, do hi këne bela. End këme rend eņo bëyul bërewën bën dëņ are re këni: "Biyi bëte obaş orexëm hi këne..."
- ²⁹Awa gayikako bër nëng ir Kaxanu hi këne, ax ñap ex na enëņo mëndinalinde gë kaņe, gë kodı ba gë ekaỹ. Bëbijo dek ala an kë wëdënd gë orenik orexëm ol exo di edaş, xarak edaş el ax gi ex na Kaxanu.
- ³⁰Gër y'andar Kaxanu aseban babi sebanënd beņo dek gayik bela bën abani nang na bend bani rind beņ. Barikan gërëgako benëng beņ dek këbi wacënd eni nëngwët ola orebën ol.
- ³¹Gayikwa asana sana ko akey and yatir këbi xiti ebar el dek gë or şenene ol paß gë ala ar yata këņo an. Bela bën dek wasin këbi mëne ari ko ri eņo, and xanin këņo ala ajo gër ecës aņ.»
- ³²And wël këno Pol ga ko yey'an end ekani ed gër ecës aņ, bërëmar këno lëşënd, bëjo këni rend: «Awa gwëre mi baxët bëte akey acëxe.»
- ³³Ata Pol seb këbi na, y'e ko kwël.
- ³⁴Barikan bërëmar sëf këno do wã këni end Yesu eņ. Şëf gër bër wã bax bëjo hi bani: Deni, alëngw abat ar gër Ayeropaş, gë asoxari ar bano wacënd Damaris an do gë bela bëşëxe.

Bandixa 18

End Pol gër angol and Koreņët eņ

- ¹Ga xucak eņo, Pol ñawëta ko angol and Aten aņ do kwël y'e ko gër Koreņët.
- ²Sëkëx këņo ar këno wacënd Akilas, Aşëwif ar rëw bano gër ebar ed Poņ. Ecedë hatëgu bani gë alindaw Përisil ga xaniw këni gër ebar ed Itali. Këlod, emun etëm eņ, re bax mëne Bëşëwif bën dek eni dëxëta na gër angol and Rom. Ata Pol lëkër këni gë bën.

- ³Ga bani rind andiyen amat bën ðek, Pol ye ko lëgëx këni në er ebat: bëban bër baner hi bax.
- ⁴Akey and eteyëta kala, Pol do gë bela bën axanar bani xanarënd gër aciw̃ acaleya, do axor babi xorënd eni ma end baxo femënd eñ Bëšëwif bën do gë bër benëng becëxe bën.
- ⁵And hátëgu këni Timote gë Silas ga xaniw këni gër ebar ed Masedëwan aņ, Pol yëlaya ko wayët gër edeyaran ed end Kaxanu. Aw̃asin babi w̃asinënd kerët Bëšëwif bën mène Yesu ex Afexën an.
- ⁶Barikan Bëšëwif bën aširëra bano širërand ga babi xeyënd eno baxët. Ata Pol yëngëra ko banjëm bandexëm baņ do fel këbi: «Wën kë wën angëmene an pex ex na, wëno cëņ Kaxanu axe nëpëd na. Awa gërëgako bër ax gi ex na Bëšëwif bën fo këmëni yana mëni pelërand.»
- ⁷Ga xani ko na, ye ko kwël gër iciw̃ ind ar këno w̃acënd Titiyos Yusëtos, ar bano šalend Kaxanu do lëg baxo ler gër aciw̃ acaleya.
- ⁸Barikan Kërisëpos, alëngw ar aciw̃ acaleya an, gë ekun edexëm ak ðek, w̃a bani end Axwën eņ. Do Bëkoreņët bëranjëm bër baņo baxët Pol bën w̃a këni end Axwën eņ. Ata Pol buyi këbi.
- ⁹Akey amat gëmëd, Axwën an šanayaxën këņo Pol në lakeli do fel këņo: «Pelërayindëbi bela bën, kërey yëdara na bëte kërey cësina na!
- ¹⁰Mbaņ yëmb këni gër angol aņo ro bër xwën këmëni bën. Wëno ki nëkonand, do ala axi tëra na exi dixëra.»
- ¹¹Ata Pol yëpa ko iniy gë opacaw̃ ocongibat na gër Koreņët do këbi sëy'alirand bela bën eyey'an ed Kaxanu el.
- ¹²And hi ko Galiyoņ gofërëner ir gër ebar ed Akayi aņ, Bëšëwif bën wëlër këni eno mereli Pol. Ga sëra këno, wëla këno gër aciw̃ and kiti
- ¹³do këno nagašandërand: «Ajo ang këbi sëy'alind bela eno calend Kaxanu ak alandar landarëk gë ang rek acariya andëbi ak.»
- ¹⁴Damana exo yey'anëgu Pol, Galiyoņ yaka këbi: «Kido etëmbak, ba amena atëm ri baxo ala ajo, abuņa buņa dome mun baxët wën Bëšëwif bën ang yapëk ak.
- ¹⁵Barikan angëmene ecampëre ed osëy'ali, ba ed omac, ba end acariya andewën, eņo endewën fo ex. Wëno dëņ xey ke me gi axiti arewën.»
- ¹⁶Ata w̃ay këbi eni can na gër aciw̃ and kiti. Bën ðek busëtaxën këno Sosëten, alëngw ar aciw̃ acaleya an.
- ¹⁷Ga sëra këno xëmëra këno na gër yangana ir aciw̃ and kiti, bari Galiyoņ aņo bal bana eņo.

End Pol gër angol and Aņëcoš eņ

¹⁸Ga xucak eņo, Pol ŷëpa ko na gër Koreņët xali nëkak. Akey amat, ga fela këbi bëmaŷe bëņ sëfër këni kwël gë bër gë așan mēne ngēņ Përisil do gë Akilas ond gër ebar ed Siri oņ; gë kuluņ ŷ'ex bani. Egor șêk bano Pol gër angol and Saņëkere gayik abaņaya baņaya baxo.

¹⁹And ĥat këni gër angol and Efes aņ, Pol seb këbi bër enga endexēm bën. Ga lil ko gër aciŷ acaleya këbi felërand end Kaxanu eņ Bëșëwif bën.

²⁰Ata bën ŷëka këno eņo keyëra na gër ndebën. Barikan mēņ ga ĥëp ko,

²¹re ko: [«Afo me gixeli gër ofëna or kë ĥatëgund gër Yerusalem]. Abaka këme bakawëd angēmëne aŷa ŷa ko Kaxanu.» Ga xani ko na gër Efes,

²²ŷe ko gë kuluņ in xali gër Sesare. Ĥatëx ko ŷ'aņ gër Yerusalem ebi cëmax bëmaŷe bënd gër Amara bëņ, do șëlxënëx ko gër Aņëcoș.

End đamana isasën ir Pol eņ

²³Pol ga xeyëra këņo na gër Aņëcoș, xuca ko kwël do këbi sëfërand bësëfan bën ebi kemën gër ekwëta. Ga ŷana ko gër ebar ed Galasi ĥatax ko gër ed Fëriși.

²⁴Așëwif ar rëŷ këno gër angol and Alekësandëri ĥatëgu bax gër Efes, do bano ŷacënd Apolos. Mbaņ xam baxo eyeyan el do sëŷa baxo bëte mbaņ Oņëgw Omënëk ok.

²⁵Aye sëŷa baxo ang këno sëfënd Axwën ak do gë emëkw el đek baxo yeyanënd. Șenene baxo sëfëtënd end Yesu eņ, barikan xobuyi or Șaņ Batis ol fo nang baxo.

²⁶Poyoma baxo reyarand end Yesu eņ gër aciŷ acaleya. Ga wël këno Përisil gë Akilas, sëfër këni gër ndebën do felërax këno eņo pëni șenene ang këno sëfënd Kaxanu ak.

²⁷Ata Apolos ga ŷandi këņo exo kuca ond gër ebar ed Akayi oņ, bëmaŷe bëņ fel këno exo kemëna do ŷëgwën kënebi kayëta bësëfan bër fën bën eno kacax aye. And ĥat ko aņ, pađ gë oyekax or Kaxanu ol mbaņ rëcarax babi bër ŷa bax bën.

²⁸Poyoma babi xorënd Bëșëwif bën and këni șampëre aņ. Gër Oņëgw Omënëk babi ŷasinënd mēne Yesu ex Afexën an.

Bandixa 19

End Pol gër angol and Efes eņ

¹And hi baxo Apolos gër Koreņët aņ, Pol ŷe ko, osënd osënd fo, cangët ebar ed Asi el, ĥataxën ko gër Efes. Fën ga fedëx këni gë bësëfan,

²ŷëka këbi: «Wën așot nde șot këno Angoc Amënëk aņ and ŷa këno Yesu aņ?» Yaka këno: «End Angoc Amënëk exëna eņ, biyi elod ami wël ex na dëņ.»

³ŷëka këbi bëte: «Xobuyi or fe wa buyi kënun?» Yaka këni: «Xobuyi or Șaņ Batis ol.»

⁴Ata re ko Pol: «Bela bën anëngwët bani nëngwëtënd ola orebën ol, ebi buyixën Şaŋ Batis. Afel babi felënd eno kwëta ar këŋo sëfëgund an, mëne ngëŋ Yesu.»

⁵Ga wël këni eŋo, buyi kënebi gër oŵac or Axwën Yesu.

⁶Pol ga şalen këbi mokwëtan otaxan ok, yëmëra këni gë Angoc Amënëk aŋ, ata yana këni këni yeyanënd ang bëlaŵënel fo.

⁷Er hi bani imëxwër ind bela epëxw gë bëxi.

⁸Ata Pol aye baxo yend gër aciŵ acaleya and Bëşëwif, gër ed babi felërand kerët xali opacaŵ otas. Do axor babi xorënd eni ma end owun or Kaxanu eŋ.

⁹Barikan Bëşëwif bërëmar oŵëkw orebën oŋ xemën bani do këni hëpënd. Ado ayepën bani yepënënd Cale ind Axwën iŋ, gër ed këni barëregu amëxwër. Ata ga hawëta këbi Pol, necët këbi bësëfan bën, do këbi felëraxënd key yo key end Kaxanu eŋ gër lekol ir ar bano ŵacënd Tiranos.

¹⁰Mondako baxo rind Pol xali nekak bëniy bëki. Ebar ed Asi el dek wël këni eyeyan ed Axwën el: hik Bëşëwif, hik bër ani gi ex na Bëşëwif.

¹¹Ata Kaxanu ko rind paŋ gë otaxan od Pol ok becarax bend elod ala ax wël bana

¹²xali këni wëdënd banjëm band xwixwëtak eman endexëm baŋ enëbi kwëtanaxën bëşëxwëra bën. Ocëxwëra ok ex can, bëte bangoc bañëŋënax baŋ eni can gër bela bër lil banëbi.

End bosëniŵ bor Sefa eŋ

¹³Bëşëwif ex baxëna bër bax sëfërand bangol baŋ do banëbi necëtënd bangoc bañëŋënax baŋ gër bela. Ata axacëra babi xacërand edi ed mondako el gë oŵac or Axwën Yesu ol do bani rend: «Canin gër ala ajo, gë oŵac or Yesu ir këŋo femënd Pol ol!»

¹⁴Bër bax rind mondako bën, ocambenjar ocongoki ebani bën dek bosëniŵ bor Sefa, aşadaxan alëngw abat.

¹⁵Akey amat, angoc añëŋënax aŋ yaka këbi paŋ gë oniŵ or gër ar lil baxo ol: «Wëno anang nang këmo Yesu, bëte anang nang këmo Pol. Do wën wa nobën hi kën?»

¹⁶Ga wëlën këbi ar gë angoc añëŋënax an, nëy ko nëmëc bën dek. Ga xurik xëme in, sembaŷën këbi ata şan këni iciŵ ind gër ed hi bani iŋ do hër këni abat abat teb gë eman eŋ.

¹⁷Bëşëwif bën do gë bër ani gi ex na benëng becëxe bër lëg bax gër Efes na bën, nangëra këni dek endey eŋo. Ata yëdara këni bën dek do fëb këni mbaŋ oŵac or Axwën Yesu ol.

¹⁸Bërëŵak end Yesu bëranejëm bax yowënd gër ed exo Pol eni put bend bani rind beŋ.

¹⁹Bêşaki bëranjëm wêlaraw bax bakayêta band bani rixênend oşaki baŋ, do şor këni ogës od bela dek. Bër fênêta bax akanji and bakayêta baŋo bën sêk këni mène ahat hat dox batama band kodî owêli ofëxw oco.

²⁰Ata eyeyan ed Kaxanu el kê yañënd gê panga ind Axwën inŋ do kwël këni yëmbërend bërëwax end Yesu bën.

End emer ed gër angol and Efes eŋ

²¹Ga xucak beŋo, Pol faÿ ko gër emëkw edexëm exo y'e gër Yerusalem do exo kuca ir owar or Masedëwan do gê Akayi in. Are baxo rend: «And këme hix fën aŋ, aÿandi yandi ke me natëx gër angol and Rom.»

²²Lëngwali këbi bër baŋo rëcarand bëxi, Timote do gê Erasët, gër ebar ed Masedëwan do mëŋ bayi ko pere na gër ed Asi.

²³Amëd aŋo yanak bongeÿer në end Cale ind Axwën eŋ xali wonjok angol aŋ.

²⁴Ata asap ar bano wacënd Demetëriyos bax sapënd na gê kodî bëciw bëcaleya, do bëfan bër bëciw bëŋo bën mbaŋ bani şotëraxênënd.

²⁵Ga barëgu këbi bëjo do gê bësap bëşandaw, re ko: «Bësoşan, aye nang kën wën dek mène obetak orebi ol gër andiyen aŋo ex.

²⁶Awat kën watënd bëte awël kën wëlënd, mène ax gi ex na ro gër Efes fo, barikan dek ebar ed Asi el, Pol ijo këbi xorënd bela bën eni ma end ko femërand eŋ. Ata mondako wërêşët këbi amëxwër and bela eni ma mène olaş or ri këni bela gê otaxan odebën oŋ, ax gi ex na mokwëta, ang Kaxanu ak.

²⁷Ax gi ex na andiyen andebi aŋ fo kê nêxe na. Aciw acaleya and Arëtemis, kaxanu isoxari aŋ kê y'ep. Owëlik orexëm ol kê y'ep bëte xarak bela bën, ebar ed Asi el dek, gê ngwën inŋ dek, mëŋ këno şalend.»

²⁸Ga wël këni eyeyan elo, logën këbi do këni xeÿënd: «Bon wëli ko Arëtemis ir gër angol and Efes in! Bon wëli ko Arëtemis ir gër angol and Efes in!»

²⁹Ata wonjok dek angol aŋ. Ga wëra këni dek enga eŋ ond gër aciw and bapeda aŋ, wëlali kënebi Gayiyos do gê Arisëtarëk, bër xaniw bax gër ebar ed Masedëwan do hi bani enga gê Pol bën.

³⁰Pol aÿandi yandi baŋo exo y'e eno watëx bela bëjo, bari ano teb bana bëşëfan bën.

³¹Bëte odawo odëmar odexëm od hi bax bër gër owun na gër ebar ed Asi ok, lawënegu kënebi eno kara Pol mène kërexo y'e na gër aciw and bapeda.

³²Amëd aŋo wonjok Amara aŋ: bërëmar eni keÿ endey, bëjo eni yakaw ecëxe. Ado bëranjëm ani nang bana në end ine barëraxënegu bani na.

³³Ata ga fit këno na Alekësandër, Bëşëwif bën şonjorëra këno xali gër lëngw ir Amara. Ata lambaca këbi Alekësandër ga yandi këŋo exo nëgwëşët bend këno yëlanënd beŋ.

³⁴Bari and nang këni bela bën mène Ašewif ex aŋ, këni xeŷënd šor xali nekak bapëxëd baki. Er bani rend: «Bon wëli ko Arëtemis ir gër angol and Efes in! Bon wëli ko Arëtemis ir gër angol and Efes in!»

³⁵Ata emun end angol eŋ ga fel këbi bela bën eni cësinara, re ko: «Noŷo wa nemëk mène wën Bëhefes bën hik bënëkona bër aciŷ acaleya and Arëtemis do gë atox andexëm and latiwëk elod gër orën bën?»

³⁶Cësinara in gayikako ala ax de ex na mène enëgwëš ex do këreŋun nekandëra na mama.

³⁷Enimin, bela bër wëlaw kënebi bëjo, gebatak ani ŷepën ex na, bëte ano cir ex na Kaxanu isoxari irebi in.

³⁸Awa angëmëne Demetëriyos gë bër bar këni andiyen bën ala xoŷën këno na, mëlalexëni endey eŋo gër ogofërener gë bakey band kiti baŋ.

³⁹Angëmëne bend kën xwëñe exëna, gwëre ene ñëpaxëne gër Amara and kiti.

⁴⁰Enimin, gë endey end xucak doru eŋo, ata këni yëla bëlëngw bën enëbe mereliye xëñëna këne gayikako er ŷapëk ene barëraxëne ax gi ex na.» Ata ga ħata ko eyey'an elo, fel kënebi amara and bela aŋ eni capër.

Bandixa 20

End Pol gër owar or Masedëwan do gë Gëres eŋ

¹Ga xwëtëk emer el gër Efes, Pol wac këbi bësëfan bën do ga këni felar xemën gër ekwëta do kwël ŷe ko gër ebar ed Masedëwan.

²Er ŷe baxo cangët ebar elo do këbi xemënënd gër ekwëta bësëfan bën xali ħat ko gër Gëres.

³Fën xeyërax baŋo opacaŷ otas. Do ga ko ŷe exo medëx kuluŋ in ond gër ebar ed Siri oŋ, wël ko mène Bëšewif wëlërek eno denan eñëŋënaŋ, ata saxan këŋo exo baka ir Masedëwan in.

⁴Bër baŋo laŋëtand bën er ebani: Sopater, asëñiŷ ar Piros ar gër Bere an, gë Arisëtarëk do gë Sekundos Atesalonik an, gë Gayus Aderëb an, gë Timote, gë Tišik do gë Tërofim, bër lëg bax gër ebar ed Asi bën.

⁵Bëjo lëngwa bax do šënix kënebo gër Tërowas.

⁶Ga xucak ofëna or mburu ind gë lewir këm ol, wëdëx këmi kuluŋ in gër angol and Filip. Yatir akey anjoxën, ħat këmi gër Tërowas do seyëtax këmi loxo.

End ofelar or Pol gër Tërowas ol

⁷Yatir oganjar, barër këmi genëka mi ŷamb eceamar ed aminëmëra el. And kë weca aŋ hi bax exo ŷe Pol, ata këbi felërand end Kaxanu eŋ bër barëreŋu bax na bën xali wëdëk mbaŋ.

- ⁸Gër aciŵ and ʏaŋ and gër ed barër bami ofambo odanjëm xaŵëra bani na jey.
- ⁹Pol, ga nëka ko gër eyeyan, şambenjar ir këno ŵacënd Otikos in, ʏëpa ko gër opaʏa od fonetër, do këno raşënd. And bëro këno akwëd aŋ, yolëta ko elod gër aciŵ atëndëndër atasën, lati ko parëxad, xanin këno aşësëk.
- ¹⁰Pol feda ko eŋo nëkon, ga fela këno lapara këno do re ko: «Gë enjëŵ ak bayi ko, këren yëdara na.»
- ¹¹And baka ko Pol ʏaŋ gër aciŵ aŋ, şet ko mburu in do ʏamb këni. Ga fakët ko eyeyan el, felëra këbi xali wecak. Ga kë fënëgu eñan eŋ ʏe ko kwël.
- ¹²Do şambenjar ir lati bax in ŵaʏeli këno abëngw. Eŋo mbaŋ xemën babi bën dek gër ekwëta.

End Pol gër angol and Mile eŋ

- ¹³Biyi lëngwa këmi mi medëx kuluŋ ir këbo ŵëla gër angol and Asos in, gër ed hi bax mi pedëx gë Pol. Mondako bax mi di gayik mën gë osapar ʏandi baŋo exo ʏeli.
- ¹⁴And sëk këbo gër Asos aŋ ŵedëx këmo polo gër kuluŋ do xucax këmi ond angol and Mitilen oŋ.
- ¹⁵Fën xucax këmi gë kuluŋ in, ĥat këmi në ecan ijo gër angol and Kiyos. Gër akey akinëm, hi këmi gër angol and Samos, do gër atasën fo ĥat bami gër Mile.
- ¹⁶Enimin er ʏandi baŋo Pol exo kuca caparëxe gër Efes këdi ko şacaya gër ebar ed Asi. Exo ŋat gër Yerusalem dãmama ex gi Ofëna or Peŋëtekot ol baŋo nëkanaxënënd mondako.

End bëlëngw bër gër Amara and Efes eŋ

- ¹⁷Gër angol and Mile na, Pol laŵën ko eni ʏow bëlëngw bër Amara and gër Efes bën.
- ¹⁸And ĥatëgu këni aŋ, re ko: «Aye nang kën mondake bame liyand key yo key gë wën elod yatir ĥatëgu këme gër ebar ed Asi.
- ¹⁹Axwën an bamo riyeninënd ang xadëp fo, gë otes ok do gë ocëmuk od bane rinënd Bëşëwif bër bax şaland ene dixëra ok.»
- ²⁰Asëfëtan bamun sëfëtanënd bëte, asëʏali bamun sëʏalind dek bend ʏap bax en nang beŋ gër ed kën barër, do gër bëciŵ, ʏoweʏ amun con ex na.
- ²¹Gër Bëşëwif do gër bër ani gi ex na Bëşëwif bame reyarand eni nëngwët ola orebën ol gër ogës od Kaxanu do eno kwëta Axwën Yesu.
- ²²Gërëgako Angoc Amënëk aŋ ke nëʏalind me ʏe gër Yerusalem do ame nang ex na ine ke hix.
- ²³Gër angol and këme ĥat yo, Angoc Amënëk aŋ afel ke felënd mëne asëra këne sërax do me toro mbaŋ.

²⁴Barikan wëno cëj end aniyand amand enj axe y'ëkaxën ex na nangëde axëbënaxik hi këme. Obal oram ol ex, me bayi ga këme rind andiyen and fana ke Axwën Yesu anj xali me njata: me dey'arand Atëfëtan and oyekax or Kaxanu anj.

²⁵«Wëno er y'ow bame gër ed hi kën wën dek me pemëra end Owun or Kaxanu enj. Barikan gërëgako anang nang këme mëne apelatar këne watërende.

²⁶Mënj këme rey'axënënd doro: Wën dek ang y'ow kën ro ako angëmëne abat exo nemi, ax gi ex na wëno ke w'ëkaxëd Kaxanu.

²⁷Bend y'andi këjjo Kaxanu exo di bej dek nangën këmun, y'owej amun con ex na.

²⁸Nëkonayindën de ogaf odewën ok, diyayindën šenene. Gayikako Angoc Amënek anj fana këjjon en gi bëxadac, nëkonayindën Amara and Kaxanu and yec ko gë ošat or Asëñiŵ onj.

²⁹Anang nang këme mëne and këme fu'yëtax anj, bela bër xeyëk ang ojëlemu këjjon lil na, abi kayënan na amara andewën.

³⁰Ado gër Amara andewën dëj bela kë y'ana na ex dey'arand benëgwëš xali enëbi nambeli bësëfan bërëmar.

³¹Awa wën titinayin do en kwitand mëne elod bëniy bëtas, hik goyat, hik gëmëd, ongwën baxe šarënd and bamun xexërand anj.

³²«Do gërëgako anëka këmun sebënd gër otaxan od Kaxanu. Gë eyey'an ed oyekax orexëm el, gë panga indexëm inj këjjon rëca en bayi ga xwëta këno enj yëlxën er fenan këbi dek bër wënën këbi in.

³³Abame šala na kodï, ba kaŋe ba banjëm band ala.

³⁴Wën anang nang kën gë otaxan odam oko dëj bame riyenind me cot er bami liyaxënënd wëno gë bër enga endam in.

³⁵Gër ga hik yo aŵasin wäsin këmun mëne mondiyeni ex en cotëraxën mënj kën y'ana enëbi dëcaxënënd bër gë ojaŵ këm bën. Kwitayindën eyey'an ed Axwën Yesu el ga re ko: "Onënga ir ala ar kë yëlënd in kë nëmëcand gë ir ar këno yëlënd in."»

³⁶Ga ĥata ko Pol eyey'an el, foxi këni bën dek do šale këni.

³⁷Bën dek bax renitand do bano wëgarand Pol gër egëla.

³⁸Mbaŋ šamina bani ga re ko mëne yatijo bano feland ewat el. Ata kwël lajëta këno xali gër kuluj.

Bandixa 21

End đamana ir Pol gër Yerusalem enj

¹And šapër këmi gë bër lajëta babo anj, y'e këmi gë kuluj in šëw, ond gër angol and Kos onj. Ga xeyëk, xucax këmi gër Rod, do ĥatëx këmi bëte gër Patara.

- ²Ga sêkêx këmi kuluŋ ir xêñëna bax ond gër ebar ed Fenisi oŋ, fëra këmi do kwël wë lax këbo.
- ³And hi këmi wat-wat gë ebar ed Šipër aŋ, kuluŋ ir baŋo wëland in sebak gë ocame ok, do fabëk gand ebar ed Siri mi ŋataxën gër Tir. Fën hi bax eni pedalira olëb or wëlaw bax kuluŋ oŋ.
- ⁴Ata sêk këmëni na bësëfan do xeyëra këbo loxo gë bën. Aŋo nangën këbi Angoc Amënëk aŋ eno pel Pol mënë kërexo y'e na y'aŋ gër Yerusalem.
- ⁵Barikan and xucak loxo ijo aŋ, fakët këmi oñe oŋ. Laŋëta kënëbo bën dek gë bësoxari ak do gë obaš ak xali nęcët kënëbo angol aŋ. Gër bëŋa ir angwëngw, foxix bami mi cale.
- ⁶Pol ga felarëra këmi na, fëra këmi gër kuluŋ do bën kwël wäyira këni.
- ⁷Ga këmi ĥata oñe ond gë kuluŋ oŋ, y'e këmi ambađ and bangol band Tir gë Pëtolemayis aŋ. Fën šëpëtax bami mi cëmar gë bëmaÿe bëŋ do wëdëx këbo gër ndebën.
- ⁸Në ecan ijo, ĥat këmi gër Sesare, xeyërax këbo bakey gër iciw ind Filip. Filip ijo, gër imëxwër ind ojakër ocongoki od gër Amara and Yerusalem hi baxo. Bëte afemëra ar Atëfëtan and Yesu hi baxo.
- ⁹Odënaw obeja onax šot baŋi do bën bax yey'andërand ang bëlawënel bësoxari fo.
- ¹⁰Ga xeyëra këbo bakey bandanjëm, ĥatëgu ko na alaŋwënel ar Kaxanu, ar bano wäcënd Agabus ga xaniw ko gër ebar ed Yude.
- ¹¹Wëd ko ñat enar end Pol eŋ, xapaya ko maŋ osapar oŋ gë otaxan ok do re ko: «Baxëtin end rek Angoc Amënëk eŋ, ar xwënëk enar eŋo ro an mondako këno xapëx Bëšëwif bën gër Yerusalem do eno dëxw gër otaxan od bër ax gi ex na Bëšëwif.»
- ¹²Ga wël këmi eŋo, biyi gë bër barërëgu bax na bën, xara këmo Pol kërexo y'e na y'aŋ gër Yerusalem.
- ¹³Pol yaka këbo: «Inëwa kën sesaxënënd do kën yëbunënd mondako yomb iram in? Wëno cëŋ aŋwëlëk hi këme ene pokëra, do ado gido ene dāw gër Yerusalem në end oŋac or Axwën Yesu eŋ.»
- ¹⁴Ga wata këmi mënë ax bo ex na mo kor gër eŋo, seb këmi eyey'an el do mi cësinaxën in re këmi: «Awa dilexo Axwën an er y'andi këŋo in.»
- ¹⁵Ga xeyëra këbo bëte na, xëñënara këmi do kwël y'e këmi y'aŋ gër Yerusalem.
- ¹⁶Ata bësëfan bërëmar bër sëfërëgu bami elod gër Sesare bën bëteli kënëbo gër ed hi bax mi ŋat, gër iciw ind Mënasoŋ, ar hi bax anëka fo asëfan do xaniw baxo gër ebar ed Šipër an.

End Pol gër Yerusalem eŋ

- 17And ĥat këmi gër Yerusalem aņ, bëmaŷe bën xaca kënëbo gë onënga fo.
- 18Në ecan ijo, sëfër këmi gë Pol gër iciw̃ ind Šak. Ata sëkëx kënëbo fën bëte dek bëlëngw bër Amara and Yerusalem bën.
- 19And šëmarëra këmi aņ, Pol ŷana ko këbi sëfëtanënd gë betil ak bebër ko rind Kaxanu pağ gë andiyen andexëm bën gër owar or bër ax gi ex na Bëšëwif.
- 20Bën ga këno baxët, këno šëkwand Kaxanu. Ata re këni: «Awël nde abaŷe, Bëšëwif bën owëli owëli exëni bërëw̃ak end Yesu bën do bën dek momal këbi balënd end acariya and Moyis eņ.
- 21Xarak, awëlati wëlati këmi mëne wëj këbi sëŷalind dek Bëšëwif bër lëgërak gër owar or bër ax gi ex na Bëšëwif bën, eni teb etëf ed acariya and Moyis el, gë ekac ed obaš orebën el do gë etëf ed bënd rëpëk el.
- 22Mondake ex mo ndi gayikako aye këni nangëra mëne wëj ŷowëk?
- 23Mëņ ex, afo eȳ ma eȳ di er këmi fel in. Nëkodëbi bësošan bënax bër enga endëbi, abaņaya baņaya këni.
- 24Macëlëbi en ŷe en w̃unëtarax do cosënëlëbi enëbi cëk lir-lir ogaf ok. Ata aņo fo këni nangëra mëne wëj bëte asëf këŷ sëfënd er rek acariya in. Mondako fo këni nangëra bëte mëne er fel kënëbi këŷ rind in ax gi ex na đal.
- 25End bër ax gi ex na Bëšëwif bërëw̃ak end Yesu eņ cëņ, ga re këmi eni teb eȳamb ed ŷas er oŷacar or ĥaš kënëbi gër olaš eņ, gë ŷas er oŷacar or šësëk ŋašërëxe eņ, gë eȳamb ed ošat el, do gë asëk alakirand fo in.»
- 26Ga xeyëk, Pol wëla këbi bësošan bëjo, w̃unëtarax këni, do lilëx këni gër Aciw̃ and Kaxanu. Ata felëra këbi nand fe kë xwëtëk bakey band owunëtan baņ mëņ këni rixën ala kala šadaxa irexëm in.

End etëra ed Pol eņ

- 27Ga kë xwët bakey banjongëbaki band owunëtan baņ, Bëšëwif bër xaniw bax gër ebar ed Asi bën wat këno Pol gër Aciw̃ and Kaxanu. Ata ga šoņ kënëbi dek amëxwër aņ, sëra këno
- 28do këni xeŷënd: «Bëŷisërayel, marawën! Nëkoyino wa ro ala ar këbi sëŷalirand bela dek, gër ed ko ŷe yo, mëne enëbo cus biyi Bëšëwif bën. Mëņ fo këbi sëŷalirand bëte eni ŷepën acariya and Moyis aņ do gë Aciw̃ and Kaxanu aņ. Ado lëf gër Aciw̃ and Kaxanu lën këbi bër ani gi ex na Bëšëwif do buyarën këni aciw̃ amënek aņ.»
- 29Yeȳanaxën bani mondako in, Pol gë Tërofim Ibefes watëgu banëbi ga sëfër këni gër angol. Mëņ yëlxën bani mëne Pol alën lën këņo ajo lëf gër Aciw̃ and Kaxanu.
- 30Ata wonjok dek angol aņ do hërëraw këni bulunda in bebët ir ex yo. Ga sëra këno Pol na gër Aciw̃ and Kaxanu, šonjorëra këno xali necët këno, do fëra këni ataņ owët oņ.

³¹Amëd and bani şaland ang këni ri eno daŵaxën ak, emun end enga end ocoroda Obërom eŋ wëlëx ko mëne dek angol and Yerusalem aŋ wonjok.

³²Ataŋ bar këbi ocoroda ok gë bëlëngw bërebën bën do ŵaraw këni gër ed barëregu bani Bëşewif. And watëgu kënebî emun eŋ gë ocoroda odexëm ok aŋ, seb këni ekëm ed Pol el.

³³Ga sëka këbi emun end ocoroda eŋ, xana këŋo Pol. Fel këbi ocoroda ok eno pokëra gë ogwey'ele-gwey'ele oki. Ŵëka këŋo ba noŷo hi ko do ine ri ko.

³⁴Barikan ga bani xeyërand bër gër amëxwër bën, bërëmar eŋo, bëjo ecëxe, emun end ocoroda eŋ sëkwan ko eŋo pëni ŷey mërëxand na. Ata re ko eno mëla endëmane fo Pol gër akëbe ang gë oxaŷ .

³⁵And hateli këno Pol gër lilaya ir akëbe aŋo aŋ, afo ga fela këno ocoroda ok gayik aŵëlën bano ŵëlënënd bër gër amëxwër bën.

³⁶Ga sëfëgu këno na bën dek këni xeyënd: «Ajo ar efaŵ ex! Ajo ar efaŵ ex!»

End eyeyan ed Pol gër Yerusalem eŋ

³⁷And hi bax eno mëlax lëf gër akëbe aŋ, Pol ŵëka këŋo emun end ocoroda aŋ: «Axor nde këme xor me yeyan ŷey?» Yaka këŋo: «Awël nde wël këy eyeyan ed Gërek el?

³⁸Awa Amisëra ar bar babi bela bëxeŷax owëli onax an, ax gi ex na wëj. Ax nëka ex na ga ŵëla babi gër ladawe, şoŋ këbi enëbo mereli.»

³⁹Ata re ko Pol: «Wëno Aşewif hi këme de, gër Tarës rëw këne, angol angwëlik and gër ebar ed Silisi aŋ. Axara xara këmi, tebële mëni pelëra bulunda in.»

⁴⁰Emun end ocoroda eŋ ŵa ko. Ga xwëşa ko Pol ŷaŋ ako gër lilaya ir akëbe and gë oxaŷ, lambaca këbi bulunda in. And şësinara këni aŋ, yirëk mbaŋ. Ata yeyan ko eyeyan ed arameyey el:

Bandixa 22

¹«Bëmaŷe do gë faba bën, gërëgako baxëtine mun yaka ga nagaşan këne ako.»

²And wël këno ga ko yeyan arameyey aŋ, yirëk kaş-kaş. Ata re ko Pol:

³Wëno Aşewif hi këme, gër Tarës ir Silisi rëw këne, fëco gër ebar ed Sisili. Barikan ro gër Yerusalem raf këme do Gamaliyel sëŷali ke me tëfënd şenene acariya and bëxarëk bërebî aŋ. Mbaŋ baxe balënd end Kaxanu eŋ ang këŋun balënd wën dek doro ak.

⁴Arixëra rixëra këmëni xali eni cës bër sëfëk Cale ind Axwën bën. Axap bamëni xapënd mëni mëlaxën gër epëra bësoşan bën do gë bësoxari bën.

⁵Aşadaxan alëngw an do gë dek bër ex gër Amara and bëxarëk bën, otede odam exëni. Bën dëŋ ŷëgwën baxe okayëta od bame ŵëland gër bëmaŷe bënd lëgëk gër

Damas. Do wëno mëñ bame y'exënënd mëni kapëgu bërëw'ak bën do mëni mëlaw ro gër Yerusalem mëni kadacati gë toro iñ.

⁶«Ga hi këme gër fëña do ga këme ri me ñat gër Damas, eñan eñ keñ gër gaf, watëgu këme bërëxadët angoben ga h'obaw ke elod gër orën do xul ke.

⁷Wëc këme bëd'ecët gër ebar do këme wëlënd oniw' ga ke wëka: “Sol, Sol ineña këy'e rixëraxënënd?”

⁸Yaka këme: “Wëj noyo wa hi këy' Axwën?” Yaka ke: “Wëno ex Yesu Ibënasaret, ar këyo rixërand an.”

⁹Bër enga endam bën awat wat bani angoben añ bari ani wël bana oniw' or ar baxe yey'anelind ol.

¹⁰Ata wëka këme: “Ineña këme ri Axwën?” Yaka ke Axwën an: “Kanil ey' ñat gër Damas, fën këni felëx dek er yapëk ey' di in.”

¹¹Ga nemëra këme bëd'-bëd' në end enjaran end angoben and wat bame eñ, bër sëfër bami bën las këne monas fo xali h'ateli këne gër Damas.

¹²«Xarak na gër angol and Damas, asoñan ar ñenene pañ gë acariya hi bax na do bano w'acënd Ananiyas. Bëñewif bër gër Damas bën dek enjekax fo bani rey'and endexëm eñ.

¹³Mëñ xacaw baxe, re ko: “Abañe Sol, watëral gañëxe.” Sam ga yey'an ko mondako, wëno ñiwëta këme do wat këmo.

¹⁴Bañ ko: “Kaxanu, mëñ ar yata këbi bëxarëk bërebi an, yata ki wëj bëte ey' nangaxën oñandi odexëm ok, ey'o wat Ar ñenene an, do ey' wël eyey'an el gër etëy' edexëm dëñ.

¹⁵Wëj sede irexëm këy' hi, gër lëngw ir bela dek këy' y'ana ey' kwëñand ey' dey'araxën er wat këy' do wël këy' in.

¹⁶Do gërëgako ine këy' ñenind? Kanil eni buyi! Dëxëtalex beñëñenax bende'y' beñ and këy' ñale gër oñac orexëm añ.”

¹⁷«Ga bakaw këme gër Yerusalem ro, këme ñalerand gër Aciw' and Kaxanu, ata lakeli këme.

¹⁸Wat këmo Axwën an ga ke fel: “Maral ey' can añand angol and Yerusalem añ gayik bër lëgëk ro bën ani baxët na osede ore'y' ol.”

¹⁹Yaka këmo: “Axwën bën dëñ aye ga nang këni wa mëne wëno amat amat bame sëfënd baciw' bacaleya bañ gër ocal od bërëw'ak endey' bën. And këmëni sëra añ, mëni këmëra do mëni përa.

²⁰Do and lañ këno Ecen, sede irey' añ, wëno dëñ na bame. Añëkwa ñëkwa bamëni bër lañ këño bën do lëkayan bamëni banjëm bandebën bañ.”

²¹Ata Axwën an fel ke: “Yel gayik caw këmi lawën, gër bër ax gi ex na Bêšewif.”»

End Pol do gë emun end ocoroda eņ

²²Mondako baxët bano xali ĥat ko gër eyey'an elo. Barikan xeÿ këni šor: «Ala arako rako an, ar eđaw ex! Ax ñap ex na exo bayi ga ko liya gër ebar!»

²³Ata ga logën këbi këni xeÿ, këni šudëtand banjëm baņ do këni xaninënd yaņ ebëkwërebëkw el.

²⁴Emun end ocoroda eņ fel këbi odexëm eno dënëx Pol gër akëbe and gë oxaÿ do eno cewërax. Mondako bax eno nëÿali exo deÿa në end ine këno yobalixënënd bela bën.

²⁵Barikan and xap këno eno cewaxën aņ, Pol wëka këņo alëngw ar ocoroda an: «Aÿap nde ÿapëk pab gë acariya andewën aņ eno cew gë ogux ar xwën këņo owun or Rom an, xarak ano kiti ex na pere?»

²⁶Sam ga wël ko eyey'an elo, alëngw ar ocoroda an ÿe ko gër emun endebën do wëka këņo: «Mondake këÿ ri? Ala ajo ar xwën këņo owun or Rom exo de!»

²⁷Emun end ocoroda eņ ÿow ko do re ko: «Wëj pelële fa, ar xwën këņo owun or Rom nde hi këÿ?» Yaka këņo Pol: «Iyo, ar xwën këņo owun or Rom hi këme.»

²⁸Re ko bëte emun end ocoroda eņ: «Wëno kodî ir bon necët këme me gixën ar xwën këņo owun or Rom?» Re ko Pol: «Do wëno mondëwëli rëwëli këne.»

²⁹Ataņ nacëta këni bër hi bax eņo mëkara bën. Emun end ocoroda eņ yëdara ko ga nang ko mëne Pol ar xwën këņo owun or Rom hi ko xarak mëņ re bax eno kap.

End Pol do gë bëxarëk bër Bêšewif eņ

³⁰Në ecan ijo, ga ÿandi këņo exo nang aye në end ine këno lëxwaxënënd Bêšewif bën, re ko eno pëtëgu Pol. Fel këbi bëšadaxan bëlëngw bën do gë Amara and bëxarëk bër Bêšewif aņ đek eni barër. Ga wëlaw këņo Pol xwëšan këņo mërëxand irebën.

Bandixa 23

¹Pol ga fađ këbi Amara and bëxarëk aņ, re ko: «Bëmaÿe wëno gë onden onjekax fo liya këme gër ogës od Kaxanu xali gë akey and doru aņo.»

²Ata Ananias ašadaxan alëngw an, fel këbi bër hi bax ler gër Pol bën eno këm gër etëÿ.

³Aņo re ko Pol: «Wëj wa ki xëm Kaxanu, ey di këre amëņ and fešën këni ex! ÿëpa këÿ ey'e kiti gë acariya aņ do këÿ lifënd bëte acariya aņ ga këÿ rend ako ene këm.»

⁴Bër hi bax ler gër Pol re këni: «Yama ašadaxan alëngw ar Kaxanu an nde këÿo širënd?»

⁵Yaka ko Pol: «Awa ašadaxan aləngw an nde ex. E bëmaÿe ame nang bana. Akayëta and Kaxanu aŋ ga rek: “Kërey’ëno yey’anana na eñëjënax aləngw ar bulunda irey’an.”»

⁶Ga nang ko mëne na gër Amara, Osaduseŋ gë Ofariseŋ barërëgu bax, Pol xeÿ ko: «Bëmaÿe wëno Fariseŋ hi këme, orëw̄ or Ofariseŋ. Në end eyar ed këme yarënd ekani ed bëšësëk el këne xitixënënd doro.»

⁷And yey’an ko mondako aŋ, Ofariseŋ ok gë Osaduseŋ ok këni xeÿërënd, na šetërëk Amara aŋ.

⁸Osaduseŋ ok kë rend enimin ekani ed gër ecës ax gi ex na, meleka ax gi ex na, angoc ax gi ex na, xarak Ofariseŋ ok bën beŋo đek aŵa ŵa këni.

⁹Ata fëtëk ongeÿër, bëšalen bër engana end Ofariseŋ bën xani këni xemëna këni këni rend: «Biyi cëŋ amena amo wateli exëna ala ajo. Bamat angoc ba meleka yey’aneli këŋo.»

¹⁰Ga xumak ekeÿer el, emun end ocorođa eŋ yëdara ko ga baxo yëland ašosëtëra këno šosëtëra Pol. Ata laŵën këbi ocorođa ok eno kanaw, do eno mëla gër akëbe and gë oxaÿ.

¹¹Yatijo gëmëđ, Axwën an šanaÿaxën këŋo Pol do fel këŋo: «Kapinal! Ang rey’a këÿ endam gër Yerusalem ro ak këÿ rey’ax gër Rom.»

End eđaŵ ed Pol eŋ

¹²And xeyëk aŋ, Bëšëwif bën xetan këbi eno đaw̄ Pol. Yašar këni mëne afo eno đaw̄ pere eni ÿambëraxën, do eni cebëraxën. Angëmëne ax gi ex na mondako ebi wëcanëđ kata.

¹³Bër xetan babi eŋo bën në bela ofëxw onax hi bani.

¹⁴Ye këni gër bëšadaxan bëləngw do gër bëxarëk bër Bëšëwif do re këni: «Biyi ayašar yašar këmi mëne afo mo đaw̄ pere Pol mi ÿambëraxën. Angëmëne ami de ex na mondako ebo wëcanëđ kata.

¹⁵Awa wën Amara and bëxarëk aŋ wëlërin eno kara emun end ocorođa eŋ eŋun mëlanëgu Pol nangëde en kaman enim endexëm eŋ ÿandi këŋun fo. Biyi bëwëlek hi këmi mo đaw̄ đamana exo ŋatëgu ro.»

¹⁶Aÿiŵ ar Pol an wëleli këbi eŋo. Ata ÿe ko gër akëbe and gë oxaÿ, lilëx ko eŋo nangënëx Pol.

¹⁷Ata Pol ŵac këŋo aləngw ar ocorođa abat do re ko: «Bëteli tan šambenjar ijo gër emun endewën. Gë endey’ exo end këŋo sëfëtan.»

¹⁸Aləngw an ŵeđ këŋo do bëteli këŋo gër emun. Ga ħat këni, re ko: «Pol andepëra an ŵac ke do xara ke mo bëteliw šambenjar ijo ro. Gë endey’ exo end ki sëfëtan.»

¹⁹Ata emun eŋ las këŋo nacët ako do ŵëka këŋo: «Ineŵa ÿandi ey’e tëfëtan?»

20Yaka ko: «Yama Bêšewif bën ga xetan këbi nde eni mëka eyëbi mëlänegu ecan Pol gër Amara, nangëde eni kaman endexëm eñ ýandi këbi fo.

21Këreyëbi yakad na. Bela ofëxw onax exëni bër xëñenak eno ðaw bën. Ayaşar yaşar këni mëne afo eno ðaw pere eni ýambëraxën do eni cebëraxën. Angëmëne ax gi ex na mondako ebi wëcanëd kata. Anëka wël këni, gërëgako wëj fo šëni këni.»

22Ata emun end ocoroða eñ xëña këño şambenjar in mëne ala këreño pel na end nangën këño eño. Seb këño baka ko kwël.

End Pol gër lëngw ir Felikës eñ

23Ata emun end ocoroða eñ wac këbi bëlëngw bëxi do re ko: «Barinëbi ocoroða okeme oki, od gë opanac ok, ofëxw ocongoxi do od gë bendoka ok, okeme oki. Këñënayin en ye gër Sesare and kë wëd añ.

24Tanayinëbi bëte opanac eno mëlaxën Pol xali eno ñatelixën abëngw gër Felikës, gofërëner in.»

25Ata emun eñ ýëgw ko kayëta mondako:

26«Wëno Këlod Lisiyas ki ýëgwënelind, wëj Felikës, gofërëner in! Aşëma şëma këmi!

27Ala ar këmi lawënelilind ajo, Bêšewif bën sëra baño do ala w la w dono kido ami ñatëgu bana aýand wëno gë ocoroða odam ok, do racët këmo ga nang këme ar xwën këño owun or Rom hi ko.

28Ga ýandi ke me nang në end ine këno nagaşandërand, wëla këmo gër Amara and bëxarëk bër Bêšewif.

29Sëk këme mëne në end bend gër acariya andebën këno nagaşandërand. Amena amo wateli ex na and ýapëk exo gixën monaw ba mopokëra gë gwey'ele-gwey'ele.

30Ga nangën këne osit or këni şënarand eno ðawaxën ol këmo lawënelilind atañ. Afel fel këmëni bër këño nagaşandërand bën eni yeli do eno dëxwëx gër ndey.»

31Ata ocoroða ok ri këni end fel këbi emun endebën eñ. Wëd këno Pol do wëla këno gëmëd fo xali gër angol and Añëtipatëris.

32Në ecan ijo, baka këni gër akëbe ang gë oxaý do seb kënebi bër gë opanac bën eno mëlax Pol.

33And hat këni gër Sesare añ, fëxwën këno kayëta in gofërëner in do re këni: «Awa nëkodo Pol.»

34Ga fën ko kayëta in, gofërëner in wëka këño gër ebar ed fe xaniw ko. Ga nang ko ab Silisi ex, gofërëner in re ko:

35«And këni hatëgu bëte bër lëxw ki añ fo këmi wëkara.» Ata fel këbi ocoroða ok eno kwëtëx gër eyang ed Erod.

Bandixa 24

End edêxw ed Pol eņ

¹Ga xucak bakey banjo, Ananiyas, ašadaxan alëngw an, šëla ko gër Sesare. Sëfër këni gë bëxarëk bër Bëšëwif bërëmar do gë ar bano wacënd Terëtilos. Andiyen and ala ajo aņ hi bax, bandëmar enagašan, baņo eyakan ed bela gër kiti. Ga ĥat këni, wac këno Pol ebi yaka gër gofërener.

²And wëlaw këno aņ, Terëtilos ŷana ko këņo lëxwënd mondako: «Felikës, wëj gofërener in, enëng endebi eņ paš gë owun orey ol šot këmi obetak or đal ol, do gë bebër nëngwëtak bebët ir ex yo gër ebar elo ro bën.

³Felikës, wëj ar gapak an, biyi đek nëngan këbo end andiyen andey aņ do këmi šëkwand mbaņ.

⁴Barikan këdi ki lëbëlëba kaš-kaš, axara xara këmi wëj ar gë onden onëngax an, eyëbo baxët.

⁵Biyi er wat këmi in mëne ala ajo aŷëņënax ex. Gër ed ko ŷe yo kë fëtënd bongeyër gër đek Bëšëwif gër ed exëni yo gër ebar ro. Ata mëņ ex alëngw ar Bënasareņ an, Bëšëwif bër šapayak cale bën.

⁶Axacëra xacëra këņo exo ŷepën Aciw and Kaxanu aņ, biyi sëra këņo. [Er ŷandi babo mo kiti gë acariya andebi aņ.

⁷Barikan ŷow ko Lisiyas, emun end ocorođa eņ, xana këņo foroše gër otaxan odebi

⁸do re ko mëne bër këņo nagašanënd bën eni ŷow gër ndey ro]. Wëj dëņ axor këy xor ey'o mëkara ey nangaxën đek er këmo nagašanënd biyi in.»

⁹Do ga këni xëmëy'ëtara Bëšëwif bën këni rend mëne go dëņ ex endey' eņo.

End Pol gër lëngw ir Felikës eņ

¹⁰Ata gofërener in lambaca këņo Pol exo yey'an. Re ko Pol: «Anang nang këme mëne wëj elod bëniy bëndanjëm hi këy axiti ar bela bër enëng endebi an. Awa wëno gë ekwëta këmëni yaka bër ke lëxwënd gër lëngw irey bën.

¹¹Ang këy xor ey mëkara wëj dëņ ak, eced fo sëkëk bakey epëxw gë baki, ga këme ŷe ŷaņ gër Yerusalem mo calex Kaxanu.

¹²Ala axe tək ex na lëf gër Aciw and Kaxanu; ala axe tək ex na gër baciw bacaleya. Bëte ala axe tək ex na gër angol ga këmi šampëre gë ašëxen, ba ga këmëni šoņ bela na amëxwër eni meraxën.

¹³Bër ke nagašanëndërand bëjo ani kor na eni masin mëne er këni rey'and gërëgako in đal ex.

¹⁴Arey'a këme rey'a ro gër lëngw irey: ašale këmo šalend Kaxanu ang bëxarëk bëram ak, gë cale ind këni rend bën enëgwëš ex in. Barikan aŷa wã këme đe đek

er yëgw këni gër acariya and Moyis do gër bakayëta band bëlawënel bër Kaxanu in.

¹⁵Wëno bëte ayar këme yarënd ang këni yarënd bën ak mëne Kaxanu axanin këbi xani gër ecës bër šenene bën do gë bësëmbak bën.

¹⁶Mëñ ex, wëno bëte axemëna xemëna këme me bayi lañ gë onden onjekax ex gi din end šenene eñ gër ogës od Kaxanu do gër od bela.

¹⁷Ga ri këme bëniy bëndanjëm y'erëxe gër Yerusalem, wëlan bamëni edëca bër enëng endam bën do kwël me kwëtëx oyël oram ol gër Aciw and Kaxanu.

¹⁸Ata bën sëk këne awwunëtarak lëf gër Aciw and Kaxanu, bela axe keta bana, end šode-šode ax gi bana.

¹⁹Barikan Bëšëwif bër xaniw bax gër ebar ed Asi hi bax na na. Bën yap bax eni kwëša gër lëngw irey ro ene dëxw angëmëne endey xoÿën këne na.

²⁰Ado bëjo ro dëñ dey'alexëni ngwa ba etëmbak end fe xitixën këne bëxarëk bën gër Amara andebën.

²¹Angëmëne cëñ ga xeÿ bame mërëxand irebën: "Në end ga wã këme ekani ed gër ecës exëna eñ këne xitixënënd dorogër lëngw irewën!"»

²²Felikës ga nang baxo aye end cale ind Axwën Yesu eñ, fela këbi eni bakaw akey acëxe gër kiti. Er re baxo: «And ko yow Lisiyas, emun end ocoroda eñ, axaman këme axaman endey endewën eño.»

²³Ata fel këño alëngw ar ocoroda an eño mëla Pol gër epëra bari këreño pokërad na bëte, ebi tebënd bërexëm bën eno dëcara.

²⁴Ga xeyërak, Felikës sëfërëgu këni gë Dërusil, asoxari Ašëwif ar yër baño an. Lawën ko eno mëlaw Pol. Na baxët këño ga ko rey'a end ekwëta ed Yesu Kërisët eñ.

²⁵Barikan ga ko yey'an end ediya ed gë or šenene eñ, gë end ekwëyëta ed betëmbak eñ, do mëne Kaxanu axiti këbi xiti bela bën akey amat, ata yëdara ko Felikës do re ko: «Gwac ex and dorogër añ, bakal, and ke hãtan añ awwac këmi wãc.»

²⁶Ayëla baxo, yëland bëte mëne kodï këño yël na Pol, mëñ baxo lawënoxënënd lañ eno mëlaw eni kanar gë mëñ.

²⁷Mondako xucak bëniy bëki, Felikës ga rëfali këno owun ol bëtëgu ko Porësos Fesëtis. Do ebi din oyekax Bëšëwif bën, Felikës sëb këño Pol gër epëra.

Bandixa 25

End Pol do gë Fesëtis eñ

¹Bakey batas ga xucak elod ga hãtëgu ko Fesëtis na gër Sesare, ye ko yañ gër Yerusalem.

- ²Ata bēšadaxan bēlengw bēn gē bēxarēk bēr Bēšēwif bēn xacali kēno endey end Pol eṅ. Axara xara bano
- ³exo ma ebi din oyekax ga wēlaw wēlaw kēno Pol gēr Yerusalem. Xarak bēn anēka bani xēñenand enēbi kaš bēwēla bēn gēr fēña eno dāwaxēn.
- ⁴Fesētis yaka kēbi mēne Pol gēr Sesare xwētaya kēno do mēne mēṅ gogo ko baka fēn.
- ⁵Re ko bēte: «Awa bēr gapak bēr gēr Amara andewēn bēn, tēfērēlemi do angēmēne eñēṅenax exēna gēr ala ajo eno dēxwēx.»
- ⁶Fesētis baka ko gēr Sesare, aṅo keyēra bana na gēr Yerusalem nēmēc bakey banjongēbatas ba epēxw. Nē ecan ijo, ga yēpa ko gēr aciw and kiti, lawēn ko eno mēlaw Pol.
- ⁷And ḥateliw kēno Pol aṅ, Bēšēwif bēr xaniw bax gēr Yerusalem bēn xeta kēno do kēno nagašanērand betēm bēdanjēm bēnd ani kor bana eno masin axiti an mēne dāl dēṅ kēni reṅand.
- ⁸Barikan ga kēbi yaka, Pol re ko: «Wēno yoweṅ ame men ex na. Ame dīf ex na acariya and Bēšēwif aṅ, ame men ex na paḅ gē Aciw and Kaxanu aṅ, do amo menan ex na Sesar.»
- ⁹Fesētis ga yāndi kēno ebi din oyekax Bēšēwif bēn, wēka kēno Pol: «Yāndi ki nde ey y'e yaṅ gēr Yerusalem eni kitix xarak wēno me gixeli?»
- ¹⁰Pol yaka kēno: «Ga xwēša kēme ako gēr aciw and kiti and Sesar, awa ro fo yāpēk ene kiti. Wēj dēṅ aye nang kēy mēne gematak amēni menan ex na Bēšēwif bēn.
- ¹¹Angēmēne aṅwen wēn kēme, bēte angēmēne ari ri kēme amena and yāpēk ene dāwaxēn, ame mēka ex na ene kwēyētali ecēs el. Bari angēmēne end dāl ax gi ex na gēr bēnd kēne nagašanērand, gabatak ax kor na exe dēxw gēr otaxan odebēn. Wēno Sesar wēka kēme exe kiti gēr Rom!»
- ¹²Fesētis ga wēlērēgu kēni gē bela bēr baṅo rēcarand gēr kiti bēn, fel kēno Pol: «Awa gayikako Sesar re kēy exi kiti, aṅ'e kēy y'e gēr lēngw irexēm.»

End Pol, gē Agēripa do gē Berenis eṅ

- ¹³Ga xeyērak, emun end bano wācēnd Agēripa eṅ sēfērēgu kēni gē Berenis na gēr Sesare eno cēma Fesētis.
- ¹⁴Ga babi xeyērānd na bandanjēm, Fesētis ga kēno felēra Agēripa, emun eṅ, endey end Pol eṅ, re ko: «Felikēs ala seḅ kēno na ro gēr epēra kitirēxe.
- ¹⁵And y'e bame gēr Yerusalem aṅ, bēšadaxan bēlengw bēn gē bēxarēk bēr Bēšēwif bēn lēxw kēno gēr ndam do re kēni mo nēp.
- ¹⁶Ayaka yaka kēmēni mēne Bērom bēn ani wata ex na enēp ed ala, xarak ala ajo aḅi yaka ex na pere bēr kēno lēxwēnd bēn gēr bēnd kēno nagašanēnd.

¹⁷Aƴow ƴow bani ro gër Sesare, bëte wëno amëni cac ex na, ataŋ në ecan ijo ƴëpa këme gër aciŵ and kiti do re këme eno mëlaw ala ajo.

¹⁸Bër këŋo lëxwënd bën ga xani këni yey'andëra këni. Bari amena gamatak gër band bame ƴëland wëno ari ri ko ani dey'a ex na.

¹⁹Er bani šampërend wayët bend cale indebën do gë end ala ar këno Ƶacënd Yesu. Bën këni rend ašës šës ko, barikan Pol mëŋ ko rend mëne abëngw exo.

²⁰Wëno cëŋ, ga wëlandëra ke gë endey' end mondako eŋo, Ƶëka këmo Pol ba aƴandi ƴandi këŋo exo ƴ'e gër Yerusalem eno kitix.

²¹Barikan Pol re ko mëne endey' endexëm eŋo, emun etëm end gër Rom eŋ kë xiti. Ata fel këmëni ocorođa ok eno kwëtaya gër epëra xali mëni daŵën eno mëla gër Sesar.»

²²Ata re ko Agëripa: «Wëno aƴandi ƴandi ke bëte mo baxët ala ajo.» Yaka këŋo Fesëtis: «Awa ecan, awël këƴo wël.»

²³Ga xeyëk, Agëripa gë Berenis sëfërëgu këni sir-sir gë enga end bër laŋëtëgu babi eŋ: gë bemun bend ocorođa beŋ, do gë bela bër gapak bër angol and Sesare bën, lil këni gër aciŵ and kiti. Ga laŵën ko Fesëtis, Ƶëlaw këno Pol.

²⁴Ata re ko Fesëtis: «Agëripa wëj emun eŋ, do wën dek ang barërëgu këne ro ak, awat këno watënd ala ajo. Bulunda ir Bëšëwif in dek lëxw këno gër ndam hik gër Yerusalem, hik ro gër Sesare. Caw ako bani xeyënd mëne aŋo ñap ex na exo bayi ga ko liya.

²⁵Wëno cëŋ afëni fëni ke mëne amena and këno laŵaxën ax gi ex na. Barikan ga re ko mëŋ dëŋ mëne Sesar, emun etëm end gër Rom eŋ, këŋo xiti, ƴapanaxën ke mo daŵënëli.

²⁶Barikan er këmo ƴëgwën gë endey' eŋo in, ame cot ex na. Mëŋ Ƶëlaŵaxënëgu këmo gër ed barërëgu këne ro, adofa ey'o wël Agëripa, wëj emun eŋ. And këƴo Ƶëkara aŋ, wëno ašot këme šot er këme ƴëgw in.

²⁷Wëno mo daŵënëli andepëra ñëgwërëxe bend lëxwaxën këno gër kiti beŋ, axe yexënan ex na.»

Bandixa 26

End Pol do gë Agëripa eŋ

¹Agëripa fel këŋo Pol: «Anëka sebën këmi eyey'an el, eyëbi yaka bër ki lëxwënd bën.» Ata Pol ga ƴën ko ataxan aŋ, ƴana ko ko rend:

²«Agëripa, wëj emun eŋ, awa doro wëno mbaŋ nëngan ke ga këmëni yakand ako gër lëngw irey' Bëšëwif bën gër dek bend këne nagašandërand beŋ.

³Gayikako aye nang këƴ' bend rëpëk gër Bëšëwif do gë bend këni šampërend beŋ, awa axara xara këmi ey' buŋa ey'e baxëtaxën.

- ⁴«Bêšewif bën dek anang nang keni aniyan andam aŋ elod and hi bame šambenjar aŋ. Anang nang keni mēne šef gēr bēr enēng endam hi bame gēr Yerusalem.
- ⁵Bēn elod anēka fo nang kēne, do axor kēni xor eni dey'a, ga ŷandi ŷandi kēbi, mēne wēno aniyan and ofariseŋ bame liyand, bēn bēr ex amara and Bêšewif and kē balēkēnalind enim cale indebi aŋ.
- ⁶Barikan doro wēlaw kēne gēr kiti nē end ga wā kēme mēne anēka hātēguk er bani yarēnd bēxarēk bērebi in, er bey'a babi Kaxanu in.
- ⁷Do bandēwēra epēxw gē baki band bulunda irebi baŋ, band kēŋo šalend Kaxanu gēmēd gē goyat baŋ, ayar kēni yarēnd er bey'a baxo Kaxanu in ex ŋata amēd and liya kēni bēn aŋ. Mēŋ ex wēj emun eŋ, nangēl mēne nē end ga wā kēme anēka hātēguk er kēni yarēnd ijo in kēne nagašandēraxēnēnd Bêšewif bēn!
- ⁸Ineŋa hi kēn gē oŋpēgēnan od mēne ax mēnd ex na ex gi dāl mēne Kaxanu axanin kēbi xaninēnd bēšēk bēn eni bakaw gēr aniyan?
- ⁹«Wēno er bame yēland aŋap ŷap ke me kemēna mbaŋ me wēlēbēl oŋac or Yesu Ibēnasaret ol.
- ¹⁰Eŋo bame rind gēr Yerusalem: wēno dēŋ babi sērānd bēwēnēk bēranjēm do mēni mēla gēr epēra, gē or gapak or bane yēlēnd bēšadaxan bēlēngw ol. Do and kēni xetan enēbi dāw aŋ, wēno šef gēr bēr bax rend dāwēlenēbi bame hind.
- ¹¹Ata gēr dek baciw bacaleya band Bêšewif asoron bamēni soronēnd mēni nēyalixēn eno cir Kaxanu. Ga ke xureli ekoŷēn ed xoŷēn bamēni el, xali gēr bangol baniyer bamēni yēnēnd.»

End osede or Pol eŋ

- ¹²«Mondako xani bame ond gēr Damas oŋ ga laŋwēn kēne bēšadaxan bēlēngw bēn gē okayēta ir baxe yēlēnd or gapak ok.
- ¹³Agēripa, wēj emun eŋ, and hik eŋan keŋ gēr gaf aŋ, gēr fēna watēgu kēmi, elod gēr orēn angoben and kē ŷegēnd nēmēc eŋan eŋ ga hōbaw kēbo wēno gēr bēr enga endam bēn.
- ¹⁴Wēcēra kēmi dek rebe-rebe gēr ebar do wēl kēme oniŋ ga ke yey'aneli gē eyey'an ed arameyeŋ el: “Sol, Sol, ineŋa kēy'e rixēraxēnēnd? Mama fo kēy' legēnand ang ejel ed kēŋo xacērand exo mēši xarak gē bebēr kesēkes kēno facēnd el.”
- ¹⁵Ata wēka kēme: “Axwēn, wēj noŷo wa hi kēy'?” Yaka ko Axwēn an: “Wēno ex Yesu, ar kēy'o rixērand an.
- ¹⁶Barikan kanil, ey' kwēša gēr osapar oreŋ gayik nē eŋo šanaŷaxēn kēmi: asana sana kēmi ey' gi ariyenin aram do sede iram ey' tēfētaxēnēnd bebēr wateli kēy'e bēn do gē bebēr kēmi wāsinēd bēn.
- ¹⁷Wēno ki racēt mērēxand ir Bêšewif do gē bēr ax gi ex na Bêšewif do kēmi laŋwēnēnd gēr ndebēn

18eyëbi pëdëtaxën bangës baṅ, eni can gër ecamëdan, eni dilaṅgën gër angoben; eni can gër mbëña ind Sindan, eni dilaṅgën gër owun or Kaxanu. Do angëmëne aṅa ṅa këni, eni cotaxën eteban ed beñëṅënaṅ bendeḅën el do gë er fenan këmëni bër ṅwënek paḅ gë ekwëta ed xwëta këne el.”

19«Awa nangël Agëripa wëj emun eṅ mëne wëno ame ṅëp ex na me tëf er ṅasin ke orën in.

20Barikan ga ṅana këme gër Damas, ṅe këme gër Yerusalem, sëf këme ðek ebar ed Yude el, do ṅaw këme gër owar or bër ax gi ex na Bëšëwif. Afel fel këmëni bela bën eni nëngwët ola oreḅën ol, eno kwëta Kaxanu do eni di beḅër ṅapëk eni dind bër nëngwëtëk ola oreḅën bën.

21Në end eṅo sëraxën këne Bëšëwif bën gër Aciṅ and Kaxanu, do xacëra këbi ene ðaṅ.

22Barikan Kaxanu nëkona ke gë oyekax oreḅëm ol. Mëṅ bayixën këme aḅëngw xali doro do këme reyʼarand gër ed këni barër bela, hi këni bërëtoc, hi këni bër gapak, wayët er re bani aḅatëgu kë ḅatëgu Moyis gë bëlaṅwënel bër Kaxanu in.

23Er reyʼa bani ijo ex mëne Afexën an asoro bax exo toro xali eno ðaṅ do mëne mëṅ kë hiḅ aṅanar ar kë xani gër ecës an. Mëṅ këbi sëfëtëtandëra angoben and apexa aṅ Bëšëwif bën do gë bër ax gi ex na Bëšëwif bën.»

24Ata Pol ga ko yeyʼan mondako Fesëtis fërëfata ko do xeṅ ko: «Pol, wëj anëka šen ki! Onangëran osëm oreṅ ol šenën ki!»

25Yaka këṅo Pol: «Ali, alëngw Fesëtis, axe cen ex na ðe. Barikan eyeyʼan ed ðal ed gë onden el këme reyʼand.

26Emun eṅ anang nang ko beṅo ðek, do wëno mëṅ këme yëxwaxënënd me yeyʼan kerët. Gayikwa afëni fëni ke mëne ṅoweṅ axo nem ex na, enimin, beṅo ðek ax gi ex na beconëšon.

27Agëripa, wëj emun eṅ, aṅa nde ṅa këyʼ er re këni bëlaṅwënel bër Kaxanu in? Anang nang këme mëne aṅa ṅa këyʼ.»

28Ata Agëripa fel këṅo Pol: «Tëkër fo bayik ey'e kor me gi këreceṅ!»

29Yaka këṅo Pol: «Bayik tëkër fo bayik mbaṅ, kido Kaxanu aṅa ṅa ko en gido ang wëno ak wëj gë ðek bër ke baxëtënd bën xarak, anun pokërax na gë gweyʼele-gweyʼele!»

30Ata emun eṅ Agëripa, gë gofërëner in Fesëtis, gë Berenis do gë ðek bër ṅëpara bax na bën xani këni.

31Ga këni ṅaṅira këni rend: «Gër ala ajo, amena and këno laṅaxën ba eno pokëraxën gë gweyʼele-gweyʼele, ax gi ex na.»

³²Agëripa fel këno Fesëtis: «Ala ajo ar etebët hi doxo kido axo de bana eño kiti Sesar.»

Bandixa 27

End emëla ed Pol gër Rom en

¹And faÿ këni gër oÿëkw mëne mi ÿe gë kuluŋ in ond gër ebar ed Itali oŋ, gë alëngw ar ocorođa od emun etëm end gër Rom en hi bami, do Yuliyus bano ðacënd. Mëŋ laÿën bano ebi mëla Pol do gë bandepëra bacandaÿ.

²Kuluŋ ir angol and Adëramit bašo ðëland. Ata xasëk gër angwëngw bëŋa fo bëŋa fo, ebar ed Asi el. Ga xucak ebar elo, ðëla këbo gand etiÿax. Arisëtarëk, ar gër ebar ed Masedëwan do hi baxo Atesalonik an, na baxo polo gër kuluŋ gë biyi.

³Në ecan ijo, ðat këmi gër bëŋa ir angwëngw and gër Sidoŋ. Ata Yuliyus ga likina baxo paš gë Pol, seš këno exo ÿe gër ođawo odexëm do eno yełaraw šëlafana.

⁴Ga fakët këmi na oñe oŋ, kuluŋ irebi in sëfak bëŋa ir gand ošir or Šipër in gayik aped fed bax xocëgund bongoc boŋ.

⁵Ata ga xas këmi cangët angwëngw and jey' gër owar or Silisi do gë Paŋëfili aŋ, ðat këmi gër Mira, gër ebar ed Lisi.

⁶Fën šotënëx bašo alëngw ar enga end ocorođa an kuluŋ ir këbo ðëla ir Alekësandëri in ond gër Itali oŋ. Ata nëmbëta këbo gër kuluŋ ijo.

⁷Bakey bandanjëm xas bami endëmane fo. ðat këmi gë ojaÿ fo gër angol and Kënicos. Do ga bax xocënd mbaŋ ekoc el sëkwan këmi mi kwëša gër bëŋa. Ata xuca këmi gër angol and Këret gand bebët ir Salëmone.

⁸Kwël gë enëÿër el fo sëfa këmi bëŋa in, ðataxën këmi gër ed këni ðacënd «Bakegëtaya Banjekax», ler gër angol and Lase.

⁹Bandanjëm xeyëra bašo ÿerëxe mbaŋ do kwël bax ðigënënd ekas ed gë kuluŋ el gayik anëka xuca bax etiÿi ed gë amëd and gë aÿem el. Mëŋ felaxën babi Pol bër bax yerëtënd end oñe bën:

¹⁰«Lawo bën, wëno er këme watënd mëne angëmëne kwël fakët këne oñe ond gë kuluŋ oŋ, oñe oŋo ax gi na ond gë enemi këm, do ond gë er kë nëxena këm gër oÿënga or këne ðëlande, do bëte ax gi na ond gë enemi ed aniyan andëbi këm.»

¹¹Barikan Yuliyus, alëngw ar ocorođa an, xwëta ko nëmëc er re bani abërëš an do gë axwën ar kuluŋ in, ÿepan këno er yey'an baxo Pol in.

¹²Nëmëc eño, eni bayi gër bëŋa ir angwëngw aŋo na gë amëd and gë aÿem aŋ, abi mëndan bana. Ata ÿëmbëta këni bela bër rek eni dëkwët anjëm and këni xaÿënd ÿaŋ gër kuluŋ aŋ ex kasaxën. Axacëra babi xacërand, angëmëne awënd wëndëk eni ŋat gër Fenikës, gër bëŋa ir angwëngw and gër Këret. Ga hi bax xegëtaya in ambëtëb ir acëla-eñan do gë ambataš ir acëla-eñan, fën ÿandi babi ebi kucax amëd and gë aÿem aŋ.

- 13** Ingoc ind xaniw bax ambëtëb bax xocënd ata yëla këni axor këni xor eni di er fëna bani in. Neÿ këni eni cëpët dun isibax ir kë xwëšaxënënd kuluŋ in, do këni xasënd bëŋa fo bëŋa fo ler gër Këret.
- 14** Barikan gogo nde ga rëmëguk ekoc etëm ed tëb ed këni wăcënd «Ekoc ed ambataš ir apën-eňan» ga xaniwëk gand ošir.
- 15** Ata ekoc etëm ed tëb elo lëfërirak kuluŋ in xali sëkwanëk ex kas aped-fed do kwël sebaya këmi këbo wëland sam-sam.
- 16** Ata ga këbo ri ebo kucali gand ambëtëb and ošir osil or këni wăcënd Kahuda aŋ, bëriyeni bër gër kuluŋ bën gë ojaŵ xor këni ikuluŋ ind ecëpëtaxën iŋ.
- 17** Ga nëÿ këni ʄaŋ, wëd këni ogux ok šerixën këni jey kuluŋ isëm in. Do ga bani yëdand ebi capali gër Sirët, do kuluŋ in ex dëgwayax gër edfni, fedali këni anjëm and bax xasaxënënd aŋ. Mondako bami xasënd sam-sam.
- 18** Ga xurik ang babo lëfëririra ekoc etëm ed tëb ak, në ecan ijo, bëriyeni bër gër kuluŋ bën lap këni olëb orëmar polo gër angwëngw.
- 19** Do yatir akey atasën, bëriyeni bëjo dëŋ lap këni oÿënga or kë xasaxënënd kuluŋ oŋ.
- 20** Ata mondako ri këmi bakey bandanjëm watërëxe and goyat aŋ eňan eŋ do and gëmëd aŋ, oŵal oŋ. Ata ga këŋo bëndër ekoc etëm ed tëb el, seb këmi eyëlara ed afex këmi fex el.
- 21** Abami ʄambëra na elod anëka fo. Ata ga xani ko xwiriš Pol, re ko: «Kido abaxët baxët bane and re bame ene bayiye gër Këret aŋ, oÿënga or nëxenarak oŋ ax nëxena dona do or lap kën oŋ an đap dona.
- 22** Barikan gërëgako er këmum felënd in ene kapinaye, ala gabatak ax nemi na. Kuluŋ in fo këŋo noÿeli.
- 23** Yama meleka ir Kaxanu ir xwën ke do këmo šalend in ga šanayaxën ke gëmëd felëra ke.
- 24** Re ko: “Pol aňat këÿ ĥat gër kiti ind Sesar, kërey yëdara na. Do Kaxanu wa seban këŋun wëj do gë đek bër bar kën kuluŋ bën.”
- 25** Mëŋ ex, bësošan kapinayin! Wëno axwëta xwëta këmo Kaxanu mëne ang fel ke ak kë hi.
- 26** Biyi në bëŋa ir ošir këbo šilenix.»
- 27** Yatir sëkëk bakey epëxw gë banax gëmëd, ekoc etëm ed tëb el në emëla babo gër angwëngw and këni wăcënd Mediterane. Emëd ekarëk el, bëriyeni bër gër kuluŋ bën hik këbi nangëde ebar këmi sëkand na fo.

²⁸Lap këni atëy'ixën and etiwax aŋ sək këni ometër ofëxw osas gë ocongoki. Ga w̃ëla këbo imbaɸ, lap këni gašëxe atëy'exën aŋ, sək këni etiwi el ometër alapem gë ocongotas.

²⁹Ata ga bani yëdand ba ekoc el aňëy'ën kë h̃ëy'ën kuluŋ in gër bëŋa ir gë bongaŷ, lap këni odun onax okwëšaxën ok gand epoy' ed kuluŋ do këni yarënd ex weca.

³⁰Barikan bëriyeni bër gër kuluŋ bën ašala bani šaland eni naŵa na gër kuluŋ. Ata këni fedalind ikuluŋ itil iŋ polo gër angwëngw ga këni ri nangëde eni kas elod na gër ecën ed kuluŋ fo ŷandi këbi eni đapaxën nacët odun okwëšaxën ok.

³¹Ata Pol fel këbi ocoroɸa ok do gë alëngw arebën an: «Angëmëne bela bëjo ani bayi ex na yo polo gër kuluŋ, wën an pex na đe.»

³²Ata ocoroɸa ok saŵ këni baɸ ogux od ikuluŋ ind ecëpëtaxën ok do seɸ këni latik polo gër angwëngw.

³³Damana ex wecaxën, Pol ga w̃ac këbi bela bën đek, fel këbi eni kapina do eni y'ambëra. Ata re ko: «Doro sëkëk bakey epëxw gë banax elod ga kën šënind gë enjo eŋ.

³⁴Mëŋ këmun felaxënënd en kapina do en y'ambëra. Mondako fo kën fëxaxën. Ala ax cës na, ado gë emban ematak an đapëta na.»

³⁵Ga h̃ata ko eyey'an elo, w̃ed ko amburu, šëkwa këŋo Kaxanu ogës od bela đek, šobëta ko do ko y'ambënd.

³⁶Ata bën đek ga xapina këni, y'ambëra këni.

³⁷Biyi đek er hi bami polo gër kuluŋ bela okeme oki gë ofëxw ocongoxi gë bëcongabat.

³⁸And y'ambëra këni bën đek aŋ, ŷëfënd këni ey'amb el gër men eni bašëtaxën asibëtiba ir kuluŋ in.

End enoŷeli ed kuluŋ eŋ

³⁹Ata ga wecak, nemëra këni bëriyeni bër gër kuluŋ bën xali ani kwita ex na ebar el. Wat këni moňang gër ed h̃ëfësëk angwëngw aŋ ebar el. Ata ŷandi këbi eni mëla fën kuluŋ in angëmëne awënd wëndëk.

⁴⁰Ata šëpët këni odun okwëšaxën ok, eni kasaxën polo gër angwëngw. Fët këni ogux od xapaxën bani amërëšaya ok do lëkwët këni y'aŋ anjëm akasaxën atil and gër lëngw ir kuluŋ aŋ, ebo kocelixën gand bëŋa.

⁴¹Barikan kuluŋ in šëši këŋo në amun and edini mërëxand ir bëngux bëki bend men. Aŋo rëgwayak ecën ed kuluŋ el. Do men oŋ ga bax xanind bomeŋ bomeŋ gë ojaŵ od mbaŋ, ŷoy'ëk epoy' ed kuluŋ el xali hëbirak.

⁴²Ocoroɸa ok ŷandi këbi enëbi đaw̃ bandepëra baŋ këdi ko naŵa amat exo kas xali exo kegëta.

⁴³Barikan alëngw ar ocoroda an ga faÿ baxo gër emëkw edexëm eño pexën Pol, šëban këbi eni di er faÿ bani in. Fel këbi bër xam bax men bën eni dëngwa gër men do eni kas xali eni kegëta gër ebar.

⁴⁴Bër kë bayi bën ebi kacëra eni kas bërëmar gë bangomb-gomb bañ, bëjo gë baton band šangëtarak gër kuluñ bañ. Do mondako xegëta bani bën dek bëbëngw gër ebar.

Bandixa 28

End Pol gër ošir or Malët eñ

¹Ga xegëta këmi mondako bëbëngw, nang këmi mëne gër ošir or gër ed xegëta bami na, Malët këni wacënd.

²Bër lëg na bën xaca kënebo aye fo. Ga bax sëbënd do bax y'emënd, wëla kënebo dek ler në xodux or fëtën bani.

³Pol barëgu ko imok ind obeñët exo dëxwaxën gër xodux nangërëxe andën wëfeli këño na. Ata ga yëkak xodux ol, ekifoxifo el šanëgu ko gër imok, do lara ko gër ataxan andexëm.

⁴And wat këno ekifoxifo el ga lara ko gër ataxan and Pol añ, bër lëg bax na gër ed ebani bën këni felërënd andebën rebën: «Awa ala ajo, alaŵ ar bela dëñ exo, gayikako ecede fexëgu ko gër angwëngw, kiti iñ año teb ex na exo diya.»

⁵Barikan Pol wërëngënja këño andën añ bërëfët gër xodux do yoweÿ año gi ex na.

⁶Er bani šëninid bela bëjo eno wat ga këño bëlan ataxan añ, ba exo wëc kërud. Barikan ga šëkira këni xali nekak, wat këni mëne yoweÿ año gi ex na. Nëngwët këni anjëlän añ do këni rend mëne Pol angoc exo.

⁷Ler na, iciŵ hi bax na ind xwën baxo alëngw ar gër ošir olo do bano wacënd Pubëliyos. Mëñ xwëtaya babo ang odawo odexëm fo do lakira këmi bakey batas gër ndebën.

⁸Sëm ir Pubëliyos monaki hi baxo. Ašëxw šëxw baño do lëk baño angëreli and gë ošat. Ga lil ko Pol gër ed laki baxo, šalen këño mokwëtan otaxan ok, ata fak ko.

⁹Ga xucak eño, yowëraw këni bëšëxwëra bëšëxe bër lëg bax na gër ošir, bën bëte fakëra këni.

¹⁰Ata mbañ fëb banëbo bela bën do and fakët këmi d'amana añ, fenitaran kënebo ocëlafana od yap bax mi mëlali ok.

End Pol gër Rom eñ

¹¹Ga xucak opacaŵ otas, wëla këbo kuluñ ir gër Alekësandëri in, ir bani wacënd «Josëkir» in. Kuluñ ijo na gër ošir olo xuca baño amëd and gë ay'em añ.

¹²Ga hat këmi gër bëña ir angwëngw, ler gër angol and Sirakis, xeyëx këbo bakey batas.

13 Ga xanik na kuluŋ ir babo w̄eland in, xasək bēŋa fo bēŋa fo xali gēr angol and Regiyo. Nē ecan ijo, ekoc el ambētēb bax xocēnd, ata bakey baki fo ri bami ĥataxēn kēmi gēr angol and Pusol.

14 Fēn səkēx bamēni bēmaŷe bēnd xara babo mi teyēta loxo na gēr ndebēn. Ata mondako xuca kēmi ond gēr angol and Rom oŋ.

15 Ga wēlēx kēni endebi eŋ, bēmaŷe bēnd gēr angol aŋo bēŋ xacaw kēnēbo xali gēr lumo ir gēr Apiyus, do xali gēr ed bani w̄acēnd «Baciw̄ band bēliyer batas». Pol, sam ga wat kēbi šəkwa kēŋo Kaxanu do xapina ko.

End epēmēra ed Pol gēr Rom eŋ

16 And ĥat kēmi gēr Rom aŋ, w̄ela kēnēbi bandepēra baŋ gēr epēra. Barikan fel kēno Pol exo dēg nē ešēxen, gē šorođa ir baŋo nēkonand in.

17 Ga xucak bakey batas, Pol w̄ac kēbi bēlēngw bēr Bēšēwif bēn. Do and barērēgu kēni aŋ, ga kēbi felēra ko rend: «Bēmaŷe, wēno afēra fēra bane gēr Yerusalem do lēxw kēne gēr otaxan od Bērom, xarak ŷoweŷ ame men ex na. Amēni menan ex na Bēšēwif bēn, bēte ame ŷepēn ex na bebēr rēpēn kēni bēxarək bērebi bēn.

18 And w̄ekara kēne Bērom aŋ aŷandi ŷandi babi ene tebēt gayik amena and kēne law̄axēn ane wateli ex na.

19 Barikan Bēšēwif bēn ga ĥēp kēni ene tebēt in, nēŷali kēne me mēka exe kiti Sesar. Xarak, mēni bar kiti bēr enēng endam gē Bērom bēn, gē tēkēr ak axe ņandi ex na.

20 Nē end endey' eŋo xara kēmūn en ŷow ene watēre do mun pelēra. Ga w̄a kēme mēne er kēni yarēnd bulunda ir Isērayel in anēka ĥatēguk fokēraxēn kēne gē gwey/ele-gwey/ele ijo.»

21 Bēšēwif bēr ŷow bax na bēn yaka kēno: «Biyi kayēta ir xaniwēk gēr ebar ed Yude ir gē endey' eŋo ami kana ex na. Bēte imaŷe gimatak ax ŷow ex na gē endey' end kēbo felati, ba gē eñēŋenax end ri kēŷ.

22 Barikan aŷandi ŷandi kēbo mi wēl er kēŷ yēland wēj in gayik cale ind sēf kēŷ iŋo gēr ed ex yo kē fētēnd akucara.»

23 Ata fēnēta kēni akey and kēni bakaw aŋ na gēr iciw̄ ind Pol. Ga ĥatēguk akey aŋo, nēmēc ŷēmb bani bēr ŷow bax bēn. Gēr eyey'an edexēm, Pol areŷa rey'a baxo end owun or Kaxanu eŋ. Gē acariya and Moyis aŋ do gē er ŷēgw kēni bēlaw̄ēnel bēr Kaxanu in baxo šaland ebi kor eno kwēta Yesu, elod gēbēr xali genēka.

24 Bērēmar xor kēbi xali w̄a kēni end babi felēnd eŋ, bējo ĥēp kēni eni ma in.

25 Ga kēni šapēr ketērēxe nē end emat, fēco bērēw̄ak bēn, fēco bēr ĥēpək bēn. Pol baš ko wayēt eŋo: «Dal rey'a baxo Angoc Amēnək aŋ and babi felērand bēxarək bērewēn aŋ gē etēŷ ed alaŷēnel Esayi el:

²⁶“Yel gër bulunda ijo eyëbi pel: Aye kën ÿana en wëlënd bari aḡun pëni na; aye kën ÿana en nëkonënd bari ÿoweÿ an wat na.

²⁷Gayik oÿëkw or bulunda ijo oḡ afarëdadi farëdadi; Banëf baḡ ſoya këni do bangës baḡ xëw këni; këdi këni wat gë bangës bandebën baḡ, këdi këni wël gë banëf bandebën baḡ; këdi këbi fëni gë oÿëkw orebën oḡ, do eni nëngwëta mëni pakëanaxën.”

²⁸«Awa nangi mēne apexa and yëlëgu këbo Kaxanu aḡo, alaÿëneli laÿëneliw këbi bër ax gi ex na Bëšëwif bën: bën abaxët këni baxët.»

²⁹And ħata ko Pol eyeyan elo aḡ, Bëšëwif bën wāÿira këni do këni ſampërexënd.

³⁰Mondako ÿëpa baxo Pol bëniy bëki na gër iciw ind wëd baxo luwas. Na babi xacand dek bër bax yowënd eno wat bën.

³¹Afem baxo femënd end owun or Kaxanu eḡ do babi sëyalind end Axwën Yesu Kërisët eḡ gë anjiÿ këm do ala abaḡo ſëban na.

Bërom

Bërom 1

Ecëmar el

- ¹Wëno Pol, ariyenin ar Yesu Kërisët an, parëxanda ir w̃ac këno in. Mëñ dëñ yata ke me gi parëxanda irexëm do me pemërand Atëfëtan and Kaxanu aņ.
- ²Atëfëtan aņo, paḃ gë bëlaḃwënel bërexëm bën beḃa babo Kaxanu elod anëka fo ang rek Oñëgw Omënëk ak.
- ³Gër Atëfëtan aņo reḃa ko end Asëñiḃw eņ, ar rëḃ këno ala gër ebar ro, gër andëḃwëra and Dafid, ejiḃw edexëm.
- ⁴Așanaya șanayak mëne Yesu Kërisët, Axwën arebi an, Asëñiḃw ar Kaxanu dëñ exo gayik axani xani ko gër ecës gë panga ind Angoc and oḃwënëk iņ.
- ⁵Paḃ gë mëñ șot këmi oyekax ol do gë ofarëxanda ol, mi pemërand Atëfëtan andexëm aņ gër benëng bend bela dek, eni kwëtaxën oḃac orexëm ol, eni tëfaxën er re ko in.
- ⁶Wën bëte șëf gër benëng beņo hi kën gayikako Kaxanu yata këņun në end Yesu Kërisët.
- ⁷Wën dek bër gër angol and Rom, bër hik pëlot gër yomb ir Kaxanu Faba irebi bën, mëñ yata këņun en gi bëḃwënëk do en cot oyekax ol, do gë obetak ol, paḃ gë Axwën Yesu Kërisët.

End okëreceņ od gër Rom eņ

- ⁸Wën ang xwëta këno Kaxanu ak, ngwën iņ dek nangëra këni. Wëno në eņo këmo șëkwaxënënd Kaxanu paḃ gë oḃac or Yesu Kërisët ol.
- ⁹Kaxanu, mëñ ar këmo șalend gë onden onjekax an, do këme femërand Atëfëtan and Asëñiḃw arexëm aņ, ex sede iram ir mëne din këmun șalenënd.
- ¹⁰Laņ këme xarand, gër cale indam, me cot așot, ga ḃa ḃa ko Kaxanu, amëd and ḃapëk mun nëngali aņ.
- ¹¹Gayikwa wëno dek ḃandi ke ene nangëre mun cetaxën mar banjëla band oyekax band yël ke Angoc Amënëk baņ en kemaxën wën bëte gër ekwëta ed Kaxanu.
- ¹²Ado me dedo wa and këme řatëli aņ ene bașëndëre banjëlan biyi bër bar këne gër ekwëta ed Kaxanu bën.
- ¹³Bëmaḃe, aḃandi ḃandi ke en nang mëne bakëlëbëd bandanjëm fënarali këme me ḃeli ene nangëre. Er këme șaland eni ñëmbër gër enëng endewën bër xwëta këno Kërisët bën ang ḃëmb këni gër benëng becëxe ak. Bari xali doro Kaxanu axe tebëli ex na pere.

14Wëno ang ar bayir këni aňomëx fo hi këme paß gë Bëgërek bën, paß gë bënangërarëx bën, paß gë bërenik bën, do gë bëfëñirëx bën.

15Ata wën bër lëgëk gër Rom bën eño ýandi ke me ýeli mun nangën bëte.

End panga ind Atëfëtan eñ

16Wëno, epemëra ed Atëfëtan año ol axe cëfëñëñand na gayik gë año ko nëcëtënd Kaxanu panga indexëm iñ. Ar wák yo këño fexëñënd: hi ko ar enëñ end Bëšëwif, hi ko ar enëñ ecëxe.

17Enimin, Atëfëtan año këbo wásinënd mondake ri ko Kaxanu ebi kwëtaxën bela bën bër šenene. Eño gë ekwëta kë ýanand bëte gë ekwëta kë ĥatand, ang rek Oñëgw Omëñëk ak: «Ar xwëta këño Kaxanu an ex awëñëk an do mondako ko šotaxën aniyand din añ .»

End emenan ed Kaxanu eñ

18Enimin Kaxanu, elod gër orën xoýëñëgu këbi bela bën gayik ano pëbënd na, do xwënda këni osëmbak xali këni wëlëbëlënd đal irexëm in gër osëmbak.

19Awat këni watënd bebër ýapëk eni wat eno nangaxën Kaxanu bën gayik mëñ dëñ këbi wásinënd.

20Enimin, Kaxanu ar din exo. Bari ado ga exo ar anëño watënde na, ola orexëm ol gë panga indexëm iñ kerët kë watind gër bebër ri ko gër ngwën ro.

21Mëñ ex, ala ax kor na exo ýax mëne año nang ex na Kaxanu. Gayikako, awatënd aye dëñ enjaran endexëm eñ, gë bebër ri ko bën, bela bën ano pëbënd na Kaxanu, bëte ano cëkwand na. Barikan mondako wëlandëraxën këbi gër onden ondebën gë banjëlan band gë ofëcak këm, owëkw orebën oñ xulëk ecamëđan el.

22Ado ga këni rend mëne bën areni reni këni, bëšëñëk exëni, arafëñara fo këni rafëñarand.

23Anëñgwët nëñgwët këni enjaran end Kaxanu eñ, mëñ ar ax cësënd na an, ano calend na. Gër ed hi bax eno calend nëmb këni këni xëland olaš or wátinali këni gë bela xarak ala an ašës ko šësënd. Bëte olaš orëmar wátinali këni gë ošël, gë owarar or gë osapar onax do gë owarar or xada-xada.

24Ata në eño sebaxën këbi Kaxanu eni đëxwaya gër obuyaraxik do gër owëkw orebën ebi ýandind oñay gë becëfëñaxik fo.

25Anëmb nëmb këni end đal end Kaxanu eñ gë enëñwëš, afëb këni fëbënd do ašale këni šalend er ri ko in gër ed ebax eno calend Kaxanu gabat, mëñ ar betak din ir din an. Amen!

26Në eño sebaxën këbi bëte Kaxanu eni dind becëfëñaxik bënd yëla këni gër owëkw orebën: bësoxari bën seb këni er ýapëk asošan gë asoxari eni dind in, do këni rind asoxari gë asoxari er ax ñap ex na in. Ata mondako këbi wëcanënd kiti ind oñay orebën iñ.

²⁷Bëte bësošan bën seb këni er ÿapëk asošan gë asoxari eni dind in këbi ÿandirënd do këni rind asošan gë asošan er ax ñap ex na in.

²⁸Gayikako abi bal ex na eno nang Kaxanu, Kaxanu seb këbi gë orenik osëmbak orebën ol eni dind becëfëanaxik.

²⁹Ata gër onden ondebën xëñëk: osëmbak, gë oxeÿ, gë aņana and kodî, gë njifa, gë oyakëraxi, gë edaŵ ed bela, gë batakëra, gë enëgwëš, gë eņac.

³⁰Bëte hi këni: bërena, bëxapëndër, bëšus bër Kaxanu, bër xoÿët-xoÿët, bërafënan, bëÿangënanan, bëwërax, bëwëšen bër bëxarëk bërebën, bëfëñirëx,

³¹bër ax gi ex na mokwëta, bër gë emëkw eperëk, bër gë axaÿënan këm.

³²Ado ga nang këni aye apela and šenene and Kaxanu and rek bër xwëndak beņo bën bër ecës exëni, mondako dëņ bayi ga këni wëndërand, bëte këñëbi šëkwënd bër këbi sëfëtelind bën.

Bërom 2

End enëp ed bela eņ

¹Wëj ar hi këÿ yo awa ga këÿëbi nëpënd ako bošandax nangël mëne xay'a axi gi ex na. Gë andey këÿ lëxwayand ga këÿëbi nëpënd ako xarak wëj dëņ bebër këni rind bën ari këÿ rind.

²Anang nang këne mëne bër watak mondako bën gë đal in këbi xiti Kaxanu.

³Awa wëj ar këbi nëpënd bošandax ajo xarak bebër këni rind bën ari këÿ rind, yëla këÿ nde ašana këÿ'o šana Kaxanu yatir kiti?

⁴Ba ayaf nde yaf këÿ'o Kaxanu? Aÿ watënd na nde đek benjekax bend yël ki ga nënga ko xali ki buņanaxënënd? Aÿ nang ex na nde mëne ey nëngwëtaxën ola osëmbak orey ol ki yifaraxënënd gë onënga orexëm olo?

⁵Gayikako aŵëši këÿ wëšind, axey xey ki ey nëngwët emëkw edey el, asaÿ këÿ saÿënd oxoÿ or Kaxanu or këÿ ĥatën yatir akey and oxoÿ, do yatir kiti ind šenene ind Kaxanu.

⁶Ata ar ex yo er ko rind in këņo wäšën Kaxanu:

⁷Bër xemënak laņ edi ed benjekax bën ga këni šaland enjaran eņ, gë epëb el, gë aniyān and gë ecës këm aņ, këbi yël aniyān and din aņ.

⁸Bari gë oxoÿ osëm këbi xiti bër sanak gë andebën dëņ eni mëšenënd đal in do ebi kor osëmbak ol.

⁹Ala ar kë wëndërand an këņo bon kata iņ do gë toro itëm iņ: hi ko ar enëng end Bëšëwif, hi ko ar enëng ecëxe!

¹⁰Barikan, Kaxanu ayël këņo yël ar kë rind benjekax an, enjaran eņ, gë or gapak ol do gë obetak ol: hi ko ar enëng end Bëšëwif, hi ko ar enëng ecëxe!

- 11** Gayikwa epitëndër ed bela ax gi ex na gër Kaxanu.
- 12** Dek bër enëng ecëxe bër kē wëndërand nangërëxe acariya bën, acariya kēm kēbi nēp Kaxanu and kēni šësëra aņ. Bëte dek Bëšëwif bër kē wëndërand anang aye acariya bën, gē acariya and nang kēni aņo fo kēbi nēp and kēni šësëra aņ.
- 13** Bër kē rind ari dēņ er rek acariya in kēbi xwëtënd Kaxanu bër šenene, ax gi ex na bër kē baxëtënd abaxët fo bën.
- 14** Bër enëng ecëxe bën angëmëne ari kēni rind gē andebën aņo dēņ er re ko Kaxanu gër acariya in, xarak elod ani wël ex na, anëka hi kēni ang bër gē acariya fo.
- 15** Gër ola orebën kē watind mëne er rek acariya in gër oŵëkw orebën yëgw ko Kaxanu, onden ondebën oņ dēņ kēbi xadacënd: baņo ebi nēp, baņo ebi yakan.
- 16** Ang kēme rend gē Atëfëtan and kēme femërand ak, eņo kē šanaya yatir kēbi xiti Kaxanu bela bën paḅ gē Yesu Kërisët.

End Acariya and Moyis eņ

- 17** Gërëgako wěj ar rek Ašëwif hi këy an kēmi rend. Re këy aŵa ŵa këy er kē rend acariya in xali këy rafënand mëne Kaxanu xwën ki.
- 18** Anang nang këy oñandi odexëm ok do asëy'ali sëy'ali kēni er rek acariya in xali këy xorënd ey nang enjekax end yäpëk ey dind eņ.
- 19** Bëte wěj ar xwëtak mëne alas ar bëšiwëk hi këy an, aŵasin ar fëña an, ang angoben and kēbi ĥoband bër gër ecamëdan fo hi këy.
- 20** Wěj ga nang këy aye dal in gayik acariya aņ nang këy këy'ëbi xadacaxënënd bëfëñirëx bën, këy'ëbi sëy'alixënënd bër yowëy ax nang ex na bën.
- 21** Wěj ar kēbi sëy'alind bošandax an, ay tëy'aliyand na gē andey! Wěj ar kē femërand mëne ax gi ex na mondeka an, këy rekand!
- 22** Këy rend ax gi ex na mo ndi orekar do këy rind orekar ol! Šus këy olaš oņ, bari këy šonand bebër gër bangëb bën!
- 23** Wěj kē rafënand mëne Acariya aņ nang këy, bari ay'o pëb ex na Kaxanu, gayikako ari këy rind er šëban ko in!
- 24** Wën Bëšëwif bën: nē endewën kēni renaraxënënd oŵac or Kaxanu ol bër benëng becëxe bën, ang rek Oñëgw Omënëk ak.
- 25** Dal ex gër ar enëng end Bëšëwif, oxac ol er yäpëk ex angëmëne asëf ko sëfënd er rek acariya in! Bari angëmëne axo tëf ex na ata ko hi ang axacërëx fo.
- 26** Awa angëmëne ar enëng ecëxe axacërëx an asëf ko sëfënd bapela band šenene band acariya baņ, anëka hi ko ang Ašëwif axac xac fo.
- 27** Axacërëx ar kē sëfënd šenene Acariya an bandixa bandexëm baņ ki nēp wěj axacëxac an, wěj ar nangëk oñëgw od acariya ok xarak ay tëfënd na er rek in.

²⁸Ar hik enim Ašewif an ax gi ex na ar rēw kēno gēr enēng end Bēšewif ba ar xac kēno fo gēr eman endexēm.

²⁹Ar hik enim Ašewif an, gēr onden ondexēm hi ko. Bēte ar hik enim axacēxac an gēr emēkw edexēm nēngwēt kēno Angoc Amēnek aṅ, bari ax gi ex na ga xac kēno ang rek acariya ak. Mēṅ ex, ar hik enim Ašewif an, Kaxanu kēno šēkwēnd, ax gi ex na bela.

Bërom 3

End benjekax bend Bēšewif eṅ

¹Awa Bēšewif bēn, oyekax or fe wa xuca kēnēbi benēng becēxe beṅ? Ineṅwa ex ofēcak or oxac orebēn ol?

²E, mbaṅ ex bebēr xuca kēnebi bēn. Eñanar eṅ, bēn xwētēnan babi pere Kaxanu eyey'an edexēm el.

³Do gayikako Bēšewif bēreṅmar gē oṅpēgēnan exēni, oṅpēgēnan odebēn ok ay'epēn nde y'epēnek ekwēta ed Kaxanu el?

⁴Adokiṅ! Ado eni gi bela bēn dek bēnēgwēs, Kaxanu mēṅ din ar dāl fo exo, ang rek Oñēgw Omēnek ak: «Ey' gixēn ar šenene gē er kēy yey'anēnd in, do and kēn šampērend gē ala aṅ ey'o bon.»

⁵Barikan angēmēne paṅ gē osēmbak orebi ol kē šanayand or šenene or Kaxanu ol, mondake kēne yey'ane? Kaxanu asēmbak nde exo and ko seḅ ex canaya oxoṅ aṅ? Ang kēni yēlarand bela fo kēme rend mondako.

⁶Adokiṅ! Kaxanu, mondake xiti dobi bela bēr gēr ngwēn ro bēn kido axo gi bana din ar šenene?

⁷Do angēmēne gē enēgwēs endam eṅo dēṅ kē šanayand dāl irexēm in do kē yāñēnd enjaran end Kaxanu eṅ, inecēṅ ke nēpaxēn ang aṅwēdēran ar kēno xiti fo?

⁸Awa ineṅwa bayik ane dende na, ang kēni rend kēmi sēyalind bēr kēbo renarand bēn: «Mendērandēne ex canayaxēn oyekax ol!» Ata bela bējo, aṅap ṅap kēbi kiti ind Kaxanu iṅ.

End mbēña ind eñēṅnax eṅ

⁹Awa ine kēne reye? Ba biyi Bēšewif bēn nde xuca kēn bene oxēbēn ol bēr benēng becēxe bēn? Ax gi ex na gēr beṅ dek. Gayikwa anēka rey'a kēne osede or kēbo nēpēnd ol: biyi dek, hik Bēšewif, hik bēr benēng becēxe bēn, awēña wēña kēbi eñēṅnax eṅ.

¹⁰Gēr Oñēgw Omēnek ga rek: «Ala ar šenene ax gi ex na, ado gabatak.

¹¹Ar kēno fēnirand ax gi ex na, ar kēno šaland Kaxanu ax gi ex na. Dek nambēra kēni, dek šēxwēpēt kēni.

¹²Ar kē rind enjekax ax gi ex na, ado gabatak.

¹³Osëy orebën oŋ ang yeg ir wafërëluŋ fo ex, Odiw̃ odebën ok njifa fo ex, Er kë şanënd gër osëy orebën in ongwëc ond saw̃-orang fo ex.

¹⁴Er kë şanënd gër osëy orebën in owër do gë ekare ed bela fo ex.

¹⁵Bën din bēw̃elëk bër eɗaw̃ ed bela fo hi këni.

¹⁶Gër ed këni xuca yo yeỹ ðek kë nēxenand do tar fēña in këni sebētand kata in.

¹⁷Aketëxeta and gë bela ani nang ex na.

¹⁸Ado gë tēkër ak ano yēdand na Kaxanu.»

¹⁹Anang nang këne mēne ðek er kë rend Acariya in Bēşewif bën këbi fedēnalind do ala ar ex yo gër ngwën ro exo wat mēne awendëran exo gër ogës od Kaxanu.

²⁰Enimin, ala gabatak ax kor na exo gi ar şenene gër lēngw ir Kaxanu paɓ gë acariya aŋ gayikwa acariya aŋ dēŋ këbi nangēnënd bela bën mēne bēwendëran exēni.

End apexa and bela eŋ

²¹Barikan gërëgako, Kaxanu w̃asin këbo mondake këŋo xwētënd ala an ar şenene xarak ax gi ex na ga ko sēfënd er rek acariya in. Ado gër acariya aŋo do gër okayëta od bēlaw̃ēnel bër Kaxanu dēŋ kë reyand eŋo.

²²ðek bër xwëta këŋo Yesu Kërisët bën këbi xwētënd Kaxanu bër şenene.

²³Gayikwa epitëndër ax gi ex na: bela bën ðek w̃enan këno Kaxanu, do mēŋ hawëtaxën këbi enjaran endexëm eŋ.

²⁴Kaxanu, gë oyekax orexëm ol fo këbi xwētënd bela bën bër şenene paɓ gë edacët ed ex gër Yesu Kërisët, mēŋ ar këbi racëtënd el.

²⁵Kaxanu law̃ēneliw këŋo Kërisët exo gi angunëtan, oşat orexëm oŋ ex dëxët bamena band bër xwëta këŋo baŋ. Eŋo ri ko Kaxanu ebi masinaxën bela bën mēne şenene exo. Akarëk aŋ, gë beñëŋënaŋ bend bani rind bela beŋ er baxo rind nangëde axo watënd na gayik abuŋan babi buŋanënd.

²⁶Gërëgako, gë ebuŋa ed buŋa baxo Kaxanu el şanayak or şenene orexëm ol, ga këbi w̃enēnënd bër këŋo xwëtand Yesu bën, xarak axo ðif ex na acariya aŋ.

²⁷Awa end ko rafënaŋen ala nde exëna? Gë acariya and fe? And bandixa aŋ nde? Ali, barikan paɓ gë acariya and ekwëta aŋ.

²⁸Enimin, anëka w̃a këne mēne ar xwëta këŋo an hik ar şenene an, xarak ax gi ex na ga sēf ko er kë rend acariya in.

²⁹Kaxanu ir benëŋ ðek exo, axo gi ex na ir Bēşewif fo.

³⁰Gayikako Kaxanu ibat fo ex, ðek bër xwëta këno Kërisët bën këbi xwët bër şenene nē end ekwëta eŋ: hi këni bēxacëxac, hi këni bēxacërëx.

³¹Awa gayikako axwëta xwëta kënëjone Kërisët do Kaxanu xwët këbo bër ŝenene, acariya aŋ ayep nde yepëk? Bëtëdën, mondako ako ex wa epëb ed Acariya el.

Bërom 4

End amatinali and Abëraxam eŋ

¹Awa kwitane tan end Abëraxam, axarëk ar biyi Bëŝëwif eŋ. Er ŝot baxo in ba në end oyekax orexëm nde ŝotaxën baxo?

²Kido Kaxanu në end benjekax bend baxo rind xwëtaxën baŋo ar ŝenene Abëraxam, arafëna rafëna doxo. Bari Kaxanu axo watënd na beŷ bën mondako.

³Ado enimin, ax gi ex na nde are rek Oñëgw Omënëk ok: «Abëraxam axwëta xwëta baŋo Kaxanu mëne ari ko ri er bey'a baŋo in. Ata Kaxanu xwët këŋo ar ŝenene.»

⁴Ax gi ex na nde ar kë riyenind an acosa ko ŝotënd? Er këno ŝosënd in er yapëk ex, ano yëlënd na ayël fo.

⁵Bari ar bayik yoweŷ axo di ex na an do eŋo kwëta axwëta fo Kaxanu, mëŋ ar këbi yëlënd or ŝenene bësëmbak an, në end ekwëta edexëm elo këŋo wënën Kaxanu.

⁶Ata Dafid, onënga or ar wënën këŋo Kaxanu ol xarak benjekax axo di ex na an ko yëwënd:

⁷«Nëngandëralebi bër seban këbi Kaxanu bamena bën, Nëngandëralebi bër rëxëtën këbi beñëjënax bën.

⁸Nëngandëraleŋo awendëran an gayikako Axwën an aŋo nëp ex na!»

⁹Do onënga olo or bëxacëxac bën fo nde ex? Bëxacërëx bën cëŋ, abi nëngandërand na nde mondako fo? Ax gi ex na nde are këne rende mëne Abëraxam, ga xwëta baŋo Kaxanu hixën ko ar ŝenene?

¹⁰Awa nand fe hi baxo ar ŝenene? Ba and hi baxo axacëxac aŋ nde? Adokiŋ! And hi baxo axacërëx aŋ.

¹¹Eyo Abëraxam, damana eno kac, hi baxo ar ŝenene ga xwëta baŋo Kaxanu. Oxac olo amatinali fo bax mëne ar ŝenene hi ko. Ata elod yatijo hi ko axarëk ar dëk bër këbi xwëtënd Kaxanu bër ŝenene and këno xwëta aŋ ado bayik anëbi kac ex na.

¹²Abëraxam fo hik bëte axarëk ar bëxacëxac an, bër këŋo sëfëtelind gër ekwëta ed Kaxanu bën and bayik ano kac bana pere aŋ.

End ekwëta ed Abëraxam eŋ

¹³Kaxanu bey'a babi Abëraxam gë bërändëwëra andexëm bën mëne ayël këbi yël oxwën or ebar ol. Ga xwëta baŋo Kaxanu ŝotaxën baxo or ŝenene olo, ax gi ex na ga sëf baxo acariya aŋ.

¹⁴Angëmëne bër sëfëk acariya bën fo kë ŝot bebër bey'a ko Kaxanu bën, ar këŋo xwëta axwëta fo an, ayepeli këŋo yepeli. Er bey'a ko in awo kë wo.

¹⁵Bari ax gi ex na ako: Kaxanu, mbaŋ këbi xoÿënënd bela bën gayik ani tēfënd na er rek Acariya in. Do gēr ed ax gi ex na Acariya, amena ax gind na.

¹⁶Awa paḅ gē ekwēta ed Kaxanu el hixēnek mondako, ex gixēn oyekax, do ex ŋataxēn er bey'a baxo Kaxanu in gēr dek andēwēra and Abēraxam aŋ. Mondako hik gēr bebēr gēr acariya, do gēr bebēr ekwēta ed Abēraxam, mēŋ ar ex axarēk ar biyi dek an.

¹⁷Enimin Kaxanu fel baŋo Abēraxam gēr Oñēgw Omēnek: «Wēno yata ki ey' gi axarēk ar benēng bendanjēm». Ata gēr ogēs od Kaxanu, mēŋ ex axarēk ar biyi dek an gayik mēŋ hi bax ar xwēta baŋo an. Aŵa ŵa baxo mēne axanin këbi xaninēnd bēšēsēk bën dēŋ eni baka eni gi bēbēngw, do bebēr elod ax gi ex na bën aŵac fo ko ŵacēnd ex gi.

¹⁸Abēraxam ayar yar baxo gēr ed eyar ax gi bana, do xwēta këŋo Kaxanu. Ata nē eŋo hixēn ko axarēk ar benēng bendanjēm ang fel baŋo Kaxanu gēr Oñēgw Omēnek ak: «Mondako këni ŷēmb bērandēwēra andey' bën .»

¹⁹And fel baŋo mondako aŋ, Abēraxam dām hi bax eŋo tēk bēniy keme. Aye nang baxo mēne ecēs fo bayi baŋo. Do alindaŵ Sara, ado ga hi baxo asoxari aboroxok anēka xuca baxo gēr ecot ed itox. Mondako dēŋ bayi baxo ga xwēta këŋo Kaxanu mēne ayēl këbi yēl er bey'a babi in.

²⁰Barikan paḅ gē ebey'a ed bey'a baŋo ayēl këŋo yēl itoŝan el, oŋēpēgēnan ax gi bana gē tēkēr ak gēr emēkw ed Abēraxam, gayik axwēta xwēta baŋo Kaxanu. Ata mondako ŝanaya bax gēr ola orexēm enjaran end Kaxanu eŋ.

²¹Aye fēni baŋo mēne er ko bey'a Kaxanu in gē panga indexēm iŋ axor ko xor exo di.

²²Ata mēŋ ŷēgw këni end Abēraxam eŋ mēne gayik aŵa ŵa baxo xwētaxēn baŋo Kaxanu ar ŝenene.

²³Barikan, ax gi ex na mēŋ gabat kē hi ar ŝenene an ang ŷēgw këni ak: «Kaxanu xwēt baŋo ar ŝenene.»

²⁴Biyi bēte gēr ogēs odexēm bēr ŝenene xwēt këbo ga ŵa këne ako mēne mēŋ dēŋ xanin këŋo gēr ecēs Yesu, Axwēn arebi an.

²⁵Kaxanu, gēr otaxan od bela sēb baŋo Yesu exo cēs nē end beñēŋēnax bendebi. Bēte, xanin këŋo gēr ecēs ene cotaxēne biyi bēr ŵa këne endexēm bën or ŝenene ol.

Bërom 5

¹Awa biyi ga xwēta kēnēŋone Kaxanu hixēn këne bēr ŝenene. Anēka ŝot këne aketēxeta aŋ gē mēŋ gē Yesu Kērisēt, Axwēn arebi an.

²Në endexëm şotaxën këne oyekax or Kaxanu ol. Ata gë oyekax olo xemëna këne xali gërëgako. Mëñ ex, në nëngandëraþo ga këne yarënde ako akey and këne þare gër enjaran endexëm añ.

³Ado ang këne soroye yo nëngandëraþo gayik anang nang këne mëne toro iño këþo sëyalind eþuña el.

⁴Ga þuña këne nangaxën këne mëne axem xem këne do gë ekemënan elo këne yaraxënënde er þey'a ko Kaxanu ayël këþo yël in.

⁵Eyar ed këne yarënde el aþo y'epeli na, Kaxanu, gë Angoc Amënek añ yël këþo añana andexëm añ gër oñëkw oreþi.

⁶Enimin, nand sitara bane na, nand þayi bane þërangoyëra and gë Kaxanu na, şës ko Kërisët në endëþi and þatan këño añ.

⁷Mþañ y'ëkak ewat ed ar hik añwelëk ar exo çës në end aþandañ ado exo gi aþandañ ajo ar şenene. Bamat ala exëna ar ðadox exo çës në end aþandañ ar kë rind þenjekax þendanþëm.

⁸Barikan, amëd and þayi bane þiyi þëwendëran añ, añvasin ðasin këþo Kaxanu yëgwe këño þalënd endëþi eñ ga ða ko exo çës Kërisët në endëþi.

⁹Do gayikako në end oþat or Asëñiñ xwëtaxën këþo Kaxanu gërëgako þër şenene, mondake þayik aþo pexën na yatir akey and kiti?

¹⁰Gayikwa angëmëne and hi bane þërangoyëra and Kaxanu añ, wëlër këne gë mëñ gë ecës ed Asëñiñ el, kaþ fo këþo fexën þaþ gë aniyan and Asëñiñ añ, gayikako awëlër wëlër këne gë mëñ.

¹¹Ado nëmëc na këþo nëngandërand end Kaxanu eñ gayik në end Yesu Kërisët, Axwën areþi eñ, wëlëraxën këne gë mëñ gërëgako.

End Adam añ do gë Yesu eñ

¹²Në end amena and ala aþat, Adam, y'owaxënëguk eñëñënaþ eñ gër ngwën ro. Eñëñënaþ eñ ðëlaliwëk ecës el, do ecës el lëk këþi ðek þela þën gayik ðek fo ðwendëra këni.

¹³Ata eñëñënaþ eñ xulëk ngwën iñ, þari Kaxanu ababi xiti na þela þën xali yëlëgu këño acariya añ Moyis.

¹⁴Barikan, elod amëd and ðwendëra ko Adam xali nand þatëguk acariya and Moyis na, ecës el xëda babi þela þën ado þayik ano mëþen bana Kaxanu ang Adam ak. Ata Adam ijo, amatinali and ar bax y'owënd an fo hi baxo.

¹⁵Oyël or ðëlawëk oyekax or Kaxanu ol ax cilar ex na gë tëker ak gë er ðëlawëk amena and Adam in. Ado ga y'añëk ecës el gër þela në end amena año, er ðëlawëk oyekax or Kaxanu þaþ gë Yesu Kërisët in xucak þanga iñ.

¹⁶Oyekax or ko yëlënd Kaxanu ol xurik ex këbën, gë amena and ala abat and nëpaxën këbi bëranjëm aŋ. Ata në end oyekax olo këbi xwëtaxënënd Kaxanu bëranjëm bër ſenene, ado ga yëmbëk bamena bandebën baŋ.

¹⁷Gayikwa paŋ gë ala abat, gë amena and ala abat, xëñaxënëk ecës el gër ngwën. Barikan paŋ gë Yesu Kërisët gabat, këni ſotaxënënd bela bën nëmëc oyekax or Kaxanu ol: ayël fo këbi yëlënd benjekax beŋ do këbi xwëtënd bër ſenene, do awun këni wunëd gër aniyan paŋ gë Yesu Kërisët gabat.

¹⁸Awa Kaxanu në end amena amat nëpaxën këbi dek bela bën. Bëte në end andixa and ſenene amat këbi yël or ſenene or kë yëlënd aniyan ol.

¹⁹Enimin ga wëſi ko ala abat, hixën këni bewendëran bela bëranjëm. Bëte ga wã ko ala abat kë hixën bër ſenene bela bëranjëm.

²⁰Xarak acariya aŋ er yowëk ex nëmboxën eñëñenax eŋ gër bandixa band bela. Barikan gër ed yëmbëk eñëñenax kë yëmbërënd kaſ oyekax or Kaxanu ol.

²¹Mondako yañëk eñëñenax eŋ xali wëña këbi bela bën gë ecës el. Bëte mondako fo yañëk oyekax or Kaxanu ol gë or ſenene ol eni cotaxën bela bën aniyan and din aŋ paŋ gë Yesu Kërisët, Axwën arebi an.

Bërom 6

¹Gërëgako eyey'an nde bayik na? Ba ene kwëndaye beñëñenax nde ex nëmberaxën oyekax or Kaxanu ol?

²Bëtëdëŋ! Biyi bër ſës këne në end eñëñenax bëjo, mondake këne liyaye gë eñëñenax eŋ?

³An nang ex na nde xobuyi or buyi kënëbo ol wacayak mène anëka bar këne gë Yesu Kërisët gër ecës edexëm?

⁴Awa xobuyi olo wacayak mène anëka wëg kënëbo gë Kërisët. Ata Faba Kaxanu gë panga indexëm iŋ xanin këŋo gër ecës. Do bëte gë panga iŋo fo këbo yëlënd ene diyaye aniyan angaſax aŋ.

⁵Enimin, gayikako abar bar këne ecës el gë Kërisët, abar këne bare bëte gë mëŋ gër ekani ed gër ecës.

⁶Anang nang këne mène nand fika këno Yesu na, ola osëmbak orebi ol fikali këni, ex dëxëtaxën gër aniyan andebi eñëñenax end rëwëli kënëbo eŋ. Mëŋ ex, biyi ane bayiye na okadëp od eñëñenax.

⁷Gayikwa ar ſësëk an ar ſenene hi ko, aſapër ſapër këni gë eñëñenax eŋ.

⁸Gayikako biyi gë Kërisët bar këne gër ecës edexëm, awa kwëtanëŋone mène gë mëŋ këne liyaye bëte.

⁹Ax gi ex na nde anang nang këne mène Kërisët axani xani ko gër ecës do bëte din axo cës na, ecës el ax kor na eŋo bëña?

¹⁰Amat fo şes ko ex dëxëtaxën eñëñenax eñ gër ola or bela. Gërëgako gër aniyan andexëm er ñan ko Kaxanu fo ko rind.

¹¹Ata wën bëte watayayindën ang bëşëk fo paß gë eñëñenax eñ. Bëte watayayindën ang bëbëngw bër kër rind er ñan ko Kaxanu fo gayikako gë Yesu Kërisët bar kën aniyan añ.

¹²Awa kërex bayi na ga wëña këñun eñëñenax eñ. Këren bayi na ga sëf kën oñandi oñëñenax od eman ok.

¹³Wal ir eman endewën gibatak kërey yëlaya na gër eñëñenax, ang eyënga ed osëmbak fo. Barikan, yëlayayin wën dëñ gër andiyen and Kaxanu, ang bër kër liyand bër xaniwëk gër ecës fo. Do wal ir beman bendewën ir ex yo yëlino Kaxanu gë dek beman bendewën ak ang eyënga ed or şenene fo.

¹⁴Kaxanu gë oyekax orexëm ol lëkaya këñun, an bayi ex na ga wëña këñun acariya añ. Mëñ ex, këren bayi na ga wëña këñun eñëñenax eñ.

End ediyenin ed er şenene eñ

¹⁵Awa ine ngwa ex? Ba asëk awendëra fo nde hi këbo gayik paß gë oyekax ol ser këne gë Kaxanu, do ax gi ex na paß gë acariya añ. Bëtëdëñ!

¹⁶Anang nang kën mëne and këno sëf ala do en dind ang yandi këño ak, aña wa kën eñun bëña. Mëñ ex, gërëgako tanayin: angëmëne eñëñenax eñ sëf kën, ecës el kën şot. Do angëmëne Kaxanu sëf këno ata këñun xwët bër şenene.

¹⁷Barikan në end oyekax or Kaxanu eñ, wën bër ebax okadëp od eñëñenax bën, aña wa kën gë emëkw el dek, en tëf er kër rend osëy'ali or sebënan kënun in.

¹⁸Ga racët këñun ako gër eñëñenax, anëka hi kën okadëp od or şenene.

¹⁹Ga sitara kën këme xafëxafinaxënënd mondako er këme rend in. Enimin, ayëlaya yëlaya ban gë dek beman bendewën beñ gër obuyaraxik do gër eñëñenax, mëñ ban rixënënd eñëñenax eñ. Gërëgako yëlayayin gë dek beman bendewën ak, ang okadëp fo gër ema end şenene en gixën bëwënëk.

²⁰Gayikwa and hi ban okadëp od eñëñenax añ, aban xor na en di end şenene eñ.

²¹Do inëña ban şotënd? Ax gi ex na nde becëfënoxik bend kër ñatelind gër ecës fo şot kën?

²²Barikan gërëgako ga şan kën ako gër mbëña ind eñëñenax do hi kën okadëp od Kaxanu, bandixa bandewën bañ band oñëñëk ex, do gër aniyan and din kën ñata.

²³Acosa and ar watak edi ed beñëñenax añ ecës el ex. Barikan, er ko yëlënd ayël fo Kaxanu in ex, aniyan and din and paß gë ebar ed bar kën gë Yesu Kërisët, Axwën arebi el.

Bërom 7

End amatinali and eñër eñ

- ¹Bëmaÿe, wën bër nangëk aye acariya hi kën. Ax gi ex na nde anang nang kën mëne ala an nand bayi ko abëngw na fo këno sëränd acariya aŋ?
- ²Ax gi ex na nde mondako ex end asoxari ar ÿër këno eŋ? Acariya aŋ asëra këno sëränd gër eñër and ko liyand icën indexëm aŋ. Barikan and ko šës icën aŋ, axo bayind na ga sëra këno acariya aŋ.
- ³Angëmëne eni daki gë asošan ašëxe xarak icën indexëm iŋ abëngw bayi ko, orekar ko rind. Bari and ko šës icën aŋ ado eni ñërërëx gë asošan ašëxe axo dind na orekar. Amëd aŋo anëka sebët këno acariya aŋ.
- ⁴Ata bëmaÿe, ako fo ex endewën eŋ. Nand šës ko Kërisët gër kërëwa na, wën bëte ašës šës kën eŋun tebëtaxën acariya aŋ. Awa ga xani ko gër ecës, mëŋ xwën kënun ene dixënënde benjekax bend ðan ko Kaxanu.
- ⁵Gayikwa and wëña babo oñandi od eman aŋ, acariya aŋ bax šërëy'ëtënd betëmbak bend gër ola orebi beŋ mëŋ bane rixënënde bend kë wëland gër ecës beŋ.
- ⁶Barikan gërëgako, Kërisët aracët racët këbo gër mbëña ind acariya, ane bo ex na gër mbëña ind acariya akarëk. Gayikwa ašës šës këne paß gë acariya and ri babo okadëp aŋ. Gërëgako gër owun oxašax or Angoc Amënëk hi këne.

End andiyen and acariya eŋ

- ⁷Awa eyey'an nde bayik na? Eÿëŋënaŋ nde ex Acariya aŋ? Bëtëdëŋ! Paß gë acariya aŋ ga nang këme wa er ex eñëŋënaŋ in. Enimin, ame nang dona er ex eñangen el kido ax de bana acariya aŋ: «Eñangen ed er xwën ala ašandax in ax ye ex na .»
- ⁸Ata eñëŋënaŋ eŋ wëdëk er rek acariya in do lënan ke eñangen ed bebëranjëm el. Kido acariya ax gi bana, eñëŋënaŋ eŋ axe bëña dona mondako.
- ⁹Wëno abëngw ebame, and bayik acariya ax gi bana aŋ. Barikan, and ðatëguk apela aŋ, eñëŋënaŋ eŋ liyak.
- ¹⁰Amëd aŋo šës këme wëno. Ata apela and hi bax exe mëlanëgu aniyan aŋ wëlanëgu ke ecës el.
- ¹¹Ata amëd aŋo wëlak eñëŋënaŋ eŋ, wëdëk apela aŋ, yifa ke do lën ke gër ecës.
- ¹²Acariya aŋ eñëŋëk ex, apela aŋ bëte eñëŋëk ex, er šenene ex, do eyekax ex.
- ¹³Awa do eyekax in nde wëlanëgu ke ecës el? Bëtëdëŋ! Eñëŋënaŋ eŋ wa laŵ ke gër er yek in. Mondako šanayak mëne enimin eñëŋënaŋ eŋ er ax ye ex na ex ga wëdëk apela aŋ laŵaxën ke.

End gër ola or ala eŋ

- ¹⁴Enimin, anang nang këne mëne acariya er Angoc and Kaxanu ex. Barikan gë ola oram ol, ala fo hi këme, ar fanayak gër eñëŋënaŋ.
- ¹⁵Enimin, er këme rind in ame nangënd na. Er šus këme in këme rind, do këme sëkwanënd er ÿandi ke in.

- ¹⁶Angëmëne axe ñandi ex na me di bebër këme rind bën, në ecanaya ex aña ña këme mëne acariya aṅ eyekax ex.
- ¹⁷Eñëñënax end şota ke eṅ kë rind eṅ, bari ax gi ex na wëno.
- ¹⁸Anang nang këme mëne enjekax eṅ ax gi ex na gër ndam, mëne ngëṅ gër eman endam. Gayikwa axor ex exe ñandind me di enjekax eṅ, bari ame korënd na enjekax eṅo.
- ¹⁹Eñëñënax end şus këme eṅ këme rind do enjekax end ke ÿandind me di eṅ ame dind na.
- ²⁰Angëmëne me dind end şus këme eṅ, eñëñënax end şota ke eṅ kë rind, bari ax gi ex na wëno.
- ²¹Awa wëno acariya aṅo wat këme: nand ke ÿandi yo me di enjekax na, eñëñënax eṅ ke weđind.
- ²²Aye ke nënganënd gëđ gër yomb iram end Acariya and Kaxanu eṅ.
- ²³Barikan, acariya acëxe sëra ke na do ke wërelind gër onden ondam xali ke lënanënd eñëñënax eṅ.
- ²⁴Dek xata ke wëno! Noṅo wa kë racët eman endam end ke wëland gër ecës eṅo?
- ²⁵Cëkwanëṅone Kaxanu paḅ gë Yesu Kërisët, Axwën arebi an! Awa mondako dëṅ hi këme gër onden ondam xadëp ir acariya and Kaxanu, barikan gë eman endam eṅ hi këme xadëp ir acariya and eñëñënax.

Bërom 8

End eđiya ed gë Angoc and Kaxanu eṅ

- ¹Awa gërëgako, bër bar këni gë Yesu Kërisët bën kiti abi bayi ex na.
- ²Enimin, and këni bar ala gë Yesu Kërisët aṅ, Angoc Amënëk and këṅo yëlënd aniyān aṅ kë nëmband ex gi acariya andexëm aṅ. Wëno acariya aṅo racët ke, abayi ex na ga wëña ke eñëñënax eṅ do gë ecës el.
- ³Eṅo acariya aṅ ax kor bana ex di gayik bela bën asitara sitara këni gër ola orebën. Barikan Kaxanu axor xor ko exo di eṅo: lawëneliw këṅo Asëñiŵ, gë eman end wëndërek gë end bëwëndëran ebi dacëtaxën gër eñëñënax. Mondako xiti ko eñëñënax end şota babi bela eṅ.
- ⁴Mondako ri ko Kaxanu ene cotaxëne gër ola orebi or şenene or paḅ gë acariya ol biyi bër këne liyande ang këbo xadacënd Angoc Amënëk ak, xarak ax gi ex na ang këṅo ÿandind eman ak.
- ⁵Enimin, bër kë rind ang këbi ÿandind ak fo bën, oñandi od eman ok këni rind. Barikan bër wāk ebi kadac Angoc Amënëk bën bend şenene këni rind.

⁶Ar xwëndak end oñandi od eman an, gër xodux ko y'end. Barikan ar w̃ak eņo kađac Angoc Amënëk an, gër aniyān and obetak ko y'end.

⁷Eyo, Kaxanu mbaņ kēbi ũsënd b̃er xwëndak end oñandi od eman b̃en. Ani tēfënd na acariya and Kaxanu aņ. B̃ete ado ebi ñandido eni tēf in, ola oreb̃en ol d̃eņ kē s̃ekwan.

⁸Do b̃er w̃eña kēbi oñandi od eman b̃en ani korënd na eni di er ñan ko Kaxanu in.

⁹Barikan w̃en an bayi ex na ga ũota kēņun oñandi od eman ok, Angoc and Kaxanu aņ kēņun xađacënd angēmēne enimin gër ola orew̃en l̃eg ko. Ar bayiķ aņo cot ex na Angoc and K̃eris̃et an axo gi ex na arex̃em.

¹⁰Angēmēne K̃eris̃et al̃eg l̃eg ko gër ola orew̃en gayik b̃er ũenene hi k̃en, Angoc Amënëk aņ aỹel kēņun ỹel aniyān aņ ado ex c̃es eman endew̃en eņ.

¹¹Kaxanu xanin kēņo Yesu K̃eris̃et gër ec̃es. Angēmēne Angoc andex̃em aņ al̃eg l̃eg̃ek gër ola orew̃en, Kaxanu, m̃eņ ar xanin kēņo K̃eris̃et gër ec̃es an, aliyan ko liyan beman b̃endew̃en b̃end kē ũeũ beņo, g̃e Angoc Amënëk and l̃eg̃ek gër ola orew̃en aņ.

¹²B̃emaŷe, ang b̃er g̃e aņom̃ex fo hi k̃ene, bari ax gi ex na de eman eņ do g̃e oñandi odex̃em ok ỹom̃exa k̃eñebene. M̃eņ ex k̃erene bayiye ex na ga k̃ene liyande ang k̃ebo ỹandind ak.

¹³Angēmēne w̃en aliya k̃en liyand ang ex oñandi od eman ak, anemi k̃en nemi. Barikan, angēmēne g̃e panga ind Angoc Amënëk iņ k̃en law̃ënd bam̃er̃ew̃era bañeņ̃enax b̃andew̃en baņ, aũot k̃en ũot aniyān and din ir din aņ.

¹⁴Enimin, đek b̃er̃ew̃ak oxad̃ac or Angoc Amënëk b̃en, obaũ or Kaxanu hi k̃eni.

¹⁵Kaxanu aņo ñandi ex na en gi ang oxad̃ep fo do eno ỹedand. Barikan g̃e Angoc Amënëk yata kēņun en gi obaũ orex̃em. Angoc aņo nang̃en k̃ebo m̃ene aŷap ỹap̃ek eñeņo mac̃ende Kaxanu: Aba! (Faba!)

¹⁶Angoc Amënëk aņ d̃eņ hik sede ireb̃en in do k̃ebo fel̃end g̃er onden ondebi m̃ene obaũ or Kaxanu hi k̃ene.

¹⁷Do angēmēne obaũ or Kaxanu hi k̃ene, axw̃en xw̃ene k̃ene biyi b̃ete er xw̃en ko in, gw̃er fo g̃e K̃eris̃et. Barikan afo ene ỹexwe g̃er ga ỹekak yo toro index̃em iņ m̃eņ k̃ene ũotax̃ene enjān endex̃em end kēņo ỹel Kaxanu eņ.

End obetak or ecan ecan eņ

¹⁸W̃eno aye f̃eni ke m̃ene g̃er ga k̃ene soroye yo g̃er aniyān and g̃er̃egako, toro iņo ax cilar ex na g̃e enjān end fenin k̃ebo Kaxanu eņ.

¹⁹Ngw̃en ind ri ko Kaxanu iņ đek ñekan kēņo ex ñat̃egu am̃ed and kē ũanaya ola or ỹel k̃ebi Kaxanu obaũ orex̃em ol.

²⁰Enimin, er gë ofëcak këm in wëñak ngwën ind nęcëtëgu ko Kaxanu iñ, xarak ax gi ex na de ga ýandi baño hixënëk mondako. Në end ar lënan këño eññëñax an hixënëk mondako. Barikan eyar ed këne yare exëna.

²¹Ngwën iñ ašëni šënik gë onënga fo amëd and këño racët Kaxanu gër oxadëp or beññëñax añ. Amëd año kë bakaw enjaran eñ, do gë oxwën or obaš or Kaxanu ol gër ebar ro.

²²Anang nang këne mëne ngwën iñ dek në eñwëcar ex, në etoro ex ang asoxari ar orëw fo.

²³Bëte biyi bër ýana këbo Kaxanu monjël Angoc Amënëk bën awwëcar këne wëcar nde gër ojomb odebi. Ašëni šëni këne exo ñata Kaxanu eyata ed yata këbo el do gë apexa and eman endebi añ.

²⁴Gayikwa gë eyar ed šot këne el fexaxën këne. Xarak ga wat këne watënde er bane yarënde in, ax bo ex na eyar: er këne watënde in ayar nde këne yare bëte?

²⁵Barikan angëmëne ayar këne yarënde er bayik ane watënde na in, ašëni këne šëinde gë ekemënan.

²⁶Bëte Angoc Amënëk añ fo këbo rëcand gër ositara orebi. Gayikwa ane nangënd ex na er ýapëk ene karande and këne šalerand añ. And këbo xaranënd añ awwëcar ko wëcarënd do ala ax kor na eño tëfëteli.

²⁷Do Kaxanu mëñ ar kë watënd er ex gër owwëkw in, aye ko nangënd er ex gër anjëlän and Angoc in. Ang këño ýandi ak këbi xaranënd bërëwëk end Kaxanu bën.

²⁸Anang nang këne mëne er këbi hi yo gër aniyän andebën bër ñan këño Kaxanu bën, bër yata këbi ang fëna baxo ak bën, enjekax endebën ex.

²⁹Gayikwa bër yata këbi ang fëna baxo ak bën, eni mëndëraxën gë Asëñiww yata këbi. Do Asëñiww ar Kaxanu ajo mondako ko hi ikarëk iñ gër ekun ed gë bëmaýe bëndanjëm.

³⁰Bër yata këbi elod anëka bën awwac wac këbi; anëngwët nëngwët këbi eni gixën bër šenene. Bëte bër nëngwët këbi eni gi bër šenene bën yël këbi enjaran endexëm eñ.

End añana and Kaxanu eñ

³¹Ine këne baše? Angëmëne gë Kaxanu bar këne noýo kë hi arangoýëra andebi an?

³²Asëñiww dëñ seb këño šës ko në endebi, año bešeli ex na toro iñ. Ax gi ex na nde gë oyekax orexëm ol dek këbo yëlëra gë Asëñiww ak?

³³Noýo këbo nagašandëra biyi bër yata këbo Kaxanu bën? Gabatak! Bër šenene hi këne gër ogës odexëm.

³⁴Noýo këbo nëp? Gabatak! Në endebi šës ko Yesu Kërisët. Bëte nëmëc na, xaniw ko gër ecës do ýëpa ko gër liww ir Kaxanu ýañ gër orën. Fën këbo xaranëxënd!

³⁵Noŷo këbo ŝapërelî gë Afexën an ga ĥan këbo ako? Toro inŷ nde, ba anjiŷ aŷ nde? Edixëra ed kënebo rixërand el nde, ba enjo eŷ nde? Oxaŷën ol nde, ba ecës el nde? Ba ecës ed mopodëtën gaf el nde?

³⁶Ba ĥata nde kë ĥata Oñëgw Omënëk od rek: «Ga ŵa këmi endey' eŷ këbo fecexënënd ecës el key yo key Ang opeŷ od eŷaŝ fo kënebo lasërand .»

³⁷Barikan gër beŷo dek, biyi axor xor këne. Ŷoweŷ abo kor na ebo capërelî gë aŷana and Kërisët aŷ.

³⁸Wëno mopëni fëni ke mëne ŷoweŷ ax kor na ebo capërelî gë aŷana and ĥan këbo aŷ: ax gi ex na ecës el, ax gi ex na aniyân aŷ, ax gi ex na omeleka ok, ax gi ex na bangoc band wunëk baŷ; ax gi ex na bend doro, ax gi ex na bend ecan,

³⁹ax gi ex na bebër fangak ŷaŷ gër orën, ax gi ex na bebër fangak gëd gër ebar. Er nëcëtëgu ko Kaxanu mëŷ dëŷ in ax kor na ebo capërelî gë aŷana andexëm aŷ, ax kor na ebo capërelî gë aŷana and ŵasinën këbo paŷ gë ebar ed bar këne gë Yesu Kërisët, Axwën arebi el.

Bërom 9

End bulunda ir Kaxanu eŷ

¹Wëno ar bar këmi gër Kërisët hi këme do däl in këmun felënd, ame nëgwëŝënd na. Ga ke xadacënd Angoc Amënëk aŷ këme nangaxënënd bëte gër onden ondam mëne däl ex.

²Mbaŷ wëlandëra ke do laŷ ke ŷambënënd gër emëkw edam.

³Gayikwa aŷandi ŷandi doxe me gi wëno dëŷ ar ŵe ke, ar ŝapër këni gë Kërisët, në end bëmaŷe bëndam, end bela bër nëng iram eŷ.

⁴Bën ex Bëŷisërayel bën, bën yata këbi Kaxanu eni gi obaŝ orexëm do eni kwën enjaran endexëm eŷ, gë banëkëra baŷ, gë acariya aŷ, gë cale inŷ, do gë bebër beŷa këbi Kaxanu bela bën.

⁵Bën ex obaŝ or bëxarëk bër Isërayel bër yata babi Kaxanu ol. Gër enëng endebën rëw këno Kërisët ala, xarak Kaxanu ir wunëk gër beŷ dek exo. Cëkwënëŷone din ir din. Amen!

⁶Gayikako Bëŝëwif bëranjëm ani pex ex na ax gi ex na gayik Kaxanu axo di ex na er beŷa baxo in, ax gi ex na de dek obaŝ or Yakob ol hik enim enëng end Isërayel.

⁷Ax gi ex na dek bër ex gër andëwëra and Abëraxam bën hik obaŝ orexëm. Ax gi ex na nde Kaxanu fel baŷo Abëraxam: «Bër andëwëra and Isak bën fo hik bërandëwëra andey' bën.»

⁸Gër eyey'an elo këne watënde mëne ax gi ex na bër ex obaŝ orexëm bën fo hik obaŝ or andëwëra and beŷa bano Abëraxam ol.

⁹Enimin Kaxanu bey'a baŋo Abëraxam mondako: «Awa şana nand këme bakaw gë doro go na, alindax Sara anëka ki rëwën lëmëta .»

¹⁰Do mondako fo bax end bëşa eŋ, odëmëta oki od rëw kënëbi Rebeka do gë Isak, axarëk arebi ok.

¹¹Damana ebi dëw Rebeka do eni di enjekax ba eñëŋenax Kaxanu yata baŋo abat, ang fëna baxo mën dën ak. Iyo ala ar këŋo yata Kaxanu an aŋo yatand na në end ga ri ko bandixa bandexëm.

¹²Kaxanu afel fel baŋo Rebeka: «Lëmëta ixarëk in kë hi xadëp ir ibeja in.»

¹³Ang rek oñëgw omënëk ak: «Wëno ðan këŋo Yakob, do şus këmo Esawu .»

End yata ed benëŋ becëxe eŋ

¹⁴Do gër endey' eŋo, ine këne reye? Osëmbak nde ex na gër Kaxanu? Bëtëdëŋ!

¹⁵Ga felaxën baŋo wa Moyis: «Wëno end ar ýandi ke exe kaýënan eŋ ke xaýënanënd, gër ar ýandi ke me nënga an këme nëngand .»

¹⁶Awa mën ex, Kaxanu gabat këŋo yatand ar këŋo xaýënan an, ax gi ex na de ba ga ýandi këŋo ala aŋo, ax gi ex na ga xemëna ko.

¹⁷Oñëgw Omënëk ok rek mëne Kaxanu fel baŋo Farawoŋ: «Wëno yata ki ey' mun mën këme necëtaxën gër aniyän andey' panga indam in eni nangëraxën bela bën, ebar el dëk, oŵac oram ol .»

¹⁸Kaxanu axaýënan këŋo axaýënan ar ýandi këŋo eŋo masin axaýënan irexëm an këŋo wësinënd axaýënan in, do ar këŋo ýandi eŋo kemën gaf an këŋo xemënënd.

¹⁹Axor ex ey'e mëka: «Inecëŋ këbo fedënalixënënd Kaxanu? Enimin, ala ax kor na exo nëp er këŋo ýandi Kaxanu exo di in?»

²⁰Do wëj noýo wa hi këy' xali kën şampërend gë Kaxanu? «Er ko bayënd abay' in aŵëka nde këŋo wëkand ar këŋo bayënd an: "Ineŵa rixën këy'e mondako .»

²¹Abay' an axo kor ex na nde exo dind ang këŋo ýandind gë omak ond nega ko oŋ?»

²²Kaxanu aŵasin wësin këbi ebuŋa etëm edexëm el bela bër ýap bax ebi wëcan oxoý orexëm do gë panga indexëm xali eni nemi bën.

²³Aýandi ýandi baŋo ex canaya mondako ang rafëk enjaran endexëm ak gër bër xëñëna baxo ebi masin axaýënan irexëm in, bër xëñëna baxo ebi yël enjaran endexëm eŋ elod gër ýanar bën.

²⁴Ata biyi ex bër yata këbo Kaxanu bën mar gër ir Bëşëwif, mar gër bër ax gi ex na Bëşëwif.

²⁵Eŋo ýëgwaxën ko Ose: «Bër ax gi bana bulunda iram bën, këmëni wëcëd bulunda iram. Bër amëni ŋan bana bën, aŋan këmëni ðanëd .»

²⁶Gër ed baxo rend Kaxanu bela: «Wën an gi ex na bëram kënëbi ÿana enëbi macënd obaê or Kaxanu. Wëno Axwën ar anıyan an .»

²⁷Alaŵënel Esayi are re baxo end bulunda ir Isërayel eŋ: «Ado bulunda ir Isërayel in eni ñëmb yo ang oÿiñi fo, bëfënëpëne kë fex.

²⁸Gayikwa, Axwën Kaxanu ðek ko ĥata eyey'an edexëm el gër ebar ro, do aÿand ko ri .»

²⁹Bëte are re baxo Esayi gana-gana fo: «Kido Axwën Ar bengä bend gër orën an axo pit bana andëwëra amat gër bulunda ir Isërayel ala ax bayi dona ang gër bangol band Sodom gë Gomor ak .»

End apexa and Isërayel eŋ

³⁰Awa ine bayik? Bër ax gi ex na Bëšëwif bën, bër abax êala na eni gi bër êenene bën, ri këbi Kaxanu bër êenene ga xwëta këno Yesu Kërisët.

³¹Xarak Bëšëwif bër bax êaland eni gi bër êenene paß gë acariya bën asëkwan sëkwan këni eni tëf er rek acariya in.

³²Ineŵa sëkwanaxën këni? Gayik gë ojaŵ odebën ok bani êaland eni gi bër êenene, kwëtarëxe Kërisët. Men fokëraxën këni ekaÿ ed këbi fokërend bela el.

³³Ang ÿëgw ko Esayi ak: «Ekaÿ xwët këme na gër Siyoŋ, ed këni fokërend bela el. Ekaÿ elo këbi rebënd. Barikan, ar kë ŵa endexëm an ðin aŋo cena na.»

Bërom 10

¹Bëmaÿe er ÿandi ke gër emëkw edam do këmo xarand Kaxanu in, Bëšëwif bën eni pex.

²Wëno ar nang këbi aye kë rey'and mëne mbaŋ këno balëkënalind Kaxanu, bari ÿoweÿ abi pëni ex na endexëm eŋ.

³Bën gë andebën këni êaland or êenene ol, ani nang gi ex na ba mondake ko rind Kaxanu eni gixën bela bën bër êenene gër ogës odexëm. Mondako ĥaca këni fëña irebën in ga seß këni ir Kaxanu in.

⁴Gayikwa Kërisët fo xorëk exo di ðek er rek acariya and Moyis in. Mëŋ ex ar kë ŵa yo endexëm an, exo gi ar êenene.

End apexa and gër Kërisët eŋ

⁵Enimin, Moyis aÿëgw ÿëgw ko end or êenene or paß gë acariya eŋ: «Ar kë sëf ðek er rek acariya in kë liya.»

⁶Baxëtın ang ko yey'anënd end or êenene or paß gë ekwëta el: «Kërey' de na gër emëkw edey', noÿo wa kë ÿ'e ÿ'aŋ gër orën?» Eŋo, epedaliw ed Kërisët ex.

⁷Bëte kërey' de na: «Noÿo kë êëla gër wur ir gëð?» Eŋo enëcëtëgu ed Kërisët gër wur bëšësëk ex.

- ⁸Baxëtin bëte er re ko Moyis in: «Eyey'an el gër ndey' ex, gër etëy' edey' do gër emëkw edey'.» Ata eyey'an elo ex ed ekwëta ed këmi femërand el.
- ⁹Enimin, angëmëne, gë etëy' edey' el dëñ, këy' rey'and mëne Yesu ex Axwën an, do angëmëne gë emëkw edey' el, axwëta xwëta këy' mëne Kaxanu axanin xanin këño gër ecës, afex këy' fex.
- ¹⁰Gayikwa and ko w̃a ala gër emëkw añ ko hind ar ênenene gër ogës od Kaxanu, and ko rey'a gë etëy' edexëm añ ko fexënd.
- ¹¹Oñëgw Omënëk ok are rek: «Ar këño xwëta yo Kaxanu, año y'epeli na.»
- ¹²Gër Kërisët epitëndër ax gi ex na: Ašëwif an do gë ar ax gi ex na Ašëwif an arabat hi këni. Biyi ðek Axwën abat xwën këbo, mëñ anënga nënga ko gër ðek bër këño xëland bën.
- ¹³Gayikwa ar kë xëla yo õwac Axwën ol, afex ko fex.
- ¹⁴Mondake cëñ këno xëla ar ano kwëta ex na an? Do mondake këno xwëta wëlërëxe pere endexëm eñ? Do mondake këni wël endexëm eñ bëfemëra këm?
- ¹⁵Do mondake kënëbi êot bëfemëra angëmëne ala abi ðawën ex na? Ang rek Oñëgw Omënëk ak: «Bon yek ewat ed bër kë y'owënd gë eyey'an ejekax el.»
- ¹⁶Ax gi ex na ðek fo w̃a këni Atëfëtan añ. Gër endey' eño are re ko Alawën el Esayi: «Axwën, noy'o wa w̃ak end femëra këmi eñ?»
- ¹⁷Awa ekwëta el, gër eyey'an ed këne wëlënde kë xaniwënd do eyey'an elo ed Kërisët ex.
- ¹⁸Barikan me mëka: Bëšëwif bën ani wël ex na nde? Aye wël këni, Oñëgw Omënëk ok ga rek: «Dek ebar el wëlik oniw̃ orebën ol do eyey'an edebën el, xali gër lëgëra bëla.»
- ¹⁹Me mëka bëte: Bulunda ir Isërayel in, afëni dëñ nde fëni këbi er wël këni in? Moyis ex ayanar ar yëgwëk: Ay'akëraxi këñun y'akëraxi në end enëng end këmun šëxwëndër eñ. «Axoyënaya këni xoyënaya në end bër bayik ane nang bana.
- ²⁰Do Esayi ayëxw yëxw ko exo dey'a: Gër bër abaxe šala na šanaya këme, gër bër abax wëkara na endam w̃asinaya këme .»
- ²¹Barikan end Bëyisërayel eñ, re ko: «Lañ këmëni lambacand bulunda in bulunda iwëšik do ir xorëk ecampëre in .»

Bërom 11

End Bëyisërayel eñ

- ¹Awa awëka këme wëkand: Kaxanu ayanëta nde yanëta këbi bulunda irexëm in? Adokiñ! Wëno bëte Ayisërayel hi këme! ar andëwëra and Abëraxam, gër ekun ed Beñëšame.

- ²Bër yata këbi elod gër ÿanar bën abi ÿañëta ex na. An nang ex na nde Oñëgw Omënëk od rek mëne alawënel Eli arendëra rendëra baxo end Bëyisërayel eñ gër Kaxanu?
- ³Are baxo rend: «Axwën, bangëb bandey' bañ yëlëtëra këni, bëlawënel bërey' bën law' kënebi. Wëno gabat bayik do këni şaland ene daw' wëno bëte .»
- ⁴Er yaka baño: «Ay' nang ex na nde bësoşan owëli ocongoki lëkaya këmeni bër elod ani poxi ex na gër edaş' ed këni wacënd Bahal?»
- ⁵Andamat gërëgako, afeni feni mar Bëyisërayel gë oyekax orexëm ol.
- ⁶Ax gi ex na ba ri këni ÿey' yataxën këbi. Kido ako hi bax, oyekax or Kaxanu ol ax gido na oyekax.
- ⁷Ine këme re bëte? Er këni şaland Bëyisërayel in, ani cot ex na. Barikan bër yata këbi Kaxanu bën şotëk; bëşëxen bën xemën këni ogaf ok.
- ⁸Eno rek Oñëgw Omënëk ok: «Kaxanu fëdëk onden ondebën oñ, bangës bandebën bañ ax watënd na banëf bandebën bañ ax wëlënd na xali doru.»
- ⁹Men rexën baxo Dafid: «Ñambëran ind sëf këni inç gilex amene gilex ebën ed këbi sëra ebi kitixën Kaxanu.
- ¹⁰Kulëlebi ecamëdan el eni nemëraxën do dëngwënëlebi or lañ .»
- ¹¹Awa awwëka këme wëkand: Ba afokër nde fokër këni xali wëc këni or lañ? Adokiñ! Eño ax gi na gër aniyen! Barikan në end amena andebën eñ, şotaxën këni apexa añ, benëng becëxe beñ, ebi yakëraxixën Bëşëwif bën.
- ¹²Awa angëmëne gë amena andebën añ betaxën këni bela bër benëng becëxe, angëmëne gë angwëcen andebën añ yeraxën këbi bela bën, awa nëmëc këni beta and këni şot Bëşëwif apexa añ.

End apexa and benëng becëxe eñ

- ¹³Wën bër benëng becëxe bën këmun rend: Wëno ex parëxanda ir Yesu in gër wën benëng becëxe, do mbañ këme rafënalind andiyen andam añ.
- ¹⁴Ebi yakëraxixën bër enëng endam bën do mëñ këni fëxaxën mar, angëmëne awënd wëndëk, këme rixënënd andiyen año.
- ¹⁵Gayikwa angëmëne eñawëta ed hawëta këbi Kaxanu Bëşëwif el, hixënëk angwëlëra and mëñ do gë benëng becëxe añ, inew'a kë hi and këbi bakan añ? Ax gi ex na nde ekani ed gër ecës kë hi?
- ¹⁶Angëmëne bër xwën këbi Kaxanu elod gër ÿanar bën bëwënëk exëni, dek bër yata këbi gërëgako bën bëwënëk exëni bëte. Angëmëne atëx añ Kaxanu xwënëk gë odëmbët ak, awa gë odini ak dek xwën ko.
- ¹⁷Bulunda ir Isërayel in ex añarëka and rëd ko Kaxanu añ, do Bëşëwif bën exëni odini ok. Barikan asañ sañ ko odini odëmar. Do wëj ar ax gi ex na aşëwif an, enini

end añarëka amapuỹ hi këy, do Kaxanu șosali ki gër añarëka andëdërëd. Gërëgako gë onomb ond kë y'ësëgund gër odëmbët od añarëka andëdërëd oñ këy nëtënd.

¹⁸Kërey dafënan na wëj ar șosali ki așosali fo Kaxanu an. Ga rafëna këy rafënan, kërey kwëya na mëne enini fo hi këy, odëmbët ok lëbina ki.

¹⁹Bamat are këy re: «Benini sañ ko Kaxanu șosalixën ke.»

²⁰Dal ex! Barikan Kaxanu asañ sañ këbi bër ex benini bën në end oñpëgënan odebën. Do wëj ga xwëta këy'o bayixën këy gër ed șosali këni. Awa yëdalo Kaxanu, kërey dafënara na.

²¹Angëmëne Kaxanu asañ sañ ko odini od añarëka andëdërëd ok, asañ ki asañ wëj bëte.

²²Nangël mëne Kaxanu anënga nënga ko, bëte axey xey ko: axey xey ko gër bër wëndërak, do anënga nënga ko gër ndey angëmëne alëkaya lëkaya këy onënga orexëm ol. Awa angëmëne ax gi ex na mondako, wëj bëte sañ ki sañ.

²³Angëmëne Bëșewif bën ani bo ex na ga këbi hëpëgënan, Kaxanu așot șot ko panga ind ebi cosalixën gașëxe iñ.

²⁴Do angëmëne wëj ar hi bax enini end añarëka amapuỹ an Kaxanu sañëgu ki do șosali ki gër andëdërëd xarak ay gi ex na enini end añarëka andëdërëd, nangël mëne mbañ këno sax ebakali ed odini od sañ baxo el.

²⁵Bëmañe, gayikwa axe ñandi ex na en nem end șonayak eño, këdi kën yëla mbañ reni kën. Gër bulunda ir Isërayel, mar axem këni xemënek ogaf ok do mondako kë bayi xali eni pedër dek bër yata këbi gër benëng becëxe beñ.

²⁶Amëd año fo këni fex dek Isërayel in; eño yëgw këni: «Afexën an gër Siyoñ ko xaniw. Bamena band bërändëwëra and Yakob bañ ko rexët.

²⁷Mondako kë hi eter ed këme ri gë bën el and këmëni seban beñëñëx bendebën añ .»

²⁸Eyo pañ gë Atëfëtan añ, Bëșewif bën ahi hi këni bërangoñëra and gë Kaxanu, në endewën. Barikan pañ gë eyata el, Kaxanu aňan ñan këbi në end bëxarëk bërebën eñ.

²⁹Gayikwa Kaxanu axo kanand na er ko yëlënd in bëte oyekax ol do gë etana edexëm el ax nëngwëtand na.

³⁰Enimin, ang bano wëșenënd Kaxanu wën benëng becëxe akarëk ak, Bëșewif bën aňëșen këno wëșen bëte. Do barikan gërëgako, wën așot șot kën axañënan ir Kaxanu in, në end emëș Bëșewif.

³¹Bëte andamat ex, gërëgako aňëșen këno wëșenënd Kaxanu, eño kañënanaxën Kaxanu endewën eñ.

³²Gayikwa Kaxanu dëŋ seb babi benëŋ bend bela beŋ eno mëŝenënd, ebi masinaxën axaŷënan irexëm in.

³³Ata Kaxanu bon raf ko, orenik orexëm ol, banjëlan bandexëm baŋ mbaŋ siwëk! Er faŷ ko gër emëkw edexëm in, ang ko rind beŷ ak, ala ax nangënd na.

³⁴Enimin, ala ax gi ex na ar kë nangënd ojëlan od Axwën ok, ala ax gi ex na ar hik afelëra arexëm.

³⁵Ala ax gi ex na ar yël këŋo ŷeŷ Kaxanu, do Mëŋ exo cena eŋo maŝën.

³⁶Beŷ bën dëk gër ndexëm xaniwëk paß gë mëŋ hik. Enjaran eŋ mëŋ xwënëk din ir din. Amen!

Bërom 12

End aniyän angaŝax eŋ

¹Awa bëmaŷe axara xara këmun, gayikako Kaxanu axaŷënan xaŷënan këŋo endewën eŋ, kemënayin eno yël beman bendewën beŋ ang ŝadaxa ibëngw, iwënëk, ir ko ðan fo. Mondako ex cale ind ang ŷapëk inŋ.

²Këren dïyand na gër ngwën ro ang këni liyand bër aŋo kwëta ex na Kërisët ak. Barikan tebino Kaxanu exo nëngwët onden ondegwën oŋ, eŋun pënixënënd er ŷandi këŋo en dind in: enjekax eŋ, gë er ðan ko in do gë er ŝenene in.

³Paß gë oyekax or yël ke Kaxanu ol këmun felaxënënd ala kala ang hi kën ak, dindëlexo gë oxor or ekwëta ed yël këŋo Kaxanu el, këren dafënarand na.

⁴Enimin, biyi eman emat fo ŝot këne. Barikan gër eman eŋo owal odanjëm barëk do wal ir ex yo gë andiyen andexëm ex.

⁵Awa biyi ado ga ŷëmb këne, eman emat hi këne gër Kërisët do aŝosar ŝosar këne ang owal fo andëbi rebi aŋ.

⁶Ala kala gë anjëla pit hi ko, ang yël këŋo Kaxanu ak paß gë oyekax orexëm ol. Angëmëne ang hi këne ak ala yël këŋo na epemëra ed eyey'an ed Kaxanu el, pemindëlexo gë ekwëta, ang rek eyey'an elo ak.

⁷Angëmëne eŋo yël andiyen and edëcara ed bela aŋ, kemënalexo ebi dëcarand. Angëmëne osëŷali ex, tëŷalindëlebi bela bën.

⁸Ar yël këŋo ekemën ed bela an, kemënalexo ebi kemënënd. Ar gë anjëla and ebi yëlërand an, kemënalexo ebi yëlërand bela bën gë obal osëm. Ar yël këŋo edëngweli ed bela el, dëngwelindëlebi ŝenene. Ar yël këŋo axaŷënan an, dëcarayindëlebi bela bën gë onënga fo.

⁹Aŋana andewën aŋ gilex aŋana and däl. Cusin eñëŋënaŷ eŋ, do dëkaleŋun enjekax eŋ.

¹⁰End aŋana and gër aminëmëra and gër Yesu eŋ cëŋ, dëkëringdën gë owëkw onëngax fo andewën rewën aŋ. Ala kala dëngwindëlexo gër epëb ed boŝandaŷ.

- 11**Kemēnayindēn gē obal osēm, kēreṅun kwēlarēnd na. Caleyindēn gē onden onjekax, do diyenindēno Axwēn an ang okadēp fo.
- 12**Nēngandērayindēleṅun end er kēn yarēnd eṅ. Buṅayindēn sam en torond do caleyindēn din.
- 13**Dēcarayindēnēbi okēreceṅ ocandax ok. Mēlayayindēnēbi aye bēliyer bēn.
- 14**Calenindēnēbi bēr kēṅun rixērand bēn, karanindēnēbi benjekax, kērenēbi karend na.
- 15**Nēngandērayindēleṅun andamat gē bēr kēbi nēngandērand bēn, tesindēn gē bēr kē sesēnd bēn.
- 16**Wēlērindēn andewēn rewēn aṅ. Nāndiyindēleṅun en di bebēr bak bēn, kēren yēland na wēn bēsēm hi kēn. Kēren yēland na bēte mēne wēn fo ex bēr nangērak bēn.
- 17**Ala kēreno mašēnēnd na eñēṅēnax end rin kēṅun eṅ. Kemēnayin en dind enjekax end kēni ḥan bela dek eṅ.
- 18**Angēmēne awēnd wēndēk, diyindēn gē oxor orewēn ol en cotaxēn angwēlēra and gē bela dek aṅ.
- 19**Wēn bēmaṽe bēnd ke balēnd mbaṅ bēṅo kēren kitindēn na gē andewēn beṽ bēn. Barikan tebēnino Kaxanu oxoṽ ol, gayikwa aṽēgw ṽēgw kēni: «Wēno ki wāšan! Wēno kē wāšēnd eñēṅēnax end kēni rind eṅ, re ko Axwēn an .»
- 20**Bēte are re ko: «Angēmēne ar xoṽēr kēṅun an xor kēṅo enjo eṅ, yēlēlo er ko ṽamb in. Angēmēne men sel kēṅo, yēlēlo exo ceḅ. Angēmēne mondako kēṽ rind ata kēṅo hi nangēde oyen or gē xodux xob kēṽ gēr gaf irexēm.»
- 21**Bēṅal eñēṅēnax eṅ gē enjekax eṅ, bari kērexi bēña na ecēñēxēt eñēṅēnax eṅ.

Bērom 13

End epēb ed bēlēngw eṅ

- 1**Ala kala pēbindēlebi bēlēngw bēn gayik alēngw ar ex yo Kaxanu yēl kēṅo olēngw ol. Bēlēngw bēr hik yo, Kaxanu kēbi yēlēnd owun ol.
- 2**Gayikako mēṅ rēpēnēk owun ol, ar kēṅo xeyēnd olēngw an anēka kēṅo wēšēnēnd Kaxanu. Bēr kē ḥēpēnd eṅo bēn awa Kaxanu anēp kēbi nēp.
- 3**Enimin, angēmēne enjekax kēṽ rind, bemun beṅ ani gi ex na monjēda. Barikan angēmēne eñēṅēnax kēṽ rind, yēdalēbi. Ba kēreyo yēdand na alēngw an nde ṽandi ki? Awa diyind enjekax eṅ ata ko ḥan endey eṅ
- 4**gayik mēṅ ariyenin and Kaxanu hi ko ey dixerēnd enjekax eṅ. Bari angēmēne eñēṅēnax eṅ kēṽ rind, yēdalo alēngw an gayik ax gi ex na mama fo šot ko ojaṽ od exi kadac gē aṽambēn in. Enimin, Kaxanu fana kēṅo exo gi ariyenin ar Kaxanu gēr ekadac ed ar kē rind eñēṅēnax yo.

⁵Mëḡ ex, aḡap ḡapëk ey'ëbi pëb bëlëḡw bën, xarak ax gi ex na këdi ki xoḡën Kaxanu fo, barikan ga nang këḡ' mondako ḡapëk ey' dind.

⁶Gayikako bëriyenin bër gofëreḡe bën, Kaxanu këno riyeninënd mëḡ kën wëdaxënënd šagale in.

⁷Awa mašino ala kala er ḡapëk eno maš in: meḡëḡino šagale in ar ḡapëk exo kana an; ar ḡapëk eno cos ḡeḡ an, cosino; ar ḡapëk eno yëda an, yëdayino; ar ḡapëk eno pëb an, pëbino.

End ebalër eḡ

⁸Ala këren bayir na ḡeḡ ang ax gi ex na ebalër ed andewën rewën el. Ar ḡan këḡo ašandaḡ aḡ anëka ḡata ko er rek acariya in.

⁹Enimin, baḡela baḡo: «Ax gi ex na mondi orekar ol, ax gi ex na monaḡ, ax gi ex na mondeka, ax gi ex na moḡandi er xwën ko ašandax in» do ḡë ḡëk band bayik baḡ, ḡër eyey'an elo barëk: «Balindëlexi end ašandax eḡ ang ki balënd end gaḡ irey' ak.»

¹⁰Ar këḡo balënd end ašandaḡ eḡ aḡo menan na: aḡana aḡ kë ḡatand er rek acariya in.

End omakaw ond Kërisët eḡ

¹¹Balëkëḡaliyindën nëmëc baḡey baḡo gayikako anang nang kën bebër këne liyande ḡë oḡey oko bën: anëka ḡatëḡuk apëxëd and en nëḡëta ḡër akwëḡ aḡ. Elod ga xwëta këḡëḡone Kërisët, ḡërëḡako xurik ex taxëḡu aḡey and kë ḡata apexa andëbi aḡ.

¹²Anëka wëḡḡëk mbaḡ, gogo kë xey. Awa tebëne bëtëmbak bënd këne rinde ḡër ecamëḡdan bëḡ, do cuḡane ang acud fo oḡëḡa or emer or angoben oḡ.

¹³Diyandëne šenene, ḡë end këne šonënde këm. Kwëḡëtane ekureliran el, ḡë ošëb ol, ḡë ašëk alakirand fo in, ḡë eḡac eḡ, ḡë bataḡëra baḡ, do ḡë oy'akëraxi ol.

¹⁴Matino Axwën Yesu Kërisët do din këren teb na eḡun ḡëḡwëḡa oḡandi od eman ok këdi kën wata bënd këḡo eman nëḡanënënd bëḡ.

Bërom 14

End enëpër eḡ

¹Mëlayayindëno aye ar sitarak ḡër ekwëta an, ḡë eḡampëre këm.

²Gako ang hi kën ako, ar xemëk ḡër ekwëta an afëḡi fëḡi këḡo mëne mëḡ axor ko xor exo ḡ'amb bëḡ ḡëk. Barikan ar sitarak an, bebëlëḡ bër wicëḡu këni në andëḡa fo ko xor exo ḡ'amb, ax gi ex na bëḡ ḡëk.

³Ar kë ḡ'ambënd bëḡ ḡëk an, këreḡo cus na ar bayik ax ḡ'ambënd na an. Do ar ax ḡ'ambënd na an këreḡo nëp na ar kë ḡ'ambënd bëḡ ḡëk an gayik Kaxanu bën tak bëxi wëlaya këbi.

⁴Wěj noŷo wa hi këy' mën këy'o nēpaxēnēnd ariyenin ir ala an? Xwēša ko gēr andiyen ba wēc ko, Axwēn arexēm an nangēk. Do axwēša wa ko xwēša gayik Axwēn an axor ko xor eŷo kwēšan.

⁵Ang hi kēn ako, abat exo yēland akey exēna and xucak ex kēbēn, ajo exo yēland dēk gwēr fo xēbēnēk, ala kala paŷēlexo gēr emēkw edexēm ang ko yēland ak!

⁶Ar kēŷo xēbēnanēnd nēmēc bakey bandēmar an, eŷo pēbaxēn Axwēn an ko rixēnēnd mondako. Ar kē ŷambēnd beŷ dēk an, nē end Axwēn ko ŷambaxēnēnd gayik ašēkwa kēŷo šēkwand Kaxanu. Ar bayik ax ŷambēnd na an, nē end Axwēn bayik axo ŷambēxēnēnd na gayik mēŷ bēte ašēkwa kēŷo šēkwand Kaxanu.

⁷Enimin, gabatak ax dīyand na nē end gaf irexēm fo. Bēte gabatak ax cēsēnd na nē end gaf irexēm fo.

⁸Angēmēne aliya kēne liyande, nē end Axwēn kēne liyande do angēmēne ašēs kēne šēsēnde nē end Axwēn kēne šēsēnde. Awa kēne liyande ba kēne šēsēnde, mēŷ xwēn kēbo.

⁹Angēmēne Kērisēt ašēs šēs baxo do xani ko gēr ecēs, exo gixēn Axwēn ar bēšēsēk do bēbēngw rixēn ko mondako.

¹⁰Mēŷ ex wēj ine këy'o nēpaxēnēnd imaŷe indeŷ iŷ? Wēj ine cēŷ këy'o šusaxēnēnd imaŷe indeŷ iŷ? Enimin akey amat, biyi dēk ayaka kēne yakaye gēr kiti ind Kaxanu ebo kitixēn.

¹¹Ga ŷēgw kēni: «Wēno Axwēn aniyān an rek, bela bēn dēk afoxi kēni foxi gēr lēngw iram do ala kala gē eyēŷan ed enēng endexēm el, ko ŷana eŷo dūwand Kaxanu!»

¹²Mondako kēne yakaye abat abat gēr lēngw ir Kaxanu ene dey'axēne ba mondake bane liyande.

End edēnan ed eñēŷanax abinēx eŷ

¹³Awa kērene kitirēnde na andebi rebi aŷ. Barikan calayindēn en kwēŷēta edi ed er kēŷo lēnan eñēŷanax imaŷe indewēn iŷ, do exo dīf.

¹⁴Wēno aye nang kēme do fēni ke ga bar kēmi gē Axwēn Yesu, mēne ey'amb ey'amb ebuyaraxik ax gi ex na. Barikan angēmēne ala exēna ar kē yēland er hi bax exo ŷamb in ebuyaraxik ex, awa ebuyaraxik ex gēr ndexēm, kērexo ŷambēd na.

¹⁵Angēmēne nē end ey'amb ŷamb këy'ēŷo šēndēnēnd imaŷe indeŷ iŷ, awa ay'o masinēnd na mēne abal ki balēnd endexēm eŷ. Kērey'ēŷo nemin na imaŷe indeŷ iŷ nē end er këy' ŷambēnd, xarak Kērisēt nē endexēm šēs ko bēte.

¹⁶Awa angēmēne bošandax arena kēnun rena, kēren ŷambēnd na ey'amb ŷamb ed kēn yēland wēn ejekax ex.

¹⁷Enimin owun or Kaxanu ol ex, end or šenene ex, gē end obetak ex, do gē end onēnga paŷ gē Angoc Amēnēk aŷ, ax gi ex na end ey'amb ŷamb, ba ešēb-ceb.

¹⁸Gayikwa ar këŋo sëfënd mondako Kërisët ang xadëp fo an, Kaxanu anëngan këŋo nënganënd endexëm eŋ do bëte bëla bën anëngan këbi nënganënd endexëm eŋ.

¹⁹Awa calandëne ene diye er këbo wëlanëgu aketëxeta in do gë er këbo xemën gër ekwëta ed Kaxanu andëbi rebi in.

²⁰Wëj kërey nëxen na andiyen and Kaxanu aŋ në end ey'amb y'amb. Dal ex mëne ey'amb y'amb ir ex yo emënëk ex, bari ax ye ex na edënan ed ala eñëŋëxax el në end ey'amb y'amb el.

²¹Aye yek ekwëyëta ed dek er këŋo lënan eñëŋëxax imaÿe indey' in, hik y'as, hik ngoy' do gë dek bebër bayik bën.

²²Ekwëta ed šot këy' gër emëkw edey' el, bayilexi wëj fo gër lëngw ir Kaxanu. Nëngandërayindëleŋo ar bayik ax nëpayand na mëŋ dëŋ an gër bebër ko sanand exo y'amb bën.

²³Barikan ar këŋo hëpëgënanënd an, anëp nëp këno gayik er ko rind in ax gi ex er gër ekwëta. Xarak dek er bayik ax gi ex na er gë ekwëta in, eñëŋëxax ex.

Bërom 15

End aminëmëra and gër Kërisët eŋ

¹Bëmaÿe, biyi bër xem këne gër ekwëta bën, aÿap y'apëk enëbe buŋanënde bëmaÿe bënd sitarak bëŋ, kërene calande na er këbo nënganënd biyi fo in.

²Ang hi këne ak, ala kala calayindëlexo exo dind er këŋo nëngan ašandaŵ in, er yek do kë xemënënd gër ekwëta in.

³Enimin, Kërisët abaxo šala na exo di er këŋo nënganënd mëŋ fo in. Ax gi ex na nde endexëm eŋ aÿëgw yëgw këni: «Ocir od bër baxi širënd ok, wëno bane širënd?»

⁴Gayikwa dek er yëgw këni gër akarëk in, biyi këbo sëyalind, ene cotaxëne er këne yarënde in, gë ekemëna do gë ekapina ed këbo yëlënd Oñëgw Omënëk el.

⁵Kaxanu, mëŋ ar këŋun rëcand en kemaxën do en kapinaxën an, këŋun yëlënd angwëlëra aŋ andewën rewën ang këŋo y'apanënd Yesu Kërisët ak.

⁶Ata mondako këŋun xet wën dek do eno cëkwënd gë oniŵ obat Kaxanu, Sëm ir Yesu Kërisët, Axwën arebi an!

End Atëfëtan aŋ gër benëng dek eŋ

⁷Awa mëlayarin wën bëte ang wëlaya këŋun Kërisët ak në end enjaran end Kaxanu na.

⁸Ga re këme Kërisët y'ow bax hi ko ariyenin ar Bëšëwif do hata ko bebër bey'a babi Kaxanu bëxarëk bërebën bën ex watixën dal ir Kaxanu in.

⁹Bëte ay'ow y'ow baxo në end bër ax gi ex na Bëšëwif eno duwaxën Kaxanu në end axaŷënan irexëm ang rek Oñëgw Omënëk ak: «Mëñ ex, ašëkw këmi ŷana mi cëkwënd gër Amara and bër ax gi ex na Bëšëwif do ayas këme yas oŵac orey' ol .»

¹⁰Are re rek bëte: «Wën bër ax gi ex na Bëšëwif bën, nëngandërayindëleñun gë bër ex bulunda ir Kaxanu bën!»

¹¹Do bëte: «Cëkwindëno Axwën an wën ðek bër ax gi ex na Bëšëwif bën! Benëng bend bela beñ ðek cëkwindëleno .»

¹²Aŷëgw ŷëgw ko bëte alaŵënel Esayi: «Arandëwëra and Isayi an kë šanayaw Axani ko xani ebi kadac bër benëng becëxe, Do bër benëng becëxe bën, ayar këni ŷana eni yarënd endexëm eñ .»

¹³Awa Kaxanu, mëñ ar këno yarënd an, yëlëleñun onënga ol gë obetak or ex yo ga xwëta këno ako. Do ang kën yarënd ak bašërël ex gë panga ind Angoc Amënëk in!

End andiyen and Pol eñ

¹⁴Endewën eñ cëñ bëmaŷe, mo pëni fëni ke mëne gër oŵëkw orewën oyekax, gë orenik lëbëk do mëne axor kën xor en pelërend andewën rewën añ.

¹⁵Barikan gër bend mar, ayëxw yëxw këme ðe mun ñëgwënëli mun kwitanaxën bend nang kën anang dëñ. Mondako ŷëgwënëli këmun gayik wëno Kaxanu yata ke gë oyekax orexëm ol

¹⁶me gi ariyenin ar Yesu Kërisëtger bër ax gi ex na Bëšëwif. Axemëna xemëna këme ðe gër andiyen año, gër epemëra ed Atëfëtan and Kaxanu. Mondako këni yëlayaxën gër ndexëm bër ax gi ex na Bëšëwif bën ang šadaxa ir këño nëngan, šadaxa ir ko wënën Angoc Amënëk fo.

¹⁷Awa ga bar këmi gë Yesu Kërisët këme xoraxënënd me cëkwaya në end andiyen and këmo rinënd Kaxanu na.

¹⁸Kërisët kë riyenind paß gë wëno eni maxën end Kaxanu eñ bela bër ax gi ex na Bëšëwif bën, ŷoweŷ ame yëxw na me dey'a mëne wëno rik gë andam. Ata gë eyeŷan ed bamëni felënd el do gë er bame rind in riyeni ko

¹⁹gë panga ind Angoc Amënëk in, mëñ bax wësinayaxënënd becarax do gë bërëcaxik. Ga ŷanaw këme gër Yerusalem xali hatëgu këme gër ebar ed Iliri, asëfëtan sëfëtantëraw këmëni bela bën Atëfëtan and Kërisët añ.

²⁰Mbañ xemëna këme enangën ed Atëfëtan el gër ed bayik elod ani wël bana end Kërisët. Mondako riyeni këme këdi këme bëteli edëða ed ala ašëxe.

²¹Mondako rek Oñëgw Omënëk ok: «Awël këni wël bër anëbi tëfëtan bana bën, Afëni këbi fëni bër elod ani wël bana endexëm bën .»

²²Në end andiyen año bayik ame korëli ex na bakëlëbëd bandanjëm mun nëngali.

²³Barikan gërëgako, në er këme riyeni ax bo ex na gër owar oŋo, do bëniy rik elod ga ŷandi ke xali me ŷeli gër ndewën.

²⁴And këme ŷend ond gër ebar ed Esëpañ aŋ, yëla këme awatër këne watëre me kucaxënëx. And këbo xeyëra bakey do exe nëngandëra təkër na gër ndewën aŋ, ata laŋëtax done.

²⁵Barikan gërëgako në eye me gër Yerusalem, okëreceŋ od fën ok këmëni wëlanënd ŷeŷ.

²⁶Enimin, bëmaŷe bënd gër bamara band gër owar or Masedëwan do gë Akayi bën barëndërək kodî enëbi dëcaxën bëwënək bër xaŷënək gër Amara and Yerusalem bën.

²⁷Moñandi ŷandi babi eni di eŋo, do aŷap ŷapək enëbi dëca mondako. Gayikwa angëmëne bër ax gi ex na Bëšëwif bën ašot šot këni apexa aŋ, aŷap ŷapək enëbi dëcarand Bëšëwif bën gë napul ir gër ngwën ro ir šot këni in.

²⁸Wëno and këmëni fëxwën olawën olo aŋ, ašapali këme šapali gër ndewën and këme xani ond gër ebar ed Esëpañ aŋ.

²⁹Anang nang këme mëne and këme ŷeli ene watëre aŋ, oyekax osëm or Kërisët këmün wëlanëli.

³⁰Barikan axara xara këmün, bëmaŷe, gë Axwën Yesu Kërisët do gë aŋana and Angoc Amënək aŋ, kemënayin en calend ang bër okaxër fo, do karanindëne oyekax ol gër Kaxanu.

³¹Karayindëno exe dacët gër otaxan od Bëšëwif bër ax ma ex na end Kërisët gër ebar ed Yude bën këdi këne sëra. Karanine ene kaca šenene fo okëreceŋ od gër Yerusalem ok, do eni kana gë onënga fo andiyen and oyël or këmëni wëlanënd aŋ.

³²And kë hi mondako aŋ fo këme xor me ŷeli gër ndewën gë onënga fo, angëmëne aŷa wã ko Kaxanu me teyëtaxëd bakey.

³³Awa Kaxanu yëlëleŋun obetak orexëm ol wën dëk! Amen!

Bërom 16

Ecëmar el

¹Anëka këmo lawënëlinde gër ndewën Febe, imaŷe indebi ind ex jakërisoxari gër Amara and gër Saŋëkere iŋ.

²Mëlayayino šenene në end Axwën ang kënebi wëlayand bëwënək ak. Giyin bëwelək bër eno dëcara gër er këŋo bal yo gayik mëŋ mbaŋ këbi rëcarand bëmaŷe bëndanjëm, ado wëno dëŋ mbaŋ ke rëcarand.

³Cëmayinëbi Përisëka gë icën indexëm iŋ Akilas, bër bar këmi andiyen and Yesu Kërisët bën.

⁴Bën ex bër fece këbi ecës eni pexënaxën aniyān andam bën. Dek bamara band bër benēng becēxe baṅ këbi šëkwand, ax gi ex na wēno fo.

⁵Cëmayinēbi bēte bër gēr Amara and gēr iciw̄ ind Akilas gē Përisēka bën. Cëmayino lawo iram Epayinetos, ar pëlōt gēr yomb iram an, ar hik eḏaṅ eñanar ed xana ko Kërisēt gēr ebar ed Asi el.

⁶Cëmayino Mari, mēṅ mbaṅ riyenin kēṅun.

⁷Cëmayinēbi bëram bën, bër fëra banēbo nē erebat bën: Andëronikos do gē Yuniyas. Bën mbaṅ wēli kēni gēr oparëxanda gēr andiyen and Axwën, do bën lēngwētëk gē wēno gēr oxëreceṅ.

⁸Cëmayino Ampëliyatos, ar ke balënd mbaṅ ga bar këmi gēr Axwën an.

⁹Cëmayino Irëbeṅ, ar bar këmi gēr andiyen and Kërisēt an. Cëmayino bēte Esëtakis, lawo ir ke balënd mbaṅ in.

¹⁰Cëmayino Apeles, gēr aniyān andexëm šanayak mēne and xwëta kēṅo dēṅ ex Kërisēt. Cëmayinēbi bër gēr ekun ed Arisëtobul bën.

¹¹Cëmayino Erodiyōṅ, aram an. Cëmayinēbi bërëw̄ak end Axwën gēr ekun ed Narësis bën.

¹²Cëmayinēbi Tërifena gē Tërifosa, bëmaṅe bëtoxari bëndam bënd riyenin kēṅo mbaṅ Axwën bēṅ. Cëmayino Perësid, imaṅe itoxari ind ex pëlōt gēr yomb iram iṅ, mēṅ bēte mbaṅ xemēna ko gēr andiyen and Axwën.

¹³Cëmayinēbi Rufos, ar yata kēṅo Axwën an, do gē nēm irexëm ir wēlaya baxe wēno ang itox indexëm ak.

¹⁴Cëmayinēbi Aseṅkëritos, gē Fëlegoṅ, gē Erëmes, gē Patërobas, gē Erëman, do gē bëmaṅe bënd hi kēni nē er ebat bēṅ.

¹⁵Cëmayinēbi Filologos, gē Yuliya, gē Nereya, gē iminëm itoxari indexëm iṅ, gē Olumëpas, do gē dek bëmaṅe bënd exëni Amara amat bēṅ.

¹⁶Awa cëmarin andewën rewën aṅ, do en megarëra ang bëmaṅe bënd acël amat fo gayik okëreceṅ hi kën. Bamara band Kërisēt baṅ dek kēṅun šëmand.

Bapela bapelatar baṅ

¹⁷Bëmaṅe axara xara këmūn, titinalindënëbi bëxapëndër bën, gē bër kē lënanënd eñëṅenax bën, do gē bër kē šëmbëtënd er kënun sēyalind bën, kwëṅëtayinēbi.

¹⁸Gayikwa bërako rako bën okadëp od bacël bandebën fo hi kēni, ani gi ex na okadëp od Kërisēt, Axwën arebi an. Barikan gē oyey'an onëṅax oṅ kënëbi yifand bër gē onden ond šenene bën.

¹⁹Barikan wën, bela dek nangërak mēne mbaṅ këno baxëtënënd Axwën an. Ata wēno dek ke nënganënd endewën eṅ. Barikan ṽandi ṽandi ke en gi gē orenik or en tëfaxënënd benjekax bēṅ, do en kwëṅëtaxënënd dek beñëṅenax bēṅ.

²⁰Nangin mēne Kaxanu, mēṅ ar kē yēlənd obetak an, gogo kēṅo lat Sindan dīla gēr osapar orewēn. Yesu Kērisēt, Axwēn arebi an, yēləleṅun oyekax orexēm ol!

²¹Timote, ar bar kēmi andiyen and Kērisēt an kēṅun šēmand. Ašēma kēnun šēmand bēte bēram bēn: Lusiyos, gē Yasoṅ, do gē Sosipater.

²²Wēno Terētiyos, aṅēgw an kēṅun, šēmand wēn bēr bar kēne gēr Axwēn bēn.

²³⁻²⁴Ašēma kēṅun šēmand Gayiyos, axwēn iciw̄ ind gēr ed hi kēme an, do gē bēr gēr Amara and gēr ndebēn bēn. Ašēma kēṅun šēmand bēte Erasēt, aṅwēxēta ar kodī ir angol an, do gē imaṅe ind kēno w̄acēnd Karētos iṅ.

Cale ipelatar iṅ

²⁵Duwanēṅone Kaxanu, mēṅ ar xorēk eṅun kemēn an, ang kēme femērand Atēfētan and Yesu Kērisēt ak, ang ex enang ecarax end šon baxo Kaxanu elod ga ṅanak aniyan ak.

²⁶Barikan gērēgako, ecarax eṅo šanayak paḅ gē Oṅēgw od bēlaṅwēnel ok, ang babi felēnd Kaxanu ak, mēṅ ar hik din aṅ, enēbi nangēndēra bela bēn. Mondako ri ko eno kwētaxēn, do eno tēfaxēn bēnēng beṅ dek.

²⁷Awa Kaxanu, mēṅ ar ex gabat ar gē orenik an, kwēnēlexo din ir din enjaran eṅ paḅ gē er ri ko Yesu Kērisēt in! Amen!

1 Bëkoreṅjët

1 Bëkoreṅjët 1

Ecëmar el

¹Wëno Pol, ar yata këṅo Kaxanu ga ŷandi këṅo me gi parëxanda ir Yesu Kërisët an do gë abaṅe Sosëten,

²këṅun ŷëgwënëlinḁ wën Amara and Kaxanu and gër Koreṅjët aṅ. Yesu Kërisët yata këṅun do w̄ac këṅun en gi bulunda iw̄ënëk irexëm, wën bër kë xëland ōwac orexëm bën ang biyi ak do gë ðek bër këṅo ŷalend gër ed ex yo ar ex Axwën arebën, do arebi an.

³Awa Faba Kaxanu do gë Yesu Kërisët, Axwën arebi an, yëlëlenun oyekax ol do gë obetak ol!

End benjekax bend gër Yesu Kërisët eṅ

⁴Ašëkwa këmo šëkwand Kaxanu nand ex yo end oyekax or yël këṅun paḁ gë ebar ed bar këmi gë Yesu Kërisët el.

⁵Gayikwa ga bar kën gë mëṅ ŷotaxën kën enjekax end ex yo, eyey'an ed ex yo, do gë onangëran or ex yo,

⁶gayikako osede or Kërisët ol ašanaya ŷanayak gër ola orewën.

⁷Awa gërëgako, gër ðanjëla ðand ko yëlënd Kaxanu në end oyekax orexëm na, gamatak an can ex na and këno ŷënind exo canayaw Yesu Kërisët, Axwën arebi aṅ.

⁸Mëṅ këṅun xemën bëte xali gër eṅata en gixën gë end kënun nëp këm yatir ko ðakaw Yesu Kërisët, Axwën arebi an.

⁹Kaxanu ar mokwëta hi ko, mëṅ ex ar w̄ac këṅun gër ebaṅër ed në end Asëñiw̄ Yesu Kërisët, Axwën arebi el.

End bakucara band gër Amara eṅ

¹⁰Bëmaṅe, axara xara këmun gër ōwac or Yesu Kërisët, Axwën arebi an, wëlërinḁ. Cotin anjëlan amat, onden omat, oñandi obat, do këreṅun kucarërand na gër amara andewën.

¹¹Bëmaṅe, yama bër ekun ed Këlowe bën ga felati këne nde mëne batakëra exëna mërëxand irewën.

¹²Awël wël këme mëne ala kala mondako ko yey'anënd: «Wëno ar Pol hi këme!» Ajo exo de: «Wëno ar Apolos hi këme!» Ajo bëte: «Wëno ar Kefas hi këme!» Ajo bëte: «Wëno cëṅ ar engä end Kërisët hi këme!»

¹³Kërisët nde ŷapërëk mondako? Pol nde fika bano në endewën? Gër ōwac or Pol nde buyi kënun?

¹⁴Ašëkwa këmo šëkwand Kaxanu gayik ang hi kën ak, gabatak amo buyi ex na, ang ax gi ex na Kërisëpos do gë Gayiyos.

¹⁵Ata ala ax kor na exo de mëne gër oŵac oram buyi kënun.

¹⁶Iyo abuyi buyi këmëni bëte bër ekun ed Sëtefanas bën, gër ga ex yo, ame nang ex na ba ala ašëxe buyi këmo na.

¹⁷Kërisët laŵënëgu ke me pemërand Atëfëtan aŋ gër bela. Xarak ax gi ex na me yeyanënd gë orenik or bela, ax gi ex na mëni buyind, këdi kë yep ecës ed šës ko Kërisët gër kërëwa el.

End panga do gë orenik or Kaxanu eŋ

¹⁸Enimin, epemëra ed ecës ed Kërisët gër kërëwa el, ofëwirëx ex gër bër nambërak. Barikan, gër biyi bër fex këne, panga ind Kaxanu ex.

¹⁹Gayikwa Oñëgw Omënëk ok rek: «Alaŵ këme laŵ orenik or bërenik ol, Awëlëbël këme wëlëbël onden ond bër nangërak oŋ .»

²⁰Feye exo arenik an? Feye exo ašalen an? Feye exo ar kë šampërend bend gër ngwën ro an? Ax gi ex na nde Kaxanu wëlëbëlëk orenik or bër gër ngwën ro ol xali hik ofëwirëx?

²¹Enimin, gayikako bërenik bër gër ngwën ro bën gë orenik orebën ol ano nang ex na Kaxanu, ata gë ofëwirëx or epemëra el yapan këŋo Kaxanu ebi pexënënd bër ŵak bën.

²²Gayikwa Bëšëwif bën kë ŵëkand becarax do bër benëng becëxe bën këni šaland orenik ol.

²³Xarak biyi, end Kërisët ir fika bano eŋ këmi femërand, ata endey eŋo këni fokërend Bëšëwif bën, bëte eŋo ofëwirëx ex gër bër ax gi ex na Bëšëwif.

²⁴Barikan gër bër ŵacëgu këbi Kaxanu, hi këni Bëšëwif, hi këni bër benëng becëxe, Kërisët ijo, panga do orenik or Kaxanu exo.

²⁵Gayikwa ofëwirëx or Kaxanu ol renik nëmëc orenik or bela ol, do ositara or Kaxanu ol nëmëcak ojaŵ od bela ok.

²⁶Bëmaŷe, yëlarayin nobën hi kën, wën bër ŵac këŋun Kaxanu bën: bërenik ax gi ex na gër owat or bela, bangwëlik ax gi ex na, bër gapak bën ani ñëmb ex na mërëxand irewën.

²⁷Barikan Kaxanu wa sanak bebër fëwirëxik gër ngwën ro bën ebi bëlandëraxën bërenik bën. Bëte mëŋ yata këbi bër sitarak gër ngwën ro bën ebi cëfënanaxën bër gë ojaŵ bën.

²⁸Kaxanu sanak bëte bebër bak gër ngwën ro bën, bebër yaf këni bela bën, bebër yoweŷ ax gi ex na bën, exo yepëanaxën bebër fëb këni bën.

²⁹Mëŋ ex, ala ax kor na exo dafëna gër lëngw ir Kaxanu.

³⁰Xarak paḅ gë mënḅ baraxën kën gë Yesu Kërisët. Yesu Kërisët wëlanëgu këbo orenik or Kaxanu ol do bëte gë or ŝenene ol, owënëk ol do gë apexa aḅ.

³¹Awa ang rek Oñëgw Omënëk ak: «Ar kë rafënanḅ an, dafënalexo gër bend ri ko Axwën .»

1 Bëkoreḅët 2

End osëyali or kërëwa eḅ

¹Endam eḅ cëḅ bëmaḅe, and yëli këme gër ndewën aḅ, mun nangën end ŝon baxo Kaxanu eḅ, ame yëli bana ang ar këno ŝëkwënd gër eyeyan do gër orenik fo.

²Gayikwa er yapan baxe and hi bane në erebat aḅ, me nang wayët end Yesu Kërisët eḅ fo, Yesu Kërisët ir fika bano.

³Wëno dëḅ er yëli bame gër ndewën gë ola ositarak do ayëdara bame yëdarand xali baxe rëgënenḅ.

⁴Osëyali oram ol do gë epemëra edam el ax gi bana gë orenik or eni maxën bela. Barikan, aḅwa wā kën në end panga ind Angoc and Kaxanu ind bax ŝanayand eḅ.

⁵Mondako bax, eno kwëtaxën Kaxanu në end panga indexëm, bari ax gi ex na në end orenik or bela.

End orenik or Kaxanu eḅ

⁶Enimin, orenik dëḅ ex er këmi femërand gër bela bër gë ola or faḅayak gër ekwëta in: orenik olo ax gi ex na or gër ngwën iḅo ro, ax gi ex na bëte or bemun bend gër ngwën iḅo ro, bemun bend kë nemira beḅo.

⁷Barikan orenik oxëbëanaxik or Kaxanu, or ŝonaya bax ol këmi femërand. Orenik olo fenan babo Kaxanu ene cotaxëne enjaran eḅ, ḅamana exo di ngwën iḅ.

⁸Bemun bend gër ngwën ro beḅ ḅek, gematak ax nang bana orenik olo. Gayikwa kido anang nang bani, ano pika dona Axwën ar gë enjaran an.

⁹Barikan ang rek Oñëgw Omënëk ak: «Er angës and ala ax wat ex na in, er anëf and ala ax wël ex na in, do er emëkw ed ala ax yëlara ex na in Kaxanu afenan fenan këbi bër ḅan këḅo bën .»

¹⁰Xarak eḅo biyi nangën këbo Kaxanu paḅ gë Angoc Amënëk aḅ. Gayikwa Angoc aḅ kë xamanënd er ex yo xali gë bend ŝonayak gër Kaxanu ak.

¹¹Bend gër ala beḅ, onden ondexëm oḅ kë nangënd ax gi ex na ala aḅëxe. Awa bëte, bend gër Kaxanu beḅ Angoc and Kaxanu aḅ kë nangënd, ax gi ex na ala.

¹²Xarak biyi, Angoc and xaniwëk gër Kaxanu aḅ ŝot këmo mi nangaxën bend yël këbo Kaxanu paḅ gë oyekax orexëm beḅ, bari amo cot ex na angoc and gër ngwën ro aḅ.

¹³Do biyi bend këmi yey'anënd beŋ bebër kë sëyalind Angoc and Kaxanu ex gë eyey'an ed kë xaniwënd gër Angoc and Kaxanu el, ax gi ex na bend kë sëyalind orenik or bela.

¹⁴Ar aŋo cot ex na Angoc Amënëk gër ola orexëm an, axo kwëtand na bend Angoc and Kaxanu beŋ. Gayikwa gër onangëran orexëm bend Angoc and Kaxanu beŋo, ofëwirëx ex, axo kor na eŋo pëni gayik gë Angoc and Kaxanu fo ko xor eŋo pëni.

¹⁵Barikan, ar ŝot këŋo Angoc and Kaxanu an kë xorënd ex kiti beŋ dek, xarak mëŋ dëŋ ala aŋo kitind na.

¹⁶Gayikwa gër Oñëgw Omënëk are rek: «Noŋo nangëk anjëlan and Axwën aŋ? Noŋo xorëk eŋo tëy'ali Axwën an?» Barikan biyi, anjëlan and Kërisët aŋ ŝot këmi.

1 Bëkoreŋët 3

End bëriyenin bër Kaxanu eŋ

¹Bëmaŋe wëno cëŋ, er bamun felërand ang bër ex bela fo, ang bër bayik obaŝ gër ekwëta ed Kërisët fo, ax gi ex na ang bër ŝot këŋo Angoc Amënëk.

²Omër bamun yëlënd en ceb ax gi ex na eceamar, gayikwa an kor dona en y'amb. Ado xali gërëgako dëŋ an kor na

³gayik ano cot ex na Angoc Amënëk aŋ. Enimin, ga xwënda kën ako oy'akëraxi, bakucara mërëxand irewën, ax gi ex na nde beŋo kë wësinënd mëne ano cot ex na Angoc Amënëk aŋ?

⁴And ko rend abat: «Wëno ar Pol hi këme» do ajo: «Wëno ar Apolos hi këme» ax gi ex na nde oyey'an or bela fo ex?

⁵Awa noŋo ex Apolos? Do noŋo ex Pol? Ax gi ex na nde biyi bëxi bëriyenin bër Kaxanu fo hi këmi? Paŋ gë er felëra këmun in xwëtaxën këno Axwën an, ala kala ang yël këŋo Kaxanu ak riyeni këmi.

⁶Wëno ned këme, Apolos xoŝa ko, barikan Kaxanu rafën ko.

⁷Do ar nedëk aŋ, gë ar xoŝak an, yoweŋ ani gi ex na. Kaxanu gabat, mëŋ ar kë rafënënd an, ex ar gapak an.

⁸Ar nedëk an do gë ar xoŝak an, gwër fo exëni. Kaxanu aŝos këŋo ŝos ala kala ang riyeni ko ak.

⁹Gayikwa gër andiyen aŋo, bër ŝoma këŋo Kaxanu fo hi këmi. Wën ex oŝënga orexëm ol, wën ex këbe ir ko bayënd in.

¹⁰Gë anjëla and yël ke Kaxanu aŋ riyeni këme ang abay' ar xamëk obay' fo. Wëno bayëk edëda ed aciw' el, do aŝëxen bëtëguk bay' ko amëŋ aŋ. Barikan, ala kala balëkënalilexo ang ko bayënd ak.

¹¹Enimin, gabatak ax kor na exo bay' edëda ecëxe, ed fitarëk gë ed ex el, mëne ngëŋ Yesu Kërisët.

- ¹²Gër edëda elo, ado eni bay' bela bën: abat gë kaŋe, ajo bëte gë kodî, ajo bëte gë oxaŷ oxëbënëanaxik, ajo bëte gë otëx, ajo gë ecuû, do ajo bëte gë onji,
- ¹³aşanaya kē şanaya yatir kiti er ex andiyen and ala kala in. Xodux ol kē nēcēt ang xëbënëk andiyen and ala kala ak.
- ¹⁴Ala ajo aşot ko şot acosa, angëmëne er bay' ko in ax ñeg ex na.
- ¹⁵Barikan angëmëne aŷeg ŷegëk, acosa axo cot na. Dal ex afex ko fex, barikan ang ar fece kēŋo amëra fo ko hi.
- ¹⁶An nang ex na nde mëne wën ex aciŷ and Kaxanu aŋ? Bëte an nang ex na nde mëne Angoc and Kaxanu aŋ gër ola orewën lëg ko?
- ¹⁷Ar kē nëxen Aciŷ and Kaxanu an, Kaxanu anemin kēŋo nemin. Gayikwa Aciŷ and Kaxanu aŋ er wënëk ex do wën ex aciŷ aŋo.
- ¹⁸Ala kërëx yifaya na: angëmëne ala mërëxand irewën exo yëland mëne arenik ar ang ŷapëk gër ngwën ro ak hi ko, gilexo afënirëx, exo gixën enim arenik.
- ¹⁹Gayikwa orenik or gër ngwën ro ol ofënirëx ex gër Kaxanu. Ga rek gër Oñëgw Omënëk: «Kaxanu kēbi sëränd bërenik bën gë bamene bandebën baŋ fo .»
- ²⁰Are rek bëte: «Axwën an anang nang ko banjëlan band bërenik baŋ. Anang nang ko mëne ax gi ex na gë ofëcak .»
- ²¹Awa mëŋ ex, këren dafënan na në end er ri ko ala gayikwa wën xwënëk ðek:
- ²²hik Pol, hik Apolos, hik Kefas, hik ngwën in, hik aniyen aŋ, hik ecës el, hik bend gërëgako, hik bend ecan ecan. Wën xwënëk ðek.
- ²³Ata Kërisët xwën kēŋun wën bëte do Kaxanu xwën kēŋo Kërisët.

1 Bëkoreŋët 4

End oparëxanda od Kërisët eŋ

- ¹Awa wën aŷap ŷapëk enëbo watënd ang bëriyenin bër Kërisët, bër xwëtënan kënëbi beconëşon bend Kaxanu fo.
- ²Gayikwa ar xwëtënan këno napul an, aŷap ŷapëk exo gi ar mokwëta.
- ³Wëno cëŋ ado ene kitind bela bën, hik wën, hik në aciŷ and kiti, axe balënd na gë təkër ak. Wëno dëŋ ame nëpayand na.
- ⁴Gayikwa onden ondam oŋ ŷoweŷ axe nëpënd na. Axwën an ex ar ke xitind an, bari ax gi ex na ðe në eŋo hixën këme ar şenene.
- ⁵Awa mëŋ ex, wën këren kitind na andiyen and ala aŋ, xarak ax ŋatëgu ex na pere akey and kiti aŋ. Cëniyin exo bakaw Axwën an, mëŋ kē ħoba kerët beconëşon bend gër ecamëdan beŋ. Bëte mëŋ kē nēcēt banjëlan band gër oŷëkw or bela baŋ. Ata Kaxanu eŋo cëkw ala kala ang riyeni ko ak.

⁶Bëmaŷe, eŷun pënixën yey'anaxën këme endam eŷ do gë end Apolos eŷ. Mondako kën sëŷ'a mëne ax gi ex na monëmëca er ŷëgw këni gër Akayëta and Kaxanu in. Ata bayik ala ax pitaya na, do exo dafënalind imëxwër ind sana ko iŷ xali eŷo merelind ar imëxwër icëxe an.

⁷Enimin, ineŷa xuca këŷo aŷandax an? Ineŷa ŷot këŷ xarak ani yël ex na monjël? Do angëmëne monjël fo yël këni er ŷot këŷ in, ineŷa këŷ rafëanaxënënd nangëde ani yël ex na monjël?

⁸Yama wën, anëka wa wëd kën, anëka ŷotëra kën, anëka ŷana kën emun el biyi këm. En munëdo wa enim dëŷ ata wun done andamat!

⁹Gayikwa wëno er hixënan ke mëne Kaxanu ŷepën këbo biyi oparëxanda ok. Biyi ex bër ŷoweŷ ami gi ex na bën, er hi këmi ang bër eðaŷ fo. Omeleka ok do gë bela bën kënëbo nëkonënd ang bebëŷaraxik fo.

¹⁰Biyi bëfënrëx hi këmi në end Kërisët, barikan wën, areni reni kën gër Kërisët. Biyi bërëtoc këmi, barikan wën bër gapak hi kën. Wën aŷëkw kënun ŷëkwënd, barikan biyi aŷepën kënëbo ŷepënend.

¹¹Xali gërëgako, biyi er hi këmi: bër këbi rind enjo, bër këbi selënd men, bër gë banjëm këm, bër kënëbi xëmërand, bër gë eđëg këm.

¹²Bëte gë otaxan odebi oko dëŷ këmi riyenind gë toro mi cotaxën er këmi liyaxën in. Ado enëbo cirërand bela bën, biyi mëni calenënd, hik enëbo dixërand, mi buŷand.

¹³Hik eni nëxenënd omac odebi ok, biyi mëni pelënd bend këbi fuŷara. Ata biyi ex batëxësëx band ngwën baŷ, bër ŷus kënëbi bela đek xali gërëgako bën.

¹⁴Mun tëŷ'alixën ang obaŷ or pëlôt gër yomb iram fo ŷëgwëanaxëli këmun mondako, ax gi ex na mun cëfëninaxën.

¹⁵Enimin, ado enëbi cotëdo bëxadac bër end Kërisët owëli epëxw, wëno ex sorix irewën gayik wëno sëfëtandëra këŷun xali wã kën Atëfëtan and Yesu Kërisët aŷ.

¹⁶Awa axara xara këmun, tëfëtelindën ola oram ol.

¹⁷Në eŷo laŷëanaxënëli këmo Timote, mëŷ ar ex aŷëniŷwën ir ħan këmo mbaŷ, do hi ko ar mokwëta gër bend Axwën. Mëŷ këŷun ŷana eŷun kwitanënd ang këme liyand në end Yesu Kërisët ak. Beŷo këme sëŷ'alind gër đek bamara band okëreceŷ.

¹⁸Fën gër ndewën, bërëmar afufënara këni fufënarand ga këni yëland mëne wëno amun nëngali na.

¹⁹Xarak wëno gogo këme ŷeli angëmëne aŷa wã ko Axwën an. Ata këme nang ba ine këni xor eni yey'an do eni di bër kë rafënarand bëjo.

²⁰Gayikwa owun or Kaxanu ol gë panga ex, ax gi ex na ayey'andërand fo.

²¹Ine ÿandi këñun? Ba me ÿeli gë engwëša nde, ba me ÿeli gë añana do gë onden onjekax nde?

1 Bëkoreñët 5

End eñac eñ

¹Gër ed ex yo wëlik mëne gër ndewën, bërëmar watak eñac eñ, xali abat ÿëraya këño moñëraya dëñ asoxari ar sëm an. Xarak, ado bër año kwëta ex na Kaxanu bën dëñ ani dind na mondako.

²Wën ases don sesënd, ecëñëxët kën rafënarand! Arenita don renitand do eno ñwãÿ ar rik eño an, mërëxand irewën!

³Wëno cëñ, ado bayik ame gi ex na fën gë eman endam eñ, gë onden oñ, nangëde në erebat hi këne fo, anëka nöp këmo ar rik endey endako rako an, nangëde në erebat hi këne fo.

⁴And kën barër gër oñac or Axwën Yesu añ, gë panga ind Yesu Axwën arebi iñ, onden ondam oñ ašoma këñun šoma.

⁵Awa ala ajo, dëxwino gër Sindan ex nemixën ola osëmbak orexëm ol, do ex pexaxën angoc andexëm añ yatir ko bakaw Axwën!

⁶Ata end kën rafënoxën ax gi ex na de! Aye nang kën: Tëkër fo këni rind lewir in ex pufënoxën dek pix ind negali këni iñ.

⁷Wunëtayin ngwa eñëñëxax end ex ang lewir ixacax fo eñ, en gixën bela bëwënëk, bër ang pix ingašax ind gë lewir këm fo. Ado anëka hi kën bëwënëk gayikwa Kërisëtyëlayak šadaxa në endëbi gë Ofëna or Apexa ol.

⁸Awa mëñ ex, dindëne Ofëna or Apexa ol gë mburu ind gë lewir këm, gë oñëkw oñënek do gë däl in. Bari kërene ÿambënde ex na mburu ind gë lewir ixacax iñ: lewir ir bandixa batëmbak do gë oxeÿ iñ.

⁹Ga ÿëgwënëli këmun wa gër kayëta iram mëne këren dëkërend na gë bër yëlayak gër eñac bën.

¹⁰Bari ame de ex na de ax ñap ex na en dëkërend gë bër kë yëlayand gër ngwën ro gër añana and kodï, gër orek, ba gër olaš bën. Kido mondako bax, wën afo en canëdo gër ngwën ro.

¹¹Gërëgako, er ÿëgwënëli këmun mëne këren dëkërend na gë imaÿe ind kë rend këreceñ hi ko, do exo yëlaya gër eñac, gër añana and kodï, gër olaš, gër ocir, gër ošëb ba gër orek. Do ado gë ala arako rako an, këren ÿambërand na dëñ.

¹²Enimin, ba wëno nde këbi xiti bër ax gi ex na okëreceñ bën? Do bër ex okëreceñ bën cëñ, ax gi ex na nde wën ÿapëk enëbi kitind?

¹³Bër ax gi ex na okëreceñ bën, Kaxanu këbi xiti. Ga rek wa Oñëgw Omënëk ok: «Ñwãÿino asëmbak an mërëxand irewën .»

1 Bëkoreŋët 6

End ekitir ed bëmaŋe eŋ

- ¹Këreceŋ ir xucar këbi gë këreceŋ iŋandaŋ in, mondake ko yëxwënd eŋo mëla kiti gër bësëmbak, xarak gër bëwënëk wëla doŋo?
- ²An nang ex na nde mëne bëwënëk bën këbi xiti bela bër gër ngwën ro bën? Do angëmëne wën këbi xiti bër gër ngwën ro bën, an kor na nde en kiti bend xafëxafak gër aniyan ro beŋ?
- ³An nang ex na nde mëne biyi kënëbe xitiye omeleka ok? Do bend gër aniyan aŋo ro beŋ nde këne sëkwane?
- ⁴Xarak, wën and këŋun xucar në end bend gër aniyan aŋo ro aŋ, bër yoweŋ ani gi ex na gër Amara bën këŋun xitind!
- ⁵Mondako këme yeyanënd eŋun cëfënanaxën. Arenik gabatak ax gi ex na nde ar kë xor ebi kiti bëmaŋe bëŋ?
- ⁶Barikan imaŋe iŋ eŋo mac kiti imaŋe ind xucar këbi iŋ gër bër ax gi ex na okëreceŋ.
- ⁷Awa gayikako wën aŋacër kën wacërënd kiti, oŋoŋik orewën ex. Ado enun menan, ineŋa bayik an buŋand na? Ineŋa bayik an buŋand ado enun kwëcand bacota bandewën baŋ?
- ⁸Wën wa këbi wënanënd boŋandaŋ borewën do wën wa këbi xwëcand boŋandaŋ borewën xarak bëmaŋe bëndewën exëni!
- ⁹An nang ex na nde mëne bësëmbak bën ani gi na bër owun or Kaxanu? Këren yifayand na gë andewën aŋ dëŋ gayikwa bër xwëndak eŋac bën, bërolaŋ bën, bër kë rind orekar bën, bësoŋan bësoxari bën, bër kë lakind asoŋan gë asoŋan bën, ba asoxari gë asoxari bën, ani dël na gër owun or Kaxanu.
- ¹⁰Bëte bërek bën, bër hãnëk kodî bën, bëŋeŋ bën, bër wër këbi ocir bën, ba bërek bëxeŋax bën, ani gi na bër owun or Kaxanu.
- ¹¹Do xarak bërëmar gër ndewën na, mondako hi bani. Barikan Kaxanu wënën këŋun, mëŋ fit këŋun, mëŋ ri këŋun bër ŋenene paŋ gë oŋac or Axwën Yesu Kërisët ol, do paŋ gë Angoc and Kaxanu, mëŋ ar xwën këbo aŋ.

End oxëbën or eman eŋ

- ¹²Wëno er ex yo xor këme me di, barikan ax gi ex na er ex yo hik gë ofëcak. Er yandi ke yo këme xor me di, barikan wëno, gebatak axe ñandi ex na exe bëña.
- ¹³Ey'amb y'amb in er acël ex do acël aŋ er ey'amb y'amb ex. Akey amat, Kaxanu anemin ko nemin ey'amb y'amb in do gë acël aŋ. Barikan eman eŋ, ax gi ex na end eŋac, end Axwën ex, ang hi ko Axwën ak, ar eman.
- ¹⁴Ata Kaxanu, mëŋ ar xanin këŋo gër ecës Axwën an, axanin këbo xanin gër ecës biyi bëte, gë panga indexëm iŋ.

¹⁵An nang ex na nde mēne beman bendewēn beŋ owal od eman end Kērisēt ex? Do aŵed nde kēme ŵed owal od Kērisēt ok, me cosali nē eman end asoxari aŷacaxik? Bētēdēŋ!

¹⁶An nang ex na nde mēne asoſan ar laki kēni gē asoxari aŷacaxik an, eman emat hi kēni gē asoxari ajo? Ga rek wa Oñēgw Omēnēk ok: «Bēn tak bēxi, eni gi eman emat .»

¹⁷Barikan ar yēlayak gēr Axwēn an, angoc amat hi kēni gē Axwēn an.

¹⁸Ata gērindēn mongēr eñac eŋ. Eñēŋēnax end ko ri yo ala, fac ir eman ex. Barikan ar yēlayak gēr eñac an eman endexēm eŋ dēŋ ko wēnanēnd.

¹⁹An nang ex na nde, mēne beman bendewēn beŋ ex Aciŵ and Kaxanu and gēr ed hi ko Angoc Amēnēk and yēl kēŋun do lēgēk gēr ola orewēn aŋ. Wēn an kwēnaya ex na wēn dēŋ.

²⁰Gayikwa Kaxanu yēc kēŋun gē akanji atēm. Awa pēbindēno gē beman bendewēn beŋ.

1 Bēkoreŋēt 7

End eñēr eŋ

¹End ŷēgwēnēgu kēne eŋ kēmūn yakand mēne aye yek asoſan an kēreŋo tēkand na asoxari an.

²Barikan, kēdi kēn xwēnda eñac eŋ, asoſan kala ñērēleŋo asoxari, do asoxari kala cotēleŋo icēn.

³Icēn iŋ dinindēleŋo alindaŵ er ŷapēk icēn eŋo dinēnd alindaŵ in. Bēte asoxari an dinindēleŋo icēn iŋ er ŷapēk asoxari eŋo dinēnd icēn in.

⁴Asoxari an axo kwēn ex na eman endexēm eŋ, icēn indexēm iŋ xwēnēk. Bēte asoſan an axo kwēn ex na eman endexēm eŋ, alindaŵ xwēnēk.

⁵Wēn bēr ŷērērēk bēn, kēren capērēnd na angaŵ aŋ angēmēne ax gi ex na angwēlēra, en yēlayaxēn imēd fo gēr cale. And kē xuca aŋ, bakayin angaŵ amat kēdi kēn sēkwan emēlaya ed ogaf odewēn el, do eŋun naŋēt Sindan in.

⁶End kēme rend eŋ angwēlēra ex, ax gi ex na apela.

⁷Aŷandi ŷandi ke eni gido bela bēn ang wēno ak. Barikan ala kala gē anjēla hi ko, anjēla and yēl kēŋo Kaxanu: abat anjēla aŋo, ajo anjēla acēxe.

⁸Bēsoſan bēr gē eñēr kēm bēn do gē bēsoxari bēsebēta sebēta bēn, ga re kēme bon yek eni bayido ang wēno ak.

⁹Bari angēmēne ani kor na emēlaya ed ogaf odebēn el, ñērēlexēni, gayikwa mondako ŷapēk gē ebi corēnd oñandi ok.

¹⁰End okëreceŋ od ŷërërëk eŋ cëŋ, Axwën an rek mëne asoxari an këreni capër na gë icën indexëm iŋ, ax gi ex na wëno rek eŋo.

¹¹Barikan angëmëne ašapër šapër këni gë icën indexëm iŋ, bayilexo icën këm. Angëmëne ax gi ex na mondako, bakarëlexëni gë icën indexëm iŋ. Do asošan an këreŋo pela na asoxari arexëm an.

¹²End bër ŷërërëk gë bër ax gi ex na okëreceŋ eŋ cëŋ, wëno dëŋ kë rend, ax gi ex na Axwën an: angëmëne imaŷe ind ex këreceŋ iŋ eŋo cot asoxari ar ax gi ex na këreceŋ, do asoxari ajo exo ma eni ñëpa, këreŋo pela na.

¹³Bëte angëmëne asoxari ar ex këreceŋ an eŋo cot icën ind axo gi ex na këreceŋ, do icën iŋo exo ma eni ñëpa, kërexo can na gër eñër.

¹⁴Gayikwa icën ind axo gi ex na këreceŋ iŋ, asoxari ar exo këreceŋ an këŋo wënënënd. Bëte asoxari ar axo gi ex na këreceŋ an, imaŷe ind ex këreceŋ iŋ këŋo wënënënd. Kido ax gi bana mondako, obaš orewën ol obuyaraxik hi doni xarak awwën dëŋ wën këni.

¹⁵Barikan angëmëne ar axo gi ex na këreceŋ an ŷandi këŋo acapëra aŋ, capërëlexëni eñër el. Amëd aŋo, imaŷe iŋ, hik asošan an, hik asoxari an, ŷoweŷ aŋo tëra na. En dīyand gër angwëlëra wac këŋun Kaxanu.

¹⁶Enimin wëj asoxari an, mondake këy nang mëne afexën këy'o fexën icën indey iŋ? Bëte wëj icën iŋ, mondake këy nang mëne afexën këy'o fexën alindax?

End oñandi od Kaxanu eŋ

¹⁷Awa ala kala dīyayindëlexo ang hi baxo and wacëgu këŋo Axwën ak, do ang ex anjëla and yël këŋo Kaxanu ak. Mondako re këme eni dind gër Bamara dek.

¹⁸Ar hi bax axacëxac and wacëgu këŋo Kaxanu an, bayilexo axacëxac do ar hi bax axacërëx aŋ, këreno kac na.

¹⁹Oxac ol ŷoweŷ ax gi ex na, bëte oxacërëx ol ŷoweŷ ax gi ex na. Er ŷapëk in ex edi ed ang rek bapela band Kaxanu el.

²⁰Ata ala kala bayilexo ang hi baxo and wacëgu këŋo Kaxanu ak.

²¹Angëmëne xadëp hi bay and wacëgu ki Kaxanu aŋ, kërey dendërand na. Barikan angëmëne axor ex ey gi ar yaŷa, kemënal exi gi mondako.

²²Enimin, xadëp ir wacëgu këno gër Axwën in, Axwën an racët këŋo. Bëte ala ar yaŷa ar wacëgu këno an, xadëp ir Kërisët hi ko.

²³Yama gë akanji atëm ga racët këŋun nde Kaxanu. Awa këren gind na okadëp od bela.

²⁴Bëmaŷe, ala kala bayilexo gër lëngw ir Kaxanu ang hi baxo and wacëgu këno ak.

End bër gë eñër këm eŋ

- 25**End odënaŵ obeja eŋ cëŋ, ax gi ex na apela and Axwën. Barikan wëno dëŋ kër rend, wëno ar hik ar mokwëta në end axaŷënan ir Axwën an.
- 26**Awa baxëtìn end ŷapan ke eŋ, në end bakey bañëkaxik band hi këne gërëgako baŋo aŋ, ala kala bayilexo mondako.
- 27**Angëmëne gë asoxari ŷërër kën, kërey' cala na en capër. Angëmëne aŷ' gi ex na gë asoxari, kërey'ëŋo cala na asoxari.
- 28**Barikan, angëmëne mondako dëŋ këŷ' ŷër, aŷ' mendëra na. Bëte angëmëne endënaŵ emeja eŋ aŷër këno ŷër, axo mendëra na. Barikan fo nangin mëne bër ŷërërëk bën mbaŋ këbi ŷana ebi cëmurand, do mëŋ ŷandi ke en kwëŷëtado.
- 29**Bëmaŷe, baxëtìn er re këme in: amëd and bayi këbo aŋ anëka kë romënd. Gërëgako bër gë bësoxari bën, gilexëni ang bër gë bësoxari këm fo.
- 30**Bër kë sesërand bën, gilexëni ang ani tesënd na fo, bër këbi nëngandërand bën, ang bër abi nëngandërand na fo, do bër kë yëcërand beŷ bën, ang ani cotëra ex na fo.
- 31**Do bër kë riyenind gë bebër gër ebar ro bën, gilexëni ang ani diyenind na enim fo. Gayikwa ngwën iŋo ang hik ak, axuca kë xuca.
- 32**Xarak wëno, aŷandi ŷandi ke en gi gë odendëran këm. Ar bayik ax ñër ex na an, bend Axwën këŋo balënd, aŷala ko ŷaland exo di er këŋo nënganënd Axwën in.
- 33**Barikan ar ŷërëk an, abal këŋo balënd bend gër ngwën ro beŋ, aŷala ko ŷaland exo di ang këŋo nënganënd alindaŵ ak.
- 34**Do mondako ko ŷetëndërend bandixa bandexëm baŋ. Mondako fo ex end asoxari aŷërërëx eŋ do gë end endënaŵ emeja eŋ. Er këni ŷaland eni di wayët ang këŋo nënganënd Axwën ak, eni gixën bëwënëk gër eman do gër angoc. Xarak, asoxari ar ŷër këno an, bend gër ngwën ro beŋ këŋo balënd ga ko ŷaland exo di ang këŋo nënganënd icën indexëm ak.
- 35**End ofëcak orewën këme yey'anaxënënd mondako, ax gi ex na mun cëndën. Er ŷandi ke en cot aniyen and ŷenene, do en yëlaya wayët gër Axwën fo, këreŋun yaja na.
- 36**Ŝambenjar ir yëlak mëne ax ñap ex na eŋo teb endënaŵ emeja end yata baŋo eñër eŋ axo mendëra ex na. Angëmëne anëka këŋo ŷanand oñandi odexëm ok, dilexo er ŷandi këŋo in, ñërëleŋo.
- 37**Barikan ŷambenjar ir faŷëk gër emëkw edexëm mëne aŋo ñër na endënaŵ emeja end yata baŋo eŋ, enjekax ri ko. Barikan mëŋ dëŋ faŷëk eŋo gër emëkw edexëm exo bayixën nangërëxe asoxari, ala aŋo nëŷali ex na.
- 38**Ata ar këŋo ŷër endënaŵ emeja end yata baŋo an, enjekax ri ko. Bari ar aŋo ñër ex na an rik er yek nëmëc in.

³⁹Asoxari ar ÿer këno an, abar bar këni gë icën indexëm in ang kë nëka yo aniyand and icën aņ. Xarak, and ko šës icën aņ, axor ko xor exo ÿe eņo ñër asošan ašëxe, ar ex mën bête këreceņ.

⁴⁰Barikan, ang këme yëland wëno ak, asoxari ajo nëmëc kë ÿana eņo nëngandërand angëmëne exo bayi icën këm. Wëno bête, këme yëland, ašot šot këmo Angoc and Kaxanu aņ.

1 Bëkoreņët 8

End ÿas er gër olaš eņ

¹End ÿas er oyel or šadaxa kënebi gër olaš eņ cëņ, biyi đek gë enang nang hi këne, ašot šot këne onangëran ol. Barikan onangëran ol ndafënan kë lënanënd, xarak aņana aņ axemën kë xemënënd ekwëta el.

²Angëmëne ala exo yëland mëne ÿey nang ko na, axo nang ex na pere ang ÿapëk exo nangëdo ak.

³Barikan ar ĥan këņo Kaxanu an, Kaxanu anang nang këņo.

⁴Awa end eyamb ed ÿas er oyel or šadaxa kënebi gër olaš eņ, anang nang këne mëne Kaxanu ibat fo ex, do mëne edaš el ÿoweỹ ax gi ex na gër ngwën ro.

⁵Gayikwa angëmëne bela exëna bër kë yëland okaxanu exëna, od ex gër orën do gër ebar, awa okaxanu ok do gë bëxwën bën, aỹëmb ÿëmb këni.

⁶Barikan, biyi er nang këne mëne Kaxanu ibat fo ex do mën ex Sëm in. Mën rik đek beỹ bën do biyi në endexëm këne liyaxënënde. Bête Yesu Kërisët gabat ex Axwën arebi an. Mën rik đek beỹ bën do Kaxanu pađ gë mën yël këbo aniyand aņ.

⁷Bari ax gi ex na đek fo šot këni onangëran olo. Enimin, bërëmar awür wër babi ekwëta ed edaš el. And këni ÿambënd ÿas er oyel or ĥaš kënebi gër edaš aņ, er këni yëland šadaxa dëņ ex. Ata onden otitarak ondebën oņ ex buyar.

⁸Xarak ax gi ex na eyamb ÿamb këbo sëkalind gër Kaxanu: ga ÿamb ÿamb këne, ÿoweỹ abo bašëta na; ga ane ÿamb exe na, ÿoweỹ abo bašën na.

⁹Barikan titinayindën, er këņun ÿapanënd in kërebi đënanënd na eñëņëanax bër sitarak gër ekwëta bën.

¹⁰Gayikwa angëmëne ar sitarak an exi watënd wëj ar gë onangëran an ga këy ÿambënd ÿas er oyel or ĥaš kënebi gër edaš eņ, ax gi ex na nde mën ar sitarak gër onden an, ata ko yëla axor ko xor exo ÿamb mën bête?

¹¹Ata imaỹe ititarak ind racët këņo Kërisët gë ecës edexëm in, mondako ko nemi në end onangëran orey.

¹²Ga kënebi wënanënd mondako bëmaỹe bënd sitarak bën, do ga kën nëxenënd mondako onden ondebën oņ, Kërisët mën dëņ këno wënanënd.

¹³Mëñ ex, angëmëne në end eyamb yamb këremo dënan eñëñenax eñ imaÿe indam in, din ame yamb na ÿas er olaş eñ këdi ko wëndëra imaÿe indam in.

1 Bëkoreñët 9

End ofarëxanda or Pol eñ

¹Wëno ar yaya hi këme do parëxanda hi këme. Awat wat këmo Yesu, Axwën arebi an. Ata wën ex enjekax end şanëk gë andiyen and fana ke Axwën eñ.

²Angëmëne gër bela bëşëxe wëno ame gi ex na parëxanda, ndakañ wën aña wa kën mëne parëxanda hi këme. Gayikwa wën ex nanganëme ir mëne parëxanda ir Axwën dëñ hi këme.

³Mondako këmëni yakand bela bër ke xitind bën.

⁴Ba wëno gë Barënas fo nde bayik abo ñap ex na eyambëran el do gë ecebëran el?

⁵Abo ñap ex na nde mo ñër ala kala imaÿe itoxari ind gër Axwën? Ami kor na nde mo mëlarand ang këni rind oparëxanda ocëxe ok, gë bobinëm bor Axwën do gë Kefas?

⁶Ba wëno gë Barënas fo nde ÿap këbo mi dıyand gë er këmi şotënd gë andebi dëñ in?

⁷Noÿo kë yend gër oşoroda do exo cosayand gë andexëm? Noÿo kë rind andëda and reseñ do axo yambënd na reseñ in? Noÿo këbi xadacënd oyel do axo cebënd na omër oñ?

⁸Ba wëno ala fo nde kë yeyandërand mondako? Ax gi ex na nde end këme rend eño na fo ex bëte gër acariya?

⁹Enimin, ga yëgw këni wa gër acariya: «Egaş end ki wëñëñënd bële eñ, ax gi ex na mokap etëÿ edexëm el .» Ba Kaxanu end ogaş fo nde këño balënd?

¹⁰Enimin, në endebi wa rexën ko eño. Iyo në endebi yëgwaxën këni eño. Gayikwa ar kë ÿanënd bële an aÿap ÿapëk exo yarënd mëne ayamb ko yamb. Bëte ar kë wëñënd an, aÿap ÿapëk exo yarënd oşet orexëm ol.

¹¹Angëmëne biyi nefën këñun napul ir gër orën in, axureli nde këbo xureli angëmëne axana këmi xanand gër ndewën napul ir gër ngwën ro in?

¹²Gayikako ayëlëra këñëbi yëlërand oparëxanda ocëxe ok, kaş ex ngwa biyi. Barikan, oşet or ÿap këbo enëbo yël olo, ami mëka ex na. Ecëñëxët, a汪agën汪agën këbo mi bayi kanarëxe këdi këmi wedi Atëfëtan and Kërisët añ.

¹³An nang ex na nde mëne bër kë riyenind gër Aciw and Kaxanu bën, gë bebër këni wëlarawënd oyël bën këni yambërand? Bëte bër kë şadaxand gër angëb bën, aşet këñëbi şetënd er şadaxa këni gër angëb in?

- ¹⁴Awa Axwën an mën rexën ko mēne bër kē femërand Atëfëtan bën eni diyand gē er kēnēbi yëlënd nē end Atëfëtan aņo in.
- ¹⁵Wëno cēņ, bebër ŷap ke ene yëlënd bējo, gamatak ame mēka ex na. Ado amun ŷëgwëlinđ na ene đawënelixënegu. Ecēs el saxan ke, gē ex ŷep end kēme rafëntaxënd eņo.
- ¹⁶Enimin, epemëra ed Atëfëtan el, ax gi ex na er kēme rafënanđ. Gayikwa andiyen and nēŷali ke Kaxanu ex, ax gi ex na er kēme rafëntaxën. Dal ex kido abame femërand na Atëfëtan aņ, axata xata doxe!
- ¹⁷Kido ga ŷandi ke fo bame femërand, gē acosa hi dome. Barikan angëmēne ga ŷandi ke kēme femërand, andiyen and xwëtënan kēne ex.
- ¹⁸Ine ex acosa andam aņ? Ga kēme femërand Atëfëtan aņ acosa kēm. Bëbër ŷap bax ene yëlënd nē end Atëfëtan aņo bën, ame kwëñe ex na ene yëlënd.
- ¹⁹Gayikwa ado ga hi kēme ar ŷay'a gër bela đek, wëno dëņ rixayak xadëp ir bela đek, mēni cotaxën bër Yesu Kërisët bëranjëm.
- ²⁰And kēme hi gē Bëšëwif aņ, me gi ang Ašëwif fo, eno kwëtaxën Yesu. Bëte and kēme hi gē bër kē sëfënd acariya aņ, me gi ang bën ak, ado bayik ame bo ex na gër mbëña ind acariya aņo, eno kwëtaxën Yesu.
- ²¹And kēme hi gē bëwëndëran aņ, me gi ang bën ak eno kwëtaxën Yesu. Barikan wëno ame gi ex na đe ar gē acariya and Kaxanu kēm, gayik Kërisët lëkaya ke gē acariya andexëm aņ.
- ²²And kēme hi gē bësitarak aņ, me gi ang bën ak eni pëtaxën bësitarak bën. Mondako rixaya kēme er ex yo, gër bër ex yo, eni pëtaxën ang ex yo, bërëmar.
- ²³Do beņo đek kēme rind nē end Atëfëtan and Yesu me cotaxën ma indam iņ gër benjekax bend wëlawëk.

End bëxašër eņ

- ²⁴Aye nang kën mēne bër kē xašërënd gër ambelëraya bën, đek ang exëni ak kēni hërënd. Barikan abat fo kē ĥatëtënd do mën kēno fupand. Awa kemënayin en gërënd aye en ŋatëtaxën.
- ²⁵Đek bër kē xëñënanđ okašër bën, ašëbanaya kēni šëbanayand bëdanjëm. Mondako kēni rind enëbi pupaxën gē er kē nemind. Barikan biyi gē er bayik ax nemind na kēbo fupa Kaxanu.
- ²⁶Awa wëno ahër kēme hërënd, bari ax gi ex na ahër fo. Bëte ang awëņjër fo hi kēme, bari ame bëņarënd na awëņar fo.
- ²⁷Ecëñëxët, motoroli kēme sorolind eman endam eņ, ang end xadëp fo wëlaya kēme, kēdi kēme ĥata gē acosa kēm, xarak wëno kē femërand gër bela bëšëxe.

1 Bëkoreņët 10

End olaš eŋ

- ¹Bëmaŋe, end hi babi bëxarëk bërebi eŋ, axe ñandi ex na en bayi nangërexe: bën ðek babi labënd aŋar aŋ, bën ðek xegëta bax angwëngw aŋ.
- ²Bën ðek buyi bax xobuyi or Moyis ol, kwëc gër aŋar do polo gër angwëngw.
- ³Bën ðek bax yambënd eyamb ebat, ed bax xaniwënd gër orën el.
- ⁴Do bën ðek bax šebënd ešeb ceb ir bax xaniwënd gër orën in. Ašeb bani šebënd gër angaŋ and Kaxanu, and babi sëfarand aŋ. Do angaŋ aŋo hi bax Kërisët.
- ⁵Barikan bëranjëm ang hi bani ak, abani ri na bend këno nënganënd Kaxanu beŋ, mëŋ šësëraxën këni gër ladawe.
- ⁶Bend hi babi beŋo, bamatinali band këbo felërand ex këdi këne šote oñandi oñëŋënaŋ, ang bëxarëk bërebi ak.
- ⁷Këren gi ex na bër xwëtak olaš, ang bëxarëk bërëmar ak. Oñëgw Omënëk ok ga këbi fëlëtënd wa mondako: «Bulunda in xwënda këni ñambëran do gë ošeb. Ata xani këni eni nëxira.»
- ⁸Kërene yëlayaye na gër eñac ang yëlaya bani bërëmar ak xali akey amat, šës këni bela owëli alapem gë otas.
- ⁹Kërenëŋo ŋanaxënënd ex na Kërisët an ang bano ŋanaxënënd bërëmar ak, ata šësëra këni ga ħatëra kënebi bandën.
- ¹⁰Bëte këren ŋunëŋunand na ang bani wunëŋunand bërëmar ak, ata šësëra këni ga lawëra këbi meleka ir ecës in.
- ¹¹Betëm beŋo ðek hi babi bëxarëk bërebi bën. Do er yëgwaxën këni ang amatinali and këbo felëra fo ex, biyi bër ħatënëgu këbo bakey bapelatar band ngwën bëjo.
- ¹²Awa ado en yëland mëne axor kën xor en kwëŷëta eñëŋënaŋ eŋ, titinayin këdi këŋun naŋëta!
- ¹³Atëŷ ax gi ex na and bayik abi gind na bela. Barikan Kaxanu mokwëta hi ko, atëŷ gamatak axo teb na, eŋun ŋatënëgu na xarak ax gi ex na and kën xor. Gër atëŷ aŋo fo ko necët er kën xoraxën in.
- ¹⁴Mëŋ ex, wën bër ke balënd mbaŋ bëjo, kwëŷëtayin ekëla ed olaš el.
- ¹⁵Ang bër gë onden fo këmun felërand, do kamanin wën dëŋ end këme rend eŋo.
- ¹⁶Ešeb ceb ir këne yëlarënde gër ecemar ed Axwën in and këne šalend aŋ, ang gi ex na nde ejo ex ebaŷër ed gër ošat Kërisët el? Do amburu and këne šetërende aŋ, wacayak bëte ebar ed bar këne gër Kërisët gë eman endexëm el.
- ¹⁷Gayikako amburu amat fo këne šetërende biyi bër hi këne bëranjëm, awa eman emat hi këne.

¹⁸Kwitayinēbi enēng end Bēyisērayel eṅ: and bani barērēnd cale do eni ŷambēnd ŷas er oyel or šadaxa kēnēbi gēr angēb eṅ, abar bani barēnd gē Kaxanu.

¹⁹Ine ngwa kēme rend? Ba mēne ŷas er oyel or šadaxa kēnēbi gēr olaš eṅ ŷeṷ ex nde? Ba mēne eḏaš el ŷeṷ ex nde?

²⁰Bētēdēṅ! Barikan er kēni šadaxand gēr eḏaš in, bēyēl kēnēbi šadaxanēnd, ax gi ex na Kaxanu. Xarak, axe ṅandi ex na en bar gē bēyēl bēn.

²¹Wēn an kor na en yēlarēnd andēmba and Axwēn aṅ do gē andēmba and bēyēl aṅ. An kor na en ŷambēnd ecemar ed Axwēn el do gē ecemar ed bēyēl el.

²²Ba eṅo ŷakēraxi Axwēn an nde ŷandi kēbo? Ba ojaṅ nde xuca kēnēṅone?

End eyamb yamb eṅ

²³Wēno axor kēme xor me dind er ex yo, bari ax gi ex na er ex yo hik gē ofēcak. ŷoweṷ ax cēba ex na, bari ax gi ex na er ex yo kē xemēnēnd gēr ekwēta.

²⁴Ala kala calayindēlexo ofēcak or ašandaṅ ol, ax gi ex na orexēm fo.

²⁵Yambindēn dek er kēni fanēnd gēr marēse in. Kēren mēkarand na kēdi kēṅun wēlandēra gēr onden ondwēn.

²⁶Gayikwa Oṅēgw Omēnēk ok rek: «Axwēn Kaxanu xwēnēk ebar el do gē dek bebēr hik gēr ebar bēn .»

²⁷Angēmēne ar ax gi ex na kēreceṅ ṅac kēṅun eyambēran do wēn en ma en ye, ŷambin er kēnun rēḏēn yo. Kēren mēkand na en nang ba aṅap ŷap kēṅun, kēdi kēn wēl onden oṅ.

²⁸Barikan angēmēne ala exo de: «ŷas eṅo er oyel or šadaxa kēnēbi gēr eḏaš ex de.» Awa nē end ar fel kēṅun eṅo eṅ, kēren ŷamb na kēdi kēn wēl onden oṅ.

²⁹And kēme rend: «Kēdi kēn wēl onden oṅ», end onden ond ašēxen eṅ kēme yeyanēnd, ax gi ex na end onden ondwēn eṅ. Enimin, ineṅa ke nēpaxēn anjēlan and ala ašēxe gēr er kēme yēland aṅap ŷap ke in?

³⁰Angēmēne wēno ošet oram ol kēme xanand gē ecēkwa, ine cēṅ kēne renaxēn nē end er kēme šēkwand me ŷambaxēn in?

³¹Awa kēn ŷambērand nde, kēn šebērand nde ba kēn rind er ex yo, calayindēn ex canaya enjaran end Kaxanu eṅ.

³²Kēren gi na ang ekaṅ ed kēni fokērērand bēla fo, ax gi ex na bēnēng becēxe, ax gi ex na Bēšēwif, ax gi ex na bēr gēr Amara and Kaxanu bēn.

³³Awa ola orewēn ol gilex ang oram ak: gēr bebēr kēme rind axemēna kēme xemēnand, eṅo nēngan ala kala. Ofēcak or bēla dek kēme šaland, ax gi ex na oram fo, eni pexaxēn bēranjēm.

1 Bēkoreṅēt 11

¹Tëfëtelindëne ang këmo sëfëtelind wëno bëte Kërisët ak.

End bësoxari gër cale eņ

²Așëkwa këmun șëkwand end ga këne xwitand gër end ex yo eņ, do end ga kën sëfënd bamërëwëra baņ, ang sëy'ali këmun ak.

³Așandi ŷandi ke en nang bëte mëne Kërisët ex alëngw ar asoșan kala an, asoșan an ex alëngw ar asoxari an, do Kaxanu ex alëngw ar Kërisët an.

⁴Asoșan ar kë șalend, ba kë yey'anënd ang alaŵënel fo monab gaf an, aņo pëbënd na Kërisët, alëngw arexëm an.

⁵Barikan asoxari ar kë șalend, ba kë yey'anënd ang alaŵënel asoxari fo, dabërëxe gaf an, në ecëfënin eņo icën indexëm iņ: er hi ko ang așëk șëk këno fo.

⁶Ata cëkëleno saxëk, angëmëne axo dabënd na gaf irexëm in! Dabindëlexo gaf in, angëmëne așëfën ex eno kakan omban oņ, ba eno cëk lir-lir.

⁷Asoșan an aņo ñap ex na exo dabënd gaf in, gayikako mëņ ex eñaŵ eņ do gë enjaran end Kaxanu eņ. Xarak, asoxari an ex enjaran end asoșan eņ.

⁸Enimin, Kaxanu necëtëgu këņo asoxari an gër eman end asoșan, aņo necëtëgu ex na asoșan an gër eman end asoxari .

⁹Bëte Kaxanu ri këņo asoxari an në end asoșan, aņo di ex na asoșan an në end asoxari.

¹⁰Mëņ ex, așap ŷapëk asoxari an exo dabënd gaf in, eni wataxënënd omeleka ok mëne afëb fëb këņo icën indexëm iņ.

¹¹Barikan gër biyi bër bar këne gë Axwën bën, asoxari an axo gi ex na asoșan këm, bëte asoșan an axo gi ex na asoxari këm.

¹²Enimin, ang șanëgu ko asoxari an gër asoșan ak, asoxari an këņo rëwënd bëte asoșan an. Do eņo đek gër Kaxanu xaniwëk.

¹³Kamanin gë andewën aņ dëņ: așap nde ŷapëk asoxari an eņo calend Kaxanu dabërëxe gaf in?

¹⁴Ola or ala ol dëņ këņun sëy'alind mëne așëfën ex angëmëne asoșan an eņo cak omban oņ.

¹⁵Xarak, omban ocakax oņ enjaran ex gër gaf ir asoxari, gayikwa Kaxanu yël këņo omban ocakax ang elabaxën ed gaf fo.

¹⁶Angëmëne ala exëna ar ħanëk ecampëre ed gër endey' eņo el, biyi cëņ abo mër ex na mondako do bëte gër đek Bamara band Kaxanu abi mër ex na mondako.

End ecemar ed Axwën eņ

¹⁷Ang këmun felëra gërëgako ak, arexëra këmun rexëra. Amun cëkw na gayik and kën fedër aņ en ñëņëanaxën nëmëc kën fedërënd, ax gi ex na en yexën nëmëc.

- 18**Eñanar eñ, awël wël këme mëne, and kën fedër gër cale añ, bakucara exëna mërëxand irewën. Ado eño, wëno təkër fo w̃a këme.
- 19**Afo ex gi wa bakucara andewën rewën añ eni canayaxën mërëxand irewën bër kē xemënanđ gër atëy bën.
- 20**Awa wën and kën fedër añ, ax gi ex na en cetëraxën ecemar ed Axwën el.
- 21**Gayikwa and kën yambërand añ, ala kala anëkan këño nëkanënd exo dëdaya mëñ gabat ecemar edexëm el. Ata abat eño yambënënd enjo eñ, ajo eño ñawënd.
- 22**An gi ex na nde gë bëciw̃ bënd gër ed kën yambëraw do en cebëraw? Ba Amara and Kaxanu añ nde kën yepënënd ga kënëbi šëfëninënd ako bër yoweỹ ani cot ex na bën? Ine këm̃un fel? Ašëkwa nde këm̃un šëkwa? Ali, gër endey eño amun cëkwa na.
- 23**Gayikwa wëno, er sëyali ke Axwën do nangën këm̃un in ex: Axwën Yesu ga wëd ko amburu añ, yatir lëxw këno gëmëd.
- 24**Šëkwa këño Kaxanu, hëmbëndër ko, do re ko: «Ejo ex eman endam eñ, wën yël këm̃un. Diyindën mondako ene kwitaxënënd.»
- 25**Bëte and yambëra këni añ, wëd ko andëmba and gë ngoy añ do re ko: «Ejo ex ošat oram oñ, ošat or eter ekašax ed Kaxanu gë bela el. Diyindën mondako ene kwitaxënënd nand kën šëbënd yo.»
- 26**Gayikwa, nand kën yambënd yo mburu iño, do nand kën šëbënd yo ngoy iño, ecës ed Axwën el kën sëfëtënd mondako xali exo bakaw.
- 27**Mëñ ex, ar kē yamb mburu iño do exo ceb ngoy ind andëmba and Axwën iñ, xarak año ñap ex na an, anëka wënan ko eman end Axwën eñ, do gë ošat orexëm oñ.
- 28**Awa ala kala kamanindëlexo ola orexëm ol, đamana exo yambaxën mburu iñ, do exo cebaxën ngoy iñ.
- 29**Gayikwa ar kē yamb mburu iño, do exo ceb ngoy iño an pitëndërëxe eter ed gë Axwën el, kiti indexëm fo yamb ko do šëb ko.
- 30**Mëñ ex, mërëxand irewën bëranjëm šëxwërak, bëranjëm seỹik, do bëranjëm šësëk.
- 31**Angëmëne gë andëbi dëñ këne xitiyande, Axwën an abo kiti na.
- 32**Barikan, Axwën an awërëšët këbo wërëšët gë bebër këbo xitind bën këdi këbo nëp andamat gë bër gër ngwën bën.
- 33**Awa bëmaỹe, and kën fedër en yambaxën ecemar ed Axwën añ, cëñirindën andewën rewën añ.

³⁴Angëmëne ala xor këno na enjo eņ, yambërawëlexo pere gër ndebën, ata bayik an mëlawa na kiti iņ. Omëka od bayik ok cëņ, ayaka këmuna yakad and këme yelid aņ.

1 Bëkoreņët 12

End banjëla eņ

¹Bëmaņe, end banjëla band ko ŝetënderënd Angoc Amënek beņ cëņ, axe ñandi ex na en bayi nangërexe.

²Anang nang kën ang hi ban ak, ang hi ban bër aņo kwëta ex na Kaxanu fo, ang exëni benëņ bend bela bendanjëm ak. Asëk awëlara fo baņun wëlarand gër eņeņenax do baņun nambelirand gër betëmbak, gër olaŝ or ax yeyandërand na.

³Mëņ këmuna felaxënënd mëne ala ax kor na exo yeyanënd gë Angoc and Kaxanu aņ do exo dend: «Katalenjo tan kata Yesu!» Bëte ala ax kor na exo dend: «Yesu ex Axwën an!» xarak ax gi ex na Angoc Amënek aņ nangën këno eyeyan elo.

⁴Ata Angoc Amënek amat fo ex, barikan mëņ kë ŝetënderënd banjëla band fitarëk.

⁵Bandiyen baņ afitar fitarëk, barikan Axwën abat fo këno rinënd.

⁶Bandixa baņ afitar fitarëk, barikan Kaxanu ibat fo kë rind er ex yo gër bër ex yo.

⁷Angoc Amënek aņ këno yëlënd ala kala anjëla and gë ofëcak or bela đek.

⁸Enimin, Angoc amat aņo fo këno yëlënd, abat eyeyan ed orenik, do ajo eyeyan ed onangëran.

⁹Angoc aņo fo këno yëlënd abat ekwëta el, do ajo banjëla band epakën ed bëŝëxwëra el.

¹⁰Bëte Angoc aņo fo këno yëlënd abat anjëla and exo dind becarax; ajo anjëla and edeyara ed bend re ko Kaxanu; ajo, anjëla and epitënder ed bangoc el; ajo, anjëla and exo yeyanënd oyeyan oŝëxe; ajo bëte, anjëla and exo űatelind oyeyan oņo.

¹¹Angoc amat aņo fo kë rind beņo đek. Mëņ kë ŝetënderënd banjëla baņ ang këno yandind ak: eņo yël ala kala anjëla and fitak.

End amatinali and eman eņ

¹²Enimin, eman end ala eņ, emat fo ex ado ga kë barënd owal odanjëm. Do gayikako, abar kë barënd đek owal ok eman emat ado ga yëmbëk, mondako fo ex end Kërisët eņ.

¹³Gayikwa ene gixëne eman emat, gër Angoc Amënek amat buyi këbo biyi đek: hik Bëŝëwif bën, hik bër benëņ becëxe bën, hik okadëp ok, hik bër yaya bën. Do gë Angoc Amënek aņo fo yëm këne biyi đek.

¹⁴Mondako fo ex end eman end ala eņ, owal odanjëm barëk, ax gi ex na wal ibat.

- 15**Kido sapar in are bax rend gayikako ax gi ex na ataxan, ax gi ex na wal ir eman. Ata nde w̄acaya dox mēne anēka rēxētak gēr eman?
- 16**Kido anēf aṅ are bax rend, gayikako ax gi ex na angēs, ax gi ex na wal ir eman, wal ir eman dēṅ bayi dox.
- 17**Kido eman end ala eṅ angēs fo hi bax, mondake doxo wēlērānd? Kido eman end ala eṅ anēf fo hi bax, mondake doxo wēranēnd?
- 18**Yama Kaxanu ga šomēndērēk nde dēk owal od eman ok ang ȳandi kēṅo ak.
- 19**Kido dēk owal ok erebat fo hi bax, eman ax gi dona.
- 20**Awa gērēgako owal odanjēm bārēk, bārīkan eman emat fo ex.
- 21**Angēs aṅ ax kor na ex de mēne aṅo balēnd na end ataxan eṅ. Bēte gaf in ax kor na ex de mēne aṅo balēnd na end osapar eṅ.
- 22**Ecēñēxēt, owal od eman od sitarak nēmēc ok dēṅ, gē ofēcak ex.
- 23**Owal od kēne yēlande ašēfēn šēfēnēk enēcēt ok, nēmēc kēne fēbēnde. Do mondako kēne šonēnde nēmēc owal od ax ṅap ex na eni watēnd bēla ok.
- 24**Xarak, owal od ȳapēk eni watēnd ok, ane conēnd ex na. Enimin, Kaxanu rik mondako eman eṅ ene pēbaxēnēnde nēmēc owal od ax ṅap ex na eni watēnd bēla ok.
- 25**Dek owal ok kē rēcarēnd kēdi kē šapēr eman eṅ.
- 26**Do angēmēne wal ibat kē sorond, dēk owal od eman ok kē sorond. Bēte angēmēne wal ibat ex mocēkw, dēk owal ok kēṅo nēngandērānd.
- 27**Awa wēn dēk eman emat hi kēn, eman end Kērisēt eṅ do ala kala wal hi ko.
- 28**Xarak, Kaxanu xwēt kēbi gēr Amara and bērēw̄ak endexēm: ga ȳana kēni oparēxanda, bētēgu kēni bēlaw̄ēnel, bētēgu kēni bēte bēsēȳali. Kaxanu axwēt xwēt kēbi bēte bēr gē anjēla and edi ed bēcarax, bēr gē anjēla and epakēn ed bēsēxwēra, bēr gē anjēla and edēcara ed bēla, bēr gē anjēla and olēngw, do bēr gē anjēla and eyeȳan ed oyeȳan ošēxe.
- 29**Dek oparēxanda fo nde exēni? Dek dēk fo nde kēni yeȳanēnd ang bēlaw̄ēnel fo? Dek bēsēȳali fo nde exēni? Dek fo nde kēni rind bēcarax?
- 30**Dek fo nde šot kēni banjēla band epakēn ed bēsēxwēra? Dek fo nde kēni yeȳanēnd oyeȳan ošēxe? Dek fo nde kēni ḥatēlind oyeȳan ošēxe oṅ?
- 31**Awa balēkēnalindēn ocal od banjēla band xēbēnēk nēmēc ok. Do wēno aṅasin kēmūn w̄asin fēṅa ir xēbēnēk nēmēc in.

1 Bēkoreṅēt 13

End aṅana eṅ

- ¹Ado me yey'anënd oyey'an or bela oŋ, do gë or omeleka oŋ, xarak aŋana axe gi ex na, ang atëmb and këni sëmbënd fo hi këme, ang etala ed kë wëlind fo hi këme.
- ²Ado me gi arey'ara ar bend Kaxanu, anang ar dek beconëŝon, do ar nangërak dek. Ado me cot ekwëta ed kë sêngërëbëtënd osënd el dëŋ, xarak aŋana axe gi ex na, yoweÿ ame gi ex na.
- ³Ado mëni cetërand napul iram in dek bëxaÿënaxik bën; ado me dëxwënd eman endam eŋ gër xodux, xarak aŋana axe gi ex na, ofëcak axe gi ex na.
- ⁴Ar gë aŋana an abuŋa ko buŋand, anënga nënga ko, aŋo y'akëraxind na, axo dafënanand na, axo pufënanand na.
- ⁵Axo dind na end ax ñap ex na eŋ, aŋo balënd na endexëm fo, axo wërënanand na, ala aŋo penanënd na eñëŋënax.
- ⁶Bëte ar gë aŋana an, end däl eŋ këŋo fatënd, ax gi ex na osëmbak ol.
- ⁷Aseban ko sebanënd end ex yo, aŵa ko wënd end ex yo, ayar ko yarënd end ex yo, abuŋa ko buŋand end ex yo.
- ⁸Aŋana aŋ er din ir din ex. Edey'ara ed bend Kaxanu el, ay'ep kë y'ep. Oyey'an ošëxe oŋ, ay'ep kë y'ep. Bëte onangëran ol ay'ep kë y'ep.
- ⁹Gayikwa bend Kaxanu beŋ, mar fo këne nangënde, mar fo këne rey'ande ang bëlaŵënel fo.
- ¹⁰Barikan and kë faÿaya beÿ dek aŋ, er ebax mar fo in ay'ep kë y'ep.
- ¹¹And hi bame itox aŋ, ang itox fo bame yey'anënd, ang itox fo bame yëlarand, do ang itox fo baxe fëninid bendeÿ beŋ. Barikan and nangaya këme aŋ, aseb seb këme osoxëttox ol.
- ¹²Doro doro, awat këne watënde beÿ bën ang në anangoye fo, mëd-mëd fo. Barikan awat këne wat kerët. Gërëgako bendëmar fo nang këme. Barikan anang këme nang ang nang ke Kaxanu ak.
- ¹³Awa gërëkako betas beŋo kë bayi: ekwëta el, eyar el do gë aŋana aŋ. Barikan aŋana aŋ xëbënëk nëmëc.

1 Bëkoreŋët 14

End cale eŋ

- ¹Calayindën en gi bër gë aŋana. Ñandindëleŋun en cot banjëla band Angoc Amënëk baŋ, adofa anjëla and eyey'an ed ang alaŵënel fo aŋ.
- ²Enimin, ar kë yey'anënd oyey'an ošëxe aŋ, Kaxanu këŋo yey'anelind, ax gi ex na bela gayik er ko rend in ala aŋo pëninid na. Angoc Amënëk aŋ wa këŋo hëbëtënd exo yey'anënd bend ŝonayak beŋ.

- ³Ar kë yey'anënd ang alaŵënel fo an, bela bën këbi felërand: bër gër Amara bën këbi xemënënd gër ekwëta, bën këbi felënd eni kapina, bën këbi bašënënd banjëlan.
- ⁴Ar kë yey'anënd oyey'an ošëxe an, ola orexëm ol ko xemënënd gër ekwëta, ar kë yey'anënd ang alaŵënel fo an, Amara aŋ ko xemënënd.
- ⁵Aŷandi ŷandi ke wën dek en yey'anënd oyey'an ošëxe. Barikan en yey'anënd ang bëlaŵënel ŷandi ke nëmëc. Ar kë yey'anënd ang alaŵënel an xëbënëk nëmëc gë ar kë yey'anënd oyey'an ošëxe an. Angëmëne cëŋ ahateli ko hatelind, axemën këbi xemën bër gër Amara bën.
- ⁶Do gërëgako bëmaŷe, ofëcak nde kën šot na angëmëne me y'eli gër ndewën, do me yey'andërand oyey'an ošëxe gër ed ebax mun mëlanëli, end nangën ke Kaxanu eŋ: onangëran ol, edey'ara ed bend Kaxanu el, ba osëy'ali ol?
- ⁷Angëmëne acëroti aŋ, gë atëmb aŋ andamat kë wëlind, mondake ko bara ala xarak er këni farixënd in, gë er këni sëmbënd in axo pitëndërend na?
- ⁸Do angëmëne ofarix or kereloŋ ol ax wëlind na šenene, noŷo kë xëñënara ond gër emer oŋ?
- ⁹Andamat ex gë endewën eŋ, angëmëne end kën yey'anënd gë oyey'an ošëxe eŋ, ala ax ŋatelind na, noŷo këŋo fëni? Ata ayey'andëra fo kën yey'andërand.
- ¹⁰Oyey'an or bela oŋ moñëmb ŷëmbëk gër ngwën ro. Do eyey'an ed ex yo bër kë yey'anënd bën awëlëraxën këni wëlëraxënënd.
- ¹¹Awa angëmëne ame wëlënd na er ko rend ar ke yey'anelind in, aliyer hi këme gër ndexëm do mëŋ bëte anangërarëx këmo xwët.
- ¹²Mondako fo ex endewën eŋ, gayikako banjëla band Angoc Amënëk baŋ kën šaland, awa kamënin de aye ediyenexën el. Barikan gilex ekemënaxën ed ekwëta ed bër gër Amara el.
- ¹³Mëŋ ex, ar kë yey'anënd oyey'an ošëxe an, karaleŋo Kaxanu eŋo yël anjëla and exo ŋatelixënënd bebër ko rey'and bën.
- ¹⁴Gayikwa angëmëne gë oyey'an ošëxe këme šalend, gë angoc andam aŋ këme šalend, bari gër onden ondam ame nangënd na er këme rend in.
- ¹⁵Do mondake ŷapëk me dind? Awa ašale këme ŷana me calend gë Angoc aŋ. Bëte ašale këme ŷana me calend gë onden ondam oŋ. Aŷëwëra këme ŷana me ñëwërand gë Angoc aŋ, bëte aŷëwëra këme ŷana me ñëwërand gë onden ondam oŋ.
- ¹⁶Enimin, angëmëne gë Angoc Amënëk aŋ fo, këy' xarand oyekax ol gër Kaxanu, ar ax nang ex na end oyey'an ošëxe an, mondake cëŋ ko yaka «Amen», gayikako aŋo pënind na er këy' rend in?

- 17** Dal ex mēne ang këy ŝalend ak dek xëbënëk, bari ala aŋo kemēnënd na gër ekwëta.
- 18** Aŝëkwa këmo ŝëkwand Kaxanu gayik wëno dëŋ këŋo ŝalend gë oyey'an oŝëxe oŋ nēmëc wën dek.
- 19** Barikan and këme hi gër Amara aŋ, er ke fecanënd me dey'a benjo bend këbi fëni bela, gë me dey'a bendey' owëli epëxw gë oyey'an oŝëxe.
- 20** Bëmaÿe, këren gi na de ang obaŝ fo gër epitëndër ed beÿ. Giyin bëxarëk gër epitëndër ed beÿ, barikan gër edi ed eñëŋënax, giyin ang obaŝ fo.
- 21** Gër acariya ÿëgw këni: «Gë bela bër kë yey'anënd oyey'an oŝëxe, gë ofërëÿ'a or bëliyer, këmëni ÿana mëni pelërand bulunda ijo, barikan ani ñana na ene baxëtënd, re ko Axwën an .»
- 22** Awa gër bër ax gi ex na bërëwāk, oyey'an oŝëxe oŋ, nanganëme ex, bari ax gi ex na nanganëme gër bërëwāk. Bëte edey'ara ed bend Kaxanu el, nanganëme ex gër bërëwāk, bari ax gi ex na gër bër ax ma ex na.
- 23** Gako Amara dek eni barër gër cale, bën dek eni yey'anënd oyey'an oŝëxe do eni ŋatëgu ngwa na bër obaxët, bër ax nang ex na end oyey'an oŝëxe, ba bër ax gi ex na bërëwāk, ani yëla na nde mëne anëka ŝenëkët këŋun?
- 24** Barikan angëmëne wën dek en yey'anënd ang bëlawënel fo do exo ŋatëgu ar ax gi ex na këreceŋ, ba ar ax nang ex na end oyey'an oŝëxe, wën dek këŋo fëlët, wën dek këŋo nöp.
- 25** Bend ŝonayak gër emëkw edexëm beŋ kën ŝonët. Ata mëŋ and ko foxi eyiÿ el ŋëŝ gër ebar aŋ, aŝale këŋo ÿana eŋo calend Kaxanu do exo dend: «Enimin, Kaxanu ro hi ko mërëxand irewën!»

End bend ŝode-ŝode gër cale eŋ

- 26** Awa bëmaÿe, mondako ÿapëk en dind. And kën fedër gër cale aŋ, diyindën abat abat er këŋun xemën gër ekwëta in: hik ar gë oyëkan an, hik ar gë osëÿ'ali an, hik ar kë rey'a end Kaxanu an, hik ar kë yey'an gë eyey'an ecëxe an, hik ar kë űateli eyey'an elo an.
- 27** Angëmëne bela exëna bër kë yey'an gë oyey'an oŝëxe, yey'anëlexëni abat abat, bëxi ba bësas, ata gwac kë hi. Bëtëlexo ar kë űateli er re këni an.
- 28** Angëmëne er këni rend bër gë anjëla and oyey'an oŝëxe in, xarak aűateli ax gi ex na, cësinalëxëni gër Amara. Er ebax eni yey'an in, bayilebi bën fo do gë Kaxanu.
- 29** End bër kë yey'anënd ang bëlawënel fo eŋ cëŋ, bëxi ba bësas yey'anëlexëni, do bër këbi baxëtënd bën, yixëtindëlexëni er wël këni in.
- 30** Angëmëne ala aŝëxe exo cot amëd aŋo dëŋ, end nangën këŋo Kaxanu, awa cësinalëxo aÿanar an.

- ³¹Enimin, wën dek axor kën xor en yey'anënd ang alaŵënel ar Kaxanu fo, abat abat, eni tēyaxën yēy, do eni kemaxën gër ekwëta bër kē baxëtënd bën.
- ³²Onden ond bëlaŵënel oŋ abana kē banand gër bëlaŵënel bëšandaŵ.
- ³³Gayikwa gër ed hi ko Kaxanu, obetak fo ex, ax gind na šode-šode. Ang kēni rind dek bëwënək bën gër Bamara bandebën ak,
- ³⁴bësoxari bën cësinayindëlexëni gër Amara, gayikwa ax ñap ex na eni yey'andërand. Pëbindëlenëbi bęcën bëndebën bēŋ, ang rek acariya ak.
- ³⁵Angëmëne yēy yandi kēbi na eni tēy'a, mëkayindëlenëbi bęcën bëndebën bēŋ gër bëciŵ. Gayikwa ax ye ex na asoxari an exo yey'anënd gër Amara.
- ³⁶Ba gër ndewën nde šanëguk eyey'an ed Kaxanu el? Gër ndewën fo nde ĥatëlik?
- ³⁷Angëmëne ala exo yëland mëne alaŵënel ba ar gē Angoc Amënək hi ko, nangëlexo mëne end yëgwënëli këmum eŋo, apela and Axwën ex.
- ³⁸Do angëmëne axo nang ex na eŋo, awa mëŋ bëte ala aŋo nang na.
- ³⁹Awa bëmaÿe, ñandindëleŋun en yey'anënd ang bëlaŵënel fo, do këren cëbanënd na eyey'an ed oyey'an ošëxe el.
- ⁴⁰Barikan diyindën er ex yo ang yäpək ak, do šenene.

1 Bëkoreŋët 15

End Atëfëtan eŋ

- ¹Bëmaÿe, baxëtine mun kwitan Atëfëtan and nangën këmum aŋ, and xwëta kën do xemënali kën šenene aŋ.
- ²Gë Atëfëtan aŋo šot kën apexa aŋ, angëmëne ang nangën këmum ak xwëtaya kën gër oŵëkw orewën. Angëmëne anëngwët nëngwët kën Atëfëtan aŋo, ekwëta edewën el yoweÿ ax gi ex na.
- ³Endey' eñanar end sëy'ali këmum eŋ, end sëy'ali bane wëno bëte eŋ: «Kërisët wa šësək në end bëñëŋënaŋ bendeŋi, ang rek Oñëgw Omënək ak.»
- ⁴Afel bamun felënd mëne Yesu awëg wëg bano, barikan xani ko gër ecës akey atasën aŋ, ang re bax Oñëgw Omënək ak.
- ⁵And xani ko aŋ, pere šanayaxën baŋi Kefas do gë oparëxanda epëxw gë oki ok.
- ⁶Ašanayaxën šanayaxën baŋi bëte bëmaÿe bēŋ, ang hi bani bëla okeme oco axuca, do bën dek wat këno. Bëranjëm ga kēni liya baŋi këni, bërëmar fo šësək.
- ⁷Ata šanayaxën këŋo Šak do bëte dek oparëxanda ok.
- ⁸And šanayaxën kēbi bën dek aŋ, šanayaxën ke wëno, ar hik ang itox ind rëw këno ŋatërëxe amëd and yäpək aŋ fo.

⁹Gayikwa wëno xurik ex ba gër oparëxanda od Yesu dek. Gayikako arixëra bamëni rixërand bër gër Amara and Kaxanu bën, wëno ax ñap ex na ene macënd parëxanda.

¹⁰Barikan oyekax or Kaxanu ol rik hixën këme er hi këme in, do oyekax or rin ke olo, ax gi ex na or gë ofëcak këm. Ecëñëxët, wëno riyenik nëmëc bën dek. Barikan oyekax or Kaxanu or ex gër ndam ol riyenik, ax gi ex na wëno.

¹¹Awa hik wëno, hik bën mondako këmi femërand, do mondako ex ekwëta ed feaxën kën el.

End ekani gër ecës eñ

¹²Xarak, angëmëne afem këni femënd mëne Kërisët axani xani ko gër ecës, inecëñ këni rexënënd bërëmar gër ndewën na mëne ekani ed bëshësëk ax gi ex na?

¹³Angëmëne ekani ed gër ecës ax gi ex na, awa Kërisët axo kani ex na gër ecës.

¹⁴Do angëmëne Kërisët axo kani ex na gër ecës, awa epemëra ed këmi femërand el gë ofëcak këm ex, do bëte ekwëta edewën el ed gë ofëcak këm ex.

¹⁵Ata biyi er hi këmi ang otede od këño nëgwëšanënd Kaxanu fo, gayikako arey'a këmi rey'and mëne mëñ xanin këño Kërisët gër ecës, xarak año kanin ex na, angëmëne ðal ex mëne bëshëk bën ani kanind na gër ecës.

¹⁶Enimin, angëmëne bëshëk bën ani kanind na gër ecës, Kërisëtaxo kani ex na gër ecës.

¹⁷Awa wën ga kën ri beñëñenax beñ bayi kën, angëmëne Kërisët axo kani ex na gër ecës, ekwëta edewën el ofëcak këm ex.

¹⁸Do bërëw'ak end Kërisët bër këbi rašënd gër ecës bën, anëka nemi këni.

¹⁹Angëmëne gër aniyan and ebar ro fo këne yarënde end Kërisët eñ, awa biyi ex bër xurik ex kañën gër bela dek.

²⁰Barikan ðal dëñ wa ex, Kërisët axani xani ko gër ecës: mëñ ex ayanar ar xanik an, eni koraxënënd eni kani bër këbi rašënd gër ecës bën.

²¹Awa gayikako në end ala abat fo y'owaxënëguk ecës el, bëte në end ala abat fo y'owaxënëguk ekani ed gër ecës el.

²²Enimin, ang këni šësënd dek bela bën në end ga bar këni ola ol gë Adam, bën dek mondako fo këni xani gër ecës në end ga bar këni ola ol gë Kërisët.

²³Barikan axanira këni xanira ala kala gër enga endexëm: Kërisët mëñ ayanar ar xanik gër ecës an, bëte eni kaniraxën bërëw'ak endexëm bën and ko bakaw añ.

²⁴Ata ex ñatëgu ngwa ekwët ed ngwën el, do Kërisët eño maš owun ol Faba Kaxanu, and ko wëña olëngw or ex yo, gë or gapak or ex yo, gë panga ind ex yo.

²⁵Gayikwa Kërisët afo exo mun ebi bëñaxën dek bërangoyëra andexëm bën.

- ²⁶Ata arangoŷëra afelatar ar këŋo wëña an, ex ecës el.
- ²⁷Enimin, Oñëgw Omënëk ok are rek: «Ayël yël këŋo owun ol gër beŷ ðek.» Barikan and rek mëne gër beŷ ðek wun ko aŋ, aye nang këne mëne ax gi ex na gë Kaxanu ak, mëŋ ar yël këŋo owun olo an.
- ²⁸Do and ko wun Kërisëtger beŷ ðek aŋ, ata mëŋ Asëniw dëŋ kë yëlaya gër ar yël këŋo mbëña ind beŷ ðek an, exo gixën Kaxanu ðek gër bela ðek.
- ²⁹Kido ax gi bana mondako, ine doni rind bër kënebi buyind në end bër šësëk eŋ? Ineŵa kënebi buyixënënd angëmëne bësësëk bën ani kanind na gër ecës?
- ³⁰Do biyi cëŋ, ineŵa këbo feceraxënënd ecës el apëxëd and ex yo?
- ³¹Bëmaŷe, wëno key yo key wa ga fecerand ecës el. Barikan ga ke nëngandërand endewën eŋ këme yey'anaxënënd mondako ga bar këne ako gë Yesu Kërisët, Axwën arebi an.
- ³²Angëmëne në end banjëlan band bela fo bami wërënd gë oŵacar ol gër Efes, ofëcak nde këmi šot na? Angëmëne bësëk bën ani kanind na gër ecës, dindëne ngwa ang futëk Oñëgw Omënëk ak: «Yambërandëne do cebërandëne gayikwa ecan ašës këne šëse.»
- ³³Ala këreŋun yifad na: «Ebar ed gë bela bësëmbak el, këbi nëxenënd bër šenene bën.»
- ³⁴Ata bakarëleŋun ðe onden oŋ do tebin emendëran el. Enimin, ang hi kën ak, bërëmar ano nang ex na Kaxanu. Eŋun cëfënanaxën këme yey'anënd mondako.

End eman engašax eŋ

- ³⁵Barikan ala kë wëka na: «Mondake wa këni xanind bësëk bën? Gë eman end fe këni bakawënd?»
- ³⁶Ar kë yey'anënd mondako an, afëniŕëx exo! Wëj wa er këy nedënd in, ax gi ex na nde ašës kë šësënd ðamana ex diyaxën gašëxe?
- ³⁷Do enjëlir eŋ këy nedënd eŋ, bamat enjëlir end bële, ba end enedä ecëxe, ay nedënd na gë añamb.
- ³⁸Ata Kaxanu kë rind enedä kala gë añamb, ang këŋo ŷandi ak, enedä kala gë añamb andexëm.
- ³⁹Bebër gë onjën bën ani gi ex na gë eman emat: pit ex eman end bela eŋ, pit ex eman end oŵacar eŋ, pit ex eman end ošël eŋ, do pit ex eman end oxan eŋ.
- ⁴⁰Beman bend gër orën exëna, bëte beman bend gër ebar exëna. Barikan enjaran end beman bend gër orën eŋ, ax gi ex na andamat gë end beman bend gër ebar eŋ.
- ⁴¹Ax gi ex na nde eñan eŋ gë oye orexëm ex, facaw in gë oye orexëm ex, do oŵal oŋ oye orebën pit. Oŵal oŋ dëŋ afitar fitarëk oye ol: emal kala gë enjaran endexëm ex.

- ⁴²Awa mondako fo ex end ekani ed bêsêsëk eŋ. Ala ar wëg bano gë eman end kē šësënd an, exo nëngëtaw gër ecës gë eman end din ax cës na.
- ⁴³Ar wëg bano gë eman end enjaran këm an, exo nëngëtaw gër ecës, gë eman end gë enjaran. Ar wëg bano gë eman etitarak an, exo nëngëtaw gër ecës gë eman end gë ojaŋ.
- ⁴⁴Gë eman end kënëbo wëg eŋ, ošapar do gë oñas ex, ata ene nëngëtawëye gër ecës gë eman end angoc. Gayikako eman end gë ošapar do gë oñas exëna, bëte eman end gë angoc exëna.
- ⁴⁵Mëŋ rexënëk Oñëgw Omënëk ok: «Adam, ala aŋanar ar bax liyand an, hi baxo gë eman end gë ošapar do gë oñas .» Ar hik Adam ifelatar an, exo angoc and kē liyanënd an.
- ⁴⁶Ar gë eman end gë ošapar do gë oñas an, hik aŋanar an, ax gi ex na ar ex angoc an; ar ex angoc an bëtëguk.
- ⁴⁷Ala aŋanar ar ri kënjo Kaxanu gë obar an, gër ebar xaniw ko. Ala axinëm an cëŋ, gër orën xaniw ko.
- ⁴⁸Ala ar ri kënjo Kaxanu gë obar an, ang bela bër gër ebar ro ak hi ko. Ar gër orën an cëŋ, ang bër gër orën ak hi ko.
- ⁴⁹Do ang šot këne gër ola orebi eñaŋ end ar ri kënjo Kaxanu gë obar ak, mondako fo këne šote eñaŋ end ar gër orën eŋ.
- ⁵⁰Bëmaŋe, ga re këme: oŋas ok do gë ošat oŋ ax kor na ex dël gër owun or Kaxanu. Eman end kē šësënd eŋ, ax kor na ex ŋat gër aniyand din ir din.
- ⁵¹Baxëtine mun nangën econëšon eŋo: abo dašëra na biyi dek gër ecës, barikan biyi dek këne nëngwëtaye gë beman bendebi ak.
- ⁵²Ang ŷandëk eŋëpar ed angës ak, mondako fo kē ŷand enëngëtara ed bêsëk el gë eman end din ax cës na eŋ, and kē wëli ofarix or kereloŋ ifelatar aŋ, biyi dek këne nëngwëtaye.
- ⁵³Eman end kē nemind eŋ, afo ex nëngwëta eman end din ax nemi na, do eman end kē šësënd eŋ, ex nëngwëta eman end din ax cës na.
- ⁵⁴Eman end kē šësënd eŋ, and kē šudä eman end din ax cësënd na, do eman end kē šësënd eŋ ex gi eman end din ax cës na, amëd aŋo fo kē ħata er rek Oñëgw Omënëk in: «Dodo anëka xor këno ecës el, ecës ax bo ex na!
- ⁵⁵Do wëj ecës el, feye ex panga indeŋ iŋ? Feye ex anjif andey aŋ?»
- ⁵⁶Anjif and ecës aŋ ex, eñëŋënax eŋ. Do panga ind eñëŋënax iŋ ex, acariya aŋ.
- ⁵⁷Barikan, cëkwanëŋone Kaxanu ga yël këbo angora aŋ paß gë Yesu Kërisët, Axwën arebi an!

⁵⁸Awa wën bëmaÿe bënd ke balënd mbaŋ bëŋo, kemin mbaŋ ang bebër ax tëngërëbëtand na fo. Kemënayindën key yo key gër andiyen and Axwën ga nang kën ako mëne er kën riyenind in ax gi na gë ofëcak këm gër ebar ed bar kën gë Axwën an.

1 Bëkoreŋët 16

End amarënen eŋ

¹End amarënen and kënëbi rëcaraxën okëreceŋ od gër Yerusalem eŋ cëŋ, wën bëte barin dek ang fel këmëni bër gër Bamara band ebar ed Galasi ak.

²Yatir akey aŋanar and loxo, ala kala pitindëlexo kodî in, ang ex ojaŵ odexëm ak, do exo mëxwëta gër iciŵ indexëm. Këren cëni na me ŋatëli en dixën amarënen andewën aŋ.

³And këme ĥatëli aŋ, gë okayëta këni y'eli bër kënëbi sana eni mëla oyël orewën gër Yerusalem bën.

⁴Angëmëne afo me y'e wëno bëte, awa damana ibat këmi y'ed.

End odamana od Pol eŋ

⁵Anëngali këmun nëngali and këme sëfëra dek ebar ed Masedëwan aŋ (gayik ay'eli këme y'eli, end bangol band gër ebar elo eŋ damana me ŋataxënëli gër ndewën).

⁶Bamat bakey bandanjëm ke xeyëra gër ndewën. Ado ba na ke xuca amëd and gë ay'em aŋ, ene yëlëraxën šëlafana ir këme sëfaxënëx fëña iram in.

⁷Aŋo axe ñandi ex na mun wat ang ar okucan fo: ayar këme yarënd me nëka monëka dëŋ na gër ndewën, angëmëne aŵa ŵa ko Axwën an.

⁸Barikan gër Efes cëŋ, fën këme bayi xali gë ofëna or Peŋëtekot ol.

⁹Gayikwa Kaxanu fërëtën ke ebët eñangax, mo dinaxën andiyen atëm, ado ga yëmb këni bër ke wëreli bën.

¹⁰Do and ko ĥatëli Timote aŋ, mëlayayino ang bayik axo yëdara na na gër ndewën. Gayikwa ang wëno ak këŋo riyeninënd Axwën an.

¹¹Awa ala këreŋo yaf na de! Yëlërawëdëno šëlafana ir ko rixënëgu damana iyekax, xali gër ed hi këme ro, gayik ašëni šëni këmo wëno gë bëmaÿe bëŋ.

¹²End abaÿe Apolos eŋ cëŋ, bandanjëm xara këmo enun nëngali, mëŋ gë bëmaÿe bënd enga endexëm bëŋ. Barikan aŋo ñandi ex na pere exo y'eli gërëgako. Ay'eli ko y'eli, and ko šot amëd aŋ.

End bapela bapelatar eŋ

¹³Awa wën, titinayin, kemënayin gër ekwëta, giyin bëfirik, kemin.

¹⁴Diyindën er ex yo gë aŋana!

- ¹⁵Bëmaÿe, apela aŋo këmun bašëлинд. Anang nang kën mëne Sëtefanas gë ekun edexëm el ðek, exëni bëÿanar bëreŵak gër ebar ed Akayi bën. Do bën mbaŋ ŵa këni andiyen and edëcara ed bëwënëk aŋ.
- ¹⁶Wën bëte, mayindën olëngw or bela bër ang bën ol, do gë ðek bër këni riyenind do këni sorond andamat bën.
- ¹⁷Wëno mbaŋ nëngandëra ke ga nëngaw këne Sëtefanas, gë Forëtinatus do gë Akayos. Ga wat këmëni ata hi ke ang wën ðek wat këmun fo.
- ¹⁸Gayikwa emëkw edam el do gë edewën el y'emën këni. Awa wën kamënin epëb ed bela bërako rako el.
- ¹⁹Bër gër Bamara band gër ebar ed Asi bën ðek, ašëma kënun šëmand. Akilas gë Përisil do gë bër Amara and gër iciŵ indebën bën ðek, kënun šëmand mbaŋ gër oŵac or Axwën.
- ²⁰Ašëma šëma kënun bëmaÿe bëŋ ðek. Cëmarëxën andewën rewën aŋ do megarërayin emegar emënëk, ang bër acël amat fo.
- ²¹Wëno Pol ÿëgwëlik gë ataxan andam aŋ dëŋ ecëmar elo.
- ²²Ar aŋo ŋan ex na Axwën an, katalëŋo! «Maranata», mëne ngëŋ «Axwën an në ey'ow exo!»
- ²³Oyekax or Axwën Yesu ol gil ex gë wën!
- ²⁴Wën ðek ħan këmun ga bar këne ako gë Yesu Kërisët.

2 Bëkoreņët

2 Bëkoreņët 1

Ecëmar el

¹Wëno Pol, parëxanda ir Yesu Kërisët in, ang ýandi këņo Kaxanu ak, do gë imaýe indebi in Timote, këņun ýëgwënelind wën bër ex Amara and Kaxanu and gër angol and Koreņët bën, do gë đek bëwënek bër ex gër ebar ed Akayi bën.

²Kaxanu, Faba irebi, do gë Yesu Kërisët, Axwën arebi an, yëlëlenun oyekax ol, do gë obetak ol!

End ekemëndër eņ

³Cëkwanëņone Kaxanu, Sëm ir Axwën arebi Yesu Kërisët, Sëm ir xwënëk axaýënan ir ex yo. Mëņ exo Kaxanu, ar kë xemënënd nand ex yo.

⁴Kaxanu këbo xemënënd gër oyot od ex yo, ene koraxënënde biyi bëte enëbe kemëne bër kë sorond gër oyot od ex yo, pađ gë ekemën ed këne šotënde gër ndexëm el.

⁵Enimin, ang kë ýëmb yo toro ind këne soronde në end Kërisët in, mondako fo kë ýëmb bëte ekemën ed këne šotënde gë Kërisët el.

⁶Angëmëne asoro këmi sorond gër oyot, mun kemëanaxënënd, end apexa andewën këmi soroxënënd. Angëmëne Kaxanu axemën xemën këbo, mun kemëanaxënënd wën bëte këbo xemëanaxën, en cotaxën ojaŵ od en buņaxën toro indimat gë biyi.

⁷Do er këmun yarënënd in mokwëta ex, gayikwa anang nang këmi mëne ang šoma kënebo gër toro ak, ašoma kënebo šomand bëte gër ekemën.

⁸Enimin bëmaýe, oyot od hi babo gër ebar ed Asi ok, abo ñandi ex na en nem. Yama mokëba ga xëba babo nde, nëmëc ang xor këmi mi buņa ak. Abami yëla na bëbëngw këmi bayi.

⁹Gër oŵëkw orebi dëņ ŵa bami mëne ecës edebi el dëņ hátëņëgu babo mondako. Ata mokwëtaxën Kaxanu, mëņ ar këbi xaninënd bëšëk an hixën babo eņo, këdi këmi xwëta ogaf odebi ok.

¹⁰Mëņ racët këbo, do aracët këbo racët gër ecës edako rako elo. Iyo biyi, mëņ ex ar këneņo yarënde an, do axwëta xwëta këneņone mëne aracët këbo racët bëte.

¹¹Wën bëte arëca kënebo rëcand ga kënebo šalenënd ako. Ata Kaxanu ayaka ko yaka cale ind kënebo šalenënd bëranjëm in. Ayël këbo yël enjekax eņo, do bëranjëm këņo ýana eņo cëkwand në endebi.

End eteb ed đamana ir Pol eņ

¹²Gayikwa onënga orebi ol ex, osede or šot këmi gër onden ondebi ol. Aliya liya këmi gë ola or toc do gë đal ir xaniwëk gër Kaxanu in, mërëxand ir bela đek, adofa gër ndewën, gë oyekax or Kaxanu ol, bari ax gi ex na gë orenik or gër ngwën ro ol.

¹³Er kën fënënd do kënjun fënind in ÿëgwënëli këmun, ax gi ex na ecëxen. Yëla këme afëni kënjun fëni aye,

¹⁴ang fëni kënjun dëj mar mëne në endebi na kënjun nëngandërad ang këbo nënganënd biyi bëte endewën ak, yatir akey and Yesu, Axwën arebi aņ.

¹⁵Ata wëno gë ekwëta elo ÿandi baxe mun nëngali pere, en cotaxën oyekax oxinëm.

¹⁶Bëte yëla këme axuca këme xucax elod gër ndewën na ond gër ebar ed Masedëwan oņ, do me kaniw gër Masedëwan me bakaxënëgu na gër ndewën, ene yëlëraxën er këme ÿexën ond gër ebar ed Yude oņ.

¹⁷Ga fëna këme me di eņo, ba ar kalay-kalay nde hi këme? Ba and këme fëna me di ÿeÿ aņ, oñandi odam fo nde këme rind, do me dend amëd aņo fo: baņo «Iyo», baņo «Ali»?

¹⁸Kaxanu, mëj ar ex mokwëta an, anang nang ko mëne eyey'an ed wëleli kënëbo el, ax gi ex na baņo «Iyo», do baņo «Ali».

¹⁹Gayikwa wëno, gë Silas, do gë Timote afem fem këmi gër ndewën na mëne gër Yesu Kërisët, Asëñiŵ ar Kaxanu an, «Iyo» fo ex, ax gi ex na baņo «Iyo» do baņo «Ali».

²⁰Ang ÿëmbëk yo bebër beÿ'a këbo Kaxanu bën, Kërisët ex «Iyo» irexëm in. Awa mëj ex, paß gë mëj këne rende «Amen», and kënëņo şalende Kaxanu end enjaran endexëm aņ.

²¹Do Kaxanu ex ar këbo xemënënd biyi gë wën an, ga bar këne gë Kërisët an. Mëj yata këbo mo diyeninaxënënd.

²²Mëj fo ri këbo nanganëme irexëm in ga xwët këņo Angoc Amënëk aņ gër oŵëkw orebi. Ata gë Angoc aņo këne nangaxënënde mëne becërëcaxik fenin këbo na.

²³Wëno sede iram in Kaxanu ex gër aniyandam, đal in këme rey'and. Er saxan ke me cës gë me nëgwëş in. Ame bakali ex na fën gër Koreņët, gayik axe ñandi bana mun dexëra.

²⁴Biyi abo ñandi bana mi bëña ekwëta edewën el gayik gë ekwëta elo xwëşaxën kën gër andiyen and xel këne gë onënga fo aņ.

2 Bëkoreņët 2

¹Wëno cëj, afaÿ faÿ bame gër emëkw edam këreme bakali na gër ndewën këdi këne xofëtare gë ecaminan.

²Gayikwa angëmëne në endam kën şaminand, në end nobën cëj ke nëngandëraxën? Ba në end bër şaminak në endam nde?

³Mondako ÿëgwënëli këmun, këdi këme şamina and këme ģatëli aņ end bër ebax exe nëngandërado eņ. Wën đek xwëta këmun: onënga oram ol, onënga or wën đek ex.

⁴Gë oyot otëm, gë emëkw ed şaminak mbaŋ, gë ongwën od mbaŋ, ŷëgwënëli këmün. En nangaxën mëne mbaŋ ħan këmün rixën këme mondako, bari ax gi ex na, ga ŷandi ke en caminara.

End eteban ed aŷëndëran eŋ

⁵Angëmëne ala exo di er kën şaminaxën, wën dek kë şamina, ax gi ex na wëno kë şamina. Barikan këdi ke xureli, me dedo wa bërëmar fo kë şaminara.

⁶Ala arako rako an, gwac këŋo hi and këno rexëra bëranejëm aŋ.

⁷Er yek nëmëc in ex, eno teban do eno pel exo kemëna këdi këŋo bon ecamina ed xurik.

⁸Awa axara xara këmün, ebal ed këŋun end ala ajo el, nëmëcal ex.

⁹Ata në eŋo ŷëgwënaxënëli këmün bëte mondako. Atëŷ ex, me nangaxën ba abaxët kën baxëtënd end këmün fel yo.

¹⁰Ar këno seban wën aŋ, wëno bëte aseban këmo seban. And këmo seban ala aŋ, angëmëne ŷeŷ exëna er këmo sebanaxën, aseban këmo seban në endewën, ogës od Kërisët.

¹¹Mondako këme rind këdi këmo seb Sindan ebo dila, gayikwa noŷo cëŋ nemëk oŋandi odexëm ok.

End ecaminara ed Pol eŋ

¹²And ħat këme gër angol and Tërowas, me pemërax Atëfëtan and Kërisëtaŋ, asëk sëk bame ebët ed fërëten baxe Axwën el.

¹³Bari axe gi bana fuŋ gër onden ondam, gayik amo tək bana abaŷe Tit. Ata ga fela këmëni na, xuca këme kwël ond gër ebar ed Masedëwan oŋ.

End angora eŋ

¹⁴Ata cëkwänëŋone de Kaxanu, mëŋ ar këbo wëland din gër enga end angora and Kërisët an. Paß gë biyi këni nangaxënënd bela bën endexëm eŋ, gër ed ex yo, ang angiri inëngax fo.

¹⁵Biyi hi këne enimin angiri inëngax in. Kërisët yël këŋo angiri ijo Kaxanu. Angiri ijo, këbi wëranënd bër sëfëk fëña ir apexa bën, do bëte bër nambërak bën.

¹⁶Gër bër nambërak, otëner ond ecës ex. Barikan gër bër fexëk, otëner ond aniyen ex. Do noŷo xorëk exo di andiyen aŋo?

¹⁷Bela exëna bër rik eyey'an ed Kaxanu el acotëraxën and napul. Barikan, biyi gë onden ond şenene këmi femërand, ga laŷënëgu këbo Kaxanu. Ogës odexëm do ga bar këmi gë Kërisët këmi yey'anaxënënd.

2 Bëkoreŋët 3

End bëriyenin bër eter ekaşax eŋ

- ¹Gašexe nde këmi ýana mi ýelind gër ndewën, ang bër lawënyalik gë andebën dëñ? Ba aýap nde ýapëk mi mëlalind okayëta od kë rey and nobën hi këmi, ang këni rind bërëmar ak? Bëte ba wën nde ýapëk enëbo ýëgwëñd okayëta oko?
- ²Wën ga ex wa kayëta irebi in, ir ýëgw këni gër owëkw orebi in, ir nang këni do këni fënënd bela dek in.
- ³Mongwati watik mëne wën ex kayëta ir ýëgw ko Kërisët do xwëtënan këbo gër andiyen andebi in. Kayëta ijo, gë Angoc and Kaxanu, mëñ ar kë yëlënd aniyen añ, hixënek, xarak ax gi ex na gë oñëgw. Gër eman do gër owëkw or bela ýëgw ko, ax gi ex na në bangomb-gomb band oxaý ofësëpës.
- ⁴Mondako ex ekwëta ed xwëta këmo Kaxanu el, paß gë Kërisët.
- ⁵Ax gi ex na gë andebi año dëñ këmi xorënd mi nang er ex yo, nangëde gër ola orebi xaniwëk. Barikan, biyi er këmi xorënd in, gër Kaxanu kë xaniwënd.
- ⁶Mëñ fo ri këbo bëte bër xorëk eni gi bëriyenin bër eter ekaşax ed gë Angoc and Kaxanu el, eter ed ax gi ex na gë oñëgw el. Gayikwa Angoc añ aliyan kë liyanënd, barikan oñëgw ok alaŵ kë lawënd.
- ⁷Andiyen and ecës añ, and ex gër oñëgw od në oxaý añ, gë enjaran ebax, xali Bëyisërayel bën abani yëxw na eni nëkon dëxax ir Moyis in. Enjaran bax ýegënd gër dëxas irexëm, xarak end ex kuca bax.
- ⁸Ax gi ex na nde andiyen and wëlawëk këño Angoc añ nëmëcak ecot ed enjaran el?
- ⁹Angëmëne andiyen and wëlawëk kiti añ gë enjaran hi bax, andiyen and wëlawëk or šenene añ nëmëcak enjaran eñ.
- ¹⁰Do dene dëñ mëne enjaran end šanaya bax akarëk eñ ašilipa šilipak and hatëguk enjaran end gërëgako añ gayik eño xurik ex këbën.
- ¹¹Enimin, angëmëne er bax xucand in gë enjaran hi bax, er kë bayi lañ nëmëcak enjaran eñ.
- ¹²Awa biyi ga šot këmi eyar ed mondako elo, yëxwëraxën këmi nëmëc.
- ¹³Biyi ami dind na ang Moyis ak, mëñ ar bax labënd gë anjëm dëxas irexëm an, këdi këni wat Bëyisërayel bën ekwët ed enjaran end er bax xucand el.
- ¹⁴Barikan er baxo rind Moyis ijo, ašiwën šiwënëk onden ond Bëyisërayel oñ. Enimin xali doru, and këni fënënd poyoma bakayëta band eter ekarëk bañ, anjëm and kë labënd añ, abayi bayik, ax dëxëta ex na gayik ebar gë Kërisët el fo kë rëxëtënd.
- ¹⁵Xali doru, and këni fënënd Akayëta and eter ekarëk añ, anjëm kë labënd na owëkw orebën oñ.
- ¹⁶«Barikan and këno xwëta Axwën añ, anjëm and kë labënd añ arëxëta kë rëxëtand .»

¹⁷Xarak Angoc aŋ ex Axwën ajo. Do gër ed hi ko Angoc and Axwën, fën ex orëy/a/ya el.

¹⁸Biyi ðek bër gë odëxas od labët këni ok, anëkon këne nëkonënde gë axëbënan, ang në anangoye fo, enjaran end Axwën eŋ. Anëngwëta nëngwëta këne ene cotaxëne eñaŋ emat gë Axwën an, do enjaran eŋ kwël ex bašarënd. Mondako ex andiyen and Axwën aŋ, mën ar ex Angoc an.

2 Bëkoreŋët 4

End napul ir në bapey/a eŋ

¹Awa gayikako andiyen aŋo sebënan këbo Kaxanu, gë axaŷënan ir wësin këbo in, kërebo cena na.

²Aseb seb këmi bend beŋ, becëfëanaxik beŋ. Ami dind na beŷ bën gë osit, do ami nëmbëtënd na eyey/an ed Kaxanu el. Ecëñëxët, ðal in këmi rey/and kerët, ata mondako hi këmi bër mokwëta gër onden ond ala kala, do gër lëngw ir Kaxanu.

³Barikan angëmëne Atëfëtan and këmi femërand aŋ alob lobëk, gër bër nambërak lobëk.

⁴Ata Atëfëtan aŋo alob lobëk gër bër gë oŋëpëgënan, gër bër šiwën këbi angoc and rixayak kaxanu ir gër ngwën ro bën. Mën bayik ani watënd na angoben and Atëfëtan and enjaran end Kërisët aŋ, mën ar ex eñaŋ end Kaxanu an.

⁵Enimin, epemëra edebi el ax gi ex na end ola orebi. Er këmi femërand mëne Yesu Kërisët ex Axwën an, do biyi ex bëriyenin bërewën bën në end Yesu.

⁶Gayikwa Kaxanu rek: «Angoben aŋ pëtëlex gër ecamëðan.» Ata mën dën ex angoben and fëtëk gër oŷëkw orebi aŋo. Aŷandi ŷandi këŋo ebo ŋoba gë enang ed enjaran end Kaxanu end fëtëk gër dëxas ir Yesu Kërisët eŋ.

⁷Barikan biyi wëlayak napul ijo gër ola orebi, ang në ofey/a fo, ex watixën kerët mëne panga ikëbëanaxik ind ex gër ola orebi iŋo, ind Kaxanu ex, ax gi ex na indebi.

⁸Gand ed ex yo kënebo šëndënenð bela bën, bari ami bele na. Awëlandëra këbo wëlandërand, bari abo yëbu ex na.

⁹Arixëra kënebo rixërand, bari anëbo ñaŋëta ex na. Axëba këbo xëband ocëmu ok, bari ami cës ex na.

¹⁰Din wëlaya këmi gër ola orebi, gër beman bendebe, ecës ed Yesu el, ex canayaxën bëte aniyen and Yesu aŋ, gër beman bendebe.

¹¹Gayikwa biyi bër këne liyande bën, din këbo fecerand ecës el në end Yesu, ex canayaxën bëte aniyen and Yesu aŋ, gër beman bendebe bend kë šës beŋo.

¹²Ata ecës el mondako kë riyenind gër ola orebi, barikan gër ola orewën aniyen ex.

¹³Do gayikako Angoc amat fo şot kënënone, and kë yëlënd ekwëta aŋ, ang rek Oñëgw Omënëk ak: «Ga ŵa këme, mëŋ yey'anaxën këme .» Biyi bëte ga ŵa këmi, mëŋ yey'anaxën këmi.

¹⁴Ga nang këmi mëne ar xanin këŋo Axwën Yesu gër ecës an, axanin këbo xanin gër ecës biyi bëte gë Yesu, do ebo canayali andamat gë wën gër ed hi ko.

¹⁵Gayikwa eŋo dek në endewën ĥataxënëguk, eni nangëraxën bela bëranjëm oyekax or Kaxanu ol. Ata bër këŋo şëkwand Kaxanu end enjaran endexëm bën, eni yëmbërend.

End ola oxaşax eŋ

¹⁶Ata mëŋ ex, biyi kërebo cena na. Ado ex biwënd ola or fac fac ol, ola or lëf lëf ol, key yo key kë bëtënd.

¹⁷Gayikwa oyot od këbo hi yo gërëgako, yoweÿ ax gi ex na paß gë enjaran etëm end din ir din end këne şot eŋ.

¹⁸Bëte biyi er ax gi ex na mongwat in këmi watënd, ax gi ex na er mongwat in. Gayikwa er mongwat in ax nekand na, bari er ax gi ex na mongwat in din ir din ex.

2 Bëkoreŋët 5

¹Enimin, gër ebar ro gë eman këne liyande. Eman eŋo ex ang aner and kë nëxenara akey amat fo. Barikan, anang nang këne angëmëne olëg or gër ebar ro ol anëxena nëxenak, aşot şot këne yaŋ gër orën, këbe ir bay ko Kaxanu in. Olëg olo or din ir din ex, or ax di ex na otaxan od bela ex.

²Bëte biyi aŵëcar këne wëcarënde gër aniyand and gërëgako. Dek nëkan këbo ene cudaye eman ed gër orën eŋ yaŋ gër eman end ebar ro eŋ,

³angëmëne đal ex and këne şudaye aŋ, anëbo pënga na tëb gë eman eŋ.

⁴Gayikwa nand këne liyande gër eman eŋo na, aŵëcar këne wëcarënde, axëba këbo xëband toro iŋ. Er yandi këbo in, ax gi ex na ene cudëtaye, barikan ene cudaye eman end gër orën eŋ. Ata aniyand aŋ ex gël eman end kë şësënd eŋ.

⁵Do Kaxanu ga rëw këbo wa ene dixëne eŋo, mëŋ ar yël këbo Angoc andexëm an ene nangaxëne mëne aşot këne şote bebër fenin këbo bën.

⁶Awa biyi, din këmi xapinand ga nang këmi mëne nand bayi këmi gër ndebi, gër eman endebi na, caw ĥawëta këmo Axwën an, ang bër yeba fo.

⁷Gayikwa gë ekwëta el këmi liyand, ax gi ex na gë owat ol.

⁸Barikan mondako dëŋ këmi xapinand do këbo fecanënd mi gi bër yeba, mi ŋawëta caw eman eŋ, do mi dëgaxën gër ndebi, ler gër Axwën.

⁹Bëte đamana beÿ bën dek, aşala këmi şaland Axwën an eŋo nënganënd endebi eŋ, hi këmi gër ndebi nde, hi këmi gër yeba nde.

¹⁰Gayikwa biyi dek afo enëjo yakaye Kërisët gër kiti. Ata ala kala exo kana bebër baxo rind, and baxo liyand gër eman endexëm aņ: hik enjekax, hik eñëñanax.

End ebakali ed angwëlëra eņ

¹¹Awa ga nang këmi epëb ed Axwën el këmi şalaxënënd mëni kor bela bën eni ma endexëm eņ. Kaxanu cëņ, aye nang këbo de biyi. Do wën bête, këme yeland, anang nang kënëbo gër onden ondwën.

¹²Biyi ami ñana na gë andebi aņo dëņ mi deyand gër ndewën nobën hi këmi. Barikan ayël yël këmun amëd and en dafëanaxënënd endebi eņ en cotaxënënd end kënebi yakaxën bër kë rafënarand në end bebër fac, xarak ax gi ex na në end bebër gër emëkw.

¹³Enimin, angëmëne anemëra nemëra këmi gër onden, në end Kaxanu hixën këmi mondako. Angëmëne gë onden bayi këmi, në endewën bayixën këmi gë onden.

¹⁴Gayikwa aņana and Kërisët aņ këbo xadacënd biyi bër fëni këbo mëne angëmëne ala abat exo cës në end bela dek, awa bela dek şësëk.

¹⁵Do angëmëne në end bela dek şës ko, bër kë liyand bën në ediyaxëni ang bër xwën këbi ar şësëk do xanik gër ecës në endebën an. Barikan ani diyand na ang bër xwënaçak fo.

¹⁶Awa mëņ ex, gërëgako ala amo nang ex na ang hi ko ala fo. Ado ga nang këmo Kërisët ang ala fo, gërëgako ax bo ex na ga nang këmo mondako.

¹⁷Angëmëne ala eni bar gë Kërisët, ola oxaşax şot ko. Bekarëk beņ anëka rëxëtak, dek bengaşax fo nëmbak gër ola orexëm.

¹⁸Do eņo dek gër Kaxanu xaniwëk, mëņ ar bakaliwëk angwëlëra and mëņ gë bela aņ paß gë Kërisët. Ata biyi ex bër sebënan këbo andiyen and ebakaliw ed angwëlëra el.

¹⁹Gayikwa Kaxanu bax riyenind paß gë Kërisët exo bakalixënëgu angwëlëra and mëņ dëņ, do gë bela bër gër ngwën ro aņ, kitirëxe në end bamena bandebën eņ. Do biyi fana këbo ene deyarande eyeyan ed angwëlëra el.

²⁰Biyi gër ořac or Kërisët këmi yeyanënd, Kaxanu mëņ dëņ këbi wacënd bela bën gë etëy edebi el. Axara xara këmun gër ořac or Kërisët, wëlërin gë Kaxanu!

²¹Ar elod axo mendëra ex na an, Kaxanu nëmb këņo amena andebi aņ, ene gixëne biyi bër şenene gër ogës od Kaxanu.

2 Bëkoreņët 6

¹Gayikako biyi barëk andiyen aņ gë Kaxanu, këmun felaxënënd en kemënali oyekax orexëm ol, kërex gi ex na or gë ofëcak këm.

²Gayikwa are re ko: «And ÿap bax aŋ, yakali këmi cale indey' in, gë akey and ÿap bax mi pexën aŋ, xangëta këmi.» Ata gërëgako ex and ÿapëk enim aŋ, gërëgako ex akey and apexa aŋ.

End bëriyenin bër Kaxanu eŋ

³Biyi gematak ami dind na er këŋo wëlandëraxën ala gër ekwëta edexëm, këdi këni yëla mëne ÿey' wënak na gër andiyen andebi.

⁴Ecëñëxët, gër bebër ex yo do ang ex yo, aŵasinaya këmi wësinayand mëne bëriyenin bër Kaxanu gë däl hi këmi. Mbaŋ këmi buŋand oy'ot ok, gë toro in, gë ocënd ok,

⁵gë xëme in, gë and këñëbo fërand aŋ, gë bend šode-šode beŋ, gë gër bandiyen bañëkaxik, gë bakey band abo dašënd na baŋ, do gë band këmi šanënd ey'amb y'amb baŋ.

⁶Barikan, aŵëlaya wëlaya këmi aniyan andebi aŋ gër oŵënëk, gër onangëran, gër ebuŋa, gër obëngw or onden, gër Angoc Amënëk, gër aŋana and däl and gë eñëŋëxax end šonayak këm.

⁷Aŵëlaya wëlaya këmi bëte aniyan andebi aŋ gër eyey'an ed däl, gër panga ind Kaxanu. Oŷënga or šenene këne wëraxënënde, bëte gë oŋo fo këne xwëšaxënënde.

⁸Bela bën er këñëbo rind: baŋo afëb, baŋo alëšëra; baŋo ašëkw, baŋo ay'epën. Axwët këñëbo xwëtënd baŋo bënëgwëš, xarak biyi däl in këmi rey'arand.

⁹Bëte axwët këñëbo xwëtënd ang bër anëbi nang ex na fo, xarak anang nang këñëbo; ang bëšësëk fo, xarak aliya këmi liyand; ang bër nëp këñëbi fo, xarak anëbo dāw ex na;

¹⁰ang bër šaminak fo, xarak din këbo nëngandërand; ang bëxaŷëxaxik fo, xarak bëranjëm kë šotërand në endebi; ang bër ŷoweŷ ami cot ex na fo, xarak beŷ dëk xwën këmi.

¹¹Wën odawo odebi od gër Koreŋët ok, biyi däl in bamun felënd kwëlay', gë oŵëkw orebi oŋ dëk këbo balënd endewën eŋ.

¹²Wën an cënd ex na gër oŵëkw orebi, barikan aŋana and hān këñëbo aŋ bašëtak. Biyi cëŋ, ax gi ex na təkër këbo balënd endewën eŋ.

¹³Ata ang obaš oram fo këmun felërand. Wën bëte balindëleŋun endebi eŋ gë oŵëkw orewën oŋ!

End banëkëra eŋ

¹⁴Këren dëkërend na gë bër ax gi ex na okëreceŋ bën në bamara band ax ñap ex na. Enimin, abar nde këni barënd end šenene eŋ do gë eñëŋëxax eŋ? Anëkëra nde hik na mërëxand ir angoben do gë ecamëdan?

¹⁵Angwëlëra nde hik na mërëxand ir Kërisët do gë Beliyal? Acetëra nde hik na mërëxand ir arëwāk end Kaxanu an do gë ar ax ma ex na an?

¹⁶Eter nde hik na mërëxand ir Aciw̄ and Kaxanu do gë olaŝ oŋ? Enimin, biyi ga hi këne wa Aciw̄ and Kaxanu aŋ, mëŋ ar kë yëlënd aniyān an, ang re ko Kaxanu gër Oñëgw Omënëk ak: «Alëg këme lëg, do aliya këme liya mërëxand irebën; Kaxanu irebën këme hi, do bën eni gi bulunda iram.»

¹⁷Bëte: «Canin bamara bandebën baŋ, do capayayin; këren dëkënd na ebuyaraxik in, do wëno awëlaya këmun wëlaya re ko Axwën an.

¹⁸Ata me gi Sorix irewën, do wën en gi bosëñiŋwën do gë bobiŋwën boram, re ko Axwën ar xorëk beŋ dëk an .»

2 Bëkoreŋët 7

¹Wën bër ke balënd mbaŋ bëjo, gayikako bendako rako beya këbo Kaxanu, mënënëne beman beŋ do gë onden oŋ, ebuyaraxik kërex gi na. Tebëne oŋwënëk ol ex paŋaya gër anjiŋ and Kaxanu.

End onënga or Pol eŋ

²Balindëleŋun endebi eŋ gë oŋwëkw orewën! Biyi cëŋ ala amo menan ex na, ala amo dëxëlëx ex na, ala amo yamba ex na.

³Ax gi ex na mun kiti këme rexënënd eŋo, gayikwa anëka fel bamun: «Ang këbo balënd endewën gër oŋwëkw orebi ak din kë bayi: këmi liyand nde, ba ŝës këmi nde.»

⁴Ekwëta ed xwëta këmun el, mbaŋ rafëk. Mbaŋ ke nënganënd endewën eŋ, mo kemën dëŋ ke xemënënd, ado dëk hi këme onënga ol mërëxand ir oyot od hi këbo ok.

⁵Enimin, elod ga ĥat këmi gër ebar ed Masedëwan, ami cot ex na gë təkër ak eteyëta el. Mocënd ŝënd bami gand ed ex yo gë emereli ed banëbo wërelind bër fac el, do gë anjiŋ and gër oŋwëkw orebi aŋ.

⁶Barikan Kaxanu, mëŋ ar këbi xemënënd bër kë banand an, axemën xemën këbo and ĥatëgu ko Tit aŋ.

⁷Ado ax gi ex na ga ĥatëgu ko Tit fo xemën këbo. Barikan gë ekemën ed xemënëgu këno wën el, xemënati këbo. Asëfëtanati sëfëtanati këbo ang këŋun balënd endebi ak, ang sesëra kën në endebi ak, do ang kën balëkënalind endam ak. Ata wëno dëk eme onënga ol.

⁸Angëmëne në end kayëta iŝëxe ir yëgwënëli këmun in ŝaminara ban, axe cena ex na. Eyo, anang nang këme mëne në end kayëta ijo aŝamina ŝamina ban amëd. Bamat aŝena ŝena ke,

⁹barikan gërëgako, anëngandëra ke nëngandërand. Axe nëngandërand na dë në end ga ŝamina ban, barikan gayik ecamina elo anëngwët nëngwëtëk oŋwëkw

orewën oŋ. Ecamina elo end fhan ko Kaxanu eŋ rik. Biyi cëŋ, eñëŋëanax gematak amun denan ex na.

¹⁰Enimin, ecamina ed në end Kaxanu el, anëngwët kë nëngwëtënd dek ola el. Awëla kë wëland gër apexa, do ala aŋo cenand na. Barikan, ecamina ed në end bënd gër ngwën ro el, anemin kë neminënd.

¹¹Awa watin ngwa gërëgako er šot kën gë ecamina ed në end Kaxanu in: obal osëm! Ado nëmëc na, ayaka yaka kën, axoŷ xoŷ kën, ayëdara yëdara kën, abal këŋun balënd endeŋi eŋ, ayakëraxi këŋun yakëraxind endeŋi eŋ, aŵa w̄a kën mēne šenene dëŋ rexëra këmun! Ado ašanaya šanayak mēne aŵën w̄ën kën gër endey eŋo.

¹²Awa angëmēne aŷëgwënëli ŷëgwënëli këmun, ax gi ex na mo dexëra ar wëndërak an, ba ar wënan këno an. Barikan en wataxën gë bangës bandewën baŋ dëŋ obal osëm or këŋun balënd endeŋi eŋ, gër lëngw ir Kaxanu.

¹³Mëŋ ex, biyi mbaŋ xemën këbo endey eŋo. Ata mbaŋ fuŋara këbo ga wat këmi bëte ang nëngandëra këŋo Tit endewën ak, onden ondexëm fuŋara këŋo endewën eŋ.

¹⁴Angëmēne wën ašëkw bamun šëkwënd ogës od Tit, axe cëfënan ex na. Barikan ang bamun felënd din däl ak, mondako fo šanayak mēne ecëkw ed bamun šëkwënd ogës odexëm el, däl dëŋ ex.

¹⁵Ata Tit nëmëc këŋo balënd endewën eŋ, ga ko xwitand ang bano baxëtënënd ak. Gayikwa axwëtaya xwëtaya bano, ang bano fëbënd do ban rëgënd endexëm ak.

¹⁶Wëno cëŋ, anëngandëra ke nëngandërand ga xor këme mun kwëta gër end ex yo.

2 Bëkoreŋët 8

End amarënen eŋ

¹Bëmaŷe, anangën këmun nangënënd mondake šanayak oyekax or Kaxanu ol gër Bamara band okëreceŋ band gër ebar ed Masedëwan.

²Ado ga šëmura baŋi në end oyot otëm, dek exëni onënga ol, gayikako gër oxaŷën osëm orebën olo dëŋ w̄asin kënebo mēne bën ani kwëj ex na.

³Wëno kë reyand osede olo mēne, gë oxor orebën ol, ado nëmëc oxor orebën ol, do ga ŷandi këbi, barëra këni oyël orebën ol.

⁴Biyi monëŷali kënebo nëŷalind mi ma mi kemëna, eni gi šëf gër andiyen and amarënen and edëca ed bëwënëk aŋo.

⁵Ata nëmëc ang bami yarënd ak bar këni. Gayikwa pere yëlaya këni bën dëŋ gër Axwën, damana yëlayaxën këni gër otaxan odeŋi, ang ŷandi baŋo Kaxanu ak.

⁶Mëŋ ex, biyi axara xara këmo Tit exo bakali gër ndewën exo ŋata andiyen and oyekax or amarënen and oyël orewën aŋ, ang ŷana baxo ak.

⁷Ang şotëra kën mbañ er ex yo: ekwëta el, gë eyey'an el, onangëran ol, gë obal osëm or er ex yo, bëte aņana and ħan këmuna aņ, awa canayalex oşotëra osëm orewën ol, gër andiyen and oyekax aņo.

⁸Do er këme rend ijo, ax gi ex na de apela, atëy' wa këmuna rind paḅ gë obal osëm or këñun balënd end bëşëxe bër ex gër amarënen aņo ol, me nangaxën ba aņana andewën aņ and dal dëñ ex.

⁹Gayikwa anang nang kën oyekax or Yesu Kërisët, Axwën arebi ol: mëñ ar şotërak an, yow baxo hi ko axayënaxik në endewën na, en gixën wën, paḅ gë oxayën orexëm ol, bër şotërak.

¹⁰Aņo cëñ, er këme rend in apela ex, gër endey' eņo: ofëcak orewën ex, wën bër, elod nuwuba, hi kën bëyanar gër amarënen aņo, do wën ex bëyanar bër rik bën.

¹¹Awa gërëgako, ŋatayin ebar ed amarënen aņo el, ex gixën er kën rind ijo gwër fo gë oñandi od en di ok.

¹²And këño yandi enim ala exo yël aņ, Kaxanu axana ko xanand oyël ol ga nëkon nëkon ko er şot ko ala aņo in, bari ax gi ex na paḅ gë er bayik axo cot ex na in.

¹³Gayikwa gër amarënen aņo, en tëf acariya and cey' gë cey' ex, ax gi ex na en dëxëlëxaya enëbi dëcaxën bëşëxen.

¹⁴Gër endey' eņo, oşotëra orewën or gërëgako ol këbi rëcand eni cot er şan këni in, eņun dëcaxën bëte oşotëra orebën ol, en cot er şan kën in, ex gixën mondako acetëra and cey' gë cey'.

¹⁵Ga rek wa Oñëgw Omënëk ok: «Ar şotëra bax mbañ an, yoweỹ ax kuri bana, do ar şot bax təkër fo an, yoweỹ axo can bana .»

End Tit do gë bër enga endexëm eņ

¹⁶Cëkwanëñone Kaxanu, mëñ ar rik gër emëkw ed Tit obal osëm or këño balënd endewën ol, ang këbo balënd biyi ak.

¹⁷Gayikwa gë onënga fo wã ko ekemën ed xemënëli këmo, exo bakaxënëli in, ado gë andexëm aņo dëñ sana ko exo yeli gër ndewën.

¹⁸Asëfërëli këni sëfërëliind gë imaỹe ind këno şëkwërand gër Bamara dëk, në end andiyen and ko rind gër epemëra ed Atëfëtan in.

¹⁹Adofa, bër gër Bamara bën sana këño mi tëfërëli gë mëñ gër emëla ed amarënen aņo. Emëla ed amarënen and oyekax aņo el, sebënan kënebo gër andiyen andebi, ex canayaxën enjaran end Axwën eņ, do ex gixën osede or mëne biyi and yandi babo dëñ ex.

²⁰Në end amarënen atëm and sebënan kënebo aņo, abo ñandi ex na enëbo dexëra gër andiyen andebi.

²¹Gayikwa biyi ŝenene fo ŷandi kēbo mi mēlayand er yek in ogēs od bela, xarak ax gi ex na ogēs od Axwēn fo.

²²Anēka kēmo lawēnelilind imaŷe indebi iŋ, eni tēfērēli gē Tit do gē bēr enga endexēm bēn. Biyi axwēta xwēta kēmo asoŝan ajo. Awāsin wāsin kēbo bakēlēbēd bandanjēm mēne aŷandi ŷandi kēŋo eŋun dēca. Moñandi ŷandi kēŋo edēca edewēn el gayik mbaŋ xwēta kēŋun.

²³Do end Tit eŋ, ar enga emat gē wēno hi ko. Do nē edi exo gēr ndewēn andiyen and ebax mun din aŋ. Awa bēmaŷe bēnd sēfērēli kēni bēŋ cēŋ, oparēxanda od Bamara, do enjaran end Kērisēt exēni.

²⁴Awa kacayinēbi ŝenene, watēlexēni aŋana andewēn aŋ bēr gēr Bamara bēn. Nangēlexēni mēne dāl bami rafēnand endewēn eŋ gēr lēngw irebēn.

2 Bēkoreŋēt 9

End edēcara ed bēmaŷe eŋ

¹End andiyen and edēcara ed bēwēnēk bēr gēr Yerusalem eŋ, ine ngwa kēmun ŷēgwēnaxēnēli?

²Anang nang kēme ang ŷandi baŋun en di ak, do wēno gē eŋo kēme rafēnand endewēn eŋ gēr bēmaŷe bēnd gēr ebar ed Masedēwan. Ga re kēme: «Bēmaŷe bēnd gēr ebar ed Akayi bēŋ, elod nuwuba hi kēni bēwēlēk gēr amarēnen and oyēl olo.» Do wēn ang ŷandi baŋun en di ak, bēranjēm ŷandi kēbi enun tēfēteli.

³Awa anēka kēmēni lawēnelilind bēmaŷe bēŋ, tēkēlexēni mēne edafēnali ed rafēnarali kēmun el, dāl dēŋ ex, abo ŷepeli na. Ata tēkēlenun de bēwēlēk ang rey'ati kēme ak.

⁴Kērene dāŋētali na wa bēmaŷe bēnd gēr ebar ed Masedēwan bēŋ, do enun tēk an gi ex na bēwēlēk. Kērex nēngwēta na end ex ekwēta edebi el oŝēfēn orebi, me dedo wa oŝēfēn orewēn.

⁵Awa wēno er yēlara kēme mēne aŷap ŷapēk mēni kemēnēli bēmaŷe bēŋ eni dēngwali gēr ndewēn, eni baraxēn enjekax end bey'a kēn ari kēn ri eŋ. Enjekax eŋo, gilex end wēlēk ang enjekax fo. Kērex gi ex na end nēŷali kēnun nē end oxwēj orewēn fo.

⁶Enimin, ar kē nedēnd tēkēr fo an, tēkēr fo ko xanand. Barikan ar kē nedēnd mbaŋ an, mbaŋ ko xanand.

⁷Ala kala yēlēlexo ang faŷ ko gēr emēkw edexēm ak, gē ecamina kēm, gē enēŷali kēm. Gayikwa: «Kaxanu aŝan kēŋo ŝanēnd ar kē yēlēnd gē onēnga an .»

⁸Do Kaxanu aŝot ŝot ko panga ind eŋun yēlēra mbaŋ benjekax bēnd ex yo, en cotēraxēn din, nand ex yo, dēk er ŷapēk en dīyaxēnēnd in. Bēte aŝot kēn ŷana en cotēnd mbaŋ er kēn ŷana en dixēnēnd enjekax ed ex yo,

⁹ang rek Oñëgw Omënëk ak: «Mbañ këbi yëlërand bëxaÿënaxik bën, or êenene orexëm ol din kë nëkand .»

¹⁰Xarak, Kaxanu mëñ ar këño yëlënd eneda aned an, mëñ ar këño yëlënd eyamb yamb an, ayël këñun yël eneda añ. Eneđa eño așënan ko șënan, do arafën ko rafën er kë rëw or êenene orewën in.

¹¹Ata mondako kën șotëra er ex yo, do axor kën xor en bayi bër nëngak. Ata bela bëranjëm këño șëkwa Kaxanu në end bebër kënëbo fëxwënënd mëni yëlërax eñ.

¹²Gayikwa andiyen and amarënen año añ abaș bașëk ecëkwa ed këno șëkwand Kaxanu el, ax gi ex na edëcara ed bëwënëk eni cotaxën er șan këni fo el.

¹³Gayikako andiyen and amarënen año mbañ xëbënëk, bëwënëk bën așëkw këno șëkw Kaxanu ga këni watënd mëne wën poyoma wã kën Atëfëtan and Kërisët añ. Bëte așëkw këno șëkw në end onënga orewën or șanayak gër edëca edebën do gër ed bela dek.

¹⁴Ata bën ga ñan kënun mbañ kënun șalenënd, në end oyekax osëm or șënan ko Kaxanu paß gë wën.

¹⁵Cëkwënëñone Kaxanu mëñ ar rin këbo oyël oxëbënaxik an!

2 Bëkoreñët 10

End eyaka ed Pol eñ

¹Wëno Pol, axara xara këmun gë onden onjekax oñ do gë onënga or Kërisët ol. Wëno ga kën rend wa mëne ayëda këmun yëdand and këne fabëre añ. Barikan and këmun ñawëta añ, ayëxw këme yëxwënd mun dexëra mbañ.

²Axara xara këmun, and këme yëli añ, kërene nëyali na fa mun masin mëne ame yëdand na mun dexëra. Ado anëka këme fënalind mëni dexëra bërëmar ga këni rend mëne biyi ang këmi liyand ak, oñandi od eman ex.

³Enimin, angëmëne biyi ang këmi liyand ak, oñandi od beman bendebe ex, bari ami merënd na ang këño yandind beman bendebe ak.

⁴Gayikwa oÿënga or șot këmi do këmi wëraxënënd oñ, ax gi ex na or gër ngwën ro. Barikan axor xorëk, gë Kaxanu, eñam ed baciw bakemax el. Ayepën këmi yepënënd banjëlan batëmbak bañ.

⁵Ayepën këmi yepënënd dek bebër këni fëbënd bën, xarak bebër xucarëk gë enang ed Kaxanu ex. Do anjëlan and ex yo këmi bonënd, ex maxënënd end Kërisët eñ.

⁶Bëte bëwelëk hi këmi monëp ar kë wëșind yo, and kë faÿaya ema ed wã kën añ.

⁷Kamanindën aye beÿ bën! Angëmëne ala exo yëland ar gër Kërisët hi ko, nangëlexo bëte eño: angëmëne ar Kërisët hi ko, biyi bëte bër Kërisët hi këmi!

⁸Ado ex gido arafëna këme rafënannd təkër gë or gapak or yël këbo Axwën mun kemëna xënënd do mun wërëșëtëraxënënd ol, axe cëfënan dona.

- ⁹Axe ñandi ex na mun yëbun gë okayëta od këmum ÿëgwënëlinde ok.
- ¹⁰Gayikwa are këne rend: «Gër okayëta odexëm, mbañ xeÿ ko do mbañ xem ko. Barikan, and ko yow do ene pabëre añ, exo gi y'emur-y'emur, do eyey'an edexëm el ex gi edëšëgëanaxik.»
- ¹¹Awa ar kë yey'anënd mondako an, nangëlexo mëne yomb ir këmi šotënd and këmum ÿëgwënëlinde okayëta añ, ado bayik ane gind ex na në erebat, gë yomb ijo fo këmi hi gër bandixa bandëbi, and këmi y'eli gër ndewën añ.
- ¹²Biyi ami yëxw na mëni tëfëтели, ba mi ketënali ola orebi ol, gë or bër kë šëkwayand gë andebën ol. Awa bëfënerëx exëni ga këni šëkwayand ako gë andebën. Ata ga këni xetënaliyand do këni wätinaliyand gë andebën añ, hixën këni bëfënerëx.
- ¹³Biyi cëñ, abo ñandi ex na mi dafënannd nëmëc ang y'apëk ak. Barikan, axetënali këmi xetënali er hi këmi in gë edëca ed rëca këbo Kaxanu këmi xemëanaxënnënd gër andiyen and sebënan këbo xali hatelili këbo gër ndewën.
- ¹⁴Biyi gër ed sël këmi ami dadand na, nangëde ami natëli ex na gër ndewën. Gayikwa xali gër ndewën hateli këmi gë Atëfëtan and Kërisët añ.
- ¹⁵Ata ami dafënalind na de bandiyen band bela bëšëxe bañ, nangëde biyi dëñ rik. Barikan, ga kën xemënd ako gër ekwëta, ayar këmi yarënd mëni natën bela bëranjëm, jey' gër ed lëg kën fën. Abo ñandi ex na mi dada gër ed fel këbo Kaxanu mi tël.
- ¹⁶Angëmëne mondako ex, biyi ata këmi xor mi pemëra Atëfëtan añ gër owar ošëxe, gër ed bayik elod ala ax pemëra ex na pere. Abo ñandi ex na mi diyeni gër ed riyeni këni anëka bëšëxen do mi dafënalind er ri këni in.
- ¹⁷Ga rek wa Oñëgw Omënëk ok: «Ar y'andi këño exo dafënannd an dafënayindëlexo gër Axwën!»
- ¹⁸Gayikwa Axwën an, ar lawënëgu këño an këño šëkwënd, ax gi ex na ar kë šanayand gë andexëm an.

2 Bëkoreñët 11

End ofarëxanda or Pol eñ

- ¹E kido wën axor xor ban en buña tëkër ošënek oram ol... barikan abuñan dëñ buñan këne!
- ²Gayikwa wëno ga ke balënd mbañ endewën eñ ke y'akëraxixënnënd gë oy'akëraxi or Kaxanu ol. Gër Kërisët wëla këmum ang endënañ emeja fo, emënëk, en ñamaxën gë mëñ gabat.
- ³Yama andën añ, gë osit orexëm ol ga yifa baño nde wa Xawa. Awa wëno ayëda këme yëdand ba mondako fo wënak onden ondwën oñ, sebaxën kën owënëk or në end Kërisët ol.

⁴Eninim, wën ata këno wëlaya ala aýanar ar yelik do exo pemërand end Yesu ir fitarëk gë ir nangën këmun in, ba exo gi gë angoc and fitarëk gë and hik gë wën aþ, ba eno wëleli «Atëfëtan» and fitarëk gë and sëfëtan këmun aþ.

⁵Xarak, anang nang këme mëne oparëxanda otëm oko, ýoweý ane kuca ex na!

⁶Angëmëne gër enënga ed etëý fo, wëno ýoweý ame gi ex na, bari ax gi ex na mondako fo gër onangëran. Ga wësin këmun wa kerët eþo gër er ex yo do nand ex yo.

⁷Ga nangën këmun ako Atëfëtan and Kaxanu aþ gë acosa këm, do ga bana këme en gixën bër gapak, aýendëra nde wëndëra këme?

⁸Bela bër gër Bamara bacëxe bamëni lëxëlëxënd gayik bën baxe yëlënd acosa, me diyenixën gër ndewën.

⁹Do and bame šan ýeý gër ndewën aþ, ala gabatak abamo sëkwëran na. Gayikwa bëmaýe bënd gër ebar ed Masedëwan bën, baxe wëlandëranëgund er bame šanënd in. Nand ex yo, axe ñandi bana mun tëkwëran, do mondako këme býi.

¹⁰Gë däl ir Kërisët ir ex gër ola oram in, ala axe cëban na er këme rafëanaxënënd ijo gër owar or Akayi.

¹¹Në end inecëþ? Gayik amun ñan ex na nde? Kaxanu anang nang ko!

¹²Ang riyeni këme gër ndewën cosërëxe ak, mondako fo këme riyeni bëte, me dëxëtaxën akay'a and bër këbi ýandind eni dafënanand mëne gwër fo hi këmi aþ.

¹³Bela bëjo oparëxanda onëgwëš exëni, gë osit këni riyenind. Anëngwëtara fo nëngwëtara këni oparëxanda od Kërisët.

¹⁴Do eþo ax caraxi ex na, gayikwa Sindan mëþ dëþ anëngwëtara ko nëngwëtarand meleka ir angoben.

¹⁵Awa ax caraxi ex na angëmëne bër këþo riyeninënd bën, anëngwëtara këni nëngwëtarand bëriyenin bër or šenene. Axana këni xana gër eþata er ýapëk eni kana në end bandixa bandebën in.

End oyot od Pol eþ

¹⁶Ga këme rend wa gašëxe mëne ala kërexe kwët na ašenëk. Me dedo, buþayin endam eþ ang end ašenëk fo, me koraxënënd wëno bëte me dafënanand tëkër.

¹⁷Er këme rend ijo, ax gi ex na de end fel ke Axwën, barikan ang ašenëk fo këme yey'anënd, arafëna këme rafënanand.

¹⁸Gayikako bëranjëm kë rafënarand ado ga hi këni bela fo, wëno bëte arafënara këme rafënara.

¹⁹Wën bërenik bën aýa wëa kën enëbi buþan bëšenëk bën.

- ²⁰Enimin, abuja kën buṅand enun bëñand, enun y'amband, enun dëxëlëxënd, enun dixërand gë ndafënan, enun këmënd gër odëxas!
- ²¹Ga re këme ošëfën ex eṅo: er hixënan ke mëne ola ositarak w̄asin këmün. Barikan, me yey'an ngwa ang ašenëk fo: er këni yëxw yo bela bëjo, wëno bëte ayëxw yëxw këme!
- ²²Bëšëwif nde exëni? Wëno bëte Ašëwif hi këme. Bëyisërayel nde exëni? Wëno bëte Ayisërayel hi këme. Bërandëwëra and Abëraxam nde exëni? Wëno bëte arandëwëra and Abëraxam hi këme.
- ²³Bëriyenin bër Kërisët nde exëni? Me yey'an ngwa ang ašenëk fo, wëno hik nëmëc. Bandiyen bañëkaxik baṅ, wëno rik nëmëc; gër epëra, wëno hik nëmëc; gër xëme, wëno xëm këne nëmëc. Laṅ fecera ke ecës el:
- ²⁴bakëlëbëd banjo xëm këne Bëšëwif bën bakëmen ofëxw osas gë banjongëbanax.
- ²⁵Bakëlëbëd batas fëmëra këne gë xwëlekwële; amat fëtëra këne gë oxaÿ; bakëlëbëd batas yëla këme me cës polo gër angwëngw and sëw̄ayak kulun aṅ; amat hi bame ciš wec polo gër angwëngw.
- ²⁶Laṅ baxe fecerand ecës el gër odamana od gë osapar, gër beñigëanaxik bend gër oyeb; gër beñigëanaxik bend bërek bëxeÿax; gër beñigëanaxik bend Bëšëwif; gër beñigëanaxik bend bër ax gi ex na Bëšëwif; gër beñigëanaxik bend gër bangol; gër beñigëanaxik bend gër ladawe; gër beñigëanaxik bend gër angwëngw; gër beñigëanaxik bend mërëxand ir bër ax gi ex na enim okëreceṅ.
- ²⁷Laṅ gër andiyen do gër toro; laṅ dašërëxe, laṅ gë enjo eṅ do cebërëxe men; laṅ gër etiw̄i; laṅ gër ay'em; laṅ tëb gë eman eṅ.
- ²⁸Do ame yey'an ex na end ke balënd nëmëc eṅ; ang ke šëmund key yo key gër banjëlan bandam në end Bamara dëk.
- ²⁹Noṅo sitarak, xarak wëno bëte ame cot ex na banjëlan batitarak? Noṅo këno lënanënd eñëṅëanax eṅ, xarak wëno axe corënd na eṅo gër emëkw?
- ³⁰Angëmëne arafëna këme rafëna, në end ositara oram këme rafëna.
- ³¹Ata Kaxanu, Sëm ir Axwën Yesu, mëṅ ar këno šëkwënd din an, anang nang ko mëne ame nëgwëšënd na.
- ³²And hi bame gër Damas aṅ, gofërëner ir emun Aretas in, axwët xwët babi bënëkona šit gër angol exe tëraxën.
- ³³Barikan ga šon këne polo në akange, nēcët këne në fonetër ir amëṅ and xecexën këni angol aṅ. Mondako šana këmo.

2 Bëkoreṅët 12

End odakeli od Pol eṅ

- ¹Awa afo me dafëna ngwa..., ðal ex, ofëcak ax gi ex na. Barikan asëfët këme sëfët end odakeli od wat këme eñ, do gë bebër nangën ke Axwën bën.
- ²Wëno këreceñ nang këmo na, doro anëka sëkëk bëniy epëxw gë bënax. Gë eman endexëm ak nde bayi baxo? Ba axo gi bana gë eman endexëm ak? Ame nang ex na. Kaxanu mëñ, anang nang ko. Ata ala ajo watayax ko yañ gër aray'en.
- ³Do anang nang këme mëne ala ajo, hi baxo gë eman endexëm ak nde, ba gë eman endexëm këm nde? Kaxanu mëñ, anang nang ko.
- ⁴Ala ajo awataya watayax baxo gër aray'en do wëlëgu ko bend ala ax kor na exo tëfët, bend ax ñap ex na ala exo yey'andërand.
- ⁵Wëno arafëna këme rafëna end ala ajo eñ, bari endam eñ dën, ame dafëna na, ang ax gi ex na end ositara oram eñ.
- ⁶Kido aỹandi yãndi baxe me dafënara, ame gi dona ašenëk, gayikwa ðal in dome rey'and. Barikan, ašësinali këme šësinali eño, këdi ko yëla ala mëne wëno nëmëc bend ke watelind do ke wëlelind beñ hi këme, në end oxëbën or bend nangën ke Axwën beño.
- ⁷Bëte këdi ke xureli ndafënan in, ošëxwëra or ke narënënd hik gër eman. Meleka ir Sindan ke xëmënd këdi ke xureli ndafënan in.
- ⁸Bakëlëbëd batas, xara këmo Axwën an exe dëxëtën ošëxwëra olo.
- ⁹Barikan mëñ er yaka ke: «Oyekax oram ol gwac exi, gayikwa panga indam in nëmëc kë šanayand gër ositara oreŷ.» Awa wëno nëmëc këme yãna me dafënanand gër ositara oram, ex dongoxën panga ind Kërisët in gër ola oram.
- ¹⁰Anëngan ke nënganënd bëte gër ositara oram, gër ocir od këne širërand, gër ocëmu, gër edixëra ed këne rixërand, gër oy'ot, në end Kërisët. Enimin, and këme sitara añ, këme šotënd ojañ ok.

End odendëran od Pol eñ

- ¹¹Ang ašenëk fo këme yey'andërand, wën nëyali ke ðe me di mondako. Enimin, wën ga hi dox wa bër ke yakanënd bën. Bër xwët kënëbi oparëxanda otëm bëjo, yoweỹ ane kuca ex na, ado bayi yoweỹ ame gi ex na.
- ¹²Bebër kën nangaxën mëne parëxanda hi këme bën, ašanaya šanayak gër ndewën, gë ebuña ed buña këme gër toro el, gë bananganëme bañ, gë becarax beñ, do gë bërëcaxik bend bame rind beñ.
- ¹³Enjekax end feye rin këmëni Bamara bacëxe bañ do seb këmün wën? Ba gayik gabatak amo tëkwëran bana eðëba edam el gër ndewën nde? Awa tebanine ngwa osëmbak olo!
- ¹⁴Watin mëne aewelëk hi këme mun nëngali atasën. Do bëte ala amo tëkwëran na eðëba edam el. Gayikwa wën këmün šaland, ax gi ex na er šot kën in. Enimin, bëxarëk bën wa yapëk enëbi kwëtënënd beỹ bën obaš ol, bari ax gi ex na obaš ol.

15Wëno cëŋ, gë emëkw el dek këmum yëlëra er šot këme in, do wëno dëŋ ayëlaya këme yëlaya në endewën. Angëmëne nëmëc řan këmum, do wën tëkër fo nde këne řan?

16Dal ex! Wëno dëŋ amun tëkwëran bana. Barikan ang ala awërax fo, asitinaxën bamun sitinaxënënd!

17Ay'ambara nde y'ambara këmum paß gë bër bamëni lawënelind bën?

18Afelëli felëli këmo Tit exo kemëna exo y'eli gër ndewën, do eni tëfërëli mëŋ gë imaÿe iŋ. Tit ay'ambara nde y'ambaraw këŋun? Ax gi ex na nde wëno gë mëŋ, ola obat do onden omat šot këmi?

19Bamat elod anëka fo kën yëland mëne biyi ayakanaya këmi yakanayand gër lëngw irewën. Gër lëngw ir Kaxanu, do ga bar këmi gë Kërisët këmi, yey'anaxënënd mondako. Do dek bëŋo, wën këmum rinënd, wën bëmaÿe bënd ke balënd mbaŋ bëŋo, en kemaxën gër ekwëta.

20Gayikwa ayëda këme yëdand ba amun tëk na ang y'andi ke ak, and këme řatëli aŋ. Do wën bëte ane tëk na ang y'andi këŋun ak. Ayëda këme yëdand ba asëkeli këmum sëkeli bongeyër, gë oy'akëraxi, gë ecusër, gë ebal ed wayët end gaf irexëm fo el, gë odenar, gë oxapëndër, gë ndafënan, do gë bënd šode-šode.

21Ayëda këme yëdand and këme řatëli aŋ, Kaxanu, mëŋ ar yata ke aŋ, ba ašëfënin ke šëfënin në endewën, do me tesëra në end bëranjëm bër kë wëndërand, ang bani wëndërand gër y'andar ak. Bëjo ani nëngwët ex na ola orebën ol xali eni teb dek bëbër bani rind bëjo: obuyaraxik ol, asëk alakirand fo in, do gë eñac end ex yo.

2 Bëkoreŋët 13

Bapela bapelatar baŋ

1Atasën an këmum nëngali. Do ang rek Oñëgw Omënëk ak: «Endey' end ex mokiti yo, gil ex er rey'a këni otede oki ba otas .»

2And nëngali bamun akinëm aŋ, afel fel bamun eŋo. Do doro and ane bayi exe na në erebat aŋ, gana-gana fo këmëni rend bër wëndërak elod anëka fo bën, do gë bër kë wëndërand gërëgako bën: angëmëne anëngali nëngali këmum, ala amo kwëda na de.

3Gayikako ašala kën šaland en nang mëne ayey'an dëŋ ko yey'anënd Kërisët gë etëÿ edam el, awat kën wat. Mëŋ cëŋ, afanga fanga ko de paß gë wën, axo gi ex na ar gë ojaw këm.

4Gayikwa afika fika bano ang ar gë ojaw këm fo. Barikan, aliya ko liyand gë panga ind Kaxanu iŋ gë mëŋ. Biyi bëte ojaw këm hi këmi, ga bar këmi, gë mëŋ këmi liyand në endewën na gë panga ind Kaxanu iŋ.

- ⁵Tëyiyin tan en kaman wën dëŋ ola orewën ol, en nangaxën ba gë ekwëta el kën liyand. Kamanin wën dëŋ ola orewën ol. An nang ex na nde mëne Yesu Kërisët gër ola orewën hi ko? Bamat er ban şaland en tək gër ola orewën in, an tək ex na.
- ⁶Barikan, wëno er këme yarënd in, en wat mëne gër ola orewën hi ko, en maxën mëne biyi ami dîf ex na andiyen andebi aŋ.
- ⁷Biyi ayar këmi yarënd Kaxanu, këren mendëra na. Er ŷandi këbo in, ax gi ex na ex canaya ang xamën këmi andiyen andebi ak. Barikan, mun watënd wën ga kën rind benjekax beŋ, ado ga hik nangëde alif lif këmi andiyen andebi aŋ fo.
- ⁸Gayikwa biyi ami ŋëpënd na däl in, barikan din däl in këmi sanand.
- ⁹Biyi anëngandëra këbo nëngandërand and këmi hi gë ojaŵ këm aŋ, xarak amëd aŋo, wën mbaŋ şot kën ojaŵ ok. Er këmi yarënd endewën in, en gi bër faŷayak.
- ¹⁰Mëŋ ex, ado bayik ane gi exe na në erebat, eŋo këmun ŷëgwënëlınd ga xey ke and këme ŷeli aŋ me keŷënara gë or gapak or yël ke Axwën ol, me kemëanaxënënd beŷ bën, ax gi ex na me ņamaxënënd.
- ¹¹Bëmaŷe, end këme xor me de me ŋataxën eŋ ex, nëngandërayindëleŋun, calayindën en gi bër faŷayak, kemëndëringdën gër ekwëta, wëlëringdën, dıyayindën gër aketëxeta, do Kaxanu, mëŋ ar gë aŋana do gë obetak an mërëxand irewën ko hi.
- ¹²Cëmarindën andewën rewën aŋ gë emegar emënëk. Aşëma kënun şëmand dek bëwënëk bën.
- ¹³Oyekax or Yesu Kërisët, Axwën arebi ol, gë aŋana and Kaxanu aŋ, do gë anëkëra and Angoc Amënëk aŋ, gilex gë wën dek!

Bëgalat

Bëgalat 1

Ecëmar el

¹Wëno Pol kënjun ÿëgwënëlin. Faba Kaxanu yata ke me gi parëxanda paþ gë Yesu Kërisët ir xanin këjo gër bësësëk: ax gi ex na paþ gë ala, bëte ax gi ex na ga sana këne bëla.

²Gë bëmaÿe bënd hi këmi ro bënj këmun ÿëgwënëlin wën do gë dek bëmaÿe bënd gër bamara band Yesu band gër ebar ed Galasi bën.

³Kaxanu, Faba irebi, do gë Yesu Kërisët, axwën arebi an, yëlëlenun oyekax ol, gë obetak ol.

⁴Axwën Kërisët wãk şës ko në end bamena bandebi ebo dacëtaxën gër aniyen atëmbak and gë okey oko aþo, ang ÿandi këjo Kaxanu Faba irebi ak,

⁵mënj ar hik gë enjaran end din ir din an! Amen!

End oxalay kalay or Bëgalat eñ

⁶Mbañ şaran ke wëno ang seb këno Kaxanu xarak mënj sana kënjun paþ gë oyekax or Kërisët ol do kën sëfënd aÿand ako Atëfëtan acëxe.

⁷Enimin, Atëfëtan acëxe ax gi ex na. Barikan bëla ex na bër kënjun felënd becëxen ga ÿandi këbi eni nëngwët Atëfëtan and Kërisët aþ.

⁸Barikan ado ex gido ar enga endam, ba meleka ir xaniwëk gër orën, y'elik eñun nangënënd Atëfëtan and fitarëk gë and sëfëtan këmun wëno aþ, kataleþo!

⁹Ang felëra këmun gër ÿanar ak këmun xënënan wëno gërëgako: angëmëne ala eñun pelënd Atëfëtan and fitarëk gë and nangën këmun biyi aþ, kataleþo!

¹⁰Do gërëgako ene cëkwënd bëla nde këme şaland ba exe cëkwënd Kaxanu nde? Ba këme şaland ene ñanënd bëla nde ca? Kido ene ñan bëla bame şaland, ame gi dona xadëp ir Kërisët.

End Pol eñ

¹¹Ga re këme bëmaÿe, Atëfëtan and nangën këmun aþo ax gi ex na endey end bëla.

¹²Yesu Kërisët mënj dënj nangën ke, ax gi ex na ga sëfëtan ke ala, bëte ax gi ex na ga sëy'ali ke ala.

¹³Wën enimin, awël wël kën ang bame liyand ak, and bayi bame gër cale ind biyi Bëşëwif aþ? Wëno babi rixërand wa gë oÿey osëm bërëwãk end Kërisët bën, bër Amara and Kaxanu bën. Mo calara bamëni şalarand mëni dãw bën dek.

¹⁴And bayi bame gër cale ind biyi Bëşëwif aþ, wëno nëmëca babi bënd anjex andam bënj gër epëb ed bapela band sëy'ali kënebo bëxarëk bërebi bañ.

- ¹⁵Barikan yatir fed këmi gë ar fit ke elod gër acël and nëma an, aŵac ŵac ke gë oyekax orexëm ol.
- ¹⁶Anangën nangën ke Asëñiŵ arexëm an mëni tēfētanaxēnēnd endexëm eŋ bër ax gi ex na Bēšēwif bēn. Ata ga xucak eŋo, wēno ame y'e ex na dē mo mēkara ala.
- ¹⁷Bēte ame y'e ex na gër oparēxanda oñanar y'aŋ gër Yerusalem. Barikan y'e këme šēw gër ebar ed Arabi dāmana bakaxanēgu këme gër Damas.
- ¹⁸And xucak bēniy bētas aŋ fo y'exēn këme y'aŋ gër Yerusalem mi nangēr gë Kefas. Ata xeyērax ke bakey epēxw gë banjo gër ndebēn.
- ¹⁹Bari parēxanda išēxe ami watēr bana angēmēne ax gi ex na Šak, ar acël amat gë Axwēn Yesu an.
- ²⁰End këmun felēnd eŋo, Kaxanu anang nang ko mēne dāl ex, ame nēgwēšēnd na.
- ²¹Ga xucak eŋo, y'e këme bēte gër owar or Siri do gë Silisi.
- ²²Xarak, ala axe nang bana amēd aŋo (gër bāmara band bērēwāk end Kērisēt gër ebar ed Yude).
- ²³Awēl fo bani wēlēnd mēne ar babi rixērānd an anēka nēngwēta ko. Gērēgako mēŋ kēbi nangēndērānd bēla bēn ekwēta ed Kērisēt ed baxo xemēnānd exo dāw el.
- ²⁴Do nē endam bano šēkwaxēnēnd Kaxanu.

Bēgalat 2

End Pol do gë oparēxanda ocandaŵ eŋ

- ¹Ata ga sēkēk bēniy epēxw gë bebēnax, baka këmi gë Barēnabas y'aŋ gër Yerusalem. Aŵēla ŵēla bamo bēte Tit.
- ²Kaxanu šēdēt baxe me baka gër Yerusalem. Asēfētan sēfētan këmēni bēlēngw bër Amara bēn ang këme femērānd Atēfētan aŋ gër bër ax gi ex na Bēšēwif ak. Anacēt nacēt bamēni bēlēngw bër gapak bēn, kēdi këme hērēra ahērēra fo, do me di andiyen and gë ofēcak kēm.
- ³Tit mēŋ, Agērēk ar sēfēr bami an, ala aŋo nēyali bana eno kac.
- ⁴Kēme reyaxēnēnd dēk ako, bēla hi bax na bër bax rend okēreceŋ exēni xarak enēgwēs kēni rind. Bēn nēfēnēfa bax gër engā endēbi ga yandi babi eni bēl or y'aŋa or yēl kēbo Yesu Kērisēt ol, do enēbo bēña.
- ⁵Ata end bējo eŋ gë tēkēr ak ami ma ex na ex bayixēn nēngwētarēxe dāl ir Atēfētan in gër oŵēkw orewēn aŋ.
- ⁶End bēlēngw bër gapak bër Amara bēn eŋ cēŋ, er hi bani dāmana eni gixēn okēreceŋ in, wēno axe bal ex na gayikwa gër ogēs od Kaxanu bēla bēn dēk gwēr fo exēni! Bari bēlēngw bër gapak bējo Yōwey ane nēyali bana me di.

⁷Awat wat bani mēne Kaxanu xwētēnan kēbo Atēfētan aŋ. Wēno mēni nangēndērand bēxacērēx bēn, do Piyer bēxacēxac bēn.

⁸Kaxanu mēŋ ar yata kēŋo kēŋo Piyer exo gi parēxanda ir Bēšēwif an fo yata ke wēno bēte me gi ir bēr ax gi ex na Bēšēwif.

⁹Do and wat kēni oyekax or yēl kēbo Kaxanu aŋ, ata Šak, gē Kefas do gē Šaŋ, bēn bēr ex bēlēngw bēr gapak, bēr fēb kēnēbi mbaŋ bēn, lēkēr kēmi bātaxan band liw̄ baŋ, gē wēno do gē Barēnabas, ex watixēn mēne anēkēra exēna gēr andiyen andēbi: mi yend mi pemēra, wēno gē Barēnabas, gēr benēng becēxe, do bēn gēr Bēšēwif.

¹⁰Er xara banēbo fo mēni kwitand axwita bēxaŷēnaxik bēn do eŋo gē obal osēm bame rind.

End akucara and Pol gē Piyer aŋ

¹¹Barikan and yow ko Kefas gēr Aŋēcoš aŋ, fabēr kēmi do nēp kēmo gayik aŷen wēn baxo.

¹²Damana eni yow Bēšēwif bēr law̄nēgu babi Šak bēn, bēr bax balēkēnalind end oxac bēn, Piyer, andamat bani yambērand gē bēr ax gi ex na Bēšēwif bēn. Barikan and hatēgu kēni Bēšēwif bēr law̄nēgu babi Šak aŋ Piyer, ga babi yēdand, nacēta kēbi bēr ax gi ex na Bēšēwif bēn.

¹³Ata Bēšēwif bēšēxe bēr w̄a bax end Yesu bēn sēfēteli kēno bēte Piyer gēr amena andexēm xali lēnan kēno Barēnabas dēŋ gēr egi ed ang bēyēŋēnax bēr kē labayand el.

¹⁴And wat kēme mēne ani dind na ŷenene aŋ, ang kē sēyalind dāl ir Atēfētan ak, rexēra kēmo poyoma Kefas mondako: «Wēj ašēwif hi kēy, barikan kēy liyand ang bēr ax gi ex na Bēšēwif ak, ay masinaŷad na ang ašēwif ak. Do mondake cēŋ kēy xor eyēbi nēyalind bēr ax gi ex na Bēšēwif bēn eni dīyand ang Bēšēwif ak?»

End apexa and benēng dek eŋ

¹⁵Biyi, bēxarēk bērebi bēn Bēšēwif ebani, ane gi exe na bēwēndēran bēr ax gi ex na Bēšēwif.

¹⁶Anang nang kēne mēne ala ar xwēta kēŋo Yesu Kērisēt an hik ar ŷenene an, bari ax gi ex na gayik asēf sēf ko er rek acariya and Moyis in. Biyi bēte aŷa w̄a kēne end Kērisēt eŋ ene gixēne bēr ŷenene paŋ gē ekwēta ed xwēta kēnēŋone el, ax gi ex na gayik asēf sēf kēne er rek acariya and Moyis in. Ala ax gind na ar ŷenene ga xemēna ko etēf ed acariya el.

¹⁷Barikan angēmēne gēr ocal od or ŷenene gēr Kērisēt, hi kēne biyi bēte bēwēndēran, Kērisēt nde kēbo lēnanēnd eŋēŋēnax eŋ? Adokiŋ!

¹⁸Angēmēne me bakan ecēŋēxēt me dind bend gēr acariya bend seb kēme beŋ, wēno dēŋ kē nēpayand.

¹⁹Enimin, wëno dëŋ ašës šës këme paŋ gë acariya aŋ me diyaŋënd ang ŷandi këŋo Kaxanu ak. Afika fika këne gë Kërisët,

²⁰ax gi ex na wëno kë liyand. Kërisët kë liyand gër ola oram. Do aniyand andam and gërëgako gë eman aŋ këme liyand gë ekwëta ed xwëta këmo Asëñiŵ ar Kaxanu el, mëŋ ar ħan ke do yëlaya ko në endam an.

²¹Mëŋ ex, axe cena ex na end oyekax or rin ke Kaxanu eŋ. Enimin kido ga sëf këne acariya aŋ fo hixën këne bër šenene, awa mama fo šës ko Kërisët.

Bëgalat 3

End acariya do gë ekwëta eŋ

¹Wën Bëgalat bën ata and aŋun pëniŋand na dëŋ ex de! Noŷo wa yifa këŋun? Ax gi ex na nde afaŷën faŷën këmun dek er ŵacayak ecës ed Yesu Kërisët gër kërëwa in?

²Emat fo ŷandi ke mun mëka ene nangën: Ba ga sëf kën acariya aŋ nde šotaxën këno Angoc Amënëk aŋ? Ba ga baxët kën do xwëta kën Atëfëtan aŋ nde?

³Mëŋ ex, wën ata and aŋun pëniŋand na dëŋ ex. Angëmëne enimin gë panga ind Angoc Amënëk in ŷana kën, mondake cëŋ nëngwët kën do kën liyand gë ojaŵ odewën ok?

⁴Do dek er hi kënuŋ gër aniyand andewën in, ahi fo nde hi këŋun? Ax mënd ex na eŋun gi ahi fo.

⁵Ar yël këŋun Angoc Amënëk an, ar kë rind becarax mërëxand irewën an, ba ga sëf kën acariya aŋ nde ko rixënend, ba ga xwëta kën Atëfëtan aŋ nde?

⁶Ax gi ex na nde Abëraxam axwëta xwëta baŋo Kaxanu mëŋ hixën baxo ar šenene gër ogës odexëm?

⁷Mëŋ ex, nangin mëne bër xwëta këŋo Yesu bën fo hik obaš or Abëraxam ol.

⁸Oñëgw Omënëk ok fëna bax mëne axwët këbi xwët bër šenene ga xwëta xwëta këno Kërisët. Kaxanu fel baŋo Abëraxam endey enëngax eŋo: «Benëŋ beŋ dek kë beta në endey.»

⁹Mondako këni šot obetak ol dek bër xwëta këŋo Kaxanu ang Abëraxam bën.

¹⁰Do dek bër kë yëland šenene hi këni gër ogës od Kaxanu bën në end ga këni rind er rek acariya and Moyis bën, anëka xata këbi gayik anëp këbi nëp Kaxanu. Enimin aŷëgw ŷëgw këni: «Katalëŋo ar ax tëf ex na dek er ŷëgw këni gër akayëta and acariya and Moyis an .»

¹¹Ala ax gind na šenene gër ogës od Kaxanu gayik acariya sëf ko do eŋo däl ex. Ga ŷëgw këni: «Ala ar ke liyand šenene an axwëta xwëta këŋo Kaxanu .»

¹²Xarak, etëf ed acariya el mbaŋ fitarëk gë ekwëta ed Kaxanu el. Gër Oñëgw Omënëk ga rek: «Ar kë ŵa exo dind dek er rek acariya an kë liya gë beŋo.»

13Kërisët racët këbo gër kata ind ebax ebo wëcan iŋ gayik abane xor exe na ene tefe er rek acariya in. Enimin ga yëgw këni gër Oñëgw Omënëk: «Ala ar xaŋ këno yo në osëx ar xata këno exo .»

14Ga šës ko Yesu Kërisët këni šotaxën bër ax gi ex na Bëšëwif bën oyekax or bey'a baŋo Kaxanu Abëraxam ol. Biyi dek mondako këneŋo šotaxëne Angoc Amënëk and bey'a këbo Kaxanu aŋ gayik axwëta xwëta këneŋone Kërisët.

End acariya do gë ebey'a eŋ

15Bëmaŋe baxëtin amatinali aŋo: Angëmëne ala exo ñëgw aye end acota and ko sebëta eŋ, er re ko in gabatak ax yepënënd na, gabatak ax bašënd na yëy.

16Xarak Kaxanu mondako bey'a baŋo Abëraxam. Bend bey'a baŋo beŋo, xwën bani Abëraxam do gë ar andëwëra andexëm an. Oñëgw Omënëk ok ax de ex na gë bërändëwëra andexëm bën këdi këni yëla bela bën end bëranjëm ko yeyanënd. Barikan ala abat fo këno rend mëne ngëŋ Kërisët.

17Mëŋ këme rexënënd: Kaxanu, er bey'a baŋo Abëraxam in abayi bayik. Acariya and hatëguk ga xucak bëniy okeme onax gë ofëxw osas aŋ, ax kor ex na ex yepën. Kido axor xor bax, end bey'a baŋo eŋ ax gi dona.

18Angëmëne er xëñëna baxo Kaxanu ebo yël in paŋ gë acariya aŋ këne šotënde, abo yël dona në end ga bey'a ko. Xarak Kaxanu ga bey'a baŋo Abëraxam yëlawëŋ baŋo oyekax orexëm ol.

19Do ineŋa hixënëk acariya aŋ? Në end bamena band bela fedalixënëgu baxo Kaxanu acariya aŋ, xali exo ŋataxënëgu arandëwëra and Abëraxam ar bey'a baŋo an. Acariya aŋ omeleka laŋwëneliw babi Kaxanu wëlaw këni gër Moyis. Ata hi ko mondako Moyis, ahatelindër ar Kaxanu gë bulunda ir Isërayel an.

20Barikan Kaxanu, and bey'a baŋo Abëraxam gë arandëwëra andexëm ak, ahatelindër ax gi bana, Kaxanu gabat ebaxo.

End ofëcak or acariya eŋ

21Acariya aŋ ayepën nde kë yepënënd bend bey'a këbo Kaxanu beŋ? Adokiŋ! Kido acariya ebaxëna and kë yëlënd aniyen, or šenene ol paŋ gë acariya aŋo hi dox mocot.

22Barikan Oñëgw Omënëk ok beŋ bën dek sërak gë eñëŋënaŋ eŋ, eni cotaxën dek bela bën er bey'a ko Kaxanu ayël këbi yël in gayik axwëta xwëtak këno Yesu Kërisët.

23Damana ex ŋataxënëgu ekwëta ed Kërisët el, acariya aŋ babo xadacënd ene cënixëne ekwëta ed ebax ebo nangën Kaxanu el.

24Ata acariya aŋ mondako hi bax axadac arebi xali enëŋo kwëtaye Kërisët ene gixëne bër šenene.

25Do ga hatëgu ko ako ar xwëta këneŋone an, ane bayi exe na gër oxadac or acariya.

²⁶Gërégako wën ðek anêka hi kën obaș or Kaxanu ga xwêta këno ako Yesu Kërisët.

²⁷Enimin, wën ðek bër buyi kënun xobuyi or Kërisët bën, anêka bar kën gë mëñ.

²⁸Mëñ ex; Așewif ax gi ex na, ar ax gi ex na Așewif ax gi ex na, xadêp ax gi ex na, asoșan ax gi ex na, asoxari ax gi ex na.

²⁹Gayikwa abar bar këne gë Yesu Kërisët, bërändewëra and Abëraxam hi kën, wën ex bër kë bêteli er bey'a baño Kaxanu ayël këño yël in.

Bëgalat 4

¹Eño këme rend: ang kë nêka yo ga bayi ko itox ar kë bêteli napul ir sëm an ani pitarënd na gë xadêp in, xarak mëñ dëñ ex axwën ar napul ðek an.

²Mëñ abaxët këbi baxëtënd bër këño xadacënd do hi këni bëwëxëta bër napul irexëm bën xali ex ñat and fënëta ko sëm exo bêtelira añ.

³Ata biyi bête mondako fo ex endebi eñ: and bayi bane ang obaș fo añ, bapela band ex yo babo wëñand gër ngwën ro.

⁴Barikan and ĥatan këño Kaxanu añ, lawëneliw këño Asëñiŵ rëw këño asoxari, do sêf ko acariya añ,

⁵ebo dacëtaxën biyi bër hi këne okadêp od acariya, ene gixëne obaș or Kaxanu.

⁶Do ga hi kën ako obaș orexëm, lawënelixënëgu këbo gër oŵëkw orebi Angoc and Asëñiŵ añ. Nê end Angoc año kënëño wacaxënde Kaxanu: «Aba!» Faba!

⁷Mondako hi kën obaș or Kaxanu, an bayi ex na okadêp. Do angëmëne obaș or Kaxanu hi kën ayël këñun yël oyekax or fenan këbi obaș orexëm ol.

End obal od Pol eñ

⁸Akarëk añ, ano nang bana Kaxanu, do mëñ hixën ban okadêp od bebër ban xëland, xarak abi ñap ex na.

⁹Barikan gërégako ga nang këno ako Kaxanu, me dedo mëñ ga nang këñun ako, mondake cëñ kën bakand gër oxadêp or bapela band gë ofëcak këm baño?

¹⁰Ax gi ex na nde wën kë yëland mëne: bakey exëna, opacaŵ exëna, bapëxëd exëna, bëniy exëna, bënd xucak ex këbën?

¹¹Ata wëno mbañ këme yëdand ðe endewën eñ, bamat ba asorora fo bame sororand nê endewën na.

¹²Bëmaÿe bëndam, axara xara këmun, giyin ang wëno ak gayikako wëno bête ang wën ak hi këme. Ŷoweÿ ane menan ex na.

¹³Aye nang kën mëne ame bëngw bana and bame femërand añanar Atëfëtan and Kaxanu añ gër ndewën, do gematak dëñ ane menan ex na.

¹⁴Ang šëxwëra bame ak, ane cus bana bëte ane kwëyëta bana, wëlaya këne ang meleka ir Kaxanu fo, ang Yesu Kërisët mëñ dëñ.

¹⁵Do feye ex onënga orewën ol? Gayikwa osede orewën olo këme rey'arand, kido awënd wënd bax, axor xor don en dëxët bangës bandewën bañ do ene yël.

¹⁶Awa ba arangoyëra andewën nde hi këme ga këmun felënd ako däl in?

¹⁷Bër këñun wësinënd mëne abal këbi balënd endewën bëjo anun ñan ex na. Er yandi këbi enëbo capëreli wëno gë wën, do wën eñun balënd endebën fo.

¹⁸Ebalëkënali ed beÿ el er šenene ex nand ex yo, barikan ax gi ex and hi këne në erebat añ fo. Do ang bañun balënd endam ak bayiyin ga këñun balënd mondako fo.

¹⁹Wën obaš oram, angëmëne me kwitand ang soro këme në endewën na, gašëxe ke yambënënd ang asoxari ar orëw fo. Do gë ay'ambën ijo këme bayi xali nand kën wëndër dek gë Kërisët gër ola orewën na.

²⁰Enimin oñandi odam ok ex me gido gërëgako dëñ mërëxand irewën, mëñ nangaxën dome ba mondake felëra domun. Ata dek wëlandëra ke de endewën eñ.

End Sara do gë Agar eñ

²¹Wën bër yandi këñun en tëf acariya and Moyis bën, peline ba afëni dëñ nde fëni këñun er yëgw ko Moyis in?

²²Ga yëgw ko wa mëne: «Abëraxambëttox bëki šot babi, iñanar iñ gë asoxari ar hi bax xadëp an, do ikinëm iñ gë asoxari ar y'ay'a an.

²³Itox ind asoxari axadëp iñ rëw këno ga yandi babi eno cot. Barikan ind asoxari ar y'ay'a iñ rëw këno ga bey'a babi Kaxanu.

²⁴Gër endey' eño amatinali exëna gayikwa bësoxari bëxi bëjo ex oser oxi or gë Kaxanu oñ. Eter eñanar el ex ed gër etënd ed Sinayi el, elo ex ed gë oxadëp el: mëñ ex Agar.»

²⁵Ata Agar ex etënd ed Sinayi el gër ebar ed Arabi. Kaxanu fën yëlëgu këño acariya añ Moyis. Agar angol and Yerusalem and gërëgako añ, mëñ gë obaš orexëm ol okadëp exëni.

²⁶Barikan Yerusalem ir y'añ gër orën in ex asoxari ar y'ay'a an, mëñ ex nëma irebi.

²⁷Mëñ yëgwaxën këni: «Nëngandëralexi wëj asoxari aboroxok an, Nëngandëralexi wëj ar ax dëwënd na an! Depërayind onënga ol, wëj ar elod ax tëyi ex na ay'ambën ir orëw an. Gayikwa wëj ar fela këni gër eñër an, Obaš orey' ol kë yëmb nëmëc Gë or asoxari ar bayik gër eñër an.»

²⁸Bëmaÿe ga hi kën obaš or Kaxanu mëñ dëñ bey'a këñun ang bey'a baño Isak ak.

²⁹Do ang hi bax akarëk ak, itox ind rëw këno gë oñandi od bela fo iñ baño rixërand ind rëw këno gë oñandi od Angoc and Kaxanu iñ, mondako fo ex bëte gërëgako.

³⁰Xarak ine rek Oñëgw Omënëk ok: «N̄w̄ayëlëbi asoxari ar ex xadëp an do gë asëñiŵ, gayikwa asëñiŵ din ani bëteli na andamat gë asëñiŵ ar asoxari ar y'ay'a an .»

³¹Mëñ ex bëmaÿe, pënileñun aye eño: Obaŝ or asoxari ar y'ay'a ol hi këne, ane gi exe na or asoxari axadëp ol.

Bëgalat 5

End oyekax or oxëreceñ eñ

¹Ene canaxëne gër oxadëp or acariya racëtaxën këbo Kërisët. Awa dëkayayin ŝenene eño do këren baka na gaŝëxe gër oxadac or gë oxadëp.

²Wëno Pol ga re këme angëmëne mondako kën yëland bër ŝenene hi kën gayik axac xac kënun, er ri ko Kërisët in yoweÿ añun yël na.

³Ga këme rey'and wa bëte: ar rek axac këno xac yo, tëfindëlexo de dek er kë rend acariya in, gematak kërexo difënd na.

⁴Anëka ŝapër kën gë Kërisët wën bër y'andi këñun en gi ŝenene gër ogës od Kaxanu gayik asëf sëf kën acariya bën. Nangin mëne an gi ex na ŝëf gër bër yël këbi Kaxanu oyekax orexëm.

⁵Biyi cëñ paŋ gë Angoc Amënëk añ këne ŝeninde mëne gë ekwëta el këne ŝote or ŝenene or këne yarënde ol.

⁶Gër bër barëk gër Yesu Kërisët er xëbënëk in ex ekwëta ed kë w̄asinayand gë ebalër el, ax gi ex na oxac ol, ax gi ex na bëte oxacërëx ol.

⁷Ŝenene y'ana ban oxëreceñ orewën ol, noÿo cëñ yifa këñun xali seŋ kën d'al in?

⁸Endey' end yifaxën kënun eñ, ax kaniw ex na de gër Kaxanu, mëñ ar sana këñun an.

⁹Ax gi ex na nde lewir ir təkër fo kë fufënënd dek pix ind negali këni in?

¹⁰Wëno axwëta xwëta këmun mëne ang këme yëland ak ata mondako dëñ kën yëland wën bëte ga bar këne gë Axwën an. Ar këñun yëbun an, hi ko yo ar hi ko, Kaxanu anëp këño nëp.

¹¹Wëno cëñ bëmaÿe, kido abayi bayi bame ga këme femërand end oxac eñ, arixëra nde done rixërand? Kërëwa in, er këni fokërend bela in, ax bo dona.

¹²Bër këñun yëbunënd gë oxac bëjo kemënalexëni eni kacërend oyëxwëy'ët.

End ediya ed Angoc Amënëk eñ

¹³Bëmaÿe, wën cëñ Kaxanu racët këñun gër oxadëp, do an bayi ex na okadëp. Balëringëleñun do dëcarindën andewën rewën, kërex gi na akay'a and en dind er ex oñandi od eman in.

- ¹⁴Dek acariya and Moyis aŋ nē apela amat barək, and kē rend: «Balindēlexi end ašandax eŋ, ang ki balēnd end gaf irey ak.»
- ¹⁵Barikan angēmēne wēn en ŋatērēnd, do en yambarēnd andewēn rewēn aŋ, titinayin de kēdi kēn lawēr.
- ¹⁶Awa ga re kēme: dīyayindēn ang kēŋo ŷandind Angoc Amēnek ak ata kēn seb etēf ed oŋandi od eman el.
- ¹⁷Gayikwa oŋandi od eman ok axucar xucarək gē od Angoc Amēnek ok. Oŋandi od Angoc Amēnek ok axucar xucarək gē od eman ok ado mbaŋ xucarək xali wēn an korēnd na en di er kēŋun ŷandi in.
- ¹⁸Barikan angēmēne Angoc Amēnek aŋ kēŋun xadacēnd, an bayi na ga kēŋun xadacēnd acariya aŋ.
- ¹⁹Xarak anang nang kēne mēne oŋandi od eman ok kē lēnanēnd: gēr orekar, gēr obuyaraxik, gēr eŋac,
- ²⁰gēr ekēla ed olaš, gēr ošaki, gēr ecusēr, gēr ekeŷēr ed gē bela, gēr oyakēraxi, gēr oxeŷ, gēr ebañēr ed bela, gēr ecapēreli ed bela, gēr osēmbak,
- ²¹gēr oħateŷi, gēr ošeb, gēr ekureliran, do gēr bēndako rako. Enimin, nē ekwitan emun ang fel kēmun ak: bēr kē liyand mondako bēn din ani dīl na gēr owun or Kaxanu.
- ²²Barikan bēr kēbi xadacēnd Angoc Amēnek bēn kē liyand: gē aŋana, gē onēnga, gē obetak, gē ebuŋan, gē oyekax, gē obēngw or onden, gē ekwēta,
- ²³gē anjus do acariya ax cēban ex na beŋo.
- ²⁴Awa bēr bar kēni gē Yesu Kērisēt bēn, anēka fikali kēni beman bēndebēn beŋ do gē oŋandi oŋēŋenax odebēn ok gēr kērēwa ir Kērisēt.
- ²⁵Angēmēne gē Angoc Amēnek aŋ kēne liyande, dīyandēne ang kēbo xadacēnd ak.
- ²⁶Kērene dafēnarande na, kērenēbe ŋanaxēnēnde na bēcandaŵ bēŋ, kērebo yākēraxind na.

Bēgalat 6

- ¹Bēmaŷe, angēmēne eno pēnga ala gēr amena and ko rind, amena and ex yo, wēn bēr kēŋun xadacēnd Angoc Amēnek bēn wērēšētino endēmane. Wēn bēte titinayin kēdi kēŋun naŋēta do en mendēra ang mēŋ ak.
- ²Dēcarindēn andewēn rewēn aŋ gēr ocēmu gayik mondako kēn ŷana en tēfēnd acariya and Kērisēt aŋ.
- ³Angēmēne ala exo yēland mēne mēŋ ala asēm hi ko, xarak ŷoweŷ axo gi ex na, gaf irexēm fo ko yifand.

- ⁴Ala kala dafēnayindēlexo gabat nē end er ko xorēnd exo di eṅ, xarak ax gi ex na exo matinalind gē er ašēxen in.
- ⁵Gayikwa ala kala gē er ko rind in ko yaka gēr Kaxanu.
- ⁶Ar kēno sēy'alind eyey'an ed Kaxanu an, cetindēleṅo dek napul irexēm in asēy'ali arexēm an.
- ⁷Kēren yifaya na: Kaxanu ala aṅo mēkēñaxēnd na. Er ko nedēnd ala in, ejo fo ko xanand bēte.
- ⁸Ar kē liyand ang kēṅo ṽandind eman an er kē rēwēnd oñandi od eman in ko xana, mēne ngēṅ ecēs el. Barikan ar kē liyand ang kēṅo xadacēnd Angoc Amēnēk an, er kē rēwēnd Angoc Amēnēk in ko xana, mēne ngēṅ, aniyān and din ir din aṅ.
- ⁹Kērebo barēbarand na edi ed benjekax el gayik axana kēne xanaye oyekax or kēne rinde ol and kē ḥat amēd aṅ angēmēne aḃo cena ex na.
- ¹⁰Awa mondako ex dē, ga šot kēne ako amēd aṅ, dindēne benjekax eḃi yeraxēn bela bēn dek, ado dek dek in bēr ekun ed ekwēta bēn.
- ¹¹Watin oñēgw oko ro ang rafēk ak, ata kēn nang mēne wēno dēṅ ṽēgwēlik.
- ¹²Dek bēr kēbi ṽandind enēbi cēkwēnd nē end er ex gēr eman bēn kēṅun nēy'alind enun kac kēdi kēnun ṽana enun dixērand nē end ga kēn femērand ecēs ed Kērisēt gēr kērēwa el.
- ¹³Gayikwa bēn bēr kēnēbi xacēnd bēn dēṅ ani tēfēnd er rek acariya in. Barikan emat fo ṽandi kēbi: wēn enun kac eni dafēnaxēnēnd mēne nē end endebēn xacaxēn kēnun.
- ¹⁴Wēno emat fo ex end kēme rafēna eṅ: end kērēwa ir Yesu Kērisēt, Axwēn arebi eṅ. Gēr kērēwa ijo šēs kēme do ecēs elo šapēreli kēbo wēno gē bend gēr ngwēn ro beṅ. Mēṅ ex wēno ame bo ex na ga kēme sēfēnd bend gēr ngwēn ro beṅ.
- ¹⁵Gayikwa gēr Kaxanu, xac kēni nde, ani kac ex na nde, mēṅ ax gi ex na eṅo kēṅo balēnd. Er kēṅo balēnd in ex ola oxašax or šot kēy ol.
- ¹⁶Dek bēr kē sēfēnd osēy'ali or apela aṅo ro bēn, Kaxanu ayēl kēbi yēl obetak ol do gē axaṽēnan in bēr Isērayel ir Kaxanu bēn!
- ¹⁷Gērēgako ala kērexe bašēn na toro iṅ gayik gēr eman endam ro ex bambēnut band nē end Yesu baṅ.
- ¹⁸Bēmaṽe, Axwēn Yesu Kērisēt yēlēleṅun oyekax orexēm ol gēr onden ondwēn! Amen!

Bëhefes

Bëhefes 1

Ecëmar el

¹Wëno Pol, parëxanda ir Yesu Kërisët hi këme ang ýandi këño Kaxanu ak. Wëno këñun ýëgwënëlınd wën bëwënëk bër xwëta këño Kërisët gër angol and Efes bën.

²Awa Faba irebi Kaxanu do gë Yesu Kërisët, Axwën arebi an, yëlëlenun oyekax ol do gë obetak ol!

End oyekax or gër Kërisët eñ

³Cëkwanëñone Kaxanu, Sëm ir Yesu Kërisët, Axwën arebi an! Mëñ yël këbo obetak or ex yo ýañ gër orën paþ gë Angoc andexëm añ gayik abar bar këne gë Kërisët.

⁴Do ga bar këne ako gë Kërisët, sanaxën këbo Kaxanu ðamana exo dixën ngwën in ene giye bëwënëk, bër gë end kënebo nëp këm gër ogës odexëm. Ga ðan këbo

⁵yataxën këbo anëka fo ene giye obaþ orexëm paþ gë Yesu Kërisët. Mondako ri ko gayik aýandi aýandi këño ebo masin onënga orexëm ol.

⁶Mondako ri ko enëño cëkwaxënënde Kaxanu në end oyekax oşaraxik orexëm or yël këbo ga bar këne gë Asëñiŵ ar ex pëlôt gër yomb irexëm an.

⁷Ga bar këne gë mëñ, şotaxën këne apexa añ paþ gë oşat orexëm oñ, gë etëfan ed bamena el, në end oyekax osëm orexëm eñ.

⁸Ata Kaxanu, oyekax olo yël këbo ngëñ mbañ, ene cotaxëne ðek orenik ol do gë onangëran ol.

⁹Anangën nangën këbo enjekax end ýandi baño exo di do şon baxo eñ. Ata mondako fëna baxo exo di paþ gë Asëñiŵ.

¹⁰Er fëna baxo ijo ańata ko ðata gër bakey bapelatar: exo baraxën beý bën ðek gër owun or Kërisët, hik bebër gër orën, hik bebër gër ebar ro.

¹¹Ga bar këne gë Kërisët şotaxën këne er beýa baxo Kaxanu ayël këbo yël in, biyi bër sana baþo anëka fo bën, ang fëna baxo ak.

¹²Awa mondako ri ko end biyi bëýanar bër xwëta këneñone Kërisët, ene ðuwaxëne enjaran endexëm eñ.

¹³Ga bar kën gë mëñ, wëlxën kën eyeyan ed ðal el, Atëfëtan and apexa andewën añ. Bëte ex gixën nanganëme ir mëne mëñ xwën këñun in, Kaxanu ayël yël këñun Angoc Amënëk and beýa bañun añ gayik axwëta xwëta këno Kërisët.

¹⁴Angoc Amënëk añ ex oşet or ýana këbo eyël ol, ðamana ex ñataxënëngu er fenin këbo Kaxanu gër apexa and rin këbo in, ene ðuwaxëne enjaran endexëm eñ.

End cale ind Pol eñ

- ¹⁵Wëno awël wël këme ga këni re bela bën mëne wën mbañ xwëta këno Axwën Yesu. Bëte mbañ këñun balënd end dek bërëwāk endexëm eñ. Mëñ ex,
- ¹⁶lañ këmo šëkwand Kaxanu endewën eñ and këmun šalenënd añ.
- ¹⁷Kaxanu ir Axwën arebi, Yesu Kërisët, mëñ ar ex Faba ir gë enjaran an, këmo xarand eñun yël Angoc and orenik, and këbo nanganënënd enim noño hi ko añ.
- ¹⁸Axara këmo xarand Kaxanu eñun ñoba gër onden ondegwën mëñ kën nangaxën ang xëbënek er këni yarënd bër wāc këbi gër apexa in do ine ex enjaran etëm end fenin këbi bërëwāk eñ.
- ¹⁹Bëte axara këmo xarand eñun nangën ang rafëk do ang yāñëk gë etël këm, panga ind šotën këbo biyi bër wāk endexëm bën. Ang rafëk panga indexëm ak wāsin këbo Kaxanu
- ²⁰and xanin këño Kërisët gër ecës añ, do wëla këño yëpax ko gër liw irexëm yañ gër orën.
- ²¹Ata Kërisët mondako wëña këbi ngëñ dek bangoc band gë panga band këbi wëñand bela bañ, gë bakeyax bañ, do gë dek band bayik bañ. Owāc orexëm ol xucak dek omac od këni wācërand gër ngwën iño ro ok do gër ind kë yowënd.
- ²²Awa er hik yo, Kaxanu axwët xwët ko dila gër mbëña ind Kërisët. Bëte mëñ sana këño exo gi emun end Amara and bërëwāk endexëm eñ.
- ²³Amara año ex eman endexëm eñ do gë Angoc andexëm añ yëmëk dek ex canayaxën pañ gë mëñ dek ola orexëm ol.

Bëhefes 2

End apexa and pañ gë oyekax eñ

- ¹Wën cëñ, anëka hi ban de bëshësëk në end bamena bandewën, në end beñëñax bëndewën.
- ²Aliya ban liyand gër mbëña ind bebër gër ngwën ro, dila gër angoc and šotëk or gapak mërëxand ir orën gë ebar añ. Angoc año këbi šoñënd bër këño wëšenënd Kaxanu bën.
- ³Ado biyi dek dëñ ang bela bëjo ak hi bane. Ang ex oñandi oñëñax od eman ok fo bane liyande, do sëf bane wayët banjelan bandebi fo. Do mëñ xoñëñaxën babo Kaxanu ang xoñën këbi bëjo ak.
- ⁴Barikan Kaxanu ar gë axayënan isëm exo në end añana atëm and ñan këbo añ,
- ⁵and nemi bane në end bamena bandebi añ, abakali bakaliw këbo gër aniyandamat gë Kërisët yatir xanin këño gër ecës. Ata gë oyekax or Kaxanu ol fex kën.
- ⁶Ga bar këne gë Yesu Kërisëtxaninaxën këbo gër ecës andamat, do wëla këbo ene ñëpaxëye në er ebat yañ gër orën.

⁷Mondako ri ko Kaxanu ebi masinaxën bela bën, ang këni bëtëraw bandëwëra baŋ gër ngwën ak, ang rafëk oyekax ošaraxik orexëm, or nəcët ko gër Yesu Kërisët në ende bi ak.

⁸Enimin, wën ga xwëta këno Kaxanu fexënaxën këjun gë oyekax orexëm ol. Eŋo oyël orexëm ex, ax gi ex na er feyët kën gë andewën.

⁹Awa gayikako ax gi ex na në end benjekax bend ri kën gë andewën fexaxën kën, ala ax kor na exo daf na.

¹⁰Enimin biyi Kaxanu ri këbo, bëte mëŋ fo nëngwët këbo ga bar këne gë Yesu Kërisët ene dixënënde benjekax bend xëñëna baxo elod gër ŷanar beŋ.

End ebarër ed gër Kërisët eŋ

¹¹Awa kwitayindën eŋo: akarëk aŋ wën er hi ban bër anëbi dëw ex na Bëšëwif, bëxacërëx, ang banun wacënd bër xac këne bi ak, xarak oxac orebën olo or gër eman fo ex, or ri këni bela fo ex.

¹²Ata wën er hi ban amëd aŋo, gë Afexën këm, bër abi ñap bana en dëg gër ebar ed Isërayel, bëliyër gër bebër beya ko Kaxanu, gë er kën yar këm, gë ekwëta ed Kaxanu këm gër ngwën.

¹³Barikan gërëgako, ga bar kën ako gë Yesu Kërisët, ado ga hawëta bano Kaxanu, gë ošat or Yesu Kërisët oŋ səkaliw këjun gër ndexëm.

¹⁴Gayikwa në end Kërisët šotaxën këne angwëlëra aŋ, mëŋ ar bar këbi eni gi arabat Bëšëwif bën do gë bër ax gi ex na Bëšëwif bën. Ayam yam ko amëŋ and šapëreli babi xali šusëraxën bani aŋ.

¹⁵Kaxanu ayepën yepën ko gë ecës ed Kërisët el bapela band šëba bax gër acariya and Moyisdo babi šapëre lind Bëšëwif do gë bër ax gi ex na Bëšëwif baŋ. Mondako ri ko ebi baraxën Bëšëwif bën do gë bër ax gi ex na Bëšëwif bën eni cot angwëlëra aŋ do eni gi dek bulunda ibat.

¹⁶Kërisët šësëk gër kërëwa ebi baraxën eni gi eman emat, do eni wëlëraxënënd gë Kaxanu. Mondako law ko angoyëra and Bëšëwif do gë bër ax gi ex na Bëšëwif aŋ.

¹⁷Ata ebo nangëanaxën angwëlëra aŋ biyi bër sëka baŋo Kaxanu gë wën bër hawëta baŋo bën yowaxënëgu baxo Kërisët.

¹⁸Enimin, ga bar këne gë mëŋ biyi dek, Bëšëwif, gë bër ax gi ex na Bëšëwif, šotaxën këne fëña ir ene ŋataxëne gër Faba gë panga ind Angoc Amënëk iŋ.

¹⁹Awa mondako ex, wën an bo ex na bëliyer, an bo ex na bër yeba. Barikan wën anëka hi kën bër bulunda ibat gë bëwënëk, bër ekun ed Kaxanu.

²⁰Wën ang oxaŷ fo hi kën, do Kaxanu wëd këjun bayaxën ko Aciw andexëm aŋ. Edëda ed aciw aŋo el exëni oparëxanda ok, gë bëlawënel bën, do Yesu Kërisët exo ekaŷ ekëla el.

²¹Gër ndexëm kë ÿëpand këbe ir këni bay' yo ex gixën gër Axwën, Aciw̃ and Kaxanu amënëk.

²²Wën dek bëte, ga bar kën ako gë mëñ, abar bar kën gë bërëw̃ak bëshëxe bën do hi kën andamat iciw̃ ind gër ed lëg ko Kaxanu gë Angoc andexëm iñ.

Bëhefes 3

End andiyen and Pol eñ

¹Mëñ ex, wëno Pol ašale këmo šalend Kaxanu, wëno andepëra and këño riyeninënd Yesu Kërisët añ në end wën bër ax gi ex na Bëshëwif.

²Yëla këme awël dëñ wël kën mëne Kaxanu rin ke oyekax ga fana ke mun nangën oyekax olo.

³Yama er šon baxo elod akarëk in ga nangën ke nde, do wëno këmun ÿëgwënëlinde bengas bepënëfëne beño.

⁴And kën fën añ, axor kën xor eñun pëni ang këme watënd kerët er šonayak gër Kërisët in.

⁵Akarëk añ, er šonaya bax ijo, Kaxanu abi nangën bana bela bër bandëwëra band anëka fo bën. Gërëgako Kaxanu anangën nangën këbi gë Angoc andexëm añ oparëxanda omënëk od ex bëlaw̃ënel bërëxëm ok.

⁶Er nangën këbi mëne bër ax gi ex na Bëshëwif bën ašot këni šot er fenin babi Bëshëwif in. Eman emat hi këni, do erebat bey'a këbi paß gë ebar ed bar kën gë Yesu Kërisët el, do paß gë Atëfëtan añ.

⁷Wëno gë oyekax or Kaxanu ol hixën këme ariyenin arexëm gë panga indexëm iñ.

⁸Ayël yël ke oyekax olo wëno ar xurik ex ba gër dek bërëw̃ak mëni nangënoxënënd napul isëm ir Kërisët in bër ax gi ex na Bëshëwif bën.

⁹Kaxanu yël ke bëte oyekax olo mëni masinaxënënd kerët, bën dek mondake ĥatak er šon baxo elod nand ri ko ngwën na.

¹⁰Gërëgako, Amara añ ÿandi këño ebi nangëndërand ang rafëk orenik or Kaxanu ak bangoc band wunëk gër bela bañ do gë bakeyax band ex y'añ gër orën bañ.

¹¹Ang fëna baxo elod din ir din ak ĥata ko paß gë Yesu Kërisët, Axwën arebi an.

¹²Ga bar këne gë mëñ xwëtaxën kënëñone, do šotaxën këne ekapina ed ÿapëk enëño təkaxënënde Kaxanu gë anjiỹ këm el.

¹³Awa axara këmun xarand, këreñun cena na gayik në endewën këme sorond: toro iño enjaran endewën ex.

End aņana and Kërisët eñ

¹⁴Mëñ ex, afoxi këme foxind mo cale Faba Kaxanu

- ¹⁵Gayik enëng end bela, end ex yo gër ndexëm xaniwëk: hik gër orën, hik gër ebar.
- ¹⁶Gayikako mën obetak or gë etël këm şot ko, axara këmo xarand eñun yël panga in paß gë Angoc andexëm añ en kemaxën gër oŵëkw orewën.
- ¹⁷Axara këmo xarand Kërisët exo dëg gër oŵëkw orewën gë ekwëta ed xwëta këno el, en dëgaxën gër añana ang atëx and gë odëmbët otiŵax fo.
- ¹⁸Ata amëd año kën ŷana en korënd eñun pëni andamat gë okëreceñ ocandaŵ ok ang ŷangëk, ang şakëk, ang siŵëk do ang songinak añana andexëm ak.
- ¹⁹Mondako kën nang añana and Kërisët, and xucak dek orenik orewën añ xali Kaxanu eñun nëmën gë dek ola orexëm ol.
- ²⁰Awa Kaxanu, mën ar xorëk exo di dek gë etël këm an, ayël këbo yël nëmëc gër ga këneño xaraye, do nëmëc gër ga këne yare.
- ²¹Cëkwënëñone gër Amara and Yesu Kërisët ang kë bëtëraw dek bandëwëra band bela bañ xali din ir din. Amen!

Bëhefes 4

End eman emat eñ

- ¹Wëno andepëra and Axwën Yesu añ axara xara këmun, kemënayin en diyand ang ŷapëk eni diyand bër sana këbi Kaxanu ak.
- ²Banayindën gër dek bandixa bandewën, en nënga do en buñand. Buñarindën andewën rewën añ do balëringdëleñun.
- ³Gayikako Angoc and Kaxanu añ bar këñun xali hi kën eman emat, kemënayin en kwëtaya angwëlëra añ.
- ⁴Enimin, eman emat fo ex, Angoc amat fo ex, Bëte wën Kaxanu sana këñun, En yarënd erebat fo.
- ⁵Axwën abat fo ex, Ekwëta ebat fo ex Do xobuyi obat fo ex.
- ⁶Kaxanu ibat fo ex Do mën fo hik Sëm ir bela dek, Mën xorëk beŷ dek, Mën kë riyenind gër ola or bela dek, hi ko gër bela dek.
- ⁷Barikan biyi dek ang hi këne ak, ala kala anjëla pit yël këño na Kaxanu do Kërisët ex ar kë şetëndërend an.
- ⁸Mën ŷëgwaxën këni gër Akayëta and Kaxanu: «Ayë yë ko ŷañ gër ed songinak, Aŵëlali wëlali këbi bërangoŷëra gë mën, Banjëla yëlëra këbi bela bën .»
- ⁹Do ineŵa ŵacayak ayë yë ko ŷañ? Ax gi ex na nde mëne aşëla şëla ko gër ngwën ind bëşësëk, gëd gër ebar?
- ¹⁰Ar şëla bax gër bëşësëk an fo yëk bëte ŷañ gër orën, exo munaxën bebët ir ex yo.

11Mëñ yël këbi bër gër Amara bën banjëla band eni gi: bëjo oparëxanda, bëjo bëlaŵënel, bëjo bëfemëra, bëjo bëxadac bër bamara, bëjo bëte bësäy'ali bër eyey'an edexëm.

12Mondako ri ko enëbi tÿ'alixënënd andiyen and Kaxanu aŋ bërëŵak bën eni gixën eman end Kërisët emat,

13xali ene cotaxëne biyi dek ekwëta edebat do enëŋo nange andamat Asëñiŵ ar Kaxanu an. Mondako ri ko bëte ene ŋatënaxëne ola or faŷayak or Kërisët ol.

14Angëmëne mondako ex, ane bayiye na ang obaŝ or kënëbi yifand bësäy'ali bësitik fo. Bëte ane bayiye ang batëxësëx band kë lëfërirand ekoc fo, ala abo mëkëñaxën na, ala abo nambeli na.

15Barikan ga këne rey'ande gë aŋana fo ðal in këne nëngwëtaye xali ene təkëne ola or Kërisët ol, mëñ ar ex emun end Amara an.

16Ang kë ŝosarënd aye owal gër eman ak exo dafaxën ala an, biyi dek mondako bar këne do në edaf ex gër aŋana eman emat end hi këne eŋ.

End aniyän angaŝax and okëreceŋ eŋ

17Awa baxët in er këmun felënd in, er këme rey'and gër oŵac or Axwën in: këren ðiyand na ang këni liyand bër aŋo kwëta ex na Kërisët bën gë ofëñirëx or banjëlan bandebën ol.

18Onden ondebën oŋ ŝiŵëk ga këno ŵëŝenënd Kaxanu do aniyän and ko yëlënd Angoc andexëm aŋ ani cot ex na, gayik ano nang ex na Kaxanu.

19Ga këni liyand gë aŝëfën këm yëlayaxën këni gër eñac, do këbi balënd wayët bemuyaraxik fo.

20Barikan wën bër säy'ak end Kërisët bën, ax gi ex na mondako ŷapëk en ðiyand.

21Angëmëne enimin awël dëŋ wël kën end Yesu eŋ do angëmëne asëy'ali säy'ali kënun ðal irexëm in,

22afo en cudëta ang acud akarëk fo ola oxarëk orewën ol, mëne ngëŋ en teb oñandi oñëñëx ok, betëmbak bënd ŵër baŋun beŋ gayik ayifa këñun yifand, eñun mëlaxën gër ecës.

23Tebënino Angoc and Kaxanu aŋ exo nëngwët oŵëkw orewën oŋ do gë onden ondwën oŋ.

24Cudayin ang acud angaŝax fo ola or nëngwëtën këñun Kaxanu ol, en gixën bër ðal, do en ðiyand aniyän and gë or ŝenene, gë oŵëñëk.

25Mëñ ex, tebin enëgwëŝ eŋ! Ala kala yey'anindëlexo ðal in gër aŝandaŵ gayik ang owal od eman emat fo hi këne.

26Angëmëne axoŷ xoŷ kën, këren mendëra na. Këren pena na oxoŷ ol xali ex nëka, eñan eŋ kërex cëla na gër oxoŷ orewën.

²⁷Këreno teb na şabucara in eņun dila.

²⁸Ar bax rekand an, tebëlexo orek ol. Kemënayindëlexo exo cot er sêw ko mën dën in, eņo dëcaxënënd ar şëndëk an.

²⁹Eyey'an eñëņënax kërex canënd na gër osëy orewën. Eyey'an ejekax fo, ed kë başënd ekwëta, ed këbi rinënd oyekax bër kë wëlënd bën yapëk ex canënd gër osëy orewën.

³⁰Këren dind na er ko şaminaxën Angoc Amënëk and Kaxanu in. Paḅ gë mën yata këņun Kaxanu xali yatir ko ħata apexa andewën aņ.

³¹Epena ed oxoỹ el, batakëra baņ, oxeyër oņ, odenar ok, gë owër ol, do gë oxey or ex yo, dëxëtalex gër Amara andewën.

³²Masindëringdën onënga ol, bëngwin mbaņ, do balëringdëleņun mbaņ. Tebandëringdën ang këņun sebanënd Kaxanu ak paḅ gë ebar ed bar këne gë Kërisët.

Bëhefes 5

End aniyand gë angoben eņ

¹Awa tëfëtelindëno ngëņ Kaxanu gayikako obaş or pëlot gër yomb irexëm hi kën.

²Balëringdëleņun gër aniyand andewën ang këņo balënd Kërisëtendëbi ak xali yëlaya ko mën dën në endëbi şadaxa ir nëngan këņo Kaxanu.

³Asëk alakirand fo in, gë obuyaraxik or ex yo, gë aņana and kodı aņ, kërex gi na gër Amara andewën. Ax ñap ex na eni dind mondako bër ex bëwënëk bën.

⁴Cëkwayindëno Kaxanu do en teb eyey'andëra ed beñëņënax el, gë ed ofëcak këm el, gë ekwënd ed becëfëanaxik el.

⁵Nangin aye mëne bër lëxwayak gër asëk alakirand fo, gër obuyaraxik, do gër aņana and kodı and ex edaş bën, ani cot na owun or Kërisët do gë Kaxanu ol.

⁶Ala këreņun yifa na gë eyey'an ed gë ofëcak këm el, gayikwa në eņo këbi xitixën Kaxanu bër këņo wëşënënd bën.

⁷Awa wën këren barënd na gë bela bërako rako bën.

⁸Damana en maxën end Axwën eņ, ola orewën ol ecamëdan fo hi bax. Barikan gërëgako, gër angoben and Axwën hi kën. Diyayindën ang obaş or angoben fo.

⁹Bela bër kë liyand gër angoben bën anënga këni nëngand, şenene hi këni, do bër dal hi këni gër dek bebër këni rind.

¹⁰Calayindën en nang er ħan ko Axwën in

¹¹do kërenëbi barand na bër watak bend gë ofëcak këm bën, bend gër ecamëdan beņ, ado pëlëtindënëbi.

¹²Enimin, er këni rind gër ecamëdan in, aşëfën şëfënëk edey'a el.

- 13 Barikan angoben aŋ dek kē fēlētēnd beŋo and kē hōba aŋ.
- 14 Do dek er hōbak in axana kē xanand angoben aŋ. Mēŋ rexēn ko: «Nēngētal wēj ar ki rašēnd aŋ, Kanil mērēxand ir bēšēsēk, Ata ki hōba Kērisēt.»
- 15 Awa kamanindēn aye ang kēn liyand ak: dīyayindēn ang bērenik fo, kēren gi na bēr ang gē onden kēm fo.
- 16 Nand kēn šot amēd and en di enjekax na, diyin enjekax eŋo. Kēren teb na ex kuca axuca fo amēd aŋo gayik bēla bēr gē okey oko bēn, beñēŋēnax fo wata kēni.
- 17 Awa calayindēn eŋun pēni er ŷandi kēŋo Axwēn en dind in, kēren gi na bēfēnirēx.
- 18 Nēmīndēn gē Angoc Amēnēk aŋ, kēreŋun ñawēnd na ngoŷ, gayik ngoŷ iŋ beñēŋēnax fo kē lēnanēnd.
- 19 Kemēndērindēn gēr ekwēta, ñēwērayindēn ojēkan od kēŋun yēlēnd Angoc and Kaxanu ok, ojēkan od cale ok. Nēwērayindēn, yasindēno Axwēn an gē oŷēkw orewēn oŋ dek.
- 20 Cēkwayindēno Faba Kaxanu nand ex yo, nē end ex yo, gēr oŷac or Axwēn arebi Yesu Kērisēt.

End bēsoxari do gē bēsošan eŋ

- 21 Buŋarindēn andewēn rewēn aŋ do pēbindēno mondako Kērisēt.
- 22 Awa wēn bēsoxari bēn baxētindēn end bēcēn bēndebēn eŋ, ang kēn baxētēnd end Axwēn ak.
- 23 Gayikwa icēn iŋ ex emun end alindaŷ eŋ ang hi ko Kērisēt emun end Amara and fexēn ko ak.
- 24 Ata ang kēni baxētēnd end Kērisēt ak bēr gēr Amara andexēm bēn, bēsoxari bēn dek mondako ŷapēk eni baxētēnd end bēcēn bēndebēn eŋ.
- 25 Wēj icēn in, ŋanēlo alindax ang hān ko Kērisēt Amara andexēm ak xali yēlaya ko mēŋ dēŋ gēr ecēs.
- 26 Exo mēnēnaxēn Amara aŋ gē men oŋ do gē eyeyan ed Kaxanu el rixēn ko mondako.
- 27 Er ŷandi kēŋo eni gi bēr gēr Amara bēn: gē enjaran, bēyekax, bēr garēgar, bēr šenene, bēwēnēk, do bēr gē end kēyēbi nēp kēm.
- 28 Awa icēn iŋ, ang hān ko eman endexēm ak ŷapēk eŋo ŋan alindaŷ. Ar hān kēŋo asoxari arexēm an mēŋ dēŋ hānayak.
- 29 Ax gi ex na nde ala an axo cusēnd na eman endexēm eŋ? Barikan alēba ko lēband, afēyēpēy ko fēyēpēyēnd, ang kēbo rinēnd Kērisēt biyi bēr gēr Amara andexēm ak,
- 30 gayik owal od eman endexēm hi kēne.

³¹«Mëñ ex, Asoŝan an aŝan ko gër sëm do gë nëm eni dëkëraxën gë asoxari arexëm an, xali bën bëxi eni gi eman emat .»

³²Gër eyey'an elo, ðal isëm ŝonayak na. Wëno ga re këme mëne amatinali and anëkëra and Kërisët gë Amara andexëm ex.

³³Gër ga hik yo, ala kala ñanëleño alindaŵ ang ñanaya ko ak do asoxari an pëbindëleño icën indexëm in.

Bëhefes 6

End obaŝ do gë bëxarëk bërebën eñ

¹Wën obaŝ ol, baxëtënindënëbi bëxarëk bërewën bën gayikako bër Axwën Yesu hi kën. Edi ed mondako el ŝenene ex.

²Akayëta and Kaxanu rek: «Pëbindëbi sorix gë norix ». Apela año ex añanar and gë er bey'a ko Kaxanu añ.

³Er bey'a ko mëne ar kë sëf apela año an, abeta ko beta, do exo cot aniyan acakax gër ebar ro.

⁴Wën opaba ok, kaðacindënëbi ŝenene obaŝ orewën ol, do bakalindënëbi gër fëña ir yandi këño Axwën, kërebi dëbëlëband na endewën eñ.

End okadëp do gë bëxwën bërebën eñ

⁵Wën bër ex okadëp bën, baxëtënindënëbi bëxwën bërewën bër ex gër ebar ro bën. Yëdayindënëbi do pëbindënëbi gë emëkw epeŝax, ang këno fëbënd Kërisët ak.

⁶Ax gi ex na en dind mondako gër ogës odebën fo nangëde bër kë ŝaland enëbi ñan bela fo. Diyindën mondako ang okadëp od Kërisët od kë rind oñandi od Kaxanu ok gë oñëkw orebën oñ ðek.

⁷Diyindën andiyen andebën añ gë oñëkw ofeŝax nangëde Axwën an këno riyeninënd fo, bari ax gi ex na ang okadëp od bela.

⁸Ala ar er yo, hi ko xadëp, axo gi ex na xadëp, nangëlexo mëne axana ko xana gër Axwën ata cey enjekax end ri ko eñ.

⁹Endewën cëñ, wën bëxwën bën, mëlayayindënëbi ŝenene okadëp odewën ok, kërenëbi besarand na. Nangin mëne Axwën abat ŝot këno wën gë bën y'añ gër orën do gër ogës odexëm epitëndër ed bela ax gi ex na.

End emer ed gë bangoc bañëñax eñ

¹⁰End këme xor de me ñataxën eñ: calayindën en kem gë ðek panga ind Axwën in.

¹¹Kaxanu ayël yël këñun ðek oñënga or emer oñ. Awa baxayindën oñënga or emer oño en kwëŝaxën aye mëñ këñun sëkwanaxën ŝabucara and këño yandi eñun mereli añ.

¹²Enimin, emer elo ax gi ex na ed gë bela, ed gë bangoc bañëñenax ex: bangoc band wunëk yañ gër orën bañ, gë band këbi wëñand bela gë ecamëdan bañ, gë bangoc bakeyax bañ, do gë dek band bayik bañ.

¹³Awa medindën dek oýenga or emer or yël këñun Kaxanu oñ, mëñ kën xwëşaxën aye yatir emer.

¹⁴Kemënayin gër emer elo: kapayindën dal in ang apëxw fo, cudayindën or şenene ol ang acud and yawale fo.

¹⁵Pedayindën Atëfëtan and kë yëlënd obetak añ, mëne ngëñ: giyindën bëwëlek bër en ye gër epemëra.

¹⁶Medindën bëte ang angwak fo ekwëta ed xwëta këno Kërisët el. Mëñ kë ýana eñun kakanaxënënd bepës bend gë okodux bend këñun lejaxënënd Aýëñenax beñ.

¹⁷Cëxwayindën Apexa and yël këñun Kaxanu añ ang ekamote ed emer fo. Medindën bëte ang duxuma fo eyey'an edexëm ed këñun yëlënd Angoc Amënek el.

¹⁸Caleyindën nand ex yo gë Angoc and Kaxanu añ. Karayindëno er ex yo do calenindënëbi dek okëreceñ ok, këren nambinand na.

¹⁹Calenindëne wëno bëte exe dëca Kaxanu me cotaxënënd er këme rey'a in do me kapinaxënënd gër epemëra ed er şonëtëk Atëfëtan in.

²⁰Ado wëno në eño hixën këme andepëra ga yata ke Kërisët me gi afemëra ar Atëfëtan andexëm, do me kapinand gër epemëra elo ang yapëk ak.

Ofelar ol

²¹Endam eñ cëñ, mëne bebër këme rind bën, dek këñun nangënëx Tişik, mëñ ar ex gër Axwën imaýe indebi ind ñan këñëñone aye biyi dek iñ do hi ko ariyenin ar Kaxanu ar mokwëta.

²²Mama dëñ lawënëli këmo, en nangaxën er hi këbo in, do eñun kemëñaxën gër onden.

²³Faba Kaxanu do gë Yesu Kërisët, Axwën arebi an, yëlëlebi obetak ol bëmaýe bën, añana añ, do gë ekwëta el.

²⁴Dek bër ñan këño din ir din Yesu Kërisët Axwën arebi bën, cotëlexëni oyekax ol!

Bëfilip

Bëfilip 1

Ecëmar el

¹Wëno Pol do gë Timote, okadëp od Yesu Kërisët ok, këjun yëgwënëlınd wën dek bëwënëk bër Kërisët bër ex gër Angol and Filip bën, gë bëlëngw bën do gë ojakër od gër Amara andewën ok.

²Kaxanu, Faba irebi, do gë Yesu Kërisët Axwën, arebi an, yëlëlenun oyekax ol do gë obetak ol!

End cale ind Pol eñ

³Aşëkwa këmo şëkwand Kaxanu nand këmun xwita yo.

⁴Aşalën këmun şalenënd wën dek, do nand këme şalend yo gë onënga fo këme şalend.

⁵Mondako këmun şalenënd gayik wën ke rëcarand gër andiyen and epemëra ed Atëfëtan, elod yatir wã kën xali gërëgako.

⁶Aye fëni ke mëne Kaxanu, mëñ ar yanak andiyen anjekax año gër ola orewën an, asëf ko sëf xali exo şata gë akey and ko bakaw Yesu Kërisët bañ.

⁷Aşap şapëk mun yëlanënd wën dek mondako gayik gë emëkw edam el dek ke balënd endewën eñ. Hi këme ar fokëra këno, hi këme gër eyakan ed Atëfëtan ebi kemënoxën bela bën, wën gë wëno oyekax obat bar këbo.

⁸Enimin, Kaxanu ex sede iram in mëne gë emëkw edam el dek şan këmun, ang şan këjun Yesu Kërisët ak.

⁹Er këmun xaranënd and këme şalerand añ, añana andewën añ ex başërënd xali en nangëra do eñun pëninđ şenene beş bën dek.

¹⁰Ata fo kën şana en nangënd epitëndër ed er xëbënëk el, en gixën bër dal, bër gë end kënebi nöp këm, xali yatir ko bakaw Kërisët.

¹¹Or şenene or yël këjun Yesu Kërisët ol, aşanaya kë şanaye aye gër ola orewën eno cëkwaxënënd do eno duwaxënënd Kaxanu.

End eñañ ed Atëfëtan eñ

¹²Bëmaşë, aşandi şandi ke en nang mëne er hi ke ijo in, wëlixënëk kaş-kaş Atëfëtan añ.

¹³Enimin, dek ocorođa od kë nëkonand eyang ed gofërëner ok do gë bela bën dek bebët ir ex yo, anang nang këni mëne në end andiyen and Kërisët fokëraxën këne.

¹⁴Ado ga fokëra këne, xemënoxën këni bëmaşë bëndanjëm gër ekwëta ed Axwën. Në eño yëxwëra këni kaş-kaş epemëra ed eyey'an ed Kaxanu el gë anjiş këm.

- 15** Bërëmar cëŋ, ðal ex gë oyakëraxi do anjëlan and ene bañëreli këni femënd end Kërisët eŋ. Barikan bëshëxen bën këni femërand gë anjëlan anjekax.
- 16** Bëjo ex ngëŋ bër ðan ke bën, ga fëni këbi mëne Kaxanu xwët ke ro me gi sede ir Atëfëtan and Yesu.
- 17** Xarak bër kë rey'arand end Kërisët gë oñandi od eni wëli bën, anjëlan andebën aŋ ax ye ex na. Er këni şaland me toro nëmëc gër ed fokëra këne ro.
- 18** Angëmëne end Kërisët eŋ gë anjëlan añëŋënax këni sëfëtërand ba gë ðal dëŋ, axe bal ex na! Gër ga hik yo wëno në nëngandëraxe, do anëngandëra ke nëngandëra bëte.
- 19** Aye nang këme mëne gër ga şenarak yo endey' eŋo, wëno afex këme fex gayik wën aşalen këne şalenënd, do arëca ke rëca Angoc and Yesu Kërisët aŋ.
- 20** Barikan er këme şëninđ gë enëkan in, er këme yarënd in, gë emëkw el ðek xwëta këme mëne gërëgako ang din ir din ak, enjaran end Kërisët eŋ aşanaya kë şanaya gër eman endam, bayi këme abëngw nde ba laŋ këne nde. Angëmëne mondako ex, ŷoweŷ axe cëfënan na.
- 21** Wëno cëŋ Kërisët ex aniyan andam aŋ do ecës el ofëcak oram ex.
- 22** Barikan angëmëne aye yek me bayi ga këme liyand me tëfaxën andiyen andam gër beki beŋo end këme sana eŋ, ame nang ex na.
- 23** Oñand oki ke nëŷalirand gër onden: bandëmar aŷandi ke ŷandind me cës mën këme ŷe gër ed exo Kërisët. Ata wëno eŋo ŷëmbëk exe yexënan.
- 24** Barikan në endewën na, bayileme ga këme liyand saxëk.
- 25** Ado endey' eŋo end fëni ke dëŋ ex, anang nang këme mëne abayi këme bayi abëngw mun kemënaşënënd wën ðek, en cotaxën nëmëc ekwëta el do eŋun nëngandëraxënënd.
- 26** Abakali këme bakali gër ndewën mën kënun ŷana eŋun nëngandërand din end Yesu Kërisët eŋ sam ene watënd gaşëxe.
- 27** Barikan fo eŋo këmun sebënanënd: ðiyayindën ang rek Atëfëtan and Kërisët and sëŷali kënun ak. Angëmëne anëngali nëngali këmun, amun nëngali ex na, wëliñdëleme ga këni rend mëne axemëna xemëna kën gër angwëlëra, gë emëkw ebat kën xaxërënd ex ñaň ekwëta ed kë yëlënd Atëfëtan el.
- 28** Bër kënun wërelind bën, kërenëbi teb na enun dëgënen ojomb ok. Angëmëne mondako ri kën, ata kë hi nanganëme ir mëne bën bër nambërak exëni do mëne gër ndewën nanganëme ir anëka fex kën ex gër Kaxanu.
- 29** Enimin, end Kërisët eŋ, Kaxanu wa yël kënun oyekax xarak ax gi ex na eno kwëta fo, barikan en torond në endexëm bëte.

³⁰Eyo axaxër kën xaxërënd ang bane watënd ga këme xaxër ak, do gërëgako awël kën wël bëte ga këni yey'an mëne gër okaxër oŋo bayi këme.

Bëfilip 2

End ola or Kërisët eŋ

¹Awa angëmëne wën axemëndër kën xemëndërënd ga bar kën gër Kërisët, angëmëne gë ebalër edewën el arëcar kën rëcarënd, angëmëne Angoc and Kaxanu aŋ ayël këŋun yëlënd angwëlëra aŋ gër amara andewën do angëmëne gër oŵëkw orewën axaŷënan do gë etebandër exëna,

²diyayindën mondako ene bašëanaxën onënga ol. Pëniyindëleŋun beŷ bën andamat do cotin ebalër ebat, onden omat, anjëlan amat gër oŵëkw orewën.

³Banayindën do nëkonindënëbi bëcandaŵ bën ang bër xwuca këŋun ekëbën fo. Ŷoweŷ këren dind na gë ambañëra, bëte ŷoweŷ këren dind na gë ndafënan.

⁴Ala kala balindëleŋo end bošandaŵ eŋ, këreŋo balënd na bend gaf irexëm fo.

⁵Ang hi kën ak, banjëlan bandewën baŋ gindëlex ang band Yesu Kërisët ak:

⁶Ado ga hi këni ola obat gë Kaxanu, abaxo xemëna na exo masinaya gwër fo gë Kaxanu.

⁷Barikan mëŋ dën sebayak dek er hi ko in exo gixën xadëp, ata ola orexëm ol hik ang or bela ak, owati orexëm ol ang ala ar toc fo bax.

⁸Gë andexëm bana baxo xali ŵa ko exo cës, ecës ed mopika gër kërëwa el.

⁹Gayikwa mondako ri ko, Kaxanu šud këŋo owun ol, do yël këŋo oŵac or nëmëcak dek oŵac or ex yo,

¹⁰eni poxixënënd dek bela bën gër lëngw irexëm do eni duwaxënënd oŵac or Yesu hi këni bër gër orën, hi këni bër gër ebar ba bër dila gër ebar.

¹¹Do ala kala gë eyey'an end enëng endexëm el, ko ŷana exo dend mëne Yesu Kërisët ex Axwën an, do ar gë enjaran end Kaxanu an. Ata mondako këno ŷana eno duwand bëte Faba Kaxanu.

End aniyand oxëreceŋ eŋ

¹²Wën bëmaŷe bënd ke balënd mbaŋ bënŋo, gayiyako din këne wëlënënd, wëlënëndëne nëmëc gërëgako nand këne watërënde na, ax gi ex na nand bayik ane watërënde na fo. Awa canayayindëlex gër ola orewën mëne afex fex kën gë epëb el, do gë eyëda ed Kaxanu el.

¹³Kaxanu këŋun yëlënd oñandi ok do gë ojaŵ od en dixënënd bend ħan ko mëŋ beŋ.

¹⁴Diyindën er hik yo gë odendëran këm, gë ecampëre këm.

¹⁵Ata kën hi bër gë end kënëbi nöp këm do bëwënëk, obaâ or Kaxanu or êenene, en watixënënd ang ował fo mërëxand ir bela bësëmbak, do bëjñenax bër gër ngwën ro

¹⁶ga hi kën ako bëwëlaya bër eyeyan ed kë yëlënd aniyen bën. Paß gë eño ke nëngandërad yatir ko bakaw Kërisët, gayik awati kë wati kerët mëne gë andiyen and këmo rinënd Kaxanu aň ax gi ex na and gë ofëcak këm.

¹⁷Ekwëta ed xwëta këno wën Kërisët el ang ešëbëceb ir këni xošënd në šadaxa ir këno rinënd Kaxanu fo ex. Do ado ex gido alaŵ këne laŵ, abaš fo baš dome ošat oram oň gër šadaxa irewën, awa mbaň ke nëngandërad andamat gë wën dek ak.

¹⁸Wën bëte nëngandëraleňun mondako fo, do nëngandëraleňun andamat gë wëno.

End Timote eň

¹⁹Yëla këme ga bar këne gër Axwën Yesu, alaŵënëli këmo laŵënëli aňand Timote gër ndewën. Do and ko bakaw aň exe kemënatı wëno bëte gë benjekax bendewën bend ke sëfëtanatı beň.

²⁰Gayikwa gabatak ax gi ex na ar hi këmi anjëlan amat, ar këňun rendërand endewën eň gë emëkw epešax.

²¹Dek bër bayik bën bendebën fo këbi balënd, ax gi ex na bend Yesu Kërisët beň.

²²Barikan mëň Timote, wën dëň aye nang kën ang wëlaya ko êenene ola orexëm ak. Ariyeni riyeni këni gë wëno ang itox ind këňo rëcarand sëm fo, ang xadëp fo, gër epëmëra ed Atëfëtan.

²³Awa yëla këme mëne alaŵënëli këmo laŵënëli gër ndewën sam exe pëni aye endam eň.

²⁴Ado aye nang këme ga xwëta këmo ako Axwën mëne wëno dëň gogo këmun nëngali.

End Epafërodit eň

²⁵Yëla këme gërëgako mëne aňap ýapëk exo maýili Epafërodit, abaýe iram, ar xel këmi andiyen amat an, ariyenin ar xet këmi gër emer an, parëxanda ir laŵënëgu bano exe mëlandëraw beý in.

²⁶Ga ħan këňun mbaň wën dek šëmuraxën baňo ga wëlëx kën mëne ašëxwëra šëxwëra baxo.

²⁷Ata mbaň šëxwëra baxo xali däm gër ecës, barikan Kaxanu axaýënan xaýënan këňo endexëm eň. Gë wëno ak xaýënan këňo këdi ke šëmura kaš-kaš.

²⁸Mëň felaxënëli këmo exo bakali aňand, eňun nëngandëraxën and këno wat aň, do wëno exe ýema tëker emëkw el.

²⁹Awa kacayidëno gë onënga fo, abaýe irewën ex gër Axwën. Pëbindënëbi bela bër ang mëň ak bën.

³⁰Në end andiyen and Kërisët eñ yëla ko exo cës. Ecës el fece këño exe dëcaraxën gër ed hi bax ene dëcara wën na.

Bëfilip 3

End or êenene or gër ogës od Kaxanu eñ

¹Gërëgako bëmaÿe, nëngandërayindëleñun ga hi kën ako bër Axwën. Gayikako apexa andewën ex, wëno cëñ axe këñënd na mun ñëgwënëlınd beño fo beño fo.

²Titinalindënëbi odañët ok, bër ax tÿ'alınd na êenene end Kaxanu bën. Titinalindënëbi ga këni sÿ'alınd mëne afo enun kac en pexaxën.

³Enimin biyi bër këne êalende gë panga ind Angoc and Kaxanu do këbo nëngandërand ga bar këne gë Yesu Kërisët hi këne bër xac kënebi enim bën. Ane kwëta ex na bend bela beñ.

⁴Egel wëno, axor xor dome me kwëta bend ola oram beñ. Awa angëmëne bela ex na bër kë yëland mëne bën aÿap ÿap këbi eni kwëtand bend ola orebën beñ, wëno wa ÿap doxe nëmëc.

⁵Wëno gër enëng end Bëyisërayel rëw këne do xac këne yatir sëk ke bakey banjongëbatas. Bëxarëk bëram bën bërandëwëra and Beñêsame hi këni. Ata Aêewif ar rëw këno Bëêewif dëñ hi këme, and raf këme añ hi këme fariseñ do bame sëfënd acariya and Moyisañ.

⁶End ebalëkënali ed bend cale cëñ, hi bame arixëra ar Amara, do end or êenene or kë yëlënd acariya ol cëñ, hi bame gë end këne nëp këm.

⁷Barikan ga xwëta këmo Kërisët, bebër bame yëland ofëcak oram ex bën ax bo ex na ga ke xëbënanënd.

⁸Enimin, enang or nang këmo Yesu Kërisët, Axwën aram el, xucak gë beÿ bën dek. Në endexëm seboxën këme ekëbënan beÿ dek el, xali këme watënd ang bebuyaraxik fo mëñ këmi wëndëraxën gë Kërisët.

⁹Ga bar këmi gë mëñ, hixën këme ar êenene. Awa or êenene olo, Kaxanu yël ke gayik axwëta xwëta këmo Kërisët. Ax gi ex na or êenene or xamën këme gë andam gër etëf ed acariya and Moyis.

¹⁰Awa gërëgako, er xurik exe bal in ex monang nëmëc Kërisët mëne ngëñ me nang anëkëra and gë panga ind xanin këño gër ecës iñ, do gë toro indexëm iñ. Iyo aÿandi ÿandi ke mi bar gër ecës,

¹¹do angëmëne awënd wëndëk me kani gër ecës.

End oxëreceñ eñ

¹²Ax gi ex na de anëka êot këme eño ba anëka ñatën këme oÿwënëk ol. Barikan gër ocal bayi këme me dëkayaxën gayikako wëno bëte Yesu Kërisëtlëkaya ke.

- 13**Bëmaÿe endam eŋ cëŋ, ame yëland na mëne anëka lëkaya këme oÿwënëk ol. Barikan ekëbënëanaxik emat këme rind: me pabaxën aye er këme ſaland me dëkaya in, ame nëkonand na gand epoy.
- 14**Ahër këme hërënd me ŋataxën gër ed kë sëlënd okaſër, me cotaxën acosa and ke wäcelind Kaxanu y'aŋ gër orën pab gë Yesu Kërisët aŋ.
- 15**Awa biyi bër wën këne bën, yëlarandëne mondako. Do angëmëne gër eŋo anjëlan andewën aŋ afitar fitarëk, Kaxanu aŵasin këŋun wäsin er ex in.
- 16**Barikan fo, bayine ga këne sëfënde andamat er sëy'a këne gër Atëfëtan in.
- 17**Bëmaÿe, tëfëtelindëne wëno do nëkonindënëbi bër kë liyand ang wäsin këmun ak bën.
- 18**Gayikwa bëranjëm kë liyand ang bërangoyëra and Kërisëtfo, mëŋ ar ſësëk gër kërëwa an.
- 19**Aniyan andebën aŋ gër enemi kë hata gayik bën abi pedënd na beŋëŋëanax bend këni rind beŋ, abi balënd na ado gë təkër ak end Kaxanu eŋ, enjaran endebën eŋ ex gër bebër dobi ſëfënan fo, do bend gër ngwën ro fo këbi balënd.
- 20**Biyi cëŋ, bër xwën këbo owun or gër orën hi këne. Fën ko xaniw Axwën Yesu Kërisët, afexën arebi an, mëŋ ar kënëŋo ſëninde an.
- 21**Mëŋ kë nëngwët beman bendebi bend sitarak beŋ gë panga ind ko wunaxën gër beÿ dek iŋ ex gixën ang eman end gë enjaran endexëm ak.

Bëfilip 4

1Wën bëmaÿe bënd ke balënd do xofi ke mbaŋ bëŋ, në endewën ke nëngandëraxënënd, në endewën fo bëte këne fëbaxënënd! Mëŋ ex, kemënayin en bayi ga sëf këno Axwën an!

Bapela bapelatar baŋ

- 2**Axara xara këmëni Efodi, gë Seŋëtik eni wëlërend ga hi këni ako bër Axwën.
- 3**Eyo, wëj ar bar ke andiyen an, wëj ar lëkayak aye andiyen aŋo an, axara xara këmi dëcalëbi arëca, gayikwa bën mbaŋ xemëna bani ang bër okaxër fo gë wëno gër andiyen and epëmëra ed Atëfëtan. Na fo hi bani bëte Këlema do gë bëſëxe bër xel bami andiyen aŋo bën, omac odebën ok aÿëgw yëgw ko Axwën an gër Akayëta and aniyen.
- 4**Nëngandërayindëleŋun din ga hi kën ako bër Axwën. Ga re këme bëte nëngandërayindëleŋun.
- 5**Nangëralexëni bela bën dek obëngw or onden ondwën ol; gogo ko bakaw Axwën an.
- 6**Er ex yo mëkayindëno Kaxanu, end yoweÿ këren dendërand na. Nangëninđëno Kaxanu oŋandi odewën ok pab gë cale iŋ, këlayindëno do cëkwayindëno.

⁷Ata obetak or ko yëlënd Kaxanu ol, obetak or nëmëcak onangëran or ex yo kë xaxa oŵëkw orewën oŋ en bayixën bër Yesu Kërisët.

⁸Gërëgako, bëmaÿe balëkënalindën: ðek er ex ðal in, ðek er ÿapëk in, ðek er ſenene in, ðek er wënëk in, ðek er yek gër ogës od bela in, do gë ðek er këni ſëkw in. Beŋo ÿapëk ex këñ gër banjëlan bandewën.

⁹Er sëÿa kën do ſot kën gër ndam in, er wëleli këne do wateli këne in, diyindën mondako. Ata kë bayi gër ndewën obetak or ko yëlënd Kaxanu ol.

Ecëkwa el

¹⁰Wëno mbaŋ nëngandëra ke do këmo ſëkwand Axwën an ga këme watënd mëne wën abal këŋun balënd gaſëxe endam eŋ. Enimin din këŋun balënd endam eŋ, amëd and ene dëcaraxën aŋ fo bayik an cot bana.

¹¹Ame yeyanënd na ðe mondako gayik ÿeÿ ſan këme na. Wëno enimin, asëÿa sëÿa këme enëngandëra ed and ſotëra këme el, bëte gë enëngandëra ed and ame cotëra ex na el.

¹²Awër wër ke efiya ed gë ocënd el, bëte awër wër ke efiya ed gë ecotëran el. Nand ex yo do gër ed ex yo, asëÿa sëÿa këme efiya ed baŋo me med aye, baŋo me bayi gë enjo; baŋo me cotëra, baŋo me can.

¹³Beŋo ðek këme xorënd me buŋa gë panga ind ke yëlënd Kërisët inŋ.

¹⁴Aye ri kën ga ſoma këne ako gër ocënd.

¹⁵Wën Bëfilip bën aye nang kën mëne and ſanëgu këme gër Ebar ed Masedëwan aŋ, me ñanaxën epëmëra ed Atëfëtan el, wën fo rëcara baxe. Amara acëxe axe dëcara bana.

¹⁶Ado and hi bame gër angol and Tesalonik aŋ dëŋ, alaŵënelili laŵënelili këne bakëlëbëd baki er këme liyaxën in.

¹⁷Wëno er këme ſaland Kaxanu exo cënan bacota bandewën baŋ, bari ax gi ex na ene yëlërand bela.

¹⁸Ðek ſot këme bebër ÿap bax me cot bën, bakey band ecotëran baŋ ex. Ata gwac ſotëra këme ga xana këme ako er laŵëneliw këne paŋ gë Epafërodit in. Ang angiri inëngax fo ex, ſadaxa ir xana ko Kaxanu.

¹⁹Awa Kaxanu arëcara këŋun rëcara mbaŋ paŋ gë Yesu Kërisët en cotëraxën ðek bebër kën liyaxën bën mëne ngëŋ, napul ir gë enjaran in.

²⁰Duwanëŋone Faba irebi Kaxanu, mëŋ ar gë enjaran end din ir din an. Amen!

Epelar el

²¹Cëmayinëbi ðek bër hik bëwënëk gër Yesu Kërisët bën. Aſëma ſëma kënun bëmaÿe bënd hi këmi enga emat bëŋ.

²²Dek okereceŋ ok këŋun ŝemand, adofa od bër ekun ed Sesar bën.

²³Oyekax or Axwën Yesu Kërisëtol, gilex gër onden ondewën!

Bëkolos

Bëkolos 1

Ecëmar el

¹Wëno Pol, parëxanda ir Yesu Kërisët hi këme ang ýandi këno Kaxanu ak. Gë abaýe Timote këmun ýëgwënëlınd

²wën bëmaýe bëmënëk, bër mokwëta gër ebar gër ed Kërisët hi kën gër Angol and Kolos. Faba irebi Kaxanu yëlëleñun oyekax ol do gë obetak ol!

Ed cale ind ecëkwa in

³Aşëkwa këmo şëkwand Kaxanu, Sëm ir Axwën arebi Yesu Kërisët and këmun şalenënd wën ðek añ do nand ke şalend yo.

⁴Enimin, awëlati wëlati këmi mëne mokwëta xwëta këno Yesu Kërisët do bëte mbañ ðan kënëbi ðek okëreceñ ok.

⁵Mondako kën rind në end er fenin këñun Kaxanu ýañ gër orën do kën yarënd eñ. Er kën yarënd ijo, elod gër ýanar wël kën paß gë Atëfëtan and ex eyey'an ed ðal añ.

⁶Atëfëtan año ðatëlik gër ndewën do ang këbi nëngwëtënd bela bën gër ed ex yo gër ngwën ro xali këni ýëmbërend bër wák bën, mondako këñun nëngwëtënd do kën ýëmbërend wën bëte elod yatir wël kën do nang kën enim oyekax or Kaxanu ol.

⁷Ax gi ex na nde Epafëras sëyalira këñun? Mëñ ga hik wa icandawën indebi ind ex pëlôt gër yomb irebi in, do ar ex ariyenin ar Kërisët ar mokwëta an.

⁸Afelati felati këbo end añana and yël këñun Angoc Amënëk eñ.

⁹Mëñ ex, biyi bëte din këmun şalenënd elod yatir wël këmi eño. Axara këmo xarand Kaxanu en ñëm gë Angoc andexëm and kë yëlënd orenik ol ðek, en nangaxën oñandi odexëm ok.

¹⁰Do mondako kën liyaxën ang këno ýapanënd Axwën ak, sam en dind din benjekax bend këno ýandind beñ. Iyo axara këmo xarand eñun nëngwët en dixënënd bandixa banjekax band ex yo, do eno nangaxën nëmëc Kaxanu.

¹¹Axara këmo xarand bëte Kaxanu eñun yël panga itëm indexëm in, en cotaxën enjaran end gë ojañ endexëm eñ gër ekwëta ed xwëta këno do en bujaxënënd ang këñun ýëka yo, gë onënga fo.

¹²Awa cëkwayindëno Faba Kaxanu, mëñ ar sana këñun en gi şëf gër bër kë şot er fenin këbi bëwënëk gër angoben andexëm bën.

¹³Mëñ racët këbo gër mbëña ind ecamëdan do wëla këbo gër owun or Asëñiñ ir ex pëlôt gër yomb irexëm.

14 Ga bar këne gë Asëñiĩw şotaxën këne Apexa aņ, gë eteban ed beñeņenax bendebi el.

End ola or Kërisët eņ

15 Kërisët ex eñaĩ end Kaxanu eņ, eñaĩ end Kaxanu, mëņ ar bayik anëņo watënde na an. Mëņ ex Asëñiĩw ar Kaxanu ar hik đamana exo dixën beỹ dek an.

16 Gayikwa gë mëņ ri ko Kaxanu dek beỹ bën gër orën do gër ebar, bebër wat-wat bën do gë bebër watërëxe bën, dek bangoc band wunëk baņ, gë bakeỹax baņ do gë dek band bayik baņ. Dek beỹ bën ri ko Kaxanu pađ gë Asëñiĩw do exo kwën Asëñiĩw.

17 Mëņ hik đamana ex gixën beỹ dek, mëņ kë barënd do kë lëkayand dek beỹ bën.

18 Mëņ ex gaf ir eman in, mēne ngëņ emun end Amara aņ. Gër ndexëm ýanak anıyan aņ, Mëņ ex aýanar ar xanik gër ecēs an, exo gixën aýanar gër beỹ dek.

19 Kaxanu wa ýandi baņo ola orexëm ol dek ex gi gër Asëñiĩw.

20 Do pađ gë mëņ ýandi këņo exo bakaliw angwëlëra and mëņ gë beỹ dek aņ, gë angwëlëra and mëņ gë bebër ex gër ebar aņ, do gë angwëlëra and gë bebër ex gër orën aņ pađ gë oşat or Asëñiĩw or şarëk gër kërëwa oņ.

21 Wën cëņ, akarëk aņ anëka hi ban bëliyer do bërangoỹëra and gë Kaxanu pađ gë banjëlän bañeņenax baņ do gë bandixa bañeņenax bandewën baņ.

22 Barikan gërëgako angwëlëra and wën gë Kaxanu aņ bakawëk pađ ecēs ed Asëñiĩw el, en gixën bëwënëk, bëyekax do bër gë end kënëbi nëp këm gër ogës odexëm.

23 Mondako kë hi angëmëne abayi bayi kën ga lëg kën gër ekwëta edexëm, cenarëxe do tebërëxe eyar ed er kë yëlënd Atëfëtan el. Atëfëtan aņo wël kën, afem këni femënd gër ed yo gër ebar ro. Wëno Pol, Kaxanu fana ke me gi ariyenin arexëm.

End andiyen and Pol eņ

24 Anëngandëra ke nëngandërand gërëgako ga këme sorond në endewën na gër eman endam. Me řata mondako toro ind soro ko Kërisët në end Amara andexëm iņ.

25 Wëno ariyenin ar Amara hi këme. Kaxanu fana ke në endewën na me nangëanaxën dek eyey'an edexëm el.

26 End er şon babi Kaxanu bela bën elod akarëk eņ, ang bëtëraraw këni bandëwëra ak këme rend. Gërëgako wa wşasin këbi bëwënëk bërëxëm bën.

27 Wën bër ax gi ex na Bëşëwif bën ýandi baņo Kaxanu eņun masin ekëbëanaxik end şon baxo eņ mēne ngëņ: Kërisët exo đëg gër ola orewën, en cotaxën enjaran end kën yarënd eņ.

²⁸End Kërisët ijo eñ kemi femërand eni wëlëraxën dek bela bën. Anangën këmëni nangënënd, do asëy'ali këmëni sëy'alind gë orenik orebi ol dek eni ñatënaxën oñwënëk ol, and këni bar gë Kërisët añ.

²⁹Wëno në eño këme xemënaxënënd gër andiyen gë panga ind ke yëlënd Kërisët do kë riyenind gër ola oram inç.

Bëkolos 2

¹Añandi ñandi ke, enimin en nang okaxër otëm ond këme xaxërënd në endewën oñ, në end okëreceñ od gër Lawodise do në end dek bër bayik elod ax wat ex na dëxas iram ok.

²Er këme şaland en kemëna, eñun bar añana añ, en dëkër mbañ, do eñun cëdëtara aye gër onden ondewën, en nangaxën ola or Kërisët or şon baxo Kaxanu ol.

³Gër ola or Kërisët şonayak dek napul ir orenik do gë onangëran in.

⁴Eño këmun nangënënd mëñ bayik ala añun yifa na gë eyey'an enëngax.

⁵Ado bayik ane watënd na, axetëna xetëna këmun gë onden ondam oñ, awat këme watënd gë onënga fo ang kën wëlërend şenene ak, do ang xem kën gër ekwëta ed xwëta këno Kërisëtak.

End ola or Kërisët ol gër bela eñ

⁶Gërëgako ga wã kën ako end Axwën Yesu Kërisët eñ, dıyayindën şenene ga bar kën ako gë mëñ.

⁷Kaxanu rëd këñun gër ndexëm ang atëx and gë odëmbët otiwax fo do në ebañ eñun ang amëñ and aciw fo. Awa kemënayin gër ekwëta ang sëy'ali kënun ak do cëkwayindëno mbañ.

⁸Titinayin, ala këreñun tëra na gë osëy'ali or bapela band orenik or gë njifa do gë ofëcak këm, xarak bënd rëpën këni bela fo ex, bënd gër ngwën ro fo ex, ax gi ex na bënd Kërisët.

⁹Ata dek ola or Kaxanu ol gër Kërisët ex xali gër eman endexëm.

¹⁰Do wën ga bar kën gë mëñ şotëraxën kën dek beñ bën. Mëñ wa wëña këbi dek dek bangoc band këbi wëñand bela bañ, do gë bakeyax bañ do gë dek band bayik bañ.

¹¹Ga bar kën gë Kërisët xacaxën kënun bëte oxac or ko xacënd ol, ax gi ex na or ri këni bela. Er wacayak mëne anëka rëxët ko oñandi od eman od bañun lënanënd eñëñëx ok.

¹²Do xobuyi or buyi kënun ol wätinalik mëne wën anëka şës kën do wëg kënun gë Kërisët. Bëte anëka xani kën gër ecës andamat gë mëñ, ga xwëta kën er ri ko Kaxanu ga xanin këño gër ecës gë panga indexëm inç.

¹³Wën anëka nemi ban në end bamena bandewën gayik axo dëxët bana pere oñandi oñëjënax odewën ok. Barikan gërëgako axanin xanin këñun gër ecës andamat gë Kërisët. Aseban seban këbo dek bamena bandebi bañ.

¹⁴Kërisët, and šës ko gër kërëwa, afëxwëc fëxwëc ko dek oñëgw od babo lëxwënd paß gë bapela band Kaxanu ok, ax bo ex na ga këbo šëndëñënd.

¹⁵Mondako šudëtëra këbi owun ol dek bangoc band këbi wëñand bela bañ, do gë dek baķeyax bañ. And šës ko Yesu gër kërëwa añ, poyoma fëlët këbi enëbi watëra bela dek gër enga end bër xor këbi.

¹⁶Mëñ ex elod yatijo, ax ñap ex na eñun nëpënd ala në end er kën yambënd, në end er kën šëbënd, në end ofëna, në end epëb ed akey and kë fëñëgund facaw, do gë akey and eteyëta.

¹⁷Beño dek eñaw end Kërisët ir bax yowënd fo bax damana exo ñatëgu.

¹⁸Bër kë rend motoroli ex eman bën, mocale exëni omeleka ok, kërenëbi tebënd na enun nëp. Bëjo ašëkwër këni šëkwërend në end odakeli odebën, afufënara këni fufënarand në end banjëlän bandebën, xarak band bela fo ex, ofëcak ax gi ex na.

¹⁹Bela bëjo ano cosa ex na Kërisët, mëñ ar ex gaf ir eman end kë rafënd ga šosarëk owal ok, gë bangën bañ, do gë ocom an. Kido mondako hi bax araf doni rafënd gë edaf ed kë xaniwënd gër Kaxanu el.

End aniyan and gë Kërisët eñ

²⁰Angëmëne ašës šës kën gë Kërisët gër bapela band bër gër ngwën ro, ine cëñ kën bakaxënënd gër mbëña ind bacariya band gër ngwën ro, nangëde në end bend gër ngwën ro kën liyaxënënd?

²¹Inecëñ kën wëxënënd enun pel: ax gi ex na momed, ax gi ex na motëyi, ax gi ex na monëk...?

²²Beño dek ado ga šëbak doro, ayep kë yep ecan; bapela do gë osëyalı or bela fo ex.

²³Dal ex mëne beño nangëde orenik fo ex ga kë rend mopëb ex bapela band cale bañ, mo manaya ex do mo toroli ex eman eñ. Beño bend këño nënganënd eman fo ex, ofëcak ax gi ex na.

Bëkolos 3

¹Awa angëmëne axani xani kën gër ecës gë Kërisët, calayindën bend yañ gër orën beñ, bend gër ed yëpa ko Kërisët gand liw ir Kaxanu beñ.

²Balindëleñun bend er hik yañ gër orën beñ, këreñun balënd na bend gër ebar ro beñ.

³Wën anëka šës kën do aniyan andewën añ anëka šon ko Kaxanu gër Kërisët.

⁴Enimin, Kërisët ex aniyän andewën aŋ do and ko ŝanayaw aŋ, wën bëte aŝanaya kën ŝanaya gë mëŋ gër enjaran endexëm.

End ola oxarëk paß gë oxaŝax eŋ

⁵Awa daŵin er wërëk gër ebar ro in: asëk alakirand fo in, obuyaraxik ol, eŋan ed becëfëanaxik el, oñandi oñëŋëanax ok, do gë aŋana and kodï and ex andamat gë ekëla ed olaŝ aŋ.

⁶Në end bamena baŋo këbi xitixën Kaxanu bela bër këŋo wëŝenënd bën.

⁷Ata wën gër bamena baŋo yëlaya ban ðe akarëk aŋ, and ban liyand mondako aŋ.

⁸Barikan gërëgako, ðapin caw ðek beŋo: oxoÿ ol, owër ol, emer el, odena ok. Ado becëfëanaxik beŋ kërex canënënd na gër etëÿ edewën.

⁹Ax gi na monëgwëŝandër. Wën anëka ŝudëta kën ola oxarëk ol do gë bebër wër baŋun akarëk bën.

¹⁰Anëka ŝuda kën ola oxaŝax ol, anëka hi kën bela bëxaŝax, en cotaxën eñaŵ end Kaxanu eŋ, mëŋ ar necëtëgu këŋun gër aniyän an.

¹¹Epitëndër ax bo ex na: Aŝewif ax gi ex, Agërek ax gi ex na; axacëxac gi ex na, axacërëx ax gi ex na; Abapuÿ gi ex na, Asit ax gi ex na; xadëp ax gi ex na, ar gi ex na ax gi ex na. Barikan anëka hi kën wën ðek arabat: Kërisët ex ðek do gër wën ðek.

¹²Awa gayikako Kaxanu sana këŋun en gi bëwënëk do bër ðan këbi, canayayindëlex gër ola orewën: axaÿënan in, gë oyekax ol, gë ebanan el, gë onënga ol, gë ebuŋa el.

¹³Buŋarindën andewën rewën aŋ do tebandëringdën. Angëmëne ala eŋo menan aŝandaŵ, tebanëleŋo ang këŋun sebanënd Axwën Yesu ak wën bëte.

¹⁴Er ÿapëk en balëkënalind nëmëc in ex, eŋun balërënd. Ebalër el këŋun bar en gixën enimin bëwënëk.

¹⁵Obetak or Kërisët or waceli këŋun Kaxanu en gixën eman emat ol, këñël ex gër oÿëkw orewën. Cëkwayindëno din Kaxanu!

¹⁶Eyey'an ed Kërisët el, gë oxëbën orexëm ol ðek, ñëmëlex gër oÿëkw orewën. Tëÿ'alirindën do pelëringdën gë ðek orenik ol, gë oyekax ol paß, gë Ocalemonëw ok, ojëkan od cale ok, gë od këno yasaxënënde Kaxanu ok, od këŋun yëlënd Angoc Amënek ok. Yasindëno gë emëkw el ðek në end oyekax or rin këŋun.

¹⁷Er kën rind yo, hik eyey'an, hik andiyen, diyindën në end oÿac or Axwën Yesu. Cëkwayindëno Faba Kaxanu paß gë mëŋ.

End ekun eŋ

¹⁸Wën bësoxari bën, baxëtindën end bëcën bëndewën eŋ, ang ÿapëk eni dind bër bar këni gë Axwën ak bën.

¹⁹Wěj asošan an, ŋanëlo alindax do këreyëŋo masinënd na owër.

²⁰Wën obaš ol, baxëtindën gër beŷ dek end bëxarëk bërewën eŋ gayik eŋo këŋo nënganënd Axwën an.

²¹Wën opaba ok, kërenëbi cëndënënd na obaš orewën ol këdi këbi šena.

End okadëp do gë bëxwën eŋ

²²Wën okadëp ok, diyindën dek er kënun felënd bër xwënëk beman bendewën in. Baxëtindën xarak ax gi ex na nand kënun watënd fo nangëde bela nangëde kënebi riyeninënd. Baxëtindën gë emëkw epešax, yëdayindëno Axwën an.

²³Er kën rind yo, diyindën gë emëkw el dek. Axwën an këno rinënd, ax gi ex na bela.

²⁴Ga nang ako mëne Axwën afupa këŋun fupa gë er fenin këŋun in. Diyeninino ang okadëp od ar ex enimin Axwën do Kërisët an.

²⁵Gayikwa ar kë rind betëmbak an, acosa and betëmbak aŋ ko xana: epitëndër ax gi ex na.

Bëkolos 4

¹Awa wën bëxwën bën, dinindënëbi gwër fo bend šenene beŋ okadëp odewën ok. Nangin mëne wën bëte gë Axwën hi kën y'aŋ gër orën.

End apela bapelatar baŋ do gë epelar el

²Wën dek kemënayin gër cale key yo key, perënayin do cëkwayindëno Kaxanu.

³Karanindënëbo bëte gër Kaxanu, ebo përetëanaxën ebët ed mi pemaxënënd eyey'an edexëm el, do mi dey'araxënënd end šonayak gër Kërisët end fëraxën këne eŋ.

⁴Calenindëne wëno mëŋ këme y'ana me yey'anënd end šonayak eŋo ang y'apëk me yey'anënd ak.

⁵Diyayindën gë onden oŋ mërëxand ir bër ax gi ex na okëreceŋ. Nand kën šot amëd and en di enjekax na, diyin enjekax eŋo.

⁶Eyey'an edewën el giyindëlex din ed gë oyekax, ed lamb këni gë ongal. Nangindën ang y'apëk eno yakand ala kala ak.

⁷Awa end Tišik eŋ cëŋ, mëŋ ar ex gër Axwën imaŷe ind pëlöt gër yomb an, mëŋ ar mokwëta an, icandawën ind gër oxadëp in, dek këŋun felërax endam eŋ.

⁸Mama dëŋ lawënëli këmo en nangaxën er hi këbo in, do eŋun kemëanaxën gër onden.

⁹Gë Onesim, imaŷe ind pëlöt gër yomb in, ind mokwëta in, këmëni lawënëlinde; mëŋ ar ex arewën an, afelëra këŋun felërax dek er xucak ro in.

- 10** Awa Arisëtarëk, andepëra acandaŵën aŋ, këŋun šëmand. Ašëma këŋun šëmand bëte Marëk, imaŷe ind Barë nabas iŋ. Endexëm eŋ fel këmun mëne and ko ĥatëli gër ndewën aŋ, mëlayayidëno aye .
- 11** Bëte Yesu, ar nëngwët këno Yusëtos an, ašëma këŋun šëmand. Gër Bëšëwif, bën bësas bëjo fo ex, bër ke rëcarand gër andiyen and enangën ed bela owun or Kaxanu el. Bën mbaŋ xemën këne wëno.
- 12** Epafëras arewën an, ašëma këŋun šëmand, xadëp ir Yesu Kërisët hi ko. Ata mokemëna xemëna ko ecalen edewën el en gixën bëwënëk, eŋun pënixënënd šenene đek er ŷandi këŋo Kaxanu in do en bayixën gër fëna ir sëf kë.
- 13** Wëno kë rey and osede or mëne mbaŋ ko sëwënd në endewën na, në end okëreceŋ od gër Lawodise na, do në end od gër Hiyerapolis na.
- 14** Demas, gë Luk axora ar ke balënd mbaŋ an, ašëma kënun šëmand bëte.
- 15** Cëmayinëbi bëmaŷe bënd gër Lawodise bëŋ. Cëmayino Niŋëfa do gë bër gër Amara and hik gër iciw̃ indexëm bën.
- 16** And kë fën kayëta ijo ro na gër ndewën aŋ, diyidën đek er kë xor in eni pënaxën bëte bër gër Amara and gër Lawodise bën. Wën bëte pëniyidën kayëta iram ir kë xaniw gër Lawodise in.
- 17** Pelino Arëšip exo mëlaya do exo dind aye andiyen and xwëtënan këŋo Axwën aŋ, mëŋ ko ĥataxën šenene.
- 18** Ata wëno Pol dëŋ këŋun šëmalind do këme ŷëgwënd gë andam dëŋ. Kwitayindën mëne wëno gër epëra hi këme. Awa yëlëleŋun Kaxanu oyekax ol!

1 Bëtesalonik

1 Bëtesalonik 1

Ecëmar el

¹Wëno Pol, gë Silas, do gë Timote këñun ÿëgwënëlin. Ašëma këmun šëmand wën bër gër Amara and Yesu Kërisët and Bëtesalonik bën. Wën bër xwën kënun Faba Kaxanu do gë Axwën Kërisët bën, cotiyin oyekax ol do gë obetak ol.

Ekwëta ed okëreceñ od gër Tesalonik el

²Endewën cëñ, biyi din këmo šëkwand Kaxanu do këmun xaranënd lañ wën ðek gër cale indebi.

³Enimin, and këmo šalend Faba Kaxanu añ axwita këmun xwitand në end ðek bebër kën rind ga xwëta këno Axwën Yesu Kërisët, në end ga ðan këno do xemëna kën gër eyar ed akey andexëm.

⁴Bëmaÿe, anang nang këmi mëne Kaxanu añan ðan këñun do mëñ sana këñun.

⁵Atëfëtan and ðal and wëlanëli këmun añ, aña wa kën ga rëca këñun Angoc Amënëk añ gë panga indexëm in, ax gi ex na gë eyey'an el fo. Do wën awat wat kënebo biyi ang bami liyand gër ndewën ak xali nang kën mëne oyekax orewën ex.

⁶Do wën dëñ asëfëтели sëfëтели kënebo biyi do gë Axwën an ga wa kën eyey'an ed Kaxanu el, gë onënga or këñun yëlënd Angoc Amënëk ol ado ga ban sorond amëd año.

⁷Mondako hixën kën bër motëfëтели gër ogës od ðek bërëwak end Yesu gër ebar ed Masedëwan do gër ed Akayi.

⁸Gayikwa eyey'an ed Axwën el na gër ndewën wëlik pere ðek ebar ed Masedëwan el, ado ax gi ex na gër Masedëwan fo, barikan xali gër ed Akayi wëlik. Ekwëta ed xwëta këno Kaxanu el, gër ed ex yo nangëra këni, xali biyi ÿoweÿ ami baš na.

⁹Bela bën ðek kë rey'and mëne ang ÿapëk eno ðëkayand aliyer ak lëkaya banëbo biyi. Areÿa këni rey'and bëte mëne aseb seb kën olaš oñ eno calexënënd Kaxanu do eno diyeninaxën ang okadëp fo, Kaxanu mëñ ar kë yëlënd aniyän do hi ko ðal an.

¹⁰Wën ašëni këno šëninind Yesu, Ašëniw arexëm ar xanin këño gër ecës an. Mëñ kë xaniw gër orën ebo dacët gër kiti ind kë ÿowënd.

1 Bëtesalonik 2

End andiyen and Pol añ gër Tesalonik eñ

¹Enimin bëmaÿe, wën dëñ aye nang kën ekwëtaya ed xwëtaya banëbo and ÿeli bami el, ax gi ex na gë ofëcak kë gër ndewën.

- ²Ang nang kën ak, asoro soro këmi gayik arixëra rixëra kënëbo gër angol and Filip. Barikan, në end ga xwëta këmo Kaxanu xemënaxën bami mun nangënaxën Atëfëtan andexëm aṅ, ado ga bani hëpënd bërëmar na gër ndewën.
- ³Do and bamun felënd en kemëna gër ekwëta ed Kaxanu aṅ, er bami rend in ax gi bana enambeli, ax gi bana obuyaraxik, bëte ax gi bana osit.
- ⁴Barikan gayikako Kaxanu ri babo atëy xali wat ko mëne aṅap ṽapëk ebo kwëtënan Atëfëtan aṅ, biyi ayeṽan këmi yey'anënd ang këṅo nëngan Kaxanu, mëṅ ar watënd er gër oṽëkw ak, ami yey'anënd na ang këbi nëngan bela ak.
- ⁵Enimin, aye nang kën mëne elod amo pel ex na ala bënd këṅo nëngan fo. Bëte Kaxanu ex sede iram in mëne elod amo pel ex na ala end këṅo nëngan ebo yëlaxën kodi.
- ⁶Biyi ami caland na enëbo cëkwënd bela: ax gi ex na wën, ax gi ex na bela bëšëxe.
- ⁷Gayikako oparëxanda od Kërisët hi këmi, axor xor domi mun nëṽali enëbo yëlërand. Barikan abana bana këmi mërëxand irewën. Er babo balënd endewën eṅ ang këṅo balënd asoxari obaš orexëm or këbi lëband fo.
- ⁸Ex canayaxën ang këbo balënd endewën ak, aṽandi ṽandi dobo mun yël aniyen andebi aṅo dëṅ gayik mbaṅ ṽërër këne, ax gi ex na mun nangën Atëfëtan and Kaxanu aṅ fo.
- ⁹Bëmaṽe, yëla këme axwita kën xwitand andiyen andebi aṅ, do gë toro indebi iṅ: ga bami riyenind ciš wec, ga ṽandi babo gabatak kërexo cëndën na fën gër ndewën edëba edebi el. Mondako nangënaxën këmun Atëfëtan and Kaxanu aṅ.
- ¹⁰Wën do gë Kaxanu ex otede odebi ok mëne biyi ang bami liyand ak aṽën ṽënëk, šenene ex do gë end kënëbo nëp këm ex gër ogës od wën bërëṽak.
- ¹¹Bëte anang nang kën mëne biyi er ṽëlaya bamun ala kala ang këbi ṽëlayand sëm in obaš orexëm ak.
- ¹²Afel bamun felënd en kapinand do en kemënan. Axara bamun xarand bëte en dīyand šenene, ang këṅo ṽapanënd Kaxanu ak, mëṅ ar këṅun ṽacelind owun orexëm do gë enjaran endexëm an.
- ¹³Awa mëṅ ex, biyi laṅ këmo šëkwand Kaxanu ga ṽa kën eyey'an edexëm ed sëfëtan këmun el. Enimin eyey'an ed Kaxanu dëṅ ex, mëṅ këṅun nëngwëtaxënënd wën bërëṽak bën, ax gi ex na eyey'an ed ala.
- ¹⁴Dal ex bëmaṽe, end hi këbi bër ṽak end Yesu Kërisët gër Bamara band Kaxanu band ex gër ebar ed Yude eṅ, eṅo fo hi këṅun wën bëte. Mëṅ kën soroxënënd gër otaxan od bër hi kën ebar ebat bën, ang soro këni bën bëte gër otaxan od Bëyude ak.

¹⁵Bën lawëra këbi bëlawënel bën, bën fo bëte law këno Axwën Yesu, do bën fo rixëra këbo. Er hi këni bërangoyëra and gë bela dek do endebën eñ Kaxanu año nënganënd na.

¹⁶Bën këbo šëbanënd mi pemëra Atëfëtan and Kaxanu añ gër bër ax gi ex na Bëšëwif këdi këni fex, ata mondako këni bašënd bamena bandebën bañ. Barikan aňatën ĥatën këbi oxoy or Kaxanu ol.

End oňandi od Pol eñ

¹⁷Endebi eñ cëñ bëmaýe, beman beñ fo ĥawëta këñun imëd, ax gi ex na owëkw oñ. Dek nëkan këbo ene watëre gayik mbañ ýandi këbo ene kofëtare, axacëra xacëra këbo gë oxor ol.

¹⁸Biyi bakëlëbëd bandanjëm xacëra këbo mun nëngali ado dek dek in wëno Pol, barikan Sindan wedili këbo.

¹⁹Awa enimin, në end nobën këmi yaraxënënd mëne Kaxanu ašos këbo šos? Në end nobën këbo nëngandëraxëneď yatir ko bakaw Yesu, Axwën arebi an? Ax gi ex na nde në endewën?

²⁰Iyo wën ex enjaran endebi eñ, wën ex onënga orebi ol.

1 Bëtesalonik 3

¹Bëte ga sëkwëra këmi ošëni ol, xetan këbo mi bayi mondako dëñ na gër Angol and Aten.

²Ata lawëneli këmo imaýe indebi iñ Timote, ar xel këmi andiyen and Kaxanu, epemëra ed Atëfëtan and Kërisët an. Eñun dëcara do eñun kemën gër ekwëta yeli ko

³mëñ bayik gabatak año cena na në end toro ind këne soronde gërëgako iño. Enimin, wën dëñ anang nang kën mëne toro iño, afo ebo gi.

⁴And hi bami fën gër ndewën añ, afel bamun felënd gana-gana fo mëne mbañ këne soroye. Do ax gi ex na nde mondako dëñ hik ang nang kën ak?

⁵Mëñ ex, ga bayitëraxën ke endewën eñ lawëanaxëneli bamo Timote exo nangëgu ba ga xwëta këno Kërisët bayi kën gayik ayëda këme yëdand ba anëka yifa këñun šabucara in do andiyen andëbi añ dek ex gi and gë ofëcak këm.

⁶Barikan ecede ĥatëgu ko Timote ga hiw ko gër ndewën. Benjekax fo felati këbo endewën eñ, mëne ga xwëta këno Kërisët do ga këñun balërend bayi kën. Xali doro, benjekax fo kën xwitand endebi eñ. Anangënati nangënati këbo mëne mbañ xofi këñun ang xofi këbo biyi bëte wën ak.

⁷Bëmaýe, ado ga šëmura këbo do këmi sorond, mondako dëñ xemëna këmi gër ekwëta gayik awël wël këmi ang xemëna kën wën ak.

⁸Gërëgako, aliya këmi liyand, gayikako wën axemëna xemëna kën gër etëf ed Axwën.

⁹Awa biyi axor këmi xor mo cëkwa Kaxanu ang ÿapëk ak end ðek benjekax bend rin këñun eñ do gë onënga or yël kënëbo gër lëngw irexëm ol.

¹⁰Ciș wec këmo xarand Kaxanu ebo yël fëña ir mi y'elixënëli, ene kofëtare do mun natan ðek bend ÿapëk en nang beñ en kemaxën nëmëc gër ekwëta ed xwëta këno Kërisët.

¹¹Awa Kaxanu, mëñ ar ex Faba irebi an dëñ do gë Yesu Axwën arebi an, nacanëlenëbo fëña ir këbo wëlali xali gër ndewën in.

¹²Axwën an, dëcaleñun eñun balërënd nëmëc andewën rewën añ do eñun balënd end bela ðek ang këbo balënd biyi bëte endewën ak.

¹³Kemënëlexo ekwëta ed ex gër oñëkw orewën el, do ola orewën ol ex gi oñënëk, or šenene gër lëngw ir Kaxanu, Faba irebi, xali yatir këni bakaw Yesu, Axwën arebi an do gë ðek bëwënëk bërexëm bën. Amen.

1 Bëtesalonik 4

End oñënëk eñ

¹Bëmañe, end këme xor me de me ntaxën eñ ex mun kara gër oñac or Axwën Yesu, en kemëna en ðiyand ang sëy'ali këmun ak, eño nënganaxënënd Kaxanu endewën eñ. Ata wën mondako dëñ kën liyand, awa kemënayin en bayi gër eño!

²Enimin, biyi anangën nangën këmun ang re ko Axwën Yesu ÿapëk en ðiyand ak.

³Oñandi od Kaxanu ok ex en yëlaya gër oñënëk, mëñ ex kwëñëtayin asëk alakirand fo in.

⁴Ang hi kën ak, ala kala nangëlexo emëlaya ed asoxari gër oñënëk do gër epëbër el.

⁵Këren tëfënd na oñandi otëmbak od eman ok, ang këni rind bela bër benëng becëxe bër bayik año nang ex na Kaxanu bën.

⁶Awël nde, gër beño ala këreño y'amba na imañe indexëm in, ala këreño menan na. Axwën an cëñ, anëp ko nëpënd ðe në end ðek betëmbak bendako rako beñ ang fel këmun do xënënan këmun ak.

⁷Gayikwa Kaxanu wac këbo gër oñënëk, ax gi ex na ene ðiyande gër obuyaraxik.

⁸Awa ar kë hëp bapela baño an, ax gi ex na end ala hëp ko. End Kaxanu wa hëp ko xarak mëñ këñun yëlënd Angoc Amënëk añ.

⁹End eñun balërënd gër aminëmëra eñ cëñ, ax gi ex na end kën šala enun ñëgwënëli. Osëy'ali or Kaxanu ol mëñ dëñ këñun wasinënd mëne añap ÿapëk eñun balërënd andewën rewën añ.

¹⁰Mondako kënëbi rinënd dek bëmaÿe bëñ, ebar ed Masedëwan el dek. Awa bëmaÿe, axara xara këmün kemënayin en dind nëmëc mondako dëñ!

¹¹Kemënayin mbañ en ñiyand gër aketëxeta, ala kala balëkënalindëlexo bendexëm bëñ, do diyenindën gë andewën dëñ en cotëraxën ang bamun felënd ak.

¹²Angëmëne mondako kën liyand, ata kënün fëb bër ax gi ex na okëreceñ bën, do an gi na bër mondëcara fo.

End bërëwāk bësësək eñ

¹³Bëmaÿe, end bërëwāk do këbi raşënd gër ecës eñ, abo ñandi ex na en bayi nangërëxe këdi kën şaminara ang bësëxen ak, ang bër gë er këni yarënd këm ak.

¹⁴Enimin, gayikako aŵa ŵa këne mène Yesu aşës dëñ şës baxo do axani xani ko gër ecës, awa mane mène Kaxanu axanin këbi xanin bëte bërëwāk bën, ado ebi daşënd gër ecës, eni gixën gë Yesu.

¹⁵Awa baxëtün er këmün felënd in, eyey'an ed Axwën Yesu ex de: bërëwāk bër këbi raşënd gër ecës bën kë hatët gër apedëraya, gë biyi bër këne bayiye bëbëngw xali yatir ko bakaw Kërisët bën, ado gë təkër ak anëbe cand ex na.

¹⁶Gayikwa, Axwën Yesu dëñ këbo nangën mène yatijo ex akey andexëm añ. Awa awël këne wële bëte oniŵ or alëngw ar omeleka an do gë ofarix or kereloñ ir Kaxanu ol. Ata Axwën an exo cëlaw elod gër orën do eni kanira pere bërëwāk end Kërisët bër këbi raşënd gër ecës bën.

¹⁷Ata biyi bër këne bayiye bëbëngw bën, ene cëge andamat gë bën gër bañar, gër ekaca ed Axwën gër anguxar and gër ed ex ekoc. Do mondako këne bare din ir din gë Axwën an.

¹⁸Awa kemëndëringdën andewën rewën añ gë eyey'an elo.

1 Bëtesalonik 5

End omakaw ond Axwën eñ

¹Bëmaÿe, end akey do gë apëxëd and ko bakaw Axwën eñ, ax gi ex na er kën şala enun ñëgwënëli.

²Enimin, wën dëñ anang nang kën mène yatir ko bakaw Axwën Yesu, ang arek ar kë sisand gëmëd fo ko yow.

³And këni ÿana eni dend bela: «Dodo anëka şot këne angwëlëra añ do anëka yirëk oŵer oñ!» ata amëd año dëñ këbi fënga kata in bërëxadët, ang këño fëngand ay'ambën asoxari ar orëŵ fo do xali gabatak año pece na.

⁴Bari wën bëmaÿe, an bo ex na de bër ecamëdan eñun nambitaxën ang arek fo akey año.

⁵Wën dek anëka hi kën bër angoben, anëka hi kën bër goyat. Ane bo exe na de bër xwën këbi gëmëd in, ane bo exe ex na bër ecamëdan.

⁶Awa mēŋ ex perēnane, gine bër gē anjus, do kērebo dašēnd na, ang kēbi rašēnd bēšēxen ak.

⁷Bër kēbi rašēnd bēn, gēmēd kēbi rašēnd do bër kēbi ŷawēnd ngoŷ bēn, gēmēd kēbi ŷawēnd.

⁸Barikan biyi bër angoben bēn, gine wa bër gē anjus: gil ex tan angwak andebi aŋ ekwēta ed xwēta kēnēŋone Axwēn Yesu el, do gē ebalēr ed kēbo balērēnd el. Gil ex bēte apexa and kēne yarēnde paḅ gē Yesu Kērisēt aŋ, ekamote edebi el.

⁹Gayikwa Kaxanu fenan kēbo apexa aŋ paḅ gē Yesu Kērisēt, Axwēn arebi an, abo penan ex na oxoŷ.

¹⁰Yesu Kērisēt ga šēs ko wa nē endebi na ene dīyaxēnēnde andamat gē mēŋ: šēs kēne nde, ba bayi kēne bēbēngw nde.

¹¹Awa mondako kēn ŷana en kemēndērēnd andewēn rewēn aŋ. Do bēte ala kala dēcayindēleŋo ašandaŵ exo kem gēr ekwēta ed Kērisēt ang kēn rind laŋ ak.

Bapela bapelatar baŋ

¹²Bēmaŷe, axara xara kēmūn nangiŋ epēb ed bër fana kēbi Axwēn Yesu enun kaḁacēnd do enun pelērand endexēm bēn.

¹³Balindēleŋun mbaŋ endebēn eŋ do ŋaninēbi aye nē end andiyen and kēni rind eŋ. Bēte wēn wēlērindēn andewēn rewēn aŋ.

¹⁴Bēmaŷe, ga re kēmi: pelērayindēnēbi bër kē liyand gē anjus kēm bēn, yifarayindēnēbi bër šaminak bēn, dēcayindēnēbi bër sitarak bēn, buŋarindēn wēn dēk.

¹⁵Awa wēn dēk, ala kala calayindēlexo ebi dinēnd benjekax bošandaŵ, do gē bela bēn dēk. Titinayin, ala kēreŋo mašēnēnd na ašandaŵ eŋēŋēnax end renan kēŋo eŋ.

¹⁶Nēngandērayindēleŋun din,

¹⁷Caleyindēn key yo key,

¹⁸Cēkwayindēno Kaxanu gēr end ex yo. Eŋo kēŋun wēkand en dind gēr aniyān andewēn ga bar kēn ako gē Yesu Kērisēt.

¹⁹Kēren dōmin na xodux or Angoc Amēnēk or hik gēr ndewēn ol,

²⁰Kēren ŷepēnēnd na bend kē xaniwēnd gēr Kaxanu beŋ.

²¹Yixētindēn dēk er kēnun fel yo, kwētayayindēn er yek in.

²²Kwēŷētayayindēn eŋēŋēnax end ex yo.

²³Awa Kaxanu, mēŋ ar xwēnēk obetak an, pitēlexo mēŋ dēŋ ola orewēn ol dēk en gixēn bērexēm fo. Kwētayalexo gēr or šenene angoc aŋ, gē enjēŵ eŋ, do gē eman eŋ, gē end kēni nēp kēm, xali yatir ko bakaw Yesu Kērisēt, Axwēn arebi an!

²⁴Ar w̃ac k̃eṅun an, ar mokw̃eta hi ko: m̃eṅ k̃e h̃ata eṅo.

²⁵B̃emaṅe, calenind̃eñebo biyi b̃ete.

²⁶C̃emayiñebi dek b̃emaṅe b̃eṅ do megarid̃eñ g̃e b̃en ang b̃er ŝañek ac̃el amat fo.

²⁷Axara xara k̃emun g̃e õwac or Axw̃en ol, p̃enid̃eñ kaỹeta ijo ro eni w̃elax̃en dek b̃emaṅe b̃eṅ.

²⁸Yesu K̃eris̃et, Axw̃en arebi an, ỹel̃eleṅun w̃en dek oyekax ol!

2 Bëtesalonik

2 Bëtesalonik 1

Ecëmar el

¹Wëno Pol, gë Silas, do gë Timote këñun ÿëgwënëlin. Ašëma këmun šëmand wën bër gër Amara and Bëtesalonik bën, amara and xwën këni Kaxanu Faba irebi do gë Axwën Yesu Kërisët añ.

²Awa Kaxanu, Faba irebi do gë Axwën Yesu Kërisët, yëlëlenun oyekax ol do gë obetak ol.

End yatir kiti eñ

³Bëmañe, cëkwayindëlemo din Kaxanu endewën eñ. Mondako ÿapëk gayikako ekwëta ed xwëta këno wën el do gë ebalër ed këñun balërënd el anëka dëñ kë rafënd.

⁴Biyi cëñ gë onënga fo këmi rey'arand endewën eñ gër bamara band Kaxanu gayik wën and mokemëna xemëna kën gër ekwëta. Bëte abuña buña kën ado ga rixëra kënun, do soro kën mbañ.

⁵Toro ind kën sorond iño këbo wësinënd mëne Kaxanu šenene ko xitind, do mëne wën bër ÿap këbi en gi gër owun or Kaxanu hi kën. Ata në end owun olo kën soroxënënd.

⁶Enimin Kaxanu end šenene ko ri, awašën këbi wašën toro iñ bër këñun sorënënd gërëgako bën.

⁷Bëte šenene fo ko ri ga racët racët këñun gër toro ene teyëtaxëne wën gë biyi yatir këni šanayaw elod gër orën gë panga iñ, Axwën Yesu do gë omeleka odexëm ok.

⁸Er këni šanayaw gë angodux atëm enëbi nëpaxën bër año nang ex Kaxanu bën, do gë bër hëpëk eni ma end Atëfëtan and Yesu, Axwën arebi bën.

⁹Ata kiti ind ÿap këbi iñ dëñ këbi hatënëgu: lañ këbi ÿana ebi bëlandërand, do eno nacëta din ir din Axwën an, mëñ ar gë panga ind gë enjaran an.

¹⁰Eño kë hi yatir ko bakaw. Ata ašëkw këno ÿana eno cëkwënd bëwënëk bërexëm bën, dek bër wëak endexëm bën ayas këno ÿana eño yasënd. Ahixeli kën hixelid ga wa kën ako end Kërisët eñ and wël kën osede orebi añ.

¹¹Mëñ ex, biyi din këmun šalenënd. Axara këmo xarand Kaxanu, mëñ ar xwën këbo an, eñun dëca eni gi bela bër ÿap këbi aniyand wëaceli këñun añ. Axara këmo xarand bëte eñun dëca gë panga indexëm iñ en koraxënënd en di oyekax or ex yo, do andiyen and gë ekwëta and ex yo.

¹²Ata bela bën në endewën këni šëkwaxën o'wac or Yesu, Axwën arebi ol, do enun pëb wën bëte në endexëm. Mondako kë hi beño dek në end oyekax or Kaxanu do gë Axwën Yesu Kërisët.

2 Bëtesalonik 2

End emêš epelatar eŋ

¹Axara xara këmunn bëmaŷe, end yatir ko bakaw Axwën Yesu Kërisët eŋ do ang këne barëre ler gër ndexëm ak këmunn xarand,

²këreŋun yebuď na aŷand gër onden ondewën. Ado enun pelënd mëne akey and ko bakaw Axwën Yesu aŋ anëka ĥatëguk ba enun pelënd mëne Kaxanu rek, eŋo këreŋun tesënëď na. Bëte ado enun mëlanëli kayëta do eni dend mëne biyi ŷëgwënëli këŋun, eŋo këreŋun tesënëď na.

³Ala këreŋun yifad na gë təkërak. Gayikwa afo ex gi pere beki beŋo: eňanar eŋ, bela bën eno mëšëndëra xali Kaxanu; ekinëm eŋ, exo canayaw Aŷëŋëanax an, ar fab këŋo enemi an.

⁴Aŷañëreli ar Kaxanu an exo do aŷepën ko ŷepënënd đek er këni xëland bela in. Mëŋ ex ar kë yëxw exo ñëpa gër lëngwe gër Aciw and Kaxanu do exo dend Kaxanu hi ko an.

⁵Kwitayin mëne afël bamun felënd eŋo and ŷeli bame gër ndewën aŋ.

⁶Wën aye nang kën er wedi këŋo gërëgako in, barikan ašanaya ko šanaya and kë ĥat akey andexëm aŋ.

⁷Awa anëka ŷanak kë šanayand eňëŋëanax end šonaya bax eŋ. Barikan afo exo dëxëta pere ar këŋo wedind gërëgako an, ex canayaxën kerët.

⁸Amëd aŋo fo ko šanayaw Aŷëŋëanax an, do Axwën Yesu eŋo đaw gë onjën ond kë šanënd gër etëŷ edexëm oŋ, yatir ko bakaw.

⁹Er ko šanayaw Aŷëŋëanax ajo gë panga ind Sindan iŋ đek, exo dind becarax, bananganëme, do gë bërëcaxik bend ex yo ebi yifaxënënd bela bën.

¹⁰Gë đek banjifa band osëmbak baŋ këbi ŷana ebi naŋëtënd bër nambërak bën gayik ani kwëtaya ex na gër oŷëkw aŋana and đal and fexën dobi aŋ.

¹¹Mëŋ ex, Kaxanu këbi laŷëneliw panga ind kë nambelind iŋ eni kwëtaxënënd enëgwëš eŋ.

¹²Ata në eŋo këbi nëpaxën Kaxanu đek bër ĥëpëk eni kwëta đal bën, do bër këbi nënganënd edi ed betëmbak bën.

End apexa eŋ

¹³Biyi cëŋ, end wën bëmaŷe bënd ĥan këŋun Axwën beŋo, aŷap ŷapëk mo cëkwand din Kaxanu. Gayikwa Kaxanu sana këŋun en gi bëŷanar gër apexa, gër oŷënek or ko yëlënd Angoc Amënek ol, do gër ekwëta ed đal.

¹⁴En gixën mondako ŷac këŋun gë Atëfëtan and nangën këmunn aŋ, en cotaxën bëte enjaran end Yesu Kërisët, Axwën arebi eŋ.

¹⁵Awa bëmaÿe, dëkayayin aye do tëfindën laŋ bend sëʕali këmun hik gë etëÿ el, hik gë kayita ir ÿëgwënëli këmun in.

¹⁶Yesu Kërisët, Axwën Arebi an dëŋ, do gë Kaxanu Faba irebi, mëŋ ar hân këbo an, mëŋ ar yël këbo në end oyekax orexëm ene cot ex eyar ejekax do gë ekapina ed din ir din an, yëlëlenun,

¹⁷ojaŵ ok en kemaxën gër oŵëkw gër edi ed enjekax end ex yo do en yeyʕanaxënënd enjekax end ex yo!

2 Bëtesalonik 3

End cale eŋ

¹Bëmaÿe, end këme xor me de me ŋataxën eŋ ex, calenindënëbo biyi ex wëlixën nëmëc eyeyʕan ed Axwën ed këmi femërand el, do eni cëkwaxënënd bela bën ang gër ndewën ak.

²Karayindëno bëte Kaxanu ebo dacët gër otaxan od bela bëxeÿax do bëÿëŋëxax, gayikwa ax gi ex na dëk fo šot këni ekwëta el.

³Axwën an cëŋ mokwëta hi ko. Axemën këŋun xemën do axaxa këŋun xaxa eŋun bešaxën Aÿëŋëxax an.

⁴Ga bar këmi gë Axwën an fënixën këbo mëne wën në edi en, do ari kën ri bëte er këmun felënd in.

⁵Axwën an wërëšëtëlexo oŵëkw orewën oŋ gand aŋana and Kaxanu do gër ebuŋa ed ko yëlënd.

End andiyen eŋ

⁶Ga re këmi bëmaÿe, gër oŵac or Axwën Yesu Kërisët, nacëtayino imaÿe indewën ikwëlaraxik iŋ xarak ax gi ex na ang sëʕali këmun biyi ak.

⁷Wën dëŋ anang nang kën ang ÿapëk enëbo tëfëtelind ak gayik ami kwënda bana oxwëlar and hi bami gër ndewën aŋ.

⁸Ciš wec bami riyenind këdi ko soro ala edëba edebi el xarak ami tëŵ ex na gë andebi dëŋ mi ʕambëraxën.

⁹Biyi dëŋ ÿandi babo mi dıyand mondako enëbo tëfëtelixënënd xarak enimin aÿap ÿapëk enëbo dëband.

¹⁰Enimin, and hi bami gër ndewën aŋ, afel bamun felënd: «Angëmëne ala eŋo keyʕ andiyen aŋ, awa kërexo ʕambërand na.»

¹¹Xarak anangati nangati këmi mëne na gër ndewën bërëmar bëxwëlaraxik exëni, ÿoweÿ ani dind na ang ax gi ex na edılaya ed gër bend aŋi paŋ ex na el.

¹²Ata bëjo këmëni rend de, gër oŵac or Axwën Yesu Kërisët, xara këmëni: diyenindëlexëni ang ÿapëk ak eni cotaxën eyʕamb ed sëŵ këni gë andebën dëŋ el.

¹³Wën cëŋ bëmaÿe, këren tëkwëra na edi ed ang ÿapëk el.

¹⁴Do angëmëne ala exëna ar ðëpëk er ÿëgw këmi gër kayëta ijo ro an, tisino aye, do këreno barad na eŋo cëfënanaxën.

¹⁵Pelërayino ang imaÿe indewën fo, bari këreno nacëta na ang arangoÿëra andewën fo.

Ofelar ol

¹⁶Axwën an, mëŋ ar gë obetak an, yëlëleŋun mëŋ dëŋ obetak ol, nand ex yo, do ang ex yo! Awa Axwën an gilexo gë wën dek.

¹⁷Ofelar ol cëŋ, wëno Pol ÿëgwëlik gë ataxan andam aŋ dëŋ. Mondako këme ðatand dek okayëta band këme ÿëgwënd baŋ.

¹⁸Yesu Kërisët, Axwën arebi an, yëlëleŋun wën dek oyekax ol!

1 Timote

1 Timote 1

Ecëmar el

¹Wëno Pol kë ÿëgwëlinde kayëta ijo ro. Parëxanda ir Yesu Kërisët hi këme ang re këni Kaxanu, mëñ ar fexën këbo an, do gë Kërisët, ar këneño yarënde an.

²Wëj Timote këmi ÿëgwënelind, wëj ar hik enim asëñiwën ga bar ke ako ekwëta edebat. Awa Faba Kaxanu do gë Yesu Kërisët Axwën arebi an, yëlëleni oyekax ol, axaÿënan in do gë obetak ol!

End bësëyali bënëgwëš eñ

³Në ekwitan emi end fel bami damana me y'exën gër ebar ed Masedëwan eñ mëne ey' bayi na gër Angol and Efes do eyëbi dexërand bërëmar eni teb osëy'ali or benëgwëš ol.

⁴Pelindëbi eni teb ebalëkënali ed bendacan el, do gë end omac or gër bandëwëra band këni rey'arand gë eñata këm eñ. Beño ecampëre fo kë wëlawënd. Beño ala año dëcand na exo kemëna emelëya ed šenene ed bend Kaxanu, ar gë ekwëta.

⁵Er këme šaland gë apela año in ex, ebalër ed gë oñëkw oñënek el, gë onden onjekax, do gë ekwëta ed dal.

⁶Bërëmar ga langangan këni beño, nambëraxën këni gër oyey'andëran or gë ofëcak këm.

⁷Arafëna këni rafënanand mëne bësëy'ali bër acariya and Moyishi këni xarak abi pëni ex na er këni sëy'alind in, bëte abi pëni ex na er këni balëkënalind edey'ara in.

⁸Aye nang këne mëne acariya añ er šenene ex angëmëne ey' tëfënd ang kë rend ak.

⁹Nangëne mëne er kë rend acariya in bësëxwëpëtaxik bën, gë bëwëšik bën, gë bësëmbak bën, gë bëwendëran bën, gë bëy'epën bër bend Kaxanu bën, gë bëlaw' bër bëxarëk bërebën bën, do gë bëlaw' bër bela bën këbi rend. Abi dend na bër šenene bën.

¹⁰Bëte afañ fab këbi bër yëlayand gër eñac bën, gë bër kë rind asošan gë asošan, er këni rind asošan gë asoxari in, gë bëfan bër okadëp bën, gë bënëgwëš bën, gë bër kë yašarënd gër enëgwëš bën, do gë dëk bër hëpëk osëy'ali or dal bën.

¹¹Eño kë rend Atëfëtan and xwëtënan ke añ, and enjaran end Kaxanu, mëñ ar gë onënga añ.

End oyekax or Kaxanu eñ

¹²Wëno gë emëkw edam el dëk këmo šëkwand Yesu Kërisët, Axwën arebi an, mëñ ar yël ke ojañ od me dixënenand andiyen andexëm an. Gayik axwëta xwëta ke sebënanaxën ke andiyen año.

¹³Damana exe tanaxën Axwën an gër andiyen andexëm aņo, wëno așir bamo șirënd, arixëra bamo rixërand, abamo faxëtën na. Barikan mëņ lëkaya baxe gë axaỹënan isëm ado bayik amo kwëta bana, abame nang na mëne në emenan emo, në end oņëpëgënan od lëb bax gër emëkw edam ok.

¹⁴Ata Axwën arebi an, mondako xureli këņo gër ndam oyekax ol, gë ekwëta el, do gë aņana and gër Yesu Kërisëtaņ.

¹⁵Eyey'an elo ed mokwëta ex do ed yãpëk momëxwëta: Yesu Kërisëta'yow y'ow baxo gër ngwën ebi pexën bëwëndëran bën do wëno ex ar xurik me mendëra an.

¹⁶Barikan Kaxanu gë axaỹënan wëlaya ke ex canayaxën gër wëno awendëran asëm ajo dek ebuņa ed Yesu Kërisët el, ang amatinali and bër këņo xwëta eni cotaxën aniyan and din aņ.

¹⁷Ar wunëk nand ex yo an, ar ax cësënd na an, ar anëņo watënde na an, ar ex gabat Kaxanu an, xwënëk owëlik ol do gë enjaran eņ din ir din! Amen!

¹⁸Asëniwën Timote, apela and këmi sebënanënd aņ andamat ex gë bend rey'a këni anëka bëlawënel endey eņ. Awa wëj kwitayind eyey'an elo ey' kemënxën ang ar okaxër fo.

¹⁹Mëlayal ekwëta ed xwëta këyo Kaxanu el, bëte bayilexi onden onjekax. Onden onjekax oņo bërëmar abi bo ex na, do në eņo lapaxën këni ekwëta ed Kërisët el.

²⁰Gër eng a eņo hi këni Imene do gë Alekësandër. Mëņ lëxwaxën këmëni gër Sindan eni tëy'axën mëne ax gi ex na mocir Kaxanu.

1 Timote 2

End cale eņ

¹Awa ga re këme đamana beņo dek, kemënayindën cale iņ, karayindëno Kaxanu, caleyindëno, këlayindëno do cëkwayindëno në end bela dek.

²Calenindënëbi bemun beņ do gë dek bër ex bëlëngw bën, ene diyaxënënde aniyan and gë aketëxeta, and gë emer këm, ene balëkënalixënënde end Kaxanu eņ, do ene diyaxënënde ang yãpëk ak.

³Eņo aye yek do aňan ħan ko Kaxanu, Afexën arebi an,

⁴mëņ ar yãndi këņo eni pex dek bela an do eni ŋatën enang ed end đal el.

⁵Enimin, Kaxanu ibat fo ex, bëte aňatelindër ar Kaxanu gë bela abat fo ex, mëne ngëņ ala ar këno wacënd Yesu Kërisët an.

⁶Ayëlaya yëlaya ko mëņ dëņ akanji ebi dacëtaxën dek: osede olo wësin këbo nand yãpëk na mëne Kaxanu yãndi këņo eni pex dek bela bën.

⁷Në eņo yataxën ke Kërisët me gi afemëra, parëxanda do asëy'ali bër benëņg becëxe eni gixën gër ekwëta do gër đal. Er këme rend ijo đal ex, ame nëgwëšënd na.

⁸Awa er ŷandi ke gër ed ex yo, bësoŷan bën eni yënënd otaxan omënëk, eni calend gë emëkw epeŷax, gë oxoŷ këm do gë ecampëre këm.

⁹Er ŷandi ke bëte, bësoxari bën eni cudarand ŷenene, këreni cudand na banjëm band xaw. Këreni ñañënarand na gë bamël, këreni bakarand na kaŷe, gë oy'eri, do gë bebër xemëk akanji.

¹⁰Barikan gër oye orebën watindëlex bandixa banjekax ang ŷap këbi bësoxari bër fëb këŷo Kaxanu.

¹¹And këni sëŷalind aŷ, bësoxari bën cësinayindëlexëni do eni baxëtënd aye.

¹²Asoxari an cësinayindëlexo, amo yël ex na or gapak or exo tÿŷalind ol, amo yël ex na eŷo bëñand asoŷan an.

¹³Enimin Kaxanu, Adam ŷana këŷo ebay' el, bay'axën këŷo Xawa.

¹⁴Do ŷabucara in wa yifa këŷo asoxari an exo dëngw gër emëŷen ed Kaxanu, aŷo yifa ex na Adam, asoŷan an.

¹⁵Barikan fo afex ko fex, ga rëw rëw ko angëmëne exo bayi gër ekwëta, gër ebal ed bela, gër eyëlaya ed gër oŷënëk, do gër ebana.

1 Timote 3

End bëlëngw eŷ

¹Eyey'an elo ed mokwëta ex: asoŷan ar ŷandi këŷo enim exo gi alëngw gër Amara an, andiyen anjekax ŷandi këŷo exo dind.

²Awa aŷap ŷapëk, alëngw an exo gi ar gë end këno nöp këm, icën ind asoxari abat, ar gë anjus, ar ye këŷo onden, ar ŷenene, ar këbi xwëtayand aye bëliyer, ar xamëk osëŷali.

³Gilexo ar bëngw këŷo onden, ar këni wëlërend gë bela, ar kë xwëŷëtand aŷana and kodî, kërexo gi na aŷëb, kërexo gi na axeŷax.

⁴Kadacindëlexo aye ekun edexëm el, do obaŷ orexëm ol eni gi bër kë baxëtënd apela ang ŷapëk ak.

⁵Enimin, angëmëne ala axo kam ex na ekađac ed ekun edexëm el mondake cëŷ ko wëlaya Amara and Kaxanu aŷ?

⁶Alëngw an, kërexo gi na đe ar wëk ecede end Yesu këdi këŷo fufën ndafënan in do exo gi ar këŷo nöp Kaxanu andamat gë ŷabucara in.

⁷Aŷap ŷapëk bër ax gi ex na okëreceŷ bën eni dey'and osede oyekax end ola orexëm eŷ, këdi kë nëxena oŷac orexëm ol, do eŷo tëra ŷabucara in gë bamene bandexëm baŷ.

End ojakër eŷ

⁸Ojakër ok bëte aÿap ÿapëk eni gi bër mopëb, bër ax gi ex na gë odëxas oki, bër abi kurelind na ngoÿ in, do këreni gi na bër kë şotënd kodî gë enëgwëş.

⁹Aÿap ÿapëk eni mëlayand end ekwëta end şonët ko Kaxanu gë onden onjekax eŋ.

¹⁰Canayalex pere gër bandixa bandebën mëne bër şenene exëni eni ñanaxën andiyen and ojakër aŋ, angëmëne gë end kënebi nöp këm exëni.

¹¹Bëte bësoxari bër ex ojakër bën aÿap ÿapëk eni gi bër mopëb, bër gë anjus, bër mokwëta gër beÿ dek, këreni gi na bëxapëndër.

¹²Jakër in gilexo icën ind asoxari abat, kađacindëlebi şenene obaş orexëm ol, do mëlayayindëlexo aye ekun edexëm el.

¹³Ojakër od kë rind şenene andiyen andebën ok bër gër amara bën dek afëb kënebi fëbënd, do axor këni xorënd eni yey'an gë or gapak osëm end ekwëta ed bar këbo gër Yesu Kërisët eŋ.

End ekwëta eŋ

¹⁴Timote, mondako këmi ÿëgwënëlınd kayëta ijo ado ga këme yarënd mi nëngali gogo dëŋ.

¹⁵Bari angëmëne ame ÿeli ex na gërëgako, anang nang këÿ ang ÿapëk ey' diyand gër ekun ed Kaxanu ak. Ekun elo ex Amara and Kaxanu and wëlayak đal aŋ, ang xëcar ir aciw fo.

¹⁶Endey' end Kërisët end şon baxo Kaxanu elod ga ÿanak ngwën aŋ cëŋ, iyo aÿap ÿapëk enang ed mëne mbaŋ rafëk el: Kërisët şanayaw bax gë eman, Angoc Amënëk aŋ wăsin këbo mëne ar şenene ex, gër omeleka şanaya ko, endexëm eŋ sëfët këni gër benëng bend bela, bëranjëm wăk endexëm eŋ gër ngwën, Kaxanu wëla këŋo gër orën gë enjaran eŋ.

1 Timote 4

End bësëÿali bër benëgwëş eŋ

¹Barikan Angoc and Kaxanu aŋ rek kerët mëne gër bakey bapelatar, bërëmar aÿepan këbi ÿepan ekwëta ed Kërisët el do eni kwënda etëf ed bend bangoc band këbi nambelind bela, do gë osëÿali or bend bëÿël.

²Bën ex bër kë wănd enëbi yifa bëÿëŋenax bër kë labayand bën, gë bënëgwëş bën, do gë bër şor kënebi gër onden gë endun end lëxw bani xali warëk bën .

³Bela bëjo kë sëÿalind mëne bërëwăk end Yesu do nang këni đal bën këreni ñërënd na, bëte këreni ÿambënd na bebërëmar xarak Kaxanu rik eni ÿambënd do eno cëkwand.

⁴Dek er ri ko Kaxanu in aye yek, ÿoweÿ ax gi ex na er monap angëmëne aşëkwa këno şëkwand en ÿambaxën.

⁵Enimin, er ex yo kë wënënd gë eyey'an ed Kaxanu el do gë cale in.

End ola or ariyenin ar Kërisët eŋ

⁶Angëmëne bapela baŋo këyëbi sëyalind bëmaÿe bën, ata key hi ariyenin ayekax ar Yesu Kërisët. Mondako kë şanaya gër ola oreÿ mène bend ekwëta beŋ do gë osëÿali or këÿ sëfënd din ol ang eyamb yamb fo hik gër aniyan andey.

⁷Barikan cusëlëbi bër kë sëyalind bendacan bend kë yepënënd bend Kaxanu bën gayik bësoxari bëxarëk këbi balënd bendacan beŋo. Kemënal ey diyand ang ÿapëk exo diyand ar këŋo balënd bend Kaxanu ak.

⁸Edi ed bebër kë bëngwënënd eman el ofëcak dën exëna. Barikan ofëcak or ar këŋo balënd bend Kaxanu ol xucak ex këbën. Gayikwa Kaxanu abey'a bey'a këŋo ar kë rind mondako an aniyan and gërëgako aŋ do gë and kë yowënd aŋ.

⁹Eyey'an elo ed d'al ex, ed mokwëta aye ex.

¹⁰Biyi asoro këne soronde gër andiyen, axemëna këne xemënande gër ekwëta, ang bër okaxër fo gayik ayar kënëŋo yarënde Kaxanu, mëŋ ar gë aniyan an, adofa dek dek in bërëwäk endexëm bën.

¹¹Ata beŋo ÿapëk eyëbi pelënd, do eyëbi tÿyalind eni dind.

¹²Awa wëj cën, gil ar şenene, do bërëwäk bën korindëlexëni eni tÿfëteli: eyey'an edey el, gë bandixa bandey' baŋ, gë aŋana andey aŋ, gë ekwëta edey el, do gë oÿwënëk oreÿ ol. Gayik şambenjar fo bayi këÿ, ala kërexı yaf na.

¹³Xali yatir këme y'eli, balëkënalind opën od akayëta and Kaxanu ok gër Amara. Pelindëbi eni kemëna gër etëf ed er këni wëlelind in bëte kemënal eyëbi tÿyalind.

¹⁴Anjëla and re baxo alaÿwënel mène Kaxanu yël ki në end oyekax orexëm aŋ, aşot şot këÿ and xwëtan këni otaxan, do şalen këni enga end bëlëngw bër gër Amara eŋ. Do wëj kërey dangangan na.

¹⁵Balindëlexi mbaŋ beŋo, yëlayal gë emëkw el dek gër andiyen andey. Ata këni ÿana eni watënd bër gër Amara bën dek mène ola oreÿ ol ang këŋo ÿapanënd Kaxanu ak dën hik.

¹⁶Titinalind aniyan andey aŋ do gë osëÿali oreÿ ol. Balëkënalind beŋo dek. Enimin, angëmëne mondako këÿ rind afex kën fex wëj, do gë bër ki baxëtënd bën.

1 Timote 5

End bapela eŋ

¹Ar xarëna ki gër Amara an, pelëralo ang sorix fo, këreyëŋo dexëra na kwëlay-kwëlay. Do ocambenjar ok, pelërayindëbi ang bëmaÿe fo.

²Asoxari axarëk an, pelëralo ang norix fo, do bësoxari bëbeja bën, pelërayindëbi gë oÿwënëk, ang bëmaÿe fo.

³Dëcarayindëbi bësoxari bësebëta sebëta bën angëmëne ani gi ex na gë ar këbi rëcarand.

⁴Angëmëne asoxari asebëta sebëta an gë obaš exo ba gë ejiw bën exo, bën tēy/alexëni emëlaya edexëm el. Mašëninidëlenëbi bëxarëk bën edëba ed lëba kënëbi el eni wataxënënd bër hi këni ekun ebat bën ekwëta edebën el gayik eño këño nënganënd Kaxanu.

⁵Ar hik enim asoxari asebëta sebëta an, ar bayik gabat an, ajo ex ar këño yarënd Kaxanu an. Ciš wec xemëna ko cale iñ do gë okar od eño dëca ok.

⁶Barikan asoxari asebëta sebëta, ar xwëndak amëkëña and gë bësošan an, anëka nemi ko ado ga bayi ko mopër.

⁷Eño yapëk eyëbi pelënd bësoxari bësebëta sebëta bën eni diyaxënënd gë end kënebi nëp këm.

⁸Angëmëne ala eño key emëlaya ed bërexëm el, adofa bër ekun edexëm bën, anëka lap ko ekwëta edexëm el, anëka yëñën ko nëmëc gë ar elod axo gi ex na këreceñ an.

⁹Eno ñëgwaxën asoxari asebëta sebëta an gër akayëta and bësoxari bësebëta sebëta, təkëleño pere bëniy ofëxw ocongebat do gilexo ar yër baño asošan abat fo.

¹⁰Bela bën dey/ayindëlexëni mëne ari baxo rind benjekax beño: aye babi wëlayand obaš orexëm ol, gë emëkw epešax babi xacand bëliyer bën, anebën babi nebënënd osapar oñ bërëwäk bën, arëcara babi rëcarand bër šëmura këbi bën, do benjekax bend ex yo baxo rind.

¹¹End bësoxari bëbeja bësebëta sebëta eñ cëñ, aýandi këbi ýandid enëbi ñër gašëxe, do eno teb Kërisët. Men ex, këreyëbi ñëgwënd na gër akayëta and bësoxari bësebëta sebëta.

¹²Bësoxari bësebëta sebëta bër sebëk eyëla eñanar ed yëlaya bani el monëp exëni.

¹³Mondako hixën këni bëxwëlaraxik, do këni sëfërand bëciw bëñ gë omëkara. Bëte er xurik ex ñënënen in ex, ga wata këni eyeyan gë ofëcak këm el, do gë edil ed gër bend ax gi ex na bendebën el.

¹⁴Awa wëno er këmëni xaranënd bësoxari bëbeja bësebëta sebëta bën enëbi ñërënd gašëxe, enëbi cotënd obaš, do eni mëlayand šenene ekun edebën el, këdi këni šot bërangoýëra andëbi bën er kënebo renaraxën.

¹⁵Bërëmar cëñ anëka šapa këni do këno sëfënd Sindan in.

¹⁶Angëmëne asoxari arëwäk ebi cot bësoxari bër nëng irexëm bësebëta sebëta, kemënalexo ebi dëcarand këdi këbi lenga emëlaya edebën el bër gër Amara bën do eni təkwan edëcaran ed bësoxari bësebëta sebëta bër ax gi ex na gë ar këbi rëcarand bën.

End epëb ed bëlëngw bër Amara eñ

¹⁷Bëlëngw bër Amara bër kë xadacënd šenene bën, aýap yapëk enëbi pëbënd do enëbi dëcarand adofa bër xemënak gër epemëra ed end Kaxanu do gër osëyali bën.

¹⁸Ga rek wa Oñëgw Omënëk ok: «Këren kapënd na etëy ed engaê end këjun wëñënd bële eñ.» Do «Ar kë riyenind an yãp këño acosa aň .»

¹⁹Ar këño lëxwënd alëngw ar Amara xarak axo gi ex na gë otede oki ba otas, këreyëño yaka na.

²⁰And ko wëndëra ala gër Amara aň, dexëralo poyoma eni yëdaraxën bëte bër bayik bën.

²¹Axara xara këmi gë obal osëm, gër lëngw ir Kaxanu, gër ir Yesu Kërisët, do gër ir omeleka omënëk: tanal ey dind dek bebër këmi felënd bëjo, do yoweý kërey dind na gë epitëndër ed bela.

²²Kemënal wëj dëñ ey gi din awënëk fo. Kërexixi nëkanënd na etana ed ala mokwëtan otaxan exo gixën alëngw el, gë ala këren bar na gër beñëñëx bendexëm.

²³Gayikako laň ki yambënënd acël aň xali ey daki, cebind təkër ngoy in, tebël eceb ed wayët men fo el.

²⁴Na fo exëni bër gë bamena band wat-wat damana kiti ex gixën indebën in. Bëte na fo exëni bër kë šonënd bamena bandebën do and kë nëka aň fo kë šanayand.

²⁵Andamat ex gë bandixa banjekax baň: band ax watind na ataň baň dëñ ax bayi na ga šonayak.

1 Timote 6

End okadëp eñ

¹Dek bër ex gër oxadëp bën, pëbindëlenëbi mbaň bëxwën bërebën bën ang yãpëk ak, mëñ bayik bër fac bën ani denara na oãac or Kaxanu ol, ani yepën na osëyali orebi ol.

²Bërëwãk bër ex okadëp bën kërenëbi yafënd na bëxwën bërebën bën ado ga hi këni bëmaýe bëndebën gër ekwëta. Bëte gayikako bën bërëwãk, bër ñan këbi Kaxanu kënebi riyeninënd, këbënëlex nëmëc andiyen andebën aň.

End osëyali eñ

Eño yãpëk eyëbi tëyalind do eyëbi pelënd eni di.

³Angëmëne ala exo tëyalind becëxen, bend fitarëk gë eyeyan ed dal ed Yesu Kërisët, Axwën arebi el, angëmëne axo tëfënd na bebër sëyali këmun mëne aýapan këño yãpanënd Kaxanu bën,

⁴awa ajo ar fufën këño ndafënan hi ko, ar nemërak hi ko. Mokaň këño xanjënd ecampëre el do gë ekeýër ed në end bëndey bëtil el. Mondako kë ýanand oyakëraxi ol, gë oãer oň, gë odenar ok, do gë eyëlandër ed beñëñëx el.

⁵Bakucara band bela bëjo baŋ ax kwëtënd na gë ekwët. Bakucara band bër gë onden otëmbak ex, band bër ax bo ex na gër däl ex, band bër kë yëland mëne ekwëta ed xwëta këno Kaxanu el acotëraxën ex.

⁶Eyo däl ex mëne, ebalëkënali ed bend Kaxanu el acotëraxën atëm ex angëmëne anëngandëra ki nëngandërand gë er šot këy in.

⁷Enimin ŷoweŷ ane mëlaw exe na gër ngwën ro, bëte ŷoweŷ ane mëlaye na.

⁸Awa angëmëne ašot këne šotënde eyamb yamb in, do gë banjëm baŋ, gwac ebo.

⁹Barikan bër kë faŷënd gër oŵëkw orebën mëne afo eni gi bër gë napul bën kë wëcënd gër eñëŷanax. Bën këbi sëränd ang amene fo oñandi odanjëm, oñandi opënrëx, oñandi oñëŷanax. Do oñandi oko këbi sëwënd eni nëxena do eni nambëra.

¹⁰Enimin, aŋana and kodī aŋ ex anëmbët and gër ed kë ŷanawënd toro ind ex yo. Ata bërëmar ga ħan këni kodī in, ħawëtaxën këni ekwëta ed Kaxanu el, do sëkaxën këbi oyot odanjëm.

Bapela bapelatar baŋ

¹¹End wëj ala ar Kaxanu eŋ cëŋ, kwëŷëtal bëjo. Calayind aniyän and šenene, and ħan ko Kaxanu, and gë ekwëta; aniyän and gë aŋana and bela, and gë ebuŋa, and gë onden omëngwëk.

¹²Kaxërand okaxër onjekax ond ar xwëta këno Kaxanu oŋ, kwëtayal aye aniyän and din and ŵaceli ki aŋ. Ax gi ex na nde ga šot këy aniyän aŋo rixën bay osede oyekax ol do wël këni otede odanjëm?

¹³Gër lëngw ir Kaxanu, mëŋ ar këbi yëlënd aniyän dek bebër gë onjën an, do gër lëngw ir Yesu Kërisët, mëŋ ar rey'a bax osede oyekax gër lëngw ir Poŋës Pilat an, këmi felënd eŋo:

¹⁴kwëtayal apela aŋ do ey bayi, aŵënëk do ar gë end këno nöp këm xali yatir ko bakaw Yesu Kërisët, Axwën arebi an.

¹⁵Abaka ko bakaw and këno ħatan Kaxanu aŋ, mëŋ ar ex gë onënga do axwën owun an, ar ex enim Emun an, ar ex Emun end bëmün an, do Axwën ar bëxwën an.

¹⁶Mëŋ gabat ex ar ax cësënd na an, mëŋ ex ar lëgëk gabat gër angoben an, angoben and ala ax təkand na aŋ, angoben and elod ala ax wat na aŋ, angoben and ala ax kor na exo nëkon aŋ. Mëŋ xwënëk enjaran eŋ do gë panga ind din ir din iŋ! Amen!

¹⁷Pelëralëbi bër šotëk napul ir gër ngwën ro bën, këreni dafënand na. Pelëläbi eno kwëtand Kaxanu, mëŋ ar kë yëlënd dëm bëŷ dek, ebo nëngandëraxënënd an. Do këreni kwëtand na napul ir kë xor ex kwët ijo.

¹⁸Pelëläbi eni dind enjekax eŋ, napul irebën in gilex añësa and bandixa banjekax. Dëcarayindëlenëbi bela bën gë emëkw epešax, këreni kwëjënälind na.

19Do Taÿëndëlexëni mondako napul isëm ir këni xanaɗ ecan ecan in, eni ðëkayaxën aniyän and ðal aŋ.

20E Timote, kwëtayal aye er xwëtënan ki Kaxanu in. Kwëÿëtal eyey'an ed kë ÿepënënd bend Kaxanu el, tebël eyey'andëra ed ax bašënënd na ekwëta el. Kwëÿëtal ecampëre ed në end onangëran or fudac ol.

21Bërëmar cëŋ, ga bani sošanand mëne ašot šot këni onangëran olo, sebaxën këni ekwëta ed Kaxanu el. Awa Kaxanu yëlëleŋun oyekax orexëm ol!

2 Timote

2 Timote 1

Ecëmar el

¹Wëno Pol, parëxanda ir Yesu Kërisët hi këme ang ýandi këno Kaxanu ak. Mëñ fana ke me tëfëtërand end aniyand and bëya baxo ayël këbo yël paß gë Kërisët eñ.

²Wëj Timote këmi ýëgwënëlınd, wëj ar ex asëñiwën ar pëlot gër yomb iram an. Awa Faba Kaxanu do gë Yesu Kërisët, Axwën arebi an, yëlëleni oyekax ol, gë axayënan in do gë obetak ol.

End ecëkwa do gë ekemën eñ

³Aşëkwa këmo şëkwand Kaxanu, mëñ ar këmo riyenind ang bano riyeninënd bëxarëk bëram ak. Aşale këmo şalend gë onden onjekax, do nand këme şalerand yo, hik gëmëç, hik goyat, wëj aşalen këmi şalenënd.

⁴Mokofi xofi ke do aýandi ýandi ke mi watëdo exe nëngandëraxën, ga këme xwitand ang şar baxi ongwën and baxe felarënde ak.

⁵Axwita këme xwitand bëte ekwëta ed ðal ed xwëta këyo Kërisët el. Ekwëta elo gër Loyis, ejix isoxari ýanawëk, bëtaxënëk gër norix Enis. Do aye nang këme wëj bëte aşot şot këy ekwëta elo.

⁶Mëñ ex, kemënalil anjëla and yël ki Kaxanu and şalen këmi mokwëtan otaxan añ. Kërey ðangangan na këdi kë riwa.

⁷Enimin angoc and yël këbo Kaxanu añ, and gë ojaw, and gë añana, do and gë orenik exo, axo gi ex na angoc and gë anjiy.

⁸Mal ey torond në end Atëfëtan and Yesu eñ ang këme sorond wëno ak. Deyarayind osede or Axwën arebi ol, kërexı cëfënanënd na. Bëte kërexı cëfënanërand na endam eñ, wëno andepëra andexëm añ. Barikan toroye në end Atëfëtan eñ gë panga ind Kaxanu in.

⁹Kaxanu, gë panga ino fexën këbo do waceli këbo owënëk ol, xarak ax gi ex na ðe ga ri këne benjekax, barikan ga fëna baxo exo di mondako në end oyekax or yël këbo paß gë Yesu Kërisët eñ, ðamana exo dixën ngwën in.

¹⁰Oyekax olo şanayak gërëgako and şanayaw ko Yesu Kërisët, Afexën arebi añ. Mëñ rëxëtëk panga ind ecës in do nęcëtënegu këbo angoben and aniyand añ, aniyand and gë ecës këm añ, aniyand and këbo nangënënd Atëfëtan añ.

¹¹Gë Atëfëtan año hi këme afemëra, parëxanda, do asëyali.

¹²Bëte gër andiyen año buña këme toro ind këme sorond in, bari axe cëfënan na. Gayikwa aye nang këme noyo ex ar xwëta këmo an, do mopëni fëni ke mëne axor ko xor exo kaxa er xwëtënan ke in, xali yatir akey apelatar.

¹³Mëlayal eyey'an emënëk ed wëleli kë'e elo, gilex eyey'an ed këy sëf asëf gë ekwëta ed xwëta kë'o Yesu Kërisët el do gë aņana and hik gër ndexëm aņ.

¹⁴Kwëtayal gër emëkw edey' benjekax bend xwëtënan ki Kaxanu paþ gë Angoc Amënëk and lëgëk gër ola orebi aņ.

End Onesifor do gë ekun edexëm eņ

¹⁵Timote, anang nang këy mène dek bër gër ebar ed Asi bën şapëran ke, ado Fişel do gë Erëmoşen dëņ gër enga eņo exëni.

¹⁶Axwën Yesu mëlayalebi gë axaÿënan Onesifor do gë ekun edexëm el gayik mëņ laņ baxe felënd me kemëna. Ado ga hi këme andepëra, abaņo şëfënan na endam eņ.

¹⁷Ecëñëxët and y'ow ko ro gër Rom aņ, aşalara şalara ke gë obal osëm xali wat ke.

¹⁸Awa Axwën Yesu mëlayaleņo gë axaÿënan ir Axwën Kaxanu in, xali yatir akey apelatar. Wëj dëņ anang nang këy nëmëc bela dek ang rëcara ke gër Efes ak.

2 Timote 2

End şoroda ir Kërisët eņ

¹Awa wëj cëņ asëñiÿwën, kemënëlexi Yesu Kërisët gë oyekax orexëm ol.

²Do bebër wëleli kë'e ga këme sëfët mërëxand ir otede odanjëm bën, kwëtënanëlëbi bela bër mokwëta, bër kë xor bën bëte enëbi tÿ'alind bëşëxe.

³Ang şoroda iyekax ir Yesu Kërisët fo, mal ey' torond ang këme sorond wëno ak.

⁴Angëmëne ar yëlayak gër oşoroda an aÿandi ÿandi këņo eņo nënganënd alëngw arexëm an endexëm eņ, axo kwëndand na bend anıyan and bër ax gi ex na ocoroda beņ.

⁵Ar kë xaşërënd an, ala aņo cosënd na angëmëne axo tëf ex na şenene bacariya band okaşër baņ.

⁶Aÿan ar sëwëk gër oşënga orexëm an ÿapëk exo gi aÿanar ar kë y'amb er ko xana in.

⁷Pënilexi er këme rend in: Axwën an ayël ki yël onden ond exi pënixënënd beÿ dek oņ.

⁸Kwitayind end Yesu Kërisët eņ, mëņ ar xanik gër ecës an, mëņ ar exo andëwëra and Dafid an. Eņo ex Atëfëtan and këme femërand aņ.

⁹Në end Atëfëtan aņo këme soroxënënd xali fokëra këne nangëde ar wëndërak fo. Bari eyey'an ed Kaxanu el cëņ, ala ax kor na exo pokëra.

¹⁰Mëņ ex, wëno axapina xapina këme me buņand toro ind ex yo, eni cotaxën bela bër yata këbi Kaxanu bën apëxa and gë enjaran end din ir din aņ, and ko yëlënd Yesu Kërisët aņ.

11 Eyey'an elo ed mokwëta ex: angëmëne gë Kërisët šës këne, bëte gë mëñ fo këne liyadë.

12 Angëmëne axemëna xemëna këne, bëte gë mëñ këne wunëde; angëmëne enëño y'axëtaye, mëñ bëte ay'axëta këbo y'axëtađ.

13 Mëñ ar mokwëta ko bayi, angëmëne ax bo ex na ga xwëta këñëñone, gayik mëñ din ar hi ko an ko bayi.

End ariyenin ar Kaxanu eñ

14 Awa beño ÿapëk ey'ëbi kwitanënd gër Amara, gër lëngw ir Kaxanu dëñ, mëne eni kwëÿëtand ecampëre ed bend gë ofëcak këm el, ecampëre ed bend këbi nambelind bër obaxët el.

15 Wëj, kemënal ey'ëbi tëy'alind šenene eyey'an ed đal el, ey' canayaxënëđ gër lëngw ir Kaxanu ang ar xamënëk andiyen and fana këño fo, ang ariyenin ar año cëfënan na.

16 Kwëÿëtal bend kë y'epënënd bend Kaxanu beñ, tebël eyey'andëran ed ax bašënënd na ekwëta el gayik bër watak mondako bën, oyey'andëran oño fo këbi šapërelind gë Kaxanu.

17 Eyey'an edebën elo ang ikejën ind kë ÿañënd fo ex. Imene do gë Filet šëf gër bela bëjo hi këni.

18 Bën ga lap këni end đal eñ, këni rey'araxënënd mëne anëka xucak ekani ed gër ecës el, do bërëmar wëlandëra këbi gër ekwëta ed xwëta këno Kaxanu.

19 Barikan Amara and rëđ ko Kaxanu añ, abayi kë bayi, ang rek Oñëgw Omënëk ak: «Axwën an anang nang këbi bër xwën këbi bën.» Do «Ar kë ħëbëtand yo exo mac oñac or Axwën ol, ñawëtalexo osëmbak ol!»

20 Ar gë napul an, odëy'amb od šot ko gër iciw̃ indexëm ok mar od otëx ex do mar od gë omak, ax gi ex na odëy'amb od kañe do od kodfi fo. Odëy'amb od xalanj ok, lañ ko rixëraxënënd, barikan odëy'amb okëbënaxik ok, gë bakey band ofëna fo ko rixëraxënënd.

21 Awa angëmëne ala exo wunëta do exo teb betëmbak beñ, ata ko hi ang edëy'amb ed këni rixëraxënënd yatir ofëna fo, ata ko hi ar yëlayak gër Axwën, do pađ gë ola orexëm ol, ko ÿana exo dind benjekax bend ex yo.

22 Awa wëj Timote, kwëÿëtal betëmbak bend këni rind ocambenjar gë odënañ beñ. Calayind or šenene ol, gë ekwëta el, gë añana añ, gë angwëlëra añ, do gë oyekax ol, andamat gë bela bër këño šalend Axwën Kaxanu gë emëkw emënëk bën.

23 Koranëlëbi bër këbi ÿandind en yey'andëra bepëñirëx, bend gë ofëcak këm bën. Anang nang këy' mëne beño gë ekeyër fo kë ħatand.

24 Xarak ariyenin ar Axwën an ax ñap ex na eni keyërënd gë bela. Ecëñëxët, er ÿapëk exo gi: ar bëngw këño onden gër bela đek, ar xamëk osëy'ali, do ar kë buñand mbañ.

²⁵Gilexo ar këbi wërêšetënd endëmane fo bër xorëk ecampëre bën, do exo yëland mëne Kaxanu arëca këbi rëca eni nëngwët ola orebën ol ebi pënixënënd dal in.

²⁶Gilexo bëte ar këbi wërêšetënd endëmane fo ebi bakaraxën onden oŋ, do eni gënjetayaxën gër bamene band şabucara, mëŋ ar sëra babi eni dind oñandi odexëm an.

2 Timote 3

End bakey bapelatar eŋ

¹Wëj Timote, nangël wa mëne gër bakey bapelatar, mbaŋ kë yëka.

²Gayikwa bela bën axwëj këni xwëj, do eni gi bëñan bër kodî. Afufënara këni ÿana eni puñënarand, do eni dafënarand. Aşir këno ÿana eno cirënd Kaxanu, do enëbi mëşenënd bëxarëk bërebën bën. Aşus këni ÿana eni cusënd bend Kaxanu beŋ, do ado ebi din ala enjekax ano ÿana na eno cëkwand.

³Owëkw orebën oŋ mbaŋ kë farëdadi xali eni gi gë axaÿënan këm, bërena, bër gë anjus këm, bëxeÿax, bër şusëk enjekax.

⁴Aÿaxëta kënebi ÿana enëbi ÿaxëtand bërebën bën, do eni gi xoÿët xoÿët. Ndafënan indebën iŋ këbi şiwën, do eni ŋan bendebën beŋ nëmëc Kaxanu.

⁵Aliya këni ÿana eni diyand nangëde bër xwëta këno Kaxanu fo, xarak gër owëkw orebën añëp hëp këni panga ind ekwëta iŋ. Ata nacëtalëbi caw bela bërako rako bën.

⁶Şëf gër bela bëjo exëni, bër kë lilënd gër bëciw do kënebi yifand bësoxari bësitarak gër ekwëta bën, bësoxari bër wër këbi beñëñenax bën, bësoxari bër kë sëfënd oñandi od ex yo.

⁷Bësoxari bëjo din këni sëÿand, bari din ani korënd na eni nang dal in.

⁸Ang bani hëpënd Yanes gë Yambëres end Moyis ak, bër kë sëÿalind benëgwëş bën mondako fo këni hëpënd eni kwëta dal in . Ata bëjo bër gë onden otëmbak exëni, do ekwëta edebën el dek ÿepëk.

⁹Barikan enëgwëş end bela bëjo eŋ dek kë fëlëtar, ang ebax end Yanes do gë Yambëres ak. Ala ax bo na ga këbi baxët.

End aniyand and Pol eŋ

¹⁰Wëj cëŋ, aye sëf këÿ er këme sëÿalind in, bëte aye wat këÿ ang wëlaya këme ola oram ak. Anang nang këÿ bebër këme fënanand me di bën. Anang nang këÿ bëte ekwëta edam el, ebuña ed buña këme el, ang ke balënd end bela ak, ang xemëna këme ak.

¹¹Anang nang këÿ bëte ang narëndëra këne ak, do ang soro këme gër angol and Añëcoş, gër and Ikoñom, do gër and Lisëtër ak. Bëte toro ind fe bayik ame buña ex na? Barikan Axwën an din ke racëtënd gër toro ind ex yo.

¹²Dek bër këbi ÿandind eni diya ang këjo ÿapanënd Yesu Kërisët ak bën, arixëra kënebi ÿana enëbi dixërand.

¹³Barikan bëÿëñenax bën, gë bëyifa bën din këni ÿana eni mendërand do eni basënd eñëñenax eñ, enëbi nambelind bësëxe ang nambëra këni bën ak.

¹⁴Barikan wëj, bayil ga xwëtaya këÿ bend sëÿ'a këÿ do fëni ki mëne ðal dëñ ex beñ, ga nang këÿ ako noÿo sëÿ'ali ki.

¹⁵Elod inëmëta ga nang këÿ wa Oñëgw Omënëk ok. Awa Oñëgw Omënëk oko fo kë xor exi yël orenik ol, eÿ cotaxën apexa and këbi yëlënd Yesu Kërisët bër xwëta këjo añ.

¹⁶Oñëgw Omënëk od ex yo gër Kaxanu xaniwëk do ofëcak or kë wëlawënd ol ex: osëÿ'ali ol, gë ewërëšët ed bër kë lifënd el, gë eðebët ed bësëmbak el, gë ekaðac ed gër or šenene el,

¹⁷exo gixën ala ar wëak end Kaxanu an, ar kë xorënd exo di enjekax end ex yo.

2 Timote 4

End epemëra ed Atëfëtan eñ

¹Awa Timote, gër lëngw ir Kaxanu do gë ir Yesu Kërisët, mëñ ar kë bakaw ebi kiti bela an, hi këni bëbëngw, hi këni bësësëk, këmi xarand gë obal osëm. Axara këmi xarand në end akey and ko bakaw eñ, në end owun orexëm eñ,

²pemërayind Atëfëtan añ, dey'arayind nand ex yo, saxan ki nde, lakan ki nde. Wërëšëtindëbi bela bën, dexërayindëbi, kemëningdëbi, buñanindëbi and këÿëbi sëÿ'alirand añ.

³Gayikwa në eÿ'ow ex amëd and bela bën abi ñana na ebi ñandind or osëÿ'ali or ðal ol. Ga këbi ÿana ebi kanjënd ebaxët ed oñandi odebën el, ašala kënebi ÿana enëbi caland bësëÿ'ali bër bësëÿ'ali.

⁴Banëf bandebën bañ këni hawëtali gë ðal in, do eni kwënda obaxët or bendacan.

⁵Barikan wëj, gil gë anjus gër beÿ ðek, buñayind ado eÿ torond, pemërayind Atëfëtan añ, balëkënalijind andiyen and fana ki Kaxanu añ.

⁶Wëno cëñ, anëka hi këme ang ešeb-ceb ir këni xošënd në šaðaxa fo, do oñe ondam oñ dëñ hătëguk mondako.

⁷Anëka xaxër këme okaxër ond ÿap bax me kaxër oñ, añata hata këme andiyen andam añ, do aye wëlaya këme ekwëta ed xwëta këmo Kërisët el.

⁸Ata elod gërëgako, acosa and or šenene and fenin ke añ, Axwën Yesu, mëñ ar ex axiti ar šenene an, ayël ke yëlëd yatir akey apelatar. Ayël këbi yël bëte bër han këjo do këno šëningd exo bakaw bën, axi gi ex na wëno fo.

Bepelatar beñ

⁹Kemënal ey yow aỹand ro gër ed hi këme.

¹⁰Demas cëñ, aỹañëta yañëta ke gayik bend gë okey oko xëbënan këño nëmëc, kwël ye ko de gër Tesalonik. Këresañës ay'e ye ko gër ebar ed Galasi, do Tit, gër ed Dalëmasi.

¹¹Luk gabat bayik ro gë wëno. Awa tëfërëgudën gë Marëk and këy yowënd an gayik mbañ ke rëcati gër andiyen.

¹²Alawën lawën këmo Tişik gër Efes.

¹³And këy yowënd an, mëlaliwëd ocud otëm ond sebëgu bame gër Tërowas, gër iciw ind Karëpos oñ. Mëlaliwëd bëte bakayëta bañ, adofa bakayëta band monëkw bañ.

¹⁴Alekësandër, asap an, mbañ rixëra ke. Axwën an, aũaşën këño wũaşën bandixa bandexëm bañ.

¹⁵Wëj bëte kwëyëtalö gayik mongwërëna wërëna baxo ga xey këño osëy'ali orebi ol.

¹⁶Yatir wac ke añanar axiti an, gabatak ax yow bana exe dañëta: dek şapëran bane. Bari Kaxanu kërebi nöp na në eño.

¹⁷Axwën an wa lañëta baxe, do xemën ke, eni wëlxën Atëfëtan an paß gë wëno, dek benëng beñ. Do Axwën an mondako racët ke gër etëy ed yërañ.

¹⁸Aracët ke racët gër eñëñënaç end ex yo, afexën ke fexën, do exe mëla yañ gër orën, gër ed wun ko. Duwanëñone mëñ ar gë enjaran end din ir din an! Amen!

Ofelar ol

¹⁹Aşëma këmëni şëmand Përisëka, gë Akilas do gë bër ekun ed Onesifor bën.

²⁰Erasët cëñ, gër Koreñët bayiw ko, do Tërofim fo sebëgu këmo aşëxwëra gër Mile.

²¹Kemënal ey yow damana ex ñatëgu ay'em in. Ebulos, gë Pudenës, gë Linos, gë Këloja, do dek bëmaýe bëñ ki şëmand.

²²Awa Axwën an gilexo gër onden ondey! Yelëleñun oyekax orexëm ol!

Tit

Tit 1

Ecëmar el

¹Wëno Pol, ariyenin ar Kaxanu an, kë ÿëgwënëlinde kayëta ijo ro. Parëxanda hi këme, Yesu Kërisët do gë Kaxanu fana këne mëni nangënënd end ðal eñ bër sana kënebi bën, eno kwëta, eni ðiyand ang këbi ÿandind ak

²do eni yarënd aniyand and din ir din añ. Damana exo dixën ngwën inç bey'a babi Kaxanu aniyand añ, xarak mëñ axo nëgwëshënd na.

³And hãtan këñjo Kaxanu, mëñ ar ex afexën arebi añ, anëcëtëgu nëcëtëgu ko eyey'an edexëm ed xwëtënan ke me pemërand el.

⁴Tit, wëj ar hik enim asëniwën, ga bar ke ekwëta edebat an, asëma këmi shëmand. Faba Kaxanu do gë Yesu Kërisët, Axwën arebi an, yëlëleni oyekax ol do gë obetak ol!

End bëlëngw bër amara eñ

⁵Wëno er sebaxënëgu këmi gër Këret in ex, ey paÿ eketënëgu ed bëbër bayi bax el, do bëte eyëbi tana bëlëngw gër Amara and angol kala, ang fel bami ak.

⁶Ala ar këyo sana exo gi alëngw an, gilexo icën ind asoxari abat fo, ar gë end këno nëp këm. Bëte gilexo sëm ir obaš or wãk end Yesu, or ax ñac ex na, or ax mëshind na.

⁷Enimin, aÿap ÿapëk alëngw ar amara an exo gi ar gë end këno nëp këm, gayikako ar xwëtënan këno bënd Kaxanu hi ko. Kërexo pufënarand na, kërexo gi na xoÿët xoÿët, kërexo gi na ašëb, kërexo gi na axeÿax, kërexo caland na exo cot kodî in gë osëmbak.

⁸Barikan gilexo ar këbi lëkayand aye bëliyer, ar hãnek enjekax, ar shenene, arenik, awhënek, ar xamëk emëlaya ed gaf irexëm.

⁹Kwëtalexo aye eyey'an ed ðal el, bayilex ang sëy'ali këno ak, exo koraxënënd ebi kemën gë osëy'ali or shenene ol, do ebi masinaxënënd bër kë shampërend bën ang këni lifënd ak.

¹⁰Enimin, moñëmb ÿëmb këni bëwëshik bën, bësëy'ali bër benëgwësh bën, do gë bënambeli bën, adofa gër enga end Bëshëwif bërëwãk end Yesu.

¹¹Bëjo ÿapëk eyëbi cëmin gayikako yer oxun oñ këni wëlënd gë osëy'ali or enëgwësh or këni shotaxënënd kodî gë osëmbak ol.

¹²Ar hi këni ebar ebat do hi ko alawhënel re këbi: «Wën Bëkëret bën din bënëgwësh hi kën, ang oñacar oxeÿax fo hi kën, bongëleÿ bokwëlaraxik hi kën.»

¹³Osede olo ðal dëñ ex, mëñ ex dexërayindëbi mbanç eni cotaxën ekwëta ekemax.

¹⁴Tebëlexëni obaxët or benëgwêš bend Bêšëwif ol, bend ex bapela band bela bër kë hëpënd dal beŋ.

¹⁵Er ex yo, aŵënën wënëk gër bëwënëk, bari ŷoweŷ ax men ex na gër bër buyarënyak, do hi këni gë oŋëpëgënan bën: onden ondebën oŋ buyarëk.

¹⁶Mondako këni sošanand mëne anang nang këno Kaxanu. Barikan bandixa bandebën baŋ këbi fëlëtënd. Bëjo bër mocus exëni, bëwëšik exëni, bër kë sëkwanënd eni di enjekax exëni.

Tit 2

End osëyali or dal eŋ

¹Wëj cëŋ, pelindëbi bend rek osëyali or dal beŋ.

²Pelindëbi bësošan bëxarëk bën eni gi bër gë anjus, bër mopëb, bërenik, bër xemëk gër ekwëta, gër ebal ed bela, do gër ebuŋan.

³Pelindëbi bësoxari bëxarëk bën eni diyand ang bër yëlayak gër Kaxanu fo. Këreni gi na bërena bër bela, këreni gi na okaďëp od ekurelira ed ngoy. Tëy'alindëlexëni enjekax eŋ.

⁴Masinindëlenëbi bësoxari bëbeja bën ang ŷapëk ebi balënd end bęcën bëndebën do gë obaš orebën ak.

⁵Tëy'alindëlenëbi eni gi bësoxari bër gë anjus, bëwënëk, bër ye këbi onden, bër kë fëyëpëyënd bëciw bëndebën, bër bëngw këbi onden, bër këbi baxëtënënd bęcën bëndebën. Ata bayik ala ax ñana na exo denand eyey'an ed Kaxanu el.

⁶Pelindëbi bëte ocambenjar ok do gë odënaŵ ok eni gi bërenik.

⁷Gër ga hik yo, wëj dëŋ aŷap ŷapëk ey' gi ar motëfëteli gër benjekax bend këy' rind. Do and këy' sëy'alind aŋ, ola orey' ol gilex or dal, or mopëb.

⁸Gilex bëte eyey'an emënëk ed ala ax kor na exo cembët. Angëmëne mondako ex, ata këŋo wëlandëra ar këbo wãñërelind an do eñëŋëanax end këbo yëlan, axo cot na.

⁹Pelindëbi okaďëp ok enëbi wëlënënd gër beŷ dek bëxwën bërebën bën, eni kemënanand ebi nënganaxën endebën eŋ, këreni campërend na er kënëbi felënd in.

¹⁰Bëte watiyindëlex gër ola orebën mëne bër mokwëta hi këni, ŷoweŷ këreni dekand na. Mondako këni fëbaxën osëyali or Kaxanu, Afexën arebi ol.

¹¹Gayikwa ašanaya šanayak gër bela dek oyekax or Kaxanu or kë yëlënd apexa ol.

¹²Ata oyekax olo këbo sëy'alind ene kwëyëtande becusëšus beŋ, gë oñandi od gër ngwën ro ok do ene cotaxëne gë okey oko dëŋ, aniyan and gë orenik, and gë onden, and šenene, and kë wëlayand bend Kaxanu.

¹³Mondako këne šenixëne er gë onënga ir këne yarënde in, do gë akey and kë šanayaw enjaran end Yesu Kërisët aŋ, mëŋ ar ex Kaxanu, ar xwën këbo do fexën këbo an.

¹⁴Mëŋ dëŋ yëlayak në endebi ebo dacëtaxën gër eñëŋënax end ex yo do ebo mënën, ene gixëne bulunda ir xwën ko, ir kë balëkënalind edi ed benjekax in.

¹⁵Mondako ŷapëk eyëbi tëŷalind, eyëbi kemënënd do eyëbi wërëšëtënd gë dek or gapak or šot këŷ ol, ala kërexi yaf na!

Tit 3

End aniyän and oxëreceŋ eŋ

¹Kwitanindëbi bërëwāk bën mëne aŷap ŷapëk enëbi baxëtënënd bëlëngw bën do gë bemun beŋ. Diyindëlexëni er këni rend in, do gindëlexëni bëwëlëk eni di enjekax end ex yo.

²Pelëlëbi eni gi bër mongwëlër, bër bëngwëk, do eni nënga gër bela dek, ala këreno denand na.

³Enimin, biyi bëte đamana enëŋo nange Kërisët, er hi bane bëfëñirëx, bëwëšik, bënambërak, okadëp od oñandi oñëŋënax do gë od benëngax betëmbak. Mbaŋ xeŷ bane, do babo ŷakëraxirand, bane xoŷëndërende do bane šusërende andëbi rebi aŋ.

⁴Barikan and ħatan këŋo Kaxanu Afexën arebi aŋ, w̄asin këbo biyi bela bën oyekax orexëm ol do ang ħan këbo ak.

⁵Në end axaŷënan irexëm fo rixën ko mondako, bari ax gi ex na đe ga ri këne bend šenene. Afexën fexën këbo gë xobuyi or andëw̄a angašax ol do gë enëngwët ed ko nëngwëtënd Angoc Amënëk el.

⁶Kaxanu yël këbo đëm Angoc Amënëk aŋ pađ gë Yesu Kërisët, Afexën arebi an

⁷ebo kwëtaxën bër šenene pađ gë oyekax orexëm ol, ene cotaxëne aniyän and din and këne yarënde aŋ.

⁸Awa eyey'an elo đal ex do aŷandi ŷandi ke eyëbi këñënanënënd bër xwëta këŋo Kaxanu bën gë obal osëm ebi bëroxën edi ed benjekax el. Awa eŋo ayeyek do ofëcak or bela ex!

⁹Barikan kwëŷëtal oyey'andëran ofëñirëx oŋ, gë or bend bandëwëra oŋ, gë oxeyër oŋ do gë ecembëtëndër ed në end acariya and Moyis el gayik dek beŋo ax ñap ex na, ofëcak këm ex.

¹⁰Ar kë w̄ëlawënd bakucara gër amara an, pelëralo amat xali baki, bari ŋw̄ayido angëmëne axi baxët ex na.

¹¹Anang nang këŷ mëne ala arako rako an, asëmbak ex, ar kë w̄ëndërand ex do gë andexëm dëŋ ko nëpayand.

Bapela bapelatar baŋ

12And këmo law̄ënëli Arëtemas ba Tişik aŋ, kemënyid ey'e kacali gër Nikopolis gayik gër emëkw edam faÿ këme exe kuca fën amëd and gë aÿem aŋ.

13Kemënal eyëbi yëlëra šëlafana, Senas, asëÿali ar acariya an do gë Apolos eni kucaxën gër damana irebën, ŷoweÿ këreni can na.

14Aÿap ŷapëk bëmaÿe bendebi bënd ex bërëw̄ak bën eni tÿ'a egi ed bënëngax el, do gindëlexëni din bëw̄elëk gër edi ed benjekax, enëbi dëcaraxënënd bër šëmura këbi mbaŋ bën; këreni dīyand na wa gë ofëcak këm.

15Awa bër enga endam bën dëk ki šëmand. Cëmalëbi bër ex odawo odebi ga bar këne ekwëta ebat bën. Kaxanu yëlëleŋun wën dëk oyekax ol!

Filemoŋ

Filemoŋ 1

Ecëmar el

¹Wëno Pol, ar fëra këno në end Yesu Kërisët an, wëno gë abaÿe Timote ki ÿëgwënëlinde wëj Filemoŋ. Wëno mbaŋ ke balënd endey' eŋ, wëj ar bar këne andiyen amat an.

²Gër kayëta ijo ro, abar bar këmun wëj gë Apiya, imaÿe itoxari indebi in, gë Arëšip ar xel këmi hi enga endemat an, do gë bër gër Amara and hik gër iciw̄ indeÿ bën.

³Faba irebi Kaxanu do gë Axwën Yesu Kërisët, yëlëlenun oyekax ol do gë obetak ol.

End aŋana aŋ do gë ekwëta ed Filemoŋ eŋ

⁴Din këmi xwitand mi calen do këmo šëkwand Kaxanu ir xwën ke.

⁵Awëlati wëlati këme mëne wëj mbaŋ xwëta këÿo Axwën Yesu, bëte mbaŋ ki balënd end dek okëreceŋ ocandax eŋ.

⁶Ga bar këne ako ekwëta edebat, anang nang këÿ dek er yek eyëbo din në end Kërisët in. Awa masinëlëbo ngwa.

⁷Wëno mbaŋ nëngandëra ke do mbaŋ xemën ke aŋana andey' aŋ. Abaÿe Filemoŋ, enimin okëreceŋ odanjëm yema këbi oŵëkw oŋ në endey'.

End emëka ed Pol eŋ

⁸Mëŋ ex, ga yël ke Kërisët or gapak ol, anëÿali anëÿali domi er ÿapëk ey' di in, bari ame di na.

⁹Er ÿapan ke mi kara mo kara ga nang këme ako gë aŋana hi këÿ. Wëno Pol, anëka xar këme bëte waca ke hi këme gër epëra në end Yesu Kërisët.

¹⁰Axara këmi xarand end Onesim eŋ . Asëñiŵën iram hi ko elod yatir w̄a ko end Kërisët eŋ ro gër epëra.

¹¹Bakey band xucak baŋ, ofëcak abaxi rin na. Barikan gërëgako, arin këbo rin wëj gë wëno.

¹²Anëka felëli këmo exo maÿili ado ga lëkër këmi mbaŋ.

¹³Dek ÿandi baxe exo bayi gër ndam ro, exe dëcarand ang do y'e rëcara wëj ak ang hi këme gër epëra në end Atëfëtan ak.

¹⁴Bari gematak axe ñandi bana me di xarak axe wëlër exe na pere këdi këmi nëÿali ey'e din oyekax olo.

¹⁵Bamat imëd fo šapër ban gë Onesim eŋun ketaxën din.

¹⁶Barikan gërëgako nëmëc xadëp hi ko. Imaÿe ind ki bal mbaŋ hi ko, axo bo ex na xadëp fo. Wëno gë pit ke balënd endexëm eŋ xarak wëj doxi balënd nëmëc gayik xadëp irey' exo. Bëte arey' hi ko ga bar kën ako gër Axwën Yesu.

¹⁷Awa angëmëne wëj gë wëno abar bar ke, kwëtayalo Onesim ang xwëtayadoy'e wëno ak.

¹⁸Angëmëne aŵenan ŵenan ki, wëno këy'e wëkaď, do angëmëne ÿeÿ ÿomëxa ki na, wëno ki ŵašënëď.

¹⁹Ata wëno Pol kë ÿëgwëlind gë ataxan andam aŋ dëŋ: wëno aŵašën këmi ŵašën. Wëj aniyän andey' aŋ dëŋ ga ÿomëxa këy'e wa, bari ami pel na.

²⁰Eyo abaÿe, dëcale mondako në end Kërisët, yemënël emëkw edam el ga bar ke ako gër ndexëm.

²¹Anang nang këme mëne aŵa këy' ŵa er këmi ÿëgwënëlinď gër kayëta ijo ro in. Aye fëni ke mëne nëmëc er xara këmi in këy' ri.

²²Gërëgako këñënanëxëye bëte aciŵ, yëla këme mëne asebët këne sëbëtëli gayik Kaxanu ayakali këŋun yakali cale indewën iŋ.

Epelar el

²³Epafëras, imaÿe ind fëra kënebo në erebat në end Yesu Kërisët iŋ, ašëma këŋun šëmand.

²⁴Ašëma kënun šëmand bëte bër bar këmi andiyän bën: Marëk, gë Arisëtarëk, gë Demas do gë Luk.

²⁵Oyekax or Axwën Yesu Kërisët ol gil ex gër onden ondwën!

Bêšewif

Bêšewif 1

End Asëniw̃ ar Kaxanu eŋ

¹Akarëk aŋ, Kaxanu bakëlëbëd bakëlëbëd do gë bamatinali bandanjëm felëra këbi bëxarëk bërebi bën paß gë bëlawënel bën.

²Barikan gër bakey bapelatar band hi këne baŋo, afelëra felëra këbo paß gë Asëniw̃. Ata Kaxanu paß gë Asëniw̃ irexëm ijo ri ko ngwën inŋ do mëŋ fo ex ar sana këŋo exo kwën beŷ dek an.

³Gër Asëniw̃ ijo šanayak oye or enjaran end Kaxanu ol, gër ndexëm fo watic enimin ola orexëm ol, bëte mëŋ fo lëkayak ngwën inŋ gë eyey'an epangak edexëm el. And rin këbi bëla šadaxa ir angunëtan and beñëŋëtax aŋ, abaka baka ko yëpax ko y'aŋ gër orën, gër liw̃ ir Kaxanu, mëŋ ar gë owun osëm an .

End Yesu do gë omeleka eŋ

⁴Asëniw̃ ijo nëmëca këbi or gapak ol omeleka ok mëŋ yëtaxën këŋo Kaxanu oŵac or wëlik nëmëc gë orebën ol.

⁵Enimin Kaxanu, elod aŋo pel ex na meleka: «Wëj ex Asëniw̃ën, wëno wa rëw̃ ki doru.» Do bëte: «Wëno kë hi Sëm do mëŋ exo gi Asëniw̃ën.»

⁶Barikan Kaxanu and baŋo lawënëgund Asëniw̃ gër ngwën ro aŋ, mëŋ ar hik đamana exo dixën beŷ dek an, are re ko: «Dek omeleka od Kaxanu ok, poxiyindëlexëni eno cale!»

⁷End omeleka eŋ cëŋ, are re ko: «Omeleka od Kaxanu ok bangoc exëni, Bëriyenin bërexëm exëni ang xodux or xafa-xafa fo.»

⁸Barikan end Asëniw̃ eŋ, are re ko: «E Kaxanu, ayël yël këy'o din ir din acët and owun oreŷ and ex acët and or šenene aŋ.

⁹Ahan han këy' end šenene eŋ do šus këy' eñëŋëtax eŋ. E Kaxanu, Kaxanu sana ki, mëŋ xoš ki gë ogu exi nëngandëtaxënënd do mondako sana ki gayikako abal këŋo balënd andey' eŋ nëmëc gë end bošandax eŋ .»

¹⁰Do bëte: «Axwën, wëj rik edëda ed ebar el elod gër y'anar do orën ol, andiyen andey' ex.

¹¹Orën ol gë ebar el ašapër kë šapër axar kë xar ang banjëm fo. Barikan wëj din ir din këy' bayi.

¹²Alongomira këy' longomira ang bacud' bakarëk fo, do ey' nëmëba ang këni nëmëband bacud' bacëxe ak. Barikan wëj din ar hi këy' an këy' bayi, ola oreŷ ol or din ir din ex .»

¹³Kaxanu nande fel këŋo na meleka: «Ñëpal gand liw̃ iram ro xali mëni bar bërangoyëra andey' bën eni gi ambëñaxën andey'?

¹⁴Ax gi ex na nde omeleka ok ex bangoc band këño riyeninënd Kaxanu baŋ? Ax gi ex na nde bën këbi laŋwëndërand eni di andiyen and edëcara ed bër kë šot Apexa bën?»

Bëšëwif 2

End apexa akëbënaxik eŋ

¹Mëŋ ex, aŋap ŋapëk ene balëkënalinde mbaŋ eyey'an ed wël këne el këdi këbo nambeli ala.

²Enimin, angëmëne eyey'an ed wëlaw këni omeleka el ed mokwëta ex, angëmëne Kaxanu šenene nöp babi bër wëndërak do hëp bax eni kwëta bën,

³mondake kënëŋo šanade biyi angëmëne alangangan langangan këne apexa and xëbënëk mondako aŋo? Axwën Yesu ga ŋanak wa etëfëtëran ed apexa aŋo el bëtaxën këni bër baŋo baxët bën ene nangaxëne mëne dal dëŋ ex.

⁴Ax gi ex na nde wa Kaxanu afëb baxo fëbënd osede orebën ol ga babi yëlënd panga ind bani rixënënd becarax iŋ, gë bërëcaxik bend ex yo, do gë banjëla band babi yëlënd Angoc Amënëk baŋ ang këño ŋandi ak?

⁵Gayikwa ngwën ingašax ind këne rende ay'ow kë y'ow iŋ, Kaxanu abi yël ex na owun ol omeleka ok.

⁶Barikan ala rek na gër Oñëgw Omënëk: «Kaxanu, ine ngwa hi ko Asëñiŋ ar ala an, mëŋ ki balaxënënd mondako endexëm eŋ? Noŋo ngwa hi ko mëŋ këyo fëyëpëyaxënënd mondako?

⁷Tëkër fo wã bay' exo bana gër omeleka, Ata wëj šud këyo owun or gë enjaran ol do gë or gapak ol.

⁸Beŋ bën dek xwët këy dila gër osapar orexëm .» Kaxanu, ga bar ko ako beŋ bën dek gër owun orexëm, ŋoweŋ ax bayi ex na. Dal ex gërëgako ane watënde ex na mëne gër beŋ dek wun ko.

⁹Barikan awat kënëŋone wate Yesu, mëŋ ar bana bax imëd fo gër omeleka an. Awat kënëŋone wate ga wun ko, gë enjaran eŋ do gë or gapak ol gayik mëŋ sorok ecës el. Gë oyekax or Kaxanu ol, šësaxën baxo Yesu në end bela dek.

¹⁰Enimin, Kaxanu rik beŋ bën dek do mëŋ xwënëk. Do ga ŋandi këño ebi mëla bela bëranjëm gër enjaran endexëm, seb këño Yesu exo toro, exo gixën aŋwelëk ar ebi mëlanaxënëgu apexa an.

¹¹Gayikwa ar kë wënënënd an do gë bër wënën këbi bën, në arabat šanëgu këni. Mëŋ ex, Yesu aŋo cëfënan ex na ebi mac bëmaŋe,

¹²and re ko: «Asëfëtan këmëni sëfëtan oŋac oreŋ ol bëmaŋe bën, ayas këmi yas mërëxand ir amara .»

¹³Do bëte: «Wëno axwëta këmo xwëta Kaxanu.» Bëte are re ko: «Nëkodëbo wëno gë bela bër yël ke Kaxanu bën .»

¹⁴Awa gayikako bela bëjo bër gë beman exëni, Yesu ahi hi baxo bëte gë eman ang bën ak. Ašës šës ko eņo koraxën ar wëña babi bela gë ecës an, mëne ngëņ šabucara in.

¹⁵Mondako ri ko ebi dacëtaxën đek bër bax liyand gër oxadëp bën ga bani yëdand ecës el.

¹⁶Enimin đal ex, bërändëwëra and Abëraxam bën yow baxo ebi dëca mondako, bari ax gi ex na omeleka.

¹⁷Bëte aņap ŷap bax eni bar andëwëra amat gë bobinëm, exo gixën ašadaxan alëngw ar gë axaņënan do ar mokwëta gër andiyen and Kaxanu, ebi dinaxën bulunda in šadaxa ir angunëtan ir beņëņëanax in.

¹⁸Gayikako mëņ dëņ anang nang ko er ex atëy in do gë er ex toro in, axor ko xor ebi dëca bër këbi fab atëy bën.

Bëšëwif 3

End Yesu do gë end Moyis eņ

¹Wën bëmaņe bëmënek bëņ, wën bër hik šëf gër oŵac or Kaxanu or ŵac këņun gër orën bën, awa kamanino Yesu, mëņ ar këne reyarande poyoma mëne mëņ laŵëneņgu këņo exo gi parëxanda do ašadaxan alëngw.

²Ar mokwëta hi baxo gër ogës od Kaxanu ang hi baxo Moyis akarëk ak, mëņ ar laŵëneņgu baņo do xwëtënan baņo đek bër gër iciŵ indexëm an.

³Ata Kaxanu, ga xwëta këņo mbaņ Yesu yëłaxën këņo enjaran end nëmëcak end Moyis eņ. Gayikwa ar bayëk iciŵ an xëbënek nëmëc gë iciŵ ind bay ko in.

⁴Enimin, iciŵ ind ex yo ala bayëk, xarak Kaxanu ex ar bayëk beņ đek an.

⁵Moyis cëņ, ahi hi baxo ariyenin ar xwëta baņo do xwëtënan baņo đek bër gër iciŵ indexëm bën exo deyaxënënd osede or er ko re in.

⁶Barikan Kërisët ar mokwëta hi ko ang Asëñiŵ fo gër iciŵ indexëm. Xarak iciŵ ino, biyi ene angëmëne abayi këne bayinde ga xwëta këneņone, do angëmëne abayi këbo bayind eyar ed këne ŷaņelinde el.

End emëšen ed Kaxanu eņ

⁷Mëņ rexën ko Angoc Amënek aņ: «Doro, angëmëne en wëlënd oniŵ or Kaxanu ol,

⁸këren mëšind na gër oŵëkw orewën ang bani ŵëšind bëxarëk bërewën ak, yatir ri babi Kaxanu atëy gër ladawe.

⁹Gër ladawe, bëxarëk bërewën bën ari bani rind bend këmëni xoņëanaxën beņ do awat wat bani bendam beņ

¹⁰xali bëniy ofëxw onax. Mëj xoÿënaxën bamëni banjex bandebën baŋ, do re këme: “Banjelan bandebën baŋ din këbi nambelind do ani nang ex na bapela bandam baŋ .”

¹¹Awa ga xoÿ këme ako, yaŝar këme: Bëjo din ani ŋat na gër ebar ed xëñënan këmëni eni teyëtax!»

¹²Awa gër amara andewën titinayin de bëmaÿe, kërexo gi na ar gë emëkw eparëdadik, ed gë oŋëpëgënan, ed këjo ħawëtand Kaxanu, mëj ar gë aniyan an.

¹³Barikan kemëndëringëndë andewën rewën aŋ key yo key nand kën xorënd en de «Doro». Gabatak kërex mëŝind na gayik edi ed eñëjënax end kë nambelind këjo yetëyetënd.

¹⁴Enimin, abar wa bar këne gë Kërisëtangëmëne alëkaya lëkaya këne xali gër eŋata ekwëta ed ŝot këne el, end dal end wã këne elod gër ÿanar eŋ.

¹⁵Ga rek ako Oñëgw Omënëk: «Doro angëmëne awël wël kën oniŵ or Kaxanu ol, këren mëŝind na gër oŵëkw orewën ang yatir emëŝ end bëxarëk bërewën ak .»

¹⁶Xarak, nobën ex bër wël bax awël dëj oniŵ or Kaxanu barikan wëŝen këno bën? Ax gi ex na nde dek bër ŝanëgu bax gër ebar ed Misëra ga lëngweliw këbi Moyis bën?

¹⁷Bëte nobën ex bër babi xoÿënënd Kaxanu xali nëkak bëniy ofëxw onax bën? Ax gi ex na nde bër bax wëndërand bën, bër nemirak do lapëra kënebi gër ladawe bën?

¹⁸Do bëte nobën ex bër re baxo Kaxanu mëne din ani ŋat na gër ebar ed xëñënan babi eni teyëtax bën? Ax gi ex na nde bër kë wëŝind bën?

¹⁹Biyi awat këne watënde aye mëne bela bëjo ani kor bana eni ŋat në end oŋëpëgënan odebën eŋ.

Bëŝëwif 4

¹Awa biyi yëdarandëne de gayikako eteyëta ed ebeyã këbo Kaxanu el abayi bayik xali doro. Gabatak kërejo wew na eŋo.

²Gayikwa biyi bëte anangën nangën kënebo Atëfëtan aŋ ang nangën banëbi bëxarëk bërebi ak. Bari bën eyeyãan ed wël bani elo ÿoweÿ ani cotaxën bana gayikwa ani kwëta bana.

³Enimin, biyi bër xwëtak eyeyãan elo bën, aŋat këne ħate gër eteyëta ed re baxo: «Awa ga xoÿ këme ako, bëjo din ani ŋat na gër ebar ed xëñënan bamëni eni teyëtax .» Kaxanu anëka faÿ baxo andiyen andexëm aŋ elod nand ri ko ngwën na.

⁴End akey anjongakinëm eŋ, na ex na gër ed rek gër Oñëgw Omënëk: «Ata Kaxanu seyëta ko yatir akey anjongakinëm, ga faÿ ko dek andiyen andexëm aŋ .»

- ⁵Oñëgw Omënëk ok are rek bëte: «Din ani ñat na gër ebar ed xëñënan këmëni eni teyëtax!»
- ⁶Awa gayikako bërëmar fo kë ñat gër eteyëta elo do mëne bëñanar bër nangën banëbi Atëfëtan aņo bën ani dıl bana në end emëş endebën,
- ⁷Kaxanu asana sana ko akey, mëne ngëñ «Doro», and re baxo elod anëka fo pab gë Dafid ang rew këme ecede ak: «Doro angëmëne en wël oniŵ or Kaxanu ol, këren mëşi na gër oŵëkw orewën .»
- ⁸Enimin, angëmëne Yosuwe añateli ñateli babi Bëyisërayel bën gër ebar ed ebax eni teyëtax, Kaxanu axo yeyan dona end akey acëxe.
- ⁹Awa akey and eteyëta and bulunda ir Kaxanu exëna, ang akey anjongakinëm ak.
- ¹⁰Gayikwa ala ar kë ñat gër eteyëta elo an, anëka seyëta ko andiyen andexëm aņ ang seyëta ko Kaxanu andexëm ak.
- ¹¹Awa biyi marane ene ñate gër eteyëta elo, ala kërex nambëra na në end emëş endexëm, ang ri bani bëxarëk ak.
- ¹²Gayikwa eyeyan ed Kaxanu el kë yëlënd aniyan aņ. Añaş kë ñaşënd ga ñakëk nëmëc duxuma ir fëco añak fëco añak. Añaş kë ñaşënd ñëş gër ed fitarëk enjëŵ eņ do gë angoc aņ, ñëş gër ocom, ñëş gër odëngëş. Axiti kë xitind oñandi ok do gë banjëlän band ex gër emëkw ed ala baņ.
- ¹³Er ri ko Kaxanu in ax conayand na gër ogës odexëm: kerët ko watënd beŷ bën ðek, do gër lëngw irexëm këne xwëşade ene deyaye ðek bend ri këne gër aniyan andëbi beņ: hik benjekax, hik beñëñëtax.

End aşadaxan alëngw eņ

- ¹⁴Gayikako aşadaxan alëngw ar şot këneñone an, mëne ngëñ Yesu, Asëñiŵ ar Kaxanu an, yaņ gër orën baka ko, awa balëkënalindëne bend këne reyarande poyoma beņ.
- ¹⁵Aşadaxan alëngw ar şot këneñone an, aye nang ko ang sitara këne ak, gayikako mëñ dëñ atëy and ex yo hi këño. Barikan gamatak axo tëkwan ex na do axo di ex na eñëñëtax.
- ¹⁶Awa tëkane gë anjiŷ këm añëpara and owun and Kaxanu aņ, mëñ ar gë oyekax do gë axaŷënan an, ebo dëcaxënënd nand ŷapëk na.

Bëşëwif 5

- ¹Enimin, aşadaxan alëngw ar ex yo, ala këno fitënd mërëxand ir bela, eno pëxwëtaxën andiyen and Kaxanu aņ. Awa mëñ ebi dinënd ocađaxa ok gë bebër këni wëlarawënd bën do gë oyel or kënebi lasëgund ol, eni cotaxën etëban ed beñëñëtax bendebën el gër Kaxanu.

- ²Aşadaxan alëngw an abujan këbi bujanënd bër sitarak bën do gë bër kë lifënd bapela bën gayikako mëñ dëñ asitara sitara ko, do alif ko lifënd bandëmar.
- ³Në end ositara orexëm olo ÿapëk exo dixënënd şadaxa ir beñëñenax bendexëm in andamat gë ir beñëñenax bend bulunda dek in.
- ⁴Xarak ala ax yatand na gë andexëm dëñ or gapak or exo gixën aşadaxan alëngw ol. Ar kë hi an, Kaxanu këño yatand ang yata baño Aharon, akarëk ak.
- ⁵Mondako fo ex end Kërisët eñ, axo yata ex na gë andexëm enjaran end exo gi aşadaxan alëngweñ. Barikan Kaxanu yata këño and fel baño: «Wëj ex Asëñiwën, wëno wa rëw ki doru .»
- ⁶Ang rek bëte gër Oñëgw Omënëk ak: «Wëj aşadaxan ar din ir din hi këy ang ebaxo Melëkisedek ak .»
- ⁷And hi baxo Kërisët gër ebar ro añ, aşale baxo şalend akey amat, oniw ol kë wëhind caw do ongwën oñ kë şarënd. Kaxanu, mëñ ar xor bax eño dacët gër ecës an, baño xarand do ayakali yakali baño cale indexëm iñ gayik abaxët baxo baxëtënd endexëm eñ.
- ⁸Ado ga exo Asëñiw ar Kaxanu, toro ind ex yo soro ko, exo nangaxën ang yëkak ema ed ebaxët ed Kaxanu ak.
- ⁹And fañ ko añ, şotën këbi apexa and din ir din dek bela bër këño baxëtënd Kaxanu bën.
- ¹⁰Ata Kaxanu sana këño exo gi aşadaxan alëngw ang hi baxo Melëkisedek ak.

End eñawëta ed Kaxanu eñ

- ¹¹Gër endey eño, bendanjëm ebax mun pelëra do bend lakëk ebax mun pañën gayik wën añun pëmind na añand.
- ¹²Enimin, wën anëka hi don bësëy'ali bër bend lakëk gayikako elod anëka fo wël kën eyey'an ed Kaxanu el. Barikan mocala kën şaland enun tëy'ali bapela band saxëk gër eyey'an elo bañ. Xali gërëgako omër fo kën şebënd gayik an korënd na en y'amb ecemar.
- ¹³Xarak ar kë şebënd omër fo an, axo kor na eño pëni eyey'an ed kë yëlënd or şenene el: itox imeja fo bayi ko.
- ¹⁴Barikan ecemar el, mëne ngëñ bend lakëk gër eyey'an ed Kaxanu beñ, bëxarëk kë y'ambënd, bër fëni këbi epitëndër ed enjekax do gë eñëñenax gër bandixa bandebën bën.

Bëşewif 6

- ¹Awa mëñ ex, ga seb këne ako etëy'a ed bend saxëk gër eyey'an ed Kërisëtel, tëy'ane bend lakëk beñ, nëngwëtërëxe edëda el mëne ngëñ: enëngwët ed ola el, gë ekwëyëta ed bend gë ofëcak këm el, gë ekwëta ed Kaxanu el,

²gë ewunëtaran ed gë men el, gë ecalen ed moñëmba el, gë ekani ed gër ecës el, do gë kiti ind din ir din ind yatir kē xwët ngwën in.

³Biyi osëy'ali or ÿap kēbi bēxarëk ol kēne sēfe angëmēne aŵa ŵa ko Kaxanu.

⁴Bela exëna bër hōba kēbi Kaxanu gë däl irexëm in, sëy'in kēbi oyël or gër orën ol, do yël kēbi Angoc Amënëk aŋ.

⁵Anang nang kēni onënga or kē yëlënd eyey'an ed Kaxanu ol do ang fangak ngwën ind kē yowënd ak.

⁶Do bela bējo and kēni bakan ola oxarëk orebën aŋ, ax mënd ex na ang kēni nëngwëta gašëxe ak. Gayikwa ata kē hi nangëde gašëxe kēno fikand Asëñiŵ ar Kaxanu an, do kēno šëfëñind poyoma.

⁷Enimin, ebar ed gër ed kē sēbënd laŋ el, awët kē wëtënd do enedä end ned kēni yo ofëcak kēbi yëlënd na bënëd bën. Kaxanu wa kēbi rinënd oyekax olo.

⁸Barikan angëmēne gër ebar elo, odëmbën do gë araf gëmëd fo lëguk, ebar elo ofëcak abi yël na, ax ye ex na, do ecor fo bayik.

⁹Wën bëmaÿe bënd kēbo balënd mbaŋ bējo, ado ga këmün felërand mondako, aŵa ŵa kēmi mēne wën ašot kën šot er xëbënëk nëmëc in, mēne ngëŋ apexa aŋ.

¹⁰Enimin, Kaxanu ar šenene hi ko, axo gi ex na asëmbak, axo kwëya na andiyen andewën aŋ, bëte axo kwëya na ang hān kën oŵac orexëm ak, ga kënëbi rëcarand ako bërëŵak endexëm bën.

¹¹Barikan er ÿandi kēbo ala kala exo bayi gë obal osëm or kējo balënd ol, en cotaxën dëk bebër kën yarënd bën.

¹²Tëfëtelindënëbi bër xwëta kējo Kaxanu bën do bër buŋak bën gayik bela bërako rako bën kēbi yël Kaxanu bënd bey'a ko beŋ, bari këren dangangan na.

End ebey'a ed Kaxanu eŋ

¹³Enimin, Kaxanu and bey'a kējo Abëraxam aŋ, gër oŵac orexëm fo yašar baxo gayik ar xuca kējo ax gi ex na.

¹⁴Are re baxo: «Däl ex, wëno mbaŋ kēmi yël obetak ol do obaš oreÿ ol moñëmb kēni ÿëmb ».

¹⁵Ata Abëraxam ga buŋa baxo, šotaxën baxo end bey'a baŋo Kaxanu eŋ.

¹⁶Bela bën gër oŵac or ar ÿëmbëta kēbi kēni yašarënd do eyašar elo kē ŵasinënd mēne ari dëŋ kēni ri end re kēni eŋ, ata gë eyašar elo kē yirënd ecampëre el.

¹⁷Ata andamat ex gë end Abëraxam eŋ, bërändëwëra andexëm bën ebax eni cot bebër bey'a baŋo Kaxanu ayël kējo yël bën. Do exo nangaxën Abëraxam mēne ari dëŋ ko ri er bey'a kējo in, Kaxanu baš ko yašar ko.

¹⁸Kaxanu, ebeŷa ed beŷa ko el do gë eyaŷar ed yaŷar ko el din axo nëngwët na. Awa biyi kemënëlebo beŷo gër ekwëta ed xwëta kënëŷone, gayikako dek seb këne ene cënixëne bebër këne yarënde ene cote bën.

¹⁹Ang kë xwëŷaxënënd kuluŷ in gër bëŷa në end odun okwëŷaxën od këni lapënd polo gër men ok, mondako fo ex eyar ed këne yarënde elo, mëŷ ŷëmaxënëk benjëw bendeŷi beŷ. Në end bebër këne yarënde beŷo këne xucaxënënde anjëm amëgax and bax wedind lëngwe ir Aciw and Kaxanu aŷ do këne hatënde

²⁰lëf gër ed lëngwa ko Yesu në endebi, mëŷ ar hik din ir din aŷadaxan alëngw, ang hi baxo Melëkisedek ak.

Bëŷëwif 7

End Melëkisedek eŷ

¹Melëkisedek ijo, er hi baxo emun end angol and Salem do aŷadaxan ar nang baŷo Kaxanu, mëŷ ar ex ŷaŷ gër orën an. Yatir xaca baŷo Abëraxamga hiw ko gër emer ed xorëgu babi bemun bëdanjëm el, aŷalen ŷalen baŷo.

²Ata Abëraxam mëŷ bëte yël këŷo dim ir dek bebër xandëraw babi bemun beŷo in. Xarak and këne hateliye er wacayak oŷac orexëm aŷ, ata këne sëke mëne eŷanar eŷ, «Emun end or ŷenene» hi ko. Ekinëm eŷ, emun end Salem mëne ngëŷ «Emun end obetak» hi ko bëte.

³Endexëm ani nëgw ex na mëne ar gë nëm, gë sëm do gë bërändëwëra hi ko. Bëte ani nëgw ex na nand ŷanak aniyan andexëm do gë nand xwëtëk na. Do ga wëndër këni mondako gë Aŷëniw ar Kaxanu an, hixën ko din ir din aŷadaxan.

⁴Watin mëne Melëkisedek ar gapak hi baxo, mëŷ yëlxën baŷo Abëraxam, axarëk areŷi an, dim ir bebër xandëraw babi bemun gër emer in.

⁵Bërändëwëra and Lewi bër kë rind andiyen and ocaŷaxa bën ŷap babi ebar ed dim ir Bëyisërayel el, mëne ngëŷ dim ir bëmaŷe bëndebën in ang rek acariya and Moyis ak, xarak bën dek bulunda ir bër rëw këŷi Abëraxam exëni.

⁶Melëkisedek axo gi bana ar andëwëra and Lewi. Barikan mëŷ xana bax dim in gër otaxan od Abëraxam, do ŷena ko ŷalen këŷo ar beŷa baŷo Kaxanu an!

⁷Xarak aye nang këne mëne ar gapak an këŷo ŷalenënd ar toc an.

⁸Do bërändëwëra and Lewi bën ado ga hi bani bër ebax ex cës akey amat, mondako dëŷ bani xanand dim in. Barikan Melëkisedek mëŷ, laŷ abëngw exo ang këni reyand ak.

⁹Ado Lewi, sëm ir bër kë xanand dim bën, ayël yël baŷo Melëkisedek dim in paŷ gë Abëraxam:

¹⁰gayikwa gër oŷat or sëm Abëraxam ŷayi baxo yatir fedër bani Melëkisedek gë Abëraxam.

¹¹Awa kido bela bën aħatën bani ĥatënënd or ŝenene ol paĥ gë oŝadaxan or bërändëwëra and Lewi ol, gayikwa gër oŝadaxan olo ex andëp and acariya and Moyis and yël babi Kaxanu Bëyisërayel aŋ, ineŵa yowaxënëgu doxo aŝadaxan aŝëxe, ar ang Melëkisedek ak, xarak axo gi ex na ar andëwëra and Aharoŋ?

¹²Gayikwa and nëngwëtak oŝadaxan aŋ, anëngwëta nëngwëtak bëte acariya aŋ.

¹³Do Yesu, Axwën arebi an wa, faĥ këŋo endey eŋo. Xarak gër nëng irexëm gabatak ax gi bana ar bax riyenind gër angëb.

¹⁴Enimin, ðek fo nang këne mëne Axwën arebi an arandëwëra and Yuda hi ko. Xarak Moyis axo de bana mëne bërändëwëra aŋo bën axor këni xor eni gi bëŝadaxan.

End aŝadaxan ar ang Melëkisedek eŋ

¹⁵Watin bëte end ðal end këbo wësin kerët mëne aŝadaxan aŝëxe ar yowëk ajo, awëndër wëndër këni gë Melëkisedek.

¹⁶Yesu ex aŝadaxan ajo, do gë panga ind aniyän and din ir din iŋ hixën ko, ax gi ex na paĥ gë acariya and rëpën këni bela fo aŋ.

¹⁷Gayikwa osede olo reyak Oñëgw Omënëk ok: «Aŝadaxan ar din ir din hi këy ang Melëkisedek ak.»

¹⁸Mondako yepën ko Kaxanu acariya akarëk aŋ gayik ax bayi bana gë panga, ax bo bana gë ofëcak.

¹⁹Enimin, acariya and Moyis aŋ ax korënd na ex ŋata er yandi këŋo Kaxanu in. Barikan paĥ gë eyar ekëbënëxaxik ed ŝot këne el, axor këne xore enëŋo tëkaye Kaxanu.

²⁰End aŝadaxan ajo eŋ, ayaŝar yaŝar baxo Kaxanu, barikan end bëŝadaxan bëŝëxe eŋ, axo yaŝar bana.

²¹Ayaŝar yaŝar baxo and fel baŋo Yesu aŋ: «Wëno Axwën an yaŝarëk, axe cena na, aŝadaxan ar din ir din hi këy.»

²²Mëŋ ex, Yesu ex ar lëkayak eter ed gë Kaxanu ed nëmëcak eter eñanar an.

²³Bëte bëŝadaxan bërändëwëra and Lewi bën aŷëmb yëmb këni ang bëtëra këni gër andiyen aŋo ak gayik ecës el babi rëxëtënd.

²⁴Barikan Yesu mëŋ din ir din ko liyand, oŝadaxan orexëm ol ala ax bëteli na.

²⁵Bëte mëŋ fo xorëk ebi pexën din ir din bër këŋo sëkand Kaxanu ga xwëta këno bën gayikako din ir din ko liyand ebi karanaxënënd gër Kaxanu.

²⁶Biyi cëŋ, aŝadaxan alëngw arako yap bax enëŋo cote: aŵënëk, ar ax tëkand na eñëŋëxax, ar gë amena këm, ar ani barënd na gë bëwendëran. Ata Kaxanu, aŝadaxan alëngw ajo wëla këŋo gër ed xucak ex tongina y'aŋ gër orën.

²⁷Ax gi bana exo dind ocaɖaxa ok key yo key ang baxo rind aɖaxan aləngw aɖexe ak nē end bamena bandexēm do nē end band bulunda. Amat fo ri ko ɖaxa in and yēlaya ko mēŋ dēŋ aŋ.

²⁸Enimin, paɓ gē acariya and Moyis aŋ bano sanand ala asitarak exo gi aɖaxan aləngw. Barikan paɓ gē eyaɖar ed bētəguk gēr acariya aŋo el, Kaxanu asana sana kēŋo Asēniw, mēŋ ar faɣayak din ir din an.

Bēsēwif 8

End aɖaxan aləngw arebi eŋ

¹Gēr bend kēne rende ɖek, eŋo xurik ex kēbēn: aɖaxan aləngw ɖot kēnēŋone na. Aŋpa yēpa ko gēr liw ir aŋpara and owun or Kaxanu yaŋ gēr orēn.

²Fēn ko riyeŋixēnd, lēf gēr Aciw amēnek, lēf gēr aner and ɖal, and ri ko Axwēn Kaxanu, xarak ax gi ex na and ri kēni bela.

³Enimin aɖaxan aləngw ar ex yo, ala kēno sanand ebi dinēnd ocaɖaxa ok bulunda in gē bebēr kēni wēlarawēnd bēn do gē oyel or kēnēbi lasēgund ol. Awa aɖaxan aləngw arebi an afo exo cotēnd bebēr ko rixēn ocaɖaxa.

⁴Kido gēr ebar ro hi baxo, axo gi dona dēŋ aɖaxan gayik bela exēna bēr kē rind ocaɖaxa ang rek acariya ak.

⁵Cale ind kēni lēgwelind bēɖaxan bējo iŋ, etēfētēli ed bebēr ex yaŋ gēr orēn fo ex. Andamat ex gē end Moyiseŋ, and baxo rind aner and Kaxanu aŋ. Yama Kaxanu sitin baŋo mondako: «Nēkonēl ɖe aye, ey ɖixēn ang aner and wasinēgu kēmi yaŋ gēr etēnd ak.»

⁶Barikan, gērēgako Yesu ex aɖaxan ar kē rind andiyen and xucak ekēbēn gē and eter eŋanar gayikako mēŋ ex aŋatelindēr ar eter ed wēlanēgu kēbo bekēnaxik bend beya kēbo Kaxanu an.

⁷Enimin, kido eter eŋanar el ŋenene ebax, ang yandi baŋo Kaxanu ak, axo nēmb dona gē eter ecēxe.

⁸Barikan Kaxamu are re baɓi bulunda irexēm in mondako: «Wēno Axwēn an ga re kēme, nē eyow ex amēd and kēme ri eter ekaɖax gē bulunda ir Isērayel do gē ir Yuda aŋ.

⁹Afitar kē fitar gē eter ed ri bame gē bēxarēk bērebēn el and nēcētēgu kēmēni gēr ebar ed Misēra aŋ. Bēn bayik ax tēf ex na ɓapela band eter elo baŋ ata wēno seb kēme ebal ed endebēn el. Wēno Axwēn an kē yeyanēnd mondako.

¹⁰Do watin eter ed kēme ri gē bulunda ir Isērayel el. And kē xuca ɓakey baŋo aŋ, wēno Axwēn an ga re kēme: “Gēr onden ondebēn kēme xwēt ɓacariya bandam baŋ, gēr oŋkw orebēn kēme yēgw. Wēno Kaxanu irebēn kēme hi do bēn eni gi bulunda iram.”

¹¹Gabatak aŋo ñana na eŋo tēyalind, ar angol amat gē mēŋ an, Gabatak aŋo ñana na eŋo pelēnd imaŋe indexēm iŋ: “Wēŋ nangēlo Axwēn an.” Enimin đek fo kēne nang, hik obaš ol, hik bēxarēk bēn.

¹²Gayikwa axaŋēnan ke xaŋēnan xali mēni teban betēmbak bēdebēn beŋ, do ame ñana na me kwitand beñēŋēnax bēdebēn beŋ .»

¹³Gayikako Kaxanu wācēk eter ekinēm el «Eter ekašax», eñanar el anēka xarēk. Xarak aye nang kēne er xarēk in anemi kē nemind.

Bēšēwif 9

End cale eŋ

¹Gēr eter eñanar, bapela hi baxēna band bax rend mondake ŋapēk ex gi cale iŋ, bēte aner and ri bani na gēr ebar ro eno calexēnēnd.

²Lēf gēr aner aŋo šetēndēr bani baciw baki gē anjēm and xaw bani aŋ. Aciw añanar aŋ bani wācēnd: «Gēr ed wēnēk». Na xwēt bani lambo ir gē ojana ocongoki in, gē atabēl aŋ do gē bamburu band oyēl baŋ.

³Aciw akinēm aŋ, and yabēt anjēm amēgax aŋ, bani wācēnd: «Gēr ed wēnēk nēmēc».

⁴Lēf na xwēt bani: furēno ir kaŋe, ir bani šoraxēnēnd ašuru ir xwēšēna bani gē angiri in do gē kangara ir nēngi bani gē kaŋe in. Polo gēr kangara ir bax wātinalind eter ed gē Kaxanu ijo el hi bax ikes ind kaŋe ind šēlaxēn bani: eyamb ed kēni wācēnd man el, gē ošet or Aharoŋ or nēt bax xali fētēfētik ol, do gē oxaŋ oxi or ang bangomb-gomb or ŋēgwaxēn baxo Kaxanu bapela band eter oŋ.

⁵Yaŋ gēr atēnda and kangara, fiš banēbi batox bapēsēfēs band wātinalind banēbi omeleka od gē enjaran od kēnēbi wācēnd Cerubeŋ. Eñaw endebēn eŋ bax labēnd atēnda and kangara aŋ, gēr ed bani xošēnd ošet or angunētan and beñēŋēnax oŋ. Bari ax gi ex na gērēgako kēmūn faŋēn beŋo đek, gē betil ak.

⁶Mondako bani xwētērand beŋ bēn lēf gēr aner and eter do bēšadaxan bēn laŋ bani lilēnd «Gēr ed wēnēk», eni dixēn bebēr rēp bax gēr cale bēn.

⁷Barikan «Gēr ed wēnēk nēmēc», ašadaxan alēngw an gabat bax lilēnd amat fo gēr iniŋ gē ošet or eni cotaxēn eteban ed bend lif kēni oŋ, mēŋ do gē bulunda in.

⁸Nand bayi bax aner and eter eñanar na, Kaxanu axo pērēt bana pere «Gēr ed wēnēk nēmēc» ang kēbo wāsinēnd Angoc Amēnēk ak.

⁹Endey eŋo apēnētal and amēd and hi kēne ex. Er wācayak mēne oyēl oŋ do gē ocađaxa od eter eñanar ok abax xor na ex mēnēn oŋēkw or bēr baŋo šalēnd Kaxanu oŋ.

¹⁰Bapela baŋo band bax sēyalind wayēt bēnd eman fo bax: bēnd eyamb ŋamb, bēnd ešēbēceb, gē bēnd ewunētaran ed gē men do gē bēnd rēp bax xali exo nēngwētēra Kaxanu beŋ.

- 11**Barikan and yow ko Yesu aŋ, hi ko ašadaxan aləngw ar benjekax bənd šot kəne gərəgako an. Aner and gər ed riyeni ko aŋ xurik ex kəbən gə and gər ebar ro aŋ, ado ax gi na and ri kəni bəla.
- 12**Məŋ amat fo lil ko «Gər ed wənək nəməc» gə ošat orexəm oŋ dən, xarak ax gi ex na de gə ošat or obeci, ba or oxey. Ata mondako ri ko ebo cotənaxən apexa and din ir din aŋ.
- 13**Enimin ang rəp bax ak, a wənən babi wənənənd bər buyarənayak bən, ošat or obeci do gə or ogaš or banəbi širəcirənd oŋ, gə eyəwən ed šambana ir ixey ir šadaxa kəno momələn ed banəbi fanənd el,
- 14**kaš ex ngwa ošat or Kərisət, məŋ ar gə amena kəm ar yəlayak gər Kaxanu gə panga ind Angoc and din oŋ. A wənən ko wənən o wək w orebi oŋ gər bandixa band gə ofəcak kəm, enəŋo calexənənde Kaxanu, məŋ ar kə yələnd aniyən an!
- 15**Ata mondako hi ko ngəŋ Yesu a hatelindər ar Kaxanu gə bəla gər eter ekašax: ašəs šəs ko ebi dacətaxən bə wəndəran bən, bər babi nəpənd bapela band eter eñanar bən. Bən waceli kəbi apexa and din and beya baxo ayəl kəbi yəl aŋ.
- 16**Gayikwa gər ed ex kayəta ir obəteli, ir yəgw ko ala ang kəni šetərəd napul irexəm bər kə bəteli d in, pere fo ko šəs ala ajo ex gixən mondi end yəgw ko eŋ.
- 17**Kayəta ir obəteli in, enimin and ko šəs ar yəgwək aŋ fo kəni fənənd, ofəcak ax yələnd na angəməne ar yəgwək an abəngw bayi ko.
- 18**Məŋ ex, ado eter eñanar el dən axo pəb bana Kaxanu and bayik ošat ax car bana pere aŋ.
- 19**Gayikwa Moyis, pere fənən babi apela kala gər acariya, wəl kəni dək bulunda in d amana wədaxən ko ošat or oxey do gə or obeci oŋ, bar ko gə men oŋ. Ga wəd ko omban ombarax ond opey do gə opat od atəx and kəni wacənd isop, yəmb ko gər ošat. Ata ga ko širəcir akayəta aŋ do gə dək bulunda in,
- 20**ko rend: «Watin ošat or seraxən kən gə Kaxanu oŋ .»
- 21**Mondako fo širəcir baxo gə ošat oŋ aner aŋ do gə dək o yənga or cale or hi bax ləf na oŋ.
- 22**Ata ang rəpək gər acariya ak, bebəranjəm bani wənənənd mocirəcir gə ošat oŋ, ex mənaxən. Do angəməne ošat ax car ex na, Kaxanu axo tebanənd na beñəŋəx beŋ.

End šadaxa ir Yesu eŋ

- 23**Angəməne ocašaxa od gə ošat kə wənənənd bebər ex gər ebar ro bəmatinali band bebər yaŋ gər orən bən, awa bebər ex yaŋ bən bəte gə ocašaxa od xurik ex kəbən kə wənənənd.
- 24**Enimin, Kərisət alil dən lil ko gər orən, ebo karanəxənd gər Kaxanu gərəgako. Axo dıl ex na nə aner and cale and ri kəni bəla, and hik amatinali fo aŋ.

²⁵Bëte alil lil ko gër orën xarak ax gi ex na exo yëlayax şadaxa bakëlëbëd bandanjëm, ang baxo rind aşadaxan alëngw ak, mëñ ar bax lil niy yo niy «Gër ed wënëk nëmëc» gë oşat or oyel oñ.

²⁶Kido Kërisët axo dıl bana amat fo, bakëlëbëd bandanjëm soro doxo elod ga ýanak ngwën iñ. Barikan gërëgako, and saxëguk ekwët ed beý dek añ, şanayaw ko amat fo exo dawaxën mbëña ind eñëñënax iñ gë şadaxa ir rin këbi in.

²⁷Ala an amat fo ko şësënd, ata Kaxanu eño kiti.

²⁸Mondako fo ex bëte end Kërisët eñ, amat fo yëlaya ko şadaxa gër ebar ro exo dëxëtaxën beñëñënax bend bela bëranjëm. Do abaka ko bakaw akinëm ebi pexën bër şëni këño bën, xarak ax gi ex na exo dëxët eñëñënax eñ.

Bëşëwif 10

¹Enimin, acariya and Moyis añ, er hik wayët eñañ end benjekax bend kë ýowënd, ax gi ex na benjekax beño dëñ. Mëñ ex, acariya añ din ax kor na ebi yël ola or faýayak ol bër këño sëkand Kaxanu bën paß gë ocađaxa od rëpëk niy yo niy ok.

²Kido ocađaxa oko añënën bax wënënënd, elod anëka fo seb doni edi el gayikako amat fo wënën dobi bër këño şalend Kaxanu mondako bën xali eni kwëya beñëñënax bendebën beñ.

³Barikan ocađaxa oko babi xwitanënd niy yo niy beñëñënax bendebën beñ.

⁴Gayikwa oşat or ogaş do gë or obeci oñ ax kor na dëñ ex dëxët beñëñënax beñ.

⁵Mëñ ex, Kërisët and ýow ko gër ngwën ro añ, afel fel këño Kaxanu: «Wëj axi ñandi ex na şadaxa, axi ñandi ex na eni yël ýey, barikan wëj yël ke eman.

⁶Wëj aý cala ex na ocađaxa: hik od momëlën, hik od eteban ed beñëñënax .»

⁷Ata re këme bëte: «Në ey'eli eme gër ngwën ang ýëgw këni gër akayëta and monëkw ak, në ey'eli eme Kaxanu, me di oñandi oday ok ang ýëgw këni endam ak gër Oñëgw Omënëk .»

⁸Er ýana baxo re ko: «Wëj axi ñandi ex na ocađaxa, axi ñandi ex na eni yëlëra beý, do aý cala ex na ocađaxa hik od momëlën, hik od eteban ed beñëñënax.» Xarak ocađaxa oko, ang rëpëk gër acariya ak dëñ ebox.

⁹Baş ko bëte: «Wëno er ýow këme me di oñandi oday ok.» Awa mondako ýepën ko ngëñ ocađaxa okarëk ok ex bëtaxën irexëm in.

¹⁰Në end oñandi oko, wënaxën këne paß gë şadaxa ir eman end Yesu Kërisët ir rëxëtëk amat fo beñëñënax in.

¹¹Aşadaxan ar ex yo, axwëşa baxo xwëşand key yo key exo di andiyen andexëm añ. Lañ baxo rind ocađaxa ok, oko fo, oko fo, bari din abax xorënd na ebi dëxëtën bela bën beñëñënax beñ.

¹²Barikan Kërisët mën, amat fo yëlaya ko şadaxa ir beñëñenax do ye ko kwël yëpax ko din ir din gand liw ir Kaxanu.

¹³Do gërëgako, Kaxanu fo këño şenind eño korën din ir din bërangoÿëra andexëm bën xali eni gi ambëñaxën andexëm.

¹⁴Enimin, paß gë şadaxa ibat fo yël këbi din ir din ola or faÿayak ol bela bër wënën këbi bën.

¹⁵Ata Angoc Amënëk aŋ rey'ak kerët gër ndebi endey' eño and re ko:

¹⁶«Axwën an rek: “Nëkoyin eter ed këme ri gë bën el and kë xuca bakey baño aŋ, alën këme lën bacariya bandam baŋ gër owëkw orebën, aÿëgw këme yëgw gër onden ondebën .

¹⁷Din ame ñana na me kwitand beñëñenax bendebën beŋ, bëte din ame ñana na me kwitand betëmbak bendebën beŋ ”.»

¹⁸Xarak gër ed hik eteban ed beñëñenax, şadaxa ir eteban ed beñëñenax ax bond na ga këni rind.

End etëkar ed gë Kaxanu eŋ

¹⁹Awa bëmaÿe, alil fo bayi këbo gë anjiÿ këm xali «Gër ed wënëk nëmëc» paß gë oşat or Yesu oŋ.

²⁰Fëña ixaşax ir kë yëlënd aniyan fërëtën këbo Yesu and řesik anjëm amëgax and bax weđind «Gër ed wënëk nëmëc» aŋ. Xarak anjëm aŋo bax wätinalind eman endexëm eŋ.

²¹Ata biyi, aşadaxan alëngwwa şot këneñone, Kaxanu yata këño exo kadacënd ekun edexëm el.

²²Awa təkandëneñone Kaxanu gë obal osëm or đal, kwëtandëneñone gë anjëlan aŋ đek. Owëkw orebi oŋ wënën ko gë oşat or Yesu oŋ, anjëlan aňëñenax ax bo ex na. Bëte beman bendebi beŋ neb ko gë men omënëk.

²³Kwëtayane şenene end këne yarënde eŋ, end këne rey'arande poyoma eŋ, kërebo ñëpëgënanënd na gayik ar bey'a këbo an, mokwëta hi ko.

²⁴Nëkonarëndëne andebi rebi aŋ, ene tëfëteliraxënënde gër aŋana do gër bandixa banjekax.

²⁵Kërene ñawëtand ex na amara andebi aŋ ang wata këni bërëw'ak bërëmar ak. Barikan kemëndërendëne andebi rebi aŋ, adofa ga nang këne ako mëne anëka kë saxëgund akey and ko bakaw Axwën aŋ.

²⁶Enimin, angëmëne mama dëŋ këne wëndërande ga nang këne ako aye đal in, nangëne mëne şadaxa ir eteban ed beñëñenax ax gi ex na.

²⁷Er këbo bayi wayët oşën or gë anjiÿ atëm kiti ind Kaxanu iŋ, angodux atëm and këbi şoraxën bër këño wëşenënd bën.

²⁸Ala ar wëndërak paḅ gë acariya and Moyis an, alaḿ këno laḿënd gë axaḿënan këm angëmëne otede oki ba otas rey'ak mëne awat wat këno ga ko wëndëra.

²⁹An yëland na nde mëne pit fo kë y'ëka kiti ind ar këḅo yaf Asëñiḿ ar Kaxanu an, ar kë y'epën oḱat or seraxën këni Kaxanu gë bela do wënaxën këbi oḅ. Ar kë rind mondako an në ecir eḅo Angoc Amënëk and nangën këḅo oyekax or Kaxanu aḅ.

³⁰Gayikwa anang nang kënëḅone ar rek: «Wëno kë xitind, wëno kë w̄aḱananënd . Wëno kë ḱosënd bandixa ḅaḅ do ḅëte Wëno Axwën an këbi xitind ḅulunda iram in .»

³¹Mbaḅ këḅo y'ëkad ar faḅ këḅo kiti ind Kaxanu, mëḅ ar kë yëlënd aniyān an.

³²Kwitayin er hi ḅaḅun gër ḽanar in, and ḥoḅa këḅun end ḁal end Kaxanu aḅ. Bakey ḅaḅo, mbaḅ ḱënd ban do mbaḅ soro kën, ḅarikan xemëna kën mondako dëḅ.

³³Bandëmar poyoma banun ḱirërand do banun rixërand. Do bandëmar anjëlān andewën aḅ gand ḅër kënëbi rixërand ang wën ak ḅën bax ḱaḅënd.

³⁴Enimin, axaḿënan ḅaḅun xaḿënanënd bandepëra ḅaḅ. Aḿa w̄a kën gë onënga fo enun kandëra ḅacota bandewën ḅaḅ, ga nang kën mëne ḅacota band xucak ex këḅën, band këḅun ḅayi din ir din ḅaḅ, ḱot kën.

³⁵Awa gë er kën yarënd ijo kën ḱotaxën oyël osëm, këren ḁangangan na.

³⁶Enimin, aḽap ḽapëk en ḅuḅand mbaḅ do en kemënalind oḱandi od Kaxanu ok, eḅun yëlxën er ḅey'a ko in.

³⁷Gayikwa Oñëgw Omënëk ok rek: «Tëkër fo ḅayik, ax nëka na exo ḱatëgu ar kë y'owënd an, axo degëḅaw na.

³⁸Ar ḱenene an, gë ekwëta ed xwëta ke el ko liyand, ḅarikan angëmëne aseḅ seḅ ke, wëno axe nëngan na endexëm eḅ .»

³⁹Biyi cëḅ, axwëta xwëta kënëḅone Kaxanu ex pexaxën ḅenjëḿ ḅendëbi ḅeḅ, ane gi exe na ḅër këḅo seḅënd Kaxanu do eni nemi ḅën.

Bëḱëwif 11

End ekwëta eḅ

¹Ekwëta el ex, ema ed enim mëne Kaxanu ayël dëḅ këḅo yël ḅend këne yarënde ḅeḅ do mëne ḅeḅër ane watënde na ḅën ahi dëḅ hik.

²Paḅ gë ekwëta el, rey'axën këni osede oyekax or ḅëxarëk ḅër w̄a bax endexëm ḅën.

³Paḅ gë ekwëta el, nang këne ḅeḅër këne watërande gër ngwën ḅën, Kaxanu nëcëtëguk gër ḅeḅër ḅayik ane watënd ex na.

⁴Gë ekwëta el, rixën baxo Abel ḱadaxa ir xëḅën bax nëmëc gë ir ri baxo Kaḽe in. Gë ekwëta el, ḱotaxën ko osede or mëne ar ḱenene hi ko, ang rey'a ko Kaxanu dëḅ ga

xana ko ocaɗaxa od Abel ok. Gë ekwëta el, ko yey'anënd Abel xali gërëgako ado ga šës ko.

⁵Gë ekwëta el, y'exën ko Enok abëngw xali gër Kaxanu xarak axo cës ex na mocës. Enimin, damana Kaxanu eŋo mëlaxën Oñëgw Omënëk rey'ak mène Kaxanu anëngan baŋo nënganënd endexëm eŋ.

⁶Ala ax kor na exo dind er këŋo nëngan Kaxanu in angëmëne aŋo kwëta ex na. Gayikwa ar këŋo sëkand Kaxanu an, afo exo ma mène ahi dëŋ hi ko do mène ašos këbi šosënd bër kë šaland eno nang bën.

⁷Gë ekwëta el, nangaxën baxo Nowe bebër elod ala ax wat bana pere bën. Kaxanu wa sitin baŋo do mëŋ balëkënali ko xali ri ko Akuluŋ and fexaxën bani mëŋ gë ekun edexëm el. Nowe ga ri ko eŋo, nëpaxën babi bela bër hi bax angwën aŋo gër ebar ro bën. Ata në end ekwëta elo, šotaxën ko or šenene ol gër Kaxanu.

⁸Gë ekwëta el, w̄axën baxo Abëraxam exo y'e gër ebar ed bey'a baŋo Kaxanu ayël këŋo yël oxwën el, and w̄ac këŋo aŋ. Alama fo lama baxo fëña in nangërexe gër ed ko y'end.

⁹Gë ekwëta el, y'exën baxo ang ar yeɓa fo, gër ebar ed bey'a baŋo Kaxanu. Do nangëde aliyer fo baxo lëgërand në baner. Mondako bani lëgërand Isak do gë Yakob bërändëwëra andexëm bën xarak bën bëte erebat bey'a babi.

¹⁰Gayikwa Abëraxam ašëni baxo šëniind angol and gë bameŋ band gë edëɗa ekemax aŋ, angol and bay' ko Kaxanu ang yëla ko aŋ.

¹¹Bëte gë ekwëta el, xoraxën baxo Sara exo cot acël ado ga xar baxo do hi baxo bëte asoxari aboroxok. Anang nang baxo mène Kaxanu, mëŋ ar bey'a baŋo an, ar mokwëta exo.

¹²Mëŋ ex, në ala abat, ar xar bax xali xurik, šanëgu këni obaš or yëmbëk ang owal or gër orën ak, ang edini ed gër bëŋa ir angwëngw ak. Do obaš olo, ala ax kor na ebi pën.

¹³Bela bëjo dek, Kaxanu xwëta bano xali šës këni cotërexe bebër bey'a këbi bën. Barikan awat bani watënd beŋo xali këbi nëngandërand ado ga bayi bax caw. Arey'ara bani rey'arand poyoma mène bën bëliyer do bër okucan fo hi këni gër ebar ro.

¹⁴Enimin, eyey'an edebën elo këbo w̄asinënd mène bën ebar ed gër ed këni lëg bani šaland.

¹⁵Kido axofi xofi babi ebar ed gër ed šanëgu këni el, ašot šot bani amëd and eni bakaxën aŋ.

¹⁶Barikan edëg ed xurik ex këbën bani šaland, mène ngëŋ edëg ed gër orën el. Mëŋ ex, Kaxanu aŋo cëfënan ex na eno dend mène Kaxanu irebën exo gayikwa mëŋ xëñënan këbi angol.

- 17**Gë ekwëta el, hi baxo Abëraxam aŵelëk eŋo mef asëñiŵ Isak do eŋo cađaxa and ri baŋo Kaxanu atëy' aŋ. Asëñiŵ arexëm ar tañ an hi bax eŋo cađaxa mondako, xarak Kaxanu anëka beŷ'a baŋo bebëranjëm.
- 18**Kaxanu ga fel baŋo wa: «Paß gë Isak këni šënar bërandëwëra andey' bën .»
- 19**Abëraxam axwëta xwëta baŋo Kaxanu mëne axor xor ko eŋo kanin ala an ado exo cës. Ata Kaxanu në eŋo ŵašaxën baŋo Abëraxam asëñiŵ: endey' eŋo apënëtal ex.
- 20**Isak, paß gë ekwëta el xaraxën baŋo Kaxanu bebër ŷap bax ebi yël Yakob do gë Esawu ecan ecan bën.
- 21**Yakob, paß gë ekwëta el šalen babi mopoxi bosëñiŵ bor Yosef. Ga xemëanaxën ko ošet orexëm ol, xaraxën baŋo Kaxanu đamana exo kotixën.
- 22**Yosef, paß gë ekwëta el reyaxën baxo đamana exo koti mëne Bëyisërayel bën ašan këni šanëđ ebar ed Misëra el. Afel fel babi ang këni rid ošapar orexëm ak.
- 23**Bëxarëk bër Moyis bën, paß gë ekwëta el šonaxën bano Moyis opacaŵ otas elod ga reŵ këno. Awat wat bani mëne itox ikëbëanaxik hi baxo do ani yëda bana eni ɳep end re baxo emun eŋ.
- 24**Moyis bëte, paß gë ekwëta el, hëpaxën baxo and raf ko aŋ eno dend mëne asëñiŵ ar abiŵ ar Farawoŋ hi ko.
- 25**Er fecan baŋo eno dixërand andamat gë bër ex bulunda ir Kaxanu bën xarak axor xor baxo eŋo nëngandërand amëd fo gë bër kë rind beñëŋenax bën.
- 26**Napul ir gër ebar ed Misëra in mbaŋ xëbën bax, barikan Moyis fecan këŋo eno cus ang ebax eno cus Afexën ak gayik caw baxo watënd acosa and kë yowënd aŋ.
- 27**Paß gë ekwëta el šanaxën baxo ebar ed Misëra el yëdarëxe oxoŷ or emun ol gayik axemëna xemëna baxo ang ar këŋo watënd Kaxanu fo, mëŋ ar ex beŋ an.
- 28**Bëte paß gë ekwëta el rinaxën babi Ofëna or Apexa ol bulunda ir Isërayel in ang fel baŋo Kaxanu ak. Do ošat or oyel or hãš banëbi oŋ fel babi eni nëm gër owët or bëciŵ bëndebën këdi ko lil meleka ir këbi laŵënd bëtox bëñanar in.
- 29**Bëyisërayel bën, paß gë ekwëta el xegëtaxën bani Angwëngw Ambarax and šapër bax eni kucaxën ang gër ebar eŋaŷek fo aŋ. Xarak and xacëra këbi Bëmisëra enëbi tëfa aŋ, men oŋ bakak do sëwëra këbi.
- 30**Bëte paß gë ekwëta el yamëraxën bani bameŋ band xecexën bani angol and Yeriko baŋ, ga bëta këni bakey banjongëbaki.
- 31**Raxab, asoxari aŷacaxik an paß gë ekwëta el bayik axo nemixën bana gë bërangoŷëra bën gayik ašon šon babi gë oyekax ocambenjar oki od Bëyisërayel od yow bax yir fo gër enang ed ebar edebën ok.

³²Bête end fe bayik me dey'a? Amêd aŋ bayik ame cot na mun pelëraxën enimin end Şedewoŋ eŋ, end Barak eŋ, end Samësoŋ eŋ, end Yefête eŋ, end Dafid eŋ, end Samiyel eŋ do gë bend bêlawênel bêşêxe bër Kaxanu beŋ.

³³Paŋ gë ekwëta el xoraxën banëbi bër gër owar oşêxe bën. End şenene eŋ sêf bani, aşot şot bani er bey'a babi Kaxanu in, bête aşëmin şëmin banëbi ojëraŋ.

³⁴Alomin lomin bani bongodux botëm, afece fece babi ecës ed moŋaş gë duxuma el. Aşëxwëra şëxwëra bani barikan fak këni. Afanga fanga bani gër ower xali wăy kënëbi ocoroda odiyer ok.

³⁵Bësoxari bër xwëta baŋo Kaxanu bën axana xana banëbi bërebën bër xanik gër ecës bën. Do bër xwëta baŋo Kaxanu bërëmar, mbaŋ narëndëra banëbi xali gër ecës bari ani ma bana enëbi dacët eni cotaxën aniyan and xucak ex këbën aŋ, and këni xanid gër ecës aŋ.

³⁶Bëjo bête alëşëra banëbi lëşërand, aşew̄ banëbi şew̄ënd, afokëra banëbi fokërand, do afëra banëbi fërand.

³⁷Bëjo bête alaŋ banëbi law̄ënd mopëtëra gë oxaŋ, bëjo bête aŋaş haş banëbi gë otaganguŋ do gë oduxuma. Bëjo bête bër gë iciŋ këm hi bani, ayexëra fo bani yexërand do bani şudand bacud band banar band opeŋ do gë band obeci. Bën yoweŋ ani cot bana do bela bën arixëra banëbi rixërand, anarëndëra banëbi narëndërand.

³⁸Do bela bëjo axuri xurik ang ye bani ak, ado bër gër ngwën ro bën abi ñap bana eni dıyand andamat gë bëjo! Barikan ed odadawe el, ed osënd el bani yexërand do ebani lakirand gër okel do gër batimba.

³⁹Do end bela bëjo dek eŋ, osede oyekax rey'a këni ga xwëta baŋo Kaxanu, bari ani cot bana er bey'a ko in.

⁴⁰Enimin, Kaxanu bebër xurik ex këbën wëxëtan këbo. Mëŋ ex, ax ñap bana eni ŋatënëdo ola or faŋak ol biyi këm.

Bêşewif 12

End ekapina ed gër ocopak eŋ

¹Awa biyi bête, gayikako otede odanjëm xeta këbo, tebëne bend këbo wedind ene yexëne anëngw lëngw beŋ do gë eñëñenax end këbo şerand aŋand eŋ. Ang bër kë xaşërend xali gër eŋata fo, kemënanë biyi bête gër ekwëta xali gër eŋata.

²Pabënëŋone din Yesu fo. Mëŋ nedëk ekwëta el gër owekw orebi, bête mëŋ fo kë rafënënd xali ex paŋaya. Ga baxo yëland end onënga or ko şot eŋ, wăxën baxo eno dăw në kërëwa, ado ga şëfën bax ecës ed mondako el. Barikan gërëgako, anëka xetënaŋ këŋo Kaxanu gër liŋ ir añëpara and owun orexëm.

³Enimin, yëlayindën end Yesu eŋ, mëŋ ar buŋak eni pabër gë bëwendëran bër şus baŋo bën këdi kën sëkwëra do eŋun cena.

- ⁴Gër emer ed gë eñëñenax, wën an mer ex na pere xali ex car oşat oñ.
- ⁵Axwëya nde xwëya kën ang bamun felërand en kemëna gër bend Kaxanu ak, ang obaş orexëm fo mondako: «Asëñiñwën, yëlarayind and ki wërëşëtënd Axwën añ do kërexi cenand na and ki rexërand añ.
- ⁶Gayikwa Axwën an awërëşët këbi wërëşëtënd bër ñan këbi bën, aşew këbi şewënd bër ex obaş orexëm bën .»
- ⁷Awa wën, eñun wërëşëtaxën kën soroxënënd gayik ang obaş orexëm fo wëlaya këñun. Axarëk ar fe bayik año wërëşëtënd na itox indexëm iñ?
- ⁸Bari angëmëne Kaxanu añun wërëşëtënd na ang këbi wërëşëtënd dek obaş orexëm ak, awa wën an gi ex na enim obaş orexëm.
- ⁹Gayikako ala kala gë faba ir baño wërëşëtërand do ir fëb këño hi këne, awa añap ÿapëk enëño pëbe nëmëc Kaxanu, mëñ ar ex Faba ir bangoc an, ene cotaxëne aniyän añ.
- ¹⁰Opaba odebi ok, awërëşët banëbo wërëşëtënd ang babi ÿapanënd ak në bakey fo. Barikan Kaxanu, ene betaxëne do ene cotaxëne ola oñwënëk ol ang mëñ ak, këbo wërëşëtaxënënd.
- ¹¹Dal ex mëne aşamina ko şaminand ala an and këno wërëşëtënd añ, año nëngandërand na. Barikan and kë nëkana añ, aşot ko şotënd obetak ol do gë or şenene ol pañ gë ewërëşët elo.
- ¹²Awa mëñ ex, kangëtayin otaxan od sëkwërak ok do kemënin olëkëna or këño rëgënënd oñ.
- ¹³Bëte diyayindën aniyän and şenene eni kemaxën gër ekwëta bër sitarak bën, bari këreni wëcënd na.

End bapela eñ

- ¹⁴Calayindën angwëlëra and gë bela dek añ do gë oñwënëk ol gayik angëmëne an cot ex na beño, gañatak año wat na Axwën an.
- ¹⁵Titinayin, ala kërex dëcaya na oyekax or Kaxanu ol; ala kërex pena na oxoñ gër emëkw edexëm xali ex dëg do ex gi gë odëmbët gayik angëmëne mondako kën rind ata kë wonjo gër amara andewën do bëranjëm eni buyar.
- ¹⁶Titinayin, këren wata na asëk alakirand fo in! Këren dind na ang ri baxo Esawu ak, mëñ ar bax yepënënd bend Kaxanu ga fan baxo oxarënak orexëm gë eceñar an.
- ¹⁷Anang nang kën mëne ga nëkanak, and ÿandi baño exo bëteli obetak añ, sëm afela fela baño. Ado ga baxo sesënd, er ri baxo in ax mënd bana exo nëngwët.
- ¹⁸And sëka këno Kaxanu añ, an tëka bana er kën xor en dëkëra: ax gi bana angodux and xafa-xafa; ax gi bana ecamëfan, ax gi bana ongoc otëm.

- ¹⁹Bëte an wël bana ofarix or kereloŋ, an wël ex oniŵ or Kaxanu ol ang wël bani Bëyisërayel akarëk ak xali re bani gwac baxët këni.
- ²⁰Gayikwa oŵëkw oŋ yëbu babi, and re ko Kaxanu: «Ar kë xwixëta yo etënd elo, ado ex gi emacar, pëtërayidëno gë oxaŷ xali exo cës .»
- ²¹Er bani watënd in, aŷigën ŷigën bax xali re ko Moyis: «Dek eme anjiŷ aŋ xali ke rëgënënd!»
- ²²Barikan wën etënd ed Siyoŋ el, angol and Kaxanu aŋ, mëŋ ar gë aniyan an, sëka kën. Yerusalem ir ŷaŋ gër orën in, gër ed këni fedërënd ofëna omeleka ok owaxe owaxe, sëka kën.
- ²³Asëka sëka kën amara and obaŝ olëngw or Kaxanu aŋ, amara and bër ŷëgw këbi Kaxanu ŷaŋ gër orën aŋ, mëŋ ar ex axiti bëla dëk an, axiti ar bënjëw bënd bër ŝenene bër gë ola or faŷayak an.
- ²⁴Asëka sëka këno Yesu, mëŋ ar ŵak ex car oŝat orexëm ebo ŵunëtaxën an. Mondako hi ko aŋhatelindër ar eter ekaŝax ed ri ko Kaxanu gë biyi el. Do oŝat orexëm oŋo kë yey'anënd nëmëc gë or Abel oŋ.
- ²⁵Titinayin, këren nöpënd na eno baxët ar këŋun felërand an. Enimin, angëmëne Bëyisërayel bër bax hëpënd eno baxët Moyis, mëŋ ar babi felërand gër ebar bën, ano cana bana Kaxanu gër kiti, kaŝ ex ngwa biyi. Anëŋo canaye na angëmëne anëŋo baxëtënd ex na ar këbo felërand elod gër orën an.
- ²⁶Akarëk aŋ, and kë wëli oniŵ or Kaxanu aŋ, ebar el arëg bax rëgënd. Barikan doro doro, Kaxanu abey'a bëya këbo mondako: «Bëte amat bayik, wëno dëŋ kë sëngërëbëtëra, ax gi na ebar el fo, barikan gë orën ak dëk .»
- ²⁷Eyey'an ed rek «Bëte amat bayik» el këbo ŵasinënd mëne bebër ri ko Kaxanu do kë sëngërëbëtand bën, aŝapër kë ŝapër ex bayixën bebër ax kor na ex têngërëbëta bën.
- ²⁸Bëte gayikako owun or ax têngërëbëtand na ol ŝot këne, calendëŋone Kaxanu ang këŋo nëngan ak, gë ekwëta el do gë anjiŷ aŋ.
- ²⁹Gayikwa Kaxanu mëŋ ar xwën këbo an, ahi hi ko bëte ang xodux or kë bëlënënd fo .

Bëŝëwif 13

End aniyan and ŝenene eŋ

- ¹Kemënayin eŋun balërënd andewën rewën aŋ, ang bër acël amat fo.
- ²Këren kwëyand na ekwëtaya ed bëliyer el gayik bërëmar mondako xwëtaya banëbi omeleka, nangërëxe.

- ³Kwitayindënëbi bandepëra baŋ nangëde gë bën bar kën gër epëra fo. Kwitayindënëbi bër kënëbi rixërand bën gayikako wën bëte gë beman bend kë xor ex toro hi kën.
- ⁴Eñër el, gilex er fëb keni bela dek, do angaŋ and bër gë ašan aŋ, eŵënëk. Kaxanu axiti këbi xiti bëŷacaxik bën do gë bër kë rind orekar bën.
- ⁵Bebër kën rind gër aniyän andewën bën, këren dind na në end aŋana and kodî. Nëngandërayindëleŋun gë er šot kën in gayikwa Kaxanu mëŋ dëŋ are re ko: «Din ami teb na do din ami ñaŋëta na .»
- ⁶Mëŋ ex, axor këne xore ene deye gë anjiŷ këm: «Axwën an ex ar ke rëcarand an; ŷoweŷ ame yëdara na gayikwa eñëŋëna end fe ngwa ko xor exe di ala?»
- ⁷Kwitayindënëbi bër ex bëlëngw bërewën bën, bër nangën këŋun eyey'an ed Kaxanu bën. Calayin en nang ang bani liyand ak xali xwëtëk bakey bandebën baŋ. Tëfëteliyindënëbi gër ekwëta edebën.
- ⁸Ang hi baxo Yesu Kërisët ganëka ak, mondako fo hi ko doro, bëte xali din ir din.
- ⁹Ala këreno teb na eŋun yifa gë osëy'ali or fitarëk gë or nang kën ol. Bon yek en kemëna gë oyekax or Kaxanu ol gër oŵëkw orewën. Bari kërex gi na gë bapela band bebër ŷapëk, ba bebër ax ñap ex na en ŷambënd gayik bër sëfëk beŋo bën ofëcak ani cotaxëne ex na.
- ¹⁰Bëšadaxan bër gër aner and cale and Bëšëwif bën abi ñap ex na ey'amb ed er këne šadaxande biyi gër angëb andëbi in.
- ¹¹Enimin, ŷas er oŵacar or banëbi ħašënd eŋ, nacët edëg el bani bënëlänxënd. Ošat oŋ fo baxo wëland ašadaxan alëngw an lëf «Gër ed wënek nëmëc» eŋo karaxën Kaxanu etëban ed beñëŋëna el.
- ¹²Mëŋ ex, Yesu bëte nacët angol aŋ narëndëra bano xali laŋ këno, ebi mënëna xën bulunda in gë ošat orexëm oŋ.
- ¹³Awa biyi bëte, canëne edëg el, ene ŷexëne gër ndexëm do buŋane enëbo cus ang šus bano mëŋ ak.
- ¹⁴Gayikwa gër ebar ro, biyi ane cot exe na angol and bayi laŋ aŋ. Barikan ašala këne šalande and kë ŷowënd aŋ.
- ¹⁵Awa paŋ gë Yesu, yëlënëŋone Kaxanu gë etël këm, šadaxa ir ojëkan in, mëne ngëŋ gë etëŷ edëbi el, yasëndëne poyoma oŵac orexëm ol.
- ¹⁶Këren kwëyand na edi ed benjekax el do gë edëcar el gayikwa beŋo ocaŋaxa od këŋo nënganënd Kaxanu ex.
- ¹⁷Baxëtindën er kënun felënd bëlëngw bërewën in, mayindën en di er kënun felënd in. Enimin, bën ex bër kë nëkonand benjëw bendewën bën do Kaxanu aŵëka

këbi wëkax ba mondake bani rind eņo. Diyindëlexëni gë onënga fo andiyen aņo, këreni ņwëcarënd na gayik angëmëne mondako ex, wën ofëcak an cot na.

¹⁸Calenindënëbo biyi, mokwëta xwëta këmi mëne onden onjekax fo ŝot këmi do nand ex yo, aņandi ŷandi këbo mi diyand ŝenene, ang ex yo.

¹⁹Ga re këme, kemënayin ene karanënd Kaxanu exe yëlëli fëņa ir këme bakaxënëli aņand fën gër ndewën in.

Bendey bepelatar beņ

²⁰Kaxanu, mëņ ar kë yëlënd obetak an, axanin xanin këņo gër ecës Yesu, Axwën arebi an, exo gixën axadac asëm paḃ gë oŝat orexëm or rinaxën këbo eter ed din ir din oņ.

²¹Bëte Kaxanu yëlëleņun ojaw̃ od en koraxënënd đek er yek gër oņandi odexëm in. Do er ĥan ko in, dilexo gër ola orebi, paḃ gë Yesu Kërisët, mëņ ar xwënëk enjaran din ir din an! Amen!

Ofelar ol

²²Bëmaņe, axara xara këmun: buņayin en baxët eyey'an ed këņun xemën elo gër ekwëta edewën. Ado er ŷëgwënëli këmun ijo, ax cak ex na.

²³Đek ŷandi ke en nang mëne imaņe indebi in Timote, anëka sebëtëli këno, axo bo ex na gër epëra. Angëmëne ataņ ĥatëgu ko ro, gë wëno këmi sëfërëli ene watërëxëye.

²⁴Cëmayinëbi bëlëngw bërewën bën do gë đek bër ex bulunda ir Kaxanu bën. Bëmaņe bënd ro gër Itali bëņ aŝëma kënun ŝëmand.

²⁵Awa Kaxanu yëlëleņun oyekax orexëm ol wën đek!

Ŝak

Ŝak 1

Ecëmar el

¹Wëno Ŝak, ariyenin ar Kaxanu do gë Axwën Yesu Kërisët an, këñun ÿëgwënëlinde wën bandëwëra Epëxw gë baki band bulunda ir Kaxanu band yëcarëk bañ. Ašëma këmun šëmand!

End ekwëta do gë orenik eñ

²Bëmaÿe bëndam, nëngandërayindëleñun mbañ në end batëÿ bandanjëm band këñun ĥatënegund eñ.

³Nangin mëne mondako këñ sëÿand ebuña el angëmëne ekwëta edewën el ga xemëk bayik gër atëÿ.

⁴Xarak, ebuña el afo ex ñata andiyen andexëm añ en gixën bër gë ola or faÿayak, bër šenene gër ex yo, do ÿoweÿ an can na.

⁵Angëmëne ang hi, abat exo can orenik ol, karaleño Kaxanu, mëñ ar këño yëlënd ayël fo ar ex yo, xarak año dexëra ex na; do ayël dëñ këño yël.

⁶Barikan karaleño de gë ekwëta, gë oñëpëgënan këñ gayik ar kë xarand gë oñëpëgënan an, ang men ond angwëngw ond kë šangëñënd do kë xaninënd ekoc fo hi ko.

⁷Ala arako rako an kërexo yëland na ÿeÿ ko šot na gër Axwën:

⁸ar kë sëkwanënd exo tana anjëlan amat fo hi ko, ar kalay-kalay gër dek bandixa bandexëm hi ko.

End axaÿëñaxik do gë ar gë napul eñ

⁹Imaÿe ikëreceñ ind xaÿënëk iñ, nëngandërayindëleño gayik Kaxanu këño yëlënd or gapak ol.

¹⁰Barikan imaÿe ind ex gë napul iñ nëngandërayindëleño gayikako në end Kaxanu ko banaxënënd ga nang ko mëne axuca ko xuca ang opëtëfët od ondës fo.

¹¹Ax gi ex na nde and kë fën eñan añ, oyat oyëkax ok añaÿën kë ĥaÿënënd ondës oñ, opëtëfët ok ex binira do oye orexëm ol ex biw? Ata mondako fo ex end ar gë napul eñ, abiw ko biw gër bandixa bandexëm.

End banañëta eñ

¹²Nëngandëralindëleño ar kë buñand gër atëÿ an! Enimin, ar buñak gër atëÿ añ, Kaxanu afupa këño fupand gë ekamote ed angora el, mëne ngëñ aniyen and din ir din and beÿa ko ayël këbi yël bër ĥan këño añ.

¹³Ala ar këŋo naŋëtand an, kërexo dend na: «Kaxanu ke naŋëtënd!» Gayikwa eñëŋënax gematak ax kor na eŋo naŋët Kaxanu. Bëte mëŋ dëŋ ala gabatak aŋo naŋëtënd na.

¹⁴Barikan ala kala gë andexëm ko naŋëtayand, and ko yëlaya gër er yãndi këŋo, do gër er yetëyet këŋo aŋ.

¹⁵And ko sëf ala oñandi oñëŋënax aŋ, oñandi oko kë rëwënd eñëŋënax eŋ, do eñëŋënax eŋ and kë fanëta aŋ ex mëlaw ecës el.

¹⁶Wën bëmaÿe bënd ke balënd mbaŋ bëŋo, këren yifayand na:

¹⁷oyël oxëbënënaxik, gë oyël oyekax or ex yo, y'aŋ gër Faba ir bangoben kë xaniwënd. Mëŋ axo nëngwëtand na, axo döbënd na.

¹⁸Gayikako Kaxanu, mëŋ dëŋ faÿëk gër emëkw edexëm ex gi mondako, gë eyey'an ed ðal el rëw këbo, ene gixëne bëyanar gër ðek bebër necëtëgu ko do xwën ko bën.

End ebaxët ed eyey'an ed Kaxanu eŋ

¹⁹Wën bëmaÿe bënd ke balënd mbaŋ bëŋo, nangin mëne ala kala gilexo ar yãndëk ebaxët, ar legëk eyey'an, ar ax koÿënd na aÿand.

²⁰Gayikwa oxoÿ or ala ol ax dind na er ex ŝenene gër Kaxanu in.

²¹Bëte, ga kën xwëÿëtand ako emuyaraxik end ex yo, do eñëŋënax end ex yo, kwëtayayin gë onden onjekax eyey'an ed Kaxanu, ed lëgëk gër oÿëkw orewën el, eyey'an ed xorëk eŋun pexën el.

²²Këren yifayand na gë andewën, diyindën ari dëŋ ang kë rend eyey'an ed Kaxanu ak, këren baxëtënd na abaxët fo.

²³Enimin, angëmëne ala exo baxëtënd Eyey'an ed Kaxanu el do axo ðiyand na ang kë rend ak, er hi ko ang ar kë nëkonënd dëxas irexëm in në anangoye fo do ko watayand ang hi ko ak.

²⁴Barikan and ko nëkonaya aŋ, ataŋ exo kwëya ang hi ko ak, and ko y'e aŋ.

²⁵Barikan ar kë yëkwand gër acariya and ŝenene an, acariya and kë yëlënd orëy'aya aŋ, abalëkënali ko balëkënalind er ko watënd in. Ari ko rind ang kë rend ak, axo baxëtënd na abaxët fo do kwël exo kwëya. Ata ala ajo anëngandëra kë yana eŋo nëngandërand gër ðek bebër ko rind.

²⁶Angëmëne ala exo yëland mëne aŝalek hi ko xarak asëk ayey'andërand fo wër këŋo, mëŋ dëŋ kë yifayand. Ata cale indexëm iŋo ofëcak këm ex.

²⁷Cale imënëk iŋ, ind ex ðal gër lëngw Faba Kaxanu iŋ ex: edacët ed gër ocëmu bëtox bëndëkak, gë bësoxari bësebëta sebëta el do gë ekwëÿëta ed ðek betëmbak bend gër ngwën el.

Ŝak 2

End epëb do gë eyaf ed bela eñ

- ¹Bëmaÿe bëndam, epitëndër ed bela ax gi ex na gër ekwëta ed xwëta këno Yesu Kërisët, mëñ ar ex Axwën ar gë enjaran an.
- ²Gako bela bëxi eni dilëli gër amara andewën: aÿanar an exo dënaw anëna and kañe, do exo cudaw banjëm banjekax; axinëm an exo gi axaÿëanaxik, do exo cudaw mëñ bëte banjëm bamuyaraxik.
- ³Ata wën eñun bal nëmëc end ar gë banjëm banjekax eñ do eno pel: «Wëj yow ey ñëpa ro gër ed këni ÿëpand bër gapak!» Barikan eno pel axaÿëanaxik an: «Wëj cëñ yel ey kwëšax fën!» ba «Ñëpal gër ebar ro, gër ed këme wëñërand ro!»
- ⁴Ax gi ex na nde epitëndër ed bela el ex mondako? Do ax gi ex na nde bëxiti bësembak hi kën?
- ⁵Wën bëmaÿe bënd ke balënd mbañ bëño, awël nde: Ax gi ex na nde Kaxanu yata këbi bër ex bëxaÿëanaxik ogës od bela bër gër ngwën ro bën? Ax gi ex na nde mëñ yata këbi eni cotaxën mbañ ekwëta el? Ax gi ex na nde mëñ yata këbi eni gixën šëf gër owun or bëya këbi bër ñan këño ol?
- ⁶Barikan wën, ašëfënin këno šëfëninënd axaÿëanaxik an! Ax gi ex na nde bër gë napul bën këñun rixërand? Ax gi ex na nde bën këñun wëland gër kiti?
- ⁷Ax gi ex na nde bën ex bër kë renand oÿac oyekax or yël kënun Kaxanu ol?
- ⁸Enimin, šenene kën rind angëmëne ašëf šëf kën er kë rend acariya and Emun in gër Oñëgw Omënëk: «Balindëlexi end ašandax eñ ang ki balënd end gaf irey ak .»
- ⁹Barikan angëmëne pit pit këñëbi fëbënd bela bën, aÿen kën wënënd do acariya añ anëka sëra këñun ga lif kën ako.
- ¹⁰Enimin ar kë sëfënd dek er rek acariya in, barikan exo dïf apela amat, anëka lif ko dek acariya añ. Ar kë lif apela amat xarak aye sëf ko dek bacëxen bañ, acariya añ anëp këño nëp gayik dek bapela bañ lif ko.
- ¹¹Gayikwa ar rek: «Ax gi ex na mondi orekar an» fo rek bëte: «Ax gi ex na monaÿ ala». Awa angëmëne wëj ay di ex na orekar ol barikan eyo daÿ ala, anëka wëndëra këy paß acariya añ.
- ¹²Awa mëñ ex, yeyandërayindën do diyindën bëy bën ang bela bër këñëbi xiti gë acariya and kë yëlënd orëyaÿa fo ol.
- ¹³Gayikwa ar kë xitind gë axaÿënan këm an, Kaxanu gë axaÿënan këm këño xiti mëñ bëte. Barikan axaÿënan in wëñak kiti iñ.

End ekwëta eñ

- ¹⁴Bëmaÿe, ineÿa këño fëca ar kë rend mëne ašot šot ko ekwëta an xarak ekwëta elo ax gi ex na gë bandixa? Afexën nde këño fexën ekwëta elo?

- 15** Angëmëne imaŷe iŷ, hi ko itoŷan, hi ko itoxari, exo can banjëm band ko ŷuŷa, ba exo can er ko ŷamb key yo key in,
- 16** do abat ang hi kën ak eŷo pel: «Awa gwëre, ŷeyin gë emëkw ey'emax! Aŷ'em kë ŷ'emënd de, cuŷarayin do ŷambërayin xali en med!» Gayikako mëŷ dëŷ aŷo yël ex na er ŷapëk in, ofëcak nde ex na?
- 17** Ata mondako fo ex de end ekwëta eŷ: ekwëta ecësëk ex angëmëne ar ŷotëk an ŷoweŷ axo dixënënd na.
- 18** Barikan bamat ala kë re na: «Wëj ekwëta el ŷot këŷ do wëno bandixa baŷ. Masinële ekwëta edey ed gë bandixa këm el, ata wëno gë bandixa bandam baŷ këmi wësin ekwëta el.»
- 19** Ax gi ex na nde aŷa wë këŷ mëne Kaxanu ibat fo ex? Awa aye yek: bëyël bën bëte aŷa wë këni eŷo do këbi rëgëndërand.
- 20** ŷandi ki nde ey nang wëj ar gë onden okafëxaf aŷo mëne ekwëta ed ar ax dind na bandixa banjekax el gë ofëcak këm ex? Axi ñandi ex na nde ey nang?
- 21** Aŷ nang ex na nde mëne Abëraxam, axarëk arebi an dëŷ, në end er ri baxo in hixën ko ar ŷenene gër ogës od Kaxanu? Ga wëŷ baŷo asëñiŷ Isak eŷo caŷaxa gër angëb.
- 22** Wat kën mëne ekwëta el do gë bandixa baŷ andamat bax riyenind ex paŷayaxën ekwëta el.
- 23** Mondako ñata bax Oñëgw Omënëk od rek: «Abëraxam, ga xwëta baŷo Kaxanu hixën ko ar ŷenene gër ogës odexëm.» Do në eŷo këno wëcaxënënd lawo ir Kaxanu.
- 24** Watin mëne në end bandixa band ri ko, ko hixënënd ala an ar ŷenene gër ogës od Kaxanu, ax gi ex na gë ekwëta el fo.
- 25** Bëte asoxari ar hi bax aŷacaxik ar bano wëcënd Raxab an, ahi hi baxo ar ŷenene gër ogës od Kaxanu në end bandixa band ri baxo. Ga xaca babi wa bërolaŷën Bëyisërayel bën do fel babi eni maŷi fëña iŷëxe.
- 26** Angëmëne eman end ala eŷ, onjën këm ex, ecësëk ex. Andamat ex end ekwëta eŷ, angëmëne gë bandixa këm ex, ecësëk ex.

Ŝak 3

End aniŷ eŷ

- 1** Bëmaŷe bëndam, këren gi na fa ðëk bësäŷali fo. Nangin mëne kiti ind biyi bësäŷali iŷ gë pit fo kë yëka.
- 2** Biyi ðëk alif këne lifënde bandanjëm. Angëmëne ala ex na ar bayik ax ðifënd na gër eyey'an, anëka faŷaya ko gër or ŷenene. Axor ko xorënd exo mëlaya ðëk eman endexëm eŷ.

³Angëmëne ayapën kënëbe yapënënde dun opanac ok eni maxënënd eni di er ÿandi këbo in, gë beman bendebën ak kënëbe lasënde.

⁴Bëte awat nde wat kën okuluñ ok: ado ga rafëk yo, ado ga kë fimërand bongoc botëm fo, gë amërëşaya atil kë xasënd gand ed këño ÿandi ahëreli an.

⁵Andamat ex end aniw̃ eñ: ado ga hik esil gër eman, barikan bebësëm kë soşanand. Bëte watin mëne ingodux itil kë şorënd akwët atëm!

⁶Xarak aniw̃ añ ex bëte xodux ex, ngwën ind betëmbak ex. Aniw̃ añ wal ir eman ex, barikan abuyarën kë buyarënënd dek eman eñ, do aşor kë şorënd ola ol gë xodux or kiti ol.

⁷Ow̃acar or ex yo, hi këni or xada-xada, hi këni or gër men, hi këni bacël, ala an axor xor ko ebi nambin, do ari dëñ ri ko mondako.

⁸Bari aniw̃ añ, ala ax kor na ex nambin: eñigëanaxik end ala ax korënd na ex; yer ongwëc ond kë law̃ënd fo ex.

⁹Gë aniw̃ añ kënëño şalende ar hik Axwën arebi do Faba irebi an. Bëte gë aniw̃ añ fo kënëbe xarende bela bër ri këbi Kaxanu gër eñaw̃ endexëm bën.

¹⁰Në etëỹ ebat kë şanëgund obetak ol do gë ekare el. Awa bëmaÿe, ax ñap ex na ex gi mondako.

¹¹Në añësa amat nde kë şanëgund men onëngax oñ do gë men ombax oñ?

¹²Bëmaÿe, andan añ ax dëw̃ënd na oỹarëka; atëx and reseñ añ ax dëw̃ënd na ondan. Gër añësa and men ond gë ongal ax canëgund na men onëngax.

End orenik eñ

¹³Noÿo renik, do noÿo ex ar gë onden an, mërëxand irewën? Awa ala ajo nęcëtindëlexo bandixa banjekax bandexëm bañ gër ola or şenene orexëm, gë obëngw or onden do gë orenik.

¹⁴Barikan angëmëne gër ow̃ëkw orewën xëñëk wayët oỹakëraxi, gë oxoÿ, ba gë ebal ed gaf irewën fo el, këren dafënarand na. Gayikwa angëmëne mondako ex, end dal eñ kën şonënd në enëgwëş en.

¹⁵Orenik olo ax gi ex na or xaniwëk ỹañ gër orën: orenik or gër ebar ro fo ex, or ala fo ex, or şabucara ex.

¹⁶Enimin, gër ed ex oỹakëraxi do gë ebañër, na fo kë hind bëte bend şode-şode beñ, do gë etëmbak end ex yo.

¹⁷Barikan orenik or xaniwëk ỹañ gër orën ol er ex gë ow̃ënëk, gë aketëxeta, gë angwëlëra, gë onden, gë axaÿënan isëm, gë benjekax, gë epitëndër këm, gë orenik or dal, do gë eñëñëx end şonayak këm.

¹⁸Xarak, bër şenene bën kë nedënd aketëxeta añ gë ola or bëraketëxeta bën.

Ŝak 4

End oxalay-kalay eŋ

- ¹Feye wa kë xaniwënd batakëra baŋ do gë oxeÿër oŋ mërëxand irewën? Ax gi ex na nde bebër ĥan kën bën kë xaxërënd dek eman endewën eŋ?
- ²Er ĥan kën in, an cotënd na, ata en dëb gë oy'akëraxi ol, eno dāw ala; barikan ÿoweÿ an cotënd na. Ata en baš oxeÿër oŋ do gë batakëra baŋ, bari ÿoweÿ an cotënd na gayik ano karand na Kaxanu.
- ³Ado eno kara, aŋun yakalind na gayik ang kën xarand ak, ax ye ex na. En dixënënd bebër ĥan kën këno xarand.
- ⁴Ata wën ang bër rind orekar fo hi kën! An nang ex na nde ar ĥanëk ngwën an, Kaxanu ašus këŋo šusënd? Awa ar faÿëk gër emëkw edexëm exo gi aĥan ar ngwën an, awa arangoÿëra and Kaxanu hi ko.
- ⁵Ako nde yëla kën are fo kë rend Oñëgw Omënëk ok: «Kaxanu aĥan ĥan këŋo, xali këŋo ÿ'akëraxind angoc and yël këbo aŋ exo dëg gër ola orebi aŋ.»
- ⁶Barikan oyekax or yël këbo ol rafëk nëmëc, ang kë rend bëte Oñëgw Omënëk ak: «Kaxanu aŵereli këbi ŵerelind bër kë rafënarand bën, barikan oyekax orexëm ol këbi yëlënd bër kë banand bën.»
- ⁷Awa mayindën aŵa end Kaxanu eŋ; ñëpindën end šabucara eŋ, ata këŋun hër caw.
- ⁸Tëkayino Kaxanu ata këŋun sëka mëŋ bëte. Wën bëwëndëran bëjo, mënënin otaxan odewën ok, do ŵunëtin oŵëkw orewën oŋ, wën bër gë benjëw bënd kalay-kalay bëjo!
- ⁹Nangin mëne and xaÿën kën dëŋ ex, denitayindën, tesindën! Olëš orewën ol nëngwëtal ex otes, do onënga orewën ol nëngwëtal ex ecamina!
- ¹⁰Banayin gër lëngw ir Axwën, ata këŋun fela ÿaŋ.

End odenar eŋ

- ¹¹Bëmaÿe, ax gi ex na mondenar andewën rewën aŋ. Ar këŋo renand, ba këŋo nëpënd imaÿe indexëm an, anëka ko renand acariya aŋ, do axiti ar acariya hi ko. Angëmëne axiti këÿ xitind acariya aŋ, axiti hi këÿ, ay' bo ex na afëb ar acariya.
- ¹²Gayikwa abat fo ex anëcët ar acariya an, do mëŋ fo ex axiti an. Mëŋ gabat xorëk eŋo pexën ala an do eŋo nemin. Barikan wëj noÿo ngwa hi këÿ ga këÿ'o xitind ako, ašandax?

End ndafënan eŋ

- ¹³Awa gërëgako baxëtine, wën bër kë rend: «Doro ba ecan gër angol aŋo këne ÿ'eye, yer iniy iŋ këne ÿëpaxëye fën. Ari këne ÿana ene dinde bebër këne šotëraxëne napul, do mbaŋ këne šotëraye.»

¹⁴Er kënjun hi ecan ecan in, an nang ex na? Enimin, er hi kën ang okëbina od kë şanayand, do kë nëkand tēkēr fo ex capēraxën.

¹⁵Ecēñēxēt er don rend: «Angēmēne Axwën an aŵa ŵa ko, aliya këne liyaye, do eņo gē eņo këne ride.»

¹⁶Barikan gērēgako, ga kën soşanarand mēne bebēsēm kën ri, arafēnara fo kën rafēnarand. Xarak, etoşanara end mondako el ax ye ex na gē tēkēr ak.

¹⁷Awa ala an aŵendēra ko ŵendērand angēmēne exo nang anang edi ed enjekax el do axo dind na.

Şak 5

End bapela band bër gē napul eņ

¹Awa gērēgako, baxētine wën bër gē napul bën! Tesin, keŷin mokeŷ gayik betēm kënjun wēcan!

²Napul irewën in iwērēk ex, oyame ŷamak banjēm bandewën baņ.

³Kaņe in do gē kodi irewën in aŷaner ŷanerēk. Ata aŷaner ijo kë hi osede or kënjun lēxw gēr kiti ol, do aņas kë ŷana ex űasēnd beman bendewën beņ ang xodux fo. Yama gēr bakey bapelatar baņo nde şala kën en gi gē napul isēm!

⁴Acosa and bër riyenik gēr ocēnga odewën do ŷambara kēnēbi aņ, kënjun lēxwēnd mokeŷ. Do otes od bër kë xanand benedā bendewën ok ħatēk xali gēr banēf band Axwën, mēņ ar xorēk beŷ dek an.

⁵Aliya liya kën gēr ebar gē ecotēra ed napul, do gē bebēr kënjun xēbēnanēnd el. Abēt bēt kën ang oŵacar or eņaş fo.

⁶Wën anēp nēp këno ar şenene an, alaŵ laŵ këno, xarak mēņ abaxo ħēp na endewën eņ.

End ebuņan eņ

⁷Awa bēmaŷe, buņayin xali yatir ko bakaw Axwën. Aŷan an aşēni ko şēnind ebar el xali ex cēnan benedā bend ko liyaxēnēnd beņ. Abuņa ko buņand elod gē ecaşa ebeja xali gē ekol, exo kanaraxën benedā tēgēt beņ do gē bendundu.

⁸Wën bēte buņayindēn, kapinayindēn gēr oŵēkw orewën gayikwa akey and ko bakaw Axwën aņ đam ex.

⁹Bēmaŷe, kēren dēxwērēnd na kēdi kënjun xiti Kaxanu. Axiti an cēņ, gēr ebēt xwēşa ko đe.

¹⁰Bēmaŷe, end toro eņ do gē end ebuņan eņ, tēfētelinēbi bēlaŵēnel bër laŵēndēraw babi Axwën bën.

- 11** Are këne rende mëne bër buņa bax bën abeta beta këni. Awël wël kën ang buņa baxo Yob ak, bête anang nang kën ang hata baxo aniyand and yël baņo Axwën ak. Gayikwa Axwën an gë axayënan hi ko, do monënga nënga ko .
- 12** Bëmaÿe, ax gi ex na dëņ monjaşaran, hik orën ol, hik ebar el, hik er ex yo. Deyindën tuņ: «Iyo» angëmëne iyo ex eyakal do deyindën «Ali» angëmëne ali ex eyakal këdi kën hi bër kiti.
- 13** Ala ar kë sorond mërëxand irewën an, calelexo. Ar gë onënga an, ñerëwëralexo ojëkan od cale.
- 14** Ar şëxwërak an, macëlebi bëlëngw bër Amara bën. Do bën calenëleno sam eno nëm ogu gër oŵac or Axwën.
- 15** Cale ind gë ekwëta iņ afakën këņo fakën aşëxwëra an, do Axwën an eņo kanin. Angëmëne aŵendëra wëndëra ko, aseban këņo seban.
- 16** Awa putindën beñëņenax beņ andewën rewën aņ, do en calendërend, en pakaxën. Cale ind ar şenene iņ mbaņ fangak.
- 17** Eli, ala ebaxo ang biyi ak. Barikan aşale şale baxo kërex tëb na, do ax tëb bana gër ebar xali xucak bëniy bëtas gë opacaŵ ocongibat.
- 18** Bête ga şale ko gaşëxe, orën ol sëbëk, do ebar el şënanëk beneda beņ.
- 19** Bëmaÿe bëndam, angëmëne ala exo nambëra xali exo ñawëta đal in, do abat mërëxand irewën eņo bakaliw,
- 20** nangëlexo mëne ar këņo wërëşët aŵendëran gër fëña ir nambëra ko an, aracët ko racët aniyand andexëm aņ gër ecës, do beñëņenax bendanjëm ko lab.

1 Piyer

1 Piyer 1

Ecëmar el

¹Wëno Piyer, parëxanda ir Yesu Kërisët in këñun ÿëgwënëlinde wën bër sana këñun do şapër kën gër owar or Poñ, gë Galasi, gë Kapados, gë Asi do gë Bitini bën.

²Faba Kaxanu kë nangënd beÿ bën dek damana ex gixën. Gë enang elo yata këñun gë epit ed fit këñun gë Angoc andexëm el, en tëfaxënënd endexëm eñ do eñun wunëtaxën gë oşat or Yesu Kërisët oñ. Awa cënarëlex de oyekax ol do gë obetak ol gër ola orewën!

End eyar ed apexa eñ

³Cëkwanëñone Kaxanu, Sëm ir Axwën arebi, Yesu Kërisët. Gë axaÿënan isëm irexëm in rëw këbo gaşëxe paß gë ekani ed Yesu Kërisët gër ecës el ene cotaxëne eyar ed gë aniyan el.

⁴Mondako ri ko ene cotaxëne er din ax cësënd na in, er bey'a këbo in, er din ax buyarënd na in, er din ax nëngwëta na in. Kaxanu ejo fenin këñun y'añ gër orën.

⁵Wën këñun nëkonand gë panga ind Kaxanu iñ, gë ekwëta ed xwëta këño el en cotaxën apexa and kë şanayaw gër bakey şapelatar añ.

⁶Ata wën mbañ këñun nëngandërand ado ga ÿapëk en caminara imëd në end batëÿ bandanjëm band hi këñun gërëgako bañ.

⁷Batëÿ baño kë wësinënd oxëbën or ekwëta edewën ol. Mëñ xëbënëk nëmëc kañe ir wënenëk xodux do kë nemind fo. Ado ga hi bañun batëÿ baño, mondako bax ex gi eñata ed ekwëta edewën el gë ecëkw, gë enjaran, do gë epëb, and ko şanayaw Yesu Kërisët añ.

⁸Wën añan ñan këno, ado bayik elod ano wat ex na. Gërëgako dëñ axwëta xwëta këno ado bayik ano watënd na, do aşot şot kën onënga or gë enjaran, or ala dëñ ax kor na exo tëfët.

⁹Aşot şot kën apexa and enjëw, and ex acosa and ekwëta edewën añ.

¹⁰Ata apexa año bani şaland gë obal osëm eni nang bëlawënel bër bax rey'arand end oyekax or fenin këñun Kaxanu eñ.

¹¹Mokemëna bani xemënan eni nang nand feye do bend fe fënëta ko Angoc and Kërisët and ebax gër ola orebën añ. Yama Angoc año ga babi nangënënd nde gana-gana fo toro ind Kërisët iñ do enjaran end ebax exo cot eñ and ko fis añ.

¹²Kaxanu anangën nangën babi mëne wën xwënëk eyey'an ed lawënegu babi eni dey'ara el, ax gi bana ed faß babi bën bëlawënel. Bëfemëra bër Atëfëtan bën awëlaw fo wëlaw bani bebër këñun sëfëtanënd gërëgako gë panga ind Angoc

Amënëk and xaniwëk gër orën in̄. Gër beño këbi xacërand eni y'ëkwa omeleka ak ga y'andi këbi eni nangëdo.

End o'wënëk eñ

¹³Awa yëlarayindën aye, giyin gë anjus, kwëtin ðek eyar edewën el gër oyekax or këñun wëlanëgu Yesu Kërisët and ko şanayaw añ.

¹⁴Ang obaş or këño baxëtënënd fo, këreñun balënd na end oñandi od şot ban gër onangërarëxe orewën eñ.

¹⁵Barikan ang wën ko ar sana këñun ak, wën bëte mënin mondako fo gër bend kën rind yo.

¹⁶Gayikako a'yëgw y'ëgw këni: «Bëwënëk kën hi gayik wëno a'wënëk hi këme .»

¹⁷Do angëmëne axëla këno xëland Kaxanu ang Sorix irewën fo, xarak mëñ këbi xitind bela bën gë epitëndër këm, ala kala gë bebër ri ko bën, diyayindën gë anjiy and Kaxanu nand hi kën gër yeba na.

¹⁸Enimin, anang nang kën mëne Kaxanu añun dacët ex na gë bebër kë nemind: gë kodî ba gë kañe. Gër ola or gë ofëcak këm, or rëwëli kënun bëxarëk bërewën racët këñun.

¹⁹Barikan gë oşat oxëbëanaxik or Kërisët or racët këñun oñ, oşat or şarëk ang or ife'y iwënëk do ibëngwëk, and şadaxa këno fo oñ.

²⁰Mëñ ex ar sana këño Kaxanu gana-gana fo, ðamana exo dixën ngwën an. Do mëñ şanayaw ko gër bakey bapelatar baño në endewën na,

²¹wën bër xwëta këno Kaxanu paş gë mëñ bën. Kaxanu xanin këño gër ecës do yël këño enjaran eñ. Mondako bax, ex gixën ekwëta edewën el do gë eyar edewën el gër Kaxanu.

²²Gayikako a'wënënyaya wënnyaya kën ga w'a kën ðal in, en cotaxën aminëmëra and gë eñëñenax end şonayak këm añ. Awa balëringëleñun mbañ andewën rewën añ, gë anjëlan ak ðek do gë emëkw epeşax.

²³Enimin, bër rëw këbi Kaxanu gaşëxe hi kën, xarak ax gi ex na ðe gë eneða end kë şësënd, bari gë eneða end ax cësënd na, gë eyey'an ed din ir din ed gë aniyand and Kaxanu el.

²⁴Gayikwa ala ar kë liyand yo, ang andës fo hi ko, ðek enjaran endexëm eñ, ang opëtëfët fo ex. Andës añ aha'y kë ha'yënd do opëtëfët ok a'wini kë winind .

²⁵Barikan eyey'an ed Axwën el, din ir din kë bayind. Eyey'an elo ex Atëfëtan and nangën kënun añ.

1 Piyer 2

End cale ingaşax eñ

- ¹Awa tebin oxeỹ or ex yo, osit or ex yo, egi ed bëyëñenax bër kë labayand el, oyëkëraxi ol do gë odena od ex yo.
- ²Ñandiyindëleñun ang omër omënëk fo eyey'an ed Kaxanu el ang këbi ÿandind omër bëndoyer ak, en pirixën gër apexa,
- ³gayikako anang dëñ nang kën ang nënga ko Axwën ak.
- ⁴Tëkayino ar ex ekaỹ ebëngw ed lap bani bela an. Xarak, mëñ ex ed yata ko Kaxanu el, ed xëbënan këño el.
- ⁵Ang këni barënd oxaỹ ex gi aciw ak, wën bëte barërin ang oxaỹ obëngw fo, en gixën Aciw amënëk, bëşadaxan bëwënëk, eno dinaxënënd Kaxanu, paß gë Yesu Kërisët, ocađaxa od onden, od ko ÿana exo ñanënd.
- ⁶Gayikwa are rek gër Oñëgw Omënëk: «Watin ga këme xwëtënd gër Siyoñ ekaỹ ekëla, elo sana këme, elo xëbënan ke. Do ar kë wã endexëm an, din año cëfënan na .»
- ⁷Awa ekaỹ elo këñun yëlënd epëb el, wën bër xwëta këño bën. Barikan gër bër año kwëta ex na: «Ekaỹ elo ex ed lap bani bëbay' el xarak mëñ ex ekëla el .»
- ⁸Do bëte: «Ekaỹ elo këni fokërënd bela bën, ekaỹ elo këbi rebënd .» Ga xey' këbi eni tëf eyey'an ed Kaxanu el, bëte gayik mondako bax ebi gi.
- ⁹Barikan wën cëñ, er hi kën andëwëra and sana ko Kaxanu, bër gë oşadaxan or emun, enëng emënëk, bulunda ir xwën ko. Mondako hik en tëfëtëraxënënd becërëcaxik bend ri ko ar nëcëtëgu këñun gër ecamëđan do wëla këñun gër angoben akëbëanaxik andexëm an.
- ¹⁰Wën anëka hi kën gërëgako bulunda ir Kaxanu, xarak akarëk añ, an gi bana bulunda. Kaxanu abaño xaỹënan na endewën eñ. Barikan gërëgako axaỹënan këño xaỹënanënd.
- ¹¹Wën bëmaỹe bënd ke balënd mbañ bëño, axara xara këmun gayikako bër okucan, do bëliyer fo hi kën, kemënayin en kwëyëta oñandi od eman od kë wërelind enjëw ok.
- ¹²Mëlayayindën şenene ola orewën ol mërëxand ir bër año kwëta ex na Kërisët bën. Do gër ed kënun nangaşandërand, watindëlexëni bandixa banjekax bandewën bañ, eno cëkwaxën Kaxanu yatir këbi ĥatën.

End epëb ed owun eñ

- ¹³Ang ÿapëk gër Axwën ak, pëbindën olëngw or ex yo. Pëbindëno emun eñ, mëñ ar ex ar gapak an.
- ¹⁴Pëbindënëbi ogofërëner ok gayik emun eñ fana këbi enëbi nëpënd bëwendëran bën do enëbi cëkwand bër kë rind benjekax bën.

¹⁵Enimin oñandi od Kaxanu ok ex, paḅ gē benjekax bend kēn rind beḅ, eni cēmīnd bela bēsitarak bēn, bēḅ yōweȳ ax nang ex na bēn.

¹⁶Diyayindēn ang bēḅēȳaȳa fo, bari kēren dābayand na gē orēȳaȳa olo en dixēn eñēḅēnax eḅ ado bayik yōweȳ aḅun cēba ex na: giyin okadēp od Kaxanu.

¹⁷Pēbindēnēbi bela dek, ḅanindēnēbi bēmaḅe bēḅ, yēdayindēno Kaxanu, do pēbindēno emun eḅ.

End oxēreceḅ eḅ

¹⁸Wēn bēriyenin bēḅ gēr bēcīw̄ bēn, yēdayindēnēbi bēxwēn bērewēn bēn do mayindēn endebēn eḅ ado eni nemēri, bari ax gi ex na bēḅ bēngwēk do nēnga kēni bēn fo.

¹⁹Gayikwa oyekax kēn ḅot ga buḅa kēn buḅand en toro nē end Kaxanu, gē amena kēm.

²⁰Enimin, aḅēkw nde kēno ḅēkwēnd ar kē buḅand gēr toro nē end ga wēndēra ko an? Barikan angēmēne abuḅa kēn buḅand nē end ga kēn rind benjekax, enjekax ex gēr ogēs od Kaxanu.

²¹Nē eḅo yataxēn kēḅun Kaxanu gayik Kērisēt, mēḅ bēte, mondako soro ko nē endewēn na, eno tēfēteliḅēnēnd, en tēfaxēnēnd banjēta bandexēm baḅ.

²²Bari mēḅ elod axo mendēra ex na, bēte elod ala ax wēl ex na enēgwēs̄ gēr etēȳ edexēm.

²³And bano ḅīrērand aḅ ababi w̄aḅa na, and baxo sorond aḅ, ala abaḅo wesa na. Barikan aseḅēn seḅēn kēḅo amaḅa aḅ ar kē xitind ḅēnene an.

²⁴Mēḅ dēḅ lēbinak bamena bandēbi baḅ gēr eman endexēm and fika kēno gēr kērēwa do ḅēs ko nē end beñēḅēnax bēndēbi aḅ. Mondako ḅēs kēne ene capēraxēne gē beñēḅēnax beḅ, ene dīyaxēnēnde aniyān and ḅēnene. Gē tembaḅ indexēm iḅ kēn fakaxēnēnd.

²⁵Enimin, anēka hi ban ang oyel or nambērak fo . Barikan gērēgako anēka baka kēn gēr ar ex axadac do anēkōna arewēn.

1 Piyer 3

End eñēr eḅ

¹Bēte wēn bēsoxari bēn, mayindēn aḅa end bēcēn bēndewēn eḅ. Angēmēne mondako kēn rind, axor kēnēbi xor bēcēn bēndēmar ado ga bani ḅēpēnd end Kaxanu eḅ. Axor kēnēbi xor gē eyeȳan kēm, gē ola orewēn ol,

²angēmēne eni watēnd gēr aniyān andewēn mēne aḅēn wēn kēn do mēne wēn afēb fēb kēnēbi.

³Oñañēnaran odewēn ok kērex gi na or fac: olap, gē baḅepe band kaḅe, gē bēḅwēn bēnd kaḅe, gē orēxēr or kaḅe do gē banjēm bakēbēnaxik.

⁴Barikan gil ex lëf gër emëkw, oñañënarana od din ax biwënd na, od onden onënga, do ond angwëlëra. Ata oñañënarana od mondako ok, mbañ këño xëbënanënd Kaxanu.

⁵Oye olo şot bani bësoxari bëwënëk bër angwën bën, bër xwëta baño Kaxanu bën ga banëbi fëbënd bëcën bëndebën bën.

⁶Gako Sara, afëb fëb baño Abëraxam xali baño wacënd: «Axwën aram .» Odënaw odexëm hi kën angëmëne ari kën rind benjekax bën, xarak er kën yëdand gebatak añun yëbun ex na.

⁷Bëte wën bëcën bën, mëlayayindënëbi endëmane fo bolindaw borewën gër eñër edewën, ga nang kën mëne ola orebën ol ax këme na bon. Pëbindënëbi, gayikwa bën bëte aşot këni şot aniyana and ko yëlënd Kaxanu në end oyekax orexëm añ. Diyindën mondako, ata bayik yoweỹ ax bedi na cale indewën in.

End ebalër eñ

⁸Awa wën wëlëringdën, balëringdëleñun ang bër acël amat fo, cotindën anjëlana amat, bëngwëlex onden ondwën oñ, banayindën.

⁹Ax gi ex na momaşën eñëñënañ eñ gë eñëñënañ, do ocir ok gë ocir. Ecëñëxët, karanindënëbi benjekax boşandax, gayikwa në eño yataxën këñun Kaxanu en cotaxën obetak or fenin këñun ol.

¹⁰Enimin, Oñëgw Omënëk ok ga rek: «Ar yandi këño exo ñana aniyana añ do exo cot bakey banjekax an, etëỹ edexëm el tebëlex odena ok, do gë etitinañen ed bela el.

¹¹Kwëyëtalexo beñëñënañ bën do diyindëlexo benjekax. Calayindëlexo aketëxeta añ, do kemënañindëxelo exo ñatën.

¹²Gayikwa bangës band Axwën bañ anëkona këbi nëkonand bër şenene bën, do gë banëf bandexëm bañ, abaxët ko baxëtënd cale indebën in. Barikan aşus këbi şusënd bër kë rind beñëñënañ bën .»

¹³Do wën nobën cëñ këñun rinañ eñëñënañ angëmëne benjekax kën balëkënalind?

¹⁴Ado enun toronënd në end or şenene eñ, nëngandërayindëleñun! Kërenëbi yëdand na do këreñun bëlandërand na.

¹⁵Barikan, pëbindëno Kërisët, mëñ awënëk an, ang Axwën fo, gër owëkw orewën. Giyindën lañ bëwëlëk bër eno yakand kerët ar këñun wëka yo eno pelëra ine kën yarañënënd er kën yarënd in.

¹⁶Barikan, yakayindën endëmane fo, do gë onden onjekax. Ata bër këñun şirërand në end ola or şenene or yël këñun Kërisët bën cëfënanindëlebi gër ed ebax enun yëlan yëỹ.

¹⁷Enimin, pecanëleñun en torond ga kën rind enjekax eñ angëmëne mondako yandi këño Kaxanu, bari ax gi ex na ga wëndëra kën.

¹⁸Gayikwa Kërisët amat fo soro ko do sês ko në end beñëñax, mëñ ar sene, në end bela bësëmbak, eñun mëlaxën gër Kaxanu. Eman endexëm eñ laŵ bani, barikan Angoc Amënek añ xaninëgu këño abëngw.

¹⁹Gë angoc andexëm añ y'e baxo Kërisët ebi tēfētandërax endexëm eñ bangoc band gër epëra bañ.

²⁰Akarëk añ, bangoc baño baño wëšenënd Kaxanu. Mëñ abuyan buñan babi xali fika ko Nowe Akuluñ and fexaxën bani mëñ gë bela bëcongëbëxi polo gër men añ.

²¹Eño ex amatinali and xobuyi or këñun fexënënd gërëgako el, bari ax dëxëtënd na abuyar ir eman in. Xobuyi olo onden onjekax ex gër lëngw ir Kaxanu pañ gë ekani ed Yesu Kërisët gër ecës el.

²²Mëñ ex ar bakak y'añ gër orën do yëpax ko gand liŵ ir Kaxanu an, mëñ ex ar këno baxëtënënd omeleka an, bangoc band wunëk bañ do gë band gë panga bañ.

1 Piyer 4

End aniyän angasax eñ

¹Awa gayikako Kërisët asoro soro ko gër eman endexëm, wën bëte giyin bëwelëk ang bër emer fo en torond mondako fo. Gayikwa ar sorok gër eman endexëm an, anëka şapër këni gë eñëñax eñ,

²exo diyaxënënd bakey band bayi këño gër ebar bañ ang këño yandind Kaxanu ak, ax gi ex na ang ex oñandi oñëñax ak.

³Enimin akarëk añ, gwac xwënda ban edi ed bebër ñan këni bër año kwëta ex na Kërisët bën: asëk alakirand fo in, oñandi oñëñax ok, ekureliran el. Ata wën monjëlaya ban yëlayand gër ñambëran in, gër oşeb ol, do gër ekëla ed olaş el, xarak aşëba şëbak.

⁴Gërëgako aşaran këbi şaranënd ga kënun watënd mëne an bo ex na ga kën xaşërend gë bën gër eñac, mëñ kënun renaraxënënd.

⁵Barikan bën ayaka këno yakad ar yapëk ebi kiti bela bëbëngw do gë bëşësëk an.

⁶Enimin, mëñ nangëñaxën kënebi Atëfëtan añ bëşësëk bën dëñ eni diyaxënënd gë Angoc and Kaxanu añ ang ak ado ga xiti kënebi ang dek bela ak.

End oyekax eñ

⁷Ekwët ed beñ dek el anëka saxëguk. Awa giyin bërenik do bër gë anjus, en kemëñaxënënd gër cale.

⁸Damana beño dek, balëringëñun mbañ andewën rewën añ, gayikwa añana añ alab kë labënd beñëñax bendanjëm.

⁹Mëlayarindën aye ang këno wëlayand aliyer gër bëciŵ bëndewën ak, xarak an nunëñunand na.

¹⁰Ala kala diyenindëlebi boşandaŵ gë anjêla and yël kënjo Kaxanu, në end oyekax orexëm aŋ. Angëmëne mondako kën rind ata kën hi bër xwëtan kënëbi banjêla band ko yëlënd Kaxanu në end oyekax orexëm.

¹¹Ar yël kënjo eyey'an an, dey'arayindëlexo bend re ko Kaxanu beŋ. Ar yël kënjo edëcara ed bela an, dëcarayindëlebi gë ojaŵ od yël kënjo Kaxanu ok. Gër end ex yo, cëkwëndino Kaxanu paḅ gë Yesu Kërisët, mëŋ ar gë enjaran do gë panga ind din ir din an. Amen!

End toro eŋ

¹²Wën bëmaŷe bënd ke balënd mbaŋ bëŋo, ga kën sorond ako, atëŷ añëkaxik ex, këreŋun caranënd na nangëde ax ñap ex na fo.

¹³Ecëñëxët, nëngandërayindëleŋun ga kën sorond, ang soro ko Kërisët ak. Mondako ŷapëk ex gi eŋun nëngandëraxënëd nëmëc yatir ko nëcëtëgu dëk enjaran endexëm eŋ.

¹⁴Ado enun cirërand në end oŵac or Kërisët nëngandërayindëleŋun, gayikwa Angoc and gë enjaran aŋ, and Kaxanu aŋ, gër ola orewën hi ko!

¹⁵Barikan wën, gabatak kërexo torond na në end ga laŵ kënjo ala, në end ga rekara ko, në end ga wëndëra ko ba në end ga lil këbi bela gër bendebën.

¹⁶Angëmëne ga hi ko këreceŋ ko soroxënënd, cëkwayindëleŋo Kaxanu në end oŵac olo, këreŋo cëfënanënd na.

¹⁷Gayikwa anëka ĥatëguk kiti ind kë ŷana gër ekun ed Kaxanu iŋ. Xarak angëmëne gër ndëbi kë ŷanand kiti iŋ, mondake kë ĥata gër bër ĥëpëk eni kwëta Atëfëtan and Kaxanu bën?

¹⁸Ang rek Oñëgw Omënëk ak: «Angëmëne alak lakëk exo pexaxën ar ŷenene an, mondake cëŋ kë hi end asëmbak eŋ, do gë end aŵëndëran eŋ?»

¹⁹Awa bër kë sorond gër edi ed benjekax gayik Kaxanu ŷandi kënjo ebi gi mondako bën, tebayalexëni gër otaxan odexëm, mëŋ ar ex mokwëta an.

1 Piyer 5

End emëlayan ed okëreceŋ eŋ

¹Awa bëlëngw bër ex mërëxand irewën bën ŷandi ke mëni pelëra gërëgako. Wëno dëŋ alëngw hi këme ang bën ak, sede ir toro ind Kërisët hi keme, do bëte ahixeli këme hixeli gër enjaran endexëm and ko ŷanayawëgu aŋ.

²Kadacindënëbi ŷenene bër gër amara and xwëtënan këŋun Kaxanu bën. Nëkonayindënëbi gë emëkw el dëk ang ĥan ko Kaxanu ak, xarak ax gi ex na në end acosa fo, bëte ax gi ex na ga kënun nëŷalind.

³Ola orewën ol gilex or këni xor eni tëfëtelind bër gër amara bën. Kërenëbi bëñand na nangëde wën xwën këbi fo.

⁴Do and ko şanayaw alëngw ar bëxadac aŋ, aşos këŋun şos gë ekamote ed owun ed gë enjaran ed din ir din el.

⁵Bëte ocambenjar ok gë odënaŋ ok, baxëtindënëbi bëlëngw bën. Banayindën gër banëkëra bandewën, gayikwa are rek gër Oñëgw Omënëk: «Kaxanu ayël këbi yëlënd oyekax orexëm ol bër kë banand bën, barikan aŋwereli këbi wërelind bër kë rafënanand bën .»

⁶Awa wën banayindën gër lëngw ir Kaxanu, mëŋ ar gë panga an, eŋun dafënanxën and këŋo ĥatan aŋ.

⁷Kwëtinayindën gër ndexëm dek bebër këŋun sibanënd gër banjëlan bandewën bën, gayikwa mëŋ afëyëpëy këŋun fëyëpëyënd.

⁸Giyin gë anjus, këren nambinand na. Şabucara in, arangoyëra ar gë wën an cëŋ, abëtëra këŋun bëtarand ga ko şaland noyŋo këŋo y'amb ang yëraŋ ir këŋo sisand emacar end këŋo y'amb fo.

⁹Nëpindën endexëm eŋ do kemënayin gër ekwëta ga nang kën ako mëne oy'ot od obat këŋun wëcanënd gë bëmaŋye bëndewën bënd gër ngwën ro bëŋ.

¹⁰And kën soro imëd aŋ, Kaxanu mëŋ ar gë oyekax an, mëŋ ar waceli këŋun enjaran end din ir din end ex gër Yesu Kërisët eŋ, axanin këŋun xanin, abaşën këŋun abaşën ojaŋ ok do axemën këŋun xemën en gixën bër rëd këbi aye.

¹¹Mëŋ ga xwënëk wa owun ol din ir din! Amen!

Epelar el

¹²Silas, imaŋye ind xwëta këmo gër Axwën in, rëca ke mun ñëgwënëli bepënëfëne beŋo. Aŋandi y'andi ke me dey'a oyekax or d'al or Kaxanu ol, mun kemënanxën, awa kemënayin mbaŋ!

¹³Bërëw'ak bër hik gër Babilon bën, bër yata këbi Kaxanu ang wën ak bën, këŋun şëmand. Aşëma këŋun şëmand bëte asëniwën Marëk.

¹⁴Cëmarëxën momegar ang bëmaŋye bënd këbi balërend fo. Awa wën dek bër xwën këŋun Kërisët bën, cotin obetak ol.

2 Piyer

2 Piyer 1

Ecëmar el

¹Wëno Simoŋ Piyer, ariyenin do parëxanda ir Yesu Kërisët an, këŋun yëgwënëlinde kayëta ijo wën bër gë ekwëta ed xëbënëk ang edebi ak bën, paß gë or şenene or Kaxanu do gë Afexën Yesu Kërisët ol.

²Oyekax ol do gë obetak ol başërël ex gër ndewën ga nang kënëbi ako Kaxanu do gë Yesu, Axwën arebi an.

End oxëreceŋ eŋ

³Kaxanu ayël yël këbo gë panga indexëm in dëŋ dek bebër kë yana ene diyaxënënde ang ex ola or Kaxanu ak mëŋ ar wacëgu këbo gë enjaran endexëm eŋ do gë ekëbënaxik endexëm an.

⁴Paß gë enjaran eŋo do gë ekëbënaxik eŋo, yël këbo Kaxanu bebër bey'a babo bën, en koraxën en cana osëmbak or gër ngwën ol or oñandi oñëŋënax ok do en cotaxën ola or Kaxanu ol.

⁵Awa në end eŋo dëŋ, kemënayin gë obal osëm en başaxën gër ekwëta edewën owerëgweran ol, do gër owerëgweran, onangëran ol.

⁶Başin gër onangëran, egi ed gë anjus el do gër egi ed gë anjus el, ekemënal el. Başin gër ekemëna, epëb ed Kaxanu el.

⁷Bëte başin gër epëb ed Kaxanu, ebalër ed gër aminëmëra and oxëreceŋ el do gër ebalër ed gër aminëmëra and oxëreceŋ, aŋana aŋ.

⁸Enimin, angëmëne benjekax beŋo ahi hik gër ola orewën do ex ñëmb, an ñana na en bayind gë bandixa banjekax këm, an gi na gë odëwërëwën këm, gër enang ed Yesu Kërisët, Axwën arebi el.

⁹Barikan ar şanëk beŋo an, axo watërand na aye, xali hi ko ang aşiwëk fo. Axwëya xwëya ko angunëtan and bamena band baxo rind and ganëka aŋ.

¹⁰Bëte bëmaŋe, kemënayindën en balëkënali nëmëc oŋac or wac këŋun do gë eyata ed yata këŋun Kaxanu el. Angëmëne mondako kën rind, din an pokër na.

¹¹Ata Kaxanu mondako këŋun fërëtënaxën ebët eñangax, en dïlaxën gër owun or din ir din or Yesu Kërisët, mëŋ ar ex Axwën arebi do Afexën arebi an.

¹²Mëŋ ex bëte, wëno din këmün yana mun kwitanënd beŋo ga nang kën anëka do lëkaya kën däl ir şot kën in.

¹³Yëla këme aye yek, nand bayi këme gër eman eŋo na, mun nëngëtënd gë bend këmün xwitanënd beŋo.

¹⁴Gayikwa Yesu Kërisët, Axwën arebi an, anangën nangën ke mëne gogo këme şës.

¹⁵Barikan gë oxor oram ol këme ri mun tebëtanaxën er këjzun ÿana enjun kwitanënd, nand ex yo, bejo dek.

End enjaran enj

¹⁶Enimin, biyi ex otede od watëk ola oxëbënaxik or Yesu Kërisët, Axwën arebi ol gë bangës bandëbi baño dëj. Anangën nangën këmun panga indexëm inj do gë omakaw ondexëm onj, xarak ax gi ex na gë bendacan bend xamën këni bela.

¹⁷Gayikwa Faba Kaxanu yël këjo or gapak ol do gë enjaran anj yatir wëli bax oniŵ orexëm ol gër enjaran ekëbënaxik enjo ga kë re: «Ajo ex Asëñiŵën ar pëlot gër yomb iram an, wëno monëgan ke nënganënd endexëm enj.»

¹⁸Biyi dëj wël bax oniŵ olo ga wëliwëk gër orën and ebami gë Axwën Yesu Kërisët yañ gër etënd emënëk anj.

¹⁹Biyi cëj, er rey'a këni bëlaŵënel in, er mokwëta nëmëc ex. Awa wën aÿap ÿapëk enjun balënd end eyey'an elo enj. Er hik ang lambo ir kë hōband gër ecamëdan fo xali ex canayaw angoben anj do emal ed oxeya el ex ñoband gër oŵëkw orewën.

²⁰Damana bejo dek, anang nang kën mëne gër Oñëgw Omënëk, eyey'an ed alaŵënel ed ex anjëlän and ala, ax gi ex na.

²¹Gayikwa, alaŵënel abax yey'anënd ex na ang baxo yëland ak. Angoc Amënëk anj babi ŵasinënd bëlaŵënel bën gër onden ondebën end Kaxanu end këni rey'a enj.

2 Piyer 2

End bësëyali bënëgwëš enj

¹Akarëk anj, bëlaŵënel bënëgwëš hi bax na gër bulunda ir Isërayel. Bëte mondako fo këni xani bërëmar mërëxand irewën eni gi bësëyali bënëgwëš, eni dïlaliw bënëgwëš bend kë nambelind do eno ya'xëtand Axwën an, mëj ar racët këbi an. Ata bëjo mocala këni šaland enemi ed bërëxadët el.

²Bëranjëm këbi sëf gër aniyän atëmbak andebën, do bëšëxen bën në endebën këni ÿana eni cirënd fëña ir däl in.

³Bësëyali bëjo, ga hñan këni napul in kënun ÿana enun yifand gë bend këni yerëtënd bën fo bej, enun dëxëlëxaxënënd. Barikan kiti indebën inj elod anëka fo wël bax, do enemi edebën el ax gi ex na mocëni!

⁴Omeleka od wëndëra bax ok, Kaxanu anjo kaÿënan bana endebën enj. Alap lap këbi gër ambëxw atiŵax do xap këbi gë ogwey'ele-gwey'ele gër acamëdan ang gë gwey'ele-gwey'ele fo eni cënixën kiti inj.

⁵Bëte Kaxanu alaŵ laŵ babi gë oÿëm ol, bela bësëmbak bër ebax akarëk bën, angwën and baxo femërand Nowe end aniyän and šenene anj. Barikan fexën këbi Nowe do gë bela bëcongëbëxi bëšëxe.

- ⁶Bēte Kaxanu anēp nēp babi bēr gēr Sodom do gē Gomor bēn and bēlēn ko bangol baŋo aŋ. Mondako ri baxo eni nangaxēn dek bēsēmbak bēn mēne mēŋ axiti ko xitind.
- ⁷Barikan aracēt racēt baŋo Lot, mēŋ ar ŝenene ar bax xoŷērاند, nē end eñac end bēwēšik bējo eŋ.
- ⁸Gayikwa ar ŝenene ar bax liyand gēr bangol band Sodom do gē Gomor ajo, key yo key baŋo ŷambēnēnd gēr emēkw ed ŝenene edexēm nē end eñēŋenax end baxo watēnd do baxo wēlēnd eŋ.
- ⁹Awa eŋo kēbo wāsinēnd mēne Axwēn an axam xam ko edacēt ed bēr ŝenene gēr ocēmu el. Barikan afeni kēbi fenind bēsēmbak bēn ebi nēpaxēn yatir kiti.
- ¹⁰Adofa anēp kēbi nēp bēr kēbi ŷetēŷetēnd edi ed bēmyaraxik bēn, bēr kē xašērēnd gēr edi ed oñandi od eman do kēni ŷepēnēnd or gapak or Axwēn bēn. Bēsēŷali bēnēgweš bējo, axwēta xwēta kēni ogaf odebēn ok do arafēna kēni rafēnand mēne ani yēdand na ecir ed bangoc bacaraxik band gēr orēn el.
- ¹¹Xarak omeleka od xuca kēbi ojaŵ do gē panga ok dēŋ anēbi nēpēnd na, ani kwēšand na gēr lēngw ir Axwēn Kaxanu enēbi cir.
- ¹²Barikan bēn ari kēni rind ang bēr gē onden kēm fo, ang oŵacar fo, oŵacar or eŋaš or xwēl kēnēbi do enēbi đaw xali eni bēr ol. Ašir kēni širēnd er bayik ani nang ex na in.
- ¹³Osēmbak orebēn olo axana kēni xana ang acosa fo. Monēngan kēbi nēnganēnd eyēlaya ed gēr oñandi od eman ogēs od bela dek el. Ošēfēn orewēn ex and kēni ŷow gēr ed kēn fedēr űambēran aŋ, opēna odewēn ok kēni buyarēnēnd.
- ¹⁴Bangēs bandebēn baŋ yer orekar fo ex, do din abi pedēnd na eñēŋenax eŋ. Ayifa kēnēbi yifand bela bēr sitarak bēn, monjēlaya yēlaya kēni gēr aŋana and kodī. Ata bējo obaš or xata kēbi fo exēni.
- ¹⁵Ga seš kēni fēña ir ŝenene in, nambēraxēn kēni ga sēf kēni fēña ir Balam, asēñiŵ ar Bosor in, mēŋ ar ĥan bax acosa and exo dixēn osēmbak an.
- ¹⁶Barikan fali, mēne ngēŋ emacar, yeyan bax ang ala fo do rexēra baŋo nē end amena andexēm, alaŵēnel ar ŝenēkēt baŋo an, xali xwēšan kējo.
- ¹⁷Bēsēŷali bēnēgweš bējo, ang bandu band gē men kēm fo exēni; ang ebed ed šapērelik ekoc fo exēni. Ata bēn šēni kēbi acamēdan aŋ.
- ¹⁸Gayikwa aĥebēta kēni ĥebētand eni dey'a bend gē ofēcak kēm, bend gē ndafēnan itēm. Mondako kēni rind enēbi yifaxēn gē oñandi oñacaxik od eman ok bela bēr šanēguk gē ojaŵ fo gēr otaxan od bēr kē liyand gēr enambēran bēn.
- ¹⁹Bela bējo abey'a bey'a banēbi mēne aniyān and ŷay'a kēnēbi yēl, xarak bēn dēŋ okadēp od bebēr kē nemind exēni. Gayikwa ala kala xadēp ir er wēña kējo hi ko.

²⁰Enimin, angëmëne aseḃ seḃ këni bemuyaraxik bend gër ngwën ro beḅ paḃ gë enang ed nang këno Yesu Kërisët, Axwën do Afexën arebi el do eni bakan beḅo xali eḃi bëña gašëxe, awa nëmëc këni nëxena ang nëxena bani añanar ak.

²¹Er fecadox këreni nang dona aniyān and šenene aḅ, gë eni nang aye dëḅ, do eni mašan epoy apela amënek and sëyali këneḃi aḅ.

²²Awa bën anëka hi këbi eyeyan ed ḃal ed orenik ed kë rend: «Laḅët iḅ anëka bakan ko exo yamb er wis baxo in .» Bëte: «Ambëxwëbëxw anëm and buyi bano ecede-ecede aḅ, anëka rëgwaya ko gašëxe gër egway.»

2 Piyer 3

End omakaw ond Axwën eḅ

¹Wën bëmaḃe bënd ke balënd mbaḅ bëḅo, kayëta ixinëm in këmun yëgwënëlinḃ. Gër okayëta oki oko, këmun xwitanënd bend nang kën aye beḅ, en nëngëtaxën gër onden ondewën.

²Ata kën yāna en kwitand bend reyā këni, akarëk aḅ, bëlaḃwënel bëwënek beḅ do gë apela and oparëxanda odewën aḅ, apela and ex and ar ex Axwën do Afexën arebi aḅ.

³Nangin mëne ḃamana beḅo ḃek, gër baḃey ḃapelatar, bela bër kë sëfënd oñandi oñëḅëxax do këni sanënd mbaḅ kë šanayaw na.

⁴Do are këni yāna eni dend: «Feye ngwa exo ar beyā bax mëne abaka ko bakaw an? Gayikwa elod ga rašëra këbi gër ecës bëxarëk bën, beḃ bën ang ebax elod and yanak ngwën ak bayik .»

⁵Enimin, bëḅo mama dëḅ këni xwëyand mëne akarëk aḅ, paḃ gë eyeyan ed Kaxanu el hixënek orën ol do gë ebar el, do ebar el šanëguk gër men do xangëk.

⁶Ngwën ind angwën aḅo iḅ šilipa bax kwëc gër amen.

⁷Xarak Kaxanu, gë eyeyan elo fo re ko ašor ko šor orën ol do gë ebar ed gërëgako el yatir kiti ind këbi nemin bela bësëmbak iḅ.

⁸Barikan amat ex end ax gi ex na mokwëya eḅ, wën bëmaḃe bënd ke balënd mbaḅ bëḅo: Gër Axwën, aḃey amat gwër fo ex gë bëniy wëli do bëniy wëli gwër fo ex gë aḃey amat.

⁹Axwën an axo ḃegënanḃ na gër eḅata ed er beyā ko, ang këni yëland bërëmar ak. Ga këḅun buḅanënd ko šëninḃ wën ḃek en nëngwët ḃek ola orewën ol gayik aḅo ñandi ex na ala exo nemi.

¹⁰Barikan aḃey and Axwën aḅ, ang arek fo kë yow. Yatijo, orën ol ašapër kë šapër gë ongëbër oñigëxaxik. Bëbër ex gër orën gë xodux bën, ex pëtëra. Ata ebar el, gë bëbërexëm bën ex wati ang ex ak.

- 11**Awa gayikako bebijo dek afët kë fët, wën nëkonin ba mondake ÿapëk en dıyand! Gë ola oŵënëk do gë epëb ed Kaxanu
- 12**ÿapëk en cënind do en ñandënënd akey and Kaxanu aŋ, akey and kë fëtëra bebër ex gër orën gë xodux aŋ.
- 13**Xarak biyi ašëni këne šëni nde bebër bey'a këbo Kaxanu bën: orën oxašax do gë ebar ekašax, gër ed kë xëñ or šenene ol. Ata biyi eŋo këne šëninde.
- 14**Wën bëmaÿe bënd ke balënd mbaŋ bëŋo, awa gër ošën olo, kemënayin eŋun təkati Axwën an bëwënëk, bër gë etëmbak këm, gër aketëxeta.
- 15**Pënileŋun mëne ebuŋan ed buŋan këŋun Axwën arebi el ex apexa andewën aŋ, ang ÿëgwën këŋun bëte Pol, mëŋ imaÿe ind këbo balënd mbaŋ iŋo, gë orenik or šot ko ol.
- 16**Mondako ko ÿëgwënd Pol gër dek okayëta odexëm and ko yey'anënd beŋo aŋ. Barikan bengas exëna bënd lakëk epëni. Ata bër sitarak gër onden do ani piri ex na gër onangëran bën, anëngwët këni nëngwëtënd er kë rend in. Ado mondako fo këni rind gë Oñëgw Omënëk ocëxe ok do këni neminayand gë andebën aŋ dëŋ.
- 17**Awa gayikako gana gana fo nang kën beŋo, wën bëmaÿe bënd ke balënd mbaŋ bëŋo, perënayin de këdi kënebi sëfa bela bëwëšik bëjo gër enambëran edebën do en teb ekemëna el.
- 18**Barikan piriyin gër oyekax do gër enang ed Yesu Kërisët, Axwën do Afexën arebi el. Mëŋ xwënëk enjaran eŋ, gërëgako do xali din ir din! Amen!

1 Şaŋ

1 Şaŋ 1

End eyeyan ed aniyān eŋ

¹End ar hik elod gēr ŷānar eŋ, end ar wël kēmi eŋ, end ar wat kēmo gē bangēs bandebi baŋo dēŋ eŋ kēmun ŷēgwēnelind. Biyi nēkondēra kēŋo gē axēbēnan, biyi lēkēra kēŋo gē otaxan odebi ok. Mēŋ ex eyeyan ed kē yēlēnd aniyān el.

²Biyi wat kēŋo ar ex eyeyan ed kē yēlēnd aniyān an ga hi ko ala. Biyi reyak osede orexēm ol, mēŋ kēmun sēfētanaxēnēnd mēne ar ex aniyān and din and ler gēr Faba Kaxanu an ŷanayaxēnēgu kēbo.

³End wat kēmi do wël kēmi eŋ, kēmun sēfētanēnd wēn bēte, ene baraxēne andamat. Ebar elo ex ed gē Faba Kaxanu do gē Asēniw̄ Yesu Kērisēt el.

⁴Eŋo kēmun ŷēgwēnelind ebo nēngandēraxēn enim biyi dek.

End aniyān and gēr angoben eŋ

⁵Endey end wël kēmi gēr Kērisēt do lawēnēgu kēbo mun tēfētan eŋ ex: Kaxanu angoben hi ko do ecamēdan ax gi ex na gēr ola orexēm.

⁶Angēmēne are kēne rende mēne gē mēŋ bar kēne do ene bayiye gēr ecamēdan, bēngwēš hi kēne, er kēne rinde in ax gi ex na dal.

⁷Barikan angēmēne gēr angoben hi kēne ang hi ko mēŋ gēr angoben ak, abar bar kēne do oŷat or Yesu, Asēniw̄ arexēm oŋ kēbo wunētēnd gēr eñēŋenax end ex yo.

⁸Gē andebi kēne yifayande angēmēne ene dende mēne ane mendērande na, dal in ax gi ex na gēr ola orebi.

⁹Barikan angēmēne afut kēne futēnde bamena bandebi baŋ, Kaxanu, mēŋ ar ex ŷenene do hi ko mokwēta an, aseban kēbo seban do ebo wunēt gēr betēmbak bend ex yo.

¹⁰Kaxanu kēnēŋo xwētēnde anēgwēš angēmēne ene dende ane mendērande na, do eyeyan edexēm el ax gi ex na gēr ola orebi.

1 Şaŋ 2

End ayakān arebi eŋ

¹Obaŷ oram, eŋo kēmun ŷēgwēnelind mēŋ kēn xwēyētāxēn beñēŋenax beŋ. Barikan angēmēne ala exo mendēra, ayakān ŷot kēnēŋone na ler gēr Faba Kaxanu, mēŋ exo Yesu Kērisēt, ar ŷenene an.

²Mēŋ dēŋ ex angunētan and sebanaxēn kēbo Kaxanu bamena bandebi an ngwēn in dek, bari ax gi ex na biyi fo.

³Angēmēne asēf kēne sēfēnde bapela band Kaxanu baŋ, pēnilebo mēne anang nang kēnēŋone.

⁴Anëgwêš ko rind ar kë rend mëne anang nang këno Kaxanu xarak axo tēfënd na bapela bandexëm baŋ. Dal ax gi ex na gër ola or ala ajo.

⁵Barikan ar fëbëk eyey'an ed Kaxanu an ex ar ñan këno enim an. Ata mondako këne nangënde mëne abar bar këne gë Kaxanu.

⁶Ar kë rend mëne abar bar këni gë mëŋ an, aŋap ŷapëk exo dīyand ang baxo liyand Kërisët ak.

End apela angašax eŋ

⁷Wën bëmaŷe bënd ke balënd mbaŋ bëŋo, apela and këmun ŷëgwënëlınd aŋo akarëk ex, ax gi ex na angašax. Apela akarëk aŋo, eyey'an ed wël kën elod gër ŷanar el ex.

⁸Barikan ga këmun ŷëgwënëlınd ako apela angašax dëŋ ex. Dal ir gër Kërisët in kë šanayand gër ola orewën gayik ecamëdan el anëka kë šapërend, do angoben aŋ kë ŷañënd.

⁹Ar kë rend mëne gër angoben hi ko an, do eŋo cus imaŷe indexëm iŋ, gër ecamëdan bayi ko pere.

¹⁰Ar ñan këno imaŷe indexëm an anëka hi ko gër angoben do er këno lënan eñëŋenax ax gi ex na.

¹¹Barikan ar šus këno imaŷe indexëm an, gër ecamëdan bayi ko. Gër ecamëdan ko liyand, do axo nangënd na gër ed ko ŷend, ecamëdan el šiwën këno.

¹²Obaš oram, wën këmun ŷëgwënëlınd gayik anang nang kën mëne Kaxanu aseban seban këŋun bamena bandewën baŋ gër oŵac or Kërisët.

¹³Wën opaba këmun ŷëgwënëlınd gayik anang nang këno ar hik elod gër ŷanar an. Wën ocambenjar gë odënaŵ këmun ŷëgwënëlınd gayik axor xor këno Arangoŷëra an.

¹⁴Obaš oram, wën këmun ŷëgwënëlınd gayik anang nang këno Faba Kaxanu. Wën bëxarëk këmun ŷëgwënëlınd gayik anang nang këno ar hik elod gër ŷanar an. Wën ocambenjar gë odënaŵ këmun ŷëgwënëlınd gayik axemëna xemëna kën. Bëte axwëtaya xwëtaya kën eyey'an ed Kaxanu el gër oŵëkw orewën do axor xor këno Arangoŷëra an.

¹⁵Këren ŋan na ngwën iŋ, bëte këren ŋan na bebër ex gër ngwën ro bën. Angëmëne ala exo ŋan ngwën iŋ, aŋana and Faba Kaxanu aŋ ax gi na gër emëkw edexëm.

¹⁶Enimin ðek bebër ex gër ngwën ro bën, bebër gër aniyan bën mëne ngëŋ: oñandi od eman ok, gë eñangen ed bebër kë watënd bangës el do gë edafënali ed napul ir gër ngwën ro el. Beŋo ax gi ex na bend Kaxanu.

¹⁷Xarak ngwën iŋ do gë oñandi odexëm ok axuca wa kë xuca. Barikan ar kë rind oñandi od Kaxanu an, din ir din ko bayi.

End arangoÿëra and Kërisët eŋ

¹⁸Obaš oram, gogo kë xwët ngwën iŋ. Do ang wël kën ak, arangoÿëra and gë Kërisët kë yowënd na. Xarak anëka ÿëmb këni bërangoÿëra andexëm bën. Mondako këne nangënde mëne ngwën iŋ në ekwët ex.

¹⁹Bërangoÿëra and Kërisët bëjo gër ndëbi ro dëŋ šan këni gayik ani gi bana enim bërebi. Kido bërebi hi bani abayi bayi doni.

²⁰Wën cëŋ, ašot šot kën panga ind yël këŋun Angoc Amënëk iŋ do wën dek anang nang kën.

²¹Aÿëgwënëli ÿëgwënëli këmun gayik anang nang kën đal in do mëne enëgwëš ax gind na gër đal.

²²Ar kë ħëpënd mëne Yesu ex Kërisët, anëgwëš hi ko. Ata ajo ex ngëŋ arangoÿëra and Kërisët an gayikako aħëp ko ħëpënd end Faba Kaxanu do gë Asëñiŵ Kërisët eŋ.

²³Ar ħëpëk yo end Asëñiŵ ar Kaxanu eŋ, aħëp ħëp ko bëte end Faba Kaxanu eŋ. Barikan ar ŵak end Asëñiŵ an, aŵa ŵa ko bëte end Sëm eŋ.

²⁴Endewën eŋ cëŋ, kwëtayayin đe gër oŵëkw orewën er wël kën elod gër ŷanar in. Angëmëne end wël kën elod gër ŷanar eŋ axwëtaya xwëtaya kën, wën bëte axwëtaya kënun axwëtaya Faba Kaxanu do gë Asëñiŵ.

²⁵Do er bey'a këbo in ex aniyand and din ir din aŋ.

²⁶Në end bër këŋun yifand këmun ÿëgwëxënëlınd eŋo.

²⁷Endewën eŋ cëŋ, gë Angoc Amënëk and yël këŋun Kërisët aŋ bar kën, an caland na eŋun tëy'ali ala. Gayikako Angoc aŋo këŋun sëy'alind dek do er këŋun sëy'alind in đal ex, ax gi ex na enëgwëš. Mëŋ ex, điyayindën ang këŋun sëy'alind ak.

²⁸Awa gërëgako obaš oram, điyayindën gë Kërisët. Do nand ko šanayaw yo, ata këne bayiye ga xwëta këneŋone, yatijo ecëfëxaxik abo təkeli na.

²⁹Angëmëne anang nang kën mëne mëŋ ar šenene hi ko, nangin bëte ar kë rind yo end šenene, Kaxanu rëŵ këŋo.

1 Šaŋ 3

End obaš or Kaxanu eŋ

¹Watin ang ħan këbo Faba Kaxanu ak xali këbo ŵacënd obaš orexëm! Do enimin obaš orexëm wa hi këne. Gayikako bela bër gër ngwën ro bën anëbo nang ex na, elod ano nang ex na mëŋ bëte.

²Wën bëmaÿe bënd ke balënd mbaŋ bëŋo, gërëgako dëŋ hi këne obaš or Kaxanu. Do ola or këne šote ecan ecan ol, ax canaya ex na pere. Barikan anang nang këne mëne and ko šanayaw Yesu Kërisët aŋ, ola orebi ol ang orexëm ak kë hi sam enëŋo wat ang hi ko ak.

- ³Ar kë yarënd yo eņo gër ndexëm, aŵunëta ko ŵunëtand do exo men ang ŵën ko mën ak.
- ⁴Ar kë rind eñëñenax yo, er ko rind in amena ex paḅ gë acariya and Kaxanu aņ gayik emendëran el edif ed acariya ex.
- ⁵Do anang nang kën mēne Kërisët yow bax exo dëxët beñëñenax beņ xarak gër ola orexëm eñëñenax ax gi ex na.
- ⁶Ar ḅar këni gë mën yo, ax bo ex na ga ko ŵwendërand. Ar ḅayik ga ko rind beñëñenax an, aņo nang ex na, elod aņo wat ex na.
- ⁷Oḅaṣ oram, ala këreņun yifaḅ na. Ar kë rind end ţenene an, ar ţenene ex ang exo Kërisët ak ar ţenene.
- ⁸Ar ḅayik gër beñëñenax an, ar ţabucara ex gayik ţabucara in elod gër ŷanar ko ŵwendërand. Gayikako Aseñiŵ ar Kaxanu an a yow yow ko, exo nēxenaxën ḅandixa ḅand ţabucara ḅaņ yow baxo.
- ⁹Ar rēŵ këņo yo Kaxanu, axo mendërand na gayik aniyān and Kaxanu aņ ex gër ola orexëm. Axo kor na exo ḅayi gër beñëñenax gayikako Kaxanu rēŵ këņo.
- ¹⁰Mondako këni fitarënd ḅër ex oḅaṣ or Kaxanu ḅën gë ḅër ex or ţabucara ḅën. Ar ḅayik ax dind na yo end ţenene, axo gi ex na ar Kaxanu. Mondako fo ex end ar aņo ŋan ex na abinēm eņ.

End aminēmëra and gër Kërisët eņ

- ¹¹Enimin, endey eņo wël kën elod gër ŷanar mēne ḅalëringdelebo andebi rebi aņ.
- ¹²Kërenëņo tēfēteliye na Kaŷe, mën ar ḅar bani gë Arangoŷëra an xali laŵ këņo abinēm. Do ineŵa laŵaxën këņo? Gayikwa ḅandixa ḅand mën Kaŷe ḅaņ ḅañëñenax hi bax do ḅand abinēm ḅaņ ḅand ţenene.
- ¹³Bëmaŷe, angēmëne ḅela ḅër gër ngwën ḅën aṣus ṣus kënun, këreņun caran na.
- ¹⁴Biyi anang nang këne mēne anëka xani këne gër ecës, do ḅakaw këne gër aniyān gayik aḅan ḅan kënëbene ḅëmaŷe ḅëņ. Bari ar ṣus këbi an, gër ecës ḅayi ko.
- ¹⁵Ar këņo ṣus yo imaŷe indexëm, alaŵ ar ḅela hi ko do aye nang kën mēne alaŵ ar ḅela an axo cot na aniyān and din ir din aņ.
- ¹⁶Kërisët ga yëlāya ko wa nē endebi xali gër ecës mën nangaxën këne er ex aņana in. Biyi ḅëte aŷap ŷapëk enëbe yële aniyān andebi aņ bëmaŷe ḅëņ.
- ¹⁷Angēmëne ar ţotërak gër ebar ro eņo watënd imaŷe indexëm iņ ga ţëmura këņo, do exo kemën emëkw edexëm el, aņana and Kaxanu aņ mondake cëņ kë ŷëpa gër ndexëm?
- ¹⁸Oḅaṣ oram, aņana andebi aņ gilex ḅal do canayayindëlex gër ḅandixa. Kërex gi na gër ofërëy/a fo, ḅëte kërex gi na eyey/an fo.

¹⁹Mondako këne nange mëne bër däl hi këne do ebo gi fuŋ gër oŵëkw orebi gër lëngw ir Kaxanu.

²⁰Angëmëne oŵëkw orebi oŋ dëŋ këbo nëpënd, kaš ex Kaxanu, mëŋ ar nangëk beŷ dek an.

²¹Bëmaŷe wën bër ke balënd mbaŋ bëjo, ayëxwëra këne yëxwëraye ler gër Kaxanu angëmëne oŵëkw orebi oŋ abo nëpënd na.

²²Er këneŋo wëkaye yo, ayël këbo yëlënd gayik asëf këne sëfënde bapela bandexëm baŋ do ari këne rinde er hân ko in.

²³Watin er re ko ene dind ex in: ene kwëtaye oŵac or Yesu Kërisët, Asëniw arexëm ol, do ebo balërend andebi rebi aŋ, ang rek apela andexëm and yël këbo ak.

²⁴Ar kë rind er rek bapela bandexëm an, gë Kaxanu bar këni, do Kaxanu na exo gër ola orexëm. Gë Angoc andexëm and yël këbo aŋ këne nangënde mëne alëg lëg ko gër ola orebi.

1 Şaŋ 4

Epitëndër ed bëlaŵënel el

¹Wën bëmaŷe bënd ke balënd mbaŋ bëjo, ax gi ex na mo kwëta dek bër kë rend gë Angoc and Kaxanu bar këni bën. Kamanindënebi aye en nangaxën mëne däl këni rey and gayik bëlaŵënel bënëgwëš bëranjëm yowëk na gër ngwën ro.

²Mondako këno nang ar bar këni gë Angoc and Kaxanu an: ar kë rey and yo mëne Yesu Kërisët ayow yow baxo hi ko ala gër ebar ro, ajo ar Kaxanu ex.

³Barikan ar kë rey and yo abar bar këni gë Angoc Amënek aŋ do exo nöp mëne Yesu Kërisët gër Kaxanu xaniw ko, ajo arangoŷëra and gë Kërisët ex. Ax gi ex na nde awël wël ban mëne arangoŷëra gë Kërisët kë yowënd? Awa gërëgako, anëka hatëgu ko gër ngwën ro.

⁴Wën obaš oram ol, bër Kaxanu hi kën do axor xor kënebi bëlaŵënel bënëgwëš bën gayik gë ar bar kën an fangak nëmëc gë angoc and ex gër ngwën ro aŋ.

⁵Bëlaŵënel bënëgwëš bëjo, bër gër ngwën ro fo exëni. Mëŋ këni yeyanaxënënd end gër ngwën ro fo do bela bër gër ngwën ro bën abaxëtën kënebi baxëtënënd.

⁶Barikan biyi bër Kaxanu hi këne do ar nang këŋo Kaxanu an, abaxëtën këbo baxëtënënd. Ar ax gi ex na ar Kaxanu an, abo baxëtënënd na. Mondako këne nangënde ang fitar këni ak ar gë Angoc and däl an gë ar gë angoc and enëgwëš an.

End aŋana and Kaxanu eŋ

⁷Wën bëmaŷe bënd ke balënd mbaŋ bëjo, balëringëlebo andebi rebi aŋ gayik aŋana aŋ gër Kaxanu xaniwëk. Do ar hân këbi bela an, Kaxanu rëw këŋo do anang nang këŋo Kaxanu.

⁸Kaxanu aŋana hi ko, ar şus këbi bela an, aŋo nang ex na Kaxanu.

- ⁹Watin ang w̃asin këbo Kaxanu aņana andexëm ak: ga law̃enëgu këņo Asëñiŵ ar tañ arexëm an gër ngwën ro ene cotaxëne aniyan aņ paß gë mëņ.
- ¹⁰Do aņana aņo er ex mëne Kaxanu h̃an këbo xali law̃enëgu këņo Asëñiŵ ebo wunët gër beñëņenax bendebi, xarak ax gi ex na ga h̃an këñëņone biyi.
- ¹¹Wën bëmaŷe bënd ke balënd mbaņ bëņo, angëmëne mondako h̃an këbo Kaxanu, aŷap ŷapëk biyi bëte ebo balërënd andebi rebi aņ.
- ¹²Elod ala aņo wat ex na Kaxanu. Angëmëne abalër këbo balërënd andebi rebi aņ, abar bar këne gë Kaxanu do aņana andexëm aņ aye faŷayak gër ola orebi.
- ¹³Mondake këne nangënde mëne gë Kaxanu bar këne? Ga yël këbo wa Angoc andexëm aņ.
- ¹⁴Do biyi, awat wat këmi eņo, do mëņ këmi reyaxënënd mëne Faba Kaxanu law̃enëgu këņo Asëñiŵ exo gi Afexën ar ngwën an.
- ¹⁵Ar kë w̃a mëne Yesu, Asëñiŵ ar Kaxanu ex, abar bar këni gë Kaxanu.
- ¹⁶Do biyi anang nang këne do aŵa w̃a këne mëne Kaxanu aňan h̃an këbo gayik aņana hi ko. Do ar këbi h̃an bela an, abar këni bar gë mëņ.
- ¹⁷Angëmëne aņana and Kaxanu aņ afaŷaya faŷayak gër ola orebi, gë onënga fo këne šëniye akey and kiti aņ gayik ang këne liyande gër ngwën ro ak awëndër wëndërëk gë aniyan and Kërisët aņ.
- ¹⁸Gër emëkw ed ar faŷayak aņana, anjiŷ ax gind na. Do aņana ax paŷaya ex na gër emëkw edexëm.
- ¹⁹Endebi eņ cëņ, aňan h̃an këñëbene Kaxanu gë bela bën gayik mëņ ŷanak h̃an këbo.
- ²⁰Angëmëne ala exo dend mëne aňan h̃an këņo Kaxanu do eņo cus imaŷe indexëm iņ, anëgwëš ko rind gayik axo kor na eņo cus imaŷe ind këņo watënd iņ do eņo ŋan Kaxanu, mëņ ar aņo watënd na an.
- ²¹Awa apela aņo yël këbo Kaxanu: Ar h̃an këņo Kaxanu an, ŋanëleņo bëte imaŷe indexëm iņ.

1 Šaņ 5

End angora and ngwën eņ

- ¹Ar w̃ak yo mëne Yesu ex Kërisët, Kaxanu rëw̃ këņo. Do ar këņo h̃an yo arëw̃ an, aňan h̃an këbi bëte obaš orexëm ol.
- ²Mondako nang këne mëne aňan h̃an këñëbene obaš or Kaxanu ol: ga h̃an këñëņone Kaxanu do ga këne sëfënde er rek bapela bandexëm in.
- ³Eņan ed Kaxanu el ex ene dind ex er re ko gër bapela bandexëm in do bapela baņo ax đak ex na.

⁴Gayikwa ar rēw kēŋo yo Kaxanu, axor xor ko ngwën iŋ. Do ekwëta ed xwëta kënëŋone Kaxanu el ex ekor ed ngwën el.

⁵Noŋo ex ar xorëk ngwën an? Ax gi ex na nde ar wāk mēne Yesu ex Asēniw̄ ar Kaxanu an?

End Kërisët eŋ

⁶Yesu Kërisët ex ar yow bax gē men oŋ do gē oŋat oŋ. Gē men do gē oŋat yow baxo, ax gi ex na na gē men oŋ fo. Do Angoc Amënëk aŋ kē reyand eŋo gayik mēŋ ex dal in.

⁷Enimin, otede otas kē reyand end Kërisët eŋ:

⁸Angoc Amënëk aŋ, men oŋ do gē oŋat oŋ. Do bën bēsas axet xet kēbi.

⁹Angēmēne aŋa kēne wānde osede or bela ol, osede or Kaxanu ol xurik ex gi dal gayik arey'a rey'a ko end Asēniw̄ eŋ.

¹⁰Ar wāk end Asēniw̄ ar Kaxanu an, aŋot ko ŋot osede olo gēr onden ondexēm. Barikan ar hēpëk an, anëgwëŋ xwët kēŋo Kaxanu gayikako axo ma ex na er rey'a ko Kaxanu end Asēniw̄ in.

¹¹Watin er ex osede olo in: Kaxanu yël kēbo aniyān and din aŋ do aniyān aŋo gēr Asēniw̄ ex.

¹²Ar bar kēni gē Asēniw̄ ar Kaxanu an kē ŋotënd aniyān aŋ, bari ar ani bare ex na an, axo cotënd na.

End aniyān and din eŋ

¹³Eŋo kēmūn yëgwënëlinde en nangaxën mēne aŋot ŋot kën aniyān and din aŋ wën bër xwëtak oŋac or Asēniw̄ ar Kaxanu bën.

¹⁴Axwëta xwëta kēne mēne Kaxanu abaxët kēbo baxëtënd and kenëŋo xaraye er ex yo angēmēne ang kēŋo yāndi ak ex.

¹⁵Awa ga nang kēne ako abaxët ko baxëtënd cale indebi iŋ, nangēne mēne aŋot kēne ŋote er wēka kënëŋone in.

¹⁶Angēmēne ala eŋo wat imaŋe indexēm iŋ ga ko ri eñëŋënaŋ end ax mēland na gēr ecēs, calenëleŋo. Kaxanu ata kēŋo yël aniyān aŋ. End bër kē rind eñëŋënaŋ end ax mēland na gēr ecēs eŋ kēme rend. Eñëŋënaŋ exëna end kē wēland gēr ecēs; ame dend na de en calend nē end eñëŋënaŋ eŋo.

¹⁷Etëmbak end ex yo eñëŋënaŋ ex, bari ax gi ex na eñëŋënaŋ end ex yo kē wēland gēr ecēs.

¹⁸Anang nang kēne mēne ar rēw kēŋo Kaxanu yo, axo bayi na ga ko wëndërand. Asēniw̄ ar Kaxanu an kēŋo nēkonand do Arangoŋëra an yoweŋ aŋo koranënd na.

19 Anang nang këne mène bër Kaxanu hi këne do bela bër gër ngwën bën dek awëña wëña këbi Arangoÿëra an.

20 Barikan anang nang këne bëte Asëñiŵ ar Kaxanu an yow bax yël këbo onden oŋ enëŋo nangaxëne Kaxanu, mëŋ ar ex ðal an. Gë mëŋ Ar ex ðal an bar këne në end Asëñiŵ Yesu Kërisët. Awa Kaxanu, ar ðal exo do mëŋ ex aniyan and din aŋ.

21 Obaŝ oram, kwëÿëtayin olaŝ oŋ.

2 Şaŋ

2 Şaŋ 1

Ecëmar el

¹Wëno axarëk an këŋun yëgwënëlinde wëj Asoxari ar sana këŋo Kaxanu an, do gë obaş oreŋ ol. Wëno enim ðan këmun, ado dek bër nangëk ðal bën aňan ðan kënun bëte, ax gi ex na wëno fo.

²Aňan ðan këmun gayik ðal in gër oŋëkw orebi ex do din kë bayi.

³Faba Kaxanu, gë Yesu Kërisët, Asëñiŋ, yëlëlenëbo oyekax ol, gë axaŋënan in do gë obetak ol ene ðiyaxënënde gër ðal do gër aňana.

End ðal eŋ do gë end aňana eŋ

⁴Mbaŋ nëngan ke ga sëk këmëni obaş oreŋ orëmar ga këni liyand gër ðal, ang rek apela and yël këbo Faba Kaxanu ak.

⁵Do gërëgako wëj Asoxari ajo, axara xara këmi: balërindelebo andëbi rebi aň. End këmi yëgwënëlinde eŋo awël wël këne elod gër ŋanar, ax gi ex na apela angaşax.

⁶Aňana aň ex edi ed er kë rend bapela band Kaxanu el. Awa apela aňo ŋapëk ene tefe gër aniyen andëbi ang wël këne elod gër ŋanar ak.

⁷Enimin, bëyifa bëranejëm şanayawëk gër ngwën do këni rend mëne Kërisët axo ŋow bana hi ko ala. Ata bën ex de bëyifa bën, bërangoŋëra and Yesu Kërisët bën.

⁸Titinayin gër aniyen andewën, kërex capër na andiyen andëbi aň. Barikan kemënayin en cotaxën acosa anjekax aň.

⁹Ar kë başënd yo bendeŋ becëxe, axo bayi ex na gë end sëŋali këbo Kërisët eŋ fo. Ala ajo axo gi ex na ar Kaxanu. Barikan ar xwëtayak osëŋali olo an, abar bar këni gë Faba Kaxanu do gë Asëñiŋ.

¹⁰Angëmëne ala exo ŋeli gër ndewën do axo mëlali ex na osëŋali olo, këreno kacaf na gër iciŋ indewën, këreno cëmaf na dëŋ!

¹¹Gayikwa ar këŋo şëma an anëka şoma këŋo gër bandixa baňëŋënaŋ bandexëm.

Bepelatar beŋ

¹²Ado ga yëmbëk bebër yëgwënili domun bën, axe ñandi bana mun pelëra gë oňëgw. Barikan ayar këme yarënd mun nëngali mun pelërax wëno dëŋ, do ebo nëngandëraxën biyi dek.

¹³Obaş or imaŋe itoxari indeŋ ind sana këŋo Kaxanu ol aşëma këni şëmand.

3 Şaŋ

3 Şaŋ 1

Ecëmar el

¹Wëno Axarëk an ki yëgwënëlınd wëj Gayos, wëj ar ex imaÿe ind hãn këmo gë däl inç.

²Wëj imaÿe ind hãn këmi mbaŋ inço, aşalen këmi şalenënd ey beta, exi yera mbaŋ do ey bëngw gër eman endey ang bëngwëk enjëw endey ak.

End bër olawënel eŋ

³Wëno mbaŋ nëngandëra ke ga sëkati këne bëmaÿe do reyati këni mëne şenene fëb këy däl in do gër däl ijo këy liyand.

⁴Wëno mbaŋ ke nënganënd angëmëne me wëlënd mëne obaş oram ol gër däl këni liyand.

⁵Wëj imaÿe ind hãn këmi mbaŋ inço, ang yap këno ar xwëta këno Kaxanu ak këy rind gë dek benjekax bend këyëbi rinënd bëmaÿe bën ado eni gi bëniyer.

⁶Areyati reyati këni gër amara andëbi ro end ang ki balënd bela ak. Axara këmi xarand eyëbi yëlëra şëlafana ir damana irebën ang këno yapan Kaxanu ak.

⁷Eni dey araxënënd end oşac or Axwën eŋ sebëragu këni oxun orebën oŋ, xarak ax gi ex na eni cotëraxën gër bër benëng becëxe.

⁸Awa aşap yapëk enëbe mëlayande aye bela bërako bën ene kelaxëne gë bën andiyen and däl aŋ.

End Jotëref do gë Demetëros eŋ

⁹Ata kayëta iromax yëgwënëli këmun Amara andewën aŋ. Barikan Jotëref, mëŋ ar këno nënganënd olëngw an, aŋo balënd na end këme rend eŋ.

¹⁰Mëŋ ex, and këme yeli aŋ, afut këme fut beñëñëxax bend ko rind beŋ ga këbo rexërand ako. Ado ax gi ex na eŋo fo ko rind: abi mëlayand na bëmaÿe bëniyer bën; bër këbi yandind enëbi mëlaya bën, ebi besara xali do ebi ŋwaÿ dëŋ gër Amara.

¹¹Wëj imaÿe ind hãn këmi mbaŋ inço, tëfëtelindëbi bër kë rind benjekax bën, bari ax gi ex na bër kë rind beñëñëxax bën. Ar kë rind benjekax an, ar Kaxanu hi ko. Barikan ar kë rind beñëñëxax an, aŋo nang ex na Kaxanu.

¹²Ata bela bën dek arey a këni rey and enjekax end ko rind Demetëros eŋ, në end däl ir ex gër emëkw endexëm eŋ. Biyi bëte enjekax fo këmi rey and do aye nang këy mëne osede orebi ol däl ex.

Bepelatar beŋ

¹³Bendanjëm yëgwënëli domi, bari axe ñandi ex na mi pelëra gë inëgwaya.

¹⁴Ayar këme yarënd mi nëngali bakey baŋo dëŋ do axanar ke xanarëxëye mopabër.

¹⁵Kaxanu yëlëlexi obetak ol! Odawo odey ok ašëma këni šëmand. Wëj bëte cëmalëbi odawo odebi ok, ala kala gë oŵac orexëm ol.

Yud

Yud 1

Ecëmar el

¹Wëno Yud, ariyenin ar Yesu Kërisët an, ar acël amat gë Şak an, këñun yëgwënëlınd wën bër wăcëraw këñun Faba Kaxanu, ħan këñun, do xwëtaya këñun gër Yesu Kërisët!

²Awa Kaxanu kaÿënanëleño wën do yëlëleñun mbañ, obetak ol do gë añana añ!

End bësëyali bënëgwëş eñ

³Wën bëmaÿe bënd ke balënd mbañ bëño, gë obal osëm yñandi baxe mun ñëgwënëlı end apexa and şot këne biyi dek eñ. Gërëgako nang këme, afo mun ñëgwënëlı en kemënalixën ekwëta ed këbi yëlënd Kaxanu amat fo bërëwăk el.

⁴Enimin, bela bëwëşik exëna bër lila këñun yir fo do këni nëmbënd oyekax or ko yëlënd Kaxanu ol gë oñandi oñacaxik. Bën aÿaxëta këno yaxëtand Yesu Kërisët, mëñ ar ex Asëyali do Axwën an. Ata kiti indebën iñ anëka fo yëgw këni.

⁵Anang nang kën dek beño, axwitan fo këmun xwitanënd mëne Axwën an racët babi gër oxadëp bulunda ir Isërayel in gër ebar ed Misëra. Barikan alaŵ laŵ babi bër ħëp bax eno kwëta bën.

⁶Kwitayin bëte end omeleka od sak babi or gapak or şot bani ol, Kaxanu afokëra fokëra këbi or lañ gëd gër acamëdan xali yatir akey atëm and kiti.

⁷Mondako fo bax bëte end bela bër lëg bax gër bangol band Sodom gë Gomor do gër band hi bax ler ler bañ. Awata wata bani becëfëanaxik do gë eñac xali babi yñandind laka ir ax ñap ex na in. Gërëgako, asoro këni sorond gër xodux or din ir din, or ax domind na gë edomi. Do toro indebën iño këbo wăsinënd ang këbi ħid ak dek bër kë rind mondako bën.

⁸Awa bela bër lila kënun yir fo bëjo mondako fo këni rind: odakeli odebën këni sëfënd do këni buyarënënd beman bendebën beñ. Aÿepën këni yepënënd or gapak or Axwën ol do kënebi şirënd bangoc bacaraxik bañ.

⁹Xarak Mişel, alëngw ar omeleka an, axo yëxw bana eño nëp gë ocir şabucara in, and bani xandërend eman end Moyis añ. Are fo re baño: «Axwën an ki rexëra!»

¹⁰Bari bela bëjo aşir këni şirënd er bayik ani nang ex na in. Do bebër nang këni gë onden këm, ang oŵacar fo bën, anemin këbi nemin.

¹¹Awa bëjo abi ye ex na ga sëf këni ako fëña ir Kaÿe in. Ang nambëra baxo Balam në end acosa ak nambëra këni. Bëte ang nemi ko Kore ak në end emëşen ed Kaxanu fo nemi këni.

¹²Bëjo abuyarën këni buyarënënd opëna od amara andewën ok. Er këni xwëndand wayët ñambëran, gë oşeb fo, ani gi ex na gë anjus. End ala abi balënd na, ang ax gi

ex na end ogaf odebën fo. Ang banar band barër bax do şapërelîk ekoc tēbērēxe fo hi kēni. Bēte er hi kēni ang batēx bañambēy/amb band ax dēwënd na fo xali xucak nand ebax ex dēw na. Bakēlēbēd baki şēsēk ga rēt kēni.

¹³Ang kē watind bomuyar gēr angwēngw and kē xanind men bērexadēt bomeŋ bomeŋ ak, mondako fo kēni rind bela bējo ex watixēn becēfēnaxîk bendebën beŋ. Bēte ang oŵal or kē y'exērand sam-sam gēr orēn fo hi kēni. Do Kaxanu fenin kēbi olēg or din ir din ol gēr ed xurîk ex camēdan.

¹⁴Enok, ar ex acongaxinēm gēr andēwēra and Adam an, ayey'an yey'an baxo ang alaŵēnel fo end bela bējo eŋ: «Awēl nde, Axwēn an ay'ow ko y'ow gēr ngwēn ro gē omeleka omēnēk odexēm ok owēli, owēli.

¹⁵Ay'ow ko y'ow ebi kiti dek bela bēn do ebi nēp bēsēmbak bēn nē end dek bandixa batēmbak band kēno renanēnd beŋ, do nē end oyey'an oŷēŋēnax or bēsēmbak or kēno yey'ananēnd bēwëndēran oŋ.»

¹⁶Bela bējo laŋ bēr şaminak fo hi kēni. Laŋ kēni rendērand end aniyān andebën eŋ, do sēf kēni wayēt oñandi odebën fo. Gēr osēy orebën yer ndafēnan itēm fo ex, xarak bela bēn fo kēnēbi yifand gē oyey'an onēngax eni cotaxēn er y'andi kēbi in.

End aniyān and oxēreceŋ eŋ

¹⁷Wēn cēŋ bēmaŷe bēnd ke balēnd mbaŋ bējo, kwitayin end rey'a bani gana-gana fo oparēxanda od Yesu Kērisēt, Axwēn arebi eŋ.

¹⁸Ga banun felēnd wa: «Gēr bakey bapelatar, bela bēr kē sanēnd mbaŋ kē şanayaw na, do eni tēfēnd oñandi oñēŋēnax ok, mēne ngēŋ betēmbak beŋ.»

¹⁹Bēn ex bēyic bēr bamara bēn, ang oŵacar fo kēni rind, do Angoc and Kaxanu aŋ ax gi ex na gēr ola orebën.

²⁰Barikan wēn bēmaŷe bēnd ke balēnd mbaŋ bējo, ang kēni bay'ēnd aciŵ ak, bay'in oxēreceŋ orewēn ol gēr ekwēta emēnēk ed şot kēn. Caleyindēn gē Angoc aŋ.

²¹Kemēnayin gēr aŋana and Kaxanu ga kēn şēnind ako axaŷēnan ir Yesu Kērisēt, Axwēn arebi, ir kēbo yēlēnd aniyān and din ir din in.

²²Kaŷēnanindēleŋun bēr sitarak gēr ekwēta bēn.

²³Bērēmar afo enēbi dacētēnd gēr xodux eni pexaxēn. Bējo bēte kaŷēnanindēleŋun gē anjiŷ. Ado ax gi ex na dēŋ mokwixēta acud andebën and buyarēnēk beñēŋēnax bendebën aŋ.

Eduwa el

²⁴Duwanēŋone Ar xorēk gabat eŋun nēkonand kēdi kēn wēndēra an. Bēte duwanēŋone ar xorēk eŋun kwēşan, gē etēmbak kēm an, gēr lēngw ir enjaran endexēm, gē onēnga fo.

²⁵Mëŋ gabat ex Kaxanu, ar fexën këbo paḅ gë Yesu Kërisët, Axwën arebi an. Mëŋ gabat xwënëk enjaran eŋ, panga iŋ, owun ol do gë or gapak ol, elod ga ŷanak ngwën iŋ, xali gërëgako do din ir din! Amen!

Andofakel

Andofakel 1

Lilaya in

¹Gër akayëta aŋo ex bendey bend nangën këŋo Yesu Kërisët në ofakeli Şaŋ, ariyenin arexëm beŋ, and lawënegu këŋo meleka irexëm gër ndexëm aŋ. Kaxanu nangën baŋo beŋo ebi tefëtanaxën bëriyenin bërexëm bën eni nangaxën mène gogo kë hatëgu.

²Ata Şaŋ ex ar reyak osede olo an, gë dek bend wat baxo beŋo, do Yesu Kërisët rek mène eyeyan ed dal ed Kaxanu dëŋ ex.

³Nëngandëralebi, ar kë fënënd an, gë bër kë baxëtënd, do kë sëfënd eyeyan ed xaniwëk gër Kaxanu bën gayikwa gogo kë hata.

End bamara banjongëbaki eŋ

⁴Wëno Şaŋ këŋun yëgwënëlınd wën bërëwak bër ex gër bamara banjongëbaki band gër ebar ed Asi bën. Ar hik, hi bax do ko yelind an, yëlëleŋun oyekax ol do gë obetak ol. Bangoc banjongëbaki band ex gër lëngw ir añëpara and owun orexëm baŋ,

⁵do gë Yesu Kërisët, mëŋ ar ex sede ir mokwëta an, aŋanar ar xanik gër ecës an, do emun end bemun bend gër ebar ro eŋ, yëlëleŋun oyekax ol do gë obetak ol! Yesu Kërisët, mëŋ ar han këbo, racët këbo gër beñëŋenax bendebe gë oşat orexëm an,

⁶do ar bar këbo hi këne gër owun orexëm an, ar ri këbo bëshadaxan bër Sëm irexëm Kaxanu an, xwënëk din ir din enjaran eŋ do gë panga iŋ! Amen!

⁷Nëkoyino ga ko fedawënd gë baŋar baŋ: Ala ar ex yo awat këŋo wat, ado bër xwëş baŋo bën dëŋ awat këno wat do dek benëng bend ex gër ebar ro beŋ, arenita këni yana eni denitand në endexëm. Iyo, amen!

⁸Ata Axwën Kaxanu re ko: «Wëno ex aŋanar an, wëno ex afelatar an. Wëno ex ar hik, hi bax do kë yelind an; wëno ex ar xorëk beŋ dek an.»

End ecanaya ed Axwën Yesu eŋ

⁹Wëno Şaŋ, abaŋe irewën hi këme, ga bar këne gër toro, gër owun do gër ekemënali ed end Yesu Kërisët. Gër oşir or këni wacënd Patëmos hi bame gayik afemëra këme femërand eyeyan ed Kaxanu eŋ, do ga këme reyarand osede or Yesu eŋ.

¹⁰Ata fedaw ko Angoc Amënëk aŋ gër ndam, yatir oganjar. Wël këme oniŋ ang ofarix or kereloŋ fo gand epoy edam

¹¹ga kë re: «Er këy watënd in, ñëgwël në akayëta do ey dawëneli gër bamara banjongëbaki baŋo: Efes, gë Sëmirën, gë Perëgam, gë Catir, gë Sarëd, gë Filadelëfi do gë Lawodise.»

- ¹²Ata ga şena keme mowat ar baxe yeyanelind mondako an, wat keme odambo od kaŋe.
- ¹³Do mërëxand ir odambo oko, wat këmo ar ang asëniw ar ala. Er şuda baxo ocud od gëşec do xapa baxo apëxw and kaŋe gër emëkw.
- ¹⁴Omban ond gër gaf irexëm oŋ feşek ang gwëtene fo, ang okëbina fo, do bangës baŋ kë yegënd ang eñan fo.
- ¹⁵Osapar orexëm oŋ kë watind ang yawale ir fëtëk në angodux fo, do oniw ol kë rëmënd ang oym fo.
- ¹⁶Ala ajo, lëkaya ko gër ataxan and liw owal ocongoxi, gër etey edexëm şanëguk duxuma ir fëco aňak fëco aňak, do dëxas in kë yegënd ang eñan gë dek panga indexëm ak.
- ¹⁷Ata ga këmo nëkon, wëc keme kërud gër osapar orexëm. Ata hëmba ke gë ataxan and liw aŋ do re ko: «Kërey yëdara na! Wëno ex aňanar an, wëno ex afelatar an,
- ¹⁸wëno ex abëngw an. Aşës şës bame barikan gërëgako abëngw eme din ir din. Wëno lëkayak bacoketaya band ecës, do gë band wur ir bëşësëk baŋ.
- ¹⁹Awa ñëgwël de er wat këy in, gë er ex in do gë er kë bëtëgu in.
- ²⁰End owal ocongoxi or wat key gër ataxan and liw andam eŋ do gë end odambo ocongoki od kaŋe eŋ cëŋ, nëkod er wacayak in: owal ocongoxi oŋ exëni bëlawënel bër hik gër bamara banjongëbaki bën do odambo ocongoki ok ex bamara banjongëbaki baŋo.»

Andofakel 2

Kayëta ir Amara and Efes in

- ¹Ñëgwënëlo arolawën ar ex gër Amara and ex gër Efes an: «Baxëtël er ko rend ar lëkayak owal ocongoxi gër ataxan and liw irexëm in, ar kë yexërand mërëxand ir odambo ocongoki od kaŋe an.
- ²Anang nang keme bandixa bandey baŋ, andiyen andey aŋ do ang xemëna këy në endam ak. Anang nang keme mène wëj ayëbi buŋanënd na bësëmbak bën, bëte ari ri këyëbi atey bër kë rend oparëxanda hi këni bën, ata sëk këyëbi mène bënëgwëş exëni.
- ³Wëj mobuŋa buŋa këy, motoro soro këy në end oŋac oram, bari axi cena ex na.
- ⁴Barikan wëno emat fo şuseli këmi: ga seb këy ebal edam el ang baxi balënd gër yānar ak.
- ⁵Kwital gër ed xeyëtayaw këy. Nëngwëtal ex ola orey ol do bakanël bandixa baňanar bandey baŋ. Angëmëne ay nëngwëta ex na dek dek, ata këmi yenëli, mi kan lambo irey in gër ed xwët këy.

⁶Barikan añaneli ñaneli këmi ga şus këy bandixa band bër engä end Nikola bañ, ang şus këme wëno ak.

⁷Awa ar gë anëf an baxëtëlexo ðe end këbi felënd Angoc and Kaxanu bër ex gër bamara eñ! Ar kë xor an, ayël këmo yël exo y'amb odëwërëwën od atëx and anıyan and hik gër aray'en ok, gër ed exo Kaxanu.»

End kayëta ir Amara and Sëmirën eñ

⁸Ñëgwënëlo arolawën ar ex gër Amara and ex gër Sëmirën an: «Baxëtël er ko rend ar ex ayanar do afelatar in, ar şës bax do xani ko gër ecës an.

⁹Anang nang këme toro indey' in do gë oxañën ore'y ol (xarak wëj ar gë napul hi këy'!) Anang nang këme ang këni renarand ak bër kë rend Bëşëwif exëni, xarak ani gi ex na Bëşëwif: amara and Sindan exëni.

¹⁰Toro ind ki wëcan in, kërey' cam na. Şabucara in wa kë ri enëbi tëra bërëmar gër ndewën na do enëbi mëla gër epëra. Mondako këñun hi atëy', do en toro bakey epëxw. Kemënal gër ekwëta ed xwëta këy'e xali gër ecës, ata këmi şos gë anıyan and din añ.

¹¹Awa ar gë anëf an, baxëtëlexo ðe end këbi felënd Angoc and Kaxanu bër gër bamara eñ. Ar kë xor an, kërexo yëda na ecës ekinëm el.»

End kayëta ir Amara and Perëgam eñ

¹²Ñëgwënëlo arolawën ar ex gër Amara and ex gër Perëgam an: «Baxëtël er ko rend ar lëkayak duxuma ir fëco añak fëco añak in.

¹³Aye nang këme mëne gër ed lëg këy' hik añëpara and owun or Sindan añ. Barikan wëj alëka lëka ki o'wac oram ol do abayi bayi këy' ga xwëta këy'e. Ado abayi bayi këy' ga xwëta këy'e gë bakey band law' këno gër ndewën na Añëtıpas, sede iram ir xwëta bamo bañ in, fën gër ed lëg ko Sindan.

¹⁴Barikan wëno bende'y exëna bend şuseli këmi: ga xwëtaya këy'ëbi bër kë sëfënd osëy'ali or Balam bën. Mëñ ex ar sëy'ali baño Balak mondake këbi lënan eñëñëx Bëyisërayel an. Ga şoñ babi wa eni y'amb y'as er oyel or ñaş kënebi gër olaş eñ do eni kwënda asëk alakirand fo in.

¹⁵Axwëtaya xwëtaya këy'ëbi bëte bela bër sëfëk bend këni sëy'alind bër engä end Nikola bën.

¹⁶Awa gogo këmi y'enëli angëmëne ay' nëngwët ex na ola ore'y ol. Do bela bëjo a'wereli këmëni w'wereli gë duxuma ir kë şanënd gër etëy' edam in.

¹⁷Awa ar gë anëf an baxëtëlexo ðe end këbi felënd Angoc and Kaxanu bër gër bamara eñ! «Ar kë xor an, ayël këmo yël ey'amb ed şonayak do këni w'acënd man el. Ayël këmo yël bëte eka'y epeşax ed gër ed yëgw këni o'wac onëngwët el. O'wac olo ar yël këno an fo kë nangënd, ax gi ex na ala aşëxe.»

End kayëta ir Amara and Catir eñ

¹⁸Ñëgwënëlo arolaŵën ar ex gër Amara and ex gër Catir an: «Baxëtël er ko rend Asëniŵ ar Kaxanu in, ar gë bangës band ang xodux or xafa-xafa an do ar gë osapar or kē yëgënd ang y'awale ir lëxw këni gër xodux an.

¹⁹Anang nang këme bandixa bandey' baŋ, gë aŋana andey' aŋ, gë ekwëta edey' el, gë andiyen andey' aŋ, do gë ebuŋa edey' el. Anang nang këme bëte mëne bandixa bandey' band gërëgako baŋ yëmbëk gë baŋanar baŋ.

²⁰Barikan emat fo ex end ūsuli këmi eŋ: ga xwëtaya këyo Isabel, asoxari ar kē rend alaŵënel hi ko an. Xarak nē enambeli ebi bëriyenin bëram bën ga këbi sëyalind eni kwënda asëk alakirand fo in, do eni y'ambënd y'as er oyel or hās kënebi gër olaŵ eŋ.

²¹Asebën sebën këmo amëd exo nëngwëtaxën dek dek ola orexëm ol, bari aŋo ñandi ex na exo teb asëk alakirand fo in.

²²Wëno ošëxwëra or këŋo ren nē angaŵ këmo lapan do eni toro mbaŋ mëŋ gë bër këni rind orekar bën. Angëmëne anëngwët nëngwët këni ola orebën ol do eni teb beŋo, abi gi na eŋo.

²³Alaŵ këmëni laŵ obaŵ orexëm ol eni nangëraxën dek bamara baŋ mëne wëno awat këme watënd er ex gër yomb ir ala in, do gë er ex gër emëkw in: banjëlan baŋ do gë oŋandi ok. Do aŵaŵ këmo ŵaŵ ala kala er riyeni ko in.

²⁴Barikan wën dek bër bayik na gër Amara and Catir, bër ax tēf ex na osëy'ali osëmbak olo bën, din an cala ex na en nang bend këni ŵacënd "Beconëŵon bend Sindan beŋ". Ga re këme, eđëbi ecëxe amun đëbin na.

²⁵Barikan fo er ūot kën in, đëkayayin aye xali me y'eli.

²⁶Ar kē xor an, ar lëkayak andiyen andam xali gër eŋata an, ayël këmo yël owun ol gër benëng dek.

²⁷Gë xwëlekwële ir owun ir ex dun këbi y'ana ebi kadacënd do ang këni nëtënd ofey'a fo këbi y'ana ebi nëtënd.

²⁸Ang yël ke Faba owun ak, ar kē xor an ayël këmo yël wëno bëte amal and oxeya aŋ.

²⁹«Awa ar gë anëf an, baxëtëlexo đe end këbi felënd Angoc and Kaxanu bër gër bamara eŋ!»

Andodakel 3

End kayëta ir Amara and Sarëdes eŋ

¹Ñëgwënëlo arolaŵën ar ex gër Amara and Sarëdes an: «Baxëtël er ko rend ar gë bangoc banjongëbaki band Kaxanu in do ar lëkayak oŵal ocongoxi an: Anang nang këme bandixa bandey' baŋ; aye nang këme mëne bëla bën ašëkw këni šëkwënd ga këni yëland abëngw ey' xarak ašësëk ey'.

²Perenal do kemēnindēbi bër kē re ex cēs bēn. Awat wat kēme mēne bebēr kēy rind bēn ax gi ex na šenene gēr ogēs od Kaxanu, mēṅ ar xwēn ke an.

³Kwital ang wēl kēy do wā kēy eyey'an ed Kaxanu ak. Kwētayal do nēngwētalex đek đek aniyān andey' aṅ. Ang arek fo kēme y'eli, Angēmēne ay' perēna ex na. Ay' nang na apēxēd and fe kēme y'eli mi pēnga.

⁴Barikan bēreṃar gēr Amara and Sarēdes na, ani buyarēn ex na banjēm bandebēn baṅ. Bēn banjēm bapešax baṅo kēni šuda ang wēno ak mi tēfēraxēn gayik aṅap ṅap kēbi.

⁵Ata ar kē xor an mondako kēno šud banjēm bapešax. Oṅac orexēm ol din yēgw kēme, ame pēxwēc na gēr akayēta and aniyān. Oṅac olo, afel kēmēni fel Faba Kaxanu, do gē omeleka odexēm ok.

⁶Awa ar gē anēf an, baxētēlexo đe end kēbi felēnd Angoc and Kaxanu bēr gēr bamara eṅ!»

End kayēta ir Amara and Filadelēfi eṅ

⁷Ñēgwēnēlo arolawēn ar ex gēr Amara and ex gēr Filadelēfi an: «Baxētēl er ko rend Aṅwēnek in, ar đal an. Ar lēkayak acoketaya and Dafidan. Ar kē fērētēnd do ala ax kor na exo pēra an; ar kē fērēnd do ala ax kor na exo pērēt an:

⁸Anang nang kēme bandixa bandey' baṅ. Afērētēn fērētēn kēmi ebēt ed ala ax kor na exo pēra el. Gayikwa wēj alēkaya lēkaya kēy eyey'an edam el ado bayik axi ñēmb ex na ojaṅ ok. Ay' y'axēta ex na oṅac oram ol.

⁹Ayēl kēmi yēl bēr gēr amara and Sindan bēn, bēr kē rend Bēšēwif exēni xarak ani gi ex na Bēšēwif: anēgwēš kēni rind. Wēno kē ri eni y'eli, eni poxi gēr osapar orey', do eni nang mēne aṅan ḥan kēmi.

¹⁰Gayikako aṅa wā kēy ga re kēme ey' buṅa gēr toro, wēno dēṅ ki xaxa kēdi ki wēcan toro ind kē y'owēnd gēr ngwēn iṅ, ebi dixēn atēy' đek bela bēr gēr ebar ro bēn.

¹¹Wēno gogo kēme y'eli. Dēkayal aye er šot kēy in, kēdi ki xan ala acosa and angora aṅ.

¹²«Ar kē xor an, xēcar ko hi lēf gēr Aciṅ and Kaxanu, bēte din axo can na. Gēr mēṅ xēcar ijo kēme yēgw oṅac or Kaxanu ol, gē or angol andexēm ol do gē oṅac onēngwēt oram ol. Angol aṅo ex Yerusalem ixašax ir kē xaniw gēr Kaxanu, elod y'aṅ gēr orēn in.

¹³Awa ar gē anēf an, baxētēlexo đe end kēbi felēnd Angoc and Kaxanu bēr gēr bamara eṅ!»

End kayēta ir Amara and Lawodise eṅ

¹⁴«Ñēgwēnēlo arolawēn ar ex gēr Amara and ex gēr Lawodise an: «Baxētēl er ko rend ar ex đal in, ar ex sede ir mokwēta enim an, ar ri kēni gē Kaxanu ngwēn an:

- ¹⁵Anang nang këme bandixa bandey' bañ. Awat wat këme mëne wěj aƴ ƴem ex na, aƴ ƴëka ex na. Ndakan aƴ ƴemëdo wa, ba aƴ ƴëkado wa!
- ¹⁶Gayikako mërëxand fo hi këƴ, aƴ ƴem ex na, bëte aƴ ƴëka ex na, asëp këmi sëp. Aƴ bo na gër etëƴ edam.
- ¹⁷Awa gayikako are këƴ rend: "Yama wëno ar gë napul an nde, anëka beta këme, obal axe gi ex na." Bari wěj dëŋ aƴ nang ex na mëne anëka xata ki, ar moñaƴ aƴ, axaƴënaxik aƴ, ašiƴwëk aƴ do ar tëb gë eman aƴ.
- ¹⁸Mëŋ këmi felaxënënd aƴ ƴow aƴ ƴëc kaŋe ir wënën këme gë xodux in, aƴ gixën ar gë napul. Yow aƴ ƴëc banjëm bapešax, aƴ gixën ar šudarak, mëŋ këƴ rëxëtaxën ašëfën ir tëb gë eman in. Bëte ƴow aƴ ƴëc bëšan bër këƴ xoš gër bangës aƴ watëraxën.
- ¹⁹Wëno, dek bër ñan këmëni bën arexëra këmëni rëxërand, bëte awërëšët këmëni wërëšëtënd. Awa kemënal gë emëkw edey' el dek, do nëngwëtël aniyän andey' aŋ!
- ²⁰Awël nde, wëno gër ebët xwëša këme do këme sëmbënd. Angëmëne ala exe wël do exe përetën ebët el, alil këme lil mi ƴambëra, wëno gë mëŋ, do mëŋ gë wëno.
- ²¹«Ar kë xor an, axetëna ke xetënaď gër añëpara and owun oram, ang xor këme wëno do xetëna këmo Faba Kaxanu gër añëpara and owun orexëm ak.
- ²²«Awa ar gë anëf an, baxëtëlexo de end këbi felënd Angoc and Kaxanu bër gër bamara eŋ!»

Andofakel 4

End añëpara and owun or Kaxanu eŋ

- ¹Ga xucak eŋo, wat këme fol ebët ƴaŋ gër orën. Ata wël këme ang ofarix or kereloŋ fo, oniƴ or ar yey'aneli baxe gër ƴanar ol ga kë re: «Yow ƴaŋ ro, mi masin bënd kë ñatëgu ecan ecan bëŋ.»
- ²Ataŋ, Angoc Amënek aŋ fedaw ko gër ndam. Wat këme añëpara and owun ƴaŋ gër orën, do ala ga ƴëpaxën ko.
- ³Ar ƴëpak an ko watind jing-jing ang ekaƴ ejekax ed këni wacënd šasëpdo gë ed sarëdëwan fo. Do šandiƴ in ga fëlëk añëpara and owun aŋ kë watind kal-kal ang ekaƴ ed emërod fo.
- ⁴Ata xwët këni jey' gër añëpara aŋo, bañëpara band owun alapem gë banax. ƴëpaxën këni bëxarëk alapem gë bënax ga šudaraw këni banjëm bapešax do šëxwaw këni oxamote or kaŋe or owun.
- ⁵Ata gër añëpara and owun and mërëxand kë wingarand, kë wëlind odiƴ, do gë bongëbër bond ekëman. Paƴ gë añëpara aŋo kë ñoband ođambo ocongoki od ex bangoc banjongëbaki band Kaxanu ok.

⁶Gër lëngw ir añëpara and owun aņo bëte hik anjer, and kal-kal, ang anangoye fo. Ler gër añëpara aņo, xwëšara këni bebëbëngw bebënax, bëjo mërëxand, bëjo jey, do hi këni yer bangës fo: baņo gand lëngw, baņo gand epoy.

⁷Ebëngw eņanar in hi ko ang yëraņ fo, exinëm in ang engaš fo, esasën in ang dëxas ir ala fo, do enaxën in ang šambat ir kë šëgënd fo.

⁸Bebëbëngw bebënax bëjo hi këni ala kala gë obafe ocongibat, do eman eņ yer bangës fo: amëlëfëlëf do gë amëfacëfac. Ciš wec këni yëwërand mondako: «Awënëk, Awënëk, Awënëk exo Axwën Kaxanu, mëņ Ar xorëk beỹ dek an, mëņ ar hi bax, hik do ko yowënd an!»

⁹Do bebëbëngw bën, and këno yasënd ar yëpak gër añëpara and owun në end enjaran, do gë or gapak orexëm eņ, do and këno šëkwënd aņ, ar kë liyand din ir din an,

¹⁰bëxarëk alapem gë bënax bën eni poxi gër lëngw ir ar yëpak gër añëpara and owun an, ar kë liyand din ir din an. Do sam eni cëxwëta oxamote or owun orebën oņ eni kwët gër lëngw irexëm, do eni dend:

¹¹«Aỹap yņap ki Kaxanu, wëj Axwën arebi an, wëj xwënëk enjaran eņ, or gapak ol do gë panga in, wëj rik dek beỹ bën, gayik aỹandi yandı ki rixën këy dek bebër hik bën.»

Andofakel 5

End anobo do gë akayëta eņ

¹Ata gër ataxan and liw and ar yëpak gër añëpara and owun, wat këme akayëta. Oņëgw ok er hi bax oko amëlëfëlëf, oko amëfacëfac. Asabinan sabinan bani bapakëta banjongëbaki gër akayëta aņo gë baņolo band fëtën bani .

²Wat këmo bëte meleka ir fangak mbaņ, ga ko fem mondako: «Noỹo wa yņap këņo exo daramët baņolo baņ do exo dëkwët akayëta aņ?»

³Bari ala aņo ñap bana exo dëkwët akayëta aņo do exo wat oņëgw ok: ax gi ex na gër orën, ax gi ex na gër ebar, ax gi ex na gëd gër ebar.

⁴Ata wëno këme sesënd mbaņ gayik ala aņo ñap bana exo dëkwët akayëta aņ do exo wat oņëgw ok.

⁵Barikan axarëk abat re ko: «Tebël otes ok, yëraņ ir gër ekun ed Yuda in, arandëwëra ar Dafid an, yņap këņo. Axor ko xor exo daramët baņolo baņ, bapakëta banjongëbaki baņ, do exo dëkwët akayëta aņ.»

⁶Ata gër ed hi bani ar yëpak gër añëpara and owun an, gë bebëbëngw bebënax bën, do gë bëxarëk bën, wat këmo mërëxand anobo nangëde aňaš haš bano fo. Wat këme gër anobo aņo ofarix ocongoxi do gë bangës banjongëbaki band ex bangoc banjongëbaki band këbi lawëndërand Kaxanu dek ebar baņ.

⁷Anobo aŋ y'e ko xana ko akayëta aŋ gër ataxan and liw̃ and ar yëpak gër añëpara and owun.

⁸And xana ko akayëta aŋ, bebëbëngw bebënax bën, do gë bëxarëk alapem gë bënax bën lapaya këni mopoxi gër lëngw ir anobo. Ala kala lëkaya ko emangi, do gë angalama and kaŋe and yëmën bani gë ašururu ir xwëšëna bani gë angiri. Ašururu ijo w̃acayak cale ind bulunda ir Kaxanu iŋ.

⁹Do ga këni yëw̃ oyëkan oxašax këni rend: «Wëj yap ki ey' kana akayëta aŋ, Wëj yap ki ey' daramët bañolo baŋ. Gayikwa añaš ñaš bani šadaxa, racëtaxën këyëbi gë ošat orey' oŋ bela bër enëng end ex yo, bela bër eyey'an ed ex yo, bulunda ir ex yo ebi kwënaxën Kaxanu.

¹⁰Wëj racët këbi eni gi bër Kaxanu ir xwën këbo, bër owun obat, bëšadaxan do eni bëña ebar el dëk.»

¹¹Bëte ga këme nëkon, wat këmëni bebëbëngw bebënax bën do gë bëxarëk alapem gë bënax bën ga xeta këni añëpara and owun aŋ. Wël këme odiw̃ od omeleka ok ang exëni owaxe owaxe ak.

¹²Er bani xeÿënd: «Anobo and ñaš bano šadaxa aŋ yapëk exo kwën panga iŋ, gë napul in, gë orenik ol, gë ojaw̃ ok, gë or gapak ol, gë enjaran eŋ do gë obetak ol.»

¹³Bëte dëk bër hik y'aŋ gër orën bën, bër gër ebar bën, bër gëd gër ebar bën, bër polo gër angwëngw bën do bër gër ed hik yo bën, awël bamëni wëlënd ga këni re: «Ar yëpak gër añëpara and owun an do gë anobo aŋ, xwënëk obetak ol do gë or gapak ol, enjaran eŋ, do gë owun ol din ir din!»

¹⁴Ata bebëbëngw bebënax bën këni yakand: «Amen!» Bëxarëk bën foxi këni enëbi cale.

Andodakel 6

End edëkwët ed ikayëta eŋ

¹Ata wat këmo anobo aŋ ga laramët ko añanar ikayëta ind lëkw bani do laram bani gë bañolo bakëlëbëd banjongëbaki iŋ. Wël këme ang ekëman fo oniw̃ or ebëngw eŋanar ol gër bebënax ga ko re: «Yow!»

²Ata wat këmo fanac ifešax. Ar yëpaxën baŋo an lëkaya ko atumb do yël këno ekamote ed owun do y'e ko ang ar xorëk fo exo korëgu bëte.

³And laramët ko gër ed laram bani akinëm aŋ, wël këmo ebëngw exinëm in ga ko re: «Yow!»

⁴Ata šanayaw ko fanac išëxe iwarax, ang xodux fo. Ar yëpaxën këno an yël këno duxuma išakax do gë ojaw̃ od exo dëxëtaxën aketëxeta and gër ebar ro aŋ, eni dāwëraxën bela bën.

⁵And laramët ko gër ed laram bani atasën aŋ, wël këmo ebëngw esasën in ga ko re: «Yow!» Ata wat këmo fanac ibanax. Ar yëpaxën këŋo an lëkaya ko acariya and eyʼamb gër ataxan.

⁶Do wël këme ang oniŵ fo mërëxand ir bebënax bëjo ga kë re: «Acariya and bële kala, kodî keme do bacariya batas band orës, atama amat and kodî. Barikan kërey nëxen na ogu oŋ do gë ngoy iŋ!»

⁷And laramët ko gër ed laram bani anaxën aŋ, wël këmo ebëngw enaxën in ga ko re: «Yow!»

⁸Ata wat këmo fanac ir yānin-yanin, ar yëpaxën këŋo an këno wacënd «Ecës», do këni laŋëtarand gë wur ir bëšësëk in. Yël këno owun or bebët ibat gër owebët onax od ebar, ebi nemin bela bën gë duxuma in, gë enjo eŋ, gë ocëxwëra ok, do gë oŵacar or gër apuy oŋ.

⁹And laramët ko gër ed laram bani anjoxën aŋ, wat këme dila gër angëb benjëw bënd bër laŵ kënebi në end ga lëkaya bani, do bani reyʼarand osede or Kaxanu beŋ.

¹⁰Axeŷ bani xeŷënd mondako: «Axwën, wëj aŵënëk an, do wëj ar ðal an, xali niŷe wa këy šëni eyëbi kitixën bela bër gër ebar ro bën? Xali niŷe këyëbo ŵaşan bër laŵ këbo bën?»

¹¹Ata yël kënebi ala kala acudʼ apeşax do fel kënebi eni cëni təkër xali eni ŋatëgu ðek bëcandaŵ bënd gër andiyen and Kaxanu beŋ, do gë ðek bëmaŷe bendebën bënd kënebi laŵ ang bën ak beŋ.

¹²Ata and laramët ko gër ed laram bani anjongamatën aŋ, wat këme andëgël and ebar atëm. Eñan eŋ banëngëk gim-gim, ang anjëm amanax fo facaw in ðek warëk wiridid, ang oşat fo.

¹³Oŵal oŋ xwëcëtarawëk gër orën ang ondan ond wininëk ekoc etëm fo, do wëcëguk gër ebar.

¹⁴Orën ol lëkwayak ang këni lëkwënd akayëta fo, osënd oŋ do gë oşir oŋ rëxëtak gër ed hi bax.

¹⁵Bemun bënd gër ebar ro beŋ, bër gapak bën, gë bëlëngw bër ocoroda bën, gë bër gë napul bën, gë bër gë ojaŵ bën, gë okadëp ok ðek, gë bër ax gi ex na okadëp bën yafëra këni gër okel do gër bangaŷ band gër osënd.

¹⁶Do gër ed yafëra këni, këni felënd osënd oŋ do gë bangaŷ baŋ: «Wëcaninëbo, coninëbo caw, këdi këbo wat ar yëpak gër añëpara and owun an, këdi këbo wëcan oxoŷ or anobo ol.

¹⁷Gayikwa akey atëm and oxoŷ orebën aŋ, anëka ħatëguk, do noŷo këŋo fece?»

Andofakel 7

End bulunda ir Kaxanu eŋ

¹Ga xucak eņo, wat kēmēni omeleka onax ga xwēšara kēni gēr owebēt onax od ebar. Bēn sēra bax oxoc onax or ebar oņ kēdi kē xoc, ax gi ex na gēr ebar, ax gi ex na gēr angwēngw, ax gi ex na nē atēx.

²Ata wat kēmo gand apēn-eñan meleka išēxe ga ko šēg end orēn eņ. Er lēkēya baxo nanganēme ir Kaxanu in, mēņ ar ex abēngw an. Ga ko xeŷ kēbi rend omeleka onax od šēñēta babi eni nēxen ebar el do gēr angwēngw ok:

³«Kēren dinan na eñēñēnax ebar el, gē angwēngw aņ, gē batēx baņ, xali mēni paŷ edin ed nanganēme el gēr eyiŷ bēriyenin bēr Kaxanu, mēņ ar xwēn kēbo an.»

⁴Ata wēl kēme yēgwe hi bani bēr gē nanganēme bēn: owēli kēme gē ofēxw onax gē bēnax đek gēr bandēwēra band Bēyisērayel. Er hi bani bēr gē nangēnēme bēn:

⁵gēr andēwēra and Yuda, bela owēli epēxw gē bēxi gēr andēwēra and Ruben, owēli epēxw gē bēxi gēr andēwēra and Gad, owēli epēxw gē bēxi;

⁶gēr andēwēra and Aser, owēli epēxw gē bēxi; gēr andēwēra and Nefētali, owēli epēxw gē bēxi; gēr andēwēra and Manase, owēli epēxw gē bēxi.

⁷Gēr andēwēra and Simewoņ, owēli epēxw gē bēxi; gēr andēwēra and Lewi, owēli epēxw gē bēxi; gēr andēwēra and Isakar, owēli epēxw gē bēxi;

⁸gēr andēwēra and Sabuloņ, owēli epēxw gē bēxi; gēr andēwēra and Yosef, owēli epēxw gē bēxi bēr gē nanganēme; gēr andēwēra and Beņēšame, owēli epēxw gē bēxi.

End amēxwēr and gēr lēngw ir Kaxanu eņ

⁹Ga xucak eņo, wat kēme amēxwēr atēm and bela bēr ekun ed ex yo, enēng end ex yo, bulunda ir ex yo do bela bēr eyey'an ed ex yo, ala axo kor dona ebi pēn. Axwēšara xwēšara bani gēr lēngw ir ar ŷēpak gēr añēpara and owun an, do gē lēngw ir anobo. Bocuđ bopešax šuđara bani do lēkayara bani benid.

¹⁰Mondako bani xeŷēnd: «Apexa aņ gēr Kaxanu ex, mēņ ar xwēn kēbo an, mēņ ar ŷēpak gēr añēpara and owun an, do gēr anobo!»

¹¹Ata omeleka ok đek xwēšara kēni jey' añēpara and owun aņ, gē bēxarēk bēn do gē bebēbēngw bebēnax bēn. Ata foxira kēni eyiŷ el nēš gēr ebar gēr lēngw ir Kaxanu.

¹²Ga kēno šale, kēni rend: «Amen! Obetak ol, gē enjaran eņ, gē orenik ol, ecēkwan el, gē or gapak ol, gē panga iņ do gē ojaŷ ok, Kaxanu, mēņ ar xwēn kēbo an, xwēnēk din ir din! Amen!»

¹³Na ex wēka ke axarēk abat: «Nobēn ex wa bela bēr gē bocuđ bopešax bējo? Feye wa xaniw kēni?»

¹⁴Yaka kēmo: «Oko Šaca, wēj anang nang kēy'!» Ata re ko: «Bēn ex bēr xaniwēk gēr toro itēm bēn. Aneb neb kēni bocuđ bondebēn boņ, Awunēta wunēta kēni gē ošat or anobo oņ.

¹⁵Mëñ xwêşaxën këni gër lëngw ir añëpara and owun and Kaxanu do këno şalerand ciş wec gër Aciw̃ andexëm. Ar ỹëpak gër añëpara and owun an këbi xaxa gër ed lëg ko;

¹⁶din abi kor na enjo, din abi tel na men; oyat abi cor na, ayëka abi di na.

¹⁷Gayikwa anobo ex mërëxand ir gër ed ex añëpara and owun aŋ, këbi ỹana ebi kadacënd. Aw̃ëla këbi ỹana ebi mëland gër bañësa, gër ed ex men ond aniyän. Do Kaxanu ebi pëxwëcënënd ðek ongwën oŋ gër bangës bandebën.»

Andofakel 8

End edaramët ed anjongakinëm eŋ

¹Anobo aŋ, and laramët ko gër ed laram bani anjongakinëm aŋ, yerirak gër orën ipëxëd.

²Wat këmëni omeleka ocongoki od kë xwêşand gër lëngw ir Kaxanu ok. Yël kënebi okereloŋ ocongoki.

³Ata yow ko meleka işëxe, xwêşa ko ler gër angëb do lëkaya ko ipeya ind kaŋe ind bani şoraxënënd aşururu ir xwêşëna bani gë angiri in. Yël këno aşururu ir mbaŋ exo cor ex bararaxën gë cale ind ðek bëw̃ënëk in gër angëb and kaŋe and ex gër lëngw ir añëpara and owun.

⁴Ga kë şëni aşururu in gër ataxan and meleka, kë yend gë cale ind bëw̃ënëk in y'aŋ gër Kaxanu.

⁵Meleka in wëd ko ipeya ind këni şoraxënënd aşururu in, xëñëna ko pëxw oŷen or gë xoðux or wëdëgu ko gër angëb oŋ, do lap ko gër ebar. Ataŋ wëlik oxëbër or ekëman, gë oðiw̃, wingarak bandanjëm do ebar el rëgëk.

End okereloŋ ocongoki eŋ

⁶Ata omeleka ocongoki od lëkaya bax okereloŋ ocongoki ok këni xëñënanand eni parix.

⁷Meleka iyanar in farix ko kereloŋ in. Wëcëguk gër ebar bebër ang oxaỹ do gë xoðux ga bararëk gë oşat oŋ. Ata ang şetërek ebar el obebët otas ak, bebët ibat yegëk ðek gë batëx ak do gë ondës ocëkët ak.

⁸Meleka ixinëm in farix ko kereloŋ in. Wëcëguk er ang atënd and gë angodux gër angwëngw. Ata angwëngw aŋ ang şetërek obebët otas ak, men oŋ nëngwëtak oşat bebët ibat.

⁹Ata şësëra këni bebëngw bër bax liyand gër bebët ir nëngwëta bax men oŋ oşat. Bëte nëxenarak okuluŋ od hi bax na ok.

¹⁰Meleka isasën in farix ko kereloŋ in. Wëcëguk amal elod gër orën do kë yegënd ang enjeb fo. Ang şetër bax oyeb ok do gë bañësa band men baŋ obebët otas ak, amal aŋo wëcëk gër bebët ibat.

¹¹Amal aŋo këni w̄acënd «Poŋon iwax». Ata men oŋ wak bebët ibat, do bela bëranjëm šës këni and šëb këni aŋ.

¹²Meleka inaxën in farix ko kereloŋ in. Eñan eŋ, gë facaw̄ in do gë owal oŋ lobërak bebët ibat. Ata goyat in bašëtak mar ekërikëran el do gëmëd in hik mondako fo.

¹³Ga këme nëkon, wat këmo šambat ga songina ko y'aŋ gër orën do ko xeÿënd: «Kata! Kata! Kata këbi fënga bër lëgëk gër ebar ro bën and këni farix kereloŋ omeleka otas od bayik aŋ!»

Andofakel 9

¹Meleka icoxën in farix ko kereloŋ in. Wat këme emal ga wëcëguk gër ebar elod gër orën. Emal elo fëxwën këno acoketaya and ambëxw atiŋax aŋ.

²And fërët ko atënda and ambëxw atiŋax aŋ, kë šanënd okwëcën ond ang angodux fo. Eñan eŋ šamëdanëk gë okwëcën ond xëñ bax gër ekoc oŋ.

³Ata gër okwëcën oŋo këni šanënd owure, xul këni ebar el dek. Yël kënëbi ojaŋ od ang ekwël ed kë y'exërand gër ebar fo.

⁴Fel kënëbi enëbi ŋatënd bela bër gë nanganëme ir Kaxanu këm gër ey'iÿ bën fo, bari këreni dinan na eñëŋëxax ondës ond lëgërak gër ebar oŋ, gë bebëlëg bën, do gë opat od batëx ok.

⁵Er fel banëbi enëbi narënënd anarën fo bela bën xali ex nëka opacaŋ oco, bari kërenëbi dafwënd na. Baŋaten bandebën baŋ ang band ekwël fo y'ambën bax.

⁶Ata bakey baŋo, bela bën mocala këni y'ana eni caland ecës el, aÿandi këbi y'ana ebi y'andind eni cës, bari ani cës na. Ecës el mongër këbi y'ana ebi gërënd.

⁷Er hi bani owure olo ang opanac od fokëra kënëbi ond gër emer fo. Gër ogaf odebën bax watind bebër ang oxamote or owun or kaŋe, do odëxas odebën ok hi bax ang od bela fo.

⁸Omban ondebën oŋ ašak šak bax ang ond bësoxari fo, do oÿënga orebën oŋ ang or ojëraŋ fo.

⁹Gër oŋëkw orebën xapa bani bapëxw band dun, do obafe odebën ok axëbër bax xëbërënd ang ocaret od këni lasënd opanac odanjëm od kë wëlënd gër emer fo.

¹⁰Oceb odebën ok ang benjif bend oxwël fo hi bax. Gër oceb oko hi bax ojaŋ od banëbi y'ambëninaxënënd bela ok xali nëkak opacaŋ oco.

¹¹Emun endebën eŋ ex meleka ir gër ambëxw atiŋax in. Oŋac orexëm ol ex gë eyey'an ed Bëšëwif el: «Abadoŋ». Do gë eyey'an ed Bëgërek el: «Apoliyon», mène ngëŋ «Anemin an».

¹²Kata iñanar in xucak, bayik ex y'ow betëm beki becëxe.

- ¹³Meleka icongibatën in farix ko kereloŋ in. Wël këme oniŋ gër oparix onax od ebax gër oŋaŋ onax or angëb and kaŋe and ex gër lëngw ir Kaxanu aŋ.
- ¹⁴Oniŋ olo baŋo felënd meleka ir gër kereloŋ in mondako: «Pëtëlëbi omeleka onax od xap kënebi gër yeŋ isëm ir këni ŋacënd Efërat ok.»
- ¹⁵Ata fët këbi omeleka onax od bax šëninđ apëxëd aŋo, akey aŋo, do iniy iŋo ok, enëbi đaŋaxën bela bën amëxwër amat, gër batas.
- ¹⁶Wël këme yëgwe hi këni ocorođa od gër opanac ok: owaxe okeme oki.
- ¹⁷Mondako wat bamëni gër lakeli opanac ok do gër bër ŷëpaxën babi bën. Er xapa bani bapëxw band dun band war bax ang xodux fo, band hi bax ang ekaŋ ed yaseŋët fo do band ang mungu fo. Ogaf od opanac oko er hi bax ang od ojëraŋ fo. Gër osëŷ orebën bax šanënd xodux, gër okwëcën, do gër mungu.
- ¹⁸Ata betëm betas beŋo laŋ këbi bela bën amëxwër amat gër batas gër xodux ol, gër okwëcën, do gër mungu, ond bax šanënd gër osëŷ or opanac oŋ.
- ¹⁹Gayikwa ojaŋ od opanac oko gër osëŷ do gër oceŋ odebën ebax. Oceŋ oko ang bandën fo bax do hi bax gër ogaf do gër oko banëbi ŷambëninënd bela bën.
- ²⁰Bela bëšëxe, bër bayik abi đaŋ bana betëm beŋo bën, ani teŋ bana ecale ed bebër bani rind bën el, ani nëngwët bana ola orebën ol, xali eni teŋ ekëla ed bëyël el. Ani teŋ bana olaš or kaŋe oŋ, or kodi oŋ, or ŷawale oŋ, or oxaŋ oŋ do gër or ex otëx oŋ. Xarak olaš oŋo ax watërand na, ax wëlërand na, ax ŷexërand na.
- ²¹Bela bëjo ani nëngwët bana ola orebën ol xali eni teŋ bamena baŋo: eđaŋwër el, gër obanji ol, gër asëk alakirand fo in do gër orek ol.

Andođakel 10

End meleka in do gër ikayëta eŋ

- ¹Ata wat këmo meleka ifangak ga ko fedaw elod gër orën ga labaya ko gër aŋar, do šandiŋ in hik jey gër gaf irexëm. Dëxas in kë ŷegënd ang eňan fo, do owonëŋ orexëm oŋ hik ang okëcar od gër xodux fo.
- ²Lëkaya ko gër ataxan ikayëta ind lëkwët baxo. Xwëša ko, sapor ir liŋ in gër angwëngw do ir šame in gër ebar.
- ³Ata xeŷ ko ang eŋëra ed yëraŋ fo. And xeŷ ko aŋ, yaka këŋo oxëbër ocongoxi or ekëman oŋ.
- ⁴And yeyanëk oxëbër ocongoxi or ekëman aŋ, këme xëňënanđ me ñëgw er wël këme in. Barikan wël këme oniŋ gër orën ga kë re: «Cësinalil end rek oxëbër ocongoxi or ekëman eŋ, kërey ñëgw na.»
- ⁵Ata meleka ir wat bamo ga xwëša ko gër angwëngw do gër ebar in, yën ko ataxan and liŋ aŋ end orën eŋ.

⁶Yaşar ko gër oŵac or ar kē liyand din ir din an, ar rik orēn an do gē đek bebēr gēr orēn bēn; ar rik ebar an do gē đek bebēr gēr ebar bēn; ar rik angwēngw an do gē đek bebēr gēr angwēngw bēn. Meleka in re ko: «Endey' eŋo gogo kē ĥatēgu, ax nēka na!

⁷Barikan gē bakey band ko farix kereloŋ meleka icongixinēm baŋ kē šonētaya end Kaxanu eŋ ang nangēn babi elod anēka fo bēriyenin bērexēm bēn, bēlaŵēnel bēn.»

⁸Ata oniŵ or yey'aneliw baxe elod gēr orēn ol, fel ke gašēxe: «Yel ey' kana ikayēta in gēr ataxan and meleka ir xwēšak gēr angwēngw do gēr ebar in.»

⁹Ye kēme gēr meleka, do fel kēmo exe yēl ikayēta in. Yaka ke: «Medfēl ey' gēl, ang dingēn fo kē ŷēŵ gēr etēy' edey'. Barikan awa kē wa gēr acēl andey'.»

¹⁰Ŵed kēme ikayēta in gēr ataxan and meleka do hēl kēme: ŷēŵēk ang dingēn fo gēr etēy' edam. Barikan and hēl kēme aŋ, acēl andam aŋ wak.

¹¹Ata fel kēne: «Afo ey' yey'anēnd ang alaŵēnel fo bēnd kēbi hi bela beŋ obulunda odanjēm, gē bēnēng bēdanjēm, gē oyey'an oranjēm, do gē bemun bēdanjēm.»

Andodakel 11

End otede oki eŋ

¹Ata fēxwēn kēne ošēt do re kēni: «Kanil ey' tēy'i Aciŵ and Kaxanu aŋ ang ŷangēk ak, gē angēb aŋ do ey'ēbi pēn bēr kē šalend lēf na bēn.

²Barikan yangana ir fac ir Aciŵ and Kaxanu in, tebēl mondako fo. Kērey' tēy'i na gayik bēnēng becēxe beŋ sebēn kēnēbi. Bēn kē wēñēra angol amēnēk aŋ opacaŵ ofēxw onax gē oki.

³Ayēl kēmēni otede oki odam ok eni yey'anēnd ang bēlaŵēnel fo bey' bēn. Gē ojabote kēni fēlaya do enēbi nangēn bela bēn end Kaxanu eŋ nē bakey wēli gē okeme oki gē ofēxw ocongebat.»

⁴Otede oki oko ex bañarēka baki baŋ, do gē odambo oki od hik gēr lēngw ir Axwēn ebar ok.

⁵Angēmēne ala eŋo ŷandi ebi y'ambēnin, xodux kē šan gēr osēy' orebēn, do enēbi gēl bērangoyēra gē bēn bēn. Eyo mondako ko šēs ar kēŋo ŷandi ebi denan eñēŋēnax an.

⁶Ašot šot kēni panga ind eni pēra orēn ol kērex tēb na đek bakey band kēnēbi nangēn end Kaxanu baŋ. Axor exēni eni nēmbēt men oŋ ošat do eni di beñigēnaxik bēnd ex yo gēr ebar nand kēbi ŷandi yo.

⁷And kēni faŷ osede orebēn aŋ, emacar end kē šanēgu gēr ambēxw atiŵax eŋ ebi mereli, ebi kor do ebi đaw.

⁸Ata exo ŷañëta beman bend otede oki beŷ gër fëña isëm ir gër angol atëm. Angol aŷo ex, gër owat or Kaxanu, Sodom do gë Misëra, na gër ed fika bano Axwën arebën na.

⁹Bela bër bulunda ir ex yo, gë bër enëng end ex yo, gë bela bër eyey'an ed ex yo, gë bër ebar ed ex yo awat këni wat beman bendebën beŷ bakey batas gë təkër do ala ano teb na ebi mëxwëta në ŷeg.

¹⁰Bela bër lëgëk gër ebar bën ga nëngandëra këbi end ecës edebën eŷ këni rixënëd ofëna xali eni yëlërëra beŷ gayik bëlaŷënel bëxi bëjo ašëndën šëndën banëbi.

¹¹Ga xucak bakey batas gë təkër, angoc and kë yëlënd and aniyan aŷ, xaniwëk gër Kaxanu, lil këbi do xwëšan këbi ceg. Ata yëdara këni mbaŷ bër babi wat bën.

¹²Wël këni elod gër orën, oniŷ osëm ga këbi fel: «Yowën ŷañ ro!» Ye këni gë aŷar aŷ ŷañ gër orën do bërangoŷëra andebën bën wat kënebi.

¹³Ata amëd aŷo dëŷ hik angëmëgëm atëm gër ebar do ang ex owebët epëxw od angol ok, bebët îbat wëcëk. Nemira këni bela owëli ocongoki në end angëmëgëm aŷo. Bër bayik bëbëngw bën yëdara këni, do šëkw këni enjaran end Kaxanu eŷ, mëŷ ar gër orën an.

¹⁴Kata ikinëm iŷ anëka xucak, gogo kë hătëgu itasën in.

End kereloŷ icongixinëm eŷ

¹⁵Ata meleka icongixinëm in farix ko kereloŷ in. Wëlik gër orën odiŷ otëm ga kë re: «Owun or ngwën ol, Axwën arebi an xwënëk do gë Kërisët irexëm, din ir din ko wun!»

¹⁶Bëxarëk alapem gë bënax bër ŷëpa bax gër bañëpara band owun, gër lëngw ir Kaxanu bën, foxi këni eyiŷ el ŷëš gër ebar,

¹⁷do këni rend: «Ayeri këy Axwën Kaxanu, wëj ar xorëk beŷ dek an, wëj ar hik do hi bay, gë panga itëm indey iŷ wun këy.

¹⁸Axoŷën xoŷën këni benëng beŷ, barikan gërëgako ŷowëk oxoŷ oreŷ ol, amëd and këyëbi xiti bëšëk aŷ, eyëbi pupa bëriyenin bërey bën, bëlaŷënel bën, gë bëwënëk bën do gë bër fëbëk oŷac oreŷ bën, hik bër gapak bën, hik bërëtoc bën do eyëbi nemin bër kë neminënd ebar bën!»

¹⁹Aciŷ and Kaxanu and hik ŷañ gër orën aŷ fërëtayak, watik lëf kangara ir eter in. Ata wingararak, wëlik odiŷ, gë oxëbër or ekëman, ebar el rëgëk do kë wëcënd bebër ang oxaŷ.

Andofakel 12

End asoxari do gë fato eŷ

¹Ata nanganëme isëm šanayak gër orën: asoxari ar šudak eñan eŷ, facaw in dila, gër osapar orexëm do šëxwa ko ekamote ed owun ed gë oŷal epëxw gë oxi.

- ²Gë acël ebaxo do and ĥatëk orëw̃ aŋ, ko xeÿënd aÿambën in do gë toro ind orëw̃ iŋ.
- ³Ŝanayak bëte gër orën nanganëme iŝëxe: fato isëm, ir war bax ang xođux fo, ir gë ogaf ocongoki do gë ofarix epëxw. Er hi bax në gaf kala ekamote ed owun.
- ⁴Gër obebët otas od oŵal or gër orën, fat ko íbat gë ŝeb irexëm in do lapëgu ko gër ebar. Ata fato in buna ko, fabër këni gë asoxari ar orëw̃ an, eŋo gëlxën itox iŋ sam eŋo dëw̃.
- ⁵Rëw̃ këno itox itoŝan, ind këbi xađac benëng beŋ đek gë xwëlekwële ir dun . Na Kaxanu w̃ëla këno itox iŋo ler gër ndexëm, ler gër añëpara and owun andexëm.
- ⁶Asoxari an cëŋ, hër ko đup gër ladawe, gër ed xëñënan baŋo Kaxanu exo gix, gër ed këno lëbax bakey wëli gë okeme oki gë ofëxw ocongebat.
- ⁷Ata fëtëk emer gër orën. Miŝel gë omeleka odexëm ok këni w̃erënd gë fato in. Bëte fato in do gë omeleka odexëm ok w̃ereli kënëbi.
- ⁸Ga xor kënëbi, fato in gë odexëm ŝan këni në er këni hi ÿaŋ gër orën.
- ⁹Ata lapëgu këno gëđ, fato isëm in, andën akarëk aŋ, and këno w̃acënd ŝabucara, do Sindan aŋ, and këbi yifand bela bër gër ebar aŋ. Lapëgu këno gëđ gër ebar ro, mëŋ gë omeleka odexëm ok.
- ¹⁰Ata wël këme oniw̃ osëm ÿaŋ gër orën, ga kë re: «Gërëgako anëka ĥatëguk apexa aŋ, gë panga iŋ, gë owun or Kaxanu ol, mëŋ ar xwën këbo an do gë owun or Kërisët irexëm ol. Gayikwa anëka lap këno gëđ, alëxw ar bëmaÿe bëndëbi an, ar babi lëxwënd ciŝ wec gër Kaxanu, mëŋ ar xwën këbo an.
- ¹¹Barikan bën, axor xor këno gë oŝat or anobo oŋ do gë eyey'an ed osede orebën el; ani ŋan ex na nëmëc aniyan andebën aŋ ado ga banëbi wesand mène alaŵ kënëbi laŵ.
- ¹²Wën bër gër orën bën, wën bër lëgëk fën bën, nëngandëraleŋun. Barikan etëm hi këŋun wën bër gër ebar bën do wën bër gër angwëngw bën, gayikwa ŝabucara in anëka ŝëlali ko gë oxoÿ osëm ga nang ko mène bakey band bayi këno baŋ bapënëfëne fo ex.»
- ¹³And wataya ko fato in mène anëka lapëgu këno gëđ gër ebar aŋ, sëf këno asoxari ar rëw̃ këno itox itoŝan an.
- ¹⁴Ata asoxari an yël këno obafe oki od ŝambat isëm ok exo cëgaxën gër ladawe, gër wur irexëm, gër ed këno lëbax bënüy bëtaz gë təkër, gër ed bayik aŋo ŋatën na andën aŋ.
- ¹⁵Andën aŋ wis ko men ang oÿëm fo gand epoy' ed asoxari eŋo mëlaxën.
- ¹⁶Barikan ebar el rëca këno asoxari an do hëlëk oÿëm or wis baxo fato ol.

¹⁷Ga logën këno end asoxari ajo eņ, fato in y'e ko ebi merelix bërandëwëra and asoxari bën, bër fëbëk bapela band Kaxanu do këni rey'arand osede or Yesu bën.

¹⁸Ata buna ko gër edini ed bëna ir angwëngw.

Andodakel 13

End o'wacar oxi eņ

¹Ata wat këmo emacar end gë ofarix epëxw do gë ogaf ocongoki, ga šëpëta'w ko gër angwëngw. Er hi bax në farix kala ekamote ed owun, do yëgwëra këni gër ogaf odexëm, omac od këno širënd Kaxanu.

²Emacar end wat bamo eņ, ang eca'w fo hi baxo, osapar orexëm oņ hi bax ang or anda'w fo do etëy' el ang ed yëra'ņ fo. Fato in yël këno panga indexëm iņ, owun orexëm ol do gë or gapak osëm.

³Gaf ibat irexëm in mba'ņ semba'y bax, ecës el fo bayi bax. Barikan afak fak baxo. Ata ga babi šaranënd end emacar eņo eņ, dek ebar el këno sëfënd.

⁴Afoxi bani foxind gër lëngw ir fato, eno calexën gayik mëņ yël ba'ņo owun ol emacar eņ. Afoxi bani foxind bëte gër lëngw ir emacar eno calexën do eni dend: «No'y'o wa ex ang emacar eņo? Do no'y'o kë xor eņo mereli?»

⁵Ata emacar eņo šot ko etëy' ed bax yey'anënd gë ndafënan do gë ed këno širënd Kaxanu. Asebën sebën bano owun ol xali opaca'w ofëxw onax gë oki.

⁶Emacar eņ ga hëbëta ko, këno širënd Kaxanu ma'b gë eyang edexëm ak, këbi renarand mëņ do gë bër lëgëk gër orën bën.

⁷Aseb seb bano bëte ebi mereli bër ex bulunda ir Kaxanu bën xali xor këbi. Ayël yël bano panga ind ebi bëna ebar el dek: ekun ed ex yo, gë bulunda ir ex yo, gë bela bër eyey'an ed ex yo do gë enëng end ex yo.

⁸Ata dek bër lëgëk gër ebar bën, bër bayik omac odebën ani nëgw ex na gër akayëta and aniyand and anobo and šadaxa bano elod ga y'anak ngwën aņ, afoxi këni y'ana eni poxind gër lëngw ir emacar eno calexën.

⁹Awa ar gë anëf an, baxëtëlexo de!

¹⁰Ar ebax eno mëla oxadëp an, a'wëla këno wëla gër oxadëp. Ar ebax eno da'w gë duxuma an, ala'w këno la'w gë duxuma. Mëņ ex, bëwënëk bën, a'yap y'apëk eni bu'ņand, këreni te'b na ekwëta el.

¹¹Ata wat këmo emacar ecëxe ga šanëgu ko gër ebar. Bëparix bëki šot baxo ang anobo fo, do baxo yey'anënd ang fato fo.

¹²Panga ind emacar e'ņanar iņ šot baxo do baxo rind becarax gër lëngw ir emacar eņo. Anëy'ali babi nëy'alind dek bela bër lëgëk gër ebar bën eno calend emacar e'ņanar eņ, end semba'y bax dam gër ecës, bari fak ko eņ.

¹³Emacar ekinëm eņo becarax betëm baxo rind xali fedaliw ko akey amat, ogës od bela, xodux ol elod gër orën xali gër ebar.

¹⁴Mondako babi nambelind bër lëgëk gër ebar bën gë becarax bend seḅ bano exo dind gër lëngw ir emacar beņ. Afel babi felënd eni di eḁaḁ ed ang eñaḡ end emacar end saḡ bano gë duxuma do fakëta ko gër aniyan eņ.

¹⁵Aḁot ḁot baxo panga ind exo nëngwët eḁaḁ elo xali ex yey/andërand, do ebi ḁaḡwënd ḁek bër ax poxind na eni cale eñaḡ end emacar eñanar bën.

¹⁶Anëyali babi nëyalind bela bën ḁek, hi këni bër gapak, bërëtoc, bër gë napul, bëxaḡyënaxik, okaḁëp, bër ax gi ex na okaḁëp, eni ma enëbi din ala kala nanganëme in, bërëmar gër ataxan and liḡ, bëjo gër ey/iḡ.

¹⁷Yama ala abax xor na wa exo yëcëra beḡ ba exo pandëra cotërexe nanganëme in, oḡac or emacar ol ba nimëro ir oḡac orexëm in.

¹⁸Awa ro, orenik ḡëkak. Ar gë onden an, calalexo exo nang er ḡacayak nimëro ir emacar in. Gayikwa nimëro ir ala ex do er ex: «Okeme ocongibat gë ofëxw ocongebat gë bënjongimat.»

Andoḁakel 14

End oyëkan or bëḡwënëk eņ

¹Ata wat këmo anobo aņ mo kwëḁa ḡaņ gër etënd ed Siyoņ ga xeta këno bela owëli keme gë ofëxw onax gë bënax bër ḁotëk nanganëme ir oḡac orexëm in do gë or Sëm in, gër oy/iḡ orebën.

²Wël këme gër orën oniḡ or ang oḡëm fo, or ang oxëbër or ekëman etëm fo. Do angoy and bame wëlënd aņ hi bax ang and bësämb bër bëmangi bëndanjëm fo.

³Bela bëjo aḡëw bani ḡëḡwënd oyëkan oxaḁax gër lëngw ir aḡëpara and owun do gër lëngw ir bëbëbëngw bëbënax, do gër lëngw ir bëxarëk. Bela owëli keme gë ofëxw onax gë bënax bër racët këbi Kaxanu gër ebar ro bën fo bax ḡëḡwënd oyëkan olo. Gabatak ax kor bana exo tëḡa oyëkan olo.

⁴Bën anëbi nang ex na bësoxari, ani buyarënaya ex na gë bën. Bën këņo sëfarand anobo aņ gër ed ko ḡe yo. Kaxanu racët këbi mërëxand ir bela eni gixën bëḡanar bër xwën kënëbi mëņ do gë anobo aņ.

⁵Do gër osëḡ orebën, enëḡwëḁ ax gi ex na. Etëmbak ax gi ex na gër ola orebën.

End omeleka otas eņ

⁶Ata wat këmo meleka iḁëxe ga ko ḁëgëra ḡaņ gër orën. Atëfëtan and din baxo xëñënanand ebi nangën bela bër lëgëk gër ebar bën, gë enëng end ex yo, gë ekun ed ex yo, gë bela bër eyey/an ed ex yo do gë bulunda ir ex yo.

⁷Ga ko xeŷ ko rend: «Yëdayindëno Kaxanu do cëkwindëno gayikwa anëka ĥatëguk apëxëd and ko xiti ngwën aŋ. Poxiyindën eno calexën ar rik orën, gë ebar, gë angwëngw, do gë bañësa band men an!»

⁸Meleka ixinëm sëfëgu këŋo iŷanar in do ko rend: «Anëka nëxenak, anëka nëxenak, angol atëm and Babilon aŋ! Mëŋ yëla këbi ngoy ind eñac endexëm in ðek benëng bend bela beŋ .»

⁹Meleka isasën sëfëgu këbi oki oñanar ok. Ga ko xeŷ ko rend: «Angëmëne bela eno calend emacar eŋ, gë eðaš ed wätinali këno el, do angëmëne eni cot nanganëme irexëm in gër oyíŷ ba gër bataxan,

¹⁰ašëb këni šëb bën bëte oxoŷ or Kaxanu ol ang ngoy fo. Ang ngoy inëmbarëx fo kënebi xatën andëmba aŋ cëm. Asoro këni ŷana eni torond polo gër xodux, gër mungu gër lëngw ir omeleka omënëk, do gër lëngw ir anobo!

¹¹Din ir din kë ŷana ex cënind okwëcën ond xodux or këbi šorënd bër këŋo šalend emacar do gë eðaš ed wätinali këno bën. Hik gëmëd, hik goyat, ani ñana na eni teyëtand toro in. Mondako fo këŋo hi ala ar šotëk yo nanganëme ir oŵac orexëm in.»

¹²Mondako ex, ebuŋa ed bëwënëk el, ed bër kë sëfënd bapela band Kaxanu do xwëta këno Yesu bën.

¹³Ata wël këme oniŵ ŷaŋ gër orën ga kë re: «Ñëgwël: “Nëngandëralebi bëšëk bër xwëta këŋo Axwën do šës këni elod gërëgako bën!” Angoc Amënëk aŋ ga re ko: “Iyo, teyëtalexëni bandiyen bandebën baŋ gayikwa në etëfa ebi bandixa bandebën baŋ!”»

End ekanara ed bebër gër ebar eŋ

¹⁴Ata wat këme aŋar apešax, do gër aŋar aŋo ŷëpa ko ar ang asëniŵ ar ala fo. Ekamote ed owun ed kaŋe šëxwa baxo, do lëkaya baxo xorom iñakax.

¹⁵Ga šanëgu ko meleka išëxe gër Aciŵ and Kaxanu, ko xeŷend gand ar ŷëpak gër aŋar: «Medël xorom in, ey ŋašaxën bebër gër ebar bën gayik anëka sëgëk, anëka ĥatëk ekana el.»

¹⁶Ata ar ŷëpak gër aŋar an lap ko xorom in gër ebar. Ĥašëk ðek bebër gër ebar bën.

¹⁷Meleka išëxe šanëgu ko gër Aciŵ and Kaxanu, and hik ŷaŋ gër orën aŋ. Mëŋ bëte lëkaya ko xorom iñakax.

¹⁸Ga šanëgu ko gër angëb meleka išëxe, ir xorëk xodux, ko xeŷend gand ar lëkayak xorom iñakax an: «Medël xorom in ey ŋašaxën bacaŷ band odëwërëwen od reseŋ band ex gër ebar baŋ, gayik anëka sëgëk.»

¹⁹Meleka in lap ko xorom irexëm in gër ebar ata ĥašëk bacaŷ band atëx and reseŋ and gër ebar baŋ do xobëx ko polo gër akaraxën and kë wätinalind oxoŷ or Kaxanu aŋ.

²⁰Ga w̃ela këni reseŋ in gand angol, xobëx këni gër akaraxën and hik fac. Ata šanëk ošat and bani w̃ëñënd gër akaraxën aŋ do ošat oŋo fesëk në bapakan okeme otas. Kido eni përado opanac, ogaf ok fo watidox.

Andodakel 15

End beñigënaxik bepelatar eŋ

¹Ata wat këme gër orën nanganëme išëxe, isëm, do išaraxik: omeleka ocongoki ga lëkaya këni beñigënaxik benjongëbeki bepelatar beŋ. Gayikwa Kaxanu, paŋ gë beñigënaxik beŋo ko ĥata oxoŷ orexëm ol.

²Wat këme anjer and kal-kal ang anangoye fo ga bararëk gë xodux ol. Wat këmëni bëte bër xor këŋo emacar bën, gë eñaw̃ endexëm ak, gë eđaš edexëm el, do gë nimëro ir oŵac orexëm bën. Gër anjer and ang anangoye xwëšara bani do lëkaya këni bemangi bend yël këbi Kaxanu beŋ.

³Ata këni yëw̃ënd oyëkan or Moyis, ariyenin ar Kaxanu ol, do gë oyëkan or anobo ol: «Bandixa bandeỹ baŋ batëm ex, bacaraxik ex, Axwën Kaxanu, wëj ar xorëk beŷ ðek an, bebër këỹ rind bën ðal ex do šenene ex, wëj ex emun end benëŋ eŋ.

⁴Axwën, noŷo bayik axi pëb na? Noŷo bayik ax cëkw na oŵac oreŷ ol? Wëj gabat ex aŵënëk an. Enimin, benëŋ beŋ ðek aỹow këni ỹow eni poxira gër lëngw ireŷ, gayik or šenene oreŷ ol šanayak.»

⁵Ga xucak eŋo, ga këme nëkon gër orën aciŵ and Kaxanu aŋ ga fërëtayak, wat këme aner and Osede aŋ.

⁶Omeleka ocongoki od lëkaya bax beñigënaxik benjongëbeki ok šanëgu këni gër Aciŵ and Kaxanu. Šudara këni banjëm band xaf-xaf bamënëk, band jing-jing, do xapa këni bapëxw band kaŋe gër oŵëkw.

⁷Abat gër bebëbëngw bebënax, fëxwën këbi omeleka ocongoki ok bandëmba banjongëbaki band kaŋe band ebax cëm gë oxoŷ or Kaxanu, mëŋ ar hik din ir din an.

⁸Aciŵ amënëk aŋ lëbëk gë okwëcën oŋ në end enjaran end Kaxanu eŋ do gë panga indexëm iŋ. Ata ala abax xor na exo ðil gër Aciŵ and Kaxanu xali xwëtëk beñigënaxik benjongëbeki bend omeleka ocongoki beŋ.

Andodakel 16

End bandëmba banjongëbaki band oxoŷ eŋ

¹Ata wël këme oniŵ gër Aciŵ and Kaxanu. Ga kë xeŷ oniŵ olo, këbi felënd omeleka ocongoki ok: «Awa yeyin en ðexëx bandëmba banjongëbaki band oxoŷ or Kaxanu baŋ gër ebar!»

²Meleka iŷanar in lex ko andëmba aŋ gër ebar. Ata bela bër šot bax nanganëme ir emacar in do bani foxind eni cale gër lëngw ir eđaš ed eñaw̃ edexëm bën, lëk këbi ošëxwëra oỹambënaxik: beman beŋ hik yer okejën fo.

- ³Meleka ixinēm in lex ko andēmba andexēm aŋ gēr angwēngw. Men oŋ nēngwētak oŝat ang or ala ar ĥaŝ këno fo, do đek oŵacar obēngw or hik polo ol ŝēsēra këni.
- ⁴Meleka isasēn in lex ko andēmba andexēm aŋ gēr oyeḅ do gēr bañesa band men, nēngwētak đek oŝat.
- ⁵Wēl këmo meleka ir xorēk men in ga ko re: «Wěj ar ŝenene hi këy, wěj ex ar hik, do hi bax an, aŵēnēk hi këy gayikako mondako xiti këyēbi.
- ⁶Gayikako oŝat or bēwēnēk do gē or bēlaŵēnel oŋ lexēra këni, duy dēŋ yēl këyēbi oŝat eni ceḅ.»
- ⁷Wēl këme oniŵ gēr angēḅ ga kë re: «Eyo Axwēn Kaxanu, wěj ar xorēk beŷ đek an, kiti indey iŋ đal ex do ŝenene ex.»
- ⁸Meleka inaxēn in lex ko andēmba andexēm aŋ gēr eñan. Eñan eŋ ŝotēk ojaŵ od eḅi corēnd bela bēn gē xoḑux orexēm ol.
- ⁹Ata ayēka isēm ŝor këbi bela bēn. Barikan bēn këni ŝirēnd oŵac or Kaxanu ol, mēŋ ar babi lapanēnd beñigēnaxik beŋo gē panga indexēm an. Ani nēngwēt bana ola orebēn ol eno đuwaxēn.
- ¹⁰Meleka icoxēn in lex ko andēmba andexēm aŋ gēr añēpara and owun and emacar. Ata ŝamēdanēk gēr ed wun ko, do bela bēn këni wēcarērand ayambēn in.
- ¹¹Aŝir bano ŝirēnd Kaxanu, mēŋ ar hik gēr orēn an, ga bot këbi ayambēn ir okejēn in. Bari ani nēngwēt bana ola orebēn ol xali eni teb bandixa batēmbak bandebēn baŋ.
- ¹²Meleka icongibatēn in lex ko andēmba andexēm aŋ gēr yeb isēm ir këni wācēnd Efērat in. Men oŋ wēxēk eni kegētaxēn bemun bēnd kë xaniw apēn-eñan beŋ.
- ¹³Ata wat kēmēni bangoc bañēŋēnax batas, band ang ofēkel fo. Angoc añanar aŋ ŝanēgu ko gēr etēy ed fato, akinēm aŋ ŝanēgu ko gēr etēy ed emacar, do atasēn aŋ gēr etēy ed alaŵēnel anēgwēŝ.
- ¹⁴Bangoc baŋo band ŝabucara ex, bēn kë rind becarax do këni yend gēr bemun bēnd gēr ebar đek enēbi bar eno merelexēn Kaxanu yatir akey atēm andexēm, mēŋ ar xorēk beŷ đek an.
- ¹⁵Ata re ko Axwēn an: «(Awa ang arek fo këme yeli.) Nēngandēraleŋo ar këmo sēk daŝērēxe an. Amo pēnga ex na tēḅ gē eman eŋ do axo yē na gē aŝēfēn, cudarēxe banjēm bandexēm baŋ.»
- ¹⁶Ata bangoc baŋo bar kēnēbi bemun beŋ gēr ed këni wācēnd gē eyeyan ed Bēŝēwif el: «Arēmagedoŋ».
- ¹⁷Meleka icongixinēm in lex ko andēmba andexēm aŋ gēr ekoc. Wēliwēk oniŵ osēm lēf gēr Aciŵ and Kaxanu, gēr añēpara and owun ga kë xeŷ: «Anēka xwētēk!»

¹⁸Ata wingararak, wëlik odiw, gë oxëbër or ekëman, do ebar el rëgëk mbañ. Elod ga hi këni bela bën, ala ax wat ex na angëmëgëm andako rako añ.

¹⁹Angol atëm añ şapërëk obebët otas. Bangol band benëng bend bela bañ yëcarëk. Kaxanu abi xwëya bana bela bër gër angol atëm and Babilon bën. Ata şebën këbi ang ngoy fo oxoy osëm orexëm or hi bax gër andëmba ol.

²⁰Dek oşir oñ şapërëk do osënd oñ yëcarëk.

²¹Ata bebër ang bongay bond sibëk gwër në okilo ofëxw onax wëcandëra këbi bela bën elod gër orën. Barikan bën şirëra këno Kaxanu në end eñigëanaxik etëm end hi babi eñ.

Andofakel 17

End asoxari añacaxik eñ

¹Ata ang hi bani omeleka ocongoki od lëkayara bax bangalama banjongëbaki ok, ibat yow ko yeyaneli ke. Re ko: «Yow mi masin kiti ind angol atëm, and ex ang asoxari añacaxik, ar yëpak yañ në amen añ.

²Gë asoxari ajo wata këni bemun bend gër ebar beñ asëk alakirand fo in, do bela bër gër ebar ro bën anëka xor këbi ang ngoy fo eñac endexëm eñ.»

³Ata meleka in wëla ke gë Angoc and Kaxanu añ gër ladawe. Watëx këmo asoxari ga yëpa ko yañ në emacar embarax, end gë ogaf ocongoki do gë ofarix epëxw. Do eman eñ hi ko dek omac od këno şirënd Kaxanu fo.

⁴Asoxari ajo şudara ko banjëm bambarax band yek mbañ, banjëm band warëgeyan. Yañëna ko gë orëxër or kañe, do gë oyëri or oxañ oyekax. Lëkaya ko andëmba and kañe and yëm bax gë becusëşus, do gë bemuyaraxik bend eñac endexëm beñ.

⁵Gër eyiñ edexëm yëgw këni oñac or şonaya bax: «Babilon, angol atëm añ, nëm ir bëyacaxik, do nëm bër watak becusëşus betëm bend gër ebar ro.»

⁶Wat këmo asoxari ajo ga yaw këno gë oşat or bëwënëk oñ do gë oşat or otede od bax reyarand end Yesu oñ. Ga këmo nëkon, şaran ke xali xurik.

⁷Ata re ko meleka in: «Inewña ki şaranaxënënd? Wëno afel këmi fel bend şonayak gër asoxari ajo do gër emacar end gë ogaf ocongoki, do gë oparix epëxw end yëpaxën këno beñ.

⁸Emacar end hi bax do wat bayo eñ, axo bo ex na. Aşanëgu ko şanëgu gër ambëxw atiwx do exo cës. Bela bër lëgëk gër ebar bën, bër bayik Kaxanu axo nëgw ex na omac odebën gër akayëta and aniyand nand ri ko ngwën bën, aşaran këbi şaran and këno wat emacar añ gayik ahi hi baxo, şës ko, bëte exo canayaw.»

⁹Eño, onden ond arenik fo kë xor eño pëni. Ogaf ocongoki ok kë wätinalind bëtënd bënjongëbëki bënd yëpaxën ko asoxari bën. Eño amatinali ex and bemun benjongëbëki bëte:

- ¹⁰benjo lati këni, emat bayik ga wun ko, bari emun enjongekinëm eñ axo yow ex na pere. And ko hátëgu añ, ax nëka na owun orexëm ol.
- ¹¹Ata emun enjongetasën eñ ex de emacar end hi bax do şës ko eñ. Mëñ fo ex bëte emun enjongetasën, end kë şës din ir din eñ.
- ¹²Ofarix epëxw or wat këy' oñ ex bamatinali band bemun epëxw bend anëbi maş ex na pere owun beñ. Barikan, awun këni wun apëxëd amat gë emacar eñ.
- ¹³Bën erebat këni şaland: eno diyenin emacar eñ gë panga indebën iñ, do gë ojaŵ odebën ok.
- ¹⁴Aŵereli këno ŵereli anobo añ. Barikan anobo añ ebi kor gayik mëñ ex Axwën ar bëxwën an, do Emun end bemun eñ. Gë bër ŵac këbi, sana këbi do xwëta këno bën kënebi xor.
- ¹⁵Meleka in re ko bëte: «Amen and wat këy' gër ed yëpa ko asoxari aŷacaxik añ ex bamëxwër band bela bër lëgëk gër ebar bañ, ang fitarëra këni dek benëng beñ, do gë oyey'an orebën ak.
- ¹⁶Oparix epëxw or wat këy' ok do gë emacar eñ, aşus këno şus asoxari ajo. Axandëra këno xandëra napul ir şot ko in do axwëca këno xwëca exo bayi tëb gë eman eñ. Ayamb këno yamb do eni bëlën er këbi bayita in.
- ¹⁷Gayikwa Kaxanu yël këbi gër oŵëkw orebën eni di apënëta andexëm añ, eni ŋata apënëta amat, do eno yël owun orebën ol emacar eñ, xali ex ŋata bend re ko Kaxanu beñ.
- ¹⁸Asoxari ar wat këy'o ajo hik angol atëm and wunëk gër bemun bend gër ebar ro añ.»

Andodakel 18

End eyëcar ed angol and Babilon eñ

- ¹Ga xucak, wat këmo meleka işëxe ga fedaw ko elod gër orën. Panga indexëm iñ itëm ebax do enjaran endexëm eñ hōbak ebar el.
- ²Ata ko xeŷend: «Anëka yëcarëk, anëka yëcarëk Babilon in, angol atëm añ! Anëka hik edëg ed bëyël, gë emaŷi ed angoc añëñenax and ex yo, do gë emaŷi ed acël añëñenax and ex yo, gë emaŷi ed emacar eñëñenax, do gë ecusëşus end ex yo.
- ³Mondako kë hi gayikako dek benëng bend bela beñ aşëb şëb këni eñac etëm endexëm eñ ang ngoy' fo. Bemun bend gër ebar ro beñ ari bani rind gë mëñ eñac eñ do bëfandëran bër gër ebar bën aşotëraxën şotëraxën këno gë panga ind napul irexëm iñ.»
- ⁴Ata wël këme elod gër orën oniŵ oşëxe ga kë re: «Canin angol and Babilon añ, wën bër ex bulunda iram bën, këdi kën ŵendëra andamat gë Bëbabilon bën, do këdi këñun fënga wën bëte kiti indebën iñ.

- ⁵Gayikwa beñëñenax bend Bëbabilon beñ asañar sañarëk xali yañ gër orën, do Kaxanu axo kwëya ex na betëmbak beño.
- ⁶Maşayinëbi ang banun rind ak. Cosinëbi gë toro in, ang banëbi şosënd bën bête bela ak. Maşayinëbi bakëlëbëd baki bandixa bandebën bañ! Gë andëmba and banun rëmbënënd añ, dëmbëninëbi baki.
- ⁷Ang babi nëngandërand në end enjaran endebën ak, do në end napul irebën ak, torolexëni mondako fo. Ang wëli bax napul irebën ak, wëli ex mondako fo toro indebën in do gë edenitaran edebën el! Gayikako Bëbabilon bën are bani rend: “Ang emun etoxari fo yëpa këne, ane gi ex na asoxari asebëta sebëta, biyi din kata abo gi na.”
- ⁸Mëñ ex, akey amat fo këbi fënga betëm beño: ecës el, gë odenitaran ok, gë enjo eñ do enëbi ðap bëngënj gër angodux. Gayikwa Axwën Kaxanu ex ar gë panga itëm an, ar këbi xiti an.»
- ⁹Dek bemun bend gër ebar bend bax rind eñac gë angol and Babilon beñ, bemun bend babi nënganënd ñambëran ind gë mëñ beñ, ases këni yana eni tesënd, arenita këni yana eni denitand në end endexëm and këni yana eni watënd okwëcën ond amëra andexëm añ.
- ¹⁰Nacët ako këni yana eni kwëşarand në end ga këni yëdand amëra andexëm añ, do eni dend: «Oko etëm endako rako eño! Oko etëm endako rako eño, angol atëm añ! Oko Babilon, wëj angol apangak año! Apëxëd amat fo rik hataxënëguk kiti indey in!»
- ¹¹Bëfandëran bër gër ebar bën në etes exëni, në edenitara exëni në endexëm gayik ala ax bo ex na ga kë yëcënd opane odebën ok.
- ¹²Opane oko er ebax: kañe, kodî, oxañ oxëbëanaxik, oyëri, banjëm band xaf-xaf, banjëm bambarax, banjëm band gënd-gënd, banjëm band warëgey’an, bëmok bënd otëx od gë otëñer onëngax do orëxër or fës këni gë oÿënga or beñamb, do gë otëx okëbëanaxik. Opane oko er ebax bête: bebër sap këni gë yawale, gë odun do bebër fës këni do gë oxañ oyekax or yër-yër.
- ¹³Bête opane oko er ebax: ugu onëngax ond këni wacënd kanel, angiri, bebëlamb, bëşan bër këni wacënd mir, aşururu ir xwëşëna bani gë angiri, ngoy, ugu, pix, bële, bengaş, opey, opanac, ocaret, okadëp do gë bandepëra.
- ¹⁴«Bekëbëanaxik bend yandi baxi ey cot beñ anëka şana ki do hawëta ki caw. Dek bebër yek do xëbënëk bën awew wew ki, do din ay wat na.»
- ¹⁵Bëfandëran bër şotëraxën këño bën, nacët ako këni yana eni kwëşarand, ga yëda këni amëra and Babilon añ. Ases këni yana eni tesënd, arenita këni yana eni denitand

¹⁶do eni dend: «Oko etëm endako eņo! Oko etëm endako eņo! Babilon, angol apangak aņ, angol atëm aņ and bax ŝudand banjëm band xaf-xaf do gë bambarax aņ angol and bax ŷaņënarand gë kaņe, gë oxaŷ oyekax do gë oy'eri aņ!

¹⁷Apëxëd amat fo xucak, napul ir go in nemik!» Dek bëhëreli bër okuluņ bën, dek bër këbi wëlarand okuluņ bën, gë bër kë riyenind gë okuluņ bën, do gë dek bër kë riyenind gër angwëngw bën xwëšara këni nacët ako.

¹⁸Axeŷ bani xeŷënd ga wat këni okwëcën ond amëra oņ. Are bani rend: «Angol and fe wa hi bax ang angol atëm aņo?»

¹⁹Afanaya bani fanayand gë obar ok gër ogaf ga këni ses do ga këni renita mondako: «Oko etëm endako eņo! Oko etëm endako eņo! Angol atëm apangak and ŝotëraxën këno napul xali beta këni dek bër gë okuluņ od gër angwëngw bën, apëxëd amat fo xucak, ata hik ang ladawe fo!

²⁰Wën bër gër orën bën nëngandëraleņun gayik angol aņo anëka yëcarëk! Bëte wën bëwënëk bën, nëngandëraleņun gë oparëxanda ok, do gë bëlawënel bën gayik Kaxanu xitik angol aņo në end ga narëndëra këņun!»

²¹Ata meleka ifangak wëd ko angaŷ atibax and wëndër bax gë angaŷ and këni ĥoxixënënd ey'amb, do ga lap ko polo gër angwëngw, re ko: «Wëj angol atëm and Babilon aņo, akëlëbëd amat fo këni lap mondako, bëtëdin ala axi wat na.

²²Na gër ndey', bët din ala abi wël na bësëmb bër bëmangi, gë bëyul, gë bëfarix bër bəcëroti ba okereloņ. Na gër ndey', ari ar beŷ axo gi na, bëte din na gër ndey' ekëbër ed aņoxixën and ey'amb ax wëli na.

²³Na gër ndey', bëte din angoben and lambo ax wati na, ofëna or ekana ax gi na. Bëfandëran bërey' bën hi bax bër banëbi ŝëkwënd gër ed ex yo gër ebar ro do wëj bayëbi yifand dek benëng bend bela beņ gë obanji oreŷ iņ.

²⁴Ata dek beņo ki ĥatënëgu gayik ošat or bëlawënel bër Kaxanu oņ watik gër ndey', ošat or bëwënëk oņ, do gë ošat or dek bër lawëra kënebi gër ebar ro oņ.»

Andofakel 19

End eduan ed gër orën eņ

¹Ga xucak eņo, wël këmëni amëxwër atëm and bela ŷaņ gër orën ga këni xeŷ: «Aleluya! Apexa aņ, gë enjaran eņ do gë panga iņ, Kaxanu, Axwën arebi an xwënëk!

²Kiti indexëm iņ dal ex do ind ŝenene ex gayikako axiti xiti këbi Bëbabilon bëŷacaxik bër bax buyarënënd ebar gë eñac endebën bën. Awãša wãša këbi gayik bën law këbi bëriyenin bërexëm bën.»

³Ata xeŷ këni bëte akinëm: «Aleluya! Okwëcën ond amëra and Babilon oņ, din ir din kë ŝëni!»

⁴Bëxarëk alapem gë bënax bën do gë bebëbëngw bebënax bën foxi këni gër lëngw ir Kaxanu, mëņ ar ex gër aņëpara and owun do këni rend: «Amen! Aleluya!»

⁵Ata ga wëlik oniŵ gër añëpara and owun, kë rend: «Duwayino Kaxanu, mëŋ ar xwën këbo an, wën ðek bër gapak bën do gë bërëtoc bën, wën bëriyenin bërexëm bër këŋo fëbënd bën.»

⁶Ata wël këme ang epuli ed bela bëranjëm fo, ang oÿëm fo do ang oxëbër osëm or ekëman fo ga këni re: «Aleluya! Gayikwa Kaxanu Axwën, arebi an, mëŋ ar xorëk bëÿ ðek an anëka wun ko.

⁷Nëngandëralebo, patëlebo gër ecëkw edexëm, Gayikwa ñambëran ind ekana ir anobo ij ðatëguk, alindaŵ anëka ko ðatëgund.

⁸Ayël yël bano exo cudä banjëm band xaf-xaf, apeşax labëraw këno, bamënëk, band jing-jing.»

(Banjëm baŋo wäcayak or şenene or bëwënëk ol.)

⁹Meleka in fel ke: «Ñëgwël: “Nëngandëralebi bër wäc kënebi gër ñambëran ind ekana ed anobo bën!”» Re ko bëte: «Bend këme rend beŋo ex eyey'an ed ðal ed Kaxanu el.»

¹⁰Ata foxi këme gër osapar orexëm mo calexën. Bari mëŋ re ko: «Tebël ðe, ax gi ex na mondako! Wëno ariyenin fo hi këme ang hi kën wëj do gë bëmaÿe bëndey' bënd kë rey'arand end Yesu Kërisët bëŋ. Poxiyind ey'o cale Kaxanu gabat! Gayikwa osede or Yesu Kërisët ol ex er këni rey'arand bëlaŵënel bën.»

End fanac ifeşax eŋ

¹¹Ata wat këme fol orën ol do fanac ifeşax ga şanayaw ko. Ar ÿëpaxën baŋo an bano wäcënd «Ar mokwëta», do «Ar ðal», gayik mëŋ kë xitind do kë wërënd gë or şenene ol.

¹²Bangës bandexëm baŋ warëk ang xodux fo, do şëxwa ko oxamote or owun oranjëm. ÿëgw këni gër ndexëm oŵac or ala ax nang ex na, angëmëne ax gi ex na mëŋ gabat.

¹³Do şudä ko acud' and ÿëmb bani në oşat. Oŵac orexëm ol ex: «Eyey'an ed Kaxanu el.»

¹⁴Benga bënd ocoroða bënd gër orën beŋ, şudära këni banjëm band xaf-xaf, bamënëk, bapeşax, do këno sëfarand moñëpa y'aŋ në opanac opeşax.

¹⁵Gër etëÿ edexëm kë şanënd duxuma iñakax ir këbi saŵaxën benëŋ bënd bela beŋ. Gë or gapak osëm këbi xadac, do ebi bëñëra ang këni wëñënd reseŋ ak gër akaraxën andexëm. Ngoy' iŋo ex amatinali and oxoÿ osëm or Kaxanu, mëŋ ar xorëk bëÿ ðek aŋ.

¹⁶Gër acud' andexëm, do gër emef endexëm ÿëgw këni oŵac: «Emun end bemun», do «Axwën ar bëxwën.»

¹⁷Ata wat këmo meleka ga xwêša ko gër eñan. Ga këbi yeyaneli dek oşel or bax şögërand yañ gër orën ol, xeŷ ko: «Yowën, barërëgun gër ñambëran itëm ind Kaxanu!

¹⁸Yowën enëbi yañb bemun beñ, gë bemun bend ocoroda beñ, gë bër fangak bën, gë opanac ok do gë bër yëpaxën babi bën, gë okadëp ok gë bër ax gi ex na okadëp bën, gë bër gapak bën do gë bërëtoc bën.»

¹⁹Ata wat këmo emacar eñ, bemun bend gër ebar beñ do gë ocoroda odebën ok ga fedër këni enëbi merelixën ar yëpa bax yañ gër fanac ifeşax an, do gë ocoroda odexëm ok.

²⁰Sëra kënebi emacar eñ do gë alaŵënel anëgwëş ar bax rind becarax bend babi nambelind bër şot bax nanganëme ir emacar do bani foxind eni calend gër eñaŵ end edaş edexëm bën. Tak bëxi lap kënebi bëbëngw gër anjer and xodux, gër ed fëtëk mungu.

²¹Bër bayik bën laŵëra këbi duxuma ir bax şanënd gër etëy ed ar yëpa bax yañ gër fanac an. Do dek oşel ol wëndëra këni ga yañb këni beman bendebën beñ.

Andodakel 20

End bëniy wëli eñ

¹Ata wat këmo meleka ga ko fedaw gër orën ga lëkaya ko acoketaya and ambëxw atiŵax añ, do gë gwey/ele-gwey/ele isëm.

²Na sëra këno fato in, andën akarëk and këno ŵacënd şabucara, do Sindan añ. Fok këno gë gwey/ele-gwey/ele in xali ex kuca bëniy wëli.

³Yëkëtëx këno polo gër ambëxw atiŵax, sënd ko do şëban ko etëndët el, exo tebaxën enambeli ed benëng bend bela el xali ex tək bëniy wëli. Do and kë xuca bëniy wëli añ, eno tebët ipëxëd.

⁴Ata wat këme bañëpara band owun. Bër yëparaxën bax bën şot këni or gapak or enëbi kitixënënd bela ol. Wat këme bëte benjëw bend bër şësëk ga fodëtën kënebi ogaf odebën gë ecëngwa bën, në end ga bani reyarand osede or Yesu, do bani femërand eyeyan ed Kaxanu eñ. Bën ani poxi bana gër lëngw ir emacar, do gër lëngw ir edaş ed ŵatinali bano el. Bën ani ma bana enëbi din nanganëme irexëm in ax gi ex na gër eyiŷ, ax gi ex na gër ataxan. Bën xani bax gër ecës, bakaw këni gër aniyani eni munaxën andamat gë Yesu Kërisët xali bëniy wëli.

⁵Bëşësëk bëşëxe bën ani kanira bana gër ecës xali xucak bëniy wëli beñ. Ekani ed gër ecës eñanar el ex.

⁶Awa nëngandëraleño, do gilexo aŵënëk ar hik şëf gër bër xanik añanar gër ecës an. Ata bën ecës ekinëm el ojaŵ ax cot ex na gër ola orebën. Barikan ariyenin këno yana eno diyeninënd Kaxanu do gë Kërisët ang bëşadaxan fo do eni mun gë mëñ bëniy wëli.

⁷And kë xuca bëniy wëli aŋ, Sindan in asebet këno sebet exo canëgu gër epëra edexëm.

⁸Ašanëgu ko šanëgu ebi nambelixën benëng bend bela beŋ ang lëgëra këni gër owebët onax or ebar ak. Benëng beŋo exëni Gog do gë Magog. Bën kë barëregu gër emer do eni ñëmb ang efini ed gër angwëngw fo.

⁹Ata wat këmëni ga šan këni do beñëtar këni dek ebar el. Xul kënebi bëwënëk bën gër ed barër këni do gër angol and ex pëlot gër yomb ir Kaxanu aŋ. Barikan fedawëk na xodux elod gër orën do bëlën këbi.

¹⁰Şabucara in, mëŋ ar babi nambelind an, ŷad këno, do lap këno gër anjer and xodux, gër ed fëtëk mungu, gër ed lap kënebi emacar eŋ, do gë alaŵënel anëgwëš an. Mondako këni ŷana eni torond ciš wec polo na din ir din.

End kiti ifelatar eŋ

¹¹Ga xucak eŋo, wat këme añëpara and owun atëm apeşax do wat këmo bëte ar ŷëpak gër añëpara and owun aŋo an. Ebar el do gë orën ol şapërek xali bebët abi bayi bana.

¹²Aŋo wat këmëni bëşësëk bën, bëjo bër gapak, bëjo bërëtoc, ga xwëšara këni gër lëngw ir añëpara and owun. Ar ŷëpak gër añëpara and owun an ko labëtërand bakayëta, do gë akayëta acëxe, and aniyan aŋ. Xiti këbi bëşësëk bën, ang ŷëgw këni gër bakayëta baŋo ak, ang ebax bandixa bandebën ak.

¹³Angwëngw aŋ şëpëtëgu këbi bëşësëk bër hi bax polo bën. Ecës el do gë wur ir bëşësëk in necëtëgu kënebi bëşësëk bër lëkaya banëbi bën do ala kala xiti këno ang ebax bandixa bandexëm ak.

¹⁴Ata ar ŷëpak gër añëpara and owun an, lap ko ecës el do gë wur ir bëşësëk in, gër anjer and xodux. Anjer and xodux aŋo ex ecës ekinëm el.

¹⁵Lap këŋo bëte bëngënj gër anjer and xodux ar bayik yo oŵac orexëm ani ñëgw bana gër akayëta and aniyan.

Andodakel 21

End orën oxaşax do gë ebar ekaşax eŋ

¹Ata wat këme orën oxaşax do gë ebar ekaşax. Gayikwa orën oxarëk ol do gë ebar ekarëk el ayëcar yëcar bax, do angwëngw aŋ ax bo bana.

²Wat këme bëte angol amënëk aŋ ga kë şëlaw elod gër orën ga xaniwëk gër Kaxanu. Angol aŋo ex Yerusalem ixaşax in do ang endënaŵ end eñër end ŷañënarax exo ŋataxënd gër icën indexëm fo hi bax.

³Wël këme oniŵ or ar ŷëpak gër añëpara and owun ol ga ko xeŷ: «Edëg ed Kaxanu el anëka hik mërëxand ir bela! Kaxanu wa bar këni edëg el gë bela bën, bën eni gi bulunda irexëm do mëŋ exo gi Kaxanu irebën.

⁴Afëxwëc ko fëxwëc dek ongwën ond gër bangës bandebën oŋ, ecës ax bo na, otes ax bo na, edenitan ax bo na, ayambën ax bo na. Gayikwa bend aniyan añanar beŋ ax bo ex na.»

⁵Ata re ko ar jëpak gër añëpara and owun an: «Gërëgako beÿ bën dek këme nëngwët ex gi bebëxaşax.» Re ko bëte: «Awa ñëgwël beŋo gayik enimin bend mokwëta dëŋ ex.»

⁶Aŋo re ko: «Anëka hik mondako! Wëno ex aÿanar an, wëno ex afelatar an. Bëte wëno kë ÿanand, wëno fo kë hatand. Ar sel këŋo an, arëmbënegu këmo rëmbënegu gër añësa and men ond kë yëlënd aniyan, axo yëc na monjëc.

⁷Eŋo këmo yël ar kë xor an. Wëno Kaxanu këŋo xwën do mëŋ exo gi asëñiwën.

⁸Barikan bërëÿiyëk bën, gë bër gë oŋëpëgënan bën, gë bër watak becusëşus bën, gë bëlaŵ bër bela bën, gë bër watak eñac bën, gë bëbanj bën, gë bër xwëtak olaş bën do gë dek bënëgwëş bën, er fenan këmëni in ex anjer and xodux do gë mungu. Ejo ex ecës ekinëm el.»

End Yerusalem ixaşax eŋ

⁹Ata gër omeleka ocongoki od lëkaya bax bandëmba banjongëbaki band ÿëm bax gë beñigëanaxik benjongëbeki bepelatar beŋ, iŋat sëka ke exe pelëra. Ata re ko: «Yow mi masin endënaŵ end eñër eŋ, alindaŵ ar anobo an.»

¹⁰Meleka in wëla ke gë Angoc and Kaxanu aŋ bëte ÿaŋ në atënd acakax, do wësin ke angol amënëk aŋ, Yerusalem in, ga kë fedaw elod gër orën ga xaniwëk gër Kaxanu.

¹¹Enjaran end Kaxanu eŋ baŋo hōband, do kë watind ang ekaÿ ekebenaxik, ekaÿ ed këni wacënd şasëp, kal-kal ang anangoye fo.

¹²Ameŋ and xecexën bani angol aŋo aŋ, aÿang ÿang bax, bëte aşak şak bax. Owët epëxw gë oxi hi bax gër ameŋ aŋo do omeleka epëxw gë oki xwëşara bax gë ebët gë ebët. Do aÿëgw ÿëgw bani omac od bandëwëra epëxw gë baki band Bëyisërayel baŋ gër ofëra or owët oŋo.

¹³Er hi bax apën-eñan, owët osas, ambëng owët osas, ambëtëb owët osas, do acëla-eñan owët osas.

¹⁴Er bay bani ameŋ aŋo gë orëda epëxw gë oxi do në ekëlan kala ÿëgw bani oŵac obat or oparëxanda epëxw gë oki od anobo ok.

¹⁵Ar baxe felërand an, esëÿixën lëkaya baxo, oşët or kaŋe. Gë mëŋ baxo sëÿind angol aŋ, gë owët orexëm oŋ, do gë ameŋ and jey aŋ.

¹⁶Angol aŋ er hi bax gë owebët onax od gwër fo gwër fo do acakëşak in gwër fo bax bëte gë aňangëÿang in. Ata sëÿi ko angol aŋ gë oşët orexëm ol do sëk ko: në ometër owëli epëxw gë oki.

- ¹⁷Meleka in sēyi ko amēṅ aṅ, ata sēk ko nē ometēr ofēxw ocongebat gē oco, ang ebax osēyi or bela ak.
- ¹⁸Ameṅ aṅ bay' bani gē oxaṅ or šasēp, do angol aṅ hi bax kaṅe iṅwēnēk, kal-kal ang anangoye amēnēk fo.
- ¹⁹Edēda ed amēṅ and angol aṅo el hi bax gē bapax epēxw gē baki, do ṽaṅjēn bani gē oxaṅ oxēbēnaxik: apax aṅanar aṅ gē šasēp, akinēm aṅ gē safir, atasēn aṅ gē kalēsedēwan, anaxēn aṅ gē emērod,
- ²⁰anjoxēn aṅ gē onikēs, anjongamatēn aṅ gē sarēdēwan, anjongakinēm aṅ gē kērisolit, anjongatasēn aṅ gē beril, anjonganaxēn aṅ gē topas, andepēxwēn aṅ gē kērisopēras, andepēxw gē amatēn aṅ gē tirēkwas do andepēxw gē akinēm aṅ gē ametisēt.
- ²¹Ofēra epēxw gē oxi oṅ ebax becambas epēxw gē beki, epēra kala ecambas emat. Fēña isēm ir gēr angol in ebax kaṅe iṅwēnēk, kal-kal ang anangoye amēnēk fo.
- ²²Aciṅ and Kaxanu ame wat ex na gēr angol aṅo. Gayikwa aciṅ and Kaxanu aṅ hi kēni Axwēn Kaxanu, mēṅ ar xorēk beṅ dek an do gē anobo aṅ.
- ²³Angol aṅo eṅan kēm do facaw kēm ex gayik enjaran end Kaxanu eṅ kēṅo ḥoband do anobo aṅ ex lambo irexēm in.
- ²⁴Benēṅ bend bela beṅ aliya kēni ṽana eni dīyand gēr angoben andexēm, do bemun bend gēr ebar beṅ eno mēlanēgund enjaran endebēn eṅ.
- ²⁵Owēt or angol oṅ pērarēxe kē ṽana ex bayind. Ado dēṅ ala ax pēra na gayik gēmēd ax gi na.
- ²⁶Benēṅ bend bela beṅ aṅwēlanēgu kēno ṽana eno mēlanēgund enjaran endebēn eṅ, do gē owun orebēn ol.
- ²⁷Barikan, ebuyaraxik gebatak ax dīl na gēr angol aṅo. Ar watak becusēsūs, ba enēgwēs axo dīl na. Afo bēr ṽēgwēn kēnēbi omac odebēn gēr akayēta and anīyan and anobo bēn fo kē lil.

Andodakel 22

End arayen eṅ

- ¹Ata meleka in ṽasin ke yeb ir men ond kē yēlēnd anīyan in. Men oṅo omēnēk ebax kal-kal ang anangoye fo. Afes bax fesēnd elod gēr aṅēpara and owun or Kaxanu do gēr and anobo aṅ.
- ²Wat kēme mērexand ir fēña isēm ir angol aṅo do gēr obēṅa oki od yeb, atēx and gē odēwērēwēn od kē yēlēnd anīyan ok. Atēx aṅo, facaw ir ex yo kē rēwēnd, mēne ngēṅ epēxw gē baki gēr iniy. Opat odexēm ok kēbi fakēnēnd benēṅ bend bela beṅ.
- ³Eṅēṅenax ax bo na. Aṅēpara and owun or Kaxanu aṅ do gē and anobo aṅ kē hi mērexand gēr angol. Bēriyenin bērexēm bēn kēṅo ṽana eṅo calend.

⁴Awat këni ÿana eni watënd dëxas irexëm in, do oŵac orexëm ol exo ñëgw gër oyïÿ orebën.

⁵Ecamëđan ax bo na, do ala ax ñana na ex caland lambo, ala ax ñana na ex caland angoben and eñan gayik Axwën Kaxanu këbi ÿana ebi ñoband. Ata eni mun din ir din.

End omakaw ond Yesu eŋ

⁶Ata re ko meleka in: «Bend këmi felënd beŋo eyeyan ed dal, ed mokwëta ex. Axwën Kaxanu, mëŋ ar këbi yëlënd Angoc andexëm bëlaŵënel an, laŵënëgu këŋo meleka irexëm in ebi masindëra bëriyenin bërexëm bën bend kë ĥatëgu gogo beŋ.»

⁷Ga re ko Axwën an: «Gogo këme yeli. Nëngandëraleŋo ar kë sëfënd ang rek gër akayëta aŋo ro ak, akayëta and kë nangënënd gana-gana fo er kë yelind aŋ!»

⁸Wëno Ŝaŋ wëlëk do watëk beŋo. And wël këme do wat këme aŋ, foxi këme gër osapar mo cale meleka ir baxe ŵasinëndërand beŋo in.

⁹Barikan mëŋ re ko: «Tebël de, ax gi ex na mondako! Wëno ariyenin fo hi këme ang hi kën wëj do gë bëmaÿe bëndey bënd ex bëlaŵënel bën, do gë dek bër kë balëkënalind bend gër akayëta aŋo ro bën. Poxiyind eyo cale Kaxanu gabat!»

¹⁰Ata re ko: «Kërey con na bend ÿëgw këni gër akayëta aŋo ro beŋ. Akayëta aŋo kë nangënënd gana-gana fo er kë yowënd in, gayikwa dam ex ex ñatëgu.»

¹¹Ar sëmbak an, kemënalexo kaŝ-kaŝ gër osëmbak orexëm, ar buyarëk an, kemënalexo exo buyar kaŝ-kaŝ. Ar ŝenene an kemëlanelexo, nëmëc gër or ŝenene orexëm, do ar wënëk an kemënalexo exo men nëmëc!

¹²Gogo këme yeli do me mëlali acosa aŋ, ala kala mo cos er riyeni ko in.

¹³Wëno ex aŋanar an bëte wëno fo ex afelatar an. Wëno kë ÿanand bëte wëno fo kë ĥatand .

¹⁴Nëngandëralebi bër kë nebënd banjëm bandebën baŋ ebi ñapaxën eyamb ed atëx and kë yëlënd aniyen el do eni dïlaxën gër owët or gër angol!

¹⁵Barikan canëlexëni fac bër ex ang ođañët bën, gë bëbanj bën, gë bëÿacaxik bën, gë bëlaŵ bër bëla bën, gë bër xwëtak olaŝ bën, do gë bër ĥanëk do wër këbi enëgwëŝ bën!

¹⁶Wëno Yesu laŵënëli këŋo meleka iram in exo dey'a osede oram ol gër bamara. Wëno ex arandëwëra and Dafid an, wëno ex emal ed kë ĥoband oxeya el.

¹⁷Angoc and Kaxanu aŋ, do gë alindaŵ ar anobo an këni rend: «Yow!» Do ar wël këbi an delexo: «Yow!» Ar sel këŋo an, təkawëlexo. Ar ÿandi këŋo an, dëmbëlexo men ond kë yëlënd aniyen oŋ, men ond ayël fo oŋ.

Eŋata el

18Wëno Şaŋ, gë obal osëm këme reyand gër ar kë wël yo eyeyan ed bend bebër kë yowënd ecan ecan do yëgw këni gër akayëta aŋo beŋ: ar kë baş yey an, Kaxanu eno baş beŋigënaxik bend yëgw këni gër akayëta aŋo beŋ.

19Do ar kë başëta yey gër eyeyan ed gër akayëta aŋo an, Kaxanu abaşëta ko başëta bëte oşet orexëm or atëx and kë yëlënd anıyan ol, do gë oşet or angol amënek or yëgw këni gër akayëta aŋo ol.

20Ar ex sede ir bend đal beŋo an kë reyand: «Iyo, gogo këme yeli! Amen! Yow Axwën Yesu!»

21Awa Axwën Yesu yëlëleŋun wën đek oyekax orexëm ol!

Esclarecimento

Trata-se de iniciativa particular, com os seguintes objetivos: (i) colaborar para divulgação dos diversos textos bíblicos disponíveis, e, (ii) facilitar o acesso a esses textos, inclusive por meio de download.

Todo esforço em tornar a Palavra de Deus acessível a todos, em quaisquer localidades e falantes das mais diversas línguas, precisa ser um objetivo de todos os que são guiados pelo Espírito Santo. Ele inspirou o profeta Jeremias a dizer “não ensinará jamais cada um ao seu próximo, nem cada um ao seu irmão, dizendo: Conhece ao SENHOR, porque todos me conhecerão, desde o menor até ao maior deles, diz o SENHOR” (Jer. 31:34).

Jesus, também, falou assim: “e será pregado este evangelho do reino por todo o mundo, para testemunho a todas as nações” (Mat. 24:14).

Muitas organizações foram constituídas com o propósito de fazer a Bíblia disponível nas diversas línguas. Não é uma tarefa simples. Anos de trabalho, dedicação e entrega são necessários para esta tão extraordinária missão.

O texto deste trabalho está disponível na internet, em páginas eletrônicas de organizações que produzem ou divulgam bíblias, sem acréscimos de notas ou comentários. Assim, reconhecendo e respeitando os direitos que possuem sobre seus trabalhos, incumbe a todos os que amam a Palavra de Deus, o esforço em contribuir para amplificar sua divulgação.

Se possível, faça download do texto, para que sejamos, também, guardiões da Bíblia, e, com isso, preservando-a para as futuras gerações.

Divulga a Palavra de Deus, ela mostra o Caminho e permite a todos, que se conheça Sua vontade, em todos os lugares e épocas.

Marcel da Glória Pereira
2021, Vitória/ES - Brasil